



D

3

95

B 761

[Faint, illegible handwritten text, likely bleed-through from the reverse side of the page.]

ECCLESIASTIC.

Augustinus Matthaeucci hujus libri auctor,
Lucensis, franciscanus observantiae, Theologiae
Lector, in Romano Curiae Secretarius, ^{officiarius C. Consultor} 1^a editione
anno 1709 dedit, 2^m vero hanc an. 1717. re
fallor, apud practicum commendandum est, et si
mihi vibratur potius doctrinam de variis disciplin
articulis, quam normam judicalem tradere.
Imo doctrina non omnino completa mihi apparet.
Alia edidit de Dogmatibus contra Haereticos, de foro sacramen
tali, de Beatificatione et Canonisatione, de quietismo,
praesertim Officium Curiae Regularis. Roma 1702. 2^o Tom. in 1^o vol. in 4^o
in quo ^{in quo} vindicatur usura regularia.
^{hac editio multis repleta castigat.}

OFFICIALIS
CURIAE
ECCLESIASTICÆ.



OFFICIALIS

CURIE

ECCLÉSIASTICÆ



OFFICIALIS CURIÆ ECCLESIASTICÆ

Ad Praxim pro Foro Ecclesiastico, tum Sæculari, tum Regulari, utiliter aptatus, ac Summorum Pontificum Litteris, Oecumenicorum Conciliorum Decretis, Sacrorum Canonum Statutis, necnon recentioribus Sacrarum Congregationum Rescriptis opportunè instructus.

AUCTORE R. P. F.

AUGUSTINO MATTHÆUCCI

Lucensi, Ordinis Minorum Regularis Observantiæ Sancti Francisci, Sacræ Theologiæ Lectore Jubilato, ac in Romana Curia olim Secretario.

OPUS PRÆLATIS, REGULARIUM

Superioribus, Parochis, Confessariis, cunctisque Ecclesiasticis; necnon Theologis, Dogmatistis, Canonistis, Iudicantibus, Causarumque Patronis, maximè utile, ac necessarium.



VENETIIS, MDCCXVII.

E Typographia Balleonii.

SUPERIORUM PERMISSU, AC PRIVILEGIIS.



BENEVOLO, ET AMICO LECTORI.



Rodit iterum, Amice Lector, *Officialis Curiae* non restricta Regularis nomenclatura, sed ampla sub *Curiae Ecclesiasticae* praetexta; ad praxim pro utroque foro pluribus auctus, ut tuis votis respondeat: eadem ferè repetit, & majora tibi recenset: singula verò in ampliorem formam redacta, ut uberem rerum Ecclesiasticarum peritiam lecturo magis propinet. Ex authenticis Codicibus, probatisque Auctoribus ea fideliter collegi, digessi: & hinc publici juris facio. Non me praeterit majora desiderari; at nec, aliis etiam adjectis, singula retulissim; propterea doctos aliorum labores non te tædeat percurrere; quoniam *exercitium lectionis, scientiae reperit Margaritam*, ut loquitur *rex. in cap. Post translationem de renunciat*. Neque inde haec meas repetitas vigilias supervacuas dixeris, sed opportunè paratas. Nam juxta vulgatam paræmiam, *liber librum aperit*. Ideo te eas lectitasse non poenitebit, & in eas sententiam benigniorem prolaturum expecto, ac mentis ingenuæ sensum, & assumpti operis finem ex Augustino plenè percepturum, eodem dicente *lib. 1. de Trinitate, cap. 3. ibi: Neque enim omnia, quæ ab omnibus conscribuntur, in omnium manus veniunt; & fieri potest, ut nonnulli, qui hæc nostra etiam intelligere valent, illos planiores non inveniant libros, in istos saltem incidant. Ideoque utile est, plures à pluribus fieri diverso stylo, non diversa fide, etiam de quæstionibus eisdem, ut ad plurimos res ipsa perveniat, ad alios autem sic*. Ubi hæc recogitaveris, non dubito, quin æqui, bonique sis consulturus, susceptasque in tui utilitatem curas, & studium animo plaudente excepturus. Vale: sed te interea monitum volo, quòd ipsa testimonia Augustini, quæ tibi in præsentī occurrent Opella, ex novæ editionis Codice per PP. Congregationis S. Mauri digesto fuerunt huc reportata.

FACULTAS ORDINIS.

FR. COELESTINUS A MEDIOLANO

Ordinis Minorum Regularis Observantiæ S. P. N. Francisci, Lector Jubilatus, in hac Cismontana Familia ejusdem Ordinis, etiam Discalceatorum, V-Commissarius Generalis, Reformatorum Discretus perpetuus, & servus.

Cum Librum, cui titulus est: *Officialis Curie ad praxim pro Ecclesiasticis, tum Sæcularibus, tum Regularibus &c.* Rev. P. F. Augustino Lucense hujus nostræ Provinciæ Observantis Romanæ Lectore Jubilato, & ex Custode elaboratum, duo ejusdem Ordinis nostri Theologi de mandato nostro reviderint, Nobisque scripto retulerint, prælo dignum esse, utpotè nihil Catholicæ Fidei, morumque sanctitati repugnantem, imò sanam doctrinam redolentem; ideo, ut imprimi possit, si iis, ad quos spectat, ita videbitur, quantum nostra interest, concedimus, & indulgemus. In quorum fidem præsentem propria manu subscriptas, ac sigillo majori munitas dedimus: Romæ ex Araceli die 15. Septembris 1708.

Fr. Coelestinus à Mediolano,
V-Commissarius Generalis.

Loco ✠ Sigilli.

De mandato Sux Reverendissimæ Paternitatis
Fr. Franciscus Cajetanus de Verona,
Secretarius Generalis.

NOI RIFORMATORI

Dello Studio di Padova.

HAveno veduto per attestato del Segretario nostro, nel libro intitolato: *Officialis Curie Ecclesiasticæ ad Praxim &c.* P. Fr. Augustini Matthæucci Lucensis, stampato in Roma nell' anno 1709. niente esservi contro Principi, e buoni costumi, concedemo licenza, che possi esser stampato, osservando gl' ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. 27. Maggio 1710.

} Carlo Ruzini Kav. Proc. Riform.

} Alvise Pisani Kav. Riform.

Agostino Gadaldini Segr.

L. N.

I N D E X T I T U L O R U M.

Cap. I. Officialis quoad Abbatissæ electionem. pag.	1.	Cap. XIX. Officialis quoad Exemptio- nem ab Jurisdictione Ordinarii. p.	130.
Cap. II. Officialis quoad Absolutionem à casibus reservatis. pag.	5.	Cap. XX. Officialis quoad Exequias. pag.	139.
Cap. III. Officialis quoad Allocutionem cum Monialibus. pag.	8.	Cap. XXI. Officialis quoad Festos dies. pag.	146.
Cap. IV. Officialis quoad Altaria privile- giata. pag.	13.	Cap. XXII. Officialis quoad Fori Eccle- siastici privilegium. pag.	151.
Cap. V. Officialis quoad Apostatas. p.	15.	Cap. XXIII. Officialis quoad Habitum Regularem. pag.	160.
§. I. Unicus. Appellatio. pag.	20.	Cap. XXIV. Officialis quoad Immunita- tem Ecclesiarum, & Monasteriorum. pag.	163.
Cap. VI. Officialis quoad Approbatio- nem ab Ordinario ad sæcularium Con- fessiones. pag.	24.	Cap. XXV. Officialis quoad Incorrigibi- les expellendos. pag.	170.
Cap. VII. Officialis quoad Benedictio- nem. pag.	29.	Cap. XXVI. Officialis quoad Indulgen- tias. pag.	177.
Cap. VIII. Officialis quoad Bona Eccle- siasticorum, & Monasteriorum. p.	37.	Cap. XXVII. Officialis quoad Interdi- ctum. pag.	188.
Cap. IX. Officialis quoad Capellas. pag.	45.	Cap. XXVIII. Officialis quoad Jus patro- natus. pag.	192.
Cap. X. Officialis quoad Celebrationem Missarum. pag.	48.	Cap. XXIX. Officialis quoad Jus Rega- liæ. pag.	205.
§. I. Constitutio Innoc. XII. super cele- bratione Missarum. pag.	51.	§. I. Suprema Romani Pontificis potestas in temporalia Principum. pag.	211.
§. II. Dubia concernentia celebrationem Missarum. pag.	61.	§. II. Primatus Romani Pontificis supra jus positivum Ecclesiasticum. p.	212.
§. III. Oratoria. pag.	72.	§. III. Primatus Romani Pontificis supra Concilium generale. pag.	218.
Cap. XI. Officialis quoad Clausuram Monialium. pag.	76.	§. IV. Romani Pontificis infallibilitas, et- iam extra Concilium. pag.	220.
Cap. XII. Officialis quoad Conciones, pag.	82.	Cap. XXX. Officialis quoad Legata fa- cta Fratribus Minoribus de Observan- tia. pag.	225.
Cap. XIII. Officialis quoad Confessarios Monialium. pag.	86.	Cap. XXXI. Officialis quoad Litteras Apostolicas. pag.	241.
Cap. XIV. Officialis quoad Confraterni- tates. pag.	88.	Cap. XXXII. Officialis quoad Moniales. pag.	250.
Cap. XV. Officialis quoad Conservatores. pag.	92.	Cap. XXXIII. Officialis quoad Negotia- tionem per Ecclesiasticos. pag.	257.
Cap. XVI. Officialis quoad Conventus. pag.	98.	Cap. XXXIV. Officialis quoad Novi- tios. pag.	264.
Cap. XVII. Officialis quoad Declaratio- nem Regulæ S. Francisci. pag.	106.		
Cap. XVIII. Officialis quoad Electionem Prælatorum. pag.	117.		Cap.

Cap. XXXV. Officialis quoad Ordines, pag.	272.	Cap. XLVII. Officialis quoad Sanctorum Canonizationem. pag.	359.
§. Unicus. Irregularitas. p.	281.	Cap. XLVIII. Officialis quoad Sepulturas. pag.	369.
Cap. XXXVI. Officialis quoad Parochos. pag.	287.	Cap. XLIX. Officialis quoad Simoniam in Beneficiis. pag.	379.
Cap. XXXVII. Officialis quoad Præcedentiam. pag.	297.	Cap. L. Officialis quoad Simoniam in Electionibus. pag.	391.
Cap. XXXVIII. Officialis quoad Prælatum Regularem. pag.	303.	Cap. LI. Officialis quoad Syndicos Apostolicos. pag.	400.
Cap. XXXIX. Officialis quoad Privilegium Canonis. pag.	316.	Cap. LII. Officialis quoad Tertiarios. pag.	403.
Cap. XL. Officialis quoad Processiones. pag.	324.	Cap. LIII. Officialis quoad Testamenta. pag.	407.
Cap. XLI. Officialis quoad Professionem. pag.	327.	§. Unicus. Codicillus. pag.	418.
Cap. XLII. Officialis quoad Quartam funeralium. pag.	336.	Cap. LIV. Officialis quoad Tribunal Regulare. pag.	418.
Cap. XLIII. Officialis quoad Quæstas. pag.	339.	Cap. LV. Officialis quoad Visitationem per Prælatos. pag.	435.
Cap. XLIV. Officialis quoad Redditus Ecclesiasticos. pag.	341.	§. I. Visitatio Ecclesiæ Parochialis. pag.	437.
Cap. XLV. Officialis quoad Res Ecclesiarum, & Monasteriorum non alienandas. pag.	349.	§. II. Visitatio Regularium. pag.	440.
Cap. XLVI. Officialis quoad Sacramentorum administrationem. pag.	356.	§. III. Visitatio Monialium. pag.	444.
		Cap. ultimus. Officialis quoad Visitationem Ordinarii respectu Regularium. pag.	445.

AD LECTOREM.

Quibus rationibus, quibusque partium studiis hujus Operis auctor ducatur, ubicumque de Fori competentia Ecclesiastici cum seculari; seu de Ecclesiastica Immunitate, & illuc spectantibus scribit, non fuit opus te admonere. Candide Lector. Facillimè etenim id ex lectura animadvertes, & ni fallor tam scribentis genium, & statum, quam temporum necessitatem, seu mavis corruptelam agnosces. Caterùm ne imprimendi operis permisso, quæ continentur approbari, aut ad Fori praxim, aut quocumque alio modo existimares, præmittendum fuit eò impressorum duntaxat rationibus, & mercaturæ id datum fuisse, ac si id ageretur non deesse celeberrimos Doctores, solidasque doctrinas, quibus Principibus, & Magistratibus, contra novarum opinionum sectatores, sua jura probè consent.



OFFICIALIS

CURIÆ ECCLESIASTICÆ.

CAPUT I.

Officialis quoad Abbatisse Electionem.

SUMMARIUM.

- 1 *Præscripta, à Conc. Tridentino servanda in electionibus Abbatisarum.*
- 2 *Electioes per secreta suffragia sunt faciende.*
- 3 *Error, & ignorantia non excusat.*
- 4 *Ætas necessaria in eligendis.*
- 5 *Quo loco electiones sint faciende?*
- 6 *Abbatisatus triennium non excedit.*
- 7 *Superior non suffragatur in electione Abbatisse.*
- 8 *Agitur de interestentia Ordinarii in electione Abbatisarum exemptarum.*
- 9 *Vota recipiuntur à Superiore Regulari.*
- 10 *Non adnotantur ab Episcopo, neque à Vicario, aut Cancellario.*
- 11 *Abbatisse exemptæ non confirmantur ab Ordinario.*
- 12 *Quenam Moniales sint ineligibiles?*
- 13 *An Converse suffragium habeant in electionibus.*
- 14 *Quenam Moniales in electionibus Abbatisarum Ordinis S. Clare vocem activam habeant?*

IN Abbatisarum electione, sicut & cæterorum Superiorum, ea in praxi sunt observanda, quæ *Tridentin. sess. 25. c. 6. de Regul. expressè*, ut infra, disponit: *In electione Official. Cur. Eccl.*

etione Superiorum quorumcumque &c. & Abbatisarum ac aliarum Præpositarum, quæ omnia rectè, & sine ulla fraude fiant in primis Sancta Synodus distictè præcipit, omnes supradictos eligi debere per vota secreta, ita ut singulorum eligentium nomina nunquam publicentur. Et infra: Si verò contra huius Decreti constitutionem aliquis electus fuerit, electio irrita sit. Ex quibus liquet, Concilium ea statuere, quæ ad id conducunt, ut electiones sint liberæ. Quippè liberiùs quisque profert, quod in conscientia sentit, si de secreto non dubitet: & faciliùs vitantur incommoda, quæ è publicatione possent in Monasteriis, propter necessitatem simul vivendi, oriri, ex observatis ab Engel. Colleg. universi juris Can. lib. 1. tit. de Electione num. 35.

2 Nec secreto Electionis officit assumere duos probatos, prudentesque viros, qui eligentium suffragia audiant, & notent. Quia id non facit, quin electio sit ipsis Monialibus secreta, prout notat etiam *Pellixarius de Monialibus cap. 10. sess. 2. sub sect. 1. quest. 10. n. 99.* & sunt necessariò adhibendi tanquam Scrutatores, ut de electionis validitate sint testes, & sine fraude, ac dolo contingisse sciant.

Quare five tota Monialium scripto, si ve oretenùs Superiori dentur, nullo modo debent ipsarum nomina publicari. Adeo ut, si Scrutatores publicando scrutinium, simul publicent nomina eligentium, vel, si nomina describantur in decreto electionis, electio est nulla, quia non secreta, ut tradit *Passerinus de elect. c. 17. quaest. 13. nu. 11.*

A

& de:

& declaravit Sacra Congr. Episcop. in Melphiten. electionis Abbatisse 3. Augusti 1696. Monacel. for. p. 1. for. 22. tit. 11. n. 14. Atque ita Scrutatores vota, non nomina Monialium debent notare. Ubi verò electio fit per schedulas, sunt istæ comburendæ ante publicationem decreti electionis coram ipso Præsidente, juxta *const. Et communis cura Sixti V. Bullar. Roder.*

Officeret electioni, si una ex suffragantibus voce intelligibili, & alta suffragium redderet Præsidi sic, ut, quæ magis essent propinquæ, cui esset datum, audirent; etenim in casu secreta nec diceretur, nec esset; sed nulla. Quod, attento Decreto irritanti ibidem appposito, dubium non est, cum clausula *Decreti irritantis* ipso jure actum contra ipsius tenorem gestum annullat, ex Glossa in Clementina, *Cum ei de Concess. præbend. verbo præsupponendum*. Et firmant Doctores apud *Sperell. decis. 161. num. 11.* addentes, nec vigore consuetudinis sustineri electionem aliter factam; quia, ut ipse notavit, decretum irritans omnem tollit consuetudinem in contrarium, etiam futuram; eoque sustinet formam substantialem induci.

Hinc notandum, quod licet ex omissione eorum, quæ sunt de solemnitate non substantiali, electio ipso jure non irritetur sed annullanda reddatur: oppositum sequitur in eorum defectu, quæ sunt de ipsius substantia.

Nec favet electioni, quod Monialis ex errore, & Iuris ignorantia (quæ per DD. tam in muliere, quam in minori præsupponitur) votum reddiderit, quia ex c. *quodam de præbend. in 6.* & ibi Glossa, & c. *quia Cunctis de concess. præb. item in 6.* decretum irritans, etiam ignorantes ligat quoad nullitatem actus, non quod pœnam, *Gonzalez in primum tit. 2. cap. 2. num. 12. de constit.* nam ignorantia eorum, quæ sunt de substantia, actum non legitimat. Et patet ex clausula, quæ sæpè in Pontificiis constitutionibus apponitur, ut sequitur: *Irritum, & inane, si secus super his à quocumque auctoritate scienter, vel ignoranter contigerit attentari*. Et in terminis decrevit Sacra Congregatio Concilii apud *Sperell. loc. cit. num. 34.* ut infra: *Electio Abbatisse facta per vota non secreta per ignorantiam hujus Decreti, (nempe cap. 6. sess. 25. de Regul.) non valet, nec Episcopus*

potest dispensare, ut valeat: Sanctissimus tamen dispensat, consideratis circumstantiis.

4 Eligendarum qualitates, & ætas habentur ejusdem sess. c. 7. ibi: *Abbatissa, & Priorissa, & quocumque alio nomine Præfecta, vel Præposita appelletur, eligatur non minor annis quadraginta, & quæ octo annis post professionem laudabiliter vixerit.*

Annus quadagesimus debet esse completus, ut firmat S. C. C. in una Neapolitana sub die 24. Septemb. 1678. lib. 10. *Decretor.*

Si verò non sit in Monasterio quadagenaria: Ex viis, subdit Concil. *que in eodem Monasterio annum trigessimum excesserint, & quinque saltem annis post professionem rectè vixerint, Episcopo, vel alio Superiore consentiente, eligatur.* Quod si nec etiam huius ætatis reperiretur, postulanda esset à Sede Apostolica.

5 In loco patenti electio fiat, ex eodem c. ibi: *Is verò, qui electioni præest, Episcopus, sive alius Superior, Clausuram Monasterii non ingreditur, sed ante Cancellorum fenestellam Vota singularum audiat, vel accipiat.* Per disjunctivam *Audiat, vel Accipiat*, datur libertas, ut electio fiat, vel per schedulas quæ continentur in verbo *Accipiat*, vel oratenus, quod continetur in verbo *Audiat*.

In reliquis, ut caput concludit, *serventur singulorum Ordinum, vel Monasteriorum Constitutiones.*

6 Abbatisse triennium Præfecturæ non debent excedere, ad tenorem Constit. Gregorii XIII. la 80. Bullar. tom. 2. incip. *Exposcit debitum*, ibi: *Abbatissa aut alia præfecta non amplius perpetua, seu ad vitam, sed triennales tantum, à Conventu cuiuscumque Monasterii juxta decreta Sac. Concil. Trident. & Regularum suorum Ordinum instituta, eligantur, & præficiantur; quæ postmodum, elapso triennio, suis Officiis persuntæ præesse desinant, omnique prorsus persuntæ auctoritate, & à regimine, & administratione Monasterii per triennium à die finita administrationis inchoandum, abstineant; quo elapso, servata eadem forma Concil. Trident. iterum, & pluries eligi possint.*

Quod inviolabiliter, & perpetuò in futurum observari præcepit, & iterum statuit Sixtus V. allegata Const. *Et communis cura*, quoad eas curæ Fratrum Minorum de Observ. commissas, ut sequitur: *Abbatissæ, vel alia Præfectæ quorumcumque Monasteriorum Monialium ipsorum Fratrum cura*
com-

commiſſarum, ad ſummum triennales ſint, & ſuis officiis, elapſo triennio, perſunctæ &c. Sed ſaltem per integrum triennium, à die finiti ſui officii adminiſtrationis numerandum, nullum Abbatiſſatus, ſeu præſecturæ Monaſteriorum, aut aliud officium, neque aliquam poteſtatem, vel auctoritatem in eis obtinere, vel exercere poſſint, aut debeant.

Ubi verò Abbatiſſa ex gratia S. Congregationis eligitur pro ſecundo triennio, non poteſt iterùm à Monialibus eligi ad tertium triennium ſine nova diſpenſatione, qua pro eo habilitetur. Quoniam gratia utique concedit, quod de jure haberi non poteſt, at non alterat naturam rei conceſſæ. Proinde, cum Abbatiſſatus de jure petat, expleto triennio, vacationem ab officio; dum conceditur pro tempore determinato, conceſſio eſt in terminis limitatis abſque alteratione, & extensione ad aliud tempus, prout Sac. Congreg. deputata ab Innocentio XII. pro cauſis Congregationis Caſſinenſium 26. Febr. 1692. reſpondit ad quintum: contra Pelizar. de Monial. cap. 7. num. 47. Monacell. ibid. num. 12.

Unde, completo triennio, ſi caſus occurrat, ut non eligatur nova Abbatiſſa, non poteſt illa, quæ tempus implevit, continuare in regimine, titulo Præſidentis, vel alio; ſed gubernium dandum eſt ſeniori Moniali, ut cenſuit Sac. Congreg. Episcop. in Mazarien. 18. Martii 1700. apud Monacell. cit. n. 11. Proinde cautè legendus Miranda de Monial. q. 7. art. 9. conc. 2.

7 Sic Monialibus in huiusmodi electionibus competit ſuffragari, ut ipſarum Superiores ad id jus non habeant, ex Sac. Congr. Conc. 23. Maji 1621. Lant. verbo Abbatiſſ. num. 4. ut infra, S. C. cenſuit nunquam licere Monialium Superioribus, aut Scrutatoribus dare votum in electione Abbatiſſæ; atque electionem in vim huiusmodi voti celebratam vires aliquas non obtinere.

8 Cum Prælato Regulari poteſt electioni Abbatiſſæ Monaſterii exempti intereſſe Ordinarius, *per ſe, vel per alium, non alios*, juxta diſpoſitionem celebriſ Conſtit. Gregorii XV. Inſcrutabili 18. Bull. tom. 3. ibi: *Ac ſimiliter poſſit Episcop. unà cum Superioribus Regularibus quarumcumque Abbatiſſarum, Prioriſſarum, Præſectarum, vel Præpoſitarum eorundem Monaſteriorum, quocumque nomine appellentur, electionibus per ſe, vel per alium intereſſe; & præſide-*

re. Ideo eſt ordinario dies electionis ſignificandus; ipſeque expectandus, ſi ipſe expreſſe declaraverit, vel per ſe, aut per alium velle intereſſe; adeò ut poſſit in Regulares animadvertere, ſi ante tempus ſignificatum ad electionem procedant, ex S. C. C. ad dubia ſuper alleg. Conſt. eidem propoſita, ut in Bullario loco citato. Et, eo nolente accedere, facta ſuſtinetur ut valida; Pignatell. tom. 8. Conſul. 120. Paſqual. ad Laur. de Franchis part. 1. ſub num. 33. cum quo, vel Vicario, non aſſiſtit Notarius Episcopalis, prout in terminis firmavit Sac. Congreg. Conſ. ſub 4. Maji 1675. lib. 19. decret. pag. 65. à tergo, in una Neapolitana; quæ ab Archiepſcopo Neapolitano interrogata.

I. An Electionibus Abbatiſſarum unà cum Vicario Generali intereſſe poſſit etiam Notarius Archiepiscopalis?

II. An dicta electio facta abſque intereſſentia Vicarii, & Notarii, ſit contra Conſt. præſatam; an propterea nulla? Ad utrumque reſpondit negativè. Secundum dubium fuit propoſitum ad videndum, an ſubſiſteret electio Abbatiſſæ facta à Superiori Regulari, qui noluit Notarium admittere, & ad electionem proceſſit, non obſtante, quòd propterea Vicarius Generalis proteſtationem præmiſerit de nullitate.

Et hinc inferas, quòd ſicut non conceditur, quòd cum Vicario electioni interſit Notarius; ſic videtur, quòd nec jus aſſiſtat, neque ſit in poteſtate Ordinarii aſſumere alios, qui cum ipſo interſint electionibus Abbatiſſarum Monaſteriorum Regularibus ſubjectorum. Quòd videtur eſſe ad tenorem allegatæ Conſt. quæ pluralitatem excludit, & in numero ſingulari diſpoſitionem concipit, *per ſe, vel per alium*; & per alternativam, vel, non per copulativam, &c. Verùm, ſi conſuetudine alicubi ſit aliud inductum, religioſè ſervetur.

Conſtitutio Greg. per illud præſidere plus Episcop. conſert, quàm ut præſtet ſolam præſentiam, hoc enim ei conceditur per verbum *intereſſe*; quòd fuit etiam obſervatum à Sanctior. Comments. cap. 11. ſtat. 7. ver. Dubitatur quarto; ſed dat ei, ut aſſiſtat tanquam Superior dirigens electionem, ut canonicè fiat, & ſine fraudibus, & violentia contingat.

9 Verùm inde non habet, ut poſſit exquirere, aut vota Monialium recipere, ſed

exquirenda, & recipienda esse à Superiore Regulari privativè quo ad Episcopum, eodem tamen sciente, & audiente, firmat S. C. C. 10. Septemb. 1650. apud eundem Lant. n. 2. ut sequitur; *S. C. C. censuit Episcopum in Electione Abbatissæ Monasterii Monialium Regularibus subiectarum, non posse exquirere seu recipere vota Monialium, sed illa exquiri, & accipi debere à Superiore Regulari, sciente tamen, & audiente eodem Episcopo.*

Nec potest eas ante actum electionis personaliter audire, & interrogare in materia ad electionem spectante, prout ipsa S. Cong. sub die 4. Octobris 1638. rescripsit Episcopo Anconitano, ut infra: *Lasacoltà del Vescovo nell' eleggersi un' Abbadessa, ò Priorella non passapin oltre, che l' intervenire ad assistere all' elezione, ò per se stesso, o per interposta persona, come si raccoglie dalla Bolla di Gregorio XV. Perche dunque il Provinciale de' Minori Osservanti di cotesa Provincia della Marca, hà rappresentato, che V. S. habbia pretensione di sentire, & ascoltare personalmente, in materia elettiva, le Monache d' uno di cotesi Monasterii, soggetto al suo Ordine, avanti l' atto dell' elezione, che devon fare dell' Abbadessa, hanno voluto questi E. E. miei Signori, che io scrivo à V. S. che ella in quest' affare si regoli con la disposizione, e tenore della medema Bolla. Saranno hora le sue parti di non partirsi dalla formalità di quella. Lant. ibidem n. 3.*

10 Neque idem potest adnotare vota juxta Sac. Cong. Ep. & Reg. declarationem tenoris, qui sequitur; *Sac. Congr. & c. inherendo declarationi aliàs die 18. Martii facta, iterum censuit, & declaravit, in electionibus Abbatissarum in Monasteriis Regularibus subiectis, adnotationem suffragiorum non pertinere, neque ad Episcopum, neque ad ejus Vicarium, prout neque ad Cancellarium 19. Junii 1671.*

11 Nec minùs habet jus electas Abbatissas confirmandi, ex S. C. C. ubi in Bullario ad dubium 5. eidem, occasione Bullæ Greg. propositum, quo quærebatur, *An per eandem Constitutionem in illis verbis, Possit Episcopus una cum Superioribus Regularibus quarumcumque Abbatissarum & c. electionibus per se, vel per alium interesse, ac presidere, jus Abbatissas confirmandi Episcopis attributum censeatur?* Respondit, *jus confirmandi Abbatissas minime fuisse Episcopis per Constitutionem attributum. Sed, ut cum*

aliis notat Layman. *Q. Q. Can. cap. ultimo q. 234. confirmanda est à Superiore Regulari, utpotè Prælato immediato. Et ex eo potest inferri, ad eundem Ordinarium non spectare electionem publicare; verum est servanda consuetudo.*

Quod spectat ad confirmationem exemptarum Abbatissarum, quæ quolibet anno à Superiore Regulari, vel ejus Delegato fiunt, quoad interessentiam Ordinarii, debet servari solitum, ut disponit S. C. Episcop. respondens precibus ei datis à Provinciali Provinciæ Obser. Brixianæ, exponente: *Che Mon-Sig. Vescovo di Crema pretende contro la Cost. di Greg. XV. che li concede solo d' intervenire all' elezione della Badessa, che vive sotto la cura dell' Oratore, di voler anche intervenire alle conferme, che la Religione suol fare; e che se bene il medemo Prelato da quarant' anni in quà si è uniformato à quello, che si pratica in tutte l' altre Diocesi, ad ogni modo presentemente si è così fissato in questa pretensione, che non essendo stato chiamato per la suddetta conferma, non vuol, che sia riconosciuta la Badessa di quel Monastero; supplica per tanto l' Oratore l' E. E. XV. d' ordinare al medesimo Vescovo, che havendo ragioni d' assistere alla conferma, le produca à cotesa S. Congr. & c.*

S. C. audito Episcopo Cremonensi, referente Em. Gnalterio, censuit circa hujusmodi Abbatissarum confirmationes secundum ea, quæ proponuntur, esse observandum solitum, prout presentis Decreti tenore observari mandat. *Rome 15. Maji 1671.*

12 Est in Abbatissam ineligibilis illegitima; ejusque electio, si absque Apostolico indulto contingat, nulla à S. C. C. declaratur in una Nullius 27. Aprilis 1630. lib. 4. Dec. fol. 278. *Circumscriptis Privilegiis Apostolicis, si quæ fuerint Religioni concessa, censuit electionem Monialis illegitimæ in Abbatissam absque dispensatione Apostolica esse irritam.* Item tertia foror germana, Sac. Congr. prout infra c. 32. n. 3. & publicè pœnitentiata, S. Cong. 3. Octobris 1636. *Flosc. Nicol. verb. Abbatissa n. 8. nisi pœnitentia fuerit salutatis.* Ubi n. 6. ex S. Cong. 26. Aprilis 1652. refert, observandum esse statutum, si alicubi haberetur, quod foror non possit succedere forori in Officio Abbatissatus. Et vidua, praterquam inter Convertitas, Sac. Cong. 28. Februarii 1614. *idem verb. vidua n. 6.*

13 Quoad suffragia per Conversas ferenda servetur consuetudo ex S. C. Nicol. F. v. conversus n. 20. & S. C. Episc. in Merden. 4. Decemb. 1699.

14 In Ordine Minor de Observ. votum in huiusmodi electionibus non habent quæ duos annos à professione emissæ non exceſſerint, prout eorundem stat. c. 11. §. 9. n. 6. Quod prius expresse quoad Moniales ejusdem Ordinis regimini subiectas, sive primi, sive secundi, sive tertii, aut alterius Ordinis S. Claræ, & S. Francisci decreverat Eugenius IV. Constit. Ordinis tui la 28. Bull. tom. 1. ut infra: *Et ut supradictæ Moniales, ac Sorores melius gubernentur, volumus, quod in electione, & creatione Abbatissarum, Ministeriarum, & Matrum, illa tantum ex ipsis Monialibus, & sororibus vocem habeant, quæ per annos tres, vel circa, in earundem Monasteriis, vel Collegiis fuerint: in qua creatione, & electione major pars votorum, ad minus medietatem superans, debet convenire.* Quod subinde disposuit Nicolaus V. Constit. Dignareddimur, apud Conſectum de privil. mend. p. 1. ibi: *Quæ Abbatissarum electiones, si a majori parte earum (Monialium) vel numero dumtaxat, factæ fuerint, Canonice censeantur.* Cum vota sunt paria, renovatur scrutinium, S. C. 21. Julii 1621. Nicol. cit. v. electio n. 12.

CAPUT II.

Officialis quoad Absolutionem à casibus reservatis.

SUMMARIUM.

- 1 Quid sit casus reservare?
 - 2 Actus reservationis est localis.
 - 3 Possunt Regulares absolvere saculares a reservatis in alia Diœcesi: limita.
 - 4 Non verò à censura in ea reservata.
 - 5 Ex vi suorum Privilegiorum non possunt absolvere à casibus reservatis Episcopo Diœcesano, sine ejus licentia, usque ad 10.
 - 11 Quanam vota possint Regulares communicare?
 - 12 Quid de casibus Sedi Apostolicæ reservatis? ad 15.
 - 16 An venialia possint reservari?
 - 17 A censuris ab homine laici Regulares non possunt absolvere.
- Official. Cur. Eccl.

18 Non possunt absolvere violatores immunitatis Ecclesiasticæ, nec ab hæresi.

19 An excommunicatus denunciatus possit in articulo mortis absolvere?

Reservare casus aliud non est, quam jurisdictionem inferiorum Sacerdotum restringere, seu limitare. Accipitur utique in Sacerdotali Ordinatione potestas, seu jurisdictionis absolvendi à peccatis, at solum in habitu, seu actu primo; quia non dat ordinatio subditos, in quos possit collata potestas exerceri. Solum illius exequutio, vel jurisdictionis in actu secundo obtinetur, cum Ecclesia per suos Prælatos consignat Sacerdoti subditos, in quos jurisdictionem exerceat potestatem. Quod fit, vel per collationem Parochialis beneficii: vel, prævia approbatione, data facultate ad confessiones audiendas. Approbatio autem nil est aliud, ex Layman. Theol. Moral. lib. 5. tract. 6. cap. 11. nu. 3. quam authentica declaratio, & testificatio, personam habilem, & dignam esse, cui jurisdictionis ad confessiones audiendas conferri possit.

2 Actus reservationis est localis, restrictus ad Diœcesim Episcopi reservantis, ad text. Trid. sess. 14. c. 7. de cas. reserv. & inde non afficit Regulares, ad confessiones secularium audiendas approbatos, existentes extra reservantis Diœcesim.

3 Quare existentes in Diœcesi A possunt à casibus reservatis tantum in Diœcesi B absolvere pœnitentes, ex hac ad se confugientes; dummodò in fraudem, & ad declinandum iudicium, & forum proprii Pastoris ipsi pœnitentes non accesserint, ut expresse in Const. superna Clement. X. la 7. Bullar. tom. 5. ibi: *Posse autem Regularem Confessorem in ea Diœcesi, in qua est approbatus, confluentes ex alia Diœcesi, à peccatis in ipsa reservatis, non autem in illa, ubi idem Confessor est approbatus, absolvere: nisi eosdem pœnitentes noverit in fraudem reservationis ad alienam Diœcesim pro absolutio- ne obtinenda migrasse.*

4 Non possunt tamen absolvere ab excommunicatione, in alia Diœcesi solum reservata; non modò, quia persona censurata, ubicumque sit, cum eo impedimento reperitur; verum etiam, quia Episcopus excommunicator, propter causam in foro suo cœptam, jus semper habet in excommunicatum, privativè quoad alios, prout

notarunt Layman. lib. 1. tract. 5. p. 1. cap. 2. num. 4. Bagnan. in 5. cap. omnis de pœnit. & remiss. n. 80. & 81. facit cap. proposuisti de foro competenti, ubi Glos. in ver. citatus scripsit: Quod, qui convenitur coram aliquo Iudice competenti, necesse habet usque ad finem persistere, etiam si mutaverit forum, & domicilium: quia prævenerit per hanc conventionem.

5 Regulares in Diœcesi ad Confessiones personarum secularium audiendas approbati, virtute suorum Privilegiorum, & non obtenta ad id ab Episcopo facultate, absolvere nequeunt pœnitentes à casibus ipsi Episcopo reservatis; ut liquet ex responsione Sacræ Congr. facta Divo Carolo Borromeo sub die 10. Septembris 1577. hujus tenoris: Cum à S. C. Cardinalium, qui præpositi sunt Decretis Tridentini Conc. interpretandis, Illustris. Amp. tua quesiverit: an Regulares ex privilegio à Sede Apostolica impetrato, præsertim autem ex eo, quod nominant Mare magnum, possint in casibus, quos sibi Episcopus reservaverit, absolvere confitentes? Hac de re ubi Congregatio accuratè egisset, deinde ad S. S. D. N. retulisset, Sanctitas sua, etiam de sententia Congregationis, censuit, ex facultatibus per hoc Mare magnum, aliæ privilegia Regularibus concessa, factam eis non esse potestatem absolvendi à casibus sibi ab Episcopo reservatis.

6 Successit deinde Decretum Alex. VII. damnantis sub die 24. Septembris 1665. itam propositionem: Mendicantes possunt absolvere à casibus Episcopo reservatis, non obtenta ad id Episcoporum facultate. Et postea Constitutio citata Clem. X. ibi: Ex facultatibus per Mare magnum, aliæ Privilegia Regularibus cujuscunque Ordinis, Instituti, aut Societatis, etiam JESU, concessis factam eis non esse potestatem absolvendi in casibus ab Episcopo sibi reservatis. Et quoad hoc ipsis non suffragari jam acceptorum privilegiorum confirmationes, per hæc verba testatur: Et per confirmationes dictorum privilegiorum, quas Regulares à Sede Apostolica post Sac. Conc. Trid. obtinuerunt, nequaquam revixisse privilegia, prius ab eodem Concilio, aut deinde, Apostolicis etiam Decretis, sublata, atque extincta, si quæ habebant, absolvendi à casibus Episcopo reservatis.

7 Ut autem clariùs apparet, quorum

casuum, vigore Decreti à S. Con. Epif. & Reg. edit. 9. Jan. 1601. esset absoluto, tum Sæcularibus, tum Regularibus Confessariis prohibita, in alio Decreto emanato 26. Nov. 1602. eadem S. C. de mandato item Clement. VIII. declaravit sub ea prohibitionē, vigore illius Decreti, illos tantum in posterum comprehendere casus, qui in Bulla, die Carni Domini legi consueti, continentur, ac præterea violationis immunitatis Ecclesiasticæ, inter terminis Constitutionis Gregor. XIV. injicientium voluntas manus in Clericos, juxta Canonem, si quis suadente, & juris dispositionem; Simoniæ realiter scienter contraxit: atque confidenter beneficiis: violationis clausuræ Monialium ad malum finem: provocantium, & pugnantium in duello; & casus omnes, quos Ordinarii locorum sibi reservaverunt, vel in posterum reservabunt. Videas Piasecum Prax. Episc. p. 2. c. 1. art. 3. de cas. refer. num. 1. Donat. tom. 2. prax. Reg. tract. 11. q. 17.

8 Omnes item ab impendenda, extra articulum mortis, absolutione à reservatis, tum Sanctæ Sedis, tum Episcopis, Tridentinum loc. cit. de reservatione in fine capitis excludit, ibi Extra quem articulum, ait, Sacerdotes, cum nihil possint in casibus reservatis, id unum pœnitentibus persuadere nitantur, ut ad Superiores, & legitimos Iudices pro beneficio absolutionis accedant... Et, sicut ipso eodem capite statuit: In Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quolibet pœnitentes à quibusvis peccatis, & censuris absolvere possunt: sic extra illum articulum non omnes possunt ab omnibus: sed à reservatis illi dumtaxat, quibus à Sede Apostolica, vel Ordinariis locorum respectivè est concessa facultas.

9 Quod procedit etiam in casu, quo quis eligeretur Confessarius ab eo, qui amplam facultatem eligendi sibi Confessorem haberet, ut in terminis legitur c. si Episc. de pœnit. & remiss. in 6. fuisse à Bonif. VIII. dispositum: Si Episcopus suo subdito concesserit, ut sibi possit idoneum eligere Confessorem ille, quem is elegerit, in casibus, qui eidem Episcopo specialiter reservantur, nullam habet penitus potestatem, cum in generali concessione illa non veniant, quæ non esset quis verisimiliter in specie concessurus. Nulla quoque potest consuetudine introduci, quæ ali-

aliquis præter sui Superioris licentiam, Confessorem sibi eligere valeat, qui eum possit solvere, vel ligare. Et facit Clement. dudum de sepult. & cap. inter ceteras de privileg. inter com. v. incendiarios.

10 Et autem, qui in mortis articulo à censura reservata absolvitur, imponendum est onus, ut, cessante impedimento, compareat coram eo, cui erat censura reservata, ut pro foro externo satisfactionem præstet, & mandatum reservantis recipiat. Aliàs in similem censuram reincidit, juxta cap. eos, qui de sent. excom. in 6.

11 Quæritur, an Regulares approbati possint commutare vota, quæ pœnitentes sæculares emiserunt?

Affirmativè propter eorum privilegia, videnda apud Dianam coord. tom. 8. tract. 4. resol. 78. Sixtus IV. concessit Minimis, ut in ejus Const. la 5. §. 7. Bullar. tom. 1. De qua re non esse dubitandum scripsit Clericatus decis. 46. num. 19. tom. de virt. ac Sacram. pœnit.

Quod tamen non procedit I. In quinque votis Summo Pontifici reservatis, ut, Castitatis perpetuæ: Religionis approbatæ: Peregrinationis ad Terram Sanctam: Ad limina Apostolorum: & ad Sanctum Jacobum in compostellam; prout in extravag. Et si Dominici Sixti IV. de pœnit. & remiss. inter com.

II In votis promissoriis juratis, per quæ alteri jus quæritur, ad quæ facultas Regularium non extenditur; nam agitur de præjudicio tertii, Monacellus form. p. 2. tit. 16. formul. 3. n. 15. & Fagnanus in pr. ad cap. ex parte d. par. 33. de Const. dixit, quod facultas, & potestas dispensandi in simplicibus concessa, non extenditur ad mixta, propter duplex vinculum voti, & juramenti.

III. In votis status, quæ fiunt ex vi particularis alicujus Instituti; quare votum castitatis, quod emittitur à Tertiariis, licet sit simplex, non cadit sub generali facultate commutandi vota, quia est ex vi peculiaris instituti, & perpetuæ castitatis.

III. In votis perseverantiæ, quæ in non-nullis Congregationibus, & Collegiis emittuntur. Nam emittuntur per modum contractus ultro, citroque obligatorii: Facio, ut facias &c. Monacellus ibid. ubi testatur de praxi Pœnitentiariæ, quæ semper cavet in suis absolutionibus præjudicium tertii.

Cæterum circa ea, quæ possunt, debent

ad hunc effectum esse deputati à Generali, vel Provinciali. Debentque exequi in suis Ecclesiis tantum, & in actu Sacramentalis Confessionis.

12 An verò possit Regulares approbati absolvere sæculares à ceteris casibus Sedi Apostolicæ reservatis? Dicimus in Italia non posse, ut expressè in Decreto S. Congreg. approbato ab Urbano VIII. dato 18. Decembr. 1628. ubi, præmissis, per confirmationes privilegiorum post Trid. obtentas, non revixisse privilegia, si quæ habebant, absolvi à casibus contentis in Bulla Cœnæ, & Ordinario loci reservatis; subdit: Ac proinde Regulares non jussu Ordinis, Congregationis, Societatis, & Instituti, etiam necessario exprimendi, nec intra, nec extra Italiam in vim privilegiorum, aut confirmationum hujusmodi, quas vel hætenus obtinuerunt, vel deinceps fortè obtinebunt, posse quemquam absolvere ab iisdem casibus in Bulla Cœnæ, aut Ordinario loci reservatis: ac, si secus egerint, absolutiones nullas, atque irritas fuisse, ac fore. Ab aliis vero casibus, & censuris Sedi Apostolicæ reservatis, si quidem Regulares habeant à Sede Apostolica absolviendi facultatem, illam extra Italiam minime sublatam fuisse eisdem S. C. decretis hæc de re editis jussu s. mem. Clemen. VIII.

13 Pœnæ, quibus ipso facto ligantur Confessores, sive sæculares, sive Regulares, præsumentes absolvere à casibus, ut in d. decreto sub Clemente, sunt: excommunicatio, privatio officiorum, & dignitatum, aut beneficiorum, & inhabilitas audiendi confessiones, ad officia, Prælaturas, & beneficia. Quarum habitatio, absolutio, & dispensatio sunt Romano Pontifici reservata; & absolutiones nullius sunt roboris, & momenti; prout expressè in primo decreto pariter edito de jussu Clementis.

14 In secundo decreto declaratur, quod facultas, & licentia absolviendi à reservatis, quæ juxta dispositionem primi decreti in scriptis recipi debebat, etiam sola viva voce concedi possit.

15 In quo Sacra Congregatio admonet locorum Ordinarios, ut in casuum reservatione modum non excedant; sed atrociorum tantum, & graviorum criminum absolutionem sibi reservent, quorum reservatio ad Christianam disciplinam retinendam conferat, & in edificationem, non

autem in destructionem cedat, ut etiam loquitur *Trid. d. c. 7.*

16 An autem possint reservari venialia? Non est dubium, quòd sic: nam reservaretur materia levis, ut impediretur ascensus ad gravem.

Verum, cum reservaretur peccatum, quòd alias non esset nisi veniale, certum est, quòd post reservationem prohiberetur sub pœna peccati mortalis. Videtur tamen absolute expediens non esse, reservare venialia, Poncius *Theol. disp. 46. q. 10. n. 125.*

17 An etiam possint ab excommunicatione, si censura sit Episcopis reservata? diximus *num. 4.* Nec possunt, si sit ab homine lata, ut expressè *Leo X. Const. dum intra 22. Bullar. tom. 1. ibi: Ipsique Fratres . . . Laicos, & Clericos Sæculares à sententiis ab homine latis nullatenus absolvere possint.* Et Clemens X. in *alleg. Const.* superna decrevit, vigore privilegiorum non licere Regularibus: etiam satisfacta parte, absolvere penitentes à censuris, quo ad externum forum; & absolutos ab eis in foro Pœnitentiali, utique non senseri absolutos in exteriori iudicio, & contentioso.

18 Nec vignore Jubilæi valent beneficium absolutionis impendere eis, qui directè, vel indirectè violarunt immunitatem, & libertatem Ecclesiasticam, ut expressè declaravit S. Congr. *Immunit. sub. 20. April. 1673.* & iterum in *Hieracen.* respondit, absolutionem obtentam occasione Jubilæi non suffragari, apud *Pignatell. t. 1. consult. 189.*

Nec pariter absolvere possunt ab hæresi, non purè interna; ut ex decreto Congr. S. Officii Alexander VII. 15. Maji 1656. *Cum crimen hæresis præ cæteris gravissimum, speciali nota dignum sit, decrevit facultatem absolvendi ab hæresi, in Jubilæis, vel aliis similibus concessionibus non censerì comprehensam, nisi præcisè verbis concedatur facultas absolvendi ab hæresi.*

19 At petitur: An excommunicatus denunciatus, saltem in articulo mortis, possit à reservatis absolvere? Videtur posse, quia in eo articulo juxta dicta *num. 8.* nulla datur reservatio. Sed nec ab illis, neque à non reservatis, etiam pro illo necessitatis casu, absolvere potest. Quoniam nec certum excommunicatos non toleratos, sed denunciatos, juxta *Const. Leon. X. Primitiva sub l. 20. §. 24. Bull. tom. 1.* nil posse in casibus

etiam non reservatis; quia carent jurisdictione, & subditis, circa quos valeant iudicium, & sententiam pronunciare: nam sunt à communione fidelium separati. Sed Sacerdos, de quo dubium, esset privatus communione fidelium, & ab unitate Ecclesiæ præcisus; ideo subditis careret, nec capax foret jurisdictionis. Propterea illud omnes Sacerdotes, ut in *d. cap. Concil.* restringitur ad Sacerdotes habiles, non præcisos, sed capaces ad recipiendam pro eo casu jurisdictionem ab Ecclesia. Quæ sententia est omninò tenenda. Pro ea enim *Fagn. in 4. ad caput Non est vobis de sponsalib. num. 1.* refert S. C. C. decretum, ut infra: *Episcopus Valentinens. petit declarari, utrum penitentes in articulo mortis constitutos possit in casibus reservatis absolvere quilibet Sacerdos, etiam excommunicatus, & denunciatus?* S. Congr. censuit non posse: Quia communis opinio videtur illa, quòd tales excommunicati non possint, etiam in hoc casu necessitatis. Qua declaratione supposita, contraria opinio nec est probabilis. Quo casu, si Sacerdos habilis non sit præsens, nec esse possit, & oris confessio haberi nequeat, curet infirmus divina gratia adjutus elicere actum contritionis perfectæ, cum voto confitendi cum primò poterit. Sed vix casus potest contingere, ut præsens sit solus Sacerdos excommunicatus denunciatus, ut optimè *cit. Fagnan.* videndus.

C A P V T III.

Officialis quoad allocutionem cum Monialibus.

S U M M A R I U M.

- 2 Accessus ad Monasteria Monialium prohibetur Clericis, & Laicis.
- 2 Dispositio pœnalis in favorem animæ extensionem admittit.
- 3 Regularibus est cum Monialibus interdicta locutio sine licentia.
- 4 Decreta Sac. Congr. super accessu Regularium ad Monasteria Monialium.
- 5 Licentia Ordinarii sufficit.
- 6 Esteque necessaria, etiam si alloquentes, alloquantur Moniales sibi subditas.
- 7 Sup. Regularium non potest alterare licentiam concessam ab Episcopo.

8 Acces-

- 8 *Accessus ad collocutoria est de pertinentibus ad Clausuram.*
- 9 *Episcopus potest visitare Clausuram sine assistentia Regularium.*
- 10 *Edicta prohibentia allocationem extenduntur etiam ad exemptas, ad 11.*
- 12 *Ad Monasteria est interdictus accessus ad effectum instruendi Moniales in cantu.*
- 13 *Superiores, & Confessores licentia non egent, ad 15.*
- 16 *Quando Vicarius Conventus?*
- 17 *Etiam locutio cum Abbatissa comprehenditur in prohibitione.*
- 18 *Religiosus licentiam ab Episcopo, & suo Superiore debet obtinere.*

Accessus ad Monialium Monasteria, causa illas visitandi, aut colloquendi, adeoque ad earum colloquia, & aspectum, prohibetur Clericis, & Laicis, cap. *Monasteria, de vit. & honestat. Clericorum*, ubi legitur: *Monasteria Sancti-Monialium, si quisquam Clericus sine manifesta, & rationabili causa frequentare presumpserit, per Episcopum arceatur: & si non destiterit, ab officio Ecclesiastico reddatur immunis. Si Laici, excommunicationi subdantur, & a catu fidelium fiant pœnitus alieni*; ubi Glossa notat, quod frequentare, vitium importat; & malum præsumitur in accessu sine rationabili causa facto.

2 Et quamvis quidam dixerint, Decretalem, utpote loquentem de Clericis, & Laicis frequentantibus Monasteria, non verò de Regularibus, ad istos non extendi, ex quod lex sit pœnalis, quæ extensionem non patitur, juxta regulam 25. *Juris in 6. odia*, tamen eos etiam comprehendere dicimus, cum & lex pœnalis, etiam ad non expressa, ob identitatem rationis, & in favorem animæ, & evitanda peccata, extensionem admittat, ut docent Suarez, & Sanchez apud Ameno de pœnis tit. 4. §. 1. *Consortium suspectum n. 12*. Decretalis autem in favorem animæ emanavit, cujusque dispositio est item inducta, ut pericula incontinentiæ à quolibet evitentur.

Ideo & ad Regulares ampliatur. Quibus item cum præfatis allocutio interdicitur, c. *periculoso de statu Regularium in 6. ubi statuitur: Nullique aliquatenus inhoneste personæ, nec etiam honestæ (nisi rationabilis, & manifesta causa existat, ac de illius, ad*

quem pertinuerit, speciali licentia) ingressus, vel accessus pateat ad easdem: ut sic à publicis, & mundanis conspectibus separata, omnino servire Deo valeant liberius, & lasciviendi opportunitate sublata, eidem corda sua, & corpora in omni sanctimonia diligentius custodire.

3 Arctior de Jure novo de mandato Sixti V. emanavit prohibitio à Sacra Regular. Congregatione sub nonis Maji 1590. In qua sub pœna privationis vocis activæ, & passivæ, Officiorumque, ipso facto incurrenda, prohiberetur omnibus personis Regularibus (exceptis Visitatore, & Superiore, cui cura Monasterii incumbit, & Confessario ordinario, ac extraordinario, pro tempore deputationis) accedere ad Monasteria Monialium, cujusvis Ordinis sint, ad colloquendum, seu tractandum. Sed necessaria est licentia Ordinarii, vel alterius, ad quem spectet eam concedere, prout expressè in alio ejusdem Sac. Congreg. Decreto edito de expresso ordine Urban. VIII. sub. 12. Kal. Decembris 1623. Lezana sum. tom 4. v. *Monial. n. 20. Nicol. Flosc. v. Regularis n. 52.*

4 Subinde 11. Maji 1669. apud Pignatell. tom 6. consult. 85. nu. 35. Sacra Congreg. Concilii decretum edidit sequentis „tenoris -- Sac. Cong. habita notitia, quod „nonnulli Regulares absque licentia ad „crates Monasteriorum Monialium adire, „& frequentare non dubitent; prætenden- „tes non esse interdictum per breve tem- „pus, etiam usque ad quadrantem horæ „cum dimidio (quod horologio arenario „aliquando metiuntur) Moniales, aliasque „personas intra clausuram existentes allo- „qui: & hanc opinionem, tamquam tu- „tam, affirmant, disseminant, & sortè etiam „scriptis evulgent, proprias graviter illa- „queantes conscientias, & scandala con- „foventes; ad hujusmodi perniciosos er- „rores eliminandos, opinionem prædi- „ctam improbens, rejiciens, & damnans, „declaravit Regulares, cujuscumque Or- „nis, Militiæ, Societatis, Congregatio- „nis, Instituti, etiam de quibus specialis „mentio foret habenda, qui ad Monaste- „ria Monialium, quamvis ab Ordinarii „jurisdictione quomodolibet exempta, & „etiam ipsis Regularibus subiecta, vel aliàs „speciali mentione digna, absque legitima „facultate accedunt, colloquendo, etiam „per

„per quodcumque modicum temporis spa-
 „tium, cum Monialibus, aut aliis infra
 „clausuram degentibus, peccare mortali-
 „ter: eosque sub excommunicationis, pri-
 „vationis vocis activæ, & passivæ, aliisque
 „contra Regulares accedentes sine licen-
 „tia ad Monasteria Monialium, statutis
 „pœnis posse ab Ordinario, tamquam Se-
 „dis Apostolicæ delegato, coerceri.

„Et die 7. Junii ejusdem anni, facta rela-
 „tione SS. D. N. Sanctitas Sua præsentem
 „declarationem approbavit, ac typis dari,
 „servarique jussit.

Nec causa rationabilis accessum justifi-
 cat, aut accedentem a mortali liberat, pro-
 ut in una *Neapolitana de anno 1672. eadem*
Sac. Cong. declaravit, respondens dubiis si-
bi occasione prioris declarationis exhibitis.

Primò. *An Regulares accedentes ad collo-*
quendum cum Monialibus sine licentia E-
piscopi peccent mortaliter.

Secundò. *An peccent mortaliter, saltem*
stante dicta declaratione? Sac. Cong. &c.
 Respondit ad primum affirmativè, *etiam si*
ex causa rationabili, quando non adsit li-
centia.

Ad secundum, ad proximam. lib. 27. De-
cret. fol. 509.

Super quo aliis excitatis dubiis, Primò.
An Regularibus missis ad crates Monialium
promunere prædicationis obeundo, prohibi-
tum sit sub peccato mortali, censuris, & pœnis
&c. immediatè post cum ipsis Monialibus,
absque expressa licentia ad colloquendum, im-
miscere sermones cum questionibus, vel dubiis
spiritualibus, aut materiis ipsis Concionis?

Secundò. *An talis prohibitio intelligatur,*
tam de colloctione cum aliquibus Moniali-
bus, quam cum una tantum (omnibus tamen
aliis audientibus) immediatè post Concio-
nem? Die 21. Maji 1678 Sac. Congr. Conc.
ad utrumque respondit affirmativè.

Quapropter improbabilis est opinio
 Ameno de pœn. tit. 4. de delict. contra casti-
 tat. §. pr. n. 16. ubi asserit, non esse allocu-
 tionem cum Monialibus absque licentia
 Episcopi prohibitam, modò sit occasiona-
 ta, vel brevis, aut causa accipiendæ, vel
 dandæ instructionis. Et legem quoad mor-
 tale peccatum incurrendum concludit esse
 ex contrario usu abrogatam. In quo certè
 non sanè discurret, & contra adeò manifesta
 decreta calamum nimis laxum apposuit.

5 Facultas concedendi licentias allo-

quendi Moniales Regularibus subiectas, est
 cumulativè in Ordinario, & Superiore Re-
 gulari: ad quod facit dispositio Decreti sub
 Urbano VIII. per ea; *prædicta licentia ob-*
tenta ab Ordinario, & ab alio, ad quem spe-
ctet eam concedere. Verùm non est semper
 obtinenda copulativè ab utroque, sed at-
 tenditur usus, & consuetudo; quæ, si le-
 gitime sit præscripta, quòd concedatur, vel
 a solo Ordinario, vel ab isto unà cum Supe-
 riore Regulari, servari debet, ad formam
 Decreti S. C. Concilii, prout sequitur.

„** Tametsi aliàs S. C. declaraverit li-
 „centias ingrediendi septa Monasteriorum
 „Monialium exemptarum, & Regularibus
 „subiectarum, ex necessitate tantum, quæ
 „Moniales respiciat, concedendas, & ac-
 „cedendi ad colloquendum cum Moniali-
 „bus, pertinere ad ipsos Superiores Regu-
 „lares; nihilominus sub die 13. Novembris
 „1610. quòd magis clausuræ observationi
 „consuleretur, facultate sibi à S. D. N. tri-
 „buta, statuit, & decrevit, ut infra. ** Hu-
 „jusmodi septa nemini ingredi, vel alloqui
 „liceat, nisi licentiæ, in casibus necessariis
 „concedendæ, nedum à Superioribus Re-
 „gularibus dictorum Monasteriorum, sed
 „etiam à locorum Ordinariis obtentæ fue-
 „rint: non obstantibus quibuscumque
 „contrariis legibus, statutis, consuetudi-
 „nibus, etiam immemorabilibus.

Postremò autem ad removendam om-
 nem dubietatem, quæ ex hujusmodi De-
 creto forsan oriri posset, negotio iterum
 „Sac. Congr. proposito, atque S. D. N. re-
 „lato die 21. Maji 1630. Sanctitas Sua de-
 „claravit, hujusmodi licentias à Superiori-
 „bus Regularibus non esse concedendas in
 „illis locis, in quibus adesset consuetudo, ut
 „istæ ab Episcopis tantum concedantur.
 „Hoc enim casu statuit, & decrevit, talem
 „consuetudinem esse observandam, & ip-
 „sorum Episcoporum tantummodò licen-
 „tias sufficere, etiam privativè quo ad ip-
 „sos Regulares; quod reliquum est &c.
 „Romæ 10. Januarii 1637. *Pignat. tom. 10.*
 „*conf. 41. Panimolla dec. 84. adnot. 3. n. 54.*

6 Unde constat id non competere Re-
 gularibus privativè quoad Ordinarios; &
 horum licentia, quoad usum licitum locu-
 tionis, est semper necessaria, ex dispositio-
 ne etiam S. C. Episc. & Regularium apud
 eundem *Pignat. tom. 6. cit. n. 31. quæ sub die*
29. Augusti 1594. censuit, quod Moniales,
 Re-

Regularibus licet subjectas, alloqui nemo possit, absque licentia Episcopi, vel ejus Deputati. Nemo, atque ita, & Regulares, illius etiam Ordinis, cui Moniales subduntur. Ac ita necessario, ut si Regularis alloquatur Moniales sine licentia Episcopi, possit Episcopus in eum animadvertere, ex dictis nu. 4. Et ubi apposuerit excommunicationem, ipsa ligatur, si Regulares in edicto prohibitive fuerint nominati. Ut ex Sac. Cong. Conc. in Aavimana 26. Junii 1658. quæ decl. ravit Episcopum ad custodiendam clausuram Monialium, etiam in Monasteriis subjectis Regularibus, uti posse censuris, easque ligare nedum Regulares accedentes, sed etiam Moniales, facta de illis mentione: & Regulares non posse absolvere incurfos. Monacell. for. p. 2. for. 15. num. 16. tit. 15.

Possunt Episcopi excommunicationem latæ sententiæ imponere contra accedentes ad monialium Monasteria absque licentia ab eis obtenta, prout abusus, & locorum indigentia postulat; ad removenda, nimirum, ex frequenti accessu gravissima scandala. Quam censuram sustinet S. C. Episcoporum in una Civitatis Castelli 10. Julii 1699. apud d. Monacell. part. 1. tit. 11. preclud. de Monial. n. 2. cum aliis comminatoria, & ea circumstantia præcisa, sufficeret. Vide Nicol. flos. v. accessus n. 6. & considera Trid. sess. 25. c. 3. de ref. statuens quod gladius excommunicationis magna circumspectione exercendus est.

7 Cum licentia datur ab Episcopo, ejusve Vicario, & Superiore Regulari isti: non licet eam alterare, addendo, vel aliquid adimendo, ex declaratione Sac. Congreg. Conc. in una Viterbien. 24. Januarii 1533. quam ex Barbof. in collectaneis Bullar. ver. Moniales, refert Iezana allegat. tom. 4. verb. mon. n. 23. ibi: *Monialium Regularibus subjectarum Superiores subscribentes poss. Episcopum, vel ejus Vicarium, licentias eorum, qui ad collocutoria accedunt, vel clausuram ingrediuntur, non possunt quid excludere, addere, vel adimere ex illis, quæ Episcopus ipse, aut Vicarius, pro cura, & bono regimine clausuræ, in licentia præscribit, & apponit.*

8 Die 17. Junii 1605. in una Jannenfi apud allegat. Pignatellum n. 25. S. C. censuit accessum ad collocutoria, vel Rotas, vel alias Monasteriorum Monialium partes,

esse materiam pertinentem ad clausuram, & per consequens spectare ad Ordinarium, etiam in Monasteriis subjectis Regularibus, qui ea ad libitum visitare possent.

9 Ideò potest præfata sicut clausuram visitare sine assensu Superiorum; ut sub die 25. Junii 1596. ipsa S. C. firmavit, & censuit, Episcopum visitare posse clausuram Monialium, non sibi subditarum, sine assensu Superiorum Monasterii: & die 25. Februarii 1583. censuit, posse Episcopum interrogare Moniales, Regularibus subjectas, de pertinentibus ad clausuram, etiam si nunquam alias visitate fuerint, 24. Novembris 1617. & Superiores Regulares non possunt eum impedire, eadem in Ferrarien. 2. Maii 1600. nec prætere, visitare velle clausuram Monialium sibi subjectarum, simul cum Episcopo, vel assistere illius Visitatori, ut declaravit Sac. Congr. Episcoporum in Fulginaten. 10. Januarii 1648.

10 Edicta Episcoporum prohibitiva allocationis, & ingressus in clausuram, ad Monasteria etiam exempta extenduntur, ut censuit S. C. C. in Urbinaten. die 10. Maii 1663. ad c. 3. sess. 25. de Regul. quæ interrogata, *An in edicto, quod nemo ingrediatur Monasteria Monialium, vel cum ipsis loquatur sine licentia Archiepiscopi possint comprehendere Moniales S. Clarae, exempta à jurisdictione Archiepiscopi? Respondit affirmativè.* Et eadem S. C. die 24. Martii 1647. ad dubium eidem propositum ab Episcopo Ratisbonen. & Abbate Monasterii in Allerbach, ut ad declarandum procederet *An in Tridentino, & Bulla inscrutabili Gregorii, quoad jus visitandi clausuram, comprehendantur Monasteria, etiam Ordinis Cisterciensis? Respondit comprehendere omnes Ordines, etiam Cisterciensem, apud eundem num. 23.*

11 Licentia uni Regulari concessa extenditur per Rodericum, Peyrin, Pellizarium, Tamburinum, & Lizonam, allegatos ab Hasbensis sum. ver. Claus. num. 90. ad socium, ex eo, quod necesse sit, ut de altero intelligatur, quod de uno dictum est, ex capit. translatio de Constitutionibus, ubi per Gloss. quod de uno connexorum statutum est, ad aliud connexum extenditur; apud quem negat Cotonius lib. 4. contrav. 7. n. 88. Quod cenfeo tenendum, & esse ad formam Decretorum enunciatorum, quæ dispositiones in terminis universalibus negativis con-

conceperunt: *ut nulli Religioso &c. nemo alloqui possit sine licentia*. Illa extensio fit, cum est eadem ratio de utroque, per Specellum *dec. 62. n. 15*. quæ in casu non apparet; & de socio sic alloquente verificaretur, quod loqueretur sine licentia; ideò, ut à taxatis pœnis sit liber, pro eo etiam debet specificè licentia obtineri. Et ex eo, puto esset item necessariam pro Religioso, qui esset pater, aut filius Monialis; quia & ipse Regularis est; & licet ex *Gavant. Peliz. c. 5. sect. 5. de mon. n. 209.* afferat Decreta S. C. dispensentia posse Patres alloqui Moniales filias, & filios Moniales Matres sine licentia; seà tamen ipse notat non esse in usu; & quando sint, non ampliantur ad Regulares.

12 Est ad Monasteria interdictus accessus ad effectum instruendi Moniales in sono, & cantu, prout infra. Sac. Congr. Episcoporum *sub 13. Septembris 1583.* decrevit: *Non permittatur accessus Sæcularium ad Monasteria Monialium, sub pretextu eas docendi sonum cymbalorum, aut alterius instrumenti, aut musicam, cantumvè; ex Barbosa decretum refert Lexana allegat. sub n. 31. Pignatellus allegat. tom. 6. num. 216. Et Lantusca Theat. Regul. ver. Monialis nu. 2.* notavit pro Monialibus Urbis, S. Congregat. Visitat. Apostol. edidisse *sub die 29. Januarii 1665.* super hoc Decretum, quo revocavit, & cassavit quæcumque indulta ad huiusmodi effectum facta cuicumque personæ, cum inhibitione, ut imposterum præfatæ licentiæ non concedantur; & in casu concessionis eas nullius roboris, nec in foro judiciali, & conscientiæ, cuique suffragari declaravit, aliasque in transgressores pœnas imposuit.

13 Superiores Regulares, & Confessarii Monialium excipiuntur à necessitate, & debito petendi licentias ab Ordinario; prout in Decretis *sub Sixto, & Urbano* expressè continetur, ibi: *Superiore, cui Monasterii, seu domus cura incumbit, Visitatore, vel Visitatoribus, Confessarioque Ordinario, & Extraordinario, cum ad tempus deputabitur, dumtaxat exceptis. Et ut sub die 13. Novemb. 1592. in Mediolanen. S. C. Commissario Apostolico Observanti scripsit: Che il sopra scritto decreto (cioè fatto sotto Sisto) non comprehende il Ministro delle Provincie, nè gl'altri Superiori, per quei Monasterii, che stanno sotto il governo, e cura loro; Pignatell. cit. sub n. 166.*

14 Et die 27. Septemb. 1641. S. C. Regul. apud Lantus. ver. allocutio n. 7. significavit Episcopo Caputaquen. ut publicatum editum reformaret, ut infra: *Essendosi dolutto appresso la S. C. il Ministro Provinciale degl' Osservanti di cote sta Provincia di Principato, che V. S. habbia con suo editto particolare prohibito sotto pena di scomunica, riservata à se medesima, che nessuna persona secolare, e regolare, ancor che sia Confessore, o Superiore del Monastero di Gioja (soggetto alla detta Religione degl' Osservanti) o altro Ministro, o operario necessario, possa andare à parlare alle Monache, o entrare in Clausura, etiamdio per amministrare li Sacramenti, o in altri casi di necessità, senza sua licenza: Questi E. E. miei Signori mi hanno ordinato di scriverle, che se bene gl' Ordinarii de' luoghi possono sottoscrivere le licenze di parlare alle Monache, & entrare in Clausura de Monasterii, anco soggetti à Regolari, ancor che per il passato siano state solite sottoscrivere da Regolari solamente, come pretende esso Ministro, ciò si deve fare congiuntamente con l'istesso Superiore Regolare; e non s'intenda delli Confessori, o Superiori delli Conventi de' Frati, che han cura del Monastero; perche, come potrà vedere da se stessa nel Decreto stampato (& est verisimile eidem fuisse transmissum illud sub Sixto, vel Urbano,) che se li manda qui aggiunto, detti Superiori, e Confessori sono eccettuati nella prohibitione fatta dalla S. Congr. sopra l'accesso de Regolari à Monasterii di Monache; onde V. S. potrà riformare il suo editto in questa conformità per non darli occasione di giusto richiamo, che così la Sac. Congreg. m'ha commesso di significarle, e Dio la preservi. Il Card. S. Onofrio.*

15 Quæ concludunt, tam de Superiore Provinciali, quàm Locali, cui cura Monasterii incumbit; & ex illis inferitur: *O Superiori delli Conventi de Frati &c.*

16 De Vicario Conventus, ex Sellio refert *Tamburin. de jur. Abbat. iss. disp. 25. q. 4. sub n. 6. Sac. Cong. die 1. Sept. 1617.* decrevisse, quod *Vicarius Fratrum absque Apostolica Sedis licentia Moniales alloquens, in pœnas in Decreto generali contentas incidit; dummodo idem Vicarius in Prioris absentia, ejusdem Prioris munus non obeat.*

17 Dispositio interdicens allocutionem cum Monialibus comprehendit etiam Abbatul.

batissimam, quia, cum agitur de evitando animæ periculo, etiam in pœnalibus, & odiosis admittitur extensio, ex n. 2. & per Panormitanum apud Tambur. q. allegat. n. 3. Et in terminis decrevit Alexan. VII. *Constit. Sacrosancti* la 30. *Bull. rom.* 5. pro quiete, & utilitate Monialium Urbis. Et absolute censuit Sac. Congr. Conc. de anno 1654. lib. 19. *Decret.* Quæ ad dubium propositum per Commissarium Gener. Ordinis Minorum S. Francisci: *An Regulares ad Monasteria accedentes, & cum Abbatisa alloquentes, incurrant pœnas in Decretis inflictas, quas incurrunt Regulares, qui accedunt, & loquuntur cum aliis Monialibus:* Respondit incurrere, *Monacell. formular. part. 2. formular. 15. num. 17. tit. 15.*

18 Nomine Ordinarii, à quo sit obtinenda licentia alloquendi Moniales, respectu Religiosi, venit etiam Superior Regularis, cuius est subditus; ideo copulative, & ab ipso, & loci Ordinario eam debet habere; & nunquam loqui, nisi in præsentia Abbatisæ, ut habetur c. *Diffinimus* 16. q. 2. notavitque Glos. ad c. *periculoso* de stat. Regul. in ver. *honestæ*, vel, non nisi auscultatricibus præsentibus; ut ex *Vallo* solet. Fratribus Min. de Observ. præscribunt Statuta Sambucana c. 11. §. 3. n. 2. Et generaliter pro omnibus loquitur Decretum sub Urbano.

CAPUT IV.

Officialis quoad Altaria Privilegiata.

SUMMARIUM.

- 1 *Responso S. C. C. circa numerum Missarum celebrandarum in Ecclesia, in qua est Altare Privilegiatum.*
- 2 *Sensus clausule:* Ad septennium.
- 3 *Constitutio Innocentii XI. super celebratione Missarum ad Altaria Privilegiata.*
- 4 *In clausula.* Volumus autem, ut si alias Christi Fidelibus &c. præservantur Altaria Privilegiata.
- 5 *Indulgentia Altaris Privilegiati non suspenditur anno Jubilæi.*

1 Solent à Romanis Pontificibus Indulgentiæ pro Altaribus Privilegiatis concedi, cum clausula, *dummodo in Eccle-*

sia septem Missæ celebrentur. Circa quam fuerunt nonnulla dubia excitata, & proposita Sac. Congr. Conc. Petebatur itaque.

Primò. *An absentibus Religiosis ex causa predicationis tempore Quadragesimæ, & Adventus: vel, quando occasione Festivitatum, vel funerum, aut similibus, à Superioribus ad celebrandum alibi transmittuntur, Indulgentia concessa cum certo numero Missarum, qui ob dictas causas adimpleri non potest, prorsus cessent, vel pro eo tempore, quo dictus numerus Missarum non fuerit adimpletus, sint suspensæ, vel potius remaneant in suo robore?*

Secundò. *An idem sit statuendum, deficiente præfixo numero Missarum ob infirmitatem Sacerdotum, tam Regularium, quam secularium?*

Tertiò. *An pariter idem sit statuendum, deficiente prædicto numero Missarum ob absentiam ab Ecclesiis secularibus Canonico-rum, & Sacerdotum per aliquos dies, & menses?*

Horum dubiorum resolutionem Summus Pontifex remisit Sacræ Congregationi Concilii, quæ anno 1701. 30. Julii respondit.

Ad primum: *Quoad primam partem pro tempore Adventus, & Quadragesimæ remanere suspensas, non autem in reliquis, dummodo raro contingat.*

Ad secundum. *Non remanere suspensas.*

Ad tertium. *Provisum in primo.*

2 Solet in Brevis pro Altaribus ad tempus Privilegiatis apponi clausula *ad septennium*, per quam significatur tempus ordinarium concessionis. Verum septennium non incipit à die, qua Romæ à Summo Pontifice indultum conceditur, sed à die publicationis factæ de licentia Ordinarii. Anni autem continui esse debent, non interpolati; Ecclesiastici, non solares; à die scilicet publicationis, & executionis, ad diem correspondentem in septimo anno.

Cum occasione Decreti S. R. C. quo decrevit, in Duplicibus non posse celebrari Missas de Requiem, prout dixi cap. 10. fuit dubitatum, an id intelligendum etiam esset, quòd nec in Altaribus Privilegiatis deberent celebrari? Dubitationem sustulerunt Alex. VII. *Const. Creditæ* 176. *Bull. rom.* 5. & Clem. IX. *Const. Cum fel. record.* 39. *ibid.* Quæ, cum contineantur in alia Innoc. XI. eas omittimus, ac edita ab Innocentio transcribitur; cuius tenor est.

3 Aliàs postquam fel. rec. Alexander
Papa VII. Prædecessor noster, per quas-
dam suas in simili forma Brevis die 25.
Januarii 1667. expeditas litteras, dubia in
diversis mundi partibus, occasione De-
creti Congr. tunc existentium S. R. E.
Cardinal. & ab ipso Alexandro Prædeces-
sore approbati, de non celebrandis Missis
Defunctorum in Festis ritus duplicis,
exorta dirimere cupiens, inter cætera,
quoad Altaria privilegio Apostolico pro
animabus fidelium Defunctorum in per-
petuum decorata, & in quibus proinde
quotidiè, etiam in Festis ritus duplicis, ce-
lebrandæ fuissent Missæ Defunctorum ex
obligatione, declaraverat, per celebratio-
nem Missarum de Festo currenti satisfieri
injunctis obligationibus, & indulgentias
per ejusmodi privilegia Apostolica con-
cessas, animabus fidelium Defunctorum
in Purgatorio existentibus suffragari, per
inde ac si celebratæ fuissent Missæ defun-
ctorum ad formam dictorum Privilegio-
rum.

Rec. mem. Clemens Papa IX. pariter
Prædecessor Noster, aliam subinde ortam
dubitationem, utrùm scilicet dictarum
Alexandri Prædecessoris litterarum dis-
positio, quoad Altaria pariter quidem pri-
vilegiata, sed non in perpetuum, nec pro
omnibus hebdomadæ diebus, & ad quæ
Missæ non ex obligatione, sed ex sola Fi-
delium devotione celebrarentur, locum
haberet? similiter tollere desiderans, de-
clarationem à memorato Alexan. Præde-
cessore, sicut præmittitur, editam, ad Al-
taria, ut præfertur, non in perpetuum, sed
ad septennium, sed aliud brevius, vel lon-
gius tempus, ac non in omnibus, sed ali-
quo, vel aliquibus tantum hebdomadæ
diebus, tunc & in futurum quandocumque
privilegiata, autoritate Apostolica ex-
tendit: & proinde, ut Missæ, quæ ibidem
de Festo currenti, in quo Missæ Defuncto-
rum celebrari non possent, sive ex obliga-
tione, sive ex sola fidelium devotione ce-
lebrandæ essent, suffragarentur, ita ut ani-
mæ Christi Fidelium, pro quibus celebra-
rentur, Indulgentias per privilegia hujus-
modi concessas consequerentur, in omni-
bus, & per omnia, perinde si Missæ De-
functorum ad formam eorundem privile-
giorum celebratæ fuissent, eadem Aucto-
ritate concessit, & indulgit, & aliàs prout

in ipsius Clementis Prædecessoris litte-
ris, etiam in forma Brevis die 23. Septem-
bris 1669. desuper expeditis (quarum, &
præfatarum Alexandri Prædecessores lit-
terarum tenores præsentibus pro plenè,
& sufficienter expressis, & insertis ha-
beri volumus) uberius continetur.

Cum autem postmodum, sicut accepi-
mus, novum circa præmissa excitatum
fuerit dubium, videlicet, an supradictæ
Alexandri, & Clementis Prædecessorum
declarationes, sibi pariter locum vindica-
rent etiam in diebus Dominicis, infra
Octavas Paschatis Resurrectionis, Pen-
tecostes, & Corporis Christi, aliisque
anni diebus, quibus, licet à Festo duplici
non impediuntur, adhuc tamen Missæ De-
functorum juxta ritum, & morem Eccle-
siæ celebrari nequeunt; quatenus nimi-
rum Missæ, quas iisdem diebus celebrare
licet, servata cæteroqui dictorum Privi-
legiorum forma, ad præfata Altaria privi-
legiata celebrarentur? Nosque dubium
hujusmodi Congreg. Ven. Fratrum No-
strorum S. R. E. Cardinal. Sacris Ritibus
Præpositorum, examinandum commise-
rimus, ac eadem Cardinalium Congrega-
tio, re maturè discussa, nuper per suum
Decretum die 3. Aprilis proximè præteri-
ti editum, præfatas Alexandri, & Clemen-
tis Prædecessorum declarationes intelli-
gendas esse pro omnibus diebus, quibus
juxta Rubricas Missæ defunctorum cele-
brari non possunt, responderit.

Hinc est, quòd Nos ex commissæ Nobis
cœlitus dispensationis munere fidelium
defunctorum animarum in Purgatorio
existentium suffragiis per amplius consu-
lere cupientes, Decretum hujusmodi à
memorata Cardinalium Congregatione
editum, ut præfertur, Apostolica autori-
tate tenore præsentium confirmamus, &
approbamus, illique inviolabilis Aposto-
licæ firmitatis robur adjicimus: salva ta-
men semper in præmissis auctoritate su-
pradictæ Congregationis Cardinalium.
Decernentes easdem præsentis litteras
semper firmas, validas, & efficaces exi-
stere, & fore, suosque plenarios, & in-
tegrus effectus sortiri, ac obtinere, &c.
Non obstantibus &c. Dat. Romæ apud
Sanct. Mariam Majorem sub annulo Pi-
scatoris die 4. Maji Milleesimo Sexcentesi-
mo Octuagesimo Octavo, Pontificatus
nostri

„ nostri Anno Duodecimo . J. F. Albanus.

4 Sub clausula illa, (quæ Indulgentiarum Brævibus solet apponi) *Volumus autem ne si alias Christi Fidelibus dictam Ecclesiam visitantibus aliqua alia Indulgentia perpetua, vel ad tempus nondum elapsum, duratura, concessa fuerit, presentes littere nullæ sint*: non continentur Altaria privilegiata, prout sequitur.

„ Cum à Sac. Congreg. Indulgentiis, sacrisque Reliquiis præposita, Cameracensis Archiepiscopus quævisset, quævis, & sententia clausulæ, (quæ hodie Brevibus Indulgentiarum apponi solet) Volumus autem, ut si alias Christi Fidelibus dictam Ecclesiam qualibet anni die visitantibus aliqua alia Indulgentia perpetua, vel ad tempus nondum elapsum, duratura, concessa fuerit, presentes littere nullæ sint: S. Congr. re diligentius examinata, Clausulam sic explicandam censuit, si videbitur Sanctiss. D. Nostro. - Ea minime contineri Altaria Privilegiata pro defunctis; neque Indulgentias, aut certo personarum generi concessas, ut Confraternitati, Regularibus, & Capitulo; aut certum pium opus in ipsa Ecclesia peragentibus, ut Litanias, aliasve huiusmodi præces recitantibus; ac iis, qui Christiana Doctrina erudiuntur, vel alios erudiunt, & qui Sanctissimi Eucharistiæ Sacramenti expositioni cum Oratione quadraginta horarum intersunt; neque Stationum Urbis, & septem Altarium Indulgentias, instar septem Altarium Basilicæ Vaticanæ concessas; neque demum, quæ pro unica vice conceduntur. - Cæterum, si alia Indulgentia, sive plenaria, sive non plenaria, in perpetuum, vel ad tempus, tum ab eodem, tum ab alio Romano Pontifice, generatim Christi Fidelibus Ecclesiam, vel aliquo ejus Altare, seu Capellam visitantibus, eodem anni die, vel diverso concessa fuerit, de qua non fiat in litteris Apostolicis mentio, has litteras ob adjectam clausulam, esse prorsus irritas, ac nullas. Datum die 23. Junii 1676.

„ De his autem facta relatione ad Sanctiss. D. N. die 16. Martii 1677. sententiam Congregationis approbavit. Card. Maximus. Michael Angelus Riccus Sec.

5 Altaria Privilegiata non suspenduntur per suspensionem generalem Indulgentia-

rum, quæ fit anno Jubilæi, ut dixit *Lezana v. Altare n. 19. apud Lant. ver. Altare n. 6. & colligitur ex Layman Theol. Moral. lib. 3. tract. 4. c. 8. num. 4. Quilici. Confess. manuduct. qu. 5. art. 4. nu. 29.* scriptionibus, quod anno Iubilei nulla omnino fieri solet suspensio Indulgentiarum pro defunctis; per modum Suffragii à Sede Apostolica concessarum.

CAPUT V.

Officialis quoad Apostatas.

SUMMARIUM.

- 1 *Apostata à fugitivo distinguitur.*
- 2 *Regulares ad aliquod genus clausura tenentur.*
- 3 *Censetur Apostata, qui sine licentia vagatur.*
- 4 *Licentia triplex, expressa, tacita, & præsumpta.*
- 5 *Non semper licentia præsumitur.*
- 6 *Distantia à Conventu concludit Apostasiam, si sit mortifera.*
- 7 *Judicium distantia quibus relinquatur?*
- 8 *An existens in horto dicatur moraliter manere in Conventu.*
- 9 *Nomine Monasterii in odiosis non venit Ecclesia.*
- 10 *Que censeantur spectare ad clausuram?*
- 11 *Superiores clausura terminos figunt.*
- 12 *Non est Apostata recurrens legitimè ad Superiorem.*
- 13 *Exponitur mens Tridentini in sess. 25. de Regul. cap. 4.*
- 14 *An gravatus debeat expectare sententiam?*
- 15 *Quinam actus sint irretractabiles?*
- 16 *Quando appellatio liget manus Judicis?*
- 17 *Quando gravamen potest reparari, est expectanda definitiva.*
- 18 *Praxis pro subdito gravato à Judice.*
- 19 *Gravatus in Religione non potest recurrere ad Judicem Conservatorem.*
- 20 *Fratres Ordin. Min. de observ. ordinem in appellationibus servare debent.*
- 21 *Quando dimissio habitus inferat censuram?*

§. UNICVS.

APPELLATIO.

- 1 *Appellationis natura, & cur inducta?*
- 2 *Appellatio duos effectus habet.*
- 3 *Alia est judicialis, extrajudicialis altera.*
- 4 *Formula appellandi à definitiva.*
- 5 *Appellatio ab interlocutoria debet nominatim gravamen continere.*
- 6 *An appellandum sit in scriptis?*
- 7 *Tempus fatale ad appellandum.*
- 8 *Ab appellante petendi sunt Apostoli.*
- 9 *Apostoli non legitimant recursus Religiosum ad Superiores.*
- 10 *Tempus prosequendi appellationem.*
- 11 *Appellatio non suspendit censuram latam.*
- 12 *Decretum Sac. Cong. Concilii super praxi ab Ecclesiasticis in materia appellationum servanda: & ibi plura. ad 22.*

Non loquitur de Apostasias perfidiæ, quia per infidelitatem fides requiritur; nec inobedientiæ, præceptorum transgressionibus adnexa; de quibus optimè Gloſs. ad c. præterea de Apostatis, & reiter. Baptif. verb. Apostasia, & Summiſtæ communiter; ſed de Apoſtaſia à Religione. Quam DD. deſcribunt, quòd ſit *reſceſſus à Religione habitu dimiſſo, vel retento, animo & intentione non amplius revertendi ad obedientiam Superioris*. Apud quos reſceſſus, eo animo qualificatus, Apoſtatam in ſenſu proprio conſtituit; & eo diſtingui probant à purè vago, & fugitivo, qui ſpontè, & abſque Superioris licentia à Monafterio diſcedit, ut ad tempus tantùm liberè vagetur.

Id in Regulari operatur profeſſio expreſſè, vel tacitè emiſſa, ut ad aliquod genus Clauſuræ teneatur: textus expreſſus in c. Monachi de Stat. Monach. Extra quam ſine Superioris licentia nulli egredi licet: arg. ex damnata propoſitione VVicleſſi in Conc. Conſtat. ut in Conſt. Martini V. la 1. Bull. ſom. x. huius tenoris: *Ingredientes Religionem; aut aliquem Ordinem, eo ipſo ſunt inhabiles ad obſervanda Divina Præcepta, & per conſequens ad perveniendum ad Regnum Cælorum, niſi apoſtataverint ab eiſdem*. Et ex verbis decreti Clem. VIII. de re-

ſervatione caſuum pro Regularibus; in quo caſus reſervabilis eſt: *Apoſtaſia à Religione ſive habitu dimiſſo, ſive retento, quando cò pervenerit, ut extra ſepta Monafterii, ſeu Conventus, egreſſio fiat; & nocturna, ſeu ſurtiva è Monafterio ſeu Conventu egreſſio, etiam non animo apoſtandi facta; ideſt, non coniuncta cum voluntate perdurandi extra obedientiam Prælati*.

3 Propterea verè Apoſtatæ ſunt, qui, habitu etiam retento, & animo revertendi ad Clauſtra, extra ipſa abſque Superioris licentia vagantur, (quamvis propriè eſſent vocandi Fugitivi: per Ameno de delictis tit. 2. §. 1. Apoſtaſia n. 9.) Reſert Sanctior. com. in ſtat. S. Franc. cap. 2. ſtat. 61. id eſſe definitum per Statuta Palatia Iulii II. cap. 7. part. 31. ut ſequitur: *Intelligimus autem Apoſtatam omnem, qui ſine licentia, vel contra obedientiam ſuorum Prælatorum per terras, loca, ſeu patrias cum habitu, vel ſine, cum ſocio, vel ſine illo, iverit, atque quomodolibet diſcedentem*. Stat. Sambuc. Min. de Obſer. cap. 2. §. 8. de Apoſtatis, quomodocumque fugitivos è Clauſtris Apoſtatas nominant, & uti tales puniri præſcribunt; ubi videndi caſus, & gradus Apoſtaſiæ cum ſuis penis proportionatius.

4 Licentia debet eſſe, vel expreſſa, vel tacita, aut præſumpta. *Expreſſa* obtinetur verbo, voce, vel ſcripto. *Tacita* eſt, quando Superior Subdito eam petenti nil reſpondet, nec prohibet, licet poſt petitam licentiam eum exire videat; tacendo enim cenſetur conſentire, c. nonne, juncta Gloſſ. in verb. tacendo de præſumptionib. *Præſumpta* (quæ ab aliquibus apud Peyrin. de Subdito quaſt. 2. cap. 2. §. 3. not. 1. dicitur interpretativa) eſt illa, quæ nec expreſſè verbo, ſeu voce, nec tacitè habetur, præſumitur tamen, quòd concederetur, ſi peteretur; quæ à tacita diſtinguitur ex hoc, quòd tacita ſupponat Prælatum præſentem & conſuetudinem; præſumpta verò abſentiam eiſdem, vel, quòd de facili præſens non poſſit haberi.

Ut legitimè poſſit Subditus uti licentia præſumpta, ei aſſiſtere debet neceſſitas; & ad exemplum ſit: *Infirmatur quis, V. G. ad mortem, petit Confeſſarium: alius non adeſt, quàm Regularis potens Sacramentum miniſtrare: non adeſt tempus adeundi Superiorem ad petendam licentiam; alias infir-*

infirmus moritur inconfessus. Lauro furatur in Sacristia Calicem, illico fugit; nisi Sacristia extra Conventum, non expectata Superioris licentia, fugientem persequatur, amissio est certa. In his, & similibus casibus præsumitur, quod Superior licentiam concedat, & ad subveniendum saluti proximi, & ad reparandum damnum Conventus.

5 Verum pro praxi advertendum, quod nunquam excusatur subditus ab Apostasia, nec licentia præsumi prudenter potest, nisi necessitas siturgens; ut cum tempus adeundi Superiorem non suppetit, vel cum adhibita subdito diligentia, non invenitur. In istis circumstantiis licentia præsumpta suffragatur, & legitimitatem egressus justificat. Secus dicendum, si Superioris præsentia posset de facili haberi, quia tunc præsumeretur potius dolus in subdito, & quod ex proposito vel diligentiam omitteret, vel ad Superiorem non accederet; quod fortius procedit in casu, quo data opera differret petitionem licentiæ ad tempus, quo sciret Prælatum absentem necessariò esse debere, aut non posse de facili inveniri.

6 Non potest Apostata pronunciari, & pœnis Apostatarum puniri, nisi exiens extra januam Conventus absque licentiâ, per tantum spatii elongetur ab ipso, quod sibi possit rationabiliter ad culpam mortalem imputari; ut notavit Peyrinus *cit. quest. 1. cap. 26. vers. Ex quibus*, & Sanctor. *alleg.* Unde distantia per aliquot passus, quæ non sit mortifera, ad id non sufficit. Major enim excommunicatio, qua per DD. ligantur Apostatæ, non nisi ob culpam mortalem incurritur, *cap. Nemo Episcoporum 11. quest. 3.* à qua, sicut in pluribus aliis materiis, parvitas materiæ in casu excusat.

7 Judicium distantia concludentis culpam mortalem relinquitur prudentis arbitrio, dispositioni legum municipalium, & locorum consuetudini, iuxta quam variatur; ut ubi suprâ scripsit Ameno *num. 19.* Absolutè mortaliter peccatur, si transgressio obedientiæ sit gravis; si interveniat dolus, & fraus, & non habeatur licentia tacita, præsumpta, sive interpretativa, vel non adsit necessitas locum dans epichejæ.

8 Nec est Apostata, qui factò præcepto à Superiore, de quis sub Apostasiæ pœna sine eius licentia extra Conventum vadat, hortum, pratum, vel sylvam ingreditur; li-

Official. Cur. Eccl.

cet puniendus sit pœnis inobedientium (sicut iisdem corripiendus est Religiosus cellam alterius ingrediens, dum id Superior inhibuit) modò præfata spectent ad clausuram Conventus; vel intra septa Monasterii contineantur; quia in casu existens in horto, diceretur moraliter manere in Conventu, & non extra septa Monasterii; quod per DD. & ex Decreto Clementis superius allegato exigit Apostasia.

9 Non est vis constituenda in vocola, Conventus; quia licet iste in sensu stricto restringi, possit ad significandum spatium contentum à parietibus domus, vel ædificii; in casu non ita materialiter accipitur; aliàs deberet de Religioso è clauistro absque licentia ingrediente Ecclesiam eiusdem pronunciari, quod esset Apostata; quia dici de eo non posset, quod ut in Ecclesia, esset in spatio materiali, hoc est, inter materiales parietes Conventus contento, sed extra. Et eò fortius, quod Ecclesia, & Conventus diversa significata diversis nominibus exprimunt. Et etiam quia, ut ex Grafio refert Donat. *prax. tom. 1. part. 2. tract. 3. q. 1. num. 3.* nomine Monasterii non venit eius Ecclesia (præsertim in odiosis) alioquin mulieribus, quibus est prohibitum ingredi Monasteria Virorum, esset etiam interdictus ingressus ad eorum Ecclesias; & ex identitate rationis, Viri ad eas Monialium non possent accedere; quod est sanè falsum, simul, & ridiculum.

10 Ideò Conventus, vel Monasterii septa debent in præsentì accipi formaliter, ut significant totum circuitum Monasterii; comprehendendo in eo, hortum, sylvam, pratum, ex Peyrino *de Prælato quest. 3. c. 2. §. 1. num. 39.* & alia loca illi annexa, quæ iisdem muris, seu septis cinguntur, apud Lezana *summ. tom. 3. verb. Clausura num. 3.* & habetur *cap. Exiit, de verbor. signif. in 6. §. Denique, vers. Nos utique*; ubi Nicolaus III. declarans in terminis, quid nomine Monasterii intelligatur, ait: *Nomine Monasterii volumus Clausuram, domos, & officinas interiores intelligi*; & inter istas textus certè comprehendit hortum eodem muro Monasterii cinctum; ad quem (sicut ad alias officinas interiores) si sit Monialium, Viris, & si sit Regularium, Mulieribus non permittitur, imò sub censuris prohibetur ingressus.

11 Nec relevat, quod ad Superiores,

B

res,

res, per Lezana *cit.* & Confect. *sum. privi- leg. Mend. part. 2. tit. 20. cap. 8.* uti ad Iudices ordinarios, & Pastores Religiosorum, pertineat de Clausura providere, eiusdemque statuere, & designare terminos, extra quos non liceat Religiosis sine licentia exire. Nam in eo ex observatis à præallegato Ameno *num. 24.* debent Apostolicis Constitutionibus conformari, & iuxta earum dispositivas operari. Ideo cum Nicolaus hortum ad Clausuram spectare statuerit, ab ea non potest per Superiores excludi, nec declarari, quòd pars ejusdem non sit; aliàs eorum declaratio efficere posset, ut licitè illum mulieres ingredi valerent; & quòd esset locus, in quo confugientes non gauderent immunitate; quod est falsum.

Ex quibus concluditur, quòd de Religioso contra mandatum Superioris hortum clausuræ unitum ingrediente (licet sit inobediens) non verificatur, quòd sit extra clausuram; imò potiùs optimè dicitur, quòd sit intra septa formalia Monasterii; & sic, quòd non possit ullo modo, ut Apostata, pronunciari, & uti talis puniri.

12 Neque Apostata pronunciari debet Religiosus, si injustè, & contra jus certò, & notabiliter gravatus à Superiore, recta via ad Generalem, aut alios, ad quos de jure, accesserit absque licentia legitima, ut in terminis firmant Peyrin. *de subdito quest. 1. cap. 20.* Lezana *sum. tom. 1. c. 16. nu. 8.* Pignatell. *tom. 5. conf. cit. numer. 27.* Ameno *cit. num. 27.* alios plures allegans. Ratio à Doctoribus datur. Etenim appellatio ex Pasqualigo ad Lauretum de Franchis *part. 1. num. 159.* est defensio contra injustitiam in præsidium innocentiae; defensio autem per DD. est de jure naturæ, & ideo Regularibus licita, imò & necessaria, ut per Superiorem gravamen emendetur. Nimis enim durum foret, quòd ex proprio statu Regulares essent deterioris conditionis, quàm cæteri homines, qui ab injustis gravaminibus possunt appellare, & ad Supremos Iudices recurrere, *cap. Suggestum, cap. Pastoralis officii, de appellat.* Et quia lex præscribens, ne Religiosus exeat è Clausuris sine Superioris licentia, est humana, nec legi naturali de se defendendo ab injustè gravante, & iniquo oppressore prævalet; sequitur optimè, quòd in casu, & ad hunc effectum, possit

sine illa ad alium Superiorem recurrere; in casu enim tantæ necessitatis, vel ius naturæ dispensat, ut sine illa vadat, vel præsumitur licentia Superioris, *Ad quem*, ut notavit Lezana, *vid. num. 18.*

13 Nec obstat, quòd Trid. *sess. 25. de Regul. c. 4.* statuatur: *Nec liceat Regularibus à suis Conventibus recedere, etiam prætextu ad Superiores suos accedendi, nisi ab eisdem missi, aut vocati fuerint;* nam credendum non est, ut notat Pignatellus, Concilium voluisse derogare iuri naturali; ipsumque per Lezana non loquitur de Religiosis à Superiore iniuste, & contra ius gravatis; sed de illis, qui sine vera causa recurrunt, quod illa dictio, *prætextu*, significat; prætextus enim est color quæsitus, & non vera causa. Prohibetur ergo à Concilio recessus, & recursus ex causa colorata, levi, & ficta; non verò ex causa reali, & in casu realis gravaminis præsentis, five imminensis, ut post Quaranta *summ. Bullar. verb. Archiepiscopi auctoritas sub lit. L. ver. Conclusionem;* optimè scripsit Ameno *n. 31. vid. infr. n. 19.*

14 Et si quærat, an gravatus debeat expectare sententiam, & ab ipsa appellare? Responsioni præmittimus: *Primo*, quòd alia est sententia *definitiva*, alia *interlocutoria*. *Definitiva* est illa, quæ decedit negotium principale in iudicium deductum; vel qua Iudex causam principalem definit, & toti controversiæ finem imponit, suoque est functus officio, nec potest amplius se ingerere in cognoscenda causa, sed solum in executione sententiæ. *Interlocutoria* verò est, quæ non de summa controversia, sed de rebus ad eam definiendam pertinentibus pronunciat; ut de cognitione differenda, de testibus producendis, de tortura, & similibus; ut tradunt Piafeco. *prax. Episcop. par. 2. cap. 4. art. 15. num. 13.* & Engel. *Colleg. Univers. Iuris Canon. lib. 2. tit. 27. §. 1. num. 3.* & Joan. Calvinus *Lexicon Iuridicum lit. S.*

15 Secundò, quòd gravamen irreparabile dicitur quilibet actus irrefragabilis; qui instanti, quo ponitur, suum sortitur effectum, & annexum habet factum, quod infectum esse non potest, ut ait Quaranta *cit. vers. In quibus, ubi sup.* Hujusmodi sunt actualis excommunicatio, suspensio, & interdictum, quæ alleg. *cap. Pastoralis, §. Verum*, secum trahunt executionem; item tortura, & carcer, ex Piafeco *cit.* & Cabassut. *prax.*

prax. Jur. Canon. lib. 4. c. 12. n. 20. Quoad carcerationem habetur declaratio S. C. C. apud Piafecum *cit.* ex Quaranta loco adducto hujus tenoris.

An quod Decreto S. C. Trid. *sess. 13. c. 1. de refor. & alio sess. 24. c. 20. de refor.* dicitur de gravamine, quod per appellationem à definitiva reparari non potest, intelligi possit, & debeat de gravamine indebita carcerationis?

Sanctiss. D. N. auditarelatione S. C. Conc. declaravit ita esse intelligendum; & idè ab hujusmodi gravamine appellari posse, & Ordinarium, vel Judicem teneri huic appellationi deferre, & teneri processum transferre ad Judicem appellationis.

Et dicitur irreparabile, quatenus licet sententia definitiva lata ab Judice appellationis possit liberare ab excommunicatione, V. G. & carcere; efficere tamen non potest, quin gravatus illa mala actu sustinuerit, nec eum ad primævum indemnitate statum restituere valet.

16 Item, licet olim de jure Canonico à qualibet interlocutoria, & quovis gravamine appellare licuerit, *cap. de appellationib. cit. tit.* id hodie est correctum per Trid. *sess. 13. cap. cit.* in causis visitationis, & aliis, ut ibi: *Ante definitivam sententiam ab interlocutoria, vel alio quocumque gravamine non appelletur: Nec Episcopus, aut Index, seu Vicarius appellationi hujusmodi tamquam frivola deferre teneatur, & inferius: Nisi gravamen hujusmodi per definitivam sententiam reparari, vel ab ipsa definitiva appellari non possit.* Notavit præalleg. Quaranta v. *In quibus casibus*, quod à decreto de torquendo admittitur appellatio, & tortura suspenditur, etiam antequam per Judicem, *Ad quem*, inhibeat; nam licet regulariter appellatio ab interlocutoria non liget manus Judicis, *A quo*, antequam inhibeat, ut in *cap. Non solum, de appellationibus*, limitatur, ut non procedat in ea interlocutoria, quæ infert gravamen irreparabile; nec in ea per Engel. ex Barbosa in *Collect. D. D. ad d. cap. 20. Trid. num. 37.* & Quaranta loco allegat. quæ tamen contineat gravamen reparabile, non est tamen reparabile ex toto; vel nonnisi cum magna difficultate, aut præjudicio partis.

17 Ex quibus potest quæsito responderi. Vel Subditus gravatur à Superiore per interlocutoriam tali gravamine, quod per

appellationem à definitiva, reparari non possit; ut si decernat reum esse torquendum, aut incarcerandum; & tunc sententiam definitivam expectare non debet, sed appellationem ab interlocutoria torturæ, & carcerationis interponere. Vel sic gravatur, ut gravamen illatum possit per definitivam reparari; V. G. producit testem ad sui defensionem, Judex eum examinare rejicit, etiam si nullam exceptionis rationem afferat; licet super hoc se sentiat nimis gravatum, expectanda nihilominus est definitiva, quia per appellationem ab ea, potest gravamen, & damnum reparari, Peyrin. & Engel. *loc. cit.* aliàs si ante unam, vel alteram sententiam discesserit, temerè, leviterque judicabitur recurrere; & sic erit ut Apostata puniendus, & ad Superiorem processum remittendus.

Sed quid, si Superior appellationi non deferat, vel eam non admittat, prout de jure deberet? Dicendum, appellan-tem debere ab iis, coram quibus appellavit, petere Apostolos, testimoniales litteras nimirum, testificantes de interposita appellatione. Quas illi concedere tenentur, quia indebitè gravato, officium charitatis expositulat, ut omnes succurrant.

18 Cæterum in praxi instruendus est Subditus (injustè V. G. à Provinciali gravatus, cui nec locus appellandi datur, estque ad illati gravaminis obtinendum testimonium extimorè majoris impotens, & mora in ejusdem Provincia nociva) quod debeat (quando ad exercitium virtutis sustinere nolit) viciniorem alterius Provincie Conventum adire, & ex eo per editum coram testibus ab illato gravamine appellare, & Provinciali transmittere; ac iniustitiam gravaminis significare Generali, iurisque remedia exposcere, obedientiales petere, & cum eis ad ipsum accedere, ut sic recursum iustificet.

Et quatenus à Generali obedientiales denegarentur, & urgeret accessus ad Sedem Apostolicam pro revisione causæ, vel revocatione gravaminum; deberet testimonio fide dignorum constare de petita ab eo licentia, & per suos Superiores denegata, ut expressè Sixtus V. Const. *Ad Romanum* sub la 71. §. 20. *Bull. tom. 2.*

19 Dubitatur, an gravatus à Guardia non habens copiam Provincialis, possit appellare, & recurrere ad Conservatorem

Privilegiorum ? & quatenus ad eum effectum à Conventu recedat , sit pronuncians Apostata ?

R. Quantum ad primum negativè . Nam in appellationibus interponendis est servandus ordo , ut ex ordine Sanctiss. decrevit S. C. Regularium *de ann. 1587. apud Quaranta summ. ver. Monaster. & Conventus* ; ubi à gravamine Prioris ad Provincialem , & à Provinciali ad Generalem recurrendum esse legitur . Tum quia Leo X. *Const. Romani, la 10. apud Consect. de privilegi. Mend. part. 1.* sub excommunicationis pœna eo ipso incurrenda ; prohibet nominatim Conservatoribus Privilegiorum Ordinis Prædicatorum , ne querelas Fratrum , & Sororum d. Ordinis , contra alios Fratres eiusdem suscipiant , vel de eis cognoscant . In quo privilegio & ceteri Regulares communicant . Nam allegari non potest titulus , quo id eis prohibeatur .

20 Accedit prohibitio appellandi per Religiosos Ordinis Sancti Francisci de Observ. à Prælati eiusdem Ordinis ad Tribunalia sæcularia , prout in *Const. Quoniam, la 27. Gregor. XIII. Bullar. tom. 2.* In qua sub pœna excommunicationis latæ sententiæ , Papæ reservatæ , ac privationis vocis activæ , & passivæ , & perpetuæ inhabilitatis ad officia obtenta , & obtinenda , interdicatur , ne quis dict. Ordinis Religiosus , aut Religiosa , ad Tribunalia sæcularia appellare , vel adire audeat ; sed in casu gravaminis à Prælati suis , à Provinciali ad Generalem , aut Sedem Apostolicam recurrendum est . Per Tribunal sæculare Pontifex intelligit quodcumque , quod non est , vel Superiorum Ordinis , vel Protectoris (licet quoad hoc hodie attendatur *Const. Innoc. XII. Christi fidelium sub 14. Kal. Martii 1693. moderatoria facultatum Protectorum*) aut Sedis Apostolicæ . Atque ita intendit prohibere recursum ; etiam ad illud Conservatorum , quod non est Tribunal Ecclesiasticum Regulare , vel Apostolicum , sed sæculare duntaxat .

Et ita ad secundum affirmativè .

21 An autem censendus sit Apostata , vel fugitivus Religiosus , qui obtentis litteris obediencialibus accedendi ad locum à Provincia distantem , in itinere habitum deponit , & in veste sæculari incedit ?

Negativè respondetur . Nam non est Apostata , quia supponitur non habere vo-

luntatem non ampliùs redeundi ad Claustra sub obedientia Superiorum : nec Fugitivus , quia recessit à Conventu , & Provincia cum eorumdem licentia ; ligatur tamen excommunicatione allegat. *cap. Ut periculosa, ne Cler. vel Monach. in 6.* lata in Regulares , qui ad finem liberiùs evagandi , habitum temerè , hoc est , sine rationabili causa dimittunt .

22 Unde quia ad huiusmodi censuram incurrendam exigitur , ut dimissio habitus sit temeraria ; ut textus expressius ibidem , iuncta Gloss. *in verb. Temerè* , hoc est , facta absque iusta , vel saltem probabiliter apparenti causa , sequitur ea non ligari , qui causam rationabilem dimittendi habet ; & sic apud Amenonum. 26. & expressius apud Peyrin. *de subdito cap. 26. sæpiùs cit. §. 1. per totum* , ea non innodatur , qui dimittit causa mutationis , mundationis , reparationis , balneationis , infirmitatis , transitus per loca Turcarum , & Infidelium ; ad quietiùs dormiendum , & fugiendum calorem æstivum ; ac ad modestam recreationem , etiam si ad aliquod tempus , in Conventu habitus histrionum assumat ; cum in his , & similibus non habeatur propriè habitus dimissio , sed spoliatio ; quæ duo valde differunt , ut ex Suarez *tom. 5. in 3. par. disp. 23. sect. 4. nu. 27.* observat Peyrin. *verb. Neque incurrit* .

23 Ubi nec eum censura ligari docet , qui habitum dimittit , ut cum femina rem turpem habeat , vel ut aliquid liberiùs subripiat ; licet peccet mortaliter , ex eo , quòd tunc dimittit , ut commodiùs fornicetur , vel liberiùs furetur , & non occasione vagandi , quam Decretalis ea dispositione removere intendit : secus dicendum de eunte in habitu sæculari ad lupanar .

§. U N I C U S

A P P E L L A T I O.

ESset hic agendum de appellationibus , tanquam de re necessaria , & Ecclesiasticis utili ; sed quoniam Scribentes pleno calamo id agunt , Fagnan. *in 2. ad cap. Super eo, il 2. de appellat.* Gonzalez *in 2. tit. 28. Ventrigl. prax. par. 1. annor. 8. Piafecus prax. par. 2. cap. 4. art. 15.* parcimus labori , & quedam duntaxat dictis *sup. n. 14.* subnectimus .

1 Appellatio itaque, *Est ab inferiori Iudice ad superiorem facta provocatio*; adeo ut ille in causa amplius non cognoscat, nec se ingerat; vel prius pronunciatum corrigat, vel in melius reformet. Est enim appellatio remedium juris ad removendum gravamen, quod Iudex, à quo appellatur, intulit, vel inferre conatur. Potest Iudex in causa sententiam, vel definitivam, vel interlocutoriam, ferre. Si definitivam pronunciat, cum functus sit officio suo, semel iudicando, sive bene, sive male, non potest amplius in causa cognoscere, & sententiam revocare, quia definitiva imponit finem causæ. Ac tantum agere valet pro exequenda sententia, ad text. in *cap. In litteris, de offic. Deleg.* nisi per appellationem executio suspendatur, & ad superiorem causam ex integro devolvatur. Si vero interlocutoriam sententiam tulit, potest eam revocare, vel moderari. Et quatenus, appellatione interposita, non moderetur, iurisdictio suspenditur.

2 Unde appellatio regulariter duos effectus producit, alium suspensivum, quo sententia ipsa, & ejus effectus, inferiorisque iurisdictio suspenduntur, *cap. Pastoralis, §. Verum de appell.* alterum devolutivum, per quem causa, super qua appellatur, & ejus cognitio, cum omnibus accessoriiis ad superiorem devolvitur, *cap. Dilectus hoc tit.*

Hinc quia, interposita appellatione, ad superiorem Iudicem causa est devoluta, & iurisdictio inferioris suspensa, sequitur, quod Iudex inferiori in re, atque ipsamet causa, à qua provocatum est, amplius procedere non possit. Nam appellatio non solum suspendit inferioris iurisditionem; verum & appellantes in causa, in qua appellatum est, ab inferioris iurisditione eximit, *cap. Romana hoc tit. in 6.* & inferior definit esse Iudex ejus causæ, *cap. Ad hæc, cap. Ut nostrum hoc tit.* ejusque manus ligantur, & ab eo tollitur facultas ulterius procedendi, Propterea Jura constituerunt, ut Iudex, *A quo*, appellatio pendente, nihil innovare possit; & si quid eo tempore attentaverit, velut à non Iudice factum, rescinditur. Nec tantum revocantur ea, quæ fuerunt attentata post appellationem interpositam; sed ea quoque, quæ attentata fuerunt post sententiam intra tempus assignatum ad appellandum, quia cum illud tempus sit ad ap-

Official. Cur. Eccl.

pellandum concessum, nihil, eo pendente, innovari debet; ne beneficium in iure indultum, damnosum sit gravatis, aut omnino superfluum, contra regulam 17. *jur. in 6. indultum.*

3 Appellatio dividitur in iudicalem, & extraiudicalem. Judicialis est, quæ in iudicio interponitur, postquam ceptum est; quia aut interponitur à definitiva, vel ab interlocutoria continente verum gravamen irreparabile. Extraiudicialis ea est, quæ ab actibus extraiudicialibus interponitur, dum quis gravatur, vel timet gravari; ut in provisionibus, electionibus, &c. *cap. Concertationi hoc tit. in 6.* Et solet huiusmodi appellatio dici provocatio ad causam, *cap. Cum sit hoc tit.* quia pertinet ad causam inchoandam.

In utraque appellatione debet gravamen in scriptis exprimi, *cap. Cordi hoc tit. in 6.* De illa in electionibus facienda, legitur expressè text. in *cap. Ut circa, de elect. in 6.* Ex quo appellandum est in publico instrumento, præstito corporali iuramento; & in scriptis appellatio offertur. Nec valet appellatio, ut non fiat electio, sed ut non fiat, nisi canonica, ex dicendis *cap. 18.*

4 Verum in appellatione à definitiva, non est necesse, ut nominatim, & in specie causa gravaminis exprimat, ut in terminis Gloss. ad *cap. Cum in Ecclesia hoc tit. ver. Injusta*, & Gloss. in *cap. Quoad, de sent. & re judic. verb. Causam non exprimens*; sed debet semper continere gravamen, licet minimum; & iusta, ac rationabili causa interponi; aliàs Iudex, *A quo*, non teneretur ei deferre. In dubio de iustitia causæ, Iudex, *Ad quem*, cognoscit. Formulam tradit Gratianus ad *cap. Post appellationem, 2. q. 6.* ibi: *Ego N. contra sententiam Iudicis N. injuste in me latam die 11. Augusti 1708. Romanam Sedem, vel Iudicem N. appello, & Apostolos peto. Hac die eodem anno coram NN. testibus, &c.* Definitiva enim potest ex novis causis iustificari, in qua habet locum beneficium iuris: *Non deducta deducam, non probata probabo, l. Per hanc, Cod. de temp. appellat. cap. Fraternalis, de testibus.* Nisi appellatio à definitiva esset in casu ab iure prohibito; tunc enim nominatim causa exprimenda esset, quæ vinceret ius prohibens, ut dixit *Piafec. num. 14.*

5 In appellatione ab interlocutoria,

B 3 quia

quia non potest ex novis causis iustificari . ut in Clemen. *Appellanti hoc tit.* necessarium est in scriptis causam nominatim exprimere , ut in *d.c. Cordi* . Quapropter non valet , si appellans per clausulam generalem , & in confuso causam exprimat ; ut : *Appello ab interlocutoria iniqua , vel gravamine , vel gravaminibus , quæ ex actis , vel processu colligi possunt* . Quando enim aliquid à lege pro forma requiritur , illud specificè adimplendum est , per Gonzal. *cir. cap. 59. num. 16.*

Discrimen autem , cur in appellatione à definitiva non requiratur expressè causa gravaminis in specie , benè verò in appellatione ab interlocutoria , apud d. Gonzalez *num. 18.* est , quòd Iudex nunquam potest revocare , aut mutare suam sententiam definitivam , *1. Iudex posteaquam , ff. de re judic.* & proinde non oportet in appellatione à tali sententia causam exprimere , cum per eam Iudex moveri non possit (& si vellet) ad illam revocandam vel mutandam . Interlocutoriam verò potest , *cap. Cessante hoc tit. cap. Si ab Iudice hoc tit. in 6.* Ideò congruum est , ut in ista exprimaturs causa , propter quam fortassè Iudex moveri possit ad illam revocandam .

6 Quamvis appellatio semper debeat in scriptis interponi , hoc non procedit , si appellatur à definitiva , *Illico & ex continenti* , post sententiam latam ; tunc enim viva voce , & sine scriptura appellari potest , per Gloss. in *d.c. Cordi* , *verb. Interlocutoria* ; sed ab interlocutoria semper in scriptis appellandum est , ut text. in *d. cap.* expressè .

7 Est certum , sententiam à Iudice legitime latam in rem iudicatam transire , si nulla fuerit appellatione suspensa , *dist. cap. Quoad , de re judic. cap. Cum inter , de elect.* hoc est , si ab ea non fuerit appellatum ; vel , si inter fatalia tempora appellatio non sit interposita , vel prosecuta . Quapropter duo sunt tempora , unum appellationis interponendæ , & alterum proseguendæ ; quæ dicuntur fatalia appellationi , quatenus , si inter ea appellatio vel non interponatur , vel non proseguatur , intelligitur deserta .

Tempus ad interponendam appellationem post latam sententiam sunt decem dies , intra quos est appellandum , *cap. Non solum hoc tit. in 6. cap. Bonæ memor. de conf. utili &c.* & non solum à definitiva , ve-

rum & ab interlocutoria , aut alio gravamine (nisi sit gravamen habens tractum successivum , ut est carcer , quæ pœna semper durat) & observandum etiam , dum appellatur tacitè per arreptionem itineris ad Superiorem : aliàs censetur appellans iuri suo renunciare . Hoc autem tempus quoad appellantem , si sit præsens , incipit currere à diæ latæ sententiæ ; si verò fuerit absens , à die notificationis sententiæ , & non priùs . Ratio est , quia illi dies dantur ad deliberandum , an quis velit stare sententiæ , vel non ? Impossibile autem esset , ut quis absque sententiæ notitia deliberaret .

8 Statim autem , interposita appellatione (quando uno contextu in ipsa interpositione non fiat) peti debent Apostoli , seu litteræ dimissoriæ , quos Iudex , *A quo* , tenetur dare , juxta præscriptum Bonif. VIII. in *d.c. Cordi* . In quibus debet exprimere causam appellationis , & cur appellatio non sit admissa ; vel si appellationi forsàn ex Superioris reverentia sit delatum .

Tempus petendi , & accipiendi Apostolos ab iure indultum , est triginta dierum , *cap. Ab hoc tit. in 6.* Et debent *sepè , instantèr , & instantissimè* peti , Clement. *Quamvis hoc tit.* Sed hoc sciendum , Iudicem , *A quo* , tempus ab iure statutum pro dandis Apostolis , non posse producere , & extendere ; iustis tamen de causis posse restringere ; intra quod si appellans , nec petat , vel recipiat , appellationi renunciare videtur , d. Clementina §. *Verum* ; considerando , quòd Iudex , *A quo* , quoad ea , quæ ad celeriozem , appellationis expeditionem pertinent , jurisdictionem retinet , *cap. Ex litteris , de max. im. contracl.* Ita potest præscribere tempus appellanti , intra quod teneatur adire ad Iudicem , *Ad quem , cap. Personas hoc tit.*

9 Advertendum , Apostolos non concedi ad legitimandos recursus Regularium ad Superiores , ad quos aliàs sine obedientialibus accedere non possent . Nam non sunt remedium juris ad hoc inductum ; aliàs sòlis Religiosis concederentur : quod per DD. & jura est falsum . Tum quia conceduntur ad effectum , ut super appellatione , ac ejus causa instructio faciliòr valeat in processu haberi , *c. Ut super hoc tit. in 6.* Hæc Regulares attendant , si velint pœnas Apostatis taxatas effugere , & in contingentia facti ad praxim deducant , quæ dixi *num. 18.*

For-

Formulam petendi Apostolos, tradit *Ameno pract. crim. par. 2. tit. 3. §. 6. nu. 34.* Cæterum Ventriglia *cit. §. 2. n. 38.* testatur, quòd praxis loco Apostolorum consuevit dare copiam sententiæ.

10 Tempus verò præfinitum ad prosequendam appellationem est annus; sed ex necessaria, iusta, & evidenti causa, bienniam, *cap. Cum sit Romana hoc tit.* Quæ verò dicenda sit iusta, necessaria, & evidens causa? pendet ex qualitate negotiorum. Incipit tempus currere à die interpositæ appellationis, d. Clement. *Sicut.* Quod si, legitimo impedimento cessante, appellans non fecerit, appellatio ejus deserta censetur, ut *ibid. text.* Verum, si extra iudicium appelletur à futuro gravamine, non prius hoc fatale tempus currere incipit, quam gravamen illatum sit; idè in hoc casu tantum non incipit ab interposita appellatione, sed à die illati gravaminis, ut notavit Gonzalez *cit. cap. 5. num. 10.* Ratio est, quia appellatio extrajudicialis à futuro gravamine est velut conditionalis, *Si gravamen inferri contingat.*

11 Notari debet, quòd licet appellatio, ut diximus, duos habeat effectus, suspensivum, & devolutivum; hoc non procedit, cum agitur de appellatione interposita post latam ab homine excommunicationem. Nam in casu censura non suspenditur, sed solum cognitio ad Judicem, *Ad quem,* devolvitur. Unde quis per appellationem à lata censura non liberatur. Cum enim excommunicatio secum trahat executionem, & à fidelium communione separet, ferò medicina paratur per appellationem; sed communioni per absolutionem est excommunicatus restituendus. Nam sicut vinculum excommunicationis à clavium potestate procedit, ita ab eadem potestate per absolutionem tollendum est.

Quando verò possit ab interlocutoria appellari, habes supra *num. 16. ex Trident. cap. 20. sess. 24. de reform.* Atque colligi id cum alio potest ex sequenti decreto S. C. C. apud Piassec. *num. 9.*

Ad tollendas ambiguitates, & controversias jurisdictionales, quæ inter appellationum, & prioris instantiæ Judices, non sine partium dispendio, cursusque justitiæ impedimento, & sæpe cum scandalo oriuntur, S. Congreg. causis Episcoporum præposita, facta prius relatione S. D. N. Clem. Papa VIII.

& de Sanctitatis sua mandato viva vocis oraculo desuper habito, in hunc, qui sequitur modum, ab omnibus, ad quos spectat, in posterum servari debere mandavit, & mandat.

12 *Metropolitani, Archiepiscopi, Primates, aut Patriarchæ, Suffraganeos eorumque subditos non judicent, nisi in casibus à jure expressis.*

Idem, & alii quivis Superiores, etiam Nuncii, vel Legati de Latere, specificam facultatem majorem non habentes, causas in Curii Ordinariorum, vel aliorum inferiorum Judicum pendentes, à se non avocent, nisi per viam legitimæ appellationis ad ipsorum Tribunalia deferantur; tuncque appellantes ab inferiorum jurisdictionibus quoad alias causas eximi non possint.

13 *Appellationes nunquam recipiantur, nisi per publica documenta, quæ realiter exhibeantur, consistit appellationem à sententia definitiva, vel habente vim definitivam, aut à gravamine, quod per definitivam reparari non possit, in casibus à jure non prohibitis per legitimam personam, & intra debita tempora fuisse interpositam, ac prosequutam.*

14 *Dum causæ coram inferioribus Judicibus pendent, ante definitivam sententiam, vel vim definitivam habentem, de gravamine illato superiores cognoscere non valeant, licet citra præjudicium cursus causarum se idfacere contestentur; nec ad hunc effectum liceat eis inhibere, aut simpliciter mandare, ut ipsis copia processus transmittatur, etiam expensis appellantis.*

15 *Inhibitiones post appellationem, ut præmittitur, receptam, non concedantur, nisi cum infervione tenoris sententiæ, aut decreti definitivi, aut vim definitivi habentis, vel damnum per definitivam irreparabile continentis; alias inhibitiones, & processus, & inde sequuta quacumque sint ipso jure nulla, eisque impune non parere liceat.*

16 *Si appellans asserat, sententiæ, aut appellationis exemplum culpa Judicis, A quo, vel Actuarii haberi non posse, non ideo recipienda erit appellatio, aut aliqua inhibitio concedenda, sed eistantum, ad quos pertinet, injungi poterit, ut soluta condigna mercede, actorum exemplum authenticum appellanti intra brevem aliquem competentem terminum tradatur.*

17 *Caveat tamen Index, A quo, ne si ve-*

re appellatum fuerit in casu appellabili, inter, & si per actum publicum, aut per testium depositiones constiterit, acta denegari appellanti, Judex appellationis mandato tradendi acta possit aducere, ne interim aliquid novi contra appellantem attentetur.

A sententia autem definitiva contra verum contumacem prolata, appellatio non recipiatur; nec inhibitio, aut alia quævis provisio, quamdiu appellans in hujusmodi vera contumacia persistit, concedatur.

Ab executione decretorum Sac. Concil. Trid. aut Visitationis Apostolica, appellationes à Metropolitanis non recipiantur; neque etiam quando Episcopi virtute ejusdem Sac. Conc. Trid. procedant uti Sedis Apostolica delegati, in causis, quæ sub eorum jurisdictione Ordinaria non comprehenduntur; salva tamen in hoc casu Legatorum, & Nunciorum Apostolicorum autoritate.

18 In causis verò visitationis Ordinariorum, aut correctionis morum, quoad effectum devolutivum tantum appellationes admittantur; nisi de gravamine per definitivam irreparabili agatur, vel cum Visitator, citata parte, & adhibita causæ cognitione, judicialiter procedit; tunc enim appellationi locus erit, etiam quoad effectum suspensivum.

19 Cum à gravamine, quod per definitivam reparari nequit, ut indebita incarcerationis, vel torture, aut excommunicationis etiam comminata appellatur, nonnisi visis actis, ex quibus evidenter appareat de gravamine, appellatio admittatur, aut inhibitio, vel provisio aliqua concedatur.

Causa appellationis pendente, appellans in eodem, quo reperitur carcere, permanebit quo ad Judex, Ad quem, appellatum est, visis actis, & causa cognita; aliter decreverit; & tunc, si à Judicis, Ad quem, decreto vim definitiva habente fuerit appellatum, is nihil mandare, aut pro sui decreti executione attentare poterit, donec per Judicem superiorem aliud fuerit ordinatum.

20 Acta originalia processuum primæ instantiæ ad Judicem appellationis Notarius mittere non cogatur, nisi probabilis aliqua falsitatis causa, & suspicio incidat, quæ judicialiter obiciatur; & tunc, terminata causa, remittenda sunt ad Ordinarium, ut in suo Archivio conserventur.

21 Censura Ecclesiastica contra appellantem prolata, relaxari, aut nulla declarari

per Judicem appellationis non possit, nisi auditis partibus, & causa cognita; tuncque, si constiterit eam justam esse, ad Judicem, qui excommunicavit, appellans remittendus est, ut ab ipso juxta Sacros Canones beneficium absolutionis, si humiliter perierit, debitamque emendationem præstiterit, obtineat; si vero injustam esse clare appareat, Superior absolutionem impendant. Si autem dubitetur, honestius est, ut ad excommunicatorem intra brevem aliquem competentem terminum eidem præfigendum absolvens remittatur; licet etiam Superior hoc casu idipsum per se præstare jure possit.

22 Absolutio ad cautelam, nonnisi parte citata, & visis actis, cum dubitatur de nulitate excommunicationis ab homine prolata, vel à jure, si occurrat dubium facti, vel probabile dubium juris, concedenda erit; tumque ad tempus breve cum reincidentia, & præstita per excommunicatum cautione de stando juri, & parendo mandatis Ecclesiæ tantum; & si juxta formam à jure præscriptam apparebit aliquem ob manifestam offensam excommunicatum fuisse, debitam etiam satisfactionem præstare; si verò ob contumaciam manifestam, expensas quoque reficere, ac insuper cavere de judicio fisci coram excommunicatore, qui teneatur, priusquam ad cautelam absolvatur. Romæ in Sac. Congreg. die 16. Octobris 1600. Similia Decreta ejusdem S. C. C. in causa Regni Sardinie edita 15. Maii 1700. videas apud Monacellum form. par. 2. for. 2. num. 8. tit. 15.

C A P V T VI.

Officialis quoque approbationem ab Ordinario ad Sæcularium Confessiones.

S U M M A R I U M.

- 1 Est necessaria Regularibus pro sæcularium Confessionibus approbatio Ordinarii.
- 2 Quod plures Summi Pontifices decreverunt.
- 3 Etiam Lectores, & Magistri in Theologia debent approbari.
- 4 Non sufficit se præsentare Episcopo.
- 5 Existent in Lucana Diocesi nequit Confessiones audire illorum, qui sunt sub-

subditi Archiepiscopo Florentino, à quo approbationem accepit, nisi etiam Luca approbetur.

- 6 In Diœcesi, in qua Regulares sunt approbati, possunt omnium ad illam confluentium Confessiones audire.
- 7 Generaliter idonei reperti debent sine limitatione temporis, & personarum approbati.
- 8 Quinam Regularis censeatur generaliter idoneus repertus?
- 9 An sic approbati possint ab eodem Episcopo iterum examinari? & ibi plura.
- 10 Regulares non egent approbatione Episcopi pro audiendis Confessionibus eorum, qui sunt eorum commensales.
- 11 In Confessario electo in vim Bullæ Cruciate est necessaria approbatio Ordinarii loci.
- 12 Etiam in Confessariis electis tempore Jubilæi est necessaria approbatio Ordinarii loci.
- 13 Non potest simplex Sacerdos in mortis articulo, præsentè Confessario approbato, confessiones audire.
- 14 Licentias audiendi confessiones ab Episcopo concessas, etiam absque limitatione temporis, potest Vicarius Capitularis ex causa revocare.
- 15 Parochus, dimisso beneficio Parochiali, eget approbatione pro confessionibus.
- 16 Parochus in aliena Diœcesi nequit sui Parochiani confessionem audire.
- 17 Sacerdos non approbatus ab Ordinario non potest absolvere à mortalibus aliis confessis.
- 18 Agitur de Regulari absque sui Superioris licentia præsentato Episcopo.
- 19 Confessarius Regularium non eget approbatione Ordinarii.

1 **Q**UAMVIS, ut statuit Trid. sess. 23. cap. 15. de reformat. Presbyteri in sua ordinatione à peccatis absolvendi potestatem accipiant: decernit tamen Sancta Synodus, nullum, etiam Regularem, posse Confessiones secularium, etiam Sacerdotum, audire, nec ad id idoneum reputari, nisi aut Parochiale beneficium, aut ab Episcopo per examen, scillis videbitur esse necessarium, aut aliàs idoneus iudicetur, & approbationem, quæ gratis detur, obtineat; privilegiis, & consuetudine quacum-

que, etiam immemorabili, non obstantibus. Qua clausula expressè derogatur Privilegiis Regularium, quibus eis esset concessum, posse absque prævia approbatione Episcopi sæcularium confessiones audire. Sunt ex ordinatione habiles ad audiendas confessiones, sed ab ordinatione executionem non recipiunt; neque in actum secundum potest potestas Ordinis exire, nisi Episcopus subditos assignet; quod est iurisdictionem conferre.

2 Ante Trid. id firmavit Leo X. Constit. *Dum intra mentis la 22. Bull. tom. 1. & postea Greg. XV. Const. Inscrutabili 18. Bull. to. 3. Deinde Urbanis VIII. Const. Cum sicut accepimus 29. Bull. to. 4. revocavit quascumque facultates ad audiendas sæcularium confessiones Regularibus concessas, ita ut nullis, five Superioribus five subditis, etiam Societatis Jesu, ad id suffragari possent. Piafec. prax. Episc. p. 2. c. 1. art. 2. Deinde Innoc. X. Const. Cum sicut 29. Bull. to. 4. confirmavit Decretum Sac. Congr. cui committebatur examen super exortis controversiis inter Episcopum Angelopolitanum, & PP. Societatis Provinciæ Mexicanæ, quæ ad nonum censuit: Prædictos Religiosos nequaquam posse in Civitate Angelopolitana confessiones secularium audire sine approbatione Episcopi Diœcesani. Constitutionem exscripsi cap. 19.*

3 Huiusmodi ab Ordinario approbationem esse necessariam etiam in Sac. Theologiæ Magistris, & Lectoribus, sanxit Pius V. Const. Romani Pontificis 133. Bull. tom. 2. in qua post alia hæc subdit: Nos super his debito Pastoralis officii, prout tenemur, salubriter providere volentes, tenore præsentium, hac nostra Constitutione perpetua sancimus, decernimus, & declaramus, Decretum Concilii Tridentini de approbatione Regularium, audiendis Confessionibus Sæcularium præpositorum, ab Episcopis faciendam, observari debere etiam in omnibus Regularibus quorumcumque Ordinum, etiam Mendicantium, etiam sub Regulari disciplina viventibus, etiam si sint Lectores, aut in Theologia, etiam de Superiorum suorum licentia, graduati, vel promoti, vel à suis Magistris Generalibus, vel à Provincialibus Ministris Sæcularium Confessionibus audiendis expositi. Et cum hæc Constitutio sit posterior ea, quam idem in amplissimum Mendicantium favorem edidit ann. 1567. eidem certè derogat; sicut posteriores leges prioribus,

ribus, quibus opponuntur, derogare solent, easque antiquare, Caballut. *prax. Jur. Can. lib. 6. c. 11. num. 3.*

¶ Nec sufficit se præsentare Episcopo, verum etiam debet quis ab ipso approbari, & approbationem obtinere, ut in terminis Trid. idque adeo necessario, ut eum, qui Regulari Episcopo præsentato, & ab eo non approbato, constitetur, sit certum, præcepto annuæ confessionis non satisfacere, ut decrevit Alexand. VII. 24. Septembris 1665. hanc damnans Propositionem: *Satisfacit præcepto annuæ confessionis, qui constitetur Regulari, Episcopo præsentato, sed ab eo injuste reprobato.*

Et ex hoc, & *Constit. Superna Clem. X. la 7. Bullar. tom. 5.* patet esse derogatum privilegio dato in *Clement. dudum de sepult. §. statuimus*, Ord. Prædic. & Min. ubi Papa, recusantibus Episcopis conferre licentiam audiendi sæcularium confessiones Fratribus, à præfatorum Ordin. Superioribus electis, & eidem Episcopis præsentatis ad effectum eam recipiendi, iisdem sic electis, & præsentatis concesserat, ut liberè, & licitè confessiones audirent, & beneficium absolutionis ritè confessis impenderent.

5 Nequit Regularis in una Diœcesi approbatus, ex vi illius approbationis, Sæcularium confessiones in alia Diœcesi audire, nisi in ista etiam approbetur; etiam si Pœnitentes essent subditi illius Episcopi, à quo fuit approbatus, ut allegata *Constitutio Clem. X.* decrevit, ibi: *Ad hac Religiosos ab Episcopo ad confessiones sæcularium in sua Diœcesi audiendas approbatos, non posse in alia Diœcesi eas absque Episcopi Diœcesani approbatione audire, quamvis pœnitentes subditi sint ejus Episcopi, à quo ipsi Religiosi jam fuerunt approbati.*

6 Verùm in Diœcesi, in qua sunt approbati, possunt omnium ex aliis Diœcesibus ad eam confluentium sæcularium confessiones audire; ut à Sac. Congreg. Concil. determinatum testatur Fagnan. in 5. ad *cap. Omnis num. 79. de pœnit. & remiss.* cum, ut ipse scribit, Regulares supposita approbatione habent ex alleg. Clementina *dudum*, ac ex annotatione Glossæ, & Laym. *Theol. moral. lib. 5. tract. 6. cap. 11. num. 9.* jurisdictionem à Papa, cujus iurisdicção ad alicuius Territoriî limites non restringitur, *cap. Cuncta per mundum 9. quest. 3.* sed universus Orbis est sua Diœcesis. Quod iam decre-

verat Leo X. *Constit. Dum intra*, citata; hac phrasi: *Ipsique Fratres* (scilicet ab Episcopo approbati) *etiam Forensium confessiones audire valeant.* Quibus id etiam competit post Bullam Greg. XV. *informatibili*, ut Sac. Congreg. Conc. ad secundum dubium, occasione illius inter alia propositum, prout sequitur, respondit: *Hac in parte Constitutionem nihil novi juris induxisse, nec ullam novam auctoritatem Episcopis in Regulares attribuisse; ideoque in vim ipsius Constitutionis non posse Episcopos Regularibus præscribere, ut certis tantum in locis, ac temporibus, aut certarum personarum confessiones audiant, vel alia illorum Privilegia in Sacramentis administrandis restringere, aut moderari, ad calcem d. Constit. Gregor. XV. & apud Fagnan. cit. in cap. Cum Capella, & lib. 12. Decret. fol. 130.*

7 Et novissimè in sæpè laudata *Constit. Superna Clemens X.* sanxit: *Illos autem Religiosos, qui ad confessiones audiendas idonei generaliter reperti fuerint, ab Episcopis generaliter quoque, & indistinctè absque aliqua limitatione temporis, certarumve locorum, aut generis Personarum, in Diœcesi propria admittendos; quo ad ceteros vero, qui non adeo idonei reperientur, si petierint se admitti, arbitrio Ordinarii relinqui ipsos cum limitata facultate, prout iisdem Ordinariis magis expedire videbitur, probare; & admittere.* Attamen confessiones audiendi facultatem omnibus simul unius Conventus Regularibus Confessoribus adimi ab Episcopo, inconsulta Sede Apostolica, nullatenus posse.

8 At petitur: *Quinam Regularis censeatur generaliter ab Episcopo idoneus repertus ad audiendas sæcularium confessiones, cui proinde ad tex. d. Clem. debeat generaliter absque temporis limitatione impertiri licentiam confessiones excipiendi?*

R. Is, qui absolute idoneus reperitur in prudentia, & morum integritate, ac in rigoroso examine totius Theologiæ moralis experimentum fecerit propriæ habilitatis, & peritiæ, propter quod perfectus dignoscatur in studio casuum conscientiæ, & potens suas partes iuxta dignitatem Tribunalis pœnitentiæ exercere. Huius generis religiosæ facultas sine temporis præfinitione conceditur, non verò ceteris, non adeo idoneis, nec tanto experimento super singulis materiis scientiæ moralis se exponen-

tibus:

tibus: propterea licentis limitatis ipsi acquiescunt. Unde hic Romæ praxis est, ut prævio sufficienti examine, facultas ad annum concedatur, & quovis anno renovetur. Licet in renovatione novum examen non exigatur. Quod pluribus in locis ex indulgenti Ordinariorum clementia est in usu. Ubi verò solet novum examen requiri, excipiuntur Religiosi gradu, ætate, prudentia, experientia, & doctrina conspicui, eos dimittendo cum nova prorogatione ad annum absque ullo repetito examine. Quoad exigitur à cæteris minoris litteraturæ, ut inducantur ad proficiendum, tum in bonitate, tum in doctrina.

9 Sed queritur: *An Regulares simpliciter approbati in examine riguroso absque ulla temporis præfinitione, possint examinari ab eodem Episcopo?*

Resp. Affirmativè, si nova causa supervenerit, juxta Decretum Sac. Cong. Conc. quæ proposito dubio: *An regulares simpliciter in examine riguroso semel approbati possint iterum examinari ab eodem Episcopo?* Die 7. Februarii 1654. censuit Regulares simpliciter in examine riguroso semel approbatos, non posse iterum examinari ab eodem Episcopo, nisi nova superveniente causa. Quod expressè legitur in d. Const. Clement. §. 5. Nec causam tenetur Episcopus ipsis Regularibus significare, *ibid.* Et §. 6. inter causas ad ministerium confessionis pertinentes accensetur, si scandalosè, vel inhonestè vixerint. Approbatos absque limitatione temporis à Vicario Generali, iterum potest Episcopus examinare, *ibid.* §. 5. sicut approbatos ab Antecessoribus Episcopis potest Successor iterum ad examen vocare, & suspendere, vel repellere, dum inhabiles sint, *ibid.*

Licentiæ audiendi confessiones, etiam ad annum, vel ad sex menses, non expirant morte concedentis, ut per DD. communiter, & *inf. num.* 13. Sed ad annum, V. G. concessa, eo elapso absque ulla alia revocatione expirant, adeo ut nova sit necessaria.

10 Sed, *an Regulares opus habeant approbatione Ordinarii, ut excipere possint confessiones eorum, qui licet sint seculares, dicuntur tamen de familia, & eorundem Regularium commensales.*

Resp. Negativè, prout expressè Clemens, ibi: *Ceterum in Monasteriis, ac etiam Collegiis, ubi juxta regularia instituta vivi-*

tur, posse tam Prælatos Regulares, quam Confessores Regularium eorundem Monasteriorum, seu Collegiorum, audire confessiones illorum secularium (intellige absque prævia approbatione Episcopi, ut sub 14. Augusti 1568. decrevit Sac. Congreg.) qui inibi sunt verè de familia, & continui commensales; non autem illorum, qui tantum ipsis deserviunt. Verè autem de familia, & continui commensales dicuntur Oblati, seu Donati S. Dominici, & Tertiarii S. Francisci, qui intra Monasteriorum septa habitant, vivunt, ac dormiunt: in habitu ejusdem coloris cum eo, quo utuntur professi, incedunt, & manent sub obedientia Prælati, non ratione voti, sed ratione muneris serviendi Monasterio: obinde in Monasterio contraxerunt domicilium. Et per Trident. sess. 24. cap. 11. de ref. gaudent omnibus privilegiis Religiosorum, quibus acta inserviunt, & numerantur inter seculares verè familiares; ad differentiam eorum, qui in Monasterio domicilium non contraxerunt, sed menstrua mercede, vel annuo salario servitium præstant.

Pariter absque approbatione Ordinarii nequeunt Regulares, aliive Sacerdotes excipere venialium confessiones, prout ex commissione Innoc. XI. sub 12. Febr. 1679. S. C. C. disposuit in decreto, *Cum ad aures circa Communionem quotidianam, ibi: Non permittant, ut venialium confessio fiat simplici Sacerdoti, non approbato ab Episcopo, aut Ordinario.* Et quatenus absolvant, absolutio est nulla, utpotè data à non Judice, & carente jurisdictione in pœnitentes, & possunt ab Episcopo puniri.

11 Queritur: *An in Confessario, etiam Regulari, in vim Bullæ Cruciatæ electo, necessaria sit approbatio ab Ordinario loci?*

Resp. Affirmativè. Et debet approbatio esse ab Ordinario loci, in quo confessiones audit: prout in expressis terminis decrevit, & declaravit Innoc. XII. Const. Cum sicut, edita 19. Aprilis 1700. ibi: *Ad hoc Confessarii, tam seculares, quam Regulares, quicumque illi sint, in vim dictæ Bullæ Cruciatæ à Pœnitentibus ad audiendas eorum Sacramentales Confessiones electi, nullatenus confessiones hujusmodi audire valeant sine approbatione Ordinarii, & Episcopi Diocessani loci, in quo ipsi pœnitentes degunt, & Confessarios eligunt, vel ad excipiendas confessiones requirunt. Nec ad hoc suffragari appro-*

approbationem semel, vel pluries ab aliis Ordinariis aliorum locorum, & Diocesum obtentam, etiam si pœnitentes illorum Ordinariorum, qui Confessarios electos approbassent, subditi forent. Declaratque Confessiones aliter factas, præterquam in mortis articulo, irritas esse. Ipsos autem Confessarios ipso iure suspendit; & excommunicatione Papæ reservata ligat docentes, aut ad praxim deducentes opinionem contrariam; omniaque in contrarium tollit, & abrogat.

12 Etiam Confessarius, cui quis confitetur tempore Jubilæi, debet esse approbatus ab Ordinario. Sed, *an debeat esse approbatus ab Ordinario ipsius Confessarii, vel ab Ordinario pœnitentis?* Sac. Congr. interpretando Bullam Jubilæi, & ex eius sententia Sanctissimus declaravit, Bullam esse intelligendam de Ordinario eorum, qui audiunt confessiones, non autem de Ordinario pœnitentium. Ideo non sufficit aliàs approbationem recepisse in alia Diœcesi, sed est necessaria approbatio illius Ordinarii, in cuius Diœcesi confessiones audiuntur. Et proinde in bullis Jubilæi adiicitur clausula, *Ex approbatis à locorum Ordinariis*; intellige, illarum Diœcesum respectivè, in quibus confessiones excipiuntur. Vide Fagnan. in 5. *ad cap. Ne pro de pœnit.* num. 19. & quæ dixi lib. 1. *Caut. c. 9. n. 6.*

13 Hic advertas, quòd, licet in articulo mortis quivis Sacerdos, etiam non approbatus, possit confessiones audire, ad text. *Trid. sess. 14. cap. 7. de pœnit.* hoc tamen procedit, si non sit præsens approbatus, aut de facili vocari non possit. Aliàs si, approbato præsentem, absolutionem conferret, absolutio esset nulla, utpotè data à non habente iurisdictionem; quæ ob necessitatem, & ne infirmus pereat, tunc conceditur ab Ecclesia simplici Sacerdoti, ut textus loquitur. Sed nulla est necessitas concedendi, cum præsens est approbatus. Facit textus in *cap. Presbyter 26. qu. 6.* ibi: *Presbyter, inconsulto Episcopo, non reconciliat pœnitentem, nisi, absente Episcopo, ultima necessitas cogat.*

Item nota, licentias ab Episcopis ad confessiones audiendas concessas non expirare ipsorum Episcoporum morte: quia sunt gratia, & gratia non perimitur morte concedentis, ut optimè text. *ad cap. si super de offic. deleg. in 6.* Procedit enim à dignitate

Episcopali, quæ non perit, sed in Successoribus perseverat: etiam re integra, hoc est, si concedens decesserit, priusquam quis confessiones excipere incœperit, ut *ibid. & cap. si cui de præbend. in 6.* Secus, si concessio esset cum clausula, *usque ad beneplacitum*: tunc enim per obitum gratia expirat, ut in *cap. si gratiosè de rescript. ibid.*

14 Deinde, scias, licentias posse per Capitulum, Sede Vacante, & Vicarium Capitularem post Episcopi approbantis mortem ex causâ revocari: in quo omnes concordant cum Fagnan. in 1. *ad cap. His, quæ de majorit. & obed. numer. 49. & cap. Cum olim ibid. num. 2.* constituentes regulam affirmativam: *Quòd, mortuo Episcopo, iurisdiclio Episcopalis ad Capitulum devolvitur*; & ita potest exercere, quæ sunt iurisdictionis Episcopalis. Verùm à regula excipiuntur ea, quæ Episcopo competunt modo speciali, & ex iure delegationis, *Piafec. cit. proœm. de elect. tit. quid agendum num. 20.* Et hinc potest ex causâ licentias revocare, & approbatos iterum examinare. Hoc enim conducit ad rectam Sacramentorum administrationem.

15 Ponderandum etiam, quòd Parochus ex aliqua causâ dimittens beneficium Parochiale, non potest absque nova approbatione confessiones audire, ut probat *Piafec. prax. part. 2. cap. 1. art. 2. numer. 5.* Quoniam facultas ab absolvendum est connexa cum assensione Parochiæ; adeoque, ista dimissa, facultas cessat.

16 Nec Parochus potest in alia Diœcesi proprium Parochianum absolvere; quia in aliena Diœcesi non habilitatur ad confessiones audiendas per Parochiale beneficium obtentum in propria. Quod esse videtur ad sensum *Trident. sess. & cap. cit.* ubi utitur verb. *ab Episcopis* in numero plurali; qua locutione significat ab Episcopis respectivè esse approbationem recipiendam, adeòt non sufficiat eam in una Diœcesi obtinuisse, si in alia sit confessio audienda. Considerari etiam potest, quòd Advenæ, Peregrini, & Scholares fortiuntur forum pœnitentialem in locis, ubi moram trahunt, *Gloss. in Clement. Religiosi verb. Parochialis, de privil.* Et ita quod ad huiusmodi forum Parochianus Titii extra Diœcesim non est ampliùs de Titii iurisdictione. Cæterùm oppositum defenditur à Fagnan. in *d. cap. Ne pro num. 29.*

An autem approbatus ad confessiones sæcularium reputetur approbatus ad excipiendas illas Monialium? Dicitur negativè, & dicam *cap. 13.*

17 Sciendum etiam, simplicem Sacerdotem non approbatum ab Ordinario non posse absolvere à peccatis mortalibus, aliàs confessis, utpotè carentem iurisdictione: contra nonnullos, qui oppositum aliàs tenuerunt; ad quod certè facit etiam dictum Decretum Sacræ Congreg. Conc. ab eodem Innocent. XI. approbatum.

18 Ad dubium: An Regularis sine suorum Superiorum licentia præsentatus Episcopo, & ab eodem approbatus, licitè, & validè possit Confessiones sæcularium excipere? Dicitur cum Layman. *cit. num. 9.* quòd, quamquam illicitè eas audiat (excipitur à Miranda *Man. Prælat. qu. 45. art. 10. tom. 1.* mortis articulus, in quo etiam licitè pœnitentes absolvit) validè tamen excipit, cum in eo omnia ad validitatem in Ministro requisita concurrant, ordo nimirum Sacerdotalis, approbatio Episcopi, & iurisdicção delegata.

Verùm, ubi Statutum esset, à Sede Apostolica approbatum, quòd nullus Regularis, absque suorum Superiorum licentia se Ordinariis præsentaret, & revocarentur licentiæ audiendi Confessiones ab eis obtentæ, nec validè eas exciperet, nullumque esset beneficium absolutionis collatum, ut ipse notat Layman, & Miranda.

Absolutè consulerem abstinendum propter probabilitatem sententiæ apud Barbosa. *ad sess. 23. Tridentin. numer. 7.* asserentem Episcopos non approbare Regulares in Confessarios, nisi à Prælatis suis, saltem interpretativè, illis præsententur, iuxta formam Clement. *Dudum de sepultur. §. Statuimus.* Quæ, quoad formam præsentandi, ipso teste, non est revocata.

19 Queritur: An Confessarius Religiosorum debeat esse approbatus ab Episcopo?

Respond. negativè: dummodò Confessarius, & Pœnitens sint eiusdem Ordinis, prout colligitur optime ex Tridentin. *cit. numer. 1.* & ibi DD. Nam si esset, vel Sacerdos sæcularis, aut alterius Ordinis, censeo necessariam esse illius approbationem; ad formam *Constitut. Provenit, Innocent. VII. apud Censet.* indulgentis Fra-

tribus ex Ordin. Prædicat. ex obedientia itinerantibus, & copiam Confessarii ex proprio Ordine non habentibus, posse quemcumque alium Presbyterum idoneum, & discretum, Religiosum, vel sæcularem, in eorum Confessorem eligere. Idoneus autem per Trident. loco adducto, ad effectum audiendi Confessiones, etiam Religiosi alterius Ordinis, quis non reputatur, nisi ad minus examine Episcopi, si ei videbitur necessarium, probetur. Hęc est tutior sententia. Cum verò agitur de valore Sacramentorum, tutiora sunt sequenda, ut dixi *lib. 2. cautela cap. 1.* consentit Vasquez alleg. à Thoma Tambur. *lib. 5. de pœnit. cap. 5. §. 2. num. 17.*

C A P V T VII.

Officialis quoad Benedictionem.

S U M M A R I U M.

- 1 Benedictionis Ecclesiastica natura.
- 2 Benedicção solemnis, una invocativa, alia constitutiva.
- 3 Ad Divinum cultum benedicta, ad usum prophanum applicari non possunt.
- 4 Benedictiones solennes constitutivæ sunt propria Episcoporum.
- 5 Observanda in Ecclesiarum adificatione.
- 6 Ecclesia sunt consacranda ab Episcopis.
- 7 Ecclesia, si polluat, reconciliatur, vel benedicitur; ubi plura.
- 8 Sacerdos celebrans in Ecclesia polluta non efficitur irregularis.
- 9 Agitur de pollutione Ecclesia per effusionem sanguinis, & homicidium.
- 10 Et de procedente ex humani seminis effusione.
- 11 Et de proveniente ex sepultura excommunicati publice denunciati: ac ex illa infidelis.
- 12 Quando polluta Ecclesia, censeatur pollutum Cæmeterium? & an polluta Sacristia reputetur polluta Ecclesia?
- 13 Agitur de facultate Regularium ad reconciliandas proprias Ecclesias.
- 14 Fratres Minores possunt benedicere para.

paramenta Ecclesiastica ad proprium usum, & an pro Monialium Ecclesiis?

- 15 *Habentes privilegia benedicendi paramenta sacra, nequeunt ea benedicere, in quibus adhibetur Chrisma.*
- 16 *Tollitur consuetudo.*
- 17 *Sed exigitur privilegium speciale Sedis Apostolicæ.*
- 18 *Benedictio Pixidis non fit cum sacra unctione.*
- 19 *Sacerdos absque privilegio benedicens vestes, & paramenta sacra, incurrit irregularitatem.*
- 20 *Diaconus benedicens aquam, quæ communiter in Ecclesiis ad usum fidelium asservatur, fit irregularis.*
- 21 *Sacrificium Missæ celebrari debet in Altari consecrato.*
- 22 *Quando sacra vasa, & ornamenta censentur amisisse benedictionem?*
- 23 *Res sacra non debent ad usus seculares commodari.*
- 24 *Decreta S. C. C. ad dubia à Parochis Bononiensibus proposita, ad 25.*

A Gitur hîc de benedictione Ecclesiastica, quæ, ut talis, accipitur pro prece, & formula orationum, quæ ritibus, & cæremoniis ex Ecclesiæ institutione ab ejusdem Ministris super personis, vel rebus aliis sensibilibus pronunciantur, ad impetrandum hominibus divina gratia presidium, & alia Dei dona. Gavantus ad Rubric. Missal. part. 4. tit. 19. num. 1. Hasbenf. summ. qq. verb. Benedictio numer. 55. Formulæ, & benedictionum cæremoniæ habentur respectivè in Missali, Rituali, & Pontificali Romano Clementis VIII. Quæ verò ipsarum usu benedicuntur, benedictione publica, & solemnî benedicta dicuntur.

2 Publica, & sollemnis benedictio, alia est *constitutiva*, & alia *invocativa*. Invocativa est, quæ adhibetur ad invocandum speciale Dei auxilium circa præsentiam, vel usum quarundam rerum: cujusmodi est benedictio Agni Paschalis, Ovorum, Panis, Candelarum, Aquæ, Cinerum, & similium: quæ in cit. Missal. Ritual. & Pontif. respectivè notatur. Et nunquam à Diacono fieri possunt, ut ibi Hasbenf. ex Sylvestro, & Ecclesiæ praxi.

3 Constitutiva verò est, per quam aliqua divino cultui destinantur, vel ad divi-

na ministeria benedicuntur, quæ ad usum prophanum sine irreverentia applicari non possunt: ut est benedictio Ecclesiæ, Altaris, Calicis, Vestium Sacerdotalium, & similium. Layman. Theol. moral. to. 2. lib. 5. tract. 9. cap. 13. num. 4.

4 Benedictiones sollemnes rerum constitutivæ, aliæ fiunt cum sacra unctione, ut illa Ecclesiarum, Altarium, Calicis, Patenarum, & Campanarum. Quædam verò absque sacro Chrimate, ut Corporalium, Paramentorum Ecclesiasticorum, Pixidis &c. Ambæ sunt ita Ordinis Episcopalis, ut denegentur simplici Sacerdoti. Cui nec Episcopus potest delegare facultatem, ut ea etiam benedicat, in quibus Chrisma non adhibetur; nisi super delegatione facienda habeat speciale privilegium Sedis Apostolicæ, ut ex S. Rit. Congr. refert Piafec. prax. par. 1. cap. 2. tit. 4. num. 16. Gavantus citat. num. 23. Nam Episcopi non possunt delegare, quæ sunt Ordinis Episcopalis, licet possint ea, quæ sunt jurisdictionis, ut expressè text. in cap. Aqua de consecrat. Eccles. Hinc patet, esse de reservatis Pontifici privilegiare Sacerdotes simplices, ut possint etiam ea, in quibus unctio Chrimatis non intervenit, benedicere.

5 Notandum, Ecclesias non esse ædificandas, nisi Episcopus locum assignet, primum lapidem (qui esse debet quadratus, angularis, ex d. Pontif. in rubr. tit. de Eccles. ædif.) benedicat, & ponat, ac Crucem erigat, cap. Nemo Ecclesiarum dist. 1. de consecrat. & in d. rubr.

Nec debent ædificari, nisi prius assignentur necessaria pro luminibus, pro custodia, & pro stipendiis Ministrorum, ibid. Debetque semper abesse præjudicium antiquarum, & maxime Ecclesiæ Parochialis. Nec Parochia potest se ædificationi opponere, cum eius iura præservantur, & Episcopus constructionem permittit, ut pluries resolvit Sacr. Congr. Concilii 10. Maii 1687. 16. Januarii 1694. & aliàs sæpè, cum clausula: *salvis iuribus Parochialibus*, apud Monacell. for. part. 1. for. 10. num. 8. & sequ. tit. 6. Ubi num. 15. tradit, quod præjudicium proveniens Ecclesiis Parochialibus ex diminutione concursus Populi non attenditur, & Parochi semper succumbent, quoties hoc titulo curabunt se opponere ædificationi novarum Ecclesiarum. Nam licet popu-

populus hortandus sit ad audiendam Missam diebus festis in Parochiali, per Trid. *sess. 24. cap. 4. de refor.* cogi tamen non potest, ut resolvit S. Congr. Conc. in Fulginaten. 7. Julii 1696. Atque ita constructio novæ Ecclesiæ pro sola celebratione Missæ impediri non debet: siquidem res est valde pia, & religiosa.

6 Ab ipso Episcopo loci Ecclesiæ sunt consecrandæ, allegat. *cap. Aqua.* Vel ab altero Episcopo ex ejus commissione; aliàs non posset, quia Trid. *sess. 6. c. 5. de refor.* prohibet unum Episcopum posse Pontificalia exercere in Diocesi alterius, nisi alter consentiat.

7 Semel autem consecratæ, non sunt iterum consecrandæ, *cap. Ecclesiis dist. 1. de consecrat.* Nisi in totum, vel pro majori parte, incendio, terræ motu, vel aliàs parietes diruantur, & solo æquentur. Vel, nisi ex toto, & simul parietes decrustentur. Nam tunc consecratio amittitur propter defectum subjecti, in quo fit. Unctiones enim cum Chrismate, Crucibus adhibitis, fiunt in parietibus, ex dict. *Pontifical.* Quoties itaque parietes sunt illæsi, etiamsi tectum ex toto reaptetur, nova consecratione opus non est, *Gloss. in cap. Posuisti citat. tit. ver. reconciliari, & cap. Si motum d. distinct.*

Quatenus verò parietes ita reaptentur, ut cursu temporis materia, quæ antea fuit, de præsentis non sit, sed nova supervenerit, est ad summum exorcizanda aspersione aquæ benedictæ, Antonell. *de reg. Eccles. lib. 1. cap. 17. num. 3.* Cæterum id totum pendet ex judicio Episcopi, qui in contingentia facti discernere debet necessitatem resecrationis, vel non, ut optimè Piafec. *num. 7.*

Decrustatio non simul, sed per hebdomadarum intervalla facta cum respectiva partium reaptatione, non infert execrationem Ecclesiæ: quia pars major consecrata remanens, tanquam dignior, trahit ad se minorem non consecratam, utpotè minùs dignam, ut ibid. Antonellus *arg. ex capit. Quod in dubiis d. tit. ibi: Nec negamus, quin Oleum non consecratum consecrato possit commisceri.*

Non deperditur consecratio ex dealbatione Ecclesiæ, quia remanent parietes, & crucis, in qua fit consecratio, Layman. *lib. 5. tract. 5. c. 5. n. 15.*

Si Ecclesia jam consecrata polluat, reconcilianda est aqua cum vino, & cinere benedicta, ex *rubr. d. Pontifical. & ex d. cap. Proposuisti*, per ipsum Episcopum, ex *d. cap. Aqua*; nisi alteri Episcopo committeret: simplici enim Sacerdoti id delegare non potest, cum sit actus Ordinis Episcopalis. Piafec. *citat. numer. 9. Monacel. for. 8. tit. 6. num. 26.*

Si verò polluat Ecclesia, quæ sit tantum ab Episcopo, vel alio habente facultatem benedicta, & non consecrata, potest per quemcumque simplicem Sacerdotem ex delegatione Episcopi reconciliari aspersione aquæ naturalis cum sale benedictæ, prout in Missali, Piafec. *citat. num. 9. & Monacell. ibid.* Contra nonnullos, qui dixerunt, opus non esse concessione Episcopi; quos ibid. reprobatur Piafecus. Siquidem, inscio Episcopo, non debet relaxari poena inducta in terrorem delinquentium, donec satisfecerint pro delicto.

Nonnulli dixerunt, quod Ecclesia polluta reconciliatur, si subinde ad pollutionem in ea bona fide celebretur. Cæterum hoc juri repugnat, à quo requiritur, ut benedictione Episcopi reconcilietur, ut *alleg. tit.*

Expensæ, quæ in reconciliatione faciendæ occurrerent, ad eum spectant, qui Ecclesiam violavit, Gonzalez *in 3. tit. 6. cap. 7. numer. 9.* ubi, allegatis Suarez, & Soto notavit, quod si pollutio contingat, dum Missa celebratur, Canone nondum incepto, Sacerdos non debet eam profequi; si verò post Canonem, profequendum est Sacrificium.

Tempore pollutionis Ecclesiæ non videtur prohibitum, ut in ea prædicetur divinum verbum, Arg. *ex cap. responso de sent. excommuni.*

An autem dicatur Ecclesia polluta, quando delictum (quo potest pollui) est occultum? DD. non concordant. Notoria desideratur à Layman. *citat. tract. 5. cap. 5. num. 8. de Sacrif. Miss.* Occultam sufficere ait Lessius, Sanchez, & Salas apud Gonzalez *d. cap. 7. numer. 7.* cujus sententia lis est de voce. Nam est certum, quod Ecclesia per se, & ex natura talis facti violatur per tale occultum delictum, secundum ea, quæ habentur *cap. Significasti de adult.* Tamen, quantum ad abstinendum a celebratione, in illa non censetur violata, donec violatio occul-

occulta manet, sed statim ac vulgatur, ut possit publica, & notoria censeri, adeo ut habeatur pro violata, ex Piafec. n. 8. à tempore publicationis. Et cum dubia est pollutio, recurrendum est ad Episcopum, ut declarat ibid.

8 Verum, si Sacerdos scienter celebret in Ecclesia tempore pollutionis, peccat quidem mortaliter, sed non incurrit irregularitatem; quia pollutio Ecclesiæ non est censura, sed solum moralis macula; propter quam ipso iure in Ecclesia ante reconciliationem interdiciuntur Divinorum celebratio, & Fidelium sepultura; nulla autem in iure est lata pœna contra transgressores, ut advertit Gonzalez, *ubi sup. n. 6.*

9 Diversis modis Ecclesia polluitur. Primo, violenta, & iniuriosa sanguinis effusione (modò non sit per nares, ex quibus facilis est exitus) vulnere, & homicidio in Ecclesia culpabiliter commissis, ex d. c. *Proposuisti*, & c. *Si Ecclesiam d. tit. in 6.* Unde effusio sanguinis per iocum; vel vulnus, aut homicidium non voluntarium, sed fortuitum, ut, si ædificium corruat, vel quid simile contingat; aut à furioso, vel ebrio factum, Ecclesiam non violat, quia iniuriosa, & imputabilia non sunt.

Polluitur tamen, si quis sanæ mentis se ipsum in Ecclesia occidit, vel laqueo se suspendit, aut venenum bibit, iuxta c. *Contingit il. de sent. excomm.*

Illud autem queri solet. I. *An Ecclesia polluitur, si vulnus in Ecclesia inferatur, sanguis verò effluat extra Ecclesiam?*

II. *An polluitur, si causa vulneris sit ex Ecclesia, sed extra eam ictus sequatur; ut, si ex Ecclesia explodatur sclopus, & extra vulneret, & occidat?*

III. *An polluitur, si ab existente extra Ecclesiam, lancea, sagitta, vel lapis emittantur, & intra Ecclesiam quis vulneretur, vel occidatur?*

R. Ad 1. affirmativè, ex d. cap. *Proposuisti*. Nihil enim interest, utrùm sanguis in ipsa Ecclesia effluat, an extra perfundatur; quia utroque casu æqualiter, vulnere illato, iniuria Ecclesiæ inferitur. Nec item interest, si homicidium committatur per suffocationem, contusionem, venenum, vel sanguinis effusionem, quia tex. in d. cap. *Proposuisti*, hoc discrimen non agnovit, sed absolutè dixit, Ecclesiam pollui per ho-

micidium, vel vulnus: semper enim magnus horror, & iniuria sequitur ex illis in loco sacro voluntariè commissis.

Ad 2. & 3. pariter affirmativè propter iniuriam, quæ Ecclesiæ inferitur. Aliàs dicitur, si quis extra Ecclesiam percussus confugiens ad Ecclesiam in ea moriatur, vel sanguinem spargat.

Polluitur quoque Ecclesia per homicidium iussu Iudicis factum: ut si eius sententia aliquis in Ecclesia occidatur; nam quamvis aliàs iusta esset sententia quoad pœnam, foret tamen iniuriosa exequutio propter reverentiam loco debitam.

Non censetur violata Ecclesia, si homicidium perpetraretur in locis subterraneis, separatis à corpore Ecclesiæ, aut in cubiculis constructis supra tectum, & fornicem eiusdem, aut in turri ipsius, quia hæc omnia censentur esse extra Ecclesiam, nec cultui Divino deputata; Sperellus *decis. 62. n. 18.* Non sic autem, si committatur intra ambitum, vel in porticu Ecclesiæ, ibid. Gonzalez.

Nec violatur per homicidium iustum, quod propter necessariam vitæ defensionem cum moderamine inculpatae tutelæ committitur, quia iniuriosum non est; nani non est culpabile, *ibid.*

10 Deinde polluitur Ecclesia humani seminis effusione, in ea voluntariè facta, cap. *Si Ecclesiam de consecr. Eccles. in 6.* quia est contra honestatem, & externam reverentiam loci sacri.

Quantum ad copulam conjugalem: *An per eam violetur Ecclesia?* Utrunque sunt DD. Sed per eam violari dixit Gloss. in dict. cap. *Si Ecclesiam in ver. Seminis*, propter reverentiam loco debitam. Multa enim in se licita, ex loco fiunt illicita, cap. *Ecclesia 68. dist. & Piafec. à num. 8.* Nisi versemur in casu, in quo coniuges ita sint obfessi in Ecclesia, ut eis sit aditus ad loca prophana prohibitus, & aliàs non possint se continere absque periculo peccati. Tunc enim concurrentibus duobus præceptis inter se contrariis, uno fundato in honestate, & externa reverentia loci, nec habens adiunctam aliam intrinsecam malitiam, alio verò tendente ad tollendam causam peccati, & periculum incontinentiæ, quæ intrinsicè est mala: hoc posterius præceptum, quo maius malum vitatur, fortius est, & illud superat.

Ex-

Extra quem casum, propter reverentiam loci, illicita est copula conjugalis in Ecclesia, sive publica sit, sive occulta, & semper sacrilegium committitur. Ex quo sequitur, conjugibus per se non licere sine peccato debitum petere, vel reddere intra Ecclesiam.

Nec obstat paritas de eo, qui emisit votum simplex castitatis, qui impunè reddit, quamvis petere non possit; nam discrimen est. Quoniam, cum prohibetur copula conjugalis in Ecclesia, prohibitio ob loci reverentiam in ipsam actionem secundum se dirigitur; & ideo peccant, tam petens, quam reddens. At cum copula ob obligationem voti interdicitur, prohibitio est personalis. Proinde, qui votum emisit, debitum petere non potest, quia juri suo renunciavit; sed in alterius præjudicium id efficere non potuit, nec debuit. Et ideo absque metu sacrilegii potest vovens petenti debitum reddere, ut expressè Gonzalez cit. num. 7.

11 Denique polluitur Ecclesia, si in ea sepeliatur fidelis excommunicatus, c. *Consulisti hoc tit.* quia, cum hujusmodi excommunicatus sit segregatus à communione fidelium, indignus est sepultura Ecclesiastica, ex c. *Sacris de sepult.* adeoque nec in Ecclesia, nec in cæmeterio sepeliri potest. Utrique reverentia debetur.

Quod procedit in excommunicato publice denunciato, aut notorio Clerici percussore, quia quoad alios excommunicatos toleratos, effectus prohibitiæ communionis à jure suspenduntur in Const. Martini V. *Ad evitanda*, & ex Const. *Primitiva sub la 20. Leonis X. §. 34. Bullar. tom. 1.*

Polluitur etiam sepultura Pagani, vel Infidelis, c. *Ecclesiam de consecrat. dist. 1.* quia Infidelium cadavera deturpant, & faciunt Ecclesiam Nec debet reconciliari, nisi cadavere exhumato, si discerni potest, c. *sacris de sepult.* aliàs absque exhumatione reconciliatur, Piafec. cit. num. 9. Quod practicandum etiam, cum pueri non baptizati in Ecclesia tumulantur, nisi in utero matris existant, & tanquam pars ipsius cum ipsa sepeliantur. Et casu, quo Ecclesia sepultura Pagani polluitur, non solum est reconcilianda, sed etiam parietes sunt abradendi, Piafec. *ibid. ex Abbate.*

12 Polluta Ecclesia, censetur pollutum cæmeterium ipsi contiguum. Non sic, si Official. Cur. Eccl.

fuerit ab Ecclesia remotum. Polluto verò cæmeterio, licet contiguo Ecclesiæ, hæc non polluitur, ut expressè text. in d. cap. *Si Ecclesiam in 6.* nè minùs dignum majus, aut assessorium principale ad se trahere videatur, ut ibi Bonifacius VIII.

An autem polluta censeatur Ecclesia, si polluitur Sacristia?

Resp. Affirmativè, si in Sacristia sit Altare ad celebrandum, vel deputata sit ad mortuos sepeliendos. Tum enim censetur divino cultui deputata: unumque corpus cum Ecclesia constituit, & ejusdem Capella dicitur, Sperellus dec. 61. num. 2. & dec. 62. num. 19. Secùs dicendum, si prædicta non concurrant, & intermedius paries separet, ac à templo ipsam dividat, sic, ut illa pro diverso domicilio, vel officina Ecclesiæ habeatur, ad text. in c. *unic. de consecrat. in 6.* Paries enim efficit, ut res sic divisæ dicantur numero plures, ibi Gloss. verb. *pariete*, Sperell. *ibid.*

13 Quæritur, an Regulares possint suas Ecclesias, ac ornamenta Ecclesiastica benedicere?

Resp. Affirmativè, si à S. Sede habeant privilegia, & sint in usu, & non revocata. Unusquisque consulat suæ Religionis indulta, ne falcem in messem alienam immitat. Leo X. pro Ord. Min. de Observan. edidit Constitutionem incip. *Religionis*, apud Confect. de privil. mend. p. 1.

Quatuor in privilegio concedebantur. Primò. Quòd, requisito, sed recusante, vel negligente Episcopo loci, possent Generales, Provinciales, & Guardiani curare, ut per alium Catholicum Episcopum consecrarentur eorum Ecclesiæ, Oratoria, & alia loca recepta, & recipienda; nondum consecrata. Verùm quantum ad hoc, privilegium est revocatum à Trid. sess. 6. cap. 5. de ref. ubi prohibet, ne unus Episcopus Pontificalia exerceat in alterius Diocesi. Consecratio autem Ecclesiæ fit Pontificalium exercitio, cum Episcopalibus insigniis, Mitra, & Baculo Pastoralis, ut in d. Pontif. tit. de Eccles. consecrat. Et ideo privilegium quoad vocandos Episcopos externos modò non regit.

Secundò concessit. Quòd Generales, Provinciales, Vicarii Generales, & Guardiani possent benedicere suas Ecclesias, Cæmeteria, & Oratoria recepta, & recipien-

pienda, ubique existentia. Sed neque hoc videtur subsistere, propter decretum Trid. sess. 22. de obser. in celebrat. Miss. Nam designationes, & benedictiones Ecclesiarum, & Oratoriorum ad Missarum celebrationem, sunt functiones Episcoporum propriæ per ea textus, ibi: *Ab iisdem Ordinarius designanda, & visitanda.* Et infra: *Hac igitur omnia, quæ summam enumerata sunt, omnibus locorum Ordinarii ita proponuntur, ut non solum ea ipsa, sed quacumque alia huc pertinere visa fuerint, ipsi pro data sibi à Sacrosancta Synodo potestate, ac etiam ut Delegati Sedis Apostolica prohibeant, mandent, corrigant, statuunt, atque ad ea servanda censuris Ecclesiasticis fidelem populum compellant: non obstantibus &c.* vide d. Piafec. p. 2. c. 3. art. 6. n. 45.

Tertio. Quod iidem valeant proprias Ecclesias sanguinis, vel seminis effusione, aut aliàs pollutas benedicere, & reconciliare, aqua etiam per eos benedicta; maximè in locis remotis, ubi Episcopum per duas dietas (hoc est ad 69. milliaria) distantem adire non possent. Nec quoad ista privilegium etiam in locis remotis sustinetur, cum Episcopus haberi potest. Nam privilegium fuit cum illa restrictione concessum, ut patet ex narrativa Constitutionis, ibi: *Fratres non semper Ordinarios locorum pro illis reconciliandis adire possunt; & correspondet dispositiva, ibi, Præsertim in locis remotis, ubi Episcopum aquam benedicentem per duas dietas distantem adire non poteritis.*

14 Quartò concessit, ut prænominati, quinimò & Fratres simplices Sacerdotes à Capitulo Generali deputati, possent benedicere paramenta, & ornamenta, ac quacumque alia ad divinum cultum necessaria, in quibus Chrisma non intervenit. Quantum ad istud, eadem Constitutio in narrativa recenset privilegium benedicendi prædicta fuisse dd. Fratribus à Sixto IV. concessum, eosque ab illo tempore fuisse in possessione illa benedicendi. Quare quoad hoc privilegium sub revocatione non continetur, sed esse in suo robore, ac in usu, ipse etiam Piafecus ubi sup. in 1. p. testatur. Maximè facit, quia eis absolute impertitur, non verò cum restrictione ad loca in remotis existentia. Quod per communicationem videtur esse cæteris Mendicantibus commune; ut Piafec. cit. n. 18.

An autem possint pro aliarum Ecclesiarum servitio? Videtur negandum, quia Constitutio habet, *pro vestro usu tantum, vide num. 16. in fine.*

15 Hæc restrictio legitur etiam in S. C. decreto apud Lezan. sum. qq. regul. t. 3. verb. *Altare num. 3. ibi, Abbates, Priores, Guardiani, & alii Religionum Prælati, etiam ex Societate Jesu, habentes privilegia benedicendi sacras vestes, cæmeteria, & similia, dicto privilegio uti non possunt, nisi in iis rebus, in quibus sacra unctio non adhibetur, & pro servitio duntaxat Monasteriorum, & Ecclesiarum propriarum.* Idem refert Hasbenf. sum. qq. v. benedictio num. 59. & Gavant. ad rubr. Mis. p. 4. tit. 19. de rubr. benedict. num. 22. ex Sac. Rit. Congr. 24. Augusti 1609.

16 Nec allegabilis est usus, & consuetudo, quia id pugnat cum resolutis ab ipsa met Sac. Congr. 18. Augusti 1629. apud Gavant, ibid. & Nicol. Floscul. verb. *Abbas num. 3. ibi: Abbates, & alii Superiores Regularium non possunt benedicere paramenta Ecclesiarum sibi non subditarum, abrogata contraria consuetudine.* Per ly Ecclesiarum sibi non subditarum videtur posse pro Ecclesiis Monialium, quarum regimini intendunt, & sunt de ipsorum directione, & obedientia.

17 Pro benedictione eorum, quæ requirunt Chrismatis unctionem, est necessarium speciale privilegium Sedis Apostolicæ, ut per Sac. Congreg. apud Lezan. cit. verb. *Calix num. 3. ibi: Abbas, nec etiam in locis sibi pleno iure subjectis, aut de iure patronatus, potest consecrare Calices, Patenas, aut similia, in quibus requiritur sacra unctio, nisi hoc habeat in specie sibi concessum à Sede Apostolica.* Privilegium huiusmodi consecrandi ea; in quibus sacra unctio intervenit, concessum esse Abbatibus Ord. Cisterciens. ab Innoc. VIII. refert Piafec. cit. num. 19.

Similibus verò privilegiis non esse à Trid. derogatum, habetur ex S. Congreg. apud Dian. coord. t. 7. tr. 1. resol. 23. num. 3. Ubi scribit, cæteros Regularium Prælatos in eo privilegio non communicare, quia utrinque eadem ratio non militat: locumque habet regula illa, quod, *quæ raro conceduntur, non veniunt in generali communicatione, per alibi dicta.*

18 In benedictione Pixidis sacrum Chrif-

Chrisma non intervenit, ut in *d. Pontif.* Unde videtur eam ab iis benedici posse, quibus indultum est posse benedicere omnia ad divinum cultum necessaria, in quibus Chrisma non adhibetur.

19 An *simplex Sacerdos, non privilegatus à Sede Apostolica, Corporalia, & paramenta sacra benedicens, incurrat irregularitatem?*

R. Affirmativè. Irregularitas enim incurritur à Clerico, exercendo, tanquam ex officio, actum deputatum Ordini, quem non habet, ad text. in *c. Si quis de Cleric. non ord. ministran.* Constat autem ex *d. c. Aqua*, per Gavant. & Hasbensem, similitum benedictionem jure ordinario ad Episcopos pertinere; ad quam in ordinatione Episcopali potestatem recipiunt.

20 Propter quod irregularis efficitur Diaconus benedicens aquam juxta ritum Missalis, quia ejusdem benedictio est actus Ordini Sacerdotali deputatus, arg. tum ex *rubr. Missal. tit. de ord. facien. Aquam benedict.* tum ex *cap. Aquam sale dist. 3. de consecrat.* ubi Sacerdotibus injungitur, ut aquam cum sale benedicant. Considerat enim Hasbensis *n. 57.* quòd benedictiones, quæ solemnè ritu ex institutione Ecclesiæ à solis Episcopis, & Sacerdotibus peraguntur, nunquam à Diaconis fiunt.

21 Missæ sacrificium licet celebrari non potest, nisi in Altari consecrato, *c. Nullus Presbiter. 1. dist.* Nec Altaria, nisi lapidea consecrari debent, *c. Altaria, si non ibid.* Et quando tota mensa sacrificio destinata, consecrata non sit, oportet, ut in medio mensæ sit tabella lapidea (quæ ara dicitur) ab Episcopo consecrata, prout passim est in praxi. Quæ adminùs tantum spatium occupare debet, ut possit capere Calicem, & Patenam, ut observat Gonzalez *cit. cap. 1. num. 12.* Cuius tabellæ consecratio fieri ab Episcopo potest quocumque die, & loco, ut ex *rubr. d. Pontif. tit. de altar. portatil. consecrat.*

Altare, tam fixum, in quo tota mensa consecratur, quàm portatile, execratur, si fuerit enormiter læsum: vel sigillum, sub quo Reliquiæ conduntur, frangatur, & aperiatur: aut lapis, sub quo sunt repositæ loco moveatur, *c. Si morum dist. 1. de consecrat.* Quod arbitrio Episcopi relinquitur, qui de re oculis subiecta faciliùs judicabit, Piasec. *num. 14.*

Uteriùs, Altare fixum violatur, si mota fuerit junctura, qua mensa stipiti adhæret. Siquidem consecratio Altaris fixi, præsertim intelligitur esse in conjunctione mensæ, seu lapidis superioris, & stricturnæ inferioris, Glofs. in *d. cap. Si morum, v. Altare.* Secus si mensa non fuerit affixa, sed solum superposita; tunc enim est altare portatile, potestque de uno loco ad alium moveri, quin excretur, Antonell. *num. 9.*

Semel violatum Altare non reconciliatur, sed iterum est consecrandum, Piasec. *cit.* observans, quod, polluta Ecclesia, censetur etiam Altare pollutum; quia pollutio concernit totum corpus Ecclesiæ: sed execrata Ecclesia, non execratur Altare, quia consecratio Ecclesiæ est in subiecto distincto ab Altari in crusti nimirum parietum, Antonell.

Paramenta benedictionem amittunt, cum in eo statu ponuntur, ut ampliùs non possint decenter inservire usui deputato.

22 Calices, & Patenæ consecrationem amittunt, cum sunt notabiliter exaurata: proinde, facta nova deauratione, iterum sunt consecranda.

Pariter, paramenta Ecclesiastica tunc benedictionem perdunt, cum in eo statu ponuntur, ut ampliùs non possint decenter inservire usui sacro, cui deputantur: aut priorem figuram non retinent. Vetusta tamen, & consumpta, in usus prophanos converti non debent, juxta *regul. 51. jur. in 6.* sed in loco honesto reponenda sunt; nam indecens est rem Deo dicatam prophanare. Unde ligna Ecclesiæ non possunt in prophana ædificia converti, sed comburi debent, vel Monasterii usibus aptari, *cap. Ligna dist.* Ornamenta pariter vetustate consumpta debent in cinerem redigi, & in sacrario reponi, *cap. Altaris dist. cit. Hasben. cit. num. 56. & Gonzalez c. 7. num. 3.* Tridentinum verò *cap. 7. sess. 21. de ref. dat.* Episcopis facultatem, ut Ecclesias dirutas in prophanos usus, non tamen fordidos, erecta ibi Cruce, possint convertere.

Sed quid, si ornamenta reficiantur?

R. Si refectio secundum maiorem partem contingat, opus est nova benedictione per Hasben. Ita si ex planeta fiat stola, debet hæc iterum benedici, quia forma mutatur. Secus si de stola fiat manipulus, Antonell. *cit. n. 13.* Verùm docet cum Diana *tom. 2. tr. 1. resolut. 177. n. 2.* paramenta bona fide

ante eorundem benedictionem usui sacro adhibita, alia benedictione non egere: quod probabile dicit Gavant. cit. n. 21.

23 *Piascus ibid. n. 17. dixit, ex cap. Vestimenta d. dist. vasa sacra, & vestes ad ministerium divinatorum benedicta, ad usus sæculares commodanda non esse; nec debere, nisi ab Ecclesiasticis Ministris, tractari; & c. Ad nuptiarum ibid. Glossa ponderavit, vestes sacras Ecclesiæ confici non debere ex veste alicuius mulieris.*

24 Nequeunt Regulares, quibus cura animarum non inest, hebdomada sancta domus sæcularium benedicere, prout declaravit Sac. Congreg. Conc. 2. Julii 1620. Parochis Bononiens. interrogantibus, ut instr.

I Curati della Città, è Diocesi di Bologna supplicano humilmente le Signorie VV. Illustrissime a fare loro tanta gratia di determinare, se li Frati, che hanno Chiese non curate dentro le Parochie, possono fare gl' infrascritti atti, per provvedere alle controversie, che nascono pessorà loro.

1 *Annunciare le Feste, e digninni all' Altare nella Celebrazione della Messa?*

2 *Raccogliere l'offerta, e dare la Pace al Popolo alla Messa?*

3 *Portar Piviale, e Stola per la Parochia fuori della Chiesa o Clausro?*

4 *Quando sono chiamati alla sepoltura di qualche morto, se habbino d' andare alla Casa del morto o trasferirsi alla Chiesa Parochiale, dove si raduna il Clero, o pure aspettare in strada?*

5 *Celebrare la prima Messa nelle loro Chiese avanti quella del Curato?*

6 *Publicare fra la Messa gli ordini del Signor Cardinale Arcivescovo: i Matrimoni, & altro, che occorra?*

7 *Predicare nelle lor Chiese l' Avvento, la Quaresima e fra l' Anno, quando si predica nella Chiesa Parochiale?*

8 *Portar fuori delle lor Chiese, o Clausri Piviale, o Stola, quando fanno le Processioni del loro Ordine, o del Cordone, o della Cintura o del Rosario?*

9 *Ricevere nelle loro Chiese le donne alla purificazione dopo il parto?*

10 *Morendo Frati, come avviene alle volte, & in particolare de' Canonici Lateranensi fuori del Monistero, in Casa de' loro parenti, & havendo i Curati amministrato loro i Santissimi Sacramenti, se possano i loro*

Superiori farli portare di notte alla loro Chiesa, senza dirne cosa alcuna al Curato, e senza darli le ragioni Parochiali?

11 *Quando muore alcun loro Superiore, o Maestro, o Theologo Collegiale in Convento, se possano farlo portare per la Città, per diverse Parochie, e per la piazza con musiche, e riti straordinarii, e mettersi anche il Piviale senza intervento del Curato?*

12 *Essendo publicato un' ordine generale del Signor Cardinal Arcivescovo, che niunolasci celebrar Messa a' Preti forastieri, senza prima vedere, se n' habbiano havuta licenza da sua Signoria Illustriss. o suo Vicario Generale, se li Frati siano tenuti osservarlo?*

13 *Se possano raccogliere grano, vna, legna, e simili altre cose, prima che il Curato habbia raccolte le sue primizie?*

14 *Se possano benedire le Case nella Diocesi la Settimana Santa, essendo questo officio del Curato, come si legge nel Rituale Romano?*

Sacra Congregatio Cardinalium Concilii Tridentini interpretum a d singula capita superiùs posita hunc in modum respondit, videlicet.

Ad 1. Regulares non prohiberi dies festos, & jejunia in suis Ecclesiis annunciare.

Ad 2. Respondit posse, dummodo à perambulationibus per Ecclesiam, ac similibus electionum extorsionibus.

Ad 3. Non posse. Vide quoad hoc aliam declarationem. Sac. Rituum Cong. cap. XL.

Ad 4. Debere ad Parochialem Ecclesiam accedere, ubi Clerus congregari consuevit.

Ad 5. Prohiberi non posse, quominus Missa in Ecclesia Regularium celebretur ante Missam Parochialis Ecclesia.

Ad 6. Non posse publicare matrimonia.

Ad 7. Posse petita etiam benedictione ab Illustrissimo Archiepiscopo.

Ad 8. Non licere Regularibus huiusmodi Processiones facere extra Ecclesias, & ambitum illarum.

Ad 9. Regulares non prohiberi in eorum Ecclesiis mulieres post partum ad Purificationem admittere. Vide infra cap. 36.

Ad 10. Regulares extra Clausura degentes, posse ad eorum Ecclesias deferri, etiam Parochis inconsultis.

Ad

Ad 11. Non posse.

Ad 12. Non licere Regularibus in suis Ecclesiis ad celebrandum admittere Presbyteros seculares, contra prohibitionem Illustrissimi Archiepiscopi.

Ad 13. Non esse id prohibitum Regularibus.

Ad 14. Non posse, in lib. 12. Decretorum ejusdem S. Congr. fol. 45. & apud Peyrin. de privil. ad Const. 7. Pii V. post §. 10. num. 11.

25 Sed quid de ovorum benedictione per Regulares? Attendenda est consuetudo legitime præscripta. Hujusmodi enim benedictio non videtur esse de reservatis Parocho, sicut nec illa Cinerum, Candelarum, & Palmarum; sed eam potest populus recipere, à quo voluerit, à Parocho, vel à Regularibus; lex enim non adest, quæ compellat, ut eam determinatè recipiat à Parocho, per Pasqualigo ad Lauretum de Franchis part. 2. num. 6.

26 Ad Monasteria Monialium benedicenda Hebdomada Sancta, vel quovis alio tempore, est in clausuram prohibitus ingressus, S. C. 4. Septemb. 1596. Flosc. Nicol. v. Clausura num. 27. & apud Theatrum Regul. verb. Clausura num. 3.

C A P V T VIII.

Officialis quoad bona Ecclesiasticorum, & Monasteriorum.

S U M M A R I U M.

- 1 Onera quædam sunt realia, quædam personalia, & alia mixta. Et quid requiritur, ut cum bonis transeant ad personas Ecclesiasticas?
- 2 Bona obstricta decimis transeuntia ad Ecclesiasticos non liberantur.
- 3 Moniales etiam solvunt decimas.
- 4 Regulares non possidentes decimas non solvunt.
- 5 Ad Ecclesiasticos non transeunt bona cum taxa salis, medici &c.
- 6 Nec transeunt cum collectis.
- 7 Sed quid si ageretur de publica necessitate?
- 8 Monasteria, quæ emunt bona cum pacto solvendi onera realia, tenentur solvere.

Official. Cur. Eccl.

9 Bona assignata Clericis in titulum patrimonii sunt exempta ab oneribus secularibus.

10 Quod procedit etiam quoad bona privata ipsorum. Vide tamen discrimen.

11 Bona Laicorum, quæ in catasto communitalis erant gravata, si transeant ad Ecclesiasticos, liberantur ab onere collectarum.

12 Quid veniat appellatione collecta?

13 Clerici conjugati non sunt exempti à collectis.

14 Bona Ecclesiasticorum non possunt scribi in catasto.

15 Quando hypotheca transeat ad successores?

16 Impedire laicos, ne Ecclesiasticis donent, est contra Immunitatem Ecclesiasticam.

17 Exemptio Regularium ab oneribus laicalibus.

18 An Coloni Ecclesiasticorum gravari possint, & cogi ad onera laicalia? ad 19.

20 In bonis propriis non sunt exempti.

21 Coloni Mensa Episcopalis gaudent privilegio fori.

22 Fratres Min. de Observ. sunt exempti à gabellis, ut ibi.

23 Epistola enciclica Congregationis Economicæ, qua declaratur, Mendicantes non possidentes non comprehendi sub lege solvendi onera imposita, & imponenda in casu &c.

I C Um bona Ecclesiasticorum, & Monasteriorum sæpè contra Canonica jura à laica potestate graventur, ideo nonnulla magis practicabilia sub hoc titulo adnotantur.

Quæritur, an bona ad Ecclesias, Monasteria, & Ecclesiasticas personas quovis titulo pervenientia, transeant cum oneribus?

Solutioni præmittitur onerum divisio. Quorum alia realia, quædam personalia, & alia mixta dicuntur, apud Sperellum decis. 36. num. 15. Realia ea sunt, quæ rebus, & possessionibus imponuntur, ita ut res sint immediata causa impositionis, quæ illis est annexa. Personalia, quæ imponuntur personis: & per Piasecum prax. part. 2. cap. 4. art. 6. n. 6. corporali labore, vel animi provisione absolvuntur, nulla habita

C 3 ad

ad bona, & patrimonium inspectione: in his persona est immediata causa impositionis. *Mixta*, quæ principaliter imponuntur personis propter bona, vel bonis propter personas, ex quibus patet, quod nec persona sola, neque bona tantum sint finalis immediata impositionis causa, sed utrumque simul; & in istis quantitas impositionis rem directè, ejusque æstimationem, & obligatio, vinculum, & necessitas solvendi, personam respicit, ut peroptimè idem Sperellus *num. 17.*

Quibus notatis, resolvitur, ea cum suis oneribus transire, si duo copulativè concurrant; *Primum*, ut onera ipsa sint merè realia, idest, ipsis fundis infixæ, & bonis propter bona, non autem propter personas imposita; *Secundum*, ut sint certa, perpetua, invariabilia; & determinata, non autem ex aliquibus urgentiis imposita, & illis in totum, vel ex parte cessantibus, removenda, vel minuenda: ut idem tradit Sperellus *dec. 35. n. 2.* Ideò excluduntur exactiones extraordinariæ pro arbitrio Principum imponendæ, apud Engel. *de privil. Monast. privileg. 2. n. 8.* & in his terminis procedit vulgaris regula, quod bona transeant cum onere suo, ex *c. cum non sit in homine de decimis, & cap. tributum 23. q. 8.*

Hinc si ex bonis, priusquam ad Ecclesiasticas personas pervenirent, fuit solitum, ut quædam certa, & determinata onera, vel tributa Principibus sæcularibus solverentur, ea imposterum, ex communi DD. sententia, persolvi debent.

Super quo legi possunt plura apud Panimoll. *decif. 6. adnot. 2. ubi num. 8.* refert sic fuisse rescriptum Episcopo Aſino: *La Santità di Nostro Signore comanda, che gl' Ecclesiastici del Castello di Belvedere, tanto Secolari, quanto Regolari, ancorche Mendicanti, paghino per li beni, che possiedono, le Colette, che esige quella Comunità per li pesi Camerali; quando per d'essi beni ne fossero gravati prima, che venissero in mano loro: onde in questa conformità V. S. sarà contenta astringere quelli, che si mostrano renitenti. E Dio la prosperi.* Roma li 28. Giugno 1634. Di V. S. come fratello il Cardinal Barberino.

Quod procedit, dum impositionis tempore verè, & realiter bona fuerint in Laicorum dominio; nam si Ecclesia, Clericus, vel Monasterium nulliter eis expoliata fuisset,

vel ob hostium incursum, aut similia ratione illorum amisissent possessionem, & interim, tamquam à Laicis possessa, fuissent onere reali gravata, certè, redintegratis Ecclesia, Clerico, vel Monasterio, bona remanerent ab omni nexu, & vinculo libera, & ad pristinam reverterentur libertatem, ut tenuit Rota in *Albanen. Gabella, seu onerum 28. Junii 1630. coram Merlino apud alleg. Sperellum n. 5.*

2 Sic, si bona aliqua jam ante obligata ad solvendas decimas prædiales (eas nimirum, quæ ex fructibus prædiorum debentur, ut vino, frumento, oleo, pomis, fœno, & similibus) acquirantur de novo per Regulares, transeunt cum suo onere, & ii ab obligatione, & onere solvendi non eximuntur, nisi à S. Sede speciale Privilegium eos specificè eximens obtineant: prout pluries firmavit Sac. Congr. Concilii, quæ in una *Camerinens. 15. Novembris 1659.* apud Nicol. *prax. jur. can. lib. 3. tit. 3.* declaravit. ut sequitur: *Sac. Congr. &c. censuit bona, & prædia, quæ, dum à Laicis possidebantur, decimarum solutioni erant obnoxia, ad Regularium Monasteria cum suo onere transire, ac propterea Regulares teneri illas solvere Parochialium Ecclesiarum Rectoribus, quemadmodum tenebantur Laici, priusquam bona ipsa in Monasterii proprietatem transfuissent; dictisque Regularibus non suffragari allegata privilegia, sed requiri speciale privilegium posterius Sac. Conc. Trid. cum individua derogatione cap. nuper.* Similem declarationem exhibet *Piasc. prax. Episcop. part. 2. cap. 4. artic. 9. de decimis à num. 21.* aliasque idem Nicol. *Flosc. vers. decima num. 3. Et Pignatell. tom. 1. conf. 356.* refert in una *Polonien. seu Cracovien. Decimarum die 17. Jun. 1645.* sic fuisse ab eadem resolutum: *Sac. Cong. &c. iterum, atque iterum auditis Regularibus, & præcipuè Patribus Societatis Jesu, eorumque juribus, ac Privilegiis mature discussis, censuit ab eisdem Patribus, & aliis Regularibus solvendas esse parochis, & aliis Beneficiatis decimas, quæ solvebantur à Laicis, priusquam bona in ipsorum Patrum Societatis Jesu, & aliorum Regularium proprietatem fuerint translata: firmis tamen remanentibus transactionibus de super factis.* Vidè *Barbosa de offic. & potest. Parochi part. 3. cap. 28. §. 3. num. 43.* Plures alias resolutiones refert *Monacell. formul. part. 2.*

part. 2. form. 1. num. 10. tit. 14. Et videri potest *cap. Nuper de decim. ac Tridentinum sess. 25. cap. 12. de reformat.* ubi excommunicatione ligat quotquot eas aut subtrahunt, aut impediunt solvere. Quos non esse absolvendos statuit, nisi plena restitutione facta.

3 Ad quas etiam tenentur Moniales: prout eadem Sac. Congr. i. *Septembris 1629.* decrevit testimonio eiusdem Nicol. in *d. prax.* Quibus non potest suffragari prætenſa quasi possessio, nisi sit immemorabilis cum fama privilegii.

4 Ad eas, ut idem refert, non tenentur Regulares non possidentes stabilia, & qui de eleemosynis vivunt ut idem Sac. Congr. sub *die 7. Octob. 1625.* in specie pro Observantibus disposuit; & apud Lantusca ver. *Gabellan. 3.* legitur Epistola Subcollectoribus Decimarum directæ sub *die 2. Maii 1662.* id exprimens.

5 Ad Monasteria, Clericos, & Ecclesiam cum bonis, ex Sperello *cit. num. 7.* non transit taxa falis, nec onus impositum pro ſalaris Prætoris, Medici, Magistri Grammaticæ, Satellitum, cæterorumque Officialium: ponderando rationem, quam DD. quos cumulat, reddunt, quod ea sint onera merè personalia, & debeant imponi, & distribui per capita, & personas nulla ad bona ratione habita.

6 Neque etiam ex Piaſeco *cit.* ad ea cum bonis descendunt collectæ; quæ omnimodè ab oneribus merè realibus, rebusque infixis distant, & imponuntur principaliter personis pro rebus cum respectu ad bona. In quo observandum ex *cit. Sperello nu. 24.* aliud esse, quod quis aliquid pro re præstare debeat (quod est ad collectas teneri) aliud verò, quod ex re præstare teneatur: hoc posteriori casu directè res ipsa obligatione afficitur: in priori autem non res, sed persona dicitur obligata; & idè cum in eo obligatio est personalis, hæc repetiri non potest, ubi invenitur persona, quæ obligari nequit, ut est Ecclesiastica, utpotè Laicali potestati non subdita; & res mutavit statum: facit Textus in *cap. quia nulli de immunit.*

7 Sed quid, si necessitas, vel utilitas publica sit, non tantum statum Laicorum, sed etiam Monasteriorum concernens: ut, cum Patria ab hostibus est defendenda, vel rescicienda via, quæ ad ipsorum bona accessum

præbet: possunt ne etiam Monasteria ob bona, quæ possident, contributionibus onerari?

Dicendum in similibus casibus (cum æquum sit, ut etiam oneribus subſit, qui commodum sentit) quod etiam Ecclesiastici suam partem conferre debent; non tamen soli, neque ex autoritate Magistratus ſæcularis; sed, si Laicorum facultates non sufficiant, rogandi sunt Prælati Ecclesiastici, ut suis subditis collectas imponant: & si periculum non sit adeò imminens, prius Summus Pontifex est consulendus, cuius interest communibus Ecclesiæ utilitatibus providere, textus expressus *c. non minus, cap. adversus de immunit. &c. quod olim eodem tit. inter extravag. com. &* notavit *cit. Engel. & infr. cap. 21.*

8 Si Monasteria emant bona cum pacto solvendi onera, non tenentur ad personalia, sed dumtaxat ad realia, quæ sunt certa, & invariabilia, & ante venditionem imposita, prout Sperellus *n. 178.* resolvit, allegans resolutionem Sac. Congr. *super controvers. jurisdict. in una Taurinorum 26. Martii 1629.* concludens, quod si Monasteriis bona donentur cum pacto, ut onera solvant, & collectas, ad id tenebuntur; & *n. 41.* extendit ad etiam in futurum imponendas, si cum tali restrictiva à privata persona (quæ cum sit suarum rerum domina, & moderatrix, potest in illis onera sibi benèvisa imponere) relinquuntur. Nam in casu per Engel. *cit. d. n. 8. in fin.* bona non absolute, sed sub certis reservationibus ad Monasteria transeunt.

9 Bona patrimonialia Clericorum, eis assignata in titulum patrimonii, ad effectum suscipiendi Ordines Sacros, sunt immunia ab oneribus ſæcularibus, & privilegiis gaudent, bonis Ecclesiasticis concessis, per edicta magistraliter à Gloſ. ad *cap. Episcopus de præbend. in ver. subsidium;* tradit Piaſeco *cit. art. 4. c. 8. d. n. 7. Quaranta summ. Bullar. verb. vestigal. propè initium.*

Quod redditur certum ex dispositione Conc. Trid. *sess. 21. c. 2. de reformat.* statuentis bona in titulum patrimonii assignata, alienari sine licentia Episcopi non posse, adeo ut alienatio aliter facta sit ipso jure nulla, propter dictionem *nullatenus* in Decreto contenta, quæ ex Barbosa in Conc. Trid. ad *sess. &c. cit. nu. 61.* nullitatem ipso jure importat, per quæ probatur Clericorum

patrimonia, res Ecclesiasticas dici; loco enim beneficii succedunt, & illius naturam sortiuntur, per Sperellum *dec. 184. n. 18.*

Propter quod ea, etiam in casibus à jure non expressis, iisdem privilegiis gaudent, ut ibid. ponderat Sperellus contra Abbatem *alleg. à Piafec. n. 7. & decis. 37. n. 77.* refert eam fuisse mentem Sac. Congreg. *super controuer. jurisdict. in una Auximana die 22. Januarii 1629. & in una Nullius 30. Maii 1628.* in qua dictum fuit titulum non extingui ipso jure per affectationem beneficii ad victum sufficientis; ac propterea patrimonium non amittere immunitatem eidem in traditione Ordinum concessam.

Unde non tenentur ad gabellas de frumento, vino, aliisque fructibus, ex iisdem fundis seu redditibus præbendarum suarum collectis, *Piafec. ib.* & quoad ea pariter sunt à collectis exempti, prout in terminis emanavit resolutio à Sac. Congreg. Immunit in una *Volaterana 18. Decembr. 1629.* apud Sperell. *cit. decis. 37. num. 76.* ut infra; *Episcopus acriter deprehendatur, quia bona etiam patrimonialia Clericorum sunt immunita à collectis Laicorum, nec ab Ecclesiasticis, etiam spontè dantibus, aut solventibus, exigi possunt absque incurfu censurarum; ideoque consultat sue conscientia, ac revocet executionem, & omnia inde secuta, illiusque Vicarius accedat ad urbem sub poena suspensionis ipso jure incurrenda, ac privationis beneficiorum, & inhabilitatis ad ea obtinenda.*

10 At est dubium. *An prædicta valeant etiam quoad bona privata patrimonialia Clericorum, ad quorum titulum non sunt ordinati, sive ad eos pervenerint titulo hereditatis, vel donationis, aut propria industria acquisierint?*

Resp. Affirmativè. Verùm bona ad quorum titulum Clerici ordinantur, sunt ita privilegiata, ut, cum fuerint subrogata in locum bonorum Ecclesiæ ad decentem sustentationem Clericorum, non possint à Clericis alienari, distrahi, vel resignari, nisi obtinuerint beneficium Ecclesiasticum, vel aliunde habeant, unde vivant: nec tunc, nisi de licentia Episcopi, per Tridentin. *ubi supra.* Tunc enim censentur effecta quasi dotalia, & pro Ecclesiasticis habentur: ac videntur pro tunc indistinctè participare de privilegiis, quæ competunt bonis Ecclesiæ, atque ita alienari non possunt absque dicta

solemnitate, ut post Hostiensem dixit Fagnan. in 3. *ad cap. Episcopus de præbend. & dignitat. num. 40.*

Alia verò bona patrimonialia Clericorum non gaudent privilegiis bonorum Ecclesiæ, nisi in casibus in jure expressis, ut per DD. apud Fagnan. *loc. cit.*

Plures casus in jure expressi notantur à Felino apud eundem. Quorum duos hinc subnecto. Primò itaque non possunt à secularibus gravari oneribus collectarum, vectigalium, & similium, *c. Quamquam de censibus in 6.* Præsertim, quia ex ipso gravamine, etiam personæ ipsæ Clericorum gravarentur; quod absque læsione immunitatis esse non potest.

Secundò. Forum mutant, & exempta sunt à jurisdictione seculari, adeout Clericus propter ea non possit conveniri coram Judice laico, arg. *ex cap. si Clericus laicum de for. compet. & per Gonzalez in 3. tit. 49. cap. 4. num. 10.*

Et hinc constat, non quoad omnia, hujusmodi bona patrimonialia haberi pro Ecclesiasticis. Unde Clerici de illis solvunt decimas, eaque possunt propria auctoritate alienare, & distrahere, ut ibid. Gonzalez.

II Sed quæri potest. *An bona, quæ erant in catastro, & æstimo communitatis, si ad Ecclesiasticas personas quovis modo pervenerint, eximantur ab onere collectarum, quibus antecesserant gravata?*

Scribentes pro foro Laico contra immunitatem Ecclesiasticam affirmant, resolventes Clericos esse immunes ab oneribus extraordinariis, non verò à collectis, quæ, cum sint onera ordinaria, & realia, jam rebus imposita, ad Clericos cum bonis transeunt.

Contra quos nos absolutè dicimus cum Sperello *d. decis. 35. & Gonzalez cit. dicta bona, cum ad Ecclesiasticos pervenerint, esse à collectarum oneribus libera.* Nam de illis verificatur tunc esse bona Ecclesiasticorum; quorum bona juxta Canonica jura, ut in *d. cap. Quamquam, à Trid. sess. 25. cap. 20. de ref. innovata, libera declarantur, & decernuntur ab oneribus secularibus. Præsertim, dum onera non sunt realia, perpetua, certa, & invariabilia, ut DD. concordant in cap. Sanctum de censibus, & ibi Gonzalez & Engel. *jur. Canon. tit. 49. lib. 3. §. 2. num. 26.**

Quare, quia ex duobus requisitis ad hoc, ut onera transeant cum bonis ad Ecclesiasticos, neutrum in collecta concurrat, ideo bona transeunt, sed non onus solvendi. Etenim, nisi velimus nomina appellativa mutare, videtur incontrovertibile, collectas toto Cælo ab oneribus merè realibus distare. Onera namque merè realia per hæc duo constituuntur. Primò, quòd sint bonis infixa, & annexa, ac bonis propter bona, non verò propter personas imposita. Secundò, quòd sint certa, perpetua, & invariabilia, non autem ex certis urgentiis imposita, ut dictum est supra, & notavit Fagnan. in 3. ad 8. Non minus num. 9. de immunit.

12 Collecta autem est otia, quòd principaliter imponitur personis habito respectu ad res, text. cum *Glos. in l. rescripto §. fin. ff. de muner. & honor.* & ibi DD. quos refert, & sequitur Sperellus *decif. 35. & 36. num. 15.* Apud quos ut certum recipitur, quòd licet quantitas impositionis directe patrimonium, ejusque æstimationem respiciat, ejus tamen obligatio, & vinculum dirigitur ad personam: & cum persona sit dignior rebus, attenditur potiùs persona, quàm res.

Quod adeò verum est, ut pro collectis non modò agi possit contra bona obnoxia illis, sed etiam contra cætera bona, ac personam ejus, qui solvere tenetur, secundum adnotata à Bartolo ex eodem Sperello *cit. dec. 35. num. 16.*

Unde ex Baldo tradit Natta *conf. 149.* & ex eo Sperellus *d. dec. 36. n. 116.* quòd, licet collectæ materialiter sint onera rerum, formaliter tamen sunt onera personarum subjeotarum; quod repetit *dec. 41.* Atque ita constat esse onera mixta, imposita personis pro rebus, ut ex *dec. 44. n. 1.*

13 Et hinc fit, quòd Clerici conjugati, qui quoad personam gaudent immunitate, non sint exempti à taxis, & collectis, quæ fiunt per capita, quia sunt onera mixta, non merè personalia, *cap. Clerici cum sua Glos. verb. in cæteris de Cleric. conjug. n. 6.* & ita sæpiùs resolvit S. Congr. Immunit. ut in una S. Agathe Ghotorum 13. Januar. 1632. & in una Civitatis Benini 8. Febr. 1639. Sperell. *ibid.*

Pariter in collecta non concurrat, quòd sit onus certum, perpetuum, & invariabile. Nam imponitur secundum æstimationem

rei, & iuxta occurrentes necessitates Reipublicæ, ut eis succurratur; & proinde dicitur extraordinaria, & variabilis. Quoniam, experientia magistra, videmus eum, qui hodie dives est, cras esse pauperem, ut ex Thomato alleg. Sperellus *dec. 35. n. 18.* Nec habet certam taxam, sed variatur, quoties imponitur, habita ratione ad patrimonium, idem *dec. 49. n. 8.*

Quo fit, ut quoties aliqua ex allibratis, seu incatastris bonis ad Ecclesiasticas personas quocumque titulo pervenerint, eximantur ab onere collectarum, ac de catastro, vel æstimo sint delenda, ut de communi testantur DD. in *d. decif. 35. num. 19.* à Sperello congestis. Ubi refert ita fuisse declaratum à Sac. Congr. Immunit. in *Pisaurien. 16. Decemb. 1626.* Quinimò plures tenent ea censeri ipso jure ex æstimi libro deleta.

14 Ex quo sequitur, quòd Laici bona Clericorum in catastro describere non possint, ut ex eodem S. Congr. in una *Altamura. 18. Martii 1631. ibid.*

Urgent, prædicta procedere quoad onera imponenda post acquisitionem bonorum à Clericis factam, non verò quoad imposita. Quia bona, pro collectis jam impositis, sunt tacitè hypothecata, & cuidam servituti supposita, propterea cum onere transire debent; aliàs in maximam Principum, & Urbium jacturam transitus redundaret.

At objectum diluitur, considerando I. quòd aserta hypotheca non regit; nam, ut dictum est, obligatio solvendi taxam, non rem, sed personam respicit. Maximè, quia tot sunt obligationes, quot sunt anni; ac proinde ab initio quis pro futuro obligatur conditionaliter, hoc est, si descriptus in æstimo possideat: & ita hypotheca rei perpetuò non adhæret.

II. Quòd tunc hypotheca ad successoris transit, quoties solutio ex re ipsa præstatur, ut est annua præstatio tributi, seu census; non verò, si non ex re, sed pro re præstetur: qua ratione solvuntur collectæ: quia iuxta æstimationem rerum persona obligatur.

Obligatio autem, quæ oritur pro re, successorem privilegiatum non afficit ut post Oldrad. d. Sperell. *dec. 36. n. 28.*

Ad id, quod de damno Principum considerabant. Respondetur. I. Quòd portio, quæ

quæ pro bonis in Ecclesiasticos translatis erat solvenda, accrescit cæteris in eodem loco æstimatis. II. Quod sæpè ampla Clericorum patrimonia, quæ erant immunia à collectarum; & pedagiorum oneribus, in Laicos transferuntur; & sunt illis subiecta: propter regulam, quod privilegium propter personam concessum, mutatione personæ extinguitur. Ideò non mirum, nec durum videri debet, si è contra bona obnoxia ad personam transeuntia, evadant immunitia, & hinc patet, damnum compensari. Sperellus dec. 35. num. 32.

16. Sequitur ex dictis, non valere statutum Principis, quo cavetur, nè ab æstimo bona alienata removeantur, nisi alter idoneus in catasto describatur, qui ad collectarum solutionem compelli possit; vel Clericus, in quem bona transeunt, se obliget ad solvendum. Nam est contra immunitatem Ecclesiasticam deterrere Laicos à donando, seu à contractando cum Clericis. Tum quia supponitur Clericos, etiam volentes, posse ad collectas se se obligare, quod est apertè falsum. Siquidem privilegium exemptionis inductum fuit in favorem totius Ordinis Clericalis, cui proinde nullus privatus potest renunciare. Adeo, tam spontè dantes, quàm ab eis recipientes incurrant in Bullam Cænæ, ut expresse ex rescripto Sac. Congr. Episc. ad Episcopum Caccium Vicarium Apostolicum Parmensem die 5. Novembr. 1602. Sperellus decis. 12. num. 56.

17. Quamvis exemptio omnium Regularium personarum utriusque sexus ab oneribus Laicorum ex eo optimè probetur, quòd sunt persone Ecclesiasticæ, & de privilegiis Ecclesiasticis concessis participant amplissima nihilominus illi Ord. Mendicantium obtinuerunt à B. Pio V. Const. Dum ad uberes la 11. Bullar. tom. 2. in qua ipforum personæ, Monasteria, & loca, omniaque bona, & res ubique existentes, eximuntur ab omnibus exactionibus, tam urbanis, quàm rusticis; item à datiiis, gabellis, pedagiiis, vestigialibus, collectis, impositionibus, & oneribus ordinariis, & extraordinariis, tam realibus, quàm personalibus, meris, & mixtis.

Item à contributionibus, & solutionibus pro rebus, pro victu, & vestitu ipforum, tam emendo, quàm vendendo.

Item à solutione quadrantis pro singulis

libris carniū de animalibus, tam quæ in suis ædibus, & prædiis, quàm alibi occiduntur.

Item à contributione pro pontibus, viis, aquæductis, muris, mœnibus, & fortificationibus reparandis, vel reficiendis.

Item prohibet, ne Monasteria, & dd. loca Regularia assignari debeant pro hospitiiis militum, tam equitum, quàm peditum.

Exemptionem à dd. oneribus concedit etiam eorum colonis, arrendatariis, & affectuariis.

Deinde mandat Ministris Camera, ut dd. Regularibus Monasteriorum in Pontificia ditione existentium, tantum sal assignent, quantum pro eorum usu singulis annis sufficerit.

Tandem apponit pœnam excommunicationis in transgressores, & molestantes dd. personas. Denique Executores Litterarum constituit DD. Ordinarios locorum, cum facultatibus ibi videndis.

Quæ Constitutio non revocatur à Gregorio XIII. In tanta la 9. ibid. ut observavit Sorbi ad compend. priv. & Quaranta summ. Bullar. v. priv. regul. ac patet ex Procemio eiusdem Gregorianæ. Siquidem Gregorius ibid. non intendit absolūtè revocare litteras B. Pii; sed in illis contenta ad eum statum, & dispositionem reducit, in qua, sive ex jure veteri, sive ex Tridentini Decretis, vel aliàs legitimè fuissent æquè benè, ac si dd. B. Pii Diplomata non emanassent, ut clarè textus sed antè litteras B. Pii jam Mendicantes, & eorum bona à dd. oneribus erant immunia, ut ex d. cap. Quamquam; nam textus loquitur de personis Ecclesiasticis, ergo exemptio, de qua B. Pius, adhuc subsistit. Maximè, quia communis DD. opinio est, Gregorium revocasse dd. Constitutiones B. Pii, quoad ea, in quibus sunt contraria Decretis Tridentini. Quibus d. exemptio non adversatur, sed potius cum illis concordat, juxta cap. 20. in dist. sess. 25. in quo omnes Canones, & Apostolicæ sanctiones in favorem personarum Ecclesiasticarum, & libertatis Ecclesiasticæ innovantur, ut supra notavimus.

Quare absque Romani Pontificis licentia imponentes, & exigentes gabellas, collectas, & alia onera à personis Ecclesiasticis, & Sæcularibus, & Regularibus,

aut

aut sic imposita, etiam à sponte dantibus recipientes, incurrunt censuram Canonis 18. *Bulla Cœne*, five sint Principales, five Ministri, Custodes Pontium, Portus, aut Portæ Civitatis, cum obligatione restitutionis faciendæ.

18. An autem Clericorum, & Religiosorum Coloni, adeorundem bonorum culturam destinati, gravari, & cogi possint ad onera Laicalia: ut ad laborandum, vel per se, aut bobus, & equos: ad arcium constructionem, pontium, arginum, viarumque reparationem, fossatorum mundaiones, falsi vestationem, & hujus generis alia?

Negative dicitur cum Sperello *decis* 41. 42. & 43. firmatque Panimolla *cit. dec.* 6. *ad not.* 7. n. 6. quæ est vera, & sequenda sententia juxta Canones super Immunitatē Ecclesiastica editos, & concludenter patet.

Nam, tametsi diceretur hujusmodi onera directè dirigi contra Colonos, & adversus personas Laicas imposita, negari non posset, quin de indirecto tenderent contra Clericos, & Regulares, illosque gravarent. Siquidem peroptime sequitur, quod si Coloni ipsi ad præfatorum agrorum culturam destinati, in enunciatis oneribus occupentur, nequeant debito tempore præse prædiis, vel frugibus, & ex eo resultat, quod Ecclesiastici minorem quantitatem fructuum percipiant; (etenim terra eò est fecundior, quò frequentius, & tempestivius colitur) ideò ex directo Colonorum gravamine ad enunciata, Ecclesiasticorum de indirecto insurgit præjudicium, ut ipse ponderat Sperellus *dec.* 41. n. 62. Quæ verò nequeunt directè concedi, nec per indirectum sunt permittenda: textus apertus c. *statutum de hæreticis in 6. & cap. Dilcti de privil.* Super quo conveniunt DD. ab eodem *ibid. alleg.* docentes, statutum contra subditos nullatenus non posse in iis, in quibus affecti in consequentiam Ecclesiæ præjudicium.

Ideò Princeps secularis avertens præfatorum colonos à bonorum cultura, & impediens, ne arant, ferant, laborent, fructus colligant, vel asportent, tempore maxime, quo prædia, & fruges opera indigent, & cultura, vel illos cum Clericorum, & Regularium iactura gravans, ex observatis, & ab eodem, & DD. *ibid. cit. num.* 66. incidit in excommunicationem latam in *Bulla Cœne*, ex quo resfringat Ecclesiasti-

cam libertatem, impediendo Ecclesiasticos liberè re sua uti: quatenus operatur, ut eorundem bona propter impedimentum colonorum nequeant coli, & arari ut oportet, & exigitur.

Ad quod facit, quod coloni, quatenus sunt coloni, & sub ista qualitate uti colentes prædia Ecclesiastica, non subdantur Principi Laico, ut docuit Sperellus n. 30. & Pignatellus *tom. 1. cons.* 163. n. 16. & Panimolla *cit. ad not.* 3. *num.* 7. Ratione enim bonorum Ecclesiasticorum subjacent foro Ecclesiastico, sicut & ipsa bona, ideò si eis, habito ad hæc respectu, aliquid præcipiatur, non tenentur parere: statuta enim Laicalia, nec Clericos, neque eorum bona ligant, ex potestatis defectu, text. *ad c. Ecclesia S. Maria de Constitutionibus.*

Conclusio procedit, tum in colonis partiaris, sic dictis juxta Calvinum *Lexicon Juridicum*, quia fructus cum domino dividunt; ad quod facit *Glos. in Clement. Religiosi de decimis in ver. excolendas*: inter quos, & Ecclesiasticos ex Sperello *num.* 25. reperitur contractus societatis, in quo Ecclesiastici ponunt prædia, & bona, coloni verò semina, animalia, & operas, ut fructus inde nascentes æqualiter dividantur; & forte propter hoc vulgò vocantur quoque *Mezzaroli*; etiam juxta resolutionem S. Cong. Immunit. apud Pignatellum *cit. cons.* 467. Tum in iis, qui non sunt partiaris, sed perpetui, & adscripti, qui Clericorum, & Regularium nomine ipsorum prædia colunt, & ad panem, & vinum eorumstant, prout *dec.* 42. *num.* 11. Sperellus Conductitii per Panimolla n. 49. non sunt immunes, verum limitarem in casu, in quo nullum præjudicium Ecclesiasticis eveniret.

19 Ecclesiasticorum coloni nequeunt collectari, vel ad collectas pro portione colonica compelli, quia non pro fructibus, sed pro prædiis fit solutio, ut, pluribus relatis, scripsit Sperellus *decis.* 44. n. 4. & Panimolla n. 6. Quod ostenditur ex forma imponendi collectas; quæ non imponuntur, nisi prius res ipsa æstimetur, & describatur in catasto, ut secundum æstimationem, & pro viribus patrimonii taxentur: unde impositio respicit rem, & non fructus, & facit, quod in catasto describi, nec per Laicos æstimari possint bona Ecclesiæ, Clericorum, & Regularium, utpotè extra Lai-

cam jurisdictionem constituta, ideò incapacia, ut sint materia estimationis, & descriptionis importans per Surdum ab eodem num. 10. allegat. actum jurisdictionis, qua caret Princeps Laicus, qui nec in spiritualibus, nec in temporalibus quidquam de bonis Ecclesiæ statuere potest, Arg. in c. qua in Ecclesiarum de Constitutionibus. Quam exemptionem pro portione colonica esse firmatam à S. Congr. Episc. in una Oppiden. 18. Septembris 1618. refert Panimoll. alleg. n. 6. & ipse ampliatur etiam, dum est à solo separata, ibid. n. 45.

20 Conclusionem limitant DD. apud Speriellum decis. 47. n. 17. quoad onera colonis imposita respectu bonorum proprio nomine possessorum; unde pro bonis propriis solvere tenentur, per expressè disposita à Sac. Congr. Immunit. 29. Maji 1646 apud Panimoll. cit. adnot. 7. à num. 45. Quia coloni Clericorum, cum cæteris Laicis concurrere tenentur ad omnia onera, in quibus neque directè, neque indirectè præjudicatur Ecclesiæ, vel Ecclesiasticis personis. Nevè ex eo resultat in directà immunitatis, & libertatis Ecclesiasticæ violatio, quæ semper in factò habetur, tametsi in verbis non appareat, dum actiones, quæ directè personas Laicas afficiunt, ordinantur ad gravandos Ecclesiasticos, vel illorum bona, ut post Suarez in tract. de defens. fidei lib. 4. cap. 33. num. 6. tradit Speriellus decis. 41. num. 82. cit. ubi concludit discrimen inter directam, & indirectam violationem consistere solum in modo, nam reipsa idem est: quia effectus ita in Ecclesiasticos redundat, ut illos directè afficiat, si sit onerosus, vel indebitè impediatur, si sit favorabilis.

Quæ limitatio videtur applicabilis colonis Regularium per disposita à B. Pio alleg. Const. in qua eos immunes facit ab omnibus, & singulis oneribus, ut plenius in ea continetur, quod ipse Speriellus decis. 42. num. 20. notavit.

21 Colonos partiaros agrorum Mensæ Episcopalis, durante colonia, non modo exemptione ab actionibus, verum & fori Privilegio gaudere, cum aliqua tamen modificatione, determinavit Sacra Consulta in una Perusina 9. Januarii 1610. tenoris, ut sequitur.

Illustre, e Molto Reverendo Sig. come Fratello. La Sacra Consulta sopra la difficol-

tà: che si faceva intorno all'icoloni partiarii delle terre della Mensa Episcopale, quando dovessero godere il Privilegio del foro. Ha risoluto, che sempre, che li coloni partiarii lavorino i poderi intieri delle dette Mensa Episcopali, che per il più sogliono consistere in diversi pezzi di terra, ovvero in un sol pezzo di capacità, che faccia una possessione, o un podere intiero, che si occupino intutto, o per la maggior parte nella Colonia di quello, in tal caso debbano godere il Privilegio del foro; mà se lavoreranno un pezzo di poca quantità, o si occuperanno per la maggior parte del tempo in lavorare i beni proprii, in tal caso non godino il Privilegio del foro Episcopale; e secondo questa distinzione potrà V. S. nelli casi occorrenti osservare, & il Signore la conservi: Roma 9. Genn. 1610. Come Fratello il Cardinal Borghese. Quam refert Speriellus decis. 128. num. 33. Et successive affirmat fuisse resolutum à Sac. Congr. Immunit. in una Civit. Plebis die 23. Decembris 1627. & in una Viterbien. sub eadem die; & deinde in una Neocasteren. 13. Augusti 1629. Idem decis. 42. num. 21.

22 Fratres Min. de Observantia exempti sunt ab onere solvendi gabellam moliturae, vulgò *del macinato*, ut in una Assisen. 21. Junii 1659. Et exemptione gaudent à solutione quaterni carnis, & respectivè carnum aliis in locis recipiendarum cum libera asportatione, & introductione, ut fuit contra Dohanerios, & Gabelotas pronunciatum à D. de Asse, Judice Delegato, die 9. Decembris 1687. ut in *regeſto*, vel libro diversorum Eminentissimi Camerarii fol. 97. Franciscus Antamorus R. C. A. Secret.

Pariter exempti sunt à solutione gabellæ bononorum quinque super quolibet cado vini, ac respectivè super sarno, & palea, ut ex sententia D. Bonaccursii Thesaurarii sub 28. Martii 1667. Franciscus Antamorus.

Quorum Observantium, ac Reformatorum, & Capuccinorum S. Francisci exemptio à gabelis, & oneribus, fuit à S. Sede, eorum paupertate inspecta, præservata occasione edicti, quo ad onera, & gabelas fuerunt obstricti etiam omnes Regulares, prout in sequenti epistola.

Lettera circolare, spedita d'ordine di Nostro Sig. secondo la risoluzione della Congregazione Economica, alli Signori Cardinali Legati, e Prelati, Governatori dello Stato Ecclesiastico, circa la non comprensione dei Religiosi Mendicanti di strettissima mendicizia, li quali ne pure in commune possiedono cosa alcuna, nel Chirografo segnato dalla Santità Sua sotto li 26. Agosto 1708.

23 **L**A Santità di Nostro Signore havendo inteso, non senza molta amarezza del suo animo, la sinistra interpretazione, che da alcuni è stata data al Chirografo segnato dalla Santità Sua sotto il dì 26. Agosto prossimo passato, in quella parte, ove si obbligano tutte le persone di qualsivisia stato, grado, e condizione, eziandio Ecclesiastiche, tanto Secolari, quanto Regolari, anchorche Mendicanti di strettissima mendicizia, non ostante qualsivisia loro privilegio, o esenzione, a concorrere per li loro beni à quelle contribuzioni, e pessi, che s'impongono, ò s'imporranno per le correnti note emergenze, con essersi perciò indebitamente preteso, che anche quei Religiosi Mendicanti, quali nè pure in commune possiedono cosa alcuna, in vigore in detto Chirografo, possano, e debbano esser gravati con gabelle, che s'impongano dalle Comunità per soddisfazione delle tasse, di maniera che li abbiano à cadere sotto tali tasse l'elemosine, che quelli ricevano dalle stesse Comunità, ò altri Benefattori; anzi anche l'istesse elemosine manuali, che loro si danno da Fedeli per il Santo Sacrificio della Messa: hà perciò comandato la Santità Sua, che oltre ciò, che si è ordinato con altra simile lettera, scritta in data delli 29. del passato mese di Settembre in proposito dell'esenzione, che li sudetti Religiosi Mendicanti, quali nè pure in commune possiedono cosa alcuna, devono godere di tutte le gabelle imposte, ò da imporsi per l'accennato effetto, per tutto ciò che serve per il loro sostentamento, & uso; con la presente Lettera circolare più chiaramente si spieghi, e si dichiari, che la disposizione del Chirografo sudetto, ove comprende i Religiosi Mendicanti di strettissima mendicizia (anchorche per essere relativa alli beni, che quelli possiedono, & insieme per escludere literalmente i veri po-

veri, che non possiedono cosa alcuna, fosse assai chiara ne avesse bisogno d'alcuna spiegazione, ò dichiarazione) solamente comprende quei Religiosi, che anchorche Mendicanti possono tuttavia possedere in commune, e di fatto possiedono qualche specie di benistabili; mà non mai quelli, che nè pure in commune possiedono cosa alcuna, quali in conseguenza devono esser essenti datutte le tasse, imposizioni, capitazioni, e da ogn'altra sorte di gravezza; poiche questa è stata sempre, & è la mente della Santità Sua. Non dubito, che V. S. per quel che à Lei appartiene, sarà per far haver alla medesima la dovuta esecuzione. E Dio la prosperi. Roma 20. Ottobre 1708. Apud Impresorem Cameralem.

24 Prædicti enim Observantes, Reformati, & Capuccini, eam speciem Religiosorum constituunt, qui per Trid. sess. 25. de regul. bona immobilia possidere non possunt, nec redditus habent; sed dietim ex mendicato, & eleemosynis acquisitis, eorum necessitatibus remedia parantur.

CAPUT IX.

Officialis quoad Capellas.

S U M M A R I U M.

- 1 Ecclesia, qua inservit pro celebratione Missæ, adificari non debet, nisi pravi obligatione mantentionis.
- 2 Quis provideat Altare Capella de paramentis?
- 3 Patronus ad quid teneatur erga Capellanum?
- 4 Consuetudo reficiendi Ecclesiam, aliquando à populo transit ad Rectorem.
- 5 Insignia, & arma fundationem ostendunt.
- 6 Non possunt ea abradi.
- 7 Hæres non potest sua arma affigere in Capella.
- 8 Quinam eligat Capellanum pro celebrationis Missis in Ecclesiis Regularium à testatore relictis, hæredes, an Regulares?
- 9 Fratres Minor. de Observ. non sunt capaces legatorum Missarum, quorum proprietates sit apud ipsos.
- 10 Concessionibus Capellarum, etiam quoad jus

jus honorificum, & usum, debent fieri de consensu Capituli.

I Icèt Ecclesiæ sine dote consecrari non debeant, *c. Placuit, 1. quæ 2. &c. cum sicut de consecr. Eccl. vel Alt.* imò nec fundari, ut in eis Missæ celebrentur, nisi ædificans sua bona obliget pro ipsarum manutentione, ut probat Monacell. *for. p. 1. for. 10. n. 4. tit. 6.* Altaria tamen, & Capellæ in Ecclesia sine dote erigi possunt; maxime, si ad ornatum Ecclesiæ sint constructæ, quia tunc sufficit manutentioni Ecclesiæ esse provisum. Secus dicendum de illis constructis pro Missarum celebratione, nam tunc necessaria ad id debent haberi, per Genuensem *prax. c. 109. n. 1.*

2 Quæritur, an Patronus Capellæ, an verò Rector, aut Monasterium teneatur illam reparare, & providere Altare de paramentis, mappis, ornamentis, calice, patena, luminariis, & cæteris necessariis ad celebrationem?

Quamquam videatur injunctum Rectoribus Ecclesiæ, vel Capellæ, onus ipsas reficiendi, & reparandi *ex c. Quicumque, &c. De his de Eccles. ædificand.* & ex eo probetur, quòd, qui sentit commodum, teneatur quoque ferre onus, juxta regulam *55. juris in 6.* & onus extendatur etiam ad ornamenta necessaria superius enunciata, sine quibus divina celebrari non possunt; quia fabricatio Ecclesiæ, & præparatio ornamentorum à pari procedunt, & parificantur, *cap. De his de testamentis, ibi: In ornamentis, seu fabrica, luminariis, sive aliis ad perpetuum cultum divinum.* Attamen non est sic absolute firmanda conclusio, & articulus resolvendus, per Genuensem *ibidem numer. 13.* & Sperellum *decis. 68. numer. 11.* sed juxta distinctionem ab eis consideratam. Nam, vel Patronus, aut Fundator ab initio dederunt dotem sufficientem pro mercede Sacerdotis fabricæ, & ornamentorum manutentione; & tunc nullatenus ipsi sunt inquietandi, sed tenetur Rector, vel Conventus: aut dotem parvam, & insufficientem assignarunt; & tunc illi tenentur. Facit Trid. *sess. 21. cap. 7. doros.* Et ex eo deducitur per Abbatem à Sperello *num. 15. alleg.* quòd fundans Capellam teneatur illam competenter dotare, quemadmodum Pater filiam; maxime, quia ædificans Al-

tare Sacerdotale videtur se obligasse ad dotem dandam pro necessariis concurrentibus ad Missarum solemnia; nam, qui vult unum, videtur voluisse omnia, per quæ perveniunt ad illud, *Arg. ex cap. Præterea de offic. deleg. Idem Panimolla decis. 15. num. 9.* applicat Confraternitatibus Laicorum, ut dicemus *cap. Quoad Confraternitates.*

Et procedit per Sperellum *decis. 67. n. 12.* ut, si dos Capellæ pereat, teneatur Patronus ad iterum dotandum; in quo si negligens fuerit, poterit jus patronatus alteri dotandi adjudicari; eique præceptum fieri potest de assignando sufficientem, & competentem dotem, sub pœna providendi de compatrono, vel alia; & interim de providendo de mappis, paramentis, cæterisque necessariis, *ibid.*

3 Ubi firmat, Patronum Capellæ non semper teneri alere Capellanum celebrantem, benè verò providere de dote sufficienti, habito respectu ad stipendia, quæ solent dari pro Missis; unde in casu sufficiens dos illa reputatur, quæ correspondet necessariis paramentis, & oneri Missarum, quas Capellanus debet ibi per hebdomadam celebrare. Alia super sufficientia dotis vide Gloss. *ad alleg. cap. Cum sicut in ver. consecranda.*

Nota, quòd quando inducta esset consuetudo, quòd Populus, & respectivè Patronus subiret onus reparandi Ecclesiam, & ornandi Cappellam, ab ea recedendum non foret, etiam data sufficienti dote, per Innoc. *in cap. fin. de his, quæ fiunt à majori parte Capituli, & Genuen. ad locum alleg.*

4 Super quo Sperellus *allegat. decis. 68. num. 24.* considerat, quòd si consuetudo, quæ onus reparationis, & fabricæ Ecclesiæ, ac ornatus Cappellæ transtulit in Populum, vel patronum, orta fuit, dum redditus erant tennes, & populus exiguus; auctis deinde redditibus beneficii, excrecente Populo; decimis multiplicatis, itaut & ad rectores sustentationem, & in Ecclesiæ restaurationem, cæteraque necessaria sufficiant, ab eo illi liberentur, & in Rectorem transeat, ut apud eum scripsit Navarro *de spoliis Clericorum sub num. 73.* Alia plura, ipso digna, *alleg. decis. 67. & 68.* Sperellus notavit.

5 Foundationem Capellæ demonstrant ex Pani-

Panimolla *decif.* 10. *adnotat.* 1. num. 65. inscriptiones, arma, & insignia familiæ insculpta in marmoreis lapidibus, vel pariete Capellæ; quæ regulariter apponi non solent in re, vel ædificio alienis sumptibus constructo.

Et licet non appareant ita antiqua, ut dici possint apposita fuisse in fundatione, nihilominus conducunt ad probandam fundationem; quia præsumuntur per Patronos, vel Fundatores apposita ad conservacionem vel sui juris, vel ad ostendendam devotionem erga Deum, & Sanctos, ut dixit Rota *decif.* 13. *sub num.* 3. *part.* 1. *recent.* ab eodem alleg.

6 Quæ, sive probentur esse apposita in fundatione, vel ob restaurationem, aut meliorationem, nulli unquam, sive Rectori, sive Conventus Prælato licet ea abradere, & remove: vel ut memoria fundatoris, aut benefactoris deperdatur: vel ut aliorum nomina, & insignia ibi ponantur: ut ibid. ipse Panimoll. n. 68. & alleg. Genuen. num. 3. scribunt.

7 Nam, ut concludenter Genuen. n. 2. probat, eriguntur Capellæ cum sepulchris, armis, & inscriptionibus, (quæ sunt ordinata ad conservandam fundatoris, & benefactoris memoriam) ad ostendendam excellentiam devotionis ipsius, ejusdemque domus erga Deum, & Sanctos; interest autem Reipublicæ, l. 1. §. publica, ff. de ventre inspiciendo, apud eundem, ut familiarum dignitas conservetur; quæ dignitas ex ædificio Capellæ, & in hac ex monumentis fixis dignoscitur: ideo num. 4. Genuen. concludit, hæredem non posse sua arma affigere in Capella, in qua sunt illa fundatoris, ne memoria defuncti deperdatur.

8 Erigens Capellam in Ecclesia Regularium cum onere, ut quolibet die certus Missarum numerus in ea celebretur, sine specificatione personæ, à qua debeant celebrari, celebrandæ sunt à Sacerdote Regulari Monasterii; nec Fundator potest ad suum libitum pro hujusmodi celebratione Sacerdotes sæculares, vel Regulares alterius Ordinis deputare, nisi ipsi Regulares consentiant; ad quod facit Decretum Sac. Congreg. Episc. relatum à Nicolio Can. lib. 3. tit. 33. de Regularibus numer. 15. ubi disponitur in casu, quo Testator Missas celebrandas in Ecclesia Regul. relinquat sine expressione personæ, non posse hære-

dem pro suo libito Sacerdotes sæculares deputare: censuit enim, præfatos hæredes non posse pro suo libito Oratoribus (PP. nimirum Ord. Prædicatorum, qui libellum porrexerant) invititis, deputare pro prædicta celebratione Missarum in eorum Ecclesia Sacerdotes sæculares, seu alios cujuscunque Ordinis Regulares, sed omnibus præferendos esse eosdem Oratores, quatenus ipsi Missis satisfacere non recusent. Quibuscumque non obstantibus. 16-Novemb. 1657.

Verum successive ad hæc tempora aliàs fuit à S. Sede provisum. Nam Sac. Congr. Conc. in una Maceraten. 15. Martii 1692. censuit, electionem Capellani pro celebratione Missarum in Ecclesia Min. Conventualium Terræ Montis-Miloni, à Testatore non nominati, spectare ad hæredem, & non ad Regulares. Sed certè ab hærede esset ex æquitate nominandus Regularis illius Ecclesiæ, ne per Capellanum sæcularem imponeret ipsis Regularibus onus nimis grave; eorum quietem perturbans. Præsumptio enim currit, quod ea fuerit mens Testatoris, Engel. de privil. Monast. priv. 44. n. 4. vid. cap. sequen. n. 8.

Quatenus verò Regulares commodum, aut patientiam pro celebratione Missarum Sacerdoti sæculari præstare recusarent, tunc conceditur oneris translatio, ad quem effectum recurritur ad S. Sedem, prout indulgit Congr. Episc. in nullius Castri Durantis 11. Aprilis 1615. & in Burgi S. Septulchri 7. Oct. 1617. Monacellus formul. part. 1. formul. 19. tit. 10. numer. 19. Ad id enim Regulares non obligantur, ut ex Fagnan. in 3. ad cap. Nos quidem num. 69. de testm. ubi notavit, Religiones non consuevisse permittere, ut in suis Ecclesiis erigantur Capellæ perpetuò officiandæ à Sacerdotibus sæcularibus, ut est notorium, & patet ex attestationibus subscriptis à singulis Procuratoribus Ord. Mendicant. quæ fuerunt Sac. Congr. exhibitæ. Ita ille. Neque ad id cogi possunt invititi ex Const. Dum intra la 22. Leonis X. Bullar. tom. 1. quæ etenim hæc, ut idem notat, ad hunc casum non pertinet; sed ejus dispositio restringitur, ut Sacerdotes sæculares volentes ex devotione in Regularium Ecclesiis celebrare, benignè recipiantur, ut ibi textus.

9 Verum si Capella cum tali onere fuisset erecta in Ecclesia Min. de Obser. & ex dispo-

dispositione Fundatoris deberent ab iisdem Fratribus celebrari Missæ, huiusmodi onus in se non possent suscipere, cum sint incapaces legatorum annuorum, quæ sunt adjecto onere celebrationis Missarum.

Limita, nisi onus solvendi, & correspondendi cum eleemosynis pro celebratione, esset directè apud hæredes, quia tunc, per modum puræ eleemosynæ, possent stipendia pro Missis debita per Syndicum recipere, ut ex doctrina Rotæ in *Turritana legatorum coram Emerix* 10. Januarii 1693. & 6. Aprilis 1696. apud Monacellum part. 2. form. in append. dec. 32. & 33. De quo expressius, ac plenius infra c. 30.

Nequeunt Regulares sine consensu Sedis Apostolicæ alienare, & aliis in jus, & proprietatem concedere Capellas, & Sepulchras, ad præscriptum c. *Ambitiosa*, ut ibi latè unanimiter DD. Sed quia de hac re dicturi sumus c. 45. ne eadem inutiliter repetantur, hic omittimus.

10 Advertendum tamen, quòd concessionem Capellarum, & Sepulchrorum, etiam quoad solum jus honorificum, & usum facti, sunt faciendæ de consilio, & consensu Capituli, ita necessariò, ut aliàs factæ nullæ declarentur, cap. *Novit. c. Ea noscitur*, cap. *Tua de iis*, qua sunt à Prælat. fin. conf. cap.

C A P V T X.

Officialis quoad celebrationem Missarum.

S U M M A R I U M.

- 1 Non possunt Regulares impediri, quin Missa celebrent in suis, & aliorum Ecclesiis.
- 2 Et, ne Campanas pulsent ad Matutinum, horas, & Missam, etiam antequam pulsetur Campana Majoris Ecclesie. Sed Sabbatum Sanctum excipitur.
- 3 Fideles audiendo Missam in Ecclesiis Regularium satisfaciunt præcepto Ecclesie.
- 4 Non potest Missa anticipatè celebrari pro eo, qui primò postea dabit stipendium.
- 5 Sacerdotes seculares benignè recipiendi à Regularibus in propriis Ecclesiis.

6 Regulares exteri admitti non debent ad celebrandum, nisi examinatis litteris obedientialibus; nec Sacerdotes seculares, nisi visis testimonialibus subscriptis à Vicario Generali, vel Foraneo.

7 Sacerdos secularis, qui aliquo titulo tenetur celebrare in Ecclesiis Regularium, propriis sumptibus debet de necessariis providere.

8 Missa celebranda in Ecclesiis Regularium ad hæredum arbitrium, illis non consentientibus, alibi celebrari debent.

§. I.

Constitutio Innocentii XII. De celebratione Missarum.

9 Dispositio ejusdem Constitutionis usque ad num. 44.

§. II.

Nonnulla dubia concernentia celebratione Missarum.

- 45 Fratres Min. de Observantia non possunt retinere capsulam pro asserendis eleemosynis Missarum.
- 46 Missa celebranda sunt in Ecclesia electa à Testatore.
- 47 Quantum temporis importet intra breve tempus moraliter?
- 48 Sacerdos non potest retinere sibi partem stipendii recepti pro celebratione Missæ.
- 49 Episcopus non potest compellere Regulares ad exhibendos libros Sacristie.
- 50 Vicarius Episcopi non potest reducere Missas, quas Sedes Apostolica committit Episcopo reducendas, in casu &c.
- 51 An Sacrificium possit uni ex iustitia, & alteri ex charitate applicari, usque ad num. 56.
- 57 Subditi Regulares tenentur celebrare juxta intentionem Prælati, usque ad num. 58.
- 59 Qualiter sit specificanda persona, pro qua celebratur?
- 60 Quando Parochi teneantur celebrare pro suis Orvibus?

61 Non

- 61 *Non est simoniacum accipere pecuniam pro celebratione Missæ.*
 62 *Capellani per se ipsos celebrare tenentur: limita.*
 63 *Et applicare Sacrificium pro Fundatore.*
 64 *Capellani Monialium uti debent Missali Romano.*
 65 *In nocte Nativitatis, successivè ad Missam cantatam non celebrantur alie duæ.*
 66 *Die Sabbati Sancti non licet celebrare Missas privatas.*
 67 *Missæ de Requiem cum cantu pro implenda mente Testatoris celebrari possunt, etiamsi Anniversarius dies obitus recurat in duplicibus.*
 68 *In Missis de Requiem Fidelibus non exhibetur Communio. Et ubi aliàs ministratur, nunquam dantur plures Particule.*
 69 *Onera Missarum regulariter censentur perpetua.*
 70 *Instructio servanda à Regularibus in subscriptione attestations exhibenda super adimplemento onerum Missarum.*

§. III.

Oratoria.

- 71 *In Oratoriis privatis Missæ celebrari non possunt, nisi ex Pontificis indulto. Differentia inter Oratorium publicum, & privatum. Quinam audiendi Missam in Oratoriis privatis satisfaciat præcepto Ecclesiæ de audienda Missa? Quid de Regularibus quoad Altare portatile? Et an possint habere Oratoria in Grangiis? Quibus diebus in Oratoriis privatis non possit celebrari? usque ad num. 84.*
 85 *Decretum S. Congr. Conc. ad tollendos abusos celebrandi in Oratoriis privatis.*

Nequèunt Regulares impediri, quin Missas in propriis, & aliis Ecclesiis celebrent, prout B. Pius V. Constituit. Et si Mendicantium la 41. Bull. tom. 2. §. 8. ver. Et insuper, ibi: Volumus, quod Fratribus Mendicantibus hujusmodi Official. Cur. Eccl.

non solum prohiberi non possit, ne Missas, & alia Divina Officia fiant in eorum Ecclesiis, verum etiam in quibuscunque aliis, ubi celebrari Missas solitum est, etiam ipsis non vocatis, seu ad id requisitis, celebrare valeant. Hoc ultimum intelligas de Rectorum, & eorum, ad quos spectat, assensu.

Etiam tempore, quo Parochi ipsi in suis Ecclesiis celebrant, ut §. 22. ibi: Prohibemus insuper eisdem Ordinariis, ac aliis quibuscunque personis, ne impediunt ipsos Fratres, quando eis placuerit, tam in diebus Dominicis, seu festivis, aut aliis totius annis temporibus, Campanas pulsare, & etiam tempore, quo ipsi celebraverint, Missas celebrare.

2 Post indultum B. Pii adest Decretum S. C. Regul. 10. Octobris 1568. ibi: Ordinarii non impediunt Fratres, pulsare Campanas ad Matutinum, ad Horas, & ad Missam, antequam pulsetur Campana majoris Ecclesiæ, præterquam in die Sabbati Sancti. Consect. Coll. Privil. Mend. part. 1. ad Constit. 5. Sixti V.

Hoc enim die prius pulsare debent Campanæ Ecclesiæ Cathedralis, vel Matricis, quàm alterius Ecclesiæ Sæcularis, vel Regularis, ad tex. in Constit. Dum intra Leon. X. la 22. §. 14 Bull. tom. 1.

Possunt Regulare celebrare, priusquam Parochi celebrent, ex eodem B. Pii, §. 8. Necnon Missas, ait, & Divina Officia hujusmodi, etiam in diebus Dominicis, vel festivis, etiam antequam Rector Parochialis Ecclesiæ celebraverit, celebrare, & facere, quando eis videtur.

3 Nec sunt impediendi Fideles, quin diebus Dominicis, & festivis ad Regularem Ecclesias, Divinorum Officiorum tempore, atque ad audiendas in eis Missas accedant. Neque dicendum, præcepto de Missis diebus festivis audiendis, eosdem non satisfacere. Oppositum enim sanxit Leo Decimus Constitut. la 25. Bullar. tom. 1. ut sequitur: Intelleximus quosdam in dubium revocare, & perinde timoratis conscientis scrupulum iniecerunt, si Christi Fideles, qui Dominicis, & festis diebus extra Ecclesias suas Parochiales, Missas audiant in Ecclesiis Fratrum Ordinum Mendicantium, Ecclesiæ præcepto de Missa audienda satisfaciant. Nos enim ambiguitatem hujusmodi penitus tollere volentes,

ut cum sinceriori conscientia Fideles quique Deo Creatori suo serviant, autoritate Apostolica, tenore presentium notum facimus, omnes Christi Fideles utriusque sexus, qui (non contempto proprio Sacerdote Parochiali) in Ecclesiis Fratrum Ordinum Mendicantium, Dominicis, & Festis diebus, Missas audiunt, satisfacere praecepto Ecclesiae de Missa audienda, nec in aliquam labem mortalis peccati, pœnamve incurrere. In contrarium facientibus non obstantibus quibuscunque, &c.

Quod observavit Piafec. prax. Episcop. par. 2. cap. 2. artic. 3. numer. 21. notans obligari Parochum, ex Tridentin. sess. 22. in Dec. de obs. & evitan. in celebr. Miss. ad monendum Populum, ipsumque de praecepto audiendæ Missæ diebus festivis sub peccato mortali instruendum: cogere tamen non posse quempiam ad eam in Parochiali Ecclesia audiendam, quia Concil. loc. citat. verb. dumtaxat, moneant, & non alio, utitur.

4 Omnibus, & singulis Sacerdotibus, tam Sæcularibus, quàm Regularibus, prohibitum est, Missas anticipatè celebrare pro eo, qui primò stipendium dederit; vel, quem Deus videt primò daturum; vel sub conditione in futurum contingente: v. g. intendo celebrare pro eo, qui proxime mihi elemosynam largitus fuerit, Sum. Leand. verb. Missa stipend. numer. 39. Layman. Theol. moral. de Sacrificio Missæ lib. 5. cap. 2. numer. 13. & reperitur tanquam periculosum, & scandalosum, jussu Clem. VIII. & per Pauli Quinti decretum, prohibitum à Sac. Congreg. Conc. quod per extensum referunt Barboza 2. part. de Offic. & potestat. Episcopi alleg. 24. num. 12. & Lezzana Sum. Quest. Regul. tom. 4. verb. Missa numer. 51. quod evenisse sub die 15. Novembris 1605. testantur.

Sacrilegam aliquorum ad Sacrum Presbyteratus Ordinem non promotorum, in celebrandis Missis audaciam, Sancta Sedes sæpiùs repressit: ut post Gregorium XIII. & Sixtum V. Clemens VIII. Constit. Et si aliàs 81. Bull. tom. 3. Et subinde Urban. VIII. Constit. Apostolatus 79. tom. 4. decrevit, pœnis à Clemente statutis procedi posse contra omnes, five Laicos, five Clericos sæculares, vel Regulares non promotos, præsumentes Missas celebrare, & Sacramentalis confessiones audire, dummodò vigesi-

mum ætatis suæ annum compleverint.

5 Cum Sæculares Presbyteri in Ecclesiis Regularium ex propria devotione voluerint, celebrare possint, & benignè recipiantur juxta dispositionem Leonis X. dicta Constit. Dum intra, ibi: Ac tam Prelati, quàm Presbyteri Sæculares, qui vinculo excommunicationis ligati non fuerint, Missas in Ecclesiis domorum eorumdem, devotionis causa, celebrare volentes, celebrare possint. Ipsique Fratres tales celebrare volentes, libenter recipere debent.

6 Exteri autem, & peregrini à Regularibus admitti non debent ad celebrandum in propriis Ecclesiis, nisi servata forma sequentis Decreti. Die 11. Augusti 1649. in Congregatione Sancti Officii Eminentissimi RR. Cardinales Inquisitores mandarunt intimari Superioribus Religionum, quod mandent suis subditis Monasteriorum, & Conventuum Superioribus, ne admittant ad celebrandum in eorum Ecclesiis, eorum, vel alterius Religionis, externos, vagos, seu peregrinos, nisi examinatis diligenter litteris obedientiæ, seu assignationis eorum Superiorum, & testimonialibus promotionis ad Sacerdotium: quò verò ad Sacerdotes Sæculares, nisi visis litteris testimonialibus subscriptis à Vicario Generali, seu Foraneo Episcopo loci &c. quod refert Nicol. praxis totius Juris Can. lib. 3. tit. 13. de Regularibus num. 15. & sæpè id decrevisse circa Sacerdotes Sæculares Sacram Episcop. & Regul. Congr. testatur.

7 Ubi tradit Regulares teneri ad consensum dandum, & commodum Presbytero Sæculari, qui aliquo titulo tenetur ad celebrandum certis diebus in ipsorum Ecclesiis, per disposita à Sacra Congregatione sexto Septembris 1625. cum onere tamen, ut Presbyter celebraturus sibi suis sumptibus de suppellectibus, cera, cæteroque apparatu Ecclesiastico ad id necessario provideat.

8 Cum ex dispositione Testatoris deberent in Ecclesiis, v. g. Fratrum Minorum, celebrari Missæ à Presbyteris, five Sæcularibus, five Regularibus, ad Hæredum arbitrium, & Fratres Minores nollent consentire; S. C. C. censuit: Dum Regulares non consentiunt Missas à Testatore relictas, per Sæculares in Regularium Ecclesia celebrandas, ibidem celebrari, posse alibi celebrari de licentia Ordinarii, ut in una Venetiarum

rum 14. Septembris 1639. *idem loc. cit. vi-
de supr. cap. num. 8.*

§. 1.

*Constitutio Innocentii XII. super cele-
bratione Missarum.*

9 Nuper à Congregatione Venerabili-
lium Fratrum nostrorum S. R. E. Cardi-
nalianum Concilii Tridentini Interpretum
prodierunt Decreta tenoris infra scripti, vi-
delicet.

„ Aliàs super celebratione Missarum,
„ ac prohibitione illas moderandi, seu redu-
„ cendi absque Sedis Apostolicæ licentia,
„ nec non super earumdem oneribus per-
„ petuis suscipiendis, & Religiosorum nu-
„ mero ultra redditus, & consuetas elee-
„ mosynas locorum Regularium non ha-
„ bendo, emanarunt ab hac Sac. Congre-
„ gatione Sac. R. E. Cardinalium Concilii
„ Tridentini Interpretum, auctoritate per
„ fel. rec. Urbanum Papam VIII. illi specia-
„ liter attributa, quamplura Decreta teno-
„ ris sequentis.

10 §. 1. Cùm sæpè contigat in qui-
busdam Ecclesiis, tam magnum Missa-
rum celebrandarum numerum, ex va-
riis Defunctorum relictis, aut piorum
eleemosynis impositum esse, ut illis pro
singulis diebus præscriptis nequeat satisfi-
feri, & tamen nova onera Missarum in
in dies suscipiantur: indeque fiat, ut de-
pereant piæ Testantium voluntates, ob-
stricta Benefactoribus fides violetur, De-
functorum animæ suffragiis priventur,
Ecclesiis debitus subtrahatur cultus, ac
Christi fideles gravi scandalo affecti, ple-
rumque à similibus charitatis operibus
retrahantur: Cùmque his malis maxi-
mum inter cætera fomentum præbeat,
aut quòd ii, qui Missas supra vires cele-
brandas suscipiunt, sperent illas brevi ad
pauciores numerum à Superioribus re-
ductum iri: aut quòd Ecclesiis, sorte
pecuniarum absumpta, plerumque nuda
remaneant onera Missarum absque ul-
lo emolumento: aut quòd eleemosy-
na pro illis celebrandis sit adeò tenuis,
ut non faciliè inveniantur, qui velint
huic se muneri subicere, & redditus Ec-
clesiæ, aut Monasterii adeò exigui, ut
Sacerdos pro necessaria sui sustentatio-

„ ne novis se oneribus obstringere com-
„ pellatur. Sacra Congregatio Cardina-
„ lium Concilii Tridentini Interpretum
„ animadvertens facturam se rem Deo
„ gratissimam, charitatique, ac iustitiæ
„ maximè consentaneam, si pro viribus
„ satagat, hunc teterrimum abusum à Chri-
„ stiana Republica convellere, atque era-
„ dicare: Sanctissimi D. N. Urbani Divi-
„ na providentia Papæ VIII. auctoritate si-
„ bi specialiter attributa, infra scripta De-
„ creta edidit.

11 §. 2. Ac primò distinctè prohibet,
atque interdicit, ne Episcopi in Diœce-
sana Synodo, aut Generales in Capitu-
lis generalibus, vel aliàs quocumque
reducant onera ulla Missarum celebran-
darum, aut post idem Concilium impo-
sita, aut in limine foundationis: sed pro
his omnibus reducendis, aut moderan-
dis, vel commutandis, ad Apostolicam
Sedem recurratur, quæ, re diligen-
ter perspecta, id statuet, quod magis in
Domino expedire arbitrabitur; alioquin
reductiones, moderationes, & commu-
tationes huiusmodi, si quas contra hu-
ius prohibitionis formam fieri contige-
rit, omninò nullas, atque inanes de-
cernit.

12 §. 3. Deinde, ubi pro pluribus
Missis, etiam eiusdem qualitatis cele-
brandis, stipendia, quantumcumque
incongrua, & exigua, sive ab una, si-
ve à pluribus personis collata fuerint,
aut conferentur in futurum Sacerdoti-
bus, Ecclesiis, Capitulis, Collegiis,
Hospitalibus, Societatibus, Monaste-
riis, Conventibus, Congregationibus,
Domibus, ac Locis Piis quibuscumque,
tam Sæcularibus, quàm Regularibus;
Sacra Congregatio sub obtestatione Di-
vini Iudicii mandat, ac præcipit, ut ab-
solutè tot Missæ celebrentur, quot ad
rationem attributæ eleemosynæ præscri-
ptæ fuerint, ita ut alioquin ii, ad quos
pertinet, suæ obligationi non satisfaciant:
quinimò graviter peccent, & ad restitu-
tionem teneantur.

13 §. 4. Id verò ut deinceps ob-
servetur exactius, Sacra Congr. eadem
auctoritate revocat Privilegia, & In-
dulta omnia quibuscvis personis, Eccle-
siis, ac Locis Piis, tam Sæcularibus,
quàm Regularibus, cuiuscumque Or-

„ dinis, Congregationis, & Instituti,
 „ quamcumque ob causam concessa, qui-
 „ bus indulgetur, ut certarum Missarum,
 „ vel Anniversariorum celebratione, aut
 „ aliquibus Collectis, seu Orationibus plu-
 „ rium Missarum oneribus in futurum fu-
 „ sciendis satisfiat.

„ 14 §. 5. Ac similiter omne damnabi-
 „ le lucrum ab Ecclesia remove volens,
 „ prohibet Sacerdoti, qui Missam suscepit
 „ celebrandam cum certa eleemosyna, ne
 „ eandem Missam alteri, parte eiusdem
 „ eleemosynæ sibi retenta, celebrandam
 „ committat.

„ 15 §. 6. Præterea, ne in Ecclesiis, in
 „ quibus onera Missarum in perpetuum
 „ imposita sunt, Sacerdotes in eis, ut par-
 „ est, adimplendis eo tepidiores, ac se-
 „ gniores reddantur, quod onera huius-
 „ modi cum nulla, aut parva sint utilitate
 „ coniuncta: statuit, atque decernit, ut
 „ pecuniæ, ac bona mobilia Ecclesiis, Ca-
 „ pitulis, Collegiis, Hospitalibus, Socie-
 „ tatibus, Congregationibus, Monaste-
 „ riis, Conventibus, ac Locis omnibus,
 „ tam Sæcularibus, quàm Regularibus, at-
 „ que illorum personis in futurum simplici-
 „ ter acquirenda cum onere perpetuo Mis-
 „ sarum celebrandarum, ab iis, ad quos
 „ pertinet, sub pœna interdicti ab ingressu
 „ Ecclesiæ ipso facto incurrenda à die rea-
 „ lis acquisitionis, statim deponi debeant
 „ penes Ædem Sacram, vel personam fi-
 „ de, & facultatibus idoneam, ad effectum
 „ illa, seu illorum pretium, quàm primum
 „ investiendi in bonis immobilibus fructi-
 „ feris, cum expressa, & individua men-
 „ tione oneris, quod illis annexum repe-
 „ ritur.

„ 16 §. 7. Ac si eadem bona immobilia
 „ auctoritate Apostolica deinceps alienari
 „ contigerit, eorundem pretium, sub ea-
 „ dem pœna, ut supra, deponi, atque in
 „ aliis bonis stabilibus itidem fructiferis
 „ cum eiusdem oneris repetitione, atque
 „ annexione converti debeat.

„ 17 §. 8. Ad hæc Sacra Congregatio
 „ quibusvis Capitulis, Collegiis, Socie-
 „ tatibus, & Congregationibus, necnon
 „ omnibus, & singulis Ecclesiarum, ac
 „ Piorum Locorum tam Sæcularium, quàm
 „ Regularium Superioribus, vel aliis, ad
 „ quos pertinet, districtè prohibet, ne
 „ imposterum onera perpetua suscipiant

„ Missarum celebrandarum: Sæculares
 „ quidem sine Episcopi, vel eius Generalis
 „ Vicarii, Regulares verò sine Generalis,
 „ vel Provincialis consensu, & licentia in
 „ scriptis, & gratis concedenda: alioquin
 „ Sæcularis, qui huius prohibitionis trans-
 „ gressor extiterit, ab ingressu Ecclesiæ in-
 „ terdictus sit eo ipso: Regularis verò pœ-
 „ nam privationis omnium officiorum,
 „ quæ tunc obtinebit, ac perpetuæ inhabi-
 „ litatis ad alia de cætero obtinenda, vocif-
 „ que activæ, ac passivæ, absque alia decla-
 „ ratione incurrat.

„ 18 §. 9. Eleemosynas verò manuales,
 „ & quotidianas pro Missis celebrandis, ita
 „ demum iidem accipere possint, si oneri-
 „ bus antea impositis ita satisfecerint, ut
 „ nova quoque onera suscipere valeant;
 „ alioquin omnino abstineant ab huiusmo-
 „ di eleemosynis, etiam spontè oblati, in
 „ futurum recipiendis, & capsulas auge-
 „ rant ab Ecclesiis cum inscriptione illa:
 „ *Eleemosyna pro Missis*, vel alia simili, sub
 „ iisdem pœnis ipso facto incurrendis, ne
 „ Fideles hac ratione frustrentur.

„ 19 §. 10. Episcopus verò, seu eius Vi-
 „ carius, aut Generalis, vel Provincialis,
 „ ubi de licentia pro perpetuis oneribus
 „ fuerint requisiti, in singulis casibus dili-
 „ genter inquirent de singulis Missarum,
 „ celebrandarum obligationibus, cuique
 „ Ecclesiæ, Monasterio, aut Loco Pio in-
 „ cumbentibus: nec antea assensum huius-
 „ modi, aut licentiam præbeant, quàm
 „ eis legitime costiterit, illius Sacerdo-
 „ tes, tam novo oneri suscipiendo, quàm
 „ antiquis iam susceptis satisfacere posse;
 „ præcipuamque rationem habeant, ut
 „ redditus, qui Ecclesiis, & Locis Piiis re-
 „ linquantur, omnino respondeant oneri-
 „ bus adiunctis secundum morem cuius-
 „ que Civitatis, vel Provinciæ: intelligant-
 „ que, si in re tanti momenti desides, aut
 „ negligentes fuerint, in novissimo die se
 „ huius prætermissi numeris rationem esse
 „ reddituros.

„ 20 §. 11. Postremò Illustrissimi Patres
 „ non sine gravi animi dolore intelligen-
 „ tes, mala ferè omnia, quæ Regula-
 „ rem disciplinam evertunt, ac præcipue
 „ nimiam hanc facilitatem fovent in oneribus
 „ Missarum supra vires suscipiendis,
 „ veluti ex infecta radice, pullulare ex
 „ maiori Regularium numero, quàm fe-
 „ „ rant

„ rante redditus, & eleemosynæ cujusque
 „ Monasterii; inhærentes Summorum Pon-
 „ tificum, ac Sacri Tridentini Concilii De-
 „ cretis, hac de re editis, Sanctissimi Do-
 „ mini Nostri auctoritate præcipiunt, ac
 „ mandant omnibus, & singulis Generali-
 „ bus, Provincialibus, Commissariis, Mi-
 „ nistris, Præfidentibus, Abbatibus, Prio-
 „ ribus, Præpositis, Guardianis, Vicariis,
 „ & quibuscumque aliis Superioribus Mo-
 „ nasteriorum, Conventuum, ac Domo-
 „ rum Regularium, bona immobilia possi-
 „ dentium, vel non possidentium, cujus-
 „ cumque Ordinis, Congregationis, &
 „ Instituti, existentium intra fines Italix,
 „ & Insularum adiacentium, ut singuli, ad
 „ quos pertinet in qualibet Provincia, ad-
 „ hibitis duobus, aut tribus Regularibus
 „ sui Ordinis, vel Congregationis proba-
 „ tioribus, & rerum usu peritioribus, bona
 „ immobilia, census, redditus, & proven-
 „ tus omnes, consuetas item eleemosynas,
 „ & obventiones, tam communes Mona-
 „ steriorum, Conventuum, & Domorum
 „ eiusdem Provinciæ, quàm etiam singu-
 „ laribus personis Religiosis assignatas,
 „ seu permissas, in communem usum dein-
 „ cept conferendas, decem annorum im-
 „ mediatè præcedentium habita ratione,
 „ diligenter, & maturè recognoscant, iis
 „ omnibus detractis, quæ reparationes,
 „ præstationes, grandines, sterilitates, alia-
 „ ve cujuslibet generis onera consueve-
 „ runt absorbere.
 „ 21 §. 12. Eaque omnia scripto fide-
 „ liter exarata, idem Superior, cujus in-
 „ terest, in proximo Capitulo, seu Con-
 „ gregatione generali, vel Provinciali co-
 „ rani tribus Judicibus ab ipso met Capi-
 „ tulo, seu Congregatione deligendis pro-
 „ ponat, qui computatis huiusmodi red-
 „ ditibus, eleemosynis, & obventionibus
 „ universis, & oneribus ut supra detra-
 „ ctis, sedulò examinent, quot Religiosi
 „ homines, connumeratis etiam Laicis,
 „ aliisque necessariis servientibus, in uno-
 „ quoque Monasterio, Conventu, & Do-
 „ mo Regulari, iuxta regionis, & proprii
 „ Instituti morem, victum, & vestitum,
 „ & medicinalia in communi habentes,
 „ competenter valeant sustentari. Tum
 „ eorundem bonorum, reddituum, elee-
 „ mosynarum, & onerum præcisam notam
 „ ipsimet Capitulo, seu Congregationi
 „ Official. Cur. Eccl.

„ exhibeant, ut in illo diligenter omnibus
 „ discussis, cujusque Familiæ, Monasterii,
 „ Conventus, ac Domus Regularis in sin-
 „ gula quaque Provincia certus earum
 „ tantum personarum numerus, Patrum
 „ Capitularium voto præfigatur, quæ red-
 „ ditibus, eleemosynis, & obventioni-
 „ bus, ut superius, sufficienter ali pos-
 „ sint.

„ 22. §. 13. Ne verò Superiores, qui id
 „ præstare debent, ferius, aut remissius,
 „ quàm par est, suo muneri satisfaciant:
 „ mandat Sacra Congregatio, ut infra
 „ annum, post proximum Capitulum Ge-
 „ nerale, vel Provinciale computandum,
 „ omnia hoc de genere Capitulariter ge-
 „ sta, in authenticam formam redacta, ad
 „ Sacram ipsam Congregationem Concilii
 „ singuli mittant.

„ 23 §. 14. Numerumque familiæ, sin-
 „ gulorumque Conventuum, Monasterio-
 „ rum, & Domorum huiusmodi Regula-
 „ rium, Capituli, seu Congregationis
 „ Generalis, vel Provincialis sententia, &
 „ auctoritate præfinitum, iidem Superio-
 „ res, tam Generales, & Provinciales om-
 „ nes, quàm locales, perpetuò servare om-
 „ ninò teneantur, nec possint illum quo-
 „ modo augere, etiam prætextu aug-
 „ menti reddituum, absque Sacra ipsius
 „ Congregationis licentia: Superiores au-
 „ tem huiusmodi, qui prædicta omnia in
 „ præfixo termino non præstiterint, vel nu-
 „ merum, ut supra præscriptum, quovis
 „ modo augere præsumpserint, privationis
 „ omnium officiorum, quæ tunc temporis
 „ obtinebant, vocisque activæ, ac passivæ,
 „ & ad omnia suæ Religionis officia, &
 „ gradus, inhabilitatis perpetuam pœnam
 „ eo ipso incurrere, atque aliis, etiam gra-
 „ vioribus, à Sede Apostolica infligendis
 „ pœnis, Sacra Congregatio subiacere vo-
 „ luit, & declaravit.

„ 24 §. 15. Deinceps verò Monasterium,
 „ Conventus, Domus, Congregatio, vel
 „ Societas Religiosorum, seu Regularium
 „ nullibi recipiatur, nisi præter alia ad id
 „ requisita, in singulis huiusmodi locis
 „ duodecim saltem Fratres, aut Monachi,
 „ seu Religiosi degere, & ex redditibus,
 „ & consuetis eleemosynis, detractis om-
 „ nibus ut supra detrahendis, competen-
 „ ter sustentari valeant, ad præscriptum
 „ Decreti felicitis record. Gregorii XV. hac

„ de re editi: alioquin Monasteria, & loca hujusmodi posthac recipienda, in quibus duodecim Religiosi ut supra sustentari, atque inhabitare non poterunt, & actu non inhabitaverint, Ordinarii loci visitationi, correctioni, atque omnino dæ Jurisdictioni subjecta esse intelligantur.

25 §. 16. Porro, ne ullo unquam tempore hæc in oblivionem, seu desuetudinem abeant, Superiores locales cujusque Monasterii, Conventus, ac Domus Regularis, curare, atque efficere teneantur, sub pœna privationis officii, vocisque activæ, & passivæ ipso facto incurrendæ, ut in perpetuum, sexto quoque mense, idest feria secunda post primam Dominicam Adventus, & Feria sexta post Octavam Corporis Christi, præsentibus ordinationes in publica Mensa perlegantur.

26 §. 17. Omnibus, tam Ecclesiasticis, personis cujuscumque sint Ordinis, conditionis, & gradus, quàm Laicis quocumque honore, & potestate præditis, præsentia Decreta declarandi, vel interpretandi facultate penitus interdicta.

27 §. 18. Non obstantibus, quoad scripta omnia, & singula in præsentibus Decretis contenta, Constitutionibus, & Ordinationibus Apostolicis in favorem quarumcumque personarum, atque Ordinum, tam Mendicantium, quàm non Mendicantium, Militiarum, etiam Sancti Joannis Hierosolymitani, Congregationum, Societatum, ac cujuslibet alterius Instituti, etiam necessariò, & in individuo exprimendi, Ecclesiarum, Monasteriorum, Conventuum, Collegiorum, Capitulorum, Hospitalium, Confraternitatum, & aliorum quorumcumque, tam Sæcularium, quàm Regularium locorum, necnon illorum, etiam juramento, confirmatione Apostolica, vel quavis firmitate alia roboratis, Statutis, & Consuetudinibus, etiam immemorabilibus, Privilegiis quoque, Indultis, & litteris Apostolicis, etiam Mari magno, seu Bulla aurea, aut aliàs nuncupatis, sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, necnon irritantibus decretis, etiam motu proprio, & ex certa scientia, ac de Apostolicæ potestatis plenitudine, aut

aliàs quomodolibet, etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis, specialis, & individua, ac de verbo ad verbum, non autem per clausulas generales, mentio, seu quævis alia expressio habenda, aut aliqua alia exquisita forma servanda esset, tenoribus hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habens, quibus quoad ea, quæ præsentibus adversantur, illis aliàs in suo robore permanfuris, Sacra Congregatio Sanctitatis Sux auctoritate specialiter, & expresse derogat, cæterisque contrariis quibuscumque.

§. 19. Et ne præmissorum ignorantia à quoquam prætendi possit, voluit eadem Sacra Congregatio, ut præsentibus ordinationes in Valvis Basilicarum S. Joannis Lateranensis, & Principis Apostolorum de Urbe, ac in Acie Campi Floræ, ut moris est, affixæ, omnes, ad quos pertinet, ita ardeant, & afficiant, ac si unicuique personaliter intimatæ fuissent.

§. 20. Utque earundem præsentium transumptis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ. Dat. Romæ die 21. Junii 1623.

Cosmus Card. de Torres.

Prosper Fagnanus S. Congr. Secret.

28 §. 21. Excitatis autem super præmissis formis decretorum intelligentia, seu interpretatione, infra scriptis dubiis, prodierunt à memorata Congreg. simili auctoritate illi à præfato Urbano Papa Octavo specialiter attributa, responsiones, seu declarationes inferius apponendæ.

Super primo Sacre Congregationis Decreto de celebratione Missarum, quo prohibetur, ne Episcopi in Diocesana Synodo, aut Generales in Capitulis Generalibus, vel aliàs quocummodo, reducant onera ullæ Missarum celebrandarum, aut post idem

Con-

Concilium imposita, aut in limine fundationis.

Queritur, quid, si legatum sit ita tenue, ut non sit, qui velit onus illi injunctum subire, & si recurrendum sit ad Sedem Apostolicam pro moderatione oneris, totum, aut ferè totum infundendum sit pro expensis ad id necessariis?

Et quid, si permittatur Episcopo in fundatione, ut possit hujusmodi onera moderari?

Secundo, super secundo ejusdem Congregationis Decreto, quo cavetur, ut celebrentur tot Missæ, quot ad rationem tributa elemosyna præscripta fuerint.

Quaritur, an verba illa (præscripta fuerint) intelligenda sint de præscriptione facta ab Offerente, vel ab Ordinario?

Tertio, an, cum Ordinarius præscripserit elemosynam congruam juxta qualitatem loci, personarum, ac temporum, Sacerdotes accipientes stipendium minus congruo, teneantur Missas illis ab Offerente præscriptas celebrare?

Quarto, an Sacerdotes, qui tenentur Missas celebrare ratione Beneficii, seu Capellæ, legati, aut salarii, possint, etiam manualem elemosynam pro Missis votivis, aut Defunctorum recipere, & unico Missa Sacrificio utrique oneri satisfacere?

Quinto, posito, quod Testator retinuat, ut celebrentur pro ejus Anima centum Missæ, absque ulla præscriptione elemosynæ.

Queritur, an liberum sit heredibus, elemosynam sibi benè visam præscribere, an vero eadem elemosyna præscribenda sit ab Ordinario?

Sexto, super tertio Congregationis Decreto, in quo eadem Congregatio revocat Privilegia, quibus indulgetur, ut certarum Missarum, vel Anniversariorum celebratione, aut aliquibus collectis, seu Orationibus, plurimum Missarum oneribus in futurum suscipiendis satisfiat.

Queritur, an verba (in futurum suscipiendis) intelligenda sint de oneribus suscipiendis post Privilegium?

Septimo, super quarto ejusdem Congregationis Decreto, quo prohibetur Sacerdoti, qui suscepit Missam celebrandam cum certa elemosyna, ne eandem Missam alteri, parte ejusdem elemosynæ sibi retenta, celebrandam committat.

Queritur, an permittendum sit Administatoribus Ecclesiarum, ut retineant aliquam elemosynarum portionem pro expensis manutentionis Ecclesiæ, Altarium, inventuum, paramentorum, luminum, vini, hostiæ, & similibus?

Octavo, an hoc Decretum habeat locum in beneficiis, quæ conferuntur in titulum, id est, an Rector Beneficii, qui potest per alium celebrare, teneatur Sacerdoti celebranti dare stipendium ad rationem reddendum Beneficii?

Decimo, an Sacerdotes, quibus aliquando offertur elemosyna major solita pro celebratione Missæ, debeant dare eandem integram elemosynam iis, quibus Missas celebrandas committunt; an vero satis sit, ut dent celebrantibus elemosynam consuetam?

Undecimo, super quinto ejusdem Congregationis Decreto, quo inter cetera statuitur in hæc verba. Elemosynas verò manuales, & quotidianas pro Missis celebrandis, ita demum iidem accipere possint, si oneribus antea impositis ita satisfecerint, ut nova quoque onera obire valeant: alioquin omnino abstineant ab hujusmodi elemosynis etiam spontè oblati in futurum recipiendis, & capsulas auferant, &c.

Queritur, an hoc Decretum prohibeat absolvi, quominus accipiant novas elemosynas ii, qui acceptis non satisfecerunt; & quid, si congruo tempore possint omnibus satisfacere?

Duodecimo, quid, si offerens elemosynas, audito impedimento, consentiat, ut Sacerdos Missam celebret, cum primum poterit?

Decimotertio, an poena interdicti, & aliæ appositæ in eodem Decreto afficiant, tam eos, qui accipiunt elemosynas contra formam ibi præscriptam, quam eos, qui non auferunt capsulas ab Ecclesiis, ut ibidem præcipitur.

Decimoquarto, an in hoc Decreto comprehendantur illæ capsulæ, quæ apponi solent in Ecclesiis in die Commemorationis omnium Sanctorum, & vulgò dicuntur Casse de Morti?

Decimoquinto, an Administratores Ecclesiæ magna devotionis, & concursus, possint elemosynas pro Missis celebrandis accipere, si ipsæ Missis non nisi post longum tempus satisfacere valeant, ne alias cultus

Ecclesia, & devotio, ac concursus Fidelium, ut ajunt, minuantur?

Decimosextò, quia prohibitio dicti Decreti videtur aliquibus directà solis Capitulis, Collegiis, Societatibus, Congregationibus, necnon omnibus, & singulis Ecclesiarum, Piorum locorum, tam Sacularium, quam Regularium Superioribus, de quibus fit expressa mentio; non autem privatis Sacerdotibus, qui tamen comprehendì videntur sub clausula generali (& aliis, ad quos pertinet) supplicatur pro opportuna declaratione?

Decimosseptimò, super septimo ejusdem Congregationis Decreto, quo cavetur, ut in singulis Monasteriis Religiosorum prafigatur numerus, qui ex consuetis redditibus, aut elemosynis commodè possint sustentari.

Queritur, an, ubi hac prafixio facta jam fuit in vim similis Decreti sancta memoria Pauli Quinti, absque tamen computatione reddituum cujusque Religiosi, sit denudò facienda, nec ne?

Decimooctavò, an Novitii, ad habitum Regularem admissi, possint admitti ad Professionem in Monasteriis, in quibus habita, ut supra, prafixione numeri, commodè ali non possunt?

Decimononò, super ultimo, quo cavetur, ut nullibi recipiantur Conventus Regularium, nisi prater alia ad id requisita duodecim saltem Fratres in eis degere, & competenter sustentari valeant, itaut alioquin subsint jurisdictioni Ordinarii.

Queritur, an hoc Decretum, quod videtur editum in ordine ad celebrationem Missarum, comprehendat eas Religiones, quae non consueverunt onera Missarum recipere, ut sunt Religiones Capuccinorum, ac Societatis Jesu?

Ultimò, an idem Decretum, ubi disponit, ut nullibi recipiantur Monasteria, nisi &c. habeat locum in Italia dumtaxat, ad quam est restrictum Decretum proximè antecedens; an verò etiam extra Italiam?

Declarationes, aut Responsiones ad supradicta Dubia.

„ 29 §. 22. Sacra Congregatio Cardinalium Concilii Tridentini Interpretum, „ auctoritate sibi à Sanctissimo Domino

„ Nostro attributa, ad singula Dubia superius proposita, ad hunc modum respondit, videlicet.

Ad primum, et si legatum sit adeò tenue, nihilominus pro reductione oneris, ut supra impositi, ab iis, ad quos pertinet, Sedem Apostolicam esse adeundam, quae absque ulla impensa id statuet, quod magis in Domino è re esse judicaverit. Verumtamen, si in ipsa Beneficii erectione expressè cautum fuerit, ut liceat Episcopo injunctum onus reducere, ac moderari, legem hanc fundationis, quam decreta hac de re edita non susulerunt, esse validam, & observandam.

Ad secundum, esse intelligenda de praescriptione facta ab eo, qui elemosynam tribuit, non autem ab Ordinario. Quod si tribuens elemosynam, numerum Missarum celebrandarum non praescripserit, tunc tot Missas celebrari debere, quot praescripserit Ordinarius, secundum morem Civitatis, vel Provinciae.

Ad tertium, teneri.

Ad quartum, Sacerdotes, quibus diebus tenentur Missas celebrare ratione Beneficii, seu Capellae, legati, aut salarii, si elemosynas pro aliis etiam Missis celebrandis susceperint, non posse eadem Missa utrique obligationi satisfacere.

Ad quintum, consuit, ubi nullam certam elemosynam Testator reliquit, esse ab Episcopo praescribendam elemosynam congruam, quae respondeas oneribus Missarum celebrandarum, secundum morem Civitatis, vel Provinciae.

Ad sextum, ita esse intelligenda.

Ad septimum, respondit, permittendum non esse, ut Ecclesia, ac Loca Pia, seu illorum Administratores, ex elemosynis Missarum celebrandarum ullam utcumque minimam portionem retineant ratione expensarum, quas subeunt in Missarum celebratione, nisi cum Ecclesiae, & Loca Pia alios non habent redditus, quos in usum earundem expensarum erogare licite possint; & tunc, quam portionem retinebunt, nullatenus debere excedere valorem expensarum, quae pro ipsomet tantum Missa Sacrificio necessario sunt subeunda; & nihilominus eo etiam casu curandum esse, ut ex pecuniis, quae supersunt, expensis ut supra deductis, absolute tot Missae celebrentur, quot praescriptae fuerint ab offerentibus elemosynas.

Ad

Ad octavum, non habere locum, sed satis esse, ut Rector Beneficii, qui potest Missam per alium celebrare, tribuat Sacerdoti celebranti eleemosynam congruam, secundum morem Civitatis, vel Provinciæ, nisi in fundatione ipsius Beneficii aliud cautum fuerit.

Ad decimum, debere absolute integram eleemosynam tribuere Sacerdoti celebranti, nec ullam illius partem sibi retinere posse.

Ad undecimum, respondit, non prohibere absolute: ac propterea, etsi oneribus jam susceptis non satisfecerint, posse tamen nova etiam onera suscipere Missarum celebrandarum, dummodo infra modicum tempus possint omnibus satisfacere.

Ad duodecimum, quamvis onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione id sciat, & consentiat, ut illa tunc demum celebrentur, cum susceptis queribus satisfactum fuerit, Decretum non prohibere, quominus eo casu eleemosyna accipiat pro iisdem Missis, juxta Benefactoris consensum celebrandis.

Ad decimum tertium, has penas non habere locum, nisi in suscepturis onera perpetua. Missarum celebrandarum sine licentia Episcopi, vel ejus Generalis Vicarii, aut Generalis, vel Provincialis.

Ad decimum quartum, comprehendit.

Ad decimum quintum, non posse, nisi de consensu eorum, qui eleemosynas tribuunt, ut supra in responsione ad duodecimum.

Ad decimum sextum, comprehendit etiam privatos Sacerdotes.

Ad decimum septimum, numeris præfixionem esse iterum faciendam, servata forma ultimi Decreti hac de re editi.

Ad decimum octavum, esse admittendos ad professionem, si alias habiles existant, ac deinde in aliquo alio Monasterio ejusdem Religionis esse collocandos, ubi commode alii possint.

Ad decimum nonum, censuit comprehendere.

Ad ultimum, habere locum extra Italiam.

Cosmus Card. de Torres.

Prosper Fagnanus S. Congr. Secr.

29 §. 23. Cum autem super præmissis diverſi irreperint abusus, illorumque occasione, quamplures querelæ, & recursus ad Apostolicam Sedem pervenerint: cupiens eadem Congregatio Cardinalium Concilii Tridentini Interpretum huiusmodi detestabiles abusus à Christiana Republica pro viribus evellere, ac opportunè providere, ut sublati fraudibus, ac emendata negligentia, piæ dispositionum, seu benefactorum voluntati fides illibata servetur, Defunctorum animabus integra, & prompta præstentur suffragia, itidemque Deo maior gloria, & Ecclesiis præstantior cultus reddatur, prævia auctoritate per SS. D.N. Innocentium Divina Providentia PP. XII. ei specialiter attributa, infrascripta Decreta, prius in particulari nonnullorum ex præfatis Cardinalibus per Sanctitatem Suam deputata, & postea in generali huiusmodi Cardinalium Congregatione maturè, & accuratè discussa, recognita, & examinata edidit.

30 §. 24. in primis, præinserta Decreta cum præmissis illorum declarationibus plenissimè, & amplissimè approbat, confirmat, & innovat, omniaque, & singula ibidem contenta, & expressa, iterum omni meliori modo decernit, statuit, ac ab omnibus, & singulis, etiam speciali, & individuali nota, seu expressione dignis, penitus observari, & omnimodè executioni demandari decernit, sancit, & præcipit.

31 §. 25. Insuper, ut in re tanti momenti consultius, ac maiori, ut par est, circumspectione procedatur: si quæ forsan fuerint, vel sint qui suis pravis, & erroneis intentionibus, seu opinionibus blandiri volentes, Missarum celebrationem omittant sub malitiosa, vel irrationabili spe earundem condonationem, vel reductionem à Sede Apostolica, vel compositionem à Reverenda Fabrica Sancti Petri de Urbe obtinendi: Congregatio præfata, tum eisdem, tum quoscunque alios, qui post hac in adeo detestabiles abusus ausi fuerint offendere, certiores fieri, & monitos esse voluit, præfatas condonationes, & reductiones ab eadem Sede, non nisi ex rationabili causa, seu æqua commiseratione, compositiones verò à
,, dicta

dicta Fabrica, utente suis facultatibus, & privilegiis, non nisi ex causa pariter rationabili, & cum clausulis opportunis, & præsertim cum illa: *Dummodo malitiose non omiserint animo habendi compositionem, alias gratia nullo modo suffragetur*, admitti consuevisse, & solere; quapropter, ut locus omnis posterum hisce prætextibus præcludatur, memorata Congregatio tales intentiones, opinionones, seu spes, ac eleemosynarum, sive in toto, sive in parte versiones in alium, quam præfatarum Missarum usum, seu satisfactionem, & quascumque alias directas, vel indirectas, immediatas, vel mediatas contraventiones, seu circumventiones, declarat prorsus irrationabiles, injustas, & illicitas, illasque omnino reprobatur, & damnatur, & interdicat.

32. §. 26. Cumque huiusmodi absurda ex eo plerumque proveniant, quod onera Missarum supra vires suscipiantur; caveant omnes, & singuli Rectores, Superiores, & Ministri quarumcumque tum Sæcularium, tum Regularium Ecclesiarum, seu illarum Capitula, ne onera, seu Missas, tum perpetuas, tum temporales, tum etiam manuales, quarum satisfactio ni impares fuerint, quoquomodo suscipiant; utque id ipsum, quoad fieri poterit, pateat, teneantur iidem conficere, semperque in loco magis patenti, & obvio retinere tabellam onerum perpetuorum, & temporalium literis perspicuis, & intelligibilibus descriptorum, quorum implemento si moraliter, & intra præscriptum, seu breve tempus satisfacere non posse, seu illa dumtaxat, & non alteriora adimplere posse crediderint, seu credere debuerint, alias Missas, sive perpetuas, sive temporales, sive manuales, per se, vel per interpositas personas quoquomodo recipere, seu acceptare omnino desistant, seu abstineant, & ulterius tali casu in eadem tabella similiter exprimant se se propterea aliis Missis acceptandis, & celebrandis impares esse.

33. §. 27. Iidemque teneantur pariter in Sacratio duos libros retinere, ac in eorum altero singula onera perpetua, & temporalia, in altero autem Missas manuales, & tam illorum, quam istarum, adimplementum, & eleemosynas distinctè diligenter annotare, & annotandas,

seu annotanda curare; singulisque annis de supradictis adimplementis, eleemosynis, & oneribus pariter exactam rationem suis Superioribus reddere, ac omnes, & singulas rationes huiusmodi in præfatis respectivè libris simili distinctione, & diligentia, tam præfati, à quibus rationes debent reddi, quam Superiores, quibus reddendæ erunt, describere, seu annotare, sive describendas, vel annotandas respectivè curare.

34. §. 28. Quibus semper salvis, debeant ulterius Regulares prædicti, omnes, & quascumque eleemosynas, tum manualium, tum perpetuarum, & temporalium Missarum reponere in capsa particulari sub duabus clavibus; quarum una penès Superiorem localem, altera verò penès alium à Capitulo Conventuali deputandum retineatur, ac de iisdem eleemosynis, & celebratione Missarum coram Patribus Discretis, seu Consiliariis, vel alio simili modo nuncupatis, singulis mensibus districtam rationem exigere, & respectivè reddere.

35. §. 29. Quod si prædicti, ad quos cura tabellæ, capse, & librorum præfatorum respectivè pertinet, seu pertinere debet, suam operam præmissis, ut præfertur, minimè navaverint, & Superiores, tum Sæcularium, tum Regularium Ecclesiarum, rationem prædictam non exegerint, seu non invigilaverint, quod præfati, qui in curam tabellarum, & librorum incumbunt, suo muneri, ut præfertur, satisfaciant, in singulis respectivè casibus, Sæculares poenam suspensionis incurrant, Regulares verò voce activa, & passiva, ac gradibus, & officiis, quæ obtinent, ipso facto, & absque alia declaratione privati sint, & intelligantur, nec non ad huiusmodi gradus, & officia obtinenda similiter inhabilitentur, & inhabilitati sint, & intelligantur.

36. §. 30. Porro, ne ulloquam tempore omnia, & singula decreta prædicta in oblivionem, seu desuetudinem abeant, Rectores, Superiores, seu Capitula Ecclesiarum Sæcularium illa retineant publicè exposita in eorum Sacratio; Superiores verò locales cuiuscumque Monasterii, Conventus, ac Domus Regularis, curare, & efficere teneantur sub poena privationis officiorum, quæ

obtinent, vocisque activæ, & passivæ ipso facto incurrenda, ut in perpetuum sexto quoque mense, idest, feria secunda post primam Dominicam Adventus, & feria sexta post Octavam Corporis Christi, omnes, & singulæ præmissæ, tum insertæ, seu confirmatæ, tum in præfens factæ ordinationes una cum dictis declarationibus in publica mensa perleantur.

37 §. 31. Meminerint igitur, & fatagant Ordinarii, ut à personis, & in Ecclesiis quoquomodo, etiam in vim decretorum Concilii Tridentini sibi subiectis, Missæ ea, quæ par est, fide, & diligentia celebrentur, & cuncta, & singula Decreta huiusmodi omnimodæ executioni demandentur, nedum iustitiam recurrentibus, seu instantibus reddentes, sed ex officio, tum in visitationibus, tum in aliis actibus, & modis, quos expedire, & convenire toties quoties iudicaverint, inquirentes, ne aliquid committatur, pervertatur, differatur, vel omittatur, quod his omnibus, & singulis decretis adversetur.

38 §. 32. Caveant etiam respectivè omnes Regulares, tum subditi, tum Superiores quicumque, nedum locales, sed etiam Provinciales, & Generales, ne Missarum celebratio, & omnium decretorum præmissorum executio, cum perniciæ propriarum animarum, cum præiudicio illarum, quibus Missæ sunt applicandæ, & cum magno Christi fidelium scandalo quoquomodo omittantur, differantur, negligantur, seu pervertantur; alioquin ultra propriæ conscientie onerationem, pœnam privationis votis activæ, & passivæ, ac graduum, & officiorum, quæ obtinent, necnon inhabilitationis ad huiusmodi gradus, & officia obtinenda, prorsus incurrant.

39 §. 33. Curent propterea præfati Superiores Regulares in omnes, & singulos contravenientes debitis pœnis diligenter, & promptè, etiam per inquisitionem animadvertere; & insuper teneantur omnes, & singuli Superiores locales, in Provincialibus Capitulis, seu Congregationibus exhibere attestationem, seu fidem ab omnibus Sacerdotibus Conventus, Monasterii, seu cujuscunque domus Regularis, subscriptam,

& iuratam, quod omnibus, & singulis, tum perpetuis, tum manualibus Missarum oneribus, seu obligationibus, ad limites, & tenorem eorum præsentium decretorum tempore regiminis fuerit omnino, & integraliter satisfactum, vel deficiente aliqua modica satisfactione, possit etiam huiusmodi residuali implemento Missarum, distinctè referendarum, intra breve tempus moraliter satisfieri, ea adiecta, & omnino adimplenda conditione, quod ante præfate attestationis exhibitionem quicumque Superiores locales prædicti vocem activam, seu passivam in memoratis Capitulis, seu Congregationibus omnino habere non valeant.

40 §. 34. Præterea Provinciales, Vicarii, & Visitatores Provinciarum, seu Congregationum debebunt in fine eorum regiminis Superioribus Generalibus in forma probante ostendere, quod executioni præsentium decretorum sedulo invigilaverint, & ad eorum tenorem in omnibus, & singulis Conventibus, seu Monasteriis, vel Domibus Regularibus Provinciæ, seu Congregationis, de omnibus, & singulis oneribus, & obligationibus, ac insimul satisfactionibus Missarum, exactam, & diligentem rationem exegerint, ac contra delinquentes ad declarationem, & executionem respectivè pœnarum in Decretis contentarum processerint, & de adimplemento circa ea, quæ in præmissis ad ipsos spectant, legitime docuerint, alias ad vocem activam, & passivam in Capitulis Generalibus nullatenus admittantur.

41 §. 35. Cæterùm, quia etiam ad quamplures Archiconfraternitates, Confraternitates, Societates, Congregationes, Hospitalia, Altaria, Capellas, Oratoria, & Ecclesias, ac alia loca, & opera pia, quomodolibet nuncupata, quæ cuiuscunque curæ, seu regimini, aut administrationi, vel directioni Laicorum cujuscunque gradus, status, conditionis, & præminentiæ, etiam speciali, & individuali nota dignorum dumtaxat, vel quorumcumque Ecclesiasticorum, & Laicorum huiusmodi mixtim commendata, annexa, seu quomodocumque commissæ, vel attributa sunt, onus, seu cura celebrationis Missarum, sive manualium, sive ad

tem-

„ tempus , vel in perpetuum pertinent .
 „ Hinc, falvis semper iis, quæ in præinsertis
 „ Decretis continentur, omnes, & qui-
 „ cumque huiusmodi Archiconfraternita-
 „ tum, Societatum, Congregationum,
 „ Hospitalium, Altarium, Capellarum,
 „ Oratoriorum, & Ecclesiarum, ac alio-
 „ rum locorum, & operum piorum Re-
 „ ctiores, seu Administratores, vel Dire-
 „ ctiores, & alii huiusmodi Officiales, nec
 „ non ii, ad quos cura tabellæ, & libro-
 „ rum in præmissis spectat, tabellam, li-
 „ bros, & hæc Decreta respectivè, iuxta
 „ modos superius expressos, similiter reti-
 „ nere, nec non de oneribus, ac celebratio-
 „ nibus, & eleemosynis dictarum Missarum
 „ singulis annis rationem exigere, &
 „ respectivè iis, ad quos pertinet, reddere
 „ sub pœnis arbitrio, & in subsidium ex-
 „ communicationis teneantur .

„ 42 §. 36. Postremò omnibus, & qui-
 „ buscumque; tam Ecclesiasticis personis
 „ cuiuscumque Ordinis, Status, Gradus,
 „ Regulæ, Congregationis, Societatis,
 „ Conditionis, & Dignitatis existant, quam
 „ Laicis quocumque honore, ac potestate
 „ præditis, omnia, & singula præmissa De-
 „ creta interpretandi, nec non Ecclesiasti-
 „ cis prædictis pœnas in huiusmodi Decre-
 „ tis relaxandi, seu quoquomodo circa præ-
 „ missa dispensandi, omnis, & quæcumque
 „ facultas sit penitus interdicta .

„ 43 §. 37. Non obstantibus quoad su-
 „ præscripta omnia, & singula in huiusmo-
 „ di Decretis contenta, Constitutionibus,
 „ & Ordinationibus Apostolicis in favo-
 „ rem quarumcumque personarum, atque
 „ Ordinum, tam Mendicantium, quam
 „ non Mendicantium, Militiarum, etiam
 „ S. Joannis Hierosolymitani, Congrega-
 „ tionum, Societatum, ac cuiuslibet alte-
 „ rius Instituti, etiam necessariò, & in indi-
 „ viduo exprimendi, Ecclesiarum, Mona-
 „ steriorum, Conventuum, Collegiorum,
 „ Capitulorum, Hospitalium, Confrater-
 „ nitatum, & aliorum quorumcumque,
 „ tam Sæcularium, quam Regularium lo-
 „ corum, necnon illorum, etiam iuramen-
 „ to, confirmatione Apostolica, vel quavis
 „ firmitate alia roboratis Statutis, & Con-
 „ suetudinibus, etiam immemorabilibus,
 „ privilegiis quoque, indultis, & litteris A-
 „ postolicis, etiam Mari magno, seu Bulla
 „ aurea, aut aliàs nuncupatis, sub quibus-

„ cumque tenoribus, & formis, ac cum
 „ quibusvis etiam derogatoriis deroga-
 „ toriis, aliisque efficacioribus, & insoli-
 „ tis clausulis, necnon irritantibus Decre-
 „ tis, etiam motu proprio, & ex certa scien-
 „ tia, ac de Apostolicæ potestatis plenitudi-
 „ ne, aut aliàs quomodolibet, etiam per
 „ viam communicationis, seu extensionis
 „ concessis, & iteratis vicibus approbatis,
 „ & innovatis, etiam si pro illorum suffi-
 „ cienti derogatione de illis, eorumque to-
 „ tis tenoribus, & formis specialis, & indi-
 „ vidua, ac de verbo ad verbum, non autem
 „ per clausulas generales, mentio, seu quæ-
 „ vis alia expressio habenda, aut aliqua alia
 „ exquisita forma servanda esset, tenore s
 „ huiusmodi, ac si de verbo ad verbum, ni-
 „ hil penitus omisso, & forma in illis tradi-
 „ ta observata, inserti forent, præsentibus
 „ pro expressis habens, quibus quoad ea,
 „ quæ præsentibus adversantur, illis aliàs
 „ in suo robore permanfuris, Sac. Congre-
 „ gio Sanctitatis Sux auctoritate speciali-
 „ ter, & expressè derogat, cæterisque con-
 „ trariis quibuscumque . Datum Romæ
 „ die 23. Novembris 1697.

Joseph Card. Sacripantes Præfectus .

Ferdinandus Nuptius S. Congr. Secr.

„ 44 §. 38. Quocirca, cum Dilectus Fi-
 „ lius noster Joseph Tituli S. Mariæ Trans-
 „ pontinæ S. R. E. Presbyter Cardinalis Sa-
 „ cripantes, memoratæ Congregationis
 „ Præfectus, præfata Decreta Nobis retu-
 „ lerit, Nos considerantes eadem omnia, &
 „ singula Decreta, ea, qua decet maturita-
 „ te, digesta, & examinata, ac in viam Apo-
 „ stolicæ Auctoritatis, eidem Congrega-
 „ tioni specialiter, ut præfertur, attributæ,
 „ peracta, perutilia fore censentes, illaque
 „ propterea perpetuò, & inviolabiliter ob-
 „ servari, necnon Constitutionis nostræ
 „ munimine roborare volentes; motu
 „ proprio, non ad cuiuspiam Nobis super
 „ hoc oblata petitionis instantiam, sed ex
 „ certa scientia, & matura deliberatione,
 „ deque Apostolicæ potestatis plenitudine,
 „ præinserta Decreta, omniaque, & singu-
 „ la in eis contenta tenore præsentium au-
 „ thoritate Apostolica confirmamus, & ap-
 „ probamus, illisque inviolabilis, & irre-
 „ fragabilis Apostolicæ firmitatis robur, &
 „ effi-

efficaciam adjicimus ; quinimò motu ,
scientia , deliberatione , ac potestatis plenitudine similibus , omnia , & singula in supradictis Decretis contenta , de novo statuimus , decernimus , & ordinamus , ac ab omnibus , & quibuscumque etiam speciali , & individua nota dignis , omnino exactè , & perpetuò servari volumus , sancimus , & mandamus .

Decernentes præsentès litteras , cum omnibus , & singulis inibi contentis , semper firmas , validas , & efficaces existere , & fore , suosque plenarios , & integros effectus fortiri , & obtinere debere , & ab omnibus , ad quos spectat , & pro tempore quodcumque , & quomodocumque spectabit , in omnibus , & per omnia plenissimè , & inviolabiliter observari ; sicque , & non aliter per quoscumque Judices Ordinarios , & Delegatos , quavis auctoritate , præminèntia , aut potestate fungentes , & functuros , etiam causarum Palatii Apostolici Auditores , ac ejusdem S. R. E. Cardinales , etiam de Latere Legatos , & Sedis Apostolicæ Nuncios , sublata eis , & eorum cuilibet , quavis aliter judicandi , & interpretandi facultate , judicari , & definiri debere : ac irritum , & inane , si secùs super his à quoquam , quavis auctoritate scienter , vel ignoranter contigerit attentari .

Non obstantibus omnibus , & singulis , quæ præfata Congregatio , auctoritate per ejusdem recordationis Urbanum Papam VIII. & respectivè per Nos illi specialiter attributa , decrevit non obstare ; quæ pariter , & iterum Nos tenore præsentium non obstare decernimus , & mandamus ; quibus omnibus quoad ea , quæ præsentibus adversantur , illis aliàs in suo robore permanfuris , etiam harum serie plenissimè , specialiter , & expressè derogamus , cæterisque contrariis quibuscumque .

Volumus autem , ut præsentès litteræ in Valvis Ecclesiæ Lateranensis , ac Basilicæ Principis Apostolorum , necnon Cancellariæ Apostolicæ , Curiaque generalis in Monte Citorio , ac in Acie Campi Floræ de Urbe , ut moris est , publicentur , & assignantur ; sicque publicatæ , & affixæ , omnes , & singulos , quos illæ concernunt , perinde ardeant , & afficiant ,

ac si unicuique eorum personaliter intromatæ fuissent .

Pariterque , ut earundem præsentium transumptis impressis , manu alicujus Notarii publici subscriptis , & sigillo personæ in dignitate Ecclesiastica constitutæ munitis , eadem prorùs fides adhibeatur , quæ præsentibus adhiberetur , si forent exhibitæ , vel ostensæ .

Nulli ergo omnino hominum liceat , paginam hanc nostrarum Confirmationis , Approbationis , Statuti , Decretorum , Ordinationis , Voluntatis , Sanctionis , Mandatorum , & Derogationis infringere , vel ei ausu temerario contraire . Si quis autem hoc attentare præsumpserit , indignationem Omnipotentis Dei , ac Beatorum Petri , & Pauli Apostolorum ejus se noverit incursum .

Datum Romæ apud Sanctam Mariam Majorem , Anno Incarnationis Domini cæ millesimo sexcentesimo nonagesimo septimo . Decimo Kalendas Januarii . Pontificatus Nostri Anno septimo .

Decretis utilis notitia subnectitur .

§. II.

Nonnulla dubia circa materiam celebrationis Missarum .

45 Quæritur . An stante Constitutionis dispositione §. 28. in quo præscribitur , ut Regulares reponant in capsâ particulari , duabus clavibus munita , eleemosynas Missarum . possint Fratr. Minor. de Observ. eam capsam in Sacristia , vel alibi retinere ad effectum prædictum ?

Nonnullis , quibus olim adhæsi , placuit affirmare DD. Fratres pariter sub Innocentiana etiam quoad capsulas comprehendendi ; nam Constitutio generaliter loquitur cum expressa derogatione omnium , quæ possunt obstare , procedendo per verbum , *debeant* , quod præceptum , non actum facultativum importat . Sed in opinionum varietate difficultatem sustulit Sac. Congreg. Concilii . Cui , ut idem omnes in dict. Ordine sentirent , & uniformiter tenerent , fuit per eosdem Fratres propositum dubium , *An , & quomodo Minores Observantes valeant retinere capsulas pro Missis celebrandis , in casu &c.* Die 7.

Ju-

Julii 1708. S. Congr. respondit, *Negative*. Sed quoad cætera eos pariter Constitutio ligat, & arctat.

46 Quæritur. Dantur à fidelibus elemosynæ pro celebrandis Missis in Ecclesia N. & Altari N. petitur, an possint absque S. Sedis licentia in alia Ecclesia, vel Altari celebrari.

Resp. *Negative*. Deducitur ex §. 26. Constitutionis, ubi tam Sæculares, quam Regulares Ecclesiarum Rectores prohibentur suscipere, *onera Missarum supra vires, & quarum satisfactioni impares fuerint*; & solùm debent recipere in eo numero, ut eis *infra breve tempus moraliter satisfacere possint*; quod repetitur §. 33. Adeòq; meus Pontificis est, ut celebrentur in Ecclesia, & Altari electo; & aliter sentire esset legem eludere, ac operari contra prohibitionem, ne quis Ecclesiasticus, vel Laicus Constitutionem interpretetur, ut *alleg. Consult. §. 36.* super quo Pignatell. *tom. 1. consult. 276.* refert Decretum Sac. Congr. Conc. sub 17. Augusti 1647. in una Regularium. Atque ita peccant Sacerdotes alibi celebrando, nisi conferentes stipendia consentiant.

Ita dicendum de Capellano, sive Beneficiato alibi celebrante, quàm in loco præscripto, ut post Riccium, & Bonac. tradit Monacell. *form. par. 2. tit. 13. for. 1. nu. 58.* Nisi effemus in casu provisionali: uti quia locus determinatus sit impeditus, vel Ecclesia diruta; tunc enim de licentia Episcopi debent in loco ab eo destinato Missæ celebrari, donec loca reaptarentur, Monacell. *ibid.*

Cæterùm Missarum onera relicta in certa Ecclesia, seu Capella, aliò absolute transferri non possunt, nisi de licentia Sedis Apostolicæ, Sac. Congr. Conc. in Brixien. 1. Decembris 1685. *ad sortium*, aliàs translatio nulla est; licet fieret ab executoribus testamentariis, qui talem facultatem expresse non haberent, eadem Sac. Congr. in Derthonen. 17. Junii 1701.

An autem, cum transfertur Ecclesia Parochialis, Conventus, vel Monasterium, celebratio Missarum explenda sit in priori Ecclesia translata, vel in illa de novo acquisita?

Videndum est, an testator principaliter contemplantus sit locum, vel personam. Si locum principaliter respexit, in antiqua

sunt celebrandæ. Si verò personas, onus transit cum eis ad novam Ecclesiam. Diversitas electionis, & intentionis colligenda est ex verbis foundationis; ad tollendum omne dubium exquiratur solutio à Sede Apostolica.

47 Sed petitur. Quantum temporis importet illud, *Intra breve tempus moraliter?*

Resp. Peyrinus ad *Const. 9. Urb. VIII.* ampliavit ad triennium. Quidam ad biennium. Sed non dubito eos nimis laxè scripsisse, adeòque contra mentem Summi Pontificis, quæ ex §. 33. est, ut ad longum tempus implementum non differatur, sed congruo tempore celebrentur. Et cum tempus punctualiter taxari non possit, quia non ubiq; currunt eadem circumstantiæ loci, temporis, & personarum, est judicio prudentis remittendum (quod per illud, *moraliter*, videtur significari.) Qui tamen debet ex circumstantiis allegatis regulari, ponderando Missarum, & Sacerdotum numerum; etenim numerus, qui videretur supra vires Conventus, in quo solùm essent quatuor Sacerdotes, talis non reputaretur respectu illius, in quo decem de familia morarentur. Sed semper caveat, ne sit laxus, nec ad tres menses implementum protrahat.

Consideret declarationes Sac. Congreg. Conc. ad dubia propofita ab Episcopo Tragurien. apud Pacem Jordanum *tom. 1. elucubr. lib. 5. tit. 1. de sacrific. Miss.* inter alia interrogante. 5. *An habens onus celebrandi certum numerum Missarum juxta valorem fructuum, quos ex Legatis Pius percipit, teneatur statim post receptionem fructuum celebrare, an verò habeat totum annum ad satisfaciendum?*

6. *An recipiens stipendium pro Missis S. Gregorii singulis annis ad exequendas Defunctorum dispositiones, satisfacereteneatur statim, ac receperit stipendium, an differre, quoties non labatur tempus à defuncto præfinitum?*

8. *An recipiens stipendium celebrandi, quando ei visum fuerit, possit novam elemosynam recipere, etiam si non satisfecerit prior obligationi?* Sac. Congreg. censuit sub 9. Januarii, & 6. Februarii 1627. ad 5. *Teneri, quamprimum celebrare.* Ad 6. *Posse differre ad tempus à testatore præscriptum.* Ad 7. *Denique censuit, etiamsi Sacerdotes oneribus susceptis non satisfecerint, posse nova onera suscipere Missarum celebran-*

darum, dummodo infra modicum tempus possint omnibus satisfacere.

Sed hic nota, quòd dum quis tribuit stipendium, ut Missa celebretur pro infirmo agonizante, vel pro expeditione talis causæ, celebrari debet pro tempore congruo ad impetrandum à Deo auxilium in illis necessitatibus; adeò sit mortale differre post mortem, vel causæ iacturam. Quinimò in eo casu tenetur stipendium restituere, cum mens dantis fuerit, ut celebretur ante, & non post. Vide quæ dico lib. I. cap. 6. num. 17. & 18. caut. Confessor.

Et quatenus non restituat, peccat mortaliter, prout dixit etiam Peyrinus de subd. q. 1. num. 19. §. 2. Sicut dicitur de eo, qui defraudaret aliquem una, vel duabus Missis. Nam, licet aliàs materia recepta non sit de se materia peccati mortalis, tamen quia privatur proximus adeò excellenti bono spirituali, ideò in defraudatione lætali ter delinquitur. Nec potest quis absolvi, nisi promittat celebrare, vel facere, ut celebretur.

48 Quæritur. In §. 5. Constit. hæc habentur: *Ac similiter omne damnabile lucrum ab Ecclesia removeere volens prohibet Sacerdoti, qui Missam suscepit celebrandam cum certa eleemosyna, ne eandem Missam alteri, parte ejusdem eleemosynæ sibi retenta, celebrandam committat.* Hinc I. petitur: *An Sacerdos illud transgrediens peccet mortaliter.* II. *An muneri suo satisfaciat.* Et III. *An ad restitutionem teneatur.*

Videtur, quòd non peccet, nec sit obstrictus restitutioni. Nam id Constitutio non exprimit, sicut fecit supra §. 3. ubi adhibuit verba id exprimentia: *Sub obtestatione Divini iudicii mandat, & precipit.* Et infra: *Sue obligationi non satisfaciant, quinimò graviter peccent, & ad restitutionem teneantur.*

Consentit Bordonus in conf. regul. ref. 25. numer. 28. ponderando I. Quòd Constitutio non damnat opinionem, quòd possit retineri pars stipendii, sed solum prohibet usum illius.

II. Quòd in eo casu nulli infertur injuria. Non ei, pro quo est celebrandum, quia pro eo alter Sacerdos celebrat. Non celebranti, quia voluntariè accipit stipendium, quod sibi confertur.

III. Quia esse potest, quòd materia non sit gravis, ut si retineatur dimidia pars Ju-

lii Romani, quod reputatur solita taxa pro una Missa.

Sed his non obstantibus, dico I. Sacerdotem transferentem onus celebrandi in alium, retenta sibi parte stipendii, mortaliter peccare. Constat ex adducto text. *Ac similiter*, in quo ostenditur finem prohibitionis esse, removeere ab Ecclesia omne damnabile lucrum. Ubi autem lucrum est damnabile, necesse est, ut sit illicitum; ac proinde, quòd ejus prohibitio sit, tum ex ratione materiæ, tum ex intentione gravis: ex *intentione*, quia Sancta Sedes intendit conservare Ecclesiæ Ministros in exhibendis sacris ministeriis innocuos, & ab ipsis removeere ea, quæ ipforum candori repugnant; cujus generis est tale lucrum, quod mercaturam, Ecclesiasticis indignam, præsert: ratione verò *materiæ*, cum illa materia gravis reputetur ratione prohibitionis, quæ graviter obstat fini intento; cui simile lucrum adversatur.

Dico II. Eum non satisfacere suo muneri, & ad restitutionem teneri. Nam recipiens stipendium, ipsum acquirit sola ratione obligationis ad offerendum pro dante sacrificio: ergo statim, ac ea obligatione se spoliatur, se privato titulo retinendi stipendium; & retinendo facit contra voluntatem dantis (siquidem non dedit pro lucro non celebrantis, sed in mercedem celebrantis Missam contulit) & contra jus, quod habet celebrans. Ideò, dum retinet sibi partem stipendii, non habet justum titulum retinendi; etenim cum transfert in alium onus celebrandi, transfert quoque ius ad integrum stipendium; adeoque si totum non dat, cum lædit.

Dicunt id verificari solum, dum quis, retenta sibi parte, non daret stipendium taxatum; non verò, dum quis taxatum stipendium confert, licet sibi excessum supra iustam mercedem retineat. Nam, dum datur taxatum stipendium, nulli fit iniuria, retinendo sibi partem.

Sed neque id subsistit, quoniam & hic adest obligatio restituendi; nam recipiens pingue stipendium, titulum non habet retinendi excessum, iusto alteri collato. Ite-
nim dans pinguem eleemosynam, totam dat non intuitu amicitiae, vel donationis, sed in mercedem laboris, & oneris, quod imponit ad celebrandum; propterea integra transit cum ipso onere celebrandi, ad eum-

que

que pertinet, qui deinde onus suscipit, & ipsum implet. Et hinc, dum ei integra eleemosyna non confertur, ipsi non datur totum, quod est ei de iure debitum; & ita ei fit iniuria. Et retinens partem eleemosynæ retinet, quod suum non est; quia transferendo onus celebrandi in alium, amittit ius ad totam eleemosynam; adeoque peccat contra iustitiam, & ad restitutionem tenetur, vid. sup. §. 22. ad 10.

Et ita censuit Sac. Congr. Conc. in *Anconitana eleemosyna die 5. Iulii 1664.* nempe: *Ad primum* (prout in quæsito) *peccare mortaliter*. *Ad secundum*, *negativè in casu, & ad effectum, de quo agitur, hoc est, non satisfacit muneri suo, quoad distributionem eleemosynæ, licet satisfaciat, quoad sacrificium Missæ*. *Ad tertium*, *affirmativè*. Et proinde pœnæ præscriptæ in §. 3. Constitutionis referuntur etiam ad expressa in alleg. §. 5. vide Pignatell. tom. 4. consult. 275. num. 1. & 13.

Ad rationes itaque per Bordonium ponderatas. *Ad primam*, dicitur in Decreto Sac. Congr. prohiberi non modò opinionis usum (quod possit nimirum retineri pars aliqua stipendii pro Missis) verum & ipsam opinionem. Quod satis apertè desumitur ex verbis textus: *Ac similiter omne damnabile lucrum ab Ecclesia removeare volens, prohibet &c.* Per quæ declaravit, retentionem partis stipendii esse lucrum damnabile, adeoque per prohibitionem damnatum. Si autem est damnabile, est etiam iniustum.

Ad 2. Dicendum, quod iniuria fit utrique; celebranti quidem, quia eatenus suscipit eleemosynam diminutam, quatenus non potest habere integram, ad quam habet ius, utpotè annexam obligationi celebrandi; & ne aliàs etiam ea parte stipendii privetur, ut dixit Poncius *theol. disp. 44. q. 10. a num. 130.* Petenti verò, ut Missa celebraretur, quia stipendium integrum non datur ei, cui ex illius voluntate est dandum; cum ei sit dandum, qui Missam celebrat, ad quem finem ipse primò dedit.

Ad 3. Licet dimidia pars Iulii per se non sit materia gravis, & notabilis; per accedens autem, ratione nimirum intentionis Ecclesiæ intendentis, ne in mercaturam transferantur spiritualia, & optantis bonæ opinioni suorum, Ministrorum consulere, talis reputatur.

49 *Queritur*. An Episcopus possit

compellere Regulares ad exhibendos libros Sacristiæ, in quibus adnotantur celebrationes Missarum, ut inde constare possit de integra satisfactione obligationis debitæ ex legato pio?

Pro affirmativa sunt aliqui per Pignatell. cumulatim tom. 3. consult. 9. num. 7. considerantes, quod in casu agitur de operibus piis, & executione ultimæ voluntatis, in ordine ad quam Regulares non eximuntur à potestate Episcopi, sed subsunt illius visitationi, & iudicio; super quo adducunt Trid. sess. 22. cap. 8. de reform.

Cæterum pro negativa, quam sequimur, habetur declaratio Sac. Congreg. Conc. in una Urbinaten. 10. Martii 1663. ad d. cap. 8. sess. 22. qua declaravit: *Non posse ad id compellere Regulares, si non habet privilegium speciale*, Pignatellus alleg. consult. 9. numer. 8. Pascucc. de Missa sacrif. pag. mihi 46. ad 2. Et hinc subintrat ratio, quod Regulares sunt omnino exempti ab iurisdictione Episcoporum, præterquam in casibus, in quibus ipsorum iurisdictioni per Trid. & per Constitutiones Apostolicas subiiciuntur, per dicenda cap. 19. & c. ult. Inter quos non venit celebratio Missarum, quæ pertinet non ad executionem ultimæ voluntatis, sed obligationis per eos assumptæ.

Neque obstat Trid. loco alleg. quia eiusdem dispositio non ampliatur ad Regulares, sed restringitur ad alia loca pia exempta, ut ex text. clarè. Ad quod facit, quod dum Trid. Episcopis committit, ut possint tamquam Sedis Apostolicæ Delegati contra Regulares procedere, id exprimit, ut locis citatis notavimus. Quod autem ibi Regulares non veniant sub nomine exemptorum, sed sint specialiter exprimendi, inde provenit, quia habens suos Superiores, à quibus visitantur, ut optimè Pignatell. *ibid. num. 9.*

Minus item obstat Clement. *Religiosis, de testam.* nam textus est apertus; & ibi sermo est de Religiosis, qui de licentia suorum Superiorum sunt executores ultimæ voluntatum; non verò de illis, qui ab executoribus ultimæ voluntatis alicuius obligationem suscipiunt celebrandi Missas, quas ipsi executores eis committunt.

Nec pariter obstat, quod in §. 31. *Constituitur*. committatur Episcopis, ut invigilent super Missarum celebratione. Nam dispositio

positio ibidem currit quoad personas, & Ecclesias etiam exemptas, sed non quoad Regulares, ut ponderatum est de Trid. *sess. 22.* Quoniam quoad Regulares ibi §. *sequ.* conscientia ipsorum Superiorum, quantum ad decretorum observantiam, oneratur, & aliis pœnis ipsi submittuntur.

50 Quæritur. Sac. Congr. Concilii committit Episcopo N. ut certum quendam Missarum numerum reducat: petitur, an reductio fieri possit ab ipsius Vicario Generali ex subdelegatione ejusdem Episcopi?

Resp. Attendenda est clausula rescripti. Si reductio remittatur ad Episcopum cum clausula: *Ad Episcopum, qui nomine Sac. Congreg. Missas reducat, &c.* per ejus Vicarium commissio exequi non potest: si verò remitteretur: *Ad Episcopum* (vel Ordinarium) qui pro sua conscientia, & arbitrio Missas moderatur; tunc posset Vicarius in vim specialis mandati ab Episcopo recepti reducere. Quia eo casu per remotionem obstaculi Decretorum, de quibus dicta Constitutio, censetur restituta Episcopo jurisdictio ordinaria; qua poterat vigore Concilii Missas reducere, juxta celebrem distinctionem Sperelli *decis. 97. num. 1. & 7.* Clausula autem, *Pro suo arbitrio, & conscientia;* non impedit subdelegationem, quia hæc clausula potius importat monitionem, quam electionem personalem, ex dicendis *cap. 31.*

51 Quæritur. In Religione N. ex laudabili consuetudine, vel præcepto Provincialis, quivis Sacerdos semel celebrat pro anima Fratris de recenti defuncti; Superior localis idem sacrificium applicat pro eo, cui propter datam eleemosynam ex justitia debet; & pro anima defuncti, pro quo ex charitate, vel obedientia celebrare tenetur: petitur, an tunc in conscientia procedat, & propriæ obligationi satisfaciat?

In affirmativam partem descendunt plures, asserentes non prohiberi, quin unicuique sacrificium possit pro duobus applicari, uni ex justitia, & alteri ex charitate. Neque id comprehendere sub dispositione Constitutionis in §. 3. cum restricta sit, ut eodem sacrificio non possit duobus oneribus ex justitia satisfieri.

52 Probant I. Quia in sacrificio est ex opere operato triplex valor, seu fructus, per Scotum *quodlib. 20. art. 2. & 3.* cuius do-

Official. Cur. Eccl.

ctrina in Ecclesia recipitur, teste Fagnan. in 3. *ad cap. Fraternitatem, de sepult. num. 94.* Primus, *Generalissimus*, qui debetur Pontifici, & aliis, de quibus in Canone; & respicit universum Ecclesiæ corpus; quia Sacerdos, ut publicus Ecclesiæ Minister, non pro se tantum, sed pro omnibus Fidelibus Missam celebrat, per Trident. *sess. 22. cap. 6. de sacrific. Missæ.* Secundus, *Specialissimus*, qui debetur ipsimet Sacerdoti celebranti. Tertius, *Medius*, seu *Specialis*, cuius dispensatio committitur Sacerdoti, & eum applicat illis, qui petunt sacrificium. Modò, potest danti stipendium applicari fructus medius, & Fratri defuncto fructus specialissimus. Nam hi fructus ita se habent ad invicem, ut applicatione unius non impediatur applicatio alterius; & ideo, etsi Sacerdos teneatur generaliter celebrare pro Pontifice, & aliis, ut in Canone; non prohibetur offerre idem sacrificium pro eo, qui eleemosynam confert.

53 II. Ex quo sacrificium sit *impetratorium*, quatenus multum prodest ad impetrandum à Deo (qui per illud fit nobis propitius, juxta sensum Trident. *dicto loco cap. 2.*) auxilia gratiæ ad vincendas tentationes, ad perseverandum in gratia, ad actum contritionis eliciendum, & alia bona spiritualia, quibus egemus, ut ad gloriam perveniamus; ac ad obtinenda pariter bona temporalia, ex Tridentin. *ibid. cap. 2.* in illis verbis, *Et aliis necessitatibus*, prout conducunt ad vitam æternam: & *satisfactorium*; quia Deus illud acceptat in satisfactionem, sive in totum, sive in partem, pro pœna temporali in Purgatorio luenda (in quam vi Sacramenti Pœnitentiæ commutatur pœna eterna peccatis mortalibus, nondum remissis, debita) modò ii, pro quibus offertur, sint in statu gratiæ, nec retineant affectum ad peccatum ut notavit Gobat. experient. *theolog. tract. 3. caus. 3. cas. 5. tract. 1. num. 124.* Atque ita potest danti stipendium, ut impetratorium applicari, defuncto verò, ut satisfactorium.

Concludunt tandem, ex quo sacrificium Missæ pro pluribus, non minus pro fit singulis, quam si pro quolibet ipsorum singulariter offertur; idque probant ex eo, quòd ejus valor ex opere operato (hoc est ex vi, & virtute sacrificii,

E

seu

seu immolationis Jesu Christi) sit infinitus; ergo nil minus accipiunt singuli ex eo, quod sacrificium pro pluribus offeratur; nam infinitivis infinita est.

54 Sed, non obstantibus adductis, contrarium sustinemus, ac dicimus eum Prælatum non esse in conscientia tutum, nec suæ obligationi satisfacere. Nam sacrificium est ita debitum danti stipendium, ut pro altero, quoad fructum *medium*, sive ex iustitia, sive ex obedientia, applicari non possit; nam ille integrum sacrificium petit, quantum ad eum fructum; atque ita, dum pro altero etiam quoad eum applicatur, minus ille participat de tali fructu, quam si pro eo tantum singulariter offerretur; & ita neutri satisfacit, quia inter eos fructus ille dividitur. Herincx *theol. tom. 4. disp. 8. num. 88.* Poncius *theol. disp. 44. quest. 13. num. 127.* Et Mauro *theol. tom. 3. lib. 12. quest. 207. num. 9.* distinguens in sacrificio effectum generalem, & specialem ex opere operato, dixit: *Effectus generalis non minuitur in singulis ex eo, quod sacrificium applicetur pro pluribus; specialis vero in singulis minuitur; & infra. Cum igitur obligamur applicare Missam uni tantum obligamur ad illi applicandum totum hunc effectum specialem, licet effectus generalis juxta formam Canonis (in primis, &c.) omnibus æque applicetur; & statim subdit. Hinc patet, quare, qui accipit eleemosynam pro Missa, non potest illam applicare alteri. Ratio est, quia accepta eleemosyna, tenetur ex iustitia ad applicandum danti totum fructum specialem sacrificii, qui fructus minuitur, si sacrificium applicetur etiam alteri; ita ille, & Scotus *loc. cit.**

Nec obstant argumenta ex adverso ponderata, licet distinctio illa valoris recipienda sit.

55 Non primum. Quoniam fructus specialissimus est beneficium personale, affixum personæ celebrantis, propterea in alterum nequit transferri; à simili de privilegio personali, quod personam sequitur, & cum persona extinguitur, per regul. 7. *juris in 6.* ad quam, cæteris exclusis, restringitur. Et facit, quod Alex. VII. 29. Januarii 1659. errorem quorundam damnaverit, dicentium, duplicatum stipendium posse à Sacerdote pro eadem Missa licite accipi, applicando partem illam

fructus ipsimet celebranti debitam, apud Fagnan *cit. n. 96.*

56 Neque secundum. Nam conferens eleemosynam in mercedem laboris Missam petit integrè quoad fructum medium pro se celebrari: integrè autem pro eo non celebraretur, cum pro altero applicaretur sacrificium ut satisfactorium. Nec secundum proprietatem loquendi, & intentionem præcipientis pro defuncto Missa legatur; eius enim voluntas est, ut una Missa legatur, quæ nulli alteri quoad d. fructum sit, vel ex fidelitate, vel iustitia, debita.

Propterea dict. sententia ad minus virtualiter continetur sub prohibitione S.C.C. quæ ad dubium: *An Sacerdos, qui unum stipendium accepit pro celebratione Missæ, v.g. pro Defuncto, & sic cum obligatione applicandi fructum satisfactorium; & aliud stipendium pro celebratione Missæ, v.g. pro infirmo, & sic cum obligatione applicandi fructum impetratorium, possit unica Missa utrique obligationi satisfacere, applicando Defuncto satisfactorium, & infirmo impetratorium? Anve hoc casu locum habeat Decretum secundum S.C.C. de celebr. Missar.* Die 13. Decembris 1659. respondit: *Quoad primam partem non posse satisfacere. Quo vero ad secundam, habere locum, apud dict. Fagnan. num. 97.* Prælati itaque idem sacrificium applicans utriusque, de quibus in dubio, suæ obligationi non satisfaceret, sed teneretur iterum celebrare, vel stipendium receptum restituere.

Minusque obstat ultimum; quia ut advertit Rotarius *apparat. pro exam. Cleric. cap. 7. sect. 2.* valor sacrificii ex parte Christi (qui est principalis offerens, & hostia, quæ offertur, ut ex Trid. *d. cap. 2.*) & in actu primo, est infinitus; sed ex parte applicationis, effectus producendi, & in actu secundo, ut notavit, & Fagnan *cit. num. 48.* finitus est. Videtur enim voluntatem Christi esse, ut sacrificium ad certum finitum, & limitatum effectum producendum sit institutum. Cuius Divinæ institutionis clarissimum argumentum est quod Ecclesia, quæ est fidelissima interpretes institutionis Christi (*& quæ per Dei omnipotentis gratiam à tramite Apostolicæ traditionis nunquam errasse probatur, cap. Arcta, 24. quest. 1.*) multas Missas pro eadem re offerre consuevit; ergo Divinam institutionem ita est interpretata, ut valor Missæ quantum

ad efficientiam, & applicationem, & pro ut determinatur ad hunc, vel illum, non sit infinitus; alioquin supervacaneum fuisset ad unum specialem effectum unius rei impetrandæ plures Missas instituere, si unica sufficeret ad impetranda omnia, quæ petuntur, ut optimè Fagn. *ubi sub num. 54.*

57 Quæritur. Tenetur Sacerdos Regularis celebrare juxta intentionem Prælati: interim subditus applicat sacrum uni, & Prælatus alteri: petitur, an valeat applicatio Prælati, vel subditi?

Resp. Peyr. *de subd. q. 1. cap. 6. §. unic.* resolvit, Religiosum peccare mortaliter contra obedientiæ votum in re gravi, dum non obtemperans Superiori, (cui incumbit onus satisfaciendi oneribus Missarum receptis) celebrat contra ejus præceptum, & intentionem. Cæterum plures allegans concludit, applicationem subditi valere contra illam Prælati, qui non potest intentionem illius irritare, & facere, ut si velit alteri applicare, non applicet, & cui applicaverit, non profit. Ratio est, quia potestas offerendi sacrificium pro hac, vel illa intentione, data est Sacerdoti à Christo; recipiturque, dum Ordo Sacerdotalis suscipitur, consequenter non potest limitari à Prælato quocumque, Christo inferiori, ad aliam intentionem, quàm subditi, qui qua Sacerdos non censetur subditus Prælato.

58 Sed non posse Religiosum offerre sacrificium contra intentionem Prælati jubentis, ut pro aliqua intentione celebret, & valere sacrificium pro intentione Superioris, tenet Poncius *allegat. ubi sup. conclus. 5.* Marchant. *Tribunal. Sacrament. quest. 2. resol. 8. dub. 4. respondeo secundo.* aliique, quos cumulaui *lib. 1. cap. 6. num. 24. cautela Confess.* Nam satis verisimile est, quòd Religiosus statim, ac obedientiam vovit Superiori, alligaverit suam voluntatem voluntati illius quantum ad ea, quæ rationabiliter possent habere dependentiam à voluntate Superioris, & pro quibus ipse potest subdito præcipere; atque ita satis verisimile est, quòd subditus quantum ad sacrificandum pro hoc, vel illo, suam voluntatem alligaverit voluntati Superioris. Ergo satis verisimile est, ut applicatio pro sua intentione non valeat, benè verò pro illa Superioris.

Ulteriùs consideratur: subditum offer-

re sacrificium pro intentione Prælati, est eum esse à Prælato substitutum, ut nomine suo pro hoc, vel illo celebret: sed potest à Prælato subditus sic substitui; & dum sic substitutus celebrat, applicatio facta à Superiore valet, & præponitur particulari Sacerdotis subditi, ut dixit Marchant. Regulariter autem subditi censentur substituti, ut nomine Prælati sacrificium offerant, vel juxta ejus intentionem applicent, dum eis significat, ut celebrent Missas pro dantibus stipendia, quas Superior per se, & suos subditos celebrare tenetur.

Et hæc est tutior sententia, videturque; ut certa supponi in d. Conf. §. 33. *Curent.* ubi Superioribus localibus præcipitur, ut attestationem juratam, & à Sacerdotibus subscriptam exhibeant, quòd tempore eorum regiminis fuerit oneribus Missarum satisfactum. Sed quomodo posset attestatio exhiberi, quòd esset satisfactum, si subditi possent sacrificium offerre pro hoc, vel illo contra intentionem Prælati? Nam semper posset dubitari, an subditi Missam legissent juxta intentionem Prælati, & pro oneribus susceptis.

Nec obstat ratio in oppositum. Quoniam, ut notat Poncius, non est verisimile, quòd Christus dederit illam auctoritatem, nisi cum dependentia à voluntate Superioris, qui potest præcipere subdito, ut Missam pro hoc celebret, & solet applicare Missam ipsius pro intentione sua. Cum qua subordinatione recipitur dicta potestas, cum Ordo Sacerdotalis suscipitur. Ratio autem hujus esse videtur, quia aliàs posset prudenter dubitari de adimplemento oneris Missarum, quæ Monasteria suscipiunt; ac quòd animæ defunctorum suffragiis debitis defraudarentur, & benefactores bono, quòd ex sacrificiis provenit, privarentur; & ita videatur, quæ ex contraria sententia inferuntur.

Ponderandum in casu, quòd aliud sit consecrare, & aliud sacrificium applicare. Quantum ad primum, subditi intentioni Superioris non subordinantur, benè verò quantum ad secundum, ut loco cit. diximus.

59 Quæritur. An sit specificanda persona, pro qua Missa applicanda est?

R. Sufficit pro Scotum sic applicare: *Dignare Domine acceptare hoc sacrificium pro illo, vel illis, pro quibus teneor offerre ex justitia, fidelitate, vel obedientia.*

60 Quæritur. An Parochi teneantur pro suis ovibus sacrificium applicare?

R. Affirmativè ex Trid. *sess. 23. cap. 1. de refor.* & juxta Const. Innoc. XII. *Nuper*, die 24. Aprilis 1699. in qua confirmatur Decretum S. C. C. editum sub die 10. Maji 1692. his verbis conceptum: *An Parochus Missam celebrare teneatur, & sacrificium applicare pro Parochianis, diebus Dominicis, & Festis, sive habeat congruam, sive non? Sacra, &c. censuit teneri, nec posse eisdem diebus aliam eleemosynam recipere.* Quinimò, ubi redditus fuerint pingues, debent singulis diebus pro ovibus sacrificium applicare, ut expressè eadem S. C. in una *Lucana* sub die 10. Maji 1681.

Nonnulli dixerunt, Concilium, & Congregationem declarantia Parochum teneri pro suis ovibus sacrificium offerre, esse intelligenda quoad applicationem fructus generalissimi, ita ut teneatur pro illis celebrare eo modo, quo tenetur pro Pontifice, & aliis generaliter; & cum hoc stare, quòd possit pro eodem sacrificio eleemosynam accipere, & offerenti applicare fructum medium.

Sed horum discursus est à mente Concilii, & Congregationis alienus. Quoniam, dum declarant teneri Parochum sacrificium pro ovibus suis offerre, indicant in Parocho aliquam specialem obligationem reperiri, diversam ab illa, quam habent singuli Sacerdotes applicandi fructum generalissimum omnibus Christi fidelibus. Unde Sac. Congr. 1. Septembris 1629. *Censuit Parochos illis diebus, quibus tenentur Missam pro ovibus celebrare, non posse eleemosynam manualetn recipere*, Barbosa in *Trid. ad d. cap. & sess. num. 4.*

61 Quæritur. An sit simoniacum pecuniam accipere pro celebratione Missarum?

R. Negativè, quoniam eleemosyna pecuniaria non recipitur tanquam pretium rei spiritualis, vel spirituali annexæ; nec pro pretio celebrationis, vel applicationis fructus sacrificii; quia est omninò inveniibilis, & supra omne pretium, & humanum pactum. Et propterea pro isto recipere damnatur tanquam simoniacum, in Concilio Toletano XI. *cap. 8. ut in c. Quidquid*, 1. *quæst. 1.* in quo DD. concordant, adeòt non sit Catholicis dubitare. Sed recipitur tanquam honorarium, & susten-

tationis stipendium, ut dixit Divus Thom. 2. 2. *quæst. 100. art. 3. ad 2.* vel in mercedem laboris, aut pro onere à Sacerdote recepto inserviendi alteri in tali ministerio pro tali hora, vel die, aut loco. Etenim ad tale tempus, & locum determinatum videtur Sacerdos operam suam locare; per Gloss. ad *cap. significatum, de præbend. ver. Ita*; ac se privare sua libertate, itaut pro eo tempore non sit sui juris, nec possit aliis rebus vacare. Quæ obligatio cum sit pretio æstimabilis, est digna mercede; nullus enim tenetur gratis alteri obsequi, & famulari: nam *dignus est operarius mercede sua*, 1. ad Timoth. 5. *Et nemo cogitur suis stipendiis militare, cap. Cum ex officii, de præscript. & denario fraudari non debent in vinea Domini operantes, cap. Super specula, de magistr. Justum namque est, ut illi consequantur stipendium, qui pro tempore suum commodare reperiuntur obsequium, cap. Ecclesiasticis, 12. quæst. 2.* Unde in Concilio Constantiens. prout in Constitut. *Inter cunctas, la 1. Martini V. Bullar. tom. 1.* damnantur 45. errores Vvicleff. quorum vigesimus quintus fuit: *Omnes sunt simoniaci, qui se obligant orare pro aliis, eis in temporalibus subvenientibus.*

Qua ratione probatur, etiam Sacerdotes divites posse justè recipere stipendia ab iis, qui sacrificium petunt, cum eis non teneantur suum obsequium, & servitium præstare. Et hinc patet, obligationem exhibendi alicui sustentationem, & mercedem, non oriri ex paupertate ministrantis, sed ex ministerio, & servitio requisito, & respectivè præstito.

Ilic est notandum, ut aliàs dixi *lib. 2. cap. 26. numer. 27. cautela Confess.* quòd in celebratione sacrificii duplex labor est considerandus: Alter, cum ea intrinsecè connexus, & per se necessarius ad sacrificii celebrationem, propriè à celebratione inseparabilis, prout hæc à Sacerdotibus potest, & solet fieri. Hujusmodi est labor, qui adhibetur à Sacerdote, *adeundo Ecclesiam ad celebrandum, in assumptione sacrarum vestium, in legenda Missa, in formandis Crucibus, & faciendis genuflexionibus, &c.* Et alter extrinsecè, seu per accidens conjunctus cum celebratione, sive prævius sit, sive concomitans ad ipsam: ut est *se conferre de loco*
ad

ad locum, privare se sua libertate ad celebrandum hoc loco, hac die, vel tempore. Pro primo nequit absque simonia aliquid recipi, quia cum sit per se necessarius, ut sacrificium celebretur, reputatur quasi integrare unum corpus morale cum celebratione quoad totum est sacrum, adeoque ut sacrum tractandum. Pro secundo verò, aliquid recipi potest (nisi quis ex officio teneatur, ut Parochi, quibus propterea annui redditus dantur) quia sine eo potest celebratio haberi, cum per accidens cum ea coniungatur. Et propriè recipitur pro obligatione servitutis, & onere assumpto, ac locatione suæ operæ ad tempus determinatum, quæ sunt quid temporale, extrinseca rei spirituali, & prætio æstimabilia, adeoque digna mercede, ut optimè dixit Sperellus *dec. 70. num. 13.*

62 Quæritur. Testator injungit, ut singulis annis celebrentur Missæ 30. S. Gregorii pro defunctis in Ecclesia N. per Sacerdotem eligendum per N. cui solvantur pro eleemosyna scuta decem: petitur. An Sacerdos sic electus teneatur per se ipsum celebrare; & an possit dare elemosynam currentem alteri Sacerdoti, qui præfatas Missas celebret, retento sibi, quod superest?

Per se ipsum celebrare tenetur, prout requisita Sac. Congr. Conc. respondit 21. Februarii 1688. & 17. Julii ejusdem anni responsum confirmavit. Quare Capellani, & Beneficiati tenentur celebrare per se ipsos, si constat de præcepto testatoris, vel fundatoris per hanc clausulam: *E se alle volte non potessero celebrare, facciano celebrare per altri* Sac. Congr. Conc. 18. Decembr. 1688. Monacelli *for. par. 2. form. 2. tit. 13.* Quemadmodum si dixissent: *Capellanus debeat dicere pro anima mea in Capella N. decem Missas, vel sit Presbyter bonus Christianus, & non habeat onus alterius officii*, vel, quòd debeat solum occupari *servitio mea Capellania*; tunc etiam tenentur celebrare per se ipsos, ut censuit Sac. Congr. Concil. 12. Martii 1606. Videndus Fagnan. in 1. ad cap. Ut Abbates, de atat. & qualit. nu. 52. & seqq.

Ex cuius doctrina resolvi potest, an ad obtinenda beneficia Sacerdotalia necesse sit, ut quis sit Sacerdos tempore collationis beneficii, an verò sufficiat, ut possit esse? Attendendum, an beneficia requirant

Official. Cur. Eccl.

Sacerdotium actu, vel solum aptitudine. Propter quod respicienda sunt verba foundationis Beneficii, & Capellaniae. Si dispositio fuerit: *Præsentetur*, vel, *instituitur*, aut, *eligatur Sacerdos*, aut, *Capellania conferatur Sacerdoti*, aut *præsentetur Presbyter*, qui *Missam celebret* tunc necesse est, ut quis sit actu constitutus in Ordine Sacerdotali. Etenim eo casu annexio Ordinis in fundatione dicitur facta respectu actus, quatenus scilicet electus, in ipso actu præsentationes, aut electionis, debet esse Sacerdos.

Si verò Fundator dixerit: *Capellanus debeat esse Presbyter*, vel, *præsentetur Clericus*, qui *per se ipsum teneatur Missas celebrare*; sufficit, ut præsentandus in ea ætate sit constitutus, ut infra annum ad Sacerdotium promoveri possit. Hic enim annexio Ordinis dicitur facta respectu aptitudinis; & aliud non exigitur, quàm quòd Clericus habilis sit, ut ad Sacerdotium infra annum promoveatur, prout sæpius declaravit Sac. Congr. Conc. 13. Junii 1608. & 22. Februarii 1614. Legatur Monacell. *ubi sup. form. 1. tit. 15. num. 17.* & Fagnan. in 1. ad cap. Ut Abbates, de atat. & qualit. num. 78.

63 Capellani tenentur applicare sacrificium pro Capellaniae, seu Beneficii Fundatore, etiam si non reperiatur explicitè expressum (nam hoc communiter intendunt fundantes beneficia, & conferentes stipendia pro Missis) quoties ille expressè non declaravit relinquere sacrificii applicationem in libertate celebrantis, ut declaravit Sac. Congr. Conc. 2. Augusti 1699. & 18. Augusti 1688. apud d. Monacell. *dist. tit. 13. num. 55.* Aliud Decretum S. C. C. sub 13. Julii 1630. est in Gavanto *ad rubr. par. 3. tit. 12. annu 5.*

An autem obligatus ad celebrandum pro sola officatura possit aliud stipendium accipere ab alio? Affirmat Gavant. *ibid.* dummodò expressè constet de intentione benefactoris, qui relinquat applicationem liberam celebranti. Videri potest Nicol. *flosc. v. Missarum. 34.* & Fagnan. in 3. ad cap. Significatum nu. 44 de præbend.

Diana verò *coord. tom. 2. tr. 1. ref. 46. n. 3.* refert ex Pace Jordano *ubi sup.* quòd eadem Sac. Congr. ad eodem Episc. consulta: *An Sacerdotes, qui nulla alia obligatione in Confraternitatibus, vel in Monasteriis*

Monialium celebrant quam pro ornatu Ecclesie, velut Confratres, vel Moniales satisfaciunt precepto audiendi Missam, possint ultra stipendium, quod recipiunt à Confraternitate, vel Monialibus aliud stipendium recipere? Die 9. Ianuarii, & 6. Februarii 1627. respondit, Non posse. Hic adest obligatio dicendi Missam, ut dicitur, Con la sola presenza, & pro sola officatura sine applicatione sacrificii, & tamen Sac. Congreg. dixit. Non posse recipi, nisi unicum stipendium. Ratio est quia cessat titulus iuste accipiendi aliud. Nam si stipendium recipiatur in mercedem laboris, siue in subsidium sustentationes, constat esse receptum. Unde, ubi aliud reciperetur videretur recipi, aut contra iustitiam, aut simoniace. Videas cit. Dianam ibid. articulum ex integro examinantem, & teneas tuti ora.

64 Capellani Monialium possunt Missam celebrare de Sancto, cuius officium ab ipsis Monialibus recitatur, sed cum Missali Romano: quod si in eo Missa particularis de eodem Sancto non adfit sumenda est de communi. S. Rit. Congr. 20. Novemb. 1628. Gavant. alleg. tit. 10. num. 16.

65 In nocte Nativitatis Domini Nostri Jesu Christi, cantata prima Missa, non possunt aliæ duæ immediatè celebrari; nec Fidelibus confluentibus in media nocte ad Ecclesias, & communionem deposcentibus, hæc est exhibenda utrumque enim bis prohibuit S. Rit. Congr. semel 20. Aprilis 1641. & iterum 9. Augusti 1653.

66 Die Sabbati Sancti non licet, non obstante quacumque consuetudine, Missas privatas in Ecclesiis, vel Oratoriis celebrare; prout approbante Papa, in generali Decreto eadem Sac. Congr. 11. Martii 1690. relato à Monacell. for. par. 2. for. 3. tit. 15. num. 17.

67 In duplicibus (unica excepta præsentē corpore) celebrari non possunt Missæ de Requiem, ut approbante Alexan. VII. Constit. Credita 176. Bullar. tom. 5. decrevit S. Rit. Congr. die 5. Augusti 1662. A quo ibid. approbata fuit declaratio ejusdem decreti, facta ab eadem Sac. Congr. in una Novarien. 22. Novembris 1664. qua declaratum fuit, Anniversaria, & Missas cantatas de Requiem, relicta ex dispositione testatorum, quotidianis in die ipsorum obitus, etiam in duplici maiori con-

tingentis, non comprehendi in dicto Decreto.

Limitatur; hoc enim non currit, si eo die sit in Ecclesia publicè expositum adorationi SS. Sacramentum; eo enim tempore Missæ de Requiem non possunt celebrari, ead. Sac. C. 2. Decembris 1684.

68 In Missis de Requiem non est Fidelibus distribuenda Eucharistia, Gavant. ad rubr. par. 1. tit. 10. à num. 6. & resolvit ead. S. Congr. die 16. Aprilis 1701.

Cæterum, dum, vel in Missis de Festo, Sanctis aut Dominicis, vel etiam extra ipsas Fidelibus Communio ministratur, eis non potest Sacerdos dare plures Formulas vel Particulas, aut grandiores solito, sed congruæ sunt exhibendæ, juxta resoluta à S. Cong. Conc. approbante Innocent. XI. in decreto, Cum ad aures circa Communionem quotidianam, edito 12. Februarii 1679. Quod per extensum refert Monacell. ibid. form. 1. tit. 14. In quo Episcopis tribuitur facultas procedendi in contrasfacientes, etiam Regulares, per justam, & rigorosam animadversionem; & ulterius ipsimet transgressores eorum, quæ in Decreto præscribuntur, & prohibentur, Deo rationem sunt reddituri, ut ibi textus.

69 Onus Missarum, quia respicit favorem animæ, regulariter censetur perpetuum, nisi de voluntate testatoris aliter constet, aut tales circumstantiæ concurrant, ut præsumendum sit, testatorem non voluisse onus esse perpetuum, & successivum, sed temporale. Quod tamen judicari non potest per hæc adiectiva, meus, dilectus, ipse, infra scriptus, & similia; quæ quidem videntur importare temporalitatem, & onus restringi ad persona gravatam; tamen quia dispositio est favore animæ, vel piæ causæ, perpetuum & successivum reputandum est, prout declaravit S. Congr. Conc. in Urbanien. 24. Augusti 1669. & iterum in alia Urbanien. 14. Iunii 1704. & tandem in Aesina legatorum 21. Augusti 1706. Monacell. ubi sub tit. 13. form. 2. n. 44. & in add. ad append. n. 2.

70 Hic tandem aliqua tangenda sunt circa juratam attestationem, faciendam, & subscribendam à Sacerdotibus Regularibus Conventuum respectivè, in quibus sunt de familia, quod satisfactum sit omnibus Missarum oneribus, tum perpetuis, & temporibus ex vi legati, tum manua-

libus, & adventitiis, ad tenorem, & præscriptum dict. Constitutionis §. 33. *Curent.* Multi enim scrupulis anguntur, & in bivio se esse constitutos considerant, ignorantes, quid eligendum sit. Si fidem juramento non subscribant, oriuntur litigia, & sæpè subditi à Prælati iniuste vexantur. Si subscribant, se exponunt periculo pejurandi, cum jurent, quin certi moraliter sint de oneribus esse satisfactum; ideo absque *veritate*, quæ est prima conditio ad juramentum, ex dictis, *dict. lib. cancell. cap. 16. num. 3.* Et ut plurimum coguntur jurare ex sola assertiva Superioris localis, administrata etiam dicto Sacristæ, vel libro, & notulis per eos scriptis, quod sit satisfactum. Quorum testimonium non videtur legitimum, vel quia fraudes non semel committuntur, vel quia ad jurandum major certitudo veritatis rei, de qua juratur, est necessaria.

Hujusmodi difficultates meo videri fuerunt ab Innoc. in d. *Const. Præoccupata*, præmittendo requisita, ut quis tuto conscientia possit ad præscriptam subscriptionem procedere. Nam §. 27. *Idemque*, præcipitur, ut in Sacristia afferrentur duo libri, in quorum uno adnotentur onera Missarum, tum perpetua, tum temporalia, ac ipsorum adimplementum, in alio verò, tam elemosyna Missarum manualium, & adventitiarum, quàm istarum satisfactiones. Quando igitur sunt attestations faciendæ, debet quis ex dd. libris se certiorare, quod fuerit oneribus satisfactum, eos examinando, & conferendo numerum ad numerum, ac onera cum Missis celebratis; & juxta computum, & calculationem est attestatio concipienda; ubi verò aliquorum satisfactio adhuc desideretur, id exprimat ad formam in dd. §§.

At non est jurandum absolute satisfactum fuisse, sed cum limitatione, nimirum, secundum ea, quæ notantur, & referuntur in libris, *Et hoc modo, &c. & non alias, &c.*

Et hinc patet, quod non juratur stando, puræ assertivæ Superioris, vel Sacristæ, nec quod sit satisfactum omnibus oneribus à Superiore susceptis, quia de hoc non constat; sed illis dumtaxat, de quibus in dictis libris fit memoria; qui satis fidem faciunt, & moralem certitudinem inferunt. Et propterea ad eos, si de integritate attestations

dubitetur, recurritur, ut veritas reddatur manifesta.

Cæterum ad omnem suspicionem doli, & fraudis tollendam, optima cautela erit, ut quilibet Sacerdos in libris paratis propria manu se celebrasse firmet, prout hic Romæ de mandato Clement. XI. est in praxi. Et quovis anno à Ministris deputatis libri recognoscuntur. Super quo ad conscientiam serenitatem Provinciales, & Visitatores debent non dormire, sed omni diligentia zelare integram d. Constitutionis observantiam; ponderando se, aliosque, quibus illius observantia præcipitur, in transgressione mortaliter peccare, cum in re gravi contra Apostolicam Constitutionem operentur.

Si verò obijciatur, potuisse dictos libros à Superioribus, vel Sacrista alterationem recipere, addendo fictas satisfactiones. Dico, hoc non esse ita de facili præsumendum, cum verisimile non sit, quod ipsi non horreant tanta falsitate sibi ad gehennam fabricare. Sed ubi prudenter de alteratione constaret, esset ab attestations abstinentendum, etiam si quodcumque malum timeretur, cum nec ad mortem vitandam sit pejerandum, vel Deus offendendus, *cap. Ita ne, 32. quest. 5.* Quod procedit etiam, quando prudenter de mendacio dubitaretur, cum non liceat cum dubio operari; sed vel est deponendum cognoscendo veritatem, vel testimonium omittendum, quamvis cæteris subscripserint; nam ex circumstantiam juramenti, non reputatur sufficiens, ut quis captivè intellectum proprium in obsequium singulorum, quod fuerit satisfactum; sed necesse est, ut quisque prudens judicium de veritate retineat.

Formula attestations in praxi fortè hæc esse poterit.

Omnibus presentes inspecturis notum sit, qualiter examinatis, & diligenter præcognitis libris, qui ad præscriptum Const. Innocen. XII. Nuper de celebrat. Missar. asservantur in Sacristia hujus Conventus N. & in quibus respectivè adnotata sunt onera Missarum celebrandarum in Ecclesia dict. Conventus, tum perpetua, & temporalia, tum manualia, & adventitia, ipsorumque satisfactiones, & adimplementum, receptum est, Missas ex vi legati celebrandas à die, &c. mensis, &c. anni, &c.

usque ad diem, &c. mensis, &c. anni, &c. Guardiano P. N. esse (hic numerus exprimitur) & celebratas esse Celebrandas verò intuitu manualis elemosynæ esse & celebratas esse Ac proinde nos infra scripti d. Conventus Sacerdotes, etiam cum nostro juramento testimonium reddimus eis, ad quos spectat, omnibus dictis oneribus, prout in dictis libris notatur, & in eis referatur, esse satisfactum, & adimplementum datum. Et isto modo, &c. & non alias, &c. presentes propria manu subscriptas, solito Conventus sigillo munivimus. Datum &c.

Ego N. Sacerdos cum juramento attestor.

Et ubi aliqua adhuc adimplenda remaneant, numerus exprimitur, significando, an elemosynæ sint in esse, vel non.

§. III.

Oratoria.

Occasione examinis ad præacta præmissi, locus aptus videtur, ut quædam pariter notentur de Oratoriis, & maxime privatis, quorum indultus plures Nobiles, & Domiicelli à Sede Apostolica receperunt.

71. Queritur. An in Oratoriis privatis possint Missæ celebrari.

Resp. Est certum, de Ordinariorum licentia non posse (nisi facultatem habeant id concedendi, autoritate delegata à Pontifice.) Nam nullo casu autoritate ordinaria ipsi possunt permittere, & indulgere, ut in privatis domibus Missæ per Sacerdotes, five Sæculares, five Regulares celebrentur, ad text. Trid. in decret. de obser. & evitand. in celebratione Missæ sess. 22. de sacrific. Miss. ibi: Neve patiantur privatis in domibus, atque omnino extra Ecclesiam, & ad Divinum tantum Cultum dedicata Oratoria, ab eisdem Ordinariis designanda, & visitanda, Sanctum hoc sacrificium à Sæcularibus, aut Regularibus peragi.

72. Et hinc patet, duo esse Oratoriorum genera; siquidem alia sunt Oratoria publica, quæ nimirum extra privatos domos, Episcopi auctoritate ad Cultum Divinum sunt erecta; & alia privata, quæ in privatis domibus, & intra domesticos parietes, vel in privato solo absque licentia, & ap-

probatione Episcopi, à quovis ad orandum possunt construi; & quæ hodie sunt Oratoria, cras arbitrato domini esse poterunt Camera, ex observatis à Gloss. in Clement. Quia contingit, in verb. Altare, de religiof. domib.

73. Inter quæ nunnulla alia considerantur discrimina.

I. Quod Oratoria privata non habent jus asyli, nec in eis quis fruitur Immunitate Ecclesiastica. Nam hæc fundatur in reverentia loco sacro, & religioso debita; quæ qualitas in privatis non reperitur, sicut est in publicis, utpotè Episcopi licentia, & canonica approbatione erectis.

II. Quod publica potest Episcopus visitare, ut videat, an honestè tractentur, & cum decencia, non verò privata, quia hæc non sunt loca sacra, pia, vel religiosa, utpotè non erecta auctoritate Episcopi; adeoque ejusdem potestati non subjecta. Verum, ubi præcederet accusatio, aut denunciatio, vel publica fama, quod Oratorium indecenter teneretur, tunc posset Episcopus procedere super defectu in judicio accusationis, denunciationis, aut inquisitionis, secundum eas, quæ habentur, cap. Qualiter, & quando, il 2. de accus. Et ita posset accedere ad Oratorium privatum ad videndum, an constaret de corpore delicti, ut dixit Petra tom. 2. comment. ad const. 8. Honor. III. sect. 1. num. 60.

III. Quod in privatis non possunt publicè teneri, & pulsari campanæ; bene verò in publicis.

IV. Quod publica debent habere januam in via publica, non tamen privata.

V. Quod in publicis Missæ celebrari possunt statim, ac ab Episcopo publico cultui sint canonico ritu erecta; ut ex allegat. textu Concilii. In privatis verò Missæ celebrari non possunt sine indulto Apostolico, adeo nec Episcopi ex causa id possunt permittere, prout dixit Sac. Congreg. Concil. quæ consultata: An Episcopus, attento Concilii Decreto, in pratoriis existentibus in domibus privatorum, celebrandi Missas licentiam ex causa concedere possit? Censuit non posse, sed hanc licentiam petendam esse à Sede Apostolica, prout post Conc. Trident. habet observatum est, Fagnan. in 3. ad cap. Auctoritate, de censib. num. 18. Etiam ad effectum, ut infirmus pro Viatico com-

municetur, ut olim eadem Sac. Congreg. in terminis respondit Cardinal. Paleotto, apud eundem in 5. ad cap. In his de privil. num. 13. Appellatione autem domus privatæ, venit etiam Domus Principis, & Palatium Baronis loci, ubi exercet jurisdictionem, ut ejusdem testimonio *ibid.* num. 17. eadem Sac. Congr. declaravit. Quæ aliàs etiam censuit: *Commissarium Cruciatæ non habere facultatem concedendi licentiam celebrandi in Oratorii domesticis*, Fagnan. d. cap. *Auctoritate* num. 30.

74 Sed quid dicendum, si necessitas esset præcisa, & communis, an Episcopus id permittere possit?

Resp. Non potest urgere tanta necessitas, ut in domibus privatis celebretur; sed ad summum, ut extra Ecclesiam, & Oratorium publicum: ut, tempore terræmotus; vel, si Ecclesia vetustate, aut igne corruerit, & similibus casibus. In quibus, communi necessitate urgente, potest extra Ecclesiam celebrari sine consensu Episcopi, si facile peti non possit; sed, cum non est multum distans, est expectanda ab ipso, vel ejus Vicario Generali, juxta cap. *Missarum*, & cap. *Concedimus de consecrat.* 1. dist. & Petram citat. num. 12. & 16.

75 Quæritur. An audientes Missas in Oratoriis domorum privatis, satisfaciunt præcepto de Missa audienda?

Resp. Articulus examinatur satis accuratè à Monacell. *form. part. 2. form. 12. tit. 13. quæst. 32. & sequen.* referente ordinarias clausulas indulti Oratorii privati. Cum in indulto hæc sunt: *in tua, ac familia presentia*: clausula intelligitur de familia agnaticia, & consanguinea illius, cui indultum conceditur, quæ in eadem domo habitat, & ejusdem est commenfalis, non verò de servili. Ideò non gaudent omnes familiares Indultarii (quorum appellatione veniunt, qui verè inferviunt; & vivunt expensis domini, ac sunt necessarii ad servitium illius, sive sani, sive infirmi (sed ii solum, qui in actu celebrationis Missæ servitio domini sunt necessarii; atque adeò alii, ut impleant præceptum Ecclesiæ de audienda Missa diebus Festis, ad Ecclesiam accedere tenentur, *ibid.* Monacellus objectis respondens.

Limitatur hoc in Oratoriis privatis Episcoporum, etiam Titularium, ut idem tradit etiam dict. *titul. for. 1. numer. 2. adnotat. ad decret. communion. quotid.* adeò ut in-

teressentes, etiam si extranei sint, quando Episcopi in eis celebrant, satisfaciunt dicto præcepto, ut respondit S. Congreg. Conc. 22. Septembris 1640. & alibi sæpè. Nam induunt conditionem Oratorii publici. Vid. Fagnan. in 5. cap. *Quod nonnullis* num. 8. & 10. de *privil.*

Verùm hoc privilegio Episcopi etiam Titulares uti non possunt extra domum propriæ habitationis, ut ad tollendos abusus declaravit ead. S. Congr. 15. Decembris 1703, ut *inf. num. 85.*

Limitatur etiam in Oratoriis privatis DD. Cardinalium, qui statim ac sunt sublimi Cardinalatus dignitate decorati, gaudent privilegio Altaris viatici ad instar Episcoporum, absque alio indulto. Ideò audire Missam in eorum privatis Capellis sufficit omnino pro adimplemento præcepti diebus festis. Ita Monacell. *titul. 13. for. 2. num. 40. & sequent.* Nicol. *Flof. ver. Oratorium a num. 3.*

76 Advertendum, quòd mutans habitationem intra eandem Civitatem, vel etiam extra Diocesim utitur privilegio Oratorii privati priùs obtenti, apud Petram num. 32. Quoniam, cum privilegium sit personale, sequitur personam, cui suffragatur in domo novæ habitationis, ad quam cum Familia transit. Prout est sensus clausulæ -- *Ut in privato Oratorio tuæ solite habitationis*. Quinimò observat Pascus. *ver. Oratoriis citat. vers. Potest quoque*, quòd privilegiatus potest uti Oratorio, etiam dum ruri manet; sed interim non potest uti eo, quod est in Civitate, quia privilegium est restrictum ad solitam habitationem. Verùm in similibus mutationibus necesse semper est, ut Episcopus locum recognoscat, & de illius, ac paramentorum decentia judicium proferat.

77 Quamobrem est ponderandum cum Ventrigl. *prax. part. 2. adnotat. 19. §. unic. numer. 5.* executionem Indulti celebrandi Missam in Oratoriis domorum privatis committi Ordinariis, qui visitare tenentur locum Oratorii, priusquam pro executione Brevis licentiam concedant celebrandi Missam: & ita inspicere debent, an Oratorium sit decenter extructum, & ornatum cū necessariis pro celebratione: an sit lapis consecratus: an Altare debitæ altitudinis, latitudinis, & longitudinis, coopertum tribus mappis, cum Cruce cum Imagine Crucifixi,

fixi, & duobus saltem candelabris, tabula secretarum: an sint pulvinar, Missale, parva campanula, ampullæ vitreæ cum manutergio, Calix cum Patena, Purificatorium, & cætera necessaria, benedicta ab habente potestatem: an locus sit liber ab omnibus domesticis usibus: & an præjudicet juribus Parochialibus, quia cum hoc præjudicio non esset concedenda licentia, per Quarent. *summ. Bullar. 2. part. ver. Missa in princip.*

78 Petitur. An indultum expiret morte Papæ concedentis?

Resp. Negativè. Quia privilegia, quæ à Pontifice conceduntur, reputantur concessa ab eo, quatenus constituto in tali Dignitate, quæ post ejus mortem in suos Successores continuatur; & ideo privilegia concessa expirare non debent, per cap. *Sigra-tiosè de rescript. in 6. alleg. Petra num. 34.* alios cumulans.

79 Quæritur. An Regulares possint habere Oratoria, & Capellas intra Claustra, in quibus celebrent?

Resp. Vel intendunt celebrare in Altari portatili (quod non est aliud, quàm tabella quædam lapidea consecrata ab Episcopo, quæ faciliè in itinere quovis loco defertur; & propterea dici solet etiam Viaticum) aut fixo in Capella, vel Oratorio. Quantum ad primum, non est dubium eis prohiberi. Nam privilegium celebrandi in Altari portatili datum ante Concilium Prædicatoribus, & Minoribus, cap. *In his de privil. ab eodem Conc. 4. loc. est sublatum.* Quod legitur in Const. Greg. XIII. *incip. Usum la 57. Bull. tom. 2.* in qua Pontifex restituit Jesuitis usum Altaris viatici *universè à Trid. sublatum*, ut ibi textus. Ideò, qui post Trid. preceperunt à Sede Apostolica specifica indulta, eo uti possunt.

80 Sed dubium est, an cæteri Regulares possint per communicationem privilegiorum cum Jesuitis, de Indulto participare.

Resp. Peyrin. *de privil. ad const. Pyrrhi §. 7. nu. 34.* affirmat. Quod sanè deduci non potest ex indulto Jesuitis dato: nam restitit clausula Greg. qua exprimit motivum, quare Jesuitis restituerit usum d. Altaris, ibi: *Eatenus restituimus, uti inter Missiones &c.* ergo, ubi non est eadem causa finalis, nec favor privilegii debet intrare. Tum quia mens Concilii d. cap. videtur esse hujusmodi communicationes tollere. Alloquin fru-

stratoria fuisset nova concessio Jesuitis; quia per participationem poterant participare de indulto à Pio IV. facto Canonicis Regularibus S. Salvatoris sub anno 1565. ut idem Peyr. cit. refert. Tum quia cessat ratio privilegii, quo olim Regularibus permittebatur celebrare super Altari portatili: etenim hodie habent Ecclesias consecratas, quibus priùs carebant. Quare, supplicante olim Congregatione Peregrinorum Ord. Præd. S. Congr. Conc. censuit *concedendam esse privilegia Apostolica confirmationem celebrandi in Oratoriis, & Altaribus portatilibus in illis locis, in quibus nulla suppetit commoditas Ecclesiarum consecratarum.* Fagnan. in cap. iij. num. 8. de privileg. & Pascuc. de Miss. Sacrific. pag. mibi 52. versic. Quare. Proinde à privilegio Altaris portatilis ii solum protegentur, qui post Trident. illud expresse receperunt. Videtur enim illius generis esse, ut specialem mentionem requirat, adeoque quòd non intret communicatio, legatur Pfafec. *prax. part. 2. c. 3. art. 6. num. 47.*

Vel volunt celebrare super Altari fixo in Oratorio, & tunc Fagnan. ubi sup. num. 15. dixit posse, sed non nisi prævia licentia, & approbatione Ordinarii, qui locum visiterit, aptumque divino cultui compererit. Hoc colligens ex textu Concilii *ver. Neve patiantur*, quo sustulit omnia privilegia celebrandi extra Ecclesiam, & publica Oratoria, etiam quoad Sacerdotes Regulares. Tria namque ibi Concilium interdicat. Primo, ne Episcopi permittant, ut Missa ab ullo celebretur in privatis domibus. Secundò, ne id fieri permittant in locis, quæ sunt omninò extra Ecclesiam, & Oratoria, ad divinum tantum cultum dedicata. Tertiò, præcipit, ut hujusmodi Oratoria priùs designentur, & visitentur ab Ordinario.

81 Cæterum ibid. Fagnan. *sub n. 23.* refert, quòd Sacra Congreg. olim respondit, *Oratoria existentia in Monasteriis, vel Hospitalibus Ordinaria, vel Apostolica auctoritate fundatis non comprehendi in prohibitione Concilii, vers. Neve patiantur.* Propterea passim videntur hæc Oratoria erecta in Infirmaryis, vel aliis locis Monasteriorum, quin præverit Ordinariorum consensus, & visitatio. Siquidem de illis non verificatur, quòd sint omninò extra Ecclesiam; cum appellatione Ecclesiæ aliquando veniant Religioforum Conventus, ut colligitur ex cap.

Alma mater de sent. excomm. in 6. cum sua Gloss. in verb. Monasteriis, & cap. Abbati, §. Hac autem 54. dist. Minusque, quod sint in ædibus privatis, cum sint in loco religioso. Et facilius hic per Petram num. 47. intrat communicatio privilegiorum: præsumiturque verisimilis voluntas Pontificis concedentis; maximè, quia ex communi usu, & praxi, ut dictum est, similia Oratoria fixa videntur in Claustris, & Infirmariis erecta. Et inde videtur mens Sanctæ Sedis esse, ut in casu Indultum per communicationem participetur.

Ceterum Superiores cautè debent procedere, & non nisi in locis decentibus, aliis usibus non deputatis, & pro præcis necessitatibus, Oratoria cum Altari fixo ad celebrandum erigere. Cuius generis videntur esse Capellæ in Infirmariis constructæ, quæ deserviunt, ut in eis Missam audiant senes, & impotentes ad accedendum ad Ecclesiam.

82 Quæritur. An Regulares possint in Granciis habere Oratoria ad celebrandum?

Duas Granciarum species ad Monasteria pertinentium distinguunt DD. Fagnan. cit. d. cap. *Auctoritate nu. 2. in discept. de Grangiis, & Petranu. 53.* Quædam sunt simpliciter Granciæ, & in sensu proprio: & aliud non sunt, quàm domus rurales, seu prædia rustica sub proprietate, & dominio alicuius Monasterii, in quibus solent manere solum quidam Conversi pro agrorum cultura. Nec habent Ecclesiam aliquam, aut publicum Oratorium auctoritate Episcopi constructum, sed dumtaxat privatum ad orandum. Huiusmodi Granciæ non sunt, nec sacra, nec religiosa, nevé loca pia, sed temporalia, & prophana. Nec in eis habet locum Constit. Innoc. X. incip. *Instaurandæ la 27. Bullar. tom. 4. edita super suppressione parvorum Conventuum*: nec ejusdem Decretum *Ut in parvis* cl. 32. *ibidem super subiectione nonnullorum Conventuum jurisdictioni Ordinariorum.*

Quædam verò sunt Granciæ, solum improprie, & aliud non sunt, quàm parvi Conventus dependentes ab aliquo principali Monasterio, cuius sunt membra, veluti illi accessoria subiecta, & unita. Quarum aliquæ quia ob reddituum tenuitatem non poterant sustentare Religiosos in numero sufficienti ad disciplinam regularem, fuerunt in dict. Constitutione ab Innocen. sup-

pressæ, & secularizatæ. Quædam verò, quia tempore Constitutionis habebant redditus, quibus reipsa sustentabantur sex Religiosi, non fuerunt suppressæ. Sed Pontifex eas in dict. Decreto subiecit Ordinariorum jurisdictioni, & visitationi, quodcumque jactu in eis non alerentur saltem sex Religiosi, quorum quatuor essent Sacerdotes, & duo Laici.

83 Dubium itaque procedit non de Grangiis secundæ speciei, quia quantum ad istas debet discursi, sicut *superius* dictum est de Oratoriis Conventuum: sed de illis primi generis, in quarum privatis Oratoriis, licet juxta jus antiquum ante Concilium, ut in d. cap. *Auctoritate de censib.* posset de licentia Episcopi celebrari, post Concilium tamen prohibitum intelligitur. Hinc Sac. Congr. Conc. sub die 1. Maii 1687. ad dubium: *An Sacerdos Regularis, absque peculiaris Sedis Apostolicæ indulta, possit in domo rurali Monasterii celebrare*: respondit: *Negative.* Allegat. Petra n. 53.

84 In Oratoriis privatis celebrari non potest in diebus *Resurrectionis, Pentecostes, & Nativitatis Domini, Epiphania, Annunciationis, Assumptionis B. M. V. SS. Apostolorum Petri, & Pauli, & Omnium Sanctorum*, ut declaravit S. Rituum Congr. 17. Novemb. 1607. Nicol. cit. n. 3. Gavant. in rubr. *Miss. part. 1. titul. 20. ver. Sciendum quoque.*

Ad extremum hic ponitur novissimum Decretum editum à Sanctissimo D. N. Clemente XI. ad effectum, ut tollantur abusus, qui occasione celebrationis in Oratoriis privatis committi solebant.

85 Quoniam sancta sanctè tractanda sunt, ac præsertim tremendum incruenti Sacrificii Mysterium, quod omni Religionis cultu, & veneratione peragendum est; propterea super observandis, & evitandis in celebratione Missarum in Sacrosanctis Oecumenicis Conciliis, & præsertim Tridentino sub cap. unico sess. 22. inter cetera statutum est, ne tantum Sacrificium solummodo in Ecclesiis, aut oratoriis, Divino tantum cultui dicatis celebraretur, præcipiendo Episcopis, & locorum Ordinariis, ne privatis in domibus atque omnino extra Ecclesias peragi paterentur; ac subinde Sacra Congregatio Eminentissimorum, & Reverendissimorum S. R. E. Cardinalium ipsius Concilii Tridentini executioni, & interpretationi Præpositorum sa-

pè sapius per opportuna decreta obrepentes abusus eliminavit. Modernis tamen temporibus innotuit Sanctissimo Domino Nostro, quòd nonnulli Episcopi sub pretextu privilegiorum, Capellis Episcopalibus competentium, & complures Regulares, sub pretextu privilegiorum, quæ ipsi à Sancta Sede indulta noscuntur, per huiusmodi privilegiorum dilatationem, seu potiùs excessum, & abusum in nonnullis Diœcesibus præsertim Regni Neapolitani, ac ipsa Neapolis Civitate, ea sibi licere putant, quæ permissa non sunt, quinimò prohibita: siquidem nonnulli Episcopi, etiam in aliena Diœcesi, & extra domum propriæ habitationis, in privatis Laicorum domibus erigi faciunt Altare, ibique per unum, aut plures ex suis Capellanis vivificant Christi Hostiam immolare; Regulares verò in quibusdam Magnatum seu aliarum Nobilium Personarum privatis Oratoriis, quæ certis quandoque ex causis à Sancta Sede Apostolica concedi solent, celebrare audent, vel plures Missas, quàm in ipsis celebrare sit indultum, vel absque præsentia Personarum, quarum contemplatione gratiosa concessio emanavit, vel extra debitas horas, & post meridiem, vel illis etiam diebus, quibus per Constitutiones Diœcesanas, aut etiam per Decreta Sacre Congregationis Concilii celebrari prohibetur, aut quæ in ipsismet Indultis Apostolicis excipiuntur, quominus in iis celebrari possit, aut etiam Altari portatili uti non verentur, in Sanctarum Sanctionum contemptum, & Sancti Sacrificii irreverentiam.

86 Quamobrem ad abusus huiusmodi eliminandos, & ad instaurandam venerationem tremendo Ministerio debitam, idem Sanctiss. Dominus Noster ex unanimi voto S. R. E. Cardinalium Concilii Tridentini Interpretum, inherendo declarationibus aliàs hac de re editis, expressè declarat. Episcopis, & his Maioribus Prælati, etiam si Cardinalatus Dignitate fulgentibus, neque sub pretextu privilegii clausi in corpore Juris, neque alio quocumque titulo, ullo modo licere, extra domum propriæ habitationis in domibus Laicis, etiam in propria Diœcesi, quod fortiùs intelligitur in aliena, etiam si Diœcesani consensus adhiberetur, erigere Altare, ibique Sacrosanctum Missæ Sacrificium celebrare, seu celebrari facere: ac pari modo in Oratoriis privatis, quæ per Sanctam Sedem concessa fuerint, non licere Regularibus cuiusvis Ordinis aut instituti, seu

Congregationis, etiam Societatis Jesu, aut etiam cuiuscumque Ordinis Militaris, etiam Sancti Joannis Hierosolymitani, aut aliis quibuscumque Sacerdotibus, etiam si essent Episcopi, in iis celebrare in diebus Paschæ Sanctissimæ Resurrectionis, Pentecostes, Nativitatis Domini Nostri Jesu Christi, aliisque anni Festis solemnioribus, ac diebus in Indulto exceptis. In reliquis verò diebus, prædictis Regularibus, seu Sacerdotibus quibuscumque, etiam Episcopis, in præfatis Oratoriis celebrare non licere ubi etiam unica Missa, quæ in Indulto conceditur, celebrata fuerit, super quo celebraturus teneatur diligenter inquirere, & de eo se optime informare; atque illa etiam in casibus permissis celebrari nequeat post meridiem, demandando propterea ulterius, ac declarando, in omnibus huiusmodi casibus, Personas quascumque dictas Missas audientes nullatenus Ecclesia præcepto satisfacere.

87 Quo verò ad Altare portatile iterum inherendo declarationibus supradictis, censuit, licentias, seu privilegia concessa nonnullis Regularibus in cap. in his de privil. & per aliquos Summos Pontifices aliis Regularibus communicata, utendi dicto Altari portatili, in eoque celebrandi absque Ordinariorum licentia in locis, in quibus degunt, omnino revocata esse per idem Sacrum Concilium; & propterea eosdem Regulares prohibendos, ne illis utantur, ac mandandum, prout præsentis Decreti tenore mandat Episcopis, aliisque Ordinariis locorum ut contra quoscumque contravenientes, quamvis Regulares, procedant, etiam tamquam Sedis Apostolicæ delegati ad, pœnas præscriptas per idem Sacrum Concilium in d. Decreto sess. 22. usque ad censuras lata sententia, tributa etiam eisdem facultate per hoc Decretum, ita procedendi, perinde ac si per Sanctam Sedem specialiter concessa fuisset. Et ita Sanctitas Sua declarat, & servari mandat. Romæ hac die 15. Decembris 1703.

CAPUT XI.

Officialis quoad Clausuram Monialium.

SUMMARIUM.

1 Moniales omnes in concernentibus Clausuram subduntur Ordinariis.

- 2 Superioribus Regularibus causa solùm visitationis localis permittitur ingressus in Clausuram, & semel tantum in anno.
- 3 Generalis potest secum assumere duos socios; ceteri ipso inferiores unicum.
- 4 Numerantur casus, in quibus possit Confessarius ingredi Clausuram.
- 5 Regulares non pernoctant apud Monasteria Monialium.
- 6 Quid agendum, dum Monasteria sunt extramœnia?
- 7 Episcopi, irrequisitis etiam Superioribus Regularibus, visitant Monasteria Monialium istis subjecta.
- 8 Possunt excommunicationem sibi reservatam imponere circa aperitionem ostii Clausuræ.
- 9 Vicarius Generalis habens ab Episcopo mandatum potest visitare Clausuram Monialium de Regularium regimine.
- 10 Decreta S. Cong. Conc. super visitatione facienda ab Ordinariis in Monasteriis Regularibus subjectis, usque ad num. 12.
- 13 Licentiam ingrediendi Clausuram an subscribat Superior Regularis?
- 14 Superiores Regulares non ingrediuntur Clausuram extra casus necessarios.
- 15 Absolutio violentis Clausuram petitur à Sede Apostolica.
- 16 Moniales exorcizantur in Ecclesia exteriori.
- 17 Monialis ascendens supra tectum violat Clausuram.
- 18 Licentia ingrediendi Clausuram non exequuntur, nisi de consensu Monialium.
- 19 Confessarius ingreditur cum Coëta, Stola, & Socio.
- 20 Que veniant appellatione Clausuræ.
- 21 Monialis secreto violans Clausuram non absolvitur ab Episcopo.

Quoad Clausuram omnes Moniales indifferenter subijciuntur Episcopis, etiam illæ, quæ à Regularibus reguntur, prout Concil. Trid. sess. 25. de Regul. & Monial. ubi cap. 5. statuit: Bonifacii VIII. Constitut. quæ incipit Periculoso, renovans Sancta Synodus, universis Episcopis sub obtestatione Divini Judicii,

& interminatione maledictionis eterne, præcipit, ut in omnibus Monasteriis sibi subjectis, Ordinaria, in aliis vero Sedis Apostolica Authoritate, Clausuram Sanctimonialium, ubi violata fuerit, diligenter restitui, & ubi inviolata est, conservari maxime procurent.

Verum jurisdictio circa Clausuram Monasteriorum Regularibus subjectorum competit Episcopo cumulative cum Superiore Regulari, non autem privative: adeo ut & circa eam is possit opportuna statuere ex Decreto Sac. Congregat. Concil. 1608. ut in lib. 11. Decr. fol. 31. & ex mox referenda Const. Alex. VII. sed juxta terminos à S. Sede eidem præfixos, & non aliter; quia est certum, quoad hoc Regularium jurisditionem per Decreta Apostolica esse restrictam, & limitatam, modumque Superiori in locali Monasteriorum, & Monialium personali visitatione observandum, præfinitum, prout ex dicta Const. Alex. la 156. Bull. tom. 5. ut infra.

§. 1. Felici &c. Presentibus perpetuo valituris sancimus, ut impofterum intra fines Italia, & Insularum adjacentium Generalibus, Provincialibus, Abbatibus, & quibuscumque aliis Superioribus Regularibus, quibus alioqui cura, & regimen Monasteriorum Sanctimonialium quovis modo incumbit, intra septa eorumdem Monasteriorum nullatenus ingredi liceat, nisi ex causa visitationis localis, & hoc semel tantum in Anno, itaut in eo Anno, in quo unus ex memoratis Superioribus visitaverit, alius Superior à visitatione hujusmodi se omnino absteineat.

§. 2. Quod si ob Clausuram, quæ à Sacra Trid. Synodo, etiam in Monasteriis exemptis, curæ, & vigilantia Episcopi in primis committitur, aut ob aliam urgentem, ac necessariam causam oportuerit Superiorem Regularem eodem Anno plures ingredi septa Monasterii, tunc non aliter ingrediatur, quam cum presentia Episcopi Diocesani, vel alterius personæ Ecclesiastica secularis, boni exempli, ac maturæ ætatis, ab ipso Episcopo ad hoc specialiter deputatæ.

§. 3. Visitet autem Superior Regularis interiorem Clausuram per se ipsum, non autem per alium, etiam si fuerit legitime impeditus: quo casu differatur visitatio in aliud tempus, quo cessaverit impedimentum: & visitationem celeriter, & unica die, debitam cum diligentia, absolvas;

nec ante ortum Solis eam incipiat, nec post occasum protrahat.

§. 4. Neque ipse Visitator, neque ejus Socii ullam sumant in Monasterio refectioem.

§. 5. Porro si visitet Generalis, possit se cum habere duos Socios sui Ordinis: si alius a Generali, unum tantum, exclusis omnibus aliis, etiam ratione officii.

§. 6. Qui quidem Socii assumantur exemplares, & matura etatis: & in actu visitationis a Visitatore nunquam separentur, sed eum aspicere; & ab ipso aspici semper possint.

§. 7. Ac præterea Visitatori assistant quatuor Moniales ex senioribus Monasterii, quæ similiter, visitatione durante, nunquam separentur a Visitatore, & Sociis. Reliquæ verò Moniales, & quæcumque alia Mulieres, & Puellæ seculares in Monasterio degentes, nisi legitimo detineantur impedimento, conveniant omnes in Choro, antequam Visitator ingrediatur interiorem Clausuram, & in eo permaneant durante visitatione, & quousque idem Visitator cum Sociis in Monasterio exierit. Ideoque curet Visitator, ut tempestivè admoneatur Abbâtissa, seu Monasterii Præsacta de præstituta die, & hora visitationis.

§. 8. Visitatio verò personalis fiat ad crates, & omnino extra Clausuram Monasterii, & per ipsummet Superiorem dumtaxat, ut supra dictum est de visitatione interioris Clausuræ.

§. 9. Ad hæc Confessor Sanctimonialium, tam ordinarius, quam extraordinarius minimè ingrediatur septa Monasterii, nisi ad Sacramenta Pœnitentiæ, Eucharistiæ, & Extremæ Unctionis ministranda Monialibus, vel aliis personis infirmis ibi degentibus, necnon ad commendandam Animam Agonizantium, nec unquam ingrediatur, nisi cum Socio, qui sit probata vite, & matura etatis, semperque maneat in ea parte Monasterii, qua Confessorem videre, & ab ipso videri semper possit.

§. 10. Insuper distinctè præcipimus memoratis Superioribus Regularibus, ut infra terminum duorum mensum, a publicatione presentis Const. computandorum, revocent ad Clausura Confessores, eorumque Socios, Concionatores, & alios quoscumque Regulares apud Monasteria Sanctimonialium, vel assidue, vel ad tempus, quocumque titulo per-

noclare solitos; neve permittant eosdem, seu alios Regulares, intra, seu præ septa Monasteriorum hujusmodi habitare, vel commorari; quin etiam infra eundem terminum, quascumque cellas, mansiones, seu cubicula præ septa Monasteria prædicta, ad usum memoratorum Regularium existentia, si Clausura Monasteriorum earundem Monialium contiguae sint, eidem Clausuræ includi, vel dirui omnino faciant: si verò sint extra septa, vendi, pretiumque in Monasterii utilitatem converti; nec imposterum alia similia aptari, edificari, aut emi permittant. Quod si infra dictum terminum Superiores Regulares præmissa cum effectu non adimpleverint, teneatur Ordinarius loci, tamquam Sedis Apostolicæ Delegatus, illa adimplere, & omnino exequi, etiam invocato, si opus fuerit, brachii secularis auxilio.

§. 11. Veruntamen si Monasterium Sanctimonialium sit extra Mœnia Urbis, vel Oppidi, & Monasterium Regularium virorum, quibus Moniales sunt subjectæ, sit intra dicta mœnia, vel è converso, habeantur, vel conducantur, si commodè fieri possint, mansiones ad usum Confessoris, quæ non sint conjunctæ, seu contiguae ipsi Monasterio Monialium, sed ab eo penitus disjunctæ, non solum per parietes, sed etiam per tecta; sin autem utrumque Monasteriorum sit intra Mœnia, & unum ab altero, Episcopi judicio, multum distans, tunc habeantur, vel conducantur hujusmodi mansiones, ut supra distinctæ, & separate a Monasterio Monialium, distantia ab ipso Episcopo recognoscenda, & approbanda; ita tamen, ut in mansionibus Confessoris, siue intra, siue extra Mœnia constitutis, excepto ipso Confessore cum suo Socio, alii Regulares, etiam si Superiores sint, minimè pernoctent.

§. 12. Si quis verò prædictorum Regularium aliquid contra presentium tenorem facere, vel moliri præsumserit, aut adimplere neglexerit, ipso facto pœnam excommunicationis, & privationis omnium officiorum, quæ obtinet, ac perpetuæ inhabilitatis ad illa, vel alia imposterum obtinenda, votisque activa, & passiva, absque alia declaratione incurrat. Et nihilominus nullis privilegiis, & exemptionibus tueri se possit, quominus ab Episcopo loci, tamquam ad hoc Sedis Apostolicæ Delegato, quoties, & quando opus fuerit, corrigi, & puniri valeat.

§. 13. Decernentes &c. Sicque, & non aliter

rep. &c. Sublata eis &c. Irritum, & inane &c. Non obstantibus &c. Dat. in Arce Gandulphi tertio decimo Kalen. Novembris 1664.

Per quas amplas, & adeo pręgnantes clausulas, nulli dubitandum, quin omnia, & singula cassentur, revocenturque in contrarium privilegia: ipsęque, utpotę antiquatę, relinquantur consuetudines, juxta efficaciam *Decreti irritantis*, cuius est omnem consuetudinem, futuram quoque, tollere, per *Panimolla dec. 1. adnor. 2. nu. 33. Sperellum dec. 161. num. 13. & dec. 179. num. 35. & vires clausulę sublata*, quę tali operatur virtute, ut os claudat parti, & ab iudice facultatem aliter iudicandi adimat, ex *Barbosa de dict. dict. 102. num. 2. & communi DD.*

7 Episcopi, quibus *Trid. alleg. cap. & sess. negotium Clausurę committit*, possunt, etiam inconsultis, & irrequisitis Regularium Superioribus, Monasteria Monialium, quę istis subduntur, quoad Clausuram visitare, ex *Sac. Congregat. Conc. in una Colobrien. die 26. Maii 1640. apud Barbof. ad sess. 25. cap. 5. de Regul. num. 13. ut infra: Sac. Congr. Conc. censuit Episcopum Colimbriensem uti Sedis Apostolica Delegatum, potuisse quoad Clausuram Monasteriorum Monialium Conventus de Cellas Ordinis Cisterciensis, Regularibus ejusdem Ordinis subiectorum visitare, etiam assumpto secum Vicario Generali & Confessario earumdem Monialium; Monialesque ipsas in iis, quę ad eandem clausuram pertinent, examini subicere, semotis etiam suspitione violatę clausurę, ac quacumque Superiorum Regularium negligentia, ipsisque inconsultis, & irrequisitis; ac insuper eidem Episcopolicuisse Rectorem Collegii dicti Ordinis, ex supradicta causa inobedientem, declarare in pęnam excommunicationis, ac alias comminatas incurrisse.*

8 Et prius sub 24. Septembris 1622. censuit licere Episcopo visitare Monasteria Monialium Regularibus subiectarum, & singulas Moniales absque interventu Regularium alloqui in concernentibus Clausuram: *lib. 12. Decr. fol. 111. Et alias in una Recinen. 1638. lib. 11. Decr. fol. 31. ad septimum censuit, posse Episcopum ingredi Clausuram saltem duobus honestis, & gravibus viris comitatum Et in una Viterbien. die 26. Junii 1627. apud Nicol. locubrat. lib. 3. tit. 1. num. 3. & Pani-*

moll. dec. 84. adnor. 3. num. 36. ubi querebatur: An Episcopus ad Clausuram custodiendam, etiam in monasteriis Regularibus subiectis, possit excommunicationis lata sententię pęnam sibi reservatę imponere circa aperitionem ostii Clausurę extra casus indigentia, necnon circa accessus, & colloquia cum Monialibus; distatque excommunicatione liget nedum Regulares accedentes, verum etiam Moniales, facta de illis mentione, adeout Superior Regularis ab huiusmodi excommunicatione absolvere nequeat?

Sag. Congr. Card. Conc. Trid. Interpretum respondit: Episcopum posse.

9 Et Episcopus nedum per se ipsum, sed etiam per suum Vicarium, potest in resipientibus Clausuram Monasteria visitare ut notat *Sperell. dec. 99. pręsertim cüm ad id habet Vicarius speciale mandatum; ubi num. 27. testatur se super hoc favorabilem obtinuisse à S. Congr. Conc. resolutionem tenoris, qui sequitur. „ S. C. Cardinalium „ Concilii Trident. Interpretum ad utrum. „ que dubium respondit, non solum Epi- „ scopo, sed etiam Generali eius Vicario „ ad hoc speciale mandatum habenti, lice- „ re pro Clausurę visitatione ingredi septa „ Monasteriorum Monialium Regularibus „ subiectorum, tametsi nulla rationabilis „ violatę Clausurę suspicio irrepserit, & „ acriter reprehendit Rodericum, quod „ hac de re tam audacter loquutus fuerit. In eo reprobatur Roderic. quod dixerit tom. 1. qq. quęst. 47. art. 10. „ Tridentinum „ eo decret. cap. 5. sess. 25. non concedere „ Episcopis licentię ingrediendi Mona- „ steria Monialium, subiecta etiam Regu- „ laribus, ut videant, si clausura est in vio- „ lata; sed tantum concedere, ut postquam „ sciverint esse violatam, procurent juxta „ terminos juris ipsam restitui, & resta- „ rari, monendo Pręlatos dictorum Mo- „ nasteriorum, ut clausura restauretur: „ quod si admoniti intra sex menses, hoc „ emendare neglexerint, tum iidem Epi- „ scopi, etiam ut Legati Sedis Apostoli- „ cę, eorum defectum auctoritate Apo- „ stolica possunt supplere. Hęc ille ibidem sed nimis laxo calamo, ideo à Congreg. reprehenditur.*

Tale mandatum est in Vicario necessarium, ut licentię ingrediendi Monasteria concedere valeat, prout in una *Mediolanen. lib. 2. Decr. fol. 174. eadem S. C. firmavit.*

10 Cæterum in visitatione Monialium Regularibus subiectarum sunt ab Ordinariis observandæ Responsiones Sacræ Congreg. Conc. ad dubia eidem super ea re propofita à P. Francisco de Monelia Min. de Obf. Procuratore Generali.

„ I. An Episcopus visitaturus Clausuram Monialium Regularibus subiectarum teneatur ante accessum ejusdem Monialibus præfinire diem, & horam visitationis?

„ II. An in Ecclesiis eandem Monialium non Curatis, visitare possit Sanctissimum Sacramentum, Oleum Infirmorum, Confessionalia, Sepulturas, ac Reliquias ibi existentes? & quatenus affirmativè.

„ III. An in casu resistentiæ Monialium possit fores Ecclesiæ frangere, Tabernaculum violenter aperire, Ecclesiam interdicerè, & Eucharistiæ Sacramentum ad aliam Ecclesiam transferre?

„ IV. An Episcopo Monasteriorum Clausuram visitare volenti, dictæ Moniales teneantur erigere in Ecclesia exteriori, vel interiori Sedem cum Baldachino, vel solummodò sufficiat illi stratum præparare in utraque Ecclesia?

„ V. An Episcopus dictam Clausuram visitaturus, præterquam convitatores, possit pro suo libito secum ducere initus Monasterium alias personas, sive Ecclesiasticas, sive Sæculares, indeterminatè vel in certo, & præfixo numero?

„ VI. An Episcopum dictorum Monasteriorum Clausuram visitaturum teneatur Moniales omnes excipere personaliter cum Cruce, & Cantico Benedictus?

„ VII. An dictæ Moniales teneantur in ipso Clausuræ ingressu adornare stratum ibique genuflectenti Episcopo Monialis aliqua porrigere debeat Crucem deosculandam?

„ VIII. An Episcopus Clausuram ingressus possit pro suo libito convocare dict. Moniales omnes in Choro interiori aut alio loco, & ad eas sermonem habere?

„ IX. An absolutè, & indifferenter visitare possit Cellas dictarum Monialium, etiam quoad non pertinentia ad Clausuram.

Ad quæ die 19. Januarii 1686. Sac. Congreg. S. R. E. Card. Cong. Trid. Interpretum respondit.

Ad I. Negativè.

Ad II. Censuit dandum esse Decretum

in Florentina Iuris visitandi tenoris infra scriptis. „ An Archiepiscopus, seu de ejus mandato Vicarius Generalis possit visitare Sanctissimum Sacramentum, Olea Sacra, Confessionalia, & sepulturas in Ecclesiis Monialium Regularibus subiectarum? Die 29. Julii 1684. S. C. C. Resp. negativè, nisi in his, quæ concernunt observantiam Clausuræ, & quatenus non adsit legitima consuetudo in contrarium.

Ad III. Negativè, nisi in casibus spectantibus ad Clausuram.

Ad IV. Sufficere præparationem strati.

12 Ad V. Servandas esse Constit. Apostolicas Greg. XIII. Dubiis, quæ emergunt, Nos omnem exitationis materiam tollere, & viam scandali præcidere, ac Sanctimonialium quieti consulere volentes, harum tenore auctoritate Apostolica declaramus, Prælatos omnes, tam Sæculares, quam Regulares, quibus cura, & regimen, Monasteriorum Monialium, quovis modo incumbit, facultate sibi ex officio attributa ingrediendi Monasteria prædicta, ita demum uti posse, si id faciant in casibus necessariis, & à paucis, iisque senioribus, ac Religiosis personis, comitati.

Ad VI. Negativè.

Ad VII. Itidem negativè.

Ad VIII. Posse.

Ad IX. Negativè.

13 Pro facultate concedendi licentias ingrediendi Clausuram Monialium, Trid. utitur disjunctiva, vel, ibi: *Ingredi autem intra septa Monasterii nemini liceat, cuiuscumque generis, sexus, vel ætatis fuerit, sine Episcopi, vel Superioris licentia, in scriptis obtenta, sub excommunicationis pœna ipsos facto incurrenda.* Ex quibus inferri potest, ad licitum ingressum sufficere obtinuisse illam, vel ab Episcopo, vel à Superiore Regulari; qui semper, cum etiam ipse debeat concedere, subscribit post Episcopum ex Sac. Congreg. Conc. in una *Vincentina* 16. Februarii 1627. Flosc. Nicol. ver. *Moniales num. 29.* & nil potest addere, vel mutare *ibid.* Satis necessaria vide *sup. c. 3. nu. 5.*

Licentiæ autem huiusmodi, nonnisi ex causis necessariis sunt concedendæ, ex Trident. *alleg. cap. 5.* Quinimò obtinentes licentiam ingrediendi ex causa, si ingreduantur pro libito & sine causa necessaria, ipsaque abutantur, incurrunt ipso facto

facto excommunicationem Papæ reservatam, ex Const. Greg. XIII. *Ubi gratia* la 28. Bullar. tom. 2.

14 Prælati item Regulares habentes Monasteriorum curam, sub eadem censura non possunt extra necessitatis casum clausuram Monasteriorum Monialium ingredi, ex ejusdem Greg. Constit. *Dubius* sub eadem *ibid.* Casum verò necessitatis, Alex. VII. *ubi supra*, restrinxit ad tempus visitationis.

15 Ingressus in clausuram ad malum finem, hoc est, ad actus venereos, est casus reservatus Sedi Apostolicæ, ut in Decreto Clem. VIII. de quo *cap. 2. n. 7.* Et infert excommunicationem reservatam Papæ, etiam si violatio clausuræ fiat propria auctoritate, & non sub prætextu licentiarum, ut ea de re consultat respondit S. C. C. in *Sabinen. 3. Julii 1632. Monacell. for. part. 2. form. 15. num. 14. tit. 15.*

In omni item casu, quo clausura, etiam non licentiarum prætextu, nec ad malum finem, per ingressum violatur, incurritur censura lata in *d. cap. 5. Tria.* quæ ibi non reservatur. Tamen ex stylo Curia in isto etiam casu pro absolutione recurritur ad Sacram Pœnitentiariam, ut notavit Pignatelli. *tom. 10. consult. 100. n. 25.*

Violatur etiam clausura ab introducentibus in eam pueros cujuscunque ætatis, ut dixi *cap. 32.*

Etiam Moniales extra clausuræ terminos absque Sedis Apostolicæ licentia egredientes, easque comitantes, & recipientes, ac concedentes licentiam, innodantur censura Papæ reservata, ex Constit. *B. Pii V. Decori* la 18. Bullar. *ibid.* in qua excipiuntur casus *magni incendii, lepræ, & epidimie*, prævia cognitione, & approbatione Episcopi. Sed nonnisi pro necessitatis tempore, ut ibi *tex.*

16 Non potest Monialis energumena, etiam à proprio Confessario, intra Monasterii septa exorcizari; sed id agendum est in Ecclesia exteriori coram duabus, vel tribus sæminis consanguineis, januis clausis, obtenta prius à S. C. licentia, ut in *Bononien. 14. Maii 1645.*

17 Moniales ascendentes supra tectum violant clausuram, ex Sac. Congr. Conc. in *una Comen. 16. Septemb. 1609. & in Licien. 16. ejusdem mensis*, quæ mandavit absolvi quasdam Moniales, quæ bona fide *Official. Cur. Eccl.*

ascenderant supra tectum ad siccanda frumenta, vel videndum aliquod festum, cum expressa prohibitione illuc ultra ascendendi, apud Nicol. cit. *v. Monialis numer. 35.* Ideò cautè legendus Diana *coord. tom. 5. tr. 1. resolut. 83. numer. 2.* Nam certè Monialis super tegulas gradiens, non dicitur esse in clausura, sed extra ambitum, & illius terminum.

18 Licentiæ à Sede Apostolica datæ mulieribus ad ingrediendum clausuram Monialium, exequendæ non sunt, nisi prævio Monialium consensu, capitulariter expectato; aliàs non suffragantur, ex Const. Urb. VIII. *Sacrofanctum* la 31. Bullar. *tom. 4.*

Habens licentiam intrandi pro uno servitio, si postea intret pro alio, violat clausuram. Sac. Congr. in *Pitavien. 1. Octobr. 1630. Nicol. v. Claus. num. 40.*

19 Confessarius debet ingredi clausuram cum cocta, & stola, & non aliter, S. Congr. in *una Lucen. 22. Decemb. 1620. Nicol. cit. n. 35.* Et semper debet secum habere focium maturæ ætatis, hoc est 40. annorum, quæ præsumitur ætas matura.

20 Appellatione clausuræ venit illud spatium muris cinctum, & terminatum, quod continetur intra januam Monasterii semper clausam, *tex. in c. Exivi de verb. signif. in 6. ubi* declaratur, nomine clausuræ venire dormitoria, claustra, & interiores officinas: inter istas non incongruè ponuntur horti. Unde Sac. Congr. Conc. 16. *Octobr. 1578.* censuit, hortos, vel silvas muratas, aut fovea circumdatas comprehendi sub clausura, Nicol. *v. Monial. numer. 34.* Legenda etiam est Constit. Gregor. XIII. *Deo Sacris* la 8. Bullar. *tom. 2.* ex qua habetur sub clausura contineri illud spatium, ad quod Sæcularibus sine licentia ingressus licet non patet.

Quare à Moniali violatur clausura, quoties toto corpore extra clausuræ terminum, etsi ad modicum tempus, se ponit; quia tunc verificatur, quòd egrediatur à Monasterio, & sit extra terminum clausuræ, quod non licet, ex d. Gregoriana; solum à mortali excusatur, si manum, vel pedem extra clausuram extendat, modò non toto corpore extra eam sit, ut per Donat. *prax. regul. tr. 4. tit. 4. q. 25.*

21 An autem Episcopus possit Moniales absolvere delinquentes, etiam se-

cretò circa violationem clausuræ: Resp. Negative, ut ex Sacr. Congr. Conc. refert Fagnan. in l. ad c. dilectus de temp. ordinat. n. 32. & 33. ubi consulta: *An, si Monialis alicuius Monasterii, jurisdictioni Regularium subiecti, secreto deliquerit in materia clausuræ, in foro conscientia absolvi possit vigore ejusdem decreti in cap. 6. sess. 24. de ref. ab Episcopo, cui tanquam delegato in iis, quæ ad clausuram pertinent, auctoritas tributa est decreto cap. 5. sess. 25. de Regul. stante prædicta Bulla B. Pii V. Decori.* Respondit *Non posse.* Quod in Fagnan. hoc fortè Pignatell. ubi supra, & Monacellus cit. p. 1. in append. ad not. ad Const. 8. B. Pii numer. 4. non observarunt.

Cum enim Bulla sit confecta post Concilium, censetur derogasse Concilio: & Bullam B. Pii habere locum etiam in occultis, recenset *ibid.* n. 31. fuisse à Summo Pontifice declaratum. Et n. 30. exscribit aliam Sac. Congr. Conc. declarationem, quæ interrogata: *Sed nunquid Episcopus facultate sibi tributa in d. c. 6. sess. 24. in casibus occultis post Concilium ex nova lege Sedis Apostolica reservatis, etiam cum clausula, Non obstantibus, absolvere possit?* Censuit *non posse.* Et in specie, cum dubitatum fuerit: *An Episcopus, & Inquisitores possint hodie ex d. cap. 6. sess. 24. absolvere lapsos in hæresim, non obstante Bulla Cæna Domini?* Censuit, *Bullam derogasse decreto c. 6. Fagnano in similibus fides est adhibenda: ad plures enim annos fuit S. Congr. à secretis, & inde optimè peritus in resolutionum notitia.*

C A P V T XII.

Officialis quoad Conciones.

S U M M A R I U M.

- 1 *Approbatio, & licentia Superioris est necessaria in Regularibus ad concionandum.*
- 2 *Petenda est etiam benedictio ab Ordinario.*
- 3 *Regulares, si Episcopus contradicat, nec in propriis Ecclesiis predicare possunt.*
- 4 *Omnes unius Conventus Concionatores nequit Episcopus suspendere.*
- 5 *Necessitas benedictionis petenda, quos casus, & loca comprehendat?*

- 6 *Cum Episcopus prædicat, Regulares docent, si ipse velit.*
- 7 *Possunt prohiberi, ne prædicent, cum prædicatur in Parochiali.*
- 8 *Ad prædicandum in Ecclesiis non suorum Ordinum, egent etiam licentia Episcopi.*
- 9 *Potest Episcopus examinare Regulares prædicaturos in Ecclesiis alienis.*
- 10 *Ex privilegio Provinciales Minorum possunt Concionatores approbare: ubi de examine præmittendo.*
- 11 *Stipendia Concionatoribus debentur, & à quibus?*
- 12 *Regulares non sibi, sed Monasterio ea acquirunt.*
- 13 *Fratres de Corpore Observantia pecunias Concionum recipere nequeunt.*
- 14 *Collatio stipendii pro concionibus non est simoniaca.*
- 15 *Finis Concionatorum qualis?*
- 16 *Disposita ab Alexandro VII. pro Concionatoribus Monialium, præsertim urbis.*
- 17 *Concionari non debent, nisi Sacerdotes, vel Diaconi.*
- 18 *Sedilia in Ecclesia Laicis permessa, removenda, dum sunt causa rixarum.*

NULLI Regularium concionari etiam in sui Ordinis Ecclesiis conceditur, quin prius per eiusdem Superiores, prævio morum, & scientiæ examine, ad exequendum munus approbetur, & licentiam obtineat, prout in terminis decrevit Trid. sess. 5. cap. 2. de reform. ibi: *Regulares vero cujuscunque Ordinis, nisi à suis Superioribus de vita, moribus, & scientia examinati & approbati fuerint, ac de eorum licentia, etiam in Ecclesiis suorum Ordinum, prædicare non possint.*

2 At id non sufficit, sed ulterius ab Ordinario benedictio est petenda, ut ibi: *Cum qualicentia personaliter se coram Episcopis presentare, & ab eis benedictionem petere teneantur, antequam prædicare incipiant.* Quod Gregorius XV. Constit. Inscrutabili 18. Bullar. tom. 3. & deinde Clem. X. Constit. Superna magni la 7. Bullar. tom. 5. confirmarunt.

Neque est necesse, quòd petens eam obtineat, ut per hæc ipse Clemens decrevit: *Regulares, qui in Ecclesiis sui Ordinis prædicare voluerint, teneri ab Episcopo Diocesa-*

no benedictionem petere : predicare tamen posse, quamvis illam non obtinuerint.

3 Intelligitur tamen, si Episcopus non prohibuerit : quia in casu Pontifex ibidem (sed prius Trid. sess. 24. cap. 4.) clarè exprimit non licere : *Quod si Episcopus benedictionem nedum non cencefferit, sed etiam contraxerit, nec in predictis quidem Ecclesiis licere Regularibus predicare.* Et statim subdit : *Episcopum tamen absque iusta, & rationabili causa contradicere non debere.* Quam causam non tenetur Regularibus significare, ut cum aliis testatur Antonellus de regimin. Eccles. lib. 7. cap. 13. sub nu. 6. Et videtur esse iuxta tenorem Constitutionis, in qua §. & eos, statuitur, Episcopum non teneri significare Regularibus causas, ob quas Confessarios à se simpliciter approbatos ad Confessiones sæcularium, ab iisdem audiendis suspendat.

4 Non posse tamen Episcopum generatim prohibere Regularibus, quin in Ecclesiis suorum Ordinum prædicent; idem Clemens subiungit. Propterea ad tempus potest in eisdem officium prædicationis, per aliquos Religiosos exercendum; interdicere; at non prosemper, & cum singulorum exclusione.

5 Necessitatem benedictionis petendæ ibidem extendit Pontifex etiam ad alios casus, & loca, his verbis : *Et huiusmodi benedictionem teneri etiam Regulares petere, si in quibuscumque Oratoriis sui Ordinis sermonem coram populo, vel in Ecclesiis, aut ad crates Monasteriorum Sanctimonialium eorum jurisdictioni subiectarum, licet clausis januis, & nullus sæcularis ibi interfuit, habere voluerint.*

Unde apparet, Pontificem loqui, tam de prædicatione, quæ habeat tractum successivum, in qua scilicet possit assignari principium, medium, & finis, ut potest in ea ad longum tempus, Quadragesimæ, scilicet, Adventus, & per Annum; quàm de illa, quæ unico absolvitur actu, ut evenit in Sanctorum festis, in quibus ab uno, vel altero habetur sermo ad populum. Et idem in una Vercellen. resolvit Sac. Congr. Conc. 31. Martii 1643. Pignatelli. tom. 1. consult. 268.

Verum non est necesse, quod pro singulis Concionibus Quadragesimæ, & ad aliud longum tempus continuatis, singulis diebus petatur benedictio; sed sat est petere in principio, & obtinere. Quod certè est

iuxta mentem Trid. d. sess. 5. cap. 2. in illis verbis, *Antequam predicare incipiant.*

6 Hora, qua vel ipse Episcopus prædicare, vel ab alio solemniter, & non private; concionem audire velit, debent Regulares à Concionibus in Ecclesiis propriis cessare, si ipse sic disposuerit; ut clarè habetur in Clementina *Dudum de sepult. §. nos autem &c.* ubi : *Ordinamus, dictorum Ordinum (Prædicatorum, scilicet, & Minorum) Fratres in Ecclesiis, & locis eorum, ac in plateis communibus, libere valeant Clero, & Populo prædicare, ac proponere Verbum Dei; hora illa dumtaxat excepta, in qua locorum Prælati prædicare voluerint, vel coram se facere solemniter prædicari.*

7 Imò prohibere potest, ne in suis Ecclesiis prædicent tempore, quo in Ecclesia Parochiali prædicatur : & hunc esse sensum Trid. sess. 24. c. 4. constat ex textu : *Moneat Episcopus populum diligenter, teneri unumquemque Parochia sua interesse, ubi commodè id fieri potest, ad audiendum Verbum Dei. Nullus autem Sæcularis, sive Regularis etiam in Ecclesiis suorum Ordinum, contradicente Episcopo, prædicare præsumat.*

8 In Ecclesiis vero (sequitur Trid. cap. 2. cit.) quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur; sine qua in ipsis Ecclesiis non suorum Ordinum, nullo modo prædicare possint; ipsam autem licentiam gratis Episcopi concedant. Quod confirmat Greg. XV. d. Constit. Inscrutabili.

Non solum pro Ecclesiis non suis egent licentia, sed etiam si in plateis, aliisque locis prædicare velint, ut habetur in Trid. d. sess. 5. c. 2. & sess. 24. cap. 4. ubi utitur adverbio etiam, quod ampliat præfata decreta ad sensum, ut nulli Regularium liceat prædicare in aliquo loco, quicumque sit, sine benedictione, vel licentia Episcopi, aut Episcopo contradicente; etiam si in Ecclesiis proprii Ordinis esset concionaturus. Donat. Prax. Reg. tom. 3. tract. 6. q. 19.

Et quia non sumus in iis, quæ spectent ad Ordinem, sed ad iurisdictionem, nomine Episcopi venit quilibet Ordinarius loci, quamquam Episcopus non sit.

9 Ab Episcopo facultatem concedente; item examinari possunt, ut Clem. X. ibidem : *Posse autem Episcopum licentiam concessurum Regularibus, in Ecclesiis, quæ suorum Ordinum non sunt, prædicare volentibus,*

illos, quamvis ab Universitatibus, aut Magistratibus laicis nominatos, etiam si Episcopi antecessores per tempus immemorabile hanc licentiam absque examine concedere consueverint, quoad doctrinam examinare, si ipsi arbitrio, quod moderatum, & discretum esse debet visum fuerit: & licentiam prædicandi semel in eadem concessam ob rationabiles causas, licet occultas, prædicationem tamen concernentes, suspendere.

10 In Ordine Fratrum Minorum ex vi Regulæ solus Generalis potest Prædicatores approbare; ex privilegio tamen Clementis IV. Constit. *Virute conspicuos* la 4. §. 6. Bull. tom. I. concedit Provincialibus, & definitioribus in Capitulis Provincialibus congregatis; sub quibus veniunt etiam Congregationes intermediæ, vim Capituli habentes, Marchant. in c. 9. *Regula S. Francisci* tit. unico q. 1. concl. 2.

Tenentur autem Superiores, priusquam patentes institutionis concedant, suos Religiosos examinare, ut de ipsorum idoneitate ad exercendum tanti ponderis ministerium iudicium forment; nec ad id satis est per litteras testimoniales instrui, quòd tanto tempore in studio Theologico fuerint occupati: nam, præterquam quòd plures inepti eliguntur, strictius onus Superioribus imponitur à Leone X. Constit. 21. Bullar. tom. I. ibi: Nullus, tam Clericus Sæcularis, quàm Regularis, ad huiusmodi officium exercendum admittatur, nisi prius per Superiorem suum respectivè diligenter examinatus (in qua re conscientiam ipsius Superioris oneramus) ac morum honestate, doctrina, probitate, prudentia, & vite exemplaritate ad illud aptus, & idoneus reperitur.

11 Quantum ad alimenta, & stipendia Concionatoribus debita, Trident. d. sess. 24. c. 4. per hæc modum præscribit: *Mandat*, ut in Ecclesia sua ipsi (Episcopi) per se & Co. in aliis autem Ecclesiis per Parochos (scilicet prædicent) sive, iis impeditis, per alios ab Episcopo, impensis eorum, qui eas præstare, vel tenentur, vel solent deputandos.

Tenentur autem, qui Prædicatorem nominant, & eligunt, alique, qui, quamquam eundem non eligant, consueverunt tamen eidem stipendia præstare, si consuetudo non adsit, obligari Parochum de redditibus beneficii, firmat Sperellus dec. 70. n. 15. & ubi non sufficiunt, cogendus est po-

pulus in subsidium; nisi aliunde certi repariantur redditus, ad id relict: videatur Pannimoll. decif. 91. adnot. 2.

12 Sibi tamen Concionatores, si sint Regulares, stipendium non acquirunt, sed immediatè Monasterio, Donat. tom. I. part. 2. tract. 11. quest. 3. & in terminis cap. exiit in 6. de verborum significatione §. Ne alium, ibi: *Monachus res sibi oblatus, concessas, vel donatas, Monasterio acquirat*. Et Conc. Trident. sess. 25. de Regul. & Monial. cap. 2. *Nemini igitur Regularium*, ait, tam virorum, quàm mulierum, liceat bona immobilia, vel mobilia cuiuscumque qualitatibus fuerint, etiam quovis modo ab eis acquisita, tanquam propria, aut etiam nomine Conventus possidere, vel tenere; sed statim ea Superiori tradantur, & Conventui incorporentur. Idem legitur in decret. pro reform. Regul. Clem. VIII. §. 3. innovatis ab Urban. VIII. Constit. *Nullius sub* la 28. Bullar. tom. 4.

13 Pro illis de corpore Observantiæ, siue sint Observantes, siue Reformati, Discealceati, & Recollecti (quibus ex Regula, & Constit. Nicolai III. Clem. V. & Innoc. XI. est prohibita quælibet civilis receptio, & contrectatio pecuniæ) Capit. Generale Toler. 1633. tit. de Prædicatoribus (cujus statuta olim confirmata fuere ab Urbano VIII. Orb. Seraph. tom. 4. tit. de Prædicatoribus) sic statuit: Prædicatores quicunque elemosynas Prædicationis prætextu oblatus penitus non recipiant; nec de illis sub quovis prætextu, vel quæsito colore disponere, aut quomodolibet tractare presumant, & audeant: sed si, absoluta Prædicatione, vel ante contigerit fieri, a quovis genere personarum, Prædicatoribus ipsi elemosynarum oblationem, respondeant, Syndicis Conventuum dumtaxat liberè, & integrè transmittendum, & consignandum fore. Addit contra transgressores pœnas. Quòd si constiterit quempiam Prædicatorem per se, aut per alios pecuniam recipere, vel recepisse, proprietatis pœna omnino puniatur, & actibus legitimis per sexennium privetur: quam pœnam etiam Guardiani subeant, si eorum culpa, vel negligentia contraxerit contingerit. Quod totum in forma specifica Const. Exponi nobis sub die 16. Octobris 1685. confirmavit Innocentius XI. Directorium Trium Ordinum. Const. 6. eandem per extensum referens

rens. Et Urbanus VIII. *Const. Militantis* la 283. *Bull. rom.* 5. pro restituendo, & conservando disciplinæ Regularis candore in Ordine memorato, hæc cæteris addit: *Omnibus, & singulis prædictis Ord. Concionatoribus, ultra pœnas in proprietarios per ejusdem Ord. statuta fulminatas, in virtute sanctæ Obedientiæ, & sub privatione Officiorum, quæ obtinent, ac perpetua inhabilitatis ad quæcumque officia, gradus, & dignitates in posterum ipso facto incurrendis, præcipimus, & mandamus, ut de prædictis eleemosynis per se nullo modo disponent, nec eas ab offerentium manibus in suas recipiant, vel in Procuratoris, vel alterius deponi faciant, sed easdem integras Superiori Provinciali significant, qui de illis juxta Regulæ præscriptum disponat.*

14 Neque excusatur quis ab onere præstandi concionatori, præter alimenta, stipendium, ex capite, quod talis consuetudo, vel pactio de mercede sit nutritiva peccati, utpotè simoniaca; quia id esset verum, quando daretur pro ipsa concione, ut actio spiritalis est, pro qua certè merces minimè datur; sed confertur dumtaxat pro servitio, & laboribus extrinsecis, per accidens adiunctis, præviis, vel comitantibus ipsam actionem sacram; ut est, se conferre de loco ad locum, locare suam libertatem, ac ea se privare, se obligando ad prædicandum in tali loco, & pro tanto tempore, Quadragesimæ, Adventus, vel alio, ad quæ gratis præstanda quis non obligatur; quæ omnia sunt quid temporale, & pretio extimabilia, adeoque digna mercede: quæ proinde sine labe simoniaca conferri potest, ut cum aliis tenet Engel. *Collect. univ. Jur. Can. lib. 5. tit. 3. §. 3. numer. 5.* Sperellus *decis. alleg. a. num. 13.*

15 Et ex eo plures volunt posse concionatorem, quin simoniacus censeatur, quætere concionem, in qua pinguius colligantur eleemosynæ; verum, licèt in casu ex dictis excusetur à simonia, tamen ab avaritia non est immunis: potius enim quærenda sunt loca ad Deo fructificandum aptiora, quam ad sibi temporalia lucranda, Sperell. *n. 14. vid. infr. c. 49.*

16 Pro concionatoribus in Ecclesiis Monialium præsertim Urbis Alex. VII. *Const. Sacrosancti* 50. *Bullar. rom.* 5. §. 4. decrevit, ut infra: *Confessores quoque, & concionatores nihil omnino quovis prætextu à Moniali- Official. Cur. Eccl.*

bus accipere possint sub eisdem pœnis (§. 3. enumeratis) præter duos Julios moneta prædictæ in pecunia numerata, si per institutum regulare licuerit, pro quotidianis eorum alimentis ad tempus servitii præstiti, & non ultra, Procuratori Conventus respectivè solvendos; sin minus, equivalentem vini, frumentique portionem Syndici consignandam.

17 Munus concionandi in praxi regulariter committendum non est, nisi Sacerdotibus, vel constitutis in ordine Diaconatus, ut S. C. Episc. in *Caputaquen.* 14. *Decemb.* 1696. Quod expressum fuit in edicto publicato anno 1705. de mandato Clement. XI. pro observantia ritus servandi in publica expositione SS. Sacramenti tempore 40. horarum, Monacell. *for. part. 2. for. 8. tit. 13. num. 6.*

18 Hic ad rem est subnectere, quod, cum occasione sedilium, & scamnorum sæpe Laici inter se certent, & inde scandala oriantur, debeat Episcopus in suis Ecclesiis providere, ut nova sedilia in eis non apponantur sine ejus licentia. Ipse enim est arbitrer illa moderandi, & removendi: maximè, dum sunt causa scandali, & rixarum, impediuntque Ecclesiasticas functiones, ut sæpius resolvit S. C. Episcop. apud Nicol. *flosc. v. Ecclesia num. 11.* & apud d. Monacell. *part. 1. formul. 8. tit. 5. num. 4.* S. R. C. in *Verulana* 6. *Septembr.* 1698. Quinimò tolerari non debent extra tempus concionum, ut apud d. Nicol. *ibid.* S. C. 14. *Septemb.* 1588. usus enim sedilium, quæ Laici habent in Ecclesia, provenit ex benignitate, tolerantia, & ex gratia revocabili ejusdem; propterea ipsi non possunt, ipsa Ecclesia renuente, servitutem, aut quasi possessionem manutenibilem acquirere, vel prætere, ut fuit ponderatum in d. *Verulana* apud cit.

Eadem sollicitudine debent Superiores Regulares attendere, ne in suis Ecclesiis ea de causa rumores, & scandala oriantur: & in casu procedant juxta evenientes circumstantias.

CAPUT XIII.

Officialis quoad Confessarios
Monialium.

SUMMARIUM.

- 1 Moniales quolibet mense Confessionem facere debent.
- 2 Confessarii, etiam exemptarum, ab Ordinario approbantur.
- 3 Non sufficit eos esse approbatos ad confessiones secularium.
- 4 Approbatus pro uno Monasterio, non censetur pro alio approbatus.
- 5 Approbatio Confessarii extraordinariis necessaria, & quoties?
- 6 Colloquia prohibita cum Monialibus, & pœna.
- 7 Modus observandus ab Ordinariis in approbatione Confessorum Monialium.
- 8 Triennium præscribitur Confessariis ordinariis, & eorum ætas.
- 9 Confessarii ordinarii non accedunt ad Monasterium tempore, quo est deputatus Confessarius extraordinarius: & plura alia.
- 10 Confessarii Monialium tempore Jubilei debent approbati ab Ordinario.
- 11 Nomine Prælati intelliguntur etiam Episcopi.
- 12 Episcopi pro suis Monasteriis possunt deputare Regulares, & Confessores.

DE rigore præcepti obligantis sub mortali (nisi per propria Monasteriorum statuta aliter sit provisum) non tenentur Moniales, nisi ad annuam confessionem, sicut cæteri fideles; nihilominus S. Conc. Trid. saltem quolibet mense, semel confiteri desiderat; & idè sess. 25. de Regul. & Monial. cap. 10. sic disponit: *Attendant diligenter Episcopi, & cæteri Superiores Monasteriorum Sanctimonialium, ut in Constitutionibus earum admoncantur Sanctimoniales, ut, saltem semel singulis mensibus, confessiones peccatorum faciant, & Sacrosanctam Eucharistiam suscipiant.*

2 Quarum Confessarii debent esse ab Ordinario loci approbati, etiam pro illis, quæ Regularium gubernio sub sunt, prout ex Const. Inscrutabili Gregorii XV. 18.

Bullar. tom. 4. ibi: Confessores verò, sive Regulares, sive Saculares quomodocumque exempti, tam ordinarii, quàm extraordinarii, ad confessiones Monialium, etiam Regularibus subjectarum, audiendas, nullatenus deputari (scilicet per Regulares) valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant. At pro istis præsentandi, & proponendi sunt à propriis Prælati Episcopo, & Ordinario, ut approbentur, & ad munus exequendum judicentur idonei, ac facultatem audiendi confessiones recipiant, arg. ex ipsa Constitut. & Textu Trident. ac ex Clement. Dudum de sepulturis, §. Statuimus. Quam, quoad formam præsentandi Ordinariis Religiosos deputandos in Confessarios, non esse revocatum per Decretum Trid. sess. 23. cap. 15. de reform. numer. 7. tradunt DD. à Barbosa ibid. alleg. cum quibus ipse firmat, Episcopos non approbare Regulares in Confessarios, nisi à Prælati suis, sibi met, saltem interpretativè, præsententur. Videatur Tamburin. de jure Abbatis. disp. 16. quesit. 2. num. 3.

3 Nec sufficit. Regulares approbatos esse ad sæcularium confessiones, sed est necessaria specifica approbatio pro Monialibus: ut in terminis Constitutio Superna Clem. X. 7. Bull. tom. 5. ibi: *Et generaliter (Religiosos scilicet) approbatos ab Episcopo ad personarum secularium confessiones audiendas, nequaquam censi approbatos ad audiendas confessiones Monialium sibi subjectarum, sed egere quoad hoc speciali Episcopi approbatione.*

4 Qua item eget approbatus pro uno Monasterio, cum non censetur pro omnibus approbatus, juxta text. ibid. Atque approbatus pro audiendis Confessionibus Monialium unius Monasterii, minime posse audire Confessiones Monialium alterius Monasterii.

5 Id qua pro Confessoribus extraordinariis hæc sunt; *Idemque Confessores extraordinarios semel deputatos, atque approbatos ab Episcopo ad Monialium Confessiones pro una vice audiendas, hanc posse, expleta deputatione, in vim approbationis hujusmodi illarum Confessiones audire; sed toties ab Episcopo esse approbandos, quoties casus deputationis contigerit.*

6 Utrique Confessario extra actum Con-

Confessionis interdicuntur cum Monialibus colloquia, ab Alex. VII. Const. *Sacro-sancti* la 50. Bull. tom. 5. in qua §. 2. ex verbis narrativis constat, aliàs id per Sanctam Sedem fuisse decretum; quod & ipse §. 3. innovat, & confirmat, (& præsertim pro Monialibus Urbis) & §. 6. addit: *Præterea interdicimus omnibus, & singulis prædictis* (Confessoribus, Concionatoribus, & Superioribus omnibus) *sub eisdem pariter pœnis, colloquia quacumque cum Sanctimonialibus prædictorum Monasteriorum* (comprehensis etiam Abbatissis, Priorissis, & Officialibus) *extra actum Confessionum, concionum, aut visitationum hujusmodi: adiecta &c.* idem ex Sac. Congr. in una *Nolana* 21. Februar. 1617. apud Tamburin. disp. 24. quest. 3. n. 5. Prohibitio comprehendit etiam socios, & alios Regulares, ut *ibid.* Alex.

Pœnæ autem, quas Alex. §. 3. in transgressores apponit, sunt, privatio vocis activæ, & passivæ, ac officiorum, & inhabilitas &c. redintegratione sibi, & successoribus Romanis Pontificibus reservata. Aliâ videas in Const. *Felici* c. 11. n. 2.

7 Modus in ordinariorum Confessorum approbatione ab Episcopis observandus sequenti epistola Ordinario Catanen. à Sac. Congreg. Episcoporum & Regular. sub die 4. Maii 1696. directâ, continetur, ut infra: *Riferito in Sagra Congregazione dall' Eminentissimo d'Adda tuttocio, che V.S. hà rappresentato in ordine all'approvazione fatta da lei per un sol'anno del Confessore ordinario, deputato dal Provinciale della Provincia Osservante di Sicilia per le Monache del Monasterio di S. Chiara d'Aderno di cotesta Diocesi, soggetto all'Ordine de' Minori Osservanti di S. Francesco, questi Eminentissimi miei Signori sono stati di senso, ch' Ella ò ammetta il Confessor deputato à compire il triennio, o assolutamente rigetti; e che in avvenire debba così osservarsi dal principio dell'approvazione di simili Confessori. Glie lo significo, & il Sig. Dio la prosperi.*

8 Triennio dumtaxat à die obtentæ patientis Confessarii ordinarii durant: eoque elapso, sub pœna suspensionis ab audiendis Confessionibus, non posse amplius in eodem Monasterio per aliud triennium Confessiones audire, pluries reperitur à Sac. Cong. dispositum, Nicol. *Flosc. verb. Moniales* n. 43. & *verb. Confessarius* numer. 36.

Pro assumptis de Ordine Minor. de Obser. Const. *Sambucane* cap. 11. §. 17. numer. 5. sic disponunt: *Confessores, & Vicarii Monialium non possunt durare ultra triennium in eodem Conventu, nec denuò institui possunt, nisi triennio vacaverint; & exigunt quadragessimum ætatis annum nu. 1.* Quod extendi etiam debet ad Confessores extraordinarios, prout pro Reformatis declaravit Sac. Congreg. Concil. in una *Cusentina* sub die 26. Novembris 1689. lib. 39. Decret. fol. 340. à tergo.

9 Confessarius extraordinarius est ex officio ab Episcopo, & aliis Superioribus bis, aut ter in anno Monialibus assignandus, juxta præscriptum à Trid. sess. 25. de regul. c. 10. Nam procedit per, verbum imperativum, *offeratur*, quod debitum importat. Et licet Moniales non teneantur eidem confiteri, si nolunt (quia, cum sit concessio eis favorabilis, non debet in illarum gravamen retorqueri, ut post Gallemart. & Donatum notavit Monacellus *for. p. 2. for. 4. num. 4. tit. 9.*) tamen debent ipsæ se præsentare, ut ab eo monita salutis recipiant, & actum subjectionis exerçant: juxta dispositionem pro Monialibus urbis editam ab Eminentissimo Cardinali Vicario, approbante Clemente XI. sub die 12. Decembris 1708. imposita Abbatissis pœna privationis officii, & cæteris Monialibus illa privationis vocis activæ, & passivæ ad annum. Sub quibus pœnis prohibentur tempore deputationis Confessarii extraordinarii confiteri ordinario; in quem pœna suspensionis ab audiendis Monialium Confessionibus infligitur, si pro eo tempore ad Monasterium, & Ecclesiam accedat. Idem pro Confessariis de Ord. Min. de Obser. disponunt Statuta *Sambucana* cap. 11. §. 1. num. 12.

Confessarii non debent se negotiis temporalibus Monialium immiscere nisi urgens necessitas exigat. Nec ad alios usus, res, & negocia debent convertere loca, in quibus Confessiones Monialium excipiuntur, & per quæ eis Communio ministratur.

Non possunt ingredi clausuram ad effectum funeris peragendum, sepelendiſve corporibus Monialium defunctorum. Nam Constitutio Alex. *Felici* alleg. cap. 11. num. 2. specificat actus ad licitum ingressum in clausuram, adiecta dictione, *nisi*, quæ est exclusiva cæterorum, per Sperellum

decif. 66. numer. 32. Et Sac. Congr. Episc. 4. Septemb. 1583. apud Gavant. manual. Epif. v. Monialium clausura num. 40. & 30. Ianuarii 1582. apud Nicol. Flosc. v. sepult. nu. 6. respondit, Confessario non licere ingredi Monasterium Monialium ad effectum sepeliendi Moniales, vel peragendum Officium funeris. Neque consuetudo excusat à censura inflicta adversus violatores clausuræ; nec ab ea, quæ habetur in litteris Alexandri: qui omnibus, & singulis etiam consuetudinibus, quoad ea, quæ statutis in præcitata Constitutione adversantur, expressè, & specialiter derogat: sublata cuiuslibet facultate, & auctoritate aliter iudicandi, & interpretandi, ac adjecta clausula Decreti irritantis, prout plenius in textu.

10 Vigore Jubilæi nequeunt Moniales eligere in Confessorem Sacerdotem, ad illarum Confessiones audiendas non approbatum, juxta textum Constitut. Gregorii, & Clementis. Præsertim etiam, quia non approbatus in specie pro Monialibus, idoneus pro illis non judicatur: sicut approbatus restrictè pro viris, non censetur idoneus pro feminis, Quilic. *Confess. manu. dult. q. 1. art. 1. n. 12.*

At dubium potest esse de approbato pro uno Monasterio: an vigore Jubilæi possit eligi à Monialibus Monasterii distincti? Et resolvendum est negativè ex verbis Clementis, qui absolutè, & simpliciter statuit: *Approbatos pro audiendis Confessionibus Monialium unius Monasterii, minime posse audire Confessiones Monialium alterius Monasterii.*

11 Et in aliis terminis reperitur dispositum ab Urbano VIII. Constit. *In speculata 106. Bullar. Cherubini tom. 4.* declarante Bullam Cruciatæ, & cætera indulta Regularibus, & Monialibus non suffragari, quantum ad illum articulum eligendi Confessarium independentè à suis Superioribus Prælati; nomine autem Prælatus in re ad Confessionem spectante, in casu veniunt & ipsimet Episcopi, sine quorum licentia nullus, etiam Confessarius aliàs approbatus, excepto actualiter deputato, potest ad Monasterium Monialium accedere. Quæ sententia videtur securior, & quo ad praxim communior; adeo ut, qui sine hujusmodi Ordinarii deputatione id exequi non timeret, præter mortale peccatum, ob gra-

vitatem materiæ, posset ab eodem, uti Sedis Apostolicæ Delegato, tamquam Apostolicarum Constitutionum transgressor, & Episcopalis jurisdictionis perturbator puniri.

12 Possunt Episcopi pro suis Monasteriis deputare Confessarios Regulares, si adsit necessitas, & licentia S. Congregationis, juxta rescriptum Sac. Congr. Venetiarum Patriarchæ, ut infra.

Molt' Illustrè, e Reverendiss. Sig. come fratello. Stante la penuria, che è in questa Città di Sacerdoti Secolari ad esercitar il carico di Confessori di Monache sottoposte alla cura, e governo di V. S. come per parte di Lei è stato rappresentato alla Sacra Congregazione, si contentano questi Illustriss. miei Sig. ch'essa possa valersi à quest'effetto dell'opere de' Regolari, non ostante li Decreti della medesima Sacra Congregazione; che proibiscono a' Vescovi di servirsi di confessori Regolari per confessori delle Monache soggette all' Ordinario: mentre però ella faccia provvisione di Padri qualificati, & esemplari, di età di 45. anni, & atti à dar soddisfazione, e consolar le Monache nelli loro bisogni spirituali, e purchè i medemi Regolari non continuino simil carico oltre il triennio. Dio la preservi. Roma li 7. Giugno 1620. vide Monacell. for. p. tit. 5. ad for. 5. pag. 199.

C A P V T XIV.

Officialis quoad Confraternitates.

S U M M A R I U M.

- 1 Quid sit Confraternitas?
- 2 Disposita à Clemente VIII. super Confraternitatum erectionibus.
- 3 Non limitantur erectiones Confraternitatum S. S. Sacramenti.
- 4 Confraternitates non possunt interdicare actus devotionis: & transactiones annullantur &c.
- 5 Possunt Episcopi visitare Confraternitates erectas in Ecclesiis Regularium.
- 6 Confraternitates debent providere Alimenta de necessariis.
- 7 Patres Conventuales possunt Confraternitates Cordigerorum ubique locorum erigere.
- 8 Ubi Conventuales non sunt, Observantes erigunt.

9 *Distinctio Confraternitatis Cordigero- rum à Tertio Ordine S. Francisci .*

10 *Confraternitates Rosarii erigunt Superiores Generales Ordinis Prædicatorum .*

11 *Confraternitates eriguntur absque præiudicio iurium Parochialium .*

Nomine Confraternitatum (desumpta denominatione à Confratribus, hoc est, à quasi Fratribus, simul in pace, & charitate, sub certis legibus respicientibus divinum cultum, unitis) veniunt Collegia Personarum liberè ad exercitia pietatis sub alicujus Sancti titulo, & protectione exequenda congregatarum .

2 Quarum ut una esset apud omnes erectionis, & aggregationis forma, Clemens VIII. Constitutionem edidit, incip. *Quæcumque à Sede* 115. *Bull. tom. 3.* in qua plura quoad hoc observanda præscribit : quæ summarè huc transfero .

I. Statuit, unicam tantùm Confraternitatem ejusdem instituti, & generis posse in Ecclesiis Laicorum, & Regularium institui, & aggregari .

II. Quòd id fiat de consensu Ordinarii, & cum litteris testimonialibus ejusdem .

III. Quòd instituentes, vel aggregantes Confraternitatem, eidem expressè, & in specie communicent Privilegia, Indulgentias &c. Ordini instituenti, vel aggreganti nominatim concessa ; non verò ea, quibus per Privilegium communicationis gaudet .

IV. Quòd statuta Confraternitatum examinentur, & approbentur ab Ordinario loci, & corrigi possint .

V. Quòd in aggregandis, & instituendis Confraternitatibus fervetur formula ab eodem Pontifice approbata .

VI. Quòd Gratiæ, & Indulgentiæ Confraternitati communicatæ, prævia cognitione Ordinarii dumtaxat promulgentur .

VII. Quòd Confraternitas eleemosynas, & alia charitatis subsidia excipiat iuxta formam per Ordinarium præscribendam .

VIII. Quòd dictæ eleemosynæ pro arbitrio Ordinarii in utilitatem Ecclesiæ, alioquinque pios usus erogentur .

IX. Quòd Confessarii Confraternitarum sint ab Ordinario approbati .

X. Quòd, si sint Regulares, à propriis etiam Prælatibus approbentur ; & absolvant

Confratres iuxta Privilegia eisdem concessa, dummodò sint in usu, nec Concilio Tridentino, cæterisque Pontificum Constitutionibus adversentur .

XI. Quòd Confratres non possint absolvi à casibus infra scriptis .

1 Contentis in Litteris Bullæ Cœnæ .

2 Violationis Immunitatis Ecclesiasticæ .

3 Violationis clausuræ Monasteriorum Monialium ; si ingressus fuerit sine urgenti causa, & absque Superioris licentia, vel cum istius abusu .

4 Iniectionis manus violentæ in Clericum .

5 Singularis certaminis, seu duelli .

6 Et ab aliis Sedi Apostolicæ, & Ordinario loci respectivè reservatis, & pro tempore reservandis .

7 Nec non à quavis excommunicatione ab homine lata .

8 Neque super irregularitatibus valeant dispensari .

XII. Quòd litteræ erectionis, & aggregationis gratis dentur .

XIII. Quòd priùs erectæ novas erectionis litteras petant iuxta formam ab eo approbatam ; alioquin erectiones, & institutiones abolentur, & annullantur .

XIV. Deinde apponit decreta roborantia, decretum irritans, & alias fortes derogatorias, & non obstantias .

3 Et quamvis firmet unicam tantùm institui debere ; tamen, quantum ad illam Sanctissimi, Sacramenti, sub die 7. *Februarii 1607.* cum approbatione Pauli V. Sac. Congr. Indulgentiarum declaravit, prout sequitur : *Ma nell' istituire nuove Confraternite vogliono le Signorie Illustrissime, che una sola se ne possa fare in qualunque Città, Terra, o luogo, eccettuando però la Compagnia del Santissimo Sacramento, quale concedono, anzi desiderano, che sia eretta in ogni Chiesa Parochiale, non ostante, che ci si trovi eretta prima qual si voglia altra Confraternità.* Lauretus de Franchis *controver. Episc. & Regul. 1. par. n. 231.* Lantusc. *ver. Confraternitas num. 9.*

Quod dicitur de Societate Sanctissimi Sacramenti, ampliandum est ad illam Doctrinæ Christianæ, iuxta Litteras circulares Innoc. XI. Episcopis directas 22. *Iunii 1686.*

4 Ex suppressione Societatis, vel actuum

ctuum sub prætextu fodalitatis faciendorum, non potest Confraternitas anterior in loco, erecta v.g. sub titulo S. Antonii, descendere ad concludendam quoque privatam actuum ex devotione exercendorum in alia ejusdem loci, & Sancti Ecclesia; quia cum sint diversa, & ex diversis non fiat illatio, ut notavit Sperellus *decis.* 138. *num.* 73. de uno ad aliud non tenet discursus; & quævis ea de re inducta transactio, utpotè in casu non transigibili, aliavè amicabile compositio astipulata, tamquam publicæ Sanctorum venerationis inimica, fideliumque læsiva pietatis, nulla, itemque rescissione digna censetur, prout in simili fuit pronunciatum in Prætorio A. C. Aldrovando 19. Febr. 1701. in actis Francischini Notarii.

5 Disponit Trid. *sess.* 23. *cap.* 8. de reform. habere Episcopos, etiam tamquam, Sedis Apostolicæ Delegatos, jus visitandi Confraternitates Laicorum, dummodò sub immediata Regum protectione non sint; & cum exceptio firmet regulam in contrarium, sequitur, eorumdem visitationi omnes alias, existens etiam in Ecclesiis Regularium, subijci.

6 Ideò possunt erectas cum usu sacrorum in eorundem Ecclesiis, visitare in iis, quæ respiciunt administrationem, & adimplementum onerum, vel relationem habent ad Confratres, ipsorumque Capellas, & Altaria quoad onera, adeout si Confraternitatibus incumbit onus manutenendi Altare, & illius cultum, Episcopus potest visitare circa ea, quæ respiciunt ipsam maintenancem, cultum, & ornamenta Altaris, seu Capelle, onera Missarum, atque Divinorum Officiorum ibidem celebrandorum, & circa ea omnia, quæ ad obligationem eorundem Confratrum relationem habent; prout in terminis censuit S. Congr. Conc. in una Nucarina Paganorum 23. Iunii 1629. Decretum per extensum refert Monacell. *formul. part.* 1. *formul.* 1. *tit.* 5. *numer.* 8. & sub anno 1698. 14. Novembris fuit à Sacr. Congr. Episc. rescriptum Episcopo Giracen. prout sequitur: *Questi Eminentissimi miei Signori mi hanno comandato di significarle, che da questa Sacra Congregazione de Vescovi, e Regolari è stato più volte risoluto, che gli Ordinarij possono visitare le Confraternite, de' Laici erette nelle Chiese de' Regolari, e d' altre persone esenti, non*

*solo in quanto à li beni, & entrate loro, con rivedere i conti, mà anche le Capelle stesse, in quanto à quello, che riguarda l' amministrazione, & altri obblighi personali, che spettano alla Compagnia, e Confrati ascritti à quella: cioè in riconoscere, se l' entrate, & elemosine, che si danno per adornare, e mantenimento della Capella, e per accrescere ivi il culto Divino, e devotione del Popolo, siano spese fedelmente, e con effetto s' impiegano ad utilità, & in beneficio della stessa Capella, e non in altri usi; non toccando però il restante, che spetta alla cura, e total' amministrazione de' Frati, e Regolari, che son Padroni di tutto il Corpo della Chiesa, dove sono dette Capelle, e Confraternite: come gli Altari, Immagini, & altre cose materiali, & utensili sacri applicati à quelle, sopra de' quali ne i Vescovi, nè altri Ordinarii hanno da ingerirsi, ne usar, alcuna giurisdizione, o soprintendenza, à segno tale, che non l' è permesso usar alcun atto giurisdizionale nelle sudette Chiese de' Regolari, fuora di quanto s' è detto di sopra. Onde V. S. dovrà governarsi in questa conformità, che tale è sempre stato il senso della Sacra Congregazione. Quomodo autem potest Ordinarius inspicere, an fideliter sint erogatæ elemosynæ juxta testatorem voluntatem, nisi ad ipsa loca accedat, id visurus, & inspecturus? A quibus adnexis si præcindas, idem non licere jam liquet; quod aliis verbis, sed non sensu significat Lezan. *sum. quest. Regul. tom.* 2. *cap.* 15. *num.* 27.*

Hujusmodi Laicorum Confraternitates tenentur manutenere, & providere Altaria, ad quæ sunt erectæ, de luminariis, fabrica, & aliis necessariis, tam ad Altaris ornatum, quàm ad Missæ Sacrificii celebrationem; quia ex ponderatis à Panimolla *dec.* 15. *nu.* 9. ex Barbof. de *Offic. & potest. Episc. alleg.* 64. n. 16. & Genuensi in *praxi*, per erectiones ad dicta Altaria factas, censentur, & reputantur se obligasse ad manutenendum ea de præfatis, perinde ac si essent Altarium patronæ.

7 Confraternitatem Cordigerorum possunt ubique in propriis Ecclesiis erigere Patres Conventuales ex concessione Sixti V. Const. Ex *superne dispositionis* 13. Bullar. *tom.* 2. qui eorundem Archiconfraternitatem in Ecclesia S. P. Francisci Assisien. ipse primò instituit; cui ex tunc omnes alias Cordigerorum Confraternitates imposteorum erigendas aggregavit.

8 In locis verò, in quibus Fratres Min. de Obs. & non ipsi Conventuales existunt, easdem in suis tantum Ecclesiis, illis erigere conceditur à Paulo V. Const. *Nuper Archiconfraternitatis* 25. Septembris 1607. Lantusc. verb. Confraternitas num. 3. Postremo præfata confirmavit, ac nuper concessit, & ad partes etiam Indiarum Orientis, & Occidentis extendit Clem. X. sub die 13. Julii 1673. Const. *Dudum felicitis*, in qua circa medium sic habetur: Nos igitur ipsos Franciscum Mariam Procuratorem Generalem, ac Ministrum, & Commissarium Generales specialibus favoribus &c. huiusmodi supplicationibus inclinati, facultatem erigendi, & instituendi Confraternitates Cordigerorum S. Francisci utriusque sexus in Ecclesiis Fratrum Minorum ejusdem Sancti Francisci de Observantia à memorato Paulo prædecessore concessam, ut præfertur, expeditasque desuper ipsius Pauli prædecessoris litteras prædictas, cum omnibus, & singulis in eis contentis, auctoritate Apostolica, tenore præsentium perpetuò confirmamus, & approbamus, ac innovamus, illisque inviolabilis Apostolica firmitatis robur adiicimus, ac eisdem Ministro, & Commissario Generalibus, eorumve cuilibet, ejusmodi Confraternitates Cordigerorum S. Francisci in Ecclesiis eorum Ordinis tantum, ubicunque, etiam in Indiis, tam Orientalibus, quam Occidentalibus, consistentibus, in locis tamen, ubi non sint Ecclesia, vel Conventus prædicti Ordinis Minorum S. Francisci Conventualium, erigere, & instituere, illisque omnes, & singulas Indulgentias, & peccatorum remissiones, & pœnitentiarum relaxationes, aliasque gratias spirituales præfatas, servata tamen dictarum Constitutionum Sixti, & Clementis, ac litterarum Pauli prædecessorum prædictorum forma, & dispositione, communicare licuisse, & deinceps perpetuis futuris temporibus licere, auctoritate, & tenore præsentium, declaramus &c. Regestum 22. Curia Cismontana Ordinis Minor. de Obser. ab anno 1670. usque ad 1674.

Ex quibus discurritur, facultatem erigendi d. Confraternitatem Ordini Minorum competere privativè quoad alios quoscunque, quia idem Sixtus d. Const. *Exsuperna*, vult cordam, quam Confratres gerunt, debere prius esse à Superioribus Ordinis benedictum. Quod per hæc confir-

mat Paulus V. Const. cit. *Omnibus utriusque sexus Christi fidelibus, qui in memoriam ejusdem S. Francisci cordam benedictam, ab ejusdem Ordinis Superioribus suscipientes, prædictam Archiconfraternitatem de cetero ingredientur.*

Formulam in erectione servandam refert Lantusca cit. num. 2.

9 Cordigerorum Societatem à tertio ejusdem S. P. Francisci Ordine, qui de Pœnitentia nuncupatur, distinguimus: nedum, quia iste ab ipso S. P. Francisco sub anno 1221. originem habuit, Ord. *Seraph. tom. 2. lib. 12. c. 1. pag. mihi 785. numer. 2.* illam verò instituit ejusdem Seraphici Patris filius, Sixtus V. ut in dicta Constitutione *Exsuperna*; sed etiam, quia Cordigeri fune dumtaxat à Superioribus benedicta cinguntur, & quibusdam solis statutis ab Ordinario, & non aliqua Regula ex illis à S. Sede approbatis, reguntur: cum ex opposito Tertiarii huiusmodi Regula gubernentur; & præter cordam (quam eis expressè concedunt statuta cap. 3. à Paulo III. Const. *Ad fructus* 5. Nonas Julii 1547. confirmata, *Direct. Trium Ord. pag. 28. n. 16.* & alia desumpta ex *Speculo Seraphico*, apposita ad cap. 3. *Regule Nicolai IV. idem pag. 71.* & approbata ab *Innoc. XI. Const. Ecclesie Catholica* die 28. Junii 1686. loco cit. const. 2. pag. 151.) utuntur etiam habitu distincto, vel saltem amplo scapulari, iuxta locorum consuetudinem, & professionem emittunt, Lexan. loc. cit. part. 2. verb. *Tertiarii cap. 14.* Ad quem solummodò debent recipi per habentem à Ministro Gener. facultatem recipiendi ad ipsum; ut idem Paulus cap. 2. de quo plura cap. 52.

10 Confraternitates Sanctissimi Rosarii erigunt, & instituunt Sacri Ordinis Prædicatorum Magistri, vel Vicarii Generales, & per eos deputati Fratres, etiam in sæcularibus Ecclesiis, prout Sixtus V. Const. *Dum ineffabilia* 21. Bullar. rem. 2. ubi ipse Pontifex confirmat, & innovat privilegia, & Indulgentias à Prædecessoribus, Confraternitatibus Rosarii concessa.

Cæterum in erectione, & institutione: similem Confraternitatum est servanda locorum distantia per Constitutiones Apostolicas taxata, & forma Clementis VIII. prout disponit Innocentius XI. ut infra: *Exponi nobis nuper fecit dilectus filius Antoni-*

nus Cloche, Magister Generalis Ordinis Prædicatorum, quod licet multa in dictis Ordinibus, aliisque Ecclesiis, seu Oratoriis, existant Confraternitates utriusque sexus Christianissimum sub titulo Sanctissimi Rosarii, quas suas functiones ad instar similium Confraternitatum obeunt, multaque pietatis opera exercent; de aliquarum tamen ex illis canonica ab initio institutione & forma non constat &c. Nobis propterea dictus Antoninus humiliter supplicari fecit, ut de benignitate Apostolica indulgere dignaremur &c. Nos igitur &c. ipsum Antoninum speciali favore gratia prosequi volentes, à quibusvis excommunicationibus, suspensionibus &c. omnes, & singulas Confraternitates prædictas sub titulo Sanctissimi Rosarii, in quibusvis locorum positas, & existentes, tametsi de earum canonica ab initio erectione, & institutione non appareat, auctoritate Apostolica, tenore præsentium, confirmamus, & validamus, easque in statu valido esse, & fore decernimus in omnibus &c. ac si illa canonicè erecta, & instituta fuissent &c. omnesque, & singulos juris, & facti defectus, qui propter præmissa desuper intervenierint, supplemus, & sanamus; & quatenus opus sit, ipsas Confraternitates omnes, & singulas, servata tamen ceteroquin Constitutionum, & Decretorum hujus S. Sedis, præsertim circa distantiam locorum in erectarum Confraternitatum similis instituti servandam, emanatorum, forma, & dispositione, de novo erigimus, & instituimus. Ceterum in erectione, & institutione similium Confraternitatum de cetero faciendis formam Clementis prædecessoris ad amissim servari volumus &c. alioquin erectiones hujusmodi nullius sint roboris, & momenti: decernentes easdem presentes litteras semper firmas fore &c. Non obstantibus quibusvis Constitutionibus &c. Datum Roma apud S. Petrum die 15. Junii 1679. Pontificatus Nostri Anno 3.

11 Confraternitates erigi semper debent sine præjudicio jurium Parochialium, ut post Pignatell. ponderavit Monacell. form. par. 1. for. 11. tit. 6. num. 10. De sepultura Confratrum dicendum c. 48.

CAPUT XV.

Officialis quoad Conservatores

SUMMARIUM.

- 1 Conservatores conceduntur à Summo Pontifice.
- 2 Forma eligendi conservatores ex Greg. XV. Et quinam sint eligendi?
- 3 Differentia Dignitatis Ecclesiastica à personatu.
- 4 Episcopi possunt in conservatores à Regularibus eligi.
- 5 Prælati Regulares nequeunt eligi conservatores.
- 6 Nec eligibilis est Canonicus Collegiata.
- 7 Quando possint eligi non Judices Synodales?
- 8 Testimonium electionis est exhibendum Curæ Episcopali, & ibi relinquendum.
- 9 Semel electi durant per quinquennium.
- 10 Facultas conservatorum.
- 11 Conservatores judicant de manifestis, in quibus rigor judicarius non servatur, sed substantialia non omittuntur.
- 12 In notorio ante sententiam est citandus reus.
- 13 Quid veniat nomine notorii?
- 14 Quæ sunt ista dubia, ut specialem inquisitionem exigant, sunt extra facultates conservatorum.
- 15 Conservatores non possunt procedere criminaliter.
- 16 Possunt censuras ferre.
- 17 Sed non adversus Episcopos.
- 18 Debent uti Notario Curæ Episcopalis.
- 19 In quibus sint exempti à jurisdictione Ordinarii?
- 20 An deputatus in una Diocesi possit in alia jurisdictionem exercere?
- 21 Arrestantes animalia Regularium in pascuis reservatis possunt à conservatoribus excommunicari.
- 22 Pæna conservatorum excedentium in suo officio, ac partis id procurantium, & eligentium eos, non servata forma Gregoriana.
- 24 In Ord. Min. de Observ. facultas eligendi conservatores non est in Guadianis.

- 24 *Conservatores legitime impediti possunt alium subdelegare .*
 25 *Quando, quibus in causis, & contra quos possint Regulares coram Iudice seculari agere?*

I **C**onservatores sunt particulares Iudices à Summo Pontifice delegati ; ad quos spectat eos , quibus sunt concessi , à molestiis , & iniuriis sibi illatis tueri , & in propriorum bonorum , & iurium possessione conservare .

Alii sunt conservatores secundum jura , alii verò secundum privilegia , ex *Confect. de privil. Mend. part. 2. tit. 4. c. 2.* Illi sunt , qui miserabilibus personis , vel etiam Ecclesiarum Capitulis conceduntur , ne super bonis , rebus , ac suis iuribus vexentur . De quibus *Trid. sess. 14. cap. 5. de ref.* At de eis hic non loquimur . Alii verò sunt , qui à Regularium Ordinibus iuxta facultates in ipsorum privilegiis expressas deputantur , ut Regulares , & Ordines pro posse in iusta iurium , privilegiorum , & bonorum possessione manuteneant , & conservent , ut ex *Pignatell. tom. 10. consult. 98. n. 8.* Dicuntur enim conservatores , quasi iurium conservatores . Conservatorias Regularibus concessas *Trid. ibid.* salvas esse voluit : nec esse sublatas notavit *Ventrigl. prax. tom. 1. annot. 23. num. 15.* referens id esse à S. C. decisum . De qua materia , nonnulla practiciora notabo .

2 Itaque modum , & formam , cæteris revocatis , in conservatorum electione servandam , & eligendorum qualitates tradit *Gregorius XV. Const. Sanctissimus in Christo Pater 9. Bull. tom. 3.* Ex qua utilia , & necessaria hic adnotantur .

I. Statuit , & decrevit , ut Iudices conservatores huiusmodi , sive principales , sive subrogati , eligi , nominari , aut deputari non possint , nisi , non solum habeant qualitates requisitas , & descriptas in Constitutione similis recordationis Bonifacii PP. VIII. *etiam Prædecessoris sui, quæ incipit, Statutum (c. 11. in 6. de re scriptis)* itaut , vel dignitate Ecclesiastica præditi , vel personatum obtinentes , vel Ecclesiarum Cathedralium Canonici existant ; sed etiam in Concilii Provincialibus , aut Diocesanis , iuxta Decretum Concilii prædicti (*scilicet Trid. sess. 25. de ref. cap. 10.*) Iudices electi , seu designati sint .

Quapropter , attenta dispositione *Gregorii* , Regulares eligentes conservatores , debent assumere personas qualificatas , constitutas nimirum in dignitate Ecclesiastica , aut obtinentes in Cathedralibus personatum , vel Canonicatum , modò sint in dictis Conciliis Iudices Synodales electi . Et omnia alia Regularium privilegia redacta sunt ad terminos dictæ Constitutionis .

3 Dignitas Ecclesiastica in hoc à personatu discriminatur , quòd dignitas est *præminentia in gradu cum perpetua administratione rerum Ecclesiasticarum , & jurisdictione* , ut per *Confect. cit. cap. 4. & Fagnan. in cap. Ut Abbates de atat. & qual. & in 3. ad c. Ad hæc de præbend. nu. 21.* personatus verò est *præminentia , seu præcedentia in Ecclesia sine jurisdictione* , per *Sanctor. comment. in stat. c. 12. stat. 11. v. quarto 4.* Quare personatum dicitur habere , qui in choro habet stallum honorificum præ aliis Canonicis , etiam ante receptis , minorem tamen dignitatibus , *Peyrin. de privil. Regul. ad const. 5. Greg. XV. §. 2. n. 8.*

Sed est advertendum , quòd necesse non est , ut eligendi conservatores dignitatem Ecclesiasticam , vel personatum obtineant in Cathedralibus ; sed sat est , ut eos ipsam , vel personatum extra illas habeant ; nam Constitutio procedit per alternativam *vel* : ut est textus clarus .

Atque ita conservatores eligi possunt , non tam obtinentes dignitatem Ecclesiasticam [licet inferiorem] in Cathedralibus . ut Archidiaconus , Archipresbyter , Primicerius &c. sed etiam eam habentes extra illas , ut Decani , Præpositi , Priores Collegiatæ , Clerici Camerae , Auditores Rotæ , Referendarii , & Prothonotarii Apostolici . Hi enim omnes dicuntur in Ecclesiastica dignitate constituti , per *Peyrin. cit. n. 17.* videndus etiam *Sperellus dec. 167. & Fagnan. d. loc. num. 1.*

Sed ulterius necesse est , ut in eis concurrat aliud requisitum , ut in Constitutione ; ut nimirum sint Iudices Synodales electi , ut ex eius lectione patet , ponderando clausulas , *non solum &c. sed etiam &c.*

Hoc unum admonitos Regulares velim , ut semper personas doctas , & prudentes current eligere in conservatores , ut isti possint , velint , & sciant ius suum unicuique tribuere , & proprium defendere .

4 Quæritur . *An possint Episcopi , & eorum Vica-*

Vicarii Conservatores à Regularibus eligi, & nominari?

Resp. Affirmativè, prout est decisum à S. Congr. Conc. quæ 23. Octobris 1623. consultata: *An ipsi Episcopi, & eorum Vicarii Generales possint eligi in Conservatores Regularium?* Respondit, *Posse*, apud Peyrin. *ibid.* additam ad constit. Gregor. XV. c. 11. nu. 17. Atque ita videtur esse de mente S. Congr. quod possint eligi etiam Archiepiscopi, & Eminentiss. Cardinales; cum dixerit posse eligi in Conservatores Episcopos, eorumque Superiores, Pascuc. ad Pignatell. v. *Conservatores, v. Quo casu.*

5 *An autem possint eligi ipsi Regulares?*

Resp. Negativè. Ita S. Congr. Episc. in Vicentina 10. Januar. & iterum 6. Octobris 1617. apud Fagnan. in 1. ad c. Sanè il 2. de offic. deleg. Quærenti enim Archiepiscopo Turritano: *An Regulares unius Conventus, Monasterii, vel Domus, aliquem Priorem, seu Guardianum, vel quemvis alium, licet dignitate Regulari fulgentem, in suum Conservatorem eligere, vel deputare possint?* Resp. *Non posse.* Quod quoque censuit S. Congr. Conc. 9. Octob. 1618. decernens: *Regulares esse non posse Conservatores; sed esse debere Clericos seculares, aliàs idoneos, Nicol. Flosc. v. Conservatores num. 2.*

6 *Sed quid dicendum de Canonico Collegiata, qui sit Doctor?*

Resp. Non potest conservator deputari, juxta ejusdem S. Cong. Conc. sententiam: quæ ad dubium: *An possit eligi in Iudicem Synodalem Canonicus Ecclesiæ Collegiata, qui sit Doctor, si non extet in Cathedrali Doctores, vel saltem ita idonei?* Respondit, *Non posse*, Sperell. cit. n. 6. Et inde nec Conservator esse potest, quia deberet esse Iudex Synodalis; adeoque ut Canonicus Collegiata est ineligibilis.

7 *Advertendum est, quod, dum in Diœcesi non sunt Iudices in Provinciali, vel Diœcesana Synodo designati, possint non Iudices à Regularibus assumi, ut aliàs censuit Sac. Congr. Conc. Direct. Trium Ord. & Congr. Episc. & Reg. die 4. Decembris 1671. decrevit dandam esse infra scriptam declarationem, aliàs editam, tenoris, qui sequitur; nimirum: S. C. & c. censuit, Episcopos quamprimum Diœcesanam Synodum omnino celebrare teneri; & inter in Civitatibus, & Diœcesibus, in quibus nulli Iudices extant in Concilio Provin-*

ciali, aut Diœcesano designati, licere Regularibus, servata in reliquis forma Constitutionis sel. rec. Gregorii XV. hac de re edita, Conservatores nominare habentes qualitates à jure requisitas; quorum tamen Conservatorum facultas eo ipso expiret, cum primum hujusmodi Synodus celebrata, in eaque Iudices designati extiterint. Quam declarationem à Clemente X. Constat. Inter opera 18. Januarii 1672. confirmari, ibidem legitur num. 49.

III. *Ut in Synodis Provincialibus aut Diœcesanis (sequitur textus) quamplures personas ex habentibus qualitates in prædicta Constitutione ejusdem Bonifacii Prædecessoris contentas, & alioquin ad id aptas, designari (scilicet Ordinarii) procurent; & si aliquem interim ex designatis mori contigerit, substituat Ordinarius loci cum consilio Capituli alium in ejus locum usque ad futuram Provinciale, aut Diœcesanam Synodum. Quod prius decreverat Trid. sess. 25. c. 10. de refor. Et observandum, per ea verba, & alioquin ad id aptas, quæ ex Trid. cit. desumuntur, significari, in Iudicibus Synodalibus præter qualitates ex d. capite statutum necessarias, requiri etiam doctrinam, ut sic causæ ex intentione Tridentini committantur personis idoneis.*

8 IV. *Ut electionis, seu assumptionis documentum debeant penes acta Curia Ordinarii exhibere, & dimittere teneantur, adeoque, nisi infra præfixitum tempus exhibuerint, ac dimiserint, coram Ordinario loci debeant Regulares conveniri, ibid. prout Sac. Congr. ab Innocentio X. deputata, ut infr. cap. 19. Et intelligendum, sub pœna nullitatis actuum teneri Conservatores à Regularibus nominatos, & electos, id exequi ante exercitium suæ iurisdictionis; prout eadem Congr. ad XIII. firmavit, & idem Innocentius approbavit.*

9 V. *Ut Conservatores semel legitime deputati, nisi ex legitima causa à Sede Apostolica, aut locorum Ordinariis, prout isdem Regularibus, aut aliis supradictis libuerit, approbanda, durante quinquennio à die depositionis amoveri, aut mutari nullatenus possint, & valeant, ibid. Et ultra quinquennium non posse durare decrevit Trid. sess. 14. cap. 5. de refor.*

10 VI. *Ut coram ipsis Conservatoribus Regulares, ac Personæ suprascriptæ conveniri quidem, aut trahi debeant, sed alios conveni-*

venire, aut trahere non possint; ita nismemorati Conservatores, in quibus Regulares, & alii actores fuerint, prorsus nullam jurisdictionem habeant, sed in iustantiam, in quibus rei existerent, ibid.

Occasione hujus textus dubitatum fuit. An per ea verba sublata sit facultas, quam habent Conservatores defendendi Regulares à manifestis injuriis, & violentiis, quæ illis de facto inferuntur, dum à suis possessionibus deiciuntur, & propriis bonis uti, ac frui impediuntur?

Super quo S. C. Conc. censuit, ejusmodi verbis minime sublata esse facultatem, quam habent Conservatores defendendi Regulares à manifestis injuriis, ac violentiis; dummodo observent formam prescriptam in Constitutionibus Innoc. IV. & Bonifacii VIII. relatis in cap. 1. & fin. de offic. deleg. in 6. ut in Bullar. ad calcem d. Gregoriana.

Quapropter in casu quoque, quo Regulares sunt actores, & confugiunt ad conservatores, eisque per viam accusationis, vel denunciationis deferunt reum, ac iniuriam, & producant, vel nominant testes, qui fuerint presentes, dum injuriæ fuerint illatæ, possunt conservatores procedere adversus accusatos, & denunciatos.

II At, quæ nam est forma in dictis Decretalibus prescripta?

Resp. Ea est, ut conservatores de manifestis cognoscant, & non se ingerant in iis, quæ judicalem indaginem, seu judicariam inquisitionem exigunt.

Verùm sciendum, in notoriis non prohiberi omnem examinationem judicariam. Nam text. in cap. Ad nostram il 3. de jurejurand. dixit, in notoriis, & manifestis non esse per omnia servandam subtilitatem ordinis judicarii; & cum dicat per omnia, sequitur quoad aliqua debere servari. In omni enim iudicio, etiam quando proceditur sine tela judicaria, summarie, de plano, sine strepitu, & figura judicii, & sola facti veritate inspecta, essentialia, & substantialia sunt servanda, licet, quæ sunt de solemnitate judicii, omittantur, ut est text. in cap. Sape contingit de verb. signif.

Ideo, cum Conservatoribus in notoriis committitur iurisdictio, ea quoque conceduntur, sine quibus iurisdictio exerceri non valet: quæ contra aliquem propter notoriam iniuriam exerceri non

potest, nisi de notorietate iuridice constet. Iniuria, & vexatio probanda est per iuratos testes, contestes, de visu; sed non sunt cogendi ad ferendum testimonium tunc, vel tortura. Eaque probata, pronuntiandum est delictum esse notorium: & ita Judex fundat suam iurisditionem.

12 Cæterum priusquam ad sententiam adversus reum descendat, est hic citandus, & audiendus in suis defensionibus; & ubi aliquod relevans contra notorietatem allegaverit, ipsi conservatori probabile, debet ab iudicio cessare, per Glos. in cap. 1. de offic. delegat. ver. Conservatores, Peyrin. cit. ad d. const. §. 5. num. 47. Amenopract. part. 1. tit. 3. §. 4. numer. 56. Propterea reo est concedendum tempus congruum ad se defendendum.

13 Appellatione notorii, & manifesti id venit, quod per evidentiam facti ita notorium est, ut nulla probabili tergiversatione celari possit, Glos. citat. Vel ita est patens, ut nulla examinatione, & inquisitione indigeat; & quatenus egeat, potest clarè, & certitudinaliter per testes probari, ita quod negari non possit, Peyrin. num. 38.

14 Apud quem est certum, conservatores posse cognoscere de omnibus iniuriis, & violentiis, Regularibus, five verbo, re, vel scripto, irrogatis; & in eis cognoscendis possunt adhibere eam inquisitionem, quæ in notoriis communiter adhiberi solet. Quod esse videtur iuxta text. in Const. Militanti 10. Eugenii IV. Bullar. tom. 1. edita super iurisditione Conservatorum Congregationis Cassinensis, ibi §. 3. In his videlicet, quæ judicalem requirunt indaginem, summarie, & de plano, sine strepitu, & figura judicii, sola facti veritate inspecta; in aliis vero, prout qualitas eorum exegerit iustitia complementum. Concordant Constitutiones Regimini 6. & 7. Sixti IV. ibid. Atque ita iuxta lecturam Peyrini sensus illorum verborum ex dict. cap. 1. de offic. delegati: Nec ad alia, quæ judicalem indaginem exigunt, suam possint extendere potestatem: est, quod Conservatorum iurisdictio non se extendat ad dubia, & obscura, in quibus verificationis, & probandis, omnino specialis examinatio est necessaria, quia dubia sunt, ut ibi Glos. in ver. Indaginem. Ideo, cum deli-

delictum est occultum, & delinquens ignoratur, procedere non possunt. Secus, quando per accusationem, vel denunciationem de illis notitiam perceperunt sed, ut diximus, est semper probanda notorietas.

15 Dubitatur autem, *an Conservatores possint procedere criminaliter?*

Resp. Negativè. Ex d. Peyrin. numer. 44. agit Judex criminaliter de delicto, cum intendit publicam vindictam, & punishmentem à legibus præfinitam reis: ut, quod fur ad aliorum exemplum suspendatur, vel ad triremes damnetur; & hoc spectat ad publicam potestatem, & Judicem ordinarium. Agit verò civiliter, cum nihil curat de pœna, sed solum intendit, quod fur ver. gr. rem ablatam restituat. Civiliter itaque conservatores cognoscunt, quatenus nil aliud intendunt, quàm, quod Regulares non molestantur, & damna eis illata reparentur.

16 Petitur etiam, *an possint per censuras procedere?*

Resp. Affirmativè, prout in allegatis Constitutionibus. Frustrà enim daretur jurisdictio, si cum coactiva non esset conjuncta. Cum enim unum committitur, omne pariter conceditur, sine quo illud exequi non potest. Quare possunt Conservatores Regularium privilegia authenticè intimare, monere, & præcipere manifestè injuriantibus Regulares contra formas in istorum privilegiis statutas, ut à molestia desistant sub pœna censurarum: & quatenus non cessent, possunt eos excommunicare, vel excommunicatos declarare, constituto primò de vexationis notorietate, ac præmissa bina saltem monitione, etiam per edictum, si opus sit, & citatione ad comparandum ad dicendum, quare non debeant declarari incidisse &c. iuxta Trid. sess. 25. c. 3. de reform.

Cæterum gladius excommunicationis magna circumspeditione ex eod. Trid. *ibid.* & non temerè, aut levibus ex causis est exercendus; ac ab eo abstinendum, dum possunt alia via delinquentes compeisci. Vnde Ecclesiastici Judices non pigeat proximum in hoc ex d. cap. percipere.

Possunt pariter conservatores ad suas sententias executioni mandandas auxilium brachii sæcularis invocare; vel eius, aut Episcopi familiam armatam petere; nam

alioquin eorumdem auctoritas contemneretur, ut ex Cokier. de exemp. 4. p. q. 111. à n. 16. Peyrin. d. cap. 11. num. 12. Quinimodò, cum non habeant carceres, uti possunt carceribus Episcopi, vel Potestatis sæcularis ex eodem *ibid.*

17 Difficultas verò est. *An Conservatores possint excommunicatione cohibere Ordinarios locorum exercentes jurisdictionem in Regulares extra casus non permisos?*

Sunt hinc inde rationes. Quare.

I. Videtur non posse ob præstantiam Episcopalis Dignitatis, arg. ex Trident. cap. 6. sess. 13. de reform. & cap. 5. sess. 24. de reform.

II. Videtur posse, ex cap. *Quia Pontificalis de offic. Deleg. in 6.* At servanda est cautela in d. cap. præscripta, prout ibi cum sua Glossa.

In quo opinionum conflictu primam in praxi censeo tenendam. Nam, ut iura clamant; & est text. in d. cap. maximè deferendum est Dignitati Episcopali: propterea cum ipsis reverenter, & animo temperato est agendum.

Nec obstat allegat. cap. *Quia*. Nam responderi potest, locum non habere, nec procedere in causis controversiæ super competentia jurisdictionis, ortæ inter Ordinarios, & Conservatores, quia, ut post Trid. c. 5. sess. 14. de reform. Gregorius in d. Constit. statuit: *In causis non esse procedendum, donec per arbitros in forma iuris electos super jurisdictionis competentia fuerit judicatum*: vel ad Sedem Apostolicam est recurrendum, & interim nihil innovandum.

18 Quæritur. *An Conservatores Regularium uti debeant Notario Curie Episcopalis?*

Negat Peyrinus in formular. lit. C. cap. 20. numer. 3. Ameno tit. 11. §. 8. numer. 48. D. Carolus Antonius de Luca observ. ad Ventrigl. prax. part. 1. adnot. 27. §. unic. num. 3. allegans Card. de Luca de jurisd. discurs. 4. num. 14.

Affirmat Pascucc. cit. v. *exclusa*, referens resolutum à Congr. Episc. in Vincentina 10. Januar. 1605. Gavantus in manuali verb. *Conservatores numer. 33.* & decisum refert Nicol. part. 2. lucubrat. lib. 1. tit. 29. §. 8. apud d. Pascuc. Quibus propter Sac. Congr. decretum adhærendum est.

19 Quæritur. *An Conservatores Regu-*
la-

larium exempti sint ab jurisdictione Ordinarii?

Resp. Negative, præterquam quoad ea, quæ concernunt sui muneris exercitium: in quo dicuntur Ministri Apostolici, ipsi Deleganti subditi. Atque ita in causis propriis, tam civilibus, quam criminalibus, seu mixtis, subsunt Ordinario; ac proinde coram eo conveniri, & ab eo puniri possunt, Card. de Luca ubi sup. n. 2. & Pascucc. repetit decisum à S. C. Conc. 17. Septembr. 1667. in Faventina jurisdictionis ibid. ver. Affirmativè, quia.

Quinimò cum Conservator excedit terminos suæ jurisdictionis contra Judicem Ecclesiasticum, potest hic suam jurisdictionem tueri, c. Dilecto de sent. excom. in 6. cap. Ex parte il. 1. de verb. signif. eo enim casu transgrediens cancellos suæ potestatis habendus est tamquam privatus.

20 Queritur. An Conservator deputatus in una Diœcesi, in qua situm est Monasterium exercere possit jurisdictionem in altera, in qua sunt Grancia, vel membra illi Monasterio unita?

Resp. In d. Gregoriana hæc sunt: Neque extra Civitates, seu Diœceses, in quibus fuerint deputati, contra quoscunque procedere præsumant. Cæterum S. Congr. Concil. 23. Octobris 1623. ad dubium: An, si unum, & idem Monasterium habeat bona in diversis Diœcesibus, eligendi sint Conservatores in unaquaque Diœcesi, an verò unus tantum sufficiat? consuit: Conservatorem esse deputandum in Civitate, vel Diœcesi, ubi situm est Monasterium, atque ibi tantum, & non alibi posse eundem Conservatorem procedere, etiam in casibus bonorem, ac membrorum ejusdem Monasterii extra ipsam Diœcesim existentium, apud Peyr. d. cap. 11. in additamen. num. 17.

21 Queritur. An Conservatores possint ad censuras procedere contra arrestantes animalia Monasteriorum pro damno dato in pascuis domini Territorii, vel Communitatis?

Est commune inter Canonistas, quòd, ubi pascua sunt domini temporalis loci, vel Communitatis, itaut Cives, vel incolæ prohibeantur ibi sua animalia depascere, non soluta consueta fida, tamquam pretio justo, & adæquato valore ipsius pascui, Clerici volentes proprios greges item in eis depascere, teneri solvere pretium pascui; cum

Official. Cur. Eccl.

Ecclesiastica Immunitas non tribuat licentiam aliena usurpandi, & lædendi justitiam commutativam, quam respicit dicta solutio; unde tenentur ad solvendum pretium pro reparando damno illato, quando aliàs eorum animalia pascua damnificaverint.

Hinc difficultas non levis inter Ecclesiasticos, & Laicos esse solet, non circa substantiam, sed circa modum, & competentiam fori, ac facultatem arrestandi ipsa animalia, num id Laicali auctoritate fieri potest?

Ad quod videtur, per Laicorum Executores posse arrestari, ut impediatur ulterior damnificatio; statim deducenda ad ipsos tamen Regulares.

Verùm damnificatio impediri potest per expulsionem animalium à loco pasturæ, testibus adhibitis de damno illato. Quatenus verò Regulares damnum renuant reparare, recurrendum est ad Judicem Conservatorem, si adsit, vel Episcopum, ut ad solutionem eos obliget. Nom enim potest ad Judicem Laicum recurri, utpotè incompetentem pro Ecclesiasticis. Et hinc ad dubium sub n. 21. affirmativè.

22 Tandem advertendum, quòd Conservatores in suo officio limites excedentes suspenduntur per annum ab officio Conservatoris; & pars, quæ hoc fieri procurat, incurrit excommunicationem, per tex. in d. Gregoriana; à qua non potest absolvi, nisi ei, quem indebitè molestavit, satisfaciatur de expensis, d. c. fin. de offic. deleg. in 6.

Pariter Regulares eligentes Conservatores, non servata forma à Gregorio præscripta, ipso jure voce activa, & passiva sunt privati, ad quas habilitari à nemine possunt, quàm Romano Pontifice: & Monasteria, eorum personæ, & bona ad annum carent Conservatore, adeòut eorum causæ coram locorum Ordinariis cognosci debeant. Legatur d. Constitutio; cujus forma servanda est etiam ab aliis, non Regularibus, eligentibus Conservatores pro locis expressis in d. cap. 5. sess. 14. Trid.

23 Quæri etiam solet. In quonam Regulari sit facultas eligendi, & nominandi Conservatores: an in Generali, vel Provinciali tantum: an etiam in superiori locali; nam Constitutio non determinat personam, sed dicit, Regulares?

Hoc relinquitur dispositioni Constitutionis.

tionum particularium Religionum . In Ordin. Minor. de Observ. ad Provinciales spectat , prout ex *statut. Generalibus cap. 12. §. 21.* ibique datur formula Litterarum patentium ; secuta verò electione , ac nominatione , à Sede Apostolica auctoritatem recipiunt . Deputati per quinquennium durare debent , nec possunt pro eo removeri , nisi ex causa à Sede Apostolica , vel locorum Ordinariis approbanda . Quo elapso , eorum spirat jurisdictio , juxta Tridentin. *loc. cit.* etiam quoad negotia inchoata ; sed in libertate eligentium est dictam jurisditionem per novam deputationem prorogare , Peyrin. in *dict. formular. numer. 2.* allegans Chokier. de *Conservator. part. 2. quest. 7. num. 7.*

24 Cum Conservatores legitime sunt impediti , possunt alium , causa urgente , subdelegare . Nam delegati Pontificis sub delegare valent , per text. in *c. si pro , & cap. Pastoralis de offic. deleg.*

Sed obstat tex. in *c. fin. eod. tit. ibi* : Caterum nulli , cui commissum fuerit predicare Crucem , excommunicare , vel absolvere aliquos , dispensare cum irregularibus , vel injungere poenitentias , liceat hac de cetero aliis demandare . Ergo , sicut Delegatus Pontificis , cui committuntur prædicta , non potest subdelegare , ita in casu .

Resp. Duo hic sunt distinguenda . Unum , committere jurisdictioem , & aliud committere nudum ministerium , aut merum officium , & executionem . Hoc secundum alteri committi non potest , bene verò primum , ut expresse text. in *d. cap. final. ibi* : Quia non sibi jurisdictio , sed certum ministerium potius committitur in hac parte . Constat autem , Conservatores jurisditionem habere , nam sunt Judices , ut ex Trid. *d. c. 5. & Gregorio .*

Alibi autem dicendum , quando censeatur committi nudum ministerium , & eligi industria personæ ; interim videatur Gonzalez in *tit. 29. cap. 3. num. 11. & tit. 31. cap. fin. & Rosa de execut. lit. Apostol. par. 2. cap. 5.*

25 Demum possunt Regulares , alique , de quibus Constitutio Gregorii , in casibus à jure permixtis , Judicem non suspectum à Principe , seu Magistratu sæculari petere , modò hæc tria copulativè concurrant . I. Ut Regulares , & alii prædicti sint Actores , non autem rei . II. Ut agant contra Laicum , non

verò contra Ecclesiasticum , vel aliàs à jurisdictione sæculari exemptum . III. Ut causa , in qua Judex deputatur , sit profana , non autem Ecclesiastica , ut expresse textus in dict. Constitutione .

Alia videnda *c. 19. c. 51. & cap. ult.*

CAPUT XVI.

Officialis quoad Conventus.

SUMMARIUM.

- 1 In fundatione Conventuum attenditur Const. Clem. VIII. Quoniam , Greg. XV. Cum aliàs , Urbani VIII. Romanus Pontifex , & Innoc. X. Instaurandæ .
- 2 In Conventu novæ erectionis 12. administrus Religiosi debent degere .
- 3 Audiendi sunt jam introducti Regulares , etiam si introducendi haberent congruam dotem .
- 4 Præjudicium præexistentibus ex multis potest inferri .
- 5 Etiam si introducendi essent ejusdem Ordinis .
- 6 Sepè audiuntur existentes in distantia majori quatuor millia passuum .
- 7 Quæ Hospitia comprehendantur sub Constitutionum dispositivis ?
- 8 Quæ vim quoque habent in reassumptione Conventuum .
- 9 Non verò in ampliatione eorumdem .
- 10 Consensus debet esse Capitularis .
- 11 B. Pius V. revocat facultates mulieribus datas ingrediendi claustra Regularium . Poena contra eas , & Religiosos contravenientes .
- 12 Quid septa , quid Monasterium significant ?
- 13 Horti &c. quando sub clausura continentur ?
- 14 Quid de Sacristiis ?
- 15 Et de Grangiis , & Infirmariis &c.
- 16 Quid verba introducere , quidve admittere importent ?
- 17 Viva vocis oraculum B. Pii V. factum Card. Cribello super ingressu mulierum tempore processionum , usque ad num. 20.
- 21 Sæculares non possunt pernoctare &c. in Conventu Frat. Min. de Observ. usque ad num. 22.

23 *An ad recipiendum Conventum suppressum alterius Religionis, opus sit consensu Regularium praeexistentium in loco.*

Quamquam Monasterium, Conventus, & Cœnobium in nomine sint diversa, in re tamen significata conveniunt; cum ex eis quodlibet quædam loca & ædificia significet, in quibus ad Deo serviendum Religiosi congregantur, & convivunt.

1 In his de novo construendis est observanda Constitutio Clement. VIII. incip. *Quoniam ad institutam* 99. Bullar. tom. 3 & alia Gregor. XV. incipien. *Cum alias* 31. Bullar. eodem tom. extendentis dispositionem Clementis, ut audiantur Regulares existentes etiam in distantia quatuor miliarium ad effectum, ut ipsi consensum præstent dum eis confiterit ex nova Conventuum erectione non esse detrimentum reportaturos; nam in casu damni erectio non permittitur; ac altera Urbani VIII. incip. *Romanus Pontifex* 27. Bullar. tom. 4. in qua præfatæ innovantur cum revocatione quarumcumque licentiarum erigendi Monasteria, & alia loca Regularia, non servata forma Sacrorum Canonum, Conc. Trident. & contenta in Constit. Clement. & Greg.

Præter consensum Ordinarii, quem & Trident. sess. 25. cap. 3. de Regul. exigit in erectionibus Conventuum, est necessarius copulativè assensus Summi Pontificis, juxta disposita cap. cum eo de excessib. Prælator. in sexto, & in Constitut. Instauranda 27. Innocent. X. ut in Bullar. tom. 4. in qua præmissa extinctione, & suppressione parvorum Conventuum, §. *Verum*, subdit: *Verum quia parum est mala præcidere, nisi etiam malorum causa, & radix evellatur, Constitut. fel. rec. Bonifacii VIII. qua incip. Cum ex ea necnon Clementis VIII. incipien. Quoniam ad institutam, aliorumque Romanorum Pontificum prædecessorum nostrorum, super erectione novorum Conventuum editas, earumdem tenorem innovantes, illisque addentes, hoc perpetuo prohibemus edicto, ne deinceps aliquis Regularium Ordinis Mendicantium, vel non Mendicantium, Congregationis, Societatis, & cujusvis alterius Instituti, etiam Societatis Jesu, in aliqua Civitate, Castro, Villa,*

seu Loco ad habitandum domos, vel loca quacumque de novo recipere, seu Monasteria, Conventus, vel Collegia incipere, vel fundare præsumat, absque Sedis Apostolicæ licentia speciali plenam, & expressam faciente de prohibitione huiusmodi mentionem, in scriptis, & gratis concedenda, prævia examinatione Congregationis negotiis Episcoporum, & Regularium præpositæ; si secus egerint, eo ipso incurrant pœnas privationis & inhabilitatis, ut supra, inflictas; & nihilominus receptiones, fundationes, & erectiones sint ipso jure nullæ, & invalidæ; & domos, ac loca ipsa, & persone in eis degentes, omnimodæ jurisdictioni, visitationi, & correctioni Ordinarii loci plenè in omnibus subjaceant.

2 Examen præfatæ Congregationis extendit, ut constet an alii Regulares ex nova fundatione detrimentum recipiant, aut præiudicium juribus Parochialibus ex eo inferatur: & tandem ut fervetur Decretum Sacr. Congregat. Concil. aliàs auctoritate Urbani Octavi editum tenoris, qui sequitur: *Deinceps verò Monasterium, Conventus, Domus, Congregatio, vel Societas Religiosorum, seu Regularium nullibi recipiatur, nisi præter alia ad id requisita, in singulis huiusmodi locis duodecim saltem Fratres, aut Monachi, seu Religiosi, degere, & ex redditibus, & consuetis elemosynis, detractis omnibus ut supra detrahendis, competenter sustentari valeant, ad præscriptum decreti fel. rec. Gregorii Decimi Quinti hac de re editi; alioquin Monasteria, & loca huiusmodi post hac recipienda, in quibus duodecim Religiosi, ut supra, sustentari, atque inhabitare non poterunt, & actum non inhabitaverint, Ordinarii loci visitationi, correctioni, atque omnimodæ jurisdictioni subiecta esse intelligantur.* Quod novissimè cum aliis relatis supra cap. 10. ab eadem emanatis, confirmavit, & approbavit, ac ab omnibus exactè, & perpetuò servari voluit, & mandavit Innocentius XII. Constitut. *Nuper prout loc. cit. §. 5. nu. 24.*

Præfatorum observantiam Sacra Congregat. Episcop. & Regular. ad praxim deducit; nec erigendi novi Conventus unquam facultatem concedit, quin priùs Ordinario loci negotium committat, & sensum ipsius audiat, tam quoad commodam sustentationem Religiosorum de

novo introducendorum in numero duodeno, absque ullo cæterorum præexistentium Regularium præiudicio; quàm quoad istorum consensu, ac iurium Parochialium indemnitate.

Audiendi essent præexistentes Regulares in casu etiam, quo alii de novo introducendi essent Clerici Regulares, quia Constitutiones comprehendunt quodcumque Institutum. Imò, etiam si haberent congruam dotem pro victu, & vestitu Religiosorum, in numero ab Apostolicis Constitutionibus præfixo; quia fortè, eo non obstante, possent antiqui, & præsertim Mendicantes (quibus ex Gloss. ad alleg. cap. cum ex eo in ver. Mendicantes, victum tribuit incerta mendicantes) præiudicium ex eo recipere. Monacellus form. par. 1. tit. 6. ad form. 19. n. 12.

4 Propterea Pignatellus tom. 1. consulo. 177. num. 43. ponderavit, inspiciendam non esse qualitatem Regularium introducendorum, sed introductorum præiudicium, qualecumque sit. Quod æquæ benè resultare potest ex eleemosynarum quæstuatione, ac ex diminutione concursus, & emolumentorum, quæ haberi solent ex celebratione Missarum, tumulatione Cadaverum, aliisque pluribus, in quibus Parochi alique Regulares præiudicium recipere possunt; & obinde eorum consensus requiritur. Unde dispositiva constit. comprehendit quotquot volunt fundare, sive Mendicantes sint, sive non quod expressè legitur in illa Innoc.

5 Et procedit etiam in fundatione novi Conventus ejusdem Religionis, & Instituti. Quia in hoc etiam consideratur ratio motiva Constitut. Clement. & Greg. quorum fuit per interdictam multiplicationem Religiosorum absque sufficientibus redditibus prospicere, ne introductis præiudicium inferatur. Quod certè, etiam in casu, esset inevitabile; nam de novo introducti præexistentibus, sive clàm, sive palàm eleemosynas furriperent, damnumque inferre dicerentur, eorumdem diminuendo patrimonium, quod unice fundatur in eleemosynis Fidelium, prout ibid. n. 27. scripsit Pignatellus.

Et facit, quòd Constitut. non emanavit ad evitandum præcisè præiudicium eleemosynarum, commodumve burfale, ut loquitur Gloss. ad alleg. cap. cum ex eo in ver.

scandala; sed ad rixas quoque, & scandala eradicanda, quæ de facili propter æmulationes inter vicinos Conventus enascuntur, prout eiusdem cap. cum ex eo, narrativa significat.

6 Potest etiam finis legis habere locum etiam si Conventus erigendus sit in loco plusquam per quatuor milliaria distanti ab eo, in quo alius priùs ædificatus reperitur; maxime si huic loca existentia intra limites distantiae, per Gregorium necessariae, non sufficiant ad subministranda victualia, pro numero Religiosorum per Apostolica Decreta præfixo. Tunc certè vocandi, & audiendi sunt existentes, etiam extra allegatam distantiam. Proinde Sac. Congregat. Episcop. & regular. in terminis erectionis Conventus in Insula Corsicæ, ob circumstantiam inopiæ Regionis, majorem præfata unius loci ab altero distantiam exigit, prout sequitur: Sac. Congregat. Episcop. 14. Aprilis 1663. decrevit, imposterum in dicta Corsica Insula pro huiusmodi foundationibus, tam ab Observantibus, quàm à Reformatis, & Capuccinis respectivè servandam esse dictam distantiam duodecim miliariorum, mensura illarum partium. Quod subinde Clemens X. Constitut. Nuper. sub die 20. Maii 1673. confirmavit; in qua refertur sub anno 1661. in Provinciis Burgen. Granaten. & Aragoniæ ad quindecim extendisse, Reg. 22. Cismontanum Araceliæ num. pag. 101. à tergo.

7 Item sub earundem Constitutionum dispositione, dubium non debet esse, ea loca venire, quæ aliàs solent dici Hospitia. Verùm in nullo, præterquam in nomine, à Monasteriis differunt. Propterea nullatenus debent Ordinarii (etiam postquam Regulares obtinuerint licentiam à Sacra Congregatione) apositionem permittere, nisi ad unguem servatis conditionibus pro Hospitiis, præscriptis in sequenti Decreto emanato in causa Calaguritana de Bilbao, quod est: Patres Carmelitas Discalceatos posse continuare in Hospitio, vel potius ipsum reducere ad Hospitium seculare cum habitatione, quatenus modo deferriat pro recipiendis Religiosis itinerantibus: quod in nullo servetur forma Regularis: non erigatur Ecclesia, seu Oratorium formale cum janua in publica via, sed tantum Oratorium internum ad effectum inibi Missas, & Orationes privatas pro eorum spirituali usu

usutantum celebrandi; quòd in illo Sacramento non administrentur, nec fiant publicæ Conciones, nec Divina, aliæque functiones peragantur: non tumultentur Cadavera, nec retineatur Campana, nec aliquod signum, quòd vero Conventui adaptetur, & transcendat naturam, & conditionem meri, & simplicis Hospitii secularis: addita prohibitionem quaestuarii, necnon, quòd Regulares ad illud se transferentes non assumant titulum Præsidentis, vel alterius Officialitatis, subjiciendo ulterius in casum contraventionis ipso facto pœnis contra Religiosos degentes extra Claustra: non obstante quodcumque exemptione, aliisque arbitrio Sac. Congr. Et quòd super observantia præmissorum Provincialis, & Diffinitorium valde se obligent coram Episcopo, qui instrumentum dictæ obligationis ad eandem S. Congr. transmittat. Rome 15. Septembris 1690.

Hanc Hospitii legem eadem Sac. Congr. Episcop. & Regular. fervari mandavit in Atrien. Hospitii à PP. Discalceatis S. Augustini 31. Augusti 1691. & in Valiterna à Carmelitis Discalceatis 5. Decembris 1692. in utraque referente clar. memor. Card. Petruccio. Unde si Episcopus in sua Diœcesi Regulares contra præscriptam formam hospitari reperiatur, utatur jure suo, & S. Cong. instructam reddere festinet, Monacell. *ibid.* num. 15.

8 Constitutiones pariter urgent etiam, dum agitur de reassumptione Conventus, quem Regulares priùs spontè reliquerant, ut ex Sac. Congregat. Episcop. in responso dato Archiepiscopo Turritano 17. Novembris 1617. Monacell. cit. n. 13.

9 Difficultas esse potest. An Regulares habentes privilegium, quòd nova Monasteria non erigantur, nisi servata certa distantia, possint se opponere translationi Conventus in eodem loco faciendæ, adeòut non sit cõcedenda translatio, nisi ipsi cõsentiant?

Quòd dicta translatio non sit licita, dum ceteri se opponunt, dixit Donat. *prax. tom. 1. p. 2. tract. 1. q. 26. n. 6. 7. & 8.* Passer. in *cap. anic. n. 17. de excessib. Prælat. in 6.* Pignatell. *consult. 12. tom. 10.* Quibus in prioribus editionibus adhæsi: sed nunc recedo propter Decreta edita à Sac. Congreg. Episc. in una Monti-Regalis 9. Junii 1642. & in Agri-gentina 28. Martii 1697. relata à cit. Monacell. num. 5. & 7.

Limitandum tamen est in casu, quo nova Official. Cur. Eccl.

fabrica ad æmulationem extolleretur; aut inde vicini Conventus notabile præjudicium in lumine recipiendo sustinerent; vel servitus intolerabilis prospectus induceretur, Monacell. cit. num. 10.

10 Non sufficit consensus Regularium, nisi ab eis præstetur Capitulariter congregatis, ut optimè deduci potest ex integro titul. *de his, quæ fiunt à prælat. &c.* ubi annullantur, & cassantur, quæ à Prælati fiunt sine consensu Capituli, prout textus ibi videndi. Nec relevat, quòd Gregoriana videatur contenta, ut detur à Procuratoribus, vel Prioribus: quia uti certum est tenendum, non loqui taxativè, & exclusivè, sed dumtaxat demonstrativè, quatenus demonstrat, consensum eorundem esse necessarium, ab eis dandum servata forma juris communis, *alleg. tit.*

11 Mulieres prohibentur ingredi Monasteria, & Claustra cujusvis Ordinis Regularis, prout ex Const. Regularium B. Pii V. 20. cum ejusdem declaratione Bullar. tom. 2. Prohibitio extenditur, tam ad mulieres ingredientibus licentiarum prætextu, quàm sine licentiis, ut in dicta declaratione incip. *Decet.* Liganturque excommunicatione Papæ reservata in alleg. Const. Regularium. Excipitur, nisi ingrediantur tempore, quo fiunt Processiones, ut in d. declarat. *Decet*, & infra num. 17.

Regulares presumentes introducere mulieres, & eas admittentes, ipso facto Officii privantur, inhabiles ad illa, & alia obtinenda declarantur, & Divinis absque alia declaratione suspenduntur, dicta Const. Regularium. Pœna verò excommunicationis ligantur per expressam in Const. Greg. *Ubi gratia* 28. Bull. tom. 2. si admittant eas sub licentiarum prætextu.

Verùm absolutè quisque innodatur censura Sedi Apostolicæ reservata, si aliquam ex illis admittat, recipiatvè: ad formam Decreti Sac. Congregat. Episcop. & Regular. apud Lant. *verb. Clausura Conventum num. 1.* Cujus tenor fuit à Card. Mathejo Ordin. Minor. Protect. transmissus Com. Generali Min. de Observ. eique significavit. *Che i Signori Cardinali della Congregazione de' Vescovi, e Regolari hanno deciso, e determinato, che dove è il Guardiano con la Famiglia, etiam dio che il luogo non sia affatto compiuto, nè circondato da muri, fossi, o siepe, o che sia aperto, ivi sia Clausura:*

fi come ha deciso la *fel. memor.* di Papa Pio V. & entrandovi le Donne siano *scommunicate*, e li Frati, così Prelati, come sudditi, introducendole, incorrano nella stessa *scommunica*, riservata al Papa, restando ipso facto privi dell' *Officio* loro, & inabili in futuro.

Il medesimo si dice delle selve, che non sono circondate, ut *supra*, etiam che siano grandissime: in quella parte però s'intende *Clausura*, ove li Frati sogliono ordinariamente spasseggiare, dicendo le loro devozioni; ma dove fosse selva grande, che serve per legname, e li Frati ordinariamente non vi sogliono converfare, nè praticare, o che sia luogo aperto, ivi s'intende *Clausura*.

Manelli luoghi, dove non sono più che tre, o quattro Frati alla cura della *Fabrica*, ivi non è *Clausura*, tanto nelle selve, quanto negli orti; nulladimeno se li Frati introduurranno le Donne nelle stanze, dove abitano, dormono, mangiano, o cucinano, siano penitentiati, e privi, come di sopra. E' vero, che dov'è consuetudine, che le Donne servano per manipolo, portando calce, pietre, e simili, se bene ci fosse il Guardiano con la sua Famiglia, e le Donne fossero entrate per l'espedizione della *Fabrica*, così nell'orto, selve, e parre del Monastero, ove si fabbrica, come ove stà serrato, purché non vadino in parte, dove abitano, dormono, e mangiano detti Frati, non incorrono in *scommunica*. E nostro Signore la prosperi. Roma 4. Ottobre 1588.

Come Fratello

Il Card. Mattei Protettore.

12. Septa Conventus, à quibus Mulieres arcantur (quæ ex observatis à Gloss. in *Clementina Ne in agro v. septa de statu Monachorum*, à sepiò sepiò dicuntur) significant *clausuram* Monasterii; partes autem Monasterii explicant Nicol. III. cap. Exiit, de verbor. significat. in 6. §. Denique, dispositi: Et nomine Monasterii volumus claustrum (porticum nimirum, aut ambulacrum) domos (cellas videlicet) & officinas interiores intelligi: ut cœnaculum, seu refectorium; coquinam, infirmariam, mansiones familiarium, & animalium, ex Panimolla decis. 88. numer. 25. Neque debent excludi viridaria, horti, prata, & sylva; quæ usui Monasterii, & recreationi Religiosorum deserviunt; & quatenus non veniant nomine Monasterii, ut censet Sorbo ver. ingredi Monasteria ver. sic.

secundo quia, tamen sunt ipsius loca sub eadem clausura materiali, & intra ejusdem limites ex dispositione Superioris, cujus est ipsam determinare, contenta. Atque ita ex consequenti ad ipsa est mulieribus ingressus interdictus, in vim *Pianæ Const. Decet*, & *Gregorianæ ubi gratia*; quæ prohibitionem extendunt, etiam ad Monasteriorum loca; cujus generis debent omnia illa reputari, quæ cum eis sunt conjuncta ex resolutione Sac. Congreg. in una Arben. de anno 1606. 3. Junii, Nicol. Flos. ver. *Clastrum num. 4.* & extra quæ nulli Religioso, non petita à Superiore licentia, fas est exire. Et procedit etiam, si murus Claustræ materialis sit ex accidenti dirutus, quia semper remanent fundamenta, quæ sunt limites *Clausuræ* jam positæ, quam ex Ameno de pœnis tit. 4. §. 8. n. 18. non potest Superior Localis variare; & loca Monasterii reputantur, ut prius.

13. Sed quid de hortis, ad quos patet aditus per viam publicam? Dicendum, quod si hujusmodi hortos potest Religiosus intrare, nulla petita à Superiore licentia, sunt pars *Clausuræ*, & Fœminæ ingredi nequeunt. Si verò ad illos non potest accedere, nisi prius obtemperata à Superiore benedictione, & Socio assignato: dicendum, non esse veritum Fœminis ad illos ire, tametsi ad eos posset accedi à Conventu per alium aditum ab eo, qui est per viam publicam. Ratio est, quia tales horti reputantur à *Clausura* separati; quod probat praxis, & usus apud Regulares idem: qui licentia Superioris non egent, ut per loca *Clausuræ* ambulent; & ideo, quia extra *Clausuram*, nulla prohibitio ab eis Fœminas arcet, & si intrent, nulla ligantur censura, per resoluta à S. Congr. in Arben. 3. Junii 1606. Nicol. Flos. ubi supra.

14. Quoad Sacristias distinguitur per DD. Ameno ibidem num. 20. Sorb. ver. ingredi Monasteria Frat. & Monialium, Bonac. tom. 1. de clausura quæst. 5. puncto 1. sub num. 1. Donatus tom. 1. tractat. 4. quæst. 12. par. 2. Si ad Sacristiam aditus non patet, nisi per januam, quæ sit in Claustro, Mulieres eam ingredi non possunt; si verò habeat ingressum à sola Ecclesia, eis non prohibetur; quia sic censetur pars Ecclesiæ, & ejusdem, & non Conventus officina. Dubium potest esse de illa, ad quam duplici porta, altera in Claustro, alia in Ecclesia existente, patet adi-

aditus: Sed sub *Clausura* contineri docuit Bonacin. Ameno *ibid.* post Sorbo ponderavit, PP. Pium, & Gregorium prætaſtas Conſt. edidiſſe, ad conſulendum Religioſorum quieti, eoſque liberandos à moleſtiis, & periculis converſationi Mulierum connexis; quæ omnia cum Fidelium ſcandalo de facili poſſunt haberi per ingreſſum Mulierum in eandem, ideò ab ea prorsùs ſunt removendæ. Et hæc eſſe debet Superiorum regula, niſi velint errare, ut loquitur Sorbo.

15 Neque poſſunt ingredi Grancias, Infirmaria, & Hoſpitia, quamquam à Conventibus diſtanta; dummodò in eis ſit Eccleſia cum Campanis, & Divina celebrentur Officia, ſecùs ſi ſint loca purè ſecularia, & ad divinum cultum non deſtinata; Donat. *ibid. tract. 3. quaſt. 8.* quæ non gaudere privilegio Conventus firmavit Innocen. X. Conſt. Cum ſicut la 29. Bullar. tom. 4. ad 15. vid. ſup. c. 10. num. 82.

16 Notandum, illa verba adjecta Conſt. Regularium: *Nè eas introducere, admittere præſumant*, idem non importare; *introducere* enim omnem actionem comprehendit, quæ activè inſluit in ingreſſum Mulierum in Conventum, ut invitare, conſulere, approbare, hortari, monſtrare iter, auferre impedimenta, ianuam aperire, & alia huiusmodi ad effectum, ut Fœminæ intrent; *admittere* verò importat eas recipere, concedere, & auctoritativè permittere, ut intrent; quod nullus poteſt exequi, niſi qui tenetur ex officio prohibere; ut ſunt, Superior, & Janitor, ſeu Sacriſta, qui januas Conventus, & Eccleſiæ debent reſpectivè cuſtodire. Hi omnes delinquant omittendo, quòd exequi debent; ſi non claudant oſtium non reſiſtant, nè intrent, & non expellant, dum intraverint, intimando illis cenſuras, repræſentando offenſam Dei, & Conſt. Apoſtolicarum contemptum.

Credunt aliqui Conſt. utpotè pœnales, & loquentes in præciſis terminis, *introducere, admittere*ve, non extendi ad mandantes, conſulentes, aut adjuvantes, juxta ſenſum Regul. 15. *iuris in 6. Odia reſtringi, & favores convenit ampliari*; ſed errant: in quo poſt Sorbo *verſ. eſt etiam notandum*: reprehenduntur ab Ameno num. 24. affirmatque cum Genuenſi *prax. cap. 17. à num. 1.* nec diſſentit Sperellus *dec. 48 num. 61.* quòd diſpoſitio pœnalis extenditur ex identitate, & in aiori-

tate rationis, quando, ſi non fieret extenſio, ſequeretur abſurdum, lex redderetur eluſoria, & multa ſequerentur ſcandala; quæ omnia concurrerent, ſi ad conſulentes, &c. Conſtitutiones non extenderentur; ut quiſque rudis quoque intellectus poteſt deducere. Nec videtur id poſt Litteras Greg. *Ubi gratia*, verbis adjectis, *ingredi ſanciant vel permittant*, poſſe negari maxime, quia de conſulente verificatur, quòd moraliter inſluit ingreſſum.

Sed quid, ſi Religioſus, qui nec introduxit, nec admittit, nèvé influxum etiam moralem habuit in ingreſſu Mulieris, eam jam introductam ex urbanitate ſalutet, & ex decentia ſtatus illius per Conventum comitetur? Dicendum cum Ameno n. 31. delinquere crimine admittentium, aut introducendum, modò operetur aliquid, ob quòd Fœmina diutius detineatur in Conventu; quibus addendum cenſerem, niſi eam quoque ad egreſſum ſtimulet, aut conſulat.

Prætaſtas pœnas non incurrunt Fœminæ ingredientes Clauſtra, nèvé Regulares eas permittentes ingredi tempore Proceſſionum, cùm id eis non ſit interdictum, ut ex ſequentibus patet.

17 Nos Alexander miſeratione Divina tituli Sancti Joannis ante Portam Latinam Præſbyter Cardinalis Cribellus nuncupatus, omnibus, & ſingulis præſentes noſtras Litteras inſpecturis, leſturis, & audituris fidem facimus induciam, & in verbo veritatis atteſtamur, qualiter Sanctiſſimus in Chriſto Pater, & Dominus noſter D. Pius Divina providentia Papa V. vivæ vocis oraculo nobis facta, dixit, & declaravit, fuiſſe, & eſſe nientem, & intentionem ſuam, quòd eius Litteræ in forma Brævis, ſub die 24. Octobris 1566. Pontif. ſui anno primo editæ, quibus, mulieribus quibuſcumque Monafter. Regularium ingreſſus cum derogatoriis clauſuris, & irritantibus decretis prohibebatur, non ſolùm comprehendant, & comprehenderent mulieres habentes, & habere prætendentes facultatem, & indulta ingrediendi huiusmodi Monasteria, ſed etiam omnes, & quacuſcumque mulieres alias, tam in genere, quàm in ſpecie. Significans nihilominus idem Sanctiſſimus D. N. eodem vivæ vocis oraculo nobis facta, quòd propter hoc, & per dictas ſuas Litteras non intel-

igit, quòd mulieribus præcludatur aditus accedendi ad Monasteria, & loca Regularia, ac eorum Claustra, quando in eis Missæ, & Divina officia celebrantur, ac quando Processionis sunt, & quando Christifidelium cadavera ibi sepeliuntur, ut etiam pro eis suffragia fiunt: sed liberè concessit, & concedit eisdem omnibus mulieribus facultatem, ut ad illa loca, in quibus dicta pia opera exercentur, cum aliis Catholicis personis accedere liberè, & licitè possint, & valeant: & similiter quòd, quando Divinum Verbum in Ecclesia Monasteriorum, & Regularium locorum huiusmodi proponitur, vel propter aliam quamcumque causam est tantus concursus populi, quòd commodè ingredi non possint, & egredi per principalem portam Ecclesiæ, concessit, & concedit eodem vivæ vocis oraculo, ut dictæ mulieres unà cum aliis sæcularibus personis possint ingredi, & egredi per portam Claustrarii Monasteriorum, & Regularium locorum huiusmodi, dummodò recto tramite accedant ad portam, qua exitur à Monasterio: non obstantibus Privilegiis, & Litteris Apostolicis, ac quibuscumque in contrarium facientibus. In quorum omnium, & singulorum fidem, & testimonium præmissorum presentes nostras Litteras exinde fieri fecimus, illasque manu propria subscripsimus, sigilli, & nostri, quo in talibus utimur, impressione communivimus.

Datum Romæ in Palatio Apostolico in ædibus nostræ solitæ Residentiæ sub Anno à Nativitate Domini 1568. Indictione II. die verò 28. Mensis Januarii, Pontificatus prælibati Sanctissimi D. N. Pii V. Anno 3.

Alex. Card. Cribellus.

18 Nec dicendum, Oracula fuisse per Sedem Apostolicam revocata; quia Gregorius XV. Constitut. *Romanus Pontifex* 27. *Bullar. tom. 3.* à sua revocatione excipit ea facta S. R. E. Cardinalibus; & quamquam Urbanus VIII. Constitut. *Aliàs* 121. *Bullar. tom. 4.* extendat præfatas Litteras Gregorii ad ea etiam ipsis Cardinalibus facta idem tamen Constitut. *Aliàs felicis, ibidem* declarat, Oracula Officialibus Papæ facta antequam emanarent dictæ Constitutiones, adhuc vivere, & auctoritatis esse

eosque in Litteris emanatis super revocatione Oraculorum, non comprehendi, & ad abundantiorē cautelam eosdem Officialis, & Ministros adversus easdem Constitutiones plenariè in integrum restituit, perinde ac si quoad illos enunciata Constitutiones non emanassent; Cardinalis autem Cribellus erat tunc Officialis D. Papæ, ut etiam patet ex data suarum Litterarum.

19 Opponitur adversus ingressum mulierum intra claustra decretum S. C. Indulgentiarum, ut infra. Proposito dubio: *An verba Pontificii Brevis concedentis Indulgentiam omnibus utriusque sexus Christifidelibus, Capellam intra claustra Regularium sitam visitantibus, sic accipi possint, ut comprehendant Capellam in ipso dormitorio constructam?* Sac. Congregat. respondit: *Minimè illam comprehendere: nullamque tribui facultatem mulieribus ingrediendi claustra.* 2. Maii 1679. apud Monacell. in *append. for. p. 1.*

Cæterum hoc tantum probat, mulieres ex vi dictæ clausulæ non posse Claustra Religiosorum ingredi; & hoc intendit Decretum: quod tamen Indulta aliàs concessa non revocat, nec prohibet absolutè ingressum, sed solum pro eo casu respondet quæsito.

Nec opponatur Decretum S. R. E. C. 30. Septembris 1628. quo respondit Episcopo Oriolen. *non licere mulieribus comitari Processiones per Claustra Monasteriorum Regularium, nisi adsit expressa licentia Sedis Apostolicæ.* Nam de privilegio Apostolico constat ex d. Const. B. Pii, & *alleg. vivæ vocis Oraculo.*

Caveant Superiores, nè aliquam Processionem ex industria instituant, ut illius occasione mulieres Claustra ingrediantur; nam id esset in fraudem legis, & laxationis incentivum. Nec mulieres admitti possunt, dum confertur habitus alicui Novitio, vel tempore lotionis pedum, quæ fit Feria quinta in Cœna Domini, vel alia occasione. Roderigo *tom. 1. qq. Regul. quæst. 48. art. 3.* Lantusca *ver. Claustrum num. 4.* contra Peyrin. *de privil. ad const. 6. Julii 11. §. 3. n. 13. & 14.* ubi tamen Superiores non excusat à peccato. Sed ubi d. privilegium non est in usu, servetur solitum.

20 Viris Sæcularibus non est ad Regularium Claustra aditus absolutè interdictus.

dictus. Verum quibusdam eos recipere, & admittere in certis circumstantiis prohibetur; prout sub die 1. Decembris 1679. S. C. Ep. & Reg. id Fratr. Minor. de Observantia injunxit; cuius dispositio reperitur confirmata à sanct. mem. Innoc. XI. die 20. Septembris 1685. *Direct. trium Ord. Const. 8.* prout sequitur: *emanavit alias, & infra, decretum tenoris, qui sequitur: videlicet, Sac. Congreg. &c. Religiosa quieti, & tranquillitati Fratrum Minor. Sancti Francisci de Observ. benigne consulens, injungendum censuit, prout presentis decreti tenore injungit omnibus, & singulis dicti Ordinis Superioribus Provincialibus, Localibus, eorumque subditis, sub pœna privationis officiorum Ordinis immediate incurrenda, ne ullo unquam tempore; quovis pretextu, vel quasito colore permittant, aut consentiant saculares quoscumque ingredi septa suorum Conventuum, deferendo per sylvas, hortos, & prata sclopos ad venandum, sive alia armorum genera; vel illa apud Fratres, tam Superiores, quam subditos deponere; pariterque ludere quomodolibet per Claustra, aliaque loca publica, vel privata ipsorum Conventuum; & convivere, ac pernoctare in eis ultra triduum, tantum pia hospitalitatis titulo, & sic servari mandat: non obstantibus, &c. Decernentes easdem presentes Litteras semper firmas, validas, & efficaces existere, & fore, suosque plenarios, & integros effectus sortiri, & obtinere ac ab illis, ad quos spectat, & pro tempore spectabit, inviolabiliter observari, &c. Non obstantibus, &c.*

21 Sub qua dispositione legis comprehenduntur etiam Clerici, nisi sint bonæ vitæ, ut sub die 10. Maii 1680. eadem Sac. Congreg. in terminis firmavit, ut infra: S. C. &c. referente Eminentissimo Casanate, censuit, suprascriptam prohibitionem extendendam esse etiam ad Clericos, exceptis tamen Clericis, qui exemplarem vitam ducunt.

22 Non verò Syndici Apostolici Conventuum præfatorum Fratrum ex ejusdem ibidem, Sac. Congregationis responso ad dubium, eidem super ea re per Patrem Fratrem Joannem Baptistam ab Atina, Procurat. Generalem dicti Ordinis propositum: *An scilicet dicti Syndici comprehenderentur in Decreto emanato die 1. Decembris 1679. Quæ respondit, ut infra:*

S. C. &c. audito Patre Ministro Generali Ordinis, & attentis narratis, censuit, ac declaravit, præfatos Syndicos Apostolicos Conventuum ejusdem Ordinis non comprehendendi in enunciato Decreto. Roma 4. Decembris 1699.

G. Card. Carpineus.
Joseph Emygdus Ferrus Pro-Secretarius.

Intelligas, decretum Sac. Congr. de anno 1679. non comprehendere Sæculares confugientes ad præfatorum Conventus pro inunitatis beneficio, vide cap. 24. num. ult.

23 Quæritur. An ad recipiendum Conventum suppressum alterius Religionis, necesse sit ut audiantur Regulares in loco præexistentes?

Resp. Affirmativè, prout ex Decreto S. Congr. Episc. ut infra.

Fratres Reformati Ordinis Sancti Francisci Provinciae Tuscie obtinuerunt ex benignitate Eminentissimi Cardinalis Comendatarii Abbatie Sancti Joannis Baptista, Conventum, & Ecclesiam, alias Congregationis Fratrum Jesuatorum suppressa, intra mœnia Civitatis Florentiæ existentem, cum obligatione tamen adimplendi omnia onera Missarum, & Aniversariorum, eidem Ecclesie annexa; in quem Conventum iidem Fratres Reformati eorum antiquum hospitium transferre, seu potius novum Conventum erigere intendebant, contradicentibus ad id ceteris Mendicantibus qui ex huiusmodi translatione, seu novi Conventus erectione; non leve sibi præjudicium inferri præsumebant; quare delata huiusmodi controversia ad Sacram Congregationem negotiis, & consultationibus Episcoporum, & Regularium præpositam.

Eadem Congregatio, utriusque partis rationibus mature examinatis, referente Eminentissimo Cardinali Columna, declaravit, atque decrevit, non esse locum huiusmodi translationi, seu novi Conventus erectioni; & dictos Fratres Reformatos dimittere debere præfatum Conventum noviter acquisitum, & ad eorum antiquum Hospitium redire, in eoque permanere, servata ejusdem Hospitii forma. Quæ omnia ut executioni fideliter demandentur, censuit remittendum, prout presentis Decreti tenore remittit Eminentiss.

lisa. Archiepisc. Florentino. ut cum facultatibus ejusdem Sac. Congreg. dictos. Fratres Reformatos ad eorum Observantiam compellat. contrariis quibuscumque non obstantibus, &c. Romæ 26. Martii 1677.

CAPVT XVII.

Officialis quoad declarationem
Regulæ S. Francisci.

SUMMARIUM.

- 1 *Commentis sæpè verborum sensus alteratur.*
- 2 *Constitutio Urbani VIII. revocatoria indultorum contra Regulam, & Decretales Nicol. III. & Clement. V.*
- 3 *Constitutio Innoc. XI. super puritate Regulæ, usque ad num. 13.*
- 4 *Innoc. XII. Const. confirmatoria litterarum Innocentii XI.*
- 5 *Quot actibus probetur frequentia?*
- 6 *Praxis irritandi electionem ad præscriptum Innocentiana.*
- 7 *Diferentia inter requirere consilium, & consensum.*
- 8 *Fratr. Min. de Obser. non possunt habere vineas.*
- 9 *Nec esse possunt executores testamentorum.*
- 10 *Possunt habere bibliothecas.*
- 11 *Est eis interdictus pecuniarum questus.*
- 12 *An eis liceat asseruare vidualia?*
- 13 *Syndici Apostolici non repugnant Observantia Regulæ, usque ad n. 45.*
- 14 *An Fratres Minores emere, & vendere possint?*
- 15 *An recipientes de novo Conventus, annuas præstationes recipere valeant?*
- 16 *Quid intelligatur per duas curias, unam cum capcio, & aliam sine capcio, quas Dñus Franciscus in secundo capitulo sue Regulæ, his qui voluerint, permittit habere.*

Quia sæpissimè per glossas, seu commenta, aut doctrinales interpretationes, solet legitimus verborum sensus, & pura authoris intentio, vel depravari, aut alterari, & ad non intentum extorquendi; ideò Regulam Sancti Francisci, utpote ab eodem in suis tabulis strictè interdictum, glossare non intendimus;

nec referre super ea editas Declarationes Nicolai III. & Clem. V. ab Ordine receptas, quæ videri respectivè possunt, illa Nicolai cap. *Exiit, de verber. signif. in 6.* & altera Clementis *Clement. Exiit item, de verb. signif.* sed aliqua juxta ipsarum tenorem dubia resolvere; quibus præmittimus Constit. Urbani VIII. & Innocentii XI. & XII.

Omnia itaque Privilegia, Concessionem & Indulta, sive per Litteras Apostolicas, etiam motu proprio, sive vivæ vocis oraculo concessa, quæ puritati Regulæ, aut dd. Declarationibus Nicolai III. & Clement. V. quomodolibet adversantur, revocantur ab Urbano VIII. adeò ut illis deinceps uri non possit, ut infra.

2 Sacrosanctum Apostolatus ministerium humilitati nostræ, nullo licet meritum suffragio, Divina dispositione commissum, postulat, ut iuter gravissimas, multiplicesque Apostolicæ sollicitudinis curas, illam peculiari studio complectamur, per quam personæ sub suavi Religionis jugo. Salvatoris, & Domini nostri obsequiis famulantes, felicioribus in dies proficiant incrementis. Cum itaque, sicut accepimus, dilecti filii Fratres Ord. Min. S. Francisci de Obser. assiduis Verbi Dei Prædicationibus, continuæque Sacramentorum Ecclesiasticorum administratione, necnon aliis spiritualibus exercitiis uberes in vinea Domini fructus jugiter asserre nescantur.

Nos, ut Fratres prædicti in tam laudabilem operum exercitio eo alacrius perseverent, quò amplioribus fuerint ab hac Sancta Sede favoribus muniti, providere necnon felici illorum statui, quantum nobis ex alto conceditur, consulere volentes, necnon statutis, & per eos in Capitulo Generali proximè præterito decretis inhærentes, ac supplicationibus etiam dilecti filii Bernardini de Senis, ejusdem Ordinis Ministri Generalis. Nobis super hoc humiliter porrectis inclinati, quòd de cætero perpetuis futuris temporibus, omnes, & singuli ejusdem Ordinis Professores, juxta dicti Ordinis Regulam, necnon Declarationes à piæ mem. Nicolao III. & Clemente V. Romanis Pontificibus prædecessoribus nostris desuper emanatas, cum calepodiis, seu sandaliis apertis, dumtaxat incedere

„teneantur; neque alio pedum operimen-
 „to, sive panneo, sive alterius cuiuscum-
 „que materiae existat, absque expressa li-
 „centia uti possint; quoddamque integrum
 „eorumdem Professorum vestimentum
 „duabustantum tunicis constet, & con-
 „stare debeat, una scilicet cum caputio, &
 „alia sine caputio, ut eadem Regula præ-
 „scribit; neque ejusdem Ordinis Professo-
 „res tertia tunica, seu camisia staminea,
 „aut interula, sive sudariis, vel alia qua-
 „cumque re, contra ejusdem Regulæ te-
 „norem, etiam in vim concessionis fel. re-
 „cord. Julii Papæ II. etiam Prædecessoris
 „nostri, sive quovis prætextu, & ex qua-
 „cumque causa ullo modo uti valeant,
 „Apostolica auctoritate tenore præsen-
 „tium perpetuò statuimus, atque declara-
 „mus; prædictamque Julii Prædecessoris,
 „& quascumque alias concessionis, sive
 „indulta, tam per Litteras Apostolicas, &
 „motu proprio, quam vivæ vocis oracu-
 „lo, & aliàs quomodolibet concessa, eidem
 „Regulæ quomodolibet contraria, abro-
 „gamus. Decernentes, &c. non obstanti-
 „bus, &c. Dat. Romæ 1. Octobris 1625.
 „Marchant. q. 7. proæm. in Reg. S. Franc.

3 Innocentius XI. declarat, omnes, &
 singulos Fratres de corpore Observantiæ
 teneri observare Regulam Sancti Franci-
 sci, juxta Declarat. Nicolai III. & Clemen-
 tis V. contrarias consuetudines, & privile-
 gia revocet; plura præcepta specificat, &
 alia disponit observanda in receptione, &
 professione venientium ad Ordinem, &
 Prælatorum electione; ac usum Syndici
 Apostolici licitum declarat, & bonorum
 administrationem, etiam Monialium, Fra-
 tribus prohibet, ut infra: *Sollicitudo pasto-
 ralis Officii, & infra.*

4 §. I. Cum itaque (sicut accepimus) in
 pluribus Capitulis Gener. Ord. Fratr. Min.
 S. Francisci de Observ. nuncupatorum, &
 novissimè in Vallisoletano, quod anno
 1670. celebratum fuit, unanimi omnium
 Fratrum vocalium consensu, declaratum,
 & protestatum fuerit, in nullo Regula eorum-
 dem Fratrum Minorum præcepto eatenus
 cum Fratribus Minoribus de Corpore Ob-
 servantiæ, sive Observantes, sive Reform.
 sive Discalceati, sive Recollecti dicantur,
 dispensatum fuisse, nec ipsam Observantiæ
 Corpus ullam unquam admisisse, vel ad-
 mittere dispensationem in Regulam, sed

potius velle pro viribus, Divino favente au-
 xilio, illam purè observare, juxta Sum-
 morum Pontificum declarationes à Fratri-
 bus Observantibus, seu de Observantia in
 suis Statutis Generalibus recomputatas, pro
 Cismontanis anno 1673. & pro Uleramon-
 tanis anno 1621. ac à Reformatis, Discal-
 ceatis, & Recollectis in suis particularibus
 Constitutionibus respectivè admissas, & re-
 ceptas. (Dictio respectivè facit, ut singula
 singulis sint referenda, Gobat. tom. 2. oper.
 moral. tract. 3. cap. 6. append. 2. sub num. 32.
 lit. A.)

5 §. II. Nos pro majori hujus protestatio-
 nis firmitate, & ut in Ordine præfato sta-
 tus, & Regula Fratrum Minorum purè ob-
 servetur, singulisque Fratribus proteexus
 eam transgrediendi præcludatur, eandem
 protestationem, & declarationem supra ex-
 pressam, harum serie, auctoritate Aposto-
 lica, approbantes, & confirmantes, motu
 proprio, ac ex certa scientia, & matura de-
 liberatione Nostri, deque Apostolice potes-
 tatis plenitudine, tenore præsentium decla-
 ramus, omnes, & singulos Fratres de Cor-
 pore Observantiæ dicti Ordinis teneri in con-
 scientia observare Regulam Fratrum Mi-
 norum Sancti Francisci, & præcepta ejus,
 à fel. record. Nicol. III. & Clemen. V. Ro-
 manis Pontificibus prædecessoribus Nostri,
 exposita, & numerata ad formam Constit.
 prædictarum respectivè; & signanter, præ-
 ter præcepta, quæ non ita frequenter occur-
 runt, & recitationem Divini Officii, tene-
 ri ad jejunia præcepta in Regula, nisi exen-
 set necessitas; ad incendendum sine calcea-
 mentis, hoc est absque aliquo, quod pedem
 cooperiat, cuiuscumque illud materiae sit, ni-
 si adsit vera necessitas à Prælato approban-
 da; ad non equitandum, nisi infirmitas, vel
 necessitas, iudicio Superiorum probata, ex-
 cuset; ad vilutatem vestium juxta prædictas
 Constitutiones respectivè; ad non utendum
 pluribus vestimentis, quam illis, quæ Regula
 præscribit, nempe una tunica cum caputio,
 & alia sine caputio, corda, & femoralibus;
 nam aliud quodvis vestimenti generis ultra
 prædicta (excepto mantello ab initio Religio-
 nis licito) ut indusia, seu camisia, sudariola,
 tunicella, & similia, sunt contra Regulam,
 nisi adsit vera necessitas excusans à præ-
 cepto per Prælatum approbata.

6 §. III. Ac demum teneri ad capitale
 præceptum Religionis Fratrum Minorum de

non recipiendis denariis per se, vel per interpositam personam.

7 §. IV. Aliarum enim rerum necessaria-rum possunt Fratres Minores de Corpore Obser-vantia huiusmodi habere usum, licet non dominium; denariorum autem, nec domi-nium, nec usum; & proinde quavis contrectatio pecunie, seu denariorum, que non sit pu-rè naturalis, seu que sit quovis modo politica, cuiuscumque domini sint denarii, seu pecunia, Fratribus Minoribus Observantibus, seu de Observantia est omnino prohibita.

8 §. V. Ac propterea omnes, & singulas dispensationes, concessiones, & consuetudines, si qua contra præmissa in Corpore Obser-vantia Ordinis prædicti reperiantur, motu, scientia, deliberatione, & potestatis plenitu-dine paribus, earumdem tenore presentium revocamus, cassamus, irritamus, annullamus, viribusque, & effectu penitus, & omnino vacamus, ac revocatas, cassatas, irritas, & nullas, viribusque, & effectu penitus, & om-nino vacuas esse, & perpetuo fore decernimus, & declaramus.

9 §. VI. Declarantes tamen pariter, quòd per præmissa non prohibentur in dicto Ordine Syndici Apostolici, cum eorum usus non sit dispensatio in Regula, sed modus à Romanis Pontificibus prædecessoribus Nost-ris provisus pro puriori illius observantia; siue ejusmodi Syndici assumantur ad præscriptum Constit. Nicol. III. & Clement. V. prædecessorum prædictorum, siue secundum dispositionem Con-stitutionum rec. mem. Martini IV. & Ma-rtini V. ac Pauli IV. prædecessorum pariter Nost-rorum, prout illorum usus in singulis Fa-miliis, Congregationibus, Reformationibus, aut Provinciis Ordinis prædicti respectivè fuerit receptus.

10 §. VII. Ut autem in ingressu Religionis unusquisque de obligationibus, quas assumere vult, plenè informetur statuimus, ut nullus recipiatur ad habitum Regularem in eodem Or-dine, nisi prius plenè informatus sit de prædictis præceptis Regule, obligantibus in conscientia, & prævia hac notitia, velit proba-tionem subire; nec quisquam admittatur ad professionem Regularem, nisi prius examina-tus sit de intellectu Regule, & præceptorum ejus, juxta prædicta; & deinde immediatè ante illam coram tota Communitate fiat ei protestatio, quòd ad observantiam Regule cum omnibus ejus præceptis, tunc numerandis, & exprimendis, obligetur in professione,

eamque protestationem admittat, & sub ea professionem faciat.

11 §. VIII. Quia verò efficacius prædicta observandi medium est exemplum Pralat-orum, siue Superiorum, idèò statuimus pari-ter neminem eligi posse in Pralatum, siue Su-periorem in Ordine prædicto, qui vitam com-munem Observantia non sequatur; hoc est, qui frequenter equitet, seu infirmitatem, qua ab obligatione pedibus incedendi excusetur, habeat, qui indusiis, seu camisis, aut lineis utatur apud se, vel in lecto; qui calceatus incedat, qui jejunia Ecclesie, & Regula non ob-servet; qui aliquando visus sit contrectare pe-cunias, nisi jam per triennium saltem emen-datus sit; qui notabiliter defectuosus sit in as-sistendo Communitatibus Chori, Refectorii, & aliis, prout sibi in Constitutionibus præ-scribitur.

12 §. IX. Porro electio illius, qui in omni-bus præmissis vitam communem non sequa-tur, irritanda sit à Prælato, siue Superiore Generali, capta informatione extrajudiciali pro sua conscientia sine strepitu judicii; cum consilio tamen, & assensu trium Fratrum, qui Ministri Provinciales, vel saltem Desi-nitores Provincia sint, vel fuerint; ipsorum autem conscientias, ne aut ille expellatur, qui vitam communem sequatur, aut ille confirme-tur, qui eam non observet, oneramus.

13 §. X. Denum, ut omnis occasio trans-grediendi præceptum de non contrectandis de-nariis, seu pecuniis auferatur, omnibus, & singulis dicti Ordinis Prælatiis, siue Superio-ribus in virtute S. Obedientie, ac sub pœna privationis suorum officiorum injungimus, ut nulli Religioso ejusdem Ordinis permittant administrationem fundorum, reddituum, ac quarumcumque aliarum rerum, & bonorum mobilium, vel immobilium, cuiuscumque do-mini illa sint; & signanter, ut nulli Religio-sorum Ordinis huiusmodi permittatur admi-nistratio bonorum temporalium alicujus Mo-nasterii Monialium sub quovis pretextu, aut nomine: nempe, Administratoris, Syndici, Factoris, Coloni, Superintendentis, Villici, aut alio quovis imaginabili. Decernentes, &c. sublata eis, &c. ac irritum, & inane, &c. non obstantibus, &c. Rome 20. Novem-bris 1679.

14 Innocentius XII. solvit dubium or-tum supereligibilitate, vel ineligibilitate eorum, qui non servant rigorem Regule, prout sequitur: Alias à fel. rec. deinde

in-

inferit litteras Innoc. XI. & infra subdit : Cum autem, sicut dilectus filius Bonaventura Poerius Minist. Generalis dicti Ordinis Nobis nuper exponi fecit, nonnulli Visitatores ex utraq; Familia ejusdem Ordinis, tam de Observantia, quam Reformati, dubium ei proposuerint: An eorum Religiosorum, qui vitam communem in victu, vestitu, Chori frequentia, iter pedibus agendo, aliisque similibus à Regula præscriptis rigoribus non observant, idque ex infirmitatis, sive alterius impotentia causa, qua eos juxta textum Regula, & Constitutionum dicti Ordinis excusat, adeoque à transgressionis culpa eximit, electio in Pralatos, sive Superiores in eodem Ordine valida sit; eaque, si alias canonicè facta reperiatur, & illi officiorum, ad qua fuerint electi, cateroq; sint capaces, ab ipsis Visitoribus confirmari possit, & debeat; ipse vero Bonaventura Minister Generalis, tametsi existimet, Religiosos, qui propter infirmitatem, aut aliam quamvis necessitatem, vitam communem, aliaque in præsertis Innocentii Prædecessoris Litteris præscripta exactè observare nequeunt; ab Officiis, & Gradibus Superioritatis excludi debere, seque, ac pro tempore existentem Ministrum Generalem Ordinis supradicti, eos, etiam alias canonicè electos, juxta earundem Litterarum formam, excludere posse; illos autem, qui culpabiliter dictam vitam communem non observant, & ex malitia delinquant, non solum ab Officiis, & Gradibus hujusmodi excludi, sed etiam pœnis contra transgressores statutis puniri debere; nihilominus dubium præfatum declarari, ac alias desuper opportune à nobis provideri plurimum desideret.

Nos ejusdem Bonaventura Ministri Generalis votis hac in re favorabiliter annuere volentes, eumque à quibuscvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censes, supplicationibus ipsius Bonaventura Minist. Generalis nomine nobis super hoc humiliter porrectis inclinari, de Venerabilium Fratrum nostrorum Sanct. Roman. Eccl. Cardinalium, & dilectorum filiorum Romane Curie Pralatorem super Disciplina Regulari

specialiter à Nobis deputatorum qui rem mature discusserunt, consilio, Religiosos omnes præfati Ordinis, qui vitam communem observantia in præsertis, Innoc. Prædecessoris Litteris præscriptam verè, & cum effectu sequi non solent, etiam si id ex infirmitate, seu alia quavis necessitate, & absque ipsorum culpa accidat, in Pralatos seu Superiores ejusdem Ordinis eligi non posse, eorumque electionem, si quando fiat, tametsi alias canonica foret, à Prælato, sive Superiore Generali dicti Ordinis, servata quoad hoc earundem Litterarum forma irritandam esse; illos verò, qui in prædictis observantia communis exercitiis, seu in eorum aliquo culpabiliter deficere consueverunt, non modo, ut supra, ineligiblees esse; sed insuper pœnis Constit. ipsius Ordinis subjacere, auctoritate Apostol. tenore præsentium, declaramus, ac etiam statuimus, & ordinamus. Decernentes, &c. non obstantibus, &c. Romæ 2. Julii 1695. Bullar. par. dict. Innoc. XII. la 47.

Verùm absolutè non concluditur ineligibleitas ex equitatione, sed ex ea cum frequentia; ex frequentia enim crimen aggravatur, ut docent Sperellus decis. 37. num. 49. Ameno de pœn. tit. 4. §. 4. adulterium num. 53. tantò enim sunt graviora peccata, quantò diutius infelicem animam detinent alligatam, cap. Cum tanto, de consuetudine.

15 At dubitatur, quot actibus frequentia probetur? Duos sufficere, tradit Gloss. in verb. Frequentare ad cap. Monasteria de vita, & honestate Clericor. cap. Ita nos, 25. quæst. 1. & infertur ex 40. regula jur. in 6. ubi, Pluralis locutio, duorum numero est contenta. Verùm satis non esse videtur certum ex distinctione, quæ reperitur inter Relapsum, Recidivum, & Frequentem; siquidem Recidivus in crimine, per Ameno cit. num. 53. ille censetur, qui semel de delicto punitus, ejusdem speciei novum committit; & Relapsus, cap. Accusatus, de hæreticis in 6. §. Eum verò, dicitur, qui hæresim in judicio abjuravit, & postea in aliam etiam hæresis speciem, five sectam committit, ut ibi text. Frequens verò, qui pluries crimen committit, de quo nunquam punitus sit: unde frequentia pluralitatem exigit; sed ad duos actus ex vi Const. non restringitur, alioquin in ea non fumeretur, ut contradistinctè à Relapso; ideo numerus

rus actuum, & ipsorum qualitas arbitrio iudicis relinquitur.

Sic pariter intelligibilis est, qui *mitur li-
neis apud se, vel in lecto*, hoc est, qui, vel
illa ad carnem defert, vel tenet in lecto, &
quoad id de facto consuetudinem habet;
quam per Ameno *cit. tit. 2. §. 1. n. 181.* usus
in casu significat, & super numero actuum
ad eam inducendam sufficientiam Iudex
pronunciat, ex Engel. *Colleg. univers. juris
Canon. lib. 1. tit. 4. num. 8.* Non peccare, sub-
dit Ameno *cit. num. 182.* qui fatigatus ex ite-
nere, concione habita, exercitio, laboreve
violento sudans lineo sudario se abstergit;
ipsumque deinde, sudore perseverante, ad
illum excipiendum subtus habitum ad qua-
tuor, vel sex horas, & sine sæcularium scan-
dalo defert; nedum, quia id ex legitima cau-
sa, & ex necessitate faciat, sed etiam, quia
illud ea occasione, & ad modicum horarum
tempus portare, non possit dici lineorum
usus. Cæterum mortaliter, & non tantum
venialiter, ut Joannes de Graffis asseruit,
Fratr. Min. peccat, qui sine dispensatione
lineam camisiam, etiam truncatis manicis,
ad carnem gestat, ut apud Marchant. *in c. 2.
Regula tit. 3. q. 5. conc. 1.* & taliter dispen-
sati à Prælaturis arcentur, etiam ex dispositio-
ne Constit. Gener. *cap. 2. §. 9. num. 15.* Mi-
nister verò eum, qui cum tali licentia utitur
camisia, adnotet in eorum numero, qui vitam
communem servare non possunt, ut liqui-
dò constet conformiter ad Statuta, quod
non possit eligi in Officium alicuius Præla-
turae.

Ad concludendam ineligilitatem ex con-
tractatione pecuniæ, fat est, ut quis semel
vifus sit easdem contractare. Verùm eligi
non prohibetur, si per triennium ad minus
se correxisse constet; ut ex Const. Innoc. n.
11. Ex quo habetur, quàm strictè ipsis Fra-
tribus prohibeatur pecunia.

16 Electionem irritare, eamque ad præ-
scriptum Const. cassare, non est de spectan-
tibus ad actus facultativos; nam actus me-
ræ facultatis, censentur per Engel. *cit. n. 9.*
qui nullam juris obligationem, aut neces-
sitate habent, & pro cuiuslibet arbitrio fie-
ri, vel omitti possunt, id autem arbitrio, &
libertati Generalis non committitur, sed
potius necessitas imponitur; ut per expres-
sa, *ibid. num. 12.* & significant clausulæ: *Ir-
ritanda sit; ipsorum autem conscientias, ne
aut ille expellatur, qui vitam communem*

*sequatur, aut ille confirmetur, qui eam non
observet, oneramus.*

Debet Generalis super eo pronunciare,
Capta informatione extrajudiciali pro sua
conscientia, sine strepitu iudicii, ut expresse
textus; quorum sensus datur in Clement.
Sape contingit, de verbor. signif. ut sequitur:
*Sancimus, ut Iudex, cui taliter causam com-
mittimus, necessario libellum non exigat, li-
tis contestationem non postulet tempore etiam
feriarum, ob necessitates hominum indulta-
rum à jure, procedere valeat; amputet dila-
tionum materiam; litem quantum poterit,
faciat breviorē; exceptiones, appellationes
dilatorias, & frustratorias repellendo; par-
tium Advocatorum, & Procuratorum con-
tentiones, & jurgia, testiumque superfluum
multitudinem refranando: non sic tamen Ju-
dex litem abbreviet, quin probationes neces-
sariae, & defensiones legitime admittantur,
&c.* Et facit Gloss. ad cap. Statuta, de heret.
in 6. in ver. Certum est, Pasqualigo ad Lau-
retum de Franchis *par. 1. num. 708.* tradit
servanda; & probationes, citationes, defen-
siones legitimas, juramenti præstationes,
ait, nunquam esse in summario processu
omittendas, utpotè necessarias pro habenda
veritatis noticia Engel. *lib. 2. tit. 1. num.
12.* distinguens iudicium ordinarium (ut,
cùm Iudex cum ordinaria figura, & stre-
pitu iudicii, juxta præscriptum juris proced-
dit) à summario (ut cum idem, omnis am-
bagibus, & ordinariis iudiciorum solemnita-
tibus summatim de causa cognoscit) docet
hoc summarium iudicium necessarium
esse in causis electionum, provisionum, &
similibus, ubi periculum aliquod & dam-
num ex morâ, & administrationis defectu
timetur; quod in casu nostræ electionis
posse evenire, non est dubitandum.

Et cum consilio, & assensu trium Fra-
trum, ait text. qui Ministri Provin. vel sal-
tem Definidores Provinciae sint, vel fue-
rint; quæ copulative requiruntur, tan-
quam de forma, adedut si unum, vel alte-
rum omittatur, decretum de electionis
nullitate vim non habeat. Quod omisso
consilii, quando id jura requirunt, actus ir-
ritet, habetur expresse cap. Novit, c. Quan-
do, de his, quæ sunt à Prælati sine consensu
capituli, & cap. Cum in veteri, de electione;
ubi disponitur non tenere electionem, non
requisito, vel non expectato consilio, quod
de Papæ mandato requirendum, & expe-
ctan-

Standum erat. Et idem *tit. cit. cap. De his, cap. Ea noscitur, cap. Tua nuper, & cap. Pastorialis*, statuunt respectivè Cœlest. & Innoc. III. si consensus non accesserit.

17 Differunt requisitio consilii, & requisitio consensus. Cum consensus requiritur, tenetur Prælatus id exequi, & sequi, quod major pars Capitularium concluserit, *alleg. cap. Ea noscitur*. Cum verò consilium dumtaxat exigitur, sola consultatio cum Capitularibus sufficit, absque eo, quòd Prælatus teneatur eorumdem consilium sequi, *cap. Cum olim, de arbit. cum sua Gloss. ver. Inter Priorem*.

18 Quæritur. *An Fratres Minores possint habere vineas, agros, &c.*

Resp. Negative, per text. in d. *cap. Exiit, §. Ad hac*; ubi ipsis prohibetur recipere vineam, vel agrum ad excolendum, vel domum ad locandum. Et in d. Clement. *Exiit, §. Licet verò*, ubi Fratribus permittitur habere hortos, & areas competentes ad collectionem, vel recreationem sui, & interdum ad seipsos post labores huiusmodi corporaliter deducendos, necnon ad habenda necessaria hortaliatipro seipsis; habere tamen hortos aliquos, ut colantur, ac olera, & alia hortaliatiprecio distrabantur, necnon & vineas, repugnat sue Regula. Quòd si talia ad usus proximè dictos, ut puta agrum, vel vineam ad excolendum, & consimilia Fratribus legantur, per omnem modum Fratres à receptione talium abstinerent; cum etiam præmissa habere, ut pretium fructuum suis temporibus habeatur, ad naturam, & formam proventuum appropinquet.

19 Ex quibus deducitur I. Quòd eis non licet habere hortos excessivos, hoc est, non necessarios; cum eis habere non liceat, quod necessarium non est; & ideo in fraudem paupertatis retinentur, & in scandalum populi.

II. Quòd, quamvis eis permittanturorti ad præfactos effectus, vineæ omninò negantur, ex quo istæ ex sui natura ordinentur ad vinum reponendum; quarum fructus sapiunt copiam, & accedunt ad naturam proventuum, ac annui, hoc est, certi redditus, secundum ea, quæ notat ibid. Gloss. in ver. *Oppono*; & ideo per eas eorum paupertas, & mendicitas relevari videtur; ex eo etiam, quòd accedunt ad naturam possessionum, quarum etiam usus

eis interdicitur, dict. Clement. §. *Cumque annui redditus*.

III. Quòd habere paucas vites in dictis hortis, vulgò *Pergole*, ad percipiendum uvam pro usu Fratrum, non censetur eis vetitum, cum inter hortaliatia annumerentur.

20 Quæritur. *An dicti Fratres possint esse executores testamentorum, & ultimarum voluntatum?*

Resp. Negative, prout dict. Clement. §. *Cumque annui redditus, in ver. Cumque dicti Ordinis*; cum id, juxta textum, ut plurimum non contingat absque actibus litigiosis, & contestatione pecuniæ, quæ eis omninò dicto loco vetatur. Et quamvis sæpè accadat, ut ea non eveniant; tamen non cessat prohibitio, ut per Gloss. ibid. in ver. *Dixit*; nam sufficit, quòd hæc aliquando contingere possint. Neque ea fuit solatio prohibendi, sed etiam ne avocarentur à spiritualibus laboribus, quibus quotidie debent occupari, prout §. *Licet verò*; ac etiam ut evitentur fraudes, quæ sæpissimè in talibus contingunt. Nam est à viris perfectis specialiter evitandum, non solum, quod malum esse dignoscitur, sed & omne, quod speciem habet mali, ut in §. *Amplius*. Cæterum posse super ultimarum voluntatum consilium dare, eis non interdicitur, ut expresse text. ibid. cum ex hoc ipsis, circa bona temporalia nulla jurisdictio, si ve actio in iudicio, si ve dispensatio tribuatur.

21 Quæritur. *An Fratres Min. de Observ. possint habere bibliothecas?*

Resp. Affirmative, ut in terminis d. *cap. Exiit, §. Quia verò libros*; sed librorum dominium ad Papam spectat, ut ibi text.

Circa quod est ponderandum, surripientes furto librum, aut quinternum è Bibliothecis Minorum, ligari excommunicatione Papæ reservata, ex Const. B. Pii V. *Cum sicut accepimus, la 18. in Bullar. Roderici edita 4. Novembris 1568*. Quæ (ex ejusdem testimonio, *ibid. tit. Clemens VIII. §. Fidem facimus, & ex primo regesto Aracæ. Cur. Ultramontana*) non fuit revocata ab eodem Clemente, quemadmodum moderatus est alteram Sixti V. *Cum sicut, la 67. in Bullar. tom. 2. quoad penas in ea statutas*, quibus subdebantur consulentes, & removens per se, vel per alios, etiam pro minimo temporis spatio, è dictis Bibliothecis libros,

rōs, quinta, & folia. Quare in præsenti circa hoc attenditur Constitutio B. Pii, quæ loquitur solum de furripientibus furto, prout scripsit etiam Sanctorio de *pœn. cap. 8. §. Undecimus casus*.

Cæterum ad incurrendum censuram à B. Pio latam, necesse est, ut libri furto furriplantur è Bibliothecis formalibus. Bibliotheca autem formalis censetur, non quæcumque librorum in quovis loco adunatio, & collectio, sed notabilis, & magna librorum copia (juxta qualitatem Conventus) in loco publico cum armariis, & thecis, vulgò *Scanzie*, autoritate Superioris electo, ut Bibliotheca vocetur, & pro Bibliotheca habeatur; & ita ad Bibliothecam formalem requiruntur libri, armaria, & locus deputatus, juxta l. librorum, ff. de legatis, & fideicomm. §. Sed si bibliotheca.

21 Quæritur. *An in Ecclesiis Fratrum Minor. sit interdictus pecuniarum quæstus?*

Resp. Affirmativè de quæstu, qui cadit in commodum, & utilitatem ipsorum Fratrum, ad text. in d. Clement. §. Quocirca. ibi: *Quocirca quæstus omnis pecuniæ, ac oblationum pecuniarum receptio in Ecclesia, vel cippi, vel trunci ordinati ad offerentium, vel donantium pecunias reponendas; nec non recursus alius ad pecunias, seu habentes ipsas, qui per declarationem prædictam (hoc est Nicolai III. d. cap. Exiit) non conceditur; hæc, inquam, omnia sunt eis simpliciter interdictione*. Unde mortaliter peccant, non modò contra Regulam, sed etiam ratione scandali, quoties pecunias petant. Casus pro quibus ad amicos spirituales eis licet pro eleemosynis pecuniariis recurrere, & per quos sint expendendæ, enunciantur in d. cap. Exiit, §. Cæterum cum in eadem, & d. Clemen. §. Porro, ver. Cum etiam.

Dixi, quæ cadit in utilitatem Fratrum; quia aliter est discurrendum, cum quæstus pecuniæ ad instantiam Episcopi, vel Civitatis fieret pro pia causa aliorum, & pro pauperibus Urbis, Hospitalis, Terræ Sanctæ, &c. prout hîc Romæ praxis est, ut tempore Quadragesimæ ad instantiam Vicegerentis, vel aliorum extra Ordinem, in Concionibus in hac Ecclesia Aracœlitana commendetur ad Concionatore pecuniarum quæstus, ad dd. similive causas; sed tunc pecunia recolligitur per sæculares, & statim per eosdem absque ulla Fratrum opera personis instantibus traditur. A pe-

cuniis enim Fratres ita alieni esse debent; ut nec ipsis liceat earum usus, & contrèdictio, prout est textus in allegat. cap. Exiit, §. Ad majorem, & in d. Clement. §. Cumque annui redditus, ver. Verum etiam, vide c. 10. num. 45.

22 Quæritur. *An Fratribus Min. liceat conservare victualia, granum vinum, oleum, &c.*

Resp. Affirmativè, sed hac limitatione, si rationabiliter judicent, quòd alio modo ea habere non possint, ut expressis terminis d. Clement. §. Licet, ver. Rursus.

23 Quæritur. *An repugnet observantia puritatis Regula Fratrum Minor. de Obser. uti Syndico Apostolico assumpto ad præscriptum Constitutionum Martini IV. Martini V. & Pauli IV. in cujus Const. ex Clementin. la 1. in Bullar. tom. 2. confirmantur illæ utriusque Martini?*

Pro repugnantia, multa infarcinat Sanctorio Comment. in stat. cap. 4. stat. 4. præsertim quoad actum recipiendi eleemosynas pecuniarias pro Fratrum necessitatibus per benefactores oblatas, & donatas. Considerans I. hujusmodi Syndicos esse datos ad thesaurizationem.

II. Quòd dominium pecuniæ sit apud Fratres, & non apud Sedem Apostolicam, quæ in se recipit dumtaxat dominium earum rerum, quarum usus Fratribus licet habere, prout expressè declarat Nicol. III. d. cap. Exiit, §. Ad hæc. Et Clemens V. dict. Clement. Exiit, §. Prindè. Et idem Paulus dict. const. §. II. ibi: *Qui (hoc est Syndici) res ipsas, & rerum ipsarum pretium, & prædictas eleemosynas nomine Romanæ Ecclesiæ (ad quam rerum omnium mobilium, & immobilium, quibus Fratres uti possunt, jus, proprietas, & dominium, nullo medio spectat) recipiant, & recipere possint, & debeant per eosdem in Fratrum ipsorum utilitates, etiam pro victu, & vestitu eorum, ac reparatione Conventus, & Fratrum hujusmodi necessitatibus pro tempore convertenda, sicut & quando à Generali in toto Ordine, & Provincialibus Ministris, ac Custodibus (sub quibus comprehenduntur etiam Guardiani) in Provincia, & Custodia sibi decreta, vel ab iisdem Fratribus de consensu eorum fuerint requisiti*. Usus autem pecuniæ dd. Fratribus non licet: ergo ejusdem dominium in Romanam Ecclesiam non transit.

24 Sed his non obstantibus huiusmodi Syndicos puritati Regulæ non repugnare, nec inferre dispensationem relaxativam in observantia Regulæ, patet. Ex quo in manu Sedis Apostolicæ sit ipsam Regulam declarare, modosque idoneos, & accomodos juxta temporum circumstantias, ad puram ejusdem observantiam approbare, & disponere. Quod sanè à nullo negabitur, cum approbare Religiosorum Regulas ad Romanum Pontificem privative quoad alios quoscumque spectet, per textus in cap. *Quod votum, de voto in 6.*

25 II. Ex quo idem Paulus dict. const. & §. declaraverit, *Fratres non facere contra Regulam, quam profitentur, imò cum illius observatione quoad hoc, & pura, & sana conscientia sine alienius conscientie scrupulo vixisse eatenus, & in posterum vivere.* Ubi per clausulam, *sublata*, claudit os aliter dicendi, & irritat, quidquid secùs iudicatum fuerit.

26 III. Ex eo etiam, quod Innoc. XI. d. const. *Solicirudo* §. 6. declarat, usum Syndici assumpti, etiam ad præscriptum Constit. Martini, & Pauli, non esse dispensationem in Regula, sed modum à Romanis Pontificibus prævisum pro puriori illius observationem. Cujus Constitutio propter clausulam, *Motu proprio, & ex certa scientia*, non potest vitio subreptionis notari, cum tanta sit ejusdem clausulæ virtus, ut omnem subreptionem excludat, cap. *Si motu proprio, de præbend. in 6.* & Clement. *Si Romanus, eod. tit.*

27 IV. Tum pariter, ex quo dict. Syndicorum usus licitus supponatur à S. Congreg. ab Urbano VIII. consultat. Frat. Minor. præposita. Quæ licet fuerit erecta ad tollendos abusus contra observantiam Regulæ inductos, tamen dist. 3. ad 4. censuit, Syndicos Apostolicos posse accipere pecunias spontè oblatas pro Missis per Fratres celebratis, ut dicam infra cap. 30. *num.*

28 V. Tum etiam, quia dicti Syndici non sunt Procuratores Fratrum, sed Sedis Apostolicæ substituti, Procuratores, & Oeconomi (& propterea dicti Syndici Apostolici) cujus nomine eleemosynas pecuniarias recipiunt, easque in Fratrum necessitate erogant.

29 Deinde ad resolutionis confirmationem

Official. Cur. Eccl.

nem posset considerari, nihil opponi dict. Syndicis, quod retorqueri non possit, & applicabile non sit Syndico, & substitutis donantium, sive ab istis, sive à Fratribus nominatis, concessis à dict. Nicol. cit. cap. §. *Quia verò.* Qui tamen nec Regulæ repugnant; prout de hac re doctè scripsit, & collationem fecit Marchant. *relect. theol. in Regul. S. Franc. difficult. de instit. Synd.* idèò nos calamo parcimus, & ad eum Lectorum mittimus.

Ad rationes à Sanctioribus productas.

30 Ad primam, negamus Syndicos dari ad thesaurizationem; nam Fratres non debent permittere, ut apud eos plus pecuniæ deponatur, quàm eorum necessitates, non futuræ, sed præteritæ, præsentis, vel imminentes ferant, juxtà d. cap. *Exist §. Et quia oportet, v. Caveant.* Nec Syndici in fraudem paupertatis debent excessivas pecuniarum eleemosynas accipere.

31 Ad secundam, dicimus, si conferentes eleemosynas dominium sibi non reservant, ipsum esse apud Romanam Ecclesiam, de quo dubium esse non potest. Tum quia ejus nomine recipiuntur, & autoritate administrantur, tum quia huc intrat dispositio Nicolai III. d. cap. §. *Ad hæc cum;* ubi, ne rerum perfectè, & absolute oblatarum, donatarum, concessarum Fratribus Minor. (qui nec sibi in speciali, nec Ordini in communi aliquid acquirere possunt) dominium sub incerto videatur esse, decrevit, ad Romanum Pontificem, & Romanam Ecclesiam plenè, & liberè pertinere.

32 Nec dicas, id restringi ad mobilia, quorum usus Fratribus licet, ut expressè text. Nam illud, ne *rei dominium sub incerto videatur esse*, procedit etiam in dominio pecuniæ absolute donatæ. Tum quia aliarum rerum dominium illis perfectè donatarum ad Romanum Pontificem spectat; quia Pontifex est aliquo modo Pater specialis Frat. Minor. & filius incapax acquirendi sibi, acquirit suo modo Patri, ut ibi textus. Tum quia §. *Quia verò, versic. Si verò*, à Nicolao decernitur, quod pecunia, quæ exigitur ex re Fratribus licita, quæ vendi contingat, in rem, cujus usum ipsis Fratribus licet habere, per Procuratorem, ab ipsa Sancta Sede, vel Cardin. Protectore deputandum expendatur. Modò, tempore

H in-

intermedio ad venditionem, & conversionem pecuniæ in rem Fratribus licitam, dominium pecuniæ apud alium esse non potest, quam Romanum Pontificem; cum nullus alius præter eum assignari possit, in quem transferatur, & maneat, ut consideranti textum, obvium erit. Consequenter ita est resolvendum de dominio pecuniarum, quæ in eleemosynam conferuntur, & à Syndicis Paulinis pro Fratrum necessitatibus expenduntur; cum apud Fratres non sit, quia ex Regula incapaces; nec apud dantes, quia per eleemosynam dominium transferitur; nec apud Syndicos, quia sunt puri Procuratores, & Oeconomi Romanæ Ecclesiæ, cujus nomine pecunias recipiunt, & administrant.

33 Nec repetas, textum esse restrictum ad dominium rerum, quarum usus Fratribus non prohibetur; nam non loquitur exclusivè ad dominium pecuniæ existentis ex pia, & liberali Benefactorum voluntate, aut Missarum stipendio apud Syndicos; sed esse apud Romanam Ecclesiam, conclusentissimè habetur *d. §. Quia verò*, ut superius ponderavimus.

34 Neque pariter urget textus ex Paulina. Nam ex ea aperte colligitur dominium pecuniæ in manibus Syndici pertinere ad Ecclesiam, cum ejus nomine recipiatur, & autoritate erogetur in Fratrum necessitates. Quod fanè ad dominium spectat, cum sit *Jus, seu facultas legitima disponendi libere, & absque ullius injuria de re, vendendo, donando, emendo, &c.* Clausula verò, *Ad quam rerum omnium, &c.* dict. Constit. non est appositae cum exclusionem ad dominium Romanæ Ecclesiæ in dd. pecunias, sed ad significandum dd. Fratres, nec sibi in speciali, nec Ordini in communi posse aliquid acquirere. Et quòd, etiam rerum, quarum usus eis licet, jus, proprietas, & dominium nullo medio, sed immediate spectat ad Romanam Ecclesiam.

35 Et inde est differentia paupertatis Minoriticæ ab ea cæterarum Religionum. I Quia illæ in communi rerum dominium habent, per Trid. sess. 25. cap. 3. de regul. II. Quia Religiosi ipsarum in particulari possunt de licentiâ Superiorum habere usum pecuniæ.

Neque iterum replices: dantes pecunias Syndicis intendunt dare Fratribus, non Se-

di Apostolicæ. Nam non est verisimile, nec præsumendum, quòd velint dare modo illicito, & peccaminoso, & ita, ut Fratres sint transgressores Regulæ; sed potius modo possibili, & ad proprium meritum, eorum necessitatibus providendo, ut *d. §. Quia verò, ver. Non enim*. At dato, quòd vellent, ut Fratres haberent pecuniarum dominium, adhuc apud eos dominium non foret, cum ipsorum Regula resistat, & ad Romanam Ecclesiam spectaret, quamvis nollent; dummodò sibi non reservarent, & factum esset intentioni contrarium.

36 Dices. Usus Syndici in terminis Paulinæ, est contra *d. cap. Exiit, dict. §. Quia verò libros*; ubi deputatio Syndici ad Sedem Apostolicam, vel ad Card. Protectorem dicitur pertinere: adeoque videtur inferre dispensationem in Observantia Regulæ, quæ juxta Declarationes Nicolai III. & Clement. V. observanda est, prout in quovis Capitulo Generali protestatio permittitur.

Resp. Negando antecedens. Ex difficultate enim adeundi Romam pro deputatione Syndici, vel à Sancta Sede, vel Cardin. Protectore, frequentissimè offendeatur puritas Regulæ per recursum modo illicito ad pecunias. Cui malo provisum est per dd. Pontifices, tribuendo Generalibus, & Provincialibus facultatem nominandi Syndicos. Nec capio, ex quo inferatur dispensatio in Regula, si ponderetur in dict. cap. §. *Ceterum cum, ver. Si tamen ipse*: ex Paulina solum habetur, quòd facultas deputandi Syndicos à S. Sede attributa Card. Protectori, sit ampliata ad dd. Ministros, ut ipsi eos nominent.

37 Et adverte, quòd Paulina utitur verbo, *nominare*; quia non ipsi Superiores conferunt auctoritatem Syndicis recipiendi, & expendendi eleemosynas pecuniarum in Fratrum necessitates; sed supposita per ipsos nominatione, eam, recipiunt à S. Sede, cujus ex dictis sunt Oeconomi, & veluti substituti. Superiorum nominatio est pura declaratio, quòd auctoritas Papæ ad præfata exequenda in personas nominatas derivat.

38 Item. Considera contra Sancto Romano nullam esse paritatem inter Syndicos, & cippos, ac possessiones. Quoniam Sancta Sedes concedit Fratribus usum Syndi-

ci, non verò cipporum, & possessionum, Clement. §. Perro. Tum quia in his aliquid certi pro sustentatione relucet. Pariter observa: Syndicos non esse *interpositam personam*. Nam persona interposita, juxta text. in cit. cap. Exiit, §. Ad majorem; illa dicitur, quæ nomine Fratrum pecunias recipit, & eas eorum autoritate, & tanquam ipsorum expendit: Syndicus autem pecunias nomine Fratrum non recipit, nec ipsorum nomine expendit, sed solum nomine Romanæ Ecclesiæ, ut in d. Paulina.

39 Ex quibus habetur. I. Quod Syndici Apostolici dici possunt substituti amici spiritualis, Papæ nimirum, qui cum impotens sit per se ipsum immediatè expendere pecunias datas in Fratrum necessitates, eas erogandas committit personæ à Fratribus nominatæ. Quemadmodum substituti donantium dicuntur substituti amici spiritualis, personæ nimirum, quæ ex amore Dei, vel devotione ad Fratres dat pecuniam pro Fratrum necessitatibus. Quinimò ipsis Syndicis ratione ministerii potest participativè convenire nomen amici spiritualis.

40 II. Quod Syndici sunt instruendi se pecunias recipere, non nomine Fratrum, sed Sedis Apostolicæ, hujusque nomine, & autoritate expendere in Fratrum necessitates. Et in receptis, quas faciunt, non debent testari esse Fratrum, sed in necessitates Fratrum expendisse.

41 III. Quod non debent pecunias in tanta quantitate recipere, ut sint in fraudem paupertatis.

42 IV. Quod Fratres non possunt recurrere ad Syndicos, nisi pro necessitatibus præteritis, præsentibus, vel imminutibus, & cum aliæ cessant eleemosynæ, d. c. Exiit, §. Caterum cum ver. Et quia.

43 Item sequitur, quod Fratres nil juris habent in pecunia, nec possunt Syndico præcipere, ut pecunias expendat; sed solum debent rogare, & ad eum humiliter recurrere, manifestando, & significando necessitates Fratrum, prout *ibid. ver. Ita tamen, quod*.

44 Et tandem habes, non posse Fratres à Syndicis computus juridicos exigere, quia hoc est proprium habentis jus in pecunias. Et cum videntur Syndici ipsis computus reddere, id non est actus juridicus in debi-

to, & obligatione civili fundatus, sed est charitativa informatio Superioribus exhibita ad ostendendam propriam fidelitatem, ad quam possunt per Fratres moneri, ut ibi textus.

45 Usus itaque Syndici, juxta Paulinam est Fratribus licitus; sed Fratres debent in recursum ad ipsos omni cautela procedere, & adnotata servare. De capacitate Fratrum ad legata dicendum c. 30.

46 Queritur etiam. An Frater Minor possit vendere, & emere?

Resp. Negativè, nam est Fratribus vetitum, nedum contrectare pecuniam, sed etiam quoscumque contractus civiles celebrare, juridicas obligationes contrahere, conventionem civiliter, vel juridice obligatoria de pretio rei pacisci; adeoque & in rigore emere; etenim ea omnia, rigorosa emptio comprehendit. Dicitur *in rigore*, quatenus lato modo eis emere licet, hoc est, non se obligando civiliter ad pretium pro re emptâ solvendum, nec mandando solutionem eorum fieri auctoritate, neque rei acquirendo dominium, aut proprietatem; sed prout emere dicit, de pretio per modum conventionis naturalis convenire, solutionem rei per idoneam personam, scilicet Syndicum, vel amicum spirituales procurare, & in simplicem usum dumtaxat acquirere, prout text. expressus *dist. cap. Exiit, §. Caterum, Cum possint tamen*, ait Nicol. ipsi (hoc est, Superiores, & de horum licentia subditi) *pro satisfactione faciendâ pro eorum necessitatibus, quæ pro tempore occurrerint (cessantibus eleemosynis, de quibus satisfieri commodè tunc non posset) citrà cujuslibet obligationis vinculum dicere, quod per eleemosynas, & alios amicos Fratrum ad solutionem hujusmodi faciendam intendant fideliter laborare*.

Sic etiam eis in rigore vendere non licet; nam rigorosè vendens, jus, & dominium rei in emptorem mediante obligatione pretii transfert, pecunias recipit, si ve jus recipiendi acquirit, quæ ipsis Fratribus sunt prohibita, unde solum possunt naturaliter de pretio rei absque obligatione convenire, & rogare, ut res per personam idoneam, Syndicum nimirum, vendatur; ita Marchant. in cap. 1. Regul. tit. 3. quest. 1. & 2. & Statuta Generalia Ord. cap. 4. §. 1. num. 5. firmant: *Sine dicto Procuratore*,

vel substituto, nihil emi, aut vendi, vel de elemosynis prædictis sub quocumque prætextu disponi possit sub pœna proprietatis, sub qua etiam pœna prohibemus, ne Guardianus, nisi in manu Syndici, vel substituti de ejusdem licentia, elemosynas pecuniarias teneat, vel per manus aliorum expendat.

47 Dubitatur: An Fratres Minores de Corpore Obser. & Capucini, dum de novo in locis recipiunt Conventus, possint à Fundatoribus exigere, ut annuatim certa pecunia summa expendenda, vel in emenda pitantia, aut Fratrum vestimentis, vel quid aliud fixum, solvatur?

Ad quod, eorum inspecta Regulæ, & professionis puritate, negativa firmatur. Quod per enunciatas Decretales eis etiam prohiberi constat, & ad causam in terminis trahi possunt disposita in superioribus, utpotè retinendi juris contra quemcumque, & juridicæ exercendæ actionis incapaces, ac ad pacta, & conventiones inepti; quibus ad amicos spirituales, ut Fratrum indigentis provideant, recursus dumtaxat conceditur in casu necessitatis, veræ, præteritæ, præsentis, vel imminens, quod magis evincitur, & fortius probatur, ex quo hujus generis onus reputetur, & in re sit locis impositum in fraudem Minoriticæ paupertatis, & incertæ mendicitatis, Fratribus dietim victualia parantis, ac inter redditus computandum; per disposita in allegandis decretis, d. cap. 30. & tradit Monacell. for. par. 1. for. 19. n. 27. tit. 6.

Sed quid, si præfatorum locorum fideles vellent eis per modum elemosynæ quolibet anno eam summam dare?

Dicendum, posse eam per Syndicum recipere, at nonnisi veris occurrentibus necessitatibus; & tunc solum, cum victus, & vestitus mendicatione, nonnisi valde incommodè acquiri posset, vel saltem non sufficiens. Præmitti tamen deberet solemnibus protestatio, ab integro definitorio formanda, ut dicitur cap. ut authenticè constaret, ad id nil juris Fratres habere, & se ex dietim mendicato, & incertis quæstuationibus velle vivere, quam in facti contingentia (me Curia Secretario) Sac. Congreg. Episcop. & Regul. in casu consimilis fundationis, per Eminent. Petruccium exegit.

48 Quæritur. In secundo capitulo Regulae Sanctus Franciscus loquens de habitu pro-

fessorum. hæc habet: Habeant unicam tunicam cum caputio, & aliam sine caputio, qui voluerint habere? Petitur, quid per has tunicas intelligatur.

Resp. cum Sancto Bonaventura in hunc textum, quod tunica cum caputio supponit probatum externo, cui respondet caputium, tunica vero sine caputio pro tunica inferiori, seu, quæ sub externo habitu gestari potest. Plures itaque tunicas præter expressas nullus potest absque dispensatione legitima, & necessitate habere; ut dixerunt quatuor Magistri: Habere duas tunicas, & non plures, regularis est forma; plures vero duabus dispensationis est Regula, auctoritate eorum, quibus est commissæ cura Fratrum.

Dices. Evangelium Matth. 10. prohibet duas tunicas habere: Neque duas tunicas.

Resp. Evangelium intelligitur de vestimentis, seu tunicis mutatoriis, quarum una in itinere, & altera in locis, in quibus quis manet, utatur, ut notavit Tirinus to. 2. in Script. ad hunc textum. Ante quem Hugo, de Dina dixit: Necessitati consulitur, duplicibus, seu mutatoriis derelictis, quæ Apostolis duarum nomine tunicarum Dominus interdicit.

Hinc sequitur, quod tunica inferior potest, quin etiam debet esse brevior, & angustior tunica exteriori, ac ex panno non tantæ grossitiei, ut hac forma magis recedat à ratione habitus mutatorii, & facilius possit tum in itinere, tum ad reparandum frigus gestari, ac aliis honestis usibus, & decentiis inservire.

Judicium autem, & determinatio, tum habitus, & caputii, quantum interioris tunicæ, tam quoad formam & figuram, quam quoad longitudinem, latitudinem, grossitiam, & subtilitatem panni, spectat ad Generalem pro toto Ordine, & Provinciales, ac Guardianos in suis administrationibus, juxta extravag. Quorundam Joann. XXII. de verb. signif. inter extravag. ejusdem Pontif. Quibus pariter concessit, ut indicarent super asperitate, vilitate, & paupertate vestimentorum; præcipiendo omnibus, & singulis Fratribus, ut iisdem parent, & super illis mandata reciperent, imposita excommunicationis pœna deferentibus habitus strictos, curtos, & difformes, si ad mandatam Generalis eos non depellant.

C A P V T XVIII.

Officialis quoad electionem
Prælatorum.

S U M M A R I U M.

- 1 Describitur electio , & descriptio explicatur.
- 2 A nemine , quàm Romano Pontifice , potest electio ad aliquos restringi.
- 3 Eligendi sunt habiles , & pœna eligentium indignos.
- 4 In electionibus non debent electores uti notitia habita ex confessione Sacramentali.
- 5 Electio debet fieri per vota secreta , non per compromissum , nec per inspirationem , usque ad num. 14.
- 15 Ad electionem vocandi sunt , quotquot de jure , vel consuetudine habent jus suffragandi.
- 16 Electio censetur Canonica , quæ sit à majori parte Capituli.
- 17 Exeuntes à loco Capituli , censentur se facere alienos , & remanentes possunt ad electionem procedere ; sed cautela est adhibenda.
- 18 Vota non debent dari alternativè , vel sub conditione , aut vage.
- 19 Vota absentium non supplentur per Titulares , aut Procuratorem.
- 20 An in electionibus vocem habeant Sacris non initiati ?
- 21 Ad validitatem electionis non est satis major pars respectivè ad minorem , sed debet esse major respectu totius Capituli.
- 22 Electio est faciendâ ab electoribus collegialiter unitis.
- 23 Scrutatores , seu disquisitores sunt assumendi de Collegio electorum.
- 24 Electio dicitur canonica à forma Canonis observata.
- 25 Electio , cui interveniunt Laici , est ipso jure nulla , usque ad num. 32.
- 33 Subornatio describitur , & quot modis contingat , usque ad num. 41.
- 42 Colligationes , & factiones inferunt nullitatem electionum.
- 43 Electionibus præmittendi sunt tractatus consultoris.
- 44 Juramentum non est de substantia electio-
Official. Cur. Eccl.

tionum , usque ad numer. 46.

- 47 Quando decretum irritans positum in Constitutionibus Apostolicis censetur actus annullare ?
- 48 Formula juramenti præstandi ante electionem.
- 49 Præses Capituli non potest vocales voce activa , vel passiva privare , nisi juris ordine servato.
- 50 Sententia privationis vocis activa , & passiva , per mensem ante electionem debent promulgari.
- 51 Præses quæ Præses votum non habet , usque ad num. 53.
- 54 Præses Capituli non est de substantia electionis.
- 55 Electio canonicè celebrata , debet confirmari ; & à quo Superiore ? Limita in quibusdam Prælati.

IN On agitur hîc de electione in tota sua generalitate , sed solum , ut restricta est ad electiones inter Regulares ; nam aliàs nimis fatigaret lectura Capituli . Circa quam , ad alia remittimus , dicenda infra cap. 50. num. 4. Et interim considerandum proponimus , electionem posse describi , quod sit *Persona idonea ad Ecclesiam , vel Prælaturam vacantem per vota Capitularium , seu eligentium canonica vocatio . Vel , Quod sit libera assumptio unius idonei ex pluribus per vota secreta electorum , collegialiter unitorum , canonicè facta .* Primæ descriptionis intellectus legatur infra cap. 38. num. & super secunda pondera I. Per hoc , libera assumptio unius ex pluribus , significari libertatem electionis . In omnium enim sententia , libertas est de essentia , & substantia illius ; nam esse debet in libertate eligentium , sine qua non sustinetur , ut expressè habetur , cap. Cum terra , de elect. & cap. Ubi periculum , de elect. in 6. ibi : Cessat electio , dum libertas adimitur eligendi .

2 Quapropter nulla est electio sine auctoritate Apostolica limitata , & restricta ad aliquos , cæteris exclusis , prout DD. concordant ; & patet ex Sac. Congreg. Conc. responso ad dubium : *An , stante libertate electionis , liceat Prælato Regulari proponere duos , vel tres , ex quibus necessario eligatur unus ?* Sac. Congr. censuit non licere , lib. 12. decret. fol. 136. & Fagn. in 2. ad cap. Constitutus , il 2. de appellat.

num. 3. refert, quòd eadem Sac. Cong. consultata à Generali Ord. S. Augustini: *An liceat in electione Provincialium, Priorum, aliorumque Officialium faciendâ, aliquos nominatim proponere, ex quibus unus canonicè per secreta suffragia ad officium eligatur?* Respondit, non licere.

Hinc sequitur, quòd si Generalis, vel Præses proponeret tres, aut quatuor, cæteris ab electione passiva iniuste exclusis, mandans expressè Electoribus, ut unus ex illis eligeretur, adiecto etiam decreto irritante electionem aliter factam, non tenerentur Electores obedire; & ubi aliquem ex illis moti motu per Generalem, vel Præsidem incusso eligerent, electio esset nulla; quippè per dict. coarctationem tollitur libertas electionis. Quæ est ita de ejus substantia, ut nec consuetudine introduci possit, quominus libera sit, ut dicitur dict. cap. *Cum terra*. Et proinde, non obstante tali præcepto, & decreto, possent Electores alium idoneum validè eligere; quem Generalis, vel Præses tenerentur confirmare, si haberet cætera requisita.

In Ordine Minor. de Observ. Generalis, vel Præses Capituli coarctans Electores, ne liberè eligant, privantur officio, ex Const. B. Pii V. *Pastoralis* 128. §. 3. *Bullar. rom.* 2.

Cætèrùm est commune, apud Fagnan. in 1. ad cap. *Cum dilectus*, de consuet. num. 36. non tolli libertatem electionis ex eo, quòd restringatur electio ad certum genus personarum; ut ad Magistros, Lectores, &c. vel ad certam Nationem. Et valere electionem, dixit Donat. *prax. tom. 1. tr. 1. quest. 10.* sicut valet illa Pontificis, qui de Collegio Cardinalium assumitur. Et patet ex practica multarum Religionum, in quibus sunt alternativæ institutæ, ut electio Superioris semel fiat de una, & semel de alia natione, Sed hoc non procedit, dum arctatio particulares personas respicit: nam, si ex natione unus dumtaxat esset dignus eligi, electio non esset libera assumptio unius ex pluribus; nec Electores dicerentur liberè eligere, cum libertas sine indifferentia non subsistat, & in differentia duo ad minùs requirit, ut ad unum magis, quàm ad alterum, quis determinetur, per DD. & Pignatell. *tom. 10. consult. 77. num. 8.* & cit. Donat. *to. 2. par. 1. tract. 1. quest. 9.* & ideo si in natione, vel

genere personarum idonei non reperiantur, ex alio assumendi sunt, per Fagnan. *ibid. num. 51.* Quinimò ubi sunt dd. alternativæ, debent esse à Sede Apostolica canonicizari.

3 II. Per hoc unius idonei, significatur, quòd electio debet esse de non impeditis, sed de dignis; nam electio indigni est ipso jure nulla, per cap. *Cum in cunctis, de elect.* & ibi DD. Et eligentes scienter indignum, hoc est, quem Sacri Canones inhabilem declarant, uti infamem, censuratum, ac non habentem conditiones requisitas morum, scientiæ, ætatis, &c. de quibus dict. cap. *Cum in cunctis*, mortaliter peccant, cap. *Gravenimis, de praben.* Et pro ea vice privantur jure eligendi, ex allegato cap. *Cum in cunctis*.

Dicitur scienter, quia si adhibitis diligentis, digniorem esse putent, quamvis à parte rei sit indignus, non peccant; quia quantum in se est, fecerunt, quod moraliter debuerunt, & potuerunt. Peccat autem eligens dignum putans esse indignum, quia quantum in ipso est, indignum eligit.

4 Sed quid, si quis electorum noverit ex Sacramentali confessione aliquem esse indignum, cui aliàs teneretur suffragari?

Resp. Nec peccat, nec jure eligendi privatur, si ipsum eligit; modò notitiam de ejusdem indignitate aliundè non habeat, quàm ex Sacramentali confessione. Nam ei tenetur suffragari, ne frangat sigillum Confessionis; & ita se gerere debet in foro externo, ac si nihil in foro Sacramentali novisset. Consequenter leges, quæ dd. pœnas imponunt, intelliguntur de habentibus scientiam extra forum Sacramentale. Vide quæ dixi *lib. 2. cautela Confess. cap. 27. numer. 14. & 15.*

At petitur. Viginti vocales sunt in Capitulo, decem, & novem parati sunt concurrere ad eligendum indignum; potest ne vigesimus, certò sciens per denegationem suffragii nil posse proficere impediendo electionem, se cum cæteris conformare?

Resp. negativè, ut communiter DD. apud Peyrin. *de subd. quest. 1. cap. 31. §. 2. Quares quarto*, Quia eligere indignum est ab intrinseco malum; ergo nulla ratione potest esse licitum. Tum quia, ille ab aliis iniquè in dignitatem intruditur; ergo eorum peccato cooperandum non est. Tum quia, circumstantia iuramenti præstandi de elig-

gendo meliori, ex dicendis *num. 44*; omnino resistit.

5 III. Illud per vota secreta electorum, significat, quod de substantia, & forma electionis est, Quod fiat per vota secreta, itaut singulorum eligentium nomina nunquam publicentur, ut expresse Trid. sess. 25. cap. 6. de regul. irritam declarans electionem factam contra præscriptum in d. decreto. Quare propter decretum irritans habetur id esse de forma electionis, & excluditur forma electionis per quasi inspirationem, & per compromissum. Ubi voluit, electionem Regularium Superiorum utriusque sexus aliter fieri non posse, quam per vota secreta, & nomina electorum nunquam esse publicanda; neutra autem ex illis est secreta; non illa per quasi inspirationem, quia hæc contingit, cum nullo præcedente tractatu super speciali persona eligenda, omnes Capitulares, nullo excepto, uno ore loquentes, unum eligunt; ob quam concordiam talis quasi per inspirationem Spiritus Sancti electus creditur, & præsumitur. Nec alia per compromissum, quæ habetur, dum Capitulares facultatem eligendi in unum, vel plures viros idoneos transferunt. Tum quia compromissarii non arctantur ad secretum, ut notat Gloss. in cap. Cum dilectus, in ver. Examinatis, de elect. Quare cum Carthusiani dubitaverint: An in electione Superiorum possit procedi, nedum per viam scrutinii, sed etiam inspirationis, vel compromissi? Sac. Congr. Conc. censuit electionem horum Prælatorum debere fieri per vota secreta, ut se habent verba propria Concilii d. cap. 6.

6 Et hic pondera, quod in electione Superiorum Regularium, de quibus dict. loc. Trident. fervari non potest cum toto rigore forma electionis per scrutinium, tradita in dict. cap. Quia propter, cum hæc non compatiatur cum forma præscripta à Trident. *ibid.* nam ex præscripto dict. decretalis sunt assumendi tres scrutatores, qui proprio ore vota singulorum exquirant, interrogando electores, in quem consentiant, & quo zelo, ac de illius meritis, & qualitate; ideò textus habet, *Vota cunctorum diligenter exquirant.* Et quo patet, quod non sufficiat solum votum eligentis accipere, sed insuper necesse sit rationem inquirere, quare eligens

hunc potius, quam alium electum velit; ex quo deinde collatio zeli ad zelum, & meriti ad meritum habeatur, ut notavit Gloss. *ibid.* in verb. Collatione. Quod servari non potest secundum formam electionis inductam à Trident. quæ ita debet esse secreta, ut non sit canonica, si duo, vel tres vota electorum eo modo suscipiant. Propterea cum fuerit dubitatum: An electio facta per scrutinium, ubi duo, vel tres suscipiunt vota eligentium, sit conformis dispositioni expressæ cap. 6. sess. 25. de regul. Sac. Congr. Conc. censuit non esse, apud Fagnan. in 1. ad dict. cap. Quia propter *num. 22.* & *num. 49.*

7 Ideò apud Regulares, ut sine fraude, & rectè electiones contingant, vota omnia secreta esse debent, & eligentium nomina nunquam publicari; siquidem huiusmodi publicatio in Congregationibus, propter necessitatem simul convivendi, periculosa foret, & causa discordiarum, ac malorum origo; ideò receptum est, ut electores per secreta balottationum, aut schedularum suffragia eligant. Et ubi per schedulas electiones celebrantur, nomen eligendi in schedulis scribitur, & in urnam mittunt; sed ex parte, qua nomen eligentis continent, ita obsignatæ esse debent, ut nec scrutatoribus notantibus suffragia innotescat nomen electoris, nec appareat, quisnam electo suum votum dederit, vel negaverit.

8 Dices, non est contra formam electionis canonicæ, quod nomina eligentium sint nota, & quod per deputatos excipiantur, ut manifestum est in electione Abbatissæ, in qua ore Moniales suffragantur; ergo ad secretum electionis non officit, quominus duo scrutatores vota eligentium exquirant, & accipiant, ac audiant.

Resp. id esse speciale in electione Abbatissæ, ex eiusdem Trid. decreto cap. 7. d. sess. *ibi*: Episcopus, sive alius Superior ante cancellorum fenestellam vota singularum audiat, vel accipiat. Sed personæ necessariæ audientes tenentur ad secretum; & in secreto audire debent, adeò ut electricibus non innotescat, cui singulæ suffragentur; nam & Abbatissarum electio secreta esse debet, ut nomina eligentium nunquam publicentur, ad d. c. 6. vide cap. 1. n. 2.

Quare apud Regulares nulla erit electio, ubi Præses, vel alter de Capitulo alicui, vel

aliquibus tradunt schedulas, in quibus notetur nomen illius, qui eligitur, ex non servata forma præscripta in d. cap. 6. Concilii, prout in simili casu censuit Sac. Congreg. ex Fagnan. *ibid.* num. 23.

10 Item, erit nulla, ubi eligens utitur schedula aliquo patenti signo signata, ut innotescat scrutatoribus, vel uni ex illis, quod talis elector eum eligit, qui nominatur in schedula, ex ponderatis à Peyrin. *ibid.* q. 1. cap. 31. not. 6. & Barbof. ad d. c., *Trid.* n. 9. Unde ita electus, factus de hoc certus, tenetur resignare Prælaturam, aut Officium, vel à Papa confirmationem cum dispensatione impetrare.

11 Item, erit nulla, ubi manifestatio etiam unius schedulæ censetur realis causa, vel præsumptiva rationabiliter, quod electio sequatur in hanc, vel illam personam particularem.

12 Item, erit nulla, si ab uno, si à pluribus, si occultè, si publicè manifestetur, modò manifestatio fiat, vel in actu electionis, vel ante consummationem, si ve publicationem, aut ante confirmationem electionis inclusivè. Nam mens Concilii est, ut absolute, suffragia non publicentur. Ex eo enim multa mala, contentiones, rixæ, odia, & similia solent inter Religiosos oriri.

13 Limitatur, nisi quis id faciat in fraudem, ut nimirum electio non subsistat; aliàs posset unusquisque bono communi præjudicare, & omnes electiones ex propria malitia infringere, ex Pignatelli. *ibid.* num. 15. Nemini enim propria fraus patrocinator.

14 Pariter non irritatur electio, si prolatio solo verbo fiat, aut taliter, ut non possit inde certò sciri, an verè huic determinationè quis suffragium dederit.

Neque irritatur per puram, & simplicem ostensionem schedulæ secretò factam aliqui ab aliquo ex electoribus, ut videat, quem ipse eligat, per Barbof. *ibid.* n. 4. Sed id procedit, modò hujusmodi manifestatio, nec verè sit, nec rationabiliter præsumatur causa, cur potius iste, quàm alter electus sit, ut notavit Sperellus *decif.* 161. num. 36.

15 IV. Illud electorum importat ad electionem vocandos esse, quotquot habent de jure, aut consuetudine jus in ea suffragandi, & sunt in quieta possessione eli-

gendi, ut tenent DD. communiter ex *dict.* cap. Quia propter, & ibi Gloss. in ver. Qui debent. Ad eò, si vel unus, qui de jure, aut consuetudine vocari debuisset, vocatus non sit, possit agere de contemptu, & electionem irritare. Et id procedit etiam postquàm electio fuerit confirmata; quia confirmantur electiones, non quacumque, sed legitimæ; quamvis enim non sit de substantia electionis, ut vocentur absentes, ut observavit Fagnan. *dict.* c. Quia propter num. 38. & Peyrin. ubi sup. notò 1. est tamen de iustitia; ideò ex contemptu aliquorum electio non vitiatur, sed retractari debet ipsis prosequentibus contemptum, cap. Quod sicut, de elect. nam plus operatur contemptus unius, quàm contradictio multorum.

Limitatur I. nisi propter bonum pacis contemptus velit electioni consentire, & non contradicere, prout in terminis *dict.* cap. Quod sicut, §. 1. in fine. II. Si contemptus ante confirmationem, sciens electionem factam, & potens contradicere, nihil opponat; nam in casu censetur tacitè approbare, ac ratum habere, & iuri suo renunciare, adeò postea non sit audiendus, ex Passerino de elect. cap. 11. num. 119. & Sperell. *decif.* 181. num. 43.

16 Verùm, ut valeat electio aliquibus contemptis, debet esse à maiori parte Capituli, habito respectu ad contemptos, ut idem Sperell. ponderavit num. 47. Cum enim electio canonica censeatur (dum cætera non desint) quæ est à maiori parte electorum, ex Clement. *Ex vii, de verbor. signific. §. Demum*; debet maior pars considerari, non tantum respectu eorum, qui sunt præsentis, sed eorum etiam, qui fuerunt contempti. Quare, si electores congregati essent decem, & novem, & vigesimus contemptus, non sufficeret ad electionem canonicam habere decem vota, sed deberent undecim concurrere; quia maior pars ex numero viginti vocalium sunt undecim. Unde advertendum est quòd ut absentes nequeant de contemptu agere, debent citari, exprimendo ad effectum electionis vocari: & cum præfixione temporis habilis, in quo possint commodè comparere; alioquin si tempus ita breve esset, ut impossibile foret eos in eo comparere, pro non facta citatio censeretur, cap. Rem non novam, de dol. & con-

contum. & non comparentes in tempore expresso faciunt se alienos à Capitulo, Pignatell. *tom. 10. consultat. 23. num. 3. ex dict. cap. Cum nobis.* Verùm si essent nimis distantes, ut eorum præsentia non posset haberi, nec possent de electione moneri, non propterea sine eis celebrata irrita foret electio per text. in *d. cap. Quod sicut*, ibi: *Si tamen sine periculo potuerunt convocari.* De Magistris *sylva Eccles. par. 1. lib. 1. tit. 6. cap. 2. num. 3.*

17 Sed quid, si omnes jam congregati in Capitulo, v. g. decem, aliqui egrediantur, v. g. quatuor, aut sex?

Resp. Qui remanent, possunt de jure electionem facere, & electio erit canonica: nam qui exierunt, non computantur amplius in numero electorum, & se alienos fecerunt: est textus expressus in *dict. cap. Cum nobis*, cum sua Gloss. *ver. Alienos*, & jus eligendi remanet in remanentibus.

Cæterùm, antequam ad electionem procedant, debent egressos canonicè monere, ut redeant, & sollicitè curare eos revocare, ut ibi text. & dum aliquod rationabile non allegarent, propter quod esset ab electione cessandum, & redire renuerent, possent remanentes iure suo uti, & electionem celebrare, quamvis egressi protestarentur contra electionem; nam non tenet protestatio, ut nulla electio fiat, quia publicæ utilitati interest, ut fiat electio, ut notavit Gloss. ad dictum *cap. Cum nobis ver. Nulla electio*: idèò protestatio, vel appellatio esse debet, ut non fiat electio, nisi canonica, ibid. text.

Nec potest dici contemptus elector, qui præsens in Coventu ad electionem non accedit ad sonum Campanæ, quo omnes vocantur: nam non fiunt monitiones omnibus singulatim ex communi Religionum praxi: & sibi imputet defectum. Pignatell. *sit. tom. consult. 40. num. 17.*

18 Vota alternativa, ut, *eligo Petrum, vel Paulum*; aut conditionata, si conditio sit de futuro, suspendens actum: ut, *eligo Petrum, si in eum major pars Capituli consenserit*; vel, *consentio in Paulo, & si noluerit, in Petro*; aut in certa: ut *illum eligo, quem Paulus eligit*; vel, *eligo individuum natura humanæ*; pro non datis habentur, & reprobantur, *cap. In electionibus, de elect. in 6.* notatque ibi Gloss. *ver. Incerta*, omnia talia vota non va-

lere; atque ita tota eligendi potestas apud eos est, qui purè, & absolutè elegerunt. Gloss. *cit. ver. residente.*

Ita dicitur electionem non irritari, si quis per errorem, vel malitiam schedulam albam mittat in urnam, ex Lezzan. *summ. q. 9. tom. 1. cap. 15. ver. Electio num. 18.* Harbenf. *summ. qq. ver. Electio num. 186.* Peyrin. *cit. §. 6. Dico quarto*: quia censetur, qui eam posuit, juri suo renunciasse, & nolle in ea electione vocem activam habere, & esse de numero Electorum.

19 Absentium vota per Titulares, aut Procuratores suppleri non possunt, aut censuit Sac. Congreg. Conc. in una Bulgariæ 3. Decembr. 1644. *ad cap. 6. de regul. sess. 25.* apud Pignatell. *tom. 1. consult. 28.* ut infra: S. Congreg. *censuit cavendum, ne deinceps Titulares constituantur ad effectum electionis faciende; aut voces, & suffragia absentium suppleantur, lib. 12. decret. fol. 149.* Et cum Trident. ibid. prohibet dd. Titulares ad effectum faciendi electiones, & supplendi absentium suffragia, idem Pignatell. *tom. 10. consult. 77. num. 16.* tradit, esse intelligendum, ut non possint suppleri à Præsidente electionis, vel Capitulo propria autoritate; quia huiusmodi institutiones, & supplementa in publicum damnum, & Religionum perniciem resolvuntur.

Nec per hoc sequitur, quin in locum absentium possint ad effectum suffragandi aliqui subrogari, dum id per Ordinum Constitutiones, maxime à S. Sede approbatas, præscribitur: nam tunc vota non suppleantur auctoritate Præsidis in fraudem electionis, sed necessitate legis taxantis subrogandorum qualitates, & genus.

20 In electionibus vocem non habent, qui ad Subdiaconatus Ordinem non sunt promoti, ut expressè Tridentin. *sess. 22. cap. 4. de reformat. & Sac. Congregat. Concil. prima Februarii 1659.* in una Tertii Ordinis Sancti Franc. Congreg. Gallicanæ, ex Pignatell. *tom. 1. consultat. 224. censuit, cap. 4. sess. 22. comprehendere etiam Regulares Mendicantes, itaut Regulares, qui non sunt in Ordine Subdiaconatus, vocem habere non possint in Capitulis, & actibus Capitularibus, si in Constitutionibus ejusdem Religionis aliter expressè non caveatur.* Idèò cum Statuta Religionis Regularibus Sacris non initiatis in specie indulgent, ut vocem habeant in Capitulis, Concilium non refi-

fit; nec hunc casum comprehendit, ex adducto decreto, & alio apud dict. Pignatell. *tom. 10. conf. 86. num. 13.* sub die 22. Maij 1577.

21 Sed oritur dubium: cum electio ex dictis n. 16. ex aliis etiam titulis valida, censetur canonica, si maior pars Capituli consenserit; petitur, an debeat esse maior pars respectu totius Capituli, an verò satis sit, ut sit maior respectivè ad minorem?

Resp. Ad validitatem electionis exigitur, ut maiora vota sint respectu totius Capituli, adeò ut si Electores sint viginti, undecim adminùs debeant convenire in electum, aliàs à maiori parte non eligeretur: Et hinc habetur, quòd si essent tres electi, & vota sic divisa, ut unus haberet octo, alius septem, & alter quinque, nullius electio valida esset, ad text. *d. Clement. Pignatell. cit. consul. 22. num. 1.*

Nec in electione per secreta suffragia habetur ratio maioris zeli eligentium, cum hac maioritas in actione secreta non possit discerni; sed attenditur sola ratio maioris numeri, per Nicol. *flosc. ver. electio num. 8.*

22 V. Illud collegialiter unitorum, denotat, ad electionem non sufficere consensum Electorum simpliciter præstitum, & quemlibet in sua camera ad actum electionis concurrere; sed collegialiter, & in communi debent consentire, & suffragia ferre, ex *d. cap. Quia propter*, ibi? *Præsentibus omnibus, qui debent, & volunt, & possunt commode interesse*: & expressè habetur in *cap. In Genesi eodem tit.* Electiones enim clandestinæ reprobantur, *d. c. Quia propter §. electiones*, & electiones clandestinæ dicuntur per *Glos. ibid. in ver. clandestina*, quæ sunt singulariter, & occultè per occulta conventicula:

23 Ex quo Collegio assumendi etiam sunt tres Scrutatores, seu Disquisitores, qui secreta schedularum suffragia notent, ut patet ex *alleg. cap. ibi: Assumantur tres de Collegio*; & cum hoc sit substantiale in electione, sequitur, quòd ubi tantum duo deputarentur, electio non subsisteret. Quoniam electio illa valida non est, in qua non servantur, quæ sunt de forma, & substantia electionis: & regula, *utile per inutile non vitiatur*, locum non habet, ubi ius aliquid inducit pro forma substantiali, ut in casu ex adiectione decreti irritantis, prout ibi Fagnan. *d. c. Quia propter n. 45.* & non servatur.

24 VI. Illud *canonicè fiat*, importat, in electionibus etiam Regularium, ut sint canonicæ, esse servandam formam canonis inductam in *et. c. 6. Trid.* & quoad electiones, quæ per schedulas etiam inter eos celebrantur, illam præscriptam in *alleg. c. Quia propter*; at non in toto rigore, sed quatenus non est contra decretum *Trid. d. cap. Legatur Fagnan. ad d. c. Quia propter*, ubi plura substantialia electionis ex eod. cap. refert, & examinat.

25 Quæritur. An electio, in qua cum Electoribus Ecclesiasticis interveniunt etiam Laici, sit ipso iure nulla?

Respond. Affirmativè. Quod procedit. I. Quando Laici tanquam privati interveniunt simul cum Electoribus ad coeligendū, *c. Massana de elect.* Hic utile, iure resistente, per inutile vitiatur; nec valet contraria consuetudo, ut ibi text. Nam Laici vocem habere non possunt in electione Prælati Ecclesiastici, Fagnan. *d. cap. n. 1. & 30.*

26 II. Quando Electores requirunt Principem Laicum, ut consensum præstet super personis eligendis, sic, ut eidem, duobus propositis, postea eum eligant, qui à Principe non repellitur. Nam id est in perniciem, & gravamen Ecclesiasticæ libertatis, ex *tex. in c. Cum terra eod. tit.*

27 III. Quando Princeps Laicus aliquos nominat, ut ex eis aliquis ab Electoribus eligatur, ad præscriptum *d. cap.* Quippe id est contra libertatem Ecclesiasticam, cum restringatur ius, quod habent electores eligendi habiles. Nec electio debet pendere ex consensu alterius, sed esse debet in libera eligentium potestate, ut concordant DD. *ibidem.*

28. IV. Quando Princeps Laicus, vel Potestas interest electioni non coeligendo, sed metum Electoribus incutiendo, ut certam personam eligant. Et in casu verissimè electio dicitur facta per abusum potestatis Laicalis, & contra *canonicam libertatem*. De quo Gonzalez in primum *tit. 6. c. 43. n. 1.*

29 V. Quando Sæcularis potestas intervenit electioni in aula capitulari, licet nullam interponat autoritatem, & iurisdictionem exerceat, sed nudam præstet assistentiam; fortè hoc titulo, nè Electores veniant ad arma, vel aliud scandalum oriatur. Nam & hæc interessentia est contra Ecclesiasticam libertatem. Etenim in electionibus liberum esse debet arbitrium, non solum ab oppres-

oppressione manifesta, sed etiam ab occulta formidabili. Tum quia protectionis prætextu Principes vendicarent sibi hoc ius interessendi electionibus; prout fortè id sibi nonnulli vendicant, afferentes sibi competere iure Regaliæ. Tum quia in *d. cap. Masfana*, prohibetur interessentia Laicorum ad coeligendum. Ergo in *d. cap. Quisquis* debet quæcunque interessentia in aula Capitulari, etiam ad protegendum, prohiberi; ut hæc duo capitula invicem differant, & non sint superflua. Proinde Sac. Congregatio ab Innocentio X. deputata sub 5. Aprilis 1646. nullum declaravit ob laicæ potestatis abusum, Capitulum Provinciæ Bethicæ Ordinis S. Augustini celebratum cum assistentia, & interventu Auditoris Regiæ Cameræ in Aula Capitulari. Apud Fagnan. *d. cap. Quisquis* num. 40.

Dices: possunt Laici interesse ad protegendum Electores à violentiis.

Resp. Id intelligendum est non de interessentia physica, & corporali in ipso actu, & loco electionis, sed de interessentia morali. Congruè enim dicitur electionem protegere, qui extra aulam Capituli violentias propulsat, & Electorum libertatem defendit, Fagnan. *cit. n. 41*.

30 Ponderandum est, de omnibus dictis electionibus verificari, celebrari per abusum laicæ potestatis, quia non usus, sed abusus est, quòd Laici intersint electionibus coeligendo, vel consensum præstando, vel nominando, aut metum Electoribus incutiendo, vel exhibendo præsentiam in loco Capitulari.

31 Ponderandum etiam, quòd Electores spontè admittentes Laicos (quibus privilegium Apostolicum non assistit) ad interessendum electionibus, privantur per triennium officiis, & beneficiis, ac iure eligendi, ut dicto *cap. Quisquis*, & ibi Gloss. in *ver. Tunc*. Consentiens autem electioni privatur officio, ad quod est electus; & ineligibilis redditur, nec absque dispensatione potest ad aliquam Dignitatem iterum eligi: prout expressè ibi text. Omnesque incurrunt excommunicationem latam in Bulla Cœnæ contra violatores immunitatis, & Ecclesiasticæ libertatis, ut dixi infra c. 38.

32 Verùm cum inviti, ac per vim, aut metum eos admitterent, nullatenus punirentur, quia si à prædominio quis coactus vult, magis non vult, quàm vult, &

metus excusat à dd. pœnis; ex adnotatis à Fagnan. *ibid. num. 27*. Sed electio semper est ipso iure nulla, quia semper verificatur esse facta per abusum laicæ potestatis, & contra canonicam libertatem. De simonia in electionibus vide infra *cap. 50*.

33 Quæritur. An sit irrita electio facta per subornationem?

Resp. Affirmativè. Cum per subornationem lædatur libertas electionis, quæ sine libertate non subsistit, ex dictis supra *num. 2*. Nā ea est subornationis natura, ut suffragatores moraliter cogat, & allicitat ad ferenda suffragia pro uno determinato, cæteris exclusis. Quæ proinde describi potest, quòd sit *procuratio vocis, vel suffragii pro aliquo uno determinate mediis artibus, & modis illicitis*: ut, importunis precibus, comminationibus, vituperationibus, donis, & promissis, aliisque idoneis ad commovendum animum, etiam constantium virorum. Et propterea non modò libertas electionis offenditur, sed destruitur etiam ipsa electionis natura. Quæ eo in casu non foret assumptio unius ex pluribus, sed unus solùm assummeretur ad mentem subornantis, Pignatell. *tom. 10. consult. 77. num. 8*.

34 Subornatio contingit. I. Si preces importunæ apud Electores adhibeantur ad effectum, ut suffragium ferant pro uno determinato, quem subornatores intendunt. Preces autem importunæ important assiduam, & vehementem violentiam postulationis, ac actuum aptorum ad commovendum animum etiam constantem, & extorquendum suffragium pro se, vel amico.

35 II. Si donis, & promissis Electores corrumpantur ad unum determinatè eligendum.

36 III. Si Electores improperiis, & vituperationibus graventur, obiciendo eis crimina falsa, vel etiam vera, sed occulta: ut, *Si non dederis mihi suffragium in hac electione, publicabo te esse furem, fornicarium &c.* Nam est manifestum, hic ad suffragandum eos moveri ob timorem amittendi propriam famam: apprehendunt enim tales minas, ut graviter offensivas propriæ estimationis, & inde non libere, sed in toto metu moti alicui suffragantur: adeoque nulliter; cum nulla declaretur electio ex metu, & terrore facta, per *c. Ad aures de iis, quæ vi &c.*

37 IV. Si Electoribus non parentibus Sub-

Subornatoribus grave imminet periculum verborum, carceris, aut seditionis, cum populi scandalo. Metus enim iste dicitur iustus, & cadens in virum constantem; super quo videantur dicta *cap. 42.* hic servata proportio applicanda.

38 V. Si Generalis, Provincialis, vel Visitator ad vota pro aliquo uno expiscanda comminarentur Electori expulsionem à Provincia, aut à Conventu, vel impedimentum à consecutione iusti gradus; aut procederent cum imperio, vel minis, à quibus (quia natura violentis) majora mala expectari possent: sanè hæc apta sunt ad iustum incutiendum timorem in Electore, qui propterea ad electionem procedit metu amittendi quietem, & pacem animi, & nè à Superiore iniuste vexetur. Et quemadmodum metus reverentialis erga Patrem cum minis coniunctus, sufficit ad annullandam professionem ex ibi dictis; ita metus reverentialis, & timor offendendi Superiorem hoc, & illud malum inferre minantem, libertatem ab Electore tollit.

39 Subornationem prohibuit Clemens VIII. Conf. *Nullus 60. Bullar. tom. 3. §. 32.* sub pœna privationis officiorum ipso facto incurrenda cum inhabilitate ad alia; quod fuit innovatum ab Urbano VIII. Conf. *S. Congr. 25. Bullar. tom. 4.* & pœnæ extenduntur ad complices, ac simpliciter scientes, & non revelantes: quarum dispensatio est reservata Romano Pontifici.

In Ordin. Min. de Observ. Subornatores pro se, vel alio, ex Conf. B. Pii V. *Pastoralis 128. Bullar. tom. 2.* incurrunt ipso facto excommunicationem Papæ reservatam; & privationem vocis activæ, & passivæ. Cæterum dispositionem Pii est quoad absolutionem excommunicationis moderatus Greg. XIII. Conf. *Consuevit 13. ibidem*, & eam §. 6. reservavit Ministro, & Commissario Generalibus, ubi agitur de electione Superiorum inferiorum.

Advertendum, quòd ad incurrendas pœnas necesse est, ut subornatio habeat effectum, hoc est, ut subornatus suffragium dederit in electione, quamvis electio non sequatur: vel sequatur, sed non iuxta Subornatoris mentem. Nam semper verificatur, quòd subornatio habuerit effectum, nimirum suffragationem, quam intendit: videndus Sanch. *de pœn. c. 15. q. 7. ver. Alia difficultas*, & Ameno *de pœn. tit. 5. §. 8. n. 13.*

40 At petitur. De quo verificetur, quòd indirectè subornet; quod à Clemente etiam prohibetur?

Resp. De eo, qui sciens subornationem pro se fieri, tacet, & non obstat, sed id ratum habet: ex facto enim colligitur acceptare, & approbare.

41 Sed quæritur. An liceat Electores subornare ad effectum, ut eligatur dignus, vel pro tali reputatus?

Respond. Negative. Quoniam iura, quibus subornatio prohibetur, non distinguunt de dignitate, & indignitate eligendi, sed simpliciter, & absolute subornationem interdicunt: ergo simpliciter, & absolute sunt accipienda. Legantur allegatæ Litteræ Clement. B. Pii, & Greg. in quibus omnes subornationes, sive in bonum, sive in malum finem ordinentur, sunt prohibitæ; nam in qualibet verificatur læsio libertatis. Et consideratur etiam, quòd Elector subornatus non potest benè eligere, cum eligat secundum mensuram subornationis. Unde, qui subornat, quantum est de se, semper ponit causam malæ electionis, intendens, quòd electio sequatur in terminis suæ subornationis, adeoque ut ad unum determinata; & ideò intendit, quod per se est malum, licet aliquando per accidens sequatur bonum. Nunquam autem licet intendere malum, sive in ordine ad bonum, sive in ordine ad aliud malum propulsandum: nam non sunt facienda mala, ut eveniant bona.

Per quæ probatur etiam, non licere uti subornatione contra subornationem, prout affirmavit Villalobos *tom. 2. summ. tract. 37. diff. 30. nu. 5.* ubi dixit licere adhibere munera, preces, & promissiones, aliaque huiusmodi in ordine ad subornandum Electores, quando noscitur ab aliis ad eum finem fuisse adhibita. Etenim absque nova subornatione possunt præstari remedia priori subornationi contraria, eam detegendo, & manifestando Præsidi, & Electoribus, ac proponendo motiva iustæ, & debitæ electionis.

Dices. Omnia iura clamant licere vim vi repellere; ergo & per subornationem licebit subornationem purgare.

Resp. Negatur consequentia. Discrimen est, quia vis, qua altera vis cum moderamine inculpatæ tutelæ repellitur, per se non ordinatur ad malum, sed ad id, quod licet, & est honestum, nimirum, ad sui defensionem, quæ est de jure naturali licita, & per se honesta.

honestæ. Quod si tunc mors iniusti aggressoris sequatur, est per accidens, ut DD. concordant, & dixi lib. 1. *caus. cap. 13. n. 9.* At subornatio per se primò ordinatur ad malum, & per accidens est, quod aliquod bonum sequatur.

42 Quæritur: *An Colligationes, & Factiones in electionibus inferant nullitatem electionum?*

Resp. Affirmativè. Nam & in casu destruitur libertas electionis. Quoniam colligatio in casu aliud non est, quam *multorum vocalium unio ad concludendam electionem pro aliquo uno determinatè, vel contra alium.* Colligationes, & factiones fabricat is, qui non zelo publicæ utilitatis, sed ut de electione pro suo arbitrio, & privato commodo disponat, nonnullos ex Electoribus alloquitur, eosque allicit, ac variis artibus cum illis agit, ut secum permaneant ad effectum eligendi hunc, aut illum. Et inde fit, quod electio non libera, sed violenta sit.

43 Dixi, *non zelo publicæ utilitatis*, quia tractare, ut electio in dignorem cadat, examinando ejus merita, & virtutes, & ad regendum sufficientiam, non est Colligationes facere, vel in Factiones, & Partitas Electores scindere; sed præmittere electionibus tractatus consultorios, qui de necessitate sunt præmittendi, & sine quibus electio esset nulla, *cap. in Genesi de elect.* vel saltem cassanda, *cap. cum inter, cap. in causis, cap. cum in veteri eod. tit.* cum suis Gloss. Nam, dum dd. tractatus consultorii non præmittuntur, aliquod substantiale deest, sine quo non potest fieri electio. Etenim cum sit assumptio unius præ alio, & dignor sit eligendus, non potest talis assumptio habere locum sine tractatu, quin ante electionem examinentur merita, & qualitates eligendorum, cum alias non possit Electoribus innotescere, quinam sit cæteris præferendus. Unde ad electionem, non præmissio tractatu, prudenter non proceditur: sed est casualis, quamvis in ea dignor eligatur, quia hoc est per accidens, & Electores mortaliter peccant, cum in incognitum tendant & contra Canones in re adeò gravi operentur.

Quinimò est tractatus de qualitatibus eligendorum ante electionem necessarius ex circumstantia juramenti præstandi ad formam d. Const. Clem. & Urban. VIII. ibi: *Jure ut que Electores secundum veritatem cu-*

jusque conscientia, probiores, ac magis idoneos se electuros. Quomodo autem potest alicui innotescere unum in individuo, & hic, & nunc esse præ alio magis idoneum, nisi præmittatur examen, & scrutinium qualitatuum eligendorum; jurans debet advertere, & bona fide putare verum esse, quod jurat, aliàs jurando graviter peccat, temerè Deum adducens in testimonium rei, quam ignorat, vel de qua dubitat. Veritas enim est comes juramenti.

Sed quid, si quis habeat conscientiam invincibiliter erroneam, quòd aliquis sit indignus, qui tamen in rei veritate dignus sit?

Resp. Si priùs, adhibitis diligentis de veritate inquirenda, eam deponere non potest, tenetur secundum eam operari; & nequit contra ipsam votum ferre, quia facere contra dictamen rationis est malum, prout DD. concordant, & dixi lib. 1. *caus. Confess. c. 20. n. 21.* Potest autem viros doctos, prudentes, & probos, de quorum veritate non dubitat, consulere, ut de idoneitate eligendi instruat, & veritas ei aperiatur. Et ubi errorem deponeret, & judicium sibi reformaret de dignitate eligendi, posset tuta conscientia eidem suffragari, vide Peyrin. cit. §. 2. *Quæres 7.*

Quare non subsistit assertum Hasbens. *sum. 99. ver. Electionu.* 161. scribentis posse Electorem pro bono pacisei suffragari, quem minùs dignum novit, si cæteri illum vellent eligere, captivando intellectum proprium in obsequium cæterorum, quòd dignior sit; quia id ei prohibetur ex natura juramenti de eo eligendo; qui dignor sit, non aliorum judicio, sed proprio. Et quamvis talis à parte rei non sit, sicut Elector prudenter putat, adhuc absque culpa ad suffragandum procedit, quia suffragia danda sunt juxta prudens dictamen rationis dictantis de dignitate unius præ aliis.

Hinc, ubi Electores sine culpa esse velint, eligant, quem proprio judicio digniorem judicant, assumantque non positivum, sed comparativum, hoc est, non dignum. sed digniorem, & eum, quem putant futurum magis utilem regimini, publico bono, ac quieti; juxta Triden. mandatum *sess. 24. cap. 1. de reform.*

44 At petitur. An istud juramentum sit de substantia electionis, adeò ut electionem invalidet, si non præcesserit?

Respond. Negativè. Nam in Constitu-

tionibus Clement. & Urbani non habetur clausula Decreti irritantis. Ubi enim Legislator vult imponere pœnam nullitatis actus, id exprimit; prout non semel in Apostolicis litteris, & sæpe in decretis Trident. legitur.

45 Nec obstat regula 64. jur. in 6. *Quæ contrarius sunt, debent utique pro infectis haberi.* Nam id est verum, dum jus procedit per actum nullitatem, vel cum clausula decreti irritantis, aut adimit potentiam, & facultatem; quod contingit, dum verbo, *Potest*, præponit negotiationem, hac phrasi: *Non possit.* Siquidem, tunc negatio antecedens privat potentia, & reddit actum impossibilem, cum idem sit aliquod esse impossibile, & fieri non posse, ut notavit Fagnan. d. loc. ad cap. Causam num. 20. & 32. Leges autem prædictæ exigentes juramentum ante electionem, nec decretum irritans habent, nec procedunt hac forma: *Non possit.*

46 Tota difficultas currit de electionibus factis in Ord. Min. de Observ. vigore Constit. Innoc. XI. *Militantis Orb.* Seraph. tom. 4. ubi Electoribus sub pœna non suffragandi, præcipitur, ut præmittant electionibus Provincialis, Custodis, Definitorum, & Guardianorum, juramentum coram Imagine Crucifixi se electuros in dd. respectivè officii, quos in conscientia, omnibus aequali lance libratis, digniorem judicabunt. Et augetur difficultas propter clausulam decreti irritantis. Caterùm validitati electionis non obest præcisæ, & puræ omissio juramenti. Nam juramentum non est de substantia electionis, sed de solemnitate, & ponitur ad cautelam, & melius esse, ut Electores horrentes gravitatem perjurii, facilius dignores assumant. Quod patet ex sententia S. Congreg. Regularium, in qua, cum fuisset dubitatum de validitate electionis Provincialis Mediolanen. Ord. Minor. Conventualium celebratæ non prævio juramento de eligendo digniore, contra prohibitionem Constitutionis Ordinis; & opponeretur, quod esset nulla propter decretum irritans, appositum in Bulla confirmationis Constitutionum ejusdem Ordinis: S. Congr. hoc non obstante, resolvit pro validitate electionis, cum Constitutio illa de juramento præstando non haberet in specie clausulam annullativam actus contrarii. Quæ resolutio est aptabilis electioni factæ

apud Min. de Obser. non præmisso d. juramento; cum in Constitutione Innocentii confirmantis dd. Statuta non habeatur clausula annullativa electionis, Fagnan. in 1. ad cap. Cum accessissent de constit. n. 32. Passerin. de elect. c. 18. num. 63. Non obstante sententia Tambur. de jure Abbat. to. 1. disp. 5. q. 6. nu. 35.

47 Nec obstat illud, *Sub pœna non suffragandi*; quia per ea verba non imponitur actu pœna privationis suffragii, sed solum comminatur, adeo ut possit per sententiam Judicis voce privari Elector, qui non juratus vult in electione suffragari.

Nec pariter obstat, quod in Constitutione Innocentii sit appositum decretum irritans. Name est advertendum, an decretum irritans sit adjectum alicui particulari ordinationi, vel prohibitioni: & tunc indistinctè importat nullitatem actus in contrarium attentati, per tex. in cap. Si cui, de electione in 6. An verò apponatur in clausulis executionis, ut fieri solet ex stylo; & tunc referri debet ad Judices, ut verba ipsa sonant: apponitur enim ad finem removendi obstacula impediencia executionem actus, super quo Constitutio editur, cap. Si eo tempore eod. tit. in 6. & ex eo tollitur jurisdictio aliter judicandi, ex notatis per Fagnan. ibid. n. 33. & legendus etiam n. 37. Decretum autem irritans in d. Constitutione Innoc. non primo, sed secundo modo adjectum consideratur.

Debent itaque Electores jurare se electuros, quos digniores judicant; quia non privatis affectibus, & commodis, sed bono publico Religionis debent consulere, & non personis, sed officiis providere. At digniores in casu non reputantur, qui sunt sanctiores, & doctiores, sed qui aptiores ad regendum creduntur, & magis utiles judicantur, licet non sint adeo sancti, & docti, sicut ceteri non æquè ad gubernandum idonei, juxta doctrinam D. Thom. 2. 2. q. 63. art. 2. & q. 185. art. 3. Cum quo communiter transeunt DD. & legitur in dicto decreto Trident. significaturque per dictam clausulam: *Omnibus aequali lance libratis.* De quo plenius cap. 38. & apud d. Peyrin. cit. §. 1. noto 3.

48 Formula juramenti præstandi ante electionem ab Electoribus de meliori eligendo, esse potest.

Ego Fr. N. juro me illum eligere, quem
secun-

secundum meam conscientiam iudico futurum Religioni, vel Provinciæ, aut Convēni in spiritualibus, & temporalibus utilio rem & aptiorem.

Tituli ineligibilitatis in Fratre Minor. de Observ. referuntur in Constitutione Innocent. XI. incipien. *Solicitude* §. 8. & 9. de qua supra cap. 17. num. 4. ob quos eligi prohibetur; & electio secuta irritari debet à Generali, prout ibidem §. 10. & in Constitutione Innoc. XII. incip. *Alias* Alia videas d. cap. 38.

49 Quæritur: *An præses Capituli possit Religiosos voce activa, vel passiva privare, ipsis non citatis, nec eisdem data actorum copia, ut se possint via juris defendere?*

Resp. Negative, etiamsi in mandatis à Superiore Generali haberet, ut procederet sive simpliciter, sive de plano, & sine strepitu, ac figura iudicii: semper enim legitimæ defensiones sunt salvæ, cap. *Ex parte* il 2. *De re iudic.* & cap. *Supè contingit de verb. signif. cum sua Gloss.* in quo declaratur, quid significant dicti termini in judicialibus commissionibus insertis, prout dixi d. cap. 17. num. 11. Aliàs plurimum claudicaret iudicium; & frequenter contra innocentes sententiæ pronunciarentur, & audiretur impugnatio, & non defensio, quæ à jure naturali provenit, & quam Iudici, sive Principi tollere non licet, cap. *Eum inter de except.* Quod adeo est verum, ut etiam si dicatur in commissione, quod possit dd. Religiosos voce activa, & passiva privare, id debeat intelligi, & explicari juris ordine servato, in eo, quod ad substantiam iudicii spectat; ad quam præcipue pertinet, ut nullus inauditus condemnetur; & ideo citandi sunt, ut in suis exceptionibus audiantur, per Pignatell. cit. conf. 18. num. 10. *Si enim accusasse sufficeret* (ajebat Julianus Apostata) *quis innocens esset?* Ideo probeatur delictum, & reus audiat. Superiores erga sibi subditos ita fegerant, sicut optant, ut ii, quibus ipsi subsunt, cum se ipsis se præbeant.

Quare, ubi aliqui vocales à Præside, juris ordine non servato; voce privantur, electio ab Iudice est irritanda, si id ab exclusis petatur; cum non fuerint admissi. qui erant admittendi; & proinde, si isti velint suam injuriam prosequi, debet Iudex electionem nullam declarare, prout expresse cap. *Bona memoria* il secon-

do, §. *electionem*, & capit. *Quod sicut de elect.*

50 Sententiæ autem privationis debent per mensem ante Capitulum pronunciari, & causæ expediri, juxta Visitationis Apostolicæ Decretum editum 14. Octobr. 1601. à Clemente VIII. approbatum, tenoris, qui sequitur: *Privatio vocis activa, & passiva, ac inhabilitatis decreta, sententiæ que ab eisdem Superioribus Ordinis lata, ne deinceps in ipso electionis actu pronunciarentur, promulgentur vè, atque ea promulgata vacantes minime afficiant, nisi per mensem ante fuerint intimata, prout Sanctitas Sua omnino vetuit.* Quod Decretum Card. Verallus sub 27. Martii 1616. præcepit observandum in Ord. Fr. Minor. de Observ. testatur Lantus. *Theatr. regul. verb. Causa, seu tis* num. 2. illudque fundatur in jure communis. secundum quod omnes mutationes, & sententiæ prolatae in limine Capituli, presumuntur factæ ad fraudandam futuram electionem, ut advertit Castellinus de elect. cap. 13. numer. 14. Propter quod occurritur quorundam malitiis, qui, data opera, citato Capitulo, contra vocales nonnulla produciunt, ut eos ab electione tum activa, tum passiva repellant.

Sed quid, si, citato Capitulo, & vocalibus congregatis, emergat casus, propter quem vocalis sit voce activa, vel passiva privandus: an Præses possit contra ipsum per sententiam privationis procedere?

Resp. Affirmative, sed semper reus est citandus, & audiendus ad videndum, an aliquam excusationem pro se adducere possit, aut velit, Clement. *Parochialis* §. *Ceterum de sent. & re judicata.* Et procedit, etiam si delictum esset notorium. Quia, ut dixerunt Hostien. & Joan. Andr. apud Fagnan. in 2. ad cap. *Cum olim de sent. & re judic.* numer. 46. iustitius, & tutius est, nullum reum quantumcumque notorium, fore dammandum sine citatione, vel admonitione, quia multi dicuntur notorii, qui non sunt, cap. *Consuluit de appell.*

Nec obstat d. Decretum, quia ibi assignatur terminus, inter quem debent examinari causæ, non quæ emergunt post citationem Capituli, sed quæ emerferunt ante. Ideo, eo non obstante, potest optime procedi in causis postea incidentibus, aliàs non esset bene provisum. Et ita potest privatione vocis puniri Elector, qui, vel in ipso Capitulo

tulo grave aliquod delictum commiserit; vel quia ad Capitulum non detulerit attestationem juratam à Sacerdotibus sui Conventus super celebratione Missarum, ad prescriptum Const. *Nuper de celebr. Missarum* §. *curent, ut sup. c. 10. n. 9.* Et hoc casu citandus est Elector ad dicendum, quare non debeat declarari incurrisse in utriusque vocis privationem, inflictam à d. Constitutione. Similes casus vide apud Sanctos. de pœn. c. 15. q. 10. §. *Sed hic est duplex.*

51. Quæritur: *An Præses in paritate votorum habeat in electione decisivum?*

Hic advertendum, quod Præses, quæ Præses, vocem activam in electionibus non habet; ideo in eis, nisi aliunde vel ex officio, vel concessione sibi competat, nequit suffragari. Quod est manifestum, tum in Superiore regulari, qui præsidet electionibus Abbatissarum Monasteriorum sibi subiectorum, & in eis vocem non habet, ut dixi *cap. 1. n. 7.* tum in Ordinario loci, qui unà cum eodem *per se vel per alium*, potest dictis electionibus præsidere, juxta Constitut. Gregorii XV. *Inferufabili* la 18. *Bullar. tom. 4.* & tamen in illis non suffragatur, Monacell. *part. 1. tit. 11. form. 22. num. 2.* Quod procedit etiam, ut vocem non habeat in electione Abbatissæ Monasterii de suo regimine. Tamburin. *de jure Abbatiss. disput. 28. qu. 6. num. 6.* contra Sanctos. *Coment. cap. 11. stat. 7. Dubitatur 4. resp. 7. alleg. Portellum ver. Abbatiss. num. 9.*

Ex quibus ad quæsitum dicitur negativè: unaquæque Religio attendat, quid sit sibi à Sancta Sede concessum. In Ord. Minor. de Observ. reperitur decisivum Præsidi indultum in electione Proministrorum mittendorum ad Capitulum Generale, & Custodum (extra Capitulum eligendorum) ac Guardianorum, prout in Const. Urbani VIII. *Religiosos viros* la 312. *Bullar. tom. 5.* ibi: *Ut de cetero omnes, & singule electiones tam Pro-Ministrorum, & Custodum, quam Guardianorum dicti Ordinis, per suffragia secreta, & balottationes fiant, & in paritate suffragiorum Præsidents electionibus hujusmodi votum, sive suffragium decisivum habeat &c.* & Alexand. VII. Constit. *Credite nobis* la 139. *Bullar. ibidem*, extendit ad familiam Ultramontanam. Deficiente verò Præsidente, in paritate votorum, decisivum in electionibus, & negotiis in Definitorio peragendis conceditur à Sacr. Congregat.

Episcop. Ministris Provincialibus, ut sequitur: Sac. Congr. &c. *ad evitandam paritatem suffragiorum, quæ ex numero pariter vocalium, quibus Definitoria Provincialia constant, tam in electionibus faciendis, quam in negotiis decidendis oriri potest: Ministris Provincialibus, deficiente Præsidente, in hujusmodi casibus votum decisivum concessit.* Romæ 13. Martii 1653. Lant. v. *Electio sub n. 6.*

52 Ceterum neutra dispositio est ad alios casus extendenda; sed in d. Ordine, electiones, tum in Capitulis Generalibus, tum Provincialibus, sunt faciendæ non per secreta balottationes, sed per secreta schedularum suffragia, ita obsignata, ut eligentium nomina sint secreta, & occulta, & nunquam publicentur, ac, peracto scrutinio, scedula, & omnia hujusmodi scripta coram omnibus vocalibus illicò comburantur, ut expressè Sixtus V. Constit. *Et communis cura Bullar. Roderici* la 7. d. Pontif.

53 Commissarii Provinciales in d. Ord. qui tempore Capituli Generalis relinquuntur ad gubernandas Provincias, eligendi sunt à Definitoris Provincialibus per balottationes, juxta resoluta in Capit. General. *Vallisolet. de ann. 1670. titul. pro Ultramont. Fam. n. 6. Orb. Seraph. tom. 4. & in cap. Gen. 1700.* Sed quia super eo fuit dumtaxat dispositum, & declaratum à Definitorio Generali, cujus provisiones solum, ipso durante, obligant, ideo in-occurentibus casibus videatur praxis Provinciarum.

54 At petitur. *An Præsides Capituli sit de substantia electionis, adeò ut hæc sine eo celebrata sit nulla?*

Videtur communiter ex practica receptum, ut Capitula non celebrentur absque Præsidente, ut inde habeatur aliquis, qui actus Capitulares dirigat, vitetur confusio, & jurgiorum occasio amputetur. Sed, hoc non obstante, videtur verius, Præsidentem ad substantiam electionis non pertinere. Nam in *cap. Quia propter de elect.* in quo substantialia electionis perstringuntur, de Præsidente nihil disponitur. Sicut nec in Decreto Tridentin. *sess. 25. cap. 6. de regul.* Nec alicubi, teste Fagnan. in *primum ad dict. capit. Quia propter de elect. numer. 72.* reperitur in jure, quòd ex defectu Præsidis fuerit aliqua electio cassata, vel reprobata; neque ullus Doctor, ut ibidem scripsit, id exigit ad electionis validitatem. Ideò, nisi aliud expressè disponat Litteræ Apostolicæ, vel Ordinis Statuta,

tuta, à S. Sede confirmata, videtur dicendum non esse invalidam electionem absque præside celebratam.

Ad rationem in oppositum dictam, illud solum probare præsidem esse non de forma, sed de solemnitate electionis, sicut reputantur *infraposita*; ut præstatio juramenti de eligendo magis idoneo: quod electio de nocte non celebretur: ut prius cantetur Missa de Spiritu Sancto, & similia, apud Sanctos. Comment. c. 8. stat. 13. Actus Capitulares possent dirigi ab antiquiore, vel dignore in defectum ejus, qui juxta legem præesse deberet, & fortè nollet; & tunc ille diceretur præses subsidiarius, hoc est, datus in defectum præsentis legalis.

55 Quæritur, an electio canonicè celebrata sit confirmanda?

Resp. Affirmativè; adeo ut ante confirmationem nequeat electus se administrationi immiscere, nec recipere juramenta, homagia, subjectionem &c. Quod si fecerit sub quocunque titulo, & prætextu, etiam sub eo Oeconomi, ipso facto est privatus jure ex electione quæsito ad petendam confirmationem, relictusque imposterum ineligibilis, *o. Qualiter de elect. &c. Avaritia eod. tit. in 6.* Unde dixit Panormitanus, quod confirmatio est necessitatis licet electio ab initio fuerit libertatis; & per hanc acquiritur electo jus ad Prælaturam, seu petendam confirmationem; per quam eidem acquiritur exercitium, & ut possit actus exercere ad d. Prælaturam. Gonzalez *cit. c. 5. n. 8.*

Confirmatur autem electio ab immediato, & proximo Superiore, juxta *c. Nihil §. Ceterum de elect. &* debet examinare qualitates, & mores electi, & an sit servata forma electionis; quod maximè procedit, si electio fuerit in discordia facta, juxta d. Clement. *Ex vi §. Demum.*

Ceterum resolutio non procedit quoad Prælatos, qui statim electi consequuntur jus Prælaturæ, & simul exercitium, & administrationem. Cujusmodi sunt Generales, juxta privilegia Ordinibus à S. Sede concessa. In Ord. Min. Generalis confirmationem, electione perfecta, à Sede Apostolica recipit. Constat. *Clement. IV. Virtute conspicuos la 4. Bull. tom. 1.* Provinciales verò ex d. Clement. confirmantur à Generalis, vel ejus delegato, & de consilio discretorum Ordinis, ubi electio fuerit in discordia celebrata Guardiani autem eodem actu

Official. Cur. Eccl.

eliguntur, & confirmantur, ut post alios notavit Hasbenf. *cit. n. 193.* & per Monac. *loc. cit. n. 10.* Non currit in Abbatis, quæ antè confirmationem possunt administrare. S. C. in *Mazarien. 18. Martii 1700.*

56 At petitur. An sit confirmanda electio illius, qui electus fuit post lapsum terminum, electioni ab jure præscriptum? In Ord. Min. ex d. Clement. & §. ibi: *Declaramus, ut electio Ministri Provincialis resideat apud Capitulum Provinciale: quam idem Capitulum die sequenti, qua fuerit congregatum, facere teneatur.* Et infra §. *Ceterum: Si Capitulum die prædicta Ministrum eligere prætermittat, ex tunc Ministri Provincialis provisio ad Generalem Ministrum liberè devolvatur.* Intelligas, nisi fraude iste electionem impediat, quia fraus nulli patrocinatur, *c. ad aures de empr.*

Resp. Electionem factam esse ipso jure nullam, utpotè factam eo tempore, quo jus eligendi à Capitularibus ablatum, ad Superiorem devolutum est, *c. licet de suppl. negl. Prælat.* De nullitate electionis Provincialis apud dd. Min. celebratæ extra diem præfixum, patet ex alleg. Clement. in qua apponitur clausula decreti irritantis quantum ad ea, quæ de Ministro Provinciali disponuntur, §. *Porro si quid.* Ideò, cum electio, de qua dubium procedit, sit nulla, confirmanda non est. Et ubi confirmaretur, non propterea revalidaretur. Nam, qui confirmat, jus acquisitum corroborat. Et proinde, ubi electio non tenet, nec confirmari potest. Quoniam, si non valeat principale, nec valebit accessorium, ut dicitur *cap. inter dilectos de fid. instrument. §. Cum igitur.* Peyrin. *cit. §. 11. secundo, quia.*

57 Et adverte, quod, confirmatione declarata irrita, vel propter non servatam debitam juris solemnitatem, vel quia Judex confirmandi potestatem non habebat, non propterea irritatur, aut annullatur præcedens electio canonica, per *cap. Confirmationem de elect. in 6.* Confirmatio enim, & electio sunt partes separatæ: & in habentibus causam separatam, utile per inutile non vitiatur, ut ibi *Glos. in notabilibus.*

Similiter pondera, quod confirmatio facta post appellationem, ad Sedem Apostolicam ex legitima causa interpositam, nisi prius fuerit ab appellatione canonicè recessum, est nullius roboris, & momenti, *cap. si postquam eod. tit. in 6.*

58. Solet ante electiones à præsidente inter Regulares præmitti absolutio à censuris ad tollendum impedimentum inhabilitatis ad eligi, & eligere, juxta formulam datam *cap. 38. num. 20.* Propter quod hic oritur dubium. An d. absolutio sit cum reincidentia? an verò absoluta sit, ut absolvi, & dispensati in Capitulis post completum electionis negotium non relabantur in censuras, & inhabilitates? Sanctior. *Comment. c. 8. stat. 35.* dixit esse absolutam, nec eas iterum redire, considerando, quòd cum frequenter unus, vel plures ex electoribus respectivè eligantur ad Prælaturam, & Ordinis officia, essent propter reincidentiam incapaces ad illa exercenda.

59. Verùm sensus absolutionis non videtur esse absolutus, sed ad cautelam, nè ex titulo censurarum possit postea electio, aliàs valida, impugnari. Etenim absolutè non datur, sed restrictè ad effectum electionis faciendæ: ergo, electione completa, in casu Capitulares, qui priùs ad eligendum, vel eligi propter censuras erant inhabiles, in eas reincidunt. Hæc enim est natura absolutionis ad cautelam ad aliquem effectum datæ. Ita Ameno *præst. tit. 19. §. 9. num. 65.* scripsit reum excommunicatum, prius absolvi debere ad effectum se sistendi in iudicio; & *num. 68.* subdit: Quo elapso, in eandem excommunicationem reincidit, quia absolutio in tali casu non tollit totaliter censuram, sed tantum suspendit ejus effectum pro eo tempore, quo reus actualiter est in iudicio; quo elapso, effectus censuræ non ampliùs remanet suspensus; & ideò sine nova sententia, aut delicto iterum ligat; & sic in eadem excommunicationem reincidit. Et ex hoc habetur, quòd non sufficit, ut reus semel, hoc est, in primo examine absolvatur, sed toties, quoties constituitur.

60. Et habetur ex Genuen. *prax. cap. 5. num. 10.* qui de communi testatur, quòd etiam delegatus Papæ potest absolvere testes ad finem ferendi testimonium, ex *cap. Veniens il. 2. de testib. §. Quo circa;* testis verò sic absolutus, facta depositione, statim sine alia monitione, & sententia reincidit in eandem excommunicationem. Idemque ex Decio refert procedere in quolibet absoluto cum reincidentia. Et in expressis terminis de Canonico absoluto ad finem faciendi electionem, apud sp-

sum probat Felinus *cap. ad reprimendum de offic. ord.*

Nec obstat ratio à Sanctorio ponderata; quia, ut effectus possit deinde officium exercere, debet absolutionem petere à Sacra Pœnitentiaria. Nam absolutio, quæ à præsidente præstatur, solum operatur, ut possit eligi, non verò, quòd valeat exercere; sed hic opus est purò, & absoluto absolutionis beneficio. Quisque videat, nè ex doctrina Sanctorii occasionem sumat vilipendendi censuras, & infor descendendi in illis.

61. Quæritur. Celebratur Capitulum Provinciale, in quo eliguntur soliti Officiales, & Prælati; subinde d. Capitulum ex aliquo defectu annullatur, adeo ut sit nova Superiorum electio faciendæ; petitur, quinam debeant esse vocales hujus posterioris electionis?

Resp. Illi, qui fuerunt electores in Capitulo invalidato, cum pro vocalibus non possint admitti electi in Capitulo nullo, aut nulliter declarato, *cap. si electio de elect. in 6. & ibi DD. cum Pignatell. tom. 10. consult. 81. num. 1.* Facultas enim primorum electorum non fuit consumpta, ut tradit Sigismundus à Bonoia *de elect. dub. 12. numer. 1. & seq.* Ideò ad eos revertitur. Intellige, si absque propria culpa d. Capitulum fuerit nullum; nam si nulitas eorum defectu fuerit, jure suffragandi privantur, juxta dicta superiùs.

Unde sciendum, quòd ubi electores scienter admittunt aliquem inhabilem ad eligendum, electio est nulla; secus si igno-
ranter, juxta distinctionem Abbatis in *cap. consultat. num. 6. de Procurat. Fagnan. d. c. Massana n. 31.* Ubi autem dubitatur, an alicui competat votum, nec potest ob circumstantiam imminentis electionis res apparere, admittendus est cum protestatione, *quatenus de jure potest, & non aliàs,* per Peyrinum *cit. §. 6. dico 8.*

C A P U T XIX.

Officialis quoad exemptionem
ab jurisdictione Ordinarii.

S U M M A R I U M.

- 1 Describitur exemptio.
- 2 Episcopis in exemptis modo ordinaria, modo delegata jurisdictio conceditur.

- 33 Referuntur plures casus, in quibus de presenti Regulares subiiciuntur Episcopis, usque ad num. 34.
- 35 Episcopi possunt in Ecclesiis Regularium, etiam in Pontificalibus celebrare.
- 36 Non verò, ipsis inuitis, Ordines conferre, Indulgentias &c.
- 37 Quando, & contra quos Regulares possint Episcopi sensuris procedere?
- 38 Episcopi possunt denunciare Regulares alias excommunicatos vitandos, non verò declarare.
- 39 In dubio, an Episcopis competat iurisdictione in Regulares, est recurrendum ad Sedem Apostolicam.
- 40 Constitutio Innoc. X. in causa Angelopolitana, usque ad num. 67.
- 68 DD. non conveniunt in assignanda diversitate legis Diocesane, à lege iurisdictionis, ad 69.

Exemptionem describunt DD. Est privilegium, quo persona aut locus (& est distinctio exemptionis localis, & personalis) ab iurisdictione Episcopi, vel Ordinarii liberatur, & subtrahitur, ac Summo Pontifici immediate subiicitur : quod ex c. si Papa de privilegiis in 6. notavit Engel. Colleg. univ. jur. Canon. lib. 5. tit. 33. num. 28. Quæ probatur, si in litteris concessionis Papa asserat: *hæc Ecclesia est exempta: vel ad jus Beati Petri, & proprietatem Romanæ Ecclesiæ, vel Romanum Pontificem specialiter pertinet: vel Episcopus non audeat in ea Cathedralam collocare, vel aliquod imperium, & potestatem exercere; aut alio simili modo, videndo apud Ascan. Tamburin. tom. 1. de jur. Abbat. disp. 15. q. 5. Etenim ea est natura privilegii, ut ejus verba non sint otiosa, & aliquid semper operentur; unde cum omnes Mundi Ecclesiæ ad jus Beati Petri, & Ecclesiæ Romanæ, omnium aliorum capitis, & Magistræ, subiectæ nascantur, ut apposita in litteris exemptivis aliquid pro ea Ecclesiâ specificè operentur, & plus à privilegio recipiat, quam accepit à natura, infertur, Pontificem eisdem voluisse concedere, ut modo quodam distincto Romanæ Ecclesiæ subiiceretur, eam nimirum ab Ordinuriorum potestate, quibus prius suberat, eximendo. Quæ cæteris locis piis applicantur.*

Notandum plenariam Regularium exem-

ptionem esse correptam, & Dominos Episcopos in certis casibus iurisdictionem in exemptos habere: aliquando delegatam, aliquando Ordinariam, per notata ab Engel. loc. cit. num. 31. Delegatam tunc habent, cum Canones, & jura disponunt, ut contra exemptos, autoritate Apostolica, vel tanquam Sedis Apostolicæ delegati procedant: Ordinariam verò, quando contra eos jure ordinario, seu ex suo ordinario officio procedunt. Utriusque iurisdictionis exempla sunt in Trid. & Apostolicis Litteris obvia.

Quæritur. *Quinam sint casus, in quibus hodie Regulares subjacent Episcoporum iurisdictioni?*

Resp. Plures equidem sunt, quorum aliquos per dicenda narrabimus.

2 Itaque Regulares subduntur Episcopis, quantum ad editionem librorum; nam eos nequeunt imprimere, vel curare, ut imprimantur, absque prævio Episcopi examine, & approbatione, ac suorum Superiorum licentia, Trid. sess. 4. in Decret. de edit. libror.

3 Quantum ad lectionem Sacræ Scripturæ, quæ in Monasteriis, in quibus commode haberi potest, facienda est, & ubi Superiores negligentes fuerint in deputandis Lectoribus, possunt opportuni remediis ab Episcopis ut Sedis Apostolicæ delegatis compelli. Trid. sess. 5. c. 1. de refor.

4 Quantum ad verbi Dei prædicationem; nec in Ecclesiâ sui Ordinis sine benedictione, nec in Ecclesiâ, quæ sui Ordinis non sit, absque Episcopis licentia prædicare possunt, d. sess. 6. 2. & in alterutra, Episcopo contradicente, prædicare prohibentur, cap. 4. sess. 24. de refor. Hic advertas aliud esse simpliciter non concedere benedictionem, & aliud expresse contradicere. Quoniam Episcopus, qui benedictionem non concedit, se habet præcisè negativè. Qui verò contradicit, facit actum positivum interdicens prædicationem. Quare, si Episcopus solum benedictionem non concedat, poterit nihilominus Regularis, benedictione petita, licet non obtenta, in Ecclesiis suis Ordinis prædicare, per disposita à Clement. X. Const. *Superna laus*. Bullar. tom. 5. sed, si non tantum benedictionem non concedat, sed ulterius expresse prohibeat, nullibi, nec in sui Ordinis Ecclesiis prædicare poterit, ad tex. in d.

Const. & in alia Greg. XV. incip. Inscrutabilia 18. *Bullar. tom. 3.* In contravenientes possunt Episcopi, etiam censuris procedere, ut in dd. *Const. Vide dicta cap. 12. num. 2. & 3.*

5 Quantum ad cautelam prædicandi, adeout debeat ab Episcopo interdici Regulari, etiam si in Ecclesiis sui Ordinis prædicaverit, munus prædicationis, si errores, & scandala in populum disseminaverit, *Trid. d. decr. & sess. 5.* Quod si hæreses prædicaverit, debet adversus eum secundum juris dispositionem procedere, *ibid.*

6 Quantum ad delicta, quæ à Regularibus extra Monasteria degentibus committuntur, *Trid. sess. 6. cap. 3. de ref.* Vel, cum intra Monasteria degunt, tamen extra ita notoriè delinquant, ut populo scandalo sint. Idem *sess. 25. de Regul. cap. 14.* Vide, quæ dixi *cap. ult. n. 20.*

7 Quantum ad Judices Conservatores, adeout, qui Conservatores non elegerint, aut electis uti ausi fuerint, quam juxta formam præscriptam à d. Gregor. *Const. Sanctissimum la 9. ibid.* ad annum Conservatore debent carere, & interea eorum causæ coram locorum Ordinariis cognosci, & definiri. *Quamobrem licet cap. 5. Trid. sess. 14. de reform.* quantum ad disposita circa Conservatores nominatim excipiat Regulares, tamen debent in eo procedere ad formam d. Constitutionis *Vid. c. 15.*

8 Quantum ad visitationem Monasteriorum commendatorum. *Trid. cap. 8. sess. 21. de ref. Lege d. c. ult.*

9 Quantum ad publicationem Indulgentiarum *Trid. ibid. cap. 9. & ex Sac. Congr. Conc. quæ, cum dubitatum fuisset: An Regularibus liceat publicare, vel proponere populo Indulgentias olim sibi concessas, sine licentia, vel approbatione, aut autoritate Ordinarii; aut illas, quæ Confraternitatibus quibuscumque sint concessæ; censuit non licere, Fagnan. in 1. ad cap. Grave de offic. ordinari. num. 45.* Nulla tamen recepta mercede: prout præscribit *Trid. cap. 9. sess. 21. de reform. & Taxa Innocentiana. Monacell. form. par. 2. tit. 16. form. 6. num. 8.*

10 Quantum ad elemosynarum quæstas, *Trid. ibid. & Sac. Congr. declaravit apud eundem, & dixi cap. 43.* sed nulli est permitendum, ut elemosynas quærant per alios, quam per sui Ordinis Fratres.

11 Quinimò Ordinarii possunt Fratribus in locis, in quibus non habent Monasteria, prohibere, ne elemosynas quærant, dum videtur id per eos fieri non posse absque præjudicio Conventuum, qui in dictis locis sunt erecti. Propter quod certè *Sac. Congr. per dicta loc. cit. declaravit, Regulares volentes elemosynas quærere extra loca, in quibus non habent Conventus, debere suorum Superiorum licentiam Ordinario ostendere. Et si extra Diocesim, teneri etiam illius consensum obtinere.* Nam Ordinariis ex debito sui officii incumbit providere, ne Conventus suæ Diocesis præjudicium, & gravamen recipiant.

12 Quantum ad observanda, & vitanda in celebratione Missarum, *Trid. sess. 22. de Sacrif. Miss. in Decret. de evitand. in celebrat. Miss. Vide d. cap. 10.*

13 Quantum ad susceptam administrationem Confraternitatum, vel Hospitalium: quippè eos potest Episcopus cogere ad reddendas rationes administrationis, & culpabiles repertos ad juris præscriptum punire. *Trid. ibid. c. 8. ut declaravit Sac. Congr. apud d. Fagnan. n. 47.*

14 Quantum ad Confraternitates Laicorum in Ecclesiis Regularium existentes. Quas Episcopus visitare potest, & ab ipsarum Administrationibus rationem administrationis exigere, ad præscriptum d. cap. 8. & 9. ejusd. sess. Non tamen potest earum Capellas, Icones, aut Altaria visitare, nisi quatenus Confratrum administrationem concernunt, per resoluta à *Sac. Congr. prout notavimus supra cap. 6. num. 14. & d. c. ult. n. 17.*

15 Quantum ad erectionem Confraternitatum. Quas Regulares (quibus licentia eas erigendi concessa est) erigere, & instituere non possunt, nisi de consensu Ordinarii, ex *Const. Clement. VIII. incip. Quacumque la 115. Bullar. ibid. Vide dict. cap. 14.*

16 Quantum ad susceptionem Ordinum, interstitia, & examen, *Trid. sess. 23. c. 8. 11. 12. & 14. de ref. Vide infr. c. 35.*

17 Quantum ad audiendas confessiones Sacramentales Sacularium, etiam Sacerdotum; quas nec Regulares excipere possunt, nisi fuerint ab Episcopo approbati, si eis videbitur necessarium, *ibidem cap. 15.* Et poterunt puniri ab Episcopo, ut Sedis Apostolicæ Delegato, in vim d. Con-

d. Constit. *Inscrutabili*, tanquam delinquentes in administratione Sacramenti Penitentiae, si eas audiant, aut omnino absque Episcopi licentia, aut illa expirata, vel revocata. Vide supra cap. 6. n. 9.

18 Item in vim d. Constit. poterunt puniri ab Episcopo, si sigillum Sacramentale fregerunt; nam censentur delinquere circa ad ministrationem Sacramenti.

19 Item possunt ab Ordinariis puniri etiam Regulares docentes, poenitentes non teneri ad denunciandos Confessarios sollicitantes, ex Constit. *Universi Gregor. XV. la 34. Bullar. to. 3.*

20 Quantum ad accessum ad Synodum Dioecesanam, *sess. 24. c. 2. de reform.*

Verum ad Synodum, nonnisi Regulares exercentes curam animarum debent accedere, quia textus ibi loquitur. *Ad quas exempti etiam omnes, qui alias cessante exemptione interesse deberent, accedere teneantur.* Sed, si Regulares Curati non essent, forent exempti; ideo ratione curae, & ad effectum, ut instruantur de iis, quae in Synodo statuuntur, & in ea proponant, quae iudicant necessaria ad administrationem sibi commissam, interesse deberent. Ergo cum à Trid. sit exemptio quoad eos sublata, Regulares Curati debent ad Synodum accedere.

21 Sed petitur. *In Synodo statuitur, quod Regulares debeant interesse conferentiae casuum conscientiae; quaeritur, quos Regulares statutum obligat?*

Resp. Eos, quibus dispositio est aptabilis, hoc est, qui lege Synodali cogi possunt. Adeoque nonnisi Regulares curatos, prout in terminis firmavit Sac. Congreg. Conc. die 3. Septembr. 1630. in una Forosempronien. lib. 19. Decret. 76. Et iterum Sac. Congreg. super Statu Regul. ut infr. Cum conventus suppressi, & postea restituti, in quibus non degunt de familia duodecim Religiosi, sint vigore Decreti, Ut in parvis, Innoc. X. subiecti visitationi, correctioni, & ordinariae jurisdictioni Ordinarium locorum, contigit dubitari: an Religiosi Confessores, & non Parochi in huiusmodi Conventibus degentes compelli possint ab iisdem Ordinariis, ut accedant ad conferentias casuum conscientiae.

Proposito hoc dubio in Sac. Congreg. super Statu Regularium habita in Palatio Vaticano die 15. Januarii 1682. Em. PP. consue- Official. Cur. Eccl.

runt, Ordinarios locorum posse quidem hortari, non autem compellere Religiosos Confessores non Parochos ad accedendum ad conferentiam casuum conscientiae.

22 Quantum ad Fratres itinerantes absque Superiorum licentia, quos Ordinarii punire possunt, c. 24. sess. 25. de Regul.

Quantum ad clausuram Monasteriorum Monialium, etiam Regularibus subiectarum. Trid. *ibid. c. 5.* Quantum verò ad licentias accedendi ad crates ad colloquendum cum Monialibus, S. Cong. Episc. decernit similes licentias ab Episcopo etiam esse subscribendas, licet ex consuetudine à Superioribus Regularibus dumtaxat subscribi consueverint. Cæterum, ubi hæc consuetudo non reperitur, soli Episcopi eas concedunt, per d. c. 3. n. 5.

23 Quantum ad hoc, quod Confessarii Monialium Monasteriorum intra mœnia Civitatis existentium non possint apud dicta Monasteria pernoctare, nisi Episcopus iudicium suum proferat super distantia Conventus à Monasterio, & cognoscat, approbetque distantiam necessariam inter mansionem pro usu Confessarii, & Monialium Monasterium, à quo non modò per parietes, verum & per tecta debet esse disjuncta, & separata, Alex. VII. Constit. *Felici la 156. Bullar. tom. 5.* in qua §. 8. transgressores puniuntur ipso facto excommunicatione privationis vocis activæ, & passivæ, omniumque officiorum, & inhabilitantur ad alia. Quos possunt Episcopi, tamquam delegati Sedis Apostolicæ, quoties opus fuerit, corrigere, v. c. 11. n. 2. §. 12.

Quantum ad audiendas Monialium confessiones, quas audire nequeunt, nisi specialiter sint ab Ordinariis ad eum effectum approbati, prout expressè in adduct. Constit. Gregor. & Clement.

24 Quantum ad electionem Abbatissarum Monasteriorum sui Ordinis. Cui per se, vel per alium, potest Episcopus interesse, si vult, ut in d. Constit. Greg. XV. Vid. d. c. 1. n. 8.

Quantum ad delicta commissa circa personas intra septa, aut circa clausuram, vel bonorum administrationem Monasteriorum Monialium etiam Regularibus subiectarum, *ibid. Greg.*

25 Quantum ad concernentia coram animarum, & Sacramentorum administrationem, Trid. *sess. cit. cap. 11. & Greg.*

Conit. cit. In curæ enim exercitio, & in Sacramentorum, vel alicujus ex illis administratione Regulares subduntur jurisdictioni Ordinarii, per dictum cap. *Quoad vitationem &c.*

26 Quantum ad componendas controversias super præcedentia in Processionibus, tum publicis, tum iis, quæ fiunt in tumulandis defunctorum corporibus, *ibid.* cap. 13.

27 Quantum ad accedendum ad Processiones publicas. Excipiuntur, qui in perpetua clausura perpetuò vivunt, *ibid.* & ii, quorum Monasteria distant à Civitate, ultra medium milliare. Vide c. 40.

28 Quantum ad expositionem Sanctissimi Sacramenti. Etenim illud solemniter non possunt absque licentia Ordinarii exponere, prout ex Sac. Cong. quæ 10. Decemb. 1602. decrevit: *Non liceat Regularibus, etiam in propriis Ecclesiis, Sanctissimum Eucharistia Sacramentum publicè adorandum exponere, nisi ex causa publica, quæ probata sit ab Ordinario; ex causa autem privata possint, dummodo S. S. Sacramentum è Tabernaculo non extrahatur, & velatum remaneat, ita ut ipsa Hostia videri non possit*, apud Nicol. flosc. ver. *Eucharist.* num. 32. Fagnan. cit. n. 77. Et S. R. C. sub die 22. Januar. 1701. in Firmana expositionis S. S. Eucharistie, censuit: *Frat. Minor. de Obser. Oppidi Monleani licere publicè adorandum exponere S. S. Eucharistia Sacramentum in eorum Ecclesia, singulis diebus festivis totius anni, exceptis Quadragesimalibus, & Dominicis, de licentia tamen Archiepiscopi.* Pro personis privatis ritus est, ut exponatur in ostiolo Tabernaculi, aut in Pixide velata cum luminibus, & assistentia. Quod etiam firmavit S. Cong. Episc. 7. Septemb. 1598. Gavant. *Manual.* v. *Eucharist.* n. 54.

29 Quantum ad Sacras Imagines & Reliquias ponendas, exponendasve in Regularium Ecclesiis, d. sess. 25. in *Decret. de invocat. venerat.* & reliq. appobante enim Episcopo, id debet fieri.

30 Quantum ad eos, qui manifestè in personam Ordinariorum delinquant, ex cap. *Romana de penis* in 6. Vel Prælatorum jurisdictionem competentem impediunt, nè munus suum exequantur. Tunc possunt ab Ordinariis legitime coerceri, & puniri, ut censuit Sac. Congr. Conc. Et Congr.

sententiam approbavit Greg. XIII. Qui dixit, decretum concipiendum esse contra (non turbantes, quod est nimis generale) impediētes jurisdictionem Prælatorum, quæ phrasis loquendi habetur cap. *Quia de offic. deleg.* ibi: *Si eos manifestè cognoveris justitiam impedire.*

31 Quantum ad observandos dies festos ab Episcopis in Diocesium præfixos, ead. sess. 25. de *Regul. c. 12.* Vide c. 21.

Quantum ad renunciationes, & obligationes Novitiorum, quæ nullæ decernuntur, nisi fiant cum licentia Episcopi, vel ejus Vicarii infra duos menses ante professionem, d. sess. c. 16.

32 Quantum ad restituendas Novitiis, abeuntibus ante professionem, res omnes, quæ ipsorum erant. Et possunt ii, ad quos spectat, ab Episcopis per censuras compelli, d. sess. & cap.

33 Quantum ad censuras, & interdicta Ecclesiastica, etiam ab Ordinariis emanata, quæ, mandante Episcopos, à Regularibus inter eorum Ecclesiis debent publicari; & servari, Trid. d. sess. c. 12. de quo c. 27.

34 Quantum ad erectionem Baldachini ipsi Episcopis in Ecclesiis Regularium, ubi in eis, tam ex consuetudine, & privilegio, quam ex Sacrorum Canonum constitutionibus, & Pontificalis Romani præscripto, aut alio jure Pontificalia exercere, aut Pontificalibus paramētis cum Mitra, vel etiam cum sola Cappa interesse possunt, tenentur ipsi Regulares, ex mandato Clement. VIII. Baldachinum eis attollere, prout in ejusdem decreto incip. *Decret. edir.* 10. Junii 1603. Quod refert Pignatellus tom. 10. consult. 106. num. 30. Et, ubi Regulares indebitè resistunt; vel negligunt, possunt ab Episcopis per censuras, aliasque pœnas Ecclesiasticas compelli, & Baldachinum ex alia Ecclesia ad illas Regularium curare, ut asportetur, ut ibi *tex.*

35 Quod autem possint Episcopi in locis suæ Diocesis, etiam exemptis, absque Regularium licentia, etiam in Pontificalibus celebrare, benedicere populo, audire Divina Officia, & in sua præsentia facere celebrare, est textus in Clement. *Archiepiscopo de privil.* Similis enim celebratio in Pontificalibus respicit honorem, reverentiam, & præminentiam Episcopo debitam, non autem jurisdictionem, & superioritatem, nec propterea violantur exemptorum privile-

vilegia; Quæ quantum ad cætera præferantur, ibi. *Abque eo, quod ex similibus functionibus aliquod jus acquiratur Episcopo in præjudicium exemptorum, vel aliud jus prætendere possit*; ut habetur in terminis d. Clement. & notatur à Fagnano in *11 ad c. Quia nos de auctor. & usupallii* n. 13.

36 Propterea, Episcopi non possunt in Regularium Ecclesiis, invitis Regularibus, functiones exercere Pontificales, quæ habent mixtam considerationem honoris, & jurisdictionis: ut Ordines conferre, Indulgentias concedere, degradare, & similia; quia hæc in litteris non exprimuntur: nisi Ecclesia sit Parochialis. Unde, cum in Sacr. Congr. Conc. quæreretur: *An Emin. Episcopus Brixien. in Ecclesia Parochiali Monachorum exemptorum, possit administrare Sacramentum Confirmationis, invitis ipsis Regularibus? & quatenus possit: an contra eosdem Regulares impediens dictam administrationem valeat censuris procedere*; Sac. Congr. re pluries propoſita, & maturè examinata, utraque parte informante, affirmativè ad utramque dubitationem respondit 9. Junii 1657. Ita etiam Episcopus, tamquam primus Parochus, potest certè in Ecclesiis Parochialibus Regularium baptizare, argum. ex cap. *Quoniam de sent. excomm. in 6.* Sed dicta non debent extendi ad Vicarios Episcoporum, etiam absente Episcopo, ex declarat. Sac. Rit. Congr. quæst. 10. Junii 1621. declaravit, non posse hujusmodi Vicarios, invitis Regularibus, erigere Baldachinum in eorum Ecclesiis, Pignatell. *ibidem* num. 23.

37 Petitur: *An Episcopi possint censuris adversus Regulares procedere*;

Resp. Negativè, quoties durat exemptio; secus dicendum in casu aliquo particulari, aut cum vigore Concilii, vel Constitutionum Apostolicarum eis conceditur. Vide Monacell. *form. part. 1. form. 20. num. 26. tit. 6.*

38 Hic nota, quòd, licet Regulares in casibus, quibus propter privilegia, quòd ab Episcopo excommunicari non possint, non ligentur statuto Episcopi habente excommunicationem adnexam, adhuc potest Episcopus Regularem aliàs excommunicatum vitandum (vel, quia est publicus Clerici percussor: vel, quia sine licentia Parochi infirmis sæcularibus ministravit Eucharistiam, aut Extremam Unionem,

vel Matrimonia solemnizavit: hoc est solemniter benedixit, ut expressit Gloss. *in cit. Clement.*: vel, quia absolvit excommunicatos à Canone, vel à sententiis per statuta Provincialia, vel Synodalia promulgatis: vel, quia declaratus est à suo Prælato excommunicatus) suis subditis denunciare ad effectum, ut eum vitare teneantur, ad text. in *Clement. Religiosi de privileg.* & ex sententia S. C. C. quæ consultæ: *an Episcopus possit excommunicatos denunciare Regulares, qui ob delictum notorium in excommunicationem inciderunt? censuit posse ab Episcopo publice denunciari excommunicatos, ut ab aliis evitentur*, Fagnan. *ad d. cap. Grave* num. 75.

Dictum est denunciare, & non declarare, quia denunciare Regularem ut supra excommunicatum, non est exercere jurisdictionem, sed dumtaxat suos subditos monere de obligatione, quam habent vitandi sic excommunicatum. Declaratio verò haberi non potest sine exercitio jurisdictionis: quoniam est reus citandus ad videndum declarari &c. debetque Ordinarius informari, ut sibi plenè constet de jure, & de facto. Regulares autem sunt exempti à jurisdictione Episcoporum, nisi aliter jus disponat. Vide Antonell. *de regim. Eccl. lib. 7. c. ul. n. 2.*

Cæterum, quamquam Regulares exempti sint ab Ordinarium jurisdictione, & ita non teneantur comparere, dum ab eis citantur; tamen id non procedit, cum in citatione exprimitur causa, quæ fundat super Regulares jurisdictionem; ut, si citentur ad comparandum, ex quo ad Processionem non acceſſerint: tunc enim non excusantur, cum Episcopus assistat dispositio Conciliaris, eisdem tribuens jus compellendi exemptos ad Processiones.

39 Semper tamen ex decencia, & reverentia Episcopis debita debent comparere, vel ad allegandum privilegium, & possessionem exemptionis adversus incompetenciam fori, vel etiam ad illud exhibendum, si exemptio non sit notoria: non enim creditur parti asserenti de qualitate privilegii, de qua non constat, sed eam asserens probare tenetur, per Piaſec. *prax. part. 2. cap. 3. art. 6. num. 73.* Donat. *prax. tom. 1. part. 2. tract. 13. quæst. 17.* & est text. in *c. Cum persona de privileg. in 6.* ubi Gloss. *in verb. Diœcesi* notavit, quòd, pendente lite super

exhibitione privilegii, non potest Episcopus Regulares turbare in sua possessione exemptionis, neque in eos poterit suam jurisdictionem exercere; & in dubio, an jurisdictione pertineat ad Episcopum, non potest Episcopus in causa cognoscere, ne sint Index in propria causa, sed examen, & defectus sunt de reservatis Sedi Apostolicæ, ad *tex. in d. Const. Superna.*

40 Tandem dictis subnectitur Constit. Innoc. X. incip. *Cum sicut* 29. Bullar. tom. 4. in causa *Angelopolitana* jurisdictionis, vertente inter Episcopum, & PP. Jesuitas. Occasione cujus nonnulla dubia fuerunt utrinque proposita, & à S. Congr. ad hunc effectum specialiter deputata, resoluta, prout ex narrativa Constitutionis. Cujus lectura utillima erit ad plures componendas, & evertendas controversias jurisdictionis in exemptos; ejusque tenor est: *Cum sicut accepimus*, & *infr. Sac. Congr. sapius auditis* &c. ad singula dubia ab utraque parte proposita, Ordinario scilicet, & Jesuitis, respondit ordine, qui sequitur.

41 I. *An in casu, quo Episcopus precipiat decreta aliqua Concilii Tridentini à Regularibus observari, & executioni demandari; Regulares quicumque, etiam Societatis Jesu, sub pretextu, quod hujusmodi precepta infringant sua privilegia, possint eligere conservatores?* -- Congregatio respondit. *Si Episcopus precipiat Regularibus, etiam Societatis Jesu, ut illis casibus, in quibus per ipsum Concilium, vel Constitutiones Apostolicas Regulares exempti subijciuntur jurisdictionis, & correctionis Episcopi, minime licere ipsis Regularibus ob eam causam conservatores eligere.*

42 II. *An, quando Ordinarius procedit, juris ordine servato, adversus Regulares exemptos in casibus, in quibus per Concil. Trid. vel Constitutiones Apostolicas ipsi subijciuntur, possint conservatores Judices assignare?* -- Respondit ut ad proximum non posse.

43 III. *An Regularibus, etiam Societatis Jesu, asserentibus se habere privilegia, quominus obediant Episcopo in executione decretorum, juris communis, Concil. Trid. & Constitutionum Apostolicarum, Ordinarii debeant ipsis adhibere fidem absque exhibitione hujusmodi privilegiorum?* -- Respondit Ordinarios non teneri hujusmodi assertionis fidem adhibere, absque integrali privilegiorum exhibitione.

44 IV. *An in casu, quo Regulares quicumque, etiam Societatis Jesu, exhibeant aliqua privilegia, & Ordinarii judicent ea non suffragari casui, de quo agitur, & ad rem non facere, Regulares prefati possint, ac debeant provocare ad Summum Pontificem, vel in partibus Indiarum remotissimis, ad Metropolitanum, sive Ordinarium viciniorum, vel potius possint hoc casu eligere Judices conservatores?* Respondit. *Si verba privilegiorum sunt obscura, & ambigua, non licere recurrere ad Metropolitanum, vel viciniorum Episcopum, nec conservatores eligere, sed Summum Pontificem pro interpretatione esse adendum.*

45 V. *Utrum Const. fel. rec. Gregoris XV. circa Conservatores Regularium publicata anno 1621. cum declarationibus Eminentissimorum Sac. Congr. Concil. Interpretum desuper editis, aequè afficiat, & comprehendat Religiosos Societatis Jesu, ac reliquos Regulares ita, ut omnia alia prefata Societatis privilegia fuerint redunda ad terminos dictæ Constitutionis, & sic impostum debeant ab iis eligi conservatores, juxta formam, & tenorem præscriptæ Constitutionis?* Respondit hujusmodi Constitutionem cum declarationibus, ut præfertur, editis, aequè afficere Religiosos Societatis Jesu, atque aliorum Ordinum, & conservatores ad illius præscriptum esse eligendos, non obstantibus quibusvis privilegiis, quippe quæ omnia sunt redacta ad terminos ipsius Constitutionis.

46 VI. *An Regulares prædicti gravati ere alieno, vel ad ratiocinia, vel testamentorum executores possint conveniri coram Ordinario, si conservatores non nominaverint intra tempus habile ab Ordinario præscriptum?* Resp. Regulares in causis prefatis coram Ordinario loci esse conveniendos, si ad præscriptum Const. sa. me. Greg. XV. Conservatores non elegerint, ipsumque electionis, documentum intra præfixum tempus in actis curiæ ipsius Ordinarii non exhibuerint, ac dimiserint.

47 VII. *An dicti Regulares, Conservatores, sive ad jura, sive ad privilegia tuenda assumptos, teneantur ante exercitium commissionis prestare cautionem coram Ordinario, sive alio Judice competente de iudicio fisci, & iudicatum solvendo, casu, quo in lite, sive causa succubuerint?* Respondit. *Non teneri.*

48 VIII. *An, quando Episcopi jura, vel deci-*

decimas Cathedralium adversus Regulares prædictos dote sua spoliantes Ecclesias coram Iudice competente tuentur, librosque, memorialia, & allegationes producunt, jus Ecclesiarum Cathedralium exprimentes, & acquisitiones Religiosorum, aliæque id generis adnumerantes, huiusmodi scriptorum occasione possint Regulares nominare conservatores, prætentantes injuriam sibi inferri in referendo immoderatas acquisitiones; Respondit: si Episcopi pro tuendis juribus Cathedralium Ecclesiarum coram Iudice competentis huiusmodi scripta producant, & Regularium immoderatas acquisitiones veraciter, & modeste referant, non licere ob eam causam ad conservatores recurrere.

49 IX. Utrum Regularis quicumque, etiam Societatis Jesu, possit administrare Sacramentum Pœnitentiæ Secularibus absque licentia Episcopi Diocesani, etiamsi in alia Diœcesi ab Episcopo approbatus sit? Respondit: Regulares, etiam Societatis Jesu, in una Diœcesi ab Episcopo approbatos ad confessiones personarum Secularium audiendas, nequaquam posse in alia Diœcesi huiusmodi Confessiones audire, sine approbatione Episcopi Diocesani.

50. X. An Episcopus contra dictos Regulares, audientes in sua Diœcesi confessiones Secularium absque approbatione, vel concionantes absque licentia Episcopi intra, & extra proprias Ecclesias, possit procedere, eos à talibus ministeriis removendo, sive præceptis, & aliis juris remediis coercendo? Respondit. Eisdem Regularibus, qui confessiones personarum Secularium audiunt sine approbatione Episcopi loci, vel prædicant in Ecclesiis sui Ordinis non petita illius benedictione, aut in aliis Ecclesiis absque illius licentia, vel in Ecclesiis, etiam sui Ordinis, ipso contradicente, posse Episcopum in vim Const. fel. record. Gregorii XV. quæ incipit Inscrutabili Dei providentia, tamquam Sedis Apostolicæ delegatum, administrationem Sacramenti Pœnitentiæ, ac munus prædicationis interdicare, eosque juris remediis coercere, ac punire.

51 XI. An, quando Episcopo constat, dictas licentias obtentas non fuisse, possit ipse præcipere, ut, donec licentiam intra præscriptum tempus exhibeant, à tali ministerio abstineant? & an requirendus sit per Episcopum pro his exhibendis Provincialis in alia

Diœcesi, vel longissimè existens, vel ipsi Regulares Confessarii, vel eorum Superiores ejusdem Diœcesi, in qua prædicta exercentur? Respondit. Posse Episcopum sic præcipere: nec pro huiusmodi licentiis requirendum esse Provinciale, sed satis esse ipsas Religiosos requirere, aut eorum Superiores in Diœcesi Episcopi existentes.

52 XII. An si contingat, ut aliquis prædictorum Regularium insurgat contra Episcopum in propria Diœcesi, maledicto, scripto, vel dicto, populum scandalizando, possit ab Episcopo puniri, & qua animadversione? Et quid, si huiusmodi delinquens transiverit ad aliam Diœcesim, hoc casu servandum sit, & qua pœna puniendus sit Regularis, qui commorans in una Diœcesi spargat famosos libellos contra Ordinarium alterius Diœcesis? Respondit. Si Regularis intra claustra degens, extra ea in casibus in dubio expressis, ita notoriè deliquerit, ut populo scandalo sit, Episcopo instante, teneri Superiorem Regularem intra tempus ab eo præfigendum, severe illum punire, ac de punitione Episcopum certiores facere: alioquin sic delinquentem ab Episcopo puniri posse, ad præscriptum Concilii Trident. cap. 14. sess. 25. de Regul. Quod si delinquens ad aliam Diœcesim migraverit, servandum esse, quod præcipitur in Const. san. mem. Clem. VIII. incip. Suscepti muneris ratio.

53 XIII. An Conservatores nominati, & electi à Regularibus præscriptis ante exercitium suæ jurisdictionis teneantur electionis authenticum documentum exhibere curam Ordinario sub pœna nullitatis actuum? Respondit: Ubique teneri.

54 XIV. An privilegia, quæ sunt contra jurisdictionem Ordinarii, & quibus gaudent, & gaudere prætentunt Regulares præfati, debeant Episcopis notificari, seu insinuari? Respondit: Regulares teneri huiusmodi privilegia Episcopo exhibere, si ejus uti voluerint.

55 XV. An prædia, metallorum fodina, sacchari opificina à Regularibus Societatis, vel aliis possessa, vel alia domus Saculares, in quibus videlicet unus, vel duo Regulares tantum commorantur, gaudeant privilegio Collegiorum, seu Conventuum? Respondit: Non gaudere.

56 XVI. Utrum Regulares præscripti apothecas quarumcumque mercium, macella, & similia, præsertim propè Collegia,

gia, seu Conventus exercentes, possint ab Ordinario sub censuris inhiberi, ne huiusmodi exerceant? Respondit: Non posse Episcopum hoc prohibere Regularibus exemptis; sed si in præmissis ita notorie delinquant extra claustra, ut populo scandalo sint, servandum esse, quod dictum est supra in responsione ad duodecesimum.

57 XVII. Utrum Regulares etiam Jesuitæ in suis prædiis, opificinis, aliisque suis domibus Sæcularibus, sitis intra limites Parochialium, ad se non spectantium, possint administrare Sacramentum Baptismatis solemnibus, Matrimonii, Extreme Unctionis, & Eucharistia in festo Paschæ famulis, mercenariis, rusticis, sive aliis id genus hominibus Sæcularibus absque Ordinarii, vel Parochi licentia? Respondit: Non posse.

58 XVIII. Utrum Patres Societatis in Civitate, & Diocesi Angelorum possint consecrare Vasa Sacra, Altaria, & similia, in quibus unctio requiritur? Respondit: Idem non posse.

Pro parte verò Religiosorum Societatis Jesu proposita fuerunt infra scripta dubia.

59 I. An Episcopi in partibus Indiarum possint ex integro totum unum Monasterium, vel Collegium ab audiendis Confessionibus suspendere? Respondit: Episcopus Indiarum posse quidem omnibus simul unius Monasterii, vel Collegii Confessariis adimere facultatem audiendi confessiones personarum sæcularium, etiam inconsulta Sac. Congreg. Episcoporum, & Regularium negotiis præposita, cum decretum ab ea editum sub die 20. Novembris 1515. ex intentionis defectu, & convenientia morali non extendatur ad regiones illas, tam longè ab Urbe distitas. Verum ab hac generali suspensione, quæ vix sine scandalo, & animarum perniciæ contingere potest, abstinendum esse Episcopis, nisi gravissima subsistente causa, super quo Sac. Congreg. illorum conscientias graviter voluit esse oneratas.

60 II. An Episcopus Regularem pro Confessionibus semel approbatum sine nova causa suspendere possit ab ipsis Confessionibus audiendis? Respondit: Regulares, aliàs libere ab Episcopo, prævio examine, approbato ad audiendas confessiones personarum Sæcularium, ab eodem Episcopo suspendi non posse sine nova causa, eaque ad Confessiones ipsas pertinente.

61 III. An Bulla Pii V. 34. in Ordine

tom. 2. Bullar. concessa, instante, & supplicante Serenissimo Rege Catholico, non ad petitionem Regularium, sit revocata in Bullis Summorum Pontificum, in quibus exemptiones Regularium mitigantur. Respondit: Agendum cum Sanctissimo, an velit declarare Bullam non esse revocatam, illam tamen non suffragari, nisi in locis, ubi est defectus Parochorum.

62 IV. An Episcopus possit cum censuris procedere contra Regulares exemptos, si inobedientes fuerint in Confessionibus audiendis, vel predicatione Verbi Dei: & hoc, vigore Concilii Tridentini, vel per quem canonem? Respondit: Posse procedere, non quidem in vim Conc. Trident. sed in vim Const. Greg. XV. quæ incipit, Inscrutabili Dei providentia &c.

63 V. An licentia audiendi Confessiones, & predicandi, ab Episcopo per litteras missivas, an solum per litteras patentes Cancellarie, concedi possit? Respondit: posse concedi, etiam per litteras missivas, si ita Episcopo videbitur.

64 VI. An talis licentia ore tenus sine scriptis concedi possit? Respondit, Ut ad proximum.

65 VII. An facultas eligendi conservatores, concessa Societati à Gregorio XIII. suffragetur illis in locis, in quibus non adsunt Iudices Synodales? Respondit, Privilegium Greg. XIII. suffragari, ut Societas non teneatur ex illius eligere conservatores, dummodo tamen in reliquis servetur forma Constit. Greg. XV. hac de re edita.

66 VIII. An Conservatores Societatis, Vicarios Generales Episcoporum auctoritate Apostolica per sententias, censuras, & pœnas Ecclesiasticas compellere possint virtute Bullæ Greg. XIII. incipientis, Equum reputamus, datæ ultima Februarii 1573.? Respondit, Posse à manifestis injuriis, & violentiis eos compescere, etiam censuris, & pœnis Ecclesiasticis. Datum Romæ die 16. Aprilis 1648. Quapropter, ut præmissa firmitus substant, & inviolabiliter observentur, nobis pro parte Joannis Episcopi huiusmodi fuit humiliter supplicatum, ut illa, auctoritate Apostolica confirmare dignaremur. Nos igitur &c. Decernentes &c. Sic non aliter &c. Irritum, & inane &c. Non obstantibus &c. Romæ 14. Maji 1648.

76 Posset quæri. An Regulares sint exempti à lege Diocesana Ordinarii? Sed quo-

quoniam DD. multum laborant in assignanda diverſitate inter legem Diœceſanam, & juriſdictionis; nec approbatur diſtinctio, quod ea, quæ conſiſtunt in recipiendo, ſint de lege Diœceſana; & ea, quæ conſiſtunt in dando, ſeu conferendo, ſint de lege juriſdictionis, ut per Fagnan. in pr. ad cap. *Dilectus de offic. Ordin. num. 3.* idèd quaſitum omittimus, quoniam abſtinendum eſt à quaſtione de voce, vide Engel. de privil. *Monast. privil. 3.*

68 Petitur. An Episcopus poſſit procedere adverſus Regulares non tenentes lampadem accenſam ante Altare, in quo eſt Tabernaculum, in quo aſſervatur SS. Sacramentum?

Reſp. Affirmativè in vim Conc. Trid. in *Decreto de evitand. in celebrat. Miſſ.* Nec ſufficit tenere lampadem in Choro, ſed tenenda eſt ante, & propè d. Altare, prout S. R. Congr. ſub die 22. Auguſti 1699. reſpondit Generali Capuccinorum qui dubium propoſuerat, *Monacell. for. p. 1. in cap. pend. ad Conſt. 18. Greg. XV. n. 1.*

C A P V T XX.

Officialis quoad Exequias.

S U M M A R I U M.

- 1 S. R. C. reſolvit, Regularibus, quoad tempus humationis cadaverum eſſe ſervandam Synodum: & nonnulla alia.
- 2 Parochus deſuncti occasione associandi corpus ad Eccleſias Regularium, poſteſt licitè tranſire per Parochium alterius cum Stola, & Cruce elevata.
- 3 Parochus non poſteſt ingredi Eccleſias Regularium cum Stola, & Cruce &c.
- 4 Diſtributio candelarum occasione funerum pendet ab arbitrio haredum &c.
- 5 Officium funeris in Eccleſia Regularium non peragitur a Parocho.
- 6 Parochi non poſſunt majorem eleemoſynam exigere ab haredibus illorum, qui ſepulturam ſibi elegerunt in Eccleſiis Regularium.
- 7 Non poſſunt Regularè abſque conſenſu Parochi deferre proceſſionaliter extra Conventum corpora Religioſorum. Et quid, ſi Religioſus moriatur extra Conventum?

- 8 Ad Parochum ſpectat declarare viam, per quam deferendum eſt cadaver ſepeliendum.
- 9 In funeralibus unatantum Crux deferatur, & cujus Eccleſiæ? & quid, ſi interveniat Capitulum Cathedralis, vel Collegiata?
- 10 Capitulum non invitatum, invitis haredibus, non poſteſt intervenire funeralibus.
- 11 Capitulum Cathedralis gaudet prerogativa ingrediendi cum Cruce, & Stola Eccleſias Regularium.
- 12 Confraternitates in Proceſſionibus funeralium non erigunt propriam Crucem.
- 13 Reſponſa S. R. C. in cauſa Novarien. ad undecim quaſita, concernentia ſunctiones, & jura funerum, & ſepulture.
- 14 Decreta S. Congr. Episc. in cauſa Nulius, ſeu Aquinaten. juriſ ſepeliendi, ad tria dubia concernentia hujusmodi materiam.

PLura ſuper associatione cadaverum, & obſervandis in prax, dum corpora deſunctorum ad Eccleſias Regularium, aliasque deferuntur, videnda relinquendo apud DD. Lant. v. cadaver, v. exequia, & in ſupplem. v. assoc. cadaver. Peyrin. de privileg. in fine v. decret. San. Congr. decret. 9. & 10. Lezana Summ. tom. 3. v. deſuncti. Panimolla decif. prima adnot. 10. & decif. 5. adnot. 3. nu. 70. & interim quaſdam exhibeo SS. CC. reſponſiones, emanatas ſuper dubiis, eiſdem porreſtis, ad effectum, ut ex earumdem diſpoſitivis, quid certi ſit tenendum, noſcitur; & inter alia excribo, Quod pro parte Procuratoris Generalis Min. Obſerv. Sancti Franciſci expoſitum ſuit apud Sac. Rituum Congregationem, quod in nonnullis Conventibus ſua Religionis vigent lites inter Parochos, & ſuos Religioſos, occasione associandi cadavera deſunctorum, ideoque ad evitandas diſſentiones, & ſcandala, qua in futurum orri poſſent, idem Procurator ſupplicavit pro extensione reſolutionum ſuper inſcripſtis dubiis emanatarum, in una Senogallien. 22. Junii proximi præteriti, etiam ad prædictos ſuos Conventus: Et eadem S. Congr. petitam extensionem benigne conceſſit, & dubia reſoluta ſunt, ut infra, videlicet.

I. An

agatur de lampada iſtaſtralis appoſita altari SS. Sacramenti in choro ſacra vultus inſerviat ſimul Dormitorio.

I. *An heredes defunctorum sint cogendi ad retinendum domi cadaveris usque ad tempus illa sepeliendi? An verò eisdem heredibus liceat prohibito asportare dicta cadavera è propriis domibus ad quamcumque aliam Ecclesiam per modum depositi usque ad horam illa tumulandi, etiamsi sepelienda essent in Ecclesiis Regularium, non obstante dissensu Parochi, seu prohibitione ab eadem facta, uti Vicario Foraneo.*

II. *An illatis cadaveribus privatè ab heredibus ad aliquam tertiam Ecclesiam per modum depositi, Regulares convenire, & congregari debeant in dicta tertia Ecclesia, aut in Parochiali, ad effectum illa associandi ad Ecclesiam, ubi sunt tumulanda?*

III. *An Cadavera sepelienda in Ecclesiis Regularium, antequam ad eorum Ecclesiam deferantur, debeant prius asportari ad Parochialem, & in ea permanere per aliquod tempus?*

IV. *An Regulares possint cogi ad associanda cadavera in eorum Ecclesiis tumulanda: an verò possint expectare in dictis propriis eorum Ecclesiis? Et, an in casu, quo Regulares non accedant ad associandum dicta cadavera, amittere debeant intortitia, uti Parochus pretendit?*

V. *An Parochus teneatur associare cadavera in Ecclesiis Regularium sepelienda, usque ad januas ejusdem Ecclesie, etiam ipsis Regularibus non associantibus? Et an Parochus associanti liceat ingredi Ecclesias Regularium cum Stola, & Cruce?*

VI. *An, si Parochus requisitus intervenire recuset funeralibus defunctorum, in Ecclesiis Regularium sepeliendorum, possint heredes, imò & ipsi Regulares, asportare cadavera ad Ecclesiam sepulturae electam, Parochus non interveniente, ac predicti Regulares eadem cadavera sepulturae tradere? Et an Parochus in funeralibus dictorum defunctorum majorem elemosynam solito pretendere possit?*

Ad primum. Sacra Congregatio respondit: quoad tempus humationis cadaverum servandam esse Synodum. Et in reliquis petita, & etiam non obventa licentia, posse cadavera deponi arbitrio heredum in qualibet Ecclesia usque ad tempus illa processionaliter deferendi ad Ecclesiam sepulturae.

Ad secundum. Sacra Congregatio inherendo aliis decretis respondit, Regulares de-

bere congregari in illa Ecclesia tertia, ubi cadaver fuit depositum, ut supra.

Ad tertium. Sac. Congr. respondit negative.

Ad quartum. Sac. Congregatio respondit, Regulares non posse cogi ad exeundum à propriis Ecclesiis ad effectum associandi cadavera in ejusdem sepelienda, sed sufficere, quod illa expectent ad januas; quovèro ad intortitia remisit causam ad Judices suos.

Ad quintum. Sac. Cong. respondit, Parochum teneri associare cadavera in Ecclesiis Regularium sepelienda; Quovèro ad ingressum Parochi cum Stola, & Cruce, distulit resolutionem: eam videas inferius n. 3.

Ad sextum. Sac. Congreg. respondit, vocato Parochus, & ipso renuente intervenire, vel alterum mittere, tunc Regularibus licere absque Parochus deferre cadavera in eorum Ecclesiis sepelienda; quovèro ad emolumenta per Parochum pretenso, nihil dandum ultra solitum. Et ita denuò declaravit, & servari mandavit. Hac die 13. Julii 1675. Lant. cit. in suppl.

2. Quibus deinde accessit alia Sac. Congregationis: Episc. & Regul. declaratio; quæ dubio, an Parochus unius Diocesis possit aliquam partem cereæ, & pecuniarum ab heredibus defuncti prætere, dum occasione deferendi cadaver ad Ecclesias Regularium alterius Diocesis, sit necessariò per ejus Parochiam transcendendum, prout infra respondit: Sac. Congr. &c. censuit dandas esse declarationes alias factas, nempe curatum unius Diocesis (quæcumque sit) in transitu cadaveris, quod processionaliter deferitur ad Ecclesiam Regularium ab alia Diocesi, transiendo per propriam Parochiam, & jurisdictionem, non posse aliquam partem cereæ, & pecuniarum ab heredibus defuncti prætere: itidem proprium Parochum defuncti transiendo per Parochiam unius Parochi, alterius cujuscunque Diocesis, ad effectum deferendi processionaliter cadaver ad Ecclesiam Regularium, posse liberè, & licitè per eandem cum stola, & Cruce elevata transire, etiam irrequisito Parochus: quas quidem declarationes in casu, de quo agitur, fideliter observari mandat, & præcipit eadem S. C. Romæ die 15. Novembris 1675.

3. In associatione cadaverum ad Ecclesias Regularium vocari non debent cum-

Parocho ceteri de Capitulo, ex recenti responso Sac. Congreg. Rituum in una Vaden. ad dubia eidem proposita, ut sequitur. Pratendentibus Parochis, seu Mansionariis Ecclesie Cathedralis Civitatis Vaden. in associatione defunctorum, qui sepulturam sibi eligunt, sive alio quovis modo in Ecclesia Regularium sunt tumulandi, ab eorumdem heredibus, una cum proprio Parocho defuncti, omnes esse invitandos: Ecclesias Regularium ingredi cum Stola, & Cruce: ibique functiones, & officium circa cadaver peragere: ac insuper pinguiorem elemosynam pro associandis, seu tumulandis Forensium, seu exterorum cadaveribus in Ecclesiis predictis Regularium, quam à civibus, posse exigere, si in ipsis Parochialibus sepelirentur. Deducta coram Reverendissimo Episcopo Vaden. controversia, & ab eo post quamplurimas comparitiones pro declaratione ad Sac. Rituum Congregationem remissa: Exinde Eminentissimo, & Reverendissimo Domino Cardinali de Noris commissa, & ab eodem propositis infra scriptis dubiis, videret.

I. An in associatione cadaverum ad Ecclesias Regulares sint vocandi omnes Mansionarii, præter Parochum?

II. An Parochus ingredi possit Ecclesias Regularium cum Stola, & Cruce, ibique officium, & functiones peragere?

III. An liceat Parocho exigere maiorem elemosynam ab exteris tumulandis in Ecclesiis Regularium, quam à civibus?

Sac. eadem Rituum Congregatio, utraque parte, tam in voce, quam in scriptis, prius audita, negativè in omnibus respondit, & ita declaravit, & servari mandavit. Die 2. Augusti 1698.

4 A Parochis nequeunt hæredes defunctorum cogi, & compelli, ut, si duodecim V. G. Fratres vocant ad associandum cadaver, totidem omninò pares numero Clericos sæculares vocare debeant, ut in terminis expressè respondit S. C. C. in una Papien. die 27. Decembris 1665. nisi præfatis Parochis Immemorabilis, coram Iudice legitime probanda, assistat: Panimoll. alleg. decis. 5. adnot. 3. num. 79. A quo decis. 1. adnot. 10. num. 20. refertur Sac. C. Episc. & Regul. in una Placentina sub die 16. Decembr. 1661. dubio: se possano quei, che fanno li mortorj, & esequie, dar mag-

gior quantità di Candele, e cera à detti Monaci (controversia erat inter Clerum sæcularem Placentiæ, & Monachos Cassinenses) di quello, che diano al Parocho, & Parochi, & al Clero secolare, per hæc satisfecisse: Circa secundum censuit, declaravit, & decrevit, distributionem candelarum quoad differentiam quantitatis pendere ab arbitrio heredum, aut aliorum distribui mandantium.

Amplia, ut neque Parochis pro associandis cadaveribus eorum qui repentina, vel violenta morte decedunt, liceat exigere majus emolumentum eo, quod exigi, seu præstari solet ab eo, qui testamentum condidit, juxta disposita à Sac. Congreg. Conc. die 24. Augusti 1669. lib. 26. decret. fol. 283.

5 Ponderabis, esse quoque Parochis prohibitum peragere in Ecclesiis Regularium officia, & funerales functiones supra corpus defuncti, quod in eisdem tumulatur, & esse à Regularibus peragenda, privativè quoad alios, legitur à Sac. Congreg. Episc. & Regul. dispositum, & à Clemente X. confirmatum, Constit. 57. Bullar. rom. 5. ut infra.

„ Nuper pro parte dilecti filii Procuratoris Generalis Ordinis Fratr. Min. S. „ Francisci, de Observantia nuncupatorum, Congregationi Venerabilium Fratrum nostrorum Sac. Rom. Eccl. Cardinalium negotiis, & consultationibus Episcoporum, & Regularium præpositæ, „ exposito, quòd eadem Congregatio die „ 16. Decembr. 1661. super controversiis, quæ inter Parochos Civitatis Placentin. & Monachos Monasterii S. „ Sixti, Congregationis Cassinen. Ordinis S. Benedicti, occasione funerum „ erant exortæ, inter alia decreverat, servanda esse decreta, & declarationes „ aliàs factas, scilicet, Parochis in associatione, seu occasione associationis „ cadaverum non licere ingredi Ecclesiam „ Monachorum prædictorum, sed teneri „ dimittere eadem cadavera ad januam „ Ecclesiarum; ibique solum posse benedicere, & dare ultimum vale; officia „ verò, & munia, quæ in hujusmodi ministeriis adhiberi solent, ab ipsis Monachis peragi debere, non autem à Parochis; atque ita in præmissis omnibus „ deinceps fieri, & executioni mandari „ præ-

præceperat. Et in eadem expositione sub-
 juncto, quod eadem rationes militarent
 ad favorem dicti Ordinis Minorum S.
 Francisci de Observantia, ideoque sup-
 plicato, ut Congregatio præfata resolu-
 tionem, sive decisionem hujusmodi ex-
 tenderet ad associationem, per Parochos
 fieri solitam, cadaverum defunctorum,
 quæ in Ecclesiis Fratrum hujus Ordinis
 seculiuntur; idque ad tollendas contro-
 versias, quæ in aliquibus Parochiis ea
 occasione inter Parochos, & Fratres
 Ordinis hujusmodi nascuntur non si-
 ne scandalo, & fraternæ, ac Chri-
 stianæ charitatis detrimento, emanavit
 ab eadem Congregatione Cardinalium
 decretum tenoris, qui sequitur, videli-
 cet.

Sacra Congregatio Eminentissimorum
 S. R. E. Cardinalium negotiis, & con-
 sultationibus Episcoporum, & Regula-
 rium præposita, censuit, Oratoribus
 dandam esse infrascriptam Declaratio-
 nem, aliàs editam, nempe: Parochis
 in associatione, sive occasione associa-
 tionis cadaverum non licere ingredi Ec-
 clesias Regularium, sed teneri dimittere
 eadem cadavera ad januam Ecclesiarum,
 ibique solum posse benedicere, & dare
 ultimum vale; Officia verò, & alia
 munia, quæ in hujusmodi ministeriis
 adhiberi solent, ab ipsis Regularibus pe-
 rari debere, non autem à Parochis: at-
 que ita in præmissis omnino deinceps
 fieri, & exequi præsentium vigore man-
 dat, & præcipit: contrariis quibuscum-
 que non obstant. Romæ 27. Novembris
 1671. Deinde sequitur *approbatio Decre-
 ti cum clausulis solitis* 18. Januarii
 1672.

6 Aliud ab eodem Clemente *ibidem*
const. la 58. approbatur ejusdem Sac. Con-
 greg. Decretum, quo Parochis, cæteris-
 que Clericis, & Presbyteris secularibus
 committitur, præcipitur, inhibeturque,
 ne majorem elemosynam ab hæredibus
 Defunctorum, qui in Ecclesiis Regula-
 rium sepeliuntur, exigant, quàm accipe-
 rent, si in Parochiali, vel alia Cleri sæcu-
 laris Ecclesia sepelirentur: ut sic removea-
 tur, quidquid posset retardare, & de indi-
 recto impedire libertatem Sæcularium in
 eligenda sepultura in Ecclesiis Regularium:
 ut infra.

„ Alias pro parte tunc existentis Com-
 „ missarii curiæ Fratrum Ordinis Mino-
 „ rum S. Francisci de Observantia nun-
 „ cupatorum, Congregationi tunc exi-
 „ stentium S. R. E. Cardinalium negotiis,
 „ & consultationibus Episcoporum, &
 „ Regularium præpositæ, supplicato, ut
 „ prohiberetur Parochis, & Clericis Ter-
 „ ræ de Leveranno Brundusini. Diocesis,
 „ omnibusque aliis Parochis, & Presbyte-
 „ ris, ne auderent accipere majorem elee-
 „ mosynam pro defunctis, qui sepelirentur
 „ in Ecclesiis dictorum Fratrum, quàm ac-
 „ cipiebant pro iis, qui in ipsorum Paro-
 „ chorum, & Presbyterorum sæcularium
 „ Ecclesiis sepeliebantur. Emanavit die 7.
 „ Decembris 1640. ab eadem Congrega-
 „ tione Decretum tenoris sequentis, vide-
 „ licet.

„ Sacra Congreg. Eminentissimorum S.
 „ Romanæ Ecclesiæ Cardinalium, nego-
 „ tiis, & consultationibus Episcoporum,
 „ & Regularium præposita, ad tollendas
 „ indebitas exactiones, quæ, ut proponi-
 „ tur, in tumulandis defunctorum corpo-
 „ ribus fieri solent, censuit injungendum,
 „ prout præsentis decreti tenore injunxit
 „ Archiepiscopo Brundusino, cæterisque
 „ locorum Ordinariis, ne permittant, ut
 „ Parochi, alique de Clero sæculari, ma-
 „ jorem posthac elemosynam sibi attribui
 „ faciant ab hæredibus defunctorum, qui
 „ in Ecclesiis Regularium prædictorum
 „ sepulturam sibi elegerint, quàm percipe-
 „ re possent, si in Parochiali, seu alia ip-
 „ sius Cleri sæcularis Ecclesia sepeliri vo-
 „ luisse, contrariis quibuscumque non
 „ obstantibus &c. *die* 7. *Decemb.* 1640. Et
 „ subindè, cum tunc existentes Fratres
 „ Provinciæ Dalmatiæ dicti Ordinis Con-
 „ gregationi præfate exposuissent, fun-
 „ ctiones funerales defunctorum, quo-
 „ rum cadavera in eorum Ecclesiis sepultu-
 „ ræ mandarentur, facere ad eos, non au-
 „ tem ad Parochos spectare; Congregatio
 „ præfata *die* 31. *Augusti* 1657. aliud decre-
 „ tum edidit tenoris, qui sequitur, videli-
 „ cet.

„ Sacra Congregatio Eminentissimo-
 „ rum S. Rom. Eccl. Card. negotiis, &
 „ consultationibus Episcoporum, & Re-
 „ gularium præposita, attentis narratis,
 „ juxta aliàs resoluta, censuit functiones
 „ funeralium super cadavera defunctorum,

„ quæ

„quæ in Ecclesiis Regularium contingit sepeliri, postquam ad easdem Ecclesias pervenerint, ad ipsos Regulares, non ad Patrocos pertinere, ac proinde ita in Ordinamentis Ecclesiis circa præmissa servandum esse, prout servari mandat, & præcipit, contrariis non obstantibus quibuscumque, die 13. Aug. 1658. Sequitur approbatio Decreti cum consuetis clausulis.
„18. Januar. 1672.

7 Regulares nequeunt Religiosum in Conventu defunctum sine consensu Parochi deferre per vicos, plateas, & Parochias prout declaravit. S. Congr. Conc. ad 11. in una Bonien. sup. cap. 7. n. 2. Prohibentur enim, ut etiam notavit Donat. prax. regul. tom. 1. part. 2. qu. 81. & dicam cap. 40. Episcopo, vel Parocho irrequisitis, extra clausuram Conventuum Processiones in pompa Ecclesiæ, & Cruce erecta, facere; nam hæc actum jurisdictionis continent, ita proprio adhærentem Territorio, ut in alieno exerceri non possint, nisi consentiat loci patronus: arg. ex cap. ut animarum de Const. in 6. & cap. novit. de offic. legat.

Ad proprium tamen Conventum eis, etiam Parocho inconsulto, licet, & deferre de nocte possunt Religiosorum corpora, qui in domibus consanguineorum, vel alibi extra Monasterium decedunt, prout in terminis ipsa Sac. C. C. in alleg. Bononien. ad 10.

8 Ad Parochum spectat declarare viam, per quam deferatur cadaver sepeliendum in Ecclesia Regularium, prout in sequenti: S. R. C. in hærendo declarationi hac eadem die factæ in Savonen. & aliis, defunctorum corpora in Ecclesiis Regularium tumulanda, esse deferenda certo tramite, & per viam à Parocho declarandam, ad Ecclesiam ipsorum Regularium, non autem prius ad Parochialem; declaravit ulterius servandum esse, etiam hæredibus defunctorum contradicentibus, & ad d. Parochialem prius deferri volentibus, 19. Decembris 1671.

9 In funeralibus unica tantum Crux deferretur illius Ecclesiæ, ad quam corpus deferretur, S. C. Rit. in Baren. 29. Julii 1676. Nicol. Flos. ver. sepult. num. 13. & alibi sæpè: nisi interveniat Capitulum Cathedralis, cujus Crux deferretur, sub qua omnes associantes funus incedere debent. Et magis præcisè eadem Sac. Congr. Rituum in Fos-

sanen. 21. Julii 1645. cujus Decretum est tenoris sequentis: Episcopus duobus dubiis humiliter petiit responderi. Primo, an servandum sit Decretum ab ipso factum, quoddam funera vocatis non liceat expectare defunctum per vias, vel illius domum petere, sed quod debeant intervenire ad Ecclesiam Parochialem, ad quam finis deferretur, vel ad Cathedralem, si Cathedralis capitulariter interveniat, consuetudine immemorabili in contrarium non obstante. Secundo, an cum Cathedralis, & Parochi soleant deferre singuli suas Cruces, ac vexilla Confraternitatum in suis Ecclesiis respectivè existentium, ut capient duos cereos pro singulis Crucibus, & vexillis, possit idem Orator præcipere, ut Clerus secularis totus incedat sub unica Cruce, Cathedralis videlicet quando capitulariter, alias Parochialis, ad quam finis deferretur, remotis hujusmodi vexillis, etiam Regularium, prædicta consuetudine non obstante?

Sac. Ritum Congr. ad primum respondit. tam Saculares, quam Regulares, etiam exemptos, ad funera mortuorum vocatos in Ecclesiam Cathedralem, alias in Parochialem, ad quam finis deferatur, convenire debere, & nullo modo permittendum, quod expectent per vias, vel adeant domum defuncti, consuetudine etiam immemorabili in contrarium non obstante.

Ad secundum, sub unica Cruce incedere debere omnes associantes finus, & ea sit illius Ecclesiæ, ad quam corpus deferretur sepeliendum, nisi intervenerit ut supra Capitulum Cathedralis, vel Collegiata, quò casu sub una duarum respectivè Cruce omnes incedere debent; prædicta consuetudine non obstante. Die 21. Julii 1645. Ita reperitur &c. Quod decretum confirmavit postea eadem Congr. in Aretina de anno 1664. inter Monachos Cassinenses, & Capitulum Cathedralis, & denno inter easdem partes 22. Decembris 1697. in responsione ad primum, Monacell. form. p. 1. tit. 5. form. 7. n. 38.

10 Non potest Capitulum non invitatum intervenire funeralibus, invitatis hæredibus, nec expensas funerum pro qualitate personarum defunctorum præscribere, ut decrevit S. C. Conc. Quæ die 16. Junii 1668. audita relatione Episcopi Lavellen. in hærendo declarationi ejusdem S. Congr. in Matherangn. sub die 13. Novembr. 1660.

emanata, censuit non posse funeralibus, invitatis heredibus, interesse, nec licere taxam ad suum libitum facere: sed eidem Episcopo injungendum, prout injungit, ut, auditis partibus, taxam conficiat, eamque S. Congregationi probandam transmittat. Instantia fuit Sacrae Congr. proposita à communitate Lavellen. Monacell. form. part. 2. form. 1. tit. 13.

11 Capitulum Cathedralis gaudet prærogativa, ut omnes funus associantes incedant sub sua Cruce usque ad Ecclesiam tumulantem inclusive: at post ingressum in Ecclesiam non potest cum Cruce funerali assistere, maximè, si Ecclesia sit Regularium, sed adhibenda est Crux Ecclesiæ tumulantis: ut respondit S. R. C. in Aretina 13. Julii 1697. in qua, proposito dubio: *An in associatione cadaverum sepeliendorum in Ecclesiis quorumcumque Regularium, & præcipuè Cassinensium, liceat Capitulo, & Canonicis Cathedralis ad associationem invitatis Ecclesiam eorundem Regularium ingredi cum Cappa, & Rocchetto, & in eadem sic assistere usque ad humationem cadaveris, sola Cruce d. Capituli erecta, & non alia.* S. C. respondit: *Affirmativè, ita tamen, ut in absolutione funeralis sola adhibeatur Crux Ecclesiæ tumulantis, Monacell. form. p. 1. for. 7. tit. 5. n. 39.*

12 Super erectione Crucis Confraternitatum, & ad sedandas lites, & controversias inter eas, & Parochos Urbis, extant responsa S. C. C. ut infra.

Cum multis ab hinc annis orta fuissent controversie inter R. R. Parochos, & Ven. Societates Urbis, occasione Processionum funeralium, & partes habuissent recursum ad Sacram Congregationem Concilii, hæc dubiis tunc porrectis dedit infra scriptas resolutiones, videlicet:

Primò. *An Archiconfraternitas possit in funeralium Processionibus erigere suam Crucem, quando defuncti tumulandi deferuntur ad ipsius Ecclesiam, in qua sepulcrum elegerunt.*

Secundò. *An eadem Confraternitas possit suam Crucem erigere, tam per viam, quam in Ecclesia Parochiali, quando est invitata ad associandum cadaver, sepeliendum in ipsa Ecclesia Parochiali.*

Tertiò. *An Capellanus ejusdem Archiconfraternitatis indutus Cotta, & Stola possit, post absolutum à Parocho Officium*

funeris, in Ecclesia Parochiali unâ cum Confratribus canere Psalmos Miserere, & Deprofundis, cum asperione aqua Benedicta?

Quartò. *An possit Parochus Officium funeris peragere in Ecclesia Archiconfraternitatis super cadavere defuncti in eadem Ecclesiâ tumulandi, etiam si sit Parochus, intra limites cujus Parochia Ecclesia Archiconfraternitatis est?*

Ad Primum. *Præcedat Confraternitas, deinde Crux ejusdem Ecclesiæ, deferenda per Clericum ipsius: postea sequatur Clerus Regularis, & tandem Secularis.*

Ad secundum. *Negative, tam in Ecclesiis, quam in Processionibus funeralibus, præsentie Parocho.*

Ad Tertium, & Quartum. *Negative.*

Quorum observantiam præcepit Eminentissimus Urbis Vicarius Gaspar Card. Carpineus. Die.. Anno 1698. apud Impresorem Cameralem.

13 Novissima dubia & responsa Sac. C. C. in una Novarien. funerum, & jurisdictionis.

Primò. *An cadavera impuberum oppidi Varalli debeant ex aliqua speciali consuetudine sepeliri in sepultura designata existente in Ecclesia Parochiali, vel potius licitum sit parentibus, tam antè quam post mortem illorum ea tumulare facere in proprio sepulchro majorum in Ecclesia PP. Reformatorum existente?* Et quatenus affirmativè quoad secundam partem.

Secundò. *An dicta cadavera deferri possint ad dictum sepulchrum majorum absque associatione Parochorum, & Cleri secularis post eorum monitionem ad interveniendum funerali, & recusantium?*

Tertiò. *An, Parochis intervenientibus, sive associatis, sive non ab alijs Concانونicis ejusdem Parochiæ, distribui debeat candela maior illa, quæ datur Superiori Regularium, associato ab alijs Fratribus?*

Quartò. *An dicta cadavera deferri valeant ad Ecclesiam quacumque hora diei: & an de nocte absque expressa licentia Ordinarii?*

Quintò. *An Parochi sub aliqua, & quacumque prætentione possint differre, vel impedire, nè tempore debito cadavera ad sepeliendum deferantur?* Et quatenus negative.

Sextò. *An Parochis impredientibus,*

licet-

licitum sit hæredi post expectatum triduum à morte defuncti ducere funus, etiam de nocte, ad Ecclesiam, in qua Cadaver est sepeliendum?

Septimò. An Parochi cogere possint hæredes ad peragendum in Ecclesia Parochiali omnes functiones Missæ solemnis, accensis luminibus in singulis Altaribus, & Anniversariorum, quæ fiunt in Ecclesia Reformatorum occasione funerum?

Octavò. An dicti Parochi possint cogere hæredes, ut celebrare faciant Missas pro defuncto singulis Sacerdotibus sæcularibus funus associantibus?

Nonò. An in prætenfa associatione cadaverum sint per hæredem defuncti in æquali numero convocandi tot Sacerdotes sæculares, quot convocantur Fratres Reformati.

Decimò. An in casu, de quo agitur, Episcopus Novariensis habuerit jurisdictionem in supradictos Fratres Reformatos, prætenfos delinquentes extra Claustra, seu turbantes jura Parochorum.

Undecimò. An Interdictum de quo agitur, sustineatur in casu &c.

Die xv. Martii 1704. Sacra Congregatio Eminentissimorum S. R. E. Cardinalium Concilii Tridentini Interpretum: Ad primum respondit negativè quoad primam partem, affirmativè quoad secundam. Ad secundum affirmativè. Ad tertium negativè. Ad quartum affirmativè, antequam Solis ortum: & de nocte negativè; nisi de licentia Episcopi. Ad quintum negativè. Ad sextum affirmativè, præterquam ante Solis ortum, & de nocte. Ad septimum, octavum, nonum, decimum, & undecimum, negativè respondit.

Omnes tandem sciant, ex cap. Abolenda de sepulturis, nullo modo esse licitum, sed contra Christianæ pietatis officium, & rem per Ordinarios castigandam, propter exactionem pecuniarum, seu mortuaria non soluta, defunctorum cadavera inhumata relinquere.

14 Circa hujusmodi materiam attendenda sunt decreta, etiam novissimè edita a Sac. Congr. Episcop. in nullius, seu Aquinaten. juris sepeliendi. In qua ad, infra scripta dubia.

1 An in associatione Cadaveris ad pro-
Official. Cur. Eccl.

primam Ecclesiam Regulares possint incedere sub propria Cruce; vel potius teneantur incedere sub illa Ecclesia Parochialis Collegiata?

2 An possit Capitulum ejusdem Parochialis, & Collegiata Ecclesie cum Stola, & Cruce ingredi Ecclesiam dictorum Patrum, in eaque functiones aliquas facere circa Cadaver, antequam sepultura tradatur; seu potius debeat tantum dare ultimum Vale? & quatenus affirmativè quoad secundam partem.

3 An dictum ultimum Vale consistat in simplici benedictione Cadaveris, recto tramite introducendi in Ecclesiam Regularium; vel potius in recitatione alicujus psalmi, vel alterius orationis?

Sacra &c. 6. Septembris 1709. auditis partibus respondit.

Ad 1. Negativè quoad primam partem, & quoad secundam affirmativè in casu, de quo agitur.

Ad 2. Negativè quoad primam partem, & quoad secundam affirmativè, quoad ingressum, & ultimum Vale.

Ad 3. Ultimum Vale consistere in simplici benedictione.

Quæ benedictio fit aspergendo Cadaver aqua benedicta, dum Ecclesiam ingreditur.

Quantum ad primum Sacra Congregatio consideravit Parochialem Collegiatam, cui eum honorem exhiberi voluit: & proinde ejus dispositio trahi non potest ad simplicem Parochialem. Sicut in secundo dubio hanc prærogativam Capitulo Parochialis, & Collegiatae adjudicavit, ut sine stola, & Cruce posset ingredi Ecclesiam Regularium, & in ea dare Cadaveri ultimum Vale. Quod pariter ad alios Presbyteros, & Parochos simplicis Parochialis ampliandum non est; sed standum est aliis resolutionibus, prout supra nu. 3. ad 2. & hinc ab istis est ultimum Vale dandum Cadaveri extra ianuam Ecclesiæ, & dum in eam desertur.

CAPUT XXI.

Officialis quoad Festos dies.

SUMMARIUM.

- 1 *Dies Festi ab Episcopis indicti à Regularibus servandi.*
- 2 *Possunt Regulares dies festos, & jejunia in suis Ecclesiis annunciare.*
- 3 *Diebus festis opera servilia prohibita.*
- 4 *Limitatur: & ibi Decretum Sac. Congregat.*
- 5 *Præter causam est necessarius consensus Episcopi.*
- 6 *Eodem die duæ Ecclesiæ vicine non celebrant idem Festum.*
- 7 *Festum Sancti Antonii de Padua celebratur eodem die à Patribus Franciscanis.*
- 8 *Decretum Sac. Rit. Congregat. super celebratione Missæ, & Officii de Sanctis.*
- 9 *Ejusdem decretum super translatione Festi SS. Annunciationis.*
- 10 *Aliud super Festo S. Joseph, occurrente Feria v. majoris Hebdomadæ.*
- 11 *Vigilia Sanctæ Mathiæ non anticipatur &c.*
- 12 *Non jejunatur, quando Festivitas Corporis Christi venit in vigilia S. Jo. Baptista.*
- 13 *Communicatio privilegiorum non extenditur ad Officia Sanctorum.*
- 14 *Agitur de Indultis, quibus conceduntur quadam Officia, vel semel, aut pluries in anno.*
- 15 *Dubia S. R. Congr. super celebratione Missarum per Sacerdotes seculares in Ecclesiis Regularium, occurrentibus ipsorum Festis.*
- 16 *Decreta S. R. C. sunt regula proxima Rituum Ecclesiasticorum.*
- 17 *Rubrica pariter sunt ipsorum immediata regula.*
- 18 *Rubricæ aliæ sunt præceptivæ, aliæ directive.*
- 19 *Color paramentorum non potest ad libitum variari.*

Dies festos, quos Episcopi in sua Diœcesi servandos præceperint, deberi etiam à Regularibus observari, sta-

tuit Trident. *sess. 25. c. 12. de Regular.* Super quo S. C. Congr. declarationem edidit, prout in *lib. 10. Decret.* ubi censuit decretum *cap. 12. ver. dies Festi sess. 25. de Regular.*

„ ita esse intelligendum, ut Regularium ritus illis diebus festis semper permaneant „ quoad Missas celebrandas, & cætera Divina Officia, tam publicè, quàm privatim „ ab ipsis Regularibus in eorum Ecclesiis persolvenda; nec circa hæc ab Episcopis „ quoquomodo in contrarium quidquam „ eisdem Regularibus præcipi posse: quòd si „ de factò præceperint, Regulares neutiquàm ipsis Episcopis obedire teneri. Verum, quoad conciones, & lectiones, „ quas idem Regulares ad populum habuerint, debent se conformare Evangelii, & Epistolis, quibus Clerus sæcularis „ utitur illis diebus festis. Peyr. ad Const. „ 27. Leonis X. Piasec. *prax. part. 2. cap. 3. art. 6. num. 47.*

2 Possunt Regulares dies festos, & jejunia in suis Ecclesiis annunciare, prout in terminis firmavit Sac. Congreg. Conc. sub die 2. Julii 1620. quæ interrogata; *An Regulares possint annunciare dies festos, & jejunia in suis Ecclesiis ad Altare in celebratione Missæ? Respondit Regulares non prohiberi dies festos, & jejunia in suis Ecclesiis annunciare.* Imò posse ab Ordinariis obligari, ne festorum, & juniorum ignorantia Fideles transgrediantur præcepta Ecclesiæ, tradit Roderico *qq. regular. tom. 1. quæst. 43. art. 7.*

3 In diebus festis quodcumque opus servile prohibetur, de quo fusiùs Summistæ Layman. *lib. 5. Tractat. 7. cap. 2. Quilici Confessar. manducl. quæst. 15. ar. 3. num. 3. Engel. Colleg. Jur. Canon. lib. 2. tit. 9. §. 2. num. 9. Habetur cap. Licet de Feriis: & expressè B. Pius V. in tom. 1. Bullar. Const. Cum primùm la §. 7. ut infra disposuit.* „ Cum verò dierum festorum observatio „ ad Dei cultum maximè pertineat, & in „ lege Divina præcipiatur, cupientes abusos pravorum, qui ex eorum inobservantia „ invaluerunt; omninò corrigere, & antiquorum Canonum statuta renovantes „ mandamus, ut dies Dominici, & præcipuè in honorem Dei, B. Mariæ Virginis, & SS. Apostolorum feriat, cum omni „ ni veneratione observentur: & omnes „ in diebus præfatis Ecclesias frequentent, „ divinis officiis devotè intendant, ab omni „ ni

„ ni illicito, & servili opere abstineant ;
 „ mercatus non fiant ; profanæ negotiatio-
 „ nes , & iudiciorum strepitus conque-
 „ scant. Qui verò in diebus præfatis opus
 „ aliquod illicitum fecisse deprehensus fue-
 „ rit, præter Divinam ultionem, & amif-
 „ sionem animalium, quibus ad vecturam
 „ utetur, etiam graves pœnas incurreret ar-
 „ bitrio Nostro, seu Vicarii nostri in Ur-
 „ be ; in aliis autem locis arbitrio Ordina-
 „ riorum &c.

4 Ex causa tamen necessitatis licet, etiam
 diebus festivis, quædam opera servilia per-
 agere ; ut præallegati tradunt, & legitur
allegat cap. licet, & cap. Conquestu, ibi-
 dem, necessitati causa pietatis adjicitur,
 prout ex Piafec. *allegat. c. 3. art. 3. num. 23.*
 „ Sac. Congreg. Rituum censuit licere die-
 „ bus festis dare operam rebus ad victum
 „ necessariis, ac tempore perituris ; præ-
 „ sertim tempore vindemiarum, & mes-
 „ sium, ac recollectionis fructuum, vel,
 „ ubi necessitas urgeat, aut suadeat pietas.
 „ Cæterum, quoniam verendum est, nè
 „ privatis affectibus, domesticarumque
 „ rerum studio aliqui eò perducantur, ut
 „ hac Sacrorum Canonum indulgentia in
 „ aliis etiam casibus abutantur, iidem Pa-
 „ tres Illustrissimi adjiciunt, ad Ordinarii
 „ cujuscumque iudicium, ac censuram per-
 „ tinere, ut dignoscat, num verè ulla ex
 „ causis superscriptis subsit, propter quam
 „ liceat diebus festis rebus servilibus vaca-
 „ re : ut nec dierum festorum observantia
 „ ulla in re violeetur, nec opera illis die-
 „ bus summa cum ratione permessa impe-
 „ dianur.

5 Unde præter causam necessitatis, &
 pietatis debet quoque accedere consensus
 Episcopi ; ut etiam docuit Sylvester *Summ.*
verb. Dominica querit. 5. enumerans cas-
 „ us, pro quibus, vel urgeat necessitas,
 „ vel suadeat pietas ; vide Engel. citat. à
num. 13.

6 Cum in eodem loco nova erigitur Ec-
 clesia, (vel si sit antiqua, illa non solebat)
 non potest die, qua alia eiusdem loci, sive
 sit secularis, sive Regularis, celebrat aliquod
 Festum, idem & ipsa celebrare, sed debet in
 aliam diem protrahere ; interim non retar-
 data manutentione illi, quæ est antiquior in
 celebratione ; quemadmodum Nicol. *flos.*
ver. festum n. 5. refert resolutum a S. Con-
 greg. Episcop. Regul. in una Messanen. 19.

Martii 1581. & in Sabinen. 20. Novembris
 1684. his verbis : *Non debet eadem die cele-*
brari Festum in duabus Ecclesiis vicinis, sed
moderna debet eligere alium diem ; & in si-
 mili habetur decisio Sac. Rit. Congr. quæ,
 in controversia vertente inter PP. SS. Vin-
 centii, & Anastasii in Trivio (quibus per
 speciale breve Innocentius XII. concesserat,
 ut in feria secunda cuiuslibet hebdomadæ
 publicè adorandum exponerent, Sanctiss.
 Eucharistiæ Sacramentum) & PP. SS. XII.
 Apostolorum de Urbe, qui sub eadem die
 in propria Ecclesia eandem functionem ex-
 plent, sub die 13. Junii 1697. censuit,
consulendum Sanctissimo pro translatione In-
dulgentiæ ad feriam quartam, addita perpe-
tuitate : & facta relatione Sanctitas suabeni-
gnè annuit, & translationem Indulgentiæ
approbavit.

7 Festum S. Antonii de Padua ex decla-
 ratione Sac. Congr. Episcop. & Regul. po-
 test ipso solemnitatis die celebrari ; tum à
 PP. de Corpore Observantiæ, tum Con-
 ventualibus, prout infra. „ Sacra &c. at-
 „ tentis narratis, auditisque partibus super
 „ hinc inde allegatis, censuit licere, tam
 „ Fratribus Minor. Conventualibus ; quàm
 „ Observantibus Reformatis S. Francisci
 „ in propriis suorum Ordinum Ecclesiis
 „ solemnizare Festum S. Antonii de Pata-
 „ via Confessoris, ea ipsa die, in quam in-
 „ ciderit : modò tamen Reformati a Procef-
 „ sionibus abstineant ; decretis, seu litteris
 „ eiusdem S. Congreg. aliàs circa præmissa
 „ emanatis, & reliquis in contrarium de-
 „ ductis, minimè obstantibus. Romæ 20.
 „ Septembris 1658. ut in regeſto eiusdem
 „ Sacræ Congregat. Lantuf. *ver. festum à*
 „ *num. 3.*

8 Missæ celebrantur, & Officia recitan-
 tur de Sanctis in Martyrologio descriptis ad
 formam sequentis Decreti.

Decretum Generale. „ Cum S. Rituum
 „ Congregationi innotuerit, quamplures
 „ abusus irrepsisse circa recitationem Offi-
 „ cii, sub prætextu decreti ab eadem Con-
 „ gregatione evulgati de anno 1630. & in
 „ Breviario Romano impressi, in quo per-
 „ mittitur posse in Ecclesia recitari Officia
 „ & Missas celebrari de illis Sanctis, quo-
 „ rum Corpora, aut Reliquiæ insignes in
 „ ea asservantur : Eminentissimi Patres,
 „ eidem Sac. Congreg. Præpositi, iisdem
 „ abusibus evellendis præcipuè intenti

„ inhærendo decretis, aliàs in similibus
 „ editis, declararunt prædicta Officia San-
 „ ctorum, ratione Corporis, seu insignis
 „ Reliquiæ, recitanda, intelligi debere de
 „ Sanctis, dumtaxat in Martyrologio Ro-
 „ mano descriptis; de cæteris autem San-
 „ ctis in prædicto Martyrologio non de-
 „ scriptis, aut quibus à Sancta Sede non
 „ fuerit specialiter concessum, Officia re-
 „ citari, & Missas celebrari, vetuerunt:
 „ non obstante, quòd ipsorum Corpora,
 „ vel insignes Reliquiæ in Ecclesiis asser-
 „ ventur. Quibus tamen ab Ordinariis lo-
 „ corum approbatis, debitam fidelium ve-
 „ nerationem (prout hætenus servatum
 „ est) exhibendam esse censuerunt, sed ab-
 „ que Officio, & Missa, sub pœnis de non
 „ satisfaciendo præcepto recitandi Offi-
 „ cium, aliisque in Const. Pii V. contentis.
 „ Die 11. Augusti 1691.

„ Et facta de prædictis Sanctissimo per
 „ me Secret. relatione, Sanctitas Sua hu-
 „ jusmodi Decretum approbavit, ac ut de-
 „ bitæ exequutioni demandetur locorum
 „ Ordinariis injungendum esse præcepit.
 „ Die 19. Octobris ejusdem anni.

9 Occurrente Annunciatione Sabbato
 Sancto, *Festum unâ cum præcepto audiendi*
Missam, & vacandi ab operibus servilibus
transfertur ad Feriam 2. post Dominicam in
Albis. Celebratio Missarum eo die prohibe-
tur; sed unicam Missam Conventualem unâ
cum officio ejusdem Sabbati Sancti esse cele-
brandam præcepti S. Congr. Rit. die 11. Fe-
bruarii 1690. approbante Alex. VIII. 12. ejus-
dem mensis, & anni.

Et idem servandum, si contingat in feria
 6. Parasceve: in d. feria 2. & eodem Ritu
 est celebrandum quoad Officium, & mis-
 sam, quo in Calendario apponitur die 25.
 Martii: eadem Congr. 11. Martii 1690. SS.
 item approbante.

Subinde posita d. translatione decrevit,
 ut infra.

„ Etsi secundum regulas Breviarii Ro-
 „ mani, cum plura festa, æqualia in ritu
 „ transferenda sunt, unum ante aliud tran-
 „ ferri debeat eo ordine, quo erant cele-
 „ branda propriis diebus; attamen quia an-
 „ no 1690. ab hac Sacrorum Rituum Con-
 „ greg. approbante, & mandante fel. rec.
 „ Alexandro Papa VIII. specialis præroga-
 „ tiva concessa fuit translationi festi An-
 „ nunciationis B. Mariæ Virginis Matris

„ Dei. incidentis in feriam sextam Parasce-
 „ ve; vel Sabbatum Sanctum: idcirco ea-
 „ dem S. Rituum Congregatio istiusmodi
 „ novis decretis inhærens, ob specialem re-
 „ verentiam Dominicæ Incarnationis spe-
 „ ciali hoc privilegio decorandum censuit
 „ idem festum Annunciationis, nimirum,
 „ ut quotiescumque post hac contingerit fe-
 „ stum prædictum, etiam quoad solum Offi-
 „ cium, post Octavas Paschæ, transferri,
 „ in eodem cæteris semper Festis æqualis
 „ ritus præponatur, licet temporis ordine
 „ illis sit in Calendario posterius: & ita ser-
 „ vari mandavit die 14. Junii 1692.

10 Occurrente festo S. Josephi feria v.
 majoris hebdomadæ plures Missæ currentis
 Officii ipsa die celebrantur, & solum quoad
 Chorum, seu Officium transfertur festum
 Sancti, non quoad forum, ut itidem eadem
 Congr. firmavit.

„ Cum anno proxime venturo occurrat
 „ festum S. Josephi in feria v. Majoris heb-
 „ domadæ, extortum fuit dubium, attenda-
 „ universali consuetudine Ecclesiæ cele-
 „ brandi eo die unam tantum Missam, an
 „ unâ cum Officio ipsius S. Josephi tran-
 „ ferri debeat anno prædicto, etiam obliga-
 „ tio audiendi Missam, ac vacandi ab ope-
 „ ribus servilibus? Dubioque hujusmodi in
 „ Sacrorum Rituum Congregatione pro-
 „ positum; eadem Congregatio ad relatio-
 „ nem Eminentiss. & Reverendiss. D. Car-
 „ dinalis Albani, re maturè discussa, censuit
 „ Officium transferendum esse ad aliam
 „ diem, juxta rubricas Breviarii Romani,
 „ & decreta ipsius Congregationis; cæte-
 „ rum præceptum audiendi Missam, & va-
 „ candi ab operibus prædictis non esse
 „ transferendum, sed servandum esse prædi-
 „ ctæ ferie v. majoris hebdomadæ: adeoque
 „ per Ordinarios locorum accuratè provi-
 „ dendum ut eo die aliquæ quidem Missæ
 „ privatæ, ante celebrationem solitæ Missæ
 „ Conventualis celebrandæ, pro præce-
 „ pti adimplemento non desint: sed ta-
 „ men propterea antiquus mos Commu-
 „ nionis Clerici in Missa solemnî ejus diei,
 „ quo Ecclesia SS. Eucharistiæ Sacramenti
 „ institutionem, & memoriam recolit,
 „ summa religione hætenus detentus,
 „ nullatenus omittatur; & ita declaravit,
 „ ac decretum huiusmodi publicari, &
 „ imprimi mandavit. Die 13. Septembris
 „ 1692.

11 Non anticipatur vigilia S. Mathiæ Apostoli, licet occurrat ultimo die baccanaliū, prout infra.

„ Quæsitum fuit à Sacrorum Rituū
„ Congreg. declarari; An vigilia S. Mathiæ
„ Apostoli, occurrens hoc anno in feria
„ tertia post Dominicam Quinquagesimæ,
„ possit ratione carnis privii anticipari
„ cum ieiunio? Et eadem S. Cong. respon-
„ dit negativè, & ieiunium prædicta feria
„ tertia omnino servandum. Die 23. Ja-
„ nuarii 1694.

12 Nec in die Corporis Christi est ieiunandum, si incidat in vigilia S. Joannis Baptistæ, sed anticipandum est ieiunium die antecedenti, feria nimirum quarta, prout ieiunatur in ipsa vigilia, ex decreto Sac. Rituū Cong. edito die 24. Septembris 1638. & Conft. Urbani VIII. Bullar. Cum evenire la 154. tom. 4.

13 Communicatio amplissima privilegiorum unius Religionis alteri facta non se extendit ad officia Sanctorum, prout S. C. Rituū 10. Decembris 1679. firmavit ad dubia eidem proposita à Ministro Generali Ordinis Minorum de Observantia, prout sequitur.

„ I. An communicatio, etiam amplissima, privilegiorum unius Religionis alteri facta se extendat ad officia Sanctorum.

„ II. An facultas recitandi officium de aliquo Sancto concessa specialiter Minoribus Conventualibus, vel Capuccinis, vel Fratribus Terti Ordinis S. Francisci, vel Monialibus S. Claræ, S. Elisabeth, Conceptionis, Annunciationis; se extendat ad Fratres Minores de corpore Observantiæ, sive de Familia, sive Reformati, sive Excalceati, sive Recollecti dicantur, itaut isti illa licite uti possint?

„ III. An facultas recitandi officium concessa specialiter Fratribus Minoribus Reformatis Italiæ, sub hoc nomine se extendat ad Observantes de Familia, vel Excalceatos Hispaniæ, vel Recollectos Galliæ, & e converso?

„ IV. An eadem facultas, concessa specialiter Fratribus Minoribus de Observ. Familiæ Cismontanæ, se extendat ad Fratres ejusdem Ordinis Familiæ Ultramontanæ?

„ V. An facultas recitandi aliquod officium concessa specialiter alicui Provin-

Official. Cur. Eccl.

ciæ, se extendat ad alias Provincias ejusdem Ordinis, & Instituti; aut concessa specialiter alicui Conventui, se extendat ad alios Conventus ejusdem Ordinis, vel saltem ejusdem Provinciæ?

„ Sacra Congregatio respondit ad omnia, esse intelligendum cum moderatione: & ita declaravit; & prædicta omnia ab omnibus Fratribus Regularis Observantiæ, non solum de Familia, sed etiam Reformatis, Discalceatis, Recollectis aut alio quovis nomine nuncupatis, servari mandavit sub pœnis arbitrio præfati Ministri Generalis, ejusque Successorum pro tempore imponendis contra inobedientes; non obstantibus quibuscumque &c.

Moderatio fortè continetur in dictione *specialiter*; quæ certè exprimit concessionem uni specificè factas ad alios non extendi; & facit, quod generalis communicatio privilegiorum non trahitur ad ea, in quibus specialiter est provisum, prout tradit Rota in Ulyssiponen. 11. Septembris 1637. coram Rojas *decis. 618. num. 17. tom. 2. part. 5. dec. recent.*

14 Hic notandum est, quod Congregationes, Religiones, sive Ecclesiæ, vel Nationes, quibus concessum fuit à Sede Apostolica, ut semel, vel pluries in singulis hebdomadibus, vel mensibus, possint celebrare Officium de Sanctissimo Sacramento, vel de Sanctis in diebus non impeditis aliquo Festo duplici, vel semiduplici, non possunt hujusmodi officia facere in diebus Quadragesimæ, Adventus, Vigiliarum quatuor Temporum, etiam si in Indulto de his diebus nulla sit facta specialis mentio, ut novissimè declaravit Sac. Congregat. Rituū in subnexo generali Decreto, ad dubia proposita.

Primum. *An, cum multis Congregationibus, Religionibus, sive Ecclesiis, vel Nationibus concessum sit à Sancta Sede Apostolica, ut semel, vel pluries in singulis hebdomadibus, vel mensibus celebrentur varia officia per annum, v. g. de Sanctissimo Sacramento, vel de Sanctis in diebus non impeditis aliquo Festo duplici, vel semidupli, liceat ejusmodi officia facere, etiam in diebus Sancta Quadragesimæ, Adventus, Vigiliarum, & Quatuor temporum, etiam si de his diebus nulla sit facta specialis mentio in aliquibus Officiorum concessionibus?*

Secundum. *An dies impediri Festo duplici, aut semiduplici pro dictis officiis recitandis, intelligantur etiam dies, in quibus ponendum est officium de Festo duplici, vel semiduplici translato, quemadmodum dicitur responsum fuisse olim à Sac. Congregatione: quod scilicet Festum duplex, vel semiduplex, etiam translatum, nec non dies Octavae, sit dies impeatus respectu talium Officiorum.*

Tertium. *An Regulares absque speciali privilegio, sed sola communicatione privilegiorum aliarum Religionum, possint addere nomen Sancti Fundatoris in Litanis, & Confiteor; itemque recitare Officia, & Missas concessas aliis Religionibus?*

Sacrorum Rituum Congregatio ad relationem Eminentissimi, & Reverendissimi D. Card. Colloredo respondit.

Ad primum. *Negative: & hujusmodi indulta non habere locum inferiis Adventus, Quadragesima, Quatuor temporum, Vigiliarum, sive cum jejunio, sive absque jejunio, nec inferia secunda Rogationum, nec in alia feria, in qua secundum rubricas sit reponendum officium Dominice.*

Ad secundum. *Affirmative.*

Ad tertium. *Negative in omnibus.*

Et ita declaravit, ac servari voluit. Ac insuper, ut declarationes, seu decreta predicta omnibus innotescant, typis ea imprimi mandavit. Die 20. Martii 1706.

15 *An autem Sacerdotes sæculares possint in Regularium Ecclesiis, recurrente die Dominico, vel Festo, Missam celebrare de eorum Sanctis, & se uniformare eorum ritui, quamvis officium proprii kalendarii non concordet. Responso habetur ex-resolutis ab eadem Sac. Rit. Congregat. à qua PP. Tertii Ordin. Sancti Francisci petierunt.*

I. *An diebus Dominicis, aliisque diebus, quibus in ipsorum Ecclesiis celebratur de Sanctis Ordinis sub ritu duplici, Sacerdotibus exteris ad eam confluentibus permitti debeat celebratio de Dominica, vel alio Festo, vel etiam de Requiem? Et quatenus affirmative: an in Missa de Dominica, aliisque Festis, debeant Sacerdotes exteri uti paramentis competentibus dictis Dominicis, & Festis: vel possint se conformare paramentis, quibus eisdem diebus utuntur Fratres?*

II. *An Fratres diebus, quibus propria officia celebrant sub ritu duplici, celebrantes in alienis Ecclesiis possint celebrare Missas*

cum dictis officiis concordantes; vel possint celebrare de aliis conformando se ritui earundem Ecclesiarum, ac etiam de Requiem? Et quatenus affirmative quoad primam partem, quid quoad colores paramentorum?

III. *An Sacerdotes exteri confluentes ad ipsorum Ecclesias, ut supra, & celebrantes de Sanctis Ordinis, ser. serv. possint in Missis se uniformare cum Fratribus quoad Credo, & quoad numerum Orationum more duplicium?*

IV. *An diebus Dominicis, quibus tam Fratres, quam exteri celebrant de Dominica, possint exteri uti coloribus paramentorum, quibus utuntur Fratres ratione alicujus Octavae? & Fratres celebrantes in alienis Ecclesiis uti coloribus juxta ritum earundem? & an, tam exteri in Ecclesiis Fratrum, quam Fratres in alienis possint apponere Commem. Octavae ut supra occurrentis, servata rubrica de duplici Oratione habenda in Dominicis infra Octavam?*

V. *An in officio ad Hymn. Iste confessor pro SS. Confessoribus, quoties eisdem fixa dies est assignata, recitari debeat V. Meruit beatas scandere sedes, eo quod revera officium fiat de die obitus? Et quatenus affirmative, an eadem regula servanda sit in officiis de Confessoribus translatis, dummodo officium sit de die obitus?*

Ad 1. *Quoad primam partem dubii negative, quando Festum celebratur cum solemnitate, & concursu populi: & quoad secundam partem jam provisum.*

Ad 2. *Ut ad primam.*

Ad 3. *Posse.*

Ad 4. *Posse.*

Ad 5. *Negative. Monacell. form. par. 2. form. 2. num. 29. tit. 13.*

16 Hic notabis, etiam Decreta S. R. C. esse regulam proximam Rituum, & caeremoniarum, tam agendorum, quam dicendorum in celebratione Missæ, divinarum Officiorum, & Sacramentorum administratione. Nam hæc Congregatio facultatem habet intrepetandi, & declarandi quatenusque dubia, quæ oriuntur circa Ritus Ecclesiasticos, ut in *Constitut. Sixti V. 74. Bullar. tom. 2.* ad quam ex universo Orbe Christiano recurrunt Ecclesiastici pro negotiis Rituum; & eius responsa maximam habent auctoritatem, & vim legis; ac in omnibus similibus casibus obtinent vim inter-

terpretationis generalis, ut allegato Bonac. de leg. disp. 1. punct. 8. prop. 1. dixit Turrinus director. sacrif. par. 1. sect. 1. c. 2. Etenim si vim legis obligantis non haberent, sequeretur, quòd inutiliter fuisset hæc S. Congr. instituta: quilibet enim pro suo libito posset ejus Decreta non observare.

17 Pariter Regula proxima, & immediata Rituum Ecclesiasticorum sunt Rubricæ præscribentes, quid faciendum, & dicendum sit, tum in celebratione Missæ, tum recitatione Officii, tum Sacramentorum administratione; nam Regula aliud non est, quàm mensura, ob quam agens inducitur ad agendum hoc, vel illud, hoc, vel illo modo, vel ad agendum, aut non agendum. Rubricæ autem tam Missalis, & Breviarii, quàm Ritualis, sunt hujusmodi mensuræ: ergo sunt regula Sacrorum Rituum.

18 Dividuntur Rubricæ in præceptivas, quæ ex genere suo obligant sub mortali, & directivas, ad id non obligantes, nisi ex contemptu omittantur. Saperet autem contemptum, si sapiùs, & ut plurimum, vel cum scandalo populi negligerentur, ut per Gavant. ad Rubr. Missal. p. 3. tit. 11. num. 13. videndum omninò, qui rem examinat, & discrimen inter eas considerat.

Obligatio Rubricarum innoscere potest, tum ex Constit. B. Pii: Quod à nobis 64. Bullar. to. 2. edita pro reformatione Breviarii Romani, tum ex alia eiusdem Constitutione: Quo primum la 106. pro reformatione Missalis, in quibus omnis mutatio, additio, & detractio circa Missam, & Divinum Officium respectivè prohibetur. Et concludentissimè habetur ex Trident. sess. 7. can. 3. de Sacram. ibi: Si quis dixerit, receptos, & approbatos Ecclesie Catholice Ritus, in solemnibus Sacramentorum administratione adhiberi consuetos, aut contemni, aut sine peccato à Ministris pro libito omitti, aut in novos alios per quemcumque Ecclesiarum Prælatum mutari posse, anathema sit; & sess. 22. can. 9. de Sacrificio. ibi: Si quis dixerit Ecclesie Romanæ ritum, quo submissa voce pars Canonis, & verba consecrationis proferruntur, damnandum esse &c. anathema sit. Unde si Ritus in Sacramentorum administratione mutari, vel omitti non possunt, ideò est, quia præcipiuntur: siquidem si esset de consilio, possent pro libito Ministri omitti, vel mutari, quia consilia non obligant, ut loc. cit. Turrinus.

19 Observat Monacellus ibidem num. 31. quòd color paramentorum non potest ad libitum variari, quia B. Pius mandat, ut Missa celebretur iuxta formam traditam in Rubricis Missalis, prohibendo, ne ulla fiat mutatio, & detractio; ideò, qui in Missis Defunctorum pro colore nigro utitur violacèo absque necessitate, Rubricam offendit in re gravi, & non est immunis à culpa; quemadmodum à culpa non excusatur, qui in Rubricis præceptivis contra eas operatur; nisi excusetur à naturali inadvertentia, & parvitate materiæ, ubi hæc datur.

C A P V T XXII.

Officialis quoad fori Ecclesiastici Privilegium.

S U M M A R I U M.

- 1 Quid importet privilegium fori Ecclesiastici?
- 2 Usurpantes jurisdictionem Ecclesiasticam ligantur excommunicatione Papæ reservata.
- 3 Clerici gaudent fori privilegio.
- 4 Quis censetur proprius Episcopus ad effectum, ut coram ipso conveniatur: & de modo sortiendi forum.
- 5 Quivis, sive Clericus, sive Laicus, potest coram Papa conveniri.
- 6 Conditiones ex Trid. ad hoc, ut Clerici in minoribus constituti gaudeant privilegio fori.
- 7 Quid significet Tonsura?
- 8 Judicium, an habitus sit Clericalis, spectat ad Episcopum.
- 9 Clericus beneficiatus incedens sine habitu Clericali privatur ipso facto Beneficio, sed ut privetur privilegio fori, est necessaria declaratoria Judicis.
- 10 An Clericus prima tonsura, cui est reservata pensio, gaudeat fori privilegio, si sine habitu incedat?
- 11 Non requiritur pro privilegio fori Beneficium possidere, sed sat est, obtinuisse.
- 12 Non privatur fori privilegio Clericus, qui sine habitu cum armis à Laicis capturatur. Declara.
- 13 Laicus captivus potest ob ignorantiam à censura excusari.
- 14 Quando Laicus debeat Clericum sine

habitu capturatum remittere ad Iudicem Ecclesiasticum? & quibus Clericatus probetur.

- 15 *Clerici non habentes requisita Trident. sess. 23. c. 6. non conveniuntur coram Iudice Laico.*
- 16 *Judex Laicus detinens Clericum in carceribus incurrit etiam excommunicationem Canonis, si quis suadente.*
- 17 *Differentia privilegii fori à privilegio Canonis. Et an illud perdens censetur amittere alterum.*
- 18 *Requisita, ut Clerici conjugati gaudeant privilegio fori, & Canonis.*
- 19 *Agitur de Laico post crimen patratum promotus ad Primam tonsuram, an gaudeat privilegio fori?*
- 20 *An Judex Laicus possit procedere contra concubinam Clerici pro crimine cum Clerico commisso?*
- 21 *An Clerici portantes arma contra bannimenta Iudicis Laici possint ab executoribus Curie Laice armis spoliari?*
- 22 *Novissima Decreta S. C. Immunitatis edita in materia concernente privilegium fori.*
- 23 *Ecclesiastici non tenentur ad observantiam Legum Laicalium, nec vi directiva, usque ad 31.*
- 32 *Onera, & commoda inter Ecclesiasticos, & Laicos compensantur.*
- 33 *Ecclesiastici non tenentur ad poenam praefinitam à Laico propter damna illata à Custodibus suorum animalium.*
- 34 *Privilegio fori quinam protegantur?*

1 **A** Gunt DD. de privilegio fori in cap. *Si quis de for. compet. Quod aliud non est, quam exemptio personae Ecclesiasticae ab iurisdictione Laicorum, tam in civilibus, quam in criminalibus.* Nam penes Ecclesiae Prælatos est iurdictio propria, ordinaria, & privative quoad alium Iudicem, in Ecclesiasticas personas, juxta Trident. sess. 25. c. 20. de reform. c. nullus eod. tit. c. perniciosum de offic. ordin. cap. decernimus de iudic. & alibi sæpè.

2 Contra usurpantes sibi Ecclesiasticam, & in Ecclesiasticos iurisdictionem ac immunitatem eis debitam violantes, censuram excommunicationis pronunciavit Bonifac. VIII. in c. *Quoniam de immunit. in 6.* Quæ

est Romano Pontifici reservata in Can. 15. *Bulla Cœne*, quæ quotannis per ejus publicationem innovatur; & inde adversus eam ignorantia allegari non potest, nec affirmari, quod in usu non sit.

3 Privilegio fori gaudent Clerici: qui propterea conveniendi sunt coram proprio Episcopo, c. *Si quis Clericus de for. compet.* Ad quem effectum appellatione Episcopi veniunt etiam inferiores Prælati, habentes iurisdictionem quasi Episcopalem ex officio, privilegio, vel consuetudine.

4 Et ad eum finem proprius Episcopus dicitur I. Is, in cuius Diœcesi Clericus conveniendus domicilium, & habitationem habet; nam forus domicilii dicitur verus, & naturalis forus, ex Fagnan. in 2. ad c. *Si quis de foro compet. num. 10.* quæ autem spectent ad essentiam domicilii, videndum c. *Quoad Ordines.*

Secundò. Is in cuius Diœcesi Clericus Beneficium obtinet, etiam si Beneficium personalem residentiam non exposcat, & Clericus alibi habitet, qui in loco beneficii conveniri debet; sed solum, dum de beneficio agitur, & in spectantibus ad ipsum, prout decrevit Trid. sess. 24. c. 11. de ref. ubi: *Privilegia residentibus in Curia Romana vigore Eugeniana Constitutionis, aut familiaritatis Cardinalium competere solent: eam iis, qui beneficia Ecclesiastica obtinent, ratione prædictorum Beneficiorum minimè intelligantur, sed Ordinarii iurisdictioni subjecti permaneant; non obstantibus quibuscumque inhibitionibus.*

Tertiò. Ille, in cuius Diœcesi quis delinquit, vel celebrat contractum, aut fingit celebrare, aut rem litigiosam, vel possessionem habet: si res sint mobiles, si immobiles: omnes isti sunt modi speciales, quibus regulariter forum quis sortiri dicitur, c. *Licet il 2. de foro competent.* Plures alios modos refert Gloss. ad l. *Heres absens §. proinde ff. de iudic.* ibi videndos.

Præter quos admittitur modus generalis fortiendi forum, ratione nimirum communis Patriæ, vel communis Superioris. Et, cum Roma sit communis Patria, l. *Roma aff. ad municipal.* & Papa sit Iudex ordinarius singulorum, c. *Cuncta per Mundum 9. qu. 3.* ideo in Romana Curia (quæ censetur, ubicumque est Papa) quilibet Clericus, vel Laicus conveniri potest, licet ibi non delinquat, vel contrahat, aut aliàs forum sortiatur.

Nec

Nec videtur obitare Trid. *sess. 24. c. 20. de refor.* statuens; *Causa omnes ad forum Ecclesiasticum quomodolibet pertinentes, etiam si beneficiales sint, in prima instantia coram Ordinariis locorum dumtaxat cognoscantur.* Nam dispositio Conciliaris per ea verba, *coram Ordinariis locorum*, comprehendit non modò ordinarium loci domicilii, verùm etiam Ordinarium cuiuscumque loci, ubi quis ad iuris præscriptum forum fortitur; sive id verificetur ratione originis, vel beneficii, sive delicti, contractus, aut rei litigiosæ, aliisque modis; adeòque & ad Ordinarium loci Romanæ Curia extenditur; nam in ea Clerici forum fortiuntur, & Papa debet cognoscere, cuius forum nulli declinare fas est, *Gloss. ad cap. Licet il 2. de foro compet. in ver. Compelli.*

6 Privilegium extenditur ad Clericos, etiam prima tonsura initiatos, & in minoribus constitutos, Trid. *sess. 23. cap. 6. de ref.* sed non gaudent, nisi in eis concurrat una ex conditionibus ad eodem requisitis. I. *Ut beneficium Ecclesiasticum habeant.*

II. *Vel Clericalem habitum, & tonsuram deferentes alicui Ecclesie ex mandato Episcopi inserviant.*

III. *Vel Clericaliter incedentes in aliquo Seminario de licentia Episcopi degant.*

IV. *Vel quòd in habitu, & tonsura incedentes in aliqua Schola, vel Universitate de licentia Episcopi versentur in via ad maiores Ordines.*

Est autem advertendum, illa verba Concilii, *de mandato Episcopi, de licentia Episcopi*, non esse substantialia, iuxta resolutionem Sac. Congr. apud Fagnan. *ad cit. cap. Si quis num. 23. Quæ declaravit Clericum inservientem alteri Ecclesie, quam ei, cui mandaverat Episcopus ut inserviret, nihilominus gaudere privilegio fori; nimirum, quia qualitas mandati, vel licentia est levis, satisque est concurrere, quæ potiora sunt, nempe tonsuram, delationem ipsius cum habitu Clericali, servitium Ecclesie vel commorationem in schola aliqua. Ita enim cessante Episcopi mandato, vel licentia, satisfacti menti Concilii.*

7 Advertendum interim, per tonsuram designari abscissionem capillorum in parte superiore capitis per modum spheræ, quæ vocatur corona, & clerica, apud Gloss. in *cap. unic. de Cler. coniug. in 6.*

8 Item, quòd iudicare, & cognosce-

re, an habitus sit clericalis, vel non; non spectat ad iudicem sæcularem, sed reservatio est reservata Judici Ecclesiastico, ex declaratione Sac. Congr. Conc. relata per eundem loco *cit. num. 12.* Et super illius qualitate attenditur etiam Regionum consuetudo.

Item, quòd Clerici in sacris constituti semper gaudent privilegio fori, quamvis habitum, & tonsuram non deferant, nec beneficium habeant, quia Trid. ea exigens loquitur tantum de promotis ad minores, Antonell. *de reg. Eccl. lib. 4. cap. 1. num. 6. Qui si post trinam monitionem factam a Prælato, eam non resumant, eo privantur, per cap. In audientia, de sent. excom.*

9 Sed dubitatur: *An fori privilegio gaudeat Clericus prima tonsuræ, vel minorum Ordinum, obtinens beneficium Ecclesiasticum, sed habitum Clericalem; & tonsuram non deferens?*

Resp. Affirmativè, eo enim non privatur, nisi post latam ab Iudice Ecclesiastico declarationem super facto, seu delicto, hoc est, quòd habitum, & tonsuram Clericalem minimè gestaverit, ut censuit S. C. C. 6. Novembr. 1612. apud Fagnan. *cit. num. 23.* Cæterum si erat solitus illa deferre, licet aliquando dictam gestationem intermiserit, & postea lata sit declaratoria super facto, nec privilegium fori perdit, prout eadem S. Congr. apud *allegat. num. 26.*

Privatur tamen ipso facto beneficio vigore Constitutionis Sixti V. *Cum Sacrosanctum 92. Bullar. tom. 2.* & alteri potest conferri absque monitione, citatione, aut decreto Iudicis, ut dixit Rota in Barchinonen. Beneficior. 15. Aprilis 1704. §. *Arctius coram Molines.* Nec potest allegari non usus dictæ Constitutionis. Quia contra Constitutiones Papales allegabilis non est usus, vel contrarius usus. Cum enim Papa immediatam potestatem habeat a Deo, absque ulla dependentia a populo eiusdem Constitutiones, statim ac editæ sunt, & publicatæ, dicuntur effectuatæ, & obligant sine ulla ope acceptanceis subditorum; ut communiter dicunt Canonistæ, & Theologi, & in terminis de d. Constit. Sixti, Rota in d. Barchinon. §. *Cæterum*, allegata a Monacell. *form. par. 2. for. 4. num. 2. tit. 15.*

10 Potest etiam dubitari de Clerico, cui fuit reservata pensio super fructibus be-

beneficii Ecclesiastici, non incedente in habitu, & tonsura, nec Ecclesiæ inserviente ? At hic eo gaudet vigore resolutionis editæ à Gregor. XIII. 18. Decembris 1576. qui audita relatione Congr. declaravit pensionarium censeri beneficiatum, ad effectum gaudendi privilegio fori Ecclesiastici, de quo loquitur Trid. sess. 23. cap. 6. de reform. apud Sperell. decis. 66. num. 35.

Cæterùm, quòd Clericus pensionarius non gaudeat privilegio fori, nisi deferat habitum, & tonsuram, est decisum à S. Cong. 6. Junii 1622. in qua fuit dictum, *Quod ita Sanctissimus rescribendum statuit*, ut refert Monacell. ubi sup. form. 7. tit. 14. num. 14.

11 Ad gaudendum in Clerico fori privilegio non exigitur, quòd in effectu beneficium possideat; sed fat est, ut a legitimo Superiore ipsum obtinuerit, quamvis alter intrusus possessionem retineat: ratio est, quia ex sola collatione sine alia traditione, vel adeptione possessionis, ius in beneficio tribuitur, & de iure illius esse dicitur, cui fuit collatum, tametsi de facto alius possessionem occupet. Propterea dicitur beneficium vacare per obitum ipsius, & non iniuste possidentis. Quare apud Fagnan. cit. num. 44. Sac. Congr. proposito sibi dubio: *An Clericus prima tonsura provisorius de beneficio possit gaudere privilegio fori, quamvis possessionem beneficium non habeat propter intrusum, contra quem litem movit*; Censuit posse.

Ponderanda sunt hæc ultima, *litem movit*, quia si provisorius intra præscriptum tempus litem adversus intrusum non moveret, non posset se tueri adversus jurisdictionem iudicis sæcularis; nam reputaretur propter silentium ipso iure beneficio privatus, & in fraudem ad eludendam jurisdictionem laicalem pro beneficio supplicasse, ut Fagnan. ibidem.

12 Pariter non privatur privilegio fori Clericus non beneficiatus, solitus tamen Ecclesiæ inservire, & in habitu, & tonsura incedere, si nocte, vel interdiu in habitu laicali cum armis à laicis deprehendatur. Quia iuxta alleg. c. 6. Trid. ad privilegium fori alterutrum sufficit; hoc est, ut Clericus vel *Beneficium habeat, vel habitum, & tonsuram deferens, alicui Ecclesiæ inserviat*. In casu hoc secundum verificatur; nec ex defectu, quòd fuerit repertus sine habitu, debet Clericus excludi a privilegio fori, quem-

admodum eo non privatur Clericus; qui uno, vel altero die cessat a servitio Ecclesiæ, quia cum versetur in materia pœnali, & odiosa omissionis privilegii fori, factum non dicitur, quod factum non durat, cap. *Nam & ego, de verbor. signif.* & facit Trident. sess. 23. cap. 1. de refor. ibi: *Qui aliquantisper tantum absunt, ex veterum Canonum sententia non videntur abesse, quia statim reversuri sunt*.

Nec obstat, quòd regulariter attenditur tempus delicti, l. 1. de pœn. Quia procedit quoad pœnam imponendam a suo Iudice, non quoad iudicis competentiam.

13 Neque item relevans est, quòd inspicendum sit tempus delicti ad cognoscendum, ad quem forum spectet cognitio causæ. Nam negatur, Clericum, de quo discutitur, etiam pro eo tempore fuisse extra iurisdictionem Iudicis Ecclesiastici, quia ad hunc effectum non est satis modica habitus, & tonsuræ dimissio, ut probat Sperellus decis. 133. num. 82. Solum sequitur, quòd Laicus ignorans fuisse Clericum excusetur ab excommunicatione, iuxta text. in cap. *Si Index Laicus, de sent. excomm. in 6.* Nam ignorantes censura non ligat, cap. *Animarum, de constit. in 6.* & dixi lib. 1. cautela Confess. cap. 33. num. 23. Ex qualitate autem habitus reputatur ignorans, quia habitus facit præsumptionem, ut quis iudicetur talis, qualis ab habitu demonstratur, cap. *alleg. Si Index*.

14 Et quamvis non teneatur iudex Laicus credere capto in laicali habitu, asserenti otenens Clericatum; nec remittere, nisi sibi litteræ Clericatus, vel alia documenta ostendantur, aut Clericatus sit notorius; tamen debet omnino supersedere in causa, & interea consulere Episcopum pro habenda rei veritate; cum hæc sit exceptio declinatoria fori, quæ impedit processum ad ulteriora, Ostensis autem sibi litteris Clericatus, vel commendatitiis Episcopi, facientibus de Clericatu memoriam, aut aliis authenticis probationibus productis, aut deponentibus testibus de publica voce, fama, & reputatione (quibus Clericatus sufficientissime quoad effectum remissionis probatur) non potest ampliùs ipsum retinere, & statim ante viginti horarum spatium teneatur remittere; aliàs incidit in excommunicatione, cap. *Quoniam, de immunit. in 6.* & Episcopus potest, imò debet ad declara-

toriam censurarum procedere, Sperell. *decis.* 17. num. 47.

15 Similiter exemptus est à sæculari potestate Clericus, prima tonsura initiatus, vel in minoribus constitutus, à Curia sæculari repertus cum armis, sine habitu, & tonsura Clericali, estò non habeat requisita à Conc. Trid. *cit. cap. 6.* prout resolutum dicitur à S. C. C. & ab Urbano VIII. approbatum, ut infrà die 12. Novembris 1630. *Fa. Et a relatione S. S. D. N. in causa Leodien. 9. ejusdem in S. Congr. Conc. proposita, Sanctitas sua approbavit declarationem factam, ut Clerici etiam non habentes requisita c. 6. sess. 23. de reform. licet ipsi tamquam contravenientes ordinationi S. Concilii, non possint per seipso allegare privilegium fori: nihilominus subsint iurisdictioni Episcoporum, seu Ordinariorum, illorumque cognitioni, ne dum in causis, in quibus iidem Episcopi, seu Ordinarii prævenierunt; verum etiam in quibus non prævenierunt; videlicet, si neque à jure, neque ab homine per declarationem servatis servanda factam, privilegiis Clericalibus denudati, seu privati sint.*

Sac. Congr. Immunit. in Bisignanen. 18. Novembr. 1653. proposito dubio: *An Clerici prævio præcepto incedendi in habitu, & tonsura, & inserviendi Ecclesie, si contraveniant, gaudeant privilegiis Clericalibus?* Sac. Congreg. respondit, *Declarandos esse servatis servanda privatos privilegiis Clericalibus.* Et in Aprutina 6. Martii 1635. in qua habetur: *Clericos gaudere exemptione ab oneribus personalibus, necnon realibus, etiamsi non incedant in habitu, & tonsura, & Ecclesie non inserviant.* Sufficit enim solus character Clericalis, ut Clericus ab oneribus gabellarum, & collectarum eximatur; delatio habitus, & servitium Ecclesie non requiritur, nisi respectu privilegii fori; sed necessarium semper est, ut Judex Ecclesiasticus pronunciet super delicto: *An nimirum habitum, & tonsuram gestaverit, & Ecclesie inservierit, vel non?* Et subindè declaravit privilegio fori non gaudere, ubi videret reverà post trinam monitionem à se factam deliquisse.

Quare Clericus, de quo agitur, à laicis capturatus, non potest detineri, nisi priùs Judex Ecclesiasticus cognoverit super requisitorum existentia, & qualitate, ut in simili resolvit Sac. Congreg. Immunit. apud Sperell. *dec. 17. num. 47.* Nam semper

est sub Ecclesiastica jurisdictione.

16 Quatenus verò judex laicus procederet contra Clericum, eum detinendo in carcere, non modò ligaretur censura lata contra usurpantes sibi jurisdictionem in Ecclesiasticos, verum & incideret in sententiam Canonis, *Si quis suadente, 17. quest. 4.* Quia tamen hujus Canonis dispositio procedat in actibus, qui in privata actione contra personam consistunt, & non in eis, qui fiunt titulo jurisdictionis, & publicæ potestatis; tamen id intelligitur in casu, quo Judex Laicus procedat iuste, & prævia declaratione Prælati Ecclesiastici, quod hæc persona non gaudeat privilegio fori; secus autem, si ante; nam tunc iniuste, & violentè procedit ut privatus cum iniuria personæ. Et ita actio habet utramque malitiam, contra nimirum privilegium fori, & privilegium Canonis.

17 Clericus privatus privilegio fori non intelligitur privatus illo Canonis, prout declaravit S. C. C. quæ proposito dubio; *An Clerici, qui Decreto Conc. cap. 6. sess. 23. privilegio fori privantur, intelligantur etiam privati privilegio Canonis?* Die 16. Decembris 1582. *censuit non intelligi privatos*, Fagnan. *d. cap. Si quis, in fin.* Ideò non valet illatio à privativa unius privilegii ad illam alterius. Quoniam à diversis non fit illatio; præsertim in pœnalibus, *cap. Pœna, de pœnit. dist. 1.* & ibi Gloss. *in ver. Non excedunt.* Diversa autem sunt hæc privilegia; nam illud fori Ecclesiasticos eximit à laicorum iurisdictione; illud verò Canonis refrænât ab iniuriis, & violentiis, personis Ecclesiasticis inferendis, legatur Sperellus *decis.* 126. num. 96.

18 Quæritur, an Clerici coniugati gaudeant privilegio fori?

Resp. Affirmativè, ut expressè *in c. unic. de Cleric. conjug. in 6.* sed tres conditiones à Decretali exiguntur.

I. *Ut tonsuram deferant.* II. *Ut in habitu Clericali incedant.* III. *Ut cum unica, & virgine matrimonium contraxerint.* Trid. *sess. 23. cap. 6.* quoad illud fori addit quartam istis verbis: *Modò hi Clerici alicujus Ecclesie servitio, vel ministerio ab Episcopo deputati, eidem Ecclesie servant, vel ministrent, vide cap. 39. num.*

Quo gaudent non modò in criminalibus, verum & in civilibus, ex resolutis à S. C. Immunitatis 17. Junii 1631. quæ scripsit

plis Episcopo Reginen. ut infra: *Se il Chierico conjugato Giacomo Giovan Majetti dalla Mirandola hà tutti i requisiti di Chierico conjugato espressi da Sacri Canonì, senza dubbio egli deve godere il privilegio del foro in tutte le sue cause, ancorche civili, conforme l'opinione di questa Sacra Congregatione sopra le controversie giurisdictionali, che è quanto occorre dire à V. S. in questo particolare.* Apud Dian. coord. tom. 9. in fin. tit. declarat. S. Congr.

Tenentur autem ad datia, & gabellas; quia exceptis privilegiis Fori, & Canonis, in ceteris privilegio Clericali non gaudent, ut expressè text. d. c. *Clerici in fin.* Sed uxore defuncta, recuperant, Antonellus de regim. Eccl. lib. 2. cap. 2. num. 14. & dixi supra cap. 8. num. 3.

19 Quæritur, *An Laicus post patratum delictum initiatus prima tonsura gaudeat privilegio fori, itaut non possit à iudice seculari puniri, & judicari?*

Videtur negandum; nam status Clericalis præsumitur assumptus in fraudem: fraus autem nulli patrocinari debet, cap. *Officii, de testam.* Nec censetur Ecclesia eos protegere, qui Clericatu abutuntur. In qua sententia est Gonzalez in 2. tit. 2. cap. 19. num. 5. Quare potest iudex laicus in causa cognoscere; maxime si causa fuerit introducta ante Clericatum.

At vera sententia est cum Diana coord. d. tom. 9. resol. 80. & 106. Pignatell. tom. 6. consult. 17. Pascucc. tom. 1. de Immunit. quòd iudex laicus non potest procedere adversus d. Clericum. Quia per Clericatum incorporatur Collegio Clericorum. Qui absolutè à foro laico eximuntur, cap. *Nullus hoc tit.* Nec in nostra potestate est privilegium restringere, & coarctare ad delicta commissà post, & non ante Clericatum, dum Canon absolutè loquitur.

Cessat autem objectum de fraude, quia ut ait Bellamer. alleg. à Fagnan. num. 1. ad c. *Magnus, de obligat. ad ratiociniam* num. 28. propter fraudem, non à laico, sed ab Iudice Ecclesiastico esset puniendus. Ad quem spectat cognoscere, an illa intervenerit, ut ex S. Congr. Conc. 1. Februarii 1607. apud allegat. Fagnan. Et Sac. Congr. Immunit. 10. Septembris 1627. in Reatina, censuit; Quòd *Clericus post dimissionem habitus resumens illum in fraudem, gaudet privilegio fori quoad personam, non quoad bona.* Adeòt pos-

sit iudex laicus procedere contra ipsius bona, ut ex dict. Decreto Sac. Congreg. Conc. sed non quæcumque bona, sed ea dumtaxat, quæ propter delictum commissum fuissent ipso jure confiscata, per Engel. Colleg. jur. Canon. lib. 2. tit. 2. §. 6. a num. 53. Sed quoad personam non potest se ingerere, ut ex ead. S. C. Immunit. quæ 7. Decembris 1632. censuit: *Clericus effectus post delictum commissum, non punitur quoad personam, nisi a Iudice Ecclesiastico.*

Nec Episcopus in materia Immunit. potest allegari suspectus. Sac. Congr. Immunitatis in *Ostunen.* 20. Martii 1630.

Advertenda item sunt Decreta, quæ subnectimus.

Clericus prima tonsura a die, quo fuit ordinatus, per septem annos continuos non incessit in habitu, & tonsura; imò intra dictum tempus exercuit officium iudicis; commissio delicto, fuit à iudice laico inquisitus, citatus, & domi sistere iussus, sed arrepta fuga, reassumptoque habitu, cœpit Ecclesie servire. Pro sua directione supplicat Episcopus Nicien. declarari.

I. *An iste Clericus gaudeat privilegio fori?*

II. *An Episcopus possit iudici laico, fundantise super notorietate, ac reassumptione habitus in fraudem, inhibere, ne procedat, nec quoad personam, nec quoad bona, donec ipse cognoscat, an gaudere debeat?*

III. *An saltem id possit visis litteris prima tonsura.*

IV. *An contra iudicem laicum nihilominus non desistentem possit procedere ad censuras?*

V. *An possit Episcopus hanc causam sibi vindicare?*

VI. *An debeat?*

Die 30. Maii 1676. Sac. Congreg. Conc. respondit, *ad omnia affirmativè.* Et concordant antiqua Decreta emanata 10. Decembris 1599. & in Papien. 23. Maii 1626.

Quòd si in reassumptione habitus adsit fraus, quam ex dictis Iudex Ecclesiasticus inspicere debet, tunc iudex laicus poterit prosequi causam, & processum quoad bona, seu compositionem Clerici, non autem quoad personam. Sac. Congreg. Immunit. in Teatina 10. Septembris 1629. Et recen-ter in Sabinen. contra Clericum coniugatum, in qua casus sic exponebatur: *Nicolaus Pedocchia Clericus conjugatus non ser-*
vans

vans requisita Concilii, sed factus miles, armis militiis, & aliis operibus militaribus, arma tractare solitus, non tamen in bello, conventus fuit in Curia seculari pro emendatione damni dati ab ejus animalibus, mediante mandato contra ejus bona, non vero contra personam; reus conventus post motum iudicium, habitum, & consuram reassumpsit, ac militiam dimisit; unde contingit dubitari, an dictus Clericus, dimissa militiis, & reassumpto habitu, gaudere debeat privilegio fori? Die 30. Martii 1686. Sac. Congr. Conc. respondit: *Negative*, in casu, de quo agitur, Monacell. par. 2. for. ad for. 4. num. 17. & 18. tit. 15.

20 Quæritur. An iudex laicus possit procedere contra concubinam Clerici pro crimine cum isto commissio?

Resp. *Negative*, cap. Si quisquam, de cohabit. Cleric. & Mulier. ibi, *Fœmina vero canonicè judicentur*. Causa enim, concubinitus ratione criminis est individua inter concubinam, & Clericum. Quapropter contra ipsam non potest processus instrui, quin tangatur persona Clerici, qui à potestate laica est exemptus. Atque ita ratione individuitatis, & connexionis causæ, concubina forum Clerici sortitur, censeturque de foro Ecclesiastico; quia cum persona Ecclesiastica deliquit. Etenim non privilegiatus in materia individua concurrat cum privilegiato, Gloss. ad cap. unic. de jure patr. in 6. verb. *Ecclesiasticus*. Unde si iudex laicus processum fabricaret contra mulierem in causa copulæ cum Clerico, individuando, & tangendo personam Clerici, ligaretur ipso jure excommunicatione, Can. 19. Bull. Cane, quæ fertur in Judices in causis criminalibus processando personas Ecclesiasticas, Fagnan. in 2. ad cap. nullus, de for. compet. num. 32.

Pro delictis verò carnis ab eadem concubina cum laicis commissis, & in causis civilibus prophanis, cum sint mixti fori, potest fœmina conveniri etiam coram iudice laico; nam non debet ex delicto commodum reportare; sed attenditur præventio *ibid.* Fagnan. num. 27.

21 Quæritur. An Clerici portantes arma contra bannimenta laicorum possint eis ab executoribus curiæ laicæ spoliari?

Negative adversus Bobadillam, Covarruv. Gomez. aliosque apud Diana coord. tom. 9. tract. 2. resol. 116. 117. & 118. Spe-

rellus decis. 12. num. 60. & decis. 124. num. 8. Nam Clerici sunt extra iurisdictionem iudicis laici. Quatenus verò spolierentur, Birruarii censuram Canonis, Si quis suadente, 18. q. 4. incurrerent, quia spoliatio quamdam violentiam importat, Sperellus allegatis Genuens, & aliis cit. decis. 124. Et licet sit iure Canonico Clericis prohibitum arma portare, tamen non spectat ad iudicem laicum eos punire, sed competenti ipsorum Superiori relinquendum est iudicium, & animadversio, *ibid.*

Quod in terminis videtur resolutum à Sac. Congr. Conc. 3. Februarii 1635. in Turritana ut sequitur: *In locis, ubi adeest abusus inter Clericos deferendi arma, & Episcopus non habet familiam armatam, debet publicare edictum, ne Clerici seculares, vel Regulares arma fernal, & si parere detrectent, & ubi necessitas exposcit, Ministris Curia seculares facultatem tribuere Clericos contra prohibitionem arma deferentes capiendi, etiam quoad Regulares, sibi ita notorie deserant, & delinquant extra claustra, ut populo scandalo sint, ac in aliis casibus in jure, & Constitutionibus Apostolicis expressis; ita tamen ut ea, qua docet, decentia capiantur, & recto tramite ad carceres Curia Ecclesiastica ducantur*, Monacell. cit. for. 8. num. 4.

22 Cùm à Sac. Congreg. Immunit. nullæ resolutiones per modum legis generalis emanaverint, quarum vigore plures alii casus in materia privilegii fori decidi possunt, eas hic subnectimus, ut infra.

Eugubina. Sac. Congr. super Immunitate Ecclesiastica, & controversiis jurisdictionalibus, ad consulendum controversiis, quæ sæpè oriuntur in admissione Clericorum, & etiam laicorum privilegiatorum ad consilia Communitatum, necnon ad exercitium munerum publicorum, decrevit.

I. Quod privilegiati gaudentes privilegio fori Ecclesiastici, & petentes admitti inter Consiliarios, admittantur, ita tamen, ut quoad pertinentia ad Consiliarium tantum non gaudeant privilegio fori Ecclesiastici?

II. Quod privilegiati prædicti jam admitti inter Consiliarios renuentes intervenire Consiliis, quatenus non fuerint legitime impediti, subiciantur multis eisdem pecuniariis, quibus subjacent alii laici non pri-

privilegiati; & easdem multas exequi possit iudex laicus, dummodo ipsi privilegiati actu non renuncient absque spe reintegrationis in perpetuum loco, quem habent in Consilio, ita ut amplius non possint admitti.

III. Quod iidem privilegiati habentes locum in Consilio, possint etiam renuentes cogi à Superiore laico suscipere munera Camerarii, Depositarii, Grascerii, Abundantiarii, & similia officia Communitativa, eadem forma, & pœna, quibus cogi possunt laici non privilegiati; dummodo ipsi privilegiati actu non renuncient in perpetuum absque spe reintegrationis loco, quem habent in Consilio, ita tamen, ut amplius non possint admitti.

IV. Quod iidem privilegiati suscipientes præfata munera, non gaudeant privilegio fori quoad pertinentia tantum ad præfata munera ab ipsis suscepta; & contra eosdem procedi possit in omnibus casibus, etiam expleto officio.

V. Quod Clerici conjugati, qui sunt de numero consiliariorum, non incedentes notoriè in habitu, & tonsura, quatenus renuant intervenire Consiliis, vel suscipere munera Camerarii, Depositarii, Grascerii, Abundantiarii, & similia officia Communitativa possint multari per Superiorem laicum eisdem multis pecuniariis, quibus sunt subiecti alii laici; & in casu quo iidem Clerici conjugati, postquam renuerint, reassumpserint habitum, talis reassumptio nihil eisdem suffragetur pro evitanda præfata multa.

VI. Quoad alios Clericos, tam cœlibes, quam conjugatos, habentes requisita c. unic. de Cleric. conjug. in 6. etiam admissos inter Consiliarios, si legitime non impediti renuerint interesse Consiliis, Episcopi, alique Superiores Ecclesiastici procedant ad omnem requisitionem, etiam extrajudicalem Superioris laici, vel Magistratus contra eosdem ad multas pecuniarias ab ipsis arbitrandas; dummodo non sint minores illis, quibus subiecti sunt Consiliarii seculares, & pœne applicentur locis priis.

Episcopi procedant similiter contra eosdem Clericos casu, quo deliquerint in materiis pertinentibus ad Consilium. Roma hac die 27. Julii 1706. Monacell. in addit. append. form. par. 2. in fin.

Dubitari solet, an Ecclesiastici teneantur ad observantiam legum laicalium?

23 Certum est eos talibus legibus quoad

vim coercitivam, vel coactivam non ligari; nam quantum est ex vi ipsarum legum pœnis cogi ad observantiam non possunt; tum quia coactio Clerici est jurisdictionis merè spiritualis, quæ non cadit in laicos.

At difficultas est, an teneantur quoad vim directivam? Affirmant aliqui, & ex eo probant, quòd cum Ecclesiastici sint pars Reipublicæ, tenentur se eidem conformare in legum observantia, ne pars aberret à toto, quod turpe est, ut ipsamet ratio naturalis dicat.

24 Verùm hoc non concludit; nam etiam impotentes, amentes, & pueri sunt membra Communitatis, & tamen jure naturali, & positivo eximuntur à legum civilium observantia, adeoque, & Ecclesiastici; potiorique jure, cum isti sint extra jurisdictionem legislatoris. Quinimò quantum ad observantiam legum laicalium (à quibus jure divino eximuntur) non considerantur uti pars Reipublicæ ut, optimè Petra com. tom. 2. ad Const. 1. Honorii III. sect. 1. num. 32.

Ideo ea sententia relicta, dicimus cum eodem, & Sperello decis. 13. apud quos plures, Leges laicales nec quoad vim directivam comprehendere Ecclesiasticos. Quoniam deficiente potestate, & jurisdictione, effectus legis claudicat. Jurisdictio autem non est in laicis quoad Ecclesiasticos, ut sæpè diximus. Tum quia directio Ecclesiasticorum ad suos Prælatos pertinet, c. Si Imperator, 46. dist.

25 Verùm; ut singulis aptentur responsa, præmittendum est, quòd laici aliquando edicta, & bannimenta promulgant, per quæ prohibent, vel præscribunt nonnulla quæ nec jure divino, vel naturali, aut Ecclesiastico prohibentur, sed de se sunt indifferentia, quamvis ipsi aliquam rationem boni communis in eis considerent; ut est prohibitio nocturnæ vagationis absque lumine; præscriptio pragmatica moderando sumptus, victus, ac vestitus. & similia.

26 Sæpè verò per edicta prohibent, vel præcipiunt, quæ publicam utilitatem respiciunt, ut est prohibitio asportationis frumenti, monetarum, equorum, &c. extra Regnum, aut mandatum de exponendo in platea frumentum venale, aut præscriptio modi observandi in contractibus venditionis, translationis domini, & similia.

27 Aliquando verò prohibent , vel mandant , quæ sunt ab jure naturali , Divino , vel Ecclesiastico prohibita , & præscripta , vel eis conformia ; prout est , statuere debitorum solutionem , imponere abstinentiam à fraudibus , & cætera huiusmodi .

Cum edicta versantur circa actiones primi generis , extra controversiam est , non posse Ecclesiasticos directivè obligare . Etenim obligatio directiva in casu oriri non potest , nec à lege naturali , Divina , vel Canonica ; nam ut dictum est , actiones sunt de se indifferentes , nec ab illis prohibentur ; neque esse potest à lege positiva civili , utpotè lata à non habente iurisdictionem in Ecclesiasticos .

Pariter si sermo sit de edictis secundi generis , sunt item Ecclesiastici extra spheram iurisdictionis etiam directivè potestatis laicæ , quod opus non est repetere .

Idem dicitur quoad ordinationes , & edicta tertii generis , quia ex defectu iurisdictionis nequeunt Ecclesiasticos dirigere . Ceterum , quia enunciatae ordinationes sunt conformes iuri naturali , & Divino , ab istis diriguntur ; adeò ut peccent mortaliter contraveniendo . sed non ex vi edicti Principis , sed quatenus materia , de qua disponunt , continetur sub obligatione , vel iuris naturalis vel Divini , aut Ecclesiastici .

28 Et hinc patet sæpè Ecclesiasticos teneri ad observantiam eorum , quæ leges civiles præfiniunt , sed non ex vi legum civilium , sed aliundè . Explico : Princeps suo statuto taxat iustum pretium pro frumento , vino , oleo , &c. valorem monetæ præfigit , &c. utique ex defectu iurisdictionis statutum Ecclesiasticos non comprehendit , ut apud cit. Sperellum n. 10. Surdus , Vivianus , & Oldradus ; atque ita ex vi dictæ legis præcisè non tenentur ad taxam statutam frumentum vendere , sed ex vi rationis naturalis , distantis res nostras vendendas iusto esse pretio , & in commerciis esse æqualitatem servandam , ideo pretium taxatum nequeunt alterare ; quod quidem supponitur esse iustum ; cuius iustitia dignoscitur , vel ex communi omnium consensu , vel ex legis , aut statuti declaratione , & per accidens est , quòd in casu notitia ex statuto Principis habeatur . Quare vendentes ultra iustum pretium à statuto taxatum , mortaliter peccant , quia faciunt contra rationem naturalem ; tenenturque ad restitutio-

nem , quia operantur contra iustitiam *ibid.* doctissimus Sperellus .

19 Pariter tempore caritatis , & penuriae tenentur Ecclesiastici abstinere ab extractione frumenti (quæ propter necessitatem evadit actio tertii generis) non quidem vi edicti Magistratus laici , sed vi rationis naturalis , & debito charitatis , qua ut pars Reipublicæ tenentur ad ea observanda , quæ ad conservandam Rempublicam sunt necessaria .

30 Cæterum ad evitanda peccata , & consulendum bono communi , ex testimonio . Sperelli *vit. num.* 14. solent Episcopi tempore caritatis , vel alterius necessitatis coadjuvare suis edictis Principum secularium proclamata , non ipsa confirmando , sed consimile edictum quoad suos subditos publicando . Quod ait esse de mente S. Congreg. Episc. quæ pluribus Ordinariis referripit , ut quoad annonam , extractionem frumenti , ordinationes servandas tempore pestis , & similes respicientes bonum publicum , debent Episcopi se conformare provisionibus laicalibus , faciendi similes ordinationes , quas postea à Clericis servari curent . Prout Nuncio Neapolitano fuit responsum 3. Septembris 1592. 23. Augusti 1593. ac Episcopo Parmen. 14. Octobris 1599. & aliàs declaravit Sac. Congr. Immunit. in *Tarentina* 12. Decembris 1651. in *Forolivien.* 14. Decembris 1655. apud Monacell. *cit. par. 2. for. 4. tit. 15. n. 14.*

31 Unde non tenentur contribuere pro taxa imposita ad manutentionem Medici & Chirurghi , quamvis utantur illorum opera , Sac. Congreg. Immunit. in Ariminen. 4. Maii 1700. nec pro refectione Pontium , Fontium , & Murorum . In casu verò aliquo extraordinario , & subsidiario , hoc est , quando bursa laicorum non sufficit , & opera communia etiam Clericis , aliter manuteneri , & refici non possunt , nisi per contributionem Clericorum , tunc tenentur Clerici contribuere ; sed recurrentibus requisitis in *cap. Non minus.* & *cap. Adversus.* de *immunit.* ut dixi *cap.* 33. Nec sufficit solus consensus Clericorum , & quòd vellent spontè onus subire , & immunitati renunciare .

Se est necessarius assensus Apostolicus ; nam Clerici non possunt renunciare privilegio exemptionis ab oneribus laicalibus , toto Ordini Clericali iure Divino , Ca-

nonico, & Cæsareo concessio, ut DD. concordant apud Monacell. *form. par. 2. form. 4. num. 13. tit. 15.* & Sac. Congr. Immunit. in *Ianuen. 10. Februarii 1627.* & dixi *c. 8. n. 16.*

32 Quod si dicatur, Ecclesiasticos participare de utilitatibus publicis, quæ ex contributionibus, & vestigalibus super induc- & s eveniunt; atque ita & ad onera teneri.

Respond. Onera, & commoditates inter Ecclesiasticos, & laicos compenari; nam laici participant de ministeriis spiritualibus per Ecclesiasticos exhibitis, quorum onera ipsi non sentiunt. Ergo ne Ecclesiastici duplici onere graventur, & non sint deterio- ris conditionis, non debent onera laicorum subire ac ministerio, & onere spiritali, & corporali gravari. Gonzalez in *3. tit. 49. c. 4. num. 12. vide d. cap. 8. num. 7.*

33 At petitur. An teneantur ad pœnam à Principe, vel Communitate iis taxatam, quorum animalia pascua aliorum damnifi- cant, si à custodibus suorum animalium damna fuerint illata?

Resp. negativè; sed tenentur dumtaxat ad existimationem damni. Sac. Congr. Im- munit. in *Firmana 9. Octobris, in Assisien. 13. Novembris, in Anagnina 4. Decembris 1629.* Monacell. *form. 4. num. 10.* Quatenus verò in lege nominatæ fuissent etiam per- sonæ Ecclesiasticæ, lex esset contra Eccle- siasticam immunitatem.

Cæterum si adesset edictum Episcopi, quo etiam Ecclesiastici pro damnis datis, quamvis non studiosis, sed casualibus, mul- tandi essent ad formam litterarum eius- dem Ordinarii, vide *sup. cap. 8. n. 7.*

34 Privilegio fori præter Clericos, etiam primæ tonsuræ, & Regulares utrius- que sexus, protegentur equites, vulgò deti, *di. Malra.* Tertiarii, & Oblati viventes cum Claustralibus. Mulieres de Tertio Or- dine habentes qualitates, prout in *fr. cap. 52.* Eremitæ, qui receperunt habitum à legiti- mo Superiore, & sub obedientia Episcopi inserviunt alicui Ecclesiæ. Famuli, & fami- liares DD. Cardinalium, Episcoporum, & Inquisitorum; Coloni Mensæ Episcopalis. Officiales Curiae Episcopalis, Notarius. Cancellarius, Executores, Custodes carce- rum eiusdem Curiae, alique, quos plene recenset Fagnan. in *2. cap. Nullus hoc tit. An- tonell. de reg. Eccl. lib. 4. cap. 1. & 2.*

35 Videri potest etiam Sperellus *decif. 2.*

n. 119. & seqq. ubi plenissimè probat, Equi- tes Calatravæ, Alcantaræ, S. Stephani, S. Lazari, & Militiæ Christi gaudere privile- gio fori, tum in civilibus, tum in crimina- libus, nec posse conveniri coram iudice laico. Et favore Equitum Militiæ Christi à *num. 120.* refert resolutionem Sac. Congr. Immunit. in una Mantuana 25. Septembris 1627.

C A P V T XXIII.

Officialis quoad habitum Regularem.

S U M M A R I U M.

- 1 Non habitus, sed professio facit Monachum.
- 2 Inhibetur laicis deferre habitum Ord. S. Francisci.
- 3 Possunt deferentes illum Ord. Predicator. per censuras compelli ad deponendum.
- 4 Pueri habitum Religiosum debent, expleto sexto ætatis anno deponere.
- 5 Volentibus sepeliri cum habitu Ord. Predicator. vel Minor. non conceditur is, nisi per Superiores.
- 6 Eligentes cum eo sepeliri possunt libere sibi eligere sepulturam, etiam in aliis Ecclesiis.
- 7 Prohibentur disputationes super vera forma habitus S. Francisci.
- 8 Interdicuntur libri omnes tractantes de vera successione filiorum S. Francisci, & vera forma caputii.
- 9 Et inscriptiones omnes Imaginum Sanctorum Francisci, & Antonii, in quibus dicitur, forma, habitus, &c.
- 10 Et Imagines S. Augustini, & Nicolai de Tolentino depictæ à Discalceatis in eorum habitu.
- 11 Presinitur tempus pro illis, qui habitu Tertiariorum recepto, cum Claustralibus habitant, & pœna in Superiores transgressores, usque ad num. 13.

I **L** Icèt non habitus, sed professio Re- gularis Monachum faciat, *c. Ex parte, de Regularibus;* & proinde, tametsi Regulares non sint laici, qui non emissa professione, deferunt habitum pro- prium Religionis à Sancta Sede approba- tæ,

tæ; nihilominus, quia ex eiusmodi delatione sæpe oriri possunt in populo scandala, & in dedecus Religionis id cedere solet, id à Sancta Sede legitur prohibitum. Innocentius IV. apud Sorbo *ver. Habitus Fratrum*, inhibuit, ut nullus sine speciali licentia Sedis Apostolicæ præsumeret deferre habitum Fratrum Minorum, aut ita consimilem, quod propterea Frater eiusdem Ordinis credi posset; idem mandavit Clemens IV. *Const. 3. Bullar. tom. 1.* & locorum diœcesanis commisit, posse censura Ecclesiastica contrafacientes ad deponendum compellere.

2 Hinc sub an. 1686. præces exhibuere Innoc. XI. Procuratores Generales Ordinis Min. de Observ. & Reform. & Capuccin. ut disposita per Greg. IX. *Const. Regularem vitam*, & Urban. VIII. *Const. cum sicut* 5. Octobris 1638. ea de re editis, realiter obtinerent effectum; & quatenus opus esset, præfatorum litteras renovaret cum expressa declaratione, quod nulli, etiam Eremitis, extra Ord. sine Superiorum consensu, habitus Franciscanus, etiam sine caputis, & cum isto, nec de eorundem licentia, concedi posset; quas cum Innocentius Sac. Congreg. Episcoporum; & Regularium remisisset, ipsa huius tenoris decretum edidit.

Sac. Congreg. & c. *Stante remissione libelli per SS. D. N. facta, & attentis narratis, censuit injungendum, prout præsentis Decreti tenore iungit Ordinariis locorum, ut supradictas Constitutiones Apostolicas, juxta earum tenorem, executioni demandent. Romæ 21. Martii 1686. regest. 26. Cismont. nu. 384. Directorium trium Ord. art. 6. nu. 1.*

3 Habitum quoque Ord. Prædicatorum deferre est distinctè prohibitum à Gregorio XI. *Constit. Virtute* 7. *ibid.* prout infra: *Inhibemus etiam, ut nulli, sive sit in Religionis Ordine, sive extra Ordinem constitutus, habitum vestrum, nec ita consimilem, quod propter eum Frater Prædicator credi possit, deferre liceat. absque mandato Sedis Apostolicæ speciali; & ut dicta inhibito majorem consequatur effectum, statimus, ut hi, qui habitum vestrum, aut sibi similem prædicto modo deferre præsumperint, ad deponendum ipsum per diœcesanos locorum (cum à vobis requisiti fuerint) monitione præmissa, per censuram*

Official. Cur. Eccl.

ram Ecclesiasticam, appellatione postposita compellantur.

4 Pueris quoque, sexto suæ ætatis anno expleto, non licet, neve possunt ex devotione habitum Religiosum deferre, prout sub die 10. Januarii 1627. fuit rescriptum Neapoli Card. Boncompagni, apud Lant. *theatr. ver. Habitus* nu. 1.

Quemadmodum verò non Regularibus habitu regulari vestiri sub enunciatis pœnis prohibetur, sic Regularibus personis est distinctè vetitum habitum propriæ Religionis dimittere, c. *Ut periculosa, ne Cler. vel Mon. in 6. ibi: Ut Relig. vagandi materia subtrahatur, districtius inhibemus, ne de cetero aliquis quancumque Relig. tacite, vel expresse professus, in scholis vel alibi temere habitum Relig. suæ dimittat, & infra: Si quis autem horum temerarius violator extiterit, excommunicationi incurrat sententiam ipso facto, vide cap. 1. n. 22.*

5 Volentibus sepeliri in habitu Fratrum Ord. Prædicatorum; vel Minorum, non nisi per Superiorem Prælatum domorum ipsorum Ordinum, vel Priorem, aut Guardianum respectivè, vel cui illi duxerint committendum dumtaxat, & non per alium quavis auctoritate, vel prælatione fulgentem, statuit Sixtus IV. *Const. Sacri* 19. *ibid.* exhibendum esse. Per quæ concluditur exclusiva quorumcumque Prælatorum extra Ordinem; qui prohibere non possunt, quin cadavera sic induta, liberè, & nullo superimposito pallio ad sepulturam deferantur; & in contrarium, etiam sub censuris, editas prohibitiones ipse Sixtus modificat.

6 Eligentes autem sic sepeliri, non debent in Ecclesiis præfatorum Ordinum de necessitate tumulari, sed ubi sepulturam elegerint; prout id eorum relinquitur arbitrio, juxta disposita à Leone X. *Constit. Dum intra 22. ibid.* Volentes quoque sepeliri in habitu eorumdem Fratrum in claustro non degentes, sed in propriis domibus cohabitantes, in eorum ultima voluntate sepulturam sibi liberè eligere possint.

7 Quia cum fidelium scandalo, & contra fraternæ charitatis mandatum, qua decet ejusdem Patris Filios se mutuò diligere, instituebantur quæstiones à PP. Conventualibus, & Capuccinis, ac disputationi comittebatur examen de vera forma habitus Ordinis Seraphici; ideo

L Ur-

Urbanus VIII. die 14. Decembris 1630. mandavit eisdem sub excommunicationis pœna ipso facto incurrenda, nec non privationis vocis activa, & passiva, aliisque etiam corporalibus arbitrio Sanctitatis Suae pœnis ne audeant de cetero voce, vel scriptis, de huiusmodi materia tractare, donec ab eadem Sanctitate Sua aliter fuerit ordinatum. Jo. Ant. Thomasius S. Roman. & Univ. Inquisit. Notarius. Lant. ver. Habitus num. 11.

Super quo deinde ad verè, & cum effectu eradicanda controversiarum semina hæc Alexander VII. mandavit edi decreta, & in Indice librorum prohibitorum apponi.

8 Primò. Libris omnes impressi, & qui, inconsulta Sacra Congregatione, imprimuntur, tractantes controversiam de vera & non interrupta successione filiorum Sancti Francisci, & de vera forma capituli ejusdem, prohibentur sub pœnis in Indice librorum prohibitorum contentis. Die 20. Junii 1658.

9 Secundò. Inscriptiones omnes Imaginum SS. Francisci, & Antonii de Padua, in quibus dicitur, formam habitus, qua depicti sunt, esse eandem, qua ipsi usi fuerunt; vel in quibus asseritur, in hoc, vel illo Ordine S. Francisci esse veram, legitimam, & non interruptam ejusdem Sancti Patris in Filios successionem inherentes decreto alias edito die 20. Junii 1658. prohibentur. Romæ 10. Novembris 1663.

10 Suspenduntur quoque, & prohibentur Imagines Sancti Augustini, Sancti Nicolai de Tolentino, & aliorum Sanctorum ejusdem Ordinis impressæ, & depictæ à Fratibus Discalceatis Augustinianis in eorum habitu, prout in decreto Sac. Rit. Congreg. edito die 19. Decembris 1637. quod ab Urbano VIII. approbatur, & confirmatur *Const. Exponi nobis*, la 240. *Bull. tom. 5.*

11 Super admissione ad habitum, ejusdemque concessione Tertiariis cum Claustralibus habitantibus, servari debet Decretum Congregationis super statu Regularium, quam licet Innocentius XII. sub die 4. Augusti 1698. *Const. Debitum*, extinxerit, & supprefferit; singulas tamen facultates, eidem quomodocumque à Prædecessoribus concessas, illis exceptis, quas Congregationi super disciplina Regulari,

præfatis litteris institutæ, imperitius est, in Congregationem Episcoporum, & Regularium transtulit, ex speciali mandato sanct. mem. Clementis X. sub die 16. Maii 1675. ea de re editum, tenoris, qui sequitur.

Et si decretis Sacre Congregationis super statu Regularium de mandato Summorum Pontificum Innocentii X. & Alexandri VII. jampridem editis pro Novitiis recipiendis, statutum sit, ut omnes, qui ad habitum probationis se recipi postulaverint, diligenter examinentur, ac per vota secreta approbentur, quotquot idonei reperti fuerint, atque, aliisque requisitis ad præscriptum Apostolicarum Constitutionum, ac Statutorum Ordinis; nec quispian censetur habilis ad huiusmodi habitum suscipiendum, ut Clericus, nisi annum ætatis sue decimum quintum, neque ut Conversus, nisi annum vigesimum expleverit; nihilominus in pluribus Religionibus italia, & Insularum adjacentium, aliquibus ab hinc annis introductum est, ut recipiantur adolescentes laici, non quidem pro Conversis, ut annum probationis incipiant, & finito tempore Novitiatus admittantur ad Professionem, sed pro Tertiariis, vel Oblatis seu Donatis, eisque tradatur habitus, ut vocant sine caputio; illis dari consuetum, ut sic inserviant alicui Religioso particulatum, aut pluribus, vel omnibus communiter; & multoties pueri, & adolescentuli recipiantur in Monasteriis, non ut Novitii, sed ut hospites, seu postulantes se recipi pro Clericis ad habitum probationis, & parva veste induti, plures menses, quinimò & annos, sic detinentur intra Clausura, donec compleverint annum ætatis decimum quintum, Clericis ut supra præscriptum ad annum Novitiatus inchoandum; idque prætextu, ut increascent experimentum de ipsorum indole, & aptitudine ad Religionem, & aliquando etiam in eadem veste iidem pueri, & adolescentuli admittantur in Novitiatus, & cum Novitus degant, ad hoc ut eorum voces pueriles in Choro cum vocibus Professorum misceantur, dum divina peraguntur officia.

12 Quoniam verò secundum Canonicas sanctiones, & juris regulas, cum quod una via prohibetur alicui, & ad id alia non debeat admitti, & memorari abusus irrepperint in fraudem legis, & elusionem De-

Decretorum ut supra editorum, in Religionum dispendium, ac non sine multorum admiratione, & scandalo; idcirco eadem Sac. Congr. ut in dies crescat in Ecclesia Dei Sacrarum Religionum splendor, & veneratio, ex speciali mandato Sanctiss. D.N.D. Clementis Divina Providentia Papa X. hoc presenti Decreto, in virtute S. Obedientia precipit omnibus, & singulis Superioribus Generalibus, Provincialibus, & Localibus, quocumque nomine, ac titulo appellatis, quorumcumque Ord. & Congr. tam Mendicantium, quam non Mendicantium, ut de cetero neminem pro Tertiariis, vel Oblatis, seu donatis, aut commissis, vel servientibus, nec pro hospitibus, seu posulantibus, vel cantoribus, aut alio quocumque nomine nuncupatis, aut quovis pretextu, vel causa, aut quasto colore, recipiant, seu admittant ad habitum intra Claustra, nisi vigesimum aetatis suae annum expleverint; omnesque sit receptos, seu admissos (iis tantum exceptis, qui completa aetate annorum quindecim pro Clericis, seu Choristis in habitu Novitiorum annum probationis agunt) à Monasteriis, seu Domibus Regularibus omnino amoveant, & ejiciant infraterminum duorum mensium, inchoandum à die intimationis praesentis Decreti, faciendae Procuratoribus eorumdem Ordinum, & Congregationum in Romana Curia existentibus.

13 Quod si praedicti Superiores praesenti Decreto per omnia non paruerint, aut in aliqua ejus parte contravererint, penam privationis dignitatum, & officiorum, quae tunc temporis obtinebunt, ac perpetuae inhabilitatis ad illa, vel alia imposterum obtinenda, vocisque activa, & passiva ipso facto, absque alia declaratione incurrant, non obstantibus quoad omnia suprascripta, privilegiis, indultis, & consuetudinibus, ceterisque contrariis quibuscumque. Datum Romae die 16. Maji 1675.

CAPUT XXIV.

Officialis quoad Immunitatem Ecclesiarum, & Monasteriorum.

SUMMARIUM.

1 Immunitas Ecclesiastica quid sit?

2 Ex Gregoriana nonnullis immunitas non suffragatur.

3 Judicium, an crimen sit de exceptis, spe. Et ad Episcopum.

4 Publici latrones immunitate non gaudent.

5 Nec depopulatores agrorum.

6 Nec occidentes; vel mutilantes in Ecclesiis, vel Coemeteriis.

7 An gaudeat occidens, vel mutilans in Sacristia?

8 Occidens, vel mutilans in Monasterio, gaudet immunitate in Ecclesia.

9 Mandans committi homicidium in Ecclesia, non privatur immunitate.

10 Ex Ecclesia occidens existentem extra ipsam, non privatur immunitate.

11 Committens homicidium spe immunitatis, hac non privatur.

12 Proditorie occidens, immunitate spoliatur.

13 Immunitate non gaudent assassini; & qui isti sint?

14 Neque haeretici.

15 Immunitas defendit Judaeos, Gentiles, & censura ligatos, & alia plura.

16 Rei laeae majestatis ab immunitate non protegentur.

17 Gregoriana ligat etiam Judices Ecclesiasticos quoad Clericos.

18 Religiosi in propriis Monasteriis delinquentes ad correctionem in eis puniri possunt.

19 Religiosus ad correctionem potest extrahi ex Ecclesia sui Conventus.

20 Extractus à loco immuni eidem restituendus est.

21 Non potest Episcopus licentiam dare, ut quis examinetur in loco immuni; ubi de recognitione corporum vulneratorum.

22 Violans immunitatem, incarrit ipso facto excommunicationem reservatam Sedi Apostolicae.

23 Formula citandi violatores immunitatis Ecclesiasticae.

24 Appellatio non suspendit effectum excommunicationis jam incurse; nec impedit illius declaratoriam.

25 Non gaudet immunitate platea Cathedralis, & alia.

26 Quid de Grangiis Regularium? ad 27.

1 Immunitas hic idem sonat, ac privilegium, quod habent fidelium Ecclesiarum, & loca pia, ut sint loca refugii, ad

ea confugietibus, ita quòd, tament si reus malefactor, *Quantumcumque gravia maleficia perpetraverit, non est violenter ab Ecclesia extrahendus, nec inde damnari debet ad mortem, vel ad pœnam, sed Rectores Ecclesiarum sibi obtinere debent membrum, & vitam, ut textualiter habetur, cap. Inter alia, de immunit. Ecclef.*

2 Ubi quædam crimina excipiuntur pro quibus, etiam si ad ea malefactores confugiant, immunitas non suffragatur; protu in terminis decrevit Gregor. XIV. Const. *Cum aliis, la 7. Bullar. tom. 2. videlicet. I. Si fuerint publici latrones, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur. II. Ac depopulatores agrorum. III. Qui ve homicidia, & mutilationes membrorum in ipsis Ecclesiis, earumque Cœmeteriis committere non verentur. IV. Aut qui proditoriè proximum suum occiderint. V. Assassini. VI. Aut hæresis rei. VII. Aut rei læsa majestatis in personam ipsius Principis.*

3 Cæterum judicium, an quis verè crimina hic adnotata commiserit, spectat ad Episcopum, ut ibi textus; nec potest Curia sæcularis delinquentes ab Ecclesiis, Monasteriis, locisque sacris, in ullo ex casibus supradictis, sine expressa licentia Episcopi, vel ejus Officialis, & interventu personæ Ecclesiasticæ, ab eo auctoritatem habentis, extrahere, incarcerare, vel capiurare. In casu verò, quòd concurrente Episcopi licentia, ut supra, deliquens extraheretur, ad carceres Curia Ecclesiasticæ esset reponendus; nec consignandus Curia sæculari, nisi postquam Episcopus pronunciaverit constare de crimine in Gregoriana excepto. Neque sufficiunt indicia, & præsumptiones; sed veris, & concludentibus probationibus agendum est. Nam ubi agitur de præjudicio tertii, ut in præsentì materia, in qua contingeret lædus Ecclesiasticæ immunitatis, privilegium nec tolli, nec infringi potest ex præsumptivis probationibus, sed dumtaxat ex veris, & legitimis, ut dixit Sperellus *decif. 101. num. 34.*

4 Itaque Ecclesiastica immunitate indigni sunt. I. *Publici latrones, & viarum grassatores.* Verùm, ut excludantur, satis non est, eos semel, vel bis crimen commississe; sed oportet, sæpius tanti sce-

leris reatum patrasse, ut per Sperellum *decif. 103. num. 27.* Et ita decrevit Sæc. Congreg. in una *Januensi* 16. Junii 1625. & in una *Beneventana* 8. Junii 1633. apud eundem. Atque in *Beneventana* 20. Novembris 1640. ex Panimolla *decif. 95.* eadem Sacra Congreg. respondit Vicario Apostolico, ibi: *Oretenus insinuetur agentis ipsius Vicarii, Grassatores non privari immunitate Ecclesiastica, nisi iteratis vicibus delictum grassationis commiserint.*

Discrimen inter latrones publicos, & viarum grassatores, ponitur ab Ameno de pœn. titul. 9. §. 6. ver. *Latrocinium num. 3. & 4.* ut publici latrones dicantur ii, *Qui violenter cum armis homines aggrediuntur, spoliant, & occidunt;* grassatores verò vocentur, *Qui homines in via violenter spoliant, & stratas publicas obsident, ut ex Const. Sed eos non occidunt.* Atq; ita ratione homicidii discriminantur, licet in violenta spoliatione convenient.

5 II. *Depopulatores agrorum,* ab immunitate excluduntur; qui nimirum alienos agros diripiunt, segetes rapiunt, fructus, & vineas devastant. Cæterum non quicumque depopulator privatur sed dumtaxat nocturnus. Nam de nocturno loquitur alleg. c. *Cum inter alia.* Et Gregoriana, quando agitur de favore immunitatis, jus commune non corrumpit, sed præservat.

6 III. A privilegio immunitatis non proteguntur, *Occidentes, & mutilantes,* in Ecclesiis, vel cœmeteriis, aliisque locis, quibus est concessum reos ad ipsa confugientes tueri; nec sufficit membrum debilitare, quia Constitutio mutilatione apposit. Nec est facienda extensio ad casus in Bulla non expressos, sub quibus debilitatio non comprehenditur, quam esse à mutilatione distinctam, nullus dubitat. Siquidem in mutilatione sequitur omnimoda membri praecisio, humanique corporis fœdatio; in debilitatione verò officium dumtaxat membri tollitur. Quare mutilatus is dicitur, cui manus, aliudve membrum fuit præcisum: debilitatus autem is, qui membri officio impeditur, per Sperell. *decif. 59. num. 92.* Et cum digitus per Abbat. in cap. *Cum illorum, de sent. excomm.* membrum stricto modo non sit (quia non habet officium separatum, & distinctum ab officio alterius membri; ut habet manus, pes oculus, &c.

&c. sed est tantum officium membri) ideo abscindens alteri digitum in Ecclesia, immunitate non privatur.

Si dixeris, Ecclesiam non minus ex debilitatione, quàm mutilatione, remanere læsam. Utique, sed non æquè, quantum ad excludendum debilitantem à protectione immunitatis. In utroque casu reus committit sacrilegium propter injuriam, quam irrogat loco sacro; sed quia debilitans offendit Ecclesiam in casu non excepto, & ab immunitatis favore non excluso, sequitur, ut immunitate non privetur.

Gaudet immunitate, qui mutilat, vel occidit in porticu, schalis, & atrio Ecclesiæ, si ad Ecclesiam confugiat. Quoniam Gregorius excludit ab immunitate mutilantes, & occidentes in ipsis Ecclesiis, vel cœmeteriis. Dicitio autem, *in*, intrinsicatem importat. Atrium verò, schalæ, &c. non sunt intra Ecclesiam, sed extra, Sperell. *dec. 60. n. 14.*

Item non privatur immunitate in Ecclesia, qui occidit in limine portæ Ecclesiæ, ut censuit S. C. Immunit. 16. Decembris 1642. Pascucci. *de immunit. Eccles. pag. 354.* Sed distinguitur, modò non intra limen, & clausuram, quia tunc diceretur occidere in Ecclesiam, Sperell. *dec. cit. n. 52.*

7 Item non excluditur ab immunitate in Ecclesia, qui mutilat in Sacristia; modò in ea non sit Altare ad celebrandum. Quia in casu, quòd habeat Altare, reputatur Capella Ecclesiæ, unumque corpus cum ipsa constituit, Et de commissis in Sacristia ita qualificata verificatur esse commissæ in Ecclesia. Secùs si Altari careat, quia tunc est officina, & camera, & non pars Ecclesiæ. Atque ita mutilans, vel occidens in hujus generis Sacristia, non dicitur mutilasse in Ecclesia. Videatur Sperellus *decis. 61. num. 3. & decis. 62. num. 18. & sup. cap. 7. n. 12.*

8 Item occidens, vel mutilans in monasterio, gaudet immunitate in Ecclesia. Siquidem de Monasteriis non verificatur, quòd sint Ecclesia, licèt sint Ecclesiæ accessoria, & sint loca immunia. Quemadmodum discutitur de cæteris accessoriis Ecclesiæ, ut sunt, porticus, atrium, schalæ, Sacristia; turris, campanile, criptæ subterraneæ, & camera Ecclesiæ. Quibus omnibus concessum est immunitatis privilegium, ut communiter DD. Sperel-

Official. Cur. Eccl.

lus *decis. 60. num. 14.* & ibi concordantes, Antonell. *de Reg. Eccles. lib. 10. cap. 9. §. 1. num. 17.* Ad quæ proinde delinquentes confugientes immunitate gaudent. Sed dum in illis occidunt, vel mutilant; quamvis in eis immunitate priventur, non privantur, si ad Ecclesiam confugiant.

Considerari hìc debet, quòd dum agitur de conservando privilegio immunitatis concessio Ecclesiæ ad defendendos reos à fortibus Curia, confugientes ad ipsam (cùm sit favor, & gratia) est extensio facienda ad ipsam, ejusque accessoria, secundùm regul. 15. *jur. in 6. Odia.* Ubi verò tractatur de præjudicio immunitatis, extensio non permittitur, juxta alleg. Regulam; in pœnalibus enim, & odiosis extensio non fit, ut communiter DD. Atque ita non regit instantia; non gaudet quis ob mutilationem in atrio, ergò non gaudet in Ecclesia, Sperell. *cit. n. 17.*

9 Queritur. *An immunitatis beneficium suffragetur mandanti homicidium, vel mutilationem in Ecclesia.*

R. Affirmativè cum Diana *coord. tom. 9. tract. 1. resolut. 73.* Nam de mandante verè, & propriè non dicitur occidere; sed alteri committere; propterea non comprehenditur sub dispositione Bullæ, quæ occidentem, & mutilantem ab immunitatis protectione excludit. Nec dubitandum de hoc est; nam S. C. Immunit. *in una Ravennaten. 28. Septembris 1666. censuit mandantem homicidium proditorium gaudere immunitate;* illud verò, *Qui per alium facit, per seipsum facere videtur,* intelligitur quoad culpam, non quoad pœnam; nisi quoad hanc etiam lex expressè loquatur, ut ibi Dian.

10 An verò beneficio immunitatis privetur, qui de Ecclesia saxo, sagitta, vel pila tormentaria existentem extra Ecclesiam occidit; Negativè cum Dian. *cit. resolut. 74. ad text. ipsius Constitutionis,* quæ procul ab immunitate tenet occidentes, vel mutilantes in Ecclesia. In casu autem occisio non in Ecclesia, sed extra fit. Ictus oritur ex Ecclesia, sed occisio extra Ecclesiam sequitur. Inchoatur occisio in Ecclesia, sed extra perficitur. In causa autem privationis immunitatis non occisionis initium, sed ejusdem consummatio attenditur; siquidem in pœnalibus ex dictis extensio non fit.

L 3

Ali-

Aliter discurrit Dian. *disl. resol. 74.* de eo, qui existens extra Ecclesiam, existentem in Ecclesia occidit. Sed in oppositum contra ipsum, & alios est decretum S. C. Immunit. in *Puteolana* 24. Junii 1661. apud Pascucium pag. 371.

Petitur. *An beneficio immunitatis privetur, tam qui animo deliberato, & ex proposito quam qui ex pura rixa ex improvviso suborta in Ecclesia occidit, vel mutilat?*

Resp. negativè. S. Congr. Immunit. in *Algaren.* 24. Martii 1637. Monacell. par. 2. form. for. 14. n. 2. tit. 15.

11 *An etiam mutilans, vel occidens propriè Ecclesiam, adeoque sub spe immunitatis (quia statim commissio homicidio in eam recipit) immunitate gaudeat?*

Resp. Affirmativè, neque hic est casus exceptus in Gregoriana. Tum quia committens reservatum tempore Jubilæi, sub spe consequendæ absolutionis, huius beneficio non privatur, Sperellus *d. dec. 60. n. 15.* Diana *resol. 70.*

Nec obstat commune axioma, quod frustra legis auxilium invocat, qui committit. in legem, per text. in *cap. fin. de immunit.* Quia, ut *loc. cit.* dixit Sperellus sub num. 33. delinquens extra corpus Ecclesiæ, non peccat contra legem immunitatis Ecclesiæ datæ.

12 IV. A beneficio immunitatis excluditur *Qui proditorie proximum suum occiderit.* Quare non quodcumque homicidium, etiam ex industria factum, vim habet juxta Gregorianam excludendi à beneficio immunitatis, sed debet esse proditorium, hoc est, factum sub specie amicitiae. Formalitas enim prodictionis non in eo stat, quod quis occidat inimicum etiam impotentem hic, & nunc ad præcavendum; sed ut quis eum interficiat, cui nulla ab interfectore erat timendi occasio, cum nec inter eos ullus intercesserit rancor, vel rixa præcesserit, & quatenus fuerit, pax, vel reconciliatio subsequuta est, ex defectu enim occasionis, & causæ præcavendi, nedum occisus non potuit, sed nec debuit præcavere, aut divinare sui occisionem; sed potius debuit nullum malum expectare ob amicitiam ab occisore offensam, aut præsumptam cum eo, vel speratam; & ita non sua culpa, aut negligentia, & oscitantia, sed malitia, & perfidia aggressoris ei eripitur naturalis defensio; ut in terminis Spe-

rellus *dec. 185. num. 18.* Atque ita; ut homicidium dicatur proditorium, ad effectum amittendi beneficium immunitatis ad formam Gregorianæ exigitur, ut committatur non calore iracundiæ sed colore amicitiae simulatæ ex parte occisoris, & creditæ realis ex parte occisi. Inde S. C. Episcop. in *Melevitana* die 2. Augusti 1619. respondit, *Quod occidens inimicum à tergo cum sclopo gaudet immunitate.* Quia in eo casu non occidit incautum, cum quis semper habeat causam præcavendi à suo inimico, & suspicandi sibi malum parare.

Etiam veneno hic occidens proximum suum committit homicidium proditorium, propter quod immunitate spoliatur, ut declaravit S. C. Immunit. 24. Novembris 1651. contra Religiosum Conversum, de quo Pascuc. pag. 359.

13 V. Sub protectione immunitatis non sunt *Assassini.* Assassinus verò dicitur. *Qui pecunia recepta, vel pretio convento, Christianum non præcaventem de mandato alterius occidit,* per Sperellum *decis. 102. nu. 8.* Diana *resol. 87. num. 7.* Qualitas diversificans assassinium à cæteris homicidiis speciebus aliud non est, quam mandatum ad occidendum, mediante pecunia, vel alia re prætio æstimabili acceptum. Unde assassinium tria petit. I. Mandatum ad occidendum datum, & acceptatum. II. Pretium realiter exhibitum vel ad eum finem promissum ab eo, in cuius potestate sit ipsum dare. III. Occisionem aggressi.

Cæterum, ut sicarius, vel assassinus sit immunitate privandus, oportet, ut occisio sequatur, actumque consummatum occisionis admiserit; non enim sufficit, ut id attentaverit, vel vulneraverit, & per eum non steterit, quominus mors contingerit, ut ex contextu Bullæ: *Aut qui proditorie proximum suum occiderint, aut assassini.* Hæc namque verba, aut *Assassini*, intelligenda sunt, retento eodem sensu cum prioribus, & cum eadem qualitate homicidii. Sed per Gregorianam fuit declaratum, proditores non nisi morte secuta privari immunitate: ergo idem dicendum de assassinis.

Nota, non deesse, qui assassinum appellant eum quoque, qui pretio mediante aliquem occidi mandat; sed contra text. in *c. 1. de homicid.* in 6. ubi littera tanquam de distinctis loquitur de assassinis, & mandantibus homicidia. Quapropter, licet immunitas assassi-

no morte secuta, non suffragetur, protegit tamen mandantem.

14 VI. Ab immunitate excluduntur, *Hæresis rei*. Verum si hæreticus ad Ecclesiam confugeret propter alia delicta, quam hæresim, immunitate quoad illa gauderet. Reputaretur enim eis hæresis per accidens adnexa, ut dixit Engel. *jur. Canon. tit. 47. lib. 3. num. 19.*

15 Judæos pariter, & Gentiles immunitas defendit. Nam Gregoriana loquitur absolute, non distinguens, an fideles, vel infideles fuerint. Et excipiens tantum certos casus ab immunitatis beneficio, reliquos omnes sub eo comprehendit, etiam si in illis identitas, vel majoritas rationis concurreret, ut per Fagnan. in 3. ad cap. *Inter alia, de immunit. Eccl. num. 64.*

Super quo observandum, quod privilegium immunitatis est locale, concessum ad conservandum Ecclesiis, locisque piis, & ad divina dicatis honorem, & reverentiam debitam. Ex loco verò in personas fluit, quæ ad illa causa confugii liberè se recipiunt, nisi sint de numero eorum, quos Gregorius ab immunitate exclusos esse decrevit.

Atque ita excommunicati denunciati, suspensi, aut interdicti ab ingressu Ecclesiæ, ab immunitate non sunt exclusi. Quia censuræ non inducunt privationem hujus privilegii, nec privant hominem ab ingressu Ecclesiæ materialis, sed formalis, hoc est, ab ingressu ad Ordines, & audienda Divina officia respectivè, Diana *coord. tom. 1. resol. 27. num. 3.* & ex eo Monacell. *for. par. 2. for. 13. num. 5. tit. 15.* Tum quia in Bulla Gregorii dicta crimina non excipiuntur ab immunitatis privilegio; tum quia privilegium non est datum favore personarum, sed ob reverentiam loci sacri.

16 VII. Tandem *rei criminis læsa Majestatis in personam ipsius Principis*, immunitate privantur, ut expressè text. Hujusmodi autem crimen ab iis committitur, qui offendunt non habentes in terris, quantum ad temporalia, Superiorem, ut sunt Papa (qui & in spiritalibus Superiorem non agnoscit) Imperator, Rex, Princeps, Respublica Veneta, Januensis, Lucensis, &c. Habent enim supremam jurisdictionem, & publicam potestatem in subditos, quæ per Ameno *cit.* venit nomine Principis. Apud quem, & Calvinum, Le-

xlcon *ver. Majestas*, plura quoad hoc possunt videri.

In reliquis itaque casibus præter septem allegatos, nullus immunitate privatur, etiam si sint consimiles; nam Bulla loquitur expressè; sed omnes ad Ecclesias auctoritate Episcopi erectas, licet non benedictas, ipsarum atria, porticum, scholas, testum, cæmeterium, Monasteria, aliave loca pia de licentia Ordinarii constructa, ut Hospitale, & Seminarium, aut ad Palatium Episcopi confugientes immunitas tuetur, Sperell. *decis. 62. num. 20.*

Quare notandum, gaudere immunitate Ecclesiastica, qui violenter extractus fuit è manibus satellitum, si ad locum aliquem confugii se conferat, etiam si violenter secum satellites duceret, ut ponderavit Diana. *d. tom. 9. resol. 106. num. 3.* Nam Canones si ne ulla distinctione concedunt privilegium liberè confugientibus ad Ecclesiam, nec distinguunt, an sint sub dominio Curia, an non? sibi que Curia sæcularis imputet, quod non tutò, & securè reum ad carcerem duxerit, vel in carcere non benè custodivit. Quamvis nonnulli putent non gaudere, si captus ipse non se liberaverit è manibus, quia aliàs non dicitur liberè confugere.

17 An Clerici delinquentes possint à suis Prælati ab Ecclesia extrahi? & sic, an immunitas liget dumtaxat manus judicum sæcularium, an etiam Ecclesiasticorum quoad suos subditos?

Dubium habetur in terminis apud Sperellum *decis. 59. num. 36.* considerantem Gregorianam ligare Judices, etiam Ecclesiasticos, ut nec per ipsos possint Clerici in Ecclesiis delinquentes, in casibus in ea non exceptis, ex illis extrahi; & à n. 35. in fine notat esse à Sac. Congreg. immunit. decisum.

18 Quæritur. An Religiosi delinquentes in proprio, vel extra Monasterium, in eo gaudeant immunitate Ecclesiastica?

R. Regulares intra septa Monasterii delinquentes, ne disciplina Regularis corruat, & delicta maneant impunita, possunt à Superioribus constringi, & licitè poenitentiis salutaribus corripiri. S. Cong. Episc. in Bergomen. 5. Decembris 1698. Monacell. *form. par. 1. form. 8. num. 12. tit. 5.*

Quare punire ad correctionem in loco immuni non est prohibitum, ut ex Sac.

Congr. Immunit. 31. Augusti 1649. Quæ consultata ab Episcopo Aretino: *Se un Canonico ritrovato nella sua casa canonica contigua alla Chiesa, in fragranti con una donna maritata, se sia potuto con la medesima donna carcerare nelle carceri Vescovali senza pregiudizio dell'immunità?* Respondit, posse ad correctionem, Pignatell. tom. 1. consult. 35. & ex Panimoll. cit. num. 44. in una Interamnen. 27. Martii censuit Episcopum potuisse extrahere Archipresbyterum de Piedeluco à propria domo Parochiali, & carcerare ad effectum correctionis.

Aliter dicendum, quando non agitur ad correctionem, sed ad pœnas secundum Canones imponendas, ex eadem Sac. Congreg. in Mutinen. 18. Februarii 1531. & in Arminen. 2. Maji 1661.

19 Sed quid dicendum, si Religiosus delinquens in Monasterio ad ejusdem Ecclesiam confugiat, & protestetur: *Voglio qui godere l'immunità concessa*; & nihilominus ab ea jussu Superiorum extrahatur?

Resp. Nec Superiores mandantes extractionem, nec extrahentes censura ligantur, tanquam violatores immunitatis, ut articulo discussio, censuit Sac. Congr. Immuni t. in una Aesina, ut infra.

Exposuit Sac. Congregationi super immunitate Ecclesiastica, & controversiis jurisdictionalibus Fr. N. de Montecchio Ord. Minorum Observantia Reformatorum Sancti Francisci, se extractum fuisse de mandato Patris Provincialis, ab Ecclesia Conventus Aesini, in quo morabatur, instando propterea declarari incidisse in excommunicationem, tam ipsum Provinciale, quam Fratres executores, & eadem Sac. Congr. auditis rationibus à P. Procuratore Generali Ordinis allatis, inter quas adductum fuit prædictum Fratrem N. extractum fuisse ad correctionem, & ob id ad domum disciplinæ translatum, censuit, Provinciale, aliosque Fratres professos non incurrisse. Roma hac die 10. Aprilis 1701.

20 A loco immuni extractus eidem restitui debet, ut declaravit Sac. Congr. Immunit. apud Pignatell. cit. consult. 170. a num. 8. in una Cajacen. die 20. Novembris 1640. Quæ respondit, rescribendum esse Vicario, ut faciat restituere Oratorem eidem Ecclesie, à qua fuit extractus, cum non potuerit per renunciationem ipsius praju-

dicare Ecclesie; sequuta autem restitutione, erit in sui arbitrium se constituere in carceribus; & in una Mediolanen. die 23. Februarii 1638. ibid. num. 10.

Et ita necessario debet restitui, ut alteri non possit, nisi de licentia Summi Pontificis; prout ab eadem, ex Panimolla decis. 85. adnot. 1. num. 3. in una Mediolanen. die 28. Novembris 1634. hujusmodi emanavit rescriptum, D. Secret. juxta mentem, scilicet ut, mediante auctoritate Sanctissimi, faciat convalidare restitutionem factam alteri Ecclesie, cum non dependeat à consensu partium, sed ab auctoritate Sanctissimi. Et in alia S. C. & c. censuit restitutionem oratoris extracti, de jure faciendam esse eidem Ecclesie Civit. Landen. à qua fuit extractus, etiamsi hodie moram trahat in Civitate Romana, distante à loco factæ extractionis; posse tamen hoc casu S. D. N. dispensare, ut restitutio fiat Ecclesie Lateranensi, attento consensu oratoris, qui restitui debet.

21 Fuit Sac. Congreg. consultata, An Episcopus, tamquam Ordinarius, possit concedere licentiam judici laico, ut examinet, præsertim cum juramento, & formaliter, aliquem reum, vel testem in Ecclesia, vel alio loco immuni? & an Episcopus teneatur etiam invitus, licentiam concedere Curie exhumentis cadaver occisi ad recognitionem faciendam, Die 2. Maji 1629. Sac. Congr. super controversiis jurisdictionalibus, censuit Episcopum non posse hujusmodi licentiam concedere, etiam vigore litterarum Sac. Congr. super ejectione, sed petendam à Sede Apostolica; nec quod cada- vera exhumentur, ut fiat recognitio in Ecclesia, sed extra, & arbitrio ipsius Episcopi. Quæ declaratio fuit ab eadem confirmata die 8. Augusti 1645. ut sequitur; S. Congr. prævia matura discussione, & communi omnium Patrum consensu censuit standum in decisio sub die 2. Maji 1629. scilicet, Episcopos posse corpora exhumentis, vulneratos, & testes extrahere extra Ecclesias, & loca immunia ad effectum recognitionis, & probationis corporis delicti per judices, & ministros laicos faciendam, eorundem ipsorum Episcoporum arbitrio, rectè tamen regulato; non autem posse facultatem concedere eisdem judicibus, & ministris laicis fa-

,, cten

ciendi in dictis Ecclesiis, & locis immunibus actum aliquem recognitionis cada-
verum, seu examinis vulneratorum, &
testium, nisi in casu urgentis necessita-
tis, quando Summus Pontifex commodè
adiri non potest; idque pro eorundem
Episcoporum arbitrio, rectè tamen regu-
lato; Superioribus verò Regularibus mi-
nimè licere, etiam in Ecclesiis, & locis
immunibus ipsorum Regularium, sed id
ad Episcopos solum spectare.

22 Violans Immunitatem Ecclesiasticam
incurrit ipso facto excommunicationem;
prout expressè ex verbis Gregorianæ, ibi:
*Declaramus eum ipso facto censuras, & pœ-
nas easdem incurrere, quæ contra &c. liber-
tatis, juris, Immunitatis Ecclesiastica viola-
tores, per Sacros Canones, Conciliorum Ge-
neralium, Nosstrorumque Prædecessorum
Constitutiones sunt promulgata.*

Absolutio est reservata Sedi Apostolicæ,
ut dixi c. 2. num. 12.

23 Formula citandi violatores Immuni-
tatis Ecclesiasticæ, apud Panimolla *decif. 96.
adnot. prima à num. 6. & Sperellum dec. 48.
num. 1.*

Citetur N. „ ad comparandum coram
„ Domino Ordinario V. G. in tra triduum,
„ quorum primus pro prima, reliqui duo
„ pro secunda, & tertia, ac ultima, & per-
„ emptoria dilatione, & termino sibi af-
„ signato, ad allegandum, & dicendum
„ causam, quare non debeat declarari inci-
„ disse in excommunicationem latam in
„ Const. Gregorii XIV. super Immunitate
„ Ecclesiæ, aliisque Summorum Pontifi-
„ cum, ac Sac. Conciliorum Constitutioni-
„ bus contra violatores Ecclesiasticæ Im-
„ munitatis: & ad deducendum, quidquid
„ vult, & potest, infra dictum terminum,
„ quare declarari non debeat, quo termino
„ elapso, si nihil legitime deduxerit, die im-
„ mediatè sequenti compareat ad viden-
„ dum se declarari excommunicatum, &
„ pro excommunicato publicè denunciari,
„ cedulonesque decerni, & affigi per loca
„ solita, & consueta Civitatis, ipso ulte-
„ rius non monito, nec citato, nisi si, &
„ quatenus opus fuerit, & expediat, ubi
„ &c. datum &c.

Citatio, seu monitio est facienda perso-
naliter, & non ad domum, dimissa copia,
per DD. apud Panimolla n. 8. quos sequitur
Pignatellus *tom. 1. conf. 29. num. 2.* Limita-

tur: si excommunicandus, vel declarandus
excommunicatus domi lateat, vel persona-
lem citationem subterfugiat, vel simili
modo absentia sit malitiosa: tunc sufficit
citatio ad domum, vel ad alium publicum
locum, si domo careat; aut per edictum, si
ad domum tutus accessus non datur. Facit
Clement. *Causam propè finem de elect.* pro-
pter rationem datam à Sperel. *dec. 84. cit. n.
34.* nimirum quod dolosus non permittens
se citari, non debet ex dolo commodum re-
portare, sed habendus est perinde, ac si per-
sonaliter citatus fuisset; præsertim, quia
notitia citationis ad domum æquiparatur
citationi personali. Etiam per edictum in
loco publico affixum sufficit citare, si ex-
communicatio proferenda sit generaliter
contra personas, quæ commiserunt aliquod
delictum, quarum nomina ignorantur, per
Panimolla *num. 11.*

24 Una ut minimum monitio est neces-
saria ad declarandum excommunicationem
esse incursum, aliàs declaratoria nulla di-
citur, ut observat Sperellus *decif. 48. num.
56. & num. 59.* refert à Sac. Congreg. Im-
munit. fuisse declaratum, non dari appella-
tionem à declaratoria excommunicationis
jam incursum, quoad effectum suspensivum.
Appellatio enim non potest impedire decla-
rationem, nec suspendere effectum excom-
municationis ab jure, vel per viam Statuti
infligta, ut ibid. *num. 41.*

25 Nota. Hodie Immunitate non gaude-
re plateam Cathedralis, ex Sac. Cong. Im-
munit. in Narnien. 27. Januar. 1665. San-
ctissimo approbante 21. Febr. ejusdem anni.
Pignatell. *cit. consult. 436. & 463.* refert sub
die 10. Decemb. 1658. in una Forlimpopuli
resolutum, *gaudere domum Parochi, licet
non adharcat Ecclesie.*

Non gaudet apothecæ laicis locatæ ha-
bentes ingressum ex platea, vel via publi-
cæ. Sac. Congregat. Immunit. in Nar-
nien. 28. Februarii 1662. Pignatell. *consult.
tat. 458.*

Gaudet porticus Ecclesiæ, Sac. Congre-
gat. Immunit. in Spoletana 7. Febr. 1630. &
in Camerinen. 3. Aprilis 1635. Pignatell.
consult. 169.

26 Sed quid dicendum de Grangiis Re-
gularium?

Respond. Non gaudere, si appellatio-
ne Grangiæ veniat domus ruralis, sub do-
minio alicujus Conventus, in qua Con-
ver-

versus, habitat pro agris colendis, nec habet Ecclesiam, aut publicum Oratorium auctoritate Episcopi erectum. Nam huiusmodi non est locus pius, sacer, & Religiosus. Gaudent verò, si per Granciam veniat Conventus parvus alteri unitus, de qua Innoc. X. in Decreto: *Ut in parvis* il. 32. Bullar. tom. 5. vide d. c. 10. §. 2. num. 48.

27 Fratres Min. de Observ. non extendant Decretum S. C. Episc. relatum cap. 16. num. 21. ad confugientes ad Conventus ad effectum gaudendi immunitate. Nam de istis dictum Decretum non intelligitur. Considerent, quinam per Gregorianam censeantur exclusi ab immunitatis beneficio, & qua ratione sit procedendum, ut ipso priventur. Si confugientes in Conventibus abutantur privilegio confugii, & protectione a syli: vel quia pacem religiosam perturbant, aut impediunt Divina Officia, vel contra iustitiam viatores aggrediuntur: recurrant ad Sac. C. Immunitatis exponendo casum, & expectando provisionem. Excludere eos propria auctoritate non possunt; & quatenus excludant, incurrunt censuram reservatam, juxta dicta, & ex Extravaganti, *Et si Dominici*, Sixti IV. de penis. & remiss. inter commun.

CAPUT XXV.

Officialis quoad incorrigibiles expellendos.

SUMMARIU M.

- 1 Incorrigibilis potest expelli ab Ordine.
- 2 Decreta de Apostatis sub Urbano VIII. usque ad n. 8.
- 9 Decreta edita sub Innocentio XII. usque ad num. 14.
- 15 De Jure Communi quis sit verè incorrigibilis.
- 16 Ad incorrigibilitatem trina requiritur monitio.
- 17 Carcer formalis describitur, usque ad num. 21.
- 22 Non adest obligatio expellendi incorrigibiles.
- 23 Potestas expellendi extenditur ad Provinciales.
- 24 Patres, de quorum consilio, & assensu proceditur ad sententiam, debent esse

graves; sed non eligitur dignitas, & gradus.

- 25 Non est necesse, ut sex Patres conveniant.
- 26 In casu paritatis Votorum Provincialis non habet decisum.
- 27 Ante sententiam instruitur processus.
- 28 Defensiones dantur expellendo.
- 29 Exponitur clausula, accedente approbatione Generalis, adjecta in Decreto sub Innocentio.
- 30 Formula notificandi sententiam Ordinaria.
- 31 Littere testimoniales expulsionis.
- 32 Ab Ordinario non examinatur sententia.
- 33 Pœna non recipientium emendatos.
- 24 Per expulsionem expulsus non desunt esse Religiosi.
- 35 Reverentes, non statim restituendi ad gradus, & precedencias.
- 36 Dammati ad triremes iterum ad Religionem recipiuntur.

I Religiosum professum incorrigibilem posse ab Ordine expelli habetur cap. Cum Monasterium de statu Monach. ubi de Monacho proprietario contumaci sic decernitur: De Monasterio expellatur, nec recipiatur ulterius, nisi pœniteat secundum Monasticam Disciplinam. Et cap. ea que, eodem tit. Ovem morbidam ejiciant ab ovili, ne inficiat sanas Oves: cap. Relatum, ne Clerici, vel Monachi, & cap. Cum in Ecclesiis de majoris. & Obedient. & aliis omisiss, firmant decreta S. C. C. de Regularibus Apostatis, & Ejectis, ex facultate speciali Urb. VIII. sub ejus Const. Sacra la 28. Bull. to. 4. ubi ad hunc effectum in terminis §. 6. statuitur.

2 §. I. Ad hac, ut impofterum è Religionibus nullus legitimè professus ejici possit, nisi sit verè incorrigibilis; verò autem incorrigibilis minime censeatur, nisi solum concurrant ea omnia, que ad hoc ex juris communis dispositione requiruntur, sublati hac in parte Statutis, & Constitutionibus cujuscunque Religionis, & Ordinis, etiam à Sede Apostolica approbatis, & confirmatis; verum etiam unius Anni spatio in jejuniis, & Pœnitentia probetur in carceribus; proinde unaqueque Religio privatos habeat carceres in qualibet saltem Provincia.

3 §. II. Elapso autem anno, si nihilominus non respuerit, sed animo in durato in sua pertinacia perseveraverit, ne contagione pestifera plurimos perdat, tamquam pecus morbi- da, ac membrum putre ejici tandem possit, sed ab ipso met. Generali tantum de consilio, & assensu sex Patrum, ex gravioribus Reli- gionis, eligend. in singulis Capitulis, vel Con- gregationibus Generalibus (vide inferius Moderatoriam sub Innocentio XII.) tum- que non nisi instructo secundum eorum sty- lum, & constitutiones processu, & plenè pro- batis causis expulsionis ad Sacrorum Cano- num præscriptum.

4 §. III. Sic vero ejecti, quamdiu non re- dierint ad Religionem, in habitu Clericali in- cedant, atque Ordinarii loci jurisdictioni, & obedientie sub sint: proindeque Generalis illi- cò expulsionis sententiam eidem Ordinario notificare teneatur.

5 §. IV. Ceterum S. Congreg. Religionum Superiores seriò admonet ac per Jesu Christi viscera obtestatur, ut minores paterna Cha- ritate, & Mansuetudinis, quam profitentur nihil intentatum relinquunt, ut lucrentur animas Fratrum suorum, ferè in profundum malorum delapsas, antequam gravissimum, atque extremum expulsionis remedium ex- periantur. Idque eo magis, quòd subditorum sanguinem, qui ex malo negligentium, & of- ficii immemorum Prælatorum regimine peri- bunt, Dominus Noster Jesus Christus in su- premo Dei Judicio de eorum Prælatorum ma- nibus sit requisiturus.

6 §. V. Præterea statuit, ut idem Supe- riores nemini ex Religiosis expulsis litteras testimoniales concedant, illos ad Sedem Apostolicam rejicientes, vel jubentes aliam ingredi Religionem.

7 §. VI. Item, ut ejecti extra Religionem degentes sint perpetuo suspensi ab exercitio Ordinum, sublata Ordinariis locorum facul- tate dictam suspensionem relaxandi, aut mo- derandi.

8 §. VII. Ac postremò censuit esse innovan- dam, & Suae Beatitudinis auctoritate inno- vat Constit. sel. record. Gregor. IX. relatam in capit. final. de regul. ac præterea declarat eam Constit. in iis quoque vendicare sibi to- cum, servandamque esse, qui justè, definitè- que, ac juris Ordine servato expulsi fuerint: dummodò tamen in expulsis huiusmodi sub sit spes evidens emendationis, ex litteris, sal- tem testimonialibus, Ordinarii, cujus con-

scientiam in suis litteris concedendis S. C. se- rio oneravit.

9 Quibus sub die 24. Junii 1694. accessit Decretum moderatorium, & præfatorum respectivè innovatorium, editum sub Inno- cent. XII. il. 101. in Bullar. Firmani.

Instantibus Procuratoribus Generalibus Religiosorum Ordinum pro moderatione De- cretorum de apostatis, & ejectis, editorum à Sacra Congregatione Concilii, & à san. me- mor. Urbano VIII. Anno 1624. confirmato- rum ut facilius modus incurribiles ejicien- di præscribatur, Sac. Congregatio à Sanctis- simo Domino Nostro Innocentio Papa XII. super præmissis particulariter deputata, Emi- nentissimorum Sanctæ Romanæ Ecclesiæ Car- dinalium Carpinei, Casanate, Mariscotti, de Norfolk, de Lauren, de Aguirre, & Colloredi, perpenis eorundem Procurato- rum Generalium votis, ne consortio morbi- darum pecudum cetera corrumpantur, & re- media hucusque ad sanitatem oblata, male affectis officiant magis, quàm prosint, matu- ro examine, zelo Regularis Disciplina con- servanda censuit statuit, & auctoritate ejus- dem Sanctissimi Domini Nostri sibi specia- liter attributa, hac impostèrum servanda decrevit.

10 I. Quòd firmis ac in suo robore semper manentibus prædictis Decretis de Apostatis, etiam secundum eam partem ubi agitur de ejectis, & ejiciendis, tamquam Sacris Canto- nibus, & communiore Sanctorum Patrum menti conformibus, quoad ejectos, eadem ser- ventur, quæ in alio simili Decreto hac præsen- ti die emanato de Apostatis, & fugitivis sta- tuta sunt, & indulta quoque ad præscri- ptam legem san. memor. Gregor. IX. in cap. final. de Regul. annuatim fugitivi requiratur, & respectivè cogantur ad Clausstræ- verti.

11 II. Quòd annus integer, qui in prædictis Decretis anni 1624. præscribitur in Peniten- tia, & Jejunio ad ejiciendos incurribiles, ad sex tantum Menses continuos impostèrum coarctetur, & restringatur.

12 III. Quòd facultas Generalibus Ordini- bus Religiosis in singulis Capitulis, & Con- gregationibus Generalibus ad causas ejicien- dorum eligendis attributa extendatur, etiam ad quoscumque Provinciales: qui electi pri- miter in Congregationibus Provincialibus sex gravibus è propria Provincia Religiosis, à

Generali confirmandis, de illorum consilio, & assensu causas huiusmodi cognoscant, & ad effectum ejiciendi incorrigibiles sue Provinciae, & ejektionem pronuntiandi, accedente approbatione Generalis, definiant, salva semper Sanctae Sedis, & Sac. Congregationis Concilii in casu recursus, & appellationis auctoritate.

13 IV. *Quòd impòsterum Processus conficiantur juxta Regulas, Constitutiones, Ordinationes, & Stylum cujusque Ordinis, & Religionis, donec aliter fuerit à Sac. Congregat. provisum.*

14 V. *At quia nimia sine delectu facilitas recipiendi quoscumque Religionis ingressum petentes, & à Religione forsan alienos, duram satis tractu temporis necessitatem parit eisdem è Claustris ejiciendi, nè huiusmodi semina; quæ à principio ad fructum faciendum cadunt in terram bonam, paulatim contaminata inordinatis moribus usque ad incorrigibilitatem succrescant in paleas, eadem Sac. Congreg. annuente Sanctissimo Domino Nostro sub interminatione Divini Judicii, nec non privationis vocis activæ, & passivæ, ac dignitatum, & Officiorum obtentorum, cum inhabilitate ad eadem impòsterum obtinenda; quibuscumque prædictorum Ordinum Superioribus districtè præcipit, & mandat omnia, & singula Decreta san. mem. Clem. ntis VIII. registrata post Decretum san. memor. Urbani VIII. de Apostatis, & ejectis incip. Regulares, Sanctissimus, & Nullus, una cum aliis subsequenter Decretis, provisionibus, Ordinationibus, & respectivè moderationibus, bis in Anno legi, eadem ad unguem servari, pœnas in eisdem contentas innovari, & Capitibus Ordinum intimari, ne huiusmodi Decretorum transgressores, qui in lege gloriantur, per pravaricationem legis Deum inhonorent, & nè militia Christi abscripti; tam de facili fiant desertores, ac profugi. Datum Romæ die 24. Julii 1694.*

15 Itaque, nonnisi verè incorrigibilis debet, & potest expelli; ille autem dicitur verè incorrigibilis, per Pasqualigo ad Laurent. de Franchis par. 1. num. 1058. in quo concurrunt requisita de jure communi ad incorrigibilitatem & insuper de jure novo per sex Menses, juxta modificationem sub Innoc. factam, probatur in Carceribus in jejuniis, & pœnitentiis, quibus elapsis, adhuc perseverat in sua contumacia, nec corrigitur.

De jure autem communi, ut quis sit vere incorrigibilis ad effectum expulsionis, plura exiguntur.

Primò ut commiserit aliquod grave delictum: proprietatis, scilicet, furti, homicidii aut similis, ut colligitur ex alleg. c. Cum ad Monast. & cap. Cum non ab homine de judic.

Secundò, ut de delicto legitimè constet, vel per ipsius confessionem aut per testium probationes sit convictus, ut ex dicto cap. Cum non ab homine, & c. Ubi fama de sent. excomm.

Tertiò ut condemnatus sit, & de delicto punitus, ut ex iisdem textibus, & adducto cap. fin. de statu Monach. defumitur Ameno de pœnit. tit. 3. §. 6. n. 67.

Quartò, ut pluries graviter deliquerit, convictus, & condemnatus fuerit pro singulis excessibus ut allegati Text. expriment. Etenim, ut tradit Pasqual. qui semel deliquit non potest dici contumax, nec in delictis perseverans.

Quintò ut delicta sint sic qualificata gravitate, ut in Religionis dedecus, in scandalum Populi, & Fratrum ignominiam cedant; ac in aliis perversionis ex eis timeatur periculum ad quo facit D. Bonavent. doctrina q. 14 super Regul. S. Franc. apud Mirandam, & est tex. in c. Resecanda 24. qu. 1. Man. tom. 1. q. 52. art. 2.

Ideo, ut quis incorrigibilis ad effectum expulsionis dicatur, debet ea commississe delicta, quæ possunt in Cæteris Religiosis perversionem causare: aut solent, infamia, vel alio notabili damno Religioni nocere.

Ad quem effectum sciant Superiores, alia esse delicta, quæ soli delinquenti nocent, nec tam facile possunt alios corrumpere: cuius generis censentur ebrietas, blasphemia, notabili ad Chorum negligentia, proprietas, & similia: & per accidens est, quòd aliis sint nociva, cum sint vitia non tam facile propagabilia; & alia, quæ directè non uni tantum nocent, sed pluribus etiam aliis: inter quæ numerantur, hæresis, falsa doctrina, homicidium, furtum, ludus, fornicatio, adulterium, stuprum, incestus, raptus, sodomia, apostasia, & cætera. Quæ, vel comitem volunt, vel nisi cum liquido pacis, proximi, & Religionis damno, vix perfici solent ideo Superiores delictorum circumstantias temporis, loci, personarum, delicto-

ctorum circumstantias modi, publicitatis, & delinquentis in re tanti ponderis inspicere debent; & ubi viderint esse modis præallegatis qualificata, incorrigibilitatis iudicium formare poterunt.

16 Ad incorrigibilitatem trina exigitur monitio, ut colligitur c. *Eaque de stat. Monach.* Nam ibi Honorius III. vult, eos, quos contumaces, & rebelles invenerim, debere per Prælatos expelli.

Præter adductum monitionum numerum, debet præcedere incorrigibilitatem trina delictorum, vel ejusdem, vel diversæ generis, iusta, & iudiciali punitione; etenim debet Superior omnia adhibere media, ut ad bonam frugem subditum reducat, & à malo ipsum retrahat. Sic autem non procedit, si debitis pœnis, & iusta severitate ipsum punire, & coercere omitat: nam sæpe cum obfirmatis in malum experimur ad id inefficaces exhortationes, preces verbales, ac paternales correctiones, ideò ad validiora media recurrendum est. Quod sanè est ad sensum Decreti enunciati, cum velit, ut Superiores nihil intentatum relinquunt, ut lucrentur animas Fratrum suorum in profundum ferè malorum delapsas, antequam gravissimum, atque extremum expulsiōis remedium experiantur. Unde si admonitionibus resistent, & repetitis charitatis officiis non respondeant, trina sequatur judicialis punitione; quòd si item istis in melius non mutantur, sed obstinata cervice in sua perseverent malitia, poterunt rigorosè dici contumaces, & rebelles, & sic incorrigibiles; cum Superior omnem moverit manum ad eos emendandos. Et ex hoc concluditur, trinam monitionem, & punitionem de jure novo esse de incorrigibilitatis substantia, Ameno præst. tit. 5. §. 6. num. 26.

Verùm, illis etiam omnibus præmissis, non habetur incorrigibilitas completè, sed solum initiativè probata, cum perfectè ex allegat. Decreto Innocentii non concludatur, nisi per semestrem carcerationem in iunio, & pœnitentia.

17 Carcer debet esse formalis; locus nimirum, feris, & vectibus munitus, ex quo liberum egredi carcerato non sit; & ad formam secundi Decreti decerni debet à Provinciali de consilio, & assensu sex Patrum ad causas ejectionis electorum: nam ibi Sac. Congreg. concedit Provincialibus, ut

de consilio, & ipsorum assensu causas ejectionis cognoscant; & ad carceres post trinam delictorum patratiōem, & per sententiam, punitionem, detractionem, ad huiusmodi causas spectare non est dubium.

18 Jejunium debet esse coram Fratribus, quia cum simus in casu de adhibendo extremo remedio ad procurandam delinquentis conversionem, omni rigore Juris est procedendum; & nihil intentatum, juxta Decretum, debet omitti ad ipsum lucrandum.

19 Ut autem quis possit carcerari ad incorrigibilitatem probandam, oportet, ut delicta continuentur moraliter, & eundem in malo obfirmatum ostendant. Quæ continuatio colligitur ex brevitate temporis, intra quod commissa sunt. Unde de eo, qui committit delictum, de quo punitur, si post paucos menses in gravem alium excessum sua malitia ruat, dicitur continuare delicta, per continuationem prævæ voluntatis ipsius, quæ ex sequentibus malis actibus manifestatur. Aliter discurretur de eo, qui post singula delicta commissa, laudabiliter, saltem per tres annos, vivit, & pravam voluntatem per actus pœnitentiæ, & emendationis tempus discontinuat, & interrumpit; tunc enim, ut dixit Ameno alios DD. cum mulans, de eo emendatio vera præsumitur. Et facit Glos. ad regulam 8. juris in 6. *Semel &c.* per ea: *Quod, qui fuit malus in aliquo actu, & tandem se maxime correxit, & fuit bonus, in fine illius actus, præsumitur bonus.* Et confirmat exemplum, quòd insanabilis non dicitur infirmus, qui sanatus ab una infirmitate, postquam sanus vixit per tres, vel quatuor annos, in aliam, & similiter post novam sanitatem, in aliam infirmitatem decidit: aliàs ferè quilibet insanabilis diceretur; sed ille, ex ejus temperamento sic infirmitates procedunt, ut in singulis inutilia experiantur remedia.

20 Ad dubium, an postquam pœnitentiam compleverit de tertio delicto, possit de facto, nullo novo patrato, incarcerationi ad probandam incorrigibilitatem? an verò ad eum effectum sit expectandum quantum? Respondit Ameno contra Sanctoro, novum non esse expectandum, sed tribus delictis commissis, & punitis, posse semestrem carcerationem ad completam probationem decerni, qua punitur delinquendi impunita consuetudo, & le-

& legitimum ponitur incorrigibilitatis experimentum.

21 Tempus carcerationis à Sacra Cong. taxatum debet esse continuum, & completum, ut die 21. Junii 1653. declaravit Sac. Congreg. Conc. ad dubia proposita à Procuratore Ord. Sanctæ Mariæ de Mercede, apud Ameno sub num. 40. Pasqualigo num. 1083. Et ad I. respondit, *Regulares delinquentes uti incorrigibiles ejici non posse à Religione, anno carcerationis nondum completo. Ad II. non sufficere annum carcerationis interpollatè expletum, sed requiri spatium unius anni continuum, & integrum*: & idem censendum de carceratione ad sex menses sub Innocentio reducta.

Ideo, si è carceribus intra tempus præfixum aufugiat, nequit incorrigibilis declarari, & expelli, quia continua carceratio ad sex menses est, ex allegato Decreto, de substantia probationis incorrigibilitatis, qua non servata, corruiť actus; sicut non subsistit professio, si non præmittatur integer probationis annus: & in similibus casibus recurrendum ad S. Congr.

22 An verò completo tempore carcerationis sit statim de carcere educendus? Cum distinctione respondetur. Vel in carcere vera emendationis signa exhibuit, vel dura cervice se ostendit. In primo casu liberandus est statim; nec est liberum Superiori excedere tempus à S. Congr. taxatum. In secundo ad id Superior non tenetur, sed est in ipsius potestate, vel in carcere eum detinere, vel ad expulsionem procedere; & ratio habetur ex tenore Decreti disponentis, quòd possint *ejici*, quibus significatur facultas, & non obligatio expellendi.

23 Facultas expellendi incorrigibiles in priori Decreto solis Generalibus data, consuléntibus, & assentientibus sex ex gravioribus Patribus, eligendis in Capitulis, vel Congregationibus Generalibus; in altero extenditur ad Provinciales, accedente approbatione Generalis.

Et licet in Decreto exprimatúr Generalis, & apud Min. de Obs. id videatur debere intelligi de Ministro, privativè quòd ad alios; nihilominus approbatio potest dari, etiam à Vicario Generali, electo in Vacantia Generalatus, qui in Ordine est supremus, habens ordinariam potestatem, quam obtinet Generalis; & à Commissario, ad formam *Const. Iste, & vos*, Leonis X. la 23.

Bull. tom. 1. pro sua respectivè Familia, cuius auctoritas, & jurisdictio est in ea ordinaria, & plenissima, ad sensum alleg. Constitutionis. & ea potest in sua Familia, quæ Generalis in toto Ordine, ut notat Miranda tom. 2. q. 11. art. 2. & Ameno cit. tit. penarum quæst. 26. num. 125.

Verum expellendi potestas non potest alteri à Superiore delegari, juxta responsum specificè ab allegat. S. Congr. datum ad tertium dubium, dum censuit; *Generalem Ordinis non posse delegare facultatem ejiciendi à Religione Provincialibus pro eorum Provinciis* (hodie ex altero Decreto Provincialibus convenit) *seu Commissariis, vel Vicariis Generalibus*. Et ideo in Ord. Min. de Obs. non est in potestate Ministris Generalis eam delegare Commissariis Generalibus, qui alicujus Nationis Provinciæ regendæ conceduntur: nec Vicario Generali ab eodem Ministro relicto ad gubernium Familiæ, cum ipse ad aliam transit: quidquid scripserit Ameno non alleg.

24 Patres, ex Decretorum vi eligendi, debent esse ex gravioribus Provinciæ: & in casu, graves non sunt Definidores, Custodes, ex Ministri, & cæteri graduati, ex præcisè titulo graduationis, quia his pluribus sæpè requisita defunt, ut sint Assessores, & Consiliarii, in re magni ponderis, & momenti, ut est ejectio: sed doctiores in Sacris Canonibus, Statutis, & re Criminali; ideo non est eligenda Dignitas, Officium, vel Gradus, sed nominatim determinata Persona, doctrina, & prudentia singularis.

Primum Decretum disposuit debere eligi in singuli Capitulis Generalibus, vel Congregationibus: quibus significatur, quod in unoquoque Capitulo faciendæ sit nova electio. Verum electi in uno; possunt in subsequenti reeligis; quod ex identitate rationis servari debet in electionibus juxta extensionem alterius Decreti faciendis in Congregationibus (Capitulis nimirum Provincialibus, quæ sub eo Congregationis vocabulo comprehenduntur.)

Non est necesse, quòd eligantur per vota totius Capituli, sed sat est per vota totius Definitorii, tempore Capituli Provincialis; & de sic electis salvatur, quòd eligantur, & non assumantur ad arbitrium Superioris, & eligantur in Capitulis Provincialibus.

25 Ut Provincialis possit sententiam diffi-

diffinitivam super expulsiōne pronunciare, non est necesse, quod singula sex Patrum vota conveniant, & concordent; sed sufficit, ut maior pars consentiat: ut in terminis ad septimum S. Congreg. cit. respondit, ut infra: *Sententiam ejektionis à Religione fieri debere, saltem de voto majoris partis sex Patrum electorum.* Hinc in casu, quod vota sint paria, & tres pro expulsiōne judicent, & aliis tres dissentiant, nequit definitivè procedi.

26 In casu paritatis Vototum non poterit Provincialis in Ordine Minorum de Observantia votum decisivum prætere de vigore Constitut. Urban. VIII. *Religiosos viros* 312. *Bullar. tom. 5.* Etenim in ea Pontifex restringit ut Præsides votum decisivum obtineant in electionibus Pro-Ministrorum Provinciarum, Custodum, & Guardianorum; quæ ad expulsiōnem extendi nequeunt cum hæc ab electione maximè distet. Neque ex vi Decreti S. Congregat. Episcoporum, & Regularium sub die 13. Mart. 1653. *viden. c. 18. n. 43.* Nam Sac. Congregat. loquitur de electionibus faciendis, & negotiis decidendis per definitoria Provincialia; cuius generis non est illud expulsiōnis super quo Definidores, qua tales, votum non habent.

27 Numquam potest Superior super expulsiōne definitivè pronunciare, nisi prius instructo processu, & plenè probatis causis expulsiōnis ad Sacrorum Canonum præscriptum; hoc est, nisi Judici sic appareant, ut nullus relinquatur locus opinioni, suspitioni, aut dubietati; sed certò cognoscat eas subsistere: quod est eas plenè probare, ex *Ameno titul. 8. §. 4. nn. 31.* Nec sufficit ipsarum semiplena probatio, per quam aliqua fides Judici sit, quod crimen sit commissum, sed non tanta, ut ipse teneatur, vel possit eam sequi in sententia ferenda.

Processus expulsiōnis non debet absolvi, nisi completo tempore carcerationis: & tunc adnotandum est, quatenus constet Religiosum esse in sua pertinacia obfirmatum. Nam expelli non potest, nisi plenè probentur causæ expulsiōnis, adeoque incorrigibilitas: quæ non probatur conclusentè, & adæquatè; nisi experimento semestris carcerationis in jejuniis, & pœnitentia, adhibitis etiam gravibus Patribus à Provinciali sub finem sex mensium, missis ad car-

cerem ad explorandum sensum, & mentem Religiosi, ipsumque admonendum, ut ad cor redeat, & suæ vocationi respondeat. Quod si hæc charitatis officia contempserit, & nihil correptus appareat, ac verbis iracundis, & blasphemis, de Deo, Religione, & Superioribus obloquatur, obduratus, & incorreptus est judicandus. De quibus ut juridicè constet, præfatis Patribus debent duo superaddi testes, qui omnes fideliter, & juridicè referant Provinciali, quidquid dixerit, quidvè responderit; & in processu adnotetur.

Quod si emendatum se ostendat, expleto tempore, est à carcere educendus, & processus in Archivio Provincie conservandus ad hoc, ut, si denuò, triennio non exacto, in proposito bene vivendi, & exhibitione promissæ correctionis deliquerit, possit in expulsiōnis causa ad ulteriora procedi; quod si integro triennio emendationis promissæ veris religiosis operibus corresponderit, processus comburatur.

28 Si ex novo decreto post excarcerationem, vel propter expressa coram illis Patribus cum testibus ad carceres missis, se incorrigibilem prodiderit, est ei à Provinciali exhibenda Actorum copia, ut in cæteris causis practicatur; Advocatus assignandus, cum, congruis terminis ad defensiones: fabricato deinde defensivo processu, & defensionibus præsentatis debent Patres electi eas, & causas expulsiōnis diligentissimè considerare, merita causæ discutere defensiones liberare, & in dubiis, si opus sit, doctiores, & juris peritos consulere, & tandem votum suum scripto mandare. Tunc Provincialis, visis & examinatis processu contra reum fabricato, defensionibus, & sex Patrum votis, si expellendum judicaverit, poterit ad sententiam procedere.

Et hæc lata debet Reo in carceribus intimari; vel si fortè aufugerit, ad valvas Refectorii affigi (ut fit cum aliquis citatur per modum absentis.) Si Reus intra debitum tempus ad S. Sedem, & Sac. Congregat. appellet (ad quam ex secundo Decreto recurrere potest) ad eam devolvitur causa; Reo interim in carceribus persistente. Si verò non appellet, debet transacto tempore appellationis ab intimata sententia (decem nimirum diebus) à carcere educi, & coram tota communitate corona Cle-

Clericali (si fuerit Clericus, vel Sacerdos) privari, & per Superiorem forma habitus exui, & confusibiliter à Refectorio in alium locum ejici, ubi sint parata vestimenta Clericalia, eius statui convenientia. Formula concipiendæ sententiæ, & modus fabricandi processum, traditur ab Ameno in *formul. crim. 2. par. practica* sect. 10.

29 At dubitatur, quid importet clausula secundi Decreti, *accedente approbatione Generali*, definiant: an nimirum approbati à Generali debeat sententia; an approbare debeat, Provinciale posse sententiare?

Crederem sensum esse, quod Provincialis ad definiendum procedere non possit, nisi Generalis prius declaret super eo posse definitivè procedere, approbare enim in casu restringi videtur ad declarandum, & testificandum, Reum esse expulsiōe dignum. Nam, cum præmittatur verbo *definiant*, colligitur eam declarationem debere sententiam præcedere, non sequi: alioquin non Provincialis, sed Generalis super eo definiret, contra textum Decreti. Ut autem id testificari, & declarare possit debet ad eum vota sex Patrum cum sumario processus, & defensionū notitia transmitti.

30 Expulsiōis sententia, ut ex primo Decreto patet, à superiore est notanda Ordinario. Formula, secundum quam est significanda, datur per extensum à Peyrino *formul. Pralat. lit. E. c. 39.* & nos hic ferè similem adnotamus.

Frater N. Provincialis Provincia N. Ordinis S. N. Illustriss. & Reverendiss. Domino Episcopo N. salutem in Domino. Illustrissima Dominationi vestra notum sit, quatenus nos ad Canonum, & Apostolicarum Constitutionum formam, ac Decretorum SS. CC. de Apostatis, & Ejectis sub die 21. Septembris 1624. & die 24. Julii 1694. respectivè emanatorum, procedentes, per nostram definitivam sententiam, quam inscripsimus, hoc anno 1709. sub die 18. Martii à Nostra Religione tamquam incorrigibilem, P. F. N. de N. Religionis præfate expressè professum, & ad Sacrum Presbyteratus Ordinem promotum (si fuerit Sacerdos: & si fuerit Clericus exprimat: Ordo: si verò Laicus, id notetur) dimissimus, & ejecimus, habitu Religionis nudatum, quod Illustrissima Vestra Dominationi significandum esse censuimus, ut & nos Apostolicis ob-

temperimus mandatis, & pecoris sui vultum possit Dominatio Vestra cognoscere, eaque etiam circa præfatum N. exequi valeat, que in Decreto allegato anni 1624. peragenda jussit S. Congr. Concilii. Et Dominus sit Dominationi Vestra propitius. In quorum fidem &c.

31 Si à Superiore litteras testimoniales expulsiōis ejecti requirant, poterunt eis dari sub his terminis.

Frater N. &c. omnibus presentes litteras inspecturis, pariter, ac lecturis. pacem veram, & salutem in Domino. Noverint, qualiter justis de causis animum nostrum moventibus, considerantes causam, & causas, de quibus in processu: per nos anno Domini 1708. à die 21. Octobris contra P. F. N. (exprimatur qualitas vel Sacerdotii, Clericatus, vel Laicatus) Nostra Provincia N. Ordinis S. N. expressè professum, in seculo nominatum N. de N. de consilio, & assensu eorum, ad quos spectat, ad præscriptum Decretorum de Apostatis & Ejectis de Anno 1624. sub die 21. Septembris, & 1694. fabricato, maximo animi nostri mœore, ac necessitate ferè compulsi, omnibus de jure requisitis tentatis, & juris Ordine servato peractis, prædictum N. à Nostra Religione expulimus, ac habitu Religiois nudatum dimissimus, expulsumque, & dimissum, his litteris declaramus. In quorum fidem presentes litteras jussu nostro conscriptas, sigilloque Provincia munitas, prædicto N. pro sua conscientie securitate tradidimus, & concessimus. Datum Romæ, die ... Anno &c.

Fr. N. Minister Provincialis.

Quarum exhibitione possunt setueri à molestia Judicis Laicis, ostendendo se subditos Episcopo.

32 An autem possit Ordinarius sententiam expulsiōis examinare, & inquirere, an Regularis sit justè, vel injustè ejectus? Negativè respondetur cum Donato *prax. Regul. tom. 2. tract. 8. de eject. quest. 55. num. 3.* Pasqualigo ad Lauretum de Franchis *par. 1. num. 974. Amen. cit. qu. 2. tit. poenarum gen. num. 166.*

Ratio est evidens; siquidem cognoscere causam ab alio Jdice actitatum est actus Jurisdictionis, & superioritatis: & potens eam cognoscere, potest etiam corrigere, retractare, aut confirmare: arg. ex *cap. sent. 35. qu. 9. Gloss. ad cap. memini 17. q. 41.* Ordinarius autem jurisdictionem non habet

habet supra Regulares, cum sint ab ipso exempti, *cap. nimis prava de excessibus Prælati. & cap. ne aliquis de privil. in 6. vide cap. 19. & ult.*

33 Superior, cum ei vel per Ordinarii litteras, vel aliunde constat ejectum esse emendatum, debet ad Religionem recipere sub pœna etiam peccati mortalis, ex Peyrin. *in formul. cit. quest. 39. num. 7. & in Decreto sub Urbano VIII. additur illa, ipso facto incurrenda, privationis omnium officiorum, quæ tunc obtinebit, vocisque activæ, & passivæ, ac perpetuæ inhabilitatis ad illa impofterum obtinenda, pœnaque huiusmodi sit Sanctitati Suae, ac Sedi Apostolicæ reservata.* Singulisque annis Superiores debent ejectos sollicitè requirere, *cap. ne Religiosi de regul.*

34 Dum ad Religionem redeunt, non tenentur de novo professionem emittere: siquidem per expulsionem non liberantur ab obligatione, quam professione legitima contraxerunt; hæc enim est personalissima, & sequitur, ex Tamburin. *tom. 3. de jure Abb. disp. 8. quest. 8.* personam, ubicumque existat; sed ea privantur solummodo communione vitæ Religiosæ, & bonis omnibus spiritualibus Religionis, quorum Religiosi sunt participes, & cohabitatione cum cæteris intra claustra; nec deobligantur ab observantia substantiali votorum essentialium, ex observatis à Doctoribus, Miranda *art. 5. Tamburin. quest. 8. num. 5. Roderic. ref. 57. v. dejectus num. 6. & Engel. cit. num. 36.* Etenim Prælati Regulares nequeunt suos subditos liberare à vinculo votorum solemnum, quæ sunt de essentia status Religiosi, & Regulæ Monachali annexa, ut dicitur *cap. cum ad Monasterium de statu Monach. in fine, & tradunt Pasqualigo num. 971. & Peyrin. tom. 1. de subdito quest. 1. cap. 25. §. 1.*

35 An autem redeuntes sint restituendi ad eisdem gradus, honores, prærogativas, & præcedentias? standum est Statutis, & Constitutionibus uniuscujusque Religionis, & juxta præscripta procedendum. Et quatenus nil super hoc disponent, rationabilius videtur, ut in pœnam ejectionis, & ad aliorum exemplum statim non restituantur; sed expectetur, ut eis dignos observantia se probent, & conversionem ex animo obsequendi Deo fuisse assumptam demonstrent. Stat. Min. *cap. 7. §. 6. num. 72.*

Official. Cur. Eccl.

firmant: nec statim esse eis tribuendum capitulum, sed recipiendos in Tertiiorum habitu: quod, si integro triennii cursu, patrum definitorum judicio, laudabiliter vixerint, poterit iterum reddi. Nunquam tamen volunt esse admittendos ad Sacrorum Ordinum exercitium. Idem in terminis præscribunt pro damnatis ad triremes. Pro quorum nova ad Ordinem admissione Sac. Congr. Episcop. & Regul. sæpè in facti contingentia resolvit recipi debere. Fagnan. *in 3. ad d. cap. ne Religiosi num. 68. de Regul. refert debere transmissos ad triremes ad tempus, eo elapso, ad Religionem redire.* Sed ob infamiam facti remanent irregulares. S. C. Episc. *in Mantuana 20. Decembr. 1619. Monacell. form. part. 2. form. 3. num. 39. tit. 15.*

CAPUT XXVI.

Officialis quoad Indulgentias.

SUMMARIUM.

- 1 Paulus V. revocavit Indulgentias pro personis Regularibus, & alias dedit.
- 2 Damnatur propositio super revalidatione Indulgentiarum.
- 3 Non sunt revocata indulgentiæ concessæ visitantibus Ecclesias Regularium.
- 4 Non revocantur Indulgentiæ concessæ cum clausula Univerſis Christiſidelibus &c.
- 5 S. Franciscus obtinet à Christo Indulgentiam Portiuncule. Sed, antoties, quoties eam quis lucretur? vide responſum Sac. Congr. Conc.
- 6 Quæ non revocatur anno Jubilei.
- 7 Indulgentia Portiuncule applicabilis per modum ſuffragii.
- 8 Indulgentia Portiuncule conceditur quotidiana.
- 9 Indulgentia visitantibus Ecclesiam S. Francisci Civitatis Aſſiſi.
- 10 Ad lucrandam Indulgentiam Portiuncule die 2. Auguſti eſt viſitanda S. Capella uſque ad n. 12.
- 13 Indulgentia Portiuncule non poteſt obtineri per viam communicationis, uſque ad num. 20.
- 21 Dividitur Indulgentia realem, perſonalem, & localem.
- 22 An Indulgentia ceſſet, Templo diruto?

M

23 Azi-

- 23 *Agitur de Indulgentiis concessis mediis.*
 24 *Episcopi possunt nonnullas Indulgentias concedere.*
 25 *An, translato Feste, transferatur Indulgentia.*
 26 *Visitantes Ecclesias Monialium existentium sub regimine Ordinariorum lucrari possunt Indulgentias concessas Ecclesiis Fratrum, & Monialium &c.*
 27 *Decretum de apochryphis Indulgentiis usque ad num. 29.*
 30 *Decretum Congreg. S. Officii quoad Indulgentias Coronis S. Birgite, & Crucibus S. Turribii, cum prohibitione libri cum titulo Lotto spirituale.*

Est Indulgentia, relaxatio, remissio, seu condonatio poena temporalis debita pro peccatis actualibus jam dimissis, a Pralato Ecclesie, existentibus in gratia, extra Sacramentum concessa per dispensationem, seu applicationem thesauri Ecclesie; Gobat. tom. 2. oper. moral. tr. 4. p. 1. c. 2. n. 13. Indulgentiarum usum Christiano populo maxime Sacrorum Conciliorum autoritate probatum retinendum esse, Tridentinum docet, & præcipit, eosque anathemate damnat, qui, aut inutiles esse asserunt, vel eas concedendi in Ecclesia potestatem esse negant, sess. 25. in decreto de Indulgentiis.

1 Paulus V. Const. Romanus Pontifex la 21. Bullar. tom. 3. omnes Indulgentias Ordinibus, & personis Regularibus concessas revocavit, novasque est elargitus, ut infra.

§ 1. Nos matura super hoc consultatione præhabita, cupientes personis Regularibus quibuscumque quorumvis Ordinum, tam Monachorum, quam Mendicantium, spirituale solatium, & juvamen afferre, infra scriptas Indulgentias, & gratias, quas personis Regularibus, intra claustra, aut extra, cum licentia tamen suorum Superiorum, legitima de causa illis concessa, degentibus, tantummodò suffragari debere declaramus, concedendas duximus.

§ 2. Omnibus igitur Christi fidelibus, qui canonicè, juxta Ordinis cujuslibet Religionis, & Constitutiones Apostolicas habitum Regularem à legitimis Super-

rioribus causa profitendi in illo susceperint, die primo eorum ingressus in ipsam Religionem, si verè poenitentes, & confessi Sanctissimum Eucharistiæ Sacramentum sumpserint, Plenariam.

§ 6. Ac cuilibet Novitio, qui poenitens, & confessus, ac sacra Communione, ne resectus, post completum probationis annum, professionem emisit, etiam Plenariam.

§ 7. Nec non cuilibet Religioso intra claustra sui Monasterii viventi, qui in Festo principali sui Ordinis confessus, & Sacra Communione resectus fuerit, aut Missam recitans pro Christianorum Principum concordia, hæresum extirpatione, Romani Pontificis salute, ac Sanctæ Mariæ Ecclesiæ exaltatione pias ad Deum preces effuderit, etiam Plenariam.

§ 8. In cujuslibet verò mortis articulo, si pariter verè poenitens, & confessus, ac Sacra Communione resectus, vel quatenus id facere nequierit, saltem contritus, nomen Jesu ore, si potuerit, sin autem corde, devotè invocaverit, etiam Plenariam.

§ 9. Qui verò ad Presbyteratus ordinem canonicè promotus, & confessus, primam Missam celebrabit, nec non etiam iis Religiosis, qui pariter confessi, ac Sacra Communione resecti eidem Missæ interfuert, aut ipso die Missam similiter celebrabunt, etiam Plenariam.

§ 10. Iis verò, qui de suorum Superiorum licentia, à negotiis per decem dies alieni in cella commorabuntur, aut ab aliorum conversatione separati, in piorum librorum, & aliarum rerum spirituum animos ad devotionem, & spiritum inducentium lectionibus operam suam dederint, addendo sæpè considerationes, & meditationes mysteriorum fidei Catholicæ, divinorum beneficiorum, quatuor Novissimorum, Passionis Domini Nostri Jesu Christi, & aliorum exercitiorum, Orationum jaculatoriarum, aut vocalium, saltem per duas horas in diem, & noctem Orationibus mentalibus se se exercendo, faciendo eodem tempore confessionem generalem, aut annualem, vel ordinariam, Sanctissimum Eucharistiæ Sacramentum sumpserint, aut Missam celebraverint, quoties pro quolibet prædictorum exercitiorum, Plenariam si-

„mili-

„militer omnium peccatorum suorum In-
„dulgenciam, & remissionem misericor-
„diter in Domino concedimus.

„§. 11. Præterea iidem Religiosi intra
„claustra viventes qui suam Ecclesiam de-
„votè visitaverint, & ut præfertur, orave-
„rint, consequantur easdem Indulgentias,
„quas visitantes Ecclesias Urbis & extra
„eam diebus Stationum consequuntur, in
„omnibus diebus perinde, ac si ipsas Urbis
„Ecclesias personaliter visitarent.

„§. 12. Omnibus item Religiosis intra
„claustra ut suprà viventibus, qui quin-
„quies Orationem Dominicam, & toties
„Salutationem Angelicam ante Altare eo-
„rum Ecclesiæ in quolibet die, quinque an-
„nos, & totidem quadragenas.

„§. 13. Iis verò, qui de suorum Superio-
„rum licentia in itinere existentes, aut ex-
„tra claustra degentes, tamquam Prædica-
„tores, & Lectores, quinquies eandem
„Orationem Dominicam, & toties Saluta-
„tionem Angelicam ante, quodlibet Altare
„similiter dixerint, etiam quinque annos,
„& totidem quadragenas.

„§. 14. Nec non etiam eisdem Religiosis,
„qui per mensem integrum singulis diebus,
„spatio mediæ horæ orationem mentalem
„fecerint, ac confessi, & sacra Commu-
„nionem, ultima Dominica mensis huius-
„modi, refecti fuerint, sexaginta annos,
„& totidem quadragenas.

„§. 15. Qui vero contrito corde, & pœ-
„nitentes eorum culpas, & peccata, ac im-
„perfectiones in Capitulis culparum accu-
„sant, & spiritualiter communicant,
„& exercitium virtutum facient, tres an-
„nos, & totidem quadragenas.

„§. 16. Quotiescumque autem delicen-
„tia Summi Pontificis, aut suorum Supe-
„riorum in ditiones, & terras Infidelium,
„aut Hæreticorum ad concionandum,
„aut Catholicos docendum, vel infideles,
„& Hæreticos ipsos ad fidem Catholicam
„convertendum, & Ecclesiæ gremio re-
„ducendum, missi fuerint, si pœniten-
„tes, & confessi, ac Sanctissima Com-
„munionem refecti fuerint, vel Missam cele-
„braverint, ut melius ad huiusmodi opus
„se se parare valeant, pro duabus vicibus,
„videlicet, quando itineri se accingent, &
„quando in Provinciam, ubi prædicta ope-
„ra eis exercenda erunt, ingressi fuerint,
„Plenariam omnium peccatorum suorum

„Indulgentiam, & remissionem miseri-
„corditer in Domino pariter concedimus,
„& elargimur.

„§. 17. Et insuper, cum Superior in visi-
„tationibus generalibus Orationes quadra-
„ginta horarum pro bono visitationis pro-
„gressu collocare voluerit, iis Religiosis,
„qui dictis Orationibus, saltem spatio dua-
„rum horarum in diverso tempore inter-
„fuerint, & ibi pro Christianorum Prin-
„cipum concordia, hæresum extirpatione
„Romani Pontificis salute, ac Sanctæ Ma-
„tris Ecclesiæ exaltatione, nec non disci-
„plinæ, & observantiæ Regularis augmen-
„to, pias ad deum præces, ut suprà dictum
„est effuderint, si confessi, & sacra Com-
„munionem refecti fuerint, aut Missam cele-
„braverint, Plenariam similiter omnium
„peccatorum Indulgentiam, & remissio-
„nem, ut præfertur, concedimus.

„§. 18. Volumus autem, ut omnes supra-
„dictæ Indulgentiæ, & gratiæ Religiosis
„Regularibus cuiusvis Ordinis, tam Mo-
„nastici, quàm Mendicantis dumtaxat, ut
„præfertur, concessæ etiam omnibus Mo-
„nialibus, cuiusvis Regulæ approbatæ, &
„intra claustra cum tribus votis solemnibus
„viventibus, & perpetuam clausuram ser-
„vantibus, tam Ordinariis locorum, quan-
„etiam Regularibus, cuiuscumque Ordi-
„nis, Regulæ, & instituti, subjectis suffra-
„gentur. Præsentibus perpetuis futuris
„temporibus duraturis.

„§. 19. Caterum omnes, & singulas In-
„dulgencias quibuscumque Ordinibus, &
„institutis Regularibus huiusmodi, etiam
„Mendicantium, & quibuslibet personis
„Regularibus, tam vigore privilegiorum
„& litterarum Apostolicarum, quàm vi-
„væ vocis oraculo, aut aliâ quovis modo,
„per quoscumque Romanos Pontifices
„prædecessores nostros, ac nos, & Apo-
„stolicam sedem, hætenus concessas, con-
„firmatas, approbatas, & innovatas, au-
„thoritate, & tenore prædictis perpetuò
„revocamus, cassamus, annullamus, &
„abrogamus, & ad præsentium nostrarum
„litterarum præscriptum reducimus, &
„moderamur. Non obstantibus &c. Romæ
„23. Maii 1606.

2 Quoniam verò plures asserabant, per
confirmationes privilegiorum, ea revoca-
tione posteriores, dictas Indulgentias fuisse
pristino valori restitutas, Alex. VII. die 18.

Martii 1666. illis super hoc silentium indixit, huiusmodi propositionem damnans.

Indulgentia concessa Regularibus, & revocata à Paulo V. hodie sunt revalidata.

Nec datur locus distinctioni scribentium ab Alex. damnari hanc dumtaxat propositionem: *Indulgentiæ revocate à Paulo V. directæ, & expressæ sunt revalidatæ; minime autem affirmantium esse revalidatas cum modificatione, itant propter privilegiorum communicationem redierint ad suos pristinos possessores, si Religio aliqua post revocationem Pauli obtinuerit, ut ab eo revocate, per posteriores Pontifices innoventur, & iterum concedantur.* Id enim cum Decreto Alex. non cohæret, cum ipse absolute velit non esse revalidatas: & adversatur alteri edito à S. Congr. Indulgentiarum, ut *infr. num. 27. in fin.* Quare numquam revalidari dicendum est, nisi expressè per Sedem Apostolicam successi vè innoventur, vel nominatim confirmentur.

3 Cum Paulus in sua Constitutione dicat à se revocari Indulgentias quibuscumque Ordinibus, & institutis Regularibus, etiam Mendicantibus, & quibuscumque personis Regularibus: & Decretum citatum, num. 27. declaret nullius roboris concessas personis Regularibus quarumcumque Religionum, & Ordinum, etiam Mendicantium; sequitur eas dumtaxat revocatas, & abrogatas esse quæ directæ, & principaliter concessæ erant ipsis Regularibus, non verò eas Ecclesiis Regularium visitantibus datas, ut notavit Lezana tom. 3. verb. *Indulg. num. 8.* & declaravit Sac. Congreg. Indulgentiarum ab eodem Paulo deputata: ipseque approbavit apud Lant. verb. *Confrat. num. 11.* Cuius resolutio transmissa fuit Archiepiscopo Bononiensi, ut sequitur: *E perche molti dubitano se per la Costituzione di Sua Beatitude sopra l'Indulgenze concessentivamente alle persone Religiose con revocazione delle antiche, venghino revocate anco l'Indulgenze concesse alle Chiese Regolari, & à quei, che le visitano, ancorche la Costituzione comprehendi chiaramente solo le persone Regolari, senza estendersi alle Chiese loro, tuttavia la Sac. Congregazione per levar ogni dubbio, dichiara, che l'Indulgenze concesse à quelli, che visitano le Chiese de' Regolari, stanno nella loro forza, e vigore, sinche la Santità Sua farà altra deliberatione, e però si possono la-*

sciar pubblicare, quando non offi altra cosa. Alia videas apud Nicol. *Flosc. verb. Indulg. num. 6.* Nec revocantur illæ concessæ Personis de Tertio Ordine; nam proposito dubio Sac. Congreg. Indulgentiarum, & in ea examinato: *An in generali revocatione Indulgentiarum, quæ in Brevis, Romanus Pontifex, Pauli V. habetur, comprehendantur persone quæ substantia Religioni vota non emittunt intra vel extra claustra degentes?* Ipsa respondit, eas minime comprehendi. Et responsum confirmatur ab Innocentio XI. Constit. aliàs 10. Octob. 1686. direct. *Trium Ordin. art. 6. constit. 1.*

4 Nec revocantur per Gobat. cit. part. 1. cap. 27. sub num. 546. & Hasbensem *Summa Select. qq. v. Indulgentia sub num. 222.* Indulgentiæ promissæ datæ Regularibus & Sæcularibus: ut, cum in litteris concessionis à Pontifice apponitur clausula illimitata. *Universis Christifidelibus, qui devotè visitaverint Ecclesiam v.g. S. Maria de Aracali in Festo S. Francisci, Indulgentiam concedimus.* Quia huiusmodi generis Indulgentiæ non sunt datæ primò, & directè personis Regularibus, sed omnibus Christifidelibus; ideo & Regulares in eiusdem S. Francisci Festo, devotè, & ut oportet, præfatam visitantes Ecclesiam, eas possunt lucrari; cum ipsi, sicut cæteri, sint fideles, & non deterioris conditionis.

5 Plenariam à Christo Domino, ad preces Deiparæ, pro omnibus fidelibus, qui Ecclesiam S. Mariæ Angelorum, seu Portiunculæ nuncupatam, in agro sitam Assisien. piè, & devotè visitassent, obtinuit S. Franciscus; quam ad unicum diem restrinxit Honorius III. ad secundam scilicet Augusti, in qua eiusdem Ecclesiæ anniversaria dedicationis memoria recurrit.

Et quia in Decreto sub Innocentio XI. de Apocryphis Indulgentiis S. C. Indulgentiarum declaraverat: *semel autem dumtaxat in die, Indulgentiam in certos dies Ecclesiam visitantibus concessam, vel aliud pium opus per agentibus lucriferi &c.* dubitabatur, an Indulgentiam præfatam lucrarentur fideles toties, quoties Ecclesiam visitarent? pro declaratione dubii fuerunt preces S. R. C. exhibitæ, ut infra.

Episcopus Labacensis à parte Imperii Orator Devotus, E.E. XV. humiliter exponit, quod

quod non obstante Decreto Innocentis XI. de Apocryphis Indulgentiis sub die 7. Martii 1678. quo declaravit, semel dumtaxat in die plenariam Indulgentiam in certos dies Ecclesiam visitantibus concessam lucriferi, pergunt Fratres Ordinis S. Francisci Reformatorum Provincia Carniolie Populo persuadere, Indulgentiam pro die secunda Augusti, de Portiuncula nuncupatam, eorum Ecclesiam visitantibus concessam, toties quoties eadem die lucriferi posse.

Cum autem huiusmodi abusus ad Summum Pontificem ab Ordinariis deferri jubeat S. Congr. Concilii Trid. sess. 25. de reform. c. 21. in decreto de Indulgentiis.

Idcirco Orator querit, & declarari petit: an prefata Indulgentia, de Portiuncula nuncupata, etiam comprehendatur sub Decreto, & Declaratione san. mem. Innocentii XI. supradicta? Pro qua gratia &c.

Die 17. Julii 1700. Sacra Congregatio Eminentissimorum S. R. E. Cardinalium Concilii Tridentini Interpretum, audita relatione Procuratoris Generalis, & Ministri Provincialis, censuit servandum esse solium. (apud Impressorem Cameralem.)

6 Sub revocatoria Indulgentiarum, quae Anno Sancto suspenduntur, memorata Indulgentia non comprehenditur, prout respectivè declaravit, & expressit Innoc. XII. ut infra.

Cum ob Sacri Jubilei celebrationem, à Vigilia Nativitatis Domini Nostri Jesu Christi proximè venturi anni inchoandam, & usque ad finem ejusdem anni duraturam, omnes, & singulas Indulgentias, & peccatorum remissiones, quibusvis Ecclesiis, Monasteriis, Hospitalibus, & aliis locis piis secularibus, & quorumvis Ordinum, etiam Mendicantium Regularibus, sub quibuscumque tenoribus, & formis, ac cum quibusvis clausulis, & decretis, quomodolibet concessas, de Apostolica potestatis plenitudine suspenderimus, ac suspensas esse declaraverimus, easque eodem anno durante, nulli prodesse, aut suffragari debere decreverimus, prout in nostris sub plumbo desuper expeditis litteris, quarum tenorem praesentibus pro expressis haberi volumus, plenius continetur: Nos cupientes, ut Ecclesia Sanctae Mariae Angelorum Domus Ordinis Fratrum Minorum S. Francisci de Observantia, prope, & extra muros Civitatis Assisen. congruis frequentetur honoribus, ad eamque

Official. Cur. Eccl.

Cristi fideles lubentius accedant, quo exinde spiritualibus gratis se uberius refectos conspexerint, tenore praesentium declaramus, mentis, & intentionis nostrae minimè fuisse, nec esse, sub prefata Indulgentiarum suspensione, Indulgentiam utriusque sexus Christifidelibus, praedictam Ecclesiam die secunda Mensis Augusti, à primis vespers usque ad occasum Solis diei huiusmodi visitantibus, & requisita, pro eadem Indulgentia consequenda, peragentibus, concessam, comprehendere, prout minimè comprehendimus, nec comprehensam esse, in verbo Romani Pontificis attestamus: In contrarium facientibus non obstantibus quibuscumque. Datum Romae apud Sanctam Mariam Majorem sub annulo Piscatoris die 21. Augusti 1699.

7 Indulgentiam Portiunculae applicari posse per modum suffragii animabus defunctorum indulgit Innocentius XI. & extenditur ad visitantes Ecclesias Fratrum de Observantia, vel Reformatorum.

Aliàs fel. record. Greg. Papa XV. Praedecessor Noster omnibus, & singulis utriusque sexus Christi fidelibus, verè poenitentibus, & confessis, ac Sac. Communione refectis, qui aliquam ex Ecclesiis Fratrum Ordinis Minorum S. Francisci de Observantia, etiam Reformatorum, nuncupatorum, ubicumque existentium, die secunda Mensis Augusti à primis vespers usque ad occasum solis diei huiusmodi, annis singulis, devotè visitassent, & ibi pro Christianorum Principum concordia, haereticum extirpatione, ac S. Matris Ecclesiae exaltatione, pias ad Deum preces effundissent, Plenariam omnium peccatorum suorum Indulgentiam, & remissionem, misericorditer in Domino concessit, & aliàs: prout in ipsius Gregorii praedecessoris litteris, desuper in simili forma Brevis die 4. Julii 1622. expeditis, quas perpetuis futuris temporibus valere voluit, uberius continetur. Cum autem dilectus Filius modernus Procurator Generalis dicti Ordinis, ut nobis nuper exponi fecit, Indulgentiam Plenariam, & peccatorum remissionem, per dictum Gregorium praedecessorem, ut praefertur, concessam, etiam animabus Christifidelium defunctorum, per modum suffragii applicari posse, summopere desideret: nos piis ejusdem Procuratoris Generalis hac in re, quantum cum Domino possumus, favo-

habilitate annuere volentes, auctoritate Nobis à Domino tradita, ac de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, Indulgentiam plenariam, & peccatorum remissionem Christi Fidelibus prefatis, supradictas Ecclesias Fratrum Ordinis S. Francisci de Observantia, & Reformationum, dicta die secunda Mensis Augusti, ut supra visitantibus, & premissis peragentibus, concessam, etiam Christi Fidelium Animabus, que Deo in charitate conjuncte ab hac luce migraverint, per modum Suffragii, applicari posse etiam, perpetuo concedimus, & indulgemus; in contrarium facientibus non obstantibus quibuscumque. Volumus &c. Dat. Romæ apud S. Mariam Majorem sub annulo Piscatoris die 22. Januarii 1687.

8 Subindè Innocentius XII. Indulgentiam perpetuam, in quocumque die præfatam Ecclesiam visitantibus, concedit, Bullar. Firmiani Const. 46. incip.

Redemptoris, & Domini Nostri Jesu Christi vires, licet immeriti, gerentes in terris, Cælestium munerum thesauros, quorum dispensationem humilitati nostra commisit Deus, fideli, prudentique liberalitate libenter erogamus, sicut pia sublimium Principum, præclari in Ecclesiam Dei meritis fulgentium, ac Religiosorum virorum, propria, alienaque salutis laudabiliter incumbentium, vota postulant, & Nos, ad augendam, fovendamque Fidelium pietatem, profuturum in Domino arbitramur. Itaque spirituali Christi Fidelium ab Ecclesia Sanctæ Mariæ Angelorum nuncupat. Domus Fratrum Ordinis Minorum Sancti Francisci, de Observantia nuncupatorum, prope, & extramuros Civitatis Assisien. assidue (ut accepimus) ex universis Christiani Orbis partibus, devotionis causa, confluentium, consolationi, atque Animarum salutis, quantum cum Domino possumus, benignè consilere, nec non dilecti Filii Bonaventuræ Poerii, Ministri Generalis dicti Ordinis, supplicationibus, etiam totius Ordinis prædicti nomine, Nobis super hoc humiliter porrectis, quibus piè, atque exiè plurius Orthodoxarum Principum preces in idipsum tendentes accessere, favorabilem assensum præbere cupientes, ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, om-

nibus utriusque sexus Christi Fidelibus ad Ecclesiam supradictam, sic, ut præmittitur, confluentibus, qui illam verè penitentes, & confessi, ac Sac. Communione refecti, in quocumque Anni die devotè visitaverint, & ibi pro Christianorum Principum concordia, Heresum extirpatione, ac Sanctæ Matris Ecclesiæ exaltatione, ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valiturus. Volumus &c. Datum Romæ apud Sanctam Mariam Majorem sub Annulo Piscatoris die 28. Augusti 1695.

9 Idem Innocentius plenariam Indulgentiam sub die 17. Augusti 1695. ut in d. Bullar. Const. Commissa nobis la 50. plenius continetur, dedit visitantibus in quocumque anni die Ecclesiam S. Francisci domus Frat. Ord. Min. Conventualium Civitatis Assisien.

10 Opus hic est observare, quòd ad lucranda Indulgentia pro die 2. Augusti, incipiendo à primis Vesperis primæ diei ad sequentis Vesperas, visitanda est ipsa S. Capella, vulgò di Portiuncula. Nam S. Franciscus pro ea ipsam obtinuit. Tum quia pro tempore concessionis ipsa veniebat appellatione Ecclesiæ, tum Sanctæ Mariæ Angelorum, tum de Portiuncula, ut ex Læctionibus 2. notatur. pro die Portiuncula in Breviar. Min. de Observ. Nec grandior tunc erat Ecclesia, ut de præfenti constructa, cuius ipsa diceretur Sancta Capella. Ad lucrandum verò concessam ab Innocent. XII. pro quovis anni die sufficit visitare Ecclesiam illam prægrandem, quæ communiter dicitur Ecclesia S. Mariæ Angelorum, cui est Indulgentia concessa, ut declaravit Clemens XI. de anno 1706.

11 An verò visitatio debeat fieri per ingressum corporalem in ipsam respectivè Capellam, vel Ecclesiam? Non desunt, qui asserant, dum quis ob concursum Ecclesiam visitandam impeditur ingredi, satisfacere visitationi extra portam, ibique orando, ut per Lugo, Bonacinam, & Dianam apud Gobat. tom. 2. oper. moral. tract. 3. cap. 20. num. 129. ex eo, quòd tunc censetur moraliter visitare Verum illud est faciendum, quòd certius, & securius est. Tutiora enim in hac materia sunt sequenda. Ponderando non

non secundum opiniones scribentium Indulgentias lucrari, sed realiter implendo, quæ in Formulæ à Pontifice præscribuntur.

12 *An autem visitatio possit alteri committi?* Hoc pendet à questione: An opera iuncta, per alios impleri possint? Negatur de operibus exigentibus actionem propriæ personæ, ut sunt orare, jejunare, visitare; hæc per alium à lucraturis fieri nequeunt. Si quidem sunt ita actiones personales, ut eam solam personam denominent orantem, jejunantem, & visitantem, quæ illas immediatè, & proximè exercet. Concedunt verò de elemosyna, quam quis per alium potest facere; quia secundum pruden- judicium hominum, non famulus dicitur facere elemosynam, qui de bonis, & domini concessione pecuniam erogat. Macedo de Clavib. Petri lib. 4. cap. 5. in append. de Indulg.

13 *Queritur. An Indulgentia Portiunculæ obtineri possit per viam communicationis?*

Affirmat Rodericus tom. I. qq. regul. qu. 55. à numer. 106. eo quod per communicationem omnia Indulta concessa uni Monasterio. Ordin. Min. omnibus aliis ejusdem Ordinis Monasteriis, tam Virorum, quàm Mulierum, fiunt communia; hæc ille: concludens posse eam Sæculares lucrari, visitando Ecclesias Monialium. Ordinis prædicti.

14 Verùm esse à Roderico recedendum probatur, tum ex praxi ordinis, tum ex Pontificum intentione: etenim, si, vel Ordo, vel Pontifices. censuisset Indulgentiam Portiunculæ posse virtute communicationis suffragari Fidelibus, nec ille directè pro aliis Ordinis Ecclesiis postulasset, nec Summi Pontifices Indulta expressa concessissent & tamen Greg. XIII. ubi supra expressè concessit visitantibus Ecclesias Frat. Min. de Observ. & Reformat. Ab eodem sub eodemmet anno pro suis obtinuerunt Capucini. Et ab Urbano VIII. Const. Exponila 316. Bullar. tom. 5. pro suis pariter Ecclesiis receperunt Claustrales de Tertio Ordine S. Francisci. Nec Conventualibus proprium deerit Indultum. Ideo si expressè Sede Apostolica non concesserit, quod Sæculares visitantes Ecclesias Monialium Indulgentiam lucrari possint, eam visitando non acquirunt.

15 Dum enim mens Pontificum fuit,

quod Sæculares visitando Ecclesias Monialium lucrari possent: Indulgentias concessas Fratrum Ecclesiis, nominatim declararunt, ut Clemens X. in Bulla Canonizationis S. Petri de Alcantara in ejus Const. Romanorum la. 1. Bullar. to. 5. concedens Indulgentiam plenariam perpetuam visitantibus in eius die Festo Ecclesias Fratrum, & Monialium Ord. Min. Quod factum est ab Alex. VIII. in Brevi Redemptoris sub die 7. Decembr. 1690. pro Indulgentia item perpetua, & plenaria in Festis SS. Joannis à Capistrano, & Paschalis Baylon, & alibi sæpè.

16 Agunt de communicatione Indulgentiarum inter Ordines Regulares, Gobat. cit. tract. 4. quæst. 2. cap. 27. n. 550. Hasbenis sum. qq. selectar. ver. privilegium, num. 412. Peyrin. de privileg. regul. ad. Constit. 2. Leonis X. §. 1. num. 3. aliiq. plures sustinentes id privilegii Mendicantes habere, ut Indulgentiæ Templis unius Ordinis concessas censentur ad aliorum Ordinum Tempia, etiam per Sæculares lucrandas; communicatas, & extensas.

17 Sed ampla hæc adeo Indulgentiarum extensio non regit, ut praxis ipsa docet, & communis sensus ostendit in illa Portiunculæ, pro qua acquirenda Sæculares non aliorum Ordinum Ecclesias, sed eas Franciscanorum visitant. Sicut ad lucrandas Indulgentias in aliorum Ecclesiis respectivè concessas, non eas Franciscanorum, sed proprias ipsorum adeunt. Alias Ecclesiis, quibus expressè Indulgentiæ conceduntur, minueretur devotio, ut loquitur loc. cit. Peyrin. & ipse vilesceret Indulgentiæ, per Lezanam.

18 Quinimò, cum Leo X. Con. Dudum per nos la 32. Bullar. tom. 1. inter Mendicantes, etiam Indulgentias communicasset, & Religiosi evulgassent in vim dictæ communicationis posse Sæculares visitando Ecclesias aliorum Ordinum lucrari Indulgentias elargitas Ecclesiæ S. Mariæ de Populo PP. Augustinianorum, declaravit, Sæculares eas lucrari non posse, nisi visitando d. Ecclesiam de Populo; quia gratia facta intuitu Religionis, seu favore speciali erga Religiosos, ad Sæculares non extenditur, Quantum verò ad extensionem pro Religiosis, occurrit ponderandum, quod Paulus V. in Const. alleg. aliis substitutis, revocat omnes alias Indulgentias, quovis modo concessas, adeoque, & concessas per modum communicationis.

19 Nec obstat, si posterioribus Constitutionibus communicationes privilegiorum confirmentur; ut Innocent. XI. Const. *Exponi nobis sub 5. Septemb. 1686.* plures quantum ad hoc Constitutiones confirmat pro Frat. Minor. de Observ. in direct. trium Ordinum Const. 5. Quia Innocentius utitur clausula: *Dummodo sint in usu, nec revocata, aut sub aliqua revocatione comprehensa,* Tum quia confirmatio solum operatur, ut robor accipit privilegium, si adsit, non illud de novo concedit, per *cap. ex parte de privil.*

20 Undè Scribentes excommunicationem quoad ipsos Religiosos sustineri, limitant, ut non censeantur communicari Indulgentiæ. I. Quæ exorbitant, & raro, ac cum difficultate conceduntur, juxta regul. in *cap. si Episcopus de pœnit. & remiss.* quod in generali concessione non veniant, quæ non esset quis verisimiliter concessurus. II. Altaria privilegiata. III. Quæ speciali favore Sedis Apostolicæ erga aliquem Ordinem, Ecclesiam vel Sanctum concessa sunt. Ad quod facit text. in *cap. sanè de privil.* ut apud *cit. Hasbensem,* & Gobat. Unusquisque videat, quid in specie à Sede Apostolica obtinuerit.

Est satis communis divisio Indulgentiæ in plenariam, & non plenariam; perpetuam, & apud tempus; de quibus apud Aucthores dictum.

21 Alia pariter est Indulgentia *localis, realis alia, & alia personalis.* Localis est illa, quæ est ita affixa loco, ut nemo eam lucrari possit, nisi, vel locum visitet, vel in eo oret, juxta expressa in formula Indulgentiæ: ut sunt Indulgentiæ, quæ Templis, Sacellis, & Oratoriis nominatim conceduntur; seu, quæ dantur visitantibus talem Ecclesiam, vel Capellam.

22 An autem, templo diruto, hæc cesset; Resp. Certum est Indulgentiam perire, si Ecclesia non reedificetur, quia fuit concessa Ecclesiæ, non loco. Sed dubium est de illa totaliter diruta, si de novo extruitur? Videtur perire, quia de Ecclesiæ non verificatur, quod eadem moraliter maneat: secus dicendum de Ecclesiæ, quæ successivè reaptatur, in qua priores Indulgentiæ manent, quia in communi existimatione eadem reputatur, Gobat. *cit. tract. 4. p. 2. cap. 6. num. 320.* Macedo *cit. cap. 5. num. 3.*

23 Indulgentia *realis* illa est, quæ rebus

mobilibus, ut Coronis, Imaginis, Crucibus, & Medalis conceditur, & ita eis adhæret, ut nullus possit eam lucrari, nisi apud se rem illam habeat; prout ex Indulgentiarum Formulis, in quibus clausula esse solet: *Omnibus, qui habebunt apud se Coronam, Medalliam, aut Crucem.* Dubia incidentia sunt decidenda juxta articulos in formula expressos. Quare Indulgentiam non lucratur, qui ab alio, dono, vel commodato aut precario recipit Coronam, aut Crucem, quibus est applicata Indulgentia, ex Decreto Alexand. VII. sub die 6. Februarii 1657. relato à Gobat. *cit. c. 37. num. 678.* Qua propter nullus eam obtinet alieno Rosario, vel Cruce utens; prout quibusdam in locis ex ignorantia novi esse in practica.

At petitur; Habet qui duo numismata Sacra, quorum singulis unius anni Indulgentia, dicto uno Pater noster, & Ave Maria, est concessa; petitur, an qui semel ita recitat, possit utramque Indulgentiam lucrari?

Resp. Negative. Idenim non præsumitur esse de mente Papæ concedentis Indulgentiam, & exigentis opus; & dat occasionem negligentiae. Tum quia una Indulgentia lucranda unum opus requiritur: ergo aliud repetitum alia exigit. & hic unum tantum exhiberetur, Layman. *Thol. moral. tom. 2. lib. 5. tract. 7. cap. 6. n. 6.*

Indulgentia verò *personalis* illa est, quæ conceditur non ratione loci, qui visitatur; neque ratione rei, qua quis utitur, sed, vel quia recitatur Rosarium, legitur B.M. Virginis Officium &c. Potest directè concedi, vel integræ Communitati (quam potest quisque ut ejusdem Communitatis pars locari) vel alicui singulari personæ: istoque casu verificatur notissima illa regula juris in 6. *Privilegium personale personam sequitur, & extinguitur cum persona.*

24 Quæritur. An Episcopi possint Indulgentiarum Beneficia concedere?

Resp. Affirmativè, sed non nisi ad Juris præscriptum. Undè, ut ex *cap. Ex eo de Pœnit. & remiss.* in die Dedicationis Ecclesiæ Indulgentiam unius anni, & ultra Quadraginta dies in ejusdem anniversario, vel ob alias causas non possunt excedere, Indè constât in eos potestatem ad Indulgentias conferendas à Pontifice dimanare, qui plenitudinem potestatis obtinet, ut *ibi. text.*

25 Translato Festo, pro quo concessa est

est Indulgentia, non transfertur ipsa Indulgentia, prout ex Decreto Sac. Rit. Congr. 10. Junii 1690. relato in rubr. *Breviar. Min. de Observ. tit. 10. n. 109.*

At Felix tom. I. exam. *Eccles. num. 37. quæst. 5.* dixit, tunc Indulgentiam etiam transferri, tum Festum transfertur non solum quoad Officium, sed etiam quoad Forum, abstinentiam nimirum ab operibus fervilibus. Sed absque fundamento hoc asserit. Siquidem Indulgentiæ pro certo, & determinato die concessæ, tamquam eidem affixæ non transferuntur, nisi à Pontifice hoc expresse concedatur. Quare petentibus PP. Minimis: An, translato Festo S. Francisci de Paula post Octavam Paschatis, transferretur quoque translata Indulgentia, Sac. Congreg. die 20. Novembr. 1694. respondit *negativè, & serventur Rubrica Monacel. form. par. 2. for. 6. tit. 16. n. 9.*

26 Indulgentiæ generatim concessæ Ecclesiis Fratrum pariter, & Monialium, tum in diebus Festis SS. Ordinis, tum in aliis huiusmodi Solemnitatibus, cunctæ æquè obtineri possunt à Christifidelibus, visitantibus Ecclesias Monialium, quæ subsunt gubernio Ordinariorum, prout declaravit Sac. Cong. Reliquiis, & Indulgentiis præposita 27. Februarii 1673. d. Rubr. *Breviar. Franciscani tit. 12 n. 160.*

DECRETUM

De Apocryphis Indulgentiis ab Innoc. XI. approbatum.

27 **D**elatæ sæpius fuere ad Sacram Congregationem Indulgentiis, sacrificiæ Reliquiis præpositam, Indulgentiæ quædam confictæ, & omnino falsæ, quæ per diversas Orbis Christiani partes circumferuntur aliæ verò examinandæ: quæ adhibito studio inventæ sunt, vel Apocryphæ, vel à Romanis Pontificibus revocatæ, vel nullæ, quod datum eis tempus præterisset; quarum quidem plurimæ, cum non facilem cognitionem habeant, Christifideles harum reum minus peritos fallunt, qui spe Indulgentiæ, remissionisque peccatorum suorum consequendæ frustrantur. Quamobrem eadem Sac. Congreg. vehementer cupiens huic malo in dies serpenti occurrere, animarum profectui, & Indulgentiarum

dignitati consulere, plures illarum singulari diligentia colligi, & in Indicem referri curavit.

Tales in primis sunt illæ, uti asserunt, concessæ à Joanne II., & à Sixto IV. recitantes Orationem charitatis Jesu Christi Domini Nostri, *Præcor te piissime Domine &c.* ab Urbano II. Ecclesiæ Sanctæ Mariæ, ut vulgò dici solet, Campagnolæ, & Sanctæ Victoriæ, ab Eugenio III. revelationi de Plaga in humero Jesu Christi factæ Sancto Bernardo, ab Innocentio III. Archiconfraternitati, & Ordini Redemptionis, à Bonifacio IX. visitantibus Capellam S. Nicolai de Tolentino in ejus die Festo; à Joanne XXII. osculantibus mensuram plantæ pedis B. Mariæ Virginis, ab Alexandro VI. Imagini Beatæ Mariæ, vulgò dictæ, Laghetti, à Leone X. gestantibus funiculum S. Francisci, primum in Urbe impressæ, deinde Mediolani anno 1665. (suas tamen habent, & veras Confratres Archiconfraternitatis Cordigerorum Sancti Francis) recitantibus Salvationem Angelicam ad pulsus Horologii, & Imagini Conceptionis Mariæ Virginis Immaculatæ in circulo depictæ, cujus pedibus Luna subjecta est, à Pio IV. vel Pio V. Principi Senarum, à Clemente VIII. dicentibus Orationem: *O Magnum Mysterium &c.* & Ecclesiæ Sanctæ Mariæ, quam vocant Montis Serrati, Avenione impressæ, tum aliæ pro animabus Christi fidelium Defunctorum, impressæ Martiri 20. Julii 1606. à Paulo V. cantantibus Hymnum: *Te Matrem Dei laudamus, te Mariam Virginem confitemur &c.* vel, si die Sabbati interint, dum idem canitur, & Coronis, Rosariis, Imaginibus, & Numismatibus, quæ medalias appellant, ab eo benedictis Federico Cardinali Borromeo supplicante anno 1611. dum Ecclesia Romæ in honorem Sancti Caroli ædificaretur, & ab eodem Paulo, & Gregorio XV. dicentibus: *Sia lodato il Santissimo Sacramento*, ab Urbano VIII. in honorem ejusdem Sacramenti precibus Cardinalis Magalotti, & Sacerdotibus, celebrata Missa, dicentibus: *Ave filia Dei Patri: Ave Mater Dei filii &c.* à Clemente X. recitantes mane, meridie ac vespere consuetam Antiphonam *Angelus Domini &c.* & in fine *De gratias, &c.*

„Ma-

„*Maria*. Ac demum alia à nonnullis, Ro-
 „manis Pontificibus tributæ, ut ajunt,
 „Coronis Myfteriorum Paſſionis Domini
 „Noſtri Jeſu Chriſti, prece magni Ducis
 „etruriæ.

„Talis Indulgentia Sodalitatis Sancti
 „Nicolai, qua, repetita quinquies Ora-
 „tione Dominica, & ſalutatione Angeli-
 „ca, unam liberari animam quolibet die à
 „Purgatorii pœnis affirmant. Tales alia
 „Peruſii Confraternitatis Sanctorum Se-
 „baſtiani, & Rocchi, & Romæ Societa-
 „tis Sancti Bernardi ad Columnam Traja-
 „nam. Tales demum alia Crucesignato-
 „rum Sancti Euſtorgii Mediolani, Arimi-
 „ni, & Bononiæ.

„Eius generis ſunt & illæ conceſſæ, ut
 „ajunt, Cappellæ Roſarii in Eccleſia San-
 „cti Antonii de Rovigo, ſeu Rodigii, vel
 „Eccleſiæ Sanctiſſimæ Trinitatis Bergomi,
 „aut Sancti Petri Montis Todoni in die
 „Feſto Inventionis Sanctiſſimæ Crucis,
 „vel geſtantibus funiculum S. Franciſci de
 „Paula, vel celebrantibus Miſſas Sancti
 „Auguſtini, aut alias quinque in honorem
 „quinque Feſtivitatum Beatæ Virginis, vel
 „recitantibus Officium S. Franciſcæ Ro-
 „manæ, aut Antiphonam: *O Paſſio magna*
 „&c. in memoriam Paſſionis Jeſu, aut Ro-
 „ſarium S. Annæ (quod Congregatio Sa-
 „cerorum Rituum non probat,) aut ora-
 „tionem, quæ impreſſa cum Imagine San-
 „ctæ Annæ circumferri ſolet: *Ave gratia*
 „*plena* &c. (quæ oratio prohibetur) aut
 „Officium Conceptionis Beatæ Virginis
 „Immaculatæ, quod aſſerunt à Paulo V.
 „probatum fuiſſe, aut oratione: *Deus,*
 „*qui nobis in Sancta Syndone* &c. excipitur
 „Indulgentia centum dierum anno 1671.
 „conceſſa precibus Duciffæ Sabaudiæ ad
 „anno 25. cunctis in illius ditione degenti-
 „bus; aut aliam: *Ave filia Dei* &c. poſt
 „Communione recitandam, vel aliquo
 „conſpicio ſigno venerantibus Sanctiſſimi
 „Eucharistiæ Sacramenti Nomen: Indul-
 „gentiæ rurfus octoginta millium anno-
 „rum veteri de Tabula exſcriptæ, quam
 „in Baſilica Lateranenſi aſſervari affirmant
 „pro dicentibus Orationem illam verè
 „piam: *Deus, qui præredemptione Mundi*
 „&c. tum quæ impreſſæ fuerunt Papiæ an-
 „no 1670. ſub hoc titulo *Somm. dell' Indul-*
 „*genze conceſſe dalla Sanſità di Noſtro Si-*
 „*gnore Papa Leone X. all' Imagine della*

„*Concezione della Glorioſa Vergine Ma-*
 „*ria;* vel Piſauri ſub nomine B. Joannæ an-
 „no 1608. evulgatæ, vel Barlettæ, ſeu Ba-
 „ruli à recitantibus quaſdam non ſanè ma-
 „las Orationes lucrandæ: vel Parmæ à viſi-
 „tantibus per Quadrageſimæ dies Eccleſias
 „Tertii Ordinis Sancti Franciſci, vel Piſto-
 „rii, & Vaſtallæ à recitantibus Orationem
 „*Ave Sanctiſſima Maria Mater Dei Re-*
 „*gina Cœli* &c. & alia in peculiari impreſſo
 „libro deſcriptæ, quibus frui dicunt Devo-
 „tos Seraphicos, & Benefactores.

„His annumerandæ ſunt, quæ Cruci-
 „bus Caravacenſibus tributæ dicuntur, vel
 „Coronæ; ſive Stellario Conceptionis Vir-
 „ginis Immaculatæ, quod ex duodecim
 „globulis præcariis conſtat; vel Granis,
 „Crucibus, & Coronis Aloyſiæ ab Aſcen-
 „ſione Hispaniæ Moniales Ordinis Sanctæ
 „Clara; vel menſuræ altitudinis Jeſu Chri-
 „ſti Domini Noſtri: vel Imagini, aut
 „menſuræ vulneris laterie ejus inſiſti; vel
 „Orationi, ut ajunt, in Sepulchro Domi-
 „ni Noſtri repertæ: & Indulgentiæ ut
 „ajunt, innixe relevationi factæ Sanctis
 „Birgittæ, Mechtildi, & Eliſabeth, vel B.
 „Joannæ de Cruce, & conceſſæ, ut aſſe-
 „runt, granis, quæ aliquod ex tribus, gra-
 „nis. tetigerint extantibus penes Roma-
 „num Pontificem, Hispaniarum Regem,
 „& Miniſtrum Generalem Fratr. Minorum.
 „Obſervantiæ Sancti Franciſci.

„Omnes verò, & ſingulas jam dictas In-
 „dulgentias Sacra Congregatio partim ef-
 „ſe conſiſctas, & plenè falſas declarat: par-
 „tim Apocryphas, vel ex alio capite nul-
 „las, quæ nemini ſuffragari poſſunt, eaſ-
 „que in futurum ullo in loco, ut veras pu-
 „blicari, & lucrandas Chriſti fidelibus pro-
 „poni vetat; foliaque, & libros, ubi ſic
 „proponuntur, ſeu aſſeruntur, omnino
 „præcipit aboleri, niſi prædictæ Indulgen-
 „tiæ fuerint diligenter expunctæ: nec ideo
 „tamen vult alias, quas hoc decretum non
 „continet, pro veris, & legitimis, taci-
 „tèque probatis haberi.

„28 Ac demum omnes Indulgentias
 „conceſſas ante decretum Clementis VIII.
 „latum 9. Januarii 1597. Coronis, Roſa-
 „riis, granis, ſeu calculis, Crucibus, &
 „Imaginibus Sacris, vel ante breve Pauli
 „V. quod incip. *Romanus Pontifex* &c. edi-
 „tum 23. Maii 1606. perſonis Regularibus,
 „quarumque Religionum, & Ordinum,
 „etiam

etiam Mendicantium, vel antè Constitutionem 115. Clementis VIII. cuius initium *Quacumque* &c. & 68. Pauli V. incipien. *Qua salubriter* &c. habitas per aggregationem, vel aliam communicationem ab Archiconfraternitate ulla, Ordine, Congregatione, Societate, etiam Iesu, Capitulo, vel ab eorum Officialibus, Superioribus, aliisque personis, vel persona, etiamsi earum, vel ejus mentio specialis, & individua facienda esset, nisi fuerint deinde Romani Pontificis autoritate innovata, aut confirmata, nullius esse roboris, & momenti pariter declarat.

Porro Summaria Indulgentiarum pro Congregationibus Doctrinae Christianae, Confraternitatibus Sanctissimae Trinitatis, & Redemptionis captivorum, Nominis Dei, Rosarii, Beatae Mariae de Mercede, & Redemptionis Captivorum, Beatae Mariae de Monte Carmelo, Centurae Sancti Augustini, & S. Monicæ, nisi ab eadem Congregatione recognita, non permittuntur.

29 Indulgentias verò Stationum Urbis, quæ à Romanis Pontificibus singularem quodam beneficio vel communicata sunt, vel communicabuntur interdum aliquibus locis, Ordinibus, aut personis, diebus tantum Stationum in Missali Romano descriptis, suffragari posse declarat: semel autem dumtaxat in die plenariam Indulgentiam in certos dies Ecclesiam visitantibus concessam, vel aliud pium opus peragentibus, lucriferi.

De quibus relatione facta per Secretarium ad Sanctissimum, cuncta Sanctitas Sua probavit, & inviolatè servari iussit. Datum Romæ die 7. Martii 1678.

30 Subindè Sac. Congr. S. Officii sub die 18. Julii 1703. quoad Indulgentias concessas Coronis B. Birgittæ, & Crucibus Sancti Turribii, disposuit, ut infra.

Examinatis documentis exhibitis ad probandam validitatem Indulgentiarum, quæ, ut asseritur, concessæ fuerunt ab Alexandro VI. Coronis S. Birgittæ, & ab Urbano VIII. Crucibus, quas vocant Sancti Turribii; examinatis etiam quibusdam foliis, impressis Romæ, Venetiis, & forsan alibi cum titulo: *Lotto spirituale per le povere Anime del Purgatorio molto bisognose di Christiano soccorso* &c. in quibus prescribitur modus suffragandi per quamdam speciem

sortis animabus, quæ in Purgatorio cruciantur, maturèque omnibus perpensis: Eminentiissimi decreverunt.

Quoad Indulgentias concessas, ut pretenditur, Coronis Sanctæ Birgittæ, declarandas esse apocryphas, & nullius roboris, ac momenti; sine præjudicio tamen Indulgentiarum à Leone X. dictis Coronis concessarum. 6. Idus Julii 1515.

Quoad Indulgentias, ut pretenditur, concessas Crucibus Sancti Turribii, circa quas fuerunt relata dactyla, alias edita ab hac Sacra Congregatione, tamquam falsas esse prohibendas.

Quò verò ad prædicta folia, impressa cum titulo: *Lotto spirituale* &c. esse ubique suppressenda, non propter suffragia pro iisdem animabus, quæ sancta sunt, sed propter dictum titulum, & modum, qui est prophanus, & Christiana pietate plane indignus.

Nemo igitur cuiuscumque Ordinis, gradus, & conditionis existat, Indulgentias, Summaria ipsarum, si quæ sunt, & respectivè præfata folia promulgare, & apud se retinere, imprimere, vel imprimi curare audeat; sed statim à præsentis Decreti notitia, quicumque eadem summaria, & folia habuerit, locorum Ordinariis, aut hæretica pravitatis inquisitoribus tradere teneatur, sub penis in brevibus, seu Constitutionibus Apostolicis contentis.

In dicta autem Const. Leonis X. à PP. Sanctæ Birgittæ existentibus hic Romæ in platea Farnesia, in causa Sac. Congr. Sancti Officii exhibita, hæc sunt: *Ex Clementi, & infra.*

Et Nihilominus, cum, sicut accepimus, dilecti filii Populus, seu incola, & habitatores loci dicti Monasterii ab antiquissimis temporibus præfato Monasterio preculas, seu patrilogia benedicenda afferre soleant, ut Christi fidelium devotio ad Monasterium ipsum ferventius invalescat, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christi fidelibus, qui per, & super hujusmodi preculas, seu patrilogia, prius per Confessorem generalem benedicta, & recepta, devotè oraverint, pro qualibet Oratione Dominica centum dies, & totidem pro Salutatione Angelica, & pro quolibet Symbolo, si dixerint, vel recitaverint, etiam centum dies Indulgentiarum: nec non pro quo

quolibet psalterio Beata Maria Virginis super illas integrè per eosdem Christi fideles, per se ipsos, aut cum uno socio, vel familiari (qui eandem Indulgentiam consequatur) dicto, vel recitato, septem annos, & totidem quadragenas de iunctis eis Pœnitentiis misericorditer in Domino relaxamus, non obstantibus quibuscumque &c. Dat. Roma apud Sanctum Petrum anno Incarnationis Domini 1515. 6. Idus Julii.

CAPUT XXVII.

Officialis quoad interdictum Ecclesiasticum.

SUMMARIUM.

- 1 *Natura interdicti.*
- 2 *Ejus divisio in locale, personale, & mixtum.*
- 3 *Interdicta Ecclesia, est interdictum Cœmeterium: distingue: & interdicta Civitate sunt interdicta Suburbia.*
- 4 *Interdicto populo, non intelligitur interdictus Clerus; & interdicto Clero absolute, & Regulares interdicuntur.*
- 5 *Quæ Sacramenta tempore interdicti possint administrari?*
- 6 *Sepultura negatur morientibus in interdicto; sed quid de Clericis? ibi lege.*
- 7 *Regulares excommunicantur, si tempore interdicti, vel nominatim interdictum scienter in loco Sacro sepehant.*
- 8 *Matrimonium tempore interdicti non suspenditur, bene verè solemnis benedictio danda Sponsis.*
- 9 *Episcopus conferens Ordines tempore interdicti est irregularis.*
- 10 *Interdicti possunt Ecclesias adire ad audiendas conciones; & possunt eo tempore pulsari Campana pro Ave Maria.*
- 11 *Tempore interdicti ex cap. Alma Mater, possunt quotidie januis clausis &c. celebrari Missa, & alia Divina Officia.*
- 12 *Etiā Regulares tenentur servare interdictum.*
- 13 *Privilegium à Clemente VIII. datum Minoribus tempore interdicti.*

- 14 *An aliis Regularibus suffragetur?*
- 15 *Tempore interdicti possunt Regulares in Ecclesiis admittere eos, qui sunt de Tertio Ordine.*
- 16 *Interdictum differt à cessatione à Divinis, excommunicatione, & suspensione.*

Interdictum Ecclesiasticum (ab interdicendo, seu prohibendo dictum) Est censura Ecclesiastica in locum, vel personas lata, prohibens quorundam Sacramentorum usum, Divina Officia activè, & passivè, & sepulturam interdictis ministrari.

2 Ejus devotio est in locale, personale, & mixtum. Locali interdicatur locus, nè in eo prædicta exerceantur. Personali persona, nè in eo ad præfata admittatur. Mixto personæ simul, & locus interdicuntur.

3 Locale aliquando est generale, totam Provinciam, vel Civitatem afficiens; aliquando particulare, quo interdicatur una, vel altera Ecclesia, sed non omnes. Et sciendum ex cap. Si Civitas §. Rationem, de sent. excommunic. in 6. quod, interdicta Ecclesia, censentur etiam interdicto submissa cœmeterium, & capellæ, præsertim eadem contigua: & interdicta Civitate, sunt interdicta Suburbia, *ibidem*.

Personale item aliquando est generale, quod directè fertur in omnes Castri, vel Civitatis personas; & sic suppositi interdicto, nec in loco proprio, nec in distincto Territorio audire, & admitti possunt ad Divina; quia, ut scripsit Piafec. *prax part. 2. c. 4. art. 11. n. 2.* cum illis deambulat interdictum: ad quod facit *in c. Si sententia de sent. excommunic. in 6.*

Cum interdictum est dumtaxat personale, possunt in Ecclesiis Populi interdicti ad Divina admitti Peregrini, & ceteri, qui non sunt membra interdicti Collegii; quemadmodum, cum est solum locale, posse personas illius loci, nisi causam dederint interdicto, in alio Territorio, interdicto non supposito, participare divina, notavit Piafec. *ibidem ex alleg. c. Si sententia.*

4 Interdicto populo, non intelligitur interdictus Clerus, ex cap. Si sententia tit. cit. ibi expressè: Si sententia interdicti profertur in Clerum, non intelligitur (nisi aliud sit expressum in ea) interdictus populus: nec etiam è converso; quia populus abso-

absolute prolatus pro Laicis supponit. Ipso autem Clero absolute, & impliciter interdicto, & Regulares exempti interdicuntur, ut advertit Miranda Man. *Prelat. tom. 2. q. 37. art. 3. & Lezz. Summ. q. Regul. tom. 3. verb. interdictum num. 5.* Qui non comprehenditur testatur, si non Clerus, sed Clerici interdicantur.

5 Tempore interdicti localis generalis vel specialis, pueris, & adultis propter moræ periculum possunt licite exhiberi Baptismus, & Confirmatio, prout c. *Quoniam eodem tit.* Morientibus quoque adultis non denegatur Sacramentum Pœnitentiæ, ex cap. *reponso, de sent. excommunic.* quod conceditur, etiam posse sanis ministrari, observantis restrictivis adjectis cap. *Alma Mater eodem tit. in 6.* ut infra: Concedimus quod tempore interdicti (loquitur Bonifacius VIII.) ab homine, vel à jure prolati, non tantummodo morientes, sed etiam viuentes, tam sani etiam, quam infirmi ad penitentiam (qua propter pronitatem, & facilitatem hominum ad peccandum, summe necessaria est) licite admittantur; dum tamen excommunicati non fuerint: quos admitti (præterquam in mortis articulo) volumus ad eadem, illis etiam, propter quorum culpam, dolum, vel fraudem lata est sententia interdicti; vel, qui ad perpetrandum delictum, cuius occasione ipsum interdictum est latum, præbuerunt auxilium, consilium, vel favorem; nisi de ipso delicto (si sint tales, quod id facere, valeant) prius satisfecerint, vel de satisfaciendo idoneam dederint cautionem: aut, si satisfacere nequeunt, vel huiusmodi cautionem præstare, juraverint, quod cum poterunt, satisfacient, & ad satisfactionem huiusmodi per eum, vel per eos, qui facere ipsam debent, & possunt, præstandam dabunt consilium, & auxilium, ac juxta posse suum fideliter laborabunt: non est Pœnitentiæ beneficium aliquatenus concedendum. Quæ ministrari possunt in Ecclesia interdicta, si interdictum sit generale: & cum locus sit quoad unam tantum Ecclesiam interdictus, ad Ecclesiam non interdictam pro istis Sacramentis recurritur Piafec. ibidem num. 3. Covar. in cap. *Alma Mater de sent. excommunic. par. 2. cap. 2. à n. 7. vers. Hac venio.*

6 Eucharistia tempore interdicti non negatur decedentibus contritis, & pœnitentibus, textus expressus in c. *permissimus co-*

dem tit. &c. quod in se de pœnit. & remiss. ubi Extrema-UNCTIO, & sepultura negatur morientibus in interdicto. Clericis vero, qui servaverint interdictum, ibid. Clemens III. concedit posse in loco Sacro sine Campanarum pulsatione, cessantibus solemnitatibus omnibus, cum silentio tumulari. Et Clericorum appellatione ex Suar. rex ipse Piafec. num. 4. deducit, quoad hunc effectum intelligi debere omnes personas Ecclesiasticas, ad aliquod servitium Ecclesiæ applicatas.

7 Regulares privilegio exemptionis non possunt se tueri, quin excommunicationem incurrant, si tempore interdicti, vel nominatim interdictos scienter in loco Sacro præsumperint sepelire; ut in terminis Clement. *Eos, qui ad sepulturas,* in casibus ab jure non concessis, quos ibidem explicat Gloss. in ver. *à jure.* A qua non possunt absolvi, nisi prius ad arbitrium Diœcesani Episcopi, eis quibus fuerit per præmissa injuria irrogata, satisfactionem exhibuerint competentem; super quo Gloss. in ver. *ex quibus,* notat, quod relaxato interdicto, illius corpus, quod propter interdictum non fuit in loco Sacro sepultum, poterit ad illum, servatis solemnitatibus, transferri, modò signa contritionis ante obitum exhibuerit.

8 Contractus quoque matrimonii tempore interdicti non suspenditur, ex adnotatis à Gloss. ad d. cap. *Alma Mater in ver. Sacramentis.* Solemnis tamen benedictio tunc sponsis dari nequit, Piafec. num. 10. Et Engel. Colleg. Jur. Can. lib. 5. tit. 39. num. 94. scripsit eos, qui sua culpa specialiter peronaliter interdicti sunt, non posse durante hoc interdicto, licite (tamen si valide) matrimonium contrahere.

6 An autem tempore interdicti possit Sacramentum Ordinis conferri? Negat Covar. cit. §. 3. num. 4. Volpi resol. moral. resol. 82. v. *interdictum* num. 19. Sylvest. ver. *interdictum* 5. quest. num. 6. ad finem. Et irregularitatem non evitat Episcopus Ordines, aut primam tonsuram conferens ut optimè ipse probat Covar. alleg. Qua inodatur per Piafec. n. 11. quilibet in loco interdicto, vel pro personis interdictis, celebrans, vel scienter cum solemnitate exercens actum, Ordini alicui Sacro deputatum (præterquam in casibus concessis) non nisi per Papam dispensanda: efficiturq; ineligibilis,

lis, ac inhabilis ad concurrendum cum aliis ad electionem activam, *cap. expressus, cap. is, qui, cap. is, cui de sent. excomm. in 6.*

10 Interdicti licet ingrediuntur Ecclesiam causa Orationis, dum in ea Divina Officia non peraguntur: possuntque ad eam per Campanæ pulsus convocari ad effectum, ut ad Concionem conveniant, & ad correctionem induci valeant, *alleg. cap. responso*. Et ut moris est, Interdicti tempore possunt pulsari Campanæ ad effectum excitandi Populum ad salutandam B. V. M. Piassec. num. 8.

11 Conceditur, *d. cap. permittimus*, ut tempore interdicti semel in hebdomada, non pulsatis Campanis, voce submissa, januis clausis, excommunicatis, & interdictis exclusis, Missa celebretur causa conficiendi Corpus Christi, ut ibi plenius continetur *In d. c. Alma Mater*, concessio extenditur, ut infra: Quod singulis diebus in Ecclesiis, & Monasteriis Missa celebrentur, & alia dicantur Divina Officia, sicut prius, submissa tamen voce, januis clausis, excommunicatis, ac interdictis exclusis, & campanis etiam non pulsatis, & inferius: In Festivitatibus, vero Natalis Domini, Pasche, Pentecostes, & Assumptionis Virginis Gloriosa, Campana pulsantur, & januis apertis alta voce Divina Officia solemniter celebrentur, excommunicatis prorsus exclusis, sed interdictis admissis: quibus ob reverentiam dictarum Solemnitatum (ut & ipsi ad humilitatis gratiam, & reconciliationis effectum, facilius inclinentur) prefatis diebus participationem permittimus divinorum, sic tamen, quod illi, propter quorum excessum interdictum huiusmodi est prolatum, Alzari nullatenus appropinquent: ad oblationes nimirum, & communionem non admittantur, Volpi *resolut. 93. num. 6.* Concessionem Martinus V. *Const. Ineffabile* ampliavit ad Festum, & Octavam Corporis Christi, *ut in Bullar. tom. 1. Constit. 12. §. 4.*

12 Etiam Regulares cum moderatione *in d. cap. Alma*, tenentur servare Indirecta, sive à Sede Apostolica, sive ab Ordinariis promulgata, per definita à Trid. *sess. 25. cap. 12. de regul.* ibi: *Censura, & interdicta, nedum à Sede Apostolica emanata, sed etiam ab Ordinariis promulgata, mandanti Episcopo à Regularibus in Ecclesiis publicentur, & servantur.*

Quo decreto revocantur privilegia Regularibus ante Tridentinum concessa, ut possent ad Tempus in Festis sanctorum suorum Ordinum suspendere interdictum; habetur ex *d. sess. 25. cap. 22. de Regul.* ob amplissimas clausulas, quarum vigore omnes Regulares, etiam Religionis Hierosolymitanæ obligantur ad observanda disposita, & contenta in superioribus Decretis, ejusdem Sessionis, ibi: *Non obstantibus eorum omnium, & singularum privilegiorum &c.*

Sublatis autem quoad hoc eorum privilegiis absolute, non est dubium verificari in eo pariter, in quo concernunt moderationem esse sublata prout declaravit S. C. C. apud Pignatell. *tom. 10. consult. 1. num. 35.* & apud Peyrin. *de privil. regul. ad const. 2. Sixti IV. §. 11. num. 50.* ibi: Octavum dubium: An privilegia Regularium, quod non teneantur servare interdicta in aliquibus diebus tantum, velut in Festis suorum Ordinum, sint contraria Concilio, & sublata. Respondit ad octavam: privilegia, si ante Concilium concessa fuerint, utique revocata existunt. Quare Greg. XIII. *Const. In tanta la 9. Bullar. tom. 2.* reduxit ad terminos juris communis, & Concilii Trid. *Constit. B. Pii V. Et si Mendicantium la 41. ibid.* in iis quæ sunt Trid. contraria. In qua ibi n. 4. B. Pontifex declaraverat, privilegia Regularium non comprehendisub *d. cap. 12. Trid. de Interdicto: & ad tenorem ipsorum ea suspendis in Festivitatibus, & octavis Sanctorum Ordinum ipsorum.* Super quo Donatus *prax. reg. tom. 3. tract. 12. quest. 36.* Navar. apud Mirandam *tom. 2. in manual. quest. 37. art. 12.* Quidquid nonnulli propria dicta instrumentis non iustificantes scripserint apud d. Peyrinum.

Idcirco, ut possint tempore Interdicti solemniter, januis apertis, Campanarum pulsatione, & cum Laicorum admissione proprias Sanctorum festivitates celebrare, debent post Trid. privilegium specificum obtinuisse, vel obtinere; prout obtinuit Ordo Minorum, ut ex Litteris Clement. VIII. in Bullar. *Roderic. Bull. 4.* ubi indultum extenditur ad Festa Portiunculae, & S. Didaci, ut sequitur.

13 Sacra Seraphici B. Francisci Religionis in Sanctam Romanam Ecclesiam merita poscunt, ut Privilegia, & indulta, illi per Sedem Apostolicam concessa, non modo conserventur, sed etiam amplientur Cum itaque

sicut

sicut accepimus, diversorum Romanorum Pontificum concessionibus Religionis prefate indultum sit, ut temporibus Interdicti, quacumque, etiam Apostolica auctoritate appositum, Festa Sanctorum ejusdem Ordinis, Francisci, nimirum, Bonaventurae, Antonii de Padua, Ludovici, Bernardini, Clarae, Elisabeth, ac Martyrum, solemniter celebrare, perinde, ac si interdictum huiusmodi minime appositum esset, liberè possint; Festa verò Sanctorum Didaci, & Portiunculae in praedicto Indulto minime comprehenduntur; Nos Religionem praedictam amplioribus favoribus, & gratis prosequi volentes, ac Indultorum huiusmodi, & Litterarum Apostolicarum desuper expeditarum tenores, praesentibus pro expressis habentes, supplicationibus dictae Religionis per Dilectum Filium Nostrum Hieronymum Presbyterum Cardinalem Matthaeum, Nobis super hoc humiliter porrectis inclinatis, Religioni praedictae universae, ac cuicumque ipsius Ordinis, sive Familiae Conventui, ut in eorum Ecclesiis Festa etiam praedicti S. Didaci, & Portiunculae, temporibus Interdicti solemniter, prout alia Festa praedicta, ac juxta Indultorum illi concessorum seriem, & tenorem celebrare liberè, & licitè possint, auctoritate Apostolica tenore praesentium concedimus, & indulgemus, ac Indulta praedicta ad praedictas S. Didaci, & Portiunculae Festivitates extendimus, & ampliamus. Non obstantibus Constitutionibus, & Ordinationibus Apostolicis, universalibus, Provincialibus, & Synodalicis, Conciliis editis, generalibus, vel specialibus, necnon omnibus illis, quae in praefatis Indultis, & Litteris Apostolicis concessum est non obstande, ceterisque contrariis quibuscumque. Dat. Tusculi sub annulo Piscatoris 17. Octobris 1595. Pontif. nostri anno 4.

14 An autem hoc privilegium suffragetur aliis Regularibus propter communicationem privilegiorum?

Affirmant Suarez, Portel. & Roderic. apud d. Pignatellum num. 24. putantes, communicationem privilegiorum verificabilem etiam esse in Festorum celebratione, praesertim quoad eos Regulares, qui habent praegnantissimam communicationem privilegiorum ab Apostolica Sede, tam concessorum, quam concedendorum, prout reperitur inter Ord. Mendicantes, Pred. Minor. Heremitar. S. Augustini, Carmelitar. Ser-

vorum B. M. Virginis, & Minimorum, ac Moniales, & Tertiarios dd. Ordinum, ad text. in const. Dudum la 22. Leonis X. Bull. tom. 1. in qua privilegia uni eorum Ordinum data ceteris communicantur.

At in puncto juris est certum, d. privilegium ceteris Regularibus virtute communicationis privilegiorum non suffragari. Nam huiusmodi privilegium est de numero eorum, quae raro, & cum difficultate conceduntur, & speciali nota dignum, quod nullus inficiet; ergo non cadit sub generali privilegiorum communicatione, ut tradunt communiter DD. apud d. Pignatellum. Hinc, si ceteris in specie non concedatur, vel nominatim communicate, non suffragatur.

Nec obstat ratio in contrarium, quia communicatio privilegiorum procedit tantum quoad privilegia, quae non sunt à S. Sede revocata; cum autem privilegium de non servando interdictum in certis casibus, sit à Trid. revocatum; dum Papa alicui Ordini communicat privilegia alterius, non censetur communicare illud, quod aliàs sublatum fuerat, nisi expressè exprimat. Aliàs censeretur priorem revocationem revocare, quod absque fundamento sustinetur; atque ita rueret privilegiorum revocatio, quod non est dicendum.

Maximè verò facit, quod Trid. d. sess. cap. 22. mandans observari decreta ejusdem sess. revocat etiam communicationis privilegium, quatenus istud impediret ipsorum observantiam. Siquidem derogat omnibus privilegiis, quae observantiae obstant. Ideò, ut ceteri Regulares possint in suis Festis Interdictum suspendere, debent in specie obtinuisse, vel obtinere Indultum, aut expressè alteri concessum est eis communicandum.

De poenis, quibus ligantur Regulares non servantes Interdictum, vel à Sede Apostolica, vel locorum Ordinariis impositum, agitur in Clement. Ex frequentibus de sentent. excomm. ubi excommunicantur inobservantes, dum noverint id servari à Cathedrali, Matrice, vel Parochiali.

Quod procedit, etiam si praetendatur et nulliter latum. Et non modò de Interdicto generali, quod fertur in Regnum, vel Provinciam; sed etiam de eo, cui submittitur Villa, vel Castrum, per text. in cap. cum in partibus de verb. signific. sed Trid. d. cap.

12. requirit, ut Episcopus observantiam mandet: quod intelligendum de illo à se imposito; quia quoad impositum à Pontifice sufficit notitia.

15 An autem Regulares possint in suis Ecclesiis admittere ad Divina, januis clausis celebrata, Fratres, & Sorores de Tertio Ordine? Resp. Affirmativè, per expressè disposita à Leone X. d. *Consuevit. Dum intra*; modò causam non dederint interdicto, nec causam ipsam nutrant, aut foveant, nec auxilium, consilium, aut favorem quoquo modo præstiterint. Quo quidem privilegio revocatur prohibitio de eo absolutè facta Minoribus in Clement. Cum ex eo d. tit.

16 Sub eadem excommunicationis pœna ex d. Clement. tenentur Regulares servare Cessationem generalem à divinis. Quæ ab Interdicto differt. I. Quòd ipsa non est censura, sed simplex prohibitio divinorum in signum gravissimi meroris ab Ecclesia concepti propter gravissimam injuriam sibi, vel divino honori illatam. II. Quòd nec in casibus exceptis, & cum limitationibus in cit. cap. Alma Mater, licet tempore Cessationis divina officia celebrare. III. Quia tempore Cessationis à divinis administrari tantum possunt Baptismus, Pœnitentia, & Eucharistia per modum Viatici: ac semel in hebdomada causa conficiendi Corpus Christi pro infirmis licet celebrare, juxta d. cap. permittimus. Tenet Gonzalez in 1. tit. 31. cap. 13. num. 4.

17 Differt quoque Interdictum ab Excommunicatione, tum majori, tum minori, & à Suspensione. Ab Excommunicatione majori, quia hæc vi sua privat absolutè activè, & passivè perceptione omnium Sacramentorum, suffragiorum publicorum participatione, & Fidelium societate, tum in spiritualibus, tum in politicis: sed non adest debitum vitandi excommunicatum, nisi sit notorius, aut denunciatus expressè ex Const. Leoni X. Primitiva sub 20. §. 24. ibid. Quod de interdicto cum tanta generalitate non verificatur ex dictis Item Excommunicatio non fertur, nisi in determinatas personas, cap. Romana de sent. excom. in 6. Interdictum verò potest in integram Communitatem, & locum pronunciari, cap. Non est de sponsalib. Ab Excommunicatione verò minori differt, quia hæc privat solum participatione passiva Sacra-

mentorum, non sepultura, nec divinorum auditione. A Suspensione tandem, quia hæc privat tantum exercitio officii, vel Beneficii Ecclesiastici, & solum afficit Clericos: quando Interdictum, etiam Laicos percutit.

CAPUT XXVIII.

Officialis quoad Juspatronatus.

SUMMARIUM.

- 1 Juspatronatus Laicis competit ex privilegio Ecclesie.
- 2 Juspatronatus quid sit.
- 3 Laici non possunt habere sedes in Presbyterio; ubi de thurificatione, & osculo.
- 4 De erectione Baldachini in Ecclesiis per Principes.
- 5 Arma, & Insignia à Patronis in Ecclesiis, vel Capellis apposita, ab aliis amoveri non possunt.
- 6 Ad acquisitionem juspatronatus concurrunt fundatio, constructio, & donatio Ecclesie, vel Capelle.
- 7 Ecclesie sine dotis assignatione construi non debent, nec consecrari.
- 8 Ex sola assignatione dotis acquiritur juspatronatus in Beneficio.
- 9 Capella, & Altaria erecta absque Ordinaris consensu, non dicuntur de juspatronatus.
- 10 Quando ex reedificatione Ecclesie acquiritur juspatronatus?
- 11 Ex augmento dotis non acquiritur juspatronatus &c.
- 12 Differentia inter Patronum laicum, & Ecclesiasticum, usque ad num. 24.
- 13 Tempus Patrono ad presentandum Clericum ad Beneficium vacans currit à die notitiæ vacationis, usque ad numerum 19.
- 14 In Ecclesiis Parochialibus de jure patronatus Laicorum non fit examen per concursum.
- 15 Cum plures ad eandem Ecclesiam presentantur, ipsi presentati per concursum experimentum faciunt propria habilitatis, usque ad num. 25.
- 16 Forma probandi juspatronatus datur à Trid. sess. 23. cap. 9. de ref. ubi duo genera Personarum distinguit, Potentium, & Privatarum.

- 37 *Privata persona probant ex authentico instrumentofundationis, aut dotationis, usque ad num. 31.*
- 32 *Quot anni requirantur ad tempus immemorabile?*
- 33 *Aliis modis possunt privata Persona juspatronatus probare, usque ad numer. 36.*
- 37 *Ad presentandum non sufficit esse in quasi possessione presentandi, sed debet de titulo juris patronatus doceri.*
- 38 *Appellatione Potentium qui veniant? & de probationis forma per eos faciende super jure patronatus, usque ad num. 44.*
- 45 *Juspatronatus ad alios transferri potest.*
- 46 *In creditorem juspatronatus non transfertur, usque ad n. 49.*
- 50 *Juspatronatus aliud est hereditarium, aliud gentilitium, usque ad num. 53.*
- 54 *Usufructuario competit jus presentandi.*
- 55 *Juspatronatus gentilitium competens illis de Familia, istis extinctis transit ad heredes, usque ad n. 59.*
- 60 *Ubi Patroni in discordia plures presentant, ille instituitur, qui habuit plures voces.*
- 61 *Diversa Sacr. Congregat. Decreta super materia juris patronatus, usque ad num. 66.*
- 67 *Patrono quando conveniat jus sepultura?*

I Juspatronatus acquiritur Laicis fundatoribus Ecclesiarum, & gratia, & permissione quadam, ac privilegio Ecclesiae, ex cap. *Quoniam de jure patron.* Laici enim de jure antiquo in Ecclesiis, etiam per eos ædificatis, vel dotatis, nullum jus habebant, sed statim Ecclesiae ipsæ cum dotibus suis ad ordinationem pertinebant Episcoporum, cap. *Decretum, c. Noverint 10. quest. 1.* & notatur in cap. *Pia mentis 16. quest. 7.* Sed successivè ad ea tempora, Ecclesia constituit, ut ipsi Patroni haberent in Ecclesiis, vel Capellis certa jura, prout expresse cap. *Nobis dist. tit. ut hac ratione Laici inducerentur ad fundandas, & dotandas Ecclesias, vel Capellas, & Beneficia Ecclesiastica. Quod non obscure significat Tridentin. sess. 25. cap. 9. de reformat.*

Official. Cur. Eccl.

ubi decernit, æquum non esse veris Patronis suum juspatronatus non servare, ne tali via Fideles ab operibus piis retrahantur. Hinc patet, quod quicquid juris habet Patronus in Ecclesia, totum ex gratia, & privilegio Apostolico procedit. Quo præciso, juspetronatus non acquireret. Quoniam, cum juspatronatus sit saltem spirituali annexum, per cap. *de jure dist. tit. & cap. Quanto, de judiciis*, cum sua Gloss. in verb. *connexa* (notante juspatronatus censeretur spirituale propter connexitatem, ordinem nimirum ad collationem Beneficii Ecclesiastici) requiritur dispensatio, & privilegium Ecclesiae, alias à Laicis possideri non potest, quia absque tali indulto similis juris capaces non sunt, cap. *Decernimus, de jure patron.* Et propterea constat juspatronatus, quod Laici in Ecclesiis habent, gratiosum esse, eoquod Ecclesia in tali potestate ex gratia sustinere.

2 Quæritur, quid sit juspatronatus?

Respond. *Est jus presentandi Clericum ad Beneficium Ecclesiasticum.* Quod aliàs definiri solet, ut: est *jus honorificum, onerosum, & utile competens alicui in Ecclesia, pro eo quod de Diocesani consensu ipsam construxit, dotavit, vel fundavit ipse, vel is, à quo causam habet.* Ex qua descriptione habetur triplex jus competere Patrono in Ecclesia patronata, *utile, onerosum, & honorificum.*

Jus utile significat, ut si Patronus perveniat ad inopiam, modestè alatur de bonis Ecclesiae, *dist. cap. Nobis citat. tit. maxime, si Ecclesia fructibus abundet, & possit superesse aliquid ultra necessarias expensas pro Ecclesia, Piafec. prax. p. 2. c. 5. art. 1. n. 19.*

Jus onerosum importat, quod Patronus teneatur Ecclesiam ab impugnationibus defendere, & de rebus Ecclesiae sollicitudinem gerere, ne fraudulentur, c. *Constitutum 16. qu. 1. c. Filiis qu. 7.*

Jus honorificum designat plures honorantias competere Patrono in Ecclesia patronata. Competit honor processionis, hoc est, honor presentandi: quem habet Patronus in presentando Clericum, quia sine presentatione non potest Episcopus regulariter institutionem facere, ut probat Fagnan. in 3. ad cap. *Nobis num. 28. de jure patronat.* In quo Patronus est aliis præferendus.

N

Ob-

Observat Piafec. citat. posse Patronos in fundatione Beneficiorum sibi aliquas honorantias reservare; sed turpes non debent esse. Ita nequeunt sibi reservare, quod, Ecclesia diruta, dos ad se ipsos revertatur: quia semel Deo dicatum, ad usus humanos non est amplius revocandum juxta *regul. 51. jur. in 6.* Nec potest reservari conditio, quod Rector Ecclesiæ Parochialis sit ad nutum amovibilis, quia iste debet esse perpetuus. Secus dicendum de Capellano, qui potest esse amovibilis, ita tamen, ut alius non nisi per Episcopum instituitur, ut idem Piafec. ex Genuensi *prax. cap. 102. num. 6.*

An autem quis possit promoveri ad Ordines Sacros ad titulum Capellanix amovibilis à Patrono fundatæ?

Resp. Negative, nisi ex dispensatione Sedis Apostolicæ prout apud Monacell. *form. p. 2. form. 3. num. 17. tit. 13.* ubi recenset, quod Sacra Congr. Conc. aliquando ob penuriam Sacerdotum, vel paupertatem locorum dispensat, ut quis possit promoveri ad titulum Capellanix amovibilis; dummodo sit redditus sufficientis pro victu: accedente obligatione valida Patroni debentis nominare de non removendo ordinando, durante istius vita, prout indulgit in Eugubina 17. Aprilis 1706. & aliàs. Unde Episcopus dispensare non potest.

3. Cæterum non potest Patronus habere locum in Choro, & Presbyterio, juxta Decretum Concilii Moguntini, relatum in *cap. Ut Laici de vit. & honestat. Cleric.* in quo expressè, & generaliter prohibetur Laicis stare, & sedere in Presbyterio, quando celebrantur Divina Officia, ex Sac. Rit. Congr. in Melphitana 15. Junii 1665. & in Baren. 22. Febr. 1687. & decreta renovavit in Neapolitana 13. Martii 1688. apud d. Monacell. *ibid. form. 1. numer. 4. & 5. ad fin. form.*

Quare nec Patronus est admittendus ad sedendum, vel standum in eodem Presbyterio cum ipsis Ministris, ut ex mente Sac. Congr. Conc. respondit Rota in Valentina Capellæ 5. Martii 1599. coram Justo. Et quod sedes Patronorum non intra, sed extra Chorum, in digniori tamè loco sint collocandæ, resolvit eadem Sac. Congr. Conc. 21. Augusti 1587. apud Pignatell. *rom. 4. consult. 16. num. 3.* & iterum 25. Augusti ejusdem anni in Seguntina apud eundem *to. 1.*

consult. 7. num. 37. Idem procedit in genuflexorio honorifico, quod extrà Presbyterium est collocandum.

Quo verò ad thurificationem triplici ductu, licet per regulas cæremonialis Episcoporum debeat soli Episcopo, vel Celebranti, nihilominus; ubi adest immemorabilis consuetudo, quod alii pariter triplici ductu thurificentur, ea est prorsus servanda, prout declaravit Sac. Rit. Congr. in una Casertana 18. Septembris 1632. Ita pariter circa thurificationem ante, vel post Dignitates, & Canonicos, esse recurrendum ad consuetudinem, resolvit eadem Sac. Congr. apud Barbof. *summ. dec. Apost. ver. Thurificatio.*

Quantum autem ad pacem, eadem S. C. censuit in una Granaten. 9. Maii 1606. & alibi, pacis osculum nulli, nec etiam Præsidenti, vel Consiliarii Regis, dandum esse ante Episcopum; sed dandum Domino loci, & aliis Laicis post datam pacem omnibus de Choro: & tunc deberi non à Beneficiato, sed ab aliquo Ministro Cocta induto, non cum osculo, sed cum Instrumento, ut eadem Sac. Congr. resolvit in una Calaguritana 5. Julii 1614. & in una Pacen. 21. Martii 1609. & alibi sæpè apud Pignatell. *cir. consult. 7. num. 30.* Nec ulli Sæculari, etiam Præsidi, dandum est Evangelium de osculandum in celebratione missæ, eadem Sac. Congr. in Lucerina 21. Novemb. 1664. & 13. Martii 1687. apud d. Monacell. *loco cit.*

4. Circa erectionem Baldachini in Ecclesia per Dominos temporales, emanavit Decretum Sac. Congr. Episcop. in una Bojanen. 12. Ianuarii 1618. ut infra: *In Ecclesiis nullus, neque Dominus loci, præterquam Episcopus, Baldachinum potest erigere? & Episcopus omnibus Sacrorum Canonum remediis hujusmodi Baldachinum omnino removeri facere debet, ex eodem Pignatell. ibid. num. 17.* & alibi sæpè, & præsertim in dicta Neapolitana, in qua mandavit, ut Decreta prohibentia personis sæcularibus osculum Evangelii, usum Baldachini, & assistentium in Præsbyterio renoventur. Et iterum 22. Aprilis 1690. approbante Pontifice, declaravit in Decreto de anno 1688. comprehendi non tantum usum, sed etiam retentionem Baldachini, tam in Presbyterio, quam extra; & injunxit Ordinariis Regni Neapolitani, ut facerent ea remove-

movere ab Ecclesiis suarum Diocesium, tam Sæcularium; quàm Regularium: & quoad Ecclesias Regularium procederent ad interdicta, & contra inobedientes ad censuras, autoritate S. Congreg. Monacell. *ibid.*

5 Competit Patronis jus ponendi in Ecclesia, vel Capella patronata inscriptiones, arma, & insignia suæ familiæ, vel sepulchra, & similia: non quidem ad pompam, & inanem gloriam, sed ad excitandos se ipsos, & alios, tum posteros ad virtutem, divinumque cultum, ut aspectu talium admoniti, & vocati moveantur, & ad similia opera pietatis, & ad orandum pro anima Fundatorum.

Nec possunt similia inde amoveri, aut aliis monumentis; inscriptionibus, aut armis præpediri: neque circa Capellam aliqua constitui, per quæ prospectus Capellæ impediatur, sed relinquendus est prospectus undequaque liber. Considerando, quod, concessio prospectu, intelliguntur prohibita omnia, quæ ipsum impedire possunt, *l. inter servitutes ff. de servit. urban. prædior.* Quare, concessa Capella cum Sepulchro, nihil est ædificandum ex omni parte, per quod Capellæ, & Sepulchro, aut eorum prospectui noceatur. Nam prædicta reputantur concessa ad finem, ut devotio, & memoria defuncti ex prædictorum aspectu excitetur. Et hic nota nomine Sepulchri venire non modò locum, qui recipit humationem, sed etiam id omne, quod supra reperitur, ut dixit Genuen. *prax. c. 109. n. 2.*

6 Quæritur. An ex sola fundatione Ecclesiæ, vel Capellæ, acquiratur juspatronatus, seu jus præsentandi Rectorem? an verò requiratur etiam constructio, & dotatio?

Resp. Tridentinum *sess. 14. cap. 12. de reform.* loquitur alternativè, ibi: *Nisi Ecclesiam, Beneficium, aut Capellam de novo fundaverit, & construxerit, seu jam erectam, quæ tamen sine sufficienti dote fuerit, de suis propriis, & patrimonialibus bonis competenter dotaverit, juspatronatus impetrare, aut obtinere possit, aut debeat.* Et *sess. 25. cap. 9. de reform.* ibi: *Titulus juspatronatus sit ex fundatione, vel donatione.* Cæterum, ut quis acquirat juspatronatus, non sufficit, ut fundum assignet pro ædificanda Ecclesia, si nec ipse, vel alius Ecclesiam ædificet. Quoniam

tunc non potest dici Ecclesia de non esse ad esse producta, adeoque neque de ipsa prædicari patronatus, quia de non ente ens prædicari est impossibile: assignato autem præcisè fundo, & non ædificata, Ecclesia est non ens, cum adhuc in rerum natura non existat. Et inde nequit verificari, quod in ea Petronus habeat jus honorificum, onerosum, & utile; quod juxta descriptionem jurispatronatus superius datam debet Patrono competere. Nec satis est construere, vel expensas facere in ædificatione Ecclesiæ, eidem non assignata competenti dote. Neque ex pura hujus assignatione acquiritur, nisi aliàs Ecclesia, vel ab ipso dotante, aut alio fundetur, & construat. Nam, ubi Ecclesia non existit, nullum jus potest Patrono acquiri.

Et hinc sequitur, ex sola fundi collatione non acquiri juspatronatus in Ecclesia, si nemo alius Ecclesiam construat, & dotet, neque ex sola constructione, si nemo alius dotem assignet; neque ex sola collatione dotis, si nullus Ecclesiam fundet, & construat; sed hæc omnia tria debent copulativè ab initio concurrere, juxta illud.

Patronum faciunt dos, ædificatio, fundus.

Sed petitur. An necesse sit, quod omnia illa ab uno simul præstentur, & eadem persona debeat Ecclesiam fundare, construere, & dotare?

Respond. Negativè, sed satis est, quod unus det fundum, alius ædificet, & alius assignet dotem: tunc enim omnes in solidum efficiuntur Patroni, per *cap. Piamenitis, cap. Fringentius, capit. Quicumque 16. quest. 7.* Concordant DD. Archidiaconus, Cardinalis, Abbas, & Lambertinus, & post eos Fagnan. in 3. *ad cap. Quoniam de jure patronat. numer. 49. & Pignatell. tom. 9. consultat. 82. num. 86.* Et ita accipienda sunt jura, quæ disponunt, juspatronatus posse acquiri ex pluribus causis alternativè, hoc est, cum unus dat fundum, alter construit, & alius dotem assignat: unusquisque enim alternativè ex una causa efficitur Patronus ejusdem Ecclesiæ. Quibus omnibus in dicta Ecclesia competunt dicta jura, honorificum, onerosum, & utile. Quæ verificari non possent, ubi unus pro una Ecclesia fundum daret, & alius aliam construeret, ac tertius dotem assignaret alteri Ecclesiæ non ædificatæ, nec ædificandæ.

7 Nec dicas, Ecclesiam ex sola fun-

N 2 datio-

datione, & constructione de non esse, esse ad esse deductam, adeoque fundantem, & construentem esse Patronum: Nam utique Ecclesia foundatione, & constructione deducitur de non esse ad esse; sed dote nondum assignata, deducitur solum incomplete, quoad effectum acquirendi iuspatronatus, & contra juris prohibitionem. Quare notabis, quod licet Ecclesia sine dote construi possit, nunquam tamen debet consecrari, nisi competenter dotata fuerit, per *cap. Cum sicut de consecrat. Eccles. vel Alt. Monacell. for. p. 1. for. 10. num. 4. tit. 6. & tenuit Sac. Congr. Conc. Nullius Galeatæ 27. Novembris 1694.*

8 Sed quid, si à multis annis Ecclesia sit fundata, & constructa, & postea tempore succedente ab alio dotetur?

Resp. Tunc iuspatronatus acquiritur ei, qui de consensu Ordinarii eam competenter dotat, juxta Trid. *d. sess. 14. c. 12. de refor.* Quo casu constructio retrahitur, & Ecclesia videtur dotata ante Consecrationem; sicut subsequens Matrimonium retrahitur ad effectum legitimandi Filios illegitimos, ex *c. Tanta qui fil. sint legit.* De competentia dotis iudicat Ordinarius.

Advertendum, quod ad acquirendum iuspatronatus non sufficit fundatio, & dotatio Ecclesiæ, aut Beneficii; sed de necessitate requiritur consensus Episcopi cum conditione acquirendi iuspatronatus, ut per *Piassec. cit. num. 37.* Quoties itaque iste desideratur, non dicitur Beneficium, sed pium opus, aut pia donatio, ut advertit *Monacell. for. p. 2. for. 1. num. 2. tit. 15.* A cuius auctoritate, & consensu iuspatronatus sufficienter spiritualizatur, *Pignatel. citat. num. 17.* ut vendi non possit.

9 Hinc sequitur, quod Capellæ, & Altaria in Ecclesiis absque Ordinarii consensu erecta, etiam cum congrua, & stipendiis pro Ministris, & celebrantibus assignatis, non dicuntur de iurepatronatus; nec Fundatores, nisi abusive, dicuntur Patroni, sed propriè Benefactores nuncupantur, & relicta, pia legata. Quibus tamen competit jus honorificum ornandi, fabricandi, conservandi, ac affigendi sua arma, & inscriptiones.

Considerandum etiam, quod iuspatronatus, seu jus præsentandi, seu nominandi Prælatum in Ecclesia Conventuali, vel Collegiata, Sæculari, vel Regulari, juxta text. in *Clement. Ut ii de stat. & qualitat.*

non acquiritur ex foundatione, constructione, vel dotatione Ecclesiæ, etiam de consensu Ordinarii; sed est necessarium privilegium Apostolicum in limine foundationis obtentum, per *c. Nobis, & cap. Hinc est 16. q. 1. & sæpius dixit Rot. apud Genuen. prax. cap. 100. num. 19.*

10 Quæritur. An ex reedificatione, seu refectione Ecclesiæ acquiratur iuspatronatus?

Resp. Distinguendum est. Aut Ecclesia non est funditus destructa, aut est prorsus diruta, ut egeat nova Consecratione, juxta text. in *c. Defabrica, de consecr. dist. 1.* In primo casu ex reparatione iuspatronatus non acquiritur reparanti, sed conservatur primo construenti; cum Ecclesia reparata sit eadem numero, quæ à principio fuit constructa, cui iuspatronatus adhæret.

In secundo verò casu adhuc distinguitur. Vel quis Ecclesiam reedificat absque Dicesani consensu, vel de ejusdem licentia cum conditione acquirendi iuspatronatus. Si primum, nullum ius acquirit; quoniam sicut à principio ædificans Ecclesiam absque Ordinarii consensu, iuspatronatus non consequitur, ita nec postea illam reedificans. Si secundum, acquirit iuspatronatus; quia perinde est, ac si ab initio ædificasset Ecclesiam cum reservatione iurispatronatus. Quo casu prior Patronus illud amittit, nisi patronatum habuerit, etiam ex dotatione; nam tunc, si dos esset salva, non amitteret iuspatronatus in totum; cum ædificans de novo acquireret tantum communicationem in iurepatronatus, *Piassec. loc. cit. num. 37.*

An autem primus Patronus retineat iuspatronatus saltem secundum partem, si reedificatio fiat ex eadem materia, & cœmentis?

Respond. Affirmat *Vivianus de iurepatr. lib. 15. cap. 3.* negat verò *Piringh. in ius Can. lib. 3. tit. 38. num. 8. notandum tertio*; concordat *Gonzalez in 2. tit. 1. cap. 3. numer. 7.* Quam opinionem veriore dicit *Glossa ad cap. Quoniam verb. Fundatores de iurepatronat.*

11 An etiam ex augmento dotis patronatus acquiratur?

Respond. Dicendum cum *Piassec. sæpe cit. numer. 36.* quod non ex qualibet dotatione quæritur iuspatronatus, ut si quis modicum daret, ut notat *Glossa in cap. Quicun-*
que

que 16. *quest. 7.* Vel si aliquid in quantitate notabili conferatur, sed non in dotem, sed in vim donationis; nam tunc præsumitur quis dare non prodote, sed ut benefactor, & ut ditator, non dotator, Abbas *in d. cap. Quoniam num. 10. de inrepatr.* Propterea ut ex augmento, dotis acquiratur jurispatronatus, debet conferri expresse de scientia Ordinarii in dotis augmentum, & in summa excedente medietatem dotis, juxta sensum Rotæ coram Ninot. *decis. 73. n. 5. & coram Cerro decis. 526. num. 3. & 4.*

Jurispatronatus dividitur in *Laicale*, quod fundatur ex bonis patrimonialibus; in *Ecclesiasticum*, quod erigitur ex bonis Ecclesiasticis; & *Mixtum*, quod ex patrimonialibus, & partim ex Ecclesiasticis bonis constituitur.

12 *Quæritur.* Quænam sit differentia inter patronum laicum, & Ecclesiasticum?

Plures apud Canonistas leguntur. Prima est, quia patronus laicus habet quatuor menses ad præsentandum; Ecclesiasticus verò sex, *cap. Si laicus verum, §. hoc tit. in 6.*

Secunda, quia laicus patronus, uno præsentato, potest alium successivè præsentare (antequam præsentatus fuerit ab Episcopo institutus) non recedendo à primo, sed accumulando. Et ita non potest variare privativè, quasi possit à priori præsentatione résilire, sed solum cumulativè, hoc est, comulando secundum cum primo, per text. in *cap. Cum autem, hoc tit.* Sed non potest etiam accumulando variare, toties quoties voluerit, sed semel tantum; nam jura loquuntur de duobus, & non de pluribus successivè præsentatis, ut notatur in *d. cap. Cum autem.*

Patrono autem Ecclesiastico non est licitum variare, alium præsentando, etiam accumulativè, ut expresse text. in *d. cap. Cum autem, in verb. Verum Collegium*; & ubi secundum præsentat, præsentatio non tenet; sed prior sustinetur, ubi præsentatus fuerit idoneus, quia qui prior est tempore, jure prior esse videtur, ut textus concludit.

13 Discrimen autem, cur liceat patrono laico, & non Ecclesiastico variare, est, quia Ecclesiasticus plus temporis habet ad inquirendum de Clerico aliquo digno, & habili, *Gloss. in d. cap. Si laicus in notab.*

Official. Cur. Eccl.

14 Tertia habetur ex *Trid. sess. 24. c. 18. de refor.* ubi quantum ad provisionem Ecclesiæ Parochialis, §. *Si verò*, statuit, quòd si Ecclesia fuerit jurispatronatus Ecclesiastici, ac institutio ad Episcopum, & non alium pertineat, patronus eligit digniorem inter probatos ab examinatribus, eumque præsentat Episcopo, ut ab ipso instituatur. Cum verò institutio facienda esset ab alio, quàm ab Episcopo, tunc Episcopus solus ex dignis eligit digniorem; quem patronus ei præsentat, ad quem spectat institutio. Cæterum si Ecclesia sit jurispatronatus laicorum, patronus præsentat, quem maluerit; & sic præsentatus debet ab examinatribus deputatis examinari, & ab Episcopo admitti, si idoneus repertus fuerit. Lege textum.

15 At quæritur, an patrono currat tempus ad præsentandum à die vacationis beneficii? an verò à die habitæ notitiæ vacationis?

Resp. Tempus currere à die scientiæ, ut dixit Rota in una Signina jurispatronatus 12. Junii 1596. & *Gloss. ad cap. Nulla, de concess. præben. ver. intra sex.*

Tempora enim ab jure præfixa patronis ad præsentandum, non currunt, nisi negligentibus, ut dicitur in *cap. Ne pro defectu, de elect. & d. cap. Nulla.* Negligens autem dici non potest, qui propter ignorantiam non operatur; & ignorantia præsumitur propter absentiam beneficiati à loco beneficii; & nisi scientia probetur, per regul. 47. *jur. in 6.* Cum non sit verisimile, patronos neglexisse ius suum, si de obitu beneficiati certi fuissent, *Genuens. cit. cap. 100. num. 7.* Sed in casu ad removendam omnem quæstionem optimum erit, ut patroni de obitu beneficiati ab Episcopo certioresentur, & ad præsentandum moneantur.

26 Sed quid, si super patronatu moveatur quæstio, & infra tempus debitum non terminetur?

Resp. Collatio beneficii devolvitur ad Episcopum, si quæstio super patronatu infra quadrimestre non fuerit terminata, & jurispatronatus sit laicorum, ut in *cap. Quoniam, & cap. Cum propter, hoc tit.* Et si fuerit Ecclesiasticum, nisi infra semestrem terminetur, ut in *cap. Eam te d. tit.* Elapsis illis respectivè menibus, & causa non terminata, potest Episcopus liberè sine præsentatione beneficium conferre, absque tamen præ-

judicio illius, qui juspatronatus evicerit, ut d. c. *Cum propter*. Ita ut lite finita, re-præsentet eum ab Episcopo provifum, Pia-sec. cit. c. 5. art. 2. num. 27.

17 Cæterum hoc procedit, si quæstio super patronatu fit inter Compatronos, & propter illorum discordiam non fuerit decisa infra tempus à jure præfixum. Et in his specificis terminis loquitur text. in dict. cap. *Quoniam versic. Et id ipsum, & in dist. capit. Cum propter*: ibi-- *Propter discordiam Laicorum*. Non verò, si contentio sit inter Episcopum, & Patronum; quia nimirum Episcopus prætendit Beneficium esse liberæ collationis, & Patronus sustinet esse de jurepatronatus ad se spectante: Tunc enim tempus ad præsentandum non currit Patrono, ut supponitur, impedito; nec Episcopus confert Beneficium, aut Ecclesiam, sed ponit ibi Oeconomum, quousque quæstio fuerit terminata, ut expresse notatur in c. *Cum vos de offic. Ordin.*

18 Item, devolutio non habet locum, si quæstio excitata sit inter Præsentatos, ut resolvit Rota dec. 586. num. 7. apud Farinac. in collect. 1. novissimar. Et idem dicendum, si vertatur inter Patronos, & Præsentatos secundum ipsam Rotam dec. 81. in fin. part. 1. recentior. apud d. Farinc. Pariterque hic devolutio non intrat, si lis sit super idoneitate personæ: aut Patroni non possent inter se concordare de persona præsentanda. Sed tunc habet locum dispositio dict. cap. *Nulla*, ut scilicet sex mensibus expectari debeat, & interim ponendus est Oeconomus, ex d. c. *Cum vos*.

19 Sed Episcopus etiam post tempus lapsum potest ex gratia admittere præsentationem Patroni, arg. ex d. cap. *Sicut de supplen. negl. Pralat. in vers. liceat*; quod importat arbitrium. Nisi propter præsentationem indigni inciderit pro ea vice in pœnam privationis præsentationis, & fuerit Patronus Ecclesiasticus; quia, si fuerit Laicus, per præsentationem indigni non videtur pro illa vice privatus jure præsentandi; quia ex dictis potest variare, adeoque facere secundam præsentationem. Sed hoc intelligo verificari, cum præsentavit etiam indignum tempore habili, non verò cum tempus præfixum est elapsum, à quo jus ad Episcopum pro ea vice transfertur, ut possit conferre sine præsentatione.

20 Quæritur. An in Ecclesiis Parochialibus de jure patronatus Laicorum requiratur forma examinis per concursum, & oppositionem præscriptam à Trid. sess. 24. de reform.

Resp. Negativè ex sententia Sac. Congr. Conc. apud Fagnan. in 3. ad cap. *Cum autem de jurepatron. num. 21.* qua declaratum fuit in Parochialibus de jurepatronatus Laicorum non requiri formam examinis per concursum à Conc. Trid. præscriptam c. 18. sess. 24. Nec item requiritur d. forma examinis per concursum in collatione Parochialium jurispatronatus mixti, hoc est, partim Ecclesiastici, partimque Laicalis, prout resolutum ab eadem S. Congr. traditur ab ipso Fagnan. in primum ad cap. *Quoniam de Const. num. 58.*

Et procedit, etiam si Patronus Laicus esset unus, & Ecclesiastici plures, ex ipsa Sac. Congr. Conc. Quæ, re diligenter examinata: *Censuit juspatronatus mixtum, Laicorum pro una parte, Ecclesiasticorum pro duabus, censeri Laicale, quoad hoc, ut non requiratur forma examinis per concursum, ibidem Fagnan. num. 80. & Barb. ad d. cap. Triden. num. 144.* Consideratur enim, quòd per concursum restringitur libertas Patroni Laici ad præsentandum. Quinimò compelleretur plures præsentare: & sæpè extranei vocati ad examen ad formam Concil. & concurrentes, possent magis digni judicari, & ita deberent præferri præsentatis: qua ratione Laici retraherentur à fundatione, & dotatione Ecclesiarum, & præjudicium inferretur patronatibus, quod evitandum est, ne contingat.

21 Sed quid, si plures ab uno Patrono Laico, vel una cum Compatronis fuerint præsentati?

Respon. In hoc casu est necessaria forma examinis per concursum inter ipsos præsentatos tantum; prout decifum ab eadem Sac. Congr. scripsit Pax Jordan. elucubrat. lib. 10. tit. 8. de collat. Parochial. num. 56. ut sequitur: *Veniente vacatione Parochialium de jurepatronatus Laicorum, quando plures sunt præsentati, requiritur examen per concursum inter ipsos præsentatos tantum; ex his, qui factò examine, idonei ab Examinatoribus renunciati fuerint, Episcopus eum eligat, quem cæteris magis idoneum judicaverit, atque illum, & non alium instituet.* Et hic intrat inspectio, quòd quoties Patro-

ni plures præsentant, censentur ea mente id facere, ut dignior ex approbatis, ad mentem Concilii *dist. cap. & Const. in conferendis* 33. *B. Pio V. Bulla tom. 2.* ab Episcopo eligatur.

22 Hic nota, quod licet præsentatus ad Parochialem à patrono laico, non debeat examen per concursum ad formam *Trid. d. cap.* subire; adhuc tamen examinari debet ab examinatore synodalibus, prout *d. c. Conc. vers. Quod si jus*, & ab Ordinario approbari, *cap. 13. sess. 7. de refor.*

23 Item, observa, quod à patrono laico præsentatus, etiam ad beneficium non curatum, sed ad Canonicatum, vel aliud beneficium simplex, est ab Ordinario examinandus de moribus, ætate, & similibus necessariis, ac super litteratura, & peritia, ut dicto *cap. 13. & d. cap. 9. sess. 25.* & examen est de forma, debetque præcedere collationem; nec est instituendus, nisi idoneus. Sed ubi prius fuerit examinatus pro Ordinibus sacris requisitis in instituendo, non est necessarium aliud examen, per *Barb. ad d. cap. num. 11.*

24 Denique pondera, quod examen per concursum requiritur in Parochiali de iure patronatus Ecclesiastico, ex *dist. cap. 18. Conc. vers. Si verò juris*; & tunc debet Episcopus instituere, vel ei beneficium conferre, quem patronus digniorem inter probatos iudicabit, & Episcopo præsentabit, ex *text. in d. cap. 18.*

25 Sed ubi beneficium curatum iurispatronatus Ecclesiastici vacaverit in mensibus Apostolicæ Sedis reservatis, Episcopus ipse, nulla habita ratione patronorum, debet edicta concursus proponere, magis idoneum eligere, & cum habilitatis testimonialibus præsentare instituendum Papæ, Legato, seu eius Nuncio, *Barb. ad d. cap. 18. numer. 139. & Piafec. prax. par. 2. c. 5. art. 2. num. 2.*

26 *Queritur*. Quomodo probandus sit titulus iurispatronatus?

Resp. In hac re servanda est probationis forma à *Trid.* præscripta *d. sess. 25. cap. 9.* ubi duo genera personarum distinguit, unum potentium, & aliud privatorum, ibi: *Decernit S. Synodus, ut titulus iurispatronatus sit ex fundatione, vel dotatione, qui ex authentico documento, & aliis iure requisitis ostendatur, sive etiam ex multiplicatis præsentationibus per antiquissimum temporis*

cursum, qui hominum memoriam excedat, aliasve secundum juris dispositionem. In iis verò personis, seu communitatibus, vel universitatibus, in quibus id jus plerumque ex usurpatione potius quasitum præsumi solet, plenior, & exactior probatio ad docendum verum titulum requiratur, nec immeritabilis temporis probatio aliter eis suffragetur, quam si præter reliqua ad eadem necessaria, præsentationes etiam continuata, non minori saltem, quam quinquaginta annorum spatio, que omnes effectum sortita sint, authenticis scripturis probentur. Quare ex mente Tridentini plenior probatio est à potentibus præstanda, quam à privatis; ex eo, quia in illis cadere potest potius usurpationis præsumptio, quam legitimus titulus iurispatronatus.

27 Quamobrem privata possunt ex authentico instrumento, & scripturis in forma probante exhibitis fundationis, constructionis, vel dotationis probare.

28 Scriptura authentica dicitur, quæ habet requisita, de quibus *DD. cum Gloss. in c. Si scripturam, de fid. instrum. in ver. Authentica*; nimirum, quæ facta est per manum publici Notarii, vel Actuarii, aut per Judicem cum præsentia, subscriptione, & testimonio trium, vel ad minus duorum testium, vel quæ habet sigillum authenticum, *cap. Scripta, eod. tit.* Communiter autem sigilla Episcopi, capituli, personæ in dignitate Ecclesiastica constitutæ, Principis, & Magistratus, authentica dicuntur, per *Gloss. ad d. cap. Scripta, in ver. sigillum.* Sed non sufficit, ut nudum sigillum alicui scripturæ apponatur, ut sit authentica; sed apponens debet se subscribere, vel in litteris exprimere se apposuisse; nam sigillum sine subscriptione, saltem Notarii publici (ut est stylus Curie) est testis mutus, qui in iudicio productus nihil loquitur; si enim solo sigillo plena fides haberetur, facile dolus committi posset, si sigillum ex certis litteris malitiosè detractum aliis affigeretur.

29 Quinimò, ut sigillum aliquid probet, debet esse integrum, & notum, non corruptum, aut incognitum, *cap. Inter dilectos, eod. tit. §. Sed contra.*

30 Pariter scripturæ à quibuscumque confectæ, in forma probante censentur, quæ ex archivio publico desumuntur, auth. *Ad hac, C. de fid. instrument.*

Appellatur autem archivium, locus au-

toritate legitima deputatus, in quo reponuntur scripturæ, instrumenta, & acta, quæ, si postea producantur, fidem faciunt; non tam ratione loci, quam respectu illius, cujus autoritate in Archivio sunt reposita. (Jus Archivi enim tantummodò per Doctores modò competit Prælati Ecclesiasticis majoribus, hoc est, Episcopis, & eorum Superioribus, atque Dominis temporalibus, illis, qui in suis territoriis exercent jura Imperii, & regaliæ.) Sed ut scripturæ faciant fidem, etiam requiritur, ut Archivium sit sub custodia certi Officialis [quem appellamus Cancellarium, vel Archivistam] qui debet testari, quòd scriptura producta, fuit in Archivio reperta, & asservata, aut ex sua originali fideliter exemplata; & transumptum propria subscriptione, & sigillo authentica re. Videndus Piafec. d. par. 2. cap. 5. art. 1. num. 25. & seqq.

Verùm in præsentì materia, scriptura authentica reputatur, etiam decretum, sive Litteræ patentes continentes Ordinarii consensum in scriptis præstitum ad fundandam, vel construendam, aut dotandam Ecclesiam, Capellam, vel Beneficium. Nam litteris Episcopi, ejus Sigillo munitis creditur, tanquam publico instrumento, per Gloss. ad c. post cessione de probat. in ver. litteras, & cir. Piafec. num. 27.

31 Item, ex eodem textu *Persona privata* probant ex multiplicatis præsentationibus effectum sortitis per antiquissimum temporis cursum, qui hominum memoriam excedat. Ex illis enim præsumitur titulus fundationis, vel dotationis, ut tenuit Rota in Romana Capellanix 14. Jun. 1680. coram Vicecomite num. 8. colligiturque ex immemorabili titulus verus, vel præsumptus, quod ex d. cap. 9. sufficit ad probationem.

32 Sed petitur, quot anni exigantur ad tempus immemorabile, & ad docendum de præscriptione iurispatronatus contra Ecclesiam.

Respon. Communior sententia est, antiquissimum, & immemorabile tempus centum annos importare, per DD. concordantes centenariam haberi pro immemorabili, etiam in personis suspectis; & docto de centenaria, esse probatam immemorabilem, qua probata, allegatur optimus titulus, saltem præsumptus; nam ut observavit Gloss. ad cap. Episcopum de præscription. in 6. in no-

tabilibus, possessio centum annorum habetur loco tituli, qui præsumitur ex possessione tanti temporis.

Immemorabilis autem est articulanda, & probanda, juxta praxim traditam à Gloss. in dict. cap. in verb. memoria; & testes debent deponere de visu per 40. annos ante motam litem; de auditu à suis Maioribus, qui etiam ab aliis audiverint; & quòd nec ipsi, neque eorum Maiores viderint, aut audiverint contrarium; de publica voce, & fama per verbum fuit; & quòd non adsit initii memoria; adeò ut si vel unum ex dictis requisitis deficiat, numquam immemorabilis probata censeatur. Rota in Legionen. Parochialis 27. Aprilis 1703. coram Pio num. 3. apud Monacell. in append. dec. 47.

33 Alii legitimi modi, quibus secundum ius vetus probari potest iurispatronatus, admittuntur in illis verbis Concilii, vel alias secundum juris dispositionem. Quare ab illis potest probari. Primò ex litteris institutionum factarum ab Episcopis de Beneficio, tanquam de iurepatronatus, quia, cum agatur de præiudicio eorumdem Ordinarium, non solent, aut certè non debent esse faciles ad instituendos præsentatos, nisi constito sibi priùs de iurepatronatus. Et propterea in probatione iurispatronatus multum defertur attestationibus Ordinarium, tanquam attestantium de re ipsis præiudiciali. Dum enim canonizant iurispatronatus, privant se spe ulterius liberè conferendi; ita plures apud d. Bar. ad d. cap. Trid. n. 30. & Pax Jordan. d. lib. 10. tit. 8. n. 100.

34 Secundò. Ex sententia Episcopi, qua pronuntiavit Beneficium esse de iurepatronatus alicuius, ut cum Rota in Florentina Canoniciatus 11. Decembr. 1615. cor. Burat. tradunt plures apud allegat. Sed sententia debet esse antiqua; & antiqua censetur, quoties quadraginta annis retrò completis fuit promulgata, ut ex Gratiano dixit Barb. ibi. nu. 29.

35 Tertiò. Per insignia Familiæ sculpta in Ecclesia, vel Capella, ac per inscriptiones mentionem facientes de tali Familia; sed debent concurrere alia adminicula, & indicia, alias per se minimè sufficerent, ut observavit Barb. de offic. Episcop. part. 3. allegat. 72. num. 50. & Pax Jordan. num. 102. Adminicula autem reputantur, quando apparent illa esse ita antiqua, prout est

est Ecclesia, vel Capella, in qua sunt; adeò ut non possit assignari alia causa, ob quam fuerint apposita, nisi ipsarum fundatio, vel dotatio. Præsumendum enim est, à patronis fuisse apposita ad conservationem sui juris, & quòd Episcopus non permisisset, ut apponerentur, nisi vel fundassent, aut dotassent; vel quando reperitur adnotatum in libris Communitatis, vel Ecclesiæ, ut tenuit Rota in Romana Capellaniæ 14. Junii 1680. coram Vicecomite, aut in eis visitationum Episcoporum dicitur, quòd tale beneficium fuit tanquam tale collatum, & visitatum, ac cum armis familiæ patronæ repperit. Libri enim visitationum, & Episcoporum enunciationes, quantum ad hoc, saltem magnum præstant adminiculum; maxime si plures sint, vel antiqui, & ab Ordinariis per suos Secretarios, vel Notarios confecti. Concordant DD. quos dat Romaguer. ad Synod. Gerund. lib. 1. tit. 1. cap. 6. num. 6.

36 Quartò. Admittitur probatio ex Chronicis veris, ab immemorabili tempore scriptis; nam his nostri majores adhibere fidem, & nos idem facere possumus, ac debemus, per Gloss. in cap. Inter dilectos, de fid. instrum. in ver. Magis.

Notandum, quòd dum agitur de probatione juspatronatus adversus Ecclesiam, non sufficiunt præsentationes per 40. annos multiplicatæ, cum pulica voce, & fama; quoniam tunc Concilium requirit multiplicatas præsentationes per tempus, quod hominum memoriam excedat. Ideò, ubi per tempus immemorabile non apparet de jurepatronatus, censendum est, Ecclesiam præscripsisse libertatem, prout resolutum videtur à Sac. Congreg. Conc. à qua cum effet quæsitum: *An si quis probaverit se per quadraginta annos præsentasse, & in possessione, vel quasi præsentandi fuisse, admitti debeat ad præsentandum, non obstante decreto Conc. Trident. cap. 9. sess. 25. de refor. ibi: Aliasve secundum juris dispositionem.* Sac. Congr. censuit, *Non debere admitti, atque illa verba, Aliasve secundum juris, &c. ita inteligenda esse, ut non respiciant tempus, de quo jam super expressè Concilium disposuit, & voluit esse immemorabile; sed respiciant alias causas, & alios modos, quibus secundum jus vetus probari potest juspatronatus,* Fagnan. in 3. ad c. Consultationibus hoc tit. n. 12. Ideò non est

attendendum quidquid alii scripserint;

37 Sed quæritur. An existens bona fide in sua quasi possessione juspatronatus, vel præsentandi, si sibi moveatur quæstio super proprietate, teneatur de novo docere de titulo, vel manuteneri debeat in sua quasi possessione præsentandi, etiam post litem motam, & contestatam?

Resp. Est certum, à Trid. d. cap. 9. irritari jurepatronatus cum quasi possessione. Quapropter ad validitatem præsentationis, vel institutionis non sufficit, quòd præsentans communiter reputetur patronus, & sit in quasi possessione juris præsentandi, nisi doceat de titulo, & proprietate juspatronatus ad formam Concilii. Unde Sac. Congr. aliàs censuit, decretum d. cap. 9. sess. 25. circa probationem juspatronatus habere locum, etiam in petitorio; & possessorio. Ideòque admittendam non esse præsentationem, nec præsentati institutionem faciendam esse, nisi probato prius jurepatronatus ad præscriptum ejusdem Concilii. Nec deferendum est Authoribus, qui in oppositum allegantur, quia fortè scripserunt ante Concilium, ut ibid. Fagnan. num. 14.

38 Modò descendendo ad genus personarum potentium, in quibus præsupponitur potiùs usurpatio, quàm legitimus titulus juspatronatus; supponendum est de ipsarum numero esse omnes dominos temporales, quocumque nomine nuncupatos, etiam si recognoscant Superiorem in suis dominiis: Duces, Principes, Marchiones, Comites, Barones, & Potentes de Familia, prout notavit Barb. ad d. cap. 9. à numer. 32. usque 44. Genuen. cap. 63. numer. 6. & Fagn. in 1. ad cap. Querelam, de elect. n. 13.

Prædicti itaque, dum authentico documento non probant juspatronatus ex dotatione, constructione, vel fundatione, obligantur secundum expressa in d. Decreto Concilii ad probandam immemorabilem; at hæc eis non sufficit, ut ibi textus; sed præterea authenticis scripturis probari debent præsentationes continuatæ, & effectum fortitæ; non minori spatio, quàm quinquaginta annorum. Quod est de forma, & substantia probationis, super qua non recipiuntur testes, nec de illis Concilium confidit, cum propter potentiam partis in eis de facili possit cadere præsumptio subornationis, & falsitatis.

39 Ideò probatio per testes personis suspectis

pectis non suffragatur, nisi authenticis scripturis de dd. præsentationibus, forma, & modo præscripto doceant. Cum enim in illis plenior, & exactior probatio, juxta textum Concilii requiratur, non censetur sufficiens, & concludens probatio, si soli testes de immemorabili testentur; sed ulterius necesse est, ut præsentationes pro eo tempore scripturis canonizentur.

40 Nec sufficit una præsentatio, licet habuerit effectum 50. annorum spatio, & ultra; nam Concilium non contentatur unica præsentatione, sed plures requirit, easque effectuat, & continuat, & non interruptas spatio 50. annorum, & id est de forma, ad text. d. cap. 9.

41 Sed quid, si instrumentum authenticum, quo juspatronatus legitime probetur, vel authenticæ scripturæ, per quas docebatur de dd. præsentationibus, sint deperditæ? an per testimonium depositiones super immemorabili, & instrumentis deperditis, constet sufficienter de jurepatronatus?

Resp. Videtur non constare sufficienter; nam juxta dicta Trid. *ibid.* in personis, in quibus juspatronatus plerumque ex usurpatione quæsitum præsumi solet, ultra probationem temporis immemorabilis pro forma requirit, ut præsentationes spatio 50. annorum continuatæ, authenticis scripturis probentur; & ideo non satisficit probando per testes, de quibus Concilium non confidit, ut ex mente Sac. Congreg. decidit Rota in Sabinen. Beneficii 1582. coram Clemen. VIII. apud Fagnan. in 5. ad cap. Cum olim, il 1. de privil. num. 6.

42 Genuensis verò affirmativam defendit d. c. 63. num. 11. concludens, quòd etiam quando probatio per scripturas est de substantia, si sunt deperditæ, admittuntur testes d. cap. Cum olim. In quo expresse deciditur contententa in instrumento perditò probari posse per testes, qui illud perlegerunt; si deponunt de tenore, & quòd erat sine vitio, ut per Gloss. in verb. Sine reprehensione. Et in casu, si deponant etiam, quòd beneficium fuit semper collatum ab Episcopo ad præsentationem patroni. Idque est probandum per testes peritos, legitimos, & juratos; nec censetur Concilium in sua dispositione voluisse comprehendere casum ita extraordinarium: lex enim non considerat, nec aptatur iis, quæ raro accidunt; nam de iis, quæ raro contingunt, non debent jura

fieri, l. Nam ad ea, ff. de legib. Cæterùm præcisè dd. circumstantiis, probationes jurispatronatus à potentibus debent fieri ad præscriptum Concilii, nec est eis aptabilis dispositio d. cap. cum olim. Quin potius, quantum ad illas, reputari debet à Concilio correctum.

43 Sed quid dicendum de jurepatronatus mixto universitatis, vel potentium, & privatorum hominum?

Resp. Non requiruntur ampliores illæ probationes, quas exigit Concilium in iis personis, vel universitatibus, in quibus id jus plerumque ex usurpatione quæsitum præsumi solet; sed satis est ordinarias adhibere. Nam si universitas, vel potentes acquisivissent juspatronatus usurpatione, non permisissent, ut alii compatroni unà id jus acquirerent, nec eos admisissent, sed ipsi totum usurpassent. Et hinc sequitur, vel quòd juspatronatus non usurpaverint, sed iusto titulo acquisiverint, unà cum privatis personis; vel saltem, quòd illud non usurpaverint Ecclesiæ, sed potius præscripserint contra privatos. Quæ sententia videtur approbata à S. Congr. Conc. in Fesulana jurispatronatus. Quæ censuit, In jurepatronatus hoc mixto universitatis, & privatorum, non requiri probationes, quas requirit Concilium, ubi viget præsumptio usurpationis. Quod prius decum fuerat in causa Amien. apud Fagnan. in d. 3. ad cap. Cum propter num. 87. & videndus etiam in 1. ad d. cap. Querelam num. 10. & 11.

44 At petitur. An simplices litteræ patentes baronum, seu universitatum ad juspatronatus præsentantium veniant nomine scripturæ authenticæ ad effectum probandi juspatronatus, ad formam Trid. d. cap. 9.

Resp. Affirmativè ex S. Cong. Conc. 4. Februarii 1651. apud Pignatell. tom. 1. cons. 137. dummodò fuerint exhibitæ in actis & effectuatæ.

45 Quæritur. An juspatronatus legitime acquisitum ad alios transferri possit?

Resp. Affirmativè ex generali regula, quòd cum universitate bonorum, quibus adhæret, etiam juspatronatus transit in eum, in quem bonorum universitas transfertur, per cap. Cum Bertholdus, de sentent. & re judic. cap. Ex litteris, & cap. Cum seculum, de jurepatr. Quod supponitur à Trident. d. cap. 9. ibi: Nec dictum juspatronatus venditionis, aut alio quocumque titulo in alios

alios contra canonicas sanctiones transferre præsumant.

46 Devolvitur juspatronatus vendita hereditate, *d. cap. Cum seculum, de jurepatr.* Si tamen non sit personale, sed reale, connexum, & bonis adhærens; ac vendatur universitas bonorum, aut saltem vendatur universaliter locus, ut Castrum, Feudum, vel Villa, in qua sita est Ecclesia patronata. Alioquin, etiamsi vendantur aliquæ partes, vel aliqua jura tantum, non censetur juspatronatus transire, ut alegatis Abb. & Dec. tradit Piafec. *p. 2. cit. c. 5. art. 1. n. 47.*

47 Dices. Juspatronatus vendi non potest, & Trid. *d. cap. 9. cap. de jure hoc tit. & dum venditur, committitur simonia, quia spirituali annexum, d. cap. & cap. Quanto, de jud.*

Resp. Utique, quia juspatronatus est antecessenter spiritualibus adnexum; eo enim tendit, & id respicit, ut eligantur, præsententurque Ministri Ecclesiastici, qui spirituales actiones peragant, & Divina Officia celebrent; vel quia ad actiones spirituales præparat, & ratione hujus præparationis spirituale nominatur, Gonzalez *in 2. tit. 1. cap. 3. num. 8.* Imò in contractu non est nominandum, nec propter illud augendum est pretium, aliàs vendens illo eo ipso privatur, ut in *d. cap. 9. Conc.* Et Ecclesia acquirit libertatem, Piafec. *cit. n. 48.*

Propterea cum universitate rerum, sive venditis, & donatis, vel fisco addictis, juspatronatus non ministerio hominis, sed ministerio juris in alium transit accessorie propter connexionem, & in quandam necessariam consequentiam rei venditæ, cui adhæret.

48 Neque in translatione jurispatronatus per universitatem bonorum requiritur assensus Episcopi, Piafec. *cit. num. 44.* Nisi ipsum nominatum donetur laico; nam isto casu absque assensu illius donatio non tenet *cap. Illud hoc tit.* Tunc enim non accessorie, sed per se transit. Limitatur, nisi donatio fiat Ecclesiæ, vel loco Religioso, *c. Si laicus hoc tit. in 6.*

49 Quid dicendum de creditore, qui tenet pignori obligata bona, super quibus reperitur juspatronatus?

Dicendum, in creditorem non transire juspatronatus, seu jus præsentandi, ut legitur in *d. cap. Cum Bertholdus*; quoniam in eum nec directum, nec utile dominium

rei pignoratæ transfertur. Creditor enim tenetur restituere omnes fructus, quos percipit ex re pignorata, vel computare in solutionem sortis principalis, ut dicitur in *c. Cum contra, de pignor. & cap. Plures, de usur.* Sed si creditor præsentaret, & ad præsentationem sequeretur collatio beneficii (quæ est fructus jurispatronatus, per DD. apud Fagnan. *in 3. ad d. cap. Ex literis n. 16.*) creditor illum fructum lucraretur contra naturam pignoris, mutuum enim debet esse gratuitum, *c. Consuluit, de usur.*

50 Hic pro pleniori notitia dictæ translationis notari debet, juspatronatus aliud esse hereditarium, & aliud gentilitium, seu familiare. Hereditarium dicitur, quod transit ad quoscumque patroni hæredes, tam sanguinis, quam extraneos. Gentilitium verò nuncupatur, in quo tantum succedunt illi, qui sunt de sanguine, & familia fundatoris, ut sunt filii, & ipsius consanguinei.

51 In hereditario hæredes succedunt, & præsentant per stirpes, non per capita, Clement. *Plures hoc tit.* Præsentatio autem, & successio per stirpes dicitur, cum plures succedentes uni, habent unicum vocem in præsentatione. Et propterea, quia hæredes uni succedunt, unumque repræsentant (qui si viveret, unicum vocem haberet) & ipsi unum votum habent. Quare si unus patronus relinquit tres, aut plures hæredes, isti succedunt patrono defuncto; non ut tres patroni, sed ut unus patronus in jure stirpis. Et ubi discordes fuerint in præsentando, possunt inter se convenire, ut in unum Clericum præsentandum consentiant, vel ut alternis vicibus singulorum præsentent; hoc est, quod unus prima vice, quam occurrit vacatio, alter secunda, & alter tertia, ut post Gloss. *ibid. in verb. Alternis vicibus.* Videatur Fagnan. *ad d. cap. Perlatum n. 15. usque in fin.*

52 Quando hereditarium spectat ad Collegium, præsentatio pertinet ad omnes de Collegio, non ut singulos, sed ut universos collectivè, adeòt tota Communitas constituat unum actum præsentationis, Piafec. *cit. n. 43.*

53 In gentilitio verò præsentatio fit per capita, quia omnes de familia in capita æquè succedunt, ad quos ut ad singulos præsentatio spectat, *ibid.*

54 Quæritur. Petrus institutus N. N. hæredi-

redibus suorum bonorum, inter quæ habet juspatronatus beneficii, relinquit eorundem bonorum usufructuarium uxorem, petitur, an jus præsentandi competat hæredibus, vel uxori?

Resp. Jus præsentandi pertinet ad uxorem usufructuariam omnium bonorum. Ponderando, quod præsentatio, & cætera spectantia ad juspatronatus computantur inter fructus hæreditatis; quos certum est spectare ad usufructuarium, Fagnan. *ad cap. Ex litteris num. 57. hoc tit.* Apud quem plures, concordantes juspatronatus transire etiam ad usufructuarium universalem, & non remanere apud hæredem proprietatis; ad quem tamen revertitur, finito usufructu, ut latè Lambertin. *de jurepatr. par. 2. lib. 1. quæst. 10. princip. art. 3. ubi etiam num. 22. vers. Posses etiam dici.*

An autem juspatronatus transeat in fideicommissarium? Resolvitur affirmativè, si juspatronatus sit reale, bonis annexum, & hæc universaliter in ipsum transeat. Transit etiam cum dote uxoris; sed maritus præsentat, quia maritus habet jus percipiendi fructus ex dote.

55. Quæritur. An juspatronatus gentilitium competens illis de familia, & agnatione, seu cognatione fundatoris, istis extinctis, transeat ad hæredes ultimi de illa familia, vel extinguatur, & Ecclesia libertatem recuperet?

Præmittitur, cognationem, seu consanguinitatem definiri: *Est vinculum personarum ab eodem stipite descendantium, carnali propagine contractum, cap. Series, 35. quæst. 5.* & dicitur consanguinitas, quasi sanguinis unitas, & cognati ab eo dici putantur, quod quasi unà, communiterve nati, vel ab eodem orti, progenitivè sint.

56. Modo, ad partem negativam est Lambertin. *cit. 2. par. art. 5. 2. quæst. principal.* & tradit extingui; adduciturque auctoritas Baldi *conf. 400. circa primo num. 1. & 2. vol. 2.* In quo consultus, an juspatronatus concessum filiis post eorum obitum transiret ad extraneos hæredes? Stetit pro negativa. Considerans, quod juspatronatus concessum filiis, videtur denegatum extraneis, ea qualitate carentibus. Siquidem expressio, *illorum de familia*, hoc casu censetur taxativè facta ad exclusionem aliorum hanc qualitatem non habentium. Quemadmodum juspatronatus relictum filiis masculis,

in eorum defectum non transire ad feminas, sed extingui, & Ecclesiam remanere liberam, dixit Genuen. apud Fagnan. *cit. ad d. c. Perlatum hoc tit. num. 17.* Quoniam expressio masculorum censetur facta ad exclusionem feminarum.

57. Pro solutione distinguendum est, vel fundator voluit juspatronatus esse illorum de familia taxativè, itaut ad eos tantum pertineat, & non ad eorum hæredes, & tunc certè ad hæredes extraneos non transit, sed extinguitur, extincta agnatione, & Ecclesia fit libera. Potest enim fundator in fundatione juspatronatus inducere in præjudicium descendantium, vel extraneorum hæredum, prout ei libuerit, arg. ex *cap. Si laicus, hoc tit. in 6.*

58. Vel juspatronatus fuit concessus illis de familia simpliciter, & sine ulla taxatione: & hoc casu simpliciter transit, etiam ad extraneos hæredes, non ex provisione hominis, sed ex provisione legis. Etenim provisio hominis regulariter non tollit provisionem juris communis in eodem casu; & casus omissus relinquitur dispositioni juris communis, *l. Si cum dorem, in princ. ff. solut. matrim.* Sed juspatronatus ex provisione legis est transitorium, etiam ad extraneos hæredes, ex *d. cap. Perlatum*, ubi littera de hæredibus indistinctè loquitur, & tenet Gloss. in *cap. Considerandum, 16. quæst. 7.* ergo provisio hominis in reservando juspatronatus illis de familia non facit, quin illis deficientibus, ex provisione legis ad extraneos hæredes transeat. Sic enim provisio hominis convenit cum provisione legis, & utraque in suo casu servatur; hoc est, illa hominis, quando superstes erit aliquis de familia; Illa verò legis, ubi familia defecerit, maxime si homo non loquitur exclusivè ad alios, nam tunc, quia expressè loquitur homo, lex silet.

59. In casu autem fundator non loquitur cum exclusione ad extraneos. Nec obstat, quod juspatronatus fuerit reservatum illis de familia, & in instrumento isti nominentur, & non alii. Nam verba illa, *de familia*, non important taxativam aliquam, nisi addantur alia verba taxationem denotantia, sed stant solum demonstrativè. Et quando aliquam taxationem important, intelligenda essent durante familia, non autem ea deficiente. Et ideò familia extincta, casus à fundatore omissus regulari debet ad
juris

juris dispositionem; ita Genuen. c. 101. n. 1. Fagnan. cit. nu. 27. Et resolvit Rota in una Cremonen. juris patronat. 6. Junii 1578. coram Card. Seraphino.

Per quæ patet, rationem ex adverso productam nihil concludere.

60 Quæritur. Decem sunt patroni ejusdem beneficii, & in discordia præsentant, quinque Cajum, tres Titium, & duo Le-lium; quis eorum est præferendus, & ab Ordinario instituendus?

Resp. Cæsus præsentatus à quinque, cap. Quoniam hoc tit. ibi: Qui majoribus juvatur meritis, & plurimorum eligitur, & approbatur assensu. Quare ille præsentatus in discordia patronorum præfertur, qui idoneus est, & habet plures voces. Et ita illa præsentatio valida est, quæ facta est à majori parte patronorum respectu minoris, licet non sit facta à majori omnium; in quo præsentatio differt ab electione. Etenim in hac non sufficit, ut quis eligatur à pluribus partibus comparatione minorum, sed requiritur major pars Collegii, per text. in cap. Ecclesia, il primo de elect. & Clem. Exivi de verb. signif. & diximus sup. c. 16. n. 18.

Non nego me potuisse dictis alia plura addere, sed ne nimis displiceam, remitto Lectores ad citatos Authores. Verum hoc unum, vel alterum adjiciam.

61 Primò, quod jus patronatus aliud est activum, aliud passivum. Activum est, ex quo patronus potest præsentare ad beneficium. Passivum verò, per quod certi de aliqua familia (si idonei adsint) exclusi extraneis, debent ad beneficium præsentari, & admitti.

62 Secundò. Quòd Episcopi non possunt visitare Capellas, sive Altaria de jure patronatus laicorum in Ecclesiis Regularium erecta, quibus cura animarum non imminet, ex Sac. Congreg. apud Fagnan in primum ad cap. Grave, de offic. Ordinar. num. 48. & Pignatell. tom. 10. consult. 39. num. 9.

63 Tertiò. Quòd negligentia patronorum in præsentando non punitur in pecunia, sed juris sui amissione pro illa vice, Sac. Congr. Episc. in Piscien. 30. Januarii 1582.

64 Quartò. Quòd patroni laici non possint tenere claves suarum Capellarum, ead. Sac. Congr. in Jannen. 18. Martii 1587.

65 Quintò. Quòd Fundatori Conventus concedendum est jus patronatus hono-

rificum, & quod in collectis exprimantur nomina defunctorum, non autem vivorum, 14. Januarii 1606. & 3. Aprilis 1620. Pascucc. v. Jus patronat. in fin.

66 Sextò. Quòd patronis Capellarum, sive Altarium, quæ sunt inornata, & indotata, præfigitur terminus ad ea refarcienda. Unde possunt concedi aliis patronis, qui eis provideant, si proprii post tertiam monitionem cum aliquo intervallo, vel termino non adeò coarctato, ab Ordinario faciendam, id præstare negligant, vel recusent; daturque Regularibus, & aliis Superioribus Ecclesiarum facultas disponendi de eis ad libitum. scilicet diruendi, vel aliis concedendi, eadem Sac. Congreg. in Mutinen. 2. Maii 1601. & 2. Januarii, & 3. Julii 1602. & 16. Februarii 1603. & 9. Januarii 1604. & 9. Octobris 1618. prout legitur in Pignatello tom. 9. consult. 82. num. 142. & seqq. vide, quæ dixi supra cap. 9.

67 Septimò. quòd patroni inter propria jura non habent jus sepulturæ, nisi in fundatione illud sibi reservaverint. Quare sunt sepeliendi in Parochia, nisi alibi elegerint, vel habeant sepulturam, Petra tom. 2. ad Constit. 7. Greg. IX. n. 14.

C A P V T XXIX.

Officialis quoad jus Regaliæ.

S U M M A R I U M.

- 1 Agitur de significato Regaliæ.
- 2 Ejus legitima descriptio.
- 3 Fructus Ecclesiæ vacantis restituntur successori Prælati.
- 4 Taxantur pœna adversus usurpantes bona Ecclesiarum.
- 5 Tempore Sedis vacantis fructus conservantur apud Oeconomum.
- 6 Opinio modernorum Regalistarum.
- 7 Impugnatur.
- 8 Jus patronis ab jure Canonico concessa.
- 9 Agitur de origine juris Regaliæ.
- 10 Fenda Ecclesiis à Principibus collata.
- 11 Investitura describitur.
- 12 Duo in investituris reprehenduntur.
- 13 Pontifices investituras reprobarunt.
- 14 Henricus V. investituras cedit Ecclesiæ.

15 Quid.

- 15 *Quid in Conc. Lugdunensi 11. dispositum sit de jure Regalia.*
- 16 *Extensio Regalia prohibita in eodem Concilio.*
- 17 *Quaedam propositiones adversus Primatum Romani Pontificis.*

§. I.

Suprema Pontificis Romani potestas in temporalia Principum.

- 1 *Romanus Pontifex habet indirectam potestatem in temporalia Principum, usque ad 6.*

§. I I.

Primatus Romani Pontificis supra Concilium Generale.

- 1 *Pontifex Romanus est supra Concilium Generale.*
- 2 *Papa est supra omnes Episcopos, etiam in Concilio congregatos.*
- 3 *Concilia à Papa robur accipiunt, & ab eo confirmantur.*
- 4 *Concilia confirmationem petunt à Summo Pontifice, usque ad 6.*
- 7 *A Pontifice ad Concilium appellatio prohibita.*
- 8 *Qua ratione Papa sit filius Ecclesie.*
- 9 *Concilium absque Papa congregatum est acephalum.*
- 10 *Referuntur fragmenta historia Concilii tum Pisani, tum Constantiensis, & Basiliensis, usque ad 21.*

§. I I I.

Primatus Romani Pontificis supra jus positivum Ecclesiasticum.

- 1 *Romani Pontificis præminentia supra jus positivum, usque ad 4.*

§. I V.

Romani Pontificis infallibilitas etiam extra Concilium.

- 1 *Romani Pontificis infallibilitas in definiendis questionibus fidei, & morum, usque ad 3.*

- 4 *Epitome nonnullarum propositionum, quæ à Romanis Pontificibus extra Concilia fuerunt proscriptæ.*

- 5 *Romani Pontificis infallibilitas in definiendis etiam questionibus tum facti connexi cum fide, tum facti dogmatici.*

- 6 *Errores Quietistarum proscripti ab Innocentio XI. usque ad 9.*

- 10 *Forma regendi Ecclesiam non est Democratica, nec Aristocratica, sed Monarchica, usque ad 15.*

IUS Regaliæ scriptoribus Italis vix notum, ab exteris in sua natura alteratum, non semel gravissimis contentionibus causam dedit. Cum enim plures pro Curia Principum scripserint, ipsum plus æquo extenderunt, & importabili servitute Ecclesias gravarunt; contra quos exscribenda nonnulla ex probatis Authoribus suscepimus.

I. Regalia itaque varia significat. In plurali, denotat.

I. Collectam, quæ fit mandato Regis, vel Imperatoris, aut tributum, quod Regi debetur, cap. Si tributum 17. quest. 1. & juxta expositionem Gloss. in cap. Præterea, lib. 2. de jure patron. verb. Regium; aut jura, quæ Imperatori solvi consueverunt, ut portus, vectigalium, & similia, quæ domini independentiam præferunt, & ad jura Principatus censentur spectare, Gloss. in cap. Generali, de elect. in 6. in verb. Regalia, allegans lib. Feud. cap. Quæ sint Regalia.

II. Significat feuda, quæ Imperator, vel Reges iis concedunt, quos muneribus augere intendunt, sed ea lege, ut ipsi teneantur fidelitatem exhibere, & aliqua honesta servitia præstare, prout DD. concordant in tit. de feud. & proinde non ineptè consueverunt vocari, Beneficia regalia.

III. Significat Castra, Civitates, & bona, quæ Ecclesiæ Romana à Christianorum Principum pietate recepit; & dicuntur non modò patrimonium, verùm & Regalia B. Petri, prout expressè in restitutione investiturarum ab Henrico V. Imperat. facta, ut in casce ad constit. unic. Calisti II. Bullar. tom. 1.

2 Tandem, jus Regaliæ in singulari usurpatæ, nihil aliud est: Quam jus quoddam custodiæ, & depositi; ut cum aliqua Ecclesiæ Cathedrali vacante, fructus inter-

rim,

rim, qui proveniunt, à Principibus loci custodiuntur, aut eis in depositum committuntur, ut eos novo Ecclesiæ Pastori integros restituant.

3 Siquidem Sacris Canonibus cavetur, quòd fructus Ecclesiæ vacantis Successori Prælato, non alteri cedant, nisi Sedes Apostolica aliud disponat, nec possunt alienari. Ita Alexan. III. in *cap. Cum vos, de offic. Ord.* loquitur Episcopo Cantuariensi, et eiusque suffraganeis, ibi: *Fraternitati vestra mandamus, quatenus si quando in vacantibus Ecclesiis, in quibus Ecclesiastica persona presentationem non habet, vel quia persone minus idonea presentantur, vel alia de causa, de iure personas non poteritis in eis instituere, appellatione remota, ponatis Oeconomus, qui debeant fructus percipere, & eos, aut in Ecclesiarum utilitatem expendere, aut futuris personis fideliter reservare, cap. Quia sæpe, de elect. in 6. ab officio, & beneficiis suspenduntur singulares persone Conventus, Capituli, & Collegii, occupantes bona Ecclesiarum, Cathedralium, Regularium, & Collegiorum tempore vacationis obvenientia, cap. In quibusdam, de pæn. Patroni, Advocati, &c. vendicantes sibi in Ecclesiis etiam vacantibus, plusquam iura permittant, per censuram compescuntur, & cap. Præterea, il 2. de iure parr. legitur: *Præsenti Decreto statuimus eos, sive Advocati, sive Patroni, vel Vice-Domini, sive Custodes, vel Guardias habentes, seu quocumque nomine censeantur, à gravaminibus Ecclesiarum cessare.**

4 Tridentinum pariter *sess. 22. cap. 11. de refor.* submittit excommunicationi Papæ reservatæ (& patronatu, si patroni fuerint, ipso facto privantur) occupatores, & sibi præsumentes usurpare alicuius Ecclesiæ bona, fructus, & iurisdictiones, *cap. 3. sess. 24. de reform.* prohibet; ne patroni se immisceant in proventibus bonorum Ecclesiæ. *Nisi quatenus id eis ex institutione, aut fundatione competat, & sess. 25. cap. 9. de reform.* repetit dispositionem, & patronis vetat, ne ulla causa, vel occasione se ingerant in perceptione fructuum, & proventuum beneficiorum, qui fuerint etiam de iure patronatus ipsorum: *Sed illos libere Rectori, seu Beneficiario, non obstante etiam quacumque consuetudine distribuendos dimittant.*

5 Provisio autem Oeconomi, Sede Episcopali vacante, iam fuerat sub dispositione Conc. Gen. Chalcedonen. *can. 25. statuentis* proventus Ecclesiæ viduatæ pœnes Oeconomum eiusdem Ecclesiæ intactos, & integros reservandos esse. Quod decrevit etiam Synodus Quinisexta *can. 25. relato in cap. Non licet 12. quest. 2. Subindeque Trid. d. sess. 24. cap. 6. de refor.* repetit faciendam esse à Capitulo electionem Oeconomi, qui de Ecclesiæ vacantis fructibus, & proventibus curam gerat, redditurus postea Episcopo electo rationem; & proinde, ut de eius fidelitate constet, debet inventarium de fructibus conficere, & nil alienare, nisi fructus, qui servando servari non possunt; isti enim ut vendantur; expedit Ecclesiæ; sed pretium non debet sibi imburse, sed reservare novo Prælato.

Nec ab alio est Oconomus constituendus, quàm à persona Ecclesiastica, per alleg. iura, & per *cap. etiam 18. sess. 24. de reform.* Neque alius deputandus est, quàm Clericus. Quoniam res Ecclesiasticæ à Clericis tractari debent, & potest persona Ecclesiastica facilius ab Episcopo cogi ad rationem reddendam, per l. Omnes, §. Nihilominus, C. de Episc. & Cleric.

Sed inter tot Sacrorum Canonum præsidia impediri non potuit, quin plurimorum cupiditas, & auri fames adversus Ecclesiasticas leges olim prævaluerit; adeò ut, quæ dicebatur custodia, cœperit esse occupatio, & ipsorum patrimonium, Tutela verò protectionis, qua defendere debebant temporalia Cathedralium, maximè vacationis tempore, formam gravaminis accepit. Et sic, quod ad defensionis subsidium fuit inventum, ad depressionis dispendium accessit, prout alias conquestus est Innoc. III. *d. cap. In quibusdam.* Plures enim iure custodiæ non contenti; ad occupandos Ecclesiarum vacantium fructus processerunt, eos in usus proprios convertendo. Quinimò ulterius progredientes, ordine rerum mutato, in alienam messem falcem ponere non horruerunt, conferentes pleno iure beneficia Ecclesiastica, Episcopali Sede vacante; ab aulicis ratione seducti, non esse tunc temporis opus institutione Episcopi, sed solum placitum Principis sufficere; id concludentes ex eo, quòd beneficiorum collationes partes sint fructuum Ecclesiæ vacantis.

6 Propterea moderni Regalistæ dixerunt, jus regalæ duo ad minùs jura comprehendere. Alterum percipiendi, ac sibi vendicandi fructus Ecclesiæ vacantis; quod temporalem regaliam vocant. Et alterum conferendi tempore vacationis beneficia; quod per eos ad spiritualem regaliam pertinet, ut notavit Author *Regal. Sacerdot. S. 1. num. 13.*

7 At non videtur difficile, falsitatis opinionem arguere, cum ex directo id affirmet, quod leges Canonice proscripserunt. Occupationem fructuum utriusque juris dispositione interdictam vidimus. Restrictamque ad Prælatos Ecclesiasticos esse beneficiorum Ecclesiasticorum collationem, ostenditur *cap. Relatum de jure patron. & à Trid. sess. 14. cap. 13. dd. sess. 24. cap. 18. & sess. 25. cap. 9.* Omniumque sensus esse debet ea ad laicos non pertinere, cum extra potentiam sæcularem sint, nullamque proportionem ad eam retineant. Nisi regalistæ, & quotquot partes Principum agunt, affingant jurisdictionem spiritualem posse à laicis derivare. Nam hæc sæpè beneficiatis in capitulis compètit; vel ea, quæ sunt Ordinis, debent exequi; omnesque ministeriis spiritualibus deputantur: ad quæ à laicis sanè potestas dari non potest, legatur *cap. Qui res, de reb. Eccl. alien. &c.*

Vident regalistæ falsa omninò evulgasse, sed adhuc, ne rationi, & veritati cedant, distinguunt in beneficiis hæc duo: *Functiones spirituales, & redditus temporales*; & iuxta distinctionem docent, Principem in vim iuris regalæ conferre, non potestatem exercendi functiones spirituales, sed ius dumtaxat percipiendi redditus temporales illis annexum.

Sed ex vero ad falsum descendunt; nam licèt inter se illa duo apertissimè differant, tamen negari non potest, quin unum ab alio dependeat. Siquidem ius percipiendi redditus, radicatum, & annexum est facultati exercendi Ecclesiastica Ministeria, & ad hunc effectum datur, iuxta illud: *Beneficium datur propter officium, & cap. Quia per ambitionem, de rescript. in 6. & cap. Eos 8. dist. dicitur, sequela officii.* Et propter talem connexionem sequitur, ut ab eodem conferente dictum ius, & facultas procedat; siquidem in connexis non datur divisio. Et ita conferens debet in se habere potestatem Ecclesiasticam, & spiri-

tualem; aliàs quomodo dat, quod non habet? Vel si Princeps potestatem exercendi spirituales functiones non confert, nec tale jus tribuit.

8 Unde patronis beneficiorum iura, & Ecclesiasticæ leges ius tribuunt præsentandi Prælato Ecclesiastico, nominandique ad beneficia vacantia Clericos, secundum ea, quæ notantur a Gloss. ad d. c. *In quibusdam, ver. Jure permissum.* In quo DD. concordant. Neque aliud significatur, cum dicitur a patronis beneficia conferri; cum verissimè iuxta qualitatem beneficii conferantur, vel a Pontifice, vel Episcopis, aut aliis Prælatibus ad ipsorum præsentationem, ex *cap. 18. sess. 24. vers. Si verò de ref.*

9 Quæritur. *Quid de juris regalæ origine sit dicendum, & unde initium coeperit?*

Propositum dubium est valdè implexum, & difficile. Verum originem duxisse, & sequelam ad investituras feudorum esse videtur, prout non obscurè concludunt Auctores de hac materia scribentes.

10 Proinde sciendum. I. Quòd postquam Regum Christianorum indulgentia factum est, ut Ecclesiæ multis feudis, & dominiis fuerint auctæ, hæc ipsa amplitudo, & opus servitutem ipsis Ecclesiis pararunt, ut dixit D. Bernard. *serm. ad Pastores*, ibi: *Duplex dominium Prælatorum; habent enim claves Ecclesiæ, quibus claudunt, & nemo aperit; habent & regalia, quia domini sunt urbium, & oppidorum; nec solum Episcopatus; sed etiam consulatus habent, ut merito eis dicatur, Quid ultra debui facere, & non feci? sed, quod datum est illis in adiutorium, factum est illis in scandalum.* Eaque forma illis auctis, cum Principes viderent se posse ab Episcopis metuere, ut eos sibi devincerent, cum ipsis quantum ad feuda, & regalia Episcopatibus annexa, & unita, in usum deduxerunt investituras.

II. Quòd Episcopo defuncto, annulus, & baculus Pastoralis Principi mittebantur; apud quem erant, donec Successor eligeretur, & ea de manu Principis iterum reciperet, ut per Gonzalez in 1. *cap. 43. tit. 6. num. 6.* Ad quem etiam ex Auctore *tract. regal. lib. 1. cap. 6. num. 2.* Feuda revertabantur, & tamdiù illa occupabat, quamdiù novus Episcopus per investituram acciperet. Verum eo Principes, Sede Episcopali

pali vacante, devenerant, ut non modò feuda repeterent, sed redditus etiam, & beneficiorum collationes pro eo tempore occuparent, ut *ibid. num. 4.*

11 III. Quòd investitura idem erat, ac immisso in possessionem feudorum.

12 Quæ quoad Episcopatus hoc ritu fiebat: dato nimirum per Principem anulo, & baculo Pastoralis (quæ cum essent insignia dignitatis, cui feuda erant unita, vulgò credebatur, Principes dignitatem Ecclesiasticam conferre) & præstito Principi per Episcopum fidelitatis juramento, quo ad certam eidem exhibenda officia se obstringebat, ut apud *cit. Gonzalez à num. 5.* Quæ duo in investituris reprehendebantur.

13 Investituras jam prohibitas in Concilio Nicæno II. *act. 8.* & 10. demum; ut de Ecclesia hujusmodi abusum tolleret, improbavit, damnavitque Gregor. VII. in Synodo Romana V. pronunciato anathemate in Imperatores, & Reges, qui illas darent, & in Episcopos recipientes, *Bail. summ. Concil. tom. 2. sæcul. 11. pag. mihi 377. Coriolan. Breviar. Cronolog. Cabasut. notit. Eccles. ad an. 1133. Spondanus tom. 2. epitom. ad ann. 1077. num. 9. & 1078. num. 3.* Idem statuit Urbanus II. in Synodo Claramontana apud dict. *Bail. & subindè Paschalis II. & Callistus II. in Concil. Lateranen. I. de ann. 1122. apud Annat. apparat. ad theolog. posit. lib. 5. art. 10.*

14 Unde Henricus V. Imperator investituræ, & regalia reddidit Catholicæ Ecclesiæ; ut ex formula restitutionis ad calcem Const. un. Callisti II. *tom. 1. Bull. & ibi ejusdem Pontificis rescriptum ad eundem Henricum.* Propter quod diù agitata de investituris controversia finem obtinuit.

Ex quibus ad quæsitum discurre, aptarique potest responsio.

15 Quæritur. Quid sit in Concilio Lugdunen. II. sub Greg. X. dispositum circa jus Regaliæ?

Resp. Id totum, quod legitur in c. Generali, de elect. in 6. ibi: *Generali constitutione sancimus, universos, & singulos, qui regalia, custodiam, sive guardiam, advocacy, seu defensionis titulum in Ecclesiis, Monasteriis, seu quibuscumque aliis piis locis de novo usurpare conantes, bona Ecclesiarum, Monasteriorum, aut locorum ipsorum vacantium occupare præsumunt, quantum Official. Cur. Eccl.*

tacumque dignitatis honore præfulgeant: Clericos etiam Ecclesiarum, Monachos Monasteriorum, & personas cæteras locorum eorundem, qui hoc fieri procurant, eo ipso excommunicationis sententia decernimus subjacere.

§. II. Nos verò Clericos, qui se (ut deberent) talia facientibus non opponunt, de proventibus Ecclesiarum, seu locorum ipsorum pro tempore, quo præmissa sine debita contradictione permiserint, aliquid percipere districtius inhibemus.

§. III. Qui autem ab ipsarum Ecclesiarum, cæterorumque locorum fundatione, vel ex antiqua consuetudine jura sibi hujusmodi vendicant, ab illorum abusu sic prudenter abstineant, & suos Ministros in eis sollicitè faciant abstinere; quod ea, quæ pertinent ad fructus, sive redditus provenientes vacationis tempore non usurpent. Nec bona cætera, quorum se asserunt habere custodiam, dilabi permittant, sed in bono statu conservent.

Quare Gregorius, qui Concilio præfedit permisit, ut Principes in locis, in quibus, vel titulo fundationis; aut antiqua consuetudine jus regaliæ reperiretur inductum, eo gauderent; cum prohibitione, quòd ipsum non extenderent ad loca, in quibus prætactæ qualitates non concurrerent, nec ad ea quæ ad fructus non pertinerent; adeoque neque ad beneficiorum collationes, quæ ex terminis à fructibus, & redditibus discriminantur.

Plures causæ fuerunt hoc ius regaliæ Principibus permittendi; ut quòd iam longa consuetudine, & pluribus exemplis invaluisset, nec posset propter acerbicatem temporis facile corrigi, compescique peiorum malorum metu, nisi Principibus gravissimè offensis; quorum ingentia fuisset in Ecclesiam merita, negari non poterat, quibus aliqua merces debebatur; & tunc præsertim, quando consilio, & precibus Gregorii X. in sacrum bellum accingebantur, non tantum immensos sumptus, sed etiam sanguinem profusuri; & inde necessitas privilegium fecit. Nec sola consuetudo Principes absolveret, nisi eis assisteret Apostolicum privilegium, ut Author *reg. Sacerd.*

Cæterum non videtur in Concilio permixtum, ut Principes fructus vacantium Ecclesiæ in suos usus consumerent; sed propter

pter verba, per text. *Nec bona cetera, quorum se afferunt habere custodiam, dilabi permittant, sed in bono statu conservent, contrarium deciditur.*

16 Quinimò mens Pontificis in Concilio fuit impedire extensionem regalæ, ut non ampliaretur ad Ecclesias, quæ à servitute regalæ immunes, & liberæ fuerunt. Quod evidens est, nedum ex verbis Concilii; *De novo usurpare conantes*; sed etiam ex illis Gloss. *ibid. in ver. Custodiam, quocumque ergo nomine censeatur, usurpantes de novo tale jus in Ecclesiis, aut aliis locis piis, & bona ipsorum locorum vacantium occupantes, excommunicati sunt ipso jure*; & in verb. *de novo*, scilicet à quadraginta annis citrà, prout advertit etiam Author d. tr. regal. tit. *præcip. docum. ad caus. reg. spect. docum. 19.*

Quare contra Constitutionem in Concilio editam jus regalæ ad Ecclesias liberas extendit, qui non exhibet, vel privilegia Apostolica ipso Concilio antiquiora, vel possessionem supra hominis memoriam non justificat, juxta verba textus; *Ex antiqua consuetudine jura sibi hujusmodi vendicant.* Quoniam secundum juris Consultorum opinionem: *Omnia libera presumuntur, nisi contraria servitus probetur.* Quæ regula maxime in Ecclesiis procedit, quod sint ab ea servitute immunes, eoque onere non gravatæ.

Hujusmodi extensionem non semel improbavit Innocentius XI. ut in ejus litteris in forma Brevis sub 12. Martii 1673. & aliàs, prout *loc. cit. docum. 38. 39. & 40.* Eamque, ac quatuor propositiones adversus Primatum, & auctoritatem Romani Pontificis olim editas, cæteraque immunitati, & libertati Ecclesiasticæ præjudicialia, nulla, irrita, invalida, & nullius roboris decrevit, & declaravit Alexander VIII. const. *Inter multiplices*, 4. Augusti 1690. Quæ per extensum datur à Sporer *tom. 2. theol. moralis in principio.*

Subindè verò ad dictam Constitutionem Alexandri, quicquid de anno 1682. fuit per auctores declaratum, & resolutum in præjudicium Pontificæ auctoritatis, & jurium Ecclesiasticorum, per eosdem fincerè fuit retractatum, prout ex ipsorum testimonio; ut in epistola ad Innoc. XII. directâ, relata in *Regul. Sacerdot. lib. 4. §. 5. &*

ult. num. 44. nov. edit. ad quem Lectorem delego, ut ibid. & in prælud. §. 4. propositiones etiam legat, in quibus ipsarum auctores declararunt.

17 Primò. B. Petro, ejusque Successoribus Christi Vicariis, ipsi Ecclesiæ rerum spiritualium, & ad æternam salutem pertinentium, non autem civilium, ac temporalium à Deo traditam potestatem, dicente Domino, Regum meum non est de hoc mundo, & iterum, Reddite ergo Cæsari, quæ sunt Cæsaris, & quæ sunt Dei, Deo; ac proindè stare Apostolicum illud; Omnis anima potestatibus sublimioribus subdita sint; non est enim potestas, nisi à Deo; quæ autem sunt à Deo, ordinata sunt: Regentes ergo, & Principes nulli Ecclesiæ potestati Dei ordinatione subjici, neque auctoritate clavium Ecclesiæ directè, vel indirectè deponi, aut illorum subditos eximi à fide, atque obedientia, ac præstito fidelitatis Sacramento solvi posse; eamque sententiam publice tranquillitati necessariam; nec minus Ecclesiæ, quam Imperio utilem, ut Verbo Dei, Patrum traditioni, & Sanctorum exemplis consonam, omnino retinendam.

Secundò. Sic autem inesse Apostolicæ Sedi, ac Petri Successoribus, Christi Vicariis rerum spiritualium plenam potestatem, ut simul valeant, atque immota consistant Sanctæ Oecumenicæ Synodi Constantiensis à Sede Apostolica comprobata, ipsoque Romanorum Pontificum, ac totius Ecclesiæ usu confirmata, atque ab Ecclesiâ Gallicana perpetua Religione custodita, Decreta de auctoritate Conciliorum Generalium, quæ sess. 4. & 5. continentur; nec probari, quæ eorum Decretorum, quasi dubiæ sint auctoritatis, ac minus approbata, robur infringant, aut ad solum schismatis tempus Concilii dicta detorqueant.

Tertiò. Hinc Apostolica potestatis usum moderandum per Canones spiritu Dei conditos, & totius mundi reverentia consecratos. Valere etiam regulas, mores, & instituta à Regno, & Ecclesiâ Gallicana recepta, Patrumque terminos manere inconcussos, atque id pertinere ad Apostolicæ Sedis amplitudinem, ut statuta, & consuetudines tantæ Sedis, & Ecclesiarum consensione firmata, propriam stabilitatem obtineant.

Quartò. In fidei quoque questionibus præcipuas Summi Pontificis esse partes, ejusque De-

Decreta ad omnes, & singulas Ecclesias pertinere, nec tamen irreformabile esse iudicium, nisi Ecclesia consensus acceperit.

Circa quæ, jam Apostolico iudicio infirmata, nonnulla ad Lectoris instructionem distinctis §§. subnectimus, eum ad pleniorē acquirendam remittendo ad Theologos, Dogmatistas, & Canonistas; apud quos in locis aptis, in quibus respectivè agunt de Pontifice, & Conciliis, ponderare etiam poterunt resoluta objecta, ab hostibus veritatis adversus Romani Pontificis auctoritatem, & Primatum congesta.

§. I.

Romani Pontificis suprema potestas indirecta in temporalia Principum.

I Prima propositio est injuriosa supremæ potestati Romani Pontificis; siquidem licet in Romano Pontifice recognoscat erga supremos etiam Principes supremam potestatem activam spiritualem, eosque posse, cum opus sit, excommunicare; negat tamen in eos ullo modo pollere potestate temporali, etiam indirecta, & in ordine ad finem supernaturalem; adeoque posse eos deponere, & subditos à juramento fidelitatis absolvere, aut contra ipsos pœnis temporalibus procedere, quando in id urgenti necessitate traheretur. Quod est sanè contra rationem Pastoralis officii, Romano Pontifici à Christo commissi, illis verbis, *Pasce Oves meas. Joan. 21.* Nec excipiuntur Principes, cum & ipsi sint Oves Christi, & ad ejus ovile pertineant, ad textum in *cap. Solite, de majorit. & obedient.* ibi: *Nobis autem in B. Petro sunt Oves Christi commissæ, dicente Domino, Pasce Oves meas, non distinguens inter has Oves, & alias, ut alienum à suo demonstraret Ovile, qui Petrum, & Successores, ipsius Magistros non recognosceret, & Pastores: ut illud tanquam notissimam omittamus, quod Dominus dixit ad Petrum, & in Petro dixit ad Successores ipsius, Quodcumque ligaveris super terram, erit ligatum, & in cœlis: nihil excipiens, qui dixit, Quodcumque.*

2 Oves autem pascuntur non tantum, vel utilia pascua parando, regendo, & fovendo; verum & virga Pastoralis arcen-

do lupos, & arietes furiosos recludendo & eosque ab aliis separando. Et inde Petro, ejusque Successoribus est data potestas, ut possint Principes (quando ex Ovibus fierent Lupi, hoc est, ex Catholicis hæretici, aut si fidem retinerent, ita tamen temporali potestate abuterentur, ut vel jura Ecclesiarum occuparent, vel in discrimen Religionem adducerent.) pœnis temporalibus coercere, eosque potentia, & Principatu deponere; ut expresse text. in *cap. Unam Sanctam, de majorit. & obed. inter com.* ibi: *Spiritualis potestas terrenam potestatem instituere habet, & judicare, si bona non fuerit.* Maxime, ubi monitis non acquiescunt, & censuras contemnunt. Necessè enim fuit aliquem terminum immensæ Principum potentiæ præfigere, extra quem non excurreret, nec jura Religionis offenderet.

Quapropter DD. concordant, Romanum Pontificem ex jure Divino habere potestatem jurisdictionis in temporalibus Principum indirectè, & consequenter, prout necessarium est ad conservationem rerum spiritualium, & fidei; propter quod potest de rebus ipsorum disponere. Uterque enim gladius ex d. *cap. Unam, spiritualis* (qui animas ferit) & *materialis* (qui ferit corpora, & facit læsionem visibilem, ut legit Gloss. *ibid. verb. Certè qui*) est in potestate Ecclesiæ.

3 Nec obstat, quòd Christus dixerit Petro, *Converte gladium tuum in vaginam.* Nam non dixit, projice gladium à te, sed *converte*, hoc est, adversus Principe utere, non semper, sed opportunè, bono spiritali exigente.

Neque item officit, quòd text. *ibid.* dixerit, gladium temporalem esse exercendum de manu Regum, & militum *ad nutum Sacerdotis.* Quoniam Pontifici in Principes indirectum exercitium, juxta dicta non negatur: nec Christus Apostolis dicentibus: *Ecce gladii duo hic; in Ecclesia scilicet, respondit, nimis esse, sed satis,* ut ibi text. Nec per nuntum, solum exhortatio significatur; nam etiam præceptum importat: Papa enim potest Principibus præcipere, ut arma fumant adversus hostes Fidei, & eos, quos sua sententia dominatu privasset, ad text. in *cap. Igitur 23. quæst. 8.*

Id totum expressum videtur *cap. Per ve-*

nerabilem, qui fil. sint legit. §. rationibus, ibi: Non solum in Ecclesiæ patrimonio (super quo plenam in temporalibus gerimus potestatem) verum etiam in aliis regionibus, certis causis inspectis, temporalem jurisdictionem causaliter exercemus. Quæ autem major causa exercendi, nisi cum bonum spirituale, & ingens Ecclesiæ necessitas exigit? Diana coord. tom. 9. tract. de potest. ex auctor. ran. reg. resol. 7. Petra tom. 1. ad const. Apost. ad const. unic. Greg. VII. num. 26. Gonzalez. in 4. ad cap. Per venerabilem tit. 17. cap. 13. qui fil. sint legitimi num. 8. apud quos plures.

4 Ibiq; Diana resol. 8. refert in Congregatione Theologorum de mandato Innocent. X. fuisse resolutum, hanc propositionem: Papa nullam habet potestatem in temporalibus, etiam indirectè, esse hæreticam, saltem reductivè.

5 Nec obstat illud Jo. 18. Regnum meum non est de hoc mundo. Quia ut notavit Augustinus tract. 15. in Joan. Christus non dixit: Regnum meum non est in hoc mundo, sed non est de hoc mundo. De regia enim potestate in Christo, ut homine, in hoc mundo dubitari non potest, juxta illud Matth. 28. Data est mihi omnis potestas in cælo, & in terra. Tanta enim ratione hypostaticæ unionis fuit excellentia Christi, ut nullus esse potuerit titulus honoris, prærogativæ, & potestatis, qui ei non competere. Habuit itaque Christus regiam potestatem in hoc mundo, sed non de hoc mundo, hoc est, non acceptam ab hominibus, nec humana auctoritate, aut humano jure devolutam.

6 Quibus subnecto, quæ habet Sperehellus decis. 182. num. 66. ubi dixit, Summum Pontificem non solum in spiritualibus, sed etiam in temporalibus supremam habere potestatem directè, & per se in suis terris, ubi est Rex, & supremus Dominus temporalis; in aliis verò indirectè, & per aliud, in ordine scilicet ad spirituale bonum alicujus Regni, vel totius Ecclesiæ. Concordat Gonzalez in 4. tit. 17. cap. 13. num. 8. ubi scripsit, quod Rex non agnoscit supra se Principem temporalem, sed agnoscit Romanum Pontificem Principem spiritualem, qui de temporalibus quoque in ordine ad spiritualia judicare potest. Quod repetit num. 11. hæc addens: quod licet Pontifex non possit uti jurisdic-

tionem temporali extra loca proprii patrimonii, cap. Cum ad verum 96. dist. cap. Novit, de jud. eam tamen exercere valet in ordine ad supernaturalia, quando expedit Ecclesiæ, ad ipsius defensionem, seu ad bonum spirituale, seu ad finem Ecclesiasticæ potestatis assequendum, prout in dist. extravag. Unam Sanctam, de major. & obediens. int. com. Videri etiam potest de Magistris Syl. Ecclesiast. par. 1. tit. 4. cap. 3. num. 6.

Super quo legatur etiam D. Thomas 2. 2. quæst. 12. art. 2. & quod scripsit D. Bonaventura tom. 7. par. 2. de Ecclesiast. Hierarch. cap. 1. ibi: Temporale Regnum velut quoddam adjunctum subjacet Sacerdotio in novo testamento, &c. Et sic possunt Pontifices ex causa amovere Reges, & Imperatores, sicut sapienter accidit, & visum est; quando scilicet eorum malitia hoc exigit, & Republica necessitas sic requirit: Summus enim Pontifex, pones quem prima in terris residet auctoritas, non a Rege, nec a Principe seculari, non ab homine judicatur, sed solius Dei judicio reservatur.

Ita Zaccharias Papa deposuit Hildericum Regem Francorum, ejusque auctoritate Pipinus Rex Franciæ creatur. c. Alius 15. q. 6. & apud Coriolanum in Brev. Cronologic. ad an. 752. Gregorius VII. Imperio, & Regno privavit Henricum IV. prout in Bullar. tom. 1. in const. ejusdem Gregor. B. Petre: Innocentius III. deposuit Othone IV. Imperatorem: Innocentius IV. Fridericum II. Clemens VI. Ludovicum Bavatum. Idem Coriolanus ad an. 1703. Alia exempla recenset Diana cit. resol. 6. ubi dat concordantes.

§. I I.

Primatus Romani Pontificis supra Concilium Generale.

I Secunda propositio cum summa injuria adimit Romano Pontifici prærogativam, & primatum supra Concilium Generale, eum infra Concilium constituens. Verum Pontificem Romanum esse supra Concilium Generale, est veritas Catholica, & articulus plenè resolutus apud Theologos, & Canonistas, quos allegat, & sequitur Gonzalez in 1. ad cap. Significasti cap. 6. tit. 6. num. 17. Fagnan. in 1. ad dist. cap.

cap. de elect. & infra ad cap. Antigonus, de pactis num. 50. Petrarom. 2. ad Const. Apost. ad Const. 11. Innoc. III. sect. unic. num. 21. Pignatell. tom. 10. consult. 147. num. 49.

Primatus itaque Papæ supra Concilium Generale habetur Lucæ 22. Ego rogavi pro te, Petre, ut non deficiat fides tua; & tu aliquando conversus confirma fratres tuos. Quod non Concilio, sed Petro, ejusque Successoribus dicitur. Sicut non Concilio, sed Petro, & Pontificibus Successoribus dictum est, Matth. 16. Super hanc Petram ædificabo Ecclesiam meam. Tibi dabo claves Regni Cælorum, Joan. ult. Pæce Agnos meos, pæce Oves meas; ergo Petro, & Romanis Pontificibus est commissæ cura pascendi Oves, adeoque & pascendi Episcopos in Concilio congregatos. Nam nullum Christus excipit ut est text. in d. cap. Unam Sanctam.

2 Dicunt: Papa est supra omnes Episcopos divisim, non verò in Concilio congregatos. At non obstat; nam & in Concilio sunt Oves Christi: atque ita unum Pastorem visibilem habent, cui subsint, cui obediant, quem sequantur, à quo dirigantur; & quem alium, quàm Romanos Pontifices Petri Successores?

Valet illatio à divisim ad collecta, quando ratio, quæ militat in divisim, currit etiam in collectis. Ita Deo non minùs quælibet creatura divisim subicitur, sed etiam tota creaturarum collectio; quia tam quælibet creatura divisim, quàm ipsarum collectio à Deo dependet. Hinc cum Episcopi, tam divisim, quàm omnes collectiva sint Oves Christi, commissæ regimini Petri, & Romani Pontificis, in utroque sensu à Pontifice dependent, & Superiorum agnoscunt, juxta text. in cap. Ubi periculum, de elect. in 6. §. Caterum, ibi: Romanus Pontifex dicitur Doctor universalis Ecclesie, & Gregis Domini Director. Idèoque & Concilii Generalis.

3 Idem Primatus Pontificis probatur, per hoc, quòd Concilia valent, & robur accipiunt, quatenùs congregantur, & confirmantur à Pontifice, c. Multis, & c. Concilia 15. dist. cap. Significasti, de elect. ibi: Quasi Romana Ecclesie legem Concilia nulla præfixerint, cum omnia Concilia per Romanæ Ecclesie auctoritatem, & facta sint, & robur acceperint. Confirmatio verò ad Superiorem spectat, ut per

Official. Cur. Eccl.

Turrecremata in cap. Sancta Romana 15. dist. num. 2. & Gelasius I. in Const. Valde, la 1. Bullar. tom. 1. §. 6. dixit, ibi: Confidimus, quòd nullus jam veraciter Christianus ignoret, uniuscujusque Synodi constitutum, quòd universalis Ecclesie probavit assensus, non aliquam magis exequi Sedem præ cæteris oportere, quàm primam: quæ & unamquamque Synodum sua auctoritate confirmat, & continuata moderatione custodit. Et §. 15. ibi: Quoniam sicut id, quòd prima Sedes non probaverat, constare non potuit; sic, quòd illa censuit judicandum, Ecclesiata suscepit, & Pelagius II. Const. Manifesto unic. ibid. §. 1. tradit, potestatem convocandi Synodum generalem esse apud Sedem Apostolicam, Sine cujus auctoritate nulla Synodus rata legitur.

4 Unde commune est apud Lauræam de fide disp. 5. art. 2. §. unic. quòd Decreta Concilii Generalis non sunt infallibilia, nec habent vim obligandi fideles ad credendum ea fide divina, antequam à Papa confirmetur. Quoniam Petro, & in Petro, ejus etiam Successoribus promissa est assistentia circa docendam doctrinam fidei, dicente Christo Lucæ 22. Rogavi pro te, Petre, ut non deficiat fides tua; & tu aliquando conversus confirma fratres tuos. Neque enim judicium Episcoporum in Conciliis est ultimò decisivum, ut per Div. Thomam 2. 2. quest. 1. art. 10. in corp. ubi dixit, ad auctoritatem Romani Pontificis pertinere finaliter determinare ea, quæ sunt fidei. Sed semper propriam sententiam dicunt, cum dependentia, & subordinatione ad ultimum complementum, & ad Caput Ecclesiæ, cujus influxus est necessarius, & judicium irreformabile, Guarnieri de Eccles. milit. lib. 4. cap. 5. num. 6.

Hinc Bail. tom. 1. summ. Conc. appar. de triplici verbo Dei, tit. de verbo Dei definito, §. quomodo probares, ad rem eleganter scripsit: Summi Pontificis est dirigere Concilium, ea proponere, quæ in eo tractanda, judicanda, & definienda sunt, eadem definita confirmare; cum robur, & potestas Concilii ab eo dependeat, quem Christus Vicarium suum Generalem super universam Ecclesiam constituit; ac promittit omnes Ecclesie Prelati, etiam in Conciliis, Romanum Pontificem maxime de-

bent revereri, colere, ac venerari, ne si deprimatur, aut contemnatur, inanes sint eorum definitiones ejus autoritate destitute, & illegitima habeantur Concilia, ut sepe factum est. Hæc ille.

5 De qua re Fagnan. in 3. ad c. Majores num. 36. de baptis. notavit, infallibilitatem Decretorum Concilii non esse immediatè à Concilio, sed à Papa; vel per se ipsum personaliter in Concilio præfente, quia tunc ipse in eo ultimò definit, ut ibid. num. 17. & 26. vel si in eo per suos Legatos præsideat, per ejus confirmationem. Qua posita, Decreta Concilii dicuntur Acta Papæ, ut ibid. Guarnieri cap. 10. num. 2. & idem Fagnan. in 1. ad cap. Antigonus num. 48. de pact. Et facit illud l. 1. c. de veter. jur. enucl. Omnia nostra facimus, quibus nostram auctoritatem impartimur.

Dices. Episcopis in Conciliis legitimis promissa est assistentia Spiritus Sancti, Matth. 18. Ubi fuerint duo, vel tres congregati in nomine meo, &c. & ita Decreta per eos formata, vera, & infallibilia sunt.

Ad hoc respondens Lauræa cit. num. 82. adnotavit, Patres Concilii legitimi, qui ex zelo Dei veritatem simplicitate quærun, Spiritus Sancti assistentiam habere, & illuminari, ut verum judicent. At quoniam non semper ex zelo sic inquirunt, inde non semper sic illuminantur. Ut accidit in Ephesino II. Latrociniali, Arminensi, & Constantinopolitano sub Nicolao I. in quo ipsimet Legati prævaricari sunt. Ideò eorum judicium apud Ecclesiam non est certò, & necessariò infallibile, cum errare possint, & ita habere, & non habere illuminationem Spiritus Sancti. Atque ita necesse est, ut Romanus Pontifex, qui errare non potest, sua auctoritate Concilium confirmet; & tunc Ecclesia testem infallibilem de illius veritate habet. Possunt utique Decreta à Patribus efformata, esse in se, & apud Deum vera, à Spiritu Sancto directà; tamen non obligant Ecclesiam ad credendum Fide Divina, donec Romanus Pontifex illa approbet; nec ante apud eam sunt infallibilia, propter contingentiam veri judicii, ita Laur. cit. n. 83. & 108. Videri potest etiam Pallavicin. tom. 1. Difesa del Pontificato Romano lib. 4. cap. 14.

6 Quare PP. in Conciliis agnoscetes

necessitatem confirmationis Pontificiæ, à Romanis Pontificibus petere consueverunt, ut Decreta Concilii confirmarent; prout ex epistola Concilii Nicæni I. ad Silvestrum Papam apud Bail. sum. Conc. ad d. Conc. Nicæm. ibi: Quidquid autem constituimus in Concilio Nicæno, precamur, vestri oris consortio confirmetur. Et in relatione Concilii Calcedonen. ad Leonem Magnum apud cit. tit. ad dict. Conc. Et Cabasut. in Notit. Eccles. pag. mihi 16. ibi Ut nutu Divino gubernati, omnem vobis gestorum vim insinuavimus, ad nostra sinceritatis comprobationem, atque ad eorum, quæ gesta sunt, confirmationem, & consonantiam. Confirmationis Littere sunt in Const. Omnem, la 2. Leonis I. Bullar. ibid. cum clausula, In iis, quæ ad fidei causam spectant. Id etiam factum est in Conc. Const. quoad decreta conciliariter in materia Fidei. Et novissimè PP. Conc. Trident. confirmationem petierunt à Pio IV. ut in fin. sess. 25. de reform. Ipse autem Pius Concilium confirmavit Const. Benedictus Deus, la 73. Bullar. tom. 2. §. 2. & omnibus fidelibus præcepit observantiam.

7 Patet deindè superioritas Papæ ad Concilia ex hoc, quòd à sententia Concilii Generalis ad Romanum Pontificem detur appellatio, à Romano verò Pontifice ad Concilium etiam Generale sit interdicta in dict. Const. Gelasii §. 1. & in Const. Execrabilis Pii II. la 5. ibid. in qua appellantes ipso facto ligantur excommunicatione Papæ reservata; quæ quovis anno innovatur in publicatione Bullæ Cænæ, prout in can. 17. Ratio est, quia appellare à Summo Pontifice ad Concilium esset appellare à superiore ad inferiorem, contra naturam appellationis, de cujus conceptu est, ut sit provocatio de minori ad judicem superiorem, cap. Non putamus, de consuetud. in 6.

Dicunt: Papa est filius Ecclesiæ: Ecclesia autem, utpotè Mater, esse debet supra Papam; cum Mater sit supra Filium, non Filius supra Matrem: Atque ita, cum Concilium Generale sit Ecclesia universalis representativè, sequitur, Concilium esse supra Papam, & non Papam supra Concilium.

8 At objectum fuit præoccupatum à Pio II. in Const. In minoribus, la 10. d. Bull. §. 10. ibi: Hæc nos de Romani Pontificis auctori-

ri-

ritate, & potestate sentimus, cui & congregare Concilia, & dissolvere datum est. Quis etsi Filius est propter regenerationem, propter dignitatem tamen Pater habetur; & sicut filiationis causa venerare debet Ecclesiam, tamquam Matrem, at pralationis causa praefertur ei, ut Pastor Gregi, Princeps Populo, Rector Familia. Quare Pontifex alia ratione dicitur Filius, alia Pater Ecclesiae: Filius, quia regeneratus in Baptismate; Ecclesia enim per Baptismum dicitur continuo parere Filios, iuxta Augustinum in Psalm. 127. Pater vero ratione Majoritatis, Potestatis, & Jurisdictionis in Ecclesia.

Nec tenet illatio: Ecclesia est Mater; ergo est superior Papa. Nam Christus Dominus est Filius B. V. Mariae, & nullus nisi haereticus dixerit, Matrem esse superiorem Filio.

Urgent pariter: Romanus Pontifex est Membrum Ecclesiae; atque ita Primatum non habet supra Concilium. Verum neque id contra nos vim habet. Nam Papa est membrum principale, caput nimirum visibile corporis Ecclesiae; nec quoad potestatem iurisdictionis est membrum Ecclesiae, prout hoc importat partialitatem, quia in eo potestas iurisdictionis non est limitata, sed integra, & plena; dicitur itaque membrum, prout importat distinctionem à cæteris. Tribus autem distinguitur ab aliis membris Ecclesiae, per Gonzalez in 1. tit. 6. cap. 6. num. 18.

Primò. *Perfectione & plenitudine potestatis*. Nam Romanus Pontifex per Orbem terrarum plenam habet sine loci, ac iurisdictionis exceptione integram potestatem regendi, & dirigendi Ecclesiam, ut bene Petavius theolog. dogmat. lib. 2. cap. 2. num. 11. de Ecclesiast. Hierarch.

Quapropter est Caput non tantum dignitate, sed gubernandi, praesidendi, & regendi functione; sicut D. Petrus fuit Caput Ecclesiae, & Princeps Collegii Apostolici, ut ibid. lib. 3. cap. 7. num. 10.

Secundò, *Officio*, quatenus ipse influit potestatem iurisdictionis in alios, ut in cap. Ita Dominus 19. dist. & in Const. Non mediocri, la 15. Eugen. IV. Bullar. tom. 1. ibi: Omnes Archiepiscopales, Episcopales, Cathedrales, aliaque Dignitates Romana fundavit Ecclesia; sicutque licuit, uni Ecclesiae amplam, alii ampliorem, & alii am-

plissimam, prout expedire iudicavit, tradidit potestatem. Omnes enim, tanquam unius arboris rami ab una, eademque radice, & ut diversi aquarum rivuli ab eodem fonte prodierunt, licet unus alio copiosior, atque uberior. Et Pius II. dist. Const. In minoribus, dixit §. 10. Habent illi (Episcopi) assignatos sibi Greges, singuli singulos: Tibi universi crediti uni sumus. Nec modo ovium, sed & Pastorum. Tu unus omnium Pastor; & infra: Non est corpus Ecclesiae sine capite; & omnis à Capite defluit in membra potestas.

Tertiò. *Dignitate*. Nam Pontificia Dignitas est suprema in Ecclesia, qua in Orbe nulla est major; sed Papæ omnes subsumunt, eique obedire tenentur, ut expressè in d. cap. Solita, cap. Unam Sanctam, & cap. Novit, de iudic.

9 Ad id verò, quod Concilium Generale repræsentat Ecclesiam universalem, dicitur: vel sumitur Concilium sine Papa, & tunc est corpus truncum; quia non est corpus sine capite, juxta phrasim Pii in cit. Const. & ita non est Concilium universale, sed conciliabulum. Vel sumitur Concilium cum Papa; & tunc, tam est certum Concilium non esse supra Papam, quam quod corpus cum capite non est supra caput; nec domus cum turri est supra turrim.

Quinimò, cum Ecclesia sit cœtus fidelium sub uno capite visibili Romano Pontifice, cui subest; ut hunc Concilium repræsentet, debet Papæ, tamquam Capiti subesse, & obedire.

Res etiam ex hoc fit certa. Nam Pius II. dist. Const. In minoribus, Primatum Romani Pontificis supra Concilium Generale reddit manifestum, ibi: Pontifici datum est congregare, & dissolvere Concilia. Inter qua nullum invenimus unquam fuisse ratum, quod stante Romano indubitato Praesule, absque ipsius auctoritate convenerit.

Et Alexander VIII. sub 7. Decembris 1690. hanc in ordine 29. propositionem damnavit: Futilis, & roties convulsa est assertio de Pontificis Romani supra Concilium Oecumenicum auctoritate, atque in fidei quaestionibus decidendis infallibilitate. Inflicta excommunicatione Papæ reservata ipsam defendentibus.

10 Tandem obijciunt auctoritatem

Concilii supra Papam esse rem definitam in Conciliis Generalibus, Pisano, Constantiensi, & Basileensi, sed non observarunt, quod Pisanum, & Constantiense se restringunt ad casum Pontificis dubii, & ad schismatis tempus. Propterea in eisdem disposita, non sunt aptabilia ad casum certi Pontificis, prout prætendit asserta propositione.

11 Cæterum, ubi etiam plures certant de Pontificatu, cum non appareat, quis verè Pontifex sit, non Pontifex Maximus, sed factum potius eligentium judicatur, qui duos ad Pontificatum assumpserunt, ut declarat Cardinalis Albanus *de potest. Papæ, & Concilii par. 1. n. 12*. Quare, ubi tunc electio Pontificis tanquam irrita reprobat, Concilium non iudicat Pontificem, quia non est canonicè electus, ut per Bald. *in l. fin. C. sentent. rescin. non poss.* apud Bagnan. *in cap. Significasti num. 65. de elect.* Atque ita nec in casu Pontifex subicitur Concilio.

12 Modò, quantum ad Pisanum. Huiusmodi Concilium indictum fuit de anno 1409. occasione schismatis, quo Ecclesia premebatur, toto Orbe Christiano in factiones diviso, cuius pars una adhærebat Gregor. XII. Romæ electo, & alia Benedicto XIII. Avenione creato. Cardinales utriusque videntè schisma augeri, non minui, à suo respectivè recedentes Pontifice, ad effectum tollendi schisma ab Ecclesia, Pisani convocarunt Concilium Generale. In quo interfuerunt 23. Cardinales, tres Patriarchæ, Archiepiscopi, & Episcopi 300. alique inferiores Prælati, ex Coriolano *in Breviar. ad dict. an. in 1. 2. & 3. sess.* Fuerunt per citati, & vocati duo de Papatu contententes, sed neque per se, neque per alium comparentes, contumaces communi Patrum suffragio fuerunt declarati, ac damnati ut schismatici, suoque è prætenso Pontificatu deiecti. Et per Cardinales fuit electus Petrus Philaretus de Ordin. Min. dictasque Alexander V. qui post promulgatum electionis decretum, deinceps præfuit Concilio, prout *in Const. unic. Jo. XXIII. Ad pacem Bull. tom. 1.*

Controvertitur inter DD. de legitimitate huius Concilii. Utrique sunt DD. Pro legitimitate est Coriolanus *in Breviar. ad an. 1409. & Bail. summ. Conc. tom. 2. ad Conc. 14. sacul.* apud quem plures alii.

13 Quantum ad Constantiense. Hoc Concilium ad pacem universalem Ecclesiæ fuit de anno 1414. indictum ab Io. XXIII. *in dict. Const. Ad pacem*, actis etiam dicti Concilii præmissa, prout *in tom. 2. Conc. Gener. edit. Galiori*. Diciturque Concilii Pisani continuativum, ibi: *In principia, & sess. 12.*

In 2. sess. Joannes propter quietem totius populi Christiani iuramento promisit se spontè, & libere cessurum Papatui; si & quando Petrus de Luna (Benedictus XIII.) & Angelus Coriario (Gregorius XII.) ab illis de eorum obedientia nuncupati, prætensum Papatum per se, suove Procuratores dimitterent, sicut in suis electionibus iurarunt, dum id ad pacem Ecclesiæ conducere novissent. Joannes ante 3. sess. secretò Constantia discessit. In 4. & 5. PP. definierunt: *Sanctam Synodum congregatam pro extirpatione schismatis, & unione Ecclesiæ, potestatem à Christo immediate habere, cui quilibet cujuscumque status, vel dignitatis, etiamsi Papalis existat, obedire tenetur in his, que pertinent ad fidem, & extirpationem dicti schismatis, & reformationem generalem Ecclesiæ Dei in capite, & in membris*. Circa quod notabiles sunt clausulæ, *pro extirpatione schismatis, ad extirpationem dicti schismatis*. Quibus constat, decretum non loqui universaliter, sed ad casum schismatis restringi, ut notavit Turcremata (quæ Concilio interfuit) *summ. de Eccles. lib. 2. cap. 99*. Clausula autem, *ad fidem*, non est in Decreto *sess. 4. ut ex text. in d. tom. 2. Conc.*

14 Tria verò sunt tempora, in quibus potest considerari Concilium. Primum fuit, in quo Constantiæ ii soli convenerant, qui erant de obedientia Joannis, qui *sess. 12.* Papatui cessit.

Secundum, quando Gregorius XII. *in sess. 14.* nova facta convocatione Concilii, ob bonum Ecclesiæ libere, & spontè per procuratorem Papatum dimisit, & Concilio se conjunxit; ut in litteris in ead. *sess. lectis*. Recipiunturque à Concilio in Cardinales, electi Cardinales à Gregorio.

Tertium, in quo, qui erant de obedientia Benedicti, iterum de novo à Benedicto convocato Concilio, se Concilio unierunt. Recipiunturque capitula Narbonæ pro sancta unione per Sigismundum

Romanorum Regem, Legatos Concilii, & eos Benedicti concordata, prout latius respectivè in *sess.* 20. 22. 26. 30. & 35.

Quo quidem tempore convenientibus simul omnibus de tribus obedientiis fuit certum dicere, quòd Constantiæ in Concilio fuit congregata Ecclesia universalis repræsentativè, sed pro tunc Capite viduata.

15 Modò, decreta illa 4. & 5. *sess.* de autoritate Concilii supra Papam edita fuerunt à Patribus, qui erant de sola obedientia Joannis. Quinimò, eodem Turresemata teste, nec omnes illius obedientiæ decretis consenserunt, sed aliqui reclamant. Neque ea videntur fecisse de mente Concilii, ex tribus obedientiis congregati. Et enim *sess.* 41. creato Martino V. cæteris quatuor sessionibus, quibus Concilium fuit absolutum, Martinus Concilio præfedit, & Decreta suis Litteris edidit, quæ sunt superioritatis signa. Tum quia Martinus ratificavit decreta conciliariter (hoc est cum examine, & deliberatione, & auditis audiendis) in materia fidei facta in Concilio, nec Concilium reclamavit, sed ratificationem recepit; ratificare autem est superioris auctoritatis. Et facit, quòd per Martinum videntur ea decreta *sess.* 4. & 5. cancellata, cassata, & reprobata. Siquidem in *Const.* Inter cunctas la 1. *Bull.* to. 1. plenario approbante Concilio, edita, committit Prælati, ut suspectos de erroribus Vvicleff & Jo Hufi interrogent, *Utrum credant, quòd Papa canonice electus, qui pro tempore fuerit, ejus nomine proprio expresso, sit successor B. Petri, habens supremam auctoritatem in Ecclesia Dei.* Et inde patet, nunquam mentem Concilii fuisse, statuere Papam Concilio subesse; nam istud non cohæret cum hoc, quòd habeat *supremam auctoritatem in Dei Ecclesia.*

16 Quantum ad Basileensem. Hoc Concilium fuit de anno 1431. indictum à Martino V. demandata præsentia tamquam Sedis Apostolicæ Legato, D. Card. Juliano Cæsario, ut in ejus *Const.* Dum onus la 14. *Bull.* cit. In quo munere eodem anno obobitu Martini confirmatur ab Eugenio IV. *Const.* Certificati in d. tom. 2. *Conc. gener. ad Conc. Basileæ in 1. sess.*

Verùm Eugenius eodem anno post primam sessionem Concilium Basileæ dissolvit, & Bononiam transtulit, prout habetur

ex eiusdem Litteris sub ann. 1433. incipien. *Deus novit, lectis in sess.* 16. ibi: *Verridica relatione percepimus, quòd Basileæ pro tunc sine magno temporis intervallo ipsius Sanctæ Synodi celebratio non esset possibilis, Concilium ipsum penitus non dissolvimus &c. sed ad nostram Civitatem Bononiensem commutavimus sic, quòd ipsum in sua essentia consistere volumus, atque à Basileensem Civitatem solum exolvimus; & infra: Cum ipsum à Basileæ commutare, necessitatibus urgentibus coacti fuerimus. Motiva commutationis fuerunt prout in Constitutione expressè. Primò, quia jam transactis octo mensibus, postquam Synodus debuit exordium summere, Episcopi non plures tribus, alique Prælati non plures, quàm decem, Basileam convenerant; & ita nulla ratione Congregatio illa se Sacrosancti Concilii nuncupatione intulabat. Secundò, quia Basileæ locus tñtus non videbatur propter suborta bella inter Burgundiæ, & Austriæ Duces: Aliaque iusta non desiderabantur, ut in d. *Const.* *Deus.**

17 Audita à Cardinali Cæsario Eugeniæ revocatione, præsentiam dimisit, ut ex narrativa historiæ facta à Pio II. in d. *Const.* In minoribus, §. 4. Quam subindè videns Concilium per Episcoporum, & Prælatorum accessum augeri, resumpsit; sed *authoritatem Concilii mirum in modum extolens, emnentiā primæ Sedis suppressimè cepit*; ut Pius loquitur; atque ita non Sedis Minister sed hostis dicendus fuisset.

18 Agrè Patres Basileæ congregati dissolutionem audierant, nec Eugenio parebant; quin potiùs, asserentes incòruptum Concilium non sine Patrum consensu dissolvi, in *sess.* 13. innovarunt, & confirmarunt Decreta *sess.* 4. & 5. Concilii Constantien. de Concilii Oecumenici supra Papam auctoritate, & in subsecutis Sessionibus alia non dissimilia contra Apostolicæ Sedis Primatum intulerunt. Sub quo tempore sanè Concilium canonicum nullus dixerit: ex eo præsertim, quòd post canonicam dissolutionem, absque ulla auctoritate Apostolica Patres Basileæ conveniebant, sine qua nullum Concilium est ratum, ut in d. *Const.* Pii, ibi: *Veneramur cuncta Concilia, quæ præcesserunt, à nostris prædecessoribus approbata, inter quæ nullum invenimus nunquam fuisse ratum, quòd, stante Romano indubitato Pontif. absque ipsius auctori-*

floritate convenerit: quia non est Corpus Ecclesia sine Capite, & omnis ex Capite defluit in membra potestas.

19 Quod si ex eodem Pio dicas, Eugenium dissolutionem Concilii revocasse; ejusdemque progressum approbare, ut in d. *sess. 16.* Non negatur ab Eugenio facta dissolutionis revocatio, & continuatio Concilii: sed nec est pariter prætereundum, quod Eugenius cassavit, annullavit, & irritavit omnia, & singula statuta, per Concilium decreta contra jura, & Sedis Apostolicæ libertatem, ac dignitatem Romani Pontificis, ut ex ejusdem litteris, *incipien. Inscrutabilis de ann. 1433. & aliàs incipien. In arcano, sub data ejusdem anni*, ut in d. *sess. 16.*

Quinimò continuatio Concilii non fuit ab Eugenio probata, nisi sub conditione, quod Patres revocarent omnia adversus Sedem Apostolicam attentata, ut expressè in d. *constit. Deus novit*, ibi erga finem: *Ad ostendendam nostram sinceram, & purissimam intentionem, quam habemus, ut Concilium fiat, & quod omnia ad finem debitum perducantur: contenti sumus, & volumus pure, & simpliciter continuè fuisse Concilium. Ita tamen, quod omnia gesta, & attentata contra Nos, sive Sedis Apostolicæ libertatem, vel privilegia, Sanctæque Romana Ecclesiæ Cardinales, ac Nobis adhaerentes, prout de facto fecerunt, sic de facto ante omnia revocent, nostrosque Legatos juxta juris regulas præsidentes admittant.* Basileenses verò conditionem non purificarunt. Imò potius *sess. 18.* decisum iterum dederunt, *Papam subesse Concilio.* Nec *sess. 17.* Legatos Eugenii cum jurisdictione coactiva admitterunt, eisdem data à Martino dict. *Constit. Dum onus*, & ab Eugenio confirmata in alleg. *Const. Certificati.* Quare conditionibus à Concilio non impletis, nec valuit dissolutionis revocatio, & progressus. Quæ, ubi Annatus apparat. ad *Theolog. lib. 5. artic. 19. ad sess. 16. d. Concil.* notasset, non scripisset, Concilium ad 16. usque sessionem fuisse Oecumenicum, & à Papa approbatum.

20 Interea novæ inter Eugenium, & Basileenses intercessere discordiæ super translatione Concilii in alium locum pro ineunda Græcorum cum Latinis unionem. Illi Basileam, Avinionem, vel Sabaudiam in *sess. 25.* delegerant. Eugenius verò transtulit Ferrariam, ut in *Constit. Magnas la 11.*

Bullar. cit. à Græcis præelectam, tamquam sibi commodiorem. Quod subinde ob pestem Ferrariæ subortam fuit absolutum Florentiæ, ut in alia ipsius constit. Latentur la 17. ibidem.

Non omnes Basileæ congregati Eugenio paruerunt, sed, qui remanserant (quavis ex testimonio Pii paucissimi) ad extrema rebellionis scelera in Sedem Apostolicam, & legitimum Petri Successorem refractarii devenerant, Eugenium *sess. 31.* ab administratione Papatus suspendendo, & subinde, quantum in ipsis fuit, eum *sess. 34.* deponendo: subrogato Antipapa Amadeo Sabaudia Duce Felice V. nuncupato, ut *sess. 39.*

Videatur *Constit. Leonis X. incip. Pastor. la 20. d. Bullar.* in qua §. 6. Basileense, & præsertim post translationem, conciliabulum, & conventicula nominatur. Et *Constitutio inter cetera Eugenii IV. la 29.* quæ refert absolutionem eorum, qui post translationem Concilii Congregationi Basileensi adhæserunt, & tandem ad obedientiam Eugenii Romani Pontificis redierunt. Confirmanturque collationes Beneficiorum per Basileenses factæ post dissolutionem Concilii.

21 Post tempora verò Eugenii Nicolaus V. *Const. Ut pacis apud d. Bail. cit. ad Concil. Basileen.* (prævia cessione Antipapatus à Felice V. facta, ac per eum soluta Congregatione Lausanæ Basilea translata, præmissaque publicatione, & ordinatione esse Nicolao, tamquam unico, & indubitato Romano Pontifici, obediendum) approbat, quæ in negotiis Beneficiorum, & dispensationum gesta erant tempore Schismatis ab iis, qui Basileæ, postmodum Lausanæ sub nomine Concilii perseveraverant, ut expressè text. *Const.*

§. III.

Romani Pontificis præ eminentia supra jus positivum Ecclesiasticum.

I Tertia propositio, ut Pontificem Romanum subderet Conciliis, dixit eum Sacris Canonibus, & universalium Synodorum Legibus alligari, ut inde constaret Concilio subesse; siquidem superioritatis argumentum est, alicui leges, parendique necessitatem imponere. Sed Papam

pam Statutis Canonum, nec Lege positiva Ecclesiastica ligari, ipsi Canones concesserunt, tradiderunt Concilia, & Patres dixerunt.

2 Primò itaque Conc. Trid. sess. 25. cap. 21. de ref. expressè declarat, Pontificem Legibus positivis Ecclesiasticis non alligari, ibi -- Sancta Synodus omnia, & singula, quæ de morum reformatione, atque Ecclesiastica disciplina in hoc Sacro Concilio statuta sunt, declarat, ita decreta fuisse, ut in his salva semper autoritas Sedi Apostolicæ & sit, & esse intelligatur.

Secundò. Idpsum legitur in cap. Significasti, de elect. ibi: Cum omnia Concilia per Romanæ Ecclesiæ auctoritatem, & facta sint, & robur acceperint, & in eorum statutis Romani Pontificis patenter excipiantur auctoritas. Et cap. Innotuit §. Quamvis eodem tit. & c. Proposuit de concess. præb. c. Peregrina 3. q. 6. ibi: Peregrina iudicia (salva in omnibus Apostolica auctoritate) generali sanctione prohibemus.

3 Quod totum probavit Gratianus ad c. Ideo 25. q. 1. §. His ita, ibi: His, ait, ita respondetur: Sacrosancta Romana Ecclesiæ ius, & auctoritatem Sacris Canonibus imperitur, sed non eis alligatur. Habet enim ius condendi Canones: utpotè, quæ caput est, & cardo omnium Ecclesiarum, à cuius regula nemini dissentire licet. Ita ergo omnibus auctoritatem præstat, ut se ipsam non subiciat eis. Sed sicut Christus, qui legem dedit, ipsam legem carnaliter implevit: octava die circumcissus: quadragesimo die in templo cum hostiis præsentatus: ut in se ipso tam sanctificaret: postea verò, ut se Dominum Legis ostenderet, contra Legis litteram, leprosum tangendo mundavit &c. Sic & Summa Sedis Pontifices Canonibus sive à se, sive ab aliis sua auctoritate conditis reverentiam exhibent, & eis se humiliando, ipsos custodiunt, ut aliis observandos exhibeant. Nunquam verò, seu iubendo, seu definiendo seu aliter agendo, se Decretorum Dominos, & Conditores esse ostendunt. In præmissis ergo Capitulis, aliis imponitur necessitas obsequendi, Summis verò Pontificibus ostenditur inesse auctoritas observandi, ut à se tradita observando, aliis non contemnenda demonstrant: oportet ergo primam Sedem, ut diximus, observare ea, quæ decernendo mandavit, non necessitate obsequendi, sed auctoritate imperiendi.

Licet itaque sibi contrageneralia Decreta specialia privilegia indulgere, & speciali Beneficio concedere, quod generali prohibetur Decreto. Quamquam, si Decretorum intentionem diligenter advertamus, nequaquam contra Sanctorum Canonum auctoritatem aliquid concedere invenitur. Sacri quidem Canones ita aliquid constituunt, ut interpretationis auctoritatem Sanctæ Romanæ Ecclesiæ reservent. Ipsamque soli Canones valent interpretari, qui ius condendi eos habent. Unde in nonnullis Capitulis Conciliorum, cum aliquod observandum decernitur, statim subinfertur: nisi auctoritas Romanæ Ecclesiæ aliter imperaverit; vel, salvo tamen in omnibus jure S. Romanæ Ecclesiæ.

Quod si dicatur: Papa non potest aliquid statuere contra Statuta Ecclesiæ, ut expressè in cap. Contra, eadem caus. & quest. ibi: Contra Statuta Patrum condere aliquid, vel mutare, nec huius quidem Sedis potest auctoritas.

4 Distinguas: vel Statuta à Pontificibus, aut in Conciliis Generalibus legitime convocatis, & confirmatis, sunt definitiones Fidei, & Decreta morum: vel sunt Statuta iuris positivi, & sub appellatione Legis Canonice comprehenduntur. Priora Papa revocare, neque eis contraria potest statuere. Quod provenit, quia Fides est una, & mutationes non patitur. Quod enim est verum, ei semper falsitas repugnat: & quod à Deo est revelatum, semper est firmum. Ideò quod est articulus Fidei, semper erit: & quod fuit à Papa, ut Magistro Ecclesiæ, definitum, semper ratum habebitur. Et inde fit, quòd licet Statuta Papæ non ligent Successores (quia par in parem imperium non habet, dict. capit. Innotuit) tamen, quæ semel magistratè, & ex Cathedra ab uno Pontifice sunt definita, & delarata, à Deo esse revelata, à Successoribus mutari non possunt: alioquin Fides una non esset; & Sedes Apostolica (quod impium est asserere) in Fide errasse convinceretur, ut dicitur text. in capit. Sunt quidam ibid. Fagnan. in 1. ad cap. Significasti de elect. num. 13. & in 3. ad c. Majores, de Baptismo num. 7. apud quem alii communiter.

5 Posteriora verò potest Pontifex revocare, eisque contraria condere, & promulgare, per tex. in cap. Non debet de consan-

sanguinit. & affinitat. ibi: Non debet reprehensibile judicari, si secundum varietatem temporum statuta quandoque varientur: humana præsertim cum urgens necessitas, vel evidens utilitas id exposcit. Ita plura, quæ olim opportuna fuerunt, temporis cursu, mutatisque circumstantiis, temperata, & moderata leguntur, ut refert Pignatellus *tom. 10. consult. 155. num. 5.*

6 Modò, statuta, de quibus loquitur textus in *diſt. cap. Contra*, idem sunt, ac definitiones Fidei, & morum Decreta, prout ibi exponit Gloss. Et concordat text. in *d. cap. Sunt*, ibi: *Sunt quidam dicentes Romano Pontifici semper licuisse novas condere Leges, quod Nos non solum non negamus, sed & valdè affirmamus. Sciendum verò summopere est, quia inde novas Leges condere potest, unde Evangelista aliquid, & Propheta nequaquam dixerunt.* Contra huius generis statuta nil potest Pontifex concedere, vel negare; sed valet tantum explicare, ut per Divum Thomam 2. 2. q. 1. art. 19. ad 2. & ex eo Fagnanus in 3. ad d. cap. *Maiores num. 8.* Sæpè tamen in Lege Canonica dispensavit, ad *tex. in cap. Litteras de restitut. spoliat. cap. Proposuit de concess. præben. & alibi sæpè.* Videndum Tridentinum *sess. 25. de reform. cap. 18.* & Fagnan. in *primum ad cap. Permissionem, de offic. ordin.*

§. I V.

In Fidei, & morum dubiis recidendis Romani Pontificis, etiam extra Concilium infallibilitas.

1 **Q**uartæ propositio negat Summo Pontifici extra Concilium loquenti etiam ex Cathedra, indubiam, & infallibilem auctoritatem in Fidei, & morum dubiis decidendis: affirmatque, ideò definitiones Pontificum omnem errorem, & dubium excludere; quia illis Ecclesia credit, & eas acceptat.

2 Verùm Romani Pontificis sententia in materia Fidei, & morum, licet extra Concilium, est omnio, & infallibilis, & certa, ut habetur ex verbis Lucæ 22. *Ego rogavi pro te, Petre, ut non deficiat Fides tua &c.* Quæ verba specialiter ad Petrum, & in Petro ad Romanos Pontifices dirigun-

tur ex d. cap. *Solita de majorit. & obed.* Ex quo sequitur. Christum Petro in utilitatem Ecclesiæ impetrasse donum perpetuæ, & indefectibilis Fidei, ut eam adversus Satanæ insultus confirmaret, ne portæ Inferi erroris, & hæresum adversus eam prævalerent. Verùm non pro Petro tantum Christus oravit, sed etiam pro Petri Successoribus, ne illorum Fides deficeret; ut hinc Ecclesiam confirmarent, quando eam Satan impeteret, & opus esset.

In idem est text. *Joann. ult. Pasce Oves meas.* Per quæ verba Petrus, ejusque Successores constituti sunt Doctores, & Pastores totius Ecclesiæ. Modò, vel Ecclesia tenetur eos audire docentes, præsertim quæ sunt Fidei, & morum, aut non tenetur. Si tenetur. Ergo illi, cum docent, errare non possunt: nam si possent, tota Ecclesia, quæ illorum sententiæ, & doctrinæ acquiescere debet, erraret; quod est impossibile. Si verò non tenetur credere, & recipere, quæ Summus Pontifex credenda, & recipienda esse definit; jam Papa non esset Pastor, & Magister Ecclesiæ; siquidem Oves tenentur Pastorem sequi, & Discipuli debent Magistrum audire, eique parere.

Legatur cap. *Memor sum. 24. qu. 1. c. Generali 25. q. 1.* Adducitur etiam cap. *Hæc est Fides 24. d. q. 1.* sed Canon est Apocryphus (liber Apocryphus dicitur, cujus Auctor ignoratur, & ab Ecclesia non recipitur, Gloss. ad c. *Sancta 15. dist.*) ut notavit Bellarm. de *Scriptorib. ad an. 1145.* de Gratiano. Nam tribuitur Hieronymo in Symbolo ad Damasum, sed desumptus est ex Libello Fidei Pelagii Hæresiarchæ, ad Innoc. I. Pontificem transmissio, ut ex D. August. lib. 1. de *gratia Christi c. 31. 32. & 33.*

3 Idem comprobatur Patrum testimoniis: illa Augustini sint satis; *Epist. 190. c. 6.* ibi: *In verbis Apostolica Sedis, tam antiqua, atque fundata, certa, & clara est Catholica Fides, ut nefas sit dubitare Christianis.* Si Decreta Apostolicæ Sedis sunt certa, adeò ut de illis dubitare non liceat, nec minùs de ejusdem infallibilitate dubium esse potest. *Lib. 1. contra Julianum cap. 4.* ibi: *Si Romana Ecclesia præsentem Beatum Innocentiū audire voluisses, jam tunc periculosa juvenutem tuam Pelagianis laqueis exuisses. Quid enim potuit ille vir Sanctus Africanus respondere Conciliis, nisi quod antiquitus Apo-*
liso-

solica Sedes, & Romana cum cæteris tenet perseveranter Ecclesia? Duo hic Augustinus ostendit: primum, quod Romanus Pontifex non potest à vera doctrina aberrare: secundum, quod sola auctoritas Romani Pontificis sufficit ad Hæreticorum errores damnandos. Et *serm. 131. de scripturis cap. 8. Jam enim de hac causa* (hæresi Pelagiana) *duo Concilia missa sunt ad Sedem Apostolicam: inde etiam rescripta venerunt; causa finita est: utinam aliquando finiatur error.* Duo hic pariter Augustinus docuit: unum, quod dubia Fidei ad Sedem Apostolicam sunt referenda, per text. in *cap. Majores de Baptismo*: aliud, quodposito Sedis Apostolicæ judicio, causa finita est. Qua vero ratione potest Sanctus Doctor asserere causam esse finitam, si Romani Pontificis sententia esset errori subiecta? si examinanda adhuc sit? si Concilii Generalis assensu sit probanda, & Ecclesiæ consensu egeat?

4 Demum, accedit Apostolicæ Sedis legitimas usus, & Romanorum Pontificum praxis, qui extra Concilium plures errores proseripserunt. Nec meum est hic omnium Catalogum texere, & iuxta ordinem Sæculorum ab initio nascentis Ecclesiæ usque ad hæc tempora recensere; sed solum unam, vel alteram definitionem, Decretumvè innuere in Fidei, & morum doctrina à Romanis Pontificibus extra Concilium editæ. De qua re agit Portier. *sistem. decretor. Dogmatic.* referens antiquissimam Ecclesiæ consuetudinem recurrendi ad Romanam Apostolicam Sedem, pluresque errores ab eadem extra Concilium Generale esse proseriptos; cum primis trecentis annis nullum Oecumenicum fuerit congregatum. Quod sanè nullus in Ecclesiastica historia vel leviter tinctus negabit: primum enim Concilium Oecumenicum fuit Nicænum I. de auctoritate Sylvestri Papæ convocatum de an. 325. in quo interfuere Sylvestri Legati, Anatus *apparat. ad Theol. lib. 5. p. 2. art. 2.* Legi potest etiam Lauræa citat. *art. 5.* ubi rem plenè probat, & plura à diversis Pontificibus decreta extra Concilium refert, ad quos Lectorem remittimus, & solum aliqua recensemus.

4 Itaque Innocentius I. reprobat doctrinam Pelagii, ut in eius epistol. 183. inter eas Augustini. Item Zozimus damnat Pelagium, & Cælestium, in *Epist. 190.* Augusti-

ni ad Optatum *cap. 6.* Sixtus IV. *Const. Licet la 17. Bullar. rom. 1.* damnavit errores Petri de Osma. A Leone V. proseripti sunt illi Lutheri, ut in ejus *Const. Exurge la 40. ibid.* A B. Pio V. fuerunt reprobatae propositiones Michaelis Baji. Quod subinde egit Urban. VIII. *Const. In eminenti la 289. Bullar. tom. 5.* in qua Litteræ Pii inferuntur, improbaturque liber Cornelii Jansenii Episcopi. Iprencui titulus, *Augustinus* Ex quo quinque propositiones fuerunt excerptæ, ab Innocen. X. damnatae *Const. Cum occasione*, quæ per extensum refertur in *Const. Ad sanctam la 28.* Alexan. VII. *Bullar. cit.* Et in hac, nonnullis asserentibus, dictas propositiones, vel in libro prædicto non reperiri, vel in sensu ab Auctore intento damnatas non fuisse: expressè ex Jansenii libro propositiones excerptas, atque in sensu ab Authore intento damnatas Alexander declaravit, ac uti tales iterum damnavit; finemque quæstionibus daturus formulam edidit, secundum quam esset præstandum ab omnibus juramentum se sincero animo rejicere, ac damnare propositiones ex libro Jansenii excerptas, & in sensu ab eodem Auctore intento, prout eas Sedes Apostolica damnavit, ut in alia ejusdem Constit. *Regiminis de anno 1664.* apud Natal. Alex. *tom. 1. in fin. append. altera.* Et Innoc. XII. in Litteris in forma Brevis Episcopis in Belgio directis sub anno 1694. apud cit. malitiæ hominum occurrens præcepit, ut subscribentes formulæ, juramentum præstarent sincerè absque ulla distinctione, restrictione, seu expositione: damnando illas propositiones ex libro Jansenii excerptas, in sensu obvio, quem ipsamet verba præferunt.

Tandem Clemens XI. *Constitut. Vineam Domini sub 17. Kal. Augusti 1705.* errorem nonnullorum reprobavit, asserentium, quod, dum Innocentius XII. in dd. suis Litteris pronunciavit *prædictas quinque propositiones ex memorato libro Jansenii excerptas in sensu obvio, quem ipsamet propositionum verba exhibent, & præferunt, damnatas esse: intelligi non de ipsomet obvio sensu, quem in Jansenii libro habent, quivè ab eodem Jansenio intentus, ac à præfatis Innocentio X. & Alex. VII. damnatus fuit, sed de alio quopiam diverso sensu cogitasse.*

Uterius eò impudentiæ quidam deveniunt, ut dixerint, ad obedientiam præfatis Apostolicis Constitutionibus debitam non requi-

requiri, ut quis prædicti Janseniani libri sensum in antedictis quinque propositionibus damnatum, interius ut hæreticum damnet: sed satis esse, si ea de re obsequiosum (ut ipsi vocant) silentium teneatur.

Præterea alii non dubitaverunt asserere: præfatæ Formulæ ab Alexandro præscriptæ subscribi licite posse, etiam ab iis, qui interius non iudicant in prædicto Jansenii libro doctrinam hæreticam contineri.

Adversus quos Clemens in præcitata Constitutione decernit, declarat, & statuit: obedientiæ, quæ præinsertis Apostolicis Constitutionibus debetur, obsequioso illo silentio minimè satisfieri: sed damnatum in quinque præfatis Propositionibus Janseniani libri sensum, quem illarum verba præferunt, ut præfertur, ab omnibus Christi fidelibus, ut hæreticum, non ore solum, sed & corde rejici, ac damnari debere; nec alia mente, animo, aut credulitate supradictæ Formulæ subscribi licite posse; ita ut qui secus, aut contra quoad hæc omnia, & singula senserint, tenuerint, prædicaverint, verbo, vel scripto docuerint, aut asseruerint, tamquam præfatarum Apostolicarum Constitutionem (Innocentii, & Alexandri, quas innovat) transgressores, omnibus, & singulis illarum censuris, & pœnis omnino subiaceant.

5 Propter quod contra Modernos nonnullos est videns Romanorum Pontificum infallibilitas in decidendis etiam quæstionibus, tum facti connexi cum jure, aut fide, & morum doctrina, tum facti dogmatici.

Considera, factum dogmaticum hic idem esse, ac dogma, & doctrina cujusvis privati Authoris in materia fidei, & morum; & per quæstionem facti dogmatici significari quæstionem illam, qua v.g. quæritur: An propositio ex hoc, vel illo libro desumpta, sit Catholica, vel hæretica: vel, an doctrina hujus privati Authoris in sensu naturali ipsius Authoris Catholica sit, an hæretica. In huiusmodi quæstionibus decidendis Pontificum iudicium etiam est infallibile: adeo ut verè catholicum sit quodcumque privati Authoris dogma, quod ut Catholicum ipsi approbant; & hæreticum, quodcumque, quod ut hæreticum ab iisdem damnatur. Siquidem Pontifices propter assistentiam Spiritus Sancti errare non possunt in vera Christi doctrina cognoscenda, & discernenda ab alia quacumque ipsi contra-

ria, & difformi. Adeoque nec in cognoscenda hæc alia doctrina, & discernendo illius vero, obvio, & naturali sensu, iudicando de conformitate, & difformitate ipsius cum vera doctrina Christi, scripta, vel tradita.

Nota, quod sensus naturalis Authoris est sensus naturalis verborum Authoris: & sensus naturalis verborum Authoris est ille, quem verba Authoris exprimunt, seu, ad quem exprimendum sunt instituta, ut per DD.

Factum verò connexum cum jure, seu fide, illud dicitur, quo negato, sequitur negatio juris, seu fidei: aut ex cuius decisione dependet decisio juris, seu fidei, & doctrinæ morum: ut v.g. esset præsens: *An hæc Scriptura sit à Deo revelata*. Huiusmodi enim factum ita connectitur cum fide, & doctrina morum, ut ex eius decisione dependeat decisio fidei, & doctrinæ morum. Si enim negetur, quod hæc Scriptura sit à Deo revelata, quam nobis Ecclesia verè à Deo revelatam proponit, sequitur, ut negetur doctrina, & fides ipsorum Mysteriorum, quæ in ea Scriptura continentur. Ideoque cum Pontificum infallibilitas in decisionibus fidei, & morum sit omnino certa, innegabilis, & certa etiam est in huiusmodi factis decidendis, ut optimè Annat. appar. ad Theol. post. lib. 6. art. 2. & 3. Quem consulas.

6 Alias propositiones damnaverunt Alex. VII. sub ann. 1665. & 1666. & Innocentius XI. de ann. 1679. Qui subinde de ann. 1687. Constitut. *Ad abolendam*. Quietistarum errores reprobavit. Quorum Auctor fuit Michael de Molinos, cuius vita adeo procax fuit, ut etiam recensere pudeat. Nonnullas etiam Alexan. VIII. de ann. 1690. & tandem Innocent. XII. Constitut. *Cum aliis* sub ann. 1699. eas Episcopi Cameracensis improbarunt.

Omnia, & singula prædicta fuerunt à Summis Pontificibus extra Concilia præscripta: vel, ut temeraria, scandalosa, perniciofa, hæretica &c. prout expressius in dd. Litteris respectivè continetur. Et Ecclesia pro damnatis habet; ac damnationi ita necessariò acquiescit, ut nefas sit dubitare eas non mereri censuras, sub quibus fuerunt ab Apostolica Sed constitutæ.

7 Quare certus; & indubitatus articulus est, Legis, Decretæ, & Præcepta à Pontifice edita, post publicationem statim à principio ligare, ante ullam populi acceptionem.

Nam

Nam soli Romano Pontifici est à Christo in Ecclesia data suprema, efficax, & absoluta potestas regendi, & docendi Ecclesiam, juxta sæpè repetitum: *Pasce oves meas: pasce agnos meos.* Nec absoluta foret, si ejusdem Leges vim ex se non haberent ad obligandum independentem à consensu, & acceptatione: sed conditionata, hoc est, *si populus consentiret.* Nec tunc Lex esset à solo Papa: sed ab ipso simul cum Ecclesia. Et hinc posset verificari absurdum, de quo loquitur text. *in cap. Bona memoria* il 2. de *postulat. Pralator.* ibi: *Si possent ab ea recedere, nobis frequenter illudarent, & iudicium nostrum ex eorum pendere arbitrio videretur.* Indeque potestas esset inter Papam, & subditos divisa, & populus foret Conlegislator simul cum Papa; quod nullus non videt, quàm repugnet verbis Christi, qui Papæ absolutè dixit: *Quodcumque ligaveris &c.* & non sub conditione, si acceptaretur à populo fidei id, quod ipse doceret circa doctrinam fidei, & præciperet operandum circa mores, Laur. cit. artic. 8.

8 Maximè verò consideratur, quòd, ut subditi obligentur ad acceptandam Legem à Principe latam, duo ex parte Legislatoris sunt necessaria, *potestas, & voluntas, per cap. Cum super de offic. delegat.* De potestate autem Pontificis, soli Hæretici dubitant: est enim supremus Legislator cum potestate ferendi Leges independentem à consensu populi, & Concilii, secundum ea, quæ notantur *in cap. Cuncta per mundum*, 9. q. 3. & obligandi subditos ad observantiam, *cap. Quoniam de constit.* consequenter ad illam acceptationem, *ed text. in cap. Delibellis* 20. dist. aliàs inutilis esset dicta potestas. *Voluntas* item ad obligandum patet: & præsertim ostenditur, si Lex sit simpliciter præceptiva, ut sunt definitiones in materia Fidei, & morum: cum de ratione præcepti absolutè impositi sit obligare non sub conditione; *si subditus velit acceptare;* sed absolutè constringere: aliàs esset potius lex consilii, & exhortationis, quàm præcepti, ut est text. *in cap. Quisquis* 14. q. 1. De quo Fagnan. *in 1. ad c. Treguas* num. 48. de *ireg. & pac.*

9 Proinde non est Fidelibus liberum Papæ definienti, & præcipienti non acquiescere vel non acceptare: Oves enim vocem Pastoris audire debent. Et non acceptantes

pœnas non evitant, per c. *Si quis* 25. q. 2. ibi: *Si quis dogmata, mandata, interdita, sanctiones, vel decreta pro Catholica Fidei disciplina, pro correctione Fidelium, pro emendatione sceleratorum, vel interdictione imminuentium, vel futurorum malorum, à Sedis Apostolicæ Præsule salubriter promulgata contempserit, anathema sit.*

Hæc satis sunt ad nostrum institutum. Cætera videri possunt apud allegatos, & Bellarminum de Pontifice, ac Bzovium *lib. Rom. Pontifex.*

Uberiorem notitiam circa Primatum Romani Pontificis ex subnexis percipere Lectorem non pigeat, considerando.

10 I. Quòd forma regendi Ecclesiam non est Aristocratica, ut contendunt Marcus Antonius de Dominis, Richerius, & Messalinus, ac Launojus *in suis Epistolis*, & quotquot intendunt Papam subesse Concilio. Nam Aristocratia petit, ut *suprema regendi potestas in Nobilibus, & Optimatibus resideat, qui ceteris imperent.* In Episcopis autem non est suprema authoritas regendi, pascendique Fideles; sed particulares Diœceles, & populos habent sibi à Romano Pontifice assignatos, quos regant, ut ex dictis supra §. 2. num. 8. & apud Petram *tom. 2. ad Constitut.* 3. *Innocent. III. num. 36. & inf. num. 14.*

Illud verò Matth. 18. ubi Christus præcipit, ut, si contra nos Frater deliquerit, nec à nobis correctus resipiscat, deferamus Ecclesie: *Dic Ecclesie;* perperam ab illis exponitur. Nec per Ecclesiam hinc venit Concilium Generale; ridiculum enim esset ita præceptum illud interpretari, ut quoties quis vellet denunciare Fratrem, privata correctione non emendatum, esset convocandum Generale Concilium. Sed sensus est; *Dic Ecclesie,* hoc est, Ecclesiæ Prælato; & si causa de majoribus fuerit, dic Romano Pontifici: quòd si Prælatum non audierit, per eum communione Fidelium privetur. Vide Becan. *tom. 5. opusc. lib. 3. c. 4. 6. privil.*

11 II. Quòd forma regendi Ecclesiam non est Democratica, nec Claves sunt immedatè tamquam subiecto datæ Ecclesiæ (prout hæc est Fidelium multitudo) à qua ipse Papa, & Episcopi eas quoad executionem, & ministerium recipiant, ut placuit eidem Richerio fingere apud d. Petavium *lib. 3. c. 15. num. 4.* Quoniam Democratiæ essentia exigit, ut *suprema potestas regendi sit penes*

*penes totam multitudinem Communitatis ; adeo ut vel totus populus, vel saltem aliqui ex nobilibus, & plebeis ex electione populi Rempublicam gubernent : & inde dicitur regimen popolare. Summa verò, supremaque cura regendi Ecclesiam non est data Communitati Fidelium, sed Petro, & in Petro Romanis Pontificibus, illis verbis? *Pasce Oves meas: Tibi dabo Claves &c.* Neque enim ab Ovis potestas pascendi dimanat in Pastorem; sed ab Hero, & Domino Gregis communicatur, & quem vult, ei præficit.*

12 Ponderandum hic est, quòd non aliter pronunciandum est de potestate, & jurisdictione pascendi Oves, & Fideles, quam ex Scripturis constet ab ipso Institutore Christo Domino institutum esse; certè autem summa Clavium potestas, quo loco Scripturæ commemoratur, & à Christo communicata legitur, non alteri data, quàm Petro, & in Petro ejus Successoribus reperitur. Nam Matth. 16. Christus dixit: *Tibi dabo Claves Regni Cælorum.* Joann. 21. *Pasce Agnos meos: Pasce Oves meas.* Nunquam autem Communitati, ac multitudini Fidelium formaliter, & ut subiecto donata legitur. Unde S. Cyprianus *de unit. Eccles.* dixit: *Super unum Petrum Dominus edificat Ecclesiam suam, & illi pascendas mandat Oves suas.* Optatus lib. 7. *contr. Parm. Bonunitatis B. Petrus, & præferri omnibus Apostolis meruit, & Claves Regni Cælorum communicandas solus accepit &c.* Quod frequenter repetunt cæteri Patres apud citat. Petavium, & Bœcan. *cit. lib. 2. & Spondan. Epitome ad an. 34. num. 59.*

Cùm verò Patres videntur sentire, quòd Claves sint traditæ Ecclesiæ (inter quos Augustinus lib. 1. *de Doctr. Christ. cap. 17. ibi: Has igitur Claves dedit Ecclesiæ suæ. Et tractat. 50. in Joan. ibi: Quando Petrus Claves accepit, Ecclesiam Sanctam significavit*) intelligendi sunt, ut sibi non contradicant; & ideo text. textibus sunt concordandi. Quia verò sæpè repetunt Claves esse Petro, ut Capiti, & in eo ejus Successoribus traditas, dum videntur asserere jurisdictionem Ecclesiasticam toti Ecclesiæ primò, ac per se convenire, accipiendi sunt, ut loquantur in sensu non subiectivo, sed finali; quatenus Romanis Pontificibus fuit à Christo suprema potestas tradita, primariò in commodum ipsius Ecclesiæ, ut ipsam regerent, & gubernarent: atque ita, ut toti Corpori Ec-

clesiæ prodesse: in cujus commodum Christus retulit Sacramenta, aliaque gratiæ beneficia. Fundamentum enim primariò est propter domum, quam regit: Caput propter corpus, quod dirigit: Pastor propter Oves, quas regit: & Dux totus est, ut salvum, & victorem reducat exercitum, non ut privatim sibi consulat, nisi quatenus pars illius est, & cum eo conjungitur. Ita Petavius ibidem c. 14. num. 2. & seq.

13 Et hinc patet de sensu Augustini, qui eisdem locis voluit tantum, quòd Petrus non ut persona privata est, & mortalis homo, quo cum essent Claves peritura, nec ut Procurator: sed ut Caput, Princeps, Supremusque Rector Ecclesiæ à Christo constitutus, Ecclesiæ unitatem repræsentans, pro se, & suis Successoribus Clavium potestatem acceperit; prout legendus tract. 118. in Joan. & patet ex d. Extrav. *Unam Sanctam*, ac probat Annat. lib. 6. art. 7.

14 III. Quod regimen Ecclesiæ est absolute Monarchicum. Quoniam in omnium sententia inter Gubernationum genera cæteris, tum nobilitate, tum utilitate, præstat forma regendi Monarchia, ut de communi testatur Fagnan. in 2. ad cap. *Significasti num. 35 de elect.* Probatur que ex Aristotele 12. *Metaph.* ibi: *Entia nolunt malè gubernari: non est bonum pluralitas Principatum: unus ergo Princeps.* Consonat Augustinus lib. 1. cap. 9. *de nupt. & concupiscen.* *Principatus magis naturalis unius in plures, quàm in unum potest esse multorum.* Hinc indubia res est, Christum in Ecclesia, quam suo Sanguine fundavit, & voluit usque in finem manere, instituisse formam regendi Monarchicam, utpotè nobiliorum, utilioreque, ad tex. in cap. *In Apibus 1. quæst. 1.* Est enim Auctor pacis, qui dedit suæ Ecclesiæ regimen pacis amicum, hoc est, Monarchicum, sub B. Petro & Successoribus ejus, administrari cuncta præcipiens, Clavibus illis commissis, & cura gregis demandata, Pius II. in d. *Const. in minorib.*

Ex quo evidens est, supremam potestatem, jusque regendi, & gubernandi gregem esse in Romano Pontifice, tamquam in Monarcha, & Ecclesiæ Principe, à quo veluti fonte, & origine in inferiores jurisdictiones dimanat; partem accipientes ab eo, qui plenitudinem habet; hoc ipsa exigente Monarchiæ natura, ad cujus quidditatem spectat (ut Monarchica regendi fo-

ma verificetur) quòd *suprema imperandi potestas in aliquo uno nobilissimo, ut in subje-cto resideat, qui ceteris præsit, fons omnis inferioris auctoritatis existens ? ut per Petavium cit. cap. 16. n. 26.*

15 Videatur Diana coord. tom. 9. tract. 13. ubi summa eruditione de primatu solius S. Petri supra S. Paulum tractatum instituit. In qua materia Innocentius X. edidit Decretum contra sententiam, quæ tribuebat D. Paulo Ecclesiæ Primatum, seu Principatum, sed non distinctum ab eo Divi Petri, adeò ut ambo unum caput, unumque Ecclesiæ Pontificem efficerent. Tenor Decreti est.

S. D. N. Innocentius X. *relata unanimi Theologorum ad hoc specialiter deputatorum censura, & auditis votis Eminentissimorum Cardinalium Generalium Inquisitorum : propositionem hanc, S. Petrus, & S. Paulus sunt duo Ecclesiæ Principes, qui unicum efficiunt, Vel: duo Ecclesiæ Catholica Coriphei, ac supremi Duces summa inter se unitate conjuncti. Vel: sunt geminus universalis Ecclesiæ vertex, qui in unum divinissime coaluerunt. Vel: sunt duo Ecclesiæ Summi Pastores, & Præsides, qui unicum caput constituunt : ita explicatam, ut ponat omnimodam aequalitatem inter S. Petrum, & S. Paulum, sine subordinatione, & sine subjectione S. Pauli ad S. Petrum, in potestate suprema, & regimine universalis Ecclesiæ, hereticam censuit, & declaravit. Apud Petram tom. 2. ad Constit. 14. Greg. IX. n. 21. & Bail. sum. tom. 2. in append. tit. Decreta Pontif. §. copia.*

C A P V T XXX.

Officialis quoad Legata facta Fratribus Minoribus de Observantia.

S U M M A R I U M.

- 1 *Definitio, & divisio legati :*
- 2 *Legatum est implendum per totum tempus à testatore prescriptum.*
- 3 *Dubia de legatis bonorum mobilium factis Fratribus Minoribus.*
- 4 *De legatis factis Fabricæ.*
- 5 *De legatis annuis cum onere.*
- 6 *De legatis annuis sine onere.*
- 7 *Responsa S. Congr. ad dubia primi generis.*
- 8 *Et ad ea secundi generis.*
Official. Cur. Eccl.

- 9 *Et ad ea tertii.*
- 10 *Et ad alia quarti generis.*
- 11 *Decretum S. Congr. Rev. Fabricæ, quo prohibetur extinctio legatorum, & compositio: ac ne sub excommunicationis pœna Fr. Min. judicialiter per se, vel per alios petant legata.*
- 12 *Constitutio Clementis X. confirmans Decretum S. Cong. Episc. in Turritana Legatorum.*
- 13 *Decretum ejusdem S. Cong. declarantis Frat. Min. posse per viam simplicis elemosynæ præstationes legatorum recipere.*
- 14 *Decretum Sac. C. Fabricæ inhibentis compositionem cum hæredibus super annuatis non solutis.*
- 15 *Epistola d. S. Congr. concernens incapacitatem dd. Fratrum.*
- 16 *Decretum S. C. Concil. circa idem.*
- 17 *Fratres Min. non sunt capaces legati perpetui ad longum tempus pro celebratione Missarum.*
- 18 *Declarara.*
- 19 *Doctrina Sac. Congr. circa modum recipiendi elemosynas.*
- 20 *Legatum factum Capellæ existenti in Ecclesiâ Frat. Min. præsumitur factum ipsis Fratribus.*
- 21 *Legatum non sit caducum, ex quo à Fratribus impleri non possit.*
- 22 *Legatum factum Fratribus cum conditione, quòd Papa in eo se non ingerat, est factum Fratribus sub modo illicito.*
- 23 *An valeat legatum factum infirmariæ Frat. Min. ? sed declara : & nota quid servandum sit, usque ad n. 25.*
- 24 *An valeat legatum factum pro induendis Fratribus.*
- 25 *Valet legatum factum pro Divino cultu.*
- 26 *Corruptela Fratrum quantum ad paramenta Ecclesiastica.*
- 27 *Fratres Min. non possunt hæredes institui.*
- 28 *Ad quid hæres teneatur recipiens hæreditatem.*
- 29 *Fratres sunt incapaces legati universalis.*
- 30 *Fratres sunt capaces legati particularis, adjecto modo, ut vendant, & pretium erogetur in Fratrum necessitates.*
- 31 *Syndicus Fratrum non potest pro ipsis hæres institui.*

- 34 *Fratres nequeunt mediis Syndicis se componere cum heredibus, vel executoribus testamentorum.*
- 35 *Nec etiam per Syndicum retinere bona stabilia cum onere Missarum.*
- 36 *Possunt per modum simplicis eleemosynæ recipere de die in diem relictum à testatore.*
- 37 *Formula protestationis faciendæ à Fratribus occasione legatorum.*
- 38 *Quando legata Fratribus relictæ, reputentur modo licite facta.*

Non agitur hic generaliter de legatis quia nimis volumen excreveret, sed solum de relictis Fratribus Min. de Observ. Circa quæ plures solent difficultates, excitari; & non semel in praxi ea admittuntur, quæ de jure non debent. Sed aliqua prius necesse est advertere.

I. Quod legatum est *donatio à testatore relictæ, & ab hærede præstanda*. Differt à simplici donatione, quia legatum est donatio facta causa mortis.

II. Quod legatum aliud est prophanum, quia ad prophanos usus relictum; & aliud pium, quia ordinatum ad pios usus, & animæ suffragium: ut ad maritandas puellas; ad eleemosynam erogandam, Missas legendas, Officia celebranda &c.

2 III. Quod legatum à testatore pro anima relictum tenetur hæres sub mortaliolvere, non solum per decem annos, sed per totum tempus à testatore præscriptum; cum nobis sit prorsus occultum, & solum Divinæ Justitiæ simul, & Clementiæ reservatum tempus, quo Animæ in Purgatorio detinentur (ideo non possumus nos absque temeritate illud præfigere.) Unde Alex. VII. die 18. Martii 1666. inter alias præscripsit hanc propositionem, quæ in ordine erat la 43. *Annum legatum pro anima relictum non durat plus, quam per decem annos.*

IV. Quod in legatis sunt nonnullæ regulæ observandæ. Prima, quod legata sint intelligenda juxta consuetudinem loci. Secunda, quod in legato ad pias causas facilis est extensio, & larga interpretatio. Tertia, quod in dubio est favendum piæ causæ, *leg. sunt personæ ff. de relig. & sumpt.* Quarta, quod in obscuris inspiciendum est, quod est universalius, per regulam 45. *jur. in 6.* Quinta, quod pro expressio haberi debet, quod

testator disposuisset, si interrogatus fuisset, l. Titius, §. Lucius, ff. de liberis.

Quæritur. *An à Sede Apostolica in materia legatorum Fratrib. Min. de Observ. relictorum, vel relinquendorum, declarationes emanaverint?*

Resp. Affirmativè. Quorum omnium Cathalogum non refero, sed nonnullas solum, & fortè magis ad praxim utiles describo.

Itaque S. Congr. à fel. rec. Urbano VIII. Fratr. Min. de Observ. consultationibus præposita, apud Fagnan. in 5. ad c. Nimis prava de excessib. Pralat. pluribus dubiis propositis, disposuit, ut infra.

Distinctio prima de legatis bonorum mobilium.

3 Articulus Primus. An Fratres Minores, tam de familia, quàm Reformati, sint capaces legatorum bonorum mobilium, quæ unica solutione, seu præstatione adimplentur, tam in pecunia numerata, quàm in aliis speciebus?

Art. 2. An possint eadem legata in judicio, aut extra exigere per se ipsos, vel Syndicum Apostolicum?

Art. 3. An Fabricæ S. Petri liceat in hujusmodi legatis se ingerere infra annum, ex quo dies legati cessit?

Art. 4. Et quid elapso anno?

Distinctio secunda de legatis factis Fabricæ.

4 Art. Primus. An valeat legatum annui redditus factum fabricæ, Sacristiæ, vel Ecclesiæ Fratrum Minorum, tam de familia, quàm ex Reformatione?

Art. 2. An liceat Fratribus hujusmodi legata in judicio exigere per eorum Procuratores, vel Syndicos Apostolicos?

Art. 3. An liceat eidem erogare prædicta legata in usus Fratrum? an verò illa omnino converti debeant in usus à testatoribus præscripto?

Art. 4. An Fabricæ Sancti Petri liceat infra annum se ingerere in proprietate horum legatorum pro fabrica, vel Sacristia, transigendo cum heredibus, aut aliàs de eadem proprietate disponendo.

Art. 5. Et quid transacto anno?

Art. 6. An liceat eidem Fabricæ Sancti Petri.

Petri se immiscere præstationibus, seu fructibus eorundem legatorum ab anno decursis, & non solutis?

Art. 7. Et quid infra annum, ex quo cessit dies præstationis?

Distinctio tertia de Legatis annuis cum onere

5 Articulus primus. An Fratres Minores, tam de familia, quam Reformati, sint capaces legatorum annuorum; quæ sunt adiecto onere celebrationis Missarum?

Art. 2. An iidem possint pro his legatis in iudicio experiri agendo, aut iudicis officium implorando.

Art. 3. An possint Fratres illa accipere a sponte offerentibus, celebrando Missas ad rationem rei acceptæ?

Art. 4. An possint illa sponte oblata accipere per se ipsos; an verò per Syndicum Apostolicum?

Art. 5. An Fratres possint huiusmodi legata extinguere, aut illorum proprietatem vendere, & pretium erogare in usum Fabricæ, vel Sacristiæ?

Art. 6. An liceat Fabricæ Sancti Petri proprietatem eorundem legatorum cum onere Missarum sibi vendicare, tam elapso anno, quàm antea?

Art. 7. An eidem Fabricæ liceat sibi vendicare annuas præstationes decursas, & non solutas, tam antea annum, quàm post?

Distinctio quarta de Legatis annuis sine onere.

6 Articulus primus. An Fratres Minores, tam Observantes, quàm Reformati, sint capaces legatorum annuorum sine aliquo onere, aut modo adiecto, saltem ad effectum illa extinguendi, & pretium erogandi in usum Fabricæ, vel Sacristiæ.

Art. 2. An ad hunc effectum possint eandem proprietatem in iudicio petere per Syndicum Apostolicum?

Art. 3. An possint illam convertere in usum Fratrum?

Art. 4. Et quid, si cœperint illorum annuas præstationes accipere?

Art. 5. An possint Fratres exigere iudicialiter annuas præstationes eorundem legatorum in vim Martinianæ?

Art. 6. Et quid post ultimum Decretum Sac. Cong. hac de re editum?

Artic. 7. An Fratres teneantur protestari se esse incapaces eorundem legatorum.

Art. 8. An possint illas a sponte dantibus accipere per se ipsos, vel per Syndicos Apostolicos?

Art. 9. An hæredes teneantur illorum præstationes Fratribus solvere in foro conscientiæ?

Art. 10. An Fabrica Sancti Petri ius habeat sibi vendicandi horum legatorum proprietatem, tam elapso anno, quàm antea?

Art. 11. Et quid de annuis præstationibus decursis, & non solutis?

Artic. ultim. An hæc omnia procedant etiam in legatis annuis ad modicum tempus?

Die 9. Septembris 1682. Sacra Congregatio negotiis Fratrum Minorum Sancti Francisci de Observantia, a Sanctiss. Domino Nostro præposita, ad singulos articulos superius propositos ad hunc modum respondit, videlicet.

Distinctio prima.

7 Ad primum Articulum Fratres Minores, tam de Familia, quàm Reformatos, esse capaces legatorum bonorum mobilium, quæ unica solutione, seu præstatione adimplentur, tam in pecunia numerata, quàm in aliis speciebus: dummodò tamen huiusmodi legata sint in quantitate moderata, & non in fraudem paupertatis.

Ad secundum. Fratres quidem, nec per se ipsos, nec per interpositam personam posse eadem legata in iudicio exigere, sed Syndicum Sedis Apostolicæ tantum iudicis officium implorare: dummodò similiter illa in moderata sint quantitate, sine ulla fraude paupertatis, & re ipsa erogentur in Fratrum necessitates. Extra iudicium verò ita demum legata huiusmodi accipi posse à Fratribus per se ipsos, si in aliis speciebus consistant, & accipiantur in ea tantum quantitate, quàm vera, & imminens eorum necessitas postulet; sed superfluum, aut pecunias à Syndico tantum posse accipi, dum tamen id omne in Fratrum necessitates convertatur.

Ad tertium. Non licere Fabricæ Sancti Petri huiusmodi legatis bonorum mobilium se ingerere infra annum, ex quo dies legati cessit.

Ad quartum . Elapso annolicere ad prescriptum suarum facultatum .

Distinctione secunda .

8 Ad primum articulum . Valere legatum annui redditus factum Sacristia , vel Fabrica Ecclesie , vel Conventus Fratrum Minorum , tam de familia , quam de Reformatione , nisi adsit excessus in quantitate .

Ad secundum . Nec per se ipsos , nec per alios , licere Fratribus in iudicio exigere huiusmodi legata , sed Syndico Apostolico duntaxat .

Ad tertium , Non licere eisdem annui redditus legata erogare in usus Fratrum , sed illa omnino converti debere in usus à testatoribus prescriptos .

Ad quartum . Fabrica Sancti Petri non licere infra annum se ingerere in proprietate horum legatorum cum hereditibus , transigendo , aut aliàs disponendo de eadem proprietate .

Ad quintum . Idem non licere .

Ad sextum , & septimum . Possè Fabricam Sancti Petri se immiscere in prestationibus , seu fructibus eorundem legatorum ab anno decursis , & non solutis ; non autem infra annum , ex quo dies prestationis cessit .

Distinctione tertia .

9 Ad primum Art. Fratres Minores , tam de familia , quam ex Reformatione , nullatenus esse capaces legatorum annuorum , quæ sunt ajecto onere celebrationis Missarum .

Intellige de legatis annuis cum tali onere , quorum jus maneret apud Fratres , & essent ipsis Fratribus directè relicta ; hæc enim momento retinere possunt , Vespign. compend. privileg. R. Fab. pag. mihi 71. in margine .

Ad secundum . Non posse pro his legatis in iudicio experiri , aut iudicis officium implorare .

Ad tertium . Possè Fratres illas accipere per modum elemosynæ à spontè offerentibus , celebrando Missas ad rationem rei acceptæ citra tamen ullam obligationem ad onus perpetuum , & dummodo prius protestentur se illorum capaces non esse .

Ad quartum . Syndicum Apostolicum , & pro Fratrum necessitatibus , non autem

Fratres ipsos , etiam per alios , possè huiusmodi legata , necumque spontè oblata , accipere , si in pecunia consistant .

Ad quintum . Non posse Fratres huiusmodi legata extinguere , aut illorum proprietatem vendere , & pretium erogare in usus Fabricæ , vel Sacristia .

Ad sextum . Licere Fabrica Sancti Petri ad suarum facultatum prescriptum sibi vendicare eorundem legatorum proprietatem cum onere Missarum celebrandarum , tam elapso anno , quam antea .

Ad septimum . Similiter licere .

Distinctione quarta .

10 Ad primum Art. Fratres Minores , tam Observantes , quam Reformatos , non esse capaces legatorum annuorum , quæ sunt sine aliquo onere , aut modo ajecto , nisi ad effectum illa extinguendi , seu illorum proprietatem , & pretium convertendi in usus Fabricæ , vel Sacristia .

Ad secundum . Non Fratres ipsos , sed Syndicum Apostolicum tantum , possè eandem proprietatem in iudicio petere .

Ad tertium . Possè convertere .

Ad quartum . Si Fratres cœperint illorum annuas prestationes accipere , nè hinc fiat fraus pauperati , expedire , ut de cætero decernatur , eo casu non licere ampliùs Fratribus eandem proprietatem vendere , ac pretium in usus Fabricæ , vel Sacristia erogare , ideoque agendum cum Sanctissimo Domino Nostro .

Ad quintum , & sextum , Fratres nullo modo possè in iudicio exigere annuas eorundem legatorum prestationes .

Ad septimum . Teneri .

Ad octavum . Possè illa per modum elemosynæ , & à spontè dantibus accipere , etiam per se ipsos , si in aliis speciebus consistant , quod si in pecunia , non nisi per Syndicum Apostolicum .

Ad nonum . Non teneri .

Ad decimum . Fabricam Sancti Petri nullum jus habere vendicandi horum legatorum proprietatem , nisi elapso anno , juxta suas facultates .

Ad undecimum . Similiter non habere jus vendicandi huiusmodi annuas prestationes , nisi ab anno decursas .

Ad ultimum . Hæc omnia locum non habere in legatis infra decennium . sed in

histantum, quæ sunt ad decem annos, & ultra.

Decretum S. Congregationis Fabricæ Principis Apostolorum de Urbe super Legatis relictis PP. Minoribus de Observantia Sancti Francisci.

„**II** **C**Um sæpius fuerit habitus recur-
 „sus ad Sacram Congregationem
 „Ven. Fabricæ Sancti Petri super Legatis
 „factis, seu faciendis ad favorem Fratrum
 „Sancti Francisci Minorum de Observan-
 „tia, cum onere Missarum, seu Officiorum
 „sive gratis, sive alio modo.
 „Prætendente Ven. Fabrica S. Petri ad
 „illam spectare propter dd. Fratrum inca-
 „pacitatem hujusmodi Legatorum.
 „Dictis autem fratribus allegantibus
 „posse annua legata hujusmodi recipere tu-
 „ta conscientia, quatenus hæres ex sua li-
 „bera voluntate illa dare voluerit in elee-
 „mosynam, & committere Fratribus dd.
 „Missas, & Officia, juxta sententiam S. Bo-
 „naventuræ, & Decreta S. Congregatio-
 „nis à Sanctissimo D. N. Fratrum Mino-
 „rum de Observantia San. Francisci
 „Cismontanæ Familiæ Consultationibus
 „propositæ, sub die 4. Junii 1628. publi-
 „cata.
 „Eadem Sacra Congreg. pro opportuna
 „præmissorum provisione, facta relatione
 „S. D. N. Urbano Papa VIII. ac de illius
 „expresso ordine, & mandato, decrevit
 „in futurum super hujusmodi Legatis ob-
 „servari, ut infra.
 „Quod hujusmodi legata per debitores,
 „vel hæredes non extinguantur, vel redu-
 „cantur per compositionem cum Ministris
 „Fabricæ faciendam, vel alio quovis mo-
 „do; sed illorum capitale, sive fors princi-
 „palis, vel proprietatis absque aliqua dimi-
 „nutione conservetur semper, & perpetuò
 „ad effectum, ut in usus Romano Pontifi-
 „ci pro tempore existenti benè visos pos-
 „sint applicari: ita tamen ut quamdiù ap-
 „plicationem specialem autoritate Apo-
 „stolica fieri non contigerit, hæredes, vel
 „debitores possint libere, si velint, dictis
 „Fratribus dare dicta annua legata, per eos-
 „dem Fratres recipienda in eleemosynam,
 „non autem per eos exigenda. Et quòd
 „quævis extinctio, reductio, seu dimi-
 „nutio capitalis, seu proprietatis, ali-

Official. Cur. Eccl.

„ter absque speciali Romani Pontificis
 „permissione facta, eo ipso nulla sit: nec
 „debitoribus, aut aliis quibuscumque suf-
 „fragetur.

„Quòdque Commissarii, & alii Ministri
 „Ven. Fabricæ super hujusmodi capitale,
 „seu proprietate supradicta, se de cætero
 „non intromittant, nec dictos hæredes,
 „seu debitores aliquo modo molestant, ni-
 „si ad effectum reinvestiendi in casu rein-
 „vestimenti, seu providendi, ut confer-
 „vetur, ut supra, aut alias in executionem
 „applicationis autoritate Apostolica fa-
 „cta, vel faciendæ.

„Et quòd, nolentibus dd. hæredibus vel
 „debitoribus dare supradictis Fratribus dd.
 „elemosynas, seu annuas præstationes,
 „sive legata ut supra solvere, vel illas,
 „seu illa non solventibus, tunc, & eo ca-
 „su, lapsis duobus annis à die obitus testa-
 „torum, si fuerit maturatum legatum,
 „vel à die maturatæ illius solutionis, ea-
 „dem Fabrica, & illius Commissarii, &
 „Ministri id totum, quod solum non
 „fuerit pro præterito, pro rata tamen in
 „qua fuerit ut supra elapsum biennium,
 „vel ultra, possit, & valeat hujusmodi
 „præstationes annuas exigere, exigique
 „facere ad sui beneficium, juxta suas fa-
 „cultates, & privilegia: salvo semper ca-
 „pitali, seu proprietate, ut supra, ad effe-
 „ctum quòd hæredes, vel debitores (dum-
 „modò de eis per Romanum Pontificem
 „pro tempore existentem aliter non fuerit
 „dispositum, nec prædicta legata in alios
 „usus ejus autoritate applicata fuerint vel
 „applicari contigerit) possint, si velint,
 „quandocumque futuris temporibus, &
 „sic deinceps in perpetuum dare dictis
 „Fratribus dicta annua legata in eleemosy-
 „nam, ut supra; nec Fabrica eosdem hæ-
 „redes, vel debitores molestare possit, & va-
 „leat toties, & quoties casus contigerit,
 „nisi pro præterito: & tunc in illis terminis
 „tantum, post quorum maturationem fue-
 „rit elapsum biennium, vel ultra, ut su-
 „pra: salva semper erectione beneficiorum,
 „& applicatione Legatorum, seu quorum-
 „cumque bonorum, & reddituum, ac ju-
 „rium ejusdem beneficii seu aliis piis usibus
 „autoritate Apostolica facta, vel imposte-
 „rum quandocumque, & quomodocumque
 „facienda, & executione Litterarum Apo-
 „stolicarum de super expeditarum, seu ex-

„pediendarum : ita ut præfata decreta
 „ad illas nequaquam se extendant, sed il-
 „læ semper firmæ, & illæ remaneant, ac
 „suos plenarios, & integros effectus sorti-
 „ri debeant, ita quod neque fabrica, ne-
 „que hæredes, vel debitores præfati ullo
 „modo illas impedire, retractare, vel con-
 „trovertere valeant: & salvis semper Sedis
 „Apostolicæ autoritate, ac facultatibus
 „competent, dictæ Sacræ Congregationi
 „Venerab. Fabricæ.

„Prohibuit tamen eadem Sacra Congre-
 „gatio Fratribus supradictis sub pœna ex-
 „communicationis ipso facto incurrenda,
 „ne audeant, seu præsumant, nec quilibet
 „eorum audeat, seu præsumat per se, nec
 „per alios, Sindicos, Ministros, seu Pro-
 „curatores, tam Sæculares, quàm Regula-
 „res, dictas annuas præstationes, seu legata,
 „nec judicialiter, tam coram quocunque
 „Iudice Ecclesiastico, quàm Sæculari, Or-
 „dinario, vel Delegato: nec alias, nisi jux-
 „ta formam dicti Decreti Congregationis
 „Fratrum Minorum de Observantia San-
 „cti Francisci Cismontanæ Familiæ à San-
 „ctissimo Domino Nostro deputatæ, ab
 „hæredibus, seu quibuscunque aliis eorum de-
 „bitoribus petere, minusquæ dd. hæredibus,
 „seu debitoribus facere aliquas receptas
 „pro dd. annuis præstationibus, nisi pro ra-
 „ta, & pecunia, seu elemosynis supradic-
 „tis cum effectu, ac verè, & realiter eis-
 „dem Fratribus data, vel soluta, seu datis,
 „vel solutis, nec sub alia data, nisi sub ea,
 „quæ verè fuerit iisdem Patribus, aut aliis
 „pro eis facta realis satisfactio; & insuper,
 „nè Provisos Apostolicos pro tempore de
 „beneficiis quibus legata supradicta fuerint
 „applicata, vel eorum Procuratores, & Mi-
 „nistros super erectione dictorum legato-
 „rum directè impedire, vel molestare quo-
 „vis quæsito colore, vel prætextu audeant,
 „vel præsumant. In quorum fidem &c.
 „Dat. Romæ ex Collegio ejusdem S. Con-
 „gregationis die 14. Februarii 1633.

Constitutio Clemen. X. confirmantis
 Decretum Sacræ Congregationis
 in causa Turritana Legatorum.

12 **C**lemens Papa X. Ad futuram &c.
 Nuper pro parte dilecti Filii Syn-
 dici Apostolici Conventus Sancti Petri de
 Syrchis in Sardinia Ordinis Sancti Franci-

sci de Observantia &c. Congregationi Fra-
 trum Nostrorum S. R. E. Cardinalium ne-
 gotiis &c. Episcoporum, & Regularium Præ-
 positæ exposito, quòd quondam Petrus Moros
 de Molinos in suo ultimo Testamento, quòd
 anno 1645. considerat, diversa annua legata
 pro Missis, per Fratres dicti Ordinis cele-
 brandis, fecerat modo sequenti.

Primò, mando, quòd meus hæres teneat-
 tur expendere pro consecutione tumuli, & exe-
 quiarum quolibet anno lib. 25. pro una Missa
 cantata, & aliis sexdecim Missis pro Ani-
 mabus meorum parentum celebrandis. à Fratri-
 bus Franciscanis Sancti Petri de Syrchis, &
 pro legato volo, quòd sint perpetuò obligata bo-
 na mea.

Item volo, quòd dictus meus hæres solvat
 ex dictis bonis meis quolibet anno lib. 40. quæ
 interserviant pro oleo lampadis meæ Capellæ
 majoris in dicta Ecclesia Sancti Petri.

Item relinquo in perpetuum Missas septem
 qualibet hebdomada pro Animabus Purga-
 torii &c. & elemosyna sit septem solidorum
 pro qualibet Missa &c. & proprietates illarum
 est 1400. lib. quæ sit super domo mea, in qua
 habito.

Item relinquo pro elemosyna dicto Con-
 ventui Sancti Petri de Syrchis lib. 300. ut il-
 læ applicari debeant per meos curatores in lo-
 cossecuro ad rationem lib. 24. annuarum, &
 interserviant pro emendis lintheaminibus pro
 pauperibus Fratribus infirmis.

Item, quia D. Mater mea reliquit, ut di-
 cantur due Missæ perpetuæ pro qualibet heb-
 domada à dictis Fratribus, quod super bonis
 meis solvantur quolibet anno lib. 28.

Item, quia D. Pater meus reliquit unam
 Missam perpetuam in hebdomada celebran-
 dam à dictis Fratribus, & reliquit pro ele-
 mosyna censum lib. 150. debitum à Gavino
 Paduano &c. quatenus perdiderint supradic-
 tum, mando, ut meus hæres solvat lib. 11.
 annuas &c. Et factis aliis pluribus legatis
 profanis &c. instituit sibi hæredem Deum,
 & animam suam, mandans suis executori-
 ribus, ut adimpletis, & satisfactis legatis
 instituerent unam tertiam Dignitatem Ar-
 chidiaconalem in Cathedrali Turritana
 cum annuo redditu lib. 1000., & de resi-
 duo unum, vel plures Canonatus secundum
 capacitatem bonorum suorum, & alias,
 prout in dicto testamento dicitur uberius con-
 teneri.

Et subindè in executionem dicti Testamen-

menti unus Canonicatus, & unus Archidiaconatus in Ecclesia Turritana erecti fuerant, dictusque Archidiaconatus ex dispositione ejusdem Petri testatoris collatus fuerat quondam Didaco Moros ejus Fratri Germano executori testamentario, qui bona fide, dum in vivis erat, eadem legata pia adimpleri curaverat; verum post ejus obitum de eodem Archidiaconatu provifus fuerat dilectus Carolus de Capudoro, ad cujus favorem dilectus Filius Pro-Vicarius Generalis Turritanus nefeiebatur, quo jure, declaraverat Fratres Minores prædictos Legatorum capaces tantum, factorum pro oleo lampadis, & lintheaminibus infirmorum, & incapaces pro reliquis; quæ Archidiacono prædicto adjudicaverat, prout in ejus sententia dicitur contineri; unde dictus Syndicus tanquam unus de Populo, pro suffragiis Animarum, pro quibus instituta fuerunt dicta legata pia, & pro sua pietate erga dictos Fratres de Observantia, qui in magna necessitate propter eleemosynarum deficientiam in prædicta Infula Sardiæ reperiebantur, prout ex attestatione juratorum, & Officialis Civitatis Turritanæ, constare dicebatur; nobis humiliter supplicaverat, ut omnimodum adimplementum legatorum prædictorum Ven. Fratri Archiepiscopo Turritano, non obstante prædicta Pro-Vicarii Generalis sententia, committere de benignitate Apostolica dignaremur.

Instantia verò hujusmodi ad prædictam Cardinalium Congregat. à nobis remissa, & de mandato ipsius Congregationis citato dilecto etiam Filio Alexandro Bulla supradicti Caroli de Capudoro Archidiaconi Procuratore, Syndicus prædictus plurimum cupiebat declarari, prædictos Fratres Minores de Observantia posse recipere præinserta annua Legata Missarum, per modum puræ, & simplicis eleemosynæ, juxta doctrinam S. Bonaventuræ in quadam Constitutione fel. record. Urbani Papæ VIII. prædecessoris nostri, cujus initium: *Sacrofanctum Apostolicum Ministerium* &c. proinde debere dictum Archiepiscopum Turritanum, tanquam executorem ultimarum voluntatum, & præcipue piarum, curare omnimodum adimplementum eorum Legatorum, & voluntatis dicti Petri testatoris, compellendo

hæredes, & detentores bonorum ad satisfactionem, ne Animæ ejus defraudatæ remanerent. Emanavit ab eadem Cardinalium Congregatione Decretum tenoris, qui sequitur.

Sacra Congreg. E. E. S. R. E. Card. negotiis, & consultationibus Episcoporum, & Regularium præposita, Procuratore Archidiaconi Turritani sæpius citato, referente Eminentissimo D. Cardinali Portocarrero, decrevit esse dandas declarationes sæpe alias factas: videlicet Fratres Minores de Observantia non posse possidere census, & bona stabilia, posse tamen recipere per viam eleemosynæ quicquid eis traditur ab executoribus ultimarum voluntatum pro celebratione Missarum, & Anniversariorum; & propterea censuit committendum, prout presentis Decreti tenore committit Archiepiscopo Turritano; ut ad limites prædictæ declarationis in causa, de qua supra agitur, procedat, & ad illius observantiam, quantum opus fuerit, juris remediis, & in subsidium, etiam censuris Ecclesiasticis compellat. Romæ 3. Augusti 1674.

Cum autem, sicut dictus Sydicus Nobis subinde exponi fecit, ut Decretum hujusmodi firmitus subsistat, & obsevetur exactius, Apostolicæ Nostræ Confirmationis patrocinio communi summo peresse desideret. Nos ipsi Sydicum &c. absolverentes &c. supplicationibus ejus inclinati &c. Decretum præinsertum Autoritate Apostolica tenore præsentium approbamus, & confirmamus, illique inviolabilis Apostolicæ firmitatis robor adjicimus &c. sicque in præmissis per quoscunque Judices &c. irritum &c. Dat. Romæ apud Sanctam Mariam Majorem die 22. Augusti 1674. Pontificatus Nostri anno quarto.

Decretum Sac. Congreg. Episcop. & Reg. in una Lucana sub die 26. Martii 1677. ut in Regeſto ejusdem: *Offerenti di Lucca.*

13 *S* Ac Congreg. &c. Sæpius declaravit Frates Min. de Observ. S. Francisci, quamvis attenta dispositione, Exivi de Paradiso Clement V. & Constitut. Nicolai III. Exiit, sint incapaces obtinendi census perpetuos, & bona stabilia, posse tamen per viam puræ, & simplicis eleemosynæ recipere quicquid ab executoribus ultimarum vo-

luntatum eis traditur pro celebratione Missarum, pro ornamento Ecclesie, aliisque necessariis procurandis, juxta doctrinam D. Bonaventurae relata in Constit. sa. mem. Urbani VIII. incipiente, Sacrosanctum Apostolatus Ministerium: atque in prefatis casibus dictos executores ultimarum voluntatum curare debere, ut hujusmodi pia dispositiones adimpleantur, ne testatorum Anima debitis suffragiis defraudata remaneant; quam quidem declarationem, illiusque tenorem in casu, de quo agitur, eadem S. Congreg. servari praecepit, committendo Ordinario Lucensi, pro tempore esistenti, ut quatenus alius executor non existat, prænarratam pii testatoris dispositionem executioni demandet &c.

Decretum Sacrae Congregationis Fabricae
editum 15. Decemb. 1646. ad providendum indemnitati Fratrum in annuis Legatis, & occurrendum hæredum, vel executorum malitiæ.

14 *S* **A**cra Congr. Generalis Rev. Fabricæ S. Petri de Urbe ad consulendum non minus indemnitati Fratrum Ordin. Min. de Observantia Sancti Francisci, quam providendum malitiæ hæredum, & aliorum quomodolibet obligatorum, qui differunt ultra biennium illis solvere annua legata pia cum oneribus Missarum seu Officiorum, vel etiam gratis, dictis Fratribus, seu eorum Ecclesiis relicta, ac in futurum relinquenda, sub spe postea super illis pro minori summa se componendi cum Commissariis, & aliis Rev. Fabricæ Ministris, & Officialibus: prohibuit, & expresse mandavit Commissariis: Economis, Secretariis, & aliis quibuscunque Officialibus, & Ministris Rev. Fabr. presentibus, & futuris, tam Urbis, & Status Ecclesiastici, quam Regni Neapolis, & aliorum quoruncunque locorum, sub pœnis arbitrio ejusdem Sac. Congreg. nè de cætero cum hæredibus, vel aliis quomodolibet obligatis ad solutionem dictorum legatorum ad aliquam compositionem, remissionem, vel transactionem deveniant, sed ab illis omnes annatas supra biennium decursas, & non solutas, integraliter exigant, & exigere faciant in beneficium d. Rev. Fabricæ sine relaxatione alicujus minima portionis, seu quantitatis

servato in reliquis tenore decreti in hac materia ab eadem S. Congreg. editi sub die 14. Februarii 1633., & compositiones &c. eo ipso nullas, & irritas esse decrevit, mandans &c. ita componentes ad residui sibi sic remissi, seu condonati solutionem adstringi posse &c. Rom. 15. Decemb. 1646.

Epistola Sac. Congregat. Rev. Fabricæ
concernens incapacitatem Fratrum minorum de Observantia circa Legata.

15 *M*olto Reverendo Padre mio Amatissimo. Ha fatto rappresentare à questa Sacra Congregazione della Fabrica, il Padre Commissario di Corte della Religione de' Minori Osservanti di San Francesco, come la Q. Bartolomea Ginobelli da Ancona lasciò al Convento di detta Città annui feudi cinque, perche li celebrino un Officio contrenta Messe; e che li eredi ricusano pagarglieli, sotto pretesto della loro incapacità. Questa Sacra Congregazione altre volte dichiarò detti Frati capaci per modum elemosynæ; però provvedete, che il legato si eseguisca, ne sotto il detto pretesto li eredi tardino il pagamento. Governandovi conforme al decreto fatto in questa materia, e conservatevi. Roma 31. Dicembre 1634. Tutto vostro Il Cardinal Lant. Andrea Ghetti Economo.

Alia ejusdem Epistola.

Molto Reverendo Padre mio Amatissimo Per parte delli Frati Min. Osservanti di S. Francesco d'Offida è stato rappresentato à questa Sacra Congregazione, che il Capitano Alfonso Paolini per il bisogno, che tenevano d'augmentare il loro orto, gli lasciò certo sito à quello contiguo, con peso d'una Messa la settimana. E perche à detti Padri è permesso ritenere simili orti per gli herbaggi necessari, non solo non li prohibirese, ma operarce ancora con la vostra autorità, che detti Padri godino il beneficio di detto legato, facendogli d'ali eredi consegnare detto orto lasciati, e conservatevi. Romali 2. Novembre 1641. Tutto vostro. Il Cardinal Lante. Andrea Ghetti Economo, apud Pitonium discept. Ecclesiast. p. 1. discept. 2. n. 142.

Decretum Sacrae Congregationis Concilii
in Faventina Legatorum.

16 **I**N assignatione bonorum facta per Con-
stantiam Severolam anno 1637. ad
effectum fundandi in Terra Mutiliana, vel
beneficium Ecclesiasticum, vel Monasterium
Monialium, tria onera fundatrix imposuit.
Primum, annue prestationis lib. 100. olei
pro mantutione lampadis ante Sacras Re-
liquias in Ecclesia PP. Capucinatorum dicte
Terrae. Secundum, lib. 25. cere albae pro
usu ejusdem Ecclesiae. Et tertium denique,
unius seculi valoris solidorum 20. ipsius PP.
Capucinis per singulas hebdomadas submini-
strandis.

Secuta de an. 1686. Monasterii funda-
tione, recusarunt Moniales administra-
re dictas prestationes sub pretextu omni-
modae incapacitatis Fratrum Capucino-
rum. Quare ad instantiam Alexandri
Ronconi, tamquam unius de populo, ci-
tatis, & informantibus quoque Monia-
libus, declarari humiliter supplicatur.

An Monasterium Monialium teneatur
subministrare singulis annis dictas libras
centum olei, & 25. cere albae pro usu Ecclesiae
Fratrum Capucinatorum?

An similiter teneantur prestare singulis
hebdomadis supradictum fersulum bononeno-
rum 20. ipsius Capucinis?

Die 2. Martii 1697. S. Congregatio Con-
cilii: ad primum respondit affirmativè. Ad
secundum, servanda esse decreta Congre-
gat. Fabrica die 14. Februarii 1633.

PRædicta S. Sedis Decreta sufficientissi-
mè exprimunt, quid possint Fratres
Minor. de Observant. quidque eis liceat cir-
ca legata, quæ eisdem cum onere, vel si-
ne à Fidelibus relinquuntur vel relicta re-
periuntur. Tamen, nè aberior notitia sit
super eisdem, aliisque connexis desidera-
nda, non gravabor aliqua risolvere ad præ-
fatorum præscriptum, & ad text. in cap.
Exiit de ver. signific. in 6. & Clement. Exi-
it d. tit.

17 **Q**uæritur. An Fratres Minor. de
Observant. sint capaces legati perpetui, sive
ad longum tempus pro celebratione Missa-
rum?

Negat Pignatellus tom. 3. consular. 16. ubi

allegat Bartolum, Baldum, Abbatem, An-
charanum, Fridericum de Senis, Geminia-
num, aliosque, quos sequitur Rota coram
Merlino dec. 456. n. 15.

Movetur. I. Ex quo hujusmodi legata
de necessitate requirant annuos redditus,
prorsus necessarios, juxta Constitutionem
Innoc. XII. Nuper, de celebratione Missa-
rum §. Præterea nè, ut dentur in mercedem
laboris illius, qui celebrat. Fratres autem
Minores sunt omnino incapaces annuo-
rum reddituum, per expressa in d. Clement.
§. Cumque, ibi: Cumque annui redditus in-
ter immobilia censeantur à jure: ac hujus-
modi redditus obtinere, paupertati, & men-
dicitati repugnet: nulla dubitatio est, quòd
dictis Fratribus redditus quoscunque, sicut
& possessiones, vel earum etiam usum, cum
his non reperiatur concessus, recipere, vel
habere (conditione considerata ipsorum) non
licet.

II. Quia est certum, dd. Fratres habere
tantum usum rerum necessariorum, & nul-
lo modo dominium, & proprietatem, ut
expressè text. in c. Exiit §. Nec quidquam,
ibi: Condecens fuit ei professioni, qua spon-
tè devovit Christum pauperem in tanta pau-
pertate sectari, omnium abdicare dominium,
& rerum sibi concessarum necessario fore con-
tentam. Legatum autem quodcunque trans-
fert jus, & dominium in legatarium quoad
actionem realem, & personalem, vel sta-
tim à morte testatoris, vel ab adita hæredi-
tate, l. à Titio ff. de furt. ibi: Quæ legantur
recta via ab eo, qui legavit, ad eum, cui le-
gata sunt, transeunt.

III. Quia tunc dd. Fratribus victum non
tribueret incerta mendicitas, contra dispo-
sita in cap. Religiosorum de Religios. domibus
in 6. §. confirmatos: nec sustentarentur ex
iis, quæ mendicant humiliter, ut in d. cap.
Exiit §. quoniam: & moralem certitudinem
haberent de eorum congrua sustentatione;
nam certi essent se infallibiliter consecutu-
ros præstationes legati, vel stipendia prop-
ter Missarum celebrationem sibi debita; &
quatenus legata multiplicarentur, etiam de
completa, & ita eximerentur à necessitate
quæstuandi, & eorum relaxaretur pauper-
tas, contra præfinita in dd. Extrav. ipso-
rumque Regula.

Hujusmodi adeò apud eum sunt certa, ut
nulli fas sit in dubium eorumdem incapaci-
tatem ad legata revocare.

18 Ceterum, nos ea non tanti facimus, cum per æquivoca procedant: & solutioni præmittimus. Vel legatum hunc in modum Fratribus relinquitur: *Relinquo Fratribus Min. de Observ. scuta quingenta, quæ in tot censibus debeant investiri, vel ad fructum tradi, ut de aliorum fructibus tot Missas ipsi pro anima mea quolibet anno celebrent.* Vel in hunc alium: *Relinquo bona mea meis hæredibus cum onere, ut quolibet anno in Ecclesia S. Francisci per ejusdem Sacerdotes faciant tot Missas celebrare, eisque stipendia tribuant.*

Si primo modo testator disponat, Fratres sunt incapaces; ipsi enim tunc essent legatarii; apud quos esset legati proprietas, & dominium eisdem ex Regula interdictum: hujus generis legata percutiunt rationes per Pignatellum adductæ, cui, & nos quoad hæc libenter subscribimus. Et tenet Vespi- gnani. ex dictis n. 9. & est commune, & ea ab Ordine rejecta semper fuerunt.

Si verò legata sint secundi generis, dicimus eis non prohiberi, quin possint non ex vi legati, sed per viam simplicis eleemosynæ recipere, quidquid ab hæredibus ultimarum voluntatum eis traditur pro celebratione Missarum, prout in terminis habetur expressè in adductis resolutionibus num. 9. num. 12. num. 13. dummodò habita notitia Legati protestationem præmittant (cujus formula datur infra numer. 37.) quod legitur resolutum à Sacr. Congregat. ab Urbano VIII. consultat. Frat. Minor. de Observant. præposita, ut infra: decernitur præterea, & ac præcipitur per sanctam obedientiam, quòd quoties relinqui contingant aliqua legata perpetua aliquibus personis, & hospitalibus, vel alicui Reipublicæ, & aliis domibus ea lege, quòd teneantur Fratribus præstare singulis annis certam eleemosynam, sive omninò gratis, sive ut ipsi Fratres dicant certa Officia, & Missas: quòd Guardianus faciat protestationem ei, qui testatoris voluntatem adimplere tenetur, quòd cum ad illas eleemosynas nullum jus habeant ex vi Legati, non possunt obligari ad illa officia, & Missas: si tamen, facta ista protestatione, hæres ex sua libera voluntate voluerit dare eleemosynas illas, & committere Fratribus dicta Officia, & Missas, tunc Fratres tuta conscientia possunt eleemosynas hujusmodi recipere.

Per quæ patet, quid dicendum sit in contrarium adductis.

Ad primum. Utique capitale Legati debet semper conservari ad effectum, ut hæredes possint ex fructibus stipendia dare celebrantibus Missas legatas: sed hoc probat dumtaxat, dictos Fratres non habere capacitatem ad legata primo modo à testatore disposita: quòd Pignatello libentissimè damus. Et quoad hæc procedit responsio ad 1. num. 9.

Ad secundum. Dicitur id procedere in legatariis capacibus acquirendi dominium (cujusmodi non sunt Fratres Minores) & non in illis, qui ex vi legati nil possunt exigere; sed quidquid recipiunt, eis liberè confertur per modum eleemosynæ, & per modum manualis stipendii in mercedem laboris. Quinimò dd. Fratres non censentur legatarii necessarii: nam eis liberè præstationes Legati conferuntur, & non de necessitate; quas, elapso anno, potest sibi vindicare Sac. Congreg. R. Fabri. per disposita ubi supra numer. 11. Nec Fratres possunt conqueri, vel in judicio eas exigere quamvis Missas celebraverint, ut in decreto *ibid. alleg.* ubi eis id interdicitur sub-communicationis pænæ ipso facto incurrenda.

Ad tertium. Quod opponitur, verificatur, quando Fratres prætenderent ea legata tanquam sibi debita civiliter, seu vigore actionis ex testamento, vel juris ad ipsa. Sed in his terminis Fratres illa prætere- dere non possunt, nec recipiunt per modum annuæ, & certe assignationis relevantis eorum mendicitatem, & eximentis eos à debito vivendi ex victu dietim mendicato, sed solum per modum puræ eleemosynæ ab hæredibus eis liberè dandæ, si velint, ut loquitur decretum sub numer. 11. Ex quo tollitur certitudo de eleemosyna annua. Tum quia possunt Missas non celebrare; & quatenus celebraverint, possunt esse non certi de consecutione eleemosynæ, quia apud Judicem civiliter instare non possunt; ut ibidem: A quo etiam possent aliis applicari. Tum quia, ex quo recipiant eleemosynas pro celebratione Missarum adventitiarum, non præsumuntur certitudinem habere de victu, & vestitu, quia contingenter recipiunt, & possunt recipere, & non recipere; ita, ex quo ab hæredibus dicta legata recipiant;

nam

nam possunt eis ab hæredibus conferri, & non conferri, ut dixit lib. 1. *Cant. Conf. cap. 22. a num. 13.* in fine: vide ibi, & interim ad rem.

19 Observa doctrinam D. Bonaventuræ, quam tenuit, & probavit eadem S. Congr. ad *Constit. Urban. VIII. la 51. Bull. tom. 4.* ibi §. *se quis in talibus &c.* Si, me petente elemosynam, aliquis dives promittat, quod singulis annis velit dare Fratribus duas Tunicas, vel tantum unicam, vel singulis hebdomadibus tot panes, & hoc committat officialibus suis, ut jure sui ista dent, etiam eo absente, & hoc pro Fratribus recipiam: vel etiam, si illi negligat dare, admonendo exigam; numquid propterea certos redditus habere dicendi sumus? Cum non ex jure, sed ex gratia solum talem elemosynam recipiamus, vel exigamus.

Et si post obitum illius, uxor ejus, vel alii amici pro anima illius adhuc velint pro aliquo tempore talem nobis elemosynam per se, vel ex dispositione illius largiri, possumus similiter accipere ex tali gratia, ita quod, quandocumque nollent amplius ista dare, nihil peteremus ab eis: quasi ex debito, sed more Mendicorum recurreremus ad domum clementis Domini pro quotidiana elemosyna, quamdiu illi placeret: sed quando plus nollat, discedimus vacui gratias agentes de dato, non murmurantes de negato. Hæc est vera, & pura vita Mendicorum: quod datur, ex gratia recipere, non ex jure. Hujusmodi punctualiter observentur in recipiendis Legatis, vel præstationibus ab hæredibus Testatorum liberè oblati, & datis per modum manualis elemosynæ in mercedem laboris, vel stipendium celebrationis Missarum.

20 Sed quid dicendum de Legato relicto pro Missis perpetuo celebrandis in Capella Conventus eorundem Fratrum, sive per viam Capellani, sive alio modo, ut, si Testator dixerit: Relinquo trecentum scuta meæ Capellæ existenti in Ecclesia sancti Francisci, quæ debeant in re fructuosa, vel censibus investiri, & ad ratam fructuum per Fratres ejusdem Conventus in perpetuum tot Misse celebrari in suffragium animæ meæ.

Resp. Hujusmodi Legatum in dictis terminis expressum censetur factum ipsis Fratribus, & eorum contemplatione in fraudem paupertatis, ut magistraliter scribit

Bald. in *Auth. Ingressi num. 5. vers. eidem dicit*, & Ancharanus in *Clem. num. 6. de verbor. signific.* quos sequitur Fagn. in *3. ad cap. Nos quidem de testament. numer. 65.* Nam, ut constat, Legatum non est factum hæredibus; ergo Fratribus directè: & hinc est evidens ipsorum incapacitas. Nec obstat, quod à Testatore nominetur ipsius Capella: nam hoc casu Capella sumitur pro Collegio Fratrum, non pro ædificio, & parietibus, qui sunt quid materiale, & insensatum, nec capere, nec velle possunt, Quemadmodum Fratribus ipsis factum præsumeretur, si esset factum ipsorum Ecclesiæ; nam in eorum utilitatem stipendia Missarum cederent, & certo, & non in elemosynam annuatim reciperent: & ita eorum relevaretur paupertas; certumque redditum haberent, contra professionem, quam emittunt.

21 Et quamvis legatum impleri non possit per dictos Fratres modo à Testatore præscripto, propter ipsorum incapacitatem ad annuos redditus; & hoc tamen non efficitur caducum, sed debet ab Episcopo à modo illicito purificari, transferendo capitale in alium locum pium, vel hæredes: ut ex fructibus in elemosynam tradant Fratribus, vel aliis stipendia pro Missarum celebratione, ut ita mens Testatoris adimpleatur eo modo, quo potest, & debet. Ponderandum est enim, quod licet Legatum sit factum sub modo illicito, non est propter se, & absolutè nullum, per Fagn. ibidem *num. 24.* nec continet aliquod turpe, sed est factum ad pias causas, & favore animæ; ad quod incapacitas Fratrum non est propter delictum, sed propter zelum Dei, idèò impleri debet modo possibili. Hæc procedunt univoce ad doctrinam Scribentium.

Atque ita est adeò verum, dicta Legata cum onere Missarum, non obstante incapacitate Fratrum, non esse omnino nulla, & caduca, ut tunc intret facultas R. Fabr. S. Petri, ut dixit Rota in *2. decis. in Turritana legatorum.* referens resolutionem Congr. ipsius Fabricæ ibi *n. 8. ut infra.*

Declaramus hujusmodi, quæ à principio personis incapacibus facta sunt, sive ex post facto incapaces sunt reddita, non ad hæredes gravatos, seu alios obligatos spectare, seu ut caduca ab eis vindicari posse, sed ad Fabricam ipsam &c. Intelligas in locis, in

in quibus introductum est hoc Tribunal. In aliis verò possunt Episcopi ad praxim reducere disposita à Trid. *sess. 22. cap. 5. de ref.* Verùm, ubi agitur de legatis dictis Fratribus relictis, crederem recurrendum esse ad S. Congr. Conc.

22 Sed quid etiam : testator legat Fratribus, ut annuatim percipiant aliquem redditum : & in casu incapacitatis ipsorum prohibet, nè Papa Legatum in alios usus convertat, & in casu commutationis apponit pœnam ademptionis legati?

Resp. Quòd huiusmodi legatum sit Fratribus modo illicito factum, est certum, cum sit in præjudicium puritatis Regulæ ipsorum, quæ tota fundatur, ut vivant in paupertate, & sine certis redditibus. Cæterùm ad quæstionem revocare, an Papa possit ipsum in alios usus convertere, non est Doctoris Catholici. Nec est attendenda prohibitio commutationis, & pœna illi adjecta, quia, cum contineat turpitudinem, non tenet, & habenda est pro non scripta, & non adjecta, l. *quæ sub conditione, l. conditiones quæ, l. conditiones contra ff. de condit. inst.* Ac est apposita contra text. in Clementina, *Quia contingit de relig. domib.* Et hinc, quia asserta prohibitio detrahit supremæ Authoritati Summi Pontificis, est scandalosa : & ut de jure impossibilis, est reiicienda.

23 Quæritur. An valeat legatum annui redditus factum infirmaria Fratrum Min. de Observ. ad effectum occurrendi necessitatibus infirmorum, per præstationes legati expendendas in pane, vino, medicamentis, & linteaminibus.

Resp. Si legatum sit primæ conditionis, ut eiusdem proprietas sit apud Fratres, de quo *supra num. 18.* resolvitur negativè. Nam dictis Fratribus annui redditus sunt absolute prohibiti in d. *Clement. Exivi §. Cumque*. Neque intrat exceptio pro infirmis, quibus est alia via succurrendum; Quinimò, si Minoribus liceret pro usu infirmariæ recipere annuos redditus, aperiretur via fraudibus, & eorum paupertas præiudicium pateretur.

Si verò legatum sit secundæ speciei, & onus tribuendi annuas præstationes pro infirmis sit apud hæredes, vel alium locupletum, dicimus legatum valere, iuxta *cir. eodem num. 18.* & Fratres ad illud habere capacitatem. Quod tenuit Sac. Congreg.

Concilii in Romana donationis pro pane albo ministrando infirmis in Conventu de Araceli die 24. Junii 1663. Et dixit Rota in *Turritana Legatorum coram Emerix de anno 1695. 1696. apud Monacellum part. 2. form. in append. per extensum*. Sed plura debent servare, ut securitate conscientiæ procedant.

24 I. Ut protestationem præmittant, se nil iuris ad id habere, vel prætere.

II. Ut præstationes legati ab hæredibus recipi possint per modum elemosynæ, & non per viam annui redditus, sibi aliquo titulo debiti.

III. Ut eas non exigant, nec in iudicio adversus hæredes procedant.

IV. Ut ad eas non recurrant, nisi cum per mendicata ostiatim non potest commode infirmis provideri.

V. Ut sint in moderata quantitate.

VI. Ut in alios usus non convertantur, quàm à testatoribus præscriptos, ad tradita in d. c. *Exiit §. Quia verò*, ibi : *Cum in prædictis casibus ad determinatam necessitatem (ut prædicatur) per aliquem pecuniam concedi contigerit, concedens pecuniam rogari possit à Fratribus, quòd si quid de pecunia ipsa (habita necessitate determinata) supererit, consentiat ipse concedens, quòd residuum præfata pecunie in res alias pro aliis ipsorum Fratrum prædictis necessitatibus convertatur : quo non consentiente, prædictum ipsarum residuum (si quid fuerit) restituatur eidem. Caveant tamen Fratres, quòd sollicitè se coaptent, ut non plus scienter concedi consentiant, quàm verisimiliter estimari possit rem necessariam, pro qua pecunia ipsa conceditur, valituram.*

VII. Ut in pecuniam non à Fratribus, sed à Syndico Apostolico recipiatur.

Quibus observatis, & concurrentibus, nec in fraudem paupertatis recipiuntur, nec eorum relevatur mendicitas.

Instabis cum Fagnano in 2. ad cap. in præsentia de probat. num. 56. Pro necessitatibus infirmorum Regula cap. 4. permittit recursum ad amicos spirituales pro elemosynis manualibus, & in Clement. §. *Poro cum dictus*, ibi : *Cum recursus ad amicos spirituales pro pecunia, dummodò ab eis non recipiatur, in duobus tantum casibus secundum Regulam concedatur, pro necessitatibus infirmorum, & Fratribus induendis : quæ provisio fuisset inanis, & elusoria, si pro usu infir-*

infirmorum liceret Fratribus annuos redditus habere.

Confirmat. ex quo omnes consentiant pro Fratribus induendis non licere ipsis habere annuos redditus; ergo nec pro infirmorum necessitatibus; hujusmodi enim necessitates in Regula æquiparantur.

25 Resp. Et nos fatemur non licere dd. Fratribus habere annuos redditus per modum redditus, & tanquam aliqua civili ratione, & jure sibi debitos. Negamus tamen non posse ab hæredibus testatoris recipere per modum eleemosynæ, quidquid ex testatorum dispositione voluerint hæredes eis liberè dare, juxta prædictas SS. Congr. declarationes, & doctrinam D. Bonaventuræ, tibi supra n. 19. Sed Fratres non debent recurrere, nisi servatis limitationibus superius enunciatis, & proinde videntur parificari cum mendicatis humiliter, & oblati liberaliter, ad quæ licet Fratribus ad sui sustentationem recurrere, per d. c. *Exiit s. nec quidquam*.

Et cum Fagnan. ex Clementina ait non posse recurrere ad amicos spirituales, nisi pro necessitatibus infirmorum, & Fratribus induendis, fortè textum ex integro non ponderavit, in quo pro aliis necessitatibus talis recursus conceditur; textus enim subsequitur. *Idque pie, & rationabiliter, considerata necessitate vitæ, ad alias necessitates Fratrum pro tempore occurrentes, cessantibus eleemosynis, seu etiam ingruentibus, sapè dictus Prædecessor noster duxerit extendendum.* Necessitates autem debent præsentibus esse, vel præteritis, ut c. *Exiit s. Caterium cum, vers. dicimus*; vel imminentes, ut ibi s. & quia oportet.

26 Ad confirmationem patet ex dictis: & additur factum optimè concludens. S. M. Innocentius XII. 30. Maji 1696. Constit. incip. *Cum sicut*, suppressis quibusdam legatis cum onere Missarum Fratribus directè relictis, & propterea incapacibus, transfudit capitale, existens in locis montium, in proprietatem Populi Romani, ut quolibet anno fructus in eleemosynam liberè erogaret pro vestimentis Frat. Conventus de Araceli: quos in eleemosynam (etiam ab aliis sic oblatos) posse Fratres per Syndicum recipere, adhibita dicta cautela, non videtur dubitandum, ad præscriptum superiorum declarationum.

27 Hucusque adducta procedunt etiam

de legatis factis pro Divino Cultu: ut, si hæredibus relinquatur onus, ut quovis anno dent Fratribus frumentum pro hostiis, vi num pro Sacrificio, aut pecuniam pro luminibus, & sacra Supellectili per Syndicum expendendam. Quia per hujusmodi legata Fratrum mendicitas non relevatur, ut tenuit Rota cit. coram Emerix. Nec possunt in alios usus converti, quam à testatore præfixos: & in eleemosynam absque ullo debito recipiuntur: sed excessus in quantitate debet vitari. Et possunt hæc non per Fratres, sed per Syndicum in judicio exigì, ut expresse Sac. Congreg. ubi supra num. 8. ad 2.

Dices. Si Syndicus pro consecutione legatorum potest officium Judicis implorare, legata, & eleemosynæ sic receptæ non retinent qualitatem liberæ legationis hæredum, sed inducunt naturam debitæ præstationis annuæ.

Resp. Non dicimus posse Syndicum per quæcumque legata officium Judicis implorare, sed solum pro illis factis pro Divino Cultu. Nam hæc legata sunt debita, prout in voto Rotæ in d. *Turritana legatorum*. quod ex Monacello cit. hic exemplavi.

Rota per rationes deductas in postrema ex suprascriptis decisionibus, est in voto, legata, de quibus agitur, & deberi, esse adimplenda juxta modum in ea expressum. Primò nempe, deberi, & esse adimplendum legatum relictum Capella majori pro oleo lampadis. Secundo, absolute loquendo, non deberi legatum pro sindonibus relictum ad usum infirmaria, sed esse adimplendum ex parte hæredum, seu executorum in ipsamet specie, & juxta majores, vel minores indigentias ejusdem infirmariae arbitrio Ordinarii, seclusa ex parte Fratrum quavis instantia, & facta prius per ipsos solemnè protestatione se nullum jus habere ad illius consequutionem. Tertio demum, reliqua legata pro anniversariis, & Missis similiter non deberi; sed nihilominus teneri hæredem, seu executores ad eorum implementum, committendo celebrationem Missarum, vel ipsismet Fratribus, vel aliis, juxta rationabile arbitrium ejusdem Ordinarii: qui ulterius possit, si rei necessitas exigat, applicare Archidiacono partem proventuum ad hunc effectum relictorum, iniuncta illi proportionabili Missarum celebratione, prout latius declaratur in eadem postrema decisione.

28 Sed, cū circa sacras suppellectiles in Seraphicæ humilitatis perniciam, & Franciscanæ paupertatis præiudicium, adeo excreverit aliquorum particularium Fratrum licentia, eisdem considerandum exhibeo, quid super eo in d. Clement. §. *Quamvis* Clemens V. præfixerit, ibi: *Quamvis etiam* (alt) *paramenta, & vasa Ecclesiastica ad honorem Divini Nominis ordinentur, propter quem omnia fecit ipse Deus: tamen, qui absconditorum est cognitor, ad animum sibi ministrantium respicit principaliter, non ad manum, nec per illa sibi vult serviri, quæ suorum servitorum conditioni, & statui dissonarent: propter quod sufficere debent eis vasa, & paramenta Ecclesiastica decentia in numero, & magnitudine sufficientia competenter; superfluitas autem, aut nimia pretiositas, vel quacumque curiositas in his, seu aliis quibuscumque non potest eorum Professioni, vel statui convenire; cum hac enim sapiant thesaurizationem, seu copiam, paupertati tantæ quoad humanum iudicium derogant manifeste: quapropter præmissa servari à Fratribus volumus, & mandamus.* Hæc memoriæ mandentur, & levitati plurimorum Fratrum dicti Ordinis, ad quos diriguntur, sint in remedium. Quamvis dd. Fratres possint iuxta Constit. Leon. X. Const. *Merentur*. 6. Bullar. tom. 1. habere magnifica ornamenta Ecclesiastica, absque suæ Professionis macula; quia eorum custodes tantum sunt, non possessores; proprietates enim spectat ad Sedem Apostolicam, sine cuius licentia alienari non possunt: tamen optandum esset, ut in dd. ornamentorum usu ad textum Clementinæ se regerent.

29 Queritur. Testator instituit Fratres Min. de Obser. hæredes, hac conditione, ut bona hæreditaria vendantur, & pretium erogetur in reparatione Ecclesiæ, constructione Capellæ, & sacra suppellectili; petitur, an huiusmodi Institutio sit valida?

Pro validitate Institutionis ponderatur. I. Quod bonorum ius, & dominium in casu non remanet apud Fratres, cū debeant vendi, & pretium erogari ad præfinitos usus.

II. Quod in casu nullum præiudicium irrogatur puritati Regulæ ipsorum Fratrum: quæ tota fundatur, ut vivant in paupertate, & proprium non habeant: versaturque circa victum, ut illum dietim elemosy-

naliter quarant, non tamen vult, nec disponit, ut Ecclesiæ non reparentur, ut Capellæ non ædificentur, ut non habeant paramenta, Calices, & similia.

Sed, his non obstantibus, Institutionem non posse sustineri est indubitatum per expressa in d. Clem. d. §. *Cupientes*, ibi: *Quia igitur in successione transit non solum usus, sed & dominium suo tempore in hæredes: Fratres autem præfati nihil sibi speciali acquirere, vel eorum Ordini possunt, etiam in communi, declarando dicimus, quod successione huiusmodi, quæ etiam ex sui natura indifferenter ad pecuniam, & etiam ad alia mobilia, & immobilia se extendunt (considerata sui puritate voti) nullatenus sunt capaces.*

Nec vis est ponenda in eo, quod bona debeant vendi, & ita dominium non sit apud Fratres, nec aliquid Ordini acquiratur. Quoniam, cum dictio nullatenus sit universalis negativa, & idem importet, quod nullo modo, efficit, ut Fratres sint simpliciter incapaces Successionis, & Institutionis, in quacumque parte, etiam minima: etiam si addatur modus, aliàs licitus.

30 Maximè considerando, quod licet Institutio ad effectum vendendi non repugnaret Regulæ in his, quæ pertinent ad dominium, possessionem, vel usum rerum; tamen, quia in Fratres sic institutos (qui nunquam desinunt esse hæredes) transeunt actiones activæ, & passivæ, aliis titulis eis esset interdicta; cū enim tenerentur exonerare conscientiam defuncti, c. in litteris de raptoribus, ac de evizione pro re vendita per executorem Testamenti: & de facto, ac contractu defuncti, etiam ultra vires hæreditatis, (prout quisque hæres tenetur, si Inventarium non confecerit, & ubi non possidet, potest conveniri, etiam actione personali, etiam in foro, & loco defuncti, ut post alios dixit Fagn. in 5. ad cap. *Nimis prava de excess. Prælat. num. 38.*) quomodo possent dd. Fratres ea, & similia implere, quæ ab hæredibus præstari oportet? Prohibentur litibus, & Curiis sæcularibus se immiscere, d. Clement. §. *Amplius*, ibi: *Nulla modo debent huiusmodi voti, & Regula Professores talibus Curiis, & litigiosis actibus immisceri, ut & testimonium habeant ab his, qui foris sunt, & puritati satisfaciant voti sui, & evitetur per hoc scandalum pusillorum.* Tum quia, supponatur eos adiisse hæreditatem, & bona esse di-

distracta, ac pretium erogatum in usum Fabricæ, vel Sacristiæ, aut eorum necessitates. Quis erit obstrictus ad debita hæreditaria? Qua ratione erit creditoribus consultum? Quis exonerabit conscientiam defuncti? Quis tenebitur de evictione, si bona hæreditatis distracta evincantur? Non Fratres, quorum mendicitas est tanta, ut omnem actionem excludat, & reddat inane. Quapropter Gloss. in *d. Clement. in verb. item*, dixit: Item non possunt capere, etiam ut vendant.

Propter quæ patet non urgere in contrarium relata. Et ulterius observandum, quod opera charitatis non debent exerceeri modo illicito, per quem Fratres inducantur ad Regulæ transgressionem, sed modo præfixo in *d. cap. Exiit §. quia verò puritatem*, ibi: *Non enim verisimile est, aliquem elemosynæ sue sine expressione modum illum præfigere, per quem, & donans merito, vel illi, quorum necessitatibus intendit, per donum huiusmodi providere, vel effectū doni, vel sue conscientie puritate fraudentur.* Prædictis autem necessitatibus potest per viam oblationum, & Legatorum, quorum sunt Fratres capaces, provideri.

Nec obstat *d. cap. Exiit §. Ad hæc quia*, ubi dispositum est esse Fratribus subveniendum per officium Iudicis, quando Executores essent negligentes. Nam textus procedit in Legatis modo licito factis, ibi *Ad quæ Legata solvenda, tam heredes Testatorum, quam Executores se liberales exhibeant, & etiam Prælati, & Seculares, quibus de jure, vel consuetudine provisio ista competeret (cum expedierit) se ex officio suo promptas exhibeant ad pias voluntates deficientium adimplendas: nam & nos etiam per modos licitos, & Fratrum Regula congruos intendimus providere.*

Propterea dixit Bartol. in tract. Minor. lib. 1. dist. 1. c. 2. Testamentum, in quo Fratres instituuntur hæredes, esse nullum, & hæreditatem deferri venientibus ab intestato, nisi adsit cohæres, vel substitutus, ad eodum nec illi in foro conscientie teneantur hereditatem Fratribus restituere. Et Auctores in contrarium scribentes sunt intelligendi non loqui de Fratribus Min. incapacibus, sed de pauperibus, vel alia pia causa, quibus per officium Iudicis subvenitur, Fagn. cit. numer. 41.

31 Sed quid, si Testator hanc apposuerit

clausulam: & quatenus ex aliqua causa Institutio non valeat, ad Fratribus jure Legati omnia mea bona ad præfinitos effectus, vel alias necessitates relinquo?

Resp. Neque in his terminis Legatum potest à Fratribus recipi, nam sunt incapaces Legati universalis, ut expressè Clement. §. Cupientes, vers. Nec licet, ibi: *Nec licet valorem hereditatum talium, vel tantum earum partem, quod præsumi posset hos in fraudem fieri, quasi sub modo, & forma Legati sibi dimitti facere, vel sic dimissa recipere; quin potius sic fieri ab ipsis simpliciter prohibemus.*

Quæ fuit sententia Sac. Congr. Concil. apud Fagnan. cit. num. 46. quæ consulta super casu, in quo Testator instituerat Fratres Minores sancti Francisci hæredes adjecta clausula: quod si forsan aliquo modo essent incapaces dicte hæreditatis, tunc bona cederent Monasterio pro augmento fabricæ, & alimentis Fratrum: censuit simpliciter respondendum, Fratres esse incapaces, quid autem faciendum esset de hereditate, non esse Congregationis definire, sed ad eundem Iudices ordinarios.

32 Dices Sac. Congr. Concil. apud Fagn. ibid. num. 31. interrogata, an Fratres possent sibi vindicare annuos redditus sibi relictos, non quidem, ut eo modo, quo relictæ erant, singulis annis perciperent, sed ut venderent, & pretium in necessitates Fratrum converterent? Censuit, Fratres mendicantes Ordinis Minor. de Observant. esse incapaces annui redditus Legati, cum inter immobilia reputetur, Clement. Exiit de verbor. signific. §. Cumque annui redditus. Caterum valere immobilium Legatum eis factum sub modo licito, nempe, ut vendant, & pretium convertant in Ecclesiæ necessitates; & idem, si modus non sit adjectus; nam sub modo licito relictum intelligitur; ergo tale Legatum, quamvis rei immobilis, valet.

Resp. negando consequentiam: Sac. Congreg. loquitur de Legatis particularibus, ut, si ipsis legetur vinea non ad excolendum, vel domus, non ad locandum, quia sub istis modis prohibetur, *d. cap. Exiit §. Ad hæc*; sed, ut per personas idoneas vendantur, & pretium erogat in Fratrum necessitates, ut ibid. vers. Si verò modum licitum; non verò de Legato universali, cuius Fratres ex alleg. Clement. sunt incapaces.

ces. Referantur textus ad textus, & concordentur, ut sibi non contradicant.

Sed quid, si hæres institueretur Fratrum Ecclesia?

Dicas ut *suprà num. 20.* & videas *Fagnan. cit. num. 43.* negantem cum Baldo in *Authentica Ingressi num. 55.* institutionem valere.

33 An verò possit eorum Syndicus hæres institui, vel ei legatum relinqui?

Pro institutionis, & legati validitate, refertur dispositio in constitut. Pauli IV. Ex *Clement. la. in Bullar. tom. 1.* ubi §. 11. quoad Syndicorum facultatem legitur: *Quires ipsas, & ipsorum pretium, & prædictas eleemosynas nomine Romane Ecclesie, (ad quam rerum omnium mobilium, & immobilium, quibus Fratres uti possunt, jus, proprietas, & dominium, nullo medio spectat) recipiant, & recipere possint, & debeant per eosdem in Fratrum ipsorum utilitates, etiam provictu, & vestitu eorum, & reparatione Conventuum, quando fuerint à Superioribus respectivè, hoc est, à Generali pro toto Ordine, Provinciali pro Provincia, & Guardiano pro Conventu) requisiti, convertenda: ut ibi text.*

Sed vera resolutio est, ut sint nulla, ad præscripta Sac. Congreg. ubi *suprà num. 19.* §. Cum annuos redditus, & ibid. *Inhibemus autem, ne Syndicus in sua persona hujusmodi annuos redditus recipiat, distribuendos ipsis Fratribus.*

Nec producta ex Constitutione Pauli urgent; quoniam ibi tribuitur facultas Syndicis, ut disponant de rebus modo licito dictis Fratribus relictis, oblatiis, & legatis, ut ibi *textus*: nec possunt ad Judices recurrere nisi in casibus, & ad formam præscriptam in declarationibus, prout *suprà num. 7. 8. & 10. ad 2.* videndis omninò, ne in praxi Fratres snæ sint Regulæ transgressores, & ad Judices recurrant in casibus non permixtis.

34 Sed an Fratres possint mediis Syndicis se componere cum hæredibus, vel executoribus testamentorum pro summa, & quantitate pecuniæ, semel tantum solvenda, & tradenda ad relevandas Fratrum necessitates.

Privilegium compositionis eo modo faciendæ super legatis, quorum Fratres sunt incapaces, legitur eis datum à Clemente VII. *const. Nuper. 15. ibid.*

Sed quoniam subinde ad d. Constitutionem editæ sunt præfatæ declarationes, videtur illud ab aula recessisse: nec iterum oponatur legata *const.* Pauli IV. quia in ea §. 10. facultas Syndicorum restringitur ad legata *secundum modos licitos, & congruos ipsi Ordini relictæ*, Atque ita exclusæ censentur ea, quorum ipsi Fratres sunt incapaces.

35 Sed quid; relinquitur dd. Fratribus domus, vel pratum cum onere, quòd annuatim celebrent centum Missas, petitur, an sint capaces dicti legati?

Resp. Negativè, prout resolvit S. Congregatio Concilii 24. Augusti 1659. quæ censuit, *Fratres Conventus de Araceli non esse capaces legatis bonorum stabilium, etiam sub onere Missarum; & proinde fuisse locum substitutioni Fratrum Conventualium, Sanctorum duodecim Apostolorum.*

Et dum fuisset propositum dubium, an, facto legato scutorum mille pro Missa perpetua dd. Fratribus possent isti eam summam convertere in Fabricam, & in se accollare onus Missarum? *die 15. Novembris 1697.* fuit ab eadem responsum, *negativè*, quia erogatio dictorum scutorum mille deberet fieri in stabilibus, quæ Fratres habere non possunt.

An verò possint nomine Syndici bona stabilia retinere?

Resp. Negativè juxta superiùs dicta, & resoluta à Sac. Congregat. *Fabrice in Aesina legati 26. Novemb. 1692.* quæ censuit *Franciscanos Observantes, qui pratendebant stabilia nomine Syndici, esse incapaces ad ita retinendum.* *Petra tom. 2. Comment. ad const. Apost. ad const. 5. Honor. III. sess. 4. num. 29.*

36 Quæritur. Titius in suo testamento nominat heredem Cajum suarum facultatum, ei expressè injungendo, ut quolibet die teneatur dd. Fratribus in eleemosynam tradere unum julium, ut ita propria mendicati succurrant; petitur, an dd. Fratres possint d. illam eleemosynam per Syndicum recipere, & Cajus teneatur eam illis erogare?

Resp. affirmativè. Quod apertissimè constat ex sæpè dictis, Fratres nimirum posse per viam puræ, simplicis, & manualis eleemosynæ recipere ab hæredibus legata à reflatore relictæ. Observandum enim est, quòd in terminis dictæ dispositionis non oritur in Fratribus aliquod jus ad rem,

five

live in re ad bona Titii; sed solum gravatur hæres, & cum onere ei hæreditas relinquitur, ut de die in diem dictam eleemosynam ipsis eroget. Quare S. Congr. Concil. proposito dubio in similibus terminis in Salernitana eleemosynarum die 14. Jun. 1704. rescripsit, Observentur Decreta Rev. Fabricæ emanata die 14. Febr. 1633. hoc est, recipiant per modum eleemosynæ. Et inde patet Legata dd. Fratribus facta per modum eleemosynæ sustineri. Occasione autem dictæ dispositionis hæc notari possunt.

I. Quod Cajus obligatione conscientia tenetur implere mentem Testatoris.

II. Quod Fratres nihil sibi acquirunt.

III. Quod Fratres, licet sint incapaces Legatorum modo illicito relictorum, & transferentium dominium, & possessionem apud ipsos, non dicuntur tamen incapaces eleemosynarum.

IV. Quod, cum obligatio sit in hærede, tam Syndicus Apostolicus, tanquam unus de populo, vel alius, potest comparere, & implorare officium Ordinarii, ut demandet executionem Testamenti, & impleatur mens Testatoris; ut articulo discussio, dixit Rota in d. Turrutina Legat. Et dum Syndico, etiam tanquam uni de populo, denegatur actio, intelligitur quantum ad Legata (etiam victus) ex quibus aliquod jus ipsis Fratribus resultat.

37 Cæterum dd. Fratres, habita Legatorum notitia, tenentur protestationem præmittere; cuius formula fuit à d. S. Cong. ab Urbano VIII. consult. *Fratr. Minor. de Observ. præposita*, canonizata, ut infra. Nos *Fratr. N. Guardianus, & Fratres Discreti huius Conventus Nostri* dicimus, ad nostram notitiam pervenisse, *N. de N. certam eleemosynæ quantitatem, conventui huic distribuendam perpetuo gratis, vel forsitan pro aliquibus Officiis, & Missis dicendis legasse. cumque Legata huiusmodi, nisi per viam simplicis eleemosynæ acceptare ex Instituto sancto nostro, & jure nobis non liceat; ideo per presentes libere protestamur in Domino quod Legatum prædictum, tanquam illius incapaces, ex vi Legati recipere volumus, nec intendimus. Si tamen Heres, Commissarius, aut Legatarius ipsius Testatoris dictam quantitatem per viam simplicis eleemosynæ, omni obligatione, dominio, & proprietate penitus cessantibus, nobis libere conferre voluerit, illam simpliciter accipiemus, &*
Official. Cur. Eccl.

pie Testatoris voluntati, quantum in nobis fuerit, plene, & fideliter satisfaciemus. Hæc autem protestatio subscripta per Guardianum, & Discretos Conventus, dabitur illi qui tenetur Testatoris voluntatem implere: quæ scribenda est in libro Conventus, ut de eo constare possit succedentibus Guardianis.

Est autem protestatio necessaria, ne, ut ait D. Bonaventura, *ab ignorantibus nostrum Institutum, Regule nostræ transgressores judicemur. In Bullar. citat. ad dict. Constit. 51.*

38 Tandem colligas, quod Legatum Fratribus Minoribus modo licito factum esse censetur.

I. Cum factum est, ut vendatur, & pretium convertatur in causam à Legante volitam.

II. Aut cum fit hac lege, ut præstatio fiat ab hæredibus; à quibus per modum manualis eleemosynæ possunt Fratres ipsa Legata recipere: modo non sint in magna quantitate, & in fraudem paupertatis, adeo ut fraus fiat ipsorum mendicitatis, & inde in eo statu ponantur, ut necessitatem mendicandi non habeant. Quare, licet possint per seipsos licite recipere ab hæredibus Legata rerum mobilium, frumenti, vini, olei &c. & pecuniarum per Syndicum; numquam tamen debent ad ea jus prætendere, neque ipsa recipere, cum ex eo reddantur tuti, & certi de eorum victu, & vestitu, sine necessitate quaerendi, ut post alios *Petra comment. 10. 2. ad Constit. 5. Honorii III. sect. 4. num. 32.* Quæ est cautela omnino tenenda, & consulentibus danda.

C A P U T XXXI.

Officialis quoad Litteras Apostolicas.

S U M M A R I U M.

- 1 Quid veniat appellatione Bullæ?
- 2 Referuntur 12. modi, quibus possunt Litteræ Apostolicæ falsificari.
- 3 Diligentia adhibenda ab Executoribus Litterarum Apostolicarum.
- 4 Incurruntur pœna, tam à falsantibus per se, quam per alios: & tam ab iis qui

Q

qui semel, quàm qui pluries falsarunt.

- 5 Quarum Litterarum falsitas pœnas concludat.
- 6 Utentes falsis Litteris puniuntur; sed distinguitur inter Clericos, & Laicos.
- 7 Sed quid dicendum de retinente apud se Litteras falsas?
- 8 Et quid de impetrante Litteras per subreptionem, vel obreptionem?
- 9 Quid si rescriptum esset impetratum per subreptionem, vel obreptionem?
- 10 Etiam Episcopi Litteras Apostolicas falsantes, sunt excommunicati in Bulla Cœne.
- 11 Etiam falsantes Litteras S. Pœnitentiariæ ligantur pœnis falsariorum Litterarum Apostolicarum.
- 12 Carens jurisdictione, inualidè iudicat, & dispensat, usque ad 19.
- 20 Potestas ad dispensandum à Papa data Episcopo, isto mortuo, transit ad successorem, nisi sit electa industria persone.
- 21 Referuntur tres modi, quibus solet Episcopis negotium, vel causa delegari.
- 22 Quando possit Vicarius Generalis cognoscere de commissis Episcopo.
- 23 Plura sunt, in quæ Episcopus habet auctoritatem ordinariam, & tamen sine speciali mandato Vicarius non potest in illis se ingerere.
- 24 In causis Episcopo delegatis Vicarius non potest procedere, nisi ei specialiter committatur.
- 25 Quando censendum sit electam esse industriam persone; & de clausulis, quibus id exprimi solet, usque ad numer. 28.
- 29 Vicarius ex vi sue deputationis est Iudex Ordinarius in eodem Tribunali cum Episcopo.
- 30 Clausula, dummodò S. Canonibus, & Trid. Decretis non adversentur, exponitur usque ad 33.
- 34 Lectores Jubilati Ordin. Min. Observ. possunt exequi Litteras Sac. Pœnitentiariæ.

Notandum est, appellatione Litterarum Apostolicarum. venire Litteras, quæ à Romanis Pontificibus eduntur. Quarum aliquæ dicuntur Bullæ, seu

Litteræ bullatæ; denominationem defumentes à Bulla plumbea, hoc est, sigillo plumbeo, quod imaginibus Sancti Petri, & Pauli insculptum, & filo insertum, eis appenditur; quæ non dicuntur expedite, nisi quando in plumbo sunt, ut tenuit Rota in Salmantina Parochialis mense Novembris 1539. coram Marcello Crescentio, apud Fagnan. in 5. ad c. Licet de crim. fal. numer. 6. Et ex integro important pergamenum, filum, & plumbum. Hasque Bullas Apostolicas dicimus: quarum aliquæ dicuntur Litteræ in forma Brevis, quibus non Bulla plumbea filo appenditur, nec sub plumbo expediuntur, sed sigillum ex cera rubra, eorumdem Apostolorum imagines referens, eis appingitur.

2 Quæritur, quot modis possint Litteræ Apostolicæ falsari?

Plures species falsitatis, modique probandi, cognoscendivè falsitatem Litterarum Apostolicarum, ponuntur in cap. Licet, de crim. fal.

I. Si falsa Bulla falsis Litteris apponitur hoc est, si adulterinum sigillum falsis Litteris appendatur.

II. Si Sigillum de una Bulla extrahatur ex toto, & per aliud filum immissum, falsis Litteris inferatur; hoc est, si cum vero Sigillo falsæ Litteræ sigillentur.

III. Si filum ab ea parte, in qua charta plicatur, incisum cum vera Bulla falsis litteris immittatur, sub eadem plicatura cum filo similis canabis restauratum.

IV. Cum à superiore parte Bullæ, altera pars fili sub plumbo rescinditur, & per idem filum Litteris falsis inserta, reducitur infra plumbum. Præacti modi continent varios modos applicandi verum Sigillum falsis Litteris.

V. Cum Litteris bullatis, & redditis, in eis aliquid per rasuram tenuem immutatur.

VI. Cum scriptura Litterarum, quibus fuerat apposita vera Bulla, cum aqua, vel vino universaliter abolita, seu deleta, eadem charta cum calce, & aliis juxta consuetum artificium dealbata, de novo rescribitur.

VII. Cum chartæ, cui fuerat apposita vera Bulla, totaliter abolita, vel abrasa, alia subtilissima charta ejusdem quantitatis scripta cum tenacissimo glutino conjungitur.

VIII. Cum

VIII. Cum scienter Litteræ Apostolicæ recipiuntur non de manu Pontificis, vel Officialis ab eo Deputati. Sed hodie ex stylo Curia, & Papa sciente, absque transgressione d. capit. recipiuntur per manus Procuratoris, vel Agentis, aut negotiorum Gestoris à Principali deputatorum, quas ipsi de manibus Officialis Papæ recipiunt.

IX. Cum falsæ Litteræ miscentur cum veris, & vero Sigillo, æquæ ac veræ, figillantur, ibidem §. Illos: sed ibi textus subdit: *Sed hæc duæ species falsitatis non possunt facile comprehendi; nisi, vel in modo dictaminis, vel in forma scripturæ, vel qualitate chartæ falsitas cognoscatur. In cæteris autem diligens indagator (sequitur textus) falsitatem poterit inveni, vel in adjunctione filorum, vel in collatione Bullæ; præsertim si Bulla non sit æqualis, sed aliusubi magis tumida, & alibi magis depressa.*

X. Dicuntur Litteræ falsæ, si in eis Episcopus appellatur Filius: vel si Papa uni loquitur in plurali, ex cap. Quam dist. tit. ibi: *Cum scire debeas Apostolicam Sedem, consuetudinem in suis Litteris hanc tenere, ut Patriarchas, Archiepiscopos, & Episcopos, Fratres: cæteros autem, Reges, Principes, vel alios cujuscunque Ordinis, Filios, in Nostriis Litteris, appellamus. Et, cum unitantum personæ Nostra Litteræ diriguntur, nunquam ei loquimur in plurali: ut, Vos, sive Vester, & his similia in ipsis Litteris apponamus.*

XI. Falsæ præsumuntur, si habeant in se vitium latinitatis, per c. ad audientiam il. 1. de rescript. Nam Litteræ Apostolicæ magna maturitate, & diligentia expediuntur, & per multas manus transeunt, nec verisimile est, ut aliquis ex Officialibus non videat falsam latinitatem.

XII. Falsæ reputantur, si aliquid reprehendendum sit in Bulla, Charta, vel Litteris, ad text. in cap. Cum olim, ibi 1. de privileg.

3 Propterea Prælati, ad quem spectat recognoscere, an Litteræ Apostolicæ legitimæ sint, ne veras pro falsis, vel falsas pro veris ad usum admittat, debet diligenter inspicere, & considerare, tam Bullam, filum, & chartam, quam ceram, stylum, & dictaturam, ut expressè præcipitur d. cap. Quam in fin. & memoriæ committere versus, quos Glos. refert alleg. cap. Licet, in quibus modi falsitatis Litterarum

Apostolicarum enunciantur, ut sequitur: *Forma, stylus, filum, membrana, littera, sigillum.*

Hæc sex falsata dant scripta valere pusillum.

Cum verò cap. Ex conscientia dist. tit. de crim. fals. dicitur propter paucarum Litterarum rasuram re scriptum Apostolicum non probari falsum: DD. notant id procedere de abractione facta per publicos Ministros, & Officiales, ad quos spectat Litteras Apostolicas scribere, & fortè erratum est, ut non concordent cum supplicatione; ut in terminis Fagnan. in 5. ad dist. cap. num. 7. & Gonzalez in 2. tit. 22. cap. 3. cum concordantibus in cap. Ex Litteris, de fid. instrument. Quicumque alius punctum, vel litteram unicam addat, vel cancellet, mutet, vel componat, reddit Litteras falsas: & sic radens incurrit pœnas Falsarii statutas, ibidem Fagnan. num. 8. Undè praxis esse debet, ut impetrantes Litteras, dum recognoverint, quòd ex inadvertentia Officialis aliquis error, vel in nomine, vel Patria impetrantis, & simili irrepserit, eas remittant ad Curiam Romanam, ut per Officiales, ad quos spectat, ad formam debitam, considerata matrice, & supplicatione, reducantur. Ibid.

4 Quæritur, quibus pœnis subsint Falsarii?

Respond. I. Incurrunt excommunicationem in Can. 6. Bullæ Cæna. II. Clerici sunt perpetuò privati officiis, & beneficiis, cap. Ad falsarios de crim. fals. In Constitut. Innocent. X. incip. In supremo la 28. Bullar. tom. 4: omnes pœnæ per Canonicas Sanctiones in Falsarios statutæ innovantur, & aliæ adduntur. Quas omnes ipso facto incurrunt Litteras falsantes tam per se, quàm per alios, & quocunque modo, ac tempore, falsificationis participes fuerint: complices, fautores, & auxiliatores quicumque; etiam illi, qui unica tantum vice, per se, vel alium, seu alios, unicum falsitatis actum commiserint; vel mediatores, aut auxiliatores fuerint; ubi textus.

Quare, cum pœnæ de facto incurrantur, beneficia, & officia, quibus falsarii privantur, possunt absque alia citatione, & sententia, confitit de delicto, aliis conferri Lotter. de re benef. lib. 3. q. 30.

5 Præfacta autem aliaque pœnæ in Litteris Apostolicis contra Falsarios contentæ

sunt ad p̄scriptum d. Constitutionis Innocentii executioni mandandæ in falsarios quoscumque.

I. Sive sint Falsarii Litterarum Apostolicarum, quæ sub plumbo solent expediri.

II. Sive Litterarum, quæ in forma Brevis sub annulo Piscatoris expediri consueverunt, tam gratiam, quam iustitiam continentium.

III. Sive supplicationum, cedularum, motus proprii, ac mandatorum de expediendo gratis, manu Romani Pontificis pro tempore existentis: vel per concessum, ab Officialibus, ad id pro tempore deputatis, respectivè signatarum, & signatorum.

IV. Sive omnium concessionum, in quibus adsit subscriptio Romani Pontificis, aut quorumvis Officialium, super quibus Litteræ Apostolicæ sub plumbo, vel in forma Brevis expediuntur, vel expediri consueverunt.

V. Sive Datarum, in præmissis ab Officialibus ad hoc deputatis apponi solitarum.

VI. Sive Registorum Apostolicorum, originalium supradictorum.

VII. Sive Librorum Registorum Apostolicorum, ut in d. Const. §. 1.

6 Quæritur. An scienter utentes falsis Litteris Apostolicis ab aliis falsatis, pœna aliqua ligentur?

Resp. Affirmativè, prout in d. c. *Ad falsariorum*, §. *Qui verò*, ibi: *Si Clerici fuerint, officiis, & beneficiis Ecclesiasticis spoliuntur*: per sententiam Iudicis, prout videtur importare illud verbum futuri temporis, *spoliuntur*: quod est iuxta expositionem Innocentii, & Hostiensis in hunc textum. Si verò sint Laici, sunt ipso facto excommunicati; ut ostendunt verba illa textus, *diu maneat excommunicationi subiecti*.

Et quia textus concludit, ibi: *Ita tamen, ut in istis, & in illis malitia gravius, quam negligentia, puniatur*: ideo mitius puniatur utens falsis Litteris cum ignorantia crassa, & supina, quam cum dolo expresso: sed ignorantia non præsumitur, vel non excusat, ubi non præmittitur diligentia, quamvis debet adhibere: siquidem ex hoc fuit in culpa, cum non examinavit, nec à peritioribus quæsit.

7 Sed quid, si quis nec falset, nec Litteris falsis utatur, sed solum apud se retineat?

Resp. Si scienter retineat, & in termino

dierum 20. non laceret, vel restituat, incurrit excommunicationem à Diocesano latam, à qua nullus extra mortis articulum potest sine mandato Romani Pontificis absolvere, c. *Dura de crim. fals.*

8 Sed quid etiam, si quis impetret Litteras Apostolicas per subreptionem, aut obreptionem?

Videtur eadem pœna puniri, qua utentes falsis Litteris emendantur. Nam textus in d. cap. *Ad falsariorum*, eos, qui falsas Litteras impetrant, sed non exercent falsitatem, æquiparat illis, qui falsis Litteris utuntur, ibi: *De his, qui falsas Litteras impetrant, statumur observandum*: Ergo eadem extenditur ad eos, qui per suggestionem falsitatis, vel taciturnitatem veri, à Papa Litteras impetrant.

Verum eos non incidere in pœnas d. cap. est sententia communior. Et Cardinalis dixit, impetrantem rescriptum per falsi suggestionem, aut taciturnitatem, non incidere in pœnam falsi, sed carere impetratis, ut expresse text. in c. *Super litteris de rescript.* & tenetur ad omnia damna, & interesse. Excommunicatos verò non esse, qui per subreptionem, vel obreptionem Litteras à Papa impetrant, censent S. Antonin. Sylv. & Cajet. alleg. Fagnan. ad d. c. *Ad falsariorum* num. 55.

Nec obstat ratio in contrarium. Nam similitudo ibi ponitur solum in modo puniendi, non in pœnis: & sensus est, quòd sicut mitius puniendi sunt, qui per ignorantiam, quam qui per malitiam falsis Litteris utuntur: ita mitius proceditur contra eos, qui per simplicitatem Litteras per obreptionem, & subreptionem impetrant, quam qui per malitiam, & dolum, prout distinguitur in d. cap. *Super litteris*.

9 Quid autem sit, aliquam Litteram esse subreptitiè, vel obreptitiè impetratam? Id dependet ab intelligentia terminorum. Plures censent subreptionem, & obreptionem esse synonyma, idemque importare, ut probat tex. in l. i. c. *si nuptia, & rescripti. per.* ubi in eodem casu rescriptum appellatur obreptitium, & subreptitium. Alii putant obreptionem esse, quando verum tacetur, & occultatur; subreptionem verò, quando falsum narratur.

Teneas itaque, ne de nomine litiges, quòd subreptio, vel obreptio est expressio falsi, vel taciturnitas veri; quo falso

non expresso, vel non tacito vero, Papa nullo modo Litteras concessisset, sed potius denegasset, text. in d. c. *Super Litteris, vers. si vero ad presentiam de filiis presbyt.* legatur Fagnan. in 1. ad d. cap. *Super Litteris, de rescript.*

10 Dubitatur, an pœnæ di&t. Decretalis, *Ad falsariorum*, procedant contra Episcopos?

Resp. DD. resolvunt negativè, ex quo in Decretalibus Episcopi, eorumque Superiores non comprehendantur, nisi in eis de illis fiat mentio specialis, ut expressè c. *Quia periculosum de sent. excomm.* Nec sunt privandi sine speciali mandato Papæ, cap. *Dudum*, 3. q. 6. Verùm hodie ex Bulla Cœnæ Falsarii Litterarum Apostolicarum sunt excommunicati, ut in can. 6. etiam si Episcopali, vel alia majori dignitate sint præditi, ex §. *Ceterum ejusd. Bull.*

11 Dubitatur etiam, an incident in pœnas d. Decretalis falsantes Litteras S. Pœnitentiariæ.

Ex eo negat Navarro in *manual. c. 27. nu. 22. vers. Tertia*, quia Litteræ Pœnitentiariæ non sunt Litteræ Papæ, sed eius Commissarii. Contra quem apud Fagnan. cit. ad alleg. c. *Ad falsariorum n. 24.* DD. concordant, quòd pœnæ Falsantium Litteras Apostolicas habeant locum etiam in Falsantibus Bullas, & sigillum Litterarum S. Pœnitentiariæ. Quod verum cenfeo propter duo. Primò, ex quo in d. can. 6. *Bull. Cœn.* hæc verba sint: *Aut de mandato ejusdem Romani Pontificis signatarum.* Maior autem Pœnitentiarius de mandato signat, & Litteras expedit. Secundò, quia litteræ S. Pœnitentiariæ censentur aliquo modo Litteræ Apostolicæ. Nam autoritate Apostolica à Card. Pœnitentiarario expediuntur, ut ex formula dispensationis ejusdem S. Pœnitentiariæ, ut inf. *NN. S. R. E. Presbyter Cardinalis &c. ex parte latoris &c.* Nos igitur, qui Pœnitentiariæ D. Papa curam gerimus, supplicationibus hujusmodi inclinati, auctoritate Apostolica specialiter concessa discretionis tue committimus &c.

Quæritur. Caius in regione N. varias Litteras dispensationum matrimonialium à Sede Apostolica impetratas super impedimentis dirimentibus falsificavit, mutatis gradibus: deinde Ordinarius, ad quem Litteræ fuerunt directæ, falsitatem ignorans, dispensationes concessit in gradibus, super

Official. Cur. Eccl.

quibus, si Litteræ fuissent vitiatæ, non potuisset: subinde, sic dispensati bona fide in gradibus prohibitis, dirimentibus matrimonium contraxerunt, prolemque susceperunt: petitur, an matrimonia sic bona fide celebrata in vim dictarum dispensationum sint valida, vel irrita?

12 Certum est sententias ab Ordinariis, cæterisque Judicibus latas in vim falsarum Litterarum Apostolicarum, & dispensationes exinde concessas; esse prorsus nullas, & irritas, cap. *Super eo de crim. fal.* quia est vitium in radice, & fundamento jurisdictionis. Quare nequeunt dd. matrimonia ut valida iustineri propter defectum jurisdictionis in dispensante, cui Litteræ falsæ nonnisi fictam dederunt. Propterea ad hoc difficultas restringitur, an ita dispensati tueri se possint ex titulo putativo, & communi errore juxta terminos in l. *Barbarius, ff. de offic. Prat.*

Pro validitate notatur, quòd gesta auctoritate publici officii per Prælatum, sive Ordinarium, aut Delegatum, qui communi estimatione creditur auctoritatem habere, regulariter sunt valida: de ordinario est textus in dict. leg. *Barbarius*: & de delegato in cap. *Infamis*, §. *Verum tamen*, 3. quæst. 7. Ergo propter communem errorem (quia, scilicet ab omnibus illius regionis credebatur Ordinarium dispensare tunc posse, & omnia agere, quæ aliàs erant Papæ specialiter reservata) matrimonia celebrata sunt valida.

Accedit autoritas Bartholi, qui dixit, rescripta omninò falsa, jurisdictionem tribuere, si illorum falsitas ignoretur: Nam propter bonam fidem constituunt Delegatum in quasi possessione jurisdictionis; & videtur hoc deduci ex d. c. *Super eo*, ibi: *Autoritate Litterarum falsarum.*

13 Cæterum esse nulla est extra dubium siquidem, ut valeant gesta ab eo, qui auctoritatem non habet, non sufficit communis error, sed requiritur etiam titulus coloratus à Superiore collatus, licet is titulus sit reverà invalidus ob vitium aliquod occultum in recipiente: ut, vel quia est simoniacus, vel, quia excommunicatus &c. quod probat tex. in d. l. *Barbarius*, & in d. c. *Infamis*, ibi: *Si servus cum putaretur liber (ecce communis error) ex delegatione (ecce titulus) sententiam dixit.* Et tenet Gl. in c. *Nihil de elect. v. administrent*, ubi dicit:

Q 3 ideò

ideo valere gesta illius, quia fuit inquieta administratio, & in quasi possessione Prelationis de licentia Papæ: & pro Prelato habitus fuit; quam Gloss. sequuntur Scribentes.

114. Neque sufficit, ut titulus conferatur à quocumque Superiore, sed conferendus est à legitimo, & auctoritatem habente, ut cum aliis dixit Ancharanus. Ideo licet valida sint matrimonia celebrata coram Parocho à legitimo Superiore instituto, licet careat vero titulo ob vitium occultum; tamen nulla sunt contracta coram Parocho intruso, qui videlicet à Superiore legitimum titulum non habet: nam intrusos non tuetur Ecclesia, nec eis iurisdictionem in commodum Fidelium tribuit: & ideo eorum gesta ex communi errore, & reputatione non sustinentur, ut post alios scripsit Fagnan. in 5. ad cap. Quod à prædecessore de schismat. num. 132.

15 Quare, quia in casu Ordinarius, qui auctoritate Apostolica dispensavit, reverà in gradibus falso expressis in Litteris nullam habuit facultatem dispensandi à Summo Pontifice receptam, sed potius à Cajo, qui Litteras vitiavit, & adulteravit, sequitur optime, ut matrimonia in vim dictarum dispensationum contracta, fuerint prorsus irrita, & nulla, non obstante communi errore, & ignorantia falsitatis Litterarum, propter defectum tituli colorati.

16 Neque obstant ex adverso ponderata. Non primum propter superius dicta. Quibus additur, quod communis error non juvat, si desit auctoritas Superioris, ad litteram in d. l. Barbarius, quæ fundat se super communi errore, & auctoritate Superioris: nam ille servus, qui putabatur liber, habuit officium à legitimo Superiore: & ita in eo duo concurrebant auctoritas Superioris, & communis error. Quæ non fuerunt in casu proposito, in quo solum fuit error communis.

17. Nec secundum. Nam bona fides potest quidem excusare à culpa, & pœna, sed non validare actum, c. Si beneficia de prebend. in 6. Ideo opinio Bart. ea parte, qua dicit falsas Litteras iurisdictionem conferre, communiter reprobatur à Gloss. in d. c. In notabilib. contra quem scripserunt allegati à Fagnan. d. tit. de crim. fal. ad d. c. Super eo num. 13.

18 Neque Bartoli sententia vim recipit à

littera in dict. cap. per illud verbum auctoritate: nam sensus est, quod Iudex credens Litteras esse veras, & sibi auctoritatem conferre, sententiam pronunciavit; sed quia postea oppositum fuit de falsitate Litterarum, idque concludenter probatum, sententia non fuit executioni commissa. Et hinc patet, per falsum rescriptum, licet illius falsitas ignoretur, nullam iurisdictionem conferri; nullamque esse sententiam, & non exequendam, latam per Iudicem cum ignorantia falsitatis.

19 Quapropter resolutio est (& quidem notanda) quod communis error non suffragatur ad gestorum validitatem, nisi habeatur cum errore communi titulus coloratus in operante, collatus à vero Superiore, tamen propter latens delictum sit nullus; tunc enim ad bonum Fidelium Ecclesia iurisdictionem tribuit. Ita valet absolutio data à Sacerdote, qui communiter reputatur Parochus, vel Confessarius, estque ab Episcopo Parochus institutus, vel ei potestas collata ad Confessiones excipiendas, quamvis ob occultum vitium fuerit incapax recipiendi iurisdictionem, prout dixi lib. 2. causet. confess. cap. 1. numer. 12. & notavit Fagnan. in 1. ad cap. Ne imitars de constitut. num. 380, plures cumulans, ac reprobans opinionem dicentium Sacerdoti eligenti opinionem minus probabilem circa suam iurisdictionem, omisa probabiliori, Ecclesiam iurisdictionem conferre ad absolvendum, licet Sacerdos vere iurisdictionem non habeat, nec titulum à legitimo Superiore receperit.

20 Quæritur, An delegatio à Papa facta Episcopo, ut dispense in nonnullis gradibus prohibitis, vel irregularitate, aut absolvat ab excommunicatione, ipsi Papæ reservatis, Episcopo mortuo, vel dignitate privato transeat ad successorem?

Respond. Affirmative, si commissio fiat sub nomine dignitatis, ut si dicatur tibi Abbas, tibi Episcopo, non verò, si fiat sub nomine proprio, juxta terminos cap. Quoniam, il 1. de offic. delegat. Nam tunc commissio censetur facta dignitati, & non personalis, ac facta personæ; dignitas autem non moritur, sed perseverat in Successoribus omnibus, licet individua pereant, ut ibid. Gloss. ver. Substitutum.

Pari modo discurritur de delegatione inter Regulares, à Sede Apostolica facta

cta Generali, vel Provinciali; nam & hic est considerandum, an dignitati fuerit negotium commissum, an vero personæ.

Sed petitur. An super illis, quæ à Papa, vel Sacr. Congreg. delegantur Episcopo, possit Vicarius Generalis procedere, & cognoscere?

21 Pro solutione præmittitur. I. Quandoque Episcopo tribuitur iurisdicção in illis, ad quæ, etiam præcisa delegatione, jure ordinario, seu ex suo ordinario officio iurisdicçãoem habet. Quod non semel legitur factum à Trident. cum dictione, *Etiám tanquam Sedis Apostolicæ Delegatus, ut sess. 21. cap. 3. de ref. & sess. 22. cap. 3. de ref. & alibi sæpè*: & tunc licet constitutur etiam Sedis Apostolicæ Delegatus, potest tamen ut Ordinarius cognoscere; videturque potius excitata iurisdicção ordinaria, prius competens, quam nova concessa, juxta *cap. Licet in corrigendis, de offic. ord.* Etenim dictio illa etiam est implicative, & significat Episcopum cognoscere posse etiam jure, & ordinaria iurisdicçãoe.

II. Quandoque Episcopus constituitur Delegatus in casibus, in quibus jure ordinario non habet facultatem.

III. Aliquando verò causæ Episcopo delegantur per dictionem taxativam *tantum*, vel *solus*, vel cum alia adjectione, per quam industria personæ censetur in eo electa; & ita designatur Episcopus, ut cæteri videantur exclusi.

22 Itaque, quando causæ primo modo delegantur Episcopo, potest etiam Vicarius Generalis in illis cognoscere; nam Vicarius in regimine Diocesi vices gerit Episcopi, in quantum per generalem constitutionem, & mandatum Episcopi in eum censetur translata facultas, quæ Episcopo de jure ordinario competit; quorum propterea unum, & idem Tribunal est, *cap. Romana, de appell. in 6.* & proinde ab ipso appellatur, non ad Episcopum, sed vel ad Archiepiscopum, aut Sedem Apostolicam, ne ab eodem ad eundem appelletur, *d. cap. Romana, & cap. Non putamus, de consuet. ibidem.*

23 Ideò, cum Trident. in suis Decretis aliqua committit Episcopis cum clausula, *Etiám tanquam Sedis Apostolicæ Delegatis*, possunt super eis Vicarii Generales procedere; & cognoscere, nisi talis conditionis fuerint, ut licet quantum ad ea competat

Episcopo ordinaria facultas, præsumantur non inclusa in generali concessione, juxta *cap. Cum in generali de offic. Vic. in 6.* & verisimile sit Episcopum nolle ea sine suo consensu, & præcitu expediri: prout censetur, v.g. auctoritatem interponere in alienatione rerum Ecclesiæ: resignationes Beneficiorum: concedere alieno Episcopo licentiam exercendi actus Ordinis in Diocesi: relaxare censuras ab Episcopo latas, & similia: in quibus speciale mandatum est necessarium, prout expresse in jure statuitur.

Ita absque speciali mandato non potest Vicarius inquirere, punire, officiis, vel beneficiis privare, *cap. Licet, de offic. Vic. in 6.*

Item non potest conferre Beneficia, nisi collatio illi specialiter sit commissæ, *c. Cum in generali eod. tit.*

Item absque speciali mandato non potest Dimissorias ad Ordines concedere, nisi Episcopo in remotis agente, *cap. Cum nullus, de tempor. ordin.* Et ita stylus est, ut Vicarii dantes dimissorias inferant clausulam: *Ex speciali mandato &c.* Quando autem dicatur Episcopus in remotis agere, tractat Gloss. *ibid. verb. remotis.* Et concludit hoc esse arbitrium Judici, attenta majori, vel minori difficultate adeundi Episcopum.

Item speciale mandatum requiritur, ut absolvat à casibus Episcopo reservatis, *c. Si Episcopus de offic. ord. in 6.*

Item eget speciali mandato, ut dispense in irregularitatibus, & absolvat à censuris, super quibus potest Episcopus in vim Trid. *sess. 24. c. ap. 6. de reformatione*, ibi: *Per se, aut Vicarium ad id specialiter deputandum.* Cætera videantur apud Doctores, & inspicatur tenor Litterarum, quibus Vicarius deputatur: an memoriæ faciant de speciali mandato requisito circa nonnulla, in quæ Episcopus ordinariam iurisdicçãoem habet.

24 Cum verò causæ secundo modo Episcopo delegantur, tunc Vicarius non potest de illis cognoscere, nisi ei causam subdeleget; nam per ejus generalem deputationem non transfertur in ipsum facultas, quæ competit Episcopo de jure speciali, & tanquam Delegato, ut in *d. cap. Cum in generali.* Etenim in iurisdicçãoe delegata non fit extensio de personâ ad personam, per *cap. edoceri de rescript. & ibi Gloss. ver. omnino*, concordat Gennet. *prax. cap. 25. num. 11.*

& Fagnan. in 1. *ad cap. Quoniam*, de offic. delegat. numer. 11. Et in causa delegata Episcopus procedit, non ut Episcopus, sed ut Delegatus. Ideo delegatio facta Episcopo non transit in Vicarium, sicut nec ad Capitulum, Sede vacante; ad quod non transit jurisdictio competens Episcopo jure delegationis.

Et adeo verum est, quod Vicarius non potest procedere in causa Episcopo delegata, ut neque Episcopus valeat in delegata Vicario. Clem. *Et si de rescript.* & Fagnan. *ibid.* num. 14.

Nec obstat, quod Episcopi, & Vicarii idem sit Tribun. Quoniam id procedit in jurisdictione non delegata, sed ordinaria: Nec Vicarius tunc cognosceret causam sibi delegatam, ut Vicarius Episcopi, sed ut Delegatus Papæ. Delegatus autem in causa à Papa sibi commissa, est major Ordinario, cap. *Sanè il 2. de offic. delegat.* Cum vices gerat Papæ, ut ibi text. De qua re Fagnan. *cit.* num. 16.

Quare in his, quæ simili modo delegantur Episcopo, non potest Vicarius procedere, nisi ei ab Episcopo specialiter committantur. Delegatus enim à Principe potest subdelegare, ut expressè tex. in c. *Si duo il 2. de offic. deleg.* & ita, cum causa est in forma commissaria à Papa, vel Sac. Congr. Episc. delegata, potest in ea vices suas per speciale mandatum committere Vicario Generali, nisi obstat, quæ mox subnectuntur.

Tandem, cum Litteræ continent delegationem tertio modo Episcopo factam, nequit Vicarius, etiam de speciali mandato Episcopi procedere; quia tunc intelligitur subdelegatio prohibita, cum præsumatur electa industria, & fides Episcopi; propter quod debet ipse personaliter cognoscere, & commissionem implere, ut notatur in d. cap. *Is autem*, & dixit Glos. in verb. *Inquisitionem*, quæ communiter approbatur.

25 Sed inquiritur, quando censendum sit in commissione electam esse industriam personæ Episcopi?

Resp. Id pendet ex tenore Litterarum delegationis; attendendum est ad modum loquendi, & committendi negotium, ut post alios observarunt Pax Jord. tom. 3. *elucubr. tit. 6. lib. 13. de jud. deleg. n. 29.* Industria itaque personæ communiter censetur electa, quando in commissione apponitur clausula: *Per te ipsum exequaris: tu solus facias,*

determines, & inquiras, vel similis. Quo loquendi modo ostenditur mens Delegantis fuisse, ut Delegatus ipse per se causam tractet, ut per DD. in d. textu.

26 Sed quid, cum negotium committitur cum clausula: *Super quo conscientiam tuam oneramus?* Garzias de benef. par. 6. cap. 2. §. 1. num. 103. tradit, per d. clausulam: *Conscientiam tuam oneramus*, non censeri electam industriam personæ. Et adducit declarationem S. Congr. Conc. ut infra: *Episcopus, cui commissum est examen per Litteras Apostolicas alicujus, qui Beneficium simplex obtinuit, poterit illud delegare, non obstante, quod fuerit in Litteris ejus conscientia onerata.* Hujusmodi enim clausula non taxativam ad personam importat, sed habet vim monitionis: quatenus per eam monetur Delegatus, ne subdelegando causam alteri, faciat contra propriam conscientiam, per Pac. Jordan. *cit.* num. 43. Peyrin. *ad Const. 19. Leon. X. §. 2. & 1.* cum quibus est Genues. *prax. c. 85. num. 5.* referens per allegatam clausulam non impediri subdelegationem, ut tenuit Felin. in cap. *final. de offic. delegat.*

27 Sed diversimodè discurretur, quando negotii decisio committitur arbitrio (supple ratione regulato) vel conscientie alicujus; dicendo: *committimus arbitria, & conscientia tue: seu decidas secundum conscientiam, & arbitrium tuum.* Tum enim non permittitur subdelegatio, quia censetur electa industria personæ, non verò simpliciter facta monitio, & excitatio, ne alteri demandetur executio negotii contra dictamen propriæ conscientie; videndus Rosa de executor. *Litterar. Apostol. par. 2. c. 5. n. 20.*

28 Atenore pariter Litterarum, ipsarumque clausulis debent Generales, & Provinciales, cæterique Regulares, quibus à Papa, vel S. Congr. aliqua causæ committuntur, in praxi instrui super qualitate Commissionis, an sit alteri delegabilis, vel restricta ad personam in litteris expressam; & juxta formam sibi præscriptam operari. Notandum etiam, quod cum facultas committitur cum clausula, *Arbitrio tuo*, arbitrium debet ratione regulari, & est semper præcavendum alterius præjudicium.

29 Quæritur. An delegatio facta à Vicario Generali Episcopi, per ipsius Vicarii obitum, vel remotionem ab officio expiret, vel transeat in Vicarium successorem?

Resp.

Resp. Communior opinio apud Genuen. d. c. 85. n. 1. dicit expirare, & non transire in Successorem, licet delegatio facta fuerit sub nomine officii, ponderando, quod de Vicario propriè non dicitur habere Successorem, nec de Vicariatu, quod sit dignitas permanens. Verùm communis opinio per eum limitatur, ut non procedat, quando stylus Curiae esset in contrarium; vel quando delegans habuerit respectum ad Episcopi Tribunal, juxta Butr. in cap. Quoniam cit. tit. & in dubio præsумitur delegantem d. Tribunal contemplasse, si in delegatione non expresserit nomen proprium Vicarii, sed in litteris dixerit: *Episcopo, vel ejus Vicario*; tunc enim admittitur Successor in officio, ut DD. concordant; ad quem transmittitur facultas cognoscendi causas delegatas priori Vicario; nisi ex aliis conjecturis appareret de contrario sensu, & electam esse industriam personæ; & secundum hunc sensum Rota servat communem opinionem, per Genuen. *ibid.*

30 Quæritur. Quid importet clausula, *Dummodo Sacris Canonis, & Tridentini Concilii Decretis non adversentur*, quæ post d. Concilium solet à Pontificibus apponi in litteris, quibus confirmant Regularium privilegia?

Resp. Ostendit, Pontifices non intendere confirmare privilegia, quæ sunt à Tridentino revocata, ejusque Decretis sunt contraria.

31 Sed dubitatur. An verba illa *Sacris Canonibus* intelligenda sint de *Sacris Canonibus* Conc. Trid. vel de insertis in corpore juris?

Resp. Donatus *prax. regular. tom. 1. par. 1. tract. 11. quæst. 14.* & Peyrinus de *privileg. regul. ad constit. 1. Gregor. XIII. §. 3. num. 2.* tradunt, Sacros Canones, de quibus in dict. clausula, eos non esse, qui sunt inserti in jure communi; aliàs frequenter otiosa, & nulla foret quælibet privilegiorum confirmatio, cum omnia ferè privilegia à Pontifice concessa, sint contra jus commune; clausulamque restringi ad Canones, qui unà cum Decretis in eodem Tridentino continentur.

Nec obstat, quod ex stylo Tridentini Canones appellantur, qui continent definitiones materia dogmatum, ut patet ex *sess. 6. 7. aliisque*, in quibus, ut distincta ponuntur Canones fidei, & decreta de

reformatione. Nam quandoque à Concilio dicuntur Canones, etiam extra fidei materiam, ut constat in fine proemii cap. 1. *sess. 14. de reform.* ibi: *Hos, qui sequuntur, Canones statuendos, & decernendos duxit.* Et tredecim capita, quæ sequuntur, non ad fidem, sed ad reformationem spectant. Ad idem facit c. 16. *sess. 25. de refor.* ibi: *Vestigiis sexti Canonis Concilii Chalcedonenfis inhaerendo?*

32 Unde dictio illa, &, est conjunctiva, & copulativa, conjungitque Canones Concilii spectantes ad reformationem cum ipsius Decretis. Quod probatur etiam ex *sess. 25. cap. 20. de regul.* ibi: *In cæteris omnibus præfatorum Ordinum privilegia, & facultates, quæ ipsorum personas, loca, & jura concernunt, firma sint, & illata.* Ubi Concilium statuit illata Regularium privilegia, quæ suis non adversantur Canonibus, & Decretis. Et hoc videntur intendere Pontifices per dictæ clausulæ adiectionem in confirmationibus privilegiorum. Præsумitur enim dict. clausulam à Pontificibus apponi in sensu à Tridentino intento, & nolle privilegia confirmare in iis, in quibus Concilio adversantur.

33 Circa particulam exceptivam: *Et Decretis Concilii Tridentini non adversantur*, dubitatur, an extendatur ad non confirmanda privilegia, quæ quomodocumque sunt Concilio contraria?

Super quo notandum, quod sæpè Tridentinum aliqua Regularium privilegia expressè revocat per clausulas, *non obstantibus privilegiis*; vel etiam, *si exemptum esse præsumat, aut cujusvis privilegii prætextu, similive*; quæ pluribus ejusdem Decretis adduntur. Sæpè verò dd. clausulis non utitur, sed verbis negativis, & prohibitivis aliquid etiam circa Regulares decernit, absolute interdicens, & disponendo contraria; ut *sess. 4. in decret. de edit. libror. versic. Et si Regulares fuerint, sess. 5. cap. 2. de refor. verb. Regulares verò, sess. 23. cap. 8. de refor. vers. Unusquisque.*

Roderico *resolut. 116. num. 14.* dixit, tenorem dictæ clausulæ esse, ut non confirmentur privilegia, quæ à Concilio expressè revocantur per clausulas, *non obstantibus, &c.* bene verò, quæ ita non revocantur. Nam privilegia primi generis simpliciter Concilio adversantur; non illa secundi generis, quæ cum expressè non revo-

revocentur, tacite admittuntur, atque ita illi non sunt contraria.

Sed contra ipsum sunt Donatus cit. q. 15. n. 2. Lezan. tom. 2. q. regul. cap. 1. de jurib. & priv. num. 58. Mirand. Man. Prælator. q. 38. art. 4. Peyr. ibid. num. 3. ubi testatur de communi; traditque sensum d. clausulæ in praxi obtinere, ut Pontifices intendant, non solum non confirmare, quæ expressè revocantur à Tridentino per dd. clausulas, sed etiam, quæ illis sunt simpliciter contraria. Et facit, quod sess. 25. cap. 22. de regul. præcipitur à regularibus servanda esse omnia, & singula in superioribus decretis contenta cum clausula derogatoria, non obstantibus eorum, &c. In expressis autem non est locus conjecturis, adeoque nec distinctioni de contentis in decretis dumtaxat d. sess. 25. quia qui totum dicit, nihil excludit. Et facit Constit. Pii IV. In Principis, la 94. Bullar. tom. 2. in qua absolute revocantur privilegia, quæ Decretis Tridentini contrariantur. Quæ est opinio in praxi tenenda.

34. Posset hic agi de executione litterarum Sacræ Pœnitentiariæ; sed omittimus, quia de hac retractat Tiburtius; Navarr. Ord. Recollect. Sancti Francisci manduct. ad praxim d. Tribunalis, & ex eo Monacellus form. par. 1. form. 1. tit. 9. ad quos Lectorum remitto. Hoc unum observo, quod sæpe diriguntur cum clausula: *Magistro in Theologia, vel Sacrorum Canonum Doctori*. Quæ ita est intelligenda, ut Confessarius eligendus sit verè Magister, vel Doctor in aliqua universitate. Nec sufficeret, ut esset Theologus, vel Professor, aut Lector in aliqua Religione, nisi illa Religio aliquo privilegio gaudeat, prout concessum est ab Innocentio XI. Const. Exponi, sub 27. Novembris 1679. Lectoribus Jubilatis de Ordin. Fratr. Minor. de Observ. dummodò triennio Philosophiam, & decennio Theologiam legerint, ut ibi textus. Adeoque eas exequi nequeunt, qui solis litteris Generalis Lauream Jubilationis obtinent, sed ad tempus præfixum, & ut disponit Urbanus VIII. Const. Cum sicut, 2. Martii 1638. non legerunt. Simile privilegium habent PP. Societatis.

CAPUT XXXII.

Officialis quoad Moniales.

SUMMARIUM.

- 1 Puella suscipiens habitum Religiosum debet esse major quindecim annis.
- 2 Ad professionem non admittitur, nisi annum probationis, & 16. ætatis integre compleat.
- 3 Tertia soror caret voto, & solvit duplicatam dotem, & sub num. 19.
- 4 Puella in Monasteriis causa educationis non recipiuntur absque licentia Sacra Congr. Episcop.
- 5 Cum Superiore Regulari recipiente vota Monialium ad effectum, aut puella admittatur in educatione in Monasterio exemplo, non assistit Vicarius Generalis.
- 6 In quo Superior votum non habet.
- 7 Puella in educationem non recipiuntur ante septimum ætatis annum. Et post 25. nequeunt amplius in Monasteriis absque speciali Sacr. Congr. licentia detineri.
- 8 Agitur de loco, in quo sepeliende sint puella decedentes in Monasteriis tempore educationis.
- 9 In Ecclesiis exterioribus Monialium nequeunt sepeliri corpora virorum, & mulierum secularium.
- 10 Ab Episcopo, vel ejus Vicario exploranda est voluntas puellarum volentium habitum Monachalem suscipere, & professionem emittere.
- 11 Neque ad eum effectum possunt septa Monasterii ingredi.
- 12 Omissio examinis non irritat professionem.
- 13 Non est simonia recipere dotes à Monachandis.
- 14 Monasteria consequuntur dotes Novitiarum proficientium causa mortis, non completo probationis anno.
- 15 Contrarium.
- 16 Proficientes causa gravis infirmitatis, ubi deinde convalescunt, debent iterum profiteri.
- 17 Dotes non recipiuntur ante professionem.
- 18 Dotes sunt investiende in bonis stabilibus, vel censibus tuis.

- 19 Dotes possunt deponi apud tertium, quicquid post professionem puella tradat Monasterio.
- 20 Non potest absque licentia Sedis Apostolice Monialis de uno ad aliud Monasterium transferri, etiam ad effectum, ut insecundo sit Abbatissa, vel Priorissa.
- 21 Monialis de uno ad aliud Monasterium transata teneri iterum per annum probatione stare, & subinde profiteri.
- 22 In clausuram Monialium non possunt infantes, cuiusvis ætatis, & sexus sine introductis, & introductum censura.
- 23 Legata relicta in Ecclesiis Monialium in eis impleri non debent.
- 24 Ad Episcopum spectat taxare numerum Monialium Regularibus subiectarum.
- 25 Monialis supernumeraria semper est supernumeraria.
- 26 Moniales non possunt de propriis cellis disponere.

Nulla puella potest ad habitum Religionis in monasteriis Monialium admitti, nisi habet ætatem completam quindecim annorum, ex Decreto Sac. Congreg. Episcop. apud Monacellum for. par. ad form. 7. num. 3. tit. 11. emanato 23. Maii 1659. cum necessitate recurrendi ad Sedem Apostolicam, si ante dictam ætatem velit habitum suscipere, ut de praxi, & stylo testatur idem Monacell.

2 Nec ad professionem admitti debet, nisi anno probationis completo, & 16. ætatis anno exacto, prout Trid. sess. 25. de regul. c. 15. Anni debent esse completi de momento in momentum, prout DD. communiter. Cum quibus firmat Panimoll. decif. 29. num. 7. punctum horæ professionis debere punctualiter respondere puncto horæ natiuitatis, & cum de ista non constaret, expectandus esset totius diei terminus quod si nec diei, sed mensis notitia haberetur, totius mensis exitus expectari deberet ex ponderata ratione, quod possessio stet pro lege præscribente ut nullus ad professionem admittatur, nisi constet eum realiter, & cum effectu 16. ætatis annos, & unum probationis integrè complevisse, unde post eum Quilici Confes. mandant. quast.

16 num. 15. dixit, in anno Novitiatus, & ætate requisita ad professionem non dari parvitatem materiæ, ut dicam infra c. 41.

3 Si in eodem Monasterio velit tertia soror habitum assumere, voto tam activo, quam passivo privatur, & duplicatam dotem solvit, prout fuit à Sacra Congregatione Episcoporum rescriptum Archiepiscopo Bracharen. ut infra; Utiq. hac Sacra Congregatio & infra: Aut igitur tertia soror intra præfixitum Monialium numerum in Monasterium introducenda est, aut supra illum, si ut numerata ingredi voluerit eleemosynam totalem duplicatam Monasterio persolvat, suffragioque tam activo, quam passivo carebit, quousque altera ex duabus ejus sororibus e vita decesserit, si verò, ut supra definitum Monialium numerum admitti petierint, speciali Sac. huius Congreg. licentia opus erit, quæ quidem concedi non solet, nisi ex conditione, ut ipsa tertia soror triplicatam eleemosynam dotalem Monasterio absolvat, nec reliquis ejus duabus sororibus simul superstitibus, activo, vel passivo suffragio gaudenda, die 26. Augusti 1616.

4 Puellæ causa educationis non recipiuntur in Monasteriis, nisi de expressa licentia Sac. Congreg. & nisi accesserit consensus majoris partis Capituli, ac in scriptis obtineant licentiam à Superioribus Ordinibus, juxta rescriptum factum à Sac. Congreg. Concilii Episcopo Hieracen. sub ult. Augusti 1575. apud Quaranta Bullar. verb. Monial. Monast. verb. de puellis.

5 Dum Superior Regularis recipit Monialium suffragia ad effectum admittendi educandam in Monasteriis sibi subiectis, cum eo non assistit Vicarius Generalis, aliusve ab eodem deputatus, prout S. Congreg. Episcoporum rescripsit Episcopo Cremonen. ut infra.

Referito in Sac. Congregazione dal Cardinal Caraffa, quando V. S. ha rappresentato con sua lettera in ordine al dubio proposto dal Prior del Convento dell'Ordine de' Predicatori di Soncino di totesta Diocesi, se nell'accettazione dell'educande nel Monasterio delle Monache di San Paulo di detto luogo soggetto al suo Ordine, possa intervenire alla ballottazione, che si fa dalle Monache; il suo Vicario Generale; o altra persona da deputarsi da lei. Questi Eminentiissimi miei Signori hanno risoluto, che

non habbia potuto, nè possa intervenire. Olio lo significo, & il Sig. Diola prosperi.
Roma 15. Settembre 1690. Ex regesto *autographo Sac. Congr.*

6 Estque advertendum, quòd Superior recipiens Monialium suffragia, votum non habet, quoniam ei non conceditur; ut in d. rescripto factò Episcopo Hieracen. quòd ex Piafec. refert Peyrinus *de privileg. regul. ad Const. 6. Pii V. §. 1. num. 10.* id non conceditur, ibi: *Jamdudum ad eadem S. Congregatione statutum esse, nullo Concilii Decreto prohiberi, quominus puella in Monasteriis Monialium educetur, si tamen eadem Monasteria ante Concilium consueverint huiusmodi puellas recipere; sique à Superioribus Monasteriorum, scriptam licentiam impetrarint, atque Abbatissa, & reliquarum Monialium consensus (capitulariter) accefferit, &c.*

7 Sed in puellis debent concurrere requisita in alleg. Decreto expressa, & relata in licentia Sac. Congreg. Romæ impressa, Sigillo Card. Præfecti obsignata, & à Secretario ipsius Sac. Congregationis subscripta; quæ in Italia locorum Ordinariis, vel ipsorum Vicariis dirigitur, ut possint puellæ in Monialium Monasteria introduci ad effectum, ut piè, & honestè instruantur. Et inter alia, debent annum septimum ætatis complevisse, nec 25. excedere; neque ultrà dictum 25. debent detineri, nisi de licentia Sac. Congregationis. Et interim dum eam petunt, & detinentur, nullam censuram incurrunt, ut notavit Pax Jordanus *elucubr. tom. 2. lib. 7. tit. 12. n. 125.* sed si etiam ad unum diem differant petere, praxis hic Romæ est; ut absolvantur.

8 De loco, in quo sepelliendæ sint puellæ, quæ tempore educationis in Monasteriis moriuntur; agit Pelizarius *de Monialib. cap. 10. sect. 3. subsecti num. 233.* scribens esse sepeliendas in Ecclesia exteriori Monialium; id deducens, quòd jus sepulturæ ex administratione Sacramentorum acquiritur eidem Ecclesiæ. Pignatellus verò *to. 7. consult. 63.* voluit tumulandas esse in Ecclesia illius Parochiæ, in qua ipsæ habent domicilium.

Super quo est ponderandum, huiusmodi puellas non amittere suam Parochiam, cum non descendant à propria Parochia, ut illam decrescant, & mutant; nam ad tempus discedunt, & non manent in Monasterio,

tamquam in propria habitatione, sed aliena, animo revertendi ad propriam, cum primò eis licebit. A simili de eo, qui ad villam ruralem se transfert, qui non debent ibi speliri, quia ibi Parochiam non acquirit; nam non accedit animo permanendi, nec domicilium mutat: sed sepeliendus est in Parochia loci, in quo domicilium habet, text. expressus *In c. is qui de sepultur. in 6. vel ubi elegerit sepulturam, vel in sepultura maiorum.*

Et quatenus puellæ in alia Ecclesia à Parochiali sepulturam eligerent, vel sepulchrum maiorum esset, in eo deberent tumulari; sed tunc Ecclesiæ Parochiali quarta funeralium solvi deberet.

Sententiam Pignatelli & ipse Pelizarius probabilem dicit, & in praxi tenendam censeo, quidquid sine fundamento scripserit Samuelius *de sepult.* Idèò infirmum est fundamentum Pelizarii. Nam tunc ius sepulturæ acquiritur ex Sacramentorum administratione, quando ex officio, & non ex accidenti Sacramenta ministrantur. Puellis autem in educatione receptis non ministrantur à Confessario ex officio Sacramenta, sed ad supplendas vices Parochi, quatenus ipse personis in loco exempto, & clausuræ terminis restricto non potest eis ministrare.

9 Et currit etiam inspectio, quòd in Ecclesiis exterioribus Monialium non possunt sepeliri corpora virorum, seu mulierum laicorum, prout declaravit Sac. Congreg. Episcoporum in Maceraten. 8. Novembris 1652. vel nisi accefferit consensus Monialium, & de licentia Sac. Congreg. ut Feretran. 21. Novembris 1603. & in Foro Sempronien. 21. Augusti 1652. Episcopo per hæc verba rescripsit: *Essendo portato alla notizia della Sac. Congreg. che si pensi di sepelire il cadavero di D. Marchionne, Moglie del Cerusico di cotesta Città, nella Chiesa delle Monache di S. Bernardo, dove s'ha eletta la sepoltura; questi Eminentissimi miei Signori m'hanno comandato d'avvertire V.S. che essendo ciò contro i Decreti della Sacra Congregazione, non lo permetta in verun modo senza licenza dell'E.E. loro.*

Et in Gravinèn. 1. Octobris 1650. ibi: *Nelle Chiese anche esteriori delle Monache non si possano sepelire esteri, e forastieri, nè huomini, nè donne, nè anche Principi,*

cipi, ancorche vi fossero sepolti i loro maggiori. Apud Pignatell. tom. 4. consult. 176. a. num. 1.

Sed quid, si in nulla Parochia haberent domicilium, nec in alia sepulturam elegissent, neque sepulchrum majorum existeret?

Resp. In casu essent sepeliendæ in Ecclesia illius Parochiæ, in qua situm est Monasterium; nam tunc Parochus illius acquiritur jus sepulturæ, prout pluries censuit Rota apud cit. Pignatell. tom. 7. alleg. num. 12. & præsertim in Constantien. jurisdictionis 18. Maji 1611. coram Ottembergo. Nam hujusmodi puellæ sunt omnino sæculares, & licet sint in Monasterio, non desinunt esse subditæ Parochiæ, in qua erectum est Monasterium, ut etiam dixit Pelizarius. Et quemadmodum Parochus illius Parochiæ assistere debet matrimoniis dictarum puellarum (quoniam Trident. sess. 24. c. 1. de reform. matrim. declarat irrita matrimonia celebrata sine præsentia Parochi, vel Ordinarii licentia) ita debet illas tumulare; utrumque enim inter jura Parochialia censetur.

Id ipsum, servata proportionem, dicas de tumulatione mulierum sæcularium; si contingat eas decedere in Monialium Monasteriis.

10 Quis explorare debeat puellarum voluntatem, habitum assumere, & in Monasteriis profiteri volentium?

Resp. Episcopus, vel eo impedito, ejus Vicarius, aut aliquis eorum sumptibus ab eis deputatus, ut expressè Trid. sess. 25. c. 17. de Monialib. A quibus diligentissime examinandæ sunt: *An liberè eum statum elegerint; an verò coactæ, & seductæ fuerint; an sciant, quid faciant, & agant;* ut ibi textus. A quo item Præfectæ Monasteriis præcipitur sub pœna suspensionis ab officio ad arbitrium Episcopi, ut Episcopo tempus professionis ante mensem significet, ut inde possit ad examen voluntatis procedere.

11 Nec occasione examinis faciendi possunt præacti intra septa Monasterii ingredi, sed ante eratem ferream est faciendum: & solum eas interrogationes adhibere debent; quas Trident. jubet; & quatenus puella de aliis interrogaretur, non teneretur respondere, per disposita à B. Pio V. apud Barbotam in Trid. ad dict. sess. 25. cap. 7. num. 4.

Sed petitur, an voluntas exploranda sit semel ante habitus susceptionem, & iterum ante professionem?

Resp. Affirmativè, ut in terminis Trid. ibid. & apud Fagnan. in 3. ad cap. Cum virum, de regul. num. 11. & seqq. Nam sæpè puellæ invitæ habitum suscipiunt; imò quamvis sæpè voluntariè illum assument, non rarò invitæ profitentur timore parentum, vel cognatorum, vel verecundia habitum dimittendi.

12 At inquiritur, si hujusmodi examen ante professionem omitteretur, an professio esset nulla?

Resp. Negativè. Nam Concilium in casu omissionis professionem non irritat; à mortali tamen non excusatur, qui illud omitteret, cum sit mortale contravenire Concilio Generali in re gravi; hujusmodi autem res præsumitur gravis propter appositionem pœnæ suspensionis; quæ cum sit gravis pœna, gravem culpam supponere debet, Peyrin. formular. Pralat. lit. M. cap. 6. num. 2.

13 Quæritur. An ad Monasteria Monialium habentia (prout habere debent) redditus sufficientes ad alendas commodè pro qualitate regionis, secundum qualitatem status, Moniales numerarias, possint puellæ, quæ in ipsis statum Regularem intendunt assumere, secum dotem deferre?

Videtur non posse, per text. in cap. Quoniam, de simon. ibi: *Simoniaca labes adeo plerisque Moniales infecit, ut vix aliquas sine pretio recipiant in sorores paupertatis prætextu, volentes hujusmodi vitium palliare.* Quare Sac. Cong. Conc. olim consulta, an in Monasteriis Monialium, in quibus juxta Decret. cap. 3. sess. 25. de regul. Episcopus certum numerum constituerit, liceat Abbatisæ in locum Monialium deficientium alias recipere, pacta certa elemosyna? Respondit, *si ex redditibus Monasterii, vel ex consuetis elemosynis tantum suppetat Monialibus, ut ad ipsarum victum, & ad fabricam Ecclesiæ, aliasque necessitates commodè sufficiat, minime licere; secus si Monialium numerus augeatur.* Quod teste Fagnan. in 3. ad c. Non amplius, de institutionibus num. 24. fuit à tunc temporis Pontifice probatum, confirmante augendum numerum, si dos recipienda sit.

Sed his non obstantibus, respondendum

dum est affirmativè, ex sententia S. Congr. Episcop. & Regul. apud Fagnan. *ibid.* num. 25. Quæ animadvertens, Sanctimonialium Monasteria sine dotium subsidio diù sustineri non posse; & propter ingruentes necessitates, & casus inopinatos, plerumque ad inopiam redigi: Summis Pontificibus approbantibus, prudenter sancit, ut doctales eleemosynæ à Monialibus numerariis persolverentur; tametsi numerus esset taxatus ad mensuram reddituum Monasterii: ex penuria enim multa proveniunt mala, & præcipuè in Monasteriis Mulierum.

Quapropter in contrarium adducta nil relevant. Nam Sancta Sedes considerans id sine gravi Monasteriorum detrimento servari non posse, ea per posteriores resolutiones antiquavit, & correxit; super quo est etiam ponderandum, dotes non assignari pro emptione rei spiritualis, status nimirum Religiosi (quod forsan intendebant Religiosæ, de quibus *d. cap.*) sed traduntur ad effectum, ut subministrant opes ad alendum Moniales, & occurrendum penuriæ in casibus emergentibus; & ita delatio dotis non est illicitè, nec simoniaca.

14 At petitur, an Monasteria consequi possint dotes Novitiarum, in anno probationis decedentium, eo non completo, professione tamen ante obitum in articulo mortis per easdem emissa, juxta privilegium B. Pii V. *Const. Summi Sacerdotis, la 109. in Bullar. to. 2. datum Monialibus Novitiis Ord. S. Dominici, ut in mortis articulo constitutæ, professionem emittere possint ante annum probationis expletum, modo sint legitimæ ætatis?*

Pro affirmativa ponderatur hic non curere dispositionem *Trid. cap. 16. cit. sess. ibi: Sed neque ante professionem exceptio videtur, & vestitu Novitii, vel Novitia illius temporis, quo in probatione est, quocumque prætextu à parentibus, vel propinquis, aut curatoribus ejus, Monasterio aliquid ex bonis ejusdem tribuatur.* Nam non sumus ante professionem, sed professione emissa; & secundum Apostolicam concessionem sequutum est matrimonium spirituale cum Christo sponso, ut notavit Peyrin. *ad Const. 8. B. Pii V. §. 2. num. 1.* & ita omnes parit effectus, quos produxisset, si expleto probationis anno professi emitteretur; sed quatenus post dictum annum professio sequeretur, Monasterio dos debere

tur: ergo etiam debetur in casu.

15 At nihilominus negativè respondetur. Colligitur ex ipso Indulto B. Pii, in quo non superflue fuit adjecta hæc clausula: *Ita tamen, quod ipsæ Moniales Novitiæ sic decedentes, indulgentiam, & alias gratias, quas Moniales verè professa decedentes consequuntur, consequi possint.* Quibus certissime significatur, indultum suffragari solum quoad spiritualia, & concernentia salutem animæ profitentium, non verò quoad bona temporalia in præjudicium parentum, & hæredum. Proindeque si Monialis sic professa, ex tali infirmitate decederet, Monasterium non succederet in bonis illius, nec ei dos acquireretur, per Fagnan. *ad cap. ad Apostolicam, de regul. num. 33.* Et apertè deducitur, ex quo, si Novitia illa ex morbo convalesceret, non censeretur alligata Religioni, nisi transacto anno probationis, iterum profiteretur, utpotè nulliter professa.

16 Nec obstat citatum indultum Beati Pii; nam ibi Pius eas contradistinguit à verè professis, per verba, *Quas Moniales verè professe.* Tum quia indultum Pii videtur revocatum à Gregor. XIII. *Const. Intanta, la 9. Bullar. ibid.* in qua ad terminos juris communis, & Concilii Tridentini reducuntur litteræ Beati Pii pro Ordinibus Mendicantibus, aliisque editæ, Tridentino contrariæ; Trident. autem *sess. cit. cap. 15.* nullam dicit professionem factam ab eo, qui minori tempore, quàm per annum, post susceptum habitum in probatione steterit; & propterea Sac. Congr. Conc. in una Min. de Obser. 20: Martii 1649. *ad c. 15. sess. 25. de regul.* censuit hujusmodi Novitias, ubi convaluerint, debere iterum profiteri, apud Pignatell. *tom. 1. consult. 256.* Ac proinde, privilegium Pii solum forsan quoad indulgentiam, & gratias spirituales potest sustineri non fuisse à Gregor. revocatum; prout ex recentioribus nonnulli scripserunt, teste eodem Fagnan. *ubi supra.*

17 Nota I. non licere Monialibus recipere à puellis ingredientibus dotes ante earum professiones, juxta *cap. 16. sess. 25. de regul.* & ipsas semper, non facta professione, esse restituendas, restitutis tamen expensis Monasterio, quas in alimentis fecit. S. Congr. Conc. apud Fagnan. *cap. Statuimus de regul. num. 37.*

18 II. Moniales secum deferre debere eleemosynam dotalem in bonis stabilibus, vel censibus perpetuis, acturis post professionem investendam Sac. Cong. Episcop. & Regul. apud eundem ad d. cap. *De institutionibus num. 23.*

19 III. Non prohiberi, quin dotes pularum ingredientium Monasteria, ut Regularem vitam profiteantur, realiter dependantur penes tertium, quicquid Monasterio debeat dare post professionem emissam. Sac. Congr. Conc. apud eundem *de regul. ad cap. Statutus num. 52.* Verum ipsæ Moniales, dotes sub nomine depositi, seu præstita cautione de illis restituendis professionem non sequuta, recipere non possunt, ex eadem Sac. Congr. *ibid.*

IV. Duplicis eleemosynæ nomine, intelligi semper debere duplicatam summam ejus, quæ in receptione cuiusque Monialis intra numerum in quolibet Monasterio constitutum erogari pro tempore consueverit, ita tamen, ut ubi summa, quæ confertur, minor est scutis ducentis, ibi saltem ratione duplicatæ eleemosynæ solvenda sint scuta quadringenta, & non minus. Sac. Congr. die 6. Septembris 1604. apud eundem ad d. cap. *De institutionibus num. 42.* Nisi à Sac. Cong. aliter disponatur.

20 Hic adverte, non posse Moniales quacumque occasione transferri de Monasterio ad Monasterium sine speciali licentia Sedis Apostolicæ, toties quoties obtinenda, ex Decreto Pauli V. publicato à S. C. Episc. 22. Decembris 1617. Videndus Fagnan. in 3. ad cap. *Recolentes de stat. Monachorum n. 49. & 51.*

Quæmadmodum non possunt amplius Episcopi ex attributa sibi facultate à Trid. cap. 7. sess. 25. de regul. de uno Monasterio ad aliud Monialem transferre, ut in eo munere Abbatissæ fungatur. Sed est obtinenda specialis licentia à Sede Apostolica. Et ita cautè legendus est Miranda to. 1. manual. Prælat. de Monial. quest. 3. art. 3. ver. *Quantum verò attinet ad tertium*, ibid. Fagnan. in 54.

21 At petitur, an Monialis translata de uno ad aliud Monasterium diversi Ordinis sive æqualis, sive strictioris, aut laxioris observantiæ teneatur iterum per annum in probatione stare, & denuò professionem emittere?

Affirmativè contra Tambur. de jur. Ab-

batiss. disp. 21. q. 11. juxta Decreta S. Cong. Episcop. & Diplomata Apostolica, quæ super hac re expediri solent. Et consideratur, quod annus probationis non solum datur in favorem professionis, ut experitur id, quod professura est, verum & in favorem earum, quæ ad professionem suscipere debent, ut experiantur mores translata, an convenient suò Monasterio; ergo ad hunc effectum debet Monialis transiens per annum in probatione stare, quoniam longè melius mores cognoscuntur annuali cursu, quam aliàs, & facit, quod Monialis transiens non intelligitur perfectè translata, nisi professione emissâ; nam proprii non intelligitur incorporata secundo Monasterio. Neque ante emissam professionem efficitur filia Monasterii, neque est de corpore illius, cap. *Porrectum de regul.* Nec ex vi translationis præcisè subjicitur Præfectæ secundi Monasterii, nec ei tenetur irrevocabiliter obedire. Quoniam si ad primum vellet redire, impediri non posset, ex eo, quod obedientiam Abbatissæ secundi promississet; sed pro reditu, etiam foret necessarius Sedis Apostolicæ consensus.

Secundum hanc sententiam olim etiam processit Sac. Congreg. Conc. quæ ad dubium: *An professus in una Religione, & ad aliam translatus etiam laxiorem auctoritate Sedis Apostolicæ, posset renunciare anno probationis?* Respondit, non posse; nec illam renunciationem per Superiorem concessam intra annum recipi debere, sed teneri eum iterum profiteri, juxta formam traditam cap. 15. sess. 25. de regul. Decretum refertur à Fagnan. in 3. ad cap. *Ad Apostolicam, de regul. num. 64.*

Et quamvis Decretum videatur solum tangere transitum virorum Regularium (qui nec sine licentia Sedis Apostolicæ possunt etiam ad strictiorem transire; & tenentur de novo annum probationis peragere, & professionem emittere) tamen ex identitate rationis provisio ampliatur ad transitum, etiam Monialium; & ita debent semper per annum probari, & ipsæ iterum profiteri, nisi Sedes Apostolica cum ipsis dispenset.

22 Quæritur. An introducentes, & admittentes infantes cuiusvis ætatis, & sexus in Monialium clausuram, incurrant censuram violatæ clausuræ?

Nonnulli apud Barbosa in Trid. ad cap. 5.

cap. 5. sess. 25. de regul. num. 55. negant, si admittantur, & introducantur infantes ratione carentes, cum ipsi ad peccandum provocare non possint. Ceterum, quia Trid. non distinguit, sed absolutè loquitur cujuscumque ætatis fuerint, ideò nec nos debemus sensum Concilii restringere. Legatur cit. cap. ibi: *Ingressi autem intra septa Monasterii nemini liceat, cujuscumque generis, aut conditionis, sexus, vel ætatis fuerint, sine Episcopi, vel Superioris licentia in scriptis obtenta, sub excommunicationis pœna ipso facto incurrenda.* Ideò S. Congr. in Cremónen. 12. Februarii 1585. apud Pacem Jord. elucubr. to. 2. lib. 7. tract. 12. de Monial. num. 87. ex Gavanto de Monial. & Barb. summ. Bullar. cod. verb. respondit, Trid. prohibere ingressum omnibus cujuscumque sexus, & ætatis. Et in Tudertina 7. Aprilis 1579. in Neapolitana 22. Martii 1580. in Taurina 10. Junii 1650. dixit, introducentes, & admittentes infantes cujuscumque ætatis, & sexus, excommunicationem incurrere violatæ clausuræ, prout refert Pignatell. tom. 6. consult. 85. n. 293. à qua ex stylo Curia Sedes Apostolica absolvit. Ad quam in facti contingentia plures Moniales recursum habuerunt, & facultatem obtinuerunt, ut à proprio Confessario absolutionem à censura reciperent.

Et adeò articulus est certus, ut nec de licentia Episcopi possint pueri intra septa introduci; nam ubi Trid. disponit, neminem posse sine Episcopi, vel Superioris licentia ingredi Monialium clausuram, subdit: *Dare autem tantum Episcopus, vel Superior licentiam debet in casibus necessariis.* Quare facultas ingrediendi clausuram Monialium concedi non potest, nisi ob causam necessitatis Monasterii, seu Monialium, cui aliter occurri non possit. Quæ autem necessitas potest esse, ut introducantur parvuli, & cuinam possunt isti occurrere? Et hinc non tolerari debet, quòd puellæ licet parvulæ ingrediantur, prout censuit Sac. Congr. in Pistorien. 29. Februarii 1579. Pignatell. ibid.

Propterea nil obstat objectum. Quoniam quamvis parvuli propter carentiam usus rationis à mortali excusentur, adeoque à majori excommunicatione, quæ sine mortali non incurritur, ut plenè DD. scribunt, & nos diximus alibi; non ta-

men excusantur introducentes, ut etiam loco alleg. notavit Pax Jordani.

23 Quæritur. An onera Missarum relictæ per testantium dispositiones, & legata relictæ in Monialium Ecclesiis, debeant in eis impleri?

Resp. Negative, prout Sac. Congreg. Episcop. in una Venetiarum 9. Augusti 1595. ex Pignatello tom. 4. consult. 177. à num. 4. rescripsit Patriarchæ: *Perche nelle Chiese esteriori delle Monache si trovano molte Capelle con obligo di Messe da dirsi da Frati, la Congregazione per levare quella pratica, ordina, che dette Capelle si trasferiscano nelle proprie Chiese de Frati, lasciando in quelle delle Suore solamente una Messa.* Pro legatis Missarum relictis in Ecclesiis Monialium existentium sub regimine Fratr. Min. de Obser. Clemens VIII. edidit Constit. *Ex debito* 105. in Bullar. tom. 3.

Et quamvis allegatæ dispositiones restringantur ad Monasteria Monialium Regularibus subjectarum, idem pariter est dicendum de illis, quæ sub Ordinariorum jurisdictione consistunt. Ad quod facit resolutio S. C. in Lucana 22. Decembris 1628. quæ decrevit, *Quòd Moniales singulis Missis pro singulis diebus debeant esse contentæ, exceptis diebus celebrationis propriorum Festorum, vel exequiarum alicuius Monialis.* Possunt item permitti duæ in Monasteriis ita numerosis, ut omnes eidem Missæ nequeant interesse. Pignatell. ibid. Ex praxi tamen hic Romæ videntur plures etiam quotidie permitti.

24 Quæritur. Ad quem spectet taxare numerum Monialium, etiam Regularibus subjectarum?

Resp. Ad Episcopum unà cum Superiore Regulari, ad formam Const. *Deo sacris, &c.* la 8. Gregor. XIII. Bullar. tom. 2. In qua §. 6. disponitur, ut infra, ibi: *Donec numerus Monialium, etiam Tertiariarum (quem per ipsos locorum Ordinarios, etiam in Monasteriis ab eorum cura, & regimine quomodocumque exemptis, cum illarum Superiorum interventu stabiliri, & ordinari, neque supra illum numerum aliàs recipi posse, etiam de consensu suorum Superiorum, volumus, & mandamus) ita imminutus fuerit, ut reliquæ Moniales, & Tertiariæ ex propriis redditibus Monasteriorum ipsorum, vel consuetis eleemosynis*

se commodè sustentari queant. Hinc patet non posse numerum Monialium, nec debere esse supra redditus Monasteriorum, quibus commodè, & sufficienter possint Moniales sustentari.

25 Quæritur. An Monialis supranumeraria, decedente aliqua Moniali de numero, in ejus locum subrogetur?

Resp. Negativè, prout ex dispositione Sac. Congr. Episcop. apud Fagnan. ad dict. cap. Non amplius num. 48. ibid. Sac. Congr. generali Decreto statuit, & declaravit, Moniales, quæ supra numerum in quolibet Monasterio constitutum recipiuntur, in locum Monialium decedentium, intra numerum nequaquam subrogari, neque impedimento esse, quin aliæ in locum earundem ex numero demortuarum recipi eo modo valeant, quo in singulis Monasteriis Moniales intra numerum possunt admitti. Quinimò easdem, sic supra numerum receptas, supernumerarias semper quo ad hoc remanere, etiam si in cæteris ab aliis nihil differant, sed illis in omnibus pares, & æquales, juxta cujusque Monasterii institutum esse debeant, 6. Septembris 1604.

26 Quæritur. An Moniales possint in morte disponere de propriis cellis, & bonis, relinquendo ea alteri Moniali?

Resp. Negativè. Nam Moniales nullum jus habent in cellis, aliisve bonis, sed solum usum, sua morte finitum. Atque ita nequeunt transferre in alias ius duraturum post mortem ipsarum; quia aliàs transferrent, quod ipsæ nunquam habuerunt.

Neque id possunt etiam de licentia Abbatissæ. Sed observanda sunt Decreta S. C. quæ 26. Januarii 1604. & 10. Aprilis 1615. declaravit, facultatem disponendi de propriis cellis post mortem nulli Monialium concedendam, sed eas, dum vacaverint, arbitrio Superiorum aliis Monialibus in ordine seniorum distribuendas, Pelizar. de Monialib. cap. 4. sect. 1. num. 23.

Nec obstat, quod de licentia Abbatissæ Monialis defuncta, dum viveret, suam cellam permutaverit cum cella alterius Monialis; quoniam est certum, quod nec tunc potuerit dispositionem facere, quæ duraret post mortem; nec ad hoc licentia Abbatissæ extendi potuit, quæ solum potuit permutationi consentire, ut duraret ad vitam Monialis defunctæ, & non ad vitam Monialis viventis, quæ in cella non acquirit, nisi

Official. Cur. Eccl.

usum, arbitrio Abbatissæ amovibilem; obstat enim votum paupertatis, ut dixit Pignatellus tom. 10. consult. 34. Ponderandum namque est, quod Religiosi non possunt esse domini alicujus rei, imò nec usufructuarii, sed solum usufructuarii. Usuarius autem habet solum usum rei pro se, nec potest eum alteri cedere, cum hoc sit proprium domini, & usufructuarii.

27 Cætera, quæ spectant ad votum paupertatis in Monialibus, videri possunt apud alleg. Pelizar. ubi sup. Sæpè etiam recognosci debent Decreta Clement. VIII. de largitione munerum Regularibus utriusque sexus interdicta, ut in ejus Constit. Religiosæ, la 28. Bullar. tom. 3. Circa quam subinde de mandato Urban. VIII. fuit à Congregatione per eum deputata, edita declaratio, ut in ipsius Const. Nuper la 158. Bullar. tom. 4.

C A P U T XXXIII.

Officialis quoad negotiationem per Ecclesiasticos.

S U M M A R I U M.

- 1 Negotiatio est duplicis generis, utriusque datur descriptio.
- 2 Negotiatio propriè dicta, vulgo mercatura, Ecclesiasticis interdicta.
- 3 S. C. Conc. Decreta ea de re edita, usque ad nu. 10.
- 11 Licet Ecclesiasticis vendere, siue ad plenum, siue minutim, granum, & vinum recollecta in propriis prædiis, usque ad nu. 14.
- 15 Licet Ecclesiasticis vendere panem.
- 16 Et habere furnum, & cellam vinariam.
- 17 Discrimen inter cauponam, & cellam vinariam.
- 18 Judex Ecclesiasticus cognoscit de fratribus Ecclesiasticorum.
- 19 Non possunt laici suis subditis prohibere, ne accedant ad molendinum Episcopi.
- 20 Ecclesiastici non tenentur contribuere gabella à Principe imposita pro publica annona.
- 21 Requisita à Sac. Canonibus, ut Ecclesiastici teneantur gabella annonæ contribuere.
- 22 Gabella imposita laicis ementibus ab

R

Ec.

Ecclesiasticis istos gravat, & libertatem Ecclesiasticam offendit.

- 23 *Statutum contra emptorem afficit etiam venditorem.*
- 24 *Doctrina Zerole contra laicos Magistratus gravantes per indirectum Ecclesiasticos.*
- 25 *Bannimenta laicorum contra libertatem Ecclesiasticam sunt nulla. Et quando sint declaranda?*
- 26 *Nec factio tacito possunt laici prohiberi, ne ab Ecclesiasticis emant.*
- 27 *Magistratus laici non possunt suas pre- tensiones justificare, adducendo tolerantiam Sedis Apostolica.*
- 28 *Ecclesiasticis prohibetur chirurgia, & medicina.*
- 29 *In foro seculari laico non possunt esse Notarii.*
- 30 *Est eis prohibita alchimia.*
- 31 *Regulares possunt habere aromatas.*

Non agitur hic de negotiatione, vel negotio importante actionem licitam, negantem otium, juxta cap. Forus, §. Negotium, de verb. signif. Quoniam in hac acceptione negotiationem non esse Ecclesiasticis vetitam, pleno calamo DD. concordant. Nam plura ad eum effectum licent, & sunt necessaria Ecclesiasticis, quod etiam probare piget. Ideo ut locum habeat articulus resolvendus, in alio sensu significatum negotiationis usurpatur. Hinc.

Queritur. *An Clericis sit negotio interdicta?*

Affirmant quotquot protegendo Principum jura, eis contra Ecclesiasticam libertatem nimis indulgent.

I Nos autem ponderamus variam esse negotiationis naturam. Altera enim est negotiatio merè lucrativa, ut cum emitur res, ut omnino integra, & immutata manens carius vendatur, itaut ex sola transmutatione de persona in personam sequatur lucrum; quæ proinde mercatura, & negotiatio propriè, & sæcularis nominatur: & alia non lucrativa, sed industriosa, & œconomica; ut cum quis sibi, vel familia, & suo statui necessaria, aut convenientia procurat; vel emit rem, & per artificium ad aliquam formam redactam, vendit; quæ improprie solum est negotiatio, ut tradit Pignatell. tom. 2. consult. 34. n.

19. & potius dicitur artificium, quàm negotiatio, per Genuen. prax. cap. 77. & Fagnan. in 3. ad cap. Multa, ne Cleric. vel Monach. num. 23.

2 Qua distinctione præmissa; resolvimus, negotiationem propriè dictam (vulgo mercatura) Laicis permissam, Clericis, & Regularibus, per Trid. sess. 22. c. 1. de refor. prohiberi; nam est signum cupiditatis ad divitias, à quibus Ecclesiasticis debent esse alieni: eis tamen, ubi necessitas exigat, non est interdictum artificium non sordidum, nec negotiatio in secundo sensu inspecta. Nam hæc possunt honesto fine exerceri, ad necessariam nimirum sui, & suorum sustentationem, in pauperum sublevamen, & Ecclesiæ necessitates. Per ea, quæ leguntur cap. Clericus, il. 1. 91. dist. 5. & in cap. Nunquam, de consecr. dist. 5.

3 Et subinde super eo fuit à Sancta Sede sæpè pronunciatum, & pluries resolutum, ut infra. I. Presbyteri, & Clerici Terra Madie Neocastren. diœcesis, qui ut plurimum ob loci, personarum, ac temporum qualitatem, aliqua ex infra scriptis rationibus ad necessariam sui, & familie sustentationem coguntur querere; ad obviandum vexationibus Commissariorum, petunt, ut declaretur, an liceat eis hac facere absque reatu illicita negotiationis?

I. An liceat eis terras patrimoniales: & beneficiales per laicos colere?

II. An pro necessario cultura usu possint emere boves, & alia animalia, & fœtus illorum vendere?

III. An ii, qui in propriis terris habent quercus, & castaneas, quarum fructibus sues vescantur, possint sues emere, eosque alere, & pro familia sustentatione vendere?

IV. An iidem Clerici cum foliis suarum arborum possint in propriis edibus arti serica operam dare; vel idem opus alteri ad medietatem committere, ut in illis partibus fieri consuevit?

Sac. Congr. Conc. Ad I. censuit licere Clericis agros beneficiorum, & patrimoniorum suorum, opera laicorum colere absque reatu illicita negotiationis.

Ad II. Posse similiter Clericos pro ejusdem cultura usu, boves, & pro sustentatione animalium pascua necessaria coemere, ipsarumque terrarum fructus, & ani-

ma-

malium fœtus iusto pretio, & honesta ratione vendere; nec propterea eos prohibita negotiationis prætextu vexari posse, aut debere.

6 Ad III. Idem posse pro sua, & familia sue sustentatione, dummodo tamen in emendis, alendis, seu distrabendis suis, nihil sordidum, aut indecens Ordini Clericali exerceant.

7 Ad IV. Licere Clerico arborum in propriis bonis existentium folia alicui laico concedere eo pacto, ut lucrum, quod ex bombicibus proveniet, inter utrumque dividatur; ac pariter eidem licere earum de arborum foliis per se ipsum absque officii sui detrimento, dumtaxat pro sua, ac familia sustentatione, arti sericæ operam dare; dum tamen in artificio huiusmodi personas non suspectas adhibeat, & quoad hoc Episcopi licentiam, quæ gratis datur, obtineat.

8 Item censuit, Clericos posse retinere, & locare boves, oves, & alia animalia, quæ habent ex successione, vel decimis, nec non fructus illorum vendere absque crimine illicitæ negotiationis, Fagnan. ad d. c. num. 35. & seqq.

9 Item sacr. Congreg. Episc. & Regul. in una Melphitana 15. Decembris 1603. censuit, non censeri ne negotiationem illicitam mittere ad vendendum frumentum, vinum, oleum, & similia collecta in proprio patrimonio, vel beneficio. Et in una Militenfi 12. Maii 1613. declaravit, non posse molestari pro negotiis illicitis Ecclesiasticos, qui emunt frondes morcerum, seu celforum pro serico. Et in una Ulysiponen. 19. Novembris 1618. censuit Clericos conducere posse res Ecclesiasticas, dummodo opera manualia per laicos exerceant.

10 Item eadem Sacr. Congreg. Conc. 14. Novembris 1616. censuit, posse Clericos ex urgenti necessitate subministrare triticum ad seminandum ad participandum de messe.

11 Hinc I. resolvitur licere Ecclesiasticis, sive ad plenum, sive ad minutum vendere granum idem iudicium est de vino, & similibus) relictum ex propriis prædiis patrimonialibus, vel beneficialibus. Huiusmodi enim non est negotiatio Clericis prohibita. Nam non emunt frumentum ab aliis vili pretio, ut illud carius vendant, in quo consistit formalitas illicitæ negotiationis prohibite Clericis in cap. Eliciens.

88. distin. Et in Concilio Tarraconensi sub Hormisdâ Papa anno 517. in Canon. 2. ibi: Sicut Canonum statutis prohibitum est, quicumque in Clero esse voluerit, emendi vilius, vel vendendi carius studio non utatur. Certe si voluerit hac expressè, cohibeatur à Clero. Sed frumentum est fructus ex ipsorum fundo collectus, cuius sunt domini; nec per negotiationem merè lucrativam, seu mercaturam, sed per usum proprii juris, quod quilibet habet capiendi fructus sui fundi, illud ad sui, & suorum sustentationem vendunt. Nec id eis potest per laicos prohiberi, cum Ecclesiastici non sint de laicorum foro.

12 Sed petitur. An teneantur illud vendere pretio, & taxa, ac in mensura à laica potestate præfixis?

Nos absolute negamus, dicimusque Ecclesiasticos non teneri ex vilegium sæcularium se conformare pretio, ac taxæ, vel mensuræ per eas inductæ; nam lex, non nisi subditum ligat; Ecclesiastici autem non subduntur laicis, sed plenissime sunt extra ipsorum jurisdictionem, cap. Eccl. S. Mar. de cons. Sed solum vi rationis naturalis, quæ quia præscribit res, non nisi iusto pretio, & pondere esse vendendas, idè non plus iusto vendere tenentur.

13 Quapropter, ubi Ecclesiastici vendiderint res suas uno ex pretiis iustis, quæ in Civitate sunt, quamvis non vendant taxato à lege, non poterit dici, quod vendant pretio non iusto, & quod peccent contra iustitiam, & rationem naturalem, quæ in hoc eos obligat, ut probavit Sperell. dec. 12. num. 25. & decis. 13. num. 10.

14 Ad cognoscendum autem, quodnam sit pretium iustum, DD. animadvertunt; si in Civitate, vel loco non sit aliud pretium, quàm taxatum à Magistratu (quod dicitur legale, hoc est à lege definitum) tunc Ecclesiastici non possunt illud pretium excedere, sed debent illud eligere, non quia taxatum à Magistratu laico, sed quia, cum sit pretium consuetum, iustum in loco à peritis reputatur. Siquidem pretium, quod æstimationis, vel emptionis causa constituitur, à peritis dicitur. Si verò in ipsa Civitate, vel loco existit aliud pretium minus, vel majus taxato per Magistratum, (quod quidam vulgare appellant, quatenus vulgari æstimatione constituitur, & alii vocant naturale, tanquam à natura

li prudentia constitutum, vel quia secundum naturam rerum usui accommodatum currit) possunt Ecclesiastici unum ex iis eligere, omitiendo taxas à Magistratu præfixas. Nam, ut quævis injustitia vitetur, sat est, quod Ecclesiastici vendant eo pretio, quod est in praxi, & ab emptoribus recipitur, cum æstimetur justum. Vide dicta *cap. 22. num. 28.*

15 II. Sequitur, posse, & licere Ecclesiasticis molere frumentum, ut in panem redactum utilius vendant; dummodò non per se ipsos id faciant, nec alienum frumentum, sed proprium, in panem redigatur.

16 III. Licet eis habere furnum, & tabernam vinariam, in qua non per se ipsos, sed ministros, servos, aut parentes vendant panem ex proprio frumento factum, & vinum in propriis prædiis collectum; quin possint reprehendi, tamquam illiciti negotiatores. Nam non emunt vili pretio, ut aliis carius vendant; quod est indicium negotiationis illicitæ referentis affectum & concupiscentiam ad divitias, quas summo perè Clerici abhorreere debent, ut frequentes Canones loquuntur, *cit. tit. ne Cleric. vel Monach. & de vit. & honest. Cleric.* Sed proprios fructus vendunt ad suam, & suorum sustentationem, ac ut pauperum indigentis, & Ecclesiæ necessitatibus provideant. Et proinde de eis non verificatur, quod negotientur. Quoniam ut observavit Cravet. *conf. 6. num. 116. & conf. 163. num. 3. vol. 7.* non dicitur negotiari vendens in taberna tritici, vinum, vel oleum suum; quemadmodum propriissime procedit in eo, qui emit, ut vendat, & id agit, ut lucretur; ut pluribus cum latis *ibid. num. 8.* notavit Pignatellus.

Nec dicatur, quod usus tabernæ vinariæ prohibetur Ecclesiasticis, Clement. I. *de vit. & honest. Cleric.* Nam ibidem inhibetur solum, ne Clerici per se ipsos officium tabernarii, & macellarii exercent. Quapropter jura dumtaxat videntur prohibere Ecclesiasticis exercitium tabernæ per propriam personam. Ita in *cap. Significante, de appellat.* non improbat, quod Canonici habuissent stallos publicos, in quibus carnes vendebantur; non per se ipsos propter indecentiam, & sæditatem ministerii, sed per ministros, & servos conductos.

17 Hic distinguendum est inter cauponam, & tabernam, in qua per cauponem empta vina bibuntur, & cibi parantur hospitibus; & tabernam, seu cellam vinariam, in qua vinum proprium minutatim venditur. Primi generis tabernas dubium non videtur esse Clericis prohibitas; cum indecentissimum sit, Clericos fieri caupones, & tabernarios; non verò illas secundæ qualitatis, dummodò proprium vinum per matrem, sororem, aut famulos vendatur.

17 Nec valet opponere, quod usus furni & cellæ vinariæ Ecclesiasticorum redundat in præjudicium publicum, ob fraudes, quæ occasione vendendi frumentum, & vinum proprium, committuntur, emendo ab aliis, vel commiscendo cum proprio frumentum, & vinum consanguineorum, ut ita opes familiæ augeantur, & sint consanguinei propter ea bona exempti ab oneribus solvendis gabellaris, vel publico ærario. Objectum enim est infirmum, ut vix solutione sit dignum; nam præjudicium, quod supponitur, est chimericum, & non subsistens. Etenim illud non reperitur in ordine ad emptores, cum panis, vinum, oleum, & similia, quæ ab Ecclesiasticis venduntur, quoad pondus, & mensuram sint æqualia cum pane, & vino laicorum; & quoad qualitatem, regulariter sunt meliora; nec in ordine ad Magistratum sæcularem, qui vult, ut solum panis, & vinum vendatur in suis furnis, & tabernis, ut inde majus emolumentum recipiat; nam hoc est commodum merè privatum, & aliud non videtur esse, quàm monopolium, in publicum præjudicium (quod iniquum est, & Reipublicæ injuriosum) eo quod Cives cogantur emere carius (quamvis justo pretio) à Magistratu, ceteri verò de Republica, adeoque & Ecclesiastici impediuntur justè, & commodè negotiari, & esse aliis Civibus in pretio benigniores.

18 Nec vis est ponenda in prætextu fraudibus. Nam primò, id non est præsumendum de viris Ecclesiasticis. Secundò, dum de fraude constat, possunt laici recurrere ad Judicem Ecclesiasticum, ad quem spectat super eo pronunciare, & delinquentes Clericos punire, prout dixit Rota coram Cavalerio *decis. 286. sub nu. 5.* & resolvit Sacra Congregatio immunitatis

in Ravenatenſi, ut infrà Sacra Congregatio, &c. ſapius cenſuit perſonas Eccleſiaſticas vendentes minutim vinum in propriis domibus, recolleſtum ex eorum bonis, non teneri ad ſolutionem gabellæ, nuncupatæ della Foglietta, ex tenore Conſtitutionis ſancti. mem. Sixti V. de ſuper edita; dummodò, ut vulgò dicitur, non facciano far Bettole, ne diano da mangiare, à quibus abſtinere debent ratione honeſtatis Clericalis; cognitionemque fraudum, quæ de ſuper committuntur, ſpectare ad Judicem Eccleſiaſticum. Et in Auximana 9. Septembris 1670. reſpondit, Eccleſiaſticos poſſe vendere ſua olea collecta ex ſuis bonis etiam minutim; ideoque non poſſunt impediri, dummodò illud vendant in propriis domibus decenter, ac privatim id faciant, cum non deceat, neque liceat incedentibus in habitum, & conſura, ac inſervientibus Eccleſia, aperire apothecas. Et in Martyranen. 10. Januarii 1671. reſcripſit Episcopo ad formam Decretorum, ſcilicet non eſſe impediendum Eccleſiaſticis venditionem vini, etiam ut dicitur, à minuto, dummodò non aperiant tabernas, Pignatell. ibidem num. 73.

19 Quæritur. An Magiſtratus laicus poſſit interdicare ſuis ſubditis, ne accedant ad Molendinum Episcopi?

Reſp. Negativè, prout expreſſè in reſolutione Sacræ Congregationis Immunitatis in una Bitettonſi 7. Martii 1651. ut ſequitur: *Il Veſcovo informando ſopra il Memoriale, già dato da quel Clero, riferiſce eſſer vero, che quel Principe ſupponendo d'havere dall'univerſità il jus molendi privativè, hà ſemper preteſo prohibere à ſuis ſudditi laici, che non vadino al Molino del Veſcovo, mà ſolamente alli ſuoi, che molti anni ſono comprò da particolari; come anche per crefcere all'univerſità la gabella del Macinato, pretende, che li medeſimi ſudditi non poſſino portare à detto Molino Eccleſiaſtico franchigie compre, ò donategli dagl'Eccleſiaſtici, tenenendo opinione, che gl'Eccleſiaſti, li quali non poſſono far pane in caſa, non poſſono vendere, ò donare le loro franchigie; perciò ſupplica d'ordinargli, quanto debba eſeguire. Sacra Congregatio, &c. reſpondit: Non poſſe prohiberi, quin laici adeant Molendinum Episcopi, emanque franchiſias ab Eccleſiaſticis, qui poſſunt habere*
Official. Cur. Eccl.

furnum, & conficere panem ex frumento in ſuis bonis recolleſto. Ideòque dentur Decreta; procedatque ſervatis ſervandis, ibid. num. 63.

20 Quæritur. Princeps ſuper frumento, etiam vendendo minutim, & in panem redato, imponit gabellam pro annona Civitatis? tenenturne Eccleſiaſtici ad ejus contributionem, & ſolutionem? Ad quod dicas, juxtà tradita cap. 8. num. 9. & ad cap. 22. num. 23.

Interim notabis, poſſe opiniones DD. contrarias concordari, quatenus affirmantes teneri, cum hac limitatione procedant, hoc eſt, ſi concurrant requiſita per Sacros Canones; & qui dicunt non obligari, intelligantur niſi concurrant requiſita à Sacris Canonibus. Etenim idem eſt aſſerere, Eccleſiaſticos teneri, ſi concurrant requiſita, atque affirmare, eos non teneri, niſi requiſita concurrant.

21 Sed petitur. Quænam ſint requiſita per Sacros Canones, ut teneantur d. gabellæ contribuere?

Reſp. Sequentia, ex d. c. Non minùs, & c. Adverſus, de immunit. Eccl. I. Ut evidens ſit utilitas, & neceſſitas. II. Ut agatur de utilitate, & neceſſitate communi laicis, & Eccleſiaſticis. III. Ut facultates laicorum non ſuppetant. IV. Ut judicium de prætactis fiat ab Episcopo, & Clero. V. Ut nulla coactione à laicis obligentur VI. Ut exactio non fiat à iudice ſæculari. VII. Ut obſtenta ſit licentia à Romano Pontifice.

22 Quæritur. Magiſtratus ſæcularis videns habere reſiſtentiam juris ad gravandos Eccleſiaſticos gabella frumenti, vini, &c. evulgat edictum pro laicis ſibi ſubditis, & mandat, ut officio reddituum denuntient res, à quovis ſint emptæ, ut inde de illis gabellam ſolvant; petitur, an huiusmodi edictum ſit in præjudicium immunitatis Eccleſiaſticæ?

Reſp. Affirmativè. Siquidem gabella, quæ imponitur, exigiturque ab emptore, contrahente cum Eccleſiaſtico, cenſetur contra libertatem Eccleſiaſticam, non modò, quia propter onus gabellæ impoſitum, Eccleſiaſtici indirecè gravantur, cum ſic impediuntur res ſuas vendere, aut viliùs, quam aliàs facerent; verum quia Eccleſiaſtici privantur jure, quod habent liberè contrahendi cum laicis ſine onere, quod debent ſubire laici contrahentes cum iſſis.

Edictum autem, quod coarctat, & restringit Ecclesiasticos, eisque adimit, quod de jure ipsis concessum, est, violat libertatem Ecclesiasticam, à qua habent, ut sint à legibus, statutis, actionibus, & laicorum oneribus exempti, & possint cum laicis libere sine gravamine contractus licitos celebrare, per text. in cap. *Ecclesia Sanctæ Mariæ*, de constitutionibus.

32 Nec relevat dicere, onus esse impositum emptoribus; nam implicite, virtualiter, & indirecte, & ipsi vendentes gravantur, cum vendentes, & ementes sint correlativi; & statutum contra emptorem habere locum contra venditorem, dixit Rota coram Card. Serap. in una Camerina prædii 10. Novemb. 1597. & ideo immunitas concessa venditori juvat pro eodem actu, seu contractu emptorem, ut post plures notavit Pignatellus *ibid. num. 37.*

Quinimò tunc gabella exigeretur ab Ecclesiasticis mediante persona laica; nam illi, stante dicto onere, deberent à pretio rei tantum detrahere, quanti æstimaretur gabella; adeoque non tanti vendere, quanti vendidissent, si hujusmodi onus emptoribus non fuisset impositum. Propterea optime edicta considerantur in fraudem evulgata, & in re per fraudulentam nominis mutationem ad Ecclesiasticos dirigi, ut communiter Doctores.

24 Quod in nostris terminis dixit Zerola in prax. par. 1. verb. *Gabella quest. 4. ibi: In quibusdam locis ratione gravaminis alicujus universitatis, laici imponunt gabellas super serico, vel vino, vel aliquo hujusmodi, & statuunt, ut solvantur duo caroloni, vel quid simile pro libra, vel dolio. E quia vident se non posse adstringere personas Ecclesiasticas vendentes, statuunt, ut eos solvant laici, qui emunt; & non vident, quod indirecte ista gabella cadit super personas Ecclesiasticas; nam hoc ipso propter onus gabellæ solvendum laici vilius emunt, & Ecclesiastici vendunt; atque adeo talis gabella indirecte est lata contra personas Ecclesiasticas.*

Hinc Sacra Congregatio Immunitatis in Januen. 9. Aprilis 1647. resolvit, Clericos gaudere debere immunitate à gabella vini, ac etiam ementes ab eis. Et in Juvenesten. 14. Maii 1633. Ementes vinum ab Ecclesiasticis non tenentur ad gabellam impositam. Et in Ferrarien. 24. Maii 1654.

Emptores fructuum ab Ecclesiasticis non tenentur ad gabellarum extractions. Et apertius in Panormitana 7. Junii 1633. Censuit sub gabella imposita à laicis contra emptores vini, quod minutim venditur, non comprehendendi emptores vini, quod ab Ecclesiasticis venditur. Et alibi sæpissime apud cit. Pignatell. ibid. num. 73.

25 Quæ statuta, & bannimenta sunt ipso jure nulla, & contra libertatem Ecclesiasticam. Adeoque revocanda sunt, aut declarandum, in eis Ecclesiasticos non comprehendendi. Potestque Episcopus censuris statuentem cogere ad declarandum ea ad Ecclesiasticos non extendi. Quatenus verò Magistratus resistit, debet ipse propria autoritate illa tollere, & declarare esse nulla, ut communiter tradant Canonistæ, & pluries resolvit Sac. Congr. Immunit. ut in una Firmiana 19. Novembris 1630. in Æsina 8. Aprilis 1631. & in una Neapolitana 23. Julii 1652. Pignatell. *cit. à num. 48.*

26 Sed quid dicendum de illis Magistratibus, qui censurarum terrore edicta non evulgant, sed secreto executoribus committunt, ut vigilent, & quos noverint ab Ecclesiasticis emisse, ad carceres, nulla reddita causa, ducant: à quibus post plures dies dimittuntur hac verborum formula: *Currite caute; habbiate indizio?*

Dicitur & in isto casu concurrere præjudicium libertatis Ecclesiasticæ, ut concludentissimè ex prædictis patet; idque redditur evidens ponderando, quod enunciato facto impediuntur Ecclesiastici, ne res suas vendant; cum nonnisi accedentibus ad emendum vendere possint, & nullus in casu propter periculum capturæ accederet.

Et hinc sequitur, quod Ecclesiastici cogantur suum frumentum, vinum, oleum, &c. vendere Communitati, vel in locis à Magistratu destinatis. Ad quod cogi non possunt, ut dixit S. Congr. Immunit. in una Conversanen. 14. Januarii 1653. Utrumque enim Ecclesiasticam libertatem offendit. Nec possunt laici se tueri consuetudine; quia hæc contra potestatem Ecclesiasticam reprobatum apertissimè, etiam in Bulla Cænæ. Adversus quam ignorantiam allegari non potest; nam quovis anno ejusdem publicatio renovatur.

27 Sed quid de illis, qui allegant consensum tacitum Sedis Apostolicæ, inductum per

per patientiam, & tolerantiam Summi Pontificis, qui quamvis sciat nonnullos Magistratus simili modo procedere, tolerat, & proinde tacite consentit, juxta regul. 43. jur. in 6. *Qui tacet, consentire videtur?*

Dicendum, quod per patientiam, & tolerantiam præsumi non debet consensus, & beneplacitum Sedis Apostolicæ. Plura enim non innotescunt, vel per patientiam tolerantur, quæ si deducta fuerint in judicium, exigente iustitia, tolerari non debent, ut expressè text. in cap. Cum jam dudum, de præbend. in fine; ubi Gloss. in ver. Per patientiam, rectè colligit, quod ex eo non inducitur approbatio, seu dispensatio. Et in his terminis respondit Rota in Valentina Gabellæ 9. Decembris 1598. coram Orano, §. Nec magis, & §. Unde præsumptus consensus Papæ; & Filiucci tom. 1. tract. 17. cap. 10. num. 256. dixit, quod simplex tolerantia, quando scilicet Princeps non potest commode providere, non est satis ad dispensandum; quod notis terminis legitur in Bulla Cœnæ §. Declarantes, ibi: Declarantes, &c. & protestantes quancumque absolutionem solemniter per Nos faciendam, &c. ac quoad eos, qui contra Ecclesiasticam libertatem, ut præfertur, statuta fecerint, nisi prius statuta, ordinationes &c. publicè revocaverint, & ex archivis, seu capitularibus locis, aut libris, in quibus annotata reperiuntur, deleri, & cassari, ac nos de revocatione hujusmodi certiores fecerint, eos non comprehendere, nec eis aliter suffragari; quin etiam per hujusmodi absolutionem, aut quoscumque alios actus contrarios, tacitos, vel expressos; ac etiam per patientiam, tolerantiam nostram, vel Successorum Nostrorum, quancumque tempore continuatam, in præmissis omnibus, & singulis, ac quibuscumque juribus Sedis Apostolicæ, ac S. R. E. undecumque, & quomodocumque quæsitis, vel quarendis, nullatenus præjudicare posse, aut debere.

28 Ecclesiasticis prohibetur, I. Exercere artem chirurgiæ, cap. Sententiam, ne Cleric. vel Monach. cap. Tua, de homicid. §. Non igitur; ubi ille Monachus, qui erat peritus in arte, & omnem adhibuit diligentiam ad curandam Mulierem, quæ postea decessit, prout in textu, adhuc declaratur irregularis; & redditur ratio, quia multum deliquit, alienum officium usur-

pando (idest chirurgi) quod sibi minime congruebat; licet cum eo misericorditer dispenseretur.

II. Exercere medicinam, ut colligitur ex cap. Non magnopere cit. tit. ne Cleric. vel Monac. ibi: Sub obtentu languentium Fratrum consulendi corporibus, cap. Super specula ibid. Et quamvis in dd. locis dispositio sit solum de Religiosis, tamen etiam probatur Clericis in sacris constitutis, ut expressè cap. Statutum, ne Clerici, vel Monachi in 6.

III. Esse Ministros laicorum, ipsorum rerum gestores, & in negotiis sæcularium procuratores, cap. Multa cit. tit. Sed pro Ecclesiasticis possunt, ut ibi Gloss. in verb. Procuratores.

29 IV. Esse Notarios, cap. Sicut eod. tit. maxime circa forum sæculare, & actus merè civiles. In foro autem Ecclesiastico, & circa causas, & negotia spiritualia, etiam Ecclesiasticos hoc officium exercere posse, magis receptum est, ut scripsit Engel. jur. Canon. lib. 3. tit. 50. num. 5. & videtur expressum in cap. Ut officium, de hæret. in 6. §. Ad conscribendas. Et quamvis textus sit restrictus ad causam fidei; tamen posse etiam in aliis causis spiritualibus officium Notariatus exercere conceditur, cap. Debent, de offic. ord. inter Extravag. Joann. XXII. circa finem; & facit, quod in Concilio Tridentino duo fuerunt Notarii, unus laicus, & alter Clericus, ut patet ex eorum subscriptionibus in calce dicti Concilii.

Cæterum in causis Ecclesiasticis possunt esse Notarii, & instrumenta conficere etiam laici; ut habetur ex Trident. cap. 10. sess. 22. de refor. ubi tribuitur facultas Episcopis, etiam tamquam Delegatis Sedis Apostolicæ, examinandi quoscumque Notarios, etiam Apostolica, Imperiali, aut regia autoritate creatos, eisque minus idoneis repertis, aut in officio delinquentibus prohibendi in perpetuum, aut ad tempus officii ejus in negotiis, litibus, & causis Ecclesiasticis, ac spiritualibus exercendi usum, ut text. expressè. Ergo Sancta Synodus supponit, Notarios laicos ante prohibitionem Episcopi posse hujusmodi officium exercere, etiam in spiritualibus, & Ecclesiasticis; nam privatio supponit habitum. Et quia Concilium loquitur de causis Ecclesiasticis, & spiritualibus, nequeunt

Episcopi non idoneis repertis prohibere usum officii in causis prophanis, & coram iudice laico, ut censuit S. Cong. Conc. apud Fagn. *ad c. Sicut te d. tit. ne Cleric. num. 66.*

30 V. Clericis sub pœna privationis beneficiorum, & inhabilitatis ad habenda alia prohibetur alchimia, seu ne aurum, & argentum alchimicum faciant, *cap. Spondet de crim. fal. inter Extravag. com.* in qua generaliter omnibus proibetur, & puniuntur facientes, & fieri procurantes.

31 Quæritur. an Regulares possint habere aromatarias?

Resp. Negativè, præterquàm pro usu Religiosorum. Nec possunt cuicque vendere, etiam prætextu amicitiae, seu familiaritatis, pharmaca, & medicamenta, exceptis theriaca, hiacyntho, & aliis, vulgò dictis Chemicis; non obstantibus privilegiis, Ordinibus Regularium cuiusvis Instituti concessis, quibus autoritate Papæ expressè derogavit Sac. Cong. Conc. in Decreto edito anno 1637. & confirmato 7. Septembris, & 16. Decembris in Concistorio 1647. Ratio est, quia est negotiatio illicita, & Ecclesiasticis prohibita. S. Congreg. Conc. 28. Februarii 1693. Monacell. *form. part. 2. form. 4. num. 17. tit. 14.*

Illis de Ord. Min. de Observ. aromatariarum usus, præterquàm pro eo Fratrum prohibetur à S. C. ab Urb. VIII. præposita consult. Frat. Min. de Observ. in Bull. tom. 4. *ad constit. 51. Urb. VIII.*

Cæterum, sicut Clerici sæculares non possunt exercere officium aromatarii absq; licentia Papæ, vel S. Congr. ut in una Panormitana S. C. 23. Aprilis 1591. Nicol. Flosc. v. *Aromatarius num. 3.* ita dicendum de Sacerdotibus Regularibus; vitare enim debent periculum irregularitatis, quam administratione possunt incurrere.

C A P V T XXXIV.

Officialis quoad Novitios.

S U M M A R I U M.

- 1 Quisnam dicatur Novitius Regularis?
- 2 Quanto tempore Novitius debeat stare in probatione?
- 3 Annus alius naturalis, & alius civilis,

- 4 Annus probationis computatur de momento in momentum, usque ad num. 14.
- 15 In anno bissextili expectandus est dies, qui de novo additur.
- 16 Annus probationis debet esse continuus.
- 17 Non est valida professio, emissæ ab existente de licentia Superiori extra Conventum Novitiatu.
- 18 An Novitius in Conventu Infirmaria causa infirmitatis interrumpat Novitiatum?
- 19 An suscipiens habitum in Conventu non designato, si per annum in probatione perseveret, validè deinde profiteatur?
- 20 Non est valida professio facta extra Conventum non designatum pro Novitiatu.
- 21 Sed quid de professione illius, qui per alios sex menses Novitiatu in Conventu designato, ad alium item designatum transfertur, ut ibi probationem compleat?
- 22 Superiores possunt annum probationis prorogare, & ad quantum tempus.
- 23 Donationes, & resignationes factæ ante ingressum in Religionem tenent, usque ad num. 24.
- 25 Agitur de excommunicatione lata contra dantes, & recipientes, &c. usque ad 27.
- 28 An valeat donatio à patre facta Monasterio, in quo illius filius extitit Novitius?
- 29 Novitio recedenti à Religione restituendus est valor habitus, quem propriis expensis fegit.
- 30 In Ordine Minor. de Obser. nil potest recipi pro victu Novitiorum.
- 31 Beneficium Clerici ingredientis Religionem nequit alteri conferri, nisi emissæ per eum professione.
- 32 Peccat mortaliter, denegans suffragium Novitio idoneo.
- 33 An Provincialis suffragium ferre possit super idoneitate Novitii ad professionem?
- 34 Novitii in paritate votorum super idoneitate nequeunt ad professionem admitti, nec Provincialis habet decissionem.
- 35 Confessarii Novitiorum nequeunt No-

vitiis suffragium denegare propter defectum cognitum ex confessione Sacramentali.

I Novitius ille dicitur, qui de novo per idoneos Religiosos recipitur, & vestimentis probationis in Religione à Sede Apostolica approbata induitur, nullo voto emisso.

2 Quæritur. Quanto tempore Novitius debeat in probatione stare?

Respond. Id taxatur à Trid. *sess. 25. cap. 5. de Regular.* ibi: *In quacumque Religione, tam virorum, quam mulierum, professio non fiat ante decimum sextum annum expletum: & qui minori tempore, quam per annum, post susceptum habitum in probatione steterit, ad professionem non admittatur. Professio autem antea facta sit nulla, nullamque inducat obligationem ad alicuius Regule, vel Religionis, vel Ordinis observationem aut, alios quoscumque effectus.*

At petitur. An valida sit professio emissa peracto probationis anno, eadem die suscepti habitus, sed ante horas circiter quinque?

Validam esse professionem plures scribunt, considerantes: Primò, quòd in his, quæ respiciunt favorem alicujus, dies cœpta habetur pro completa. In hac autem facti specie versamur in his, quæ favorem respiciunt, tum ex parte Novitii, tum ex parte Religionis: ex parte Religionis, ut hæc probet mores Novitii; ex parte verò Novitii, ut hic probet Religionis austeritates, & disciplinam; & ita expectandum non est ultimum instans.

3 Secundò, quia Concilium d. loco nil aliud exigit, quàm annum probationis completum; & cum annus dividatur in naturalem, qui diebus, & horis conficitur, & de momento in momentum computatur, constatque diebus 365. & horis ferè sex: & civilem, seu vulgarem, ac artificialem, qui 365. diebus absolvitur; videtur satisfactum menti Concilii, si intelligatur de anno civili, & non naturalium maxime, quia levis omisso non vitiat, ut plures rescripserunt.

Tertiò. Si Concilium loqueretur de anno naturali, deberent à die suscepti habitus usque ad professionem emissam currere dies 365. & ferè sex horæ: & ita Novitius, qui suscepisset habitum die 10. Junii 1707. hora nona, deberet sequenti anno profes-

sionem emittere die 10. ejusdem mensis, hora 15. alioquin professio antea facta nulla foret; & cum hæc sit res plena scrupulis, dicendum est Concilium locutum fuisse de anno civili, non naturali.

4 Cæterùm pro nullitate professionis videntur magis urgere infra scripta. I. Concilium ibidem ad professionis validitatem necessariò requirit, ut Novitius non minori tempore, quàm per annum, in probatione steterit. De Novitio autem, qui ante aliquas horas professus est, verissimè dicitur in probatione minori tempore stetisse, quàm per annum. Quoniam annus per DD. ubi incipit, ibi desinit, & qua incipit hora, finitur, ut scribit Bart. in l. libellorum, ff. de accusat. Ergo ejusdem professio valida esse non potest. Eò magis, quòd jus commune, à quo Concilium recipit interpretationem passivam, non modò exigit, ut Novitius non minori tempore, quàm per annum, in probatione stet; verùm requirit, ut annus sit elapsus, per tex. in cap. Non solum de Regul. ibi: *Sub pena excommunicationis districtius inhibemus, nec ante annum probationis elapsum quemquam ad professionem vestri Ordinis recipere presumatis.* Certum autem videtur non posse dici annum elapsum, nisi ultimum momentum supremæ diei excefferit.

5 II. Quia, quamvis levis omisso regulariter actum non vitiet; id tamen non verificatur, quando quod omittitur, est de forma c. Cum dilecta de rescript. Est autem de forma, quòd annus probationis sit completus, propter adjectam à Concilio clausulam Decreti irritantis: ergo ex omissione horarum quantumcumque levi, irrita redditur professio.

6 III. Quamvis apud DD. ob textum diversitatem dubia res sit, an tempus computetur de momento ad momentum) an ultima dies anni cœpta habeatur pro completa? tamen in hoc videntur convenire, quòd ubi est favor, ut tempus duret; non habeatur pro completa; ubi verò favor est, ut tempus finiatur, pro completa reputetur. Quod videtur juxta Gloss. in c. Cum in cunctis, de elect. in ver. Exegerit. Favor autem est, tum respectu Novitii, tum respectu Religionis, ut tempus currat de momento in momentum, & nullum instans, vel Novitio, vel Religioni præripiatur. Favor Novitii est, ut hic integro anno probet one-

ra, & labores Religionis, deque ejusdem obligationibus instituat. Et licet aliquem esse Religiosum summus sit favor, tamen summus etiam favor est, ut antequam talis efficiatur, cum integra anni plenitudine de Religione deliberet, juxta dict. *capit. Non solum*, ubi dicitur, *annum probationis institutum maximè esse in subsidium fragilitatis ingredientis*. Favor verò Religionis in eo est, ut probet mores Novitii; quæ cum est professioni proximior, solet magis experiri, an vero zelo, vel humano affectu, an ad Deo famulandum, an aliquo mundano fine statum Religionis elegerit: & propterea tempus de momento in momentum est computandum, & nullum instans neutri absque gravi ipsorum injuria furripi potest.

7 Quinimò, si in materia præsentī concurreret favor, & odium, adhuc tempus deberet computari de momento in momentum, ut etiam dixit Glos. in d. cap. *Cum in cunctis*.

8 Sed quatenus deberemus à doctrina illa de favore, & odio discedere, adhuc non sustineretur, quòd in præsentī dies cæpta haberi deberet pro completa. Quod evidentissimè concluditur per ea verba: *Nec qui minori tempore, quam per annum post susceptum habitum in probatione steterit*: Concilium hic connotat tempus probationis, non à die, sed ab actu suspensionis habitus. Unde communis conclusio est; ut, quotiescunque terminus statuitur ab aliquo actu, non à die actus, sed tempus currat de momento ad momentum, ac proinde quilibet vel minutissimus defectus infringit actum, ut ex Fagnan. in 3. ad cap. *Ad nostram, de Regul. num. 35.* exscripsit Pignatell. tom. 9. consult. 87. num. 6. Annus autem debet esse completus, non Ecclesiasticè per Festa Mobilia, sed per cursum solarem.

9 Hinc concludas, tempus computari de momento ad momentum, hoc est, ab hora diei, in qua suscipitur habitus, usque ad eandem horam ultimi diei probationis, adeòut necesse sit, ut qui habitum suscepit die 2. Augusti anno 1707. hora 20. debeat anno 1708. eadem die, & hora, & non prius profiteri. Nam ubi Lex, vel Constitutio taxat tempus, estque à Lege ordinatum, debet esse completum ad ultimum usque momentum, ut post Suarez, & Sanchez dixit Pignatell. tom. 10. consult. 11. num. 1. Quapro-

pter notavit Quilici *Confess. manud. qu. 16. art. ult. num. 15.* in anno probationis, & ætate ad professionem necessaria non dari paritatem materiæ. Nam semper de eo, qui stetit in probatione una hora, vel media, vel quadrante minus, dicitur stetisse minus anno, Peyrin. de Pralat. q. 3. c. 1. §. 4. num. 5. Super quo omne removit dubium S. C. C. quæ die 21. Januarii 1617. declaravit, *professionem emissam non completo anni curriculo, etiam per duas horas tantum, non valere*, apud Hasbensem *summ. qq. Regul. rer. Professio num. 346.*

10 Nec obstant, quæ fuerunt pro validitate professionis productæ; non primum, cui satis est datum supra in tertia probatione. Quoties enim Lex aliter disponit, ut in casu Concilium, non sequitur diem cæptam haberi pro completa.

11 Nec secundum: & Concilium esse locutum de anno naturali, patet ex primo, & secundo fundamento nostræ opinionis.

12 Nec tertium. Concedimus ad validitatem professionis requiri annum expletum 365. diebus, & horis ferè sex; sed negamus rotundè, quòd argumentum intendit: nam illæ sex horæ intercluduntur inter unam, & alteram nonam horam præfatorum mensium sic, ut in sequenti anno completus omnino reputetur ad horæ nonæ pûsum.

Et reputari debet horologium æquali processisse gressu, dum æqualis diligentia moralis fuit adhibita, nec data opera fuit apposita manus, ut ex cursu fraud aliqua oriretur.

13 Quæ dicta sunt de probationis anno, debent servata proportionè, applicari anno ætatis sexto decimo. Qui etiam debet esse completus de momento in momentum; nam Concilium ibid. decrevit, ut professio non fiat ante decimum sextum ætatis annum expletum. Textus est clarus. Nec diceretur expletus, cui adhuc, vel hora, vel media, aut quadrans deficeret.

14 Nec valet, quòd in moralibus parum pro nihilo reputetur. Quoniam istud procedit, quando Lex aliter non disponit. Lex autem Concilii vult annum esse expletum, qui certè expletus non præsumitur, dum adhuc hora, vel media, vel quadrans pro consummata plenitudine desideratur; de quo infra cap. 41.

15 Queritur. An in anno bissextili expectan-

pectandus sit lapsus diei, qui tunc de novo additur, ut annus probationis completus dici possit?

Resp. Affirmativè. Nam in eo anno duo dies pro uno computantur, ex cap. *Quæsit, de verb. signif.* Nec ex additione diei à Gregorio XIII. facta dicitur annus bissextilis majus spatium, quàm anni, ut notavit Fagnan. *ubi sup. num. 25.* Hinc S. C. C. apud alleg. Hasbens. sub 5. Junii 1617. declaravit: *Nullam esse professionem, si sit emissã in anno bissextile, non expectato lapso illius diei, qui tunc de novo additur.* Et proinde, qui habitum suscepit die 24. Martii, non potest in sequenti anno profiteri die 23. ejusdem mensis, propter additionem unius diei factam Februario.

16 Queritur. An annus probationis debeat esse continuus?

Resp. Affirmativè, ut in terminis resolvit Sac. Cong. Conc. apud Fagnan. *ibid. n. 27.* Quæ consultã à Procuratore Generali Ordinis. Minim. *An Novitius, qui à Monasterio, ut aliam Religionem ingrederetur, abierat, ac duas tantum horas in alio Conventu moram traxerat, & statim deinde facti poenitens, reversus fuerat, teneretur incipere novum annum probationis?* Respondit, *teneri ab eo die, quo rediit.* Nam hic tempora probationis non conjunguntur, & annus probationis debet esse continuus. Ubi enim iura certi temporis mentionem faciunt, intelligi debent de tempore continuo, quia regulariter omne tempus continuum esse debet. Et certè de eo, qui per aliquot dies extra Monasterium moratus est, non dicitur in probatione per annum stetisse, contra dispositionem Conciliarem. In quo etiam est ponderandum cum Fagn. in 4. *ad c. Insignuante, qui Cler. vel vovent. num. 36.* quòd propter intermissionem diversificantur mores, & opera hominum. Et certum est gravius esse Religionis duritiem, & rigorem experiri per annum integrum, quam per annum interpolatum. Hinc sequitur, quòd eget nova receptione, & admissione per eos, ad quos spectat, ut iterum Novitius esse possit, & debet annum probationis incipere.

17 Sed quid de eo, qui post moram in Conventu designato pro Novitiatu, per aliquod temporis spatium, ut ad quatuor, vel sex menses moratus est, si postea de licentia Superioris ex rationabili causa sub illius obedientia residuum annui temporis

extra Conventum mansit, & expleto anno professionem emisit? An professio inde sequuta sit valida?

Affirmant nonnulli ex eo, quòd fictione juris censetur Monachus esse in Monasterio, quando est extra de licentia sui Superioris; & in his terminis referunt Suarez, Navar. Miranda, & Vecchius apud Peyrin. *ubi sup. n. 101.* fuisse declaratum à S. Congr. Conc. quibus adhæret Passarinus *de stat. hom. tom. 3. q. 189. inspect. 5. num. 86.*

Verùm ipse Peyrin. ibidem: cum quo transit Sandoz *comment. in stat. S. Francisci cap. 2. stat. 43. Respondeo 3. si causa*, dixit, eorum sententiam tutam non esse, quia continuus anni probationis in Religione est de forma, juxta textum Trid. in d. cap. & in his, quæ sunt de forma, rigor juris servandus est, ut dixit Rota apud Farinac. *1. par. decis. 175. num. 2.* Maximè, quia plurima præscribuntur in Decretis Clem. VIII. incip. *Cum ad Regularem pro educatione Novitiorum*, ut sub *constit. Urbani VIII. Bull. tom. 4.* quæ certissimè nullatenus impleri possunt, nisi intra claustra Monasterii. Quapropter, qui existit extra, nec Religionem probat, nec à Religione probatur; consequenter non satisfacit Concilio, quod reciprocã hanc probationem requirit ad valorem professionis.

18 Nonnullis etiam videtur, ab infirmo novitiatum non interrumpi, si ad aliquos menses sit in Conventu non taxato pro novitiatu, in quo manet infirmaria; cū in eo maneat sub obedientia Prælati, & in Religione experiatur asperitates, quæ propter paupertatē solent Religiosos infirmos comitari, & fictione juris censetur præsens in Conventu designato; & ita in praxi est apud plures Religiones per allegatos. Secus dicendum, si dimitteretur etiam de licentia Prælati ad domum paternam ad infirmitatem curandam, nam tunc ab incommodis infirmitatis, quæ solent in Religione experiri, esset immunis.

Verùm hæc regere non videntur, nam inspecta dispositione enunciatorum Decretorum Clementis VIII. res est certa, quòd Novitii pro tempore novitiatus non possint ad alios Conventus transferri ad effectum, ut ab infirmitate curentur; sed sint curandi in Conventu pro Novitiatu deputato, & in loco ejusdem Conventus ad Novitiorum habitationem assignato. Hæc sunt verba Pontificis: *Non liceat eis, durante No-*

vitiatus, & probationis tempore unà cum Professis, nisi in Choro, & in Ecclesiâ tempore officiorum, in processionibus, aut in cœnaculo causa refectionis commorari, nec permittatur eis professos domo exeuntes comitari. Quando autem extra d. locum, & Conventum curarentur, de necessitate extra dictos usus cum professis deberent commorari. Et considerari posset, quòd de Novitio, qui in alio Conventu curatur, non verificatur, quòd in probatione per annum stet in Conventu pro novitiatu designato, ut est evidens: & ita non impletur mens Tridentini, & Clementis.

Nec obstat, quòd pro eo tempore esset in alio Conventu de licentia, & sub obedientia Superioris. Nam non ex eo diceretur esse in Conventu deputato pro Novitiatu. Atque ita annus probationis non esset continuus: continuatio enim attenditur ex existentia in Conventu designato: & ubi lex expressè loquitur, fictio tacet.

In Ordin. Min. de Observ. nascitur debitu curandi Novitios infirmos in Conventu Novitiatus, ex Const. Innoc. X. *Ad propagandam* dat. 15. Octobr. 1654. apud Lant. *ver. Novitius num. 8.* in qua §. 3. inter alia præscribitur, ut quolibet quarto mense à Fratribus, qui à duobus saltem mensibus actu fuerint de Familia in Conventu ipsius Novitiatus, per secreta suffragia Novitiorumabilitas probetur. Qua verò ratione possunt habilitatem recognoscere, si Novitius in alio Conventu, etiam ad effectum acquirendæ salutis commoretur?

Cæterum Conversi, cum juxta dd. Decreta Clementis debeant etiam *circa corporalia obsequia probari, & exerceri*, possunt in Conventu deputato professis adjungi non modo in officinarum ministeriis, & horti cultura; verum etiam eos comitari valeant extra Conventum occasione quæstarum pro Fratrum necessitatibus; & præsertim in illis Religionibus, in quibus de mendicato vivitur. Dummodò extra Conventum non pernoctent, nisi fortuito casu id eveniat.

29 Quid dicendum de eo, qui à Superiore habitu Religionis induitur in Conventu non designato, non ut in eo probationem faciat; sed postea ad designatum transmittitur, ibique peracto probationis anno, professionem emittit: an validè profiteatur?

Respon. Quamvis allegata Decreta Cle-

mentis videantur obstare validitati professionis, cum verè Novitius ad habitum fuerit admissus extra Conventum designatum, tamen ex hoc capite non est professio nulla. Quoniam quamvis indutus fuerit habitu Regulari in Conventu non designato, non fuit tamen receptus, ut esset Novitius ejusdem Conventus, sed alterius designati, pro quo fuit receptus, ut in eo annum probationis perageret. Et verba Decreti, *Ad habitum Regularem non admittantur* - & ista - *Non audeant ad habitum suscipiendum recipere*, intelligenda sunt cum effectu durabili: inspecto autem effectu durabili, ille dicitur receptus, & admissus in loco designato, qui in eo per annum integrum probationis, probat asperitates Religionis, & Religio mores illius.

Cæterum annus probationis non est computandus à tempore suscepti habitus extra Conventum designatum; nam quoad hoc receptio illa nulla reputatur, ut ex allegatis Decretis. Sed computatio esse debet à tempore receptionis, & actualis ingressus in Monasterium designatum; nam tunc, & non prius, est formaliter Novitios: ut dixit Fagnan. ibidem n. 48. & post eum Pignatell. tom. 9. consult. 175. n. 13. ex quo ad verbum plura transcripsit.

Quid autem dicendum de Novitio, qui fuit ad habitum receptus in Conventu designato, in eoque per annum integrum stetit in probatione: sed postea ad professionem emittendam mittitur ad Conventum non designatum: an validè professionem emittat?

20. Contra nonnullos, & validitatem professionis, sunt verba Decreti *Regularis*, & S.S. Clem. ibid. obstatque eorum sensus alternativus, *A receptione quorumcumque Novitiorum, sive ad habitum, sive ad professionem omnino abstineant*, & ibi: *Ne ad habitum suscipiendum, nisi in Conventibus designandis, recipere, aut receptos ad professionem admittere ullo modo audeant.*

In prohibitionem autem alternativa sufficit alterutrum verificari, ut sit locus pænæ, per leg. *Si quis ita stipulatus*, ff. de verb. obligat. & scripsit Fagnan. loco citato, num. 52. & in 1. ad cap. *Inter ceteras*, de rescriptis num. 10. Et facit, quòd Decreta cum clausula irritante loquantur copulativè: *Receptiones verò, & professiones quaslibet &c.* Quare non modò irritant receptionem ad habitum extra locum designatum, sed etiam pro-

professionem ibi emissam: & ita satis non est, ut quis in loco designato ad habitum recipiatur cum experimento anni probationis, nisi etiam ibi profiteatur, & Religioni incorporetur, celebrando per solemnem professionem contractum ultrò citròque obligatorium.

21 Quid autem dicendum de Novitio, qui sex mensibus in Conventu designato probationem peregit, & pro residuo temporis transmittitur à Superioribus ad alium Conventum pariter designatum, in quo postea professionem emittit: an valide?

Passarinus ubi supra refert Sacram Congregationem Concilii declarasse, quòd Novitiatus de licentia Superioris, & ex iusta causa possit fieri partim in uno Conventu designato, & partim in alio item designato.

22 Quæritur . An Superiores possint ultra annum prorogare annum probationis?

Respondetur . Non videtur prohibitum, quin Superiores Regulares possint ex aliqua causa iusta professionem ad aliquod breve tempus prorogare. Quod constat ex ejusdem Sac. Congregationis declaratione, quam refert Peyrinus *cit. s. 4. num. 102.* ut infra -- *Concilium noluit quempiam minori tempore, quam per annum, stare in probatione, idque expressè disposuit: ne autem hoc tempus longius extendi possit, non prohibuit: ideòque arbitrio Superioris extendi, & prorogari potest.* Alioquin nimis durum esset, quòd Novitius, revolutò anno probationis, nulla interjecta mora expellendus esset à Monasterio, si statim ob legitimum aliquod impedimentum, infirmitatis scilicet, vel aliud, profiteri non posset; aut pro qualibet brevi dilatione impetranda, recurrendum esset ad Sedem Apostolicam. Videndus tamen Fagnan. in 3. ad cap. *Ad Apostolicam* num. 10. & 13. de regular. ubi refert, quòd cum quidam Novitius professioni proximus, nedum ageret decimum sextum annum, dubitavit Superior, an posset permittere, ut in Novitiatu maneret usque ad tempus professionis, vel potius eum ejicere deberet? Sacra Congregat. censuit, posse, quia Conc. d. cap. 16. vers. *finis*: loquitur de habilibus ad emittendam professionem; sed hic non est habilis, cum ætatem non habeat. Propterea S. Congr. in hanc sententiam inclinavit, ut in masculis non sit præfinitum tempus à Concilio ad suscipiendum habi-

tum. Vide cap. 22. numer. 11.

23 Quæritur, in cap. 16. sess. 25. de regul. Trident. decrevit, ut infra; Nulla quoque renunciatio, aut obligatio antea facta etiam cum juramento, vel in favorem cujuscunque causa pia valeat, nisi cum licentia Episcopi, sive ejus Vicarii fiat intra duos menses proximos ante professionem: ac non alias intelligatur effectum suum sortiri, nisi secuta professione; aliter verò facta, etiam cum hujus favoris expressa renuntiatione, etiam jurata, sit irrita, & nullius effectus. An d. cap. locum habeat in donationibus, seu renuntiationibus factis ante ingressum in Monasterium, seu ante susceptum habitum probationis?

Respond. Concilium non habere locum in donationibus, quæ fiunt ante ingressum Monasterii, seu susceptum habitum probationis. Nam d. cap. loquitur de Novitiis, ut integer contextus significat. Nullus autem Novitius dici reverà potest, priusquam cum effectu habitum probationis suscepit: etenim habitus probationis est de substantia Novitiatus, per text. in d. cap. 15. ibi: *Post susceptum habitum in probatione steterit.* Quapropter Concilium voluit solum comprehendere renuntiationes factas à Novitiis, non autem ab aliis, qui nondum habitum susceperunt. Et id evidens est, sive spectemus verba, sive mentem Concilii, ut non includantur, nisi Novitii. Ideò, si quis nondum Novitius renunciat, seu donat bona sua in favorem consanguineorum, vel aliorum, servata forma juris communis, contra Concilium non operatur, cum faciat actum sibi à Legge permissum.

24 Quam sententiam probavit S. Congregatio Concilii contra Navarrum sentientem in oppositum, quæ consulta -- An illud cap. comprehendat renuntiationes factas ante ingressum, illius tamen contemplatione; Respondit, non comprehendere renuntiationes factas ante ingressum, hoc est, ante habitus suspensionem. Et subinde, cum ab eadem fuisset quaesitum. An cum Clarix Buccapadulia renunciaverit bonis, tam paternis, quam maternis, eadem die, qua ingressa fuit Monasterium, prædicta ejus renuntiatio sufficiat; an nova requiratur ante professionem, iuxta formam à Concilio præscriptam; Die 22. Junii 1613. Sacra Congreg. censuit Decretum d. c. 16. non vendicare si

re sibi locum in renunciationibus factis ante actum, seu momentum susceptionis habitus; ac propterea, ex eo Decreto supra scriptam renunciationem non esse nullam. Fagnan. ubi supr. ad cap. Statuimus de regul. num. 47.

At petitur. An, cum valida sit donatio facta à Novitio infra duos Menses ante professionem in favorem etiam Monasterii de licentia Episcopi vel ejus Vicarii, liceat statim Monasterio apprehendere possessionem bonorum sibi donatorum?

Resp. Negativè; nam resignatio, vel donatio facta à Novitiis juxta præscriptum Trid. non sortiuntur effectum nisi sequuta professione: textus Trid. est clarus, & pluries resolvit S. Congr. Conc. apud Fagnan. ibid. num. 36.

25 At quæritur. Tridentin. d. cap. concludit: *Quin potius præcipit S. Synodus sub anathematis pœna dantibus, & recipientibus, ne hoc ullo modo fiat: & ut absentibus ante professionem omnia restituantur, quæ sua erant: quod ut rectè fiat, Episcopus per censuras Ecclesiasticas, si opus fuerit compellat;* petitur nunc.

Primò. An dicta excommunicatio ipso facto incurratur?

Secundò. An incurratur, dum à Parentibus Novitii aliquid per modum eleemosynæ tribuitur Conventui, causa convivii faciendi, dum Novitius habitum suscipit, vel proficitur?

Resp. Ad primum, dicitur negativè, prout censuit S. Congr. Concilii apud Fagnan. ubi supra num. 59. & ibi refert, *Quodcumque quædam Moniales dotem acceperunt à Virginitatibus nondum professis, & Episcopus consulisset, quid sibi agendum?* Sac. Congreg. censuit, *eas non incurrisse in excommunicationem ipso jure.* Quando enim à jure præcipitur aliquid sub pœna excommunicationis, contrahiens non incidit ipso jure in ipsam, prout observavit Glos. ad cap. Sancta Romana de Religios. domib. inter extravag. Joann. XXII. in verbo volumus ipso facto; tamen dando, vel recipiendo peccant mortaliter, quia in materia gravi faciunt contra Conciliū; & ita possent excommunicari: & quatenus excommunicarentur, possent ab Episcopo absolvi, quia non reservatur Sedi Apostolicæ.

26 Ad secundum. Est ponderandum, quòd, si casus procedat prævia petitione, &

pacto, dubium resolvitur in cap. Sanè, de simonia inter com. ubi prohibetur sub pœna excommunicationis ipso facto incurrenda (cujus absolutio Apostolicæ Sedi reservatur) petere, pacisci, exigere, vel recipere ante, vel post ingressum, tam à maribus, quam à feminis, volentibus ingredi Religionem: *Pastus, prandia, seu canas, pecunias, jocalia, aut res alias etiam ad usum Ecclesiasticum, seu quemvis privum usum;* sed omni pactione cessante, & ex mera liberalitate dare, eaque recipere, ibidem non interdicitur.

27 Quare difficultas videtur restringi seclusa pactione, petitione, & exactione. Et in his terminis locum habet comminatio censuræ, modò à Parentibus tribuatur aliquid ex bonis Novitii: secus autem, si tribuerent ex bonis propriis. Ita enim sonat literalis dispositio textus, ibi: *Aliquid de bonis ejusdem:* ubi dictio, *ejusdem*, fiat relativè ad personam Novitii; & ita non videntur prohiberi hujusmodi elemosynales largitiones ex quibuscumque bonis, sed ex bonis ejusdem Novitii, ut advertit ex Bordonio Pignatellus tom. 1. consultat. 109. numer. 25.

28 Atque ita videtur, quòd non subsistat donatio facta à Patre Monasterio, in quo ejus filius existit Novitius, etiam si sit de bonis ipsius donantis. Nam videtur reprobari à Trid. d. c. 16. Quoniam reputatur præjudicare libertati Novitii ad profitendum; etenim professionem emitteret, ne in saculo pauperrimus viveret. Accedit, quòd interpretatur facta de bonis ipsius Novitii, dum bona Patris ad eum, eo mortuo, pertineant.

Quatenus autem sustineatur, dicendum, quòd includit conditionem, si professio sequatur: & ita cessat ratio timoris paupertatis, cum promissio evanescat ob non adimpletam conditionem, & revocata censetur, si Novitius professionem non emittat; prout firmant DD. in terminis Novitii recedentis ante professionem, cui quæ sua erant, tenetur Monasterium restituere.

29 Sed petitur. An teneatur restituere habitum Religiosum, propriis Novitii expensis factum?

Respond. Non esse restituendum: sed pretium illius esse solvendum, dixerunt plures apud Barbof. *dist. sess. cap. 16. numer. 51.* & Peyrin. *dist. quæst. 3. cap. 1. §. 4. numer. 107.* Et tunc est restituendus valor pro illo

teur

tempore, quo eum deponit, non quo factus est; quod refert Peyrin. esse ad mentem Sac. Congregat. & servatur dispositio Trident. *cap. 16.* quia cum restituitur valor, redditur ipsi æquivalenter habitus, & quod suum est; & quatenus renueretur reddere, Episcopus per censuras potest compellere, text. ibidem.

30 An autem possit habitus detineri pro alimētis illius temporis, quo in Monasterio fuit?

Resp. Certissimum puto, in Religione de corpore Observantiæ, & Capuccinorum retineri non posse; quia elemosynæ, quibus vivunt, reputantur magis, vel saltem in majori copia fieri contemplatione Novitiorum; ut praxis docet. Propterea apud eos aliquid à Novitiis recipere pro victu corruptela est, & abusus omnino abolendus: videatur ibid. Conc.

31 Quæritur. Clericus Beneficiatus ingreditur Religionem, tenetur ne Episcopus expectare, ut professionem emittat, priusquam ejus Beneficium alteri conferat?

Resp. Affirmativè. Obstat enim Decretum Trident. *dist. cap. 16.* Propterea forma ibidem à Concilio præscripta in renunciationibus servandis servari pariter debet in renunciatione Beneficii; & Sacra Congregatio declaravit apud Fagn. ubi sup. *ad cap. Statuimus num. 19.* Quæ consulta, *An dist. cap. 16. loquens de renunciationibus comprehendat, etiam resignationem Beneficii;* Respondit *comprehendere.* Quare si, facta renunciatione, & ad sæculum, non facta professione, dictus Clericus rediret, Beneficium recuperaret.

32 Quæritur. An Religiosi consentientes, & concurrentes ad expulsionem Novitii habilis per denegationem suffragii absque legitima causa, peccent mortaliter?

Resp. Affirmativè. In eo enim operantur contra Trident. *d. c. 16.* ubi præcipit Superioribus, ut Novitios repertos habiles, finito anno Novitiatus, ad professionem admittant. Tum quia injuriam faciunt Religioni, eam privando idoneo Religioso, & Novitio, qui peracto probationis anno, & habilis repertus, jus habet ad Religionem. Tum quia nullus dubitat, quin mortaliter peccet retrahens Novitium à Religione: sed expellere per suffragii denegationem, est plusquam retrahere.

33 Quæritur. An Provincialis non

residens in Conventu Novitiatus possit suffragari super idoneitate Novitii ad professionem?

Respondet affirmativè P. Portellus *addit. ad dub. Regul. verb. Novitia,* & post eum Peyrin. ubi supra *num. 116.* quoad suam Religionem, ea ratione motus, quod ad Provinciale spectet recipere ad habitum, & professionem.

Sed quidquid sit de opinione Peyrini pro suo Ord. Certum est id prohiberi in Ord. Min. de Observantiæ: quoniam in terminis obstat dicta constitutio Innocen. X. *Ad Propagandam*, apud allegatum Lantus, in qua inter alia præscribitur, ut Novitii non admittantur ad professionem, nisi ter in anno, hoc est quarto quoque mense, per vota secreta à majori parte Fratrum habiles fuerint inventi. Item, ut Fratres votum habeant, qui in eo Conventu à duobus mensibus fuerint actu de familia, ut inde experimento probare possint mores Novitii, & judicium ferre, an habilis sit ad Religionem. Quod non potest Provincialis inspicere, si in d. Conventu saltem per duos menses non steterit.

Nec valet dicere, quod potest super eo doceri per informationes Fratrum. Nam Innocentius exigit, ut vocales actualiter extiterint à duobus mensibus in eo Conventu de familia.

34 At petitur. Recipiuntur suffragia pro ferendo iudicio de habilitate Novitii ad Religionem, & vota sunt utrinque paria: quid agendum est? admittendus ne ad professionem, vel expellendus?

Resp. Ex Constitutione alleg. Innocentii videtur ejiciendus; nam ibidem firmat eos esse ad professionem admittendos, qui à *majori parte Fratrum habiles fuerint inventi.* In paritate autem votorum, ista majoritas non habetur. Quoniam, ut haberetur excessus, ad minus unum deberet supra medietatem numerari. Nec Provincialis potest habere decisivum, ut ex *d. Constit. & ex Decreto Sac. Congreg. Episcop. edit. 13. Martii 1653* in quo Provincialibus decisivum conceditur in negotiis decidendis in Definitorio. Ut dixi *capit. 18. numer. 51.*

35 Quæritur. An Confessarius Novitorum possit eis denegare suffragium propter defectum cognitum in confessione?

Resp. Negativè, etiam si suffragia dentur secreto. Nam Forum Confessionis nullum com-

commercium habet cum Foro exteriori. Id enim est contra sigillum, & confessio ex eo redderetur odiosa. Quidquid dixerit Portel. *Dubia Regular. ver. Novitius*. Limitatur, nisi etiam aliunde de crimine notitiam acceperit.

Vide, quæ dixi *lib. 4. Caut. Confess. cap. 5. num. 2.*

C A P V T XXXV.

Officialis quoad Ordines.

S U M M A R I U M.

- 1 *Regulares ab Ordinariis examinari possunt occasione susceptionis Ordinum.*
- 2 *Regularibus concedunt Dimissorias eorum Superiores : sed servandus est modus, ut in Decreto Clement. VIII. alias ipso jure pœnas in eo contentas incurrunt reservatas.*
- 3 *Ordinati contra præscriptum Decreti sunt suspensi.*
- 4 *Quibus sit datum indultum recipiendi Ordines Sacros extratempora?*
- 5 *Indultum post Trident. non suffragatur per communicationem.*
- 6 *Impugnatur P. Trotta, usque ad numer. 8.*
- 9 *Ordinatus sine dispensatione extratempora, est ipso jure suspensus.*
- 10 *Idem dicitur de promoti ad Ordines Sacros ante legitimam aetatem, vel absque dimissoriis.*
- 11 *Ignorantia, quæ non sit affectata, excusat à suspensione.*
- 12 *A quo ætas incipiat : an à conceptione, natiuitate, vel Baptismi die?*
- 13 *Constitutio Pii II. comprehendit etiam Regulares.*
- 14 *Suscipiens primam Tonsuram non prius confirmatus eget dispensatione Apostolica, ut ad Superiores Ordines ascendat.*
- 15 *Peccat graviter, qui non servatis interstitiis promovetur ad Ordines, non obtenta dispensatione.*
- 16 *Facultas dispensandi super interstitiis est in Episcopo, etiam quoad Regulares.*

- 17 *Regularis promotus absque Dimissoriis sui Superioris est suspensus, usque ad numer. 21.*
- 22 *An Dimissoria concedenda sint à Superiore originis, vel domicilii?*
- 23 *Constitutio Innocentii XII. edita pro tollendis fraudibus circa Ordinandos subditos alienos, usque ad numer. 29.*
- 30 *Agitur de Religioso Converso petente vigore Indulti Apostolici ascendere ad Clericatum.*
- 31 *Novitii ad Sacros Ordines promoveri non debent.*
- 32 *De facultate absolvendi Regulares à suspensione incurta propter Ordines male susceptos; & dispensandi super irregularitate, si in illis ministraverint?*
- 33 *De quo dicatur Ordines furtivè suscipere?*
- 34 *Clerici absque titulo Patrimonii, vel Beneficio Ecclesiastico, promoveri non possunt, usque ad n. 36.*

§. U N I C U S.

Irregularitas.

- 1 *Exponitur descriptio Irregularitatis.*
- 2 *Irregularitas ex defectu rationis, usque ad numer. 5.*
- 6 *Ex defectu fama.*
- 7 *Ex defectu lenitatis, usque ad numer. 10.*
- 11 *Ex defectu libertatis.*
- 12 *Ex defectu significationis, usque ad numer. 16.*
- 17 *Ex defectu natalium.*
- 18 *Ex defectu ætatis.*
- 19 *Ex defectu membrorum, usque ad numer. 20.*
- 21 *Irregularitates, quæ oriuntur ex delicto, usque ad numer. 27.*

1 **C**ompetit Episcopis jus examinandi, etiam Regulares, circa scientiam necessariam in promovendis ad Ordines, ad formam Conciliaris dispositionis Trident. *sess. 23. cap. 12. de reformat. ubi* : Nullus impofterum ad Subdiaconatus Ordinem ante 22. ad Diaconatus ante 23. ad Presbyteratus ante vigesimum quintum ætatis sue annum promoveatur; & infrà: Regulares

lares quoque nec in minori aetate, nec sine diligenti Episcopi examine ordinentur, privilegii quibuscumque quoad hoc penitus exclusi.

Plures tamen ex affectu in Religiosas familias id remittunt conscientiae Superiorum attestantium in litteris dimissorialibus de idoneitate, & Religiosorum sufficientia, ut observat Miranda *man. Pralat. t. 1. q. 39. art. 4.* Quorum testimonio absque offensae timore se confirmare posse tradit Gobat. *Experientia Theolog. tract. 8. casu 11. sect. 1. num. 424.* nisi manifeste appareat inhabilitas promovendi, apud Tamburinum *lib. 7. de ordine c. 9. n. 2.*

2. Concedere dimissorias spectat ad jurisdictionem, ut post Sayr. *de censur. lib. 4. n. 21.* dixit Monacellus *form. p. 2. form. 8. num. 1.* Has Superiores Regulares suis subditis concedunt; sed est servanda forma ejus praescripta, ut infra.

De mandato Sanctissimi Domini Nostri Clementis Divina providentia Papa VIII. tenore praesentium, mandatur omnibus, & singulis quorumcumque Regularium Superioribus, ut de cetero observent, & observari faciant ea, quae in Decreto S. Congr. Conc. Trid. continentur, cujus tenor est.

Congr. Conc. consuit Superiores Regulares posse suo subdito, itidem Regulari, qui praedictis qualitatibus requisitis, Ordines suscipere voluerit, litteras dimissorias concedere, ad Episcopum tamen Dioecesanum, nempe illius Monasterii, in cujus familia ab iis, ad quos pertinet, is Regularis positus fuerit: & si Dioecesanus abfuerit, vel non esset habiturus Ordinationes, ad quemcumque alium Episcopum, dum tamen ab eo Episcopo, qui Ordines contulerit, examinetur quoad doctrinam: & dum ipsi Regulares non distulerint de industria concessionem dimissorialium in id tempus, quo Episcopus Dioecesanus, vel abfuturus, vel nullas habiturus esset Ordinationes, vel Sedes Episcopalis vacaret. Verum, cum à Superioribus Regularibus, Episcopo Diocesano absente, vel Ordinationes non habente, Litterae Dimissoriae dantur, in eis utique hujusmodi causam absentiae Dioecesani Episcopi, vel Ordinationum ab eo non habendarum, exprimendam esse. Quod si Regulares ordinandi morentur in Monasterio nullius Dioecesis, hujusmodi dimissorias concedendas esse ad Episcopum viciniorem, in eoque procedere omnia, quae

Official. Cur. Eccl.

de Episcopo Diocesano superius praescripta sunt. Quod qui non fecerint, officii, & dignitatis, seu administrationis, ac vocis activae, & passivae privationis, ac alias arbitrio S. D. N. Papae reservatas, poenas incurrant. In quorum &c. Dat. Roma die 15. Martii anno 1599. apud Monacell. *form. part. 1. in append.*

Hinc constat, quomodo se gerere debeant Superiores Regulares, ut non incurrant poenas à Clemente statutas. Nec attendenda est opinio Passarini *tom. 1. in append. adnot. ad d. Decret. scribentis poenas non esse latae sententiae.* Nam Decretum procedit per verbum *incurrant*, quod est modi imperativi, quod importat poenam latam non ferendam, ut docet Sayrus *de censur. lib. 2. cap. 11. num. 8.* Tum quia, quomodo dici possunt ferendae sententiae, si sunt Papae reservatae? Reservatio enim supponit, poenam latam in contrafacientem; jam esse incursum, cum non sit reservabile, quod adhuc expectat declarationem, Monacell. *cit. part. 2. formular. 4. tit. 13. num. 27.* Quod autem poenae in eo inflictae sint Papae reservatae, constat ex verbis illis: *Ac alias arbitrio &c.* & tenet Gavant. in *manual. ver. Ordonum. 37.*

3. Ordinati contra praescriptum decreti sunt suspensi ab executione susceptorum Ordinum, quamdiu Episcopo Diocesano expedire videbitur, ut respondit S. C. C. Archiep. nov. i. Regni Granatae 14. Martii 1520. apud Monacell. ubi supra *num. 29.* & patet ex *cap. 8. d. sessionis.*

Quanto autem tempore debeat Regularis ordinandus manere in Conventu Dioecesis Episcopi ordinantis, ad hoc, ut dici possit de familia ipsius Conventus? Colligendum est ex circumstantiis, specialiter inspiciendis ad effectum recognoscendi fraudem. Unde Sac. Congreg. Concilii in una Neapolitana 8. Augusti 1692. super eo consultata, respondit, *Providetur in casibus particularibus proponendis*, apud Petram *Comment. tom. 1. ad Constit. unic. Urbani II. sect. 2. num. 37.*

Tempora à iure statuta, in quibus per disposita à Trid. *loc. cit. c. 8.* celebrari debent Ordinationes Sacrae, comprehendunt sex Sabbata, ex c. *De eo, de temp. ord.* hoc est, quatuor anni temporum: alterum Dominicam, Passionis praecedens, & Sabbatum sanctum: extra quae sine speciali indulto Sedis Apo-

S.

stoli.

X. In iure Bond. XIV. exigit testimonium cancellarii episcopalis de hoc.

foliæ nullus promoveri ad Sacros Ordines potest.

4 Gregorius XIII. *Const. Pium* 77. *Bull. rom.* 2. simile indultum concessit Jesuitis cum clausula; *Præsentis autem gratia communicationem omnibus aliis, etiam qui sua privilegia cum ipsa Societate copiose participant, participareque poterant, quamadmodum in futurum, fieri omnino prohibemus.*

Tandem Urbanus VIII. *Const. Cum sicut* la 46. *Bullar. rom.* 4. Fratribus Min. de Obfervantia in partibus Indiarum Occidentalium existentibus id indulfit, prout sequitur *Nos ejusdem &c. & infra: Nobis humiliter porrectis inclinati, omnibus, & singulis ejusdem Ordinis S. Francisci in partibus Indiarum Occidentalium hujusmodi, tantum existentibus, expressè professis, ut de Superiorum suorum licentia, à quocumque, quem maluerint, Catholico Antistite, gratiam, & communionem Apostolicæ Sedis habente in propria Diœcesi residentes, vel in aliena de Diœcesani loci consensu Pontificali exercente, per eos eligendo, ad omnes, etiam Sacros, & Presbyteratus Ordines, extra tempora ad id à jure statuta, ac interstitiis à Sac. Conc. Trid. designatis, minime servatis, annique curriculo non expectato; etiam si in unoquoque ex dictis S. Ordinibus susceptis, antequam ad alium promoveantur, si minime exercuerint, dummodò tamen ad id idonei reperiantur, & servatis alias servandis, promoveri, & promoti illius, etiam in Altaris ministerio ministrare libere, & licitè possint, & valeant, Apostolica auctoritate tenore præsentium concedimus, & indulgemus, ac facultatem impartimur. Non obstantibus &c.*

Aliis pluribus id esse indultum tradunt Rodriquez, & Portellus: at ubi fuerint privilegia data ante Concilium, hodie non regunt, utpotè à Concilio d. c. 8. revocata. X

5 An autem hæc privilegia suffragentur aliis Regularibus propter communicationem privilegiorum? Resolvendum negativè cum Lezana *Sum. qq. Regul. tom.* 1. n. 19. Peyrin. de *Privileg. tom.* 1. ad *Const.* 2. *Sexti IV.* §. 11. n. 39. Miranda q. cit. art. 4. & adhæret Donat. *prax. tom.* 3. r. 3. q. 26. n. 3. & facit, ut notat Miranda, per ea, Ordinationes Sacrorum Ordinum statutis ab jure temporibus celebrantur, revocari à Concilio privilegia eo prius concessa. Tum quia patet ex restrictivis à Greg. & Urban. respe-

ctivè ad litteras adjectis. Tum quia prætendentibus nonnullis Regularibus, vigore communicationis privilegiorum cum Jesuitis, & Minoribus, posse, & debere promoveri extra tempora, absque dispensatione Apostolica, interstitiis non servatis: Archiepiscopus Senensis requisivit oraculum S. C. C. & petiit: *An ipse licitè hoc facere puffer: Quæ die* 11. Aprilis 1699. respondit: *Dilata, & interim Archiepiscopus abstineat, donec exhibeantur sufficientia privilegia.* Ad idem rescripsit ead. Sac. Congr. in *Affisien.* 23. *Januar.* 1706. apud d. Monacell. ubi supra p. 2. tit. 13. n. 37.

6 Præacta non recipit P. Trotta in sua brev. exposit. *proposit. damn.* sed eis tract. 1. art. 36. prop. 30. neglectis, pro privilegio scribit; at sane inutiliter. Siquidem nulla omnino ratione id agit.

Dixit I. privilegium à Concilio non revocari, quia illud non nominat. Et inde stylo Concilii imperitus est. Nam privilegia sibi contraria revocat, non alia forma, quàm per clausulas generales, *non obstantibus, non suffragantibus &c.* vel aliquid statuendo, cui illa repugnent; sensus decretorum est obvius. Deinde fat est, ut Pius IV. *Constit. In Principis* 94. *Bullar. rom.* 2. omnia, & singula privilegia, quibusvis, & quacumque forma ante Concilium concessa revocet, dum Concilio adversantur. Vide sup. c. 31. n. 30.

7 Secundò dixit, nec Greg. neque Urbanum Concilio derogare; ex quo arguit privilegium ab illis datum Jesuitis, & Minoribus, ut supra, non adversari Concilio. Sed neque hoc ad rem est. Nam, cum in eo auctoritas Sedis Apostolicæ, non solum tacitè, ut in omnibus Oecumenicis Conciliis, sed etiam expressè, & nominatim præservata fuerit, ut ex *sess. 25. cap. 21. de refor.* non est opus Tridentino specialiter derogare, sed satis est, ut Romanus Pontifex statuatur contrarium ejus, quod Concilium disponit, ut per Fagnan. in 5. ad c. ex parte il. 2. de *privil. n.* 26. quod sæpius censuit Sac. C. Concili, & decidit Rota in una *Pensionis S. Angeli* 16. Decemb. 1594. apud eundem in 3. ad c. *Nulla de concessione præben. n.* 86. Atque ita cum Concilium, & Constitutio Apostolica conciliari non possunt, standum est Constitutioni, ad text. in c. *Licet de constit. in* 6.

8 Tertiò dixit. Privilegia Regularium

X In Concilio Rom. 1728. Bened. XIII. decessit antiquum privilegium extra tempora subsistere, sine expressè, sine per communicationem fuerit concessum — & contra priv. aliquodcumque debet esse expressè concessum post Conc. Trid. inquit Bened. XII. (Impositum)

pluries fuisse à Sede Apostolica confirmata. Utique; at semper cum clausula, *Modo sint in usu, nec revocata, & Tridentino non adversentur*. Assertum autem privilegium Tridentino adversari est manifestum: d. cap. 8. nam contrarium disponit. Deinde, natura confirmationis est, nihil de novo concedere, sed concessa roborare, & præservare privilegium, si adsit; aliàs inutiliter fuissent privilegia revocata. Propter quod tertum etiam est, mentem Pontificum, dum privilegia communicant, esse ea non communicare, quæ aliàs sublata fuerunt, licet alicui subinde fuerint de novo specialiter concessa.

Tandem testatur de praxi. Sed hæc non est communis. Et ubi est, cum errore juris. Credit denique Cassaingo, Roderico, & Portello. At duo posteriores à Curia distantes scripserunt. De primo ipse ferat iudicium ex indice librorum prohibitorum. Hinc potest videri Gonzalez *in tit. 11. c. 3. n. 7.* referens, privilegia data ante Tridentinum, per Concilium esse sublata.

9 Ordinatus itaque extra tempora absque Apostolica dispensatione recipit characterem, c. *consultationi de temp. Ord.* sed executionem Ordinis non habet, cum ipso facto suspensionem incurrat, ut in Const. Pii II. *Cum ex Sacrorum 7. Bull. tom. 1.* Non ad tempus, ut nonnulli dixerunt, sed usque dum per absolutionem habilitetur.

10 Quæ pœna ex d. Constit. incurritur etiam ab ordinato absque dimissoriis, & ante legitimam ætatem. Qui à suspensione non liberatur ex hoc præcisè, quòd ad ætatem legitimam accesserit, sed est necessaria absolutio, & clavium potestas. Hæc namque suspensio est perpetua, tamdiù durans, quamdiù absolutione tollatur. Constitutio enim loquitur sine temporis præfinitione, *Piasfec. prax. p. 1. cap. 1. art. 4. n. 2.*

An autem suspensio sit tantum ab Ordine malè suscepto: an etiam ab aliis antea legitime receptis? A receptis dumtaxat, non servatis requisitis ab iure, ex *Trid. sess. 14. c. 2. de refor.* ubi de promotò absque dimissoriis statuitur remanere suspensum ab executione Ordinum sic susceptorum. Quaphrasi utitur etiam *sess. 23. d. c. 8. Pignatell. tom. 10. consult. 159. n. 27.* contra Tamburinum *lib. 7. de ord. c. 12. §. 1. num. 19.*

Constitutio Pii non comprehendit promotos ad minores Ordines contra ejus dis-

positionem, nam loquitur expressè de promotis ad Sacros Ordines, *Piasfec. cit. nu. 3.* at jura posteriora, etiam promotis ad Ordines Minores, non servatis servandis, suspensionem imponunt. Legendum Tridentinum d. *sess. 14. cap. 2. & Constitutio Urb. VIII. Secretis 35. Bullar. tom. 4. ac Const. Innocentii XII. Speculatores, edita pridie nonas Novemb. 1694.*

11 Ignorantia tamen, modò non sit affectata, excusat à suspensione; quemadmodum à quavis alia censura, ut alibi dixi: Unde suspensus non est, qui bona fine dimissorias falsas recipit à viro bonæ opinionis, & vigore illarum promovetur: nec, qui credens testimonio parentum, ante legitimam ætatem Ordinis suscipit, ex traditis à Quaranta *Bullar. v. Quibus specialiter examinatis, & Monacell. form. p. 2. form. 3. tit. 13. n. 25.* Barbofi in *Trid. sess. 23.*

12 Etas non à tempore conceptionis, sed ab hora nativitatis computatur, juxta descriptionem, quam tradit Bald. *lib. 5. cons. 19. d. n. 3.* Apud quem ætas aliud non est, quam quædam temporis mensura, à natalitate usque ad obitum recurrens. Indeque non in utero matris incipit, sed in partu initium recipit.

Nec attenditur à die Baptismi, prout declaravit S. Congr. Conc. apud Fagnan. in *1. ad c. Cum in cunctis n. 135. de elect.*

In materia ætatis creditur dicto parentum, & testium, ac libro Parochi, in quo notantur Baptizati, *Piasfec. cit. art. 4. n. 4.* Quot autem modis probetur ætas, videri potest Menoch. *de præsump. 51. præsumpt.*

Cum *Trid. sess. 23. c. 12. de refor.* decernit: *Nullus impofterum ad Subdiaconatus Ordinem ante 22. ad Diaconatus ante 23. ad Presbyteratus ante 25. ætatis sue annum promoveatur;* satis est, ut anni, in quibus ordinari quis debet, sint incæpti, etiam per unum diem, ut est concursus Doctorum sententia: nam si vigesimus secundus est incæptus, verificatur, quòd Ordo, v. g. Subdiaconatus non suscipiatur ante vigesimum secundum, sed in anno vigesimo secundo, & anno vigesimo primo completo.

In anno bissextili est pro complemento anni computandus etiam dies, qui additur Februario; nam duo dies eo anno reputantur pro uno, juxta l. 3. §. *minorem ff. de minor. & c. quæsitit de verb. signif. & annus ex additione diei non dicitur majus spatium, per*

Fagnan. in 3. ad cap. Ad nostram de Regul. num. 26.

13 At dubitatur, an Constitutio Pii comprehendat Regulares.

Negat Sanctoro *Comment. cap. 2. stat. 7. conc. 5.* Contra quem affirmatur cum Miranda, Barbosa, Quaranta, & Diana *coord. tom. 2. tr. 5. resol. 91. nu. 2.* Materia enim Ordinum, de qua loquitur Pius, communis est Clericis tam Sæcularibus, quàm Regularibus. Maxime, quia Pontifex procedit absolutè, *Ut omnes & singuli, qui absque dispensatione, & in materia favore Sacrorum Ordinum, quos debita reverentia, & legitimis modis debent etiam Regulares recipere.* Unde Diana *cit.* testatur de praxi S. Pœnitentiariæ, quæ cum Regularibus absque dispensatione Apostolica aliter ordinatis dispensat.

14 Queritur, an suscipiens primam tonsuram non prius confirmatus possit ad alios Ordines licitè sine dispensatione Apostolica ascendere?

Resp. Quòd ad Ordines de necessitate præcepti prærequiratur Confirmatio, statuitur à Trid. *sess. cit. c. 4. de ref. ibi: Prima tonsura non initietur, qui Sacramentum Confirmationis non susceperint.* Ratio hujus necessitatis est, quia, cum per Sacram Ordinationem tradatur ordinato potestas spiritalis, decet, ut priusquam Laicus eam acquirat, per Sacramentum Confirmationis roboretur, & armetur ad pugnam contra invisibiles hostes, c. *Spiritus Sanctus de consecrat. dist. 5.* Quare S. C. Conc. aliàs declaravit: *Prima tonsura initiatum, non suscepto Chrismate, ac postea ad minores Ordines, eo suscepto, esse male promotum; beneficiamini legitime acquisivisse, & non posse ad Sacros Ordines ascendere, nisi prævia Sedis Apostolicæ dispensatione.* In qua facti specie stylus S. Pœnitentiariæ est, cum ita promotis dispensare, Fagnan. in 1. ad cap. Cum contingat de etat. & qualit. n. 96.

15 Queritur, an non dispensatus ab Episcopo super interstitiis recipiens Ordines, illis non servatis, incurrat suspensionem?

Tridentinum c. 11. *sess. 23.* (ad cujus terminos à Clemente VIII. Const. *Romanum Bull. to. 3.* fuit reducta illa Sixti V. *Sanctum 91. tom. 2.*) nullam suspensionem statuit ipso facto incurrendam ab eo, qui sine dispensatione, non servatis interstitiis, promovetur. Ideò ad dubium negativè cum Diana

cit. tom. 2. tract. 5. resol. 92. num. 4. Natali ab Alexandro *tom. 1. Theol. Domat. lib. 2. de Sacram. Ord. art. 5. regul. 11.*

15 Peccat tamen graviter, qui interstitia non servat, nisi id fiat de licentia Episcopi, per Cabasut. & Abelly; potest que ab Episcopo suspendi ob violatos Canones, & prohibitionem Ecclesiæ in re gravi. Lex enim Ecclesiæ est, ut aliqua temporis intercapedo ab uno Ordine suscepto ad alium recipiendum intercedat: ut eo tempore ordinandi in inferioribus Ordinibus exerceantur, eorum mores probentur, & instruantur in Clericorum munere, ut ibidem Trid.

Verùm Trid. non taxat, quantum temporis debeat intercurrere ab uno Ordine minori suscepto ad alium suscipiendum, sed relinquit arbitrio Episcopi, ut innuunt verba textus, *juxta præscriptum Episcopi.* Hinc conveniens est, ut religiosissimi Antistites intervallum illud definiant, & mensurent à quatuor temporibus ad quatuor tempora, ut saltem tres menses in probatione in singulis Ordinibus facienda, Clericus perseveret, & in exercendis Ordinibus detineatur.

Pariter ab Ordine Subdiaconatus ad Diaconatum integer annus debet interponi *ibid. c. 13. nisi aliud Episcopo videatur.* Nec à Diaconatu ad Presbyteratum debet quis ascendere, nisi per annum integrum in Diaconatu ministraverit, nisi propter utilitatem, & necessitatem Ecclesiæ Episcopus dispenset. per saltum ordinatus, suscepto nimirum Ordine superiori, antequam suscipiat inferiorem, ex Trid. d. *sess. 23. cap. 14.* suspensione ligatur.

Hinc ad rem notare non gravabor, quòd in decreto Innoc. XII. edito 14. Decembr. 1693. super moderatione indultorum extra tempora, hæc ponitur clausula: *Censuit Episcopos ad eorum executionem non astringere, sed illam semper ipsorum arbitrio, onerata eorundem conscientia, relinquere.* Ex qua habetur, quòd cum Clerici Sæculares, vel Regulares obtinent indulta, ut possint extra tempora, & tribus diebus Festivis ad Sacros Ordines promoveri, & intercapedo inter unum, & alterum Ordinem relinquitur arbitrio Episcopi, hoc arbitrium debet esse ab jure regulatum. Et cum jus præscribat integrum annum interstitiorum inter unum, & alium Ordinem

sacrum: Episcopus *per arbitrium* illud relaxando, curet, ut inter unum, & alium Ordinem interpolatio intercedat trium saltem, aut quatuor mensium; ne nimia indulgentia gravet suam conscientiam: quam Papa gravatam esse voluit. Nisi iusta, & rationabilis causa aliter esse agendum proponat. Ita Monacell. *form. cit. for. 4. num. 38.*

16 Facultas dispensandi in interstitiis est ita Episcopis propria, ut quoque Regulares ab ipsis debeant super eis dispensationem recipere; nam eorum Superiores super eo dispensare non possunt. Concilium enim *d. cap. 11.* Episcopi iudicio relinquit. Et S. Cong. Concil. censuit, *Superiores Regulares non posse dispensare super interstitiis Regularium ordinandorum, sed id pertinere ad Episcopum ordinantem; qui tamen quoad causam dispensationis iudicium formare debet ex attestatione Superiorum Regularium, Piafec. cit. art. 9. num. 8.* Atque ita Superiores possunt solum supplicare, & necessitatem exponere.

17 Quæritur. An Regularis promotus ad aliquem Ordinem sine Dimissoriis proprii Prælati, Provincialis, vel Generalis sit ab executione Ordinum ipso facto suspensus?

Resp. Affirmativè; tum ponderata Constitutione Pii II. de qua supra num. 13. tum considerationis Decretis Trid. *sess. 14. cap. 2. de refor.* ibi: *Absque sui proprii Prælati expresso consensu, aut Litteris Dimissoriis ad aliquos Sacros, aut Minores Ordines, vel Primam tonsuram promovere, seu ordinare valeat. Taliter verò promotus ab executione Ordinum sic susceptorum, donec suo Prælati visum fuerit, ipso jure sit suspensus.* Et *d. cap. 8.* requiruntur commendatitiæ sui Ordinarii, quibus probitas, & mores promovendi commendentur.

18 Proprius Prælatus & Ordinarius Regularis, quoad hunc effectum concedendi Dimissorias, & Commendatitias, est Provincialis; vel Generalis, juxta Decretum Clementis VIII. relatum supra num. 2. prout etiam notavit Sanctoro *cit. Gobat. cit. tract. 8. cas. 11. num. 418.*

19 Dimissoriæ autem debent continere non solum commendationem, seu testimonium de legitimis natalibus, ætate, & moribus; sed etiam de scientia, & idoneitate ordinandi, ad text. Trid. *sess. 23. cap. 3. cap. 8. & cap. 12. de refor.* Propterea, qui dimitti-

Official. Cur. Eccl.

tur, prius examinari debet super habilitate ad Ordines suscipiendos, ut docet Piafec. *cit. cap. 1. art. 2. num. 17.*

Quare si Provincialis, vel in Dimissoriis aut distinctis Litteris non testaretur de probitate, & moribus promovendi, esset hic ab executione Ordinum sic susceptorum suspensus, donec suo Ordinario expedire videretur, ad text. Trid. in *d. cap. 8.*

20 Quapropter Regularis, qui accipit Indultum à Sede Apostolica, ut ad Presbyteratum, v.g. promoveri possit *a quocumque Antistite rite, & canonice promoti, gratiam, & communionem S. Sedis Apostolicam habente* (hoc est, qui non sit excommunicatus, vel suspensus, vel interdictus, ut explicat Gloss. in *cap. Veniens de prescript. in verb. Gratiam Sedis*) licet non egeat Dimissoriis Provincialis, quia Papa ipse dat licentiam, & dimittit; eget tamen Litteris commendatitiis, & testimonio de vita, & moribus, ut expresse Trid. *eod. cap. 8. ibi: Quod si quis ab alio promoveri petat, nullatenus id ei, etiam cujusvis generalis, aut specialis rescripti, vel privilegii prætextu, etiam statutis temporibus permittatur: nisi ejus probitas, ac mores Ordinarii sui testimonio commendentur: si secus fiat, ordinans à collatione Ordinum per annum, & Ordinatus à susceptorum Ordinum executione, quamdiu proprio Ordinario (Episcopo) videbitur expedire, sit suspensus.*

21 Qua suspensione pariter ligatur, si etiam cum illis Litteris ab Ordinem promoveatur ab Episcopo Titulari, ex definitis à Trid. *sess. 14. cit. cap. 2.* ubi Titularium Episcoporum potestas quoad Ordinum collationem restringitur. Nisi Episcopus Diæcesanus habens Populum, & Clerum licentiam daret, ut ad Ordines promoveret, juxta Trid. *sess. 7. cap. 11. de refor. ex Pignatello tom. 10. constit. 158. num. 20.*

22 Sed difficultas est, an Dimissoriæ & Litteræ commendatitiæ concedi debeant à Provinciali originis, vel domicilii?

Provincialis originis ille dicitur, qui præest Provinciæ, in qua Religiosus per annum in probatione stetit, & professionem emisit; domicilii verò, qui regit Provinciam, in qua Religiosus manet de Familia.

Quando Provincia originis est etiam domicilii, Dimissoriæ, & Testimoniales Litteræ concedi debent ab illius Provinciali: cum verò ordinandus à Provincia ori-

S 3 ginis

ginis ad aliam a Generali destinatur, & in ea, vel ratione studii, aut alterius negotii de familia constituitur, tunc a Provinciali domicilii debent eæ Litteræ procedere: sed nonnisi requisito prius Provinciali originis, ut ab eo instruat, an aliquid habeat, & sit, propter quod promovendus impediatur, quin ad Ordines ascendere valeat. Ita enim plura evitantur, & cautela operatur, ne indigni ad Ordines assumantur. Ac in praxi in promovendis Regularibus fervantur statuta ab Innoc. XII. in d. Const. *Speculatores* 44. *Bullar.* Firmiani, in qua, licet non fiat Regularium mentio, congruum tamen est, ut Prælati Regulares in concedendis Dimissoriis, & Litteris commendatiis, ad ibi statuta respiciant, & servata proportionem ad dicta de Clericis sæcularibus, in eis dandis se dirigant.

23 In Constitutione autem inter alia hæc sunt: *Hac generali nostra, & perpetuo valitura Constitutione decernimus, & declaramus, nulli Episcopo, seu cujusvis loci Ordinario, tametsi Cardinalatus honore fulgeat, licere exterum quempiam, ac sibi ratione originis, seu domicilii, juxta modum inferius declarandum, legitime contracti non subditum, ad Clericalem tonsuram promovere, cujusvis Beneficii Ecclesiastici ei statim, ac Tonsura hujusmodi insignitus fuerit, conferendi, seu, ad quod is à Patronis jam præsentatus, seu nominatus fuerit, pretextu, etiam si Beneficium prædictum de novo ea expresse adjecta lege fundatum fuisse constituerit, ut quis immediate post Clericalem characterem susceptum ad illud instituat, prætereà Clericum, qui legitime jam à proprio Episcopo ad eandem Clericalem Tonsuram, seu etiam ad Minores Ordines promotus fuerit, non posse ab alio Episcopo ratione, ac titulo cujuscumque Beneficii in illius Diœcesi obtenti, ad ultteriores Ordines promoveri, nisi ante eorumdem susceptionem Testimoniales Litteras proprii Episcopi, tam originis, quam domicilii super suis natalibus, ætate, moribus, & vita sibi concedi obtinuerit, easque Episcopo ordinanti in actis illius Curis conservandas exhibuerit.*

24 Licet verò Clericus ratione cujusvis Beneficii in alia Diœcesi obtenti subijci dicatur jurisdictioni illius Episcopi, in cujus Diœcesi beneficium hujusmodi situm est; eam tamen de cætero hac in re inconcussè servari volumus regulam, ut nemo ejusmodi subje-

ctionem ad effectum suscipiendi Ordines acquirere censeatur, nisi Beneficium prædictum ejus sit redditus, ut ad congruam vitam sustentationem, sive juxta taxam Synodalem, sive, ea deficiente, juxta morem Regionis, pro promovendis ad Sacros Ordines, detractis oneribus, per se sufficiat, illudque ab ordinando pacifice possideatur, sublata quacumque facultate supplendi, quod deficeret fructibus ejusdem Beneficii, cum adjectione Patrimonii, etiam pinguis, quod ipse ordinandus in eadem, seu alia quavis Diœcesi obtineret; ac Episcopus sic ordinans, tam de prædictis testimonialibus Litteris, quam de redditu beneficii hujusmodi, expressam in consuetam collatorum Ordinum attestationem mentionem facere debet.

25 Cæterum subditus ratione originis is tantum sit, ac esse intelligatur, qui naturaliter ortus est in ea Diœcesi, in qua ad Ordines promoveri desiderat: dummodò tamen ibi natus non fuerit ex accidenti, occasione nimirum itineris, officii, legationis, mercaturæ, vel cujusvis alterius temporalis moræ, seu permanentiæ ejus Patris in illo loco; quo casu nullatenus hujusmodi fortuita nativitas, sed vera tantum, & naturalis Patris origo erit attendenda. Quod si quis tanto temporis spatio in eo loco, in quo ex accidenti, sicut præmittitur, natus est, moram traxerit, ut potuerit ibidem Canonico aliquo impedimento irretiri, tunc etiam ab Ordinario ejus loci Litteras Testimoniales, ut suprà, obtinere, illasque Episcopo ordinanti per eum in collatorum Ordinum Testimonio similiter recensendas presentare teneatur.

At si Pater in alieno loco, ubi ejus filius natus est, tamdiu, ac eo animo permanserit, ut in ibi verè domicilium de jure contraxerit, tunc non origo Patris, sed domicilium per Patrem legitime, ut præfertur, contractum, pro ordinatione ejusdem filii attendi debeat.

26 Subditus autem ratione domicilii ad effectum suscipiendi Ordines, dumtaxat censeatur, qui licet alibi natus fuerit, illud tamen adeo stabiliter constituerit in aliquo loco, ut, vel per decennium saltem in eo habitando, vel meliorem rerum, ac bonorum suorum partem cum instructis adibus in locum hujusmodi transferendo, ibique insuper per aliquod cōsiderabile tempus commorando, satis superque suum perpetuò ibidem permanendi animum demonstraverit; & nihilominus ulterius utroque casu se verè, & realiter animum

huiusmodi habere iurejurando affirmet. Si quis tamen à propria originis loco in ea etate discesserit, quæ potuerit alicui canonico impedimento obnoxius effici, etiam Ordinarium suæ originis testimoniales litteras, ut supra; afferre debebit, ac de illis expressa similiter mentio in susceptorum Ordinum litteris facienda erit.

27. Ad hæc nullus Episcopus, aliene Diocesis subditum familiarem suum ad aliquos Sacros Ordines, vel etiam primam tonsuram promovere, seu ordinare præsumat absque ejus proprii, originis scilicet, seu domicilii, Prælati testimonialibus litteris, ut supra, & nisi ad præscriptum Concilii Tridentini sess. 23. c. 9. de ref. familiarem per integrum prædictum, & completum triennium in suo actuali servitio secum retinuerit, ac suis sumptibus aluerit: beneficium insuper, quod ei ad vitam sustentandam, juxta modum superius præfixum, sufficiat, quacumque fraude cessante, statim, hoc est, saltem intra terminum unius mensis à die factæ ordinationis, re ipsa illi conferat, ac Ordinationis huiusmodi testimonio expressam itidem familiaritatis, ac litterarum prædictarum mentionem facere teneatur.

28. Porro, ut quicumque fraudibus aditus omnino præcludatur, volumus, & Apostolica auctoritate statuimus, ut Episcopus quilibet suos ratione originis, sive domicilii subditos Clericos quoscumque ab alienis Episcopis, quavis auctoritate, etiam cum suis commendatitiis litteris promotos, nedum ad formam Concilii Tridentini prædicti sess. 14. c. 3. de ref. quoad scientiam examinare valeat, verum etiam Ordinum eis collatorum testimoniales litteras, gratis tamen, recognoscere, ac diligenter perquirere, an quoad illos præsentis constitutionis forma, & dispositio adimpleta fuerit, assignato sic promotis termino competenti, ei magis beneviso, ad docendum de ejusmodi adimplemento, itaut quos, & termino elapso, id minimè præstitisse compere, à susceptorum Ordinum exercitio, sistat, & quandiu ei expedire videbitur, suspendere, illisque, ne in Altari, aut in aliquo Ordine ministrent, interdicare possit.

29. Ita verò præmissa omnia, & singula perpetuò, ac inviolabiliter observari, atque adimpleri volumus, ut siquidem in iisdem præmissis, seu eorum aliquo secus fiat, ordinans quidem à collatione Ordinum per annum, ordinatus verò a susceptorum Ordinum

executione, quamdiù proprio Ordinario videbitur expedire, eo ipso suspensus sit, aliisque insuper gravioribus pœnis pro modo culpe nostro, & pro tempore existentis Romani Pontificis arbitrio infligendis uterque subiacet &c.

30. Quæritur, Titius conversus obinet facultatem per litteras in forma brevis, transeundi à statu Laicali ad Clericatum, & se promovere faciendi ad omnes Sacros Ordines, de licentia tamen suorum Superiorum: petitur, quorum Superiorum licentia esse debeat? & quatenus asque illa Ordines recipiat, sit ab executione Ordinum suspensus?

Resp.^o Licentia debet obtineri à Generali, & Provinciali, ex declaratione Sacræ Congregat. negotiis Regularium præpositæ, quæ de mandato Urbani VIII. declaravit, clausulam de licentia Superiorum in brevibus prædictis appositam, esse intelligendam de Generali Ordinis, & Provinciali oblatores huiusmodi, itaut pro eorundem brevium executione requiratur utriusque licentia, & consensus: 2. Augusti 1630. apud Peyrinum cit. quæst. 3. cap. 1. §. 5. num. 149.

Qua forma non observata à quodam Religioso Minimo, easdem Congr. apud eundem in formular. regul. littera O. c. 6. nu. 5. eum suspendit, ab Ordinum exercitio, ut infra. In causa Fr. Ludovici Piccinii oblatis Ord. Minimor. qui obventus facultate per litteras in forma brevis transeundi à statu Laicali ad Clericalem, & se promoveri faciendi ad omnes Sacros etiam Presbyteratus Ordines, de licentia tamen suorum Superiorum, se promoveri fecit ad dictos Ordines ab Episcopo Caprularum, non solum absque licentia Patris Generalis, verum ipso contradicente, licet Episcopus prædictus asseruerit illum promovisse vigore dicti brevis, ac de licentia Nuntii Apostolici Venetiarii, & Provincialis Provincia dicti Fr. Ludovici S. Congreg. Card. negotiis Regularium Præpositæ, Eminentissimo Gyprio referente, censuit prænominatum Fratrem Ludovicum Piccinium suspendendum, prout præsentis decreti virtute suspendit, ab executione suorum Ordinum arbitrio Sac. Congregat. die 18. Novembr. 1633.

Attendant itaque Superiores in similibus litteris tenorem rescripti, & non permittant, quòd indigni, & illiterati, relicto

humilium statu, ad Clericalem, & hinc ad Sacerdotium ascendant.

31 Novitii ad Sacros Ordines promoveri non possunt, ut expresse in *Constit. Romanus Pontifex 75. B. Pii V. Bullar. tom. 1.* Ordinati carent executione Ordinum sic susceptorum, aliasque pœnas incurrunt Romano Pontifici reservatas, ut in Constitutione: quæ intelligitur tam de non professis, quàm nulliter professis. Quoniam de iis loquitur, qui licet, & liberè ad sæculum possunt redire. Atque ita, qui contra validitatem suæ professionis reclamant, ad Ordines non est promovendus, nisi constito de validitate. Religiosi tamen Societatis Jesu post emissâ tria vota simplicia promoveri possunt, quia pro tunc sunt verè Religiosi, ut in *const. Ascendente 89. Gregorii XIII. ibid.*; & ordinari possunt ad titulum Religiosæ paupertatis.

32 Quis autem absolvat Regularem contra jura extra tempora ordinatum, antequam ætatem, absque dimissoriis, vel per saltum; & super irregularitate dispenset, si, suspensione durante, ministraverit?

In Ordine Minorum videtur posse Generales, vel Provinciales, juxta *const. Virtute conspicuos Clementis IV. la 4. Bull. tom. 1. & const. Regimini 7. Sixti IV. & const. Sacri 19. Bulla aurea nuncupata, ibidem.* Et concordant DD. asserentes eos habere in suos subditos auctoritatem quasi Episcopalem. Diana *cit. tom. 7. tract. 1. resol. 297. Sanctoro statum. 14. §. probatur secundo specialiter, Peyrin. de privileg. Regul. ad const. Peyrini num. 46.* Ideoque id in suos subditos possunt, quod Episcopi in proprios. Sed Episcopi vigore *cap. 6. sess. 24. de reform.* possunt suos subditos in foro conscientia absolvere ab omnibus casibus occultis, etiam Sedi Apostolicæ reservatis: & in irregularitatibus omnibus, & suspensionibus, ex delicto occulto provenienti- bus, excepta ea, quæ oritur ex homicidio voluntario; & exceptis aliis deductis ad forum contentiosum, dispensare. Quæ facultas fuit à B. Pio V. ampliata ad Prælatos Ord. Prædicatorum *const. Romani 132. Bullar. tom. 2.* de qua ceteri Regulares cum ipsis communicantes in privilegiis participant.

Occultum autem dicitur, quod probari non potest: unde, ubi delictum potest per duos testes probari, occultum non est: nec

absolutus est tutus in conscientia, ut ex *S. Congregat. Concil. quæ ad dubium, An absolutus, & dispensatus à proprio Episcopo in materia delicti perpetrati coram duobus, vel tribus testibus, quod tamen non fuit notorium, esset tutus in conscientia?* Respondit, non esse tutum, quia Concilium utitur termino, occulto, quod propriè loquendo est illud, quod probari non potest, ut apud Fagnan. in *1. ad cap. requisivit de Ord. ab Episcopo num. 38.* & verba Concilli debent accipi secundum proprietatem. Quod repetit in *3. ad cap. vestra num. 127. de cohabit. Cleric. & Mulier.*

Præcata sunt, quæ probant esse hujusmodi facultatem in Superioribus Regularibus. Quos moneo, ut videant, quid in specie à Sancta Sede post Concilium Tridentinum acceperint; nam privilegia, quæ contraria sunt Decretis Tridentini, ab eadem revocantur, ut alibi dixi. Sciant, quod suspensio ordinati ab alio Episcopo absque sui Superioris commendatitiis, vel dimissoriis est reservata proprio Ordinario, Trident. *dd. sess. 14. c. 2. & 23. cap. 8.* cum promotis per saltum si non ministraverint *c. 14.* concedit Episcopo, ut cum legitima causa possit dispensare.

Cautè itaque procedant. Et conformentur stylo Romanæ Curiae, in qua, teste Peyrino *ad const. 1. Julii II. num. 36.* praxis, & usus est, ut etiam Regulares ordinati ante tempus sine dimissoriis, & absque dispensatione extra tempora, vel per saltum, absolutionem, & respectivè dispensationem petant à Sacra Pœnitentiaria; stylus autem curiæ facit jus, & operatur, ut contra ipsum gesta non valeant, *c. ex litteris de const. c. quam grave de crim. fal.*

33 Dubitari solet, de quo verificetur, quod Ordines furtivè susceperit.

Resp. De eo, qui contra Canonum instituta (de quo in *cap. quando 24. dist.*) per dolum ad Ordines accesserit. Unde dicitur furtivè ordinatus I. Qui sine dimissoriis ordinatus fuit, vel eas in substantialibus vitavit: ut, si in directis Episcopo Diœcesano, hujus nomine abrafo, apponatur Lucanus. Si cōcessæ pro Ordinibus solum minoribus extendantur ad Sacros. Si concessæ Paulo, nomine mutato, illis uteretur Franciscus. II. Cum quis per fraudem sine examine se ordinari curavit *c. extra conscientiam 64. dist. III.* Cum quis cum aliis intrusus fuit, igma-

ignaro Episcopo, Gonzalez in 5. tit. 30. cap. 3. num. 2. Monacell. cit. form. 1. num. 3. His, & similibus modis dicitur, quis furtivè, & per dolum ordinatus.

34 Promoveri ad S. Ordines non debent Clerici Sæculares, quamvis aliàs idonei, nisi sibi legitime constiterit eos pacificè possidere beneficium Ecclesiasticum, quod sibi ad victum honestè sufficiat: sed, dum necessitas, vel commoditas Ecclesiæ Episcopi iudicio aliud exegerit, potest hic ordinare etiam obtinentes patrimonium, sed prævio examine, quòd verè illi patrimonium possideant; & tale sit, quod eis ad vitam sustentandam sit satis, Trident. sess. 21. cap. 2. de reformat.

35 At quid, si titulus patrimonii hac conditione constitueretur: donec, & quousque provissus fueris de beneficio Ecclesiastico, aut aliunde habueris, unde commode sustineri valeas; quo casu eveniente, patrimonium redeat ad me absque alia declaratione?

Dicitur, quòd, posita etiam purificatione conditionis per acquisitionem beneficii, vel aliorum bonorum ad sensum d. clausulæ, non extinguitur titulus patrimonii antea assignati; sed necesse est, ut ab Episcopo, vel ejus Vicario Generali in locum patrimonii subrogentur beneficium, vel bona per ordinatum acquisita, ut declaravit Sac. Congregat. Concilii 21. Julii 1687. & in Senogallien. 20. Junii 1705. ad 4. Monacell. cit. num. 18.

36 Sed quid etiam de B ordinato cum titulo fiduciario, hoc est, cum pacto, & conventionione occulta ordinationi præmissa de restituendo patrimonio A postquam B ordinatus fuerit?

Dicitur, quòd promissio à B facta A est invalida. Nam sine licentia Episcopi, & non adhibitis cautelis, de quibus ibid. Trid. non potest patrimonium, ad cuius titulum quis ordinatur, distrahere, vel alienare; unde pactum illud habetur pro non adjecto, quia contra jus, Monacell. cit. num. 5. quo loco plures refert Sac. Congregat. resolutiones spectantes ad promovendos, vel promotos ad titulum beneficii, vel patrimonii.

37 Ordinari, & ad Ordines promoveri non debent irregulares, aut censura aliqua Ecclesiastica ligati, c. sapius de temp. Ord. c. cum illorum de sentent. excomm. in 6. Unde cum notitia irregularitatis adeò utilis sit

Clericis, nonnulla hic summarie adnotata dictis subnecto.

S. U N I C U S.

Irregularitas.

I Taque irregularitas aliud non est, quam *impedimentum Canonicum Ordines suscipiendi, aut susceptos exercendi*. Dicitur *Canonicum*, quia est a Canonibus statutum: propterea nulla irregularitas incurritur, nisi in casibus a jure expressis, per text. in cap. Is, qui de sent. excomm. in 6. in iure verò imponitur; cum dicitur: non potest esse: vel, non sit Clericus: ad Clericatum non promoveatur: non ministret: non celebret: sit irregularis.

Impedit irregularitas susceptionem Ordinum licitam, sed non validam; quia irregularis validè ordinatur, dum cætera necessaria non desint.

Sub hac voce *Ordines* comprehenditur etiam prima tonsura. Circa quam controversia est inter Theologos, & Canonistas, an sit ordo: negant illi: affirmant istis: res est sub lite. Quæstio magistraliter, & resolutivè pro Canonistis tractatur a Fagnano in 1. ad cap. cum contingat, de atat. & qualitat. per totum: sed, relicto disputationi articulo, hoc est certum, quòd per primam tonsuram quis a statu Laicali transit ad statum Clericalem, & efficitur Clericus, cap. Duo sunt 12. quæst. 1., & venit Clericorum appellatione, Glos. in Clement. 2. in ver. Clericus de vit., & honest. Cleric. & gaudet omnibus prærogativis, & privilegiis Clericalibus, ut in Pontif. Roman. Clementis VIII. tit. de Clerico faciundo; ubi Episcopus Tonsuratos hisce verbis alloquitur: *Filii charissimi, animadvertere debetis, quòd hodie de foro Ecclesiæ facti estis, & privilegia Clericalia sortiti. Atque ita non debent ea irregulares initiati.*

Ex duplici titulo nascitur, & consideratur irregularitas, 1. ex Defectu: 2. ex Delicto. Irregularitates ex defectu sunt.

1. Ex defectu rationis.

2. Ex huiusmodi defectu sunt irregulares 1. Energumeni, c. maritum 33. Dist. qui, licèt sint sanati, remanent irregulares, nec promovèri possunt, nisi obtineant dispensatio-

tionem à Sede Apostolica, S. C. Conc. 12. Febr. 1689. Caterùm si quiserat promotus, priusquam a Dæmonio obsideretur, potest Episcopus permittere, ut celebret, factò prius experimento liberationis: quod integro anno est probandum, *cap. Communiter d. dist.*

3 II. Amentes ibidem de quibus eodem modo discurretur. Si agitur de eo, qui ante furorem, & dementia Ordines suscepit, potest Episcopus Ordinum exercitium concedere, dum sibi constiterit prius per notabile tempus ad mentem rediisse. Si verò agitur de promovendo, Episcopus nullo modo dispensat, sed recurrendum est ad Sedem Apostolicam, Fagnan. in 1. ad c. Eam te de etat. & qual. num. 47.

4 III. Epileptici, seu laborantes morbo caduco, *cap. Nuper 7. quæst. 3.* Cum quibus, dum morbus supervenerit Ordini, adhibenda est cautela, sicut cum prioribus. Si verò Clericus semel levi epilepsia fuerit affectus, & deinde per plures annos signa amplius dicti morbi non dederit, poterit promoveri. S. Cong. Conc. in Tudertina 19. Julii 1704. Monacell. d. for. 3. tit. 13. p. 2. num. 36.

5 Ad defectum mentis: redducuntur etiam illiterati, c. Illiteratos dist. 36. & neophiti, hoc est, qui ab Idolatria, vel Mahumetismo, aut Judaismo recentèr conversi, in adulta ætate baptizati fuerunt, donec fuerint instructi, & probati, c. Quoniam 61. dist.

II. Ex defectu fame.

6 Defectus famæ, qui irregularem efficit, reperitur. I. In comædis, & histriionibus, aliisque qui in scenaluisse dinoſcuntur, d. cap. Maritum, II. In iis, qui usuras acceperunt in iudicio conviſcuntur, vel simoniam commiserunt, aut mortalia crimina publica pœnitentia deſecerunt, d. cap. Maritum.

III. In iis, qui commiserunt crimina, quæ infamiam inferunt, & de quibus expresse text. in cap. Infames 6. q. 1.

III. Ex defectu lenitatis.

7 Lenitatis, seu mansuetudinis defectus in iis reperitur, qui directè, vel indirectè ad alicujus mortem, vel mutilationem ex

suo officio, sive iustè, sive iniustè, cooperati fuerint, ut sunt. I. Milites, etiam in bello decertantes.

II. Causidici, qui causas criminales agunt.

III. Judex, qui reos damnat capite, vel mutilatione: hoc est, separatione membri habentis officium distinctum in corpore, ut est manus, pes, nasus, oculus &c. Modò effectus sententiæ sequatur, aliàs non est irregularis. Sac. Congr. Conc. in Casenaten. 1615. Monacell. cit. tit. 13. form. 3. num. 35.

IV. Testes iisdem in causis, accusatores, notarii, liſtores, satellites, & carnifex, ad text. in c. Aliquanto 51. dist. cum sua glos. Hi omnes prohibentur promoveri; Ecclesia enim à sanguinis effusione obhorret.

8 Excipitur, si accusator sit in causa propria, & expresse protestetur se nullam intendere mutilationis, aut mortis pœnam, cap. Prælati de homicid. in 6. Protestatio enim operatur, ut dicatur agere civiliter. Qua protestatione præmissa, & non aliàs Clerici possunt esse accusatores.

9 Sequitur. I. Quod irregularis non est Sacerdos, qui, ut impediatur, ne flagitia grassentur, suadet Principi, ut legem ferat, quæ certorum criminum reos aut morte, aut mutilatione castiget, Siquidem ex huiusmodi consilio non est causa mortis, nec ipsam consulit, sed solum bonum Rei publicæ: proxima causa est malitia hominum flagitiosorum.

10 II. Nec est irregularis Confessarius, qui renuit in confessione Judicem absolvere, qui non vult flagitiosos, prout lex jubet, pœna capitis damnare; modò tamen generatim loquatur, præcipiendo Judici, ut puniat secundum legem, neque directè pœnam mortis recenseat.

IV. Ex defectu libertatis.

11 Servi, seu mancipia nunquam ordinari debent, nisi prius à dominis dimissi fuerint, c. de servorum de serv. non ordinand. Nec promoveri debent, qui militiæ adscripti sunt, nisi prius discessionem obtinuerint, cap. Designata, cap. Si quis 51. dist. Ratio est, quia illi homines non sunt juris sui; ac proinde Ecclesiæ obsequio mancipari non possunt.

Item, qui adhuc publicis ratiociniis tenentur.

nentur, prohibentur Ordines suscipere, antequam huiusmodi ratiociniis fecerint satis, *cap. Præterea 51. dist. & tot. tit. de obligat. ad ratiocin.*

V. De defectu significationis, seu Sacramenti.

12 Defectus significationis Sacramenti Matrimonii (quod significat unionem Christi cum Ecclesia, quæ est unica, perpetua, & incorrupta ejus sponsa] in Bigamis reperitur, dividentes in plures suam carnem; sive bigamia sit *realis*, & *vera*, ut est in eo, qui duas successivè uxores duxit; sive *interpretativa*, quæ reperitur in viro, qui cum vidua contraxit, aut quomodocumque ab altero corruptam duxit; aut, cum virgine quidem nupsit, quæ post nuptias cum altero adulterata est; si tamen post adulterium eam cognoverit, non verò, si reliquerit intactam; sive etiam *similitudinaria*, ut est in eo, qui post emissum solemne votum castitatis in approbata Religione, aut susceptum Sacrum aliquem Ordinem, sive validè, vel invalidè nupsit. Bigamia itaque aditum ab Ordinibus præcludit, *d. cap. Maritum, & c. Curandum 34. dist. & tot. tit. de bigamis.*

13 Observandum, bigamiam non contrahi, nisi per matrimonii consummationem. Vnde vir, cujus uxor obiit post matrimonium ratum, sed non consummatum, nulla ratione est bigamus (licet illa priùs alterius uxor fuerit) ab eo enim non fuit cognita, *c. Valentino 34. dist. & c. Dilectum de bigamis*, & declaravit S. C. C. in una *Burgen. 17. Julii 1686. Monacell. cit. num. 33.* De hoc enim non verificatur, quod carnem suam in plures diviserit, & ita significat unitatem Christi cum Ecclesia, per *Glos. ad c. debitum de bigamis in ver. Sacramentum.*

14 Petitur. An sit bigamus, ac proinde irregularis, qui unam conjugem ante Baptismum, & alteram post ipsum habuit?

Resp. Affirmativè, ut expressè textus in *c. Si quis viduam il 1. d. dist.* Neque enim matrimonium in iis, qui etiam ante Baptismum bigami fuerunt, potest representare Christi cum Ecclesia unionem. Ad hoc enim requiritur, ut vir sit tantum unius vir; & uxor tantum unius uxor, ex *D. Thom. in 4. dist. 27. qu. 3. art. 1. quæst. 1. &*

non debet in plures suam carnem dividere.

15 Petitur. Quis cum bigamis dispenset: ut ad Ordines possint ascendere.

Resp. Cabasutius *prax. jur. Canon. lib. 5. c. 19.* dixit, Episcopum dispensare cum bigamo ad minores Ordines, & beneficia simplicia. Sed huiusmodi facultatem in Episcopis non reperiri, significatur ex *Trid. sess. 23. c. 17. de ref. iubente*, functiones minorum Ordinum esse per Clericos calibres exercendas; vel, si eorum non adlit copia, à coniugatis probatæ vitæ, sed qui bigami non sint. Itaque, sicut nequeunt Episcopi dispensare, ut per bigamos, etiam tempore necessitatis, functiones Ordinum Minorum exercentur; ita nec ut illi ad Ordines minores ascendant. Vnde refert Fagnan. in *1. ad c. Super eo de bigamis in fin.* Sixtum V. imposuisse C. Conc. ut significaret Episcopo, qui suo subdito verè bigamo tonsuram Clericalem, & simplex beneficium contulerat, esse suspensum à collatione Ordinum.

16 Nec Regulares cum suis subditis bigamis dispensare possunt, ut videre est in *Const. Regimini Sixti IV. 6. & 7. Bull. tom. 1.* Quare ad Sedem Apostolicam semper est recurrendum.

VI. Ex defectu natalium.

17 Hic defectus in iis reperitur, qui reprobatà à Canonibus conjunctione nascuntur. Quibus prohibitum est Clero adscribi, *cap. Ut filii de filiis Presbyterorum.* Hæc irregularitas tollitur per Religiosam professionem. Quare professus illegitimè natus sit capax Sacrorum Ordinum, sed non Prælaturarum, sive Regularium, sive Sæcularium, *ibid. text.*

Item natus ex soluto, & soluta, qui postmodum legitimè contraxerunt, non est irregularis: filius enim antea natus, per subsequens matrimonium legitimatur, & est habilis ad Ordines, & honores, *c. Tanta cum sua glos. qui filii sint legit. Piafec. prax. part. 1. cap. 2. art. 5. num. 12.* Quod procedit, ut idem observat, si eo tempore, quo genitus fuit, nullum impedimentum reperiatur in genitoribus ad contrahendum matrimonium. Quoniam, si pro tunc impedimentum habuerunt, licet postea dispensetur super impedimento ad effectum

con-

contrahendi, & contrahant, filii adhuc antea nati manent illegitimi, nisi in dispensatione cum illis quoque fuerit expresse dispensatum.

VII. Ex defectu ætatis.

18 De hoc defectu patet ex d. Const. Pii II. supra num. 13. & Trid. d. sess. 23. cap. 12. & 14. in quibus ætas pro Ordinibus Sacris taxatur.

VIII. Ex defectu membrorum.

19 Ea tantum corporis vitia, & membrorum defectus arcent a Clericatu, quæ aut absolute Ordinis functiones impediunt, ut est cæcitas, cap. Si Evangelica 55. dist. aut, quibus efficitur, quod functiones Ecclesiasticæ ritè, & secure exerceri nequeant: ita habens manus tremulas, ut proinde periculum sit, quod calix effundatur, celebrare non potest, argum. ex c. Consultationibus de Cleric. agrot.; & carens pollice Missam non celebrat, cap. Presbyterum d. tit. Potest tamen cætera Sacerdotalia Officia obire, ut ibi textus: quod procedit, si ab aliis ei fuerit digitus necessarius abscissus, si enim sua culpa digitum amisisset, nec aliquod Ordinis exercitium ei permittitur, cap. Qui partem cit. dist. Vel operantur, ut nisi cum scandalo, & horrore possint functiones Ordinum exerceri: ita carens sinistro oculo celebrare prohibetur, ex c. Cum tua de corp. vitiat. quia caput ad Canonem convertere cum dedecore, & deformitate, compellitur; & propter eandem rationem etiam lepra laborans, cap. Tuanos de Cler. agrot. In infirmitate effectus claudus, si tamen non sit adeo deformis, nec egeat baculo ad iter, promoveri potest, c. Si quis in infirmitate d. dist. Quemadmodum ibidem c. Si quis à Medicis, c. Eunuchus, c. Si quis pro agritudine, is, qui, vel a Medicis, vel a Barbaris castratur, promovetur. Clericus autem non fit, qui vel sibi virilia amputavit, vel amputari permisit, c. Si quis abscidit d. dist. etiam si causa continentiae id egerit, aut putaverit se obsequium Deo præstare, c. Significavit de corp. vitiat. Nam non ferro, sed Religione quærenda est castitas, ut ibi notavit Glos. in verb. obsequium. item, qui voluntariè se castrari faciunt,

agent dispensatione, S. Congr. 15 Januarii 1694. Monacell. num. 31.

Errant asserentes, quod castratus, qui vel de jure, vel ex dispensatione ad Ordines promovetur, debeat partem exactam ad collum portare. Quod proinde corrigit Glos. ad d. cap. Eunuchus in verb. Si in persecutione.

20 Petitur. Ad quem spectet facultas dispensandi in Irregularitatibus, quæ proveniunt ex membrorum defectu?

Resp. Ad Summum Pontificem. Nam hæc est recepta consuetudo, & de praxi constat, d. tit. de corp. vitiat.

21 De irregularitatibus, quæ oriuntur ex delicto.

Ex isto capite irregulares sunt.

I. Hæretici, Schismatici, & Apostatæ à fide, cap. Presbyteros 50. dist. cap. Qui in aliquo 51. dist., & cap. Statutum de heret. in 6.

II. Ab Hæreticis baptizati, vel aliàs rebaptizati, cap. Afros. 98. dist. cap. Qui in qualibet 1. q. 7. Excipiuntur parvuli, ex c. Placuit 1. quæst. 4. Modò ab Hæreticis baptizentur, non sua voluntate, sed parentum perfidia, & ipsi ex post facto suo tempore non consentiant.

III. Qui rebaptizanti ministrat, cap. ex litterarum de Apostatis; & ex consuetudine Ecclesiæ, qui voluntarie rebaptizat; nisi sub conditione id agat, & cum eo, de cujus baptismo, facta inquisitione, non constat.

IV. Clerici solemniter, hoc est, cum vestibus tali Ordini deputatis ministrantes in pertinentibus ad Ordinem Sacrum, quem non habent, cap. Si quis de Cleric. non ordinat.

V. Clerici, qui ligati censuris actum aliquem Ordini alicui Sacro deputatum exercent. Dicitur actus Ordini deputatus, cuius faciendi potestas datur in collatione illius Ordinis, & non potest exerceri nisi ab habente illum Ordinem, Piafec. citat. par. 2. cap. 4. art. 1. 2. num. 9.

22 VI. Nota, quod suspensus ab exercitio alicuius certi Ordinis superioris non intelligitur suspensus ab exercitio Ordinis inferioris. Ita suspensus ab Ordine Sacerdotali potest exercere officium Diaconatus sine irregularitate. Imò suspensus ab una functione unius Ordinis non censetur suspensus ab alia actione ejusdem Ordinis. Ita suspens-

penfus à celebratione Missæ, post confessiones audire, *cit. Piafec. n. 5.*

23 VII. Suspendus verò ab Ordine inferiori, suspendus est etiam quoad omnes Ordines superiores; quia si quod minus est interdicitur, ergo & quod est majus. In quo licet non deliquerit, fecit tamen se indignum delinquendo in minori, Fagnan. *in 1. ad c. Vel non de temp. Ord. n. 16.*

24 Observat Piafec. *cit. n. 8.* quòd nullus, præterquam suspendus à Divinis, sive absolute, sive quoad certum locum, vel actum, incurrit irregularitatem contraveniendo suspensioni, licet peccet. Atque ita suspendus ab jurisdictione, vel beneficio, licet contraveniat, & possit puniri, non incurrit tamen irregularitatem.

25 Sed suspendus à Divinis irregularitatem non incurrit, nisi exerceat aliquem actum Ordini alicui Sacro deputatum. Nam soli actus d. Ordinis intelliguntur nomine Divinorum quoad irregularitatem. Sicut nomine Officii veniunt functiones Ordinis, & jurisdictionis. Unde suspendus ab Officio debet abstinere tam ab actibus Ordinis, quam jurisdictionis, *ibid.*

26 VII. Qui furtivè Ordinem suscepit juxta dicta superius, *cap. Veniens de eo, qui furtivè Ord. suscepit.*

27 VIII. Qui homicidium voluntarium committunt, *Trid. sess. 14. c. 7. de refor.*

28 IX Voluntary ad sui, vel aliorum membri mutilationem concurrens, *d. cap. Qui partem.*

X. Procurans abortum fœtus animati, *c. Sicut. ex litterarum de homicid.*

29 Petitur. An à Clericatu excludantur, qui, etiam cum moderamine inculpatae tutelæ, (quod dicit non facere plus, quam oportet secundum rectam rationem ad propulsandam injuriam) injustum vitæ invasorem occidunt, vel mutilant?

Resp. Eum non esse irregularem: habetur expressè in *Clement. si furiosus de homicid.* ibi: *si furiosus, aut infans, seu dormiens hominem mutilet, vel occidat, nullam ex hoc irregularitatem incurrit: & idem de illo censemus, qui mortem aliter vitare non valens, suum occidit, vel mutilat invasorem.*

30 Sed Trident. *sess. 14. cap. 7. de reform.* in hoc etiam casu dispensationem quodam modo deberi dixit; nec Ordines esse suscipiendos, nisi prius de ipsa re Ordinarius

cognoscat. Hujusmodi irregularitas est facile dispensabilis, quemadmodum illa, quæ incurritur ex occisione, vel mutilatione ad tutelam parentum, vel filiorum, uxoris vel mariti, ex sententia Sac. Congregat. Concilii apud Fagnan. *in 5. ad cap. Petitio de homicid. num. 15.* Et ita concordantur d. Clementina, & Tridentinum; ut illa velit ad defensionem sui cum dicta moderatione non contrahi irregularitatem, quæ difficulter dispensetur, Concilium verò statuatur eam incurri, quæ facilis sit dispensationis.

31 Petitur etiam, an pugnans in bello, si aliquem occidat, vel mutilet, sit irregularis?

Responsioni præmittendum est, bellum aliud esse justum: aliud injustum: aliud defensivum, & aliud offensivum, vel aggressivum: & aliud sacrum. *Justum* est, quod à legitima potestate, & iusto titulo, necessitate quadam, ut ad tuendam propriam personam, patriam, & ditionem, suscipitur. *Injustum* verò, quod nulla iusta causa geritur. *Defensivum* dicitur, quo quis se, patriam, & bona ab impetente tuetur, vim vi repellens. *Offensivum* verò, seu *Aggressivum*, quo alius impetitur, & fit pro recuperatione amissi, vel juris debiti. *Sacrum* verò est, quod sit auctoritate Pontificis contra infideles ad dilatandum nomen fidei.

Quibus visis. Ad dubium respondetur affirmativè, cujusvis generis sit bellum. Nam semper verificatur, quòd sanguis humanus profundatur. Propter quod quis arceatur à ministerio Altaris.

32 De pugna in bello defensivo patet, ex *c. Petitio de homicidio*, in quo Pontifex cuidam Sacerdoti (qui ad defensionem castris ab infidelibus obsessi pugnavit, & inde metuebatur irregularitatem, dubitans aliquem ex se percussis interiisse) rescriptis, *ut à ministerio Altaris abstineret, cum sit consultus in hujusmodi dubio abstinere, quam temerè celebrare.*

23 Hinc habetur, irregularitatem non vitari à mutilante, vel occidente, etiam pro defensione patriæ, vel zelò fidei. Nec obstat, quòd tunc non peccet; quia irregularitas incurritur etiam sine culpa ex facto meritorio, ut notavit Fagnan. *in 5. ad d. cap. Petitio num. 6.* ut patet in Judice, qui secundum leges iustitiam administrat; & est irregularis, licet tantum bonum intendat, si aliquem ad mortem etiam iustè damnet,

& mors

& mors sequitur. Unde refert Fagan. *cit. n. 5.* fuisse à Papa commissum Nuncio Portugallia, ut dispensaret cum Ecclesiasticis, qui in casu inevitabilis necessitatis infideles, vel hæreticos, defendendo patriam occiderunt, vel mutilarunt. Et Petra *Comment. ad const. Apost. tom. 2. constitut. unic. Gregorii VIII. sect. 1. num. 17.* adducit responsum Sac. Congregat. Conc. quæ in Zagabrien. 17. Novembr. 1683. respondit, *Canonium Zagabrien. à quo in defensione patriæ, & fides occisus fuit vexillifer Turca, incurriffe irregularitatem, & opus dispensatione cum eo fuisse.*

34 Difficultas esse potest de militibus S. Joannis Hierosolymitani (vulgò Cavalieri di Malta) aliisque approbatis à S. Sede Apostolica ad pugnandum contra Infideles. Sed hos etiam incurrere irregularitatem, si pugnando contra infideles aliquem mutilent, vel occidant, dicimus; quia semper habetur defectus perfectæ lenitatis. Quòd autem Sedes Apostolica d. Ordinem approbaverit ad effectum pugnandi contra Infideles, solum facit, quòd non peccent pugnando, non verò quòd actus continens in se effusionem sanguinis non includat impedimentum ad ministrandum in Altari, in quo Christus vult ministros, qui sanguinem humanum non effundant, sed Deo Sacrificium incruentum offerant. Et itaque dd. militibus licita effusio sanguinis infidelium, sed hoc non facit, quin deturpet lenitatem, Idèò in eis est necessaria vel præventiva, vel subsequens dispensatio Apostolica, ut ubi suprà *in fin. alleg.* Petra concludit.

35 Sed petitur. An assistentes, & hortantes milites ad strenuè pugnandum, irregularitatem incurrant, dum aliqui per milites occiduntur, vel mutilantur?

Resp. Negativè, *cap. Igitur, cap. Hortatur 22. quest. ult.* etiam in bello aggressivo, modò sit justum, & consulant, ac hortentur absque specifica sanguinis intentione unius particularis personæ, quæ occidenda, vel mutilanda designetur. Talis enim adhortatio cum intentione, vel ad unum determinatè occidendum, vel mutilandum, inducit irregularitatem, quia directè, & per se intenditur sanguinis effusio: quod non operatur confusa adhortatio ad strenuè pugnandum; cum perindè sit, atque hortari ad strenuè incumbendum in

adeptione victoriæ, & hoste repellendo: vel ut defendatur patria, & fides, ut allegatis Suarez, & Lorca, scripsit Gonzalez *in 5. tit. 12. cap. 24. num. 4.*

36 Si verò bellum fuerit injustum, irregularitas incurritur, modò per alios quis occidatur, vel mutiletur, quia datur opera rei per se illicitæ. Cæterum absque irregularitatis timore possunt Clerici exercitum comitari, & in bello militibus assistere ad ministranda Sacramenta, pro pace tractanda, & aliis non habentibus respectum ad pugnam, prout ibid. Gonzalez & Petra *num. 19.*

37 Sed quid de Clerico, qui albis militibus ascriptus, & armatus in bello servit, stipendia recepit, & in expeditionibus militibus se associavit: licet sit moraliter certus se neminem mutilasse, læsisse, aut occidisse? Eget dispensatione ab irregularitate, S. Congregat. Concilii in Ispre. 13. Januarii 1703. Et ipso jure amittit beneficium, etiam si sit jurispatronatus, eadem Sac. Congr. in *Firmana* 13. Januarii, 1618. *Monac. cit. num. 37.*

38 Petitur. An ex homicidio non volito in se, & casuali, incurratur irregularitas?

Resp. Affirmativè: cum quis prævidens, vel potens prævidere homicidium, non adhibet diligentiam, quam debet, & moraliter potest. Ita Sac. Congregat. Concilii habuit pro irregulari Clericum, qui ascendit campanile, & dum manibus apprehenso malleo Campanam crebrò pulsaret in honorem festivitatis, aspiciens Campanam dimoveri, funem fursum trahebat: in quo tractu persensit funem gravi pondere onustam; sed, hoc non obstante, trahere non cessavit, & chordam alligavit trahi, ne pulsando à Campana lædi posset: at descendens postea de campanili reperit puerum annorum circiter septem moribundum subtus chordam Campanæ, qui se funi appenderat, & sublevatus usque ad fornicem cecidit, & paulò post expiravit: & dum chordam onustam trahebat, advertere poterat, & debeat aliquem esse illis appensum, & inde posse illa aliquod nocumentum contingere: *consuit tamen cum eo misericorditer dispensandum ad Ordines, & beneficia.* Fagnan. *in 5. ad cap. Ad audientiam de homicid. num. 44.*

39 Non est irregularis, qui armatus accedit ad domum consanguineæ, ut compell-

pellat eum, qui cum ea commisceatur, si fornicarius è fenestra se projiciens moriatur, eadem Sac. Congregat. in Pampilonen. 29. *Septembr.* 1600. Nec accedens ad domum mulieris conjugata causa fornicandi, si mulier à superveniente marito occidatur, eadem Sac. Congregat. in Ponentina 18. *Martii* 1684. Ratio est, quia ad incurrendam irregularitatem ex homicidio non voluntario, non sufficit dare operam rei illicitæ; sed necesse est, quod actus illicitus sit aptus sua propria natura ad homicidium. Unde sequitur, quod, qui mandatum dedit ad stregiandum, si mandatarius excedat vires mandati, & occidat, quamvis ipse prohibuerit occidere, non sit irregularis ex homicidio voluntario, adeo ut sit indispensabilis, sed quia solum est voluntarium in causa, & non in se, ac directe, ut eadem Sacra Congregat. Concil. 7. *Septembr.* 1604. Monacell. cit. num. 34. & Fagnan. d. loc. n. 55. 57. ille enim debebat præcavere, & cogitare occisionem potuisse ex eo facto evenire.

40. *Quæritur.* An sit irregularis Clericus exercens artem chirurgiæ?

Resp. Affirmative. Hæc enim Clericis prohibetur cap. *Sententiam ne Cleric. vel Monac.* & cap. *Tua nos de homicid.*

Laicus etiam, quicquam artem exercuit, si vult promoveri, ex stylo Romanæ Curia dispensationem petit, quia censetur irregularis, ut testatur Corrad. *prax. libr. 1. c. 3. n. 1. & 2.*

41. Ad incurrendam irregularitatem ex delicto requiritur actus externus, consummatus, cap. *Si quis iratus* 15. qu. 1. Quæ inducitur etiam ex delicto occulto, ut constat ex d. c. 6. *sess. 24.* super qua etiam Superioris dispensatio requiritur.

42. *Petitur.* Quis dispense in Irregularitate proveniente ex delicto?

Resp. Trident. d. cap. Episcopis tribuit facultatem dispensandi in irregularitatibus omnibus, & suspensionibus, ex delicto occulto provenientibus: excepta, quæ oritur ex homicidio voluntario, & aliis deductis ad forum contentiosum, etiam Sedi Apostolica reservatis, per se ipsos, aut Vicarium, ad id specialiter deputandum, & in foro conscientia.

43. Sed hic notandum est tantum. Quod I. Et sententia Sac. Congr. Conc. Episcopi illarum regionum, in quibus Concilium

adhuc receptum non est, non possunt uti facultate in eo Decreto concessa. Nec Prælati Regularium, atque alii Abbates jurisdictionem habentes quasi Episcopalem, & Sedi Apostolicæ immediate subiecti, sed tantum Episcopi. Item facultate tributa Episcopis à Conc. non possunt uti Cardinales in suis titulis; quia licet habeant jurisdictionem quasi Episcopalem, ibi tamen verè, & propriè Episcopi non sunt. Ex resolutione d. S. C. approbante Pontifice, apud Fagn. in 1. ad c. *Dilectus de temp. Ord. n. 25. 26. & 27.*

II. Ex ejusdem Sac. Congregat. sententia Episcopi non possunt absolvere in casibus occultis post Concil. ex nova lege Sedi Apostolicæ reservatis, ibidem n. 30.

44. Nec ab irregularitate, quæ per hæresim inducitur, quia ut ibid. Fagnan. num. 31, & nos diximus alibi, non possunt Episcopi ab hæresi etiam occulta absolvere, quia Bulla Cœnæ derogavit d. Decreto Concilii.

45. Possunt tamen dispensare super irregularitate proveniente ex mutilatione in casu occulto, ex ejusdem Sac. Congregat. sententia ibidem numer. 28. homicidium enim voluntarium, & mutilatio æquiparantur solum, quantum ad incurrendam irregularitatem; non quoad facultatem dispensandi.

46. Differt irregularitas à suspensione, quia hæc inducit inhabilitatem ad executionem Ordinum, illa verò inhabilitat etiam ad Ordines suscipiendos. Vel irregularitas afficit tam Clericos, quam Laicos, suspensio verò solis Ecclesiasticis imponitur. Aliud discrimen videas lib. 1. *caut. Confess. c. 33. n. 13.*

C A P V T XXXVI.

Officialis quoad Parochos.

S U M M A R I U M.

1. *Quis veniat appellatione Parochi?*
2. *Necessaria, ut Ecclesia dicatur Parochialis.*
3. *Episcopi possunt instituere novas Parochias, & erigere fontem Baptismalem in Parochialis, in qua non reperitur.*
4. *Providendus de Parochia debet incipisse annum 25.*

- 5 *Agitur de scientia in Parocho necessaria.*
- 6 *Parochia conferuntur previo examine per concursum.*
- 7 *Parochia, quas Regulares administrant, per examen, sed non per concursum, conferuntur.*
- 8 *A quo tempore incipiant currere decem dies dati Episcopo, & in quibus debet examen per concursum fieri.*
- 9 *Parochi tenentur personaliter residere in Parochia. Non residentium poena &c.*
- 10 *Causa excusantes à residentia, usque ad num. II.*
- 12 *Necessaria ad jus Parochia acquirendum?*
- 13 *Cautela adhibenda à Parochis in assistentia matrimonii vagorum.*
- 14 *Successor in Parochia solvit pensiones à predecessore non solutas.*
- 15 *In resignatione pensionis potest committi simonia.*
- 16 *Regulares Curati sunt amovibiles.*
- 17 *Differunt functiones Parochiales ab juribus merè Parochialibus.*
- 18 *Regulares possunt admittere Mulieres ad purificationem post partum.*
- 19 *Responsa S. R. C. super functionibus Parochialibus.*
- 20 *Parochi non possunt alienare bona Ecclesia: & ibi alia nonnulla.*

Parochi appellatione venit Clericus, qui Parochia præest. Parochia verò dicitur, quasi *partitio Curia*. Ideò Parochus nominatur, qui habet perfectam curam animarum totius populi intra certos limites congregati, cui Sacramenta administrare tenetur. Propterea dicitur populum regere, per *c. Presbyteri de capel. Monach. in 6. & Glos. in c. Licet Canon. de elect. ibid.* ac rector Ecclesiæ Parochialis, seu plebanus (quamvis Plebanus propriè sit, qui Plebaniam habet, hoc est, Ecclesiam sub se plures Ecclesias, vel Capellas habentem, text. in *cap. Statutum juncta Glos. ne Cleric. vel Monach. in 6.*) Diciturque habere beneficium curatum propriè; ut omne tale dicitur illud, in quo exercetur cura animarum in foro interno animæ, seu sacramentali, ligando, & solvendo in foro pœnitentia; nam cura propriè dicit Sacramentorum administrationem, & jurisdictionem in foro pœ-

nitentia; ut notavit Engel. *Colleg. jur. can. lib. 3. tit. 29. §. 1. num. 9.* Fagnan. in 1. ad *cap. cum in cunctis*, §. *inferiora de elect. num. 9.* & non solam jurisdictionem pro foro externo, & contentioso, ut est excommunicare, absolvere, corrigere &c.

Item, debet Parochus esse stabilis ad vitam, & non amovibilis, aut locatarius, quia inter ipsum, & Ecclesiam celebratur matrimonium spirituale: nam ei sua Ecclesia desponsatur; unde *c. Præcipimus 21. q. 2.* legitur: *Præcipitur, nec conductitiis Presbyteris Ecclesia committantur, & unaqueque Ecclesia, cui facultas suppetit, proprium habeat Sacerdotem.* Istaque est mens Trid. *sess. 21. c. 6. de refor.* quo prohibet removeri Parochos ob eorum imperitiam, si aliquid honestè vivant: præcipiens, ut eis coadjutores, vel Vicarii deputentur, ac ut turpiter, & scandalosè viventes moneantur; & dum se non corrigunt, coerceantur, & castigentur: & si adhuc incorrigibiles fuerint, eos Episcopi beneficii juxta Sacrorum Canonum Constitutiones privent. Verum curati in Ecclesiis Regularium ex *sess. 25. c. 11. de Regul.* sunt amovibiles.

2 Ecclesiæ Regularium non curatæ non sunt Parochiales: licet in eis ex privilegio, ut in Clement. *Dudum de sepult.* audiantur per Regulares confessiones accedentium, ac ministraretur Eucharistia; quia non possunt in eis per eos matrimonia solemnizari, nec Viaticum, & Extrema unctio infirmis ministrari sine Parochi licentia, per disposita in Clement. *Religiosi de privil.* nec fideles in eis præcepto annuæ Communionis in Paschate satisfaciunt. Omnia enim hæc sunt de pertinentibus ad jura strictè Parochialia, & censentur reservata Parochis in signum superioritatis, & jurisdictionis ipsorum in proprias oves: quas saltem semel in anno, & mortis tempore cognoscere debent. Et hinc patet, hujusmodi Ecclesias ideò Parochiales non esse, quia nec habent certos fines, nec populum distinctum, qui certis temporibus teneatur de necessitate ad ipsarum Sacerdotes recurrere pro quorundam Sacramentorum administratione. Vide Trid. *sess. 24. cap. 23. de ref.*

3 Ubi ob locorum distantiam, vel difficultates itineris non possent Parochiani fine magno incommodo accedere ad Parochiam

chiam ad percipienda Sacramenta, & Divina Officia audienda, possunt Episcopi constituere novas Parochias, etiam invito, sed tamen citato Rectore Ecclesiæ principalis ad videndum, an habeat iustam causam contradicendi, ut Trid. *sess. 21. cap. 4. de reform.*

Possent etiam alterum remedium adhibere, compellendo nimirum Rectorem majoris Ecclesiæ, ut novam Capellam fundaret in partis remotioribus, eamque dotare ex redditibus, qui ex Parochia haberentur, pro sustentatione unius Capellani ad nutum amovibilis, & ab Ordinario approbandi, qui populo in illis partibus Sacramenta ministraret, & Divina celebraret; prout fuit aliàs resolutum S. C. Conc. apud Fagnan. in 3. *ad c. Ad audientiam* il. *de Eccles. edific. à num. 20. & 21.*

Hinc habetur, quod in illis Diocesisibus, in quibus Plebanie habent sub se alias Parochiales, & in eis Sacramentum Baptismi non administratur, sed pro eo pueri illarum ad Plebem sunt deferendi, sed non sine gravi incommodo, difficultate, ac periculo, quod pueri decedant sine baptismo, vel propter nimiam distantiam, vel quia torrens, vel flumen inter Plebem, & aliam Ecclesiam interponitur, quæ nec pontem habent, nec vado transiri possunt, præsertim hyemali tempore, cum pluvie abundant; vel quia adversis temporibus non est ita facilis accessus: possunt item Episcopi Fontem Baptismalem, etiam in aliis Parochialibus constituere: nam ibid. Trid. *d. c. 4.* loquitur alternativè, *In omnibus Ecclesiis Parochialibus, vel Baptismalibus.*

Nec obstat opponere, quod nullus unquam obierit sine baptismo. Nam ad validitatem erectionis Fontis satis est, ut imminet periculum, ut sic decedant. Neque huiusmodi eventus est expectandus, sed potius præveniendus nec contingat, ut notavit ibid. Fagnan. *num. 17.*

4 Quæritur. In quo ætatis anno debeat esse, qui Parochialem Ecclesiam debet obtinere?

Respond. Debet explevisse annum vigesimum quartum, & incæpisse vigesimum quintum, juxta text. in *c. Cum in cunctis*, *cap. Licet Canon.* & Trid. *sess. 24. c. 22. de refor.* ibi: *Nemo igitur deinceps ad dignitates quasque, quibus animarum cura subest, promovetur, nisi qui saltem 25. suæ ætatis Official. Cur. Eccl.*

tis annum attigerit. Nam Ecclesia ei confertur, ut Missam, & alia Divina Officia celebret, ac Populum sibi commissum regat, & Sacramenta ei ministret. Ideo intra annum Sacerdotium debet suscipere; aliàs elapso anno, nulla etiam monitione præmissa, ut promoveatur, ipso jure est Beneficio Parochiali privatus, ut expressè *d. c. Licet Canon. §. Is etiam*: onus verò incipit, & currit, ex quo habuit possessionem pacificam, vel per eum stetit, quominus eam haberet, *c. Commissa de elect. in 6.* Nec currit justè impedito, ibid. ut quia toto anno ægrotavit, vel absens erat Episcopus, & commendatitias habere non potuit, vel Episcopus eum ordinare noluit, ut ibi Glos. in *ver. justo impedimento.*

5 Quæritur, quæ scientia requiratur in Parocho?

Præmittendum, scientiam esse in triplici differentia, eminentem, mediocrem, & sufficientem. Eminentem habet, qui subtiles, & difficiles quæstiones discernere novit, & promptè sine librorum revolutione respondet. Mediocrem, qui cum revolutione librorum veritatem scit invenire. Sufficientem verò, qui per se sufficit ad ea explicanda, quæ sunt sui officii.

Quare in assumendo ad Parochiam ad minus scientia sufficiens est necessaria, cum Parochi officium sit. I. Saltem diebus Dominicis, & Festis solemnibus intra Missarum solemnias explicare plebi sibi commissæ Divina eloquia, docendo necessaria ad salutem, & quæ sequenda, quæque fugienda sunt ad obtinendam vitam æternam, ut præcipit Trid. *sess. 5. c. 2. de refor.* Quod si legitime impediatur, per alios idoneos id præstare tenetur, ibid.

II. Iisdem saltem diebus pueros Fidei rudimenta, & obedientiam erga Deum, & Parentes docere, Trident. *sess. 24. cap. 4. de refor.*

III. Vim, & virtutem Sacramentorum administrandorum explicare, & exponere, ac Populum in Lege Domini erudire, *ibidem cap. 7.*

Et ubi Parochus culpabilis erit, ac post Episcopi monitionem, trium mensium spatio suo muneri defuerit, potest ab Episcopo censuris Ecclesiasticis compelli; nec potest privilegio exemptionis se defendere, prout expressè *d. sess. 5.* Quinimò, ubi insufficiens erit, poterit Episcopus ex fructibus

bus ipsius Ecclesiæ assignare partem congruam alteri, qui loco ipsius eas partes impleat, donec ipse Parochus per se ipsum eas præstet.

6 Quoniam verò prædicta scientiam, & doctrinam præsupponunt: Trident. *sess. 24. c. 18. de reform.* decrevit, quòd occurrente vacatione Ecclesiæ Parochialis, Episcopus deputet in ea Vicarium cum congrua assignatione portionis fructuum, qui eam administret, donec ei de Rectore provideatur, servata tamen forma examinis per concursum, *d. cap. præfixam*, coram tribus ut minimum examinatoribus, in Synodo deputatis, & ad præscriptum Constituit. *In conferendis B. Pii V. 33. in Bull. tom. 2.* Ex qua plura habentur.

I. Quòd Episcopi debent intra sex menses à die vacationis, si Ecclesia non vacaverit in mensibus Sedis Apostolicæ, eisdem, peracto examine per concursum, juxta formam Trident. *citat. cap. 18.* providere: aliàs provisio spectat ad Sedem Apostolicam.

II. Ut Ordinarii non possint prorogare tempus decem dierum propositum pro peragendo concursu ultra alios decem dies.

III. Quòd nulla est provisio, & collatio Ecclesiæ Parochialis, non servata forma examinis per concursum, statuta *d. c. 18.*

IV. Quòd magis idoneo reperto debet Parochia conferri.

V. Quòd habiliores relictì possunt à mala provisione Episcopi appellare ad Metropolitanum: aut si eligens fuerit Metropolitanus, vel exemptus, ad viciniorum Ordinarium, ut S. Sedis Delegatum, vel ad ipsam S. Sedem, & præelectum coram appellationis Iudice, ejusque examinatoribus provocare.

VI. Quòd constituto de prioris eligentis irrationabili iudicio, revocetur: & Parochialis magis idoneo per Iudicem appellationis (modò collatio spectet ad Episcopum, à quo fuit appellatus) conferatur.

VII. Quòd appellatio interposita interrim non suspendit electionem factam ab Ordinario, nec provifus, appellatione pendente, debet ab ipsa Ecclesia amoveri.

Super quibus duo ponderanda occurrunt. Primò, quòd quamvis præelectio de digno posthabito digniori non sit ipso jure nulla, potest tamen retractari, & infringi in

judicio appellationis, constituto de irrationabili eligentis iudicio: quòd ex jure veteri, & Conc. Trident. fieri non poterat, ut notavit Fagnam. in *1. ad cap. Eam de etat. & qualitat. num. 28.*

Secundò. Quòd dignior censetur, qui Ecclesiæ magis utilis judicatur. Trident. *ibid. cap. 1.*

Tertiò. Quòd novum examen inter provocantem, & præelectum, debet esse non tantum quoad scientiam, sed etiam quoad mores, prudentiam, & alias qualitates, quarum meminit Conc. *d. cap. 18. ver. peracto.* Aliàs certè, si fieret examen tantummodò quoad scientiam, constare non posset, ut eorum esset magis idoneus: quia rejectus posset esse doctior, sed imprudens, aut criminofus: & consequenter per hujusmodi examen non posset retractari iudicium Episcopi. Ideò in novo examine qualitates omnes concurrentium sunt ad invicem conferendæ, & ex collatione formandum est iudicium, an electio Episcopi debeat retractari, aut confirmari.

7 In Parochialibus tamen Regularibus conferri solitis, non requiritur examen per concursum, sed sufficit solum examen, prout apud Piafec. *prax. par. 2. cap. 5. art. 3. num. 10.* aliàs declaravit S. C. Concil. his verbis: *Hoc decretum non habet locum in beneficiis Regularibus, quæ Regularibus conferri consueverunt: & statuitur sess. 25. c. 11. de Regul.*

8 Item dubitatur, an decem illi dies, de quibus Conc. & Pius, currere incipiant à die habite notitiæ vacationis Ecclesiæ adeò ut Episcopus post talem notitiam teneatur edicta proponere infra decem dies pro concursu peragendo?

Responsio est negativa; quare illi dies non currunt à die notitiæ, sed est liberum Episcopo quancumque decem dies præfigere volentibus concurrere; modò serventur duo. Primum, ut infra semestre, vel quadrimestre à die vacationis præfigantur. Nam alleg. Conf. B. Pii concedit Episcopo, si Parochialis vacaverit in suo mense, sex menses; si verò vacaverit in mense Sedis Apostolicæ, quatuor, ad providendum Ecclesiæ, peracto examine per concursum.

Secundum, ut in edictis, vel Clericorum vocatione præfigat terminum decem dierum ad sua nomina deferenda, vel describenda: & postea hunc terminum non

non proroget ultra alios decem dies.

Quinimò, si concursus habeatur, priusquam præfixus terminis expiret, validus est prout censuit S. Congreg. Conc. in una Montis Realis in qua, cum Episcopus publicasset concursum, & statuisset terminum decem dierum concurrentibus, intra quem terminum habitus fuit concursus; quæsitumque esset, an propterea sit nullus concursus intra dictum terminum habitus: Die 2. Augusti 1607. S. Congr. censuit, *examen factum intra terminum dictorum decem dierum non esse nullum, si nemo post examen comparuit, qui se lasum propterea prætendat apud Fagnan. in 1. ad c. Cum sit, de etat. & qualis. n. 48.*

9 Quæritur. An Parochi teneantur personaliter residere in sua Parochia?

Respond. Affirmativè. Nam omnes, quibus animarum cura commissa est, *tenentur oves suas agnoscere, pro his sacrificium offerre, verbiq; divini predicatione, Sacramentorum administratione, ac bonorum operum exemplo pascere, ut dixit Trident. sess. 23. cap. 1. de reform.* Quæ personalem præsentiam concludunt in propria Parochia, in qua reputatur electa industria, & fides personæ ad regendum; propterea alteri non potest cura delegari, per regulam in c. fin. §. Is enim de offic. deleg.

Ubi verò non resident, non faciunt fructus suos, ad ratam temporis absentia, nec eos tuta conscientia retinere possunt, sed tenentur absque ulla alia declaratione applicare fabricæ Ecclesiæ, vel erogare pauperibus Parochiæ, *ibid. ver. eadem.*

Super quorum fructum restitutione non potest Parochus seu componere cum fabrica Ecclesiæ, nec cum pauperibus. Neque valet Ordinarius illum admittere ad compositionem, vel transactionem; sed integri pro tempore absentia sunt restituendi.

Sed, ut advertunt Garzias, Possevinus, Barbosa & Bonac. apud Ventrigl. *prax for. Eccles. annot. 20. §. 1. nu. 9.* posset Parochus in restituendo fructus retinere illam partem, quæ correspondet recitationi Divini Officii. Nam Parochus recipit fructus Beneficii pro residentia, & oneribus residentia annexis, ac pro Divini Officii recitatione. Ergo æquum est, ut in restitutione habeatur ratio residentia, & divini Officii.

Quòd Parochus absens ratione Divini Officii (si illud recitet) partem fructuum

suam faciat, videtur supponi *ibid.* à Trident. concedente, ut contra absentes Parochos possunt procedere ad privationem Beneficii si prius adversus eos processerint per censuras, vel subtractionem fructuum. Quod certè intelligitur de fructibus, quos suos faciunt: suos autem non faciunt illos, qui sibi debentur ratione residentia; sed debitos ratione officii, de qua re dixi etiam *lib. 1. Cant. confels. c. 14. n. 12.*

Adversus non residentes non proceditur ad privationem Beneficii, vel sequestrationem, aut subtractionem fructuum, nisi prius citentur: & si contingat citari per edictum, debent præcedere tres citationes successivè factæ; nec sufficit una peremptoria aliàs sententia privationis est nulla. Est post ultimum edictum debent per tres menses expectari per c. *Ex tua de Cler. non residen.* & Decretum S. Congr. Conc. apud cit. Ventrigl. *nu. 16.*

A sententia autem privationis Parochiæ ob non residentiam non datur appellatio quoad effectum suspensivum, *cap. Relatum c. conquerente cit. tit.* Nec à Trid. videtur sublata appellatio devolutiva; quia, quando tollit appellationem, intelligitur tantum de suspensiva, ex Sac. Congr. apud Quaranta *ver. Archiepiscopi auctoritas, ver. Quinto quero.*

Nec sufficit Parochum ubilibet residere inter limites Parochiæ, sed necesse est, ut habitet in ædibus Ecclesiæ Parochialis, prout fuit aliàs à Sac. Congr. resolutum; quæ petente Præposito Piscien. declarari: *An possit compellere Parochos ad habitandum ædes conjunctas Ecclesiæ Parochialis* censuit, *posse compellere.* Et iterum, orta dubitatione: *An Rector Ecclesiæ Parochialis habens domos Parochiales satisfaciatur residentia; habitando in domibus propriis ipsius Rectoris intra tamen Parochiæ limites constitutis, itant aliàs non faciat fructus suos, sed teneatur ad restitutionem perceptorum?* Respondit, *teneri habitare in ædibus Parochialis Ecclesiæ, non tamen amittere fructus, si intra Parochiæ fines residet; nisi ab Episcopo fuerit jussus in ædibus Parochialibus residere.* Quo casu, *si id non præstet, multari potest ab Episcopo, 6. Aprilis 1606. apud Fagnan. in 3. ad c. Extirpanda §. Qui verò de præb. num. 13. & 16.*

Hæc autem præcisa obligatio residentia est adeò stricta, ut non possit, nisi causa co,

gnita, & approbata ab Episcopo, suppleri per substitutum, neque interrumpi per frequentem absentiam quantumvis modici temporis, aut modicæ distantiae, sive itineris intercapedinem, ut declaravit S. Congr. Conc. in una Fulginaten. 10. Maii 1681. in qua, propositis ad instantiam Episcopi sequentibus dubiis Nempè.

I. An Rectores Parochialium distantium per duo, tria, aut quatuor miliaria circiter à Civitate, possint sine Episcopi licentia in suis Ecclesiis Parochialibus, relicto ibidem substituto ab eis deputato, & in Civitate tam diurno, quam nocturno tempore jugiter commorari, exceptis solis diebus festis, in quibus ad dictas Ecclesias se conferunt recurrentes illico ad Civitatem?

II. An Parochi, qui nocturno, cæteroquin tempore resident apud suas Ecclesias, possint, celebrata summo mane in suis Ecclesiis Missa, se conferre ad Civitatem, & in ea diurno tempore totius, vel minoris partis anni commorari, licet apud dictas Ecclesias adsint eorum substituti?

III. An dicti Parochi, qui cæteroquin diurno tempore resident apud suas Ecclesias, possint nocturno tempore tota, vel majori parte anni commorari in Civitate, licet in dd. Ecclesiis adsint eorum substituti?

Sacr. Congregat. ad omnia respondit negativè, lib. 37. Decret. pag. 301. apud Monacell. form. par. 2. form. 2. titul. 16. numer. 2.

10. Causæ autem excusantes à continuitate residendi sunt, ex d.c. 1. sess. 23. Christiana charitas, urgens necessitas, debita obedientia, & evidens Ecclesia, vel Reipublice utilitas.

Potest itaque Parochus abesse ab Ecclesia ad effectum defendendi jura ipsius Ecclesiae si non potest per alium, & oporteat ad partes remotas transire, juxta c. Ex parte, il. 2. de Cler. non residen.

Item, infirmitas est justa causa abscedendi ad tempus ab Ecclesia: ut, si oporteat cælum mutare, ire ad balnea, &c. c. Cum percussio de Cleric. agror. Si morbus sit incurabilis permittitur resignatio, cap. Nisi cum pridem, §. alia vero causa de renunciat. Vel datur ab Episcopo coadiutor, ut in cap. De Rectoribus, cap. Ex parte tua ibidem. Nec Sedes Apostolica censuit absolute dispensare, ut quis non resideat, sed ad tempus ex legitima causa, cap. fina-

lirescript. Tridentin. cap. 2. sess. 6. de reformat.

Item causa justa reputatur, si Parochus idoneus sit ad promovendam pacem inter Principes, vel bonum fidei procurandum, juxta Trid. sess. 23. cap. 1. & sess. 25. cap. 18. de reform.

Item, gravis inimicitia, ex qua imminet vitæ periculum dummodò reconciliatio nem procuret, alioquin si culpa ipsius non sequeretur reconciliatio, intra annum posset puniri, ut notavit Piafec. cit. par. 2. cap. 3. art. 3. n. 42.

Sed nequeunt Episcopi uti opera alicujus Parochi pro suo Secretario, vel Vicario cum præiudicio residentiae, Piafec. cit. num. 39.

Advertendum, quod causæ, etiam legitimæ, & notoriæ, excusantes à residentia, non sufficiunt, nisi adsit licentia Prælati, ad quem spectat causam cognoscere, & approbare; & pro tempore absentiae substitui debet Capellanus, aut Vicarius idoneus, ab Ordinario approbandus, qui Curam in absentia Parochi regat, Trid. cit. cap. 1.

II. Sed petitur, an opus sit etiam licentia pro absentia ad duos menses?

Resp. Navarr. in Manual. c. 25. num. 121. existimat, Parochum ad bimestrem tantum absentiam non egere aliqua Prælati approbatione, & licentia, eique sufficere conscientiam justæ causæ; proinde apud Ventrig. cit. annot. 20. §. 1. num. 26. scripsit bimestre tempus esse parvam materiam, & Parochum absentem per bimestrem sine licentia non teneri ad restitutionem fructuum: in quo cum ipso concordant Bonac. Naldus, Azor. & Beia.

Cæterum ex Trid. cit. c. 1. licentia est necessaria, tam pro absentia ad bimestre, quam ad trimestre, solum differentia est, quod pro absentia ad bimestre causa esse debet justa, & ultra bimestre, etiam gravis: verba Concil. clara §. Eadem omnino. Tenent apud cit. Ventrig. n. 25. Garzias, Barbosa, & Thefaurus. Ideo, si ad bimestre Parochus abest, & licentiam in scriptis non obtinuerit, tenetur ad ratam temporis absentiae fructus restituere.

Ad summum à pœnis Trident. excusatur Parochus, si abfuerit à residentia sine licentia per breve tempus, ut per duos, vel tres dies, vel saltem minus una hebdomada. Sed duo sunt ponderanda. Primum, quod abs-

sen.

sentia etiam interpolata, intra annum duos menses integrare non debent, prout Trid. d. cap. 5. Quoniam autem. Secundum, quod semper fiat absq; preiudicio animarum, & cura.

12 Doctores apud Fagnan. in 3. ad cap. Significavit de Parochis num. 28. & seq. quibus consentimus, tradunt, ad jus Parochiale acquirendum, esse attendendam presentem habitationem; nisi quis accesserit causa recreationis, aut ob aliam causam temporalem, statim reversurus ad propriam Parochiam, juxta text. in cap. Is, qui de sepult. in 6. ibi: Is, qui ad Villam ruralem se transfert recreationis causa, vel ut ruralia exerceat, si non electa sepultura decedat, non in Ecclesia dista Vila, sed in sua Parochiali sepeliri debet. Facit text. in cap. Significavit de Parochis, & concordat Gloss. in Clem. Religiosi de privil. in verb. Parochialis, ibi: Quoad Scholares, mercenarios, & his similes, intelligo Presbyterum, in cuius Parochia inhabitant.

Unde Abbas dixit, quod ille dicitur proprius Sacerdos, in cuius Parochia quis habitat de presenti, & non potest commode adire ad proprium Sacerdotem. Propterea, qui pellis, aut belli causa fugit de Parochia in Parochiam, & eo se transfert animo manendi in secunda pro tempore necessitatis, contrahit in ea jus Parochiae ad effectum recipiendi Ecclesiastica Sacramenta, ut post Frideric. de Senis tenuit Fagnan. ibidem num. 29. & 34. referens num. 36. quod Sac. Congreg. Conc. generaliter consulta; An proprius Parochus quis dicatur, in cuius Parochia contrahentes habitant tempore, quo matrimonium contrahitur? Respondit, ita dici.

13 Est a Parochis in interessendo matrimoniis vagorum adhibenda cautela Trid. sess. 24. c. 7. de ref. matrim. ubi eis id prohibetur: nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint.

14 Queritur. An Successor in Parochia, & Beneficio, teneatur solvere pensiones tempore Praedecessoris decursas, & non solutas?

Affirmative, dummodo constet de diligentis factis a pensionario pro exactione pensionis contra Praedecessorem, aut ejus haeredes; ut sepe fuit resolutum a Rota apud Fagnan. in 3. ad cap. Ad hoc de solution. num. 18. Ratio est, quia pensio est onus, & debitum reale cohaerens Beneficio, &

Official. Cur. Eccl.

obligans Beneficii possessorem, cap. si quis Laicus 16. quest. 1. Pensiones enim institutae sunt in gratiam pensionarii, & non extinguuntur, nisi ad hujus mortem, per Gonzalez in 3. tom. 5. ad cap. Nisi essent de praben. & dignitat. nu. 5. Ideo novus Beneficii possessor conveniendus est, ut debita solvat, etiam pro pensionibus praeteritis. Verum successor potest procedere contra antiquum possessorem, seu illius haeredem, ut probatur c. Praesenti de offic. ord. in 6.

Adverte, quod licet novus possessor Beneficii, suppositis diligentis a Pensionario factis adversus defunctum, teneatur ad pensiones decursas tempore praedecessoris; hoc cum limitatione intelligitur, nimirum, si pro eo remaneat congrua, quae in primis & ante omnia deducenda est, juxta Trident. c. 13. sess. 24. de reform.

15 Queritur. Titius Parochus obtinuit indultum a Sede Apostolica resignandi Parochiam, & in resignatione reservandi pensionem pro se, vel alio: quam vult reservare in favorem Nepoti Clerico, sed hac lege, ut ipse fructus percipiat, quoad vivit, & Nepos, nisi post mortem ipsiusmet Titii: petitur, an Titius committat Simoniam?

Quod Parochus committat Simoniam non videtur dubium. Nam per illam fructuum exactionem reputatur aequivalenter vendere pensionem, quae cum sit res Ecclesiastica, & spirituali annexa, invendibilis est. In pensione enim Clericali considerantur, jus ad redditus temporales, & obligatio recitandi Officium B. Mariae Virginis: quod onus imponitur Pensionariis ex Constitutione Beati Pii V. 135. Bullar. tom. 2. Non enim Pensionario datur absolute jus percipiendi illos fructus, sed propter illud Officium, & recitationem; atque ita, qui vult vendere tale jus, conatur, quantum est ex parte sua, vendere ministerium spirituale, ad quod illud sequitur; quod invendibile est. Unde licet pensio Clericalis verè non sit Beneficium Ecclesiasticum, negari non potest, quin in multis cum isto conveniat, ut per Gonzalez in 3. tit. 5. cap. 21. num. 6. & it. 2. de rescript.

Contrarium tenent plures apud Monacell. form. part. 2. form. 7. num. 4. ubi ipse firmat, translationem pensionis factam cum pacto illam exigendi, quoad transferens vixerit, esse nullam: Caeteri ve-

rd, qui negarunt translationem esse simoniacam, fortè locuti sunt, nullo accedente pacto, si resignatarius patiatur, quòd resignans fructus pensionis accipiat. Sed cavendum, ne committatur simonia confidentiæ, reprobata à Pio IV. & Pio V. *Const. Intolerabilis* 85. *Bull. tom. 2.* Et videndum, an ex eo possit procedi ad præsumptiones à B. Pio V. statutas ad probandum pro foro externo confidentiam. In interno enim Pœnitentiæ credendum est Pœniti, qui est accusator, testis, & reus contra se ipsum: nec præsumptione agendum est, sed judicandum secundum confessionem Sacramentalem ipsius, prout post alios optimè scripsit Natal. Alex. *tom. 2. Theolog. moral. lib. 2. cap. 7. artic. 1. regul. 18.*

16 Regulares, qui in Parochialibus Monasteriis unitis curam animarum exercent, à superiore præsentantur Ordinario, à quo examinari possunt, ad tex. Trident. *sess. 25. cap. 11. de regul. & in Constitut. B. Pii V. 47.* Qui titulum non habent, sed curæ exercitium dumtaxat, amovibiles, ad nutum Superiorum, ut B. Pius ibid. Verùm à cura abesse non possunt, nec ad libitum Superiorum alii subrogantur, nisi petita, & obtentata licentia Ordinarii, Sac. Congregat. Concil. in Florentina 18. Julii 1678. *Monacell. form. par. 1. form. 20. tit. 6. num. 8.* Nam Curati Regulares in his, quæ pertinent ad curam animarum, subjacent Ordinariis locorum, ad tex. Trident. *d. cap. ut alibi diximus*: propterea tenentur accedere ad Synodum, ut de iis, quæ fuerint in Synodo decreta, informantur, ac ea noscant, quæ sunt sui muneris, & possint Episcopo visitaturo rationem propriæ administrationis reddere.

17 Distinguenda sunt jura merè Parochialia, & functiones Parochiales, ut advertit idem Monacell. *form. part. 2. form. 1. tit. 13. num. 54.* Hæc ita nominantur, quia ad Parochum pertinent propter connexionem, & dependentiam, quam habent à juribus merè Parochialibus, ut sunt *celebratio Officii super cadaveribus: receptio mulierum ad purificationem post partum: Cinerum, Palmarum, & Candelarum sollemnis benedictio: celebratio Missæ feria v. in Cœna Domini: delatio, & expositio publica Eucharistiæ*, & similia, apud Barbof. *collect. dec. Apost. cap. 391.*

Jura verò merè Parochialia, quæ viridem

observantiam habent, sunt. I. Delatio Stolæ in processionibus, & Funeralibus, Sac. Congreg. Conc. in Ebrunden. in resp. ad 2. die 25. Junii 1695. II. Benedictio domorum in Sabbato Sancto. III. Receptio decimarum *cap. Cum contingat, de decim.* IV. Administratio Sacramenti Eucharistiæ tempore Paschali, ut Fideles satisfaciant præcepto. V. Administratio Infirmis Viatici, & Extremæ Undtion. VI. Detentio clavæ Tabernaculi, & eorum, quæ pertinent ad Sacramenta, Sac. Congregat. Conc. in Signina 18. Novembris 1590. 13. Januarii 1691. in Neapolitana 14. Novembris 1693. VII. Benedictio sponforum, & cadaverum defunctorum, antequam è domo leventur, Sac. Congreg. Conc. in Bonon. 14. Februarii 1694. VIII. Publicatio Matrimonii, Excommunicationis, & Indulgentiarum, S. Congreg. Episcop. in Firmana 3. Jun. 1615. in resp. ad 8. IX. Benedictio Fontis Baptismalis. Hæc ita reservantur Parochis, ut à nullo alio, nisi de ejus, vel Ordinarii licentia, exerceri, & expleri valeant.

18. Ex allegatis verò functionibus Parochialibus non omnes competunt Parochis privativè quoad alios, sed nonnullæ cumlativam admittunt. Ita in Ecclesiis Regularium, etiam non Curatis, solemniter benedicuntur Cineres, Palmæ, Candelæ, ac Ova Feria v. in Cœna Domini Missa celebratur Officium super Cadaverum corporibus à Regularibus fit, per dicta *cap. 19.* & pluribus in locis juxta consuetudinem in eis receptam Regulares in suis Ecclesiis admittunt mulieres ad purificationem post partum. Non enim ea sunt de juribus merè Parochialibus.

Hoc ultimum propter duo impugnatur à Pignatello *tom. 5. Consult. 76.* Primò, quia in Purificatione fit oblatio Candelæ: Parochus autem habet intentionem fundatam super omnibus oblationibus, quæ fiunt in Parochia, c. *Pastoralis de iis, quæ fiunt à Pralat.* Secundò, quia Sac. Congregat. Conc. in Antverpien. 19. Novembris 1662. contrarium censuit.

Verùm neutrum obstat: non primum, quia textus in alleg. cap. non procedit in oblationibus, quæ fiunt in Ecclesiis Regularium: quæ non Parocho, sed Religiosis Monasterio servientibus acquiruntur, ut scripsit Fagnan. in 3. *ad d. c. Pastoralis eod. tit. num. 35.* Siquidem, licet Monasteria sint in-

fra

fra limites Parochiæ, tamen propter exemptionem non sunt de Parochia: & ideo oblationes inibi factæ non quaruntur Parocho Abbas in cap. Dilectus de Offic. ordin. apud cit.

Nec secundum, quia concordando Decretum factum in Anteverpien. cum eo edito ab eadem Sac. Congregat. 2. Julii 1620. videndo cap. 7. num. 24. dicendum, illud procedere in locis, ubi non adest consuetudo, quod Regulares mulieres in propriis Ecclesiis ad Purificationem admittant? alterum verò in locis, in quibus hæc reperitur. Consideratur etiam, quod hoc est juxta resolutionem eiusdem S. Cong. Conc. in Aquen. 9. Junii 1708. Ad 10. dubium. An Patres Carmelita loci Incisa possint in propria Ecclesia mulieres post parum benedicere, & ad purificationem admittere? Respondit, affirmativè. Et sub 27. Aprilis 1709. reclamante Parocho, rescipit: In decisis in omnibus, & amplius.

19 Ad tollendas lites, quæ occasione functionum Parochialium, ut plurimum inter Parochos, ac confraternitates, ipsarumque Capellanos oriebantur, S. R. Congr. pro universo Orbe dubia infrascripta resolvit, quibus quærebatur.

I. An Confraternitates Laicorum legitime erectæ in Ecclesiis Parochialibus habeant dependentiam, à Parocho in explendis functionibus Ecclesiasticis non Parochialibus?

II. An dictæ Confraternitates erectæ in Capellis, vel Oratoriis, tum publicis, tum privatis, adnexis parochialibus Ecclesiis, ab eis dependentibus, habeant dictam dependentiam à Parocho quoad dictas functiones?

III. An Confraternitates erectæ in aliis Ecclesiis publicis habeant quoad easdem functiones aliquam dependentiam à Parocho, intra cuius Parochiæ limites sitæ sunt Ecclesiæ?

IV. An Confraternitates erectæ in Oratoriis tum publicis, tum privatis, sejunctis ab Ecclesiis Parochialibus, quoad dictas functiones Ecclesiasticas habeant dictam dependentiam à Parocho?

V. An benedictiones, & distributiones Candelarum, Cinerum, & Patmarum, sint de juribus merè Parochialibus?

VI. An benedictiones mulierum post partum, Fontis Baptismalis, Ignis, Seminis, Ovorum, & similium, sint de juribus merè Parochialibus.

VII. An functiones omnes Hebdomadæ Sanctæ sint de juribus merè Parochialibus?

VIII. An celebratio Missæ solemnis feria v. in Cæna Domini sit de dictis juribus Parochialibus?

IX. An prima pulsatio Campanarum in Sabbato Sancto sit de dictis juribus Parochialibus?

X. An celebratio Missarum solemniū per annum, sive pro vivis, sive pro defunctis sit de dictis juribus Parochialibus?

XI. An expositio Quadrageinta Horarum, & benedictio, quæ fit super populo, sit de dictis juribus merè Parochialibus?

XII. An expositio, quæ fit cum Reliquiis, vel Sacris Imaginibus; & benedictiones quæ cum eis fit super populo, sit de dictis juribus Parochialibus?

XIII. An functiones in precedentibus octo dubiis, videlicet à dubio quinto ad duodecimum expressæ, peragi possint in Oratoriis privatis, contradicente Parocho?

XIV. An in dictis Oratoriis privatis Confraternitatum per Confratres statis horis recitari possint hora Canonica, cum cantu, vel sine, absque alia licentia Parochi?

XV. An in dictis Oratoriis privatis sit licita celebratio Missæ private, assentiente Ordinario Loci, & contradicente Parocho?

XVI. An Capellani Confraternitatum possint populo denunciare Festivitates, & Vigilias occurrentes in hebdomada absque licentia Parochi?

XVII. An Parochus, invitis Confratribus, docere possit Doctrinam Christianam in prædictis Ecclesiis, & Oratoriis publicis vel privatis, à Parochiis divisus, & separatis?

XVIII. An in sæpèdictis Ecclesiis publicis Confraternitatum possint haberi publicæ Conciones, etiam per totum cursum Quadragesimæ, vel Adventus, cum licentia Ordinarii, & absque licentia Parochi?

XIX. An in eisdem Ecclesiis possit celebrari Missa, sive lecta, sive cantata, ante Missam Parochialem, sive lectam, sive cantatam?

XX. An ad Parochum spectet facere Officium funebre super Cadaveribus sepeliendis in sæpèdictis Ecclesiis, & Oratoriis publicis Confraternitatum?

XXI. An intra ambitum earundem Ecclesiarum fieri possint Processiones juxta cus-

iusque Confraternitatis Institutum, absque interventu, vel licentia Parochi.

XXII. An eadem Processiones fieri possint extra ambitum dictarum Ecclesiarum, absque licentia illorum Parochorum, per quorum territorium transeundum est?

XXIII. An in dictis Processionibus Capellani Confraternitatum possint deferre stolam?

XXIV. An Episcopo accedenti ad Ecclesias publicas Confraternitatum, quae non sint Regularium, neque proprium Rectorem Beneficiatum habeant, porrigendum sit aspersorium à Parocho, in cuius territorio sint sita dictae Ecclesiae?

XXV. An earundem Ecclesiarum, & Confraternitatum Rectores, & Capellanos possit Parochus, cessante alio speciali, ac legitimo titulo, & ex solo iure Parochialitatis, compellere invitos ad assistendum functionibus Ecclesiae Parochialis?

XXVI. An in sepe dictis Ecclesiis Confraternitatum, neque Parochialibus, neque Regularibus, retineri possit Sanctissimum Eucharistiae Sacramentum, sine speciali Indulto Sedis Apostolicae?

XXVII. Praesupposita facultate retinendi an possit infra annum publicè exponi sine licentia Ordinarii?

XXVIII. An possit Parochus se ingerere, in administratione oblationum, vel elemosynarum in sepe dictis Ecclesiis recollectarum, vel capsula pro illis recipiendis exposita clavem retinere?

XXIX. An in Ecclesia Parochiali Confratres, vel eorum Capellani immiscere se valeant, invito Parocho, in eiusdem Ecclesiae functionibus, sive Parochialibus, sive non Parochialibus?

XXX. An Confraternitates, sive sint erectae in Ecclesia Parochiali, sive extra illam, possint pro libito, & juxta uniuscuiusque peculiaria statuta, Congregationes suas facere, absque interventu, vel licentia Parochi.

XXXI. An possint propria bona administrare, ac de illis disponere, absque ulla dependentia à Parocho?

XXXII. Quando Parochus eisdem Congregationibus inter sit de mandato Ordinarii, & tanquam ejus delegatus, an possit suffragium decisivum ferre, & quatenus affirmative.

XXXIII. An etiam suffragium duplex

Sacra Rituum Congreg. 10. Decembris 1703. respondit ut infra.

Ad Primum Negative.

Ad secundum Affirmative.

Ad Tertium Negative.

Ad Quartum Negative.

Ad Quintum Negative.

Ad sextum Negative; sed benedictiones mulierum, & fontis Baptismalis fieri debere à Parochis.

Ad Septimum Negative, prout jacet.

Ad Octavum Negative, prout jacet; sed spectare ad Parochos.

Ad Nonum Negative, prout jacet; sed spectare ad Ecclesiam dignorem, ad formam Constit. Leonis X. §. 14.

Ad Decimum Negative, prout jacet; sed licere Confratribus dumtaxat in festivitatibus solemnioribus eiusdem Ecclesiae, vel Oratorii, ut in Brundusina sub die 1. Junii 1601.

Ad Undecimum Negative.

Ad Duodecimum Negative; & quoad benedictiones cum Reliquis, & Imaginibus, servantur Decreta.

Ad Decimum tertium, satis provisum in superioribus.

Ad Decimum quartum Affirmative, nisi aliter Ordinarius statuat ex rationabili causa.

Ad Decimum quintum Affirmative.

Ad Decimum sextum Affirmative.

Ad decimum septimum Negative.

Ad decimum octavum Affirmative.

Ad Decimum nonum Negative; nisi aliter Episcopus disponat.

Ad Vigessimum Affirmative, quando tumultuandus est subiectus Parocho, intra cujus fines est Ecclesia, vel Oratorium.

Ad Vigessimum primum Affirmative.

Ad Vigessimum secundum Negative; nisi adesset licentia Episcopi.

Ad Vigessimum tertium Negative, extra propriam Ecclesiam.

Ad Vigessimum quartum Negative.

Ad Vigessimum quintum Negative.

Ad Vigessimum sextum Negative.

Ad Vigessimum septimum Negative.

Ad Vigessimum octavum Negative.

Ad Vigessimum nonum Negative.

Ad Trigesimum Affirmative, dummodo non impediunt functiones, & Divina Officia.

Ad Trigesimum primum Affirmative.

Ad Trigesimum secundum Negative.

Ad Trigesimum tertium Negative.

Et ita, salvis tamen conventionibus, & par-
tis

C A P U T XXXVII.

Officialis quoad Præcedentiam.

S U M M A R I U M.

- 1 Constitutio Greg. XIII. super præcedentia in Processionibus.
- 2 Decreta Sacra Congregationis Episcoporum super eodem negotio, ab Urbano VIII. confirmata.
- 3 Constitutio Gregor. comprehendit etiam PP. Ord. Predicatorum.
- 4 Et Monachos.
- 5 Agitur de præcedentia Fratrum Monasterii de recenti fundati in loco, in quo adest alter ejusdem Ordinis Conventus.
- 6 Constitutio Innocentii XII. edita pro Discalceatis S. Francisci, in Indiarum partibus existentibus.
- 7 Ubi observantes in loco præcedunt, etiam Reformati Sancti Francisci præcedentiam obtinent, licet sint in loco posteriores.
- 8 Prelato à captivitate reverso debetur præcedentia, quam Officium consequitur.
- 9 Præcedentia Fratribus Minor. de Observantia de una ad aliam Provinciam incorporatis, debetur à die incorporationis.
- 10 In d. Ordine Novitii Clerici non præcedunt laicos expressè professos.
- 11 In quo laici professi non præcedunt Clericos item professos.
- 12 Laicus de statu Conversorum ad illum Clericorum transiens præcedentiam habet à die transitus.
- 13 Inter Moniales præcedentia attenditur à die professionis.

1 **A**Dvertendum est, præcedentiam esse jus occupandi digniorem locum, prout deducitur ex intrinsicis Ordinis Hierarchici; cuius natura ex Sperello decif. 179. num. 13. exprimit etiam, ut digniores inferioribus præcedant, inferiores verò locum illis digniorem reverenter cedant. Qui in Processionibus tam publicis, quàm privatis debetur, juxta dispositionem const. Greg. XIII. 84. Bullar. tom. 2. editæ ad effectum supprimendi lites, &

con-

etis in erectione Confraternitatum fors factis, & concordis inter Partes initis, & à Sancta Sede approbatis, Indultis, Constitutionibus Synodalibus, ac Provincialibus, & consuetudinibus immemorabilibus, vel saltem centenariis, declaravit, ac decrevit, si Sanctissimo Domino Nostro videbitur.

Et facta deinde per me Secretarium de prædictis Decretis Sanctissimo Domino Nostro relatione, prævia eorumdem integra lectura, Sanctitas Sua laudavit, benignèque approbavit, & publicari, & non obstantibus quibuscumque aliis in contrarium facientibus, servari mandavit. Die 12. mensis Januarii 1704.

20 Tandem, Parochi non possunt alienare bona Ecclesiæ Parochialis, nec ultra triennium locare sine licentia Sedis Apostolicæ, ex Extravag. Ambitiosa Pauli II. inter com. de reb. Eccles. non alien. de quo infra cap. 45.

21 Debent habere plures libros; unum baptizatorum: in quo notentur baptizati, parentes, & patrini, Trident. sess. 24. de reform. cap. 2. dies, mensis, & annus; alium matrimoniorum, in quo describantur nomina conjugum, & testium; dies, & locus contracti matrimonii, ibid. cap. 1. tertium confirmatorum; quartum mortuorum notando diem obitus, annum, personam ætatem, & qualitatem, quintum animarum suæ Parochiæ.

22 Item monere debent infirmos de non adimittendo Medico Judæo, vel alio Infideli; & quatenus viderint admissum, debent se opponere, & significare pœnas propterea incurrendas, si ab infirmo non removeatur; ut quòd ei non possint administrari Sacramenta, nec etiam à Regularibus illud Confessionis; & quòd careere debeat Ecclesiastica sepultura, juxta const. Gregorii XIII. incip. alias 68. Bullar. tom. 2.

23 Item, tenetur eosdem infirmos monere de debito confitendi ad minùs à tertia die infirmitatis, & ad confessionem inducere, ex const. B. Pii V. incip. supra Gregem la 3. ibid.

24 Item, tenentur apud se habere transcriptum Bullæ in Cœna Domini, ad præscriptum ejusdem Bullæ in fin. Alia vid. apud Piasc. prax. par. 2. cap. 3. art. 3.

controversias, non modò inter Ordines Mendicantes, & confratres super, & de præcedentia contententes; verùm quoque inter Monachorum ordines, pro ut sæpe declararunt SS. Rit. & Episcoporum Congreg. apud Pignatell. tom. 1. consuls. 137. num. 22. tenor const. est: Exposit, & infra: De nobis attributa potestatis plenitudine volumus, & Apostolica auctoritate decernimus, quòd quicumque ex dictis Fratribus Mendicantibus inter se de præcedentia huiusmodi contententibus, aut Confratribus Confraternitarum prædictarum, inter quos lites, & causa præmissorum occasione orta jam sint, seu oriri contingerit in futurum, qui in quasi possessione præcedentiae, ac juris præcedendi sunt positi, quibuscumque reclamationibus, appellationibus, & aliis subterfugiis prorsus remotis, & cessantibus, & postpositis, in Processionibus tam publicis, quàm privatis præcedere debeant.

Quando verò non probetur, aut non constet de quasi possessione præcedentiae huiusmodi, inter Fratres quidem Mendicantes, ii qui antiquiores in loco controversiae; Confratres verò inter se litigantes, ii qui prius sacris usi sunt, in Processionibus tam publicis, quàm privatis præcedere debeant; ita ut si contingerit nova Monasteria, aut Domus alicuius Ordinis Mendicantium fundari in loco, in quo alterius Ordinis ex dictis Mendicantibus Monasteria, aut Domus prius erecta, & instituta sint, ille Ordo, qui prius Monasterium: seu Domum in loco habuerit, præcedat.

Præterea, quia inter prædictos Ordines plerumque alia in Processionibus, & alia in Conciliis Generalibus, & aliis actibus publicis, sive privatis ratio circa modum præcedendi servatur, nolumus per præsentis prerogativis dictorum Ordinum quoad præcedentias huiusmodi, quæ propriis Ordinibus præterquam in Processionibus prædictis debentur, præiudicium generari. Sicque per quoscumque &c. irritum &c. non obstantibus &c. Romæ 25. Julii 1583.

Et propter fortes non obstantias, & efficaces derogatorias, quæcumque revocari privilegia, & indulta in contrarium, etiam in specie concessa, firmat Rota: coram Buratto decif. 390. num. 6. apud Pignatell. ibid. num. 3.

Successivè ad Gregor. idem disposuit

Urbanus VIII. Const. 239. Bullar. tom. 4. confirmans Sacræ Congregationis Decreta, ut infra.

2 Nuper pro parte dilecti filii Blasii à Cheriso, Procuratoris Generalis Fratrum Ordinis Minorum Sancti Francisci, conventualium nuncupatorum, Nobis expositum fuit, quòd dictus Ordo gravatur admodum litibus occasione præcedentiae cum aliis aliarum Religionum Regularibus in Processionibus, ex quo, etiam si alias à Venerabilibus Fratribus nostris Sanctæ Romanæ Ecclesiæ Cardinalibus negotiis Regularium Præpositis, diversis in præfata materia præcedentiae litteris emanatis, unam videlicet contra eisdem Ordinis de Observantia nuncupatos Arbensis, aliam contra Servorum Beatae Mariæ virginis Soanen. necnon duas litteras contra Predicatorum respectivè Ordinum Fratres Cesanens. & Ferentinens. obtinuerit tenoris subsequentis, videlicet: *Arb. All' Arcivescovo: Pare, che sia nata differenza della precedenza trà costei Fratri di San Francesco Conventuali, & Osservanti, allegando ogni uno di loro alcune ragioni, per le quali si persuadono di dover precedere à gli altri, le quali essendosi diligentemente considerate nella Congregazione di questi miei Illustrissimi Signori preposti da Nostro Signore sopra le cose de' Vescovi, e Regolari, s'è risoluto, etiam con il parere dell' Illustrissimi Protettori di tutte due le Religioni, di far scrivere à V. S. che occorrendo più simili differenze le termini senza alcuna eccezione nell' istesso modo, che quel Convento tenga il primo, e più degno luogo, che è più antico nella Città, secondo che si è fatto sin hora, per quanto si presuppone. Imperciocchè questo mezzo usato altrove è stato tale, che hà finito ogni controversia, come si spera, che farà anche così per mezzo della prudenza, e destrezza di V. S. Dio &c. Roma 6. Marzo 1528.*

Al Vescovo di Soana, ò suo Vicario. Havendo inteso questi miei Signori Illustrissimi, che in costea Città sono in disputare di precedenza i Frati de' Servi con quelli di San Francesco Conventuali, hanno voluto, che io faccia sapere à V. S. che nella precedenza di questi Mendicanti, secondo il parere di Nostro Signor, s'attende solamente l'antichità de' loro Conventi, cioè che precedino quelli, che prima hanno at-

otteruto i Monasterii ne' luoghi, ove è nata la differenza; e perciò ella potrà dichiarare, che quelli precedono, li quali prima sono venuti ad abitare in questa Città, che sarà appunto conforme a quello, che s'è risoluto, & osservato in altri luoghi, &c. Roma li 24. Maggio 1583.

Al Vescovo di Cassano. Fu dato in Congregazione un memoriale dal Procuratore Generale de' Frati Conventuali di San Francesco a nome del sudetto Monastero di Castrovillari di questa diocesi, nel qual si diceva, che alcuni Padri di San Domenico, che poco fa hanno pigliato luogo nella medesima terra, pretendevano nelle attioni pubbliche di precedergli, non ostante, che già siano 350. anni, che quel Monastero di San Francesco è fondato; e sapendosi, che Nostro Signore altre volte haveva dichiarato, come si doveva procedere in simili casi, questi miei Signori Illustrissimi vollero, che se ne desse conto à Sua Beatitudine, la quale ha commesso, che si scriva à V. S. che faccia havere la prerogativa, ove nascano queste novità, alle Religioni, che sono più antiche nel luogo, il che sarà V. S. intendere à detti Padri di San Domenico, & operare, che così s'eseguisca. Roma li 24. Maggio 1583.

Ferentino al Vescovo. Nella differenza, che verte trà cotesti Frati di San Domenico, e quelli di San Francesco per conto della precedenza, la Sacra Congregazione vuole, che s'osservi per l'avvenire quello, che è stato osservato trà loro per lo passato, fintanto, che non sia destinato altro; & inclina, che conforme al moto proprio di Gregorio XIII. di sel. memoria debbano precedere quelli, che prima hanno havuto il luogo nella Città; & i Decreti, che si allegano per parte de' Frati di San Domenico in contrario, non sono stati fatti per derogare generalmente al moto proprio di Gregorio XIII. oltre che in quelle occasioni militavano altre ragioni di quelle, che possono militare costì. Questa è la mente di questi Illustrissimi miei Signori, & ella doverà eseguirsi, e Dio &c. Roma il 1. Giugno 1604.

Attamen in casibus occurrentibus eadem litteræ reputantur provisiones particulares, non autem declarationes generales, dictique Fratres Conventuales nova semper judicia iisdem de rebus su-

bire coguntur. Quare d. Blasius Procurator Generalis nobis humiliter supplicare fecit, ut circa prædictarum litterarum observantiam per aliquod opportunum declarationis nostræ ministerium providere, ac aliàs, & infra indulgere de benignitate Apostolica dignaremur. Nos igitur, &c. præinsertas litteras ab eisdem Cardinalibus, aliàs utcumque in casibus particularibus emanatas, cum innitantur iustitiæ motus proprii Gregorii XIII. hac de re editi, & sint conformes Declarationibus S. Congreg. Trident. ac Rituum Congregationum, ut qui sunt in possessione præcedentiæ, præcedant, & ubi non probatur, aut non constat de possessione, præcedant ii, qui sunt antiquiores in loco controversiæ, esse generaliter observandas, ubicumque contigerit de eadem præcedentia dubitari, Apostolica auctoritate tenore præsentium præcipimus, & mandamus. Decernentes &c. non obstantibus &c. 18. Decembris 1637.

3. At petitur. An in hac re Constitutio Gregorii extendatur ad Fratres etiam ex Ordine Prædicatorum?

Resp. Affirmativè, aded ut in materia præcedentiæ in Processionibus, etiam quoad ipsos sit procedendum ad ipsius præscriptum. Nam emanavit, etiam respectu dd. PP. Quoniam ratio motiva, quæ in procemio Constitutionis adducitur, etiam ipsis Patribus est aptabilis. Enunciatur enim motivum edendi Constitutionem fuisse, quia occasione præcedentiæ, vel jure præcedendi in Processionibus, oriebantur lites, & controversiæ; ad quas sedandas, & componendas, Gregorius dictam Constitutionem posuit. Constat autem ex constitutione Urbani, etiam contra ipsos fuisse ea de re controversias excitatas; & proinde dubium esse non debet, quin dispositiva Gregorianæ ad Dominicanos amplietur, & per litteras Gregorii, & Urbani revocetur Constitutio Beati Pii V. la 71. Bullar. tom. 2. & quod illa Clementis VIII. la 13. Bullar. tom. 3. restringatur ad loca Aragoniæ, Valentiniæ, & Cataloniae.

Maximè quia Sac. Congregatio Episcoporum, ubi casus dict. controversiæ vertitur, solet respondere pro observantia dict. Gregorianæ, prout sæpius fecit, ut observavit Pignatelli. tom. 1. consultat. 37.

num. 14. & expresse die 6. Octobris 1645. ut infra: *Sac. Congregatio censuit servandas esse litteras Gregorii XIII. & Urbani VIII. ea de re editas, ut qui sunt in possessione præcedentia, præcedant, & ubi non constat de possessione, præcedant illi, qui sunt antiquiores in loco controversia; & ita ab his, ad quos spectat, servari mandat, & præcipit.*

Cæterum, ubi est consuetudo, quod Regulares præcedant inter se ratione originis Religionis, & non foundationis Conventus, est servanda, ut respondit S. C. Episc. in Forolivien. 23. Februarii 1693.

Nec obstat assertum Decretum S. Congreg. Episc. apud Quarant. summ. Bullar. ver. *Præcedentia*, in quo legitur dispositum, quod ad componendas lites inter Regulares super præcedentia in Processionibus: *Is ritus, & ordo inter convertentes servari debeat, qui in hac urbe omnium Capite, & Magistra servari consuevit, & actuservatur.* Et est, quod præcedant Regulares illi, quorum Ordo prius approbatus fuit à Sede Apostolica. Non obstantibus Brevi, seu Declaratione Gregorii XIII. edita sub die 15. Julii 1583. Quod fuit directum Episcop. Mantuano 30. Martii 1593. Nam huiusmodi Decretum non fuisse observatum, probatur evidenter ex variis dict. Sac. Congrag. Episcop. Declarationibus, in quibus omnibus cavetur, ut ea de re servetur dict. Constit. Gregor. apud Barbof. dict. loco num. 182. Et evidenter ostendit ipsum ab aula recessisse producta Constitutio Urbani, in qua præcipitur observantia Gregorianæ, & Decretorum in ea contentorum.

4 At petitur, an dict. Constitutio Gregorii de præcedentiæ modo in Processionibus servando comprehendat etiam Monachos inter se?

Resp. Quamvis dispositiva Constitutio nis ad Mendicantes, & Confratres sit restricta, adhuc etiam Monachorum Ordines comprehendendi, pluries declararunt S. R. C. & S. C. Episc. ut dixi num. 1. Alias Declarationes in casibus occurrentibus emanatas, refert Barbof. de jure Ecclesiastic. lib. 1. c. 43. num. 183. & sæpè firmavit Rota. Decisiones transcripsit Tambur. tom. 3. de jur. Abbat. in fin.

5 Quæritur. Quo loco in Processionibus incedere debeant Fratres Monasterii

novissime fundati in eodem loco, in quo adest alius ejusdem Ordinis antiquior Conventus: an in ultimo loco juxta tempus foundationis sui Monasterii, disjuncti, & separati à Fratribus ejusdem Ordinis in loco antiquioribus, an potius cum istis uniti, & conjuncti?

Dubium fuit resolutum à Sac. Rit. Congreg. die 3. Junii 1617. ut infra: *S. Congreg. respondit, & declaravit, juxta Constitut. fel. record. Gregor. XIII. quæ incip. Exposit, præcedentiam dandaam esse Ordini, qui prius in loco Monasterium habuit, & non tantum illi Monasterio; itant in illo loco per foundationem primi Monasterii acquiratur anterioritas etiam cuilibet alii posterioris fundato ejusdem Ordinis. Idem quoque servandum, quando præcedentia competunt ex quasi possessione, & jure præcedendi in terminis dict. Constit. & quando currant ad Processiones tam publicas, quam privatas, omnes ejusdem Ordinis Fratres unitim, & non divisim debere procedere, itant post Crucem Fratres strictioris Observ. sive Discalceati, sive Recollecti, vel Reformati uniti immediate incedant, & post illos, Fratres de Observantia dicti, si juxta regularia Ordinis statuta, vel ex quasi possessione, & jure præcedendi præcedentiam habeant. Alioquin in præcedentia servetur etiam inter ejusdem Ordinis Fratres anterioritas foundationis Monasterii cujuscumque. Neque Monasteria alterius Ordinis debere, neque posse impedire frui dicto jure præcedendi, neque ordinem incedendi pervertere. Et ita in causa prædicta eadem Sac. Rituum Congreg. declaravit, & servari mandavit. Dubium fuit propositum à Procuratore Generali Min. de Observ. ad videndum, quid servandum esset, dum in eodem loco sunt plures ejusdem Ordinis Conventus, Lant. ver. Præcedentia num. 11.*

6 Subindè ad litteras Urbani pro Discalceatis dict. Ordin. in India existentibus in Provincia Sancti Didaci Novæ Hispaniæ, aliud in materia præcedentiæ emanavit Decretum à S. R. C. 8. Martii 1700. quod ab Innocentio XII. confirmatur, ut infra.

Emanavit nuper à Congregatione Venerabilium Fratrum Nostrorum S. R. E. Cardinalium Sacris Ritibus præpositorum, in causa Præcedentia inter dilectos filios
Fra-

Fratres Provincia S. Didaci Nova-Hispania in Indiis, Ordinis Minorum Sancti Francisci de Observantia Discalceatorum nuncupatorum ex una, & Fratres Provincia Sanctissimi Nominis Jesu Ordinis Eremitarum Sancti Augustini ex altera, partibus versente, Decretum tenoris, qui sequitur, videlicet.

Mexicana Præcedentiæ. Cum sub die 13. Martii proximè effluxi in causa Præcedentiæ inter Partes Discalceatos strictioris Observantiæ Sancti Francisci, Provincia Sancti Didaci ex una, & Partes Augustinianos Provincias Sanctissimi Nominis Jesu ex altera partibus, super executione Decretorum Sacra Rituum Congregationis diversis temporibus ad favorem eorundem Patrum Discalceatorum Sancti Francisci alias editorum, & signanter lati sub die 3. Junii 1676. & per luterar in forma Brevis datas 19. Junii eiusdem anni à sanct. mem. Clemente PP. X. approbati, ac confirmati in Regno Mexicano ultimo loco agitata, Sacra eadem Rituum Congregatio super infra scripto dubio ab Eminentissimo, & Reverendissimo Domino Cardinali Petruccio relato, videlicet. An Fratribus Discalceatis strictioris Observantiæ Ordinis Sancti Francisci, non solum in Processionibus solis, & sub propria Cruce, sed etiam in Concionibus, disputationibus, concurrentia Prælatorum, aliisque actibus tam publicis, quàm privatis, interveniente, vel non interveniente familia de Observantia, competat præcedentia supra Fratres S. Augustini, tam in voce, quàm in scriptis, partibus acerrimè informantibus, auditis, responderit: In casu, de quo agitur, Præcedentiam competere Patribus Discalceatis Sancti Francisci, ac amplius dubium proponi vetuerit: Et nihilominus non acquiescentes Patres Augustiniani insteterint præter ordinem pro declaratione super prædictis rescripti: Sacra eadem Rituum Congregatio die 8. Maii currentis 1700. Partibus auditis, referente Eminentiss. & Reverendiss. D. Card. Petruccio, respondit: Fratres Augustiniani pareant, & perpetuò acquiescant, & ita decrevit, & servari, ac exequi mandavit. Alderanus Card. Cibo. Loco ✠ Sigilli B. Inghirami Sac. Rituum Congr. Secr.

Cum autem, sicut dilectus pariter filius Josephus Montero, prædicti Ordinis Fra-

trum de observantia discalceatorum Professor, ac Sac. Theologiae Lector, necnon Tribunalis S. Inquisitionis qualificator, ac d. Provincia S. Didaci Custos, & procurator, nomine dilectorum etiam filiorum Ministri Provincialis, & definitorum eiusdem Provincia, Nobis subinde exponi fecit: ipse Decretum huiusmodi, quo firmius subsistat, & serventur exactius, Apostolica confirmationis nostræ parrocinio communiri, perpetuumque desuper Fratribus Ordinis Eremitarum S. Augustini supradictis silentium imponi, ac tandem eiusmodi diuturnam controversiam finiri summopere desideret. Nos ipsos, &c. supplicantionibus eorum nomine nobis super hoc humiliter porrectis inclinati, Decretum præsertum auctoritate Apostolica, tenore præsentium confirmamus, & approbamus, illique inviolabilis Apostolica firmitatis robur adjicimus, ac perpetuum prædictis Fratribus Ordinis Eremitarum S. Augustini silentium super permissis imponimus. Decernentes &c. sicque &c. irritum &c. non obstantibus &c. Romæ 14. Junii 1700.

7 Quare præcedentia debetur, etiam si sint posteriores in loco controversiæ; dummodò in eo priores ad alios Regulares, & in processione præcedendi fuerint Observantes. Nam quoties in locis existunt pluries eiusdem Ordinis Conventus diversis temporibus fundati, antiquioritas unius influit, & communicat præcedentiam omnibus aliis eiusdem Ordinis, quomodolibet posterioribus, ut tenuit Rota coram Emerix 21. Aprilis 1690. & 29. Januarii 1692. coram Emanuel, 16. Januarii 1693. coram Molines, 26. Junii 1693. quæ apud Monacell. form. par. 2. in append. sunt decis. 16. 18. 19. & 20.

Quod in præcis terminis expressum est in d. Const. Gregor. §. Quando verò. Reformati autem, & Discalceati S. Francisci sunt eiusdem Ordinis cum Observantibus, iisdemque privilegiis fruuntur, ut pro Discalceatis decrevit Clem. VIII. Const. 92. Bullar. tom. 3. & pro Reformatis Urbanus VIII. Const. 134. Bullar. tom. 5. Quod fuit à Rota diligentissimè ponderatum.

Modus verò præcedendi duorum Conventuum eiusdem Ordinis, quando quilibet propriam Crucem erigit, est, ut antiquior in fundatione præcedat, ut in allegato Decreto S. R. C. & Rota ubi supra in

in 1. *desifcoram Emerix*, §. *Neque*.

8 Quæritur. Generalis, vel Provincialis in itinere ad Capitulum Generale, vel in eo visitationis, à Turcis incaptivitatem reducitur. Petitur. An ex captivitate postea reversus, sit in pristinam dignitatem reponendus, si tempus regiminis nondum fuerit consummatum; & quatenus esset: An sit ei danda præcedentia, quæ aliàs ei deberetur?

Resp. Affirmativè, ut declaravit Sac. Congreg. Episcop. 12. Augusti 1650. apud Fagnan. in 5. *ad cap. Per tuas*, il 1. *de simon. in fin.* Consideratur enim, quod Generales, & Provinciales canonicè electi, non sunt ad nutum amovibiles; & quamvis plures sint triennales, tamen durante triennio removeri non possunt, nisi iusta, & rationabili causa, & juris ordine servato, text. in *cap. Monachi*. §. *Priores de stat. Monachor.* Nec iusta causa removendi dictum Provinciale est captivitas. Neque propter eam remanet ipso jure privatus. Tum quia jure postliminii fingitur semper in Provincia fuisse præsens; ideo cum postea revertitur, eodem jure omnia privilegia acquirat, *cap. Cum per Bellicam* 34. *quæst. 1. & 2. & l. postliminium*, ff. *de captiv. & postlim. rever.*

9 Quæritur. In Ordine Min. de Observ. est statutum Capituli Generalis de anno 1625. (cuius statuta in forma specifica confirmantur à sanct. mem. Urb. VIII. const. *Sacrosanctum* 49. *Bullar. tom. 4.*) tit. *pro Cismont. Famil. Ut qui sua sponte, licet obtenta prius licentia, ad alienam Provinciam transierunt, Fratres tam incorporari, quam incorporandi, in ea locum, ordinem, & præcedentiam à die tantum incorporationis suæ, non autem à die receptionis habitus, aut emissa professionis teneant, & habeant.* Modo petitur. An qui ex Provincia ista Romana obtinuit incorporari in Provincia Thuscæ, & post factam pluribusque annis servatam incorporationem iterum obtinuit incorporari, & redire ad Romanam, debeat gaudere præcedentia, & antelatione juxta ordinem primæ receptionis in Provincia Romana; an potius juxta ordinem modernæ incorporationis?

Resp. Supponendum est ex Capitulo Generali Toletano sub anno 1658. præcedentiam antianitatis inter Fratres ejusdem

Ordinis esse attendendam à susceptione habitus, non à professione, dummodò habitus susceptus fuerit in debita ætate illum suscipiendi, & Conventu designato: quo supposito.

Dicimus, præcedentiam cum iterum reverso ad Provinciam Romanam, post d. incorporationem in illa Thuscæ, esse servandam ad præscriptum allegati statuti Capit. Romani; nec posse ex novo transitu ad primam Provinciam resumere jura primogenituræ; quia per incorporationem in provincia Tuscia cessavit esse membrum, & filius primæ provinciæ, & fuit perfectè incorporatus secundæ; à simili de Religioso translato ad aliam Religionem, eique perfectè unito per professionem, qui postea obtinens redire ad Ordinem, in quo prius professus fuerat, non redit ad jura primæ, sed remanet in loco secundæ receptionis. Et hinc non poterit definitorium Provinciæ Romanæ reincorporare d. Religiosum cum privilegio præcedentiæ à diæ susceptionis habitus? cum sit contra d. statutum à Summo Pontifice confirmatum, in quo nullus inferior Romano Pontifice dispensare potest. Ideo cautè legendus Miranda; cuius doctrina, licet vera esse possit in terminis juris communis, non tamen, ubi aliter reperitur statutum, prout in casu.

10 Quæritur, An Clerici Novitii ipso probationis anno præcedentiam debeant habere super laicos professos?

Resp. Quisque videat, quid propria Religio, vel sedis Apostolica hac de re decrevit. In Ordin. Minor. de Observ. præcedere non debent, ex Decreto Sac. Congreg. Episcop. ut infra; Sac. Congreg. statuit, & decrevit, *dictis Novitiis, quousque professionem emiserint, tam in publicis, quam privatis functionibus, ultimum locum deberi*, 8. Augusti 1653.

11 At petitur. An laici professi ejusdem Ordinis Clericos, item professos, præcedere debeant?

Resp. Negativè juxta Breve Urb. VIII. incip. *Cum sicut*, dat. sub die 17. Novembr. 1642. apud Lantusc. ubi supra num. 2. in quo sub excommunicationis pænâ ipso facto incurrenda prohibetur, ne laici, etiam ratione antiquioris receptionis ad habitum, vel professionis primò emissæ, Clericos tam in publicis, quam privatis ejusdem Ordinis fun-

functionibus præcedere audeant. Qua censura ligantur quoque Superiores id permit- tentes, ut ibi.

12 *Quæritur.* Cajus à statu Conversorum legitima licentia transit ad illum Clericorum: petitur, an ei præcedentia debeatur à die susceptionis habitus, vel Clericatus.

Resp. Nisi in Brevis Apostolico indulgente transiit aliud disponatur, in dict. Ord. de Observ. servandum est Decretum d. Sac. Congreg. Episcop. quæ ad dubium in dd. terminis propositum, censuit, *præcedentiam initium sumere debere à die Clericatus, non autem à die susceptionis habitus Conversorum*, 26. Februarii 1649. Lantusca *ibid.* num. 3.

13 *Quæritur.* Soror N. ex dispensatione Summi Pontificis, non completo probationis anno, professionem emisit prius, quam alia Monialis Novitia; quæ tamen completo anno probationis, prius naturaliter professionem emisisset, quam illa, cum qua fuit dispensatum: Petitur, cuinam debeatur præcedentia?

Resp. Cum inter Moniales præcedentia non à die receptionis habitus, sed ab illo professionis attendatur, ex Sac. Congreg. in una Paduana de anno 1608. apud Barbof. *in decis. Apostolicis*, v. *Præcedentia* num. 29. & Lant. num. 14. Moniali prius professæ in proposito casu præcedentia debetur, cui non est deneganda manutentio, si doceat de sua anteriori professione. Antianitas enim apud eas ex dict. Decreto jus solum sumit à die solemnitis professionis. Quoniam ante professionem Novitia non efficitur Monasterii filia, nec de ipsius corpore reputatur, per *cap. Porreclum*, de regul. Ac proinde, cum prima Monialis fuerit prius effecta filia Monasterii, ipsique incorporata, quam secunda; & quidem legitime, cum inter habilem ex dispensatione, & habilem naturaliter, nulla admittatur differentia, plenissime concluditur, & rationi consonum est, ut primò, & non secundogenita præcedat.

Nec obstat regula de jure quæsito non tollendo; quippe secunda Novitia nullo jus absolutum in re radicatum, vel ad rem per Novitiatum habet ad præcedendum, sed solum conditionale, & casuale, nimirum si professionem emisierit; potest enim, vel ipsa à Monasterio egredi, vel à

Monialibus expelli, *cap. Statuimus*, de regul. Jus autem casuale sub illa regula non cadit, cum conditio nil ponat in esse, donec purificata fuerit. Et interim habenda est, ac si non esset. Tum quia juxta allegatum Decretum jus ad præcedendum Moniales non acquirunt, nisi per professionem. Quidquid de viris, quos illud non ligat.

C A P U T XXXVIII.

Officialis quoad Prælatum Regularem.

S U M M A R I U M.

- 1 *Pralati dantur in commodum subditorum.*
- 2 *Scienter eligere indignum est intrinsece malum.*
- 3 *Exeuntes à loco electionis se alienos faciunt, & remanentes ad electionem procedunt.*
- 4 *Præses Capituli non potest actiones Capitulares suspendere.*
- 5 *Quando Capitula intelligantur inchoata?*
- 6 *Functiones Capitulares quæ sint.*
- 7 *Quando provisio Provincialis in Ordin. Min. devolvatur ad Ministrum Generalem? Et quo tempore sit electio facienda?*
- 8 *Agitur de habilitate corporis necessaria in eligendo ad Prælaturam Regularem.*
- 9 *An senes sint ineligibiles?*
- 10 *Podagrosi, claudi, carentes pollice, & surdi eligi non possunt.*
- 11 *Excommunicati majori excommunicatione sunt ineligibiles.*
- 12 *Electio facta à ligato majori excommunicatione est ipso jure nulla.*
- 13 *Ligatus minori excommunicatione nequit eligi ad Prælaturam Regularem.*
- 14 *Scienter eligentes minori excommunicatione innodatum, peccant mortaliter.*
- 15 *Suspensus eligi non potest ad Prælaturas Regulares.*
- 16 *Interdictus est ineligibilis.*
- 17 *Et irregularis.*
- 18 *Formula absolutionis, quæ electionibus præmittitur.*

- 19 *Modus appellandi contra electionem.*
- 20 *Regularibus prohibetur recursus ad favores secularium, & ad istorum instantiam officia, & dignitates conferre.*
- 21 *Valent gesta à Prælato legitime electo, sed postea propter occultum crimen officio privato.*
- 22 *Quid intelligatur per gradus, pœnas, dignitates, &c. de quibus in Const. Admonemur, Urbani VIII.*
- 23 *Electio facta ad nominationem, & præsentationem per laicam potestatem est nulla.*
- 24 *Prælati Regulares non possunt suos subditos absolvere à casibus Bullæ Cœne, usque ad num. 27.*
- 28 *Prælati Regulares non possunt suos subditos absolvere ab excommunicatione propter admissionem mulierum intra claustra Conventus.*
- 29 *Nec s'ingrediantur clausuram Monialium.*
- 30 *Super quibus cadat absolutio, que confertur tempore visitationis Regularis?*
- 31 *An subditus dubitans de authoritate Superioris teneatur ei obedire?*
- 32 *Guardianus non potest sibi in Confessarium eligere Sacerdotem non approbatum, usque ad num. 33.*
- 34 *Prælati Regulares possunt sibi subditos in Notarios creare, & ibi formula, usque ad num. 38.*
- 39 *An superiores Regularium possint cum suis subditis illegitimis dispensare?*
- 40 *Decretum S. Congr. Visitationis Apostolica super competentia facultatis absolvendi à reservatis in Religione.*
- 41 *Regulares voventes non acceptare dignitates extra Ordinem, egent dispensatione, ut eas acceptent.*
- 42 *Agitur de reformatione Conventuum per Prælatum Regularem.*

DE Prælatorum electione nonnulla, quamvis stricto calamo, fuerunt per nos adnotata cap. 18. quibus hic quædam alia ad eorum qualitatem, & jurisdictionem spectantia, subnectimus.

1 Itaque sciendum, Prælatos in Religionibus dari in commodum, & utilita-

tem non ipsorum, sed subditorum; non ut præsent, sed ut profint; quorum officium est non in ordine ad se, sibi placendo, vel bona acquirendo, sed in ordine ad subditos, quos bono conversationis exemplo, instructione, & consiliis debent ad bonum dirigere, eosque à vitiis, etiam dum opus sit, castigationibus arcere, juxta text. in cap. Solita, §. Potuisset, de majorit. & obedient. Adeo ut, dum vel negligentes, dissimulantes, vel conniventes sint, mortaliter peccent. Concordant text. Ezechielis 34. *Va Pastoribus Israel; qui pascebant se ipsos; nonne greges pascuntur à pastoribus?* Hierem. 23. *Ubi est grex, qui datus est tibi, pecus in clypeum tuum? quid dices, cum visitaverit te?* Facit Trident. sess. 25. cap. 1. de reform. ibi: *Optandum est, ut ii, qui Episcopale ministerium suscipiunt, que sue sint partes, agnoscant, ac se non ad propria commoda, non ad divitias, aut luxum, sed ad labores, & sollicitudines pro Dei gloria vocatos esse intelligant.* D. Augustin. serm. 16. de verb. Domini: *Si negligis corrigere, pejor eo, qui peccavit, factus es.*

Hinc, ut proprias partes implere possint, omnia jura clamant, ad Prælaturas eligendos esse digniores, & meliores pro regimine: digniores autem, & meliores reputantur, qui magis utiles Religioni, & Religioforum saluti prudenter præsumuntur, juxta Trid. sess. 24. cap. 1. de reform. ibi: *Monet, ut in primis meminerint, nihil se ad Dei gloriam, populorum saluti utilius posse facere, quam si bonos Pastores, & Ecclesie gubernanda idoneos promoveri studeant; eosque alienis peccatis communicantes, mortaliter peccare, nisi quos digniores, & Ecclesie magis utiles ipsi judicaverint, &c. vide sup. d. cap. 18. num. 43. & 47.*

2 At petitur. Supponamus decem esse in Capitulo, & novem ex illis concurrere ad eligendum indignum; possum ne ego, qui certus sum de ipsius indignitate, & quod nihil proficere possum per denegationem suffragii, me illis conformare?

Resp. Negativè. Ratio est, quia ille à cæteris contra justitiam intruditur; quorum iniquitati nullo modo est favendum: maxime quia scienter eligere indignum est intrinsecè malum, quod nulla ratione fieri potest licitum, prout scribentes concordant. Unusquisque enim tenetur, quantum

tum in se est bono communi Prospicere. Si alii non prospiciant, ipsi videant, & præsumendum est, eos de indignitate certitudinem non habere. Proinde debet quis facere, quantum potest, ut de veritate instruat: & ponderandum, quod error, cui non resistitur, approbatur, c. Error dist. 83.

3 Quæritur. An, si omnibus congregatis in Capitulo, v. gr. decem, aliqui, quatuor, aut sex, egrediantur, possint, qui remanent ad Prælati electionem procedere?

Resp. Affirmativè, quia, qui exierunt, non computantur amplius in numero electorum, ut expressè cap. Cum nobis de elect. sed prius debent per nuncios à Capitulo directos, & coram testibus citari, & moneari, ut redeant; & sufficit una monitio, nisi constitutiones aliter disponant. Quod si non reperiantur, debet citatio in locis publicis Conventus publicari, ipsorumque cellis affigi: & dum intra statutum tempus non revertuntur, & res est in ultimo termino (ut, si electio non celebretur, devolvatur ad Superiorem) ad eam procedi potest, etiam ab uno, si solus remaneret, in quo in casu totum jus Capituli residet, ut post Innoc. dixit Peyrinus de subdito q. 1. cap. 31. §. 6. Nullus enim debet ex aliorum malitia jure suo privari, nec debent per particulares universitatis negocia prapediti; aliàs in manu cujuslibet foret, electiones in Religionum præjudicium retardare, & nullis iustis causis impedire. Et hinc quæ mala non orirentur?

4 Quæ omnia ita à Doctoribus recipiuntur, ut nec præses Capituli, etiam si Generalis fuerit, postquam functiones Capitulares sunt inceptæ, & electores congregati, possit electionem suspendere, vel ultra statutam diem prorogare. Nam præses datur, ut omnia legitimè fiant, & in bonum Religionis cedant; non verò, ut publica quies distruiatur, factionibus patrocinetur, jurgia, & odia confoveat, ac iure proprio vocales priventur.

Idque in Ordine Min. de Observ. expressum legitur in Capit. Gen. Rom. 1639. tit. pro utraque familia, ibi: *Ordinatur à Capitulo Generali, nè liceat Ministro Generali, & multo minus aliis inferioribus Prælati, qui electionibus præsent, illas jam inchoatas suspendere, aut iis jam congregatis, ad quos spectat faciendis electionibus interesse, eas impedire, ne fiant. Propterea* Official. Cur. Eccl.

iisdem Prælati Generalibus interdicitur, nè functiones, quæ ad Congregationem legitimè convocatam spectant, suspendere, aut impedire præsumant: scientes totum hoc irritum fore, utpotè violentum, & libertati electionis contrarium.

Et patet ex resolutis in Romana Curia. In qua S. C. Episcop. sub die 23. Januarii 1705. in Florentina, declaravit, Congregationem intermediam sustineri cum omnibus inde secutis. Controversia orta est Florentiæ apud Minor. de Obser. ubi convocatis PP. Definitorii ad effectum electionum, P. Minister Provincialis suum officium resignavit, & noluit cum Custode interesse: & postea de nullitate actorum egit in ipsamet Sac. Congregat. A qua etiam, sub die 18. Decemb. eiusdem anni, fuit resolutum non constare de nullitate Capituli Provincialis Provinciæ Obser. Calabria, pro qua instabant plures vocales, qui ab electionis loco irrationabiliter recesserunt.

5 Capitula inchoata præsumuntur, cum electores uniti sunt in loco Capituli, ut in refectorio, vel camera ad electiones deputata. Ita PP. Sacri Conc. Trid. declararunt ipsum inceptum esse, dum in Ecclesia ad id destinata convenerunt, prout sess. 1. in decreto de inchoando Concilio.

Quinimò necesse non videtur, quod electores in unum cubiculum conveniant; sed sat est eos congregare in eodem Conventu ad electiones deputato; nam cum sunt in eo, iam intelliguntur congregati ad effectum celebrandi Congregationem; seu Capitulum. Ponderanda sunt in statuto hæc: *illas jam inchoatas: & iis (vocalibus) jam congregatis*, quæ tamquam diversa ponuntur, prout dictio aut importat, quæ est alternativa, & diversa afficit; & ideo unum, vel alterum sufficit, ut Generales, & Præsidentes nequeant functiones, Capitula, & Congregationes suspendere, vel prorogare.

6 Functiones autem Capitulares sunt, deputare per PP. Definitorii revisores computorum, librorum administrationum Conventuum, ac documentorum attestationem esse satisfactum oneribus Missarum, iuxta Const. Innoc. XII. de qua supra cap. 10. celebrare Missam de Spiritu Sancto, ipsum invocare, vocare electores per sonum Campanæ in unum locum Conventus, & similia. Quæ nequeunt à Generalibus impediri, & quoad

quoad hoc per statutum ipsorum auctoritas est restricta : nam licet eis liberum sit Congregationes citare , illis tamen inceptis , injuria irrogatur Provinciæ , si vocales , qui Provinciam repræsentant , jure suo priventur , & inceptum negotium imperfectum relinquunt ; & ideo obedire non tenentur , ut latè Sanctor. *in stat. c. 7. stat. 49. §. colligitur* 3.

In d. Ord. Min. de Obser. censetur Capitulum incipere a die , qua vocales per litteras indictionis diem certam continentes vocati ad effectum Capituli , ad locum capitularem conveniunt . Adeo ut , si die sequenti ad illorum Congregationem Provincialis non eligatur , electio devolvitur ad Ministrum Generalem , dummodo id nec fraude , aut dolo illius contingat , prout in terminis Clement. *Exivi de verb. signif. §. dudum* , ibi : *Ministri electio penes Capitulum Provinciali resideat ; quam idem Capitulum die sequenti , quo fuerit congregatum , facere teneatur* . Infra : *Ceterum , si Capitulum memoratum die prædicta Ministrum eligere permittat , ex tunc Ministri Provincialis provisio ad Generalem Ministrum liberè devolvatur* . Et infra : *Porro , si quid de hujusmodi Ministro Provinciali secus attentari fortè contigerit , illud ipso facto sit irritum , & inane* .

Sequitur , I. Quod electio Provincialis est ita restricta ad certam diem , ut ad aliam protrahi nequeat ; nam Papa utitur verbo *teneatur* , quod debitum importat ; & non procedit per verbum *possit* , quod actum facultativum exprimit .

II. Quod si Generalis aliud præciperet , ei non esset obediendum , quia aliud a Pontifice præscribitur .

III. Quod si ad aliam diem electio prorogaretur , nulla foret , propter decretum irritans dispositioni adiectum ; quod afficit omnem priorem clausulam continentem modum electionis , & provisionis dicti Ministri .

Sed quid , si in d. Ord. Min. de Obser. in Congregationibus intermediis tempore statuto pro celebrandis electionibus Guardianorum , propter iurgia vocalium non sequantur , an devolvantur ad Superiorem Generalem ?

Resp. Affirmativè . Licet enim ad formam d. Clementinæ sola provisio Ministri Provincialis ad eum devolvatur ; quando a Ca-

pitulo Provinciali die in d. Clementina statuta ille non eligitur ; tamen horum etiam (& Definitorum provisio , quando isti non eligerentur in Provincialibus Capitulis) ad eundem Superiorem devolvi videtur , arg. ex c. *Ne pro defectu de elect. & c. Quamquam eod. tit. in 6.* Videatur Sanctoro *Comment. in stat. cap. 8. stat. 9.*

Nota , quod in eodem Ordine Prælati Generales ob causam legitimam ex declaratione Clem. VIII. possunt prorogare Capitula Provincialia per sex menses ultra triennium : & toto eo tempore durabunt in suo respectivè officio , Provincialis , Definitorum , & Guardiani . Ceterum finito triennio , & semestri , si ex aliquo accidenti nullus sit missus Commissarius , vel sit missus , sed tempore inepto ad celebrandum Capitulum intra semestrem , Provinciales gubernabunt Provincias tanquam Commissarii Provinciales , cum suo definitorio , & Guardiani gubernabunt Conventus , tanquam præsidentes , qui non possunt votum habere in Capitulo immediatè celebrando , nisi priùs concedatur à Superiore Generali cum consensu Procuratoris Generalis , & Definitorum Generalium , si præsentibus fuerint . Statuta Sambucana c. 8. §. 47. num. 1. Lantus *ver. Guardianus n. 7. & 8.* Quid autem intendat lex per illud *cum consensu* , potest colligi c. 17. n. 17.

8 Quæritur . Quanam corporalis habitas sit necessaria in eligendo ad Prælaturam Regularem ?

Resp. Ea habitas requiritur , quæ est necessaria ad decenter exercendum munus Prælatiæ , ad quam quis eligitur ; adeo ut , si hæc desit , electio secuta nulla sit , argum. ex c. *Nisi cum pridem de renunciat. §. Alia* ibi : *Debilitas corporis , per quam impotens redditur ad exequendum officium Pastorale c. Exposuisti de corp. vitiat.* Constat ex Decret. Clement. VIII. *pro reform. regul. Const. Nullus la 60. in Bullar. tom. 3.* ibi : *Ad officia , & gradus , & Prælaturas illi præcipue eligantur , qui possint , & consueverint Regulas Ordinis , & Constitutiones observare , præsertim quæ pertinent ad servitium chori , ac victum , & vestitum communem* . Ex Trid. *sess. 22. cap. 4. de ref. Nec aliis in posterum fiat provisio , nisi iis , qui jam ætatem , & ceteras habilitates integrè habere dignoscantur : aliter irrita sit provisio* . Pro Ordin. Min. de Obser. legatur etiam Const. Innoc.

hoc. XI. incip. *Sollicitudo*, de qua supra d. cap. 17. n. 11. §. 8.

Primo itaque ineligibiles sunt valetudinarii, hoc est, qui malo corporis habitu, & affectu sæpè malè valent, atque ita frequenter ægrotant. Peyrin. de Pralat. quæst. 2. cap. 4. num. 3.

II. Senes, si inhabiles sint ad munus, ad quod assumuntur; sæpè enim senes vividi aptiores sunt cæteris ad gubernandum, Fagnan. in 3. ad cap. Cum sis num. 75. de conversion. conjugatorum. Et plures etiam sexagenarii propter diversitatem complexionis sunt juvenibus robustiores, & validiores, adeoque gubernationi aptissimi.

10 III. Podagrosi habituales; cum laborent morbo incurabili, juxta illud Ovidii: *Tollere nodosam nescit medicina podagram.*

IV. Ita claudi, ut pedibus stare non possint, nec sine sustentaculo ambulare; propter impotentiam exequendi munus.

V. Carentes manibus, aut digitis, indice, & pollice. Tum propter impotentiam præfactam; nam Prælati multa scribere debent subditis absentibus, signare litteras patentes, obedientiales &c. Tum propter deformitatem, quæ in carentibus oritur, cap. Presbyterum de Cleric. ægrot.

VI. Surdis, sive naturaliter, sive casualiter, durante surditate, quia nequeunt subditorum querelas, eosque auxilium implorantes audire, ac secretò reprehendere, mōnere, & corrigere, textus apertus in c. Constitutionem de verb. signif. in 6. & post Peyrinum ubi supra n. 20. tradit Ameno prælat. criminal. tit. 2. §. 1. n. 17.

Cæterum, si quis post adeptam Prælaturam, in aliquam ex adductis inhabilitatibus incidere, non per hoc foret removendus, nec ad resignationem cogendus, sed dandus ei esset coadjutor, juxta c. Ex parte de Cleric. ægrot.

1: Queritur. An justè ligatus excommunicatione majori possit eligi ad Prælaturam; & quatenus eligatur, electio sit valida?

Resp. Negativè. In quo concordant DD. apud Peyrin. de Pralat. q. 2. c. 5. num. 2. ex cap. Cum dilectus de consuetud. cap. Posulastis de Cleric. excomm. ministr. Et procedit, sive excommunicatio sit ab jure, sive ab homine: sive per sententiam genera-

lem, aut specialem: sive sit publica, sive occulta: sive sciatur ab electoribus, & excommunicato; sive ignoretur ab utroque: sive excommunicatus sit denunciatus, sive non. Nam jura universaliter loquuntur, & inhabilitant excommunicatos absolute ad dignitates Ecclesiasticas, sive habeant curam animarum, sive non, ut ibid. Peyrin. ideo universaliter sunt sine ulla exceptione intelligenda, juxta regulam, quod ubi jus non distinguit, nec nos distinguere debemus. Super quo maxime est ponderandum, quod taliter excommunicatis Ecclesia nullum favorem intendit impertiri, & in odium censuræ nullum eis jus spirituale, quod per electionem tribuitur, confert; sed quodcumque negat, arg. ex Const. *Primitiva* Leon. X. sub 20. §. 24. Bull. tom. 1. ubi, præmissis, quod fideles non tenentur vitare, nisi excommunicatos denunciatos, aut si ita notorie constet eos in excommunicationem incidisse, ut nulla possit tergiversatione celari, vel juris suffragio excusari, concludit: *Per hæc tamen hujusmodi excommunicatos, suspensos, interdictos, seu prohibitos non intendimus in aliquo relevare, nec eis quomodolibet suffragari*, Piafec. prax. part. 2. art. 13. cap. 4. num. 24.

Hinc sequitur, quod electus in statu excommunicationis non potest, nec in foro conscientie, etiam post absolutionem retinere dignitatem receptam, sed debet ad eam de novo eligi: vel super ea est dispensatio à Papa, vel S. Pœnitentiaria obtinenda. Nam, cum electio fuerit nulla, utpotè facta tempore, quo electus erat incapax, non validatur per subsequentem absolutionem, iuxta reg. 18. in 6. *Non firmatur tractu temporis, quod de jure non subsistit*; nec ex post facto convalescere potest, quod ab initio non subsistit, cap. *Andris de elect.* Et ita excommunicatus non potest esse Generalis, Provincialis, Prior, Guardianus, Definitor &c.

Nec obstat allegare, quod ignorantia excuset. Nam licet ignorantia inculpabilis secundum jura, & Doctores excuset à censura; tamen non validat actum ab Ecclesia irritatum, nec habilitat inhabilem, ut ibid. Peyrin. n. 4. ubi dat concordantes: & nos diximus c. t. n. 3.

Advertendum hic, quod si excommunicatio subsequatur ad Prælaturam legiti-

timè obtentam, eo non obstante, non remanet quis ipso facto privatus, quia nullalis pœna in jure statuitur, per Fagnan. in 5. ad cap. ad abolendam de heret. num. 40. Privari tamen debet, si per annum, & ultra perseveret in excommunicatione, propter pertinaciam, & contemptum legum Ecclesiæ, ut expressè in cap. Cum bona memoria de erat. & qualis.

12 Quæritur. An electio facta ab excommunicato majori excommunicatione sit ipso jure nulla?

Resp. Affirmativè. Per cap. Pastoralis de appellat. In quo conveniunt DD. ex quo excommunicatus sit suspensus non modò ab officio, cap. Clerici, cap. Latores de Cleric. excomm. verùm etiam à beneficio, cap. Romana de offic. Vicarii in 6. cap. Romana de supplend. neg. Prælat. ibid. ergo nil eorum agere valet, quæ ratione officii, & beneficii illi competunt; quorum unum est eligere: & ita privatur jure eligendi, argum. ex cap. Si celebrat de Cleric. excomm. Peyrin. cit. num. 12.

13 Quæritur. An minori excommunicatione ligatus eligi possit ad Prælaturas Regulares?

Resp. Negativè. In quo concordant scribentes: textus expressus in cap. Si celebrat, de Cleric. excomm. ubi: Si tamen scienter electus fuerit, ejus electio est irritanda. Et quia textus loquitur de electione scienter facta, sequitur, quòd non sit irritanda electio illius, de cujus minori excommunicatione non habetur notitia: sive ignorantia se teneat ex parte electorum, sive ex parte electi.

14 An autem, si electores eligant excommunicatum minori excommunicatione, peccent mortaliter?

Resp. Affirmativè. Quia scienter contravenire Sac. Canonibus in materia gravi est peccatum mortale. In casu autem sumus in materia gravi: nam agitur de electione, quæ ex dictis juxta d. cap. Si celebrat est irritanda, licet non sit actu irrita.

Cæterùm excommunicatus minori excommunicatione non est privatus jure eligendi, prout ibid. expressè: Nec eligere prohibetur, vel ea que ratione jurisdictionis sibi competunt, exercere.

15 Quæritur. An suspensus eligi possit ad Prælaturas Regulares.

Resp. Negativè. Nam inhabilis est ad di-

gnitates Ecclesiasticas recipiendas. Et quatenus per electionem conferantur, electio est ipso jure nulla, sive suspensio sit ab jure, sive ab homine ex d. c. Cum dilectus de consuetud. probatque Peyrin. ubi supra §. 1. num. 27. Nam cum Prælaturæ dentur propter servitium, argum. ex c. fin. de rescript. in. 6. & suspensus nequeat officium exercere, nec ad Prælaturas, est eligibilis.

Neque suspensus eligere potest: & quatenus eligat, electio est nulla, cap. Cum Inter R. de elect. ubi, ea omnino cassata, idest, cassata nunciata, per Gloss. ibid. in ver. cassata.

Hic opus est advertere, quòd si suspensio sit ab Ordine, seu à Divinis indefinite, privat quovis Ordinum usu, tam Minorum, quàm Sacrorum, quia æquivalet universali, ac si diceretur, ab omnibus Ordinibus; & ita suspensus non potest celebrare, nec uti Diaconus ministrare &c. Privatque etiam illi actibus, qui sunt necessariò connexi cum Ordine: ut absolvere in foro Pœnitentiali, Extremam Undtionem conferre, Baptismum solemniter ministrare, solemnem aliquam benedictionem, aut consecrationem efficere. Verùm non privat illis actibus, qui sunt jurisdictionis, & non sunt connexi cum Ordine: ut est eligere; & legitur resolutum à Sacra Congregat. Conc. in una Romana 20. Augusti 1628. lib. 13. decret. ejusdem Sac. Congregat. fol. 525. Quæ ad dubium, An Religiosus Regularis suspensus à Divinis per annum possit infra illud tempus habere votum activum in electionibus canonicis Superiorum faciendis, cum in sua suspensione non exprimat ulla privatio voti? Respondit, Regularem suspensum ad tempus à Divinis absque expressione privationis voti infra illud tempus voce activa non privari; ideòque posse votum dare in electionibus Superiorum faciendis.

16 Quæritur. An interdictus eligi possit ad Prælaturas Regulares, & quatenus eligatur, electio sit valida?

Resp. Negativè, d. cap. Cum inter R. §. Ideoque, cap. Tanta de excessib. Prælat. ubi resolutum datur, personaliter interdictum eligi, nec aligere posse. Videndus Peyrin. cit. §. 2.

17 Quæritur. An irregularis sit eligibilis ad dignitates Regulares?

Resp. Negativè, ex cap. Si eo tempore de

de rescript. in 6. cap. Is cui de sententia excom. ibid. c. Dudum il. de elect. Trid. sess. 22. c. 4. ibi: *Nec aliis in posterum fiat provisio, nisi iis, qui jam etatem, & ceteras habilitates integrè habere dignoscantur, aliter irrita sit provisio*; ubi inter ceteras habilitates canonicas ad dignitates, etiam Regulares, quas ibidem requirit, exigit etiam, quòd quis non sit irregularis. Et ponderatur, quòd, licet Prælatio Regularis, ut Generalatus, Provincialatus, & Guardianatus, non sit propriè beneficium quoad annexum temporale; tamen quoad jus spirituale circa curam animarum, & in omni rigore est dignitas Regularis, arg. ex cap. Ut filii de fil. Presbyt. Et procedit etiam in custodiatu, & definitoriatu, quia, licet primariò, & directè non sint officia curam animarum habentia, sunt tamen indirectè, & secundariò; quia cum Generalibus, & Provincialibus habent decidere causas respectivè Religionis, vel Provinciæ, & ad electiones concurrere, ex annotatis à Peyrino ubi suprà §. 1. n. 31.

18 Propterea ante electionem ad ipsarum nullitates evitandas, & tollendos scrupulos, & dubietates, solet præmitti absolutio à censuris, & dispensatio super irregularitatibus, prout sequitur.

Misereatur vestri &c. Indulgentiam &c. Si tenemini aliquo vinculo excommunicationis majoris, vel minoris, interdicti, vel suspensionis, in quantum se extendunt gratia, & privilegia Ordini Nostro concessa, vos omnes auctoritate Beatorum Petri, & Pauli, ac S. Sedis Apostolica, mihi in hac parte commissa, & vobis concessa ad effectum electionis (vel electionum) canonicè, ac ritè per vos faciendæ (vel faciendarum) absolvo. Item, eadem auctoritate, & ad eundem effectum dispenso vobiscum super omni irregularitate, si quam contraxistis: & quatenus opus sit, & indigetis, vos habilito executioni Ordinum, & officiorum vestrorum. In nomine Patris, & Filii, & Spiritus Sancti. Amen.

Super qua formula, notatur, quòd ista absolutio non prodest ei, qui absens eligeretur, & non esset præsens absolutioni. Nam, tametsi absolutio ab excommunicatione absenti per litteras dari possit, ut DD. tradunt; hæc tamen in præsentem fertur, & ad præsentem dirigitur; quod non obscure significare videtur pronomen demonstrati-

Official. Cur. Eccl.

vum Vos: quod electores præsentem exigit; ut de beneficio participant.

Quòd si quis Religiosorum esset ligatus aliqua censura, à qua præses Capituli absolvere non posset, non frueretur absolutionis beneficio, nec posset in dicta electione eligi, aut eligere; prout notavit Peyrin. cit. cap. 5. n. 9. cum quo transeunt DD. & videtur expressum per clausulam, *In quantum se extendunt privilegia & gratia Ordini Nostro concessa*, vid. suprà c. 18. n. 58.

19 Item nota, quòd opponens, seu appellans contra aliquem electum, vel eligendum, seu contra formam electionis, vel etiam contra electores, debet in litteris appellationem, seu oppositionem continetibus (quæ debent esse manu propria appellantis cum ejus sigillo subscriptæ) exprimere coram Præsidente singula, quæ intendit objicere contra, vel formam electionis, vel personas electi, vel eligendi, aut electorum; & jurare, tactis Dei Evangeliiis, quòd credit esse vera, & posse probare, quæ opponit prout cap. Ut circa de elect. in 6. Nisi aliqua antiqua (post electiones) in opponentium notitiam de novo pervenerint, quæ appellationis præmissæ tempore verisimiliter ignorare potuerint, & etiam ignorarint, ut ibi text. & cap. Is qui ibid.

Cæterum adducta verificantur, quando appellatio, seu oppositio est contra personam certam nominatim expressam, non verò, cum oppositio currit adversus personam vagam; ut, quòd non eligatur excommunicatus; vel, quòd non fiat electio, nisi canonico; vel, ne fiat contra prescriptum statutorum. Tunc enim non tenetur opponens exprimere aliquos defectus, vel servare formam d.c. Ut circa; sed sat est, ut, secuta electione, eos exprimat, probetque ad electionem infirmam, c. Qui contra de elect. in 6. cum sua Glos.

Pariter non valet appellare, ne fiat electio; bene verò ne fiat, nisi canonica, text. in cap. Cum nobis de elect. Et ibi Glos. in verb. innovari ponderat, appellationem non extendi, nisi ad ea, quæ illegitimè sunt.

Cum alicujus electio cassatur propter modum electionis, non impedit, quin possit iterum eligi, Glos. ad cap. Consideravimus de elect. in notabilib.

20 Quæritur. An sit Regularibus licitum procurare favores extra Ordinem pro

V 3

obti-

obtinentis Prælaturis ; easque Superiores possint ad instantiam Laicorum , vel Ecclesiasticorum conferre ?

Resp. Negativè . Utrumque est sub gravibus pœnis à S. Sede prohibitum . Quisque videat Constitutiones Apostolicas pro sua Religione ea de re emanatas .

In ordine Min. de Obser. sub excommunicationis pœna ipso facto incurrenda præcipitur d. Ordinis Superioribus , ne ad instantiam , & requisitionem quarumcumque personarum , Cardinalium , Regum , Ducum &c. audeant cuivis d. Ordinis Religioso gratiam concedere , pœnas remittere , vel ad gradus , honores , dignitates , officia , administrationes , functiones , & eiusdem Ordinis Prælaturas promovere . Et perpetuò inhabiles ad similia , & alia officia declarantur , qui sibi per conquisitos favores , & suffragia , aliqua procuraverint . Item , omnibus Fratribus sub iisdem pœnis interdicitur , ne recipiant favores , etiam spontè oblatos , aut ab eis minimè procuratos ; atque etiam , ne ad eum effectum munera aliqua prædictis personis exhibere præsumant , ut in const. Urbani VIII. *Admonemur la 271. Bullar. tom. 5.*

Quoniam verò Urbanus in præmio constitutionis adiecit ad dignitates , & officia per emendicata suffragia ambitiosus pateat accessus , videtur mens Pontificis fuisse prædictis pœnis ligare eos , qui in ordine ad ambitionem ad favores recurrunt , aut aliquid ad instantiam existentium extra Ordinem conferunt . Ex præmio enim mens Legislatoris dignoscitur . Unde sequitur , ut notavit Sanctior *Comment. in stat. Ord. S. Francisci cap. 8. stat. 67. §. Sciendum 3.* pœnas , remota ambitione , locum non habere , juxta regulam , quòd , *cessant causa , cessat effectus : cap. Cum cessante de appellat.*

Advertendum est , Prælatos pœnas non incurrrere , nisi realiter , & cum effectu officia , vel gratiam ad instantiam exterorum conceaserint ; Religiosos verò statim , ac per favores illa sibi procuraverint : ut ex textu colligitur .

Item ponderandum , quòd pœnæ in Constitutione præfinitæ , pro foro conscientiae statim , procuratis à subditis favoribus , & à Prælatis ipsorum intuitu officiis collatis , ligant ; sed quoad forum externum opus est , ut Judex per sententiam declaret deli-

ctum fuisse commissum , ad text. in cap. *Cum secundum de heretic. in 6.* & concordant DD. quòd , dum in iure imponitur pœna , cum clausula , *absque ulla declaratione* , sensus est , ut non sit necessaria declaratio pœnæ , ut pro foro interno incurratur ; bene vero delicti , ut pœna liget pro foro externo .

21 At petitur . An valida sint , quæ gerit Prælatus canonicè electus , sed postea , propter aliquod crimen , officio in conscientia privatus ?

Resp. Affirmativè . Nam hic non dicitur intrusus (sicut verificatur de eo , qui absque autoritate Superioris , vel canonica electione ingreditur beneficium , per c. *Quia diversitatem de concess. præbend.*) quia canonica electione fuit ad Prælaturam assumptus ; ideò licet postea in conscientia careat titulo verò , habet tamen purativum ex electione canonica , & aliquem colorem retinendi ; quia delictum , & defectus inficiens verum titulum est occultus ; nec , ut supponitur , potest resignare , nisi cum famæ jactura . Propterea ab eo gesta sustinentur , quia ille putativus titulus , & coloratus opinionione communi habetur instar veri , cap. *Auditis de elect.* Atque ita propter bonum commune Ecclesia supplet defectum : sed petat dispensationem : vide c. 31. n. 12.

22 Nota Per gratias prohibitas in Paulina , venire beneficium Ecclesiasticum .

Per pœnas intelliguntur punitiones , quæ infliguntur : ut homo , qui per delictum recessit ab ordine legis , per pœnam reordinetur , & ad ipsius observantiam redeat , ac ceteri instruantur , ne in similia delicta labantur ; & in hoc sensu pœna dicitur reordinativa culpæ .

Graduum , honorum , & dignitatum appellatione veniunt , Præpositatus , Abbatatus , Prioratus , Guardianatus , Custodiatatus , Provincialium , ac Generalium Superiorum officia , & alia his similia , cum honore , & superioritate coniuncta , ut (*Definitoriatus , Commissariatus*) juxta const. *Ad Romanum Sixti V. §. 6. declaratoriam illius Cum de omnibus 71. Bullar. tom. 2.* Nominè verò officii veniunt Lectores , Prædicatores , Confessarii , Studiorum , & Sacræ Theologiæ Magistri , Regentes , & similes , *ibid.* Ab illis illegitimi à Sixto excluduntur , non verò ab aliis , quæ ab eodem appellantur *officia oneris* .

Per *administrationes* inter Regulares intelligitur facultas administrandi, vel distribuendi res secundum conditiones, & leges ad hoc præstitutas; non tamen ad eas alienandas, aut distrahendum de illis ultra concessa. Peyrin. de subd. *quest.* 2. c. 2. no. 20.

Functiones important collationem officii, quod in suos actus exire debet, Sanctor. in *stat. loco cit.*

Prælatura tandem significat gradum honorificum cum iurisdictione in Subditos.

23 Quæritur. Præsentatis, vel nominatis tribus, vel quatuor à Magistratu Sæculari, Principe, vel Laica potestate, ex illis unus eligitur ad prælaturam Regularem: petitur, an electio sit ipso iure nulla?

Resp. Affirmativè. Nam talis restrictio lædit libertatem Ecclesiasticam, & electionis canonicæ, quæ debet esse in eligentium libertate, nec potest ex alterius consensu pendere. Propterea nominatio, vel præsentatio in electionibus reprobat, cap. *Cum terra*, c. *Quisquis*, c. *Massana de elect.* Solus Pontifex, qui est suprà Sacros Canones, privativè ad alium quemcumque, sive Ecclesiasticum, sive Sæcularem, potest electionem ad unum, vel alium restringere. Et quævis alia sine indulto Apostolico à quovis coarctata, & restricta, est ipso iure nulla, ex d. c. *Quisquis*. Et adducta censetur facta etiam per abusum laicæ potestatis, iuxta text. in d. cap. & notavit Fagn. in i. ad alleg. cap. de elect. n. 14.

Quapropter d. cap. pœnæ statuuntur in eligentes, & consentientes electioni factæ per talem abusum, ibi: *Consentiens commodo electionis careat, & ineligibilis fiat, nec absque dispensatione ad aliquam valeat eligi dignitatem*. Nec Episcopus, vel alius Prælati potest super eo dispensare, sed necesse est, ut Pontifex dispenset, ex adnotatis à Fagn. ibidem n. 7. Nam pœna inhabilitatis est imposita à Concilio Generali Lateranen. sub Innocentio III. (in quo Canon emanavit) contrà quod Episcopus non dispensat. Maximè quia Concilium non dicit posse dispensari, sed procedit prohibendo: ut sine dispensatione (Pontificis) promoveri non valeat. Eligentes autem, ab officiis, & beneficiis suspenduntur, & per triennium privantur potestate eligendi; consequenter mortaliter peccant, cum pœna adeo gravis absque gravi culpa non imponatur.

Quinimmo videntur cooperari læsioni immunitatis Ecclesiasticæ.

23 Sed petitur. An possint Laici pro se allegare consuetudinem, & possessionem tempore immemorabili?

Resp. Negativè. Nam non valet consuetudo, per quam libertas eligendi in totum tollitur. Tum quia Bulla Cœnæ tollit omnem consuetudinem, quæ est contra libertatem Ecclesiasticam. Tum quia contra libertatem Ecclesiasticam consuetudo est impræscriptibilis, nec ulla temporis longitudine defenditur, per Glos. ad d. cap. *Massana in verb. consuetudine*; quæ corruptela verissimè dicitur, & abusus: & ita præscripta possessio, usurpatio est nominanda. Unde in Sac. Congregat. rerum Concistorialium habita 13. Augusti 1646. cum ageretur, *An electio Abbatis S. Petri Gandaven. esset confirmanda, necne, stante consuetudine, secundum quam coram Commissariis Laicis colliguntur suffragia Monachorum: & ex tribus, qui habuerunt plura suffragia, Principes nominat unum, & mittit litteras sue nominationis ad Monachos, ut illum eligant; & Principes sic electum Sedi Apostolicæ confirmandum præsentat. Dictum fuit, huiusmodi consuetudinem esse contra cap. Cum terra*, ubi reprobat talis consuetudo uti corruptela, & contra libertatem Ecclesiasticam. Ided non valet, etiam si sit suprà hominum memoriam.

24 Quæritur. An Prælati Regulares possint absolvere suos Subditos à casibus reservatis in Bulla Cœnæ.

Resp. Negativè. Contra Sanctoro *Comment. cap. 2. stat. 14. sub §. 1. vers. 4.* Ita Tamburinus tom. 2. de jur. *Abbat. disp. 12. quest. 5. num. 3.* Casarub. *compend. privileg. Fratr. Minor. v. absol. Ordin. quoad Fratr. num. 9.* Grassius 1. part. *decis. lib. 1. cap. 13. num. 14.* Passarellus in *notab. privil. Min. notab. 13.* Confectius *sum. privil. mend. tit. 17. cap. 7.* quos refert Peyrinus de *privileg. ad constitut. 4. Sixti IV. §. 5. num. 6.* cum quibus transeunt Sayrus, Joan. de la Crux, Coriolanus, Alterius, Duard, Sigismundus à Bononia, Zanardus, Naldus, Bartholomæus de Vecchis, & Lezana *Sum. q. 9. tit. 3. vers. Bulla Cœnæ num. 54.* Nicol. Canon. lib. 5. tit. 39. de *absol. à casib. Bul. Cœn. num. 136.* alique. Quod expressè habetur ex text. Bullæ. Nam §. *Ceterum*

utitur universali negativa, qua omnes excluduntur, ibi: *A prædictis sententiis nullus per alium*, quàm per Romanum Pontificem &c. Nullus, atque ita & Superiores Regularium exclusi sunt ab impendendo suis subditis absolutionis beneficium. Et confirmatur, quia d. §. & §. *Et non obstantibus Bulla* procedit plena manu derogando omnibus privilegiis in genere, & in specie quibuscumque personis, Ordinibus, & locis, sub quavis forma, ac verborum tenore concessis, cum amplissimis clausulis, & derogatoriis derogatoriis: adeò ut in tanta verborum expressione quòdvis distinctionis effugium præoccupetur.

25 Unde cum Bulla revocet omnia privilegia in genere, & in specie concessa, nullus potest à casibus in ea contentis absolvere, nisi habeat speciale indultum in individuo; nec ei sufficit obtinuisse facultatem absolvendi à casibus Sedi Apostolicæ reservatis, sed necesse est, ut exprimatur à casibus in Bulla Cœnæ contentis. Nam isti sunt speciali nota digni: quorum reservatio quotannis renovatur, Tambur. loc. cit.

Concordat Nicolius ubi suprà, notans, quod cum Bulla revocet privilegia in genere, & in specie concessa, & concedenda, innovata, & innovanda, habetur, nemini privilegia concessa, & concedenda suffragari, nisi expressè contineant derogationem Bullæ.

Opponitur. Superiores Regulares possunt vigore const. B. Pii V. Romanus 132. Bull. tom. 2. quidquid indulget Tridentinum cap. 6. sess. 24. de reform. Episcopis in suos subditos. Episcopis autem ibidem conceditur, ut valeant suos subditos absolvere à casibus, etiam Sedi Apostolicæ reservatis.

26 Verùm neque Episcopis est concessa facultas, ut vigore illius capituli possint proprios subditos absolvere à casibus Bullæ Cœnæ: prout concordant scribentes. Piafecus prax. part. 2. cap. 1. art. 3. num. 6. refert Sac. Congr. decretum, quæ ad dubium: *An Episcopus, & Inquisitores possint hodie ex cap. 6. sess. 24. absolvere lapsos in hæresim, non obstante Bulla Cœnæ Domini, sensuit eam Bullam derogare decreto cap. 6. Et sub num. 18. aliud assert ejusdem Congr. responsum, ut infra: Quaritur pro parte Episcopi Cameracensis. per E.E. VV. declara-*

ri: An facultas competens Episcopis vigore Conc. Trident. sess. 24. de res. transferatur in Vicarium Capitularem, Sede Episcopali vacante. Die 4. Decembr. 1632. S. C. inherendo declarationibus aliis factis, respondit: Episcopos vigore cap. 6. non posse absolvere, nec dispensari in casu hæresis, neque in aliis nova lege post Concilium Sedi Apostolicæ reservatis. Verùm in iis casibus, in quibus Episcopis talis facultas non est adempta, eam utique transferri in Vicarium Capitularem, Sed Episcopali vacante, dummodo talis facultas specialiter per Capitulum eidem Vicario tributa fuerit.

Videndus Sperellus decis. 112. num. 61. Pignatellus tom. 1. consult. 291. & Fagnan. in 1. ad c. Quoniam de constit. num. 29. testatur à S. C. declaratum fuisse, ex Bulla Cœnæ sublatam esse facultatem Episcopis tributam decreto Concilii c. 6. sess. 24.

27 Neque alia deerunt media ad tollendas vagationes Religiosorum. Nam in eventibus casibus possunt per litteras absolutionem petere à S. Pœnitentiaria. Vel Procuratoribus Generalibus in Romana Curia pro unaquaque Religione residenti-bus significare, ut ab eadem petant, & litteras remissoriales juxta qualitatem casus obtineant.

28 Quaritur. An Prælati Regulares, Generales, vel Provinciales possint absolvere suos subditos ab excommunicatione propter admissionem mulierum intra claustra Conventus?

Resp. Negative per dicta c. 16. n. 11.

Et certum est propter stylum Romanæ Curia, in qua praxis est, ut admittentes mulieres in Conventibus petant à S. Pœnitentiaria absolutionem ab excommunicatione, & suspensione à divinis, & rehabilitationem ad officia. Stylus autem Curia facit jus, & praxis Romana inducit regulam.

29 At petitur. An possint absolvere dd. Fratres ingredientiés sine licentia claustram Monialium?

Resp. Negative. Quoniam si ingressus sit ad malum finem, casus est reservatus Sedi Apostolicæ, per expressa in 2. Decreto S. C. sub Clem. VIII. de quo c. 2. n. 7. Si verò absque licentia, & non ad malum finem, locum habet excommunicatio lata ipso facto à Trid. sess. 25. cap. 5. de regul. quæ quamquam ibidem non reservetur, est tamen ipso stylo Curia obtinenda absolutio

ab ipsamet S. Sede, Pignatellus *tom. 10. cons. 100. n. 25.*

An saltem valeant beneficium absolutionis impendere Monialibus sibi subiectis violentibus clausuram?

Resp. Negativè. Id enim nec possunt Episcopi: nam testes Fagnan. in 1. *ad cap. Quoniam de cons. num. 30.* S. C. declaravit ex Bulla Pii V. (quæ incip. *Decori sub 8. Bullar. tom. 2.*) *ademptam esse facultatem Episcopis competentem in vim c. 6. sess. 24. absol- vendi Moniales secretò delinquentes in ma- teria clausule.* Adeòque in fortioribus ter- minis ea facultate carent dd. Prælati Regu- lares. Nam Beatus Pontifex absolutionem in d. Bulla sibi reservavit, vide supra *c. 11. num. 21.*

30 Quæritur, super quibus cadant ab- solutiones, & dispensationes, quæ sint à Prælati tempore visitationum, & in qui- busdam anni solemnitatibus?

Resp. Cadunt super excommunicatio- nibus, & irregularitatibus, quas subditis ignoranter incurrerunt; vel super dubiis & oblitis, ex Peyrin. de subd. *q. 1. cap. 5. vers. si surgeat*, ad Constit. 1. *Julii 11. §. 18. num. 42.*

31 Quæritur. Subditus dubitat de au- thoritate Superioris, an scilicet sit legitimè electus, vel confirmatus; petitur, an te- neatur ei obedire, si præcipiat non exce- dentia limites suæ autoritatis?

Resp. Affirmativè, si Superior sit in pa- cifica possessione sui officii; ponderando, quòd uni Prælato teneatur obedire; & cum alius non sit in possessione Prælaturæ præ- ter illum, nihil potest subditum excusare; quin ei teneatur parere, semper enim me- lior est conditio possidentis. Aliàs ordi- giminis in Religionibus subverteretur, & disciplina Regularis destrueretur. Nec ad subditum, sed ad Prælatum majorem, vel Sac. Congreg. spectat de illius legitima ele- ctione, vel confirmatione discutere. Si ve- rò ille, de quo dubitat, an sit legitimus Su- perior, non esset in possessione suæ Præla- turæ, ei obedire non teneretur? quia, cum non sit in possessione, omni caret jurisdi- ctione, ut post Sanchez dixit cit. Peyrin. *c. 7. in fine, dico quinto.*

32 Quæritur. An Superior localis, v. g. Guardianus in Ordine Minorum possit in suo Conventu sibi eligere in Confessarium simplicem Religiosum Sacerdotem sibi sub-

ditum, non approbatum à Generali, vel Provinciali.

Resp. Affirmativè, Sanctoro in *stat. cap. 7. stat. 1. ver. Questio septima*, allegans cap. *Ne pro dilatione de pœnit. & remiss.* Sed non est dubium, ipsum nimis laxè scripsisse: res enim est dubia, & ideò debet Guardianus abstinere ab electione Confessari non approbati à Generali, vel Provinciali, nam in dubiis, quod certus, & securius existi- mamus, tenere debemus, per cap. *Juve- nis de sponsalib.*, præsertim, ubi vertitur periculum animarum, ut scripsit Piafetus *prax. part. 2. c. 1. art. 3. num. 18.* quod peri- culum in casu considerandum occurrit; nam, si opinio Sanctoro apud Deum non est vera, beneficium absolutionis non reci- pit, & ulterius injuria, & irreverentia ir- rogatur Sacramento, cum periculo nulli- tatis exponatur, per dicta *lib. 2. cautela Confess. c. 1.*

Quod evidens etiam puto, consideran- do, quòd Superiores Religionum Mendi- cantium sunt in triplici differentia. Aliqui sunt supremi: ut Generales, qui toti Re- ligioni præsunt, in qua nullum alium Su- periozem agnoscunt; habentque immédia- tam jurisdictionem in omnes Religiosos sibi in Ordine subiectos. Aliqui sunt medi- i: qui vocantur Provinciales, & uni Pro- vincia præsunt: subduntur Generali, sed jurisdictionem immediatam retinent in sin- gulos Provincia Religiosos. Aliqui sunt Prælati infirmi: ut Piores, Guardiani &c. isti præsunt uni Conventui, subduntur Ge- nerali, & Provinciali, & habent jurisdi- ctionem in solos Fratres suorum Con- ventum. Omnes prædicti habent jurisdictio- nem ordinariam, tum spiritualem, tum temporalem in suos subditos. Nam habent curam animarum non ex delegatione, sed ex electione; ut notat ibid. Sanctoro, *ver. Questio secunda, Respondeo tamen.* Et cum jurisdictio eis conveniat ratione dignitatis per privilegia, quæ sunt perpetua, cense- tur ordinaria, per *Glos. in c. final. de offic. Jud. Ord. in ver. casibus.*

Cæterum Sanctoro ibid. dixit, Guardia- nos esse voluti Parochos, & Archipres- byteros; isti autem nequeunt sibi in Con- fessarium eligere Sacerdotem non appro- batum ab Ordinario, prout est certum ex Decreto Alex. VII. à quo sub anno 1665. proscripta fuit hæc propositio (quæ in or- dine

dine erat la 16.) qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario: ergo nec illi, nisi approbatum à Generali, vel Provinciali; atque inde sublata est difficultas.

33 Nec obstat alleg. cap. de pœnit. & remiss. Nam ex Fagnan. in 5. ad idem cap. de pœnit. & remiss. num. 21. S. Congr. censuit, inferiores Prælatos non posse Confessorem approbare, nisi proprium territorium, ac jurisdictionem quasi Episcopalem habeant. Quæ in Guardianis non agnoscitur. Et licet eam in localibus consideret Peyrin. de Prælat. qu. 1. cap. 4. sub num. 3. & Ameno de pœnit. tit. 1. §. 2. numer. 4. est certum, quod, hoc etiam admissio, magis limitata foret in ipsis, quàm in Provincialibus, ut idem Peyrin. notavit. A qua restrictione habetur, ut non possint suos subditos absolvere à reservatis in Religione, absque facultate Provincialis, vel Generalis, juxta Decretum Sac. Congr. Visit. Apostol. de quo infra: nec eos ad Confessiones Fratrum excipiendas approbare: neque Episcopis ad Ordines præsentare; adeoque nec sibi in Confessarium eligere Sacerdotem non approbatum à majoribus Prælatibus.

34 Quæritur. An Prælati Regulares, Generales, & Provinciales, possint Religiosos sibi subditos in Notarios creare, & deputare?

Resp. Affirmativè, ex concessione Beati Pii V. Constit. incip. *Debitum la 124. in cit. Bullar.* pro negociis, tam communibus Religiosorum, quàm particularibus Provincialium, & Monasteriorum, etiam Monialium existentium sub ipsorum regimine, ut expressè textus; disponens pariter, ut instrumentis, scripturis, actis, & exemplatis per eos stipulatis, legalizatis, vel notificatis, plena fides in iudicio, vel extra adhiberetur, ac si forent authenticata, confecta, & stipulata per alios quoscunque publicos, authenticos, & rogatos Notarios.

35 Formula eos creandi erit, ut coram testibus creatio fiat; & nonnisi de Religiosis, moribus, fide, & doctrina idoneis. Qui coram Prælato genuflexi, tactis Sacris Evangeliiis, juramentum præstent de fideliter præstando officio, ut infra: *Ego N. promitto, & juro Deo omnipotenti, & S. S. D.*

N. Pape N. & tibi Patri, quod meum fideliter exercebo officium, in omnibus, & per omnia: sic Deus me adjuvet, & hæc Sancta Dei Evangelia, ex Peyrin. ad Constit. 9. B. Pii num. 9.

36 Recepto autem per Prælatum juramento, eidem tradens calamum, & atramentarium dicat: *Accipe potestatem notificandi, & intimandi pro ista Provincia quibuscunque personis, etiam Regibus, mandata, indulta, ac Privilegia Apostolica, juxta Privilegia Ordini concessa, faciendique publicos actus, & instrumenta &c. In nomine Patris, & Filii, & Spiritus Sancti. Amen.*

37 Testimonium creationis poterit sub his terminis dari: *Nos Fr. N. Minister Provincialis* (si creatio erit à Generali, varietur nomen) *vigore Privilegiorum Apostolicorum, creavimus, & constituimus, ac deputavimus in Notarium pro hac nostra Provincia R. P. F. N. virum moribus probatum, fide, & virtute idoneum, ad intimanda, & notificanda quacunque indulta &c. facienda quacunque instrumenta &c. authenticanda transumpta &c. recepto prius ab eo, coram nobis genuflexo, corporali juramento fidelitatis, tactis Sacris Evangeliiis, coram infra scribendis testibus. In quorum fide &c. Dat. &c. Deinde subscriptiones sequantur. Et juxta hæc poterunt dari litteræ patentales.*

38 Advertas, d. privilegium creandi Notarios fuisse directè datum S. Ord. Prædicat. de quo tamen participant ceteri Mendicantes, communicantes cum ipsis in privilegiis, Amen ubi suprâ tit. 1. quæst. 16. num. 135.

39 An autem Generales, & Provinciales possint cum illegitimis Fratribus ad honores, & gradus in Religione dispensare? Videas Constit. Greg. XIV. incip. *Circumspetala* 3. Bull. tom. 2. in qua eis conceditur: sed nonnisi cum Generali, Provinciali, seu intermedio Capitulo. Et dummodò eorum privilegia sint usu recepta, aut non revocata, ut ibi tex.

Possunt Superiorum Regularium Generales, & Provinciales, plurimum casuum absolutionem sibi reservare, juxta Decretum Clementis VIII. super cas. reserv. pro Regul. ad Constit. 28. Urb. VIII. Bullar. tom. 4. ubi decrevit, ut nemo ex Superioribus Regularium peccatorum absolutionis sibi reservet,

exceptis iis (ibi enumeratis) aut omnibus, aut eorum aliquo, prout subditorum utilitati expedire prudenter in Domino judicaverit, & infra: Si quod aliud præterea peccatum grave pro Religionis conservatione, aut pro conscientie puritate referendum videbitur, id non aliter fiat, quam Generalis Capituli in toto Ordine, aut Provincialis in Provincia matura discussione, & consensu.

40 Hinc oritur dubium. An Guardiani, & cæteri Superiores locales possint absolvere sibi subditos à casibus in Provinciis reservatis?

Resp. Negative. Nam hujusmodi Superiores non habent jurisdictionem, & auctoritatem ordinariam absolventi à dictis casibus; sed ea Generalibus, & Provincialibus dumtaxat respective convenit: quam possunt delegare ad præscriptum sequentis Decreti. *In Congregatione admodum Illustrum, & RR. DD. Prælatorum Visitationis Apostolicæ de mandato Sanctiss. D. N. Pape die 13. Martii 1601. habita; Inter alia. Al memoriale del P. Custode de' Reformati di S. Francesco & la Santità Sua dichiara, che il Decreto suo sopra la reservatione de' casi de Religiosi fatto alli 26. di Maggio 1593. non dispone, nè determina, à chi spetti l'autorità d' assolvere da detti casi, rimettendosi in questo alle Constitutioni, uso, & osservanza commune delle Religioni; che il Generale, & Provinciale habbino quest' autorità ordinaria, e non li Guardiani, e Priori, Superiori immediati de' Conventi: doveranno però detti Provinciali, e Generali communicare detta facoltà in ciaschedun Convento à persona discreta, & intelligente, per assolvere i Religiosi di quel Convento, che faranno ricorso, o veronelli casi particolari, che occorreranno, concedere la facoltà à ciascuno Confessore deputato in detto Convento, quando esso Confessore ne faccia istanza, e giudica expediente, se gli conceda; nel qual caso li Superiori, anco delegati, dovranno prontamente concederla, conforme al detto Decreto Pontificio, perche negandosi, la Santità Sua intende, che il Confessore possa assolvere da detto caso. Orb. Seraph. tom. 4.*

Cæterum possunt Superiores determinare pœnitentias graves quibusdam peccatis, etiam non reservatis, à Confessariis imponendas, quæ subditos ab hujusmodi perpetrandis cohibere possint, ut ibi Clemens.

Ubi prohibet, ne Superiores, vel Confessarii, qui ad Superioritatis gradum fuerint promoti, ea notitia, quam de peccatis subditorum in confessione habuerunt, ad exteriorem gubernationem utantur.

41 Regulares voventes non acceptare dignitatem extra Ordinem, tenentur implere. Nec absque dispensatione Apostolica possunt promoveri, ut post Nicol. Canon. lib. 5. tit. 39. n. 160 scripsit Monacell. form. p. 2. form. 3. num. 18. tit. 6.

42 Quæritur. An Prælatus Regularis sollicitus esse debeat, ut Conventus suæ jurisdictionis, in quibus est collapsa disciplina regularis, reformetur.

Resp. Affirmativè. Reformatio autem, vel ab eo immediatè, vel per Regulares ejusdem Monasterii est facienda: & in horum defectum res est committenda aliis ejusdem Ordinis Religiosis strictioris vitæ, & observantiæ, ut scripsit Fagnan. in 3. ad caput inter quatuor n. 5. de religiof. domib.

Cæterum est reformationis negotium magna circumspectione assumendum, & cavendum, ne ex eo Ordo in partes seceatur, ac ne Conventus Reformati à non Reformatis separentur: divisio enim pravos exitus habet, per Petram Comment. tom. 2. ad const. 1. Greg. IX. sect. un. num. 14. Unde debent Superiores cohibere eos Religiosos, qui aut importunè se ingerunt, aut ultrò ad reformandum se offerunt: minùs enim apti tunc sunt judicandi; nam ex præsumptione inhabiles redduntur, & credendum eos moveri non amore virtutis, & regularis observantiæ incremento, sed vel ut Principibus placeant, vel ut obtineant primos recubitus in mensis, primasque salutationes in foro. Sæpe enim non zelus, sed ambitio id operatur: probandus est spiritus, an ex Deo sit. Hinc expectandum est Superioris præceptum, aut Sedis Apostolicæ mandatum.

Nec alio erit opus reformatore, quando Prælatus ipse Regularem observantiam zelabit, ac ad praxim deduxerit monita Augustini in regula ad servos Dei, quem legere non pigeat. Ubi inter cætera de Prælato Regulari dixit. *Circa omnes se ipsum bonorum operum præbeat exemplum: corripiat inquietos, consoletur pusillanimes, suscipiat infirmos: patient sit ad omnes. Disciplinam libens habeat, metuens imponat, & quamvis utrumque sit necessarium, tamen plùs à vobis*

vobis amari appetat, quam timeri: semper cogitans Deo se pro vobis redditurum esse rationem.

Circa tamen subditos delinquentes impleat monitum S.P. Francisci his verbis expressum: *Humiliter, & charitativè corrigant eos: & memoria committat versùs, quos recenset Glossa ad c. nisi cum pridem de renunciat. in verb. elicit. ibi:*

Qui nimis emungit, solet extorquere cruorem,

Et violenta facit correctio deteriorem:

Sed moderata satis correctio gignit amorem.

C A P V T XXXIX.

Officialis quoad Privilegium Canonis.

S U M M A R I U M.

- 1 *Inijciantes violentas manus in Clericum, vel Monachum, ligantur censura Papa reservata.*
- 2 *Tria sunt necessaria ad incurrendam censuram.*
- 3 *Violentia est triplex.*
- 4 *Numerantur, qui à Canonis privilegio protegentur.*
- 5 *Propinans Clerico venenum ligatur excommunicatione.*
- 6 *Et mandans ipsius percussorem.*
- 7 *Non evitatur censura, licet Clericus percussioni consentiat. Quinimò ipsa idem Clericus ligatur.*
- 8 *Sed quid de percussione Clerici consignati potestati seculari, ut puniatur?*
- 9 *Recensentur, qui excusantur ab incurfu dicta censura.*
- 10 *An ignorantia excuset à censura?*
- 11 *Crassa, vel affectata non excusat.*
- 12 *Percussio alia levis, alia gravis, & tertia enormis.*
- 13 *Numerantur casus, in quibus Episcopi possunt secundum Canonica Jura absolvere injicientes violentas manus in Clericos.*
- 14 *Vicarius Capituli, Sede vacante, potest à censura Canonis absolvere. Et quando?*
- 15 *Regulares injicientes violentas manus in Clericum secularem non absolvit Prælati Regularis.*

16 *Absolutio datur ab Episcopo; vide limitationem.*

17 *Confessores Seculares, & Regulares nequeunt Seculares percussores Clericorum absolvere.*

18 *A quo absolutionem recipiant Regularis percussus Regularem alterius Ordinis?*

19 *Moniales exemptæ ab Ordinariis absoluntur à Regularium Prælati, de quorum jurisdictione sunt.*

20 *Regularibus ejusdem Ordinis beneficium absolutionis impertitur Generalis, vel Provincialis, aut alius Confessarius de ipsorum commissione.*

21 *Non est in Superioribus localibus jurisdictione ordinaria absolventi à reservatis in Religione ex Decreto Congr. Vistas. Apostol.*

I **E**Xcommunicatione lata in Canone 15. Concilii Lateranen. II. relato in c. Si quis suadente 17. q. 4. Sedi Apostolicæ reservata ligantur, qui suadente Diabolo violentas manus inieciunt in Clericum, vel Monachum. Tria tamen copulativè necessaria sunt, ut incuratur censura, per Sprellum dec. 45. num. 12.

2 I. Factum consummatum opere externo: quia Canon dicit, *manus injecerit*: adeo ut non ligetur, qui intendit percutere (quamvis sacrilegium committat) sed non offendit; vel intendens offendere Clericum, lædit ex errore Laicum.

II. Requiritur animus injurandi: ideo apponitur, *suadente Diabolo*. Nec est necesse, quod læsio sit contra esse physicum corporis; sed sat est, ut sit contra honorem; modò corpus, vel vestes per injuriam, & contemptum animo irato attingantur, etiam si spūto, aqua, vel pulvere id contingat; tunc enim læsio, & contemptus, physice inspectus, levissimus est; sed moraliter, & in hominum existimatione est gravissima iniuria contra reverentiam debitam statui Clericali, Diana coord. tom. 5. tract. 2. resol. 31.

III. Requiritur, ut læsio non casu, nec fortuito, sed per vim inferatur, ut est sensus voculæ, *violentas manus*; qua significatur quævis actio externa, quæ sit contra honorem Clerico debitum, dummodò vel ipsius vestes attingantur, ut dictum est.

3 Triplex verò est violentia. Una ablativa, qua aliquid per vim à Clerico auferitur. Alia expulsiua, per quam vi expellitur. Et alia compulsiva, qua compellitur, vel movetur ad aliquid agendum, quod ipse nullatenus faceret. Sperellus *cit. num. 80.* Quælibet sufficit ad censuram.

Vocula *manus* ampliatur ad injuriam factam Clerico, etiam pede, baculo, lapide &c. nam hæc non excluduntur; sed nomine *manus* intelligitur quicquid potest Ecclesiasticis in personam læsionem inferre, & injuriam non verbalem, sed realem personalem facere.

4 A Canone protegentur. I. Clerici, etiam primæ tonsuræ, juxta cap. *Cum contingat de erat. & qualis.* cum sua Gloss. *ver. Ordo* Sive Clericus sit ordinatus per saltum, sive ab alieno Episcopo, excommunicato, suspensio, vel depositio. Ratio est, quia hujusmodi recipit Ordinem, licet sit suspensus ab executione, ut per Diana *cit. resol. 42. nu. 5.*

Etiam Clerici conjugati privilegio Canonis gaudent, ad text. in cap. *unic. de Cleric. conjug. in 6.* Diana *cit. resol. 43.* Fagnan. in 3. ad cap. *Joann. 2. de Cleric. conjug. & ad cap. Pervenit de Immunit. Eccles. num. 16.* modò duxerint unicam, & virginem, & in habitu, & tonsura incedant, hoc est, vestes Clericales deferant.

Nec quoad hoc necesse etiam est, quòd alicui Ecclesiæ interserviât, quia Tridentinum hanc conditionem exigit in Clerico, ut gaudeat privilegio Fori, ut scripsi cap. 22. num. 18. & tenet Fagn. *ad d. cap. Joannes.* Quare licet Clericus conjugatus non cogatur præcisè deferre Tonsuram; cogitur tamen catasativè, hoc est, si velit Canonis, & Fori privilegio potiri. Quoniam sine Tonsura, & habitu non retinet Canonis privilegium, ut id *d. cap. in 6. sine verò Tonsura, habitu, & servitio Ecclesiæ, non retinet illud Fori,* ut per Trident. *loc. cit.* Cæteris autem privilegiis Clericalibus non gaudet, ut text. in *d. c. Joanne.*

An autem gaudeat, si ipsius Uxor fuerit ab alio corrupta? Negatur, si vel in alio Matrimonio corrupta fuit, vel publica vox, & fama in loco sit de ejus corruptione etiam extra Matrimonium. Quare, ut gaudeat, sufficit, quod pro Foro externo præsumatur virgo; in quo Fæmina semper præsumitur, nisi contrarium probetur.

II. Protegentur omnes Regulares utri-

usque sexus, cap. *Cum illorum, cap. de Monialibus de sent. excommun.* Etiam Novitii, cap. *Religiosos eodem tit. in 6.* Quia licet non sint irrevocabiler Religiosi, sunt tamen in via proxima ad Religionem.

III. Protegentur mulieres Tertiariæ habentes conditiones, de quibus in Decreto Sacr. Congregat. ut infra cap. 52. Gaudent enim privilegiis Regularium, (qua personæ Ecclesiasticæ sunt) quorum habitum gestant. Item Tertiarii, qui cum claustralibus habitant, juxta const. *Dum intrà la 22. Leonis X. Bull. tom. 1.*

IV. Protegentur Eremitæ, qui à legitimo Superiore, & sub obedientia Episcopi ex voto, vel pacto inserviunt alicui Ecclesiæ, vel pio loco; quia censentur personæ Ecclesiasticæ ad effectum gaudendi privilegio Canonis, per Gloss. ad cap. *Qui vere 16. quæst. 2. verb. verè,* quæ in terminis de Eremitis, dixit, quòd privilegium Clericorum habent. Licet de his aliqui dubitent.

Extenditur ex Antonello *de regimin. Eccles. lib. 4. cap. 2. num. 22.* ad eos, qui, assumpto habitu Religioso, Monialium servitiis incumbunt, & pro eis elemosynas quærun; ac ad Laicos, qui in habitu Clericali incedunt, & inserviunt Congregationi Clericorum in communitate sub certo modo Religioso viventium.

Protegentur Equites S. Joannis Hierosolymitani, vulgò detti di Malta; cap. *Canonica de sent. excommun.* Sunt enim verè Religiosi, emittentes tria vota substantialia Religionis, ut ex formula professionis, quam emittunt, constat; de qua re ex professo Sperellus tota dec. 21.

Quicumque itaque manus violentas in aliquem ex prædictis injiciat, censura ligatur, quocumque instrumento id fiat, *vel pugno, impulsu, pede, baculo, lapide, pulvere, luto, aqua, spuito: Si vestes lacerentur, si per violentiam aliquid ex ejusdem manibus eripiat. Si frænum equi teneatur, ne liber transeat: Si equus, cui insidet, occidatur: Si capturetur: Si in custodia detineatur, cap. Nuper de sent. excommun. Si osculiter insequatur, & coactus est cadere, vel in flumen se pronicere;* vel simili modo, inato animo persona Clerici lædatur, & violentia irrogetur, quæ sæpè citra corporalem læsionem circa Clericos exercetur, ut ibi text. vide *Consect. privileg. mend. p. 2. tit. 14. c. 4.*

Quòd procedit, etiam si læsio sit occul-

ta; licet, ut quis pro foro externo viteretur, debeat esse notoria, ut ex *const.* Martini V. *Ad evitanda.*

5 Ipsa pariter propinatio veneni est Clerico violenta, & injuriosa; Sperell. *decis.* 20. Diana *resolut.* 32. Hæc enim est actio magis in suo effectu violenta personæ Clerici, quam sit ei injuriosum, ipsum pulvere conspurcare, aqua aspergere, fuisse, aut alapa cedere. Nam ex sua natura ordinatur ad privandum Clericum vita. In casu veneni propinati duplex est effectus: unus ipsa propinatio, ob quam indubie censura non incurritur, nisi Clericus venenum bibat. Alter est mors; sed iste nullatenus est necessarius ad incurrendam censuram. Quia quamvis hæc non sequatur, tamen injuria, & violentia fuit Clerico irrogata. De venenante negat Nicol. *Lucubr. canon. lib. 5. tit. 39. n. 153. limit.* 23. ex eo, quod venenum violentiam faciat naturæ, non personæ. Sed de falsitate talis fundamenti patet.

6 Etiam mandans, seu precibus, & promissis incitans ad Clerici percussione, hac secuta, censura ligatur, *cap. Mulieres §. Illi de sent. excom.* modò ex vi mandati, consilii, vel favoris, offensio personalis Clerici subsequatur: & nisi mandatum, & consilium expresse omni conatu à mandatario revocaverit, & efficaciter retractaverit; tunc enim ipsi percussio non est imputanda, quia fecit, quod potuit, ut non sequeretur. Diana *resol.* 27. Layman. *Theol. moral. lib. 2. p. 2. c. 5. num. 7.* Item consentiens, *c. Quoniam* ibidem. Item ratum habens, audiens percussione esse suo nomine factam, *cap. Cum quæ eodem tit. in 6.* licet ipse non commiserit percussione.

7 Extenditur censura ad percutientem Clericum, licet iste percussioni consentiat. In casu enim percussio est injuriosa, si non personæ, statui Clericali, favore cujus fuit privilegium concessum: Gonzalez *in 5. tit. 39. cap. 36. num. 2.* Quinimò & ipse Clericus ipsa ligatur. Tum quia non potest consentire. Tum quia injuriam facit Ordini Clericali. Sicut propter eandem rationem incurrit censuram Clericus se non fervore devotionis, sed animo irato percutiens. per Sperell. *cit. num. 60.* De quo verificatur textus; *Si quis suadente Diabolo: nam verè manus violentas in Clericum ponit.*

Et Regula 27. *jur. in 6. scienti, & consen-*

tienti &c. procedit, si in eo non læditur jus tertii; in casu læditur jus status Clericalis qui injuriam non vult, quamvis eam velit percutiens.

Hinc observandum. I. Quod Clericus verbis non potest renunciare privilegio Canonis, *c. Contingit il. de sent. excom.* Videtur tamen eidem posse facto renunciare, ut, si post dimissionem habitus, & tonsuræ, variis noxis se implicans; ter à Prælato monitus seipsum emendare non curet, ut est textus *in c. In audientia d. tit.* Sed de hoc debet juridice constare.

Unde scripsit Fagnan. *in 5. ad d. c. Contingit cit. tu. num. 9.* quod Clericus apostatando ab habitu, & tonsura non perdit privilegium Clericale, nisi præcesserit trina monitio. Et Gonzalez *loc. cit. c. 24.* Quod si ante trinam monitionem non deferat habitum, nec interserviat Ecclesiæ, juxta Trident. *sess. 23. cap. 6. de refor.* non privatur Canonis beneficio, quia Tridentinum loquitur dumtaxat de illo fori: & quoad hoc etiam se restringit ad Clericos Minorum Ordinum; vide, quæ dixi *d. c. 22. num. 18. & 19.*

II. Consideratur, quod cum Clericus ab Judice Ecclesiastico traditur juxta formam juris puniendus potestati Sæcularis, ad text. *in cap. Cum non ab homine de jud. c.* non evitat censuram Canonis, qui ipsum auctoritate privata percutit. Nam textus *in d. cap.* limitatè loquitur: *per secularem potestatem corrigatur.* Ut advertit Diana *resolut.* 37. *num. 2.*

Unde patet; quod Clericus per realem degradationem ab Ordine, factam nimirum ritibus in Pontif. Romano Clement. VIII. præscriptis 3. p. non est omnino quoad omnes privilegio Canonis privatus.

Verùm nonnulli excusantur à censura Canonis ob percussione Clerici.

9 I. Excusantur Prælati Regulares, qui titulo correctionis Religiosum sibi subditum flagellis corrigunt: quia percussio non fit suadente Diabolo, sed suadente justitia, charitate, ac zelo disciplinæ, *cap. Universis de sent. excom.* Sed non nisi necessitate urgente, & non per laicum est agendum: aliàs tam verberans, quam præcipiens, censuram non evadunt, ut ibi text. Indecens enim est, ut Laicus in Clericum, etiam causa correctionis, manus injiciat: & debet verberatio esse moderata, per c. Presbyte.

byterum de homicid. aliàs censura non evitabitur, ut per Gonzalez *cit. c. 24. n. 1.*

II. Excusantur Magistri Scholarum, qui Clericum intuitu, & sine disciplinæ, vel correctionis percipiunt; *cap. Super eo de sent. excom.* Dum tamen correctio sit modica, aliàs censura ligantur, *cap. Cum voluntate d. tit.* Nec debet ad sanguinis effusionem percussio pervenire, quia hoc non esset causa correctionis leviter percutere, ut juxta text. debet; sed prætextu disciplinæ odium explere.

III. Excusantur parentes, & majores titulo disciplinæ leviter verberantes eos de sua familia, minoribus initiatos, *d. c. Cum voluntate.*

Sed, an pater possit filium in Sacris constitutum impunè flagellis corrigere, absque eo quòd incidat in excommunicationem Canonis? Dubitant DD. Verum dico non posse, per text. in *d. cap. Cum voluntate*, in quo parentibus correctionis gratia conceditur punire adolescentes de sua familia, sed cum limitatione in minoribus gradibus constitutos; secundum communem regulam, quòd casus omisso, uno expresso, præsumit exclusus.

IV. Excusantur Birrarii, qui de mandato Prælatorum Clericos, vel Monachos capturant, & ad carceres ducunt, *cap. Ut fama d. tit.*

V. Excusatur, qui vim vi repellens, cum moderamine inculpatae defensionis Clericum, injustum aggressorem, repellit, *c. Si vero d. tex.* Nam tunc percussio Clerici solum est per accidens; per se enim intenditur propria defensio. Moderamen in hoc stat, ut quis illud agat, sine quo aliter se defendere non posset. Sed incontinenti, & in ipso aggressionis actu se defendere debet; nec excedere, adeò ut si tueri se possint non vulnerando, non lædendo, nec lædere, nec vulnerare potest.

VI. Excusatur, qui in Clericum cum uxore, matre, sorore, vel filia sua propria turpiter inventum manus injecerit violentas, textus expressè in *d. c. Si vero*. Licet enim percutiendo mortaliter peccet, tamen Canon noluit percussorem, tum in detestationem illius criminis, tum ob difficultatem temperandi dolorum, quem in similibus ex injuria accepta solent homines concipere, excommunicatione punire, ut observat Glos. in *d. c. ver. turpiter*.

Verum, ut excusetur a censura, debet statim in ipso actu turpi osculi, amplexus &c. percutere, & non ex temporis intervallo, & consilio. Quia textus habet, *turpiter inventum*. Propter quod excluditur eorum opinio, qui dixerant, maritum non ligari excommunicatione, qui non casu invenit, sed data opera, & deliberato animo expectavit Clericum adulterum, ut vindictam sumeret; quia hoc non est invenire, sed deliberatè expectare. Si dubitat de uxoris fidelitate, alia via provideat.

VII. Excusatur mulier factis a Clerico sollicitata ad turpia, nec potest se liberare, nisi Clericum alapa percutiat. *Diana resol. 19.*

VIII. Excusantur, qui per jocum, fortuito, & casu non præviso, Clericum percipiunt, *d. c. super eo eod. tit.*

Sed, an excusentur pueri usum rationis habentes, qui ad annos pubertatis non pervenerint?

Resp. Negativè. Cum enim ex eodem *c. Cum enim*, sint doli capaces, nec a culpa, nec a censura excusantur, dum non levitate jocosa, sed ex odio, vel invidia Clericum percipiunt. Propter teneram ætatem excusantur adire Romanum Pontificem pro absolutione, & absolvi possunt ab Episcopo, ut probat Gonzalez *cit. c. 1.*

IX. Excusatur magister triremium, vulgò *Comite di Galera*, percutiens Clericum ad triremes damnatum; modò eum percutiat, sicut cæteros remigantes, & in pertinentibus ad suum officium: nam id facit cum Clerico; qui, licet non sit degradatus ab Ordine, est tamen depositus a dignitate, & officio; & in eo est minister, & executor Prælati, qui illum damnans ad triremes, damnavit etiam ad supplicia, quæ solent sustinere cæteri remigantes. Si tamen, vel ipse excederet, vel alius in rixa eundem Clericum percuteret, excommunicationem non vitarent. Nam Clericus Galeota privilegium Canonis non perdit, ut pluribus allegatis dixit Diana *resol. 11.*

X. Dubitatur. An excusetur, qui percutit Clericum, sed ignorat, an percussio Clerici sub excommunicationis pœna prohibeatur? Resolutio pendet a solutione quæstionis. An committens factum, cui censura est annexa, ignorans Constitutionem, qua censura statuitur, in eam incidat?

In

In qua questione nonnulli docent, ignorantiam similis Constitutionis non excusare à censura. Probant I. ex cap. *Cum illorum de sent. excom.*; ubi Pontifex resolvit Episcopum non posse absolvere eos, qui ignari Canonis si quis suadente in censuram inciderunt propter violentam manuum iniectionem in Clericum, sed opus esse absolutione Pontificis. II. Ex eo, quod præbens consensum delicto, censetur se subijcere pœnæ eidem annexæ, l. *Imperatores, ff. de jure fisc.*

Communior tamen sententia est, quod ignorantia inculpabilis excuset à censura, juxta commune axioma, in *ignorantes non cadit censura*; sive sit ignorantia juris, ad *tex. in c. Animarum de cons. in 6.* ut si quis ignoret, legem censuram statuere; sive sit ignorantia facti, per *text. in cap. Si vero de sent. excomm.* ut si percutiens Clericum ignoret ipsum esse Clericum. Ratio est, quia ad incurrendam censuram exigitur peccatum mortale conjunctum cum contumacia: ignorans autem legem, contra legem contumax, & inobediens legi esse non potest, Gonzalez *cit. c. 32.* Abelly *Medull. Theol. part. 2. cap. 6. l. §. de censur.* & expressè *text. in cap. nemo Episcoporum 2. quest. 3.*

XI. Cæterum ignorantia crassa, seu supina, & affectata, à censura non liberat, per *alleg. & Dianam resol. 25. n. 5.*

Crassa? vel supina in eo stat, quod dubitans de existentia legis, ex negligentia vel pigritia nullam, vel levem diligentiam adhibet, ut instauratur de veritate. Affectata verò in eo, quod quis data opera, ex malitia, ut liberius peccet, diligentiam omittit. Unde patet, quod utraque est voluntaria, & culpabilis; atque ita, quod cum ea injiciens manus in Clericos, dicitur contumax in causa, quatenus noluit ignerantiam removere.

Hinc facile diluitur objectum ex *d. cap. Cum illorum*; nam procedit de ignorantia, quæ in casu fuit culpabilis, juxta intellectum Gonzalez *ibidem*: cum fuerit crassa, vel affectata.

Nec obstat aliud ex l. *Imperatores*, quia procedit solum in pœna cognita, vel ordinaria, non verò in extraordinaria, quæ regulariter non ligat, nisi contumaces, & ex contemptu operantes; ut est lex censuram imponens, ex cap. *Sacro d. tit. concor-*

dat Fagnan. in *5. ad cap. A nobis il 1. eodem tit. num. 4.* & ego dixi *lib. 3. Cautel. cap. 2. num. 17.*

XII. Excusatur, qui ratione officii, etiam per vim ejicit extra Ecclesiam, & fortè leviter percutit minorum Ordinum Clericos, turbantes officia divina, ut expressè in *c. Veniens, & cap. Cum voluntate d. tit.* quia talis violentia injuriosa non est.

An autem in percussione Clerici detur parvitas materiæ quantum ad incurrendam censuram? Affirmativè cum *Diana resol. 2. & 3. num. 8.* citante Portell. & Barbosa. Cum nimirum percussio per se est levissima, quia tunc est solum venialis. Et ex Barbosa exemplificat in eo, qui manu tantum leviter repelleret Clericum à se, sed non tanta violentia, & contemptu, ut aliàs injectio manus, licet non gravis in ordine ad læsionem corporis, gravis tamen, & mortalis apud viros prudentes respectu ad honorem Clerico debitum deberet judicari.

12 Quæritur. Quænam injuria, & percussio Clerico facta censetur levis, vel modica; gravis, & enormis?

Resp. Judicium non ex uno tantum capite pendet, sed ut loquitur Joannes XXII. in *Extravag. Perlellis apud Confess. de priv. mend. part. 1.* attendendum est diligenter ipsum factum, facti qualitas, percuriendi, vel injuriandi modus. Item facti circumstantia, loci videlicet, & etiam persona; quæ sit levis, vel modica, gravis, aut enormis injuria, manifestius cognoscatur. Accidere enim potest, quod injuria, quæ aliàs esset levis, gravis & enormis sit censenda: ut, si in theatro, vel in foro, coram Rege, Prælato, vel Judice, in Ecclesia coram multis, vel alio loco publico injuria inferatur: vel injuriatus sit Magister, Judex, Prælatus, aut alius dignitate constitutus.

Hic advertendum, quod injuria ex percussione Clerici proveniens, dupliciter dividitur. Prima est *levissima*, & venialis, quæ non infert censuram; maior enim excommunicatio nunquam incurritur nisi propter peccatum mortale, d. c. *Nemo Episcoporum*.

Secunda est mortalis, sed comparatione ad gravem, & enormem dicitur *levis*, quæ ex *d. Extravag. Joan. XXII.* fit percussione, vel impulsione pugni, manus, pedis, bacu-

baculi, lapidis &c. modo non pertingat ad livorem, mutilationem membri, fractionem dentes, non modicam capillorum depilationem, sanguinis effusionem. Huiusmodi enim actio est contra honorem, & reverentiam Clericalem. Fit etiam, dum quis una manu tenens Clericum ex odio dixerit, *si non esses Clericus*: vel, si detineat frenum equi, ut equus, cui Clericus infidet, non liberè transeat. Nam semper fit Clerico injuria per violentam manuum injectionem, licet non semper habeatur percussio materialis, & corporalis læsio.

Tertia est *gravis*, seu *mediocris*, ut, si percussio pertingat ad livorem, ad fractionem dentis, vel non modicam capillorum depilationem, aut effusionem sanguinis (quæ non contingat, aut levissimo ictu, aut pugni percussione, ut ibi text.) vel Clericus in privata custodia detineatur, aut hostiliter quis eum insequatur, & sit causa, ut cadat, & ex casu læsionem in corpore recipiat, aut in loco publico percussio sequatur &c.

Quarta est *gravissima* seu *enormis*, ut si Clericus occiditur, vel mutilatur, aut ei oculus effoditur; vel in eo statu ex percussione ponitur, ut inhabilis sit ad proprium ministerium, vel, percutiatur Episcopus; aut à subdito Superior, aut quivis Clericus in platea; Ecclesia, vel alio publico loco in magno aliquo concursu propter scandalum; vel Clericus rapiatur, & furto auferatur. Videndus Diana *resol. 4.*

Pariter ex *alleg. Extravag.* considerandum proponitur, quod iniuriæ, quæ per se non excedunt naturam modicæ, & levis, ex circumstantia tum loci, tum personæ læsæ, & lædentis, in gravem, & enormem transeunt. Unde ibid. Pontifex pro regula discernendi unam ab alia tradidit, ut diligenter attendatur non solum factum, sed etiam qualitas facti, ut diximus. Ubi Episcoporum iudicio (quibus datum est in certis casibus absolvere) committitur ut de iniuriæ qualitate pronunciet. Ita tamen quod in dubio potius iudicent iniuriam esse gravem, quam levem, & ab absolutione abstineant, *ne injuriantes* (ut loquitur Joannes) *de vicina absolutione confisi, de facili in atroces prorumpant percussiones, vel iniurias; & sententias Canonis jam periculosas contemnentes, in excommunicationis sententiam proclivius prolabantur.*

Official. Cur. Eccl.

An verò absolutio à Canonis censurâ possit ab Episcopis concedi? Affirmatur per expressa *cit. tit. de sent. excom.* Ex quo non nullos casus hic recensemus. Itaque possunt Episcopi absolvere.

13 I. Si percutiens nondum ad annos pubertatis pervenerit, *c. Super eo d. tit.* etiam si de percussione facta tempore impubertatis factus pubes absolutionem petat, *cap. Pueris d. tit.*, & per Gonzalez *cit. ad cap. 1.* Annus pubertatis in maribus incipit post expletum annum ætatis 14. & in fœminis duodecimo completo.

II. Si percutiens sit mulier, *cap. Mulieres ibidem.* Quæ Sedem Apostolicam non coguntur adire, quia periculosum est mulieribus vagari, & virorum cœtibus se immiscere.

III. Si percutiens sit Monialis, *c. De monialibus ibidem.* In quibus ultra rationem *d. textus*, adest impedimentum clausuræ.

IV. Si Clerici in communi viventes se invicem percuferint, *c. Quoniam de vit., & honest. Cleric.* Nisi atrocitas facti absolutionem à Sede Apostolica expectet, ut *ibidem text. & c. Canonica de sent. excom.*

V. Si percutiens detineatur aliquo justo impedimento inevitabili, & manifesta necessitate: ut impotentia ætatis, sexus, vel infirmitatis, etiam si non immineat periculum mortis (in mortis enim periculo quivis Sacerdos potest absolvere, juxta Trident. *sess. 14. cap. 7. de cas. reservat.*) vel paupertatis, aut senectutis, vel inimicitia, propter quod pro beneficio absolutionis non possit Sedem Apostolicam adire, *cap. Ea noscitur cap. Quamvis eodem tit.* Sed absolutio non est conferenda, nisi prius absolvendus parti læsæ, & Ecclesiæ satisfaciatur: & in casu impotentia de eo cautionem det, etiam iuratam, ad text. in *Clement. Multorum §. Verum de heret.* & nisi prius iuramentum præstet de stando mandatis Ecclesiæ, promittens deinceps similia se non commissurum. Quinimodò, ubi impedimentum perpetuum non erit, exigendum etiam est iuramentum (exceptis senibus, mulieribus, & pueris *cap. Pervenit hoc tit.*) quod, impedimento cessante, se presentabit Sedi Apostolicæ, mandatum ipsius humiliter suscepturus, expresse text. in *d. cap. Quamvis.* Quod si impedimento sublato neglexerit se presentare, in similem censuram reincidet ipso iure, *c. Eos qui*

X

eodem

eodem tit. in 6. quod onus est à quovis Sacerdote, in articulo mortis absolvente, imponendum absolviendo à quovis excommunicatione, à qua aliàs absolvere non posset, ut ibi, & per DD. communiter.

VI. Si percussus sit dominus magnæ potentiae, & ita delicatus, ut laborem accedendi ad Sedem Apostolicam non valeat sustinere. Prius tamen est Romanus Pontifex de ejusdem statu informandus, *d. cap. Mulieres.*

VII. Si percussio, & injuria sit levis, *cap. Pervenit d. tit.*

14 An autem hujusmodi absolvendi facultas competat Capitulo, vel ejusdem Vicario, Sede vacante? videtur negandum, eo quod prædicta jura privilegium tribuunt Episcopis. Sed contrarium est in jure expressum, *c. Episcopali de majorit. & obed. in 6.* ubi textus in terminis concedit Capitulo posse absolvere ab excommunicationis sententia, siue juris siue hominis, à qua beneficium absolutionis posset Episcopus, si viveret, impertiri. Vide Engel. *in jur. canon. lib. 5. tit. 39. num. 148*

16 Queritur. Quis absolvat Regularem violentam manus injicientem in Clericum Sæcularem?

Resp. Nonnullis asserere placuit posse absolvi à Prælato Regulari, Generali, vel Provinciali, cujus ille est subditus. Moven- tur, tum propter amplissima privilegia, quæ à Sede Apostolica habent Regulares absolvendi suos subditos ab omnibus casibus, etiam Sedi Apostolicæ reservatis, exceptis dumtaxat, *Hereticis relapsis, Schismaticis, & iis, qui Litteras Apostolicas falsificassent, aut ad infideles prohibita detulissent*: ut ex Mari magno Prædicat. & Min. tum ex eo, quod in Decreto Clement. VIII. *de cas. refer. pro Regularibus*, ut post Const. S. Congregatio Urb. VIII. 28. Bullar. tom. 4. præhigitur certus numerus casuum, quos Superiores Regulares sibi reservare possunt. Quorum septimus in ordine est: *occisio, aut vulneratio, seu gravis percussio cujuscumque persone.* Atque ita, si absolutionem possunt sibi reservare, consequens est, ut ab occisione, vel percussione absolvere valeant: & cum textus loquatur, *cujuscumque persone*, non est locus excludendi illam Clerici.

16 Verum hæc in casu non attenduntur; quia, ut expressè *cap. Cum illorum d. tit.*

absolutio spectat ad Sedem Apostolicam: Vel, ut in *cap. Religioso hoc tit. in 6.* (cui standum est, tamquam altero posterius: nam primum emanavit ab Innocentio IV. & secundum edidit Bonifacius VIII.) absolute est ab Episcopo conferenda, juxta limitationem aliorum Canonum, ut legit Glof. ibid. *ver. eo casu*; ut, si leviter percussus, vel est debilis, aut delicatus, vel est æger, aut inimicitias capitales habet, per Engel. *num. 132. & Gonzalez tit. cap. 2.* In quo concordat textus in *Extrav. Etsi de pœnit. & remiss. inter com.* ubi Sixtus IV. sub pœna excommunicationis, quæ Sedi Apostolicæ reservatur, inter alia prohibet, ne Regulares vigore facultatum (quas etiam Ordinibus concesserat) absolvant, qui Clericum in Sacris Constitutum occiderunt vel mutilarunt. Ac etiam obstat Decretum Sac. Congr. Episcop. declarativum de *cas. refer.* editum ex commisso Clement. VIII. 26. *Novembr. 1602.* in quo inter cætera revocatis omnibus privilegiis, etiam in mari magno, & Bulla aurea, aliisque Constitutionibus Apostolicis datis, interdicatur, nè ullus confessorius Sæcularis, vel Regularis absque licentia Sedis Apostolicæ absolvat *injicientes manus violentas in Clericum juxta Canonem, si quis suadente 17. quas. 4. & juris dispositionem*; dispositio autem juris est, ut Regularis Clericum percutientes absolvatur ab Episcopo, juxta limitationem *ex d. cap. Religioso*. Qui iniuriam condonet, & pœnam in satisfactionem definiat.

Nec obstant ex adverso producta. Nam hodie illa adeo ampla concessio Sixti IV. quoad omnia non regit. Neque enim Regulares suos subditos possunt absolvere in casibus Bullæ Cœnæ, ut dixi *cap. Superiori num. 24.*

Nec secundum. Quia quando etiam ex vi decreti de anno 1593. potuissent absolvere Regulares, prohibentur vigore alterius editi anno 1602.

Sensus autem illius dictionis *cujuscumque* est, Prælatos Regulares posse sibi reservare absolutionem percussoris factæ in quamcumque personam sibi subditam, vel etiam in personas sæculares laicas: nam harum percussores possunt absolvere. Non verò factæ in personas Clericorum Sæcularium, quia id eis per jura prohibetur. Tum quia, statim ac Regularis percussit Clericum

cum Sæcularem, ratione delicti fit de foro Episcopi. Atque ita à suo Superiore absolutionem nequit obtinere, nisi Episcopus concedat.

Quod, si cum Diana *resol.* 78. opponatur Decretum Clementis de anno 1602. nihil de Regularibus quoad Regulares disponere, ut ipso teste S. C. respondit; dicitur id solum procedere stando in materia uniformi, hoc est, dum agitur de delicto à Regulari in Regularem commissio, non verò de eo adversus Clericum sæcularem contra juris dispositionem, & de quorum foro Regularis propter delictum non est.

17 Ex eodem Decreto Clementis de anno 1602. habetur, Confessores ordinarios sæculares, vel Regulares extra articulum mortis non posse absolvere injicientes manus violentas in Clericum, vel Monachum, & quatenus absolvere præsumant, absolutio est nulla, & ipsi inhabilitantur ad audiendas confessiones, & ligantur excommunicatione Papæ reservata, prout in alio Decreto ejusdem Clem. *de casib. refer.* edito die 9. Januarii 1601. sive percussio sit levis, sive gravis, publica, vel occulta. Nam decretum absolute loquitur, & omnem comprehendit.

18 At petitur. An Regularis percutiens Regularem alterius Ordinis sit absolvendus à Prælato læsi, vel lædentis?

Resp. Textus in d. cap. Cum illorum, hæc habet; Si verò claustralis aliquis in Religiosum alterius claustrum manus injecerit violentas, per Abbatem proprium, & ejus, qui passus est injuriam, absolvatur. Quod intelligendum, ut absolutio fiat à Prælato illius, qui offendit, præsentem alterius Prælato, cui injuria fuit irrogata, ut hic ipsam injuriam condonet, & de satisfactione condigna arbitretur, ut apud Engel. *num.* 132. Limitat Diana ibid. ad casum, quod injuria non fuerit enormis: siquidem si fuerit enormis, absolutio à Sede Apostolica est obtinenda, & ad tollendas fratrum devagationes scribendum esset, vel ad Sacram Pœnitentiam, vel Procuratorem proprii Ordinis, ut de ea re ageret.

19 Moniales exemptæ se invicem percutientes absolvuntur, aut ab Episcopo, aut suis Prælatibus Regularibus, vel ab ipsarum Confessariis de eorum commissione. Si quidem privilegia Regularibus data, Monialibus eisdem subiectis communicantur, per

Pignatell. *tom.* 7. *consult.* 80. *num.* 4. Piafec. *prax. part.* 2. *cap.* 3. *art.* 7. *num.* 1. expresse legitur in Bulla Aurea, seu Conflit. *Sacri Prædicatorum, & Minorum, la* 19. *Sixti IV. Bullar. tom.* 1.

20 Regulares pariter ejusdem Ordinis ad invicem se percutientes à Generali, vel Provinciali absolvuntur juxta indulta Sedis Apostolicæ: quæ quisque videre potest in litteris concessionis sibi factæ.

In Ordine Fratrum Prædicatorum, & Minorum, ad text. in ipsorum respectivè *mari magno*, possunt Generales, & Provinciales, ac alii, quibus ipsi commiserint, ut ibid. expresse. Et notandum, quod restrictio facultatis ab eodem in d. Bulla Aurea ad solos Generales facta, fuit subinde ab ipso revocata in Conflit. *Quoniam apud cit. Confess.* & reducta ad terminos concessionis, de qua in privilegio maris magni; ubi & Provinciales ad id fuerunt habilitati.

Nec obstat, quod alleg. Confl. *Quoniam*, emanaverit pro Frat. Ord. Prædicatorum; quia, cum inter Prædicatorum, & Minorum Ordines specialis communicatio privilegiorum reperiatur, ut ex allegat. *Mari magno*, ejusdem dispositio extenditur, ut in Ordine Minorum possint etiam Provinciales ad tenorem d. Maris magni absolvere.

Verum, licet per allegata jura Canonica, & c. *Monachi, c. Canonica*, videatur Regularium facultas quoad subditos restricta ad percussionem eorundem, seu levem, & gravem; tamen eorum potestatem ad qualemcumque percussionem, specialibus privilegiis inspectis, extendi notarunt Tamburin. *de jur. Abbat. tom.* 2. *disput.* 14. *qn.* 10. *num.* 6. Lezzana *sum. tom.* 1. *cap.* 18. *numer.* 30. Layman. *lib.* 4. *tract.* 9. *cap.* 7. *ad num.* 10. apertisque verbis Confessarius *summar. privileg. mend. tit.* 14. *cap.* 9. ibi: -- Regulares quidem, ac etiam Moniales eisdem Regularibus subiectæ, quocumque modo se in claustro percutientes, non sunt ad Sedem Apostolicam mittendi, sed secundum juris communis dispositionem, & suorum privilegiorum formam, ab eorum Superioribus Regularibus absolviendi sunt. Quod, si extra claustra se percutiant, ab iisdem etiam Episcopo instante, juxta dicta *cap. ult. num.*

21 An autem Superior localis possit absolvere sibi subditum in alium suæ familiæ Religiosum manus violentas injicientem?

Resp. Negative, nisi facultas ei sit à Generali, vel Provinciali delegata; per d. c. *preced. num. 40.*

CAPUT XL.

Officialis quoad Processiones.

SUMMARIUM.

- 1 *Regulares ultra medium milliare non distantes à Civitate accedere tenentur ad processiones.*
- 2 *Ad quas processiones accedere teneantur?*
- 3 *Extra claustra non faciunt processiones; & distingue, usque ad n. 8.*
- 9 *Infra octavam Corporis Christi possunt Regulares extra claustra processiones facere, ad 10.*
- 11 *An autem possint Regulares in processibus uti pluviali, & istius usus sit signum jurisdictionis in utente?*
- 12 *In Monialium Ecclesiis non sunt processiones.*
- 13 *De licentia Ordinarii defertur Imago B. Mariæ Virginis.*

1 **T**enentur Regulares ad processiones solemnes accedere, prout ex §. 3. Constit. Dum intra 22. Leon. X. Bullar. tom. 1. & facit Trid. sess. 25. cap. 13. de Regul. Verum compelli debent cum moderatione edita à S. Congr. C. apud Piafec. prax. part. 2. cap. 3. art. 6. à num. 51. ut sequitur: *San. mem. Greg. XIII. decrevit, Regulares Monasterii ultra medium milliare à Civitatibus distantis, non posse ab Episcopo compelli accedere ad processiones, quæ intra Civitatem habentur.*

2 Non tenentur ad omnes, sed ad eas dumtaxat, de quibus fuit dispositum in Congreg. particulari de ordine Urbani VIII. celebrata sub die 27. Julii 1628. & 21. Augusti, ac 19. Septembr. ejusdem anni, apud Pignatell. tom. 1. conf. 121. ut infra: *Auditis Procuratoribus Ordinum, negotioque mature discussio, unanimiter censuerunt posse Episcopos pœnis sibi bonè visis compellere quoscumque Regulares recusantes, etiam Monachos, & quomodolibet exemptos, ad infra scriptas processiones accedere, atque illis interesse, exceptis dumtaxat in strictiori clausura viventibus, & Monasteriis ul-*

tra medium milliare à Civitate distantibus; nempe in die Festo Sanctiss. Corporis Christi, in Litanis majoribus, in Rogationibus, ac in quibuscumque aliis publicis, & consuetis, vel pro bono, causa, aut honore publico, ab Episcopis indictis processionibus; non obstantibus quibuscumque privilegiis, consuetudinibus, vel prescriptionibus, etiam immemorabilibus; privilegiis tantum Apostolicis, S. Concilio Trid. posterioribus; contrarium desuper disponentibus minime sublatis.

3 Regularibus autem, & Confraternitatibus in Ecclesiis Regularium esse permittitur, intra eorum Ecclesie claustratum processiones facere, & non extra. Si verò Ecclesie claustris careant, eisdem Regularibus, & Confratribus licere processiones facere intra ambitum dumtaxat earumdem Ecclesiarum, hoc est, propè muros Ecclesie, & non extra dictum ambitum, nisi de licentia, & consensu cum Cruce Parochi: privilegiis pariter, ut supra, Apostolicis, contrarium disponentibus in suo robore permanentibus: quibus per hoc decretum minime censeatur derogatum, quoad processiones faciendas per Regulares extra claustra. Refert Donatus prax. regul. tom. 1. part. 2. tract. 13. qu. 81. num. 6. idem fuisse dispositum à S. Congr. Rituum, die 28. Februarii 1628.

4 Non est apud Ordinarios locorum facultas compellendi Regulares ad interessendum processionibus ab iisdem indictis, non pro bono publico (ut, non ad impetrandam pacem inter Principes Christianos: ad obtinendam victoriam supra infideles: pro electione Romani Pontificis: ad placandum Deum occasione pestis, famis, belli, sterilitatis, terræmotus, & similium) sed occasione suæ primæ visitationis, ut notavit Peyrin. de privil. Regul. ad Const. 2. Julii II. §. 25. n. 66. & decrevit S. Congr. C. in Anagnina Processionis 9. Decemb. 1662. Quæ ad dubium: *An Fratres strictioris Observantia potuerint ab Ordinario loci compelli ad processionem indictam occasione suæ primæ visitationis? Censuit non potuisse. Lantusca ver. Processionum. 4.*

5 Similes processiones generales ad effectum obligandi Regulares ad interessendum, non sunt annuatim renovandæ, & perpetuandæ, nisi nova motiva, & causæ concurrant, ut censuit S. R. C. in Biterren. 29. Januarii 1697. à qua declaratum fuit, E di-

Edictum Episcopi (quo Regulares astringebantur sub pœna suspensionis, & interdicti Ecclesiæ ipso facto incurrenda ad interessendum Processioni indictæ pro obtinenda liberatione à terræmotu, semel jam factæ anno præcedenti, & postea renovatæ) non sustineri cum omnibus inde secutis. Monacell. for. par. 1. form. 7. num. 25. tit. 5.

6 Regulares in Processionibus privatis, quas faciunt extra Claustra, egent licentia Episcopi, non obstante quacumque consuetudine in contrarium, ut pluries esse resolutum à Sac. Rit. Congreg. referunt Riccius, Donatus, & Ventriglia apud d. Monacell. num. 26.

7 Ubi verò esset consuetudo, Episcopo sciente, præscripta, quòd Regulares in aliqua die, vel Festo, quovis anno ducerent Processionem per Civitatem, deberent licentiam petere; quæ ab Ordinario non esset deneganda, quia cum Processio sit functio sacra, quæ continet actum Religionis, ad pietatem, & devotionem fideles excitans, abque valdè rationabili causa impediri non debet: & quatenus licentia denegetur, recurritur ad Sedem Apostolicam, à qua vel rescribitur Episcopo, ut licentiam concedat, prout rescripsit S. C. Episc. in Papien. 11. Maji 1696. vel, servetur solitum, ut ab eadem fuit rescriptum in Savonen. 4. Septembr. 1663. & à S. R. Congr. in Ferentin. 21. Novemb. 1699. Monacell. cit. n. 27. Et S. Congreg. Concil. 6. Junii 1708. in Aquen. ad 7. dubium: *An Patribus Carmelitis loci Incisa liceat extra propria Claustra, & districtum per loca consueta facere Processionem B. M. V. de Monte Carmelo, occasione suæ Festivitatæ, petita tamen licentia à Parocho, licet non obtenta?* Respondit Affirmativè. Et die 27. Aprilis 1709. reclamante Parocho, stetit in decisis.

8 Advertendum, quòd in locis ubi est consuetudo, quòd Regulares, quamvis distantes à Civitate ultra miliare, conveniant ad Professiones, servanda est, & tenentur accedere, prout censuit S. R. Cong. in Nucerina Paganorum 12. Septemb. 1699. Monacell. ibi num. 30.

9 Ad solemniter faciendam Processionem extra Claustra in quacumque die infra Octavam Corporis Christi habent etiam Regulares privilegium cum amplissimis derogatoriis à Greg. XIII. Const. Cum interdum 10. Bull. rom. 2. distinctis tamen horis: Official. Cur. Eccl.

prout Innoc. XII. disposuit in causa vertente inter Frat. Ord. Min. & PP. Ord. Prædicat. in Indiis, Const. *Sua nobis*, & infra, quòd in causa inter dilectos Filios PP. Dominicanos ex una, & PP. Minores de Observantia Familiæ Ultramontanæ, & Civitatis Quiten. partibus ex altera.

Cum S. Rituum Congregat. sub die decima mensis Februarii de Anno Domini millesimo sexcentesimo octuagesimo quinto decrevisset, & declarasset, competere PP. Dominicanis peragendi Processionem Sandissimi Corporis Christi Dominica infra Octavam illius, privativè ad PP. Minores de Observantia, & signanter in Civitate Quiten. ita tamen, ut liceret eisdem Patribus Minoribus eadem die Dominica infra Octavam facere Processionem intra Claustra eorum Conventus.

Pro parte eorumdem PP. Dominicanorum Provincia Quiten. habitus est recursus ad san. mem. Innocentium Papam XI. prædecessorem nostrum, ad obtinendam specificam confirmationem præmemorati Decreti, quam eis idem Innocentius prædecessor benignè impertitus est, per Litteras in forma brevis, Emanavit, incipientes, sub die vigesima sexta Martii, ejusdem anni millesimi sexcentessimi octuagesimi quinti expeditas.

Verum causa hujusmodi, cum juribus extunc ad Urbem pro Patribus Franciscanis allatis, iterum coram eadem Sac. Congr. ad plenum discussa, ipsamet Congregatio Decretum edidit, quo præscripsit, quid tandem observandum sit ab utraque parte circa prædictam Processionem tenoris sequentis, videlicet: In causa Quiten. inter PP. Ordinis Adinorum Familiæ Ultramontanæ, Conventus Civitatis Quiten. ex una, & PP. Dominicanos ejusdem Civitatis ex altera partibus, à dilecto Filio nostro Cardinali Pamphilio reposita dumtaxat super dubio Professionis SS. Corporis Christi, eadem Sac. Congregat. auditis utriusque partibus, tam in voce, quam in scriptis informantibus, censuit: recedendum à decisis, & in casu, de quo agitur, licere Patribus Franciscanis facere Professionem die Dominica infra Octavam SS. Corporis Christi: sed PP. Ordinis Prædicatorum de mane. Patribus verò Minoribus de sero: & ita decrevit, & servari mandavit, die vigesima quarta Martii, millesimi sexcentessimi nonagesimi sexti.

Attamen non acquiescentibus prædictis

PP. Ord. Min. Famil. Ultramon. Conven-
tus Quiten. hujusmodi Decreto in ea tantum
parte, in qua hora peragendi processionem ip-
sis præscribitur, reposuo ab eodem Cardi-
nali Pamphilo in Sac. Rituum Congregatio-
ne huiusmodi dubio, eadem Congr. PP. Do-
minicanis, licet citatis, non informantibus:
In decisio super negotio principali, & lice-
re PP. Franciscanis facere Processionem,
etiam de mane, distinctis tamen horis, ab
Episcopo præscribendis, censuit, & ita ser-
vari mandavit, die septima Aprilis, mille-
simi sexcentissimi nonagesimi sexti.

Sed ad huiusmodi Decreto reclamantibus
PP. Dominicanis, proposita iterum causa per
præfatum Cardinalem Pamphilum, utraque
parte informante, & iuribus hinc inde discus-
sis: S. Congr. prædicta rescribendum censuit:
In decisio super negotio principali, & licere
PP. Franciscanis facere Processionem extra
claustra per loca solita, etiam de mane, di-
stinctis tamen horis, ab Episcopo, præscri-
bendis, & data electione horæ Patribus Do-
minicanis, à qua, semel electa, non liceat
amplius recedere, & ita decrevit, & ser-
vari mandavit, die prima Septembris, mil-
lesimi sexcentissimi nonagesimi sexti.

Verum quia, sicut eadem petitio subjunge-
bat, dicti Patres Franciscani dubitant, ne
executio, & observatio decreti huiusmodi à
dictis Patribus Dominicanis forsitan impu-
gnari possit, & in simili eventu idem Decre-
tum suo frustretur effectu; ideo prædictus Fra-
ter Nicolaus ad Nos recurrit, humiliter sup-
plicando, quatenus tibi, ut ad executionem
dicti decreti juxta illius tenorem, & formam
procedas, Apostolica auctoritate committere,
aliasque sibi in præmissis opportune providere
de benignitate Apostolica dignaremur. Nos
igitur statum, & merita causæ huiusmodi præ-
sentibus, &c. Deinde committit Episcopo
Quietensi, ut contradictores ad exequen-
dum Decretum omnibus juris remediis,
& factis compellat, ut ibi latè; non obstan-
tibus, &c. Roma 5. Kal. Martii 1696.

Unde patet, Decretum S. C. Rituum de
Anno 1643. 9. Aprilis apud Flof. Nicol. verb.
process. n. 12. disponentis non esse permitten-
das in eodem loco, & eodem die duas similes
Processiones, non ampliari ad præfatas fa-
ciendas infra octavam Corporis Christi.

II An autem possint Regulares uti Pluvia-
li in Processionibus, de licentia Episcopi per
eos faciendi, si in ea expressus non fuerit usus

præfatus resolvendum, ut infra.

Supplicante humiliter P. Procuratore Ge-
nerali Ordinis Minorum Observantium
Sancti, Francisci à Sac. Rituum Congregatio-
ne declarari infra scripta dubia.

Primum. An guardiani Ordinis Mino-
rum Observantium S. Francisci, Provincia-
rum Regni Neapolis, obtenta licentia ab Or-
dinariis locorum oretenus, vel in scriptis fa-
ciendi solemnes Processiones per Civitates,
vel Oppida extra limites Conventuum sue
Religionis, cum Statua, aut Reliquia alicu-
jus Sancti, possint Religiosi sui Ordinis uti
pluviali, licet in licentia obtenta non fuerit
expressus usus pluvialis?

Secundum. An usus pluvialis in Processio-
nibus solemnibus sit testimonium & signum
jurisdictionis in utente Sacerdote?

Sacra eadem Ritu Congregatio censuit
respondendum.

Ad primum. Affirmativè.

Ad secundum. Negativè: & ita declara-
vit die 21. Martii 1699.

Controversias de precedentia in processio-
nibus publicis, seu etiam inter Saculares
Clericos, & Confratres extortas componere
ad Episcopum spectat, ex Trid. ibid. cui mo-
dus super ea retinendus præscribitur à Gre-
gorio XIII. Constit. Exposit, ut in cap. 37.
num. 1. & num. 2. pondera etiam Urbani
VIII. litteras.

12 Inter clausuram Monialium fieri non
debent ab exteris Processiones, neque cum
Sanctissimo Sacramento, ut S. Congr. fir-
mavit 23. Aprilis 1602. apud Nicol. allegat.
num. 18. & num. 19. ex Sac. Congregatione
sub die 27. Martii 1602. refert, permitten-
dum non esse, quòd Processiones Regula-
rium transeant per Ecclesias Monialium,
licet adesset consuetudo, etiam eis subie-
ctarum, Lezana summ. q. regul. tom. 4. ver.
Processio sub n. 111.

13 De licentia Ordinarii potest in pro-
cessionem deferri Imago B. Mariæ Virginis
cum baldachino, & intorticiis, prout Sac.
Cong. apud Nicol. cit. num. 9. sub 20. Julii
1621. sicut de eiusdem assensu, Imagines,
& Sanctorum Statuæ deferuntur, ibidem
15. Julii 1647.

CAPUT XLI.

Officiales quoad Professionem.

SUMMARIUM.

- 1 Professio Regularis describitur.
- 2 Aetas à die nativitatis computatur.
- 3 In cujus manibus debeat professio expressa emitti?
- 4 Vicarii ministrorum Provincialium ex officio Vicaria non possunt ad professionem recipere, bene verò de licentia ministrorum &c.
- 5 Professio, alia expressa, aliatacita.
- 6 Trid. non sustulit professionem tacitam. Et quando hæc incipiat? & quibus presumatur?
- 7 An ex errore fidei baptismalis professus ante 16. atatis annum, si exerceat postea actus solitos à professis fieri, censetur tacite professus?
- 8 Laicus validè proficietur, etiam anno atatis 11. non exacto.
- 9 Professio timore mortis emissâ, est valida.
- 10 Vir constans, metusque in virum constantem cadens, quisnam dicatur?
- 11 Metus reverentialis quid sit?
- 12 Coactio duplex, absoluta, & conditionalis.
- 13 Professio emissâ per metum cadentem in virum constantem est ipso jure nulla.
- 14 Idem dicitur de emissâ per metum reverentialem.
- 15 Non reclamans durante causa metus, non censetur professionem ratificare.
- 16 Quamvis Ordines Sacros suscipiat, & intra quinquennium non reclamet.
- 17 Cause nullitatis professionis debent produci coram Ordinario, & Superiore Regulari Monasterii, in quo professio emittitur.
- 18 Quos comprehendat censura à Trid. lata in cogentes Virgines ad suscipiendum habitum Regularem, vel impediendes viros, ne habitum Regularem suscipiant.
- 19 An teneat professio emissâ in manibus Superioris, sed sine consilio, vel consensu Conventus.
- 20 Consensus est necessarius, ut sit professio valida.

- 21 Receptus pro Laico, si in Novitiatu transit ad Clericatum, validè peracto anno probationis, proficietur.
- 22 De transitu à statu conversorum ad Clericatum.
- 23 Clausula de licentia Superiorum intelligitur copulativè de licentia Generalis, & Provincialis.
- 24 Novitii non debent ab Ordinariis ante receptionem examinari.
- 25 Transiurus de una ad aliam Religionem eget licentia à Sede Apostolica, & novum probationis annum agit.
- 26 Obtinens indultum à Sede Apostolica transeundi ad alium Ordinem cum clausula, modò sit à Sede Apostolica approbatus, non potest ad militarem transire.

Professio Regularis est contractus reciprocos obligatorius, quo proficiens se obligat Religioni ad vivendum secundum Regulam ejus; & Religio obligatur Religioso ad eum retinendum, & tractandum secundum Religionis institutum. Quæ obligatio ex parte profitentis nascitur, ex quo actualiter se tradat Religioni; & ex parte hujus, ex quo actualiter ipsum acceptet: in actuali verò traditione, & acceptione stat solemnitas votorum, quæ in professione emittuntur. Ideò ad statum Religionis non sufficit vota obedientiæ, paupertatis, & castitatis quocumque modo emittere; sed concurrere debet illa actualis publica traditio, & acceptatio: per hoc enim ipsa vota (sicut per susceptionem Ordinis Sacri) solemnizantur, & à voto simpliciter distinguuntur, & vim habent dirimendi matrimonium.

Ad validitatem professionis exigitur libertas, seu consensus, non vi, & metu extortus, c. 1. de regul. ut inferiùs est declarandum. Deus enim voluntarios milites, & non coactos sibi eligi, cap. non est 15. q. 1. & liberum est arbitrium in vivendo, aliàs non est votum, cap. Licet de voto.

2 Ulterius ex datis cap. 34. num. 2. requiritur annus probationis exactus, & 16. atatis completus, per Trid. cap. 15. sess. 25. de regul. quo Concilii Decreto corriguntur cætera jura, quæ aliter disponunt. Sextus autem decimus annus computatur non à die conceptionis, aut baptismi, sed nativitatis; quoniam usu receptum est, ut aetas à die nativitatis computetur; cum ætas

aliud non fit, quàm quædam mensura temporis, à nativitate usque ad obitum decurrens, per Bald. apud Fagnan. in 1. ad cap. Cum in cunctis de elect. num. 134 Et videtur esse ad formam Decreti Sac. Congreg. A qua fuit quæsitum: *Provisus est aliquis de Canonici in Cathedrali, habente annexum Ordinem Presbyteratus, ad quem promoveri potest infra annum, si attendatur dies natalitatis; si autem dies baptismi, minime: à quo tempore faciendæ est computatio?* S. Congreg. censuit, *tempus computari à die natalitatis, non autem baptismi, ibid.*

Et hinc advertas, quòd mortaliter peccant, qui scienter recipiunt aliquem ad Professionem; non habentem d. annum 16. completum, quoniam in re gravi operantur contra dispositionem Concilii Generalis.

3 Nota item, quòd professio expressa, ut sit valida, debet emitti in manibus Superioris habentis potestatem incorporandi Religioni, vel de ejus licentia in manu alterius, cap. Porrectum, cap. Ad Apostolicam de regul. Etenim, cum professio sit contractus ultrò citroque obligatorius, fieri non potest sine consensu utriusque parit; proinde ex parte Religionis requiritur persona idonea, quæ habeat potestatem eam obligandi. Quis autem illa sit, unusquisque Constitutiones proprias inspiciat. In Ord. Min. Generalibus, & Provincialibus privativè quoad alios, recipiendi fratres licentia facta est, ex c. 2. Regula S. Francis. relat. in Constit. Solet Honor. III. la 5. in Bullar. tom. 1.

At petitur. An valeat professio facta in manibus Guardiani Novitatus, in conspectu Generali, & Provinciali?

4 Resp. Negativè, quamvis accesserit major suffragiorum pars, & annus probationis præcesserit, & 16. ætatis sit completus; quoniam, ut dictum est, solis Generalibus, & Provincialibus concessa est facultas recipiendi ad Ordinem. Quod expressius habetur in c. Exit de verb. signif. in 6. §. Sed quoniam ibi: *Concedimus, & præsentis statuto firmamus, licere non solum Generali, sed etiam Provincialibus ministris personas fugientes à saculo in fratres recipere, quæ ministrorum Provincialium licentia per ipsum Generalem (sicut expedire viderit) possit archari. Vicarii verò Provincialium ministrorum, ex officio Vicariæ licentiam hanc*

ex officio viderint interdittam; nisi per ministros eosdem (quibus hoc posse committere Vicariis, & aliis licere decernimus) hoc ipsis Vicariis specialiter committatur. Et expressius Julius II. in Constitut. Papalibus c. 2. part. 1. citans Nicol. III. cap. Exiit, apud Sanctoro in Statutis cap. 2. stat. 20. Quæritus 1. ait: Nec quacumque autoritate minor. Prælatus coram majore, etiam commissionem recipiendi ad Ordinem habente, ad Ordinem, vel professionem recipiat sine consensu talis sui majoris.

Super textum in d. c. Exiit, pondera, quòd non loquitur de Vicariis Provincialibus, qui, secuta morte ministri, eliguntur; nam istis ex officio talis facultas competit: sed de Vicariis, seu commissariis Provincialium, qui in absentia d. Provincialium relinquuntur ad Provinciarum gubernium; aperta est distinctio, si consideretur Vicarius Provincialis, sumpto Provincialis in casu recto; & Vicarius ministri Provincialis, sumpto Provincialis in casu obliquo; isto secundo modo idem est, ac commissarius Provincialis modo explicato.

5 Duplex est professio, expressa, & tacita. Illa emittitur verbo, & scripto in manibus Superioris legitimi, juxta formam cujuscumque Religionis. Ista verò, ut vox sonat, est, quæ sine voce, & scripto fit. Et dicitur præsumpta, quia ex circumstantiis præsumitur, & inducitur, per cap. Is qui de regul. in 6.

6 Quam non sustulit Trid. d. c. 15. prout censuit Sac. Congreg. Conc. Nam, cum dubitatum esset, an tacita professio, quæ non est exclusa Decreto Concilii, inciperet decimo sexto anno, & an statim post dictum tempus emissa censeatur? S. Congr. respondit, *tacitam professionem incipere à prima hora post perfectum decimum sextum, & finito anno decimo septimo*; qui completus esse debet ex eadem Sacra Congregatione, quæ dixit, *tacitam professionem induci post annum, & diem, juxta text. in c. Puella, ibi: At si per annum, & diem 20. q. 2. Nec sufficit sequentem diem attigisse, sed oportet illam esse omnino absolutam, & consummatam. Atque ita ex sententia Sac. Congr. dies incæpta in hac materia non habetur pro completa, ut notavit Fagn. in 3. ad cap. Ad nostram de regul. 20.*

7 Quæritur. Cajus, exhibita ætatis attestatione, recipitur ad Religionem; ex ea enim

enim constat, quod, peracto probationis anno, erit constitutus supra decimum sex- tum suæ ætatis, tempus à Trident. *sess. 23. cap. 15. de regul.* requisitum ad validam professionem; completa probatione, bona fide professionem emittit; at temporis cursu, & post plures annos occasione perquirendi novam fidem Baptismi pro recipiendis Sacris Ordinibus reperit fidem, quam bona fide attulerat pro ingressu in Religionem, fuisse alteratam, & erroneam, quatenus incuria Parochi fuit descriptus in libro Baptizatorum, natum esse die 7. *Augusti 1680.* quando reverà natus est die 7. *Aug. 1679.* unde factò computum ad annum emissæ professionis, reperitur eam emississe in ætate quindecim annorum: nunc oritur dubium, an censendus sit saltem tacitè professus?

Affirmant plures, inter quos Fagnan. *in 3. ad cap. Significatum de regul. n. 19. usque ad finem*, Antonell. *de temp. legal. lib. 2. cap. 63.* Ventriglia *prax. tom. 1. annot. 47. §. Unio. num. 30.* Pignatell. *tom. 1. consult. 88. num. 5. & consult. 146. n. 53.* alique, repentes pluries fuisse resolutum à S. Congr. Concilii, ut in *Romana 28. Maji 1578. In Romana 13. Januarii 1618. In Neapolitana 3. Aprilis 1621.* Quod probant, ex quo Cajus post emissam professionem ad plures annos habitum indistinctum cum professis gestaverit, seque in exercitio actuum, ad solos professos spectantium, occupaverit. propter quod juris præsumptione censetur professionem emissam tacitè ratificasse cum nova obligatione permanendi in Religionem.

Negativa tamen videtur communior, & in puncto juris verior, ut in terminis tenuit Rota in *Mediolanen. nullitatis professionis 3. Martii 1690. coram Emerix, pro qua 18. Theologos, & 17. Juristas* cuniulat, ac recentet sæpius fuisse ab eadem Rota resolutum.

Nam ad inducendam tacitam professionem, seu tacitam ratificationem, est necessarium, ut ratificaturus liberè consentiat, per d. *nov. 1.* Siquidem agitur de subiciendo profectum novæ obligationi, contra quam in dubio fieri debet interpretatio, *leg. Arrianus, ff. de oblig. & act.* Verificari autem non potest de Cajo, quod liberè consentiat in novam obligationem, cum habeat ignorantiam inculpabilem suæ professionis

ortam ex præcisa incuria Parochi. Nihil enim est magis contrarium consensui, quàm ignorantia, vel error. Voluntas enim non fertur in incognitum, ut inquit Philosophus 3. *de anima comment. 39.*

Quæ scientia in expressè validè proficiente, & in terminis de ratificante, & tacitè approbante, supponitur in c. *Is, qui ad Monasterium de regul. in §. Qui verò*, ut plenius in littera.

Ad tollenda æquivoca, & fortè concordandos DD. debet distingui is, qui professionem expressam nullam scienter emisit, ab eo, qui expressè nulliter, sed ignoranter professus est. De primo procedit, quod, si post annum ab emissâ professione perseveret in Religione, deferendo habitum indistinctum cum professis, & in actibus se exerceat ad solos professos pertinentes, censeatur per hæc priorem ratificare. Quoniam, cum sciat nullitatem professionis, & se per illam ad Religionem non obligari, jus optimè præsumit, quod in prædictis se occupet animo tribuendi per suum consensum professioni novum valorem, ut per Sperellum *decis. 80. num. 3.* Etenim in eo nulla alia præsumptio locum habet, quàm voluntas profitendi. Quæ præsumptio non currit in eo, qui jam emisit professionem, sed nullam. De hoc enim præsumitur, ut habitum gestet, & alia operetur, tamquam semel validè professus, non tamquam iterum professurus, & ad implendam obligationem, quam supponit contractam, non autem ad novam contrahendam.

Tantò magis, quod non est nostrum divinare, quid ille egisset, si nullitas professionis sibi innotuisset. Quinimò judicandum est, quod & tunc contra validitatem reclamasset, si ei de nullitate constitisset: quoniam subinde, habita notitiâ, reclamavit, & pro declaratione nullitatis instetit.

Ex quibus ad contraria: Jura verò, quæ possunt adduci ad concludendam professionem tacitam inductam, habent locum in suis terminis habilibus; in casu nimirum, quod non præcesserit expressa professio nulla, vel, si præcessit, professus novit ejus nullitatem. Resolutiones autem Sacre Congregationis aptabiles non sunt ad præsentem casum, ut ibidem Rota apud Monacell. *form. part. 2. in append. la 14.*

8 Quæritur. Clemens VIII. in Decretis

de

de educat. navit. præscribit, quòd conversi non recipiantur ad professionem, nisi excefferint annum vigesimum primum. Et Innocentius X. *const. Ad propagandam* apud Lantusc. V. Novitius nu. 4. pro Ordin. Min. de Observ. sancit, ut nullus pro Laico approbatur in Definitorio, vel recipiatur, qui 20. ætatis suæ annum non expleverit: modò quis, decimo nono anno exacto, professionem emittit; petitur, an professio sit valida?

Resp. Affirmativè, cum sit emissa post 16. annum impletum, adeoque juxta disposita à Trident. *cap. 15. sess. 25. de regul.* Nec Clemens, aut Innocentius irritas declarant professiones aliter factas. Et in simili dubio Sac. Congreg. Concilii 2. Augusti 1631. & 24. Aprilis 1642. censuit, *professiones emissas juxta dispositionem Concilii esse validas.* Barbosa ad d. locum Trident. num. 13. Fagn. in 5. ad c. *Qui Presbyterum de poenit. n. 85.*

Nota, quòd nec in Decretis Clementis, nec in d. *const.* Innocentii prohibetur, quin excedens trigessimum ætatis annum possit ad Religionem recipi, & post annum profiteri.

9 Quæritur. Cajus, exacto probationis anno, statim ad mortem infirmatur, & timore imminentis mortis professionem emittit, censetur ne validè?

Resp. Affirmativè: nam est metus proveniens ab intrinseco, seu causis naturalibus, non incussus ad extorquendam professionem; etenim nullus eam exigit, aut ad eam impellit; sed forsàn Deus eum immittit ad conversionem peccatoris: Deus enim per flagella sæpè corripit peccatores, *cap. Nabuchodonosor 23. q. 4.* sed professio voluntariè eligitur à professuro, ut medium ad evadendum periculum animæ, vel corporis: unde refert Fagn. in 3. ad c. *si quis de regul. in fine*, fuisse à Sac. Congreg. Concilii, articulo diligenter discusso, declaratum, quod ubi quis, ut evadat ultimum supplicium ob conscientiam scelerum commissorum, aut mortem sibi timens ab inimicis Religionem proficitur, nisi aliud obstitit, est validè professus, licèt aliàs professurus non fuisset.

Et in his terminis communi calculo DD. dicunt etiam valere votum emissum metu mortis, naufragii, pestis, terræmotus &c. Quoniam ad vovendum nullus cogit,

sed liberè assumitur, ut medium ad mortem, & periculum vitandum: vovens enim voluit sic facere, quia voluit vivere, c. *Merito 15. q. 1.* Fagnan. in 1. ad *cap. Prælatum de iis, que vi &c. num. 3.*

Diversimodè discurretur, quando metus est ab intrinseco cum violentia. Et hic etiam distinguitur: si metus sit in causa libera ad finem, ut quis professionem emittat, professio est irrita. Nam contra violentiam jura subveniunt, l. & *cor. tit. ff. quod met. caus.* Secus, si ad eum finem non ordinetur; quia tunc professio liberè eligitur, & nulla est connexio inter metum, & professionem, ut est casus in d. c. *Prælatum.*

10 Metus definitur *mentis trepidatio instantis, vel futuri periculi causa*, Vulpianus in l. 1. ff. de eo quòd metus. Estque duplex, justus, seu cadens in virum constantem: & levis, seu vanus, aut cadens in virum non constantem, & meticulosum. Vir constans, & fortis, est medius inter *audacem*, qui nimirum temerè, & imprudenter audet, & aggreditur, quod non debet: aut, sicut non debet: vel, quando non debet, juxta D. Thom. 2. 2. q. 125. art. 3. & *quest. 126. art. 1. & 127. art. 1.* & *timidum*, qui nimirum in timendo excedit: ut, dum timet, quod non oportet: vel, quando non oportet, Quare metum cadere in constantem virum, est metum illum hominem ita movere, ac percellere, ut eum tametsi constantem, & fortem concutiat, & de proposito dimoveat, ut propter instans grave periculum, invitus aliquid agat, quod spontè non ageret: ut, si timens mortem, membrorum mutilationem, vel rerum amissionem, matrimonium contrahat, det latronibus aggredientibus pecunias, vel Religionem ingrediatur, & similia.

Quare ad hujus generis metum tria copulativè requiruntur. I. Ut incommodum, & malum, quod imminens probabiliter timetur, sit judicio prudentum, attentata qualitate personæ, grave, & præponderans. II. Ut tale malum immineat, & metus incutiat à viro potente, ac solito minas exequi. Hujusmodi metus justus est, & in se gravis, ac talis, ut mirum non sit, si virum constantem concutiat, & à proposito dejiciat, & invictum moveat. Proinde, cum minus est malum, & incommodum, quod ex metu timetur, dicitur metus cadere in virum inconstantem, meticulosum, & ti-

& timidum. III. Ut metus sit præsens, saltem pro futuro periculo; non enim sufficit suspicari eum inferendum, ut notavit Glof. *ad cap. Ad audientiam cit. tit. de iis &c. in verb. causa*: nam metus dicitur, quia mentem tenet de præsenti non de futuro.

Dicitur *attenta qualitate persona*, quia, levior metus sufficit in fœmina, & puero, quàm in viro; minorque excusat fœminam, quàm masculum, Glof. *ad cap. Cum locum de sponsal. in verb. metus*. Ideo ex parte mulieris requiritur metus, qui cadat in mulierem constantem; & iudicium relinquitur arbitrio Iudicis; quemadmodum ejusdem arbitrio committitur, an verba, vel minæ, vel potentia hominis sint causa iusti metus, qui incutitur, per Glof. *ad cap. Cum dilectus d. tit. de iis &c.*

11 Inter metum cadentem in constantem virum enumerat Lessius apud Peyrin. *de Pralat. q. 3. c. 1. §. 2. num. 8.* metum reverentialem, quo scilicet filius ex reverentia naturali, quæ parentibus debetur, adjunctis istorum minis, timet eos offendere. Quapropter licet iustus metus explicetur per mortis timorem, bonorum amissionem, carceris diuturnitatem &c. tamen plura alia sub his terminis veniunt: ut timor reverentialis, quo filius timet patrem offendere, uxor maritum, pupillus tutorem, subditus Superiorem, Clericus Episcopum, ut post d. Lessium *lib. 2. de jure c. 17. dub. 6. nu. 35.* & dixit Sanctoro *de pœnis cap. 1 §. de Simon. quest. 6.*

12 Vis, seu coactio est *maioris rei impetus, cui resisti non potest*. Alia autem dicitur coactio vera, vel absoluta, seu præcisa: & alia conditionalis, seu modificata. Prima, est corporalis quædam per manum attractio, vel detentio ad faciendum, quod jubetur, & petitur; & contingit, si, ligatis manibus, & pedibus, quis contradicens, & repugnans cogatur communicare cum excommunicato in lecto, vel Ecclesia; aut cum per Paganos, iussu flectere ante idolum, genua per violentiam incurvantur; vel, dum quis trahitur per violentiam in Monasterium, & habitu Regulari induitur; plura alia exempla refert Fagnan. in 1. *ad cap. Sacris num. 4. & sequen. d. tit. de iis* Hæc coactio consensu prorsus excludit, quia absolute coactus potius pati, quàm agere convincitur: & plus videtur esse, ex-

præse contradicere, quàm non consentire, ut advertit alleg. Fagnan. in 3. *ad cap. Maiores de Baptismo n. 12.*

Coactio verò conditionalis, seu modificata, idem est ac metus: & tunc intervenit, cum externa violentia per minas, verba, & verbera, sine corporis absoluta attractione ad faciendum aliquid adhibetur: & ad vitandum grave incommodum, illud invitè quis agit, quod spontè, & præciso metu non ageret, juxta superius dicta. Quibus notatis.

13 Dico primò: professio emissa per metum cadentem in constantem virum est ipso jure nulla, *cap. Præsens Clericus 20. quest. 3.* Ad profitendum enim requiritur voluntas omnino libera, *cap. Nullus de regul. Coacta autem voluntas, licet voluntas sit d. c. Merito*; non est tamen voluntas spontanea, & omnino libera, ad votum necessaria, *cap. Prælatum cit.* Tum quia Deus coacta non acceptat, ut jura clamant, *d. cap. Prælatum, & cap. licet de voto*: & facit Trident. *cap. 19. sess. 25. de regul.* in quo prætendentibus se per vim, & metum professionem emisisse, concedit quinquennium ad reclamandum contra validitatem professionis.

14 Dico II. Etiam professio emissa per metum reverentialem est ipso jure irrita. Quia hic etiam non habetur consensus liber, ut requiritur; sed invitè professio emittitur. Sed est ponderandum, quòd sola reverentia parentibus, & Superioribus debita, non sit iustus metus, nec pro iusto metu allegari possit ad irritandam professionem; aliàs nullus contractus subsisteret inter subditum, & dominum; nec teneret professio filii emissa in præsentia parentum, quibus non audet contradicere. Sed, ut allegari possit pro iusto metu ad invalidandam professionem, debent concurrere adminicula: ut periculosa minæ, importuna persuasiones, asperæ tractationes, & similia; nam, istis concurrentibus, in professione verè non consentitur, sed simulatur, sine autem vero consensu se obligandi Deo in statu Religioso vera professio non datur. Caterum semper debent ordinari ad extorquendam professionem.

Dico III. Utraque coactio professionem irritat, quod est extra dubium.

15 Sed petitur. Lælius propter graves minas

minas eorum, quibus debetur naturalis reverentie, Religionem ingreditur, & completo anno probationis, absque reclamacione professionem emittit, an ne valide?

Resp. Negativè; nam, durante causa metus, durat metus; præsumiturque semper esse, quamdiu vivit ille, qui metum incussit, ex Fagnan. in 1. ad d.c. *Perlatum* nu. 6. Ideò quamvis in actu externo appareat libertas, & fiant positivi actus, qui aliàs possent ratiificationem professionis inferre, vel tacitam inducere; tamen, quia in eos influit causa metus, adhuc durans, præsumuntur & ii meticulosi, commentitii, ficti, & simulati, & non spontè elicit ad effectum professionem ratificandi, aut tacitam inducendi; & ita arguitur, quòd professionem emisit, & in Religione permanferit ad effugendum patris, vel suorum indignationem, severas minas, inhumanas sævitias, vel contumeliosa verba, ac similia, quibus protestabantur se velle eum afficere, si è Religione egrederetur: & dum ad sæculum rediret, nolle eum recognoscere in filium, vel fratrem, nec recipere in domum paternam, aut ei alimenta subministrare, quibus posset extra Religionem sustentari. Quarum singula, non modò adolescentem, in quo levior metus propter illius imbecillitatem requiritur, verùm & virum constantem possent movere, & perterrefacere.

Dices. Metus non excludit consensum; nam, quæ ex metu fiunt, sunt simpliciter voluntaria, quamvis sint involuntaria secundum quid; & magis participant de voluntario, quàm de involuntario, ut est communis Doctorum opinio in profectione mercium instante naufragio, ut post D. Tho. 1. 2. q. 6. art. 6. in corp. notavit Fagnan. in 3. ad c. *maiores de baptis.* n. 84. Ideò, cum professio per vim, & metum emissã, sit simpliciter voluntaria, valida censeri debet.

Resp. Negando consequentiam. Quamvis metus regulariter non excludat consensum, & ex metu facta sint simpliciter voluntaria, & ita non ipso iure nulla; non proinde sequitur, quòd professio ex metu emissã, valida sit reputanda: nam plura sunt, in quibus Sacri Canones requirunt omnimodam, & plenam libertatem, ut in sponsalibus c. *Cum locum de sponsalib.* in matrimonio significavit de eo, qui duxit in matrimonium *veniens de spon.* in electione, ex alibi

dictis: & in terminis in professione, ex dictis *supr. num.* 1. Quare professio per metum emissã, est ipso iure nulla, cap. *Præsens Clericus* 20. qu. 3. & d. cap. *Perlatum*. Prædicta enim iura voluerunt occurrere infinitis malis, quæ ex actibus per metum gestis oriuntur; & forsan etiam considerarunt actum per iniuriam extortum non debere ei favere, qui vim intulit. Adducta de profectione mercium sunt vera: sed ex eis non infertur ad validitatem professionis: nam metus in profectione concurrens est intrinsecus, & non à causa externa libera impressus; metus autem in professione esset à causa extrinseca libera illatus ad finem professionis, qui solus actum irritat, estque patienti inimicus.

16 At petitur, Tridentinum c. 19. sess. 25. de regul. prætendentibus nulliter esse profectos, præfigit quinquennium ad deducenda iura pro nullitate professionis; Lælius id omisit tempore præfixo sed in Religione perseveravit, actus professorum exercens & Ordines Sacros suscipiens: censetur ne saltem priorem professionem ratificare, vel tacitam emittere?

Resp. Negativè, si adhuc causa metus existat. Nam cum Lælius in professionem per vim, & metum emissã à principio libere non consenserit, durante eadem causa metus, semper consensus necessarius desideratur. Et propterea nec ex lapsu etiam longissimi temporis sustineri potest eius professio ex ratione tacite, aut titulo ratiificationis.

Nec obstat, quòd elapso quinquennio Ordines Sacros susceperit, & actus professorum exercuerit, officium Lectoris &c. Nam ad excludendum consensum, quantumcumque quinquennium elapsum fuerit, non obstantè Ordinum susceptione, vel Officiorum exercitio, sat est, ut causa metus existat. Pleniusque excluditur ex querimoniis reclamacionibus, protestationibus, etiam extrajudicialibus, ab ipso tam ante, quàm post professionem factis, quibus ostendebat se non habuisse voluntatem profitendi, sed animum aversum à Religione, ac, extincta causa metus, voluntatem reclamandi, & deducendi nullitatis causas.

Quapropter allegatum iustum impedimentum reclamandi intra quinquennium, & à S.C. approbatum, conceditur restitutio in integrum adversus lapsum quinquennii, prout

prout in una *Anconitana de anno 1664.* fuit concessa, quamvis professus suscepisset Sacros Ordines in Religione, adhuc tamen durante metu . Pignatell. *tom. 9. consult. 173. num. 79. & Monacell. for. part. 2. form. 4. tit. 13. num. 11.*

Diversimodè discurretur, si, cessante causa metus, perseveret sine reclamatione, & pacificè in Religione, & in actibus professorum occupetur . Nam tunc negari non potest, quin ex illis concludatur omnis legitima præsumptio animi ad tacitam professionem, vel ad priorem ratificandam : perinde enim in casu esset, ac si metus non præcessisset . Maximè, si per annum completum, postquam notitiam habuit, quòd causa metus defecerit, in eorundem actum exercitio se occupaverit : quoniam tunc præsumptione juris tacita professio inducitur, ut pluries declaravit Sac. Congregat. Conc. quæ 29. Martii 1578. censuit: *quod ubi professio expressa fuerit nulla; ex quo tamen post expletum annum probationis permanserit in habitu Regulari per duos vel tres annos, censi fecisse tacitam professionem, & dici professum.* Pignatell. *tom. 1. consultat. 88. num. 3.* Dixi per annum, tamquam de mente S. Congr. Conc. quæ sæpiùs declaravit, hujusmodi tacitam professionem non fuisse à Concilio sublatam, eamque incipere à prima hora post perfectum annum 16. & finire in anno 17. Fagnan. *in 1. ad d. cap. Perlatum num. 46.*

17 Ordinarius, qui est adhibendus in iudicio nullitatis professionis, debet esse illius loci, in quo est Conventus, ubi fuit professio emissæ, nec coram alio Superiore, quàm illius, debent causæ nullitatis deduci; & ideò illud Concilii coram Superiore suo, & Ordinario, intelligitur de Superiore Monasterii, non Religionis, ut decisum refert Barbof. *ad alleg. cap. 19. num. 22. in una Romana 7. Aprilis 1629.* Declaratoria nullitatis ex stylo Curie est de referatis Sac. Congreg. Conc. adeo ut ante ipsam, licet priùs causæ nullitatis coram Ordinario, & Superiore fuerint productæ, non dicatur legitime, & authenticè de ipsa nullitate constare. Et proinde ad sæculum licite redire non potest, qui prætendit se nulliter professum, nisi postquam Sac. Congreg. pronunciaverit constare de nullitate professionis. Nam, vel agitur de Religioso, qui jam causam introduxit,

vel de eo, qui, elapso quinquennio, non reclamavit. Primus exire non potest, nisi causa favore nullitatis absoluta. Tempore enim, quo causa actitatur professio stat pro validitate professionis, & onus probandi est apud Religiosum. Nec secundo est licitus exitus. Nam ex quo tempore præfixo non reclamaverit, fictione, & præsumptione juris habetur pro vero professore, & quòd professionem emissam quamvis nulliter ratificaverit, & tacitam emisserit. Propterea Tridentinum *d. cap. 19.* decrevit audiendum non esse, qui intra quinquennium non reclamavit. Sed ad hoc tunc opus est, ut per Pontificem quis restituatur in integrum adversus lapsum quinquennii, ut optime Fagnan. *in 3. ad cap. Si quis de regul. n. 69.*

Nota, professionem ab initio nullam propter vim, & metum, vel ætatis defectum, convalidari per solam ratificationem profitentis, absque novo consensu Religionis, ut constat ex *d. c. cum virum de regul.* ibi: *Præsertim, si ratihabitatione secuta, & si eam quandoque contraxisse constiterit.* Et c. 1. eod. tit. in 6. ibi: *Seu professionem à se priùs factam expressè ratam habeat.* Quæ jura ostendunt, professionem ratificari solo consensu professi, nec eum Religionis desiderari. Nam hujus consensus jam interfuit à principio validus, ut supponitur, & perdurare præsumitur, ut post Navar. dixit Peyrin. *de Pralat. q. 3. cap. 1. §. 5. num. 145.* Et quatenus requireretur, tamen Summi Pontifices, tamquam suprema Ordinum Regularium capita, ex c. *Exiit, §. Ad hæc cum Fratres de verb. signif. in 6.* ut Religionum paci, & Religiosorum bono consulere, voluerunt illum supplere, admittentes professionem convalidari per solam ratihabitionem professi, ut in *cit. tex.* Quam opinionem ipse Peyrin. ibid. tutissimam dixit, & tenet Fagnan. *in 3. ad cap. Significatum de regul. num. 47.*

18 Considera, sub dispositione Trident. *cap. 18. sess. 25. de regul.* statuentis censuram excommunicationis in cogentes mulieres ad suscipiendum habitum regularem, aut professionem emittendam, vel impediētes, ne habitum suscipiant, aut professionem emittant, comprehendendi. I. Clericos sæculares cujusvis dignitatis sint. II. Regulares. III. Laicos, si principaliter cogant, vel prohibeant, si consilium, auxilium,

lium, vel favorem præstent. IV. Scientes eas ita coactas, & invitè habitum suscipere, & professionem emittere, si eas ad habitum, vel professionem recipiant, aut recipi mandent, & consentiant.

Quoniam verò Concilium utitur verbo *coegerint invitam*, ad solam vim coactivam restringi tradunt Barbof. in d. locum num. 5. Engel. cit. lib. 5. tit. 31. nu. 20. Pax Jordani tom. 2. elucubrat. lib. 7. tit. 12. de monial. num. 188. Proinde non videtur extendi ad vim inductivam, seu ingressum persuadere, ac ad eum allicere, ut apud eos resolutum datur. Etenim verba Concilii accipienda sunt in sensu proprio, adeoque ut significantia vim coactivam, & violentiam. Et hinc Gavantus in manual. verb. Monial. recept. num. 3. dixit, dispositionem Concilii non extendi ad eum, qui heredem institueret mulierem ea lege, ut Monialis fieret; alioquin bona pervenirent ad Monasterium, vel ad alios; quia non reputatur cogere, sed allicere.

Ipsa censura est latæ sententiæ, cum sit lata per verbum *subjicit*, adeoque incurritur ipso facto, sed non nisi sequuto effectu susceptionis habitus, vel professionis, aut istarum impedimento; nam tunc dicitur coactio consummata, & perfecta.

Censura non ligatur, qui cogit, vel impedit virum, Barbof. d. c. num. 6. Nam Concilium loquitur de mulieribus; nec hic sub feminino masculinum intelligitur, l. *sista sit scriptum* 45. ff. de legat. & cum simus in materia pœnali, & odiosa, ne quidem ex identitate rationis solet fieri extensio, per regul. jur. in 6. odia. Puniri tamen potest. Nec est dubitandum, quin gravissimè peccent, qui injustè cogunt, vel impediunt mascululos à Religione, propter injuriam, quam eis irrogant: & scienter eos recipientes graviter item delinquant, quia injuriam foveant, & malo cooperantur, ex deductis à scribentibus apud Peyrin. de Pralat. q. 3. c. 1. §. 2. m. 78. & constat ex c. 1. de regul. ubi deciditur, quòd Religionis ingressus liber, & spontaneus esse debet.

19 Quæritur. An valida sit professio, emissæ in manibus Superioribus legitimi, & potentis Ordini incorporare, contra voluntatem Conventus, Fratrum nimirum existentium de familia in Conventu Novitiatus, ad quos spectat suffragari super habilitate professuri?

Resp. Illud contra voluntatem potest habere duplicem sensum: unum, quòd ad professionem quis à Superiore non recipiatur sine consilio Conventus; alterum, quòd non recipiatur absque Conventus consensu.

Modò, ubi requiritur consilium, si, isto non requisito, Prælatus recipiat novitium ad professionem, professio est ipso jure nulla. Quoniam DD. concordant, quòd, dum ad aliquid à jure requiritur consilium, si id non adhibetur, nullius est momenti, quod fit, textus expressus in c. Novit. & c. Quanto de his, que sunt à Pralat. ubi dicitur, quòd præcipua negotia Conventus non debet Prælatus tractare sine consilio totius, vel majoris partis Capituli.

Pariter, ubi consensus requiritur, tenetur Prælatus id exequi, quòd major pars Capituli concluderit, aliàs gesta non valent. juxta c. Ea noscitur cit. tit. ibi: *Quòd sunt de collegiorum suorum assensu, sine quo non obtinent firmitatem*. Et hinc patet, quòd ubi Prælatus ad professionem admittit non requisito consilio, vel consensu majoris partis Capituli, professio non valet.

20 At petitur. An debeat expectari consilium, vel consensus Capituli?

Resp. Consensus est expectandus, iuxta c. Si ad solum de regul. in 6. De quo dubitari non potest in Ordine Minorum de Observantia propter disposita in dicta Constitutione Innoc. X. *Ad propagandam*, ubi statuitur novitios esse ad professionem admittendos, si per suffragia secreta à majori parte Fratrum, ter in anno recipienda, habiles fuerint inventi. Per quæ liquet, Constitutionem interpretari non posse de solo consilio: aliàs etiam si habiles non iudicaretur à maiori parte Fratrum, adhuc possent ad professionem admitti; quia, ubi consilium requiritur, sola consultatio sufficit, sed Prælatus non tenetur secundum eam operari, c. Cum olim de arbitr.

Neque dicas, professionem valere, quia, licet prohibeatur aliter fieri, facta tamen non irritatur: nam multa facta tenent, que fieri prohibentur, cap. Ad Apostolicam de regul. Quoniam axioma non procedit universaliter, cum non dicat omnia, sed multa: idèò intelligendum est de iis, pro quibus consensus non est necessarius; nam, ubi iste requiritur, & non expectatur, facta sine eo irritantur, alleg. c. Ea noscitur.

Sed quid si fratres per metum, & coactè consentiant?

Resp. professio vitatur: consensus enim ex parte fratrum debet esse liber; metus autem ex dictis tollit libertatem, saltem moralem.

21 Quæritur. N. receptus pro laico in novitiatu transit ad statum Clericalem, subinde, anno probationis exacto, professionem emittit: petitur, an valide?

Resp. Affirmativè, quia professio in Decretis Clementis non irritatur.

22 Sed quid de receptis ad habitum converforum; vel Laicalem, an possint de licentia Prælatorum, ad Clericorum statum transire?

Resp. Non eodem modo discucitur. Si de illis agatur, non completo probationis anno: tunc dicimus cum Sancto in Stat. cap. 2. stat. 24. ver. *Alia difficultas*, posse, dummodò à Provinciali, & Definitorio priùs examinentur de sufficienti literatura, cæterisque ad Clericatum requisitis: neque hoc eis à Clemente prohiberi videtur, cum pro eo tempore non sint adhuc irrevocabiliter in statu converforum. Proinde Pontificis verba hanc sine violentia interpretationem videntur recipere; ut *Laicus, etiam tempore novitiatus, non possit se ipso, & sine legitima autoritate eorum, ad quos spectat novitorum examen, & receptio, ad clericatum transire.*

Si verò de illis quæstio sit, qui, peracto anno probationis, in Laicorum, vel converforum habitu professionem emisérunt; negamus posse à Prælati transitum concedi. Nam praxis, & stylus Curia est, ut dictus transitus petatur, & obtineatur à Sede Apostolica. Et fortè ponderari potest quòd cum in statu converforum celebraverunt contractum cum Religione, debent irrevocabiliter in eo statu permanere, nisi Sedes Apostolica contractum quoad eam qualitatem rescindat, & facultatem tribuat, ut denuò sub illa Clericorum celebretur.

Sed est ne tunc necessarium, ut novum perageant probationis annum?

Pro affirmativa facit, quòd conversi in suis novitiatibus non experiantur omnes austeritates, & observantias proprias Clericorum. Sed puto, quòd tenor brevis sit inspiciendus. Et ubi Papa assumit conversum ad statum Clericorum cum clausu-

la: *quatenus ad id idoneus reperitur: requiritur, ut super doctrina, & literatura examinetur, ac experimentum habilitatis, ut Clericus, per annum in Conventu novitiatus faciat; ne minus idonei, & prorsus inhabiles ad Sacrum Altaris Ministerium assumantur.*

23 Super quo advertas, sæpè brevia expediti solere cum clausula: *delicentia Superiorum*, quæ intelligitur copulativè de illa Generalis, & provincialis; prout ex sequentibus pater: S. C. Card. *negotius Regularium preposita* de mandato SS. D. N. Urbani Papæ VIII. declaravit clausulam de *licentia Superiorum, in brevibus prædictis appositam, esse intelligendam de Generali Ordinis, & Provinciali; itant per eorundem brevium executione requiratur utriusque licentia, & consensus.* 2. Augusti 1630. vide *suprà cap. 35 n. 30.*

Ad extremum, nè longior sit discussio Capituli, quædam ad praxim sunt advertenda.

24 Primum, quòd dispositio Decreti Clementis VIII. *Sanctissimus 19. Maii 1602.* sub constit. 28. Urbani VIII. *Bullar. tom. 4.* quoad clausulam, ut in Conventibus etiam designatis, novitii ad habitum non recipebantur, nec ad professionem admitterentur, nisi prævia approbatione *Congregationis Reformationis, vel Ordinarii loci*, in quibus existerent novitiatus, fuit revocata in Decretis de Apostatis, & eiectionis, editis à S. C. Conc. de facultate d. Urbani in *alleg. Constit. 28.*

25 Secundum, quòd nullus potest de una ad aliam Religionem etiam strictiorem transire, sine licentia Sedis Apostolicæ: ita ex stylo Curia. Et cum quis de strictiori transit ad laxiorem, etiam eiusdem Ordinis, & sub eodem capite, & Regula, debet per annum in probatione stare, & per professionem Ordini incorporari, prout censuit S. C. C. quæ apud Fagnan. in 3. *ad c. Ad Apostolicam de regul. num. 67.* respondit, *transitum de licentia Sedis Apostolicæ ad laxiorem Religionem, etiam ejusdem Ordinis, teneri in secunda Religione novum annum probationis peragere.* Debet enim secunda Religio probare mores transeuntis, qui longè melius cognoscuntur tractu annuali, quàm semestri, aut minori.

De transitu Reformatorem S. Francisci ad Observantes, & è contra, videatur Lantusc.

tusc. v. transitus num. 3. & Constit. Urbani VIII. Religiosos Viros 312. Bull. tom. 5.

26 Denique quæritur. Regularis obtinet à S. Sede licentiam transeundi ad alium quemcumque Ordinem Regularem, & in eo professione emissa, remanendi, sed cum clausula, modo sit à S. Sede approbatus, & in eo vigeat Regularis observantia: & in vim huius facultatis ingreditur aliquem ex Ordinibus militaribus: petitur, an licite, & tutus sit in conscientia?

Resp. Negativè. Nam non licet ingredi militares, nisi in indulto exprimatur, prout declaravit S.C. Episc. 7. Novembr. 1585. apud Pignatell. tom. 1. consult. 299. Et ita ex stylo ipsius Sac. Congr. & Sac. Pœnitentiariæ in praxi omnino observatur. Propterea nulla alia admittitur interpretatio in contrarium, & quævis reputatur extorta, & violenta. Ubi enim ad militares S. Sedis transitum indulgere intendit, non tacet, sed expresse nominat. Cætera videas cap. 34.

C A P V T XLII.

Officialis quoad Quartam Funeralium.

S U M M A R I U M.

- 1 *Quarta funeralis quare Parochis debeat?*
- 2 *Non semper, nec ubique datur quarta pars.*
- 3 *Quid veniat appellatione funeralium?*
- 4 *Super solutione quartæ consuetudo servatur.*
- 5 *De candelis, quæ ad manus fratrum dantur, quarta non debetur.*
- 6 *Fratres Predicatores, & Min. de Obser. privilegium habent à Sixto Quarto.*
- 7 *Quid sit necessarium, ut Regulares teneantur ad solutionem quartæ?*
- 8 *Referuntur Decreta S. S.C.C. Parochis incumbit probare Regulares teneri ad solutionem quartæ.*
- 10 *Communicatio privilegiorum non extenditur ad preservandum à solutione quartæ.*
- 11 *An Moniales teneantur ad solvendam quartam?*
- 12 *Si funus transferatur Parocho debetur quarta.*

13 *Quarta solvitur Parocho, in cuius Ecclesia defunctis consuevit recipere Sacramenta.*

1 **Q**uarta, quæ funeralis dicitur, est per Doctores, quedam portio à Canonibus inducitur, & approbata (& ideo Canonica appellatur) Parocho, propter Sacramentorum administrationem, debita, ex iis, quæ Regularibus obveniunt, ex quo in ipsorum Ecclesiis eligat quis sepulturam, & apud eos sepeliatur.

Huiusmodi portio *Quarta* nominatur in Clementina *Dudum de sepulturis in 6. §. Verum*, ubi disponitur à Regularibus esse præfatorum quartam partem Parocho solvendam. Et in *Extrav. Inter cunctas de privi. int. com.* ad medietatem Benedictus XI. extendit. Propterea liquet, & notavit Antonell. de *Regimine Eccles. lib. 1. cap. 13. nu. 7.* Canones in quota non concordare: in quibusdam partibus, apud Mirand. *manual. Prælat. tom. 2. quæst. 48. concl. 2.* est medietas: in aliis tertia, vel quarta pars, secundum varia jura, & consuetudines; quibus in hac materia esse standum, nemo dubitat, & firmat Piassec. *prax. Episc. part. 2. cap. 5. artic. ultimo sub numer. 45. verb. Quarta*, Confect. *sum. privileg. mendic. tit. 19. cap. 1. de Sepulturis*, & expresse habetur cap. *Certificari de sepulturis*, ubi exponens Pontifex illud *Salva iustitia &c.* ait: *Illam iustitiam circa medietatem, vel tertiam, aut quartam partem, pro locorum diversitatibus attendatur.*

2 Unde hic Romæ datur medietas cereorum, intorticiorum, & candelarum, quæ accenduntur, cum cadavera deferuntur ad Ecclesias, in quibus fideles sibi elegerunt sepulturam; & æquali portione inter Parochum, & alios, etiam Regulares, apud quos tumulantur, dividuntur ea item, quæ pro celebrandis Divinis Officiis, præsentem corpore, & priusquam terræ tradatur, ac circa Castrum doloris, & in Altaribus acceduntur: sicut etiam arma, lectum, ornamenta, culcitra, seu pannus fericus, tabulæ, & similia. Et id propter specialem, & antiquam consuetudinem, quæ vim etiam obtinuit, ex Decreto S.C. *Visit. Apost. die 5. Octobris 1620. ab Urbano VIII. approbato*, ut refert Pasqual. *ad Lauretum de Franchis primapar. sub. n. 28.*

Quæ tamen consuetudo, utpotè localis non

non extenditur ad alia loca extra urbem, ut in terminis tradit Donat. *prav. reg. tom. 3. tract. 11. quest. 12. num. 2.* & facit, quod habet Pignatell. *tom. 1. consult. 52. num. 5.* consuetudinem non transire de loco ad locum.

3 Nomine funeralium, ad effectum detrahendi quartam favore Ecclesiæ Parochialis, ex allegata Const. Benedicti, veniunt ea, quæ cum funere deferuntur circa cadaver à domo defuncti ad Ecclesiam; & quidquid sit, an præfata fuerit revocata à Conc. Vien. ut vult Gloss. *in Clementina dict. verb. Funeralibus*, id liquet fuisse in novatum per Pium V. *Const. Et si Mendicantium, la 41. Bullar. tom. 2. verb. Quarta*, his verbis: *Et ubi solvi consuevit, id tantum cere, & aliorum, quæ in aliquibus partibus deferri contigerit tempore, quo defunctorum corpora ad sepulturam deferuntur, &c. Sicque intelligi Concilii Decretum quoad quartam huiusmodi solvendam, debere decernimus.*

Et quo ad hoc non est allegata Constitutio revocata a Gregorio XIII. *in Const. incip. In tanta 9. ibidem*. Cum revocatio Pianæ Constitutionis, ejusdemque reductio ad terminos Concilii per Gregorium factæ, respiciant eam quoad ea a Pio Regularibus concessa contra formam ejusdem Concilii; non verò quoad declarationes per ipsum factas circa modum solutionis quartæ; quippe cum nil specialiter de hoc Concilium disposuerit, & dumtaxat decreverit quartam esse solvendam, & non expresse, in quo hæc quarta consisteret, infertur Constitutionem Pii non esse ea parte abrogatam, qua declarat consistere in cereis circa cadaver deferre solitis. Ideo in eo subsistere est certum, utpotè declarativam, & non destructivam legis Conciliaris, prout notavit Antonel. *sub num. 9. Rota in Licien. Quarta Funeralium 15. Januarii 1518. apud Pasqual. ibid. cit. Lezz. summ. quest. reg. tom. 3. ver. Quarta funeralis num. 6. Mirand. loc. item cit. art. 12. & supponitur in Const. Expositum 47. Pauli V. Bullar. tomo 3. ubi Parochis sub excommunicatione reservata interdicitur, ne ab eligentibus sepulturam in Ecclesiis Fratr. Min. exigant maiorem elemosynam ea, quæ præscribitur à Trid. cit. ut Pius declaravit.*

4 Verum etiam in hoc est particularis *Official. Cur. Eccl.*

locorum consuetudo servanda, quod significat Trid. *sess. 25. cap. 13. de reform.* per hæc: *Et eadem portione, quæ antea solebat, & firmavit S. Congr. Conc. sub die 18. Julii 1699. in una Mantuana Quartæ Funeralis, quæ in favorem Regularium adversus ejusdem Civitatis Parochos rescripit, ut infra: In casu, de quo agitur, servandam esse consuetudinem solvendi quartam in medietate cereorum tantum, quæ deferuntur per viam.*

Debitum servandæ consuetudinis est in terminis æquitatis, quia ex multorum locorum praxi, pompa funeris celebratur intra Ecclesiam, & nihil ferè defertur cum corpore defuncti; unde si in præfatis, & de solis iis, quæ cum corpore deferuntur, esset quarta solvenda relevans præjudicium Parochi reportarent.

5 Et quamvis Piasec. *loco cit. par. 2. cap. 3. art. 6. sub num. 60.* quartam funeralem asserat deberi ex omnibus, dictum limitat, excipiendo candelas, quæ ad manus Fratrum dantur; addendo, præterquàm de quibus expresse in privilegiis exemptionum cavetur, ne de iis exigatur.

6 Propterea nequit à Fratribus Minoribus exigi de dd. candelis (etiam ubi est consuetudo, ut quarta ab eis solvatur). ex concessione ipsis facta a Sixto IV. *Const. Regimini 6. Mare Magnum nuncupata, Bull. Cherub. tom. 1. ubi §. 6. habetur: Nec similiter aliqua portio debeatur de his, quæ ad certos determinatos usus eisdem Fratribus, vel eorum domibus in genere, aut in specie, etiam de bonis eorum, quorum cadavera apud eos contigerit sepeliri; nec etiam in casibus, in quibus per ejusdem Clementis, & aliorum Prædecessorum nostrorum specialia privilegia Fratres ipsi ab huiusmodi solutione quarta sunt exempti; nec aliquo casu de candelis, quæ ad manus Fratrum dantur, quarta aliqua quomodolibet detrahatur.* Cum amplissimis derogatoriis Constitutionis Bonifacii VIII. *denna, & duobus dietis, & Super Cathedram, & Clementine Dudum, ac aliorum in contrarium facientium.* Videri etiam potest *Const. Clementis IV. Virtute conspicuos 4. ibid.* Non minoris amplitudinis privilegia idem Sixtus *Const. Regimini, la 7. ibid.* item *Mare Magnum* nominata, Sacro Prædicatorum Ordini elargitur.

7 Ut Regulares ad quartam teneantur, necessarium est, quod Conventus, & Monasteria fuerint erecta quadraginta annis ante Concilium, & quod totidem annis solvere consueverint. Quod patet ex Trid. sess. 25. cap. 13. de reform. Ideo postea erecta non tenentur, ex declaratione Pii V. in d. Const. Et si Mendicantium: Quarta autem Funeralium, de qua sess. 25. cap. 13. nequaquam solvere teneantur Monasteria, quæ a quadraginta annis citra fundata existunt; postquam Concilium ipsum loquitur tantum de Monasteriis ante annos quadraginta fundatis, quæ ipsam quartam solvere consueverant.

8 Et pluries firmavit Sac. Congreg. Concilii, Ut in una Pampilonen. lib. 43. positionum fol. 825. censuit cap. 13. sess. 25. non comprehendere Monasteria edificata à quadraginta annis citra, aut quæ in dies edificentur, aut in futurum edificabuntur, præsupposito, quod huiusmodi Monasteria ejus sint Religionis, cui à Sede Apostolica indultum sit, ut quartam funeralem solvere non teneantur. Et in una Meliten. 2. Augusti 1607. lib. 11. Decret. fol. 13. à tergo: Sac. Congreg. censuit, si Religioni Sancti Francisci de Observantia ante quadraginta annos ante Concilium à Sede Apostolica indultum fuit, ut quartam huiusmodi solvere non teneatur, non teneri ad solvendam eam, hanc Ecclesiam post Concilium acquisitam, tametsi antequam Religioni prædicta acquireretur, eam solvere ista Ecclesia consuevisset. Et in una Hieracen. lib. 2. Decret. fol. 17. & in una Nullius 1625. lib. 12. Decret. fol. 203. à tergo. Et in una Ausculana lib. 30. Decret. fol. 503. 2. Septembris 1679. Et alibi sæpè.

Et die 17. Novembris 1673. Sac. Congr. Episcoporum, & Regularium censuit, Monasteria, quamvis à quadraginta annis citra edificata, non teneri ad quartam Parochialis Ecclesia præstandam, si sint ejus Religionis, cui à Sede Apostolica ante quadraginta annos indultum fuerit, ut quartam solvere non teneatur, &c. Contrascientes penis, & censuris ab eorum Ordinariis, sibi bene visis, severe esse puniendos.

Hinc colligitur, Tridentinum ex restrictione quartæ Parochis debitæ in casu quadragenariæ consuetudinis supra ipsum legitime præscriptæ, supponere adhuc sub-

sistentia, & in viridi observantia privilegia Regularium exemptiva in cæteris casibus.

Imò, si per Concilium eadem in ordine ad quartam abrogata fuissent, inutilis foret sæpè à Sacra Congregatione Concilii adhibita, & repetita distinctio inter Conventus ante, & post Concilium erectos.

Dictio, Ante, posita in præallegato Concilii Decreto non significat annos quadraginta esse computandos supra ejus initium, sed supra ipsius publicationem, ut in causa Oritana die 27. Februarii 1649. S. Congr. Conc. respondit, Nimirum Patres Cælestinos non teneri ad solutionem quartæ funeralis, ex privilegiis eisdem concessis supra quadraginta annos ante Concilium Tridentinum publicatum. Et notat Antonelli. loc. cit. sub num. 9.

9 In casu verò, quo Regulares ad quartam præstandam se non teneri sustineant, Parochis probare incumbit quadragenariam consuetudinem, eosque quadraginta annis supra publicationem Concilii eam solvere consuevisse, ut in terminis respondit Sac. Congregatio Concilii in causa Minorum de Observantia Provinciæ Poloniæ 14. Novembris 1682. lib. 32. Decret. fol. 476. ubi ad quæsitum: An ad Parochos, vel potius ad Superiores Regulares Conventuum spectet onus probandi quartam à controuersis Conventibus solvi consuevisse, vel non, per quadraginta annos ante Concilium? Sac. Congreg. respondit: ad Parochum.

Quia verò ad firmandum in casibus particularibus privilegium exemptivum à quarta, solet in Decretis S. Congr. Concilii apponi clausula restrictiva, ut: Si Religioni ante annos quadraginta ante Concilium à Sede Apostolica indultum sit, vel præsupposito, quod sit ejus Religionis, cui sit indultum, ut quartam funeralem solvere non teneatur. Ideo, ut constat, quibus id fuerit concessum, videri possunt, Casarubio compend. privileg. verb. Canonica portio, Mirand. loc. cit. art. 6. Rota in Lycien. cit. Peyrin. de privileg. ad Const. unicam Pyrrhi §. 12. num. 54. Et plura per extensum refert satis doctum Summarium Typis R. C. A. datum, & in allegata Mantuan. Quartæ Funeralis Sac. Congreg. Concilii per Regulares exhibitum.

10 Quare Monasteria fundata post publicationem Concilii, vel intra 40. annos, computandos ab ejusdem initio, tenentur ad quartam, si fuerint Religionis, cui nunquam fuerit exemptio concessa, ut tenuit Rota in Pisanien. jur. Parochialium 5. Maii 1698. coram Priolo. Nisi subinde ad Concilium obtinuerit à Sede Apostolica privilegium directè concessum. Quia per communicationem privilegium non suffragatur, ut declaravit Sac. Congreg. Conc. in Ebredunen. 18. Junii 1660. in resp. ad 12. Monacell. formular. par. 2. form. 1. tit. 14. num. 14. & fuerit in indulto expresse derogatum Clement. Dudum, de sepultur. & non fuerit adjecta clausula, Salva justitia Ecclesiarum Parochialium; quia tunc quarta præservatur Parocho.

11 Moniales, nisi adsit in contrarium consuetudo legitima, ad quartam solvendam non tenentur, ut pluries S. C. C. declarasse, & præsertim in una Albigenen. 16. Martii 1652. ad cap. 13. sess. 25. de reform. refert Pignatell. tom. 1. consult. 381.

12 Si postquam corpus fuerit sub sacra reconditum gleba, contingat ad diem sequentem funus transferri, majori pompa celebrandum, debetur Parocho quarta de intorticiis, & cereis, quæ occasione illius accenduntur. Et super hoc referri à Barbosa de offic. & potest. Parochi cap. 25. num. 78. Decretum S. C. Episcop. & Regul. sub 3. Augusti 1621. tradit Donat. tract. 11. q. 11. num. 2. quia præsumitur, quod pompa fuerit in fraudem Parochi translata in sequentem diem.

Extende etiam ad casum, quo ob factorem cadaveris celebrari exequiæ eodem die non possent. Præsertim etiam quia pompa exequiarum, serò, & mane facta per Remigium Scrofa, in examine ejusdem Decreti, apud Donat. cit. una censetur.

13 Notandum, quod Parochus, cui quarta funeralis debeat persolvi, ille esse debet, in cuius Ecclesia defunctus solebat Sacramenta recipere, & audire Divina, ex cap. Cum quis, de sepultur. in 6. ubi notat Glossa, quod habens duo domicilia in duabus Parochiis, ad quæ se æqualiter transferat, adeo ut sex menses in uno, & totidem in altero habitet, si in tertia Ecclesia sepulturam eligat, solvenda portio, est inter præfatorum Parochos dividenda. Si-

cut per medium tradit esse solvendam eisdem, dum quis habens domum, quæ æqualiter ab binas spectat Parochias, in tertia sepeliatur.

Ita si dimissis Ecclesia Parochiali, & Ecclesia, in qua sepulti sunt sui majores, & in qua fuisset ipse sepultus, si non elegisset in alia sepulturam, quis istam in alia Ecclesia eligat, portio canonica solvi debet Parochiali, & non ei, in qua est sepultura suorum majorum; quippè ex observatione Glossæ loc. cit. §. notat. 1. sepulchrum majorum quoad hoc non præfertur Ecclesiæ Parochiali; & portio solvitur in recompensationem laborum, quos sustinuit Rector Ecclesiæ Parochialis in celebrando Divina, & administrando Sacramenta ipsi defuncto.

C A P U T XLIII.

Officialis quoad Quæstas.

S U M M A R I U M.

- 1 Fideles prohiberi non possunt, quin Mendicantibus eleemosynas conferant.
- 2 Extra districtus Conventus non mendicant, ex Decreto S. C. E.
- 3 Cujus dispositio est generalis.
- 4 Regulares non tenentur petere ab Ordinariis licentiam; & quando teneantur eis ostendere illam Superiorum? lege Sac. Congr. Decreta, & ibi plura, usque ad num. 8.
- 9 Decreta Sac. Congr. Conc. habent vim legis generalis, ad 10.

1 **R**eligiosis, præsertim ex Mendicantium Ordinibus, licitum est mendicare, seu ex eleemosynis ostiatim collectis vivere; nec prohiberi possunt fideles, quin eas præfatis conferant, prout expresse text. in cap. Nimis prava, de excess. Pralat. idque impediens, vel aliàs consulentes, censuris submittuntur à Sixto IV. in Constit. Sacri, la 19. Bullar. tom. 1. Bulla aurea nuncupata.

2 Verùm extra proprios Conventus districtus præfatis quæstare legitur interdictum à Sac. Cong. Episcop. & Regul. sub die 22. Junii 1674. dum partibus auditis: Declaravit, & decrevit, ne imposterum præfatorum Ordinum (Conventus scilicet

Observ. & Capuccin. in Regno Corsicæ) proprios suos districtus ad quæstuum egrediatur, sed intra suos limites se quisque contineat, ut ab his, quibus serviunt, sustentari facilius possint. Nec non, ut ubi plures inveniuntur Conventus in eodem districtu, inter eosdem ratio antiquitatis, ac fundationis rationabiliter habeatur; sicque omnino observari mandavit.

3 Quæ dispositio ex rationis identitate, & inspecta ratione finali, ac regionis sterilitate, quas S.C. indubiè ponderavit, & ad evitandas lites, adeò faciliter inter Regularium quæstores, ipsasque Religiones enascentes, ad cætera loca extendi nullus est, qui non consideret.

4 Non tenentur petere ab Ordinario licentiam quæstuandi, prout fuit sub die 6. Octobris 1596. rescriptum Episcop. Caiacen. ut infra: *Non tenentur Regulares, qui ex institutione, aut facultate S. Apostoli. eleemosynas quaritare, aut mendicare possunt, petere ab Ordinariis licentiam eleemosynas per diœcesim quærendi, cum in erectione Monasteriorum eis licentia tacitè ab Ordinariis impertita censeatur; & idem Collectori Portugalliæ, ut sequitur: I Vescovi per la licenza di cercar limosine non devono haver cosa alcuna, ancorche minima, e così i loro Officiali. I Mendicanti non hanno bisogno di simil licenza, la quale si presume data loro per sempre, quando fù loro permesso, che havessero Monastero nella diocesi.* Pignatell. tom. 8. consult. 12.

5 Neque debent suorum Superiorum licentiam Ordinario exhibere, dum eleemosynas quærunt in locis, ubi existunt Conventus; benè verò, si eas velint colligere extra ipsa; prout in terminis S. C. Conc. apud Piasfec. prax. Episc. par. 2. cap. 3. artic. 6. num. 50. *An ut quæstores arceantur, possint Ordinarii facultatem à Superioribus Regularium eleemosynæ quærendæ concessarum aliquam cognitionem, & qualem habere? Congr. censuit, ex Concilio non prohiberi Regulares, quominus eleemosynas quærant, non tamen alios eorum nomine, & autoritate quoquomodo posse quaritare; illos tamen extra locum, ubi sita sunt Monasteria, eleemosynas per eandem diœcesim corrogantes, teneri ad ostendendam Ordinario licentiam suorum Superiorum.* Similem declarationem de anno 1621. referunt Sperell. decis. 38. num. 27. &

Lantusca ver. *Eleemosyna num. 1.* tenoris infra scripti: *Sac. Congr. Card. Conc. Trident. interpretum censuit, Fratres Ordinum Mendicantium nequaquam posse ab Episcopis prohiberi, quominus per se ipsos in diœcesibus, ubi habent Conventus, eleemosynas quærant; sed tantum, si extra loca, ubi Monasteria existunt, quaritare voluerint, teneri Superiorum licentiam Ordinario ostendere.*

6 Cùm verò extra diœcesim, in qua erecta sunt Monasteria, quaritare intendunt, consensum debent ab Ordinario obtinere; super quo Fagnanus in 5. cap. Tuarum n. 3. de privil. refert aliàs S. Congr. Concilii declarasse. *Fratres Mendicantes non posse quidem ab Episcopis prohiberi, quominus per se ipsos in diœcesibus, ubi habent Conventus, eleemosynam quærant; sed tantum si extra loca, ubi Monasteria existunt, quaritare voluerint, teneri suorum Superiorum licentiam Ordinario ostendere; at si extra diœcesim, teneri etiam illius consensum obtinere; & ex eo idem integrè refert Pignatell. cit. num. 19.*

7 Non est dubium, posse Episcopos immodicas quæstuationes impedire, per text. in Clement. Abusumibus, de poenit. & remiss. Unde dixit Piasfecus ubi sup. *Regulares delinquentes circa quæstuationem posse ab Episcopo puniri.* Addit ibidem Sperellus, posse Episcopos, ut fraudes in quæstuatione vitentur, mandare, ne quis Religiosus eleemosynam quærat, nisi prius licentiam Superiorum exhibeat, & per eos recognoscatur. Quod quidem quantum ad externos à loco, & habentes extra ipsum Conventum, est juxtà dispositionem Decreti postremo loco allegati. Ut hac via impediant, ne gravamen recipiant Regulares loci, qui in ejusdem populi, & animarum servitio occupant.

8 Quinimò idem præceptum possunt facere Regularibus ejusdem loci, non ut eos eleemosynas quærere impediant, sed ut provideant, ne fraudes committantur. Sæpè enim fit, quòd Regulares privilegio Mendicantium gaudentes, & bona in communi possidentes, qui commode ex solitis redditibus vivere possunt, privilegio Mendicantium fraude abutuntur, subtrahendo eleemosynas Regularibus, quibus vera mendicitas, & eleemosynæ dietim acquisitæ necessariam præbent

bent sustentationem, prout post Genuen. *prax. cap. 57. num. 11.* tenet Donat. *prax. tom. 1. tract. 13. q. 32. num. 15.* Monacell. *form. part. 1. form. 4. tit. 6. num. 8.* Unde Decretum *num. 4.* relatum procedit, dum non concurrit suspicio fraudis. Siquidem pauperum, & Monasteriorum protectio est propria Episcoporum, qui tenentur ea tueri, & defendere, *cap. Peruenit, c. Nuntiatum 84. dist.*

9 Hic advertendum, quod declarationes Sac. Congr. Concilii in materia tum concernente quasas, tum respiciente alia negotia, habent vim obligandi pro utroque foro, non solum quoad personas, ad quarum instantiam emanarunt, vel in illo particulari casu; sed sunt leges generales in similibus omnibus, ut dixit Fagnan. in *1. ad cap. Quoniam, de const. num. 71. & Rota Romana pensionis 15. Martii 1694. coram Priolo.* Nam ea est anima legis, ut comprehendat omnes similes casus. Tunc enim perinde est, ac si Patres à principio rem declarassent. Consequenter sunt in simili materia generaliter observandæ; cum Decreta Concilii, quæ generaliter ligant omnes, habeant semper in ventre sensum, aut intellectum illum, quos S. Congreg. sua declaratione manifestat, ut magistraliter Fagnan. *ibid.*

10 Quando Sac. Congr. censet suam declarationem non posse aptari, nisi casui proposito, solet rescribere: *Negative, vel affirmative in casu, de quo agitur; vel ex deductis non constare; vel assentis &c. non indigere &c. vel negative, prout jacet.*

C A P U T XLIV.

Officialis quoad redditus Ecclesiasticos.

S U M M A R I U M.

- 1 Bona Clericorum triplicis generis, patrimonialia, quasi patrimonialia, & beneficialia; & qua sint?
- 2 Beneficiati non sunt domini reddituum beneficiorum.
- 3 Contraria sententia est communior, & vera.
- 4 Quid sint prestimonia?
- 5 Non tenentur ex iustitia eleemosynas Official. Cur. Eccl.

facere, bene verò ex lege charitatis.

- 6 Superflua reddituum illicite in profanos usus impenduntur, usque ad num. 9.
- 10 Beneficiati habentes sufficiens patrimonium possunt licite vivere de fructibus beneficii.
- 11 Trium temporum distinctio, in quibus considerantur bona Ecclesiastica.
- 12 Quid importet congrua sustentatio?
- 13 Quid sit Ecclesiasticis erga consanguineos prohibitum?
- 14 Beneficia Ecclesiastica instituta non sunt ad conservandas dignitates seculares.
- 15 Nomine piarum causarum quid veniat?
- 16 An accipientes à Clericis superflua beneficiorum, peccent?
- 17 Empta ex superfluis beneficiorum non transeunt ad hæredes, sed spectant ad Ecclesiam.
- 18 An Religiosus assumptus ad Episcopatum sit reddituum beneficialium dominus?
- 19 In quo differant fructus beneficii à distributionibus quotidianis.
- 20 Beneficiati, ut fructus beneficii percipiant, debent personaliter residere.
- 21 Quando beneficiati absentes lucrentur distributiones, usque ad num. 33.
- 34 Recipientes distributiones in casibus à jure prohibitis tenentur ad restitutionem, usque ad num. 39.

Bona Clericorum sunt, vel patrimonialia, vel quasi; vel beneficialia: Patrimonialia dicuntur, quæ Clerici possident hæreditate, successione, donatione, contractu, vel industria, similive ratione, non aliter, ac si non essent Clerici, sed laici: Quasi patrimonialia sunt, quæ Clerici acquirunt non ratione beneficii Ecclesiastici, sed quæ à fidelibus offeruntur, non ipsi Ecclesiæ approprianda, sed particulariter ipsis Ministris, tamquam operis personalis stipendium; putà ob functiones Ecclesiasticas, celebrationem Missarum, Sacramentorum administrationem, funeralia, pro concionibus, pro officio Vicarii, &c. Bona verò beneficialia, seu Ecclesiastica dicuntur, quæ secundum suam originem ad ipsam Ecclesiam spectant, ipsique Ec-

clesiæ à fidelibus primitus oblata, & incorporata sunt, ac deputata pro Clericis in beneficium, seu ad congruam eorum sustentationem, ob spirituale obsequium, & servitium ab eis præstandum, juxta commune axioma, quod *beneficium datur propter officium, cap. Quia de rescript.*

Modò DD. concordant. I. Clericos plenum jus, & dominium habere in bona patrimonialia, posseque de illis venditione, donatione, & per testamentum liberè disponere, *cap. Quia nos, de testam.* sine præjudicio justitiæ, aut alieni juris; non minus, ac ipsi laici valent sua patrimonialia aliis donare, vel alienare. Cæterùm bona, etiam patrimonialia, seu ad quorum titulum est quis ad Sacros Ordines promotus (& propterea patrimonium dicta) alienare prohibetur absque licentia Episcopi, per *Trid. sess. 21. cap. 2. de reform.*

II. Conveniunt, Clericos esse veros dominos bonorum quasi patrimonialium; nam hæc æquiparantur patrimonialibus. Nec Ministri Ecclesiastici, dum propter Ecclesiasticas functiones stipendia à fidelibus recipiunt, debent esse deterioris conditionis, quàm alii Officiales, Judex, Prætor, Consiliarius Campanarius, &c. sed isti omnes plenum, & absolutum dominium acquirunt in stipendiis sibi ob ministeria datis; adeoque & Clerici, quibus etiam aptatur illud, 1. ad Timoth. 5. *Dignus est operarius mercede sua.* Ideò de illis disponere liberè possunt; adeoque & testari, & si ab intestato decedant, ad suos hæredes transeunt.

2 Sed variant quoad tertii generis bona. Quorundam sententia est, Clericos beneficiatos non acquirere dominium reddituum Ecclesiasticorum, sed esse solùm administratores, & dispensatores. Ita Navarr. *tractat. de redditib. quest. 2.* Parnormitanus, & Sylvest. Quod probant ex *cap. Episcopi 12. quest. 1.* ibi: *Quidquid vero de provisione sua Ecclesie fuerit de agris; sive de fructibus, sive de oblationibus, omnia in jure Ecclesie reservare censuimus; & aliis pluribus firmant.*

Cajetanus dixit, Clericos esse veros dominos redditum beneficii quoad portionem suæ sustentationi necessariam; quoad excessum verò esse solùm dispensatores. Allegatur Ambrosius in *cap. Sicut hi, 47. dist.*

& concordat *cap. Quatuor, & cap. redditib. 12. quest. 2.*

Et inde dicti Authores concludunt. Episcopos, Clericosque beneficiatos teneri ex justitia redditus superfluos beneficiorum pauperibus erogare, vel in alios pios usus expendere, adeò ut, si in prophanos usus convertant, mortaliter peccent contra iustitiam, & ad restitutionem teneantur, invalidèque recipiantur ab iis, quibus per eos conferuntur.

3 Sed communior sententiam in praxi est, beneficiatos verum, & legitimum dominium habere de omnibus redditibus Ecclesiasticis, quos ex beneficiis percipiunt, posseque de illis in vita validè disponere, quamvis prohibeantur in morte de eisdem testari. Ita Fagnan. in 3. ad *cap. Si quis sanè, de pecul. Cleric.* Perringh. in *compend. lib. 3. tit. 25. §. 2. & 3.* aliique plures, quos sequimur. De hoc enim clarissimè constat ex *Triden. sess. 23. cap. 1. de reform.* ubi statutum est, non residentes in suis Ecclesiis, nisi ex causis justis, pro rata temporis absentia fructus suos non facere, nec tanta conscientia, alia etiam declaratione non secuta, illos sibi detinere posse. Et *sess. 24. cap. 12. de reform.* præscribitur, quòd provisi de beneficiis curam animarum habentibus & Canonicatibus, ac Dignitatibus, si non faciant professionem fidei intras duos menses à die adeptæ possessionis, non faciat fructus suos. Et si quolibet anno abfuerint ultra tres menses: primo anno privetur unusquisque dimidia parte fructuum, quos ratione etiam præbende, ac residentia fecit suos; secunda vice, privetur omnibus fructibus, quos eodem anno lucratus fuerit. Supponit ergo Concilium, quòd si fecerint professionem, & non abfuerint, fructus suos faciant, adeoque dominium acquirant; quia non res alienas, sed proprias dominium respicit.

Idque confirmat dispositio Beati Pii V. in *Const. Et proximo 135. Bullar. tom. 2.* in qua declaratur: *Beneficiatum cum cura, vel sine, legitimo cessante impedimento, non recitancem Officium, beneficii fructus pro rata omissionis, & temporis, suos non facere.* Per quæ clarè à contrario sensu significatur, quòd beneficiati quicumque fructus suos faciant, si Officium Divinum recitent, & suo muneri satisficiant.

Nec

Nec dicatur, Concilium, & Pontificem loqui de fructibus necessariis sustentationi, & quod de istis sint privandi, non verò de superfluis, quorum non domini, sed administratores sunt. Nam huiusmodi interpretatio non congruit menti Pontificis, & verbis Concilii; siquidem absolute, & sine distinctione loquuntur; affirmantque simpliciter facere *fructus suos*; quod est commune ad necessarios, & superfluos.

4 Quæ procedunt etiam quoad fructus provenientes ex præstimoniiis, ex dict. Const. Pii. Sunt autem præstimonii, quasi pensiones quædam à pinguibus beneficiis separatae pro sustentatione pauperum Clericorum, ut in Clericatu proficiant. A pensionibus distinguuntur, quia præstimonii non sunt personalia, & vitalia, ut pensiones, sed perpetua. Et hinc non extinguuntur per mortem ea habentium, sed per Prælatum Ecclesiasticum aliis concedi possunt.

Et locum item habent, quantum ad fructus, qui ex Ecclesiasticis pensionibus percipiuntur. Nam pensionarii ex dict. Const. tenentur recitare Officium B. V. M. Proinde si id omittant, fructus suos non faciunt, iuxta taxam in dicta Const. præfixam.

5 Ex quibus sequitur, beneficiatos ex redditibus beneficiorum posse pro se, & suis necessaria capere; sed superfluum, ac ex illis residuum teneri in pauperes, vel pias causas erogare, adeo ut si contrafaciant, peccent mortaliter contra charitatem, non contra iustitiam, nec cum debito restitutionis. Unde habent dominium, sed restrictum, & coarctatum.

6 Cæterum, dicta obligatio non est ex sola charitatis virtute, sed etiam ex lege positiva Ecclesiæ expressa in Jure Canonico, & Trident. Quinimò, ne superflua expendantur in prophanos usus, est obligatio juris naturalis ex virtute Religionis; cum indecens ex natura rei appareat, quod in usus prophanos, & non pios impendantur bona, quæ sunt Dei (ut sunt Ecclesiastica, per Trident. sess. 25. cap. 2. de reform.) & in Dei cultum à fidelibus oblata. Et hæc est principalis turpitudine hujus actionis, quod beneficiatus tanquam Dei procurator non expendat bene iuxta veri domini intentionem.

Dices primò, Ecclesiastici prohiben-

tur testari de redditibus beneficiorum, dicto cap. Quia nos, atque adeo non sunt domini.

7. Resp. Prohibentur quidem, sed non ex defectu domini; sed ex lege Ecclesiæ, ad reprimendam eorum cupiditatem in ordine ad ditandos parentes; & ut in vita faciliores sint ad erogandas eleemosynas, scientes se in morte non posse valide testari. Etiam impubes non possunt de suis bonis testari, & tamen sunt eorum domini.

Dices II. Ergo possent licite disponere de illis bonis, ut vellent, & non tenerentur specialiter dare pauperibus.

8 Resp. negando consequentiam. Nam nec domini sæculares possunt licite sua bona prodigere; licet valide possent, quantum ad hoc, quod non tenerentur ad restitutionem. Item, dictum est, in Clericis esse debitum ad impendendum superfluum reddituum in pios usus.

9 Queritur. An beneficiati possidentes sufficiens patrimonium possint licite vivere de fructibus beneficii, patrimonio in alios usus reservato?

Resp. affirmative cum Fagnan. cit. n. 6. & Engel. Colleg. Jur. Canonic. lib. 3. tit. 25. num. 8. ut certum statuentibus, Episcopos, Clericosque habentes patrimonium, posse de proventibus Ecclesiæ vivere, & patrimonium cum fructibus servare, quibus volunt. Ad quod facit textus in cap. Extirpanda, de præbend. ibi: Qui Altari servit, de Altari vivere debet, cum nemo cogatur suis stipendiis militare; & in cap. Cum ex officio. §. Nos igitur, de præscript. Nec denario fraudari debent in vinea domini operantes; cap. Clerici 1. quæst. 2. ibi: Clerici omnes, qui Ecclesiæ fideliter, vigilanterque deserviunt, stipendia sanctis laboribus debita, secundum servitii sui meritum, per ordinationem Canonum à Sacerdotibus consequantur. In quo est ponderandum.

I. illud Omnes, includit tam pauperes, quam divites, ut ibi notarunt DD. aliàs ad quid Canon dixisset, Omnes?

II. Consideranda est hæc clausula: Stipendia suis laboribus debita, per quæ significatur esse danda stipendia Clericis, non propter indigentiam, sed ob labores, quos sustinent. Et hæc sanè ratio verificabilis est tam in divitibus, quam in pauperibus.

III. Observandum dici secundum servitii sui meritum, non autem secundum indigentiam qualitatem.

10 Et confirmat text. in dicto c. *Quia nos, de testam.* ubi resolutio est, posse Clericos testari de bonis propriis, vel acquisitis intuitu personæ, non verò de perceptis consideratione Ecclesiæ. Ponamus modò; Clericum donasse fructus patrimonii, vel servare velle ad diem sui obitus; certè inde sequitur, ut de fructibus beneficii sit alendus; propterea dixit Innoc. in cap. *Episcopus, num. 1. de prabend.* Non credimus, quòd qui habet beneficium, vivere debeat de patrimonio, sed de Altari.

11 Possunt jura, quæ in contrarium adducuntur, ad concordiam cum allegatis reduci per trium temporum distinctionem, prout sequitur.

Primum tempus fuit, quando Christiani omnes, sive Clerici, sive laici, initio nascentis Ecclesiæ pretia rerum ponebant ad pedes Apostolorum, & vivebant in communi. In quo & Clerici nihil proprii habebant, sed de bonis communibus vivebant, cap. *Duo sunt, cap. Quia tria, & cap. Certè 12. q. 1.*

Secundum tempus successit, in quo Apostoli videntes utilius fore, ut prædia oblata conservarentur Ecclesiis Cathedralibus, ut ex eorum fructibus posset omnibus indigentibus subveniri, statuerunt, ut bona huiusmodi non venderentur, sed conservarentur, & Episcopus haberet potestatem ea dispensandi, prout unicuique opus esset, ut expresse legitur in c. *Videntes; dict. caus. & quæst.* redditusque Ecclesiæ in quatuor partes dividebantur, iuxta d. cap. *Quatuor, & cap. De redditibus.* Pro hoc tempore emanarunt jura nostris contraria, in quibus dispositum fuit, ut Clerici clam contra vestigia Apostolorum habentes proprium (adhuc etiam videbatur illicitum, d. cap. *Certè, ibid.*) nullo modo participarent de redditibus Ecclesiæ, etiam si fervirent, sed reservarentur pro subsidio indigentium, ut d. cap. *Sacerdos.*

Tertium tempus fuit cum Clerici, licet, & omni scandalo cessante, coeperunt bona propria possidere, & Ecclesiæ dotari, principaliter pro eorum Ministris, cap. *Nemo, de consecr. distin. 1. cap. Pastoralis, de iis, quæ sunt, &c.* Itemque

pro Clericis fuerunt erecti tituli beneficiales, cap. *Omnes, 22. distin.* Pro hoc tempore fuit constitutum, quòd Clerici possent licet vivere de redditibus beneficiorum, & bona patrimonialia suis hæredibus relinquere.

Per quæ concludentissimè remanet probatus articulus, quòd Clerici, etiam habentes proprium patrimonium, possint licet de redditibus beneficii honestam, & congruam sustentationem accipere, Fagn. cit. num. 14.

12 Sed petitur, quid sub congrua sustentatione comprehendatur.

Resp. Congrua sustentatio non est ad strictam vivendi rationem arctanda, sed considerari etiam debet status, dignitas, & conditio personæ. Plus enim pro honesta sustentatione competit Episcopo, quàm Decano: & huic, quàm simplici beneficiato. Ita cum Innocentius III. in c. *Cum de multa, de prabend.* prohibuisset pluralitatem beneficiorum, in fine dixit: *Circa sublimes tamen, & litteratas personas, quæ majoribus beneficiis sunt honorande, cum ratio postulaverit, per Sedem Apostolicam poterit dispensari;* & Joan. XXII. cap. *Execrabilis, eod. tit. int. com.* Cardinales, & filios Regum excipit à prohibitionem retentionis plurium beneficiorum incompatibilium. Quia ipsi eminentiæ dignitatis convenit familiares apud se habere claros, non sordidos, vel obscuros; prout solent Pontifices exprimere in litteris, quibus Cardinalium fidei Abbacias commendant, ibi: *Tibi, ut tuum statum iuxta Cardinalatus sublimitatem, decentius tenere, & expensarum onera, quæ te iugiter de necessitate subire oportet, facilius perferre valeas, &c.*

13 Potest itaque beneficiatus pro se usque ad decentiam status sumere de redditibus Ecclesiæ; consanguineis verò potest dare tanquam pauperibus, ut non indigeant, D. Thom. 2. 2. quæst. 185. art. 7. ad 2. legendum Tridentinum sess. 25. cap. 1. de reform.

14 Sed quid? filius Regis eligitur Cardinalis, vel Princeps natus Episcopus, & Comes in aliqua Ecclesia Canonicus, in qua simplices Nobiles, vel Doctores in Theologia locum etiam habent; poteruntne ex beneficio accipere totam congruam sustentationem iuxta conditionem

nem Beneficii, cum aliquo tamen moderato excessu super alios Beneficiatos inferioris Dignitatis?

Resp. Vel talis Princeps aliunde non habet ad sustentandum statum suum juxta conditionem personæ, vel habet? Si non habet, potest ex Beneficio accipere, quantum ad id necesse est, intra limites tamen decentiæ status Ecclesiastici, & absque abusu eorum, quæ sunt pauperum. Non enim poterit tantum ex bonis Ecclesiasticis insumere in sui sustentationem, quantum posset ex boni sæcularibus. Siquidem alia sustentatio decet Principem, vel Comitem sæcularem; aliaque, & moderatior Ecclesiasticum. Si verò habet, ex Beneficio non poterit sumere, nisi quantum sufficit ad congruam sustentationem, juxta conditionem Beneficii, instar aliorum, sed cum moderato excessu. Ratio redditur à Lugo *disp. 4. de just. sect. 4. num. 61.* quia Beneficia Ecclesiastica constituta non sunt ad sustinendas dignitates sæculares, & prætextu, ut tales parcant suis patrimonialibus facultatibus, easque in alias vanitates extendant nocivum enim foret Ecclesiæ alere Ministros adeo onerosos, & iis pro ministerio cæteris communi tam excessivum stipendium tribuere.

Sed quid etiam, si Beneficium sit ita tenue, ut, congrua sustentatione detracta, nil superfit ad erogandum in pias causas; an fructus Beneficii sint dividendi?

Dicendum, quod omnes, quibus sunt Beneficia commendata, cavere debent, ne Ecclesiæ Beneficiorum decentibus suppellectilibus egeant sed pro viribus debent Sponsæ providere, juxta *Const. Leonis X. Superne 7. §. 10. Bull. tom. 1. Sperellus dec. 67. n. 4.* quem sequitur Monacell. *for. p. 2. form. 1. nu. 28. tit. 15.* tradit, onus Beneficiati esse reparationem Ecclesiæ: ad quam de jure ab Episcopi cogi potest, etiam nulla facta deductione congruæ alimentariæ; quia tunc necessaria ad vitam deducuntur, cum Beneficium est residentiale (ex quo enim non ferviat Altari, cessat ratio, ex qua, etiam in casu fabricæ detrahenda sint alimenta) vel, si Beneficiatus alimenta non potest habere aliunde; in casu etiam non residens debet habere ex Beneficio, ne cum dedecore Clericatus cogatur mendicare: & ibidem Monacellus refert, Sac. Congr.

Concil. in Narnien. 24. Maji 1657. ad 4. dubium respondisse: *posse* (Episcopum, in cujus Diocesi Beneficia erecta reparatione indigent) *ad effectum prædictæ restorationis, necnon pro conficiendis sacris Suppellectilibus, redditus eorundem Beneficiorum sequestrare.*

15 Advertas, nomine piarum causarum, in quas superflua Beneficii expendenda sunt, venire omnia pia opera, Fagnan. *d. cap. Si quis num. 22.* Ita, ad pias causas rectè distribui dicuntur, quæ insumuntur in usum Religiosorum, infundandas Capellanas, in erectionem, vel conservationem Seminarii, & generaliter in ea omnia, quæ ad Divinum Cultum, vel ad opera misericordiæ corporalis, aut spiritualis alterius ordinantur.

16 Quæritur. An accipientes à Clericis superflua ex redditibus beneficii non expensa in pios usus peccent.

Resp. Non peccant, nisi ad donandum, vel alienandum incitent, & inducant. Nam in hoc casu sunt causa peccati in Clericis. Sed non tenentur restituere, quia valide accipiunt; nam juxta dicta Beneficiati habent plenum dominium fructuum, adeoque in vita possunt de eis disponere sine alterius iniuria. Unde Beneficiati in vita equiparantur usufructuariis, & in morte usufruariis, quia nequeunt de bonis Ecclesiæ testari, nisi eis assistat indultum Papæ.

17 Quæritur. Beneficiatus ex redditibus Beneficii emit agros, vineas, & domum, petitur, an de iis possit testari, & ad hæreses transeant?

Resp. Negative, per text. in *d. c. Si quis sanè, de pecul. Cler.* sed spectant ad Ecclesiam, quia ex fructibus Ecclesiæ empta. Aliàs, si emptoris essent, facile eluderetur obligatio distribuendi superflua ad pias causas; nam omnes ex superfluis emerent fundos, & prædia.

Cæterum, si Beneficiatus haberet amplum patrimonium, & tenue Beneficium, & aliquid emeret, præsumptio esset, quod spectaret ad Beneficiatum, eiusque hæreses, tamquam ex fructibus patrimonialibus acquisitum; nisi constaret fuisse ab eo emptum animo donandi Ecclesiæ, vel nomine Ecclesiæ.

Pariter meliorationes factæ in fundis Ecclesiæ ex fructibus Beneficii, ad Ecclesiam spectant, & solum eis Beneficiatus uti potest,

test, dum vivit; si verò sint factæ ex fructibus patrimonialibus, debent æstimari, & pretium dictæ æstimationis transit in hæredes; nisi constet fuisse factas animo donandi Ecclesiæ.

18 Quæritur. An Religiosus ad Episcopatum assumptus (sit dominus fructuum Beneficii?

Resp. Negativè. Sed est dumtaxat administrator, cum D. Thom. 2. 2. q. 185. art. 8. D. Bonavent. in 4. d. 36. Peyrin. de sub. qu. 1. cap. 10. §. unic. Apud quem plures concordant, Regularem per promotionem ad Episcopatum non desinere esse Religiosum, ut notavit Gl. ad c. Quorundam in v. Mendicantium, de elect. in 6. & tenetur ad ea, prout status ille patitur, quæ sunt substantialia Regulæ.

Verum ampliùs non acquireret Religioni, sed propriæ Ecclesiæ. Quapropter licet votum paupertatis substantialiter retineret, tamen non dicerentur bona alienata in præiudicium Monasterii, cuius fuit filius, sed Mensæ: atque ita ius, quod per promotionem recuperat succedendi in bonis agnatorum delatis post assumptionem, non pertinet ad Monasterium, sed ad Cathedram, ut respondit Sac. Congregat. Concil. in Neapolitana 3. Decembris 1639 apud Monacell. for. par. 2. form. 4. tit. 14. num. 17.

Verba textus in cap. Statutum 18. qu. 1. ibi: *Canonica electio à iugo regulæ Monastica professionis absolvit*; exponit Glos. ibid. in verb. *Absolvit*, de absolutione ab obedientia Abbatis, silentio, modo cantandi, vigiliis, & similibus, quæ cum decenti Episcopatus statu non compatiuntur.

Hoc unum est observandum, quòd licet sit dominus, sive liber administrator, mortaliter peccat, si superflua in pios usus non expendat, ut loquitur Tambur. tom. 1. lib. 8. tractat. 1. cap. 2. §. 4. num. 1. vid. Fagnan. in 3. ad cap. Ad audientiam, de Cleric. non residen.

20 Quæritur. An obtinentes Beneficia, ut Dignitates, Canonicatus, præbendas, vel portiones in Cathedralibus, vel Collegiatis Ecclesiis, teneantur in eis personaliter residere, ut percipiant fructus Beneficiorum; vel possint eos percipere, etiam si ultra tres menses absentes sint?

Est præmittendum, fructus Beneficii in hoc differre à distributionibus quotidianis,

quòd fructus sint redditus certi, ipsum corpus præbendæ constituentes; & aliàs dicuntur *fructus grossi, vel massæ communis*: qui dantur residentibus, non habita ratione servitii quotidiani. Distributiones verò quotidianæ sunt emolumenta ad corpus præbendæ non pertinentia, & dividuntur, ac distribuuntur pro rata servitii inter eos tantum, qui horis Canonicis interfunt, per text. in cap. Postulasti, de præbend. int. com. §. Licet. Quandoque *virtualia*, & aliquando *manualia* Beneficia appellantur, cap. Consuetudinem, de Cler. non resid. in 6. quatenus traduntur de manu ad manum illis tantum, qui singulis diebus, & horis personaliter interfunt: sicut fit pluribus in locis, ut melius Ecclesiæ serviatur. Super quo Fagnan. in 3. ad cap. Licet num. 17. de præbend. & in 3. ad c. Olim num. 42. de verb. signific.

Modò ad dubium, dicimus, Beneficiatos debere personaliter residere, ut fructus Beneficii percipiant, per text. in c. Inter quatuor, & c. Clericos, de Cler. non resident. & cap. Pervenit il 2. de appellat. Et verbum *residere*, accipiendum est cum effectu, hoc est, ut importat Ecclesiæ in Divinis Officiis deservire, c. Relatum de Cler. non resident. Nam cum Beneficia ad Divinum Cultum, & Ecclesiastica munia obeunda sint constituta, c. Cum ad hoc d. tit. & Trid. c. 3. sess. 21. de refor. quid prodesset præsentia in loco sine interessentia Divinis Officiis? Et ita intellexit residentiam Sac. Congr. Conc. A qua cum esset quæsitum, an verba posita in c. 12. sess. 24. de refor. §. Præterea, prohibeant, ne Beneficiati absint à Choro, vel tantum, ne à Civitate? Ipsa censuit: *Prohibere, ne absint à Choro*, Fagnan. ad d. c. Licet num. 41. quia Concilium d. c. 12 dixit: *Non licet ultra tres menses abesseisdem Ecclesiis quolibet anno abesse*; & non dixit à loco, vel Civitate.

21 Cæterum licet absentes percipere non possint fructus præbendarum, hoc tamen non ita intelligitur, ut eo ipso jure perdant; sed accipiendum, ut privandi sint, ad præscriptum Triden. dist. §. Præterea cap. 24. ubi PP. firmarunt, quod absentes ultra tempus ibi. permissum (nimirum ultra tres menses) primo anno priventur dimidia parte fructuum. Quòd si iterum eadem fuerint usque negligentia, priventur omnibus fructibus, quos eodem anno lucrati sine.

visuerint, Crescente vero contumacia, contra eos juxta Sacrorum Canonum constitutiones procedatur, hoc est ad priuationem tituli.

22 Hinc post Trid. Beneficiatus non potest titulo privari, nisi post lapsum trium annorum, ut ipsa S. Congr. Conc. declaravit apud Fagnan. cit. num. 26. in primo anno non residens amittit dimidiam, in secundo omnes fructus, in tertio privatur titulo; & ita rescriptum fuit pluribus Episcopis. Et secundum hoc correctæ sunt antiqua iura in d. c. *Pervenit, de appellat.* Et cum simus in odiosis, & pœnalibus, oportet dictos tres annos debere esse continuos, & non interpolatos. Legatur Fagnan. in 3. ad c. *De cetero, de Cler. non resident.* qui fusso calamo rem examinat, & d. c. *Licet.*

23 Quæritur. An Beneficiati absentes lucrentur distributiones quotidianas, quæ juxta d. n. 20. distribuuntur interresentibus Divinis Officiis?

Resp. Resolutio habetur ex d. cap. Trid. ibi *Distributiones vero, qui statis horis interfuerint, recipiant; reliqui, quavis collusione, aut remissione exclusi, his careant, juxta Bonifacii VIII. Decretum, quod incipit, Consuetudinem, quod sancta Synodus in usum revocat: non obstantibus quibuscumque statutis, & consuetudinibus.* Vid. etiam sess. 22. c. 3. de reform. & ibi Barbof. n. 5. Fagnan. d. cap. *Licet*, multa quoad hoc notavit, ideo videatur.

24 Cæterum in dicta Constit. Bonifacii tres casus excipiuntur. I. *Infirmus*. II. *Iusta, & rationabilis corporis necessitas*. III. *Evidens Ecclesiæ utilitas*. In eis, etiam non interresentes, distributiones acquirunt. Quantum ad infirmos, isti eas lucrantur, perinde ac si inservirent: juris enim interpretatione habentur pro interresentibus, & ex sententia S. C. C. percipere etiam debent portionem accrescentem ob absentiam nonnullorum absque legitimo impedimento à Choro, Fagnan. ad cap. *Licet*, num. 19. & c. *Cum percussio, de Cler. agrot. in fin.*

25 Quod procedit, etiam in laborante podagra, qui tempore infirmitatis Divinis non potest interesse. Item in cæco, qui sicut non tenetur horas Canonicas recitare, ita nec Choro interesse. Item in senio confectis; & in eo, qui absque periculo vitæ Divinis interesse non potest, per Fagnan. ad c.

Licet, num. 41. & seq. Item, in iniuste excommunicato, & iniuste Beneficio privato, ibid. num. 157.

26 Verum, quæ de infirmo dicta sunt, locum habent, modo Canonicus infirmus, dum integra valetudine uteretur, solitus esset Divinis interesse; aliæ quotidianas distributiones non lucratur, quia morbus non est causa non residendi in eo, qui etiam sanus non resedisset, cit. n. 148.

27 Item, lucratur ex rationabili, & iusta corporis necessitate impeditus, ut si Beneficiatus potionem, vel medicinam sumpsit. Item, si iniuste in carceribus detineatur, ex Decreto S. Congr. apud Fagnan. ad d. c. *Licet*, num. 152. & 153.

28 Pariter ad acquirendum sufficit evidens Ecclesiæ utilitas, sed non cuiuscumque Ecclesiæ, sed in specie illius Ecclesiæ, de cuius distributionibus quæritur, ut dixit Joan. Andr. in d. cap. num. 3. & potest eum Fagnan. cit. num. 160.

29 Ad huius tertii casus intellectum plures emanarunt S. Congr. Conc. declarationes. I. Orta dubitatione: *An Archipresbytero Cathedralis absenti propter servitium cura animarum, distributiones quotidiana debeantur?* S. C. censuit deberi, cap. 4. Trident. sess. 22. de reform.

30 Cum quæsitum ab eadem fuisset: *An habeantur tanquam præsentem in Choro, qui curam animarum exercent, imminuentem Ecclesiæ Cathedrali?* Respondit haberi, dum tamen sunt in actu administrandi Sacramenta, vel alia exercent, quæ spectant ad ipsam Curam. Et aliàs responsum fuit: *Obtinentes dignitates, quibus imminet cura animarum, lucrari distributiones, dummodo per se ipsos curam actu exercent.*

31 III. Cum item ab ipsa peteretur: *An Pœnitentiarius sit habendus pro præsentem in Choro, dum audit Confessiones in Ecclesia, sive in Confessionario, sive extra?* Respondit: *Habendum pro præsentem, eotempore, quo audit Confessiones, aliis in Choro Divina celebrantibus*, Fagnan. d. cap. *Licet*, num. 170.

32 Item, obtinentes Præbendas Theologales, in diebus, quibus legunt, distributiones quotidianas lucrantur quia diebus illis habendi sunt, sicut præsentem in Choro, & interresentes; & ita esse declaratum à Greg. XIII. idem refert ibid. 116.

33 Quæritur. Ad quid teneatur, qui extra

extra casus, vel absque Indulto Apostolico, per quod etiam in absentia habilitetur ad quotidianas distributiones, eas receperit?

Respond. Tenetur eas restituere; nam ipsarum dominium non acquirit, nec facit suas, ut expresse Bonif. *dict. cap. Consuetudinem*.

34 Quæritur. An Beneficiatus possessor malæ fidei teneatur restituere distributiones quotidianas, quas residendo, & Divinis interessendo percepit?

Resp. Casus posset contingere; cum quis esset in Beneficio intrusus, vel per subreptionem illud obtinisset. Et in his terminis respondetur affirmativè; nam mala fides operatur, ut eas non faciat suas, nec dominium acquirat; ergo nullum justum titulum habet retinendi. Tum quia, qui scit, aut scire debet (hic est possessor malæ fidei) aliquid ad se non pertinere, ipsum in se, si adfit, vel, si consumptum sit, in pretio æquivalenti debet domino reddere; nam semper res pro domino clamat: nec ex facto, & culpa sua debet malæ fidei possessor locupletari cum aliena iactura.

35 Negari enim non potest, quin dictus Beneficiatus rem alienam contrectaverit, ut dicitur in *c. Dudum, il 2. de elect.* sciebat enim, aut scire debuit, quod distributiones non erant suæ, nec sibi debitæ; ac quod vitiosè eas percipiebat, & ad alium spectarent; indeque necessarium est, ut tanquam injustè habitas restituat.

Nec obstat, quod distributiones contradistinguantur à fructibus præbendarum; nam aliquid sunt, ejus nec dominium acquisivit, nec suum fecit.

35 Nec repetatur, quod correspondeat servitio personali; quia hoc non excludit, quin in casu *dict. cap. Consuetudinem*, cogatur ad restitutionem distributionum, quas suas non fecit. Ergo idem esse debet in omni casu malæ perceptionis, non considerato, quod servivit, & laboravit. Siquidem labor attenditur ab jure in habentibus legitimum ingressum, & residentibus in casibus, locis, & temporibus permissis, non in prohibitis; aliàs præberet peccandi occasionem. Quibus addas, quod gerens negotia mea, me invito, mercedem prætereendere non potest; nec expensas repetit, licet utiliter se gesserit, *leg. fin. Cod. de negot. gest.* Fagnan. *in. 2.*

ad cap. Gravis, num. 91. de restit. Spoliat.

37 Ad id, quod dici potest, distributiones nimirum computari inter bona quasi patrimonialia, & de illis posse Beneficiatum testari. Observatur, quod licet id procedat in distributionibus, quæ dantur ab hominibus de bonis propriis, ut solet contingere in exequiis solemnioribus, Missis cantatis &c. quia sunt merum stipendium datum à Fidelibus pro obsequio personarum; tamen est controversia de distributionibus, quæ dantur de ipsis bonis, seu redditibus Ecclesiæ. Hujusmodi plures volunt spectare ad bona Ecclesiastica, cum onere superfluum pauperibus erogandi. Alii verò censent esse pleni juris Clericorum absq; dicto onere; & hæc videtur sententia communior apud Sperell. *dec. 96. nu. 13. Piaf. prax. p. 2. c. 5. art. ult. nu. 53.* Nam ab Ecclesia ex redditibus Beneficiorum ad hunc finem deductæ sunt, ut piè applicentur ad finem solvendi studiosam assistentiam Chori; quemadmodum portio reddituum, quæ extrahitur ex redditibus Ecclesiæ, ut sit merces Sacristæ, Magistri Grammaticæ, Concionatoris &c. transit in eorum liberum dominium, & dispositionem; quia datur ut stipendium illius laboris, & obsequii. Sed quidquid sit, an Beneficiatus possit de illis testari, dum justè, & validè eas lucratur? est certum, aliter dicendum esse de malæ fidei possessore; quia eas suas non facit: & nullus de re non sua testari potest.

38 Quæritur. An distributiones lucretur, qui eo tempore, quo in Choro Divina celebrantur Officia, ipse Missam celebrat?

Resp. Negativè, nisi de jussu Superioris, vel compulsus ab eo ad quem spectat, Missam legat. Engel. *Colleg. jur. Canon. lib. 3. tit. 4. §. 3. num. 33.* & Fagnan. *ad d. c. Licet, num. 118.*

39 Adverte, distributiones quotidianas deberi assistentibus Episcopo Pontificalia exercenti, tam in Cathedrali, quàm aliis locis Civitatis; ut decisum à S. Congreg. refert idem Fagnan. *num. 168.* apud quem alia plura videas.

CAPUT XLV.

Officialis quoad res Ecclesiarum, & Monasteriorum non alienandas.

SUMMARIUM.

- 1 Extravag. Ambitiose de reb. Eccl. non alienan. Summa.
- 2 Nec Laici possunt dictas res, ea non servata, alienare.
- 3 Regulares Europe prohibentur etiam Decreto S. Congr. Concilii, de cuius licentia debent ad alienationes procedere.
- 4 Necessaria ad validam, & licitam alienationem ipsarum rerum, sunt causa, & solemnitas juris.
- 5 Nec consuetudo potest allegari adversus necessitatem beneplaciti Apostolici.
- 6 Ut valeat emphyteusis, tria sunt necessaria.
- 7 Non semper bona solita dari in emphyteusim, possunt iterum concedi sine consensu Papa.
- 8 Sine consensu Apostolico possunt alienari bona, quae servando servari non valent; & quae sint?
- 9 Locatio infra triennium non exigit dictum consensum, & unde triennium computetur?
- 10 Sine quo non potest alienari quantitas pecuniae habita ex redemptione census, vel pro dote Monialium.
- 11 Nec potest absque eo concedi ad censum vitalitium.
- 12 Alienatio, quae fit ex necessitate juris, aut ex praecepto Regulae, non requirit consensum Apostolicum. Declaratur quoad Fratres Minores.
- 13 Possunt sine assensu Papa alienari terrulae, & vineolae; & quae ad id necessariae sint; & quae exigui valoris dicantur?
- 14 Quae res inter immobilia, & quae cum mobilibus adnumerentur.
- 15 Mobilia pretiosa Ecclesiae nequeunt oppignorari.
- 16 Species sub alienatione comprehensa, ex cap. Nulli hoc tit.
- 17 Quid de alienante cum clausula, refer-

vato assensu Sedis Apostolicae, nec aliter, nec alio modo?

- 18 Praxis Notarii in stipulando alienationis contractus.
- 19 Excommunicatio, qua ligantur male alienantes, est reservata Papa.
- 20 Recipiens rem male alienatam, tenetur in foro conscientiae eam restituere ante sententiam Iudicis, usque ad num. 21.
- 22 Capellas, & sepulturas vendere prohibetur, usque ad n. 24.
- 25 Fratres Minores Capellas, & sepulturas nec per Syndicum possunt vendere, usque ad n. 27.
- 28 Commissarius, cui commissae est executio Brevis, Si in evidentem, tenetur per concludentes probationes se certiorare.
- 29 Fratres Minores de Observantia non possunt sacra suppellectilia commodare, nisi &c.

I DE hac re tractant DD. hoc tit. & satis aperte loquitur jus Canonicum, tum in Decretalibus Gregorii Noni, tum in Sexto, & Clementinis, eodem titulo. & subinde in Extravagan. Ambitiose Pauli Secundi inter commun. & in Bullar. la quinta, tom. 1. secundum quam alienationes sunt moderandae. Quoniam verò Iudices ex stylo Curiae ad ipsius praescriptum pronunciant, ideo summarie eam refero.

I. Itaque singulis prohibet, sine consensu Romani Pontificis bona Ecclesiarum, Monasteriorum, Locorumque piorum alienare, ut infra: Omnium rerum, & bonorum Ecclesiasticorum (scilicet immobilium, & pretiosorum mobilium) alienationem, omneque pactum, per quod ipsorum dominium transfertur, concessionem, hypothecam, locationem, conductionem ultra triennium: nec non infeudationem, vel contractum emphyteuticum: praeterquam in casibus à jure permissis, ac de rebus, ac bonis in Emphyteusim ab antiquo concedi solitis: & tunc cum Ecclesiarum evidenti utilitate; ac de fructibus, & bonis, quae servando servari non possunt pro instantis temporis exigentia, hac perpetuo valitura Constitutione praesentis fieri prohibemus.

II. Innovat Decreta, & Constitutiones.

iones, & prohibitiones, aliàs super hoc editas.

III. Alienationes, hypothecas, locationes, conductiones, & infeudationes factas inconsulto Summo Pontifice, & contra Constitution. formam, irritat, & contra ctus nullos declarat.

IV. Disponit, ut bona, & res alienata liberè remittantur ad Ecclesias, Monasteria, & Loca pia, ad quæ ante alienationem pertinebant.

V. Statuit pœnas in contravenientes; quarum prima est *Excommunicatio* latæ sententiæ in alienantes, & bona alienata recipientes. Secunda, *Interdictum* ingressus Ecclesiæ Episcopis, & Abbatibus: qui, si per sex menses in Interdicto, animo indurato, perseverarint, à regimine, & administratione Ecclesiæ, cui præsumt, eo ipso suspenduntur. Tertia, inferiores Prælati eo ipso sunt *privati beneficiis* sæcularibus, & regularibus cum cura, & sine cura, quorum res & bona alienarunt.

2 Et si petatur, an dicta prohibitio Laicos comprehendat?

Respond. Affirmativè, tum ratione rerum Ecclesiæ, quæ sunt sub jurisdictione Papæ, & Ecclesiæ, secundum ea, quæ notantur in *cap. Quæ in Ecclesiarum, & in c. Ecclesia S. Maria, de Constitut. & expressiùs d. cap. Qui res de rebus Eccles. non alienant* tum ratione peccati, quod alienando committunt: etenim cum excommunicentur, etiam in *dict. cap. Qui res, & excommunicatio* major non feratur sine culpa mortali, *c. Nemo Episcoporum, 11. quest. 3.* necessariò sequitur, ut in alienatione, non servata forma dict. Extravag. mortaliter delinquant.

3 Sed quid dicendum de Regularibus?

Resp. Et ad eos dispositio dictæ Extravagantis extenditur; nam generaliter loquitur per voculam *Si quis*: cuius natura est, ut, absolute prolata, omnes afficiat, juxta gloss. in *cap. Si quis suadente 17. quest. 4.* Sed hodie dubium removet decretum Sacri Congreg. Conc. dat. Rom. 7. Septembris 1624. apud Piafesc. *praxis par. 2. cap. 5. art. ultim. num. 37.* editum specificè pro Regularibus in Europa existentibus, & in consequentiam ad dictam Extravag. (à qua interpretationem recipit) circa licentiam in alienandis rebus Monasteriorum concedendam: prout infra.

Sacr. Congregat. Cardin. Conc. Triden. Interpretum, *rerum experimento edocta, quantum Religiones accipiant detrimenti ex bonorum immobilium, & pretiosorum mobilium distractionibus, quas crebrò faciunt Regulares Apostolicis privilegiis innixi, ac proinde opera pretium putans, illorum facilitatem aliqua ratione comescere: speciali S. D. N. jussu, generalibus, Provincialibus Capitulis, vel Congregationibus, Abbatibus, Generalibus, quibuscunque aliis Superioribus Regularibus cujusvis Ordinis, Congregationis, Societatis, vel Instituti, intra fines Europæ existentibus, omnium rerum, & bonorum immobilium; ac pretiosorum mobilium alienationem, omneque pactum, per quod ipsorum dominium transferatur, census perpetuos, seu vitalitios, hypothecam, locationem, & conductionem ultra triennium, concessionem infendum, vel emphyteusim, præterquam in casibus à jure permisis, fieri perpetuo prohibet, atque interdicit, absque ipsius Congregat. Concilii expressa licentia in scriptis, & gratis concedenda, sub pœna privationis omnium Officiorum, quæ tunc obtinebunt, vocisque activæ, & passivæ, ac perpetua inhabilitatis ad illa impofterum obtinenda, quam ipso facto absque alia declaratione incurrant: sublata etiam Generali, & Protectori illam moderandi, aut relaxandi facultate, pœnis nihilominus Apostolicarum Constitutionum, & præsertim fel. rec. Pauli II. quæ incipit Ambitiosæ, in suo robore permanfuris. Alienationes verò, pacta, census, hypothecas, locationes, conductiones, & concessionem quascunque contra hujusmodi prohibitionem faciendas Sanct. Suae auctoritate ipso jure nullas, atque irritas decernit. Non obstantibus &c. Indultis, Privilegiis &c. quibus &c. Sanctitatis Suae auctoritate derogat.*

4 Queritur. Quæ sint ad licitam, validamque rerum Ecclesiarum alienationem necessaria?

Respond. Debent concurrere copulativè. Primò, causa: vel *necessitatis*, ut, si debita urgeant Ecclesiam, nec possit de fructibus satisfieri, *cap. Hoc jus 10. quest. 2. Vel pietatis*, pro redimendis captivis *c. Sacrarum 12. quest. 1. & cap. Nullus, cum sua Gloss. in verb. necessitate, de ignor. Vel utilitatis*, ut si una res alienetur, ut melior acquiratur; vel quia res, quæ alienanda est, magis damnosa est Ecclesiæ quam

quàm utilis, *cap. Ut super, hoc cit. §. Posseffiones.*

Secundò. Solemnitas juris. Quæ includit consensum majoris partis Capituli, & *dict. cap. Hoc jus, & §. Ut super, cap. Cum Laicis*, ibidem, & *cap. Tunc de iis, quæ fiunt à Prælat. capit. Hoc consultiſſimum hoc titul. in sexto*, & consensum Summi Pontificis, ut *dict. Extravag. & secundum dd. Jura*. Qui est principalior solemnitas, ita de necessitate servanda, ut non valeat alienatio absque ea, etiamsi facta sit cum causa, & altera solemnitatis parte, de consensu nimirum Capituli, etiam collegialiter congregati ad effectum, ut alter alterius rationes audire possit.

5 At petitur. An adversus necessitatem beneplaciti Apostolici, vel consensum Capituli possit allegari consuetudo;

Respond. Negativè. Et consuetudo in casu proprie diceretur corruptela, utpotè Ecclesiæ onerosa, & damnosa, ac contra Sacros Canones, *cap. Consuetudinem, de consuet.* Omnemque consuetudinem Ecclesiis, earumque locis præjudicalem improbat Urbanus VIII. *Constitut. incip. Romanus Pontifex, edit. 5. Junii 1641.* quam refert Fagnen. in 1. *ad d. c. Consuetudinem, eodem tit. num. 59.*

Ex quibus hæc habetur regula, quòd alienatio bonorum Ecclesiæ immobilium, vel pretiosorum mobilium, hodie prohibita est, etiam cum causa, & consensu Capituli, sine beneplacito Apostolico.

6 Cæterùm beneplacitum Apostolicum non requiritur in contractu emphyteutico, quia hujusmodi contractus bonorum Ecclesiæ excipitur in d. Paulina per clausulam, *præter quàm in casibus à jure permissis*; & propterea licerè potest fieri, si tres conditiones concurrant. Prima, ut sit de casibus in jure permissis, Secunda, ut de tempore contractus constet de evidenti Ecclesiæ utilitate: ponderando dictionem *tunc*. Tertia, ut sit de bonis ab antiquo in emphyteusim dari solitis.

Quæ autem dicantur solita concedi, DD. variant. Genuensis *prax. cap. 75. numer. 5.* duo exigit: quòd semel fuerint concessa sine solennitate intra spatium quadraginta annorum; & quòd talis consuetudo sit utilis, & non damnosa Ecclesiæ. Cæterùm unus actus consuetudinem non inducit; nec de semel facto verificari potest esse

solitum fieri ab antiquo; quod in Paulina exigitur.

7 Advertendum in pluribus casibus, non posse res solitas dari iterùm in emphyteusim sine assensu Apostolico, & solemnitate. Primò, cum cessat prima causa concessionis, ut si res inculta data esset in emphyteusim, ut reduceretur ad culturam, & postea redacta rediret ad Ecclesiam. Secundò, quando Ecclesia tempore primæ concessionis esset dives, modò verò esset depauperata. Tertiò, quando res solita concedi est incorporata Mensæ Ecclesiæ; & præsumitur incorporata, cum id Prælati declarat, vel expressè describit eam inter bona Mensæ, vel tacitè, colligens fructus ipsius, prout solet facere de cæteris rebus incorporatis. Quartò, cum talis consuetudo est inducta per vim. Quintò, ut non possit concedi alterando solitum: ut si solet concedi masculis, non potest concedi fœminis: ibidem Genuen.

8 Beneplacitum Apostolicum non exigitur in fructibus, & bonis, quæ servando servari non possunt, ut d. Paulina. Bona autem, quæ servando servari non possunt, dicuntur res mobiles, quæ non durant triennio: vel si durant, etiam ultra consumuntur, & non fructificant; cujusmodi sunt Granum, Vinum, Animalia (singulariter) superflue vestes attritæ, non pretiosæ, & similia, quæ sine detrimento servari non possunt, Genuen. ibidem.

9 Nec exigitur in locatione, & condictione ad triennium, prout in alleg. Paulina. Unde ultra triennium est necessarius consensus Apostolicus. Triennium computant DD. ex trium fructuum collectione; adeò ut, si prædium talis esset conditionis, ut quolibet triennio fructus tantùm perciperetur, tunc unum triennium pro uno anno esset computandum; & locatio fieri posset ad novennium, sed non ultra sine Sedis Apostolicæ consensu, Genuen. *ibid. n. 10.* & Fagnan. in 3. *ad c. Nulli, hoc tit. n. 43.*

10 Sed petitur. An possit sine solennitate, & consensu Apostolico alienari magna quantitas pecuniæ, convertenda in utilitatem Monasterii per emptionem prædii, domus, & similium, accepta ex dote Monasterii, aut redemptione census, & rei venditæ?

Resp. Negativè cum Genuen. *cit. num. 15.* ubi refert fuisse decisum in una Veneta nullitatis contractus 13. Novembris 1612. coram

ram Pamphylia; in qua fuit per Dominos dictum, non posse Prælatum alienare magnam quantitatem pecuniæ convertendam etiam in utilitatem Monasterii, quia potest in contractu emptionis Ecclesia decipi in pretio. Tum quia, licet pecunia de se sit mobilis, induit tamen conditionem rei in alienabilis sine solemnitate, tanquam si esset immobilis, nam cum dest inata sit emptioni rerum immobilium, inter bona immobilia computatur. Tum quia, census redemptus repræsentatur in illa pecunia, quæ pro censu substituitur. Ergo sicut census non potest alienari sine solemnitatibus, ita nec pecunia ex illo recepta, per DD. apud Pignat. *tom. 6. consult. 55. n. 24. & 25.* Tum quia, dos Monialium debet investiri in bonis stabilibus per *d. c. 32. n. 18.*

II An autem illa pecunia absque beneplacito Apostolico possit converti in censum vitalitium?

Resp. Negativè. Quia census vitalitius non computatur inter bona immobilia, sed mobilia. Nam de sui natura non est census iste perpetuus, sed sequitur vitam, supra quam fundatur, quæ sicut non est stabilis, ita nec census super ea fundatus, sed semper est in periculo amissionis.

Nec dicatur, quod dictus census sit emptio juris percipiendi fructus ex re fructifera. Quia semper verificatur, quod sit alienatio pro tempore futuro, posita nimirum conditione mortis illius, super cuius vita fundatur. Et cum res sit judicanda ex eventu, ac fine, ad quem ordinatur, fundatio census vitalitii non tam est dicenda emptio, quam alienatio pecuniæ, ac proinde prohibita.

12 Item, Beneplacitum Apostolicum non requiritur in alienatione, quæ fit ex necessitate juris illam præcipientis. Et proinde ea non egent Frat. Minor. de Observ. dum per Syndicum Apostolicum alienant res eis relicta, vel donatas: nam id faciunt ex præscripto Regulæ. Prout fuit à Sac. Congreg. Conc. resolutum: quæ respondit, ut Fagnan. refert ibidem *num. 28. valere legatum immobilium Fratribus Minoribus sub modo licito, nempe ut vendant; & pretium convertant in usum Fabricæ, vel Sacristiæ.* Idem, si factum fuit simpliciter, quia sub modo licito factum intelligitur, *cap. Exiit, de verb. signific. §. Ad hac in 6. & 12. Augusti 1625. censuit, Fratres Minores de Observan. non compre-*

hendi sub prohibitione alienandi immobilia, census, & annuus redditus, Nicolio *clucubrat. lib. 2. tit. 1. de alien. bon. Eccl. sub. nu. 20.* ubi id ipsum tradit fuisse resolutum favore Theatinorum.

Sed quoad dd. Fratres est ponderandum, quod ubi eis relinquatur domus, vinea &c. & statim non venduntur, sed eas locant, & fructus ac redditus, etiam semel percipiunt, nequeunt amplius sine licentia Sedis Apostolicæ illa etiam per Syndicum distrahere, ut dictum est *c. 30. n. 10. ad 4.*

13 Item, sine assensu Papæ alienari possunt *terrula, vineola, & domuncula* Ecclesiæ. Sed tria debent copulativè concurrere, Primò, ut huiusmodi sint exigui valoris. Secundò, ut subsistat necessitas alienandi. Tertiò, ut sint parùm Ecclesiæ utiles; prout hæc tria colliguntur ex *cap. Terrulas 12. qu. 2.* Quod expressè habetur ex Sac. Congregat. Conc. *Que 11. Januarii 1596. censuit, neque Constitutionem Pauli II. neque Concil. Tridentin. Decretum derogare dispositioni d. cap. Terrulas 12. quest. 2.* Et iterum, cum Episcopus Trivicanus quæsit, *An stante Decreto Concilii cap. 11. sess. 25. de reformat. & Extravag. que incipit. Ambrosiose de rebus Eccles. non alienan. auctoritatem suam in alienationibus rerum Ecclesiarum ad præscriptum cap. Terrulas 12. qu. 2. interponere valeat?* S. Congreg. censuit, ex Conc. Trident. non fuisse derogatum facultati concessæ Episcopis per *c. Terrulas, Fagnan. cit. num. 25.* Cæterùm potest Episcopus, concurrente Ecclesiæ necessitate, evidente utilitate, incommoditate, aut pietate, facultate sibi tributa in *d. c. Terrulas*, licentiam alienandi concedere, sed non ad quamcunque summam. Unde quidam dixerunt, rem alienandam non debere excedere summam 30. scutor. Alii restrinxerunt ad scuta 37. Quidam ad vigintiquinque reduxerunt. Nonnulli voluerunt remittendum arbitrio Ordinarii, consideratis qualitate Ecclesiæ, & circumstantiis, Nicol. *Flores. verb. Alienatio num. 1. Monacell. formul. part. 2. form. 5. titul. 4. num. 2.*

14 Advertas item, inter bona immobilia Ecclesiæ, & Monasteriorum, numerari prædia, agros, vineas, domos, census perpetuos, loca montium, redditus, jura, rationes, sylvas, præsepia armentorum, & huiusmodi alia respectivè videnda apud alleg. *Piasced. num. 9. Donat. prax. tom. 1. part. 2. quest. 57.*

Anto-

Antonell. *de regim. Eccles. lib. 1. cap. 4. num. 3.* Inter verò mobilia pretiosa; ex Engel. *jur. Canon. lib. 3. tit. 13. num. 5.* ea sunt, quæ ad thesaurum Ecclesiæ spectant: Sacra Reliquiæ, Calices, Vasa Sacra, Vestes pretiosæ, Gemmæ, Picturæ, Statuæ &c. Quæ ad decorem, & splendorem Ecclesiæ, vel ob antiquitatem, artem, & singularitatem, vel pretium conducunt. Quæ licet mobilia sint, quia tamen servando servantur, quoad alienationem rebus immobilibus per Piafec. *nu. 11.* æquiparantur: ideo solemnitatibus omisiss alienari non possunt.

Reliquiæ Sanctorum, aut illarum particulæ, quæ sunt in Ecclesia, nec per Episcopum sine assensu Apostolico concedi possunt, neque magno Principi; quia Reliquiæ sunt res Ecclesiæ pretiosissimæ, quæ servando servari possunt, ut ex Genuen. in *prax. c. 71. n. 4.* probat Ventriglia *prax. p. 1. annotat. 1. §. 2. n. 27.* & Piafec. *cit. num. 12.* contra Bonac. Facit *cap. Corpora dist. 1. de consecr.* ubi Corpora Sanctorum de loco ad locum transferri prohibentur sine licentia Principis, hoc est Pontificis, ut explicat Glos. ibi: verb. *Principis.*

15 Quæritur. An Ecclesiæ, & Monasteriorum bona mobilia pretiosa possint sine consensu Apostolico oppignorari?

Respond. Negativè, secundum ea, quæ notantur in *cap. Nullus, de pignoribus.* Pignoratio enim est species alienationis, ut notavit Quaranta *Bullar. ver. alienat. rer. Eccles. num. 27.* nam res oppignorata alteri obligatur in securitatem debiti, ut si aliter satisfactum non fuerit, inde satisfieri possit. Differt pignus ab hypotheca, quòd pignus sit obligatio rei mobilis, dum in hypotheca res immobilis obligatur, & in ista res obligata non traditur creditori, bene verò in pignore. Et quamvis d. *c. Nullus*, excipiat casum necessitatis; tamen hac etiam interveniente, sunt necessariæ solemnitates; quæ inventæ sunt, ut excludantur alienationes inutilis justificentur utilitates, & necessitates, vitenturque fraudes, & præjudicia Ecclesiarum impediantur.

16 Appellatione alienationis in casu *cap. Nulli hoc tit.* veniunt donatio, venditio, renunciatio, transactio, & compositio de re litigiosa; inf feudatio, hoc est, ne fiant investituræ de bonis Ecclesiæ; contractus emphyteuticus (vulgò dictus *à livello*, *ò à canone*) quo datur prædium colendum in perpetuum.

Official. Cur. Eccl.

tuum, vel ad tempus longum pro pensione annua, vel canone in recognitionem directi domini: hypotheca, qua res aliqua obligatur creditori: si in securitatem creditoris omnia bona debitori obligantur, dicitur hypotheca generalis; si verò aliqua tantum particularia, hypotheca specialis nominatur. Hæc omnia, aliaque, per quæ dominium transfertur, & præjudicium recipit Ecclesia, alienari prohibentur, ut dictum est *num. 1.*

17 Quæritur. Rector Ecclesiæ N. alienat prædium d. Ecclesiæ, inconsulto Romano Pontifice, sed cum clausula, *Reservato assensu Sedi Apostolica, nec aliter, nec alio modo*; & antequam sit impetratus assensus tradit emptori possessionem d. predii: petitur, an sit excommunicatus, & incurrat pœnas d. Extravag. Ambitosæ?

Respon. Affirmativè, ex Genuen. ubi sup. qui testatur *cap. 52.* in illis terminis fuisse à Clement. VIII. declaratum, & ex ejusdem commissione 17. Decembris 1599. rescriptum Vicario Generali Neap. ut in utroque foro à censuris absolvere Rectorem, qui in similem alienationem processit; dummodo prius alienationem revocaret, & reintegraret Ecclesiam in suo statu, aut saltem pro suo posse operaretur, ut d. Ecclesia reintegraretur, movendo litem in judicio, vel alia ad hunc effectum faciendo; & quòd, si prædicta ante obolutionem exequi non posset, ad minus promitteret, & se obligaret, quam citius ea præstare; ac etiam, ut cum eodem Rectore dispensaret, etiam super fructibus malè perceptis, & revalidaret titulum Beneficii. Ea enim clausula videretur contraria facto, ut dicit Bald. in *l. 1. C. de his quæ pœnæ num. 56.*

18 Notabis, quòd Notarius requisitus, ut conficiat instrumentum, contractum, vel testamentum, tenetur; aliàs posset puniri; quia postquam est creatus Notarius, est effectus servus publicus, per Bar. Bal. Afflic. ibid. à Genuen. in adnotat. allegatos. Sed dum rogatur, ut conficiat contractum conditionalem alienationis rei Ecclesiæ, si Papa consenserit, nec aliter, nec alio modo, potest resistere, & non tenetur conficere, quia quod fieri non potest sine autoritate Principis, censetur impossibile. Propterea praxis Notariorum esse debet, ut non conficiant instrumenta alienationis rerum Ecclesiarum, nisi impetrato prius in scriptis assensu Papæ, quia tales contractus solent in præjudicia-

diciales Ecclesiæ, cùm ut plurimum in damnum Ecclesiæ, & animarum perniciem soleat tradi possessio, & non impetrari assensus Papæ.

19 Si autem quærat, an excommunicatio, qua ligantur alienantes res Ecclesiæ absque beneplacito Apostolico, sit reservata?

Resp. Quod licet in d. Extravaganti *Ambitiose* reservata non videatur, tamen alienantes non possunt à Confessario ordinario absolvi. Quoniam scienter alienantes sine beneplacito Apostolico non solum incurrun pœnas d. Extravag. sed etiam excommunicationem Papæ reservatam in cap. 11. Trid. sess. 22. de ref. ita Gallemart. collect. in Conc. Trid. d. cap. n. 2.

Quæ sententia robur accepit à S. Congr. Conc. quæ pluries eam probavit; ut refert Leo in *Thef. for. Eccles. par. 1. cap. 13. numer. 53. Et in una Neapolitana 24. Januarii 1632. Sac. Congr. &c. dubio mature discussio, censuit, permutationem inter duas Ecclesias absque solemnitatibus factam, effectuatam minimè sustineri; & Rectores ipsarum Ecclesiarum incidisse in pœnas cap. 11. sess. 22. de reformat. & Extravagan. *Ambitiose* de rebus Eccles. non alienan. contentas; sed agendum cum Sanctissimo pro absolutione, & dispensatione ab irregularitate, si quam contraxerunt, lib. 14. Decret. pag. 564. apud Monacell. for. par. 2. form. 4. num. 10. & 11. tit. 14.*

Nec excusari quis potest, quod d. Extravagans non sit usu recepta; vel recepta non quoad pœnas, sed solum quoad rescissionem contractus. Quoniam, quod alicubi non sit usu recepta, probari non potest; cùm quotidie in Romana Curia praticetur, & pro ea judicetur, ut notat Piassec. ubi supra num. 15. Et in contingentia facti ea est praxis Sac. Congregat. Conc. quæ in una Florentina 10. Aprilis 1693. declaravit, Capellanum, qui ad vitam locaverat bona Capellaniæ, incurrisse censuras d. Paulinæ. Et in alia Segnen. 15. Martii 1692. declaravit, Provinciale N. qui sine beneplacito alienaverat Calices, & Patenas antiquatas, & usui quotidiano non accommodas, incidisse in pœnas dict. Extravag. & Sacrorum Canonum, & pro absolutione esse supplicandum Sanctissimo. Et in alia Tropien. 11. Januarii 1692. rescripsit: *Detur facultas Archiepiscopo Sanctæ Severinæ*

absolvendi, & confirmandi contractus, quantum sint utiles. Causa agebatur de Abbate Ordinis Cisterciensis, qui cum licentia Definitorii vigore cap. *Terrulas*, alienaverat diversa prædiola cum utilitate Monasterii.

Ad incurrendam censuram non est opus, ut præcedat declaratio, ut respondit Sac. Congr. Conc. in Romana pro Cisterciensibus 1. Septembris 1657. ad 2. Monacell. cit. num. 16.

20 Queritur. An recipiens rem Ecclesiasticam sine solemnitatibus alienatam, teneatur eam in foro conscientie ante sententiam Judicis restituere?

Plures negant; antequam contractus in foro externo rescindatur. Verùm statim restituenda est: ideò.

Resp. Affirmativè: quia ad valorem actus, etiam pro foro interno, duo requiruntur, voluntas, & potentia, per text. in c. *Cum super de offic. delegat.* & ita de necessitate, ut quamvis contrahentes velint, effectus non habeatur, si potestas id faciendi, jure prohibente, non fuit. Tum quia in Extravagan. etiam recipiens res Ecclesiæ sine solemnitate alienatas excommunicatur: quod fieri non posset, si accipiens in conscientia non peccaret; si quidem excommunicatio major non nisi ob peccatum mortale incurritur. Tum quia Pontifex vult alienationes, aliàs factas, nullius esse roboris: ergo recipiens nullum titulum habet ad retinendum; quoniam contractus fuit invalidus. Tum quia ibid. statuitur, res malè alienatas esse liberè revertendas ad loca, ad quæ pertinebant: ergo nequit pro impedimento allegari, quod Judex non pronunciaverit super nullitate contractus.

21 Queritur. An emptor Prædii Ecclesiæ alienati sine solemnitatibus, teneatur prædium cum fructibus restituere?

Resp. Regula est. I. Quod fructus bonorum Ecclesiæ nulliter alienatorum ob defectum solemnitatum, debent restitui à die alienationis.

II. Quod, quando fuit erratum in facto, fructus debentur à die motæ litis.

III. Quod bonæ fidei possessor facit fructus suos ante motam litem.

IV. Quod fructus sunt restituendi, deductis expensis factis in illis recolligendis. Apud Panimoll. disp. 54. adnot. 3.

V. Quod si res Ecclesiæ nulliter alienata

nata contra formam beneplaciti Apostolici, fuerit meliorata, æstimatio debet fieri juxta valorem rei tempore venditionis. S. Congreg. Episcop. in una Bitesen. 5. Martii 1693. Ponderatum enim fuit, quod Ecclesia, quæ est pia mater, & cultrix justitiæ, non potest locupletari cum aliena jactura, Monacell. *form. par. 1. form. 15. n. 16. tit. 5.*

22 Quæritur. An sine solemnitate juris possint alienari capellæ, & sepulturæ eas vendendo, vel transferendo in jus, & proprietatem.

Resp. Negativè; nam hujusmodi venditio, & traditio est species alienationis prohibita in d. Extravag. *Ambitiose*. Quinimò venditio prohibetur, *cap. Abolenda, de sepult.* Et quamvis ibi solum dispositio sit de sepulturis, eadem ratio videtur de capellis, ut notavit Genuen. *prax. cap. 41. num. 16.* in utraq; enim concessio fit quædam translatio jurium Ecclesiæ.

23 Cæterum DD. distinguunt hæc duo. I. Terram cœmeteriatam, deputatam auctoritate Episcopi; & officium, quod crica funus impenditur; locumque Deo Sacrum, & benedictum, in quo construenda est sepultura. II. Digniore, & meliorem locum in Ecclesia. Prima per eos vendi non possunt, quia spiritualia, vel spiritualibus annexa. Pro secundis autem aliquid posse accipi, ac vendi testantur; nam spiritualia non videntur.

24 Quorum distinctio potius speculativa, quàm in praxi tuta est dicenda; ideò nec aliquid, etiam ratione loci, potest exigi; nam d. *cap. Abolenda*, absolute prohibet aliquid accipi pro loco sepulturæ, pro terra nimirum, in qua quis sepeliendus est, ut ibi text. Nec distinguit, an in meliori situ, vel alio sepultura eligatur, seu construatur. Ergo per regulam communem, nec nos distinguere debemus. Et ita testes Genuense servandum est; nam hoc pacto cessat scandalum, suspicio avaritiæ, & simoniæ, quæ frequentissimè tali titulo palliatur. Et ita concessio sepulchri, vel capellæ debet fieri gratis, & patroni poterunt spontè capellas dotare, vel aliquid in eleemosynam tradere; quod non prohibetur, juxta text. in c. *Ad Apostolicam, de simon.*

Quare praxis Notariorum in conficiendis instrumentis debet esse, ut testentur de spontanea concessione loci ex parte Eccle-

siæ, & de spontanea dotatione capellæ ex parte recipientis, ac concessione juris honorifici, fabricandi, ornandi &c. Hoc enim non est alienare, sed potius acquirere Ecclesiæ. Nam dominium non conceditur, cum non dominus non possit illud in alium transferre, sed conceditur solum usus facti.

25 Quæritur. An Fratres Min. de Observ. possint alienare capellas, & sepulturas, easque vendere?

Resp. Negativè, ex sententia Sac. Cong. ab Urbano VIII. consult. *Fratr. Min. proposita in Bullar. tom. 4. ad Const. Sacrosanctum, la 49.* mandantis observantiam ordinationum, prout in text. ibi: *§. Cum asseratis, v. Item statuitur*, ibi: *Item statuitur, ut deinceps nulla instrumenta publica fiant à Fratribus capitulariter congregatis, nec quocumque alio modo se habentibus, in quibus transferatur dominium, & proprietas alicujus capelle, sive sepultura, cum hoc omnino sit contra Regulam, & repugnet nostræ Instituti; nam quomodo aliquis dat, quod non habet? Si tamen occasio se obrulerit, in qua oporteat satisfacere devotæ fidelium voluntati, id fiat per modos nostræ Regulæ, & Instituto congruentes.* In venditione enim de meo fit tuum, quod pronomen Fratri Minori non convenit, ut observavit Gloss. ad c. *Exiit, de verb. signif. in 6. vers. Quia ibi.*

26 At petitur. Quinam censendus sit modus Regulæ congruens?

Resp. Hujusmodi sanè reputatur, si in concessione capellæ, vel sepulturæ non intercedat mercatus, vel venditio, nec aliqua solutio pro illis deducatur in pactum, neque aliqua civilis obligatio superveniat, sed concedatur dumtaxat titulus honorificus, & usus facti, fabricandi, ornandi, illuminandi, & se, suosque ibi sepeliendi. Tunc enim non verificatur, quod capella, aut sepultura sint alienate; nam dominium ipsarum, & proprietas non transfertur; nec persona, cui conceduntur, poterit censerì domina, ut notavit Ameno de *pæn. tit. 3. §. Alienatio bonorum n. 52.*

27 Sed an saltem id possint per ipsorum Syndicum sine beneplacito Apostolico?

Resp. Negativè contra Portel. *dub. regul. verb. Capella Monasteriorum*, Sannig. *schol. canon. tom. 2. lib. 3. tit. 3. cap. 4. n. 2.* Quoniam ex dict. *cap. Exiit, §. Ac illa libere: Ecclesia, Oratoria, Cœmeteria Fra-*

trum Minorum sunt in jus, & proprietatem Romana Ecclesia. Ergo Romana Ecclesia licentia exigitur, aliàs invito domino alienarentur, & haberent locum pœnæ d. Extravag. *Ambitiosa*.

Possit tamen Syndicus, tanquam œconomus Sedis Apostolicæ, per modum elemosynæ recipere, quidquid liberè daretis, cui fuissent prædicta concessa, idem Sannig. ibid.

28 Quæritur. An Commissarius, cui committitur executio Brevis Apostolici, *Si in evidentem*, teneatur super evidenti utilitate Ecclesiæ examinare testes, & citare partes?

Resp. Debet evidenter per testes, & alias legitimas probationes constare de utilitate Ecclesiæ, aliter alienatio nulla judicabitur, ex textu in *cap. Dudum hoc tit. in 6*. Nec sufficit, quòd in instrumento alienationis rei Ecclesiasticæ narretur utilitas, vel subsit necessitas alienandi; sed Commissario debet id legitimè constare, & in instrumento concludenter apparere. Et multò magis id procedit, attento stylo hodierno, & ubi in Brevi ponitur clausula: *Sitibi legitime constiterit*: quæ denotat causæ cognitionem, & citationem partium, juxta intellectum Glos. in *Clement. presenti de censib. in ver. Constiterit*. Et in *Clemen. Nullorum de pœnis eod. vers.* Et expressè habetur in *Constitut. Pauli II. Cum in omnibus la 2. in Bull. tom. 2.*

An autem Commissarius possit alteri committere, ut super utilitate cognoscat?

Respond. Affirmativè. Nam jura sunt expressa, ut Delegatus Principis possit subdelegare, *cap. Si pro debilitate, cap. Quamvis, cap. Cum causam de offic. deleg.* quoties non sit electa industria personæ. Clausula autem: *Sitibi constiterit*; vel: *Conscientiam tuam oneramus*, hoc non importat, ut bene probat Rosa de execut. *Litter. Apostolic. part. 2. cap. 5.* Alias dicendum, si adsit clausula: *Ut decidas secundum tuam conscientiam*: videtur tunc esse electa industria personæ, & facta commissio personalis. Videas d. c. 31. n. 25. & 26.

29 Advertendum est, ab Innocentio XI. Constit. incip. *Alias* 16. Septembris 1685. confirmari Decretum editum à S. C. Episc. sub die 14. Martii 1680. circa supellectilia Ecclesiastica à Fratribus Minor. de Observantia aliis non commodanda, nisi aliquibus

servatis, ut infra: Sac. Congreg. &c. injungendum censuit; prout presentis Decreti tenore injungit omnibus, & singulis dicti Ordinis Superioribus, Provincialibus, Localibus, eorumque subditis, sub pœna privationis officiorum Ordinis immediatè incurrenda, ne ullo unquam tempore, quavis occasione, vel pretextu, ad instantiam, & preces cujusvis indulgeant, aut consentiant suppellectiles, vasa, ornamenta, vestes, atque omnis generis res, spectantes aliquo modo ad eorum Ecclesias, Capellas, Altaria, Oratoria, Sacristias, extra illa ad usum, vel officium caterorum distrahi, asportari, seu aliis ab ipsis Minoribus Observantibus commodari, quin prius accesserit consensus saltem ultra duas partes totius Capituli cujuslibet respectivè Conventus per secreta suffragia, singulis vicibus præstandus, nec non à Patre Ministro Provincie authenticè confirmatus: & ita servari mandat.

C A P V T XLVI.

Officialis quoad Sacramentorum administrationem.

S U M M A R I U M.

- 1 Tempus ab Eugenio IV. præfixum, in quo potest satisfieri præcepto de communionem Paschali.
- 2 Qui confitetur Regularibus approbatis satisfaciit præcepto Canonis de annua Confessione.
- 3 Probat Juvenin debere Fideles saltem semel in anno confiteri Parocha, vel alii de ejus licentia.
- 4 Impugnatur.
- 5 Respondetur objectioni à Juvenin.
- 6 Advenis secularibus, qui infirmantur in Conventibus Religiosorum, Parochus ministrat Viaticum, & Extremam Unionem.
- 7 Regulares ea Sacramenta non administrant, nec Sponsam, & Sponsum benedicunt, nisi de licentia Parochi.
- 8 Religioso infirmo extra Conventum, vel hospitium, Parochus præbet Viaticum, & Oleum Sanctum.
- 9 Resoluta à S. C. C. pro assertatione S. S. Sacramenti in Ecclesia non Parochiali.

- 10 *Regulares à die Palmarum usque ad Dominicam in Albis possunt Confessiones secularium audire.*
 11 *Communicantes in Ecclesiis Regularium non satisfaciunt præcepto Ecclesiastico.*

UT Regulares super proposito titulo non errent, nevé jura Parochorum violent, attendere debent Constit. Leonis X. *Dum intra*, 22. Bullar. tom. 1. Gregor. XV. *Inscrutabili*, 18. tom. 3. & Clemen. X. *Superna* 7. tom. 5. ad quas ipsos remitto; & ponderabunt illam Innocentii X. *Cum si cut*, relatam cap. 16. num. 40. præsertim ad IX. X. XI. XVII. & ad IV. exhibitum pro parte PP. Societatis, quibus hæc superad- duntur.

1 Itaque res est certa, quòd ad satisfaciendum præcepto imposito in c. *Omnes utriusque sexus de pœnit. & remiss.* sufficit Eucharistiam sumere in hebdomada sancta, vel infra octavam Paschæ Resurrectionis, pro- ut declaravit Eugenius IV. Const. *Fide di- gna*, la 20. Bull. tom. 1. reprobans errorem dicentium, Fideles sub culpa mortali teneri ad communicandum præcisè in die Resur- rectionis Dominicæ. Sed sumenda est in propria Ecclesia Parochiali.

2 Pariter extra controversiam esse de- bet, quòd qui etiam tempore Paschali con- fitetur Regularibus approbatis, satisfacit præcepto dict. Canonis de annua Confes- sione, ut expressè Clemens X. in allegat. Constitut. *Superna*, in qua §. 5. hæc sunt: *Et eos, qui dictis Religiosi simpliciter appro- batis Paschali tempore confessi fuerint, Con- stitutioni, que incipit, Omnis utriusque se- xus, quoad Confessionem dumtaxat satisfaci- cisse censendos.*

3 Juvenin comment. histor. de Sacramen- tissert. 6. qu. 5. de confess. §. 2. multa infarci- nans, dicit, & probat Fideles non satisfacere Canonis, nisi saltem semel in anno, Paro- cho, utpotè proprio Sacerdoti, vel alteri de ipsius licentia confiteantur, per text. in dict. cap. ubi considerat. I. Quòd Sixtus IV. cap. *Vices illius, de tregua, & pac. inter commun.* inandat, ut *Mendicantes desissent prædica- re, quòd Parochiani non sint obligati saltem in Paschate proprio confiteri Sacerdoti, quia de jure tenetur Parochianus saltem in Pa- schate proprio confiteri Sacerdoti.* II. Quòd privilegia Regularibus concessa in Gallia

non sunt recepta. III. Quòd nec ibi Constit. Clementis est promulgata: absque publica- tione autem obligatio Legis non sustinetur. Ita Tridentinum quoad disciplinæ decreta, ipso teste, vim in Gallia non habet, quia ibi non fuerunt promulgata. IV. Quòd d. Con- stitutio est subreptitia, quia detrahit pote- stati Episcoporum.

4 Sed juribus iura opponuntur. I. Bene- dictus XI. c. *Inter cunctas, de privileg. inter com.* declaravit, confessos Fratribus de Præ- dic. & Minor. non teneri iterùm confiteri proprio Sacerdoti; præceptum verò Conc. in d. cap. *Omnis*, esse sano modo intelligen- dum, ita scilicet, ut obliget omnes ad confi- tendum proprio Sacerdoti aut alii de eius licentia, qui neglexerunt pro absolutione recurrere ad alios habentes iurisdictionem absolvendi.

II. Leo X. in alleg. Const. *Dum intra*, edi- ta in Concilio Lateran. decrevit, confessos Fratribus ab Ordinariis approbatis, quoad confessionem satisfacere Constitut. *Omnis utriusque sexus.*

Contra quem pariter facit, per proprium Sacerdotem in d. cap. *Omnis*, non intelligi Parochos tantùm, aliàs ipsemet Pontifex Maximus, & Episcopi non possent illi præ- cepto satisfacere; cum certum sit, eos non habere Parochos supra se, quibus confiteri teneantur. Quinimò, si quis confiteretur Summò Pontifici, censeretur tunc præcep- tum non implere, quod est apertissimè fal- sum. Quare appellatione *proprii Sacerdotis* venit, qui ex officio, & absque delegatione alterius potest Confessiones audire. Atque ita in tota Ecclesia universali venit Pontifex (qui est proprius Sacerdos omnium Fide- lium, cujus Diæcesis est Orbis, cap. *Cuncta per Mundum, quæst. 93.*) Episcopus in propria Diæcesi, & Parochus in propria Pa- rochia. Propterea, qui confitetur Regu- laribus habentibus à Summo Pontifice li- centiam, & privilegia audiendi Confessio- nes, satisfaciunt præcepto de Confessione annua, cum confiteantur aliis de licentia proprii Sacerdotis, ut optimè Fagnan. in 5. ad c. *Omnis, de pœnit. & remiss. n. 57.* & Pon- tificus Theol. disp. 46. qu. 9. num. 115. Quòd si dixeris, Pontifcem non posse facultatem concedere, & dispensare, ut quis proprio Parocho saltm semel in anno non confi- teatur: scias hujusmodi errorem fuisse in Joanne de Poliaco proscriptum in c. *Vas ele-*

tionis de Haret. int. com. Similia etiam cogitare est injuriosum supremæ auctoritati Pontificis.

Quapropter ex adverso producta non concludunt. Non primum: quia tempore Sixti IV. Pontifices generaliter non exemerant Fideles à debito confitendi semel in anno propriis Parochis. cum adhuc non concessissent Regularibus privilegium, ut is, qui illis confiteretur, illi præcepto satisfaceret. Quod subinde factum est in d. Conc. Lateran. sub Leone X. & in d. Const. Clem.

5 Nec secundum: quia de natura privilegii est, ut ab iis acceptetur, in quorum favorem cedit; nec est necesse, ut ab aliis recipiatur: aliàs hac ratione omnia impugnarentur. Hujusmodi autem fuit à Religiosis, & pœnitentibus acceptum, quorum favore fuit datum. Nec dicendum, quod Conc. Lateran. sub Leone non fuerit in Gallia receptum, cum in eo transactum sit, & concordatum inter Leonem X. & Franciscum. I.

6 Nec tertium: quoniam juxta regulam inter DD. receptam apud Gonzalez. in 1. tit. 2. de cons. num. 12. utiles obliget, desideratur utique promulgatio, sed sufficit, ut in Curia Principis, vel Pontificis promulgetur, & hoc non ignoretur, per c. *Ad hac, de postul. Pralat.* Ita Pius IV. Const. *Sicut la 80. Bull. tom. 2.* declaravit, Trid. quoad capitula respicientia reformationem, & jus positivum, cœpisse post tres Menses à publicatione, & confirmatione in Curia facta omnes obligare, nec post eos ignorantia allegari poterat. Quod si apud aliquos quoad ea non sit in praxi, idè excusantur, quia Pontifex sciens tolerat, & consentit, ut per Fagnan in 1. ad c. *Treguas, de tregua, & pac. num. 58.* Constitutio autem Clementis fuit Romæ solemniter promulgata, & ad hunc effectum locis solitis affixa, ut in d. Bull.

Nec quartum: nam Constitutio fuit edita matura deliberatione, & ex certa scientia, ac de consilio nonnullorum DD. Ecclesiæ Cardinalium, ac Prælatorum Romanæ Curiae, quibus à surreptione preservatur. Et tãdum abest, quod auctoritati Episcoporum deroget, ut potius plura eis, ut Sedis, Apostolicæ delegatis, in Regulares committat, ut expresse textus. Imò ea ratione videtur Juvenin afferere in Pontifice non esse potestatem privilegiandi aliquos: quod non est Catholici viri afferere.

7 Non possunt Regulares advenis Sæcu-

laribus, qui in eorum Monasteriis infirmantur, ministrare Sacramenta, ut ex S. Congr. Concil. quæ in una Monopolitana 27. Septembris 1670. libr. 26. decret. fol. 444. *Censuit non licere Fratribus absque licentia Episcopi, vel Parochi administrare Sacramenta iis, qui in eorum Conventibus infirmantur: & si decedant, non posse sepeliri in eorum Ecclesiis.* Intellige de Viatico, & Extrema Unctione. Et dum Regulares quoad administrationem dd. Sacramentorum circa Advenas, & Peregrinos privilegia allegant, videndum est, an hujusmodi privilegia fuerint post Tridentinum obtenta, quia antea recepta, Concilium revocavit, sess. 24. cap. 13. de reform. ibi, *Et à quo solo (Parocho) licite Sacramenta suscipiant.*

Egent itaque, si privilegiis non protegantur, consensu Parochorum, ut Sæcularibus omnibus possint ea Sacramenta ministrare, & sponsum, ac sponfam benedicere; aliàs ligantur excommunicatione Apostolicæ Sedi reservata, ex Clem. *Religio de privil.*

8 Item, ægrotis Religiosis, extra Monasterium, & Hospitia, Parochus Viaticum, & Extremam Unctionem ministrat; nisi iste consentiat, ut per Regulares fiat, Donat. *prax. regul. tom. 3. tract. 10. q. 9. n. 6.*

9 Quæritur. An Sanctissimum Eucharistiæ Sacramentum possit asservari de licentia Episcopi in Ecclesia non Parochiali?

Respond. Negativè, ex Sacr. Congreg. Concilii Decreto de anno 1609. apud Genuen. *prax. c. 110.* A qua petebatur declarari. Primò. *An Episcopus possit concedere Ecclesie non Parochiali, ut in ea retineatur Sanctissimum Sacramentum Eucharistiæ, solum pro adoratione, vel requiratur auctoritas Papæ?*

Secundò. *Præsupposito, quod Episcopus concesserit licentiam asservandi Sanctissimum in Ecclesia non Parochiali pro adoratione, an possit Episcopus Successor dictam licentiam revocare?* S. Congr. respondit. *Ad primum. Id non posse concedi ab Ordinario, sed requiri licentiam Sedis Apostolicæ.*

Ad secundum. *Hujusmodi licentiam fuisse nullam, ac propterea et non esse deferendum, nec esse necessariam revocationem.* Requiritur itaque privilegium Papæ, ut Regularibus datum fuit; & pro indulto recurritur ad Sanctam Sedem, ad quam recursum habuerunt Sorores Tertiæ Ordinis S. Francisci, existen-

flentes Lucæ, & viventes collegialiter absque obligatione clausuræ, ad effectum obtinendi facultatem retinendi in propria Ecclesia Sanctissimum Sacramentum. Exhibitisque precibus S. Congr. Episcoporum: hæc sub die 16. Novembr. 1708. d. facultatem concessit arbitrio Eminentissimi Episcopi sine præiudicio iurium Parochialium, acculum clausulis, & restrictivis per Eminentiam Suam præscribendis?

10 Regulares à Palmarum die usque ad Dominicam in Albis Sæcularium Confessiones valent audire, ex S. Congreg. Conc. Decreto sub die 9. Julii 1644. tenoris, qui sequitur, S. Congr. &c. post maturam discussionem censuit, Archiepiscopum Burdigalensem non posse prohibere Regularibus habentibus privilegia Apostolica, ut à Dominica Palmarum usque ad Dominicam in Albis inclusive administrare non valeant Sacramentum Confessionis; posse tamen eisdem prohibere, ut personis Sæcularibus in die Paschatis non administrent Sanctissimæ Eucharistiæ Sacramentum, etiam si dictæ persone Sæculares alia die satisfecerint præcepto Ecclesiæ. Quam determinationem sub die 7. Februarii 1645. Const. Exponi nobis, relata per Poncium cursu Theol. disp. 46. q. 9. num. 121. confirmavit Innocentius X.

11 Et nedum tempore in decreto expresso Sæcularium Confessiones audire, verum etiam iisdem pro eodem, excepto die Paschatis, valent Sacramentum Eucharistiæ ministrare, prout proposito dubio in causa Mechlinen. Ministrationis SS. Eucharistiæ Sacramenti, an Patres Societatis, alique Regulares possint ministrare SS. Eucharistiæ Sacramentum personis Sæcularibus à Dominica Palmarum usque per totam Dominicam in Albis. eadem S. Congr. Conc. die 31. Januarii 1682. Respondit affirmativè, excepto die Paschatis: ita tamen, ut Sæculares, sumentes Eucharistiam in Ecclesiis Regularium, in aliis diebus à Dominica Palmarum ad Dominicam in Albis inclusive, non satisfaciant præcepto Ecclesiastico. Limita, nisi sint Parochiæ, & tunc soli Parochiani.

C A P V T XLVII.

Officialis quoad Sanctorum Canonizationem.

S U M M A R I U M.

- 1 Beatificatio, & Canonizatio sunt de reservatis Romano Pontifici.
- 2 Quid sit Canonizare.
- 3 Pontifex est infallibilis, tam in Canonizatione, quam Beatificatione.
- 4 Sanctitas vita, & miracula sunt necessaria in Beatificandis, & Canonizandis.
- 5 Virtutibus Theologicis Deus colitur.
- 6 Dilectio charitatis supponit Fidem, & Spem, nec excludit mercedem.
- 7 Actus virtutum moralium debent à charitate imperari: & esse in gradu heroico, & quid hoc sit?
- 8 Quibus heroicitas probetur?
- 9 In heroicis gradus admittuntur.
- 10 Iusti sentiunt motus fomitis.
- 11 Nec absque extraordinario privilegio vitare possunt collectivè omnia venialia.
- 12 Constare debet de donis Spiritus Sancti, & fama Sanctitatis.
- 13 Miracula non efficiunt, sed pramonstrant Sanctitatem.
- 14 Agitur de natura miraculi, ejusque divisione.
- 15 Necessaria ad iudicium formandum de opere miraculoso.
- 16 Miracula testibus juratis sunt probanda.
- 17 Debent separatim examinari.
- 18 Testes debent esse de visu.
- 19 Ut testes sint testes, quid necesse sit?
- 20 Testes singulares non probant.
- 21 Nec testes de auditu alieno.
- 22 Morbi alii intrinseci, alii extrinseci?
- 23 Quando instrumentum natura miraculum impedit.
- 24 Cum plures invocantur Sancti, cuinam tribuendum miraculum?
- 25 Martyrium est probandum per testes de visu.
- 26 Martyrium dicitur testis Fidei.
- 27 Duplex est causa Martyrii.

- 28 *Martyrium delet peccata, poenamque remittit.*
 29 *Heretici non sustinent mortem pro Fide Christi.*
 30 *Probato Martyrio, constare debet de miraculis pro canonizando tanquam Martyre.*
 31 *Quæ corporis incorruptibilitas sit Sanctitatis indicium?*
 32 *Fragrantia odoris an sit Sanctitatis indicium?*
 33 *Duo miracula sufficiunt ad Beatificationem.*
 34 *Quando censendum sit constare aliquem libros scripsisse.*
 35 *Historia fidem humanam faciunt.*
 36 *Quibus probetur esse Historicis tamquam fide dignis credendum?*
 37 *Benignè interpretantur Catholicorum scripta, ubi de malitia expressè non constat.*
 38 *Protestatio Libro adjecta Authorem præservat ab errore contra fidem, modo error non sit manifestus.*

N Emini licere publico cultu, & veneratione in Ecclesia absque Apostolicæ Sedis auctoritate aliquem honorare, dixit textus in cap. *Audivimus, de reliq. & venerat. Sanctorum*: decrevit Tridentin. sess. 25. in decret. de invocat. venerat. &c. & est sensus communis Ecclesiæ. Inde patet, beatificationem, & canonizationem esse de reservatis Sedi Apostolicæ, Romano nimirum Pontifici, qui sedet in Apostolica Sede; in quo est plenitudo potestatis à nullo homine recepta; & propterea baculo Pastoralis non utitur, nec unquam usus est, ut probat Gonzalez in 1. tit. 15. cap. 1. num. 38. quo de alterius manu recepto utuntur Episcopi: per quod denotatur ipsos ab alio accipere jurisdictionem: cujus curvitate exprimitur jurisdictionem Episcopi esse limitatam, apud eundem numer. 42. Ad Pontificem proinde majores Ecclesiæ causæ referendæ sunt, cap. *Majores, de baptis.* Nec dubium esse potest, quòd illa beatificationis, & canonizationis sit de illarum numero; in qua tanta maturitate, & consilio Apostolica Sedes procedit.

Nec obstat, quòd sæpè Episcopi Martyres, & Confessores in propriis Diocesium publicæ venerationi exposuerint, ut

testatur Ivo Carnoten. part. 2. *Decret. can.* 54. Nam id factum est tacita saltem approbatione Romani Pontificis, ut dixit Lezana tom. 4. *controvers.* 2. numer. 4. apud Petram tom. 1. *Comment. ad Const. Apost.* ad 1. *Eugenii III.* num. 28. & aliquando ipsorum cultum specialis Pontificis Constitutio ad universalem Ecclesiam ampliavit, decernendo publicè colendos, Gonzalez in 3. tit. 45. cap. 1. num. 7.

2. Beatificatio, & Canonizatio confundi non debent, cum sint diversæ, quia diversa formula in eis Pontifex procedit: siquidem Beatorum cultum permittit, indulget, vel concedit uni loco, Regno, vel Provinciæ, prout expressè in Brevibus concessionis: Sanctorum verò venerationem pro Ecclesia universali (quæ tenetur Pontifici obedire) decernit, & definit: hinc canonizare est, Pontificem aliquem sanctum Catalogo Sanctorum adscribere, & publicè, & solemniter declarare, & definire, ac statuere, ut tamquam Sanctus ab omnibus habeatur, Fagnan. in 3. ad cap. *Audivimus*, citat. tit. num. 2. Diana *Coord.* tom. 9. tract. 5. *resolut.* 15. num. 5.

3. Qui & in beatificatione est infallibilis, cum Pontifex infallibilis sit, & errare non possit in rebus spectantibus etiam ad cultum, & Religionem; res est omnino certa. Et præter dicta c. 29. §. 4. considerandum est etiam, quòd Ecclesia errare non potest, quia est columna, & firmamentum veritatis, 1. ad Timoth. 3. Securitas verò non errandi, quam habet Ecclesia, fundatur in securitate non errandi, quam habet Pontifex; quoniam, ne corpus Ecclesiæ circa res Fidei, & morum, ac Religionis erraret, promissio facta est, & securitas non errandi prius est data Capiti, & Magistro, ex cujus securitate resultat securitas in Ecclesiam (ex securitate enim fundamenti pendet illa ædificii) dicente Domino, Matth. 16. *Supra hanc Petram edificabo Ecclesiam meam*: hoc est, firmitas Ecclesiæ in ipsa firmitate Petri innititur; ut ex Cano scripsit Cardenas *Crist. Theolog.* p. 1. tract. 1. disp. 9. c. 6. art. 2. n. 63. & facit textus in *Constitut. Redemptionem*, Jo. XXII. la II. *Bull.* tom. 1. ibi: *Ego rogavi pro te, Petre, ut non deficiat fides tua: dumque pro Petro Christus rogat, pro ejus Ecclesia intercedit.*

Nec obstat dicere, quòd beatificatus non proponitur toti Ecclesiæ colendus, sed

sed solum alicui Regno particulari, Provinciae, vel Ordini; & ideo non sequitur, quod tota Ecclesia erraret, si Papa in beatificatione erraret. Nam ut bene observavit Diana *resolut. 17. num. 5.* talis propositio etiam facta particulari Ordini, vel Regno, est res pertinet ad Religionem, & cultum, in qua Pontifex errare non potest. Tum quia, licet Officium, & Missa protali Beato non concedatur omnibus, omnibus tamen in Ecclesia licet se illius precibus etiam publice commendare, eumque Beatum colere, & pro tali reputare; atque ita Pontifex non potest cultum ut licitum probare, quia alias licitus non sit; nec concedere, & indulgere, ut tanquam Beatus honorari possit is, qui Beatus non sit, alias Ecclesia exponeretur periculo errandi, quod omnino repugnat, cum sit fundata supra firmam petram; ut *loc. cit.* plenè probat Diana.

Apud quem *resol. 20. num. 6.* Arriaga notavit, tam per canonizationem, quam beatificationem cognosci fidelem defunctum esse in gloria; per canonizationem quidem in forma expresse declarativa, & pronuntiativa; per beatificationem verò in forma indultiva, & concessiva; & proinde nullus Catholicorum dubitat de sanctitate illius, qui à Romano Pontifice est beatificatus, & canonizatus. Videantur Matta de Canonizatione. *Sanct. par. 4. cap. 1. nn. 1.* & Lauræa de *fid. disp. 6. art. 3. §. 1.*

4 Quæritur. *Qua debeant concurrere ad hoc, ut aliquis à Romano Pontifice titulo Beati decoretur; & in Sanctorum numero, ac cathologo adscribatur?*

Resp. Id expressit Gregorius IX. in canonizatione S. Antonii de Padua *Constit. Cum dicat Dominus, la. 4. Bullar. tom. 1. ibi §. 3.* Nos attendentes, quod licet ad hoc, ut aliquis Sanctus sit apud Dominum in Ecclesiâ triumphante, sola sufficiat finalis perseverantia, juxta illud. *Esse fidelis usque ad mortem, & dabo tibi coronam vitæ. Ad hoc tamen, ut Sanctus habeatur apud homines in Ecclesia militante, duo sunt necessaria, virtus morum, & veritas signorum: merita, videlicet, & miracula, ut hæc, & illa sibi ad invicem contestentur, cum nec merita sine miraculis plenè sufficiant ad perhibendum inter homines testimonium sanctitatis, sed cum merita sana præcedunt miracula, certum præbent iudicium sanctitatis,*

ut nos ad illius venerationem inducant, quem Deus ex meritis præcedentibus, & signis subsequentibus exhibet venerandum. Quæ duo ex verbis Evangelistæ plenius colliguntur: *Illi autem profecti prædicaverunt ubique Domino cooperante, & sermonem confirmante sequentibus signis.*

Canonizari itaque is tantum potest, de cuius excellentia vitæ, & miraculis, per probationem plenissime constat, ad text. *in cap. Venerabili, de testib.* Nec sufficit excellentia in unica virtute, sed quantum ad omnes esse debet, secundum ea, quæ notantur *in cap. Querendum, de pen. dist. 2.* Et inquirendum est, an ei, de quo canonizando agitur, antea vita testimonium præbeat *pro laboribus multis, pro moribus castis, pro actibus strenuis, cap. Miramur 61. dist.*

5 Primò autem constare debet de virtutibus theologicis, fide, spe, & charitate, quibus Deus colitur, per Augustinum *in Enchiridion cap. 3.* Fides enim nititur divinæ revelationi, firmissimè credendo vera esse, quæ Deus dixit, & Ecclesia proponit Deum dixisse: propter quod recognoscitur prima, & summa Veritas, ac tantæ perfectionis, ut nec ipse falli, nec alios fallere possit. Spe verò ab ejus misericordia, & omnipotentia certò expectatur beatitudo cum cæteris bonis, tum supernaturalibus, tum etiam temporalibus, pro ut hæc ad vitam æternam conducunt. Et hac fiducia ipsum tamquam omnium bonorum auctorem, & misericordem, ac omnipotentem fatemur. Charitate tandem Deus maximè colitur, ipsum super omnia bona creata diligendo, ejusque amicitiam cæteris bonis præferendo. Qua ratione protestamur, & eum recognoscimus, summum, & infinitum bonum, propter se super omnia diligibile, & diligendum.

Et debent esse in gradu heroico, & excellentissimo, ut post alios probat Matta *cit. par. 4. cap. 6.* Atque à charitate fides, & spes debent esse formatæ. Nam charitas est cæterarum virtutum forma, & perfectio: unde Augustinus *ibid. cap. 117.* dixit: *Qui rectè amat, proculdubio rectè credit, & sperat; qui verò non amat, inaniter credit, etiamsi vera sint, quæ credit; inaniter sperat, etiamsi ad veram felicitatem doceantur pertinere, quæ sperat.*

6 Dilectio verò charitatis fidem, & spem supponit, ut expressè Augustinus *trakt. 83. in Jan. ibi: Ubi est dilectio, ibi necessarium fides, & spes.* Et inde ex ejusdem sententia *serm. 140. de sanctis*, amor Dei gratuitus spem mercedis non tollit; ut expressè *serm. 334. ibi: Hoc est Deum gratis amare, de Deo Deum sperare, de Deo properare impleri, de ipso satiari; & ser. 91. cap. 3. ibi: Amare Deum gratis, pietas est; nec sibi extra illum ponere mercedem, quam expectet ex illo.* In Psalm. 72. ibi: *Factum est cor castum, gratis jam amatur Deus, non ab illo petitur aliud premium; qui aliud premium petit à Deo, & propterea vult servire Deo, carius facit, quod vult accipere, quam ipsum, à quo vult accipere. Quid ergo nullum premium Dei? nullum præter ipsum. Premium Dei, ipse Deus est. Hoc amat, hoc diligit; si aliud dilexerit, non erit castus amor. Recedis ab igne immortalis, frigesces, corrumpes.* Et in Psalm. 134. ibi: *In erumna, in laboribus, in vulneribus, in egestate constituti (sancti, & iusti) laudaverunt Deum; non enim displicuit nec torquens. Hoc est gratis amare, non quasi proposita acceptione mercedis; quia ipsa merces tua summa, Deus ipse erit, quem gratis diligis; & sic amare debes, ut ipsum pro mercede desiderare non definas, qui solus te satiet.* Quæ adnotari debuerunt adversus nullas propositiones ab Innoc. XII. Const. Cum alias, sub die 12. Martii 1699. damnatas; quæ à viris perfectis excluderent omnes actus, tum timoris, tum spei, tum proprii interesse, tamquam impossibiles cum perfectorum statu.

Secundò, debet constare de virtutibus moralibus, seu Cardinalibus, aliisque eisdem annexis: De quibus D. August. *lib. 83. qq. quest. 31. Lauræa tit. de virtutibus, Mattæa cit. par. 2. cap. 1. & seqq. Pascuc. tom. 1. de Canonizat. Sanctòr. Poncius theol. disp. 25. q. 1. usque ad 11. Contenson. theol. ment. & cord. tom. 5. lib. 7.*

7 Debentque esse charitate patriter formata; ipsarumque actus in Deum per charitatem referri, vel à charitate imperari, alias non essent meritorii de condigno; quia ad hoc necessarium à Theologis asseritur imperium ad minus virtuale charitatis, hoc importans, quòd ipsi producantur virtute alicuius actus charitatis; qui eos

præcedenter imperaverit, Poncius *theol. disp. 36. quest. 7. num. 9.*

Quinimò debet comprobari eas fuisse in gradu excellenti, & heroico. Quoniam tam pro Beatificandis, quam Canonizandis requiruntur virtutes Christianæ, non ordinariæ, & communes, sed quæ à Theologis vocantur heroicæ, seu in gradu heroico, per quas iustus in Ecclesia militante ita se reddit illustrem, ut ad Dei gloriam, & aliorum exemplum, & incitamentum, sit dignus honore beatificationis, & canonizationis, ut per Mattæa *par. 4. cap. 6. num. 49.* In quo gradu reputantur esse cum homo perfectè per charitatem Deo, & divinis stabiliter adhærens, cum adiutorio divinæ gratiæ operatur, cum prefesto dominio suarum passionum, refranando, & superando motus inordinatos; nec deliberatè consentit alicui morali imperfectioni, cui inest ratio aliqua peccati, etià levissimi, ut in terminis Esparza *theol. tom. 1. lib. 6. de virt. moral. q. 5. §. Inferitur art. 21.* Postquam Pascuc. cit. dixit, per id Christianam virtutem in gradu heroico constitui, per quod ita in ratione virtutis pura, & defæcata redditur, ut nec ratione objecti, finis, vel circumstantiarum, quidquam mundanæ cupiditatis admixtum habeat. Et proinde prorumpit in actum superantem communem modum operandi hominum.

Observandum tamen est, heroicitatem in actibus non consistere in indivisibili, sed habere gradus, & latitudinem, ac suscipere magis, & minus; adeò ut detur major, vel minor actuum heroicitas. Et ad constituendum heroem, sat, est quòd ejus operationes fuerint in gradu heroicis, & supra communem hominum virtuosè operantium conditionem operatus fuerit, ita Mattæa *ibid. sub num. 7.* Exemplificari potest illo Matth. 13. ubi de semine, quod cecidit in terram bonam, dicitur fecisse fructum, aliud *trigesimum*, aliud *sexagesimum*, aliud *centesimum*.

8 Heroicitatis indicia refert ipse *ibid. num. 5. & par. 2. cap. 15. numer. 67. & seqq.* Probaturque I. Ex perfecta subjectione ad Sanctam Romanam Ecclesiam, credendo, quæ proponit, & observando exactè Sacros Canones, Constitutiones Apostolicas, atque Conciliorum Decreta.

II. Ex frequentia Sacramenti Pœnitentiæ, & Eucharistiæ, & orationis.

III. Ex assidua carnis maceratione, pœnisque corporis afflictivis, quibus frænatur carnis concupiscentia, & reprimuntur passionēs iræ, quæ ultionem quærit: cupiditatis, quæ opes desiderat: & libidinis, quæ ad carnis illecebras allicit.

IV. Ex tolerantia persecutionum, tribulationum, & adversitatum propter Deum, ex cap. Vide 1. q. 1. Nam Beati, qui persecutionem patiuntur propter justitiam.

V. Ex continuo exercitio virtutum, etiam in minimis erga illa præcepta: *Diverte à malo, & fac bonum: inquire pacem, &c.*

VI. Ex charitate, & zelo erga proximum.

VII. Ex humilitate, quia Deus superbis resistit, humilibus autem dat gratiam. Jacob. 4.

VIII. Ex miraculis à Deo patratis propter meritum, & intercessionem suorum heroum, ante, vel post obitum ipsorum. Sunt enim hæc ex doctrina Esparzæ cit. art. 26. de supremo genere signorum sensibilibus, per quæ tollitur totalis suspicio occultæ hypocrisis, atque finalis perseverantiæ, & sanctitatis dubietas.

9 Cæterum in definiendis gradibus heroicæ actuum virtutum servorum Dei, est respiciendum ad statum, sexum, circumstantias, & conditionem illius, de cuius beatificatione, vel canonizatione agitur. Quod enim in uno est heroicum, in alio propter circumstantias non erit: ut patet ex facto illo viduæ, quæ duo tantum minuta misit in gazophilacium; in quo, ex testimonio Christi Lucæ 21. fuit excellens. & in gradu heroico, cum dederit, quod habuit. Quod sanè ad heroicam non reputatur diviti, & abundantia.

10 Nec heroicitas in hoc est ponenda, quod quis ita virtuosè operetur, ut motus appetitus sensitivi non sentiat, ut notatur à Matta d. cap. 6. num. 4. Quoniam iusti (excipio B. Virginem, nunquam ad talem perfectionem sanctitatis perveniunt, ut totaliter fomitem extinguant, ex testimonio Pauli, qui licet heroicæ sanctitatis fuerit, tamen liber, & immunis non fuit à fomite, & motibus inordinatis concupiscentiæ; ut loquitur ad Roman. 7. Video aliam legem in membris meis, repugnantem legi mentis meæ; & 2. ad Corinth. 12. Datus

est mihi stimulus carnis meæ. Et Augustinus serm. 151. de verb. Apost. cap. 5. dixit. Semper gaudendum est, quia ipsa concupiscentia, cum qua nati sumus; finire non potest, quamdiu vivimus: quotidie minui potest, finire non potest. Et Trid. sess. 5. de decret. peccat. origin. decrevit. Concupiscentiam, vel fomitem manere in baptizatis; quæ cum ad agonem relicta sit, nocere non consentientibus, sed viriliter per Christi Jesu gratiam repugnantibus, non valet. Quare fuit error Michaelis de Molinos, proscriptus ab Innoc. XI. de anno 1687. in eisdem propositione 56. in qua extinctionem fomitis pro suis pseudo-perfectis asseruit.

11 Nec in hoc constituitur, quod iusti absque privilegio extraordinario possint vitare omnia venialia collectivè; quod fuisse B. Virginem concessum tenet Ecclesia. Trid. sess. 6. can. 23. de justis. & cap. 11. dixit: Homines quantumvis sanctos quandoque in venialia cadere. Proinde tamen cum auxiliis ordinariis gratiæ possint vitare omnia, quæ sunt venialia ex genere suo, ut est mendacium iocosum; aut ex levitate materiæ, ut est furtum unius quadrantis; nequeunt tamen absque dicto privilegio vitare collectivè omnia venialia, quæ dicuntur ex subreptione, non plena advertentia, & non perfecta liberatione. Unde sciendum hominem circa motus inordinatos concupiscentiæ triplici modo posse se habere; si ne peccato, si nullo modo consentiat; cum peccato mortali, si deliberatè consentiat; & cum veniali, si cum semiplena deliberatione consensum præstet, Abelly medull. par. 1. tom. 2. cap. 2. sess. 3. num. 4.

12 Tertiò. Constat debet de donis Spiritus Sancti, apud cit.

Quartò. De fama publica sanctitatis vitæ, iuxta illud: Oportet enim hoc præsentis reificatione prædicari, & bonæ famæ præconiis non taceri, cap. Quatuor 12. q. 2.

13 Quintò. De miraculis, quæ quidem sanctitatem non efficiunt, sed ostendunt, simulque manifestant Deum velle, ut in Ecclesia militanti publica veneratione colantur, qui propter excellentiam vitæ celebres fuerunt. Non enim omnes iustos vult Deus tali cultu decorare, sed eos dumtaxat, ad quorum merita, maxime post ipsorum mortem, miracula facit: prout habetur ex Const. Mira. Greg. IX. la. 1. pro Canonizatione Sancti Francisci Bul.

Bullar. tom. 1. ibi. Sanè licet ejus vitam sancta, quàm strenua, & praeclara, sibi sufficeret ad obtinendum consortium Ecclesiae triumphantis, quia tamen militans, quae solummodo videt in facie, non praesumit de his, quae de suo foro non sunt, auctoritate propria judicare, ut illos pro vita tantum venerandos assumat; praesertim quia non nunquam Angelus Sathanae in lucis Angelum se transformat; misericors Deus, &c. vitam ejus fuisse acceptam, & ipsius memoriam esse a militanti Ecclesia venerandam multis, & praeclaris miraculis declaravit.

Nec unquam in Albo Sanctorum Sedes Apostolica aliquem scribit, nisi miracula post illius obitum Deus patrauerit in sanctitatis suffragium, & divinae voluntatis manifestationem, ut notavit alleg. Elparza ibid.

14 Est autem miraculum, *Opus excelsens vires totius naturae creatae agentis; ut communiter DD. August. lib. de utilit. credendi cap. 16. scribens ibi. Miraculum voco, quidquid arduum, aut insolitum supra se, vel facultatem mirantis appareat.* Triplici verò modo potest aliquod esse supra vires naturae. Primo, *vel quantum ad substantiam facti, vel id, quod fit;* ut si Sol stet, corpus in via glorificetur, &c. Ad haec enim natura vires non habet. Et ad primum genus miraculorum spectant.

Secundo. *Vel quantum ad subiectum, vel id; in quo fit;* ut est suscitatio mortuorum, illuminatio caecorum, claudorum erectio, &c. Potest sanè natura vitam dare, sed non mortuo; visum, sed non caeco; rectitudinem, sed non claudis. Haec secundum genus miraculorum constituunt.

Tertio. *Vel quantum ad modum, vel tempus faciendi;* ut si subito maris tempestas cesset, sanitas infirmo reddatur, &c. Nihil magis frequens est, quàm quòd ventus, & fluxus maris quiescant; sed non subito omnes, sed successive. Potest natura medicamentis, & crysibus morbos expellere, & causas infirmitatum remove, sed non in instanti; cum natura in tempore, & per alterationes agendo procedat. De huiusmodi sanationum natura, ut sint miraculosae, est, ut fiant in instanti, prout obvia exempla refert Scriptura, &c. D. Augustinus loc. cit. dixit: *Si quis autem gravi, & desperato morbo affectus, mox, ut jus-*

*sum fuerit, convalescat, admirationem san-
nitatis suae, sanitatis etiam charitate superabit.* Vided. divisionem miraculi in *Bulla Canonizationis S. Leopoldi Austriaci, ut in Const. Sacrosanctam, la 19. §. 6. Innoc. VIII. Bullar. tom. 1.*

15 Plura autem ex observatis à Zacchia *quest. Medicoleg. lib. 4. tit. 1. qu. 3. sunt necessaria, ut opus sit verè miraculosum.*

I. Ut juxta qualitatem miraculi appareat esse supra vires naturae creatae.

II. Quòd fiat sola divina virtute, non ex arte diabolica. Sed adverte, quòd quae diabolica arte fiunt, non sunt vera miracula, licet mira quaedam, & ardua videantur, fallentia sensum; sed magica praestigia, ut legitur *cap. Nec mirum 26. q. 1. D. August. lib. 83. qq. 9. 79.*

III. Quòd ex merito hominum, & non ex vi verborum contingat, quomodo panis, & vinum virtute verborum consecrationis transubstantiantur in Corpus, & Sanguinem Christi, *cap. Quia corpus, de consecr. dist. 2.*

IV. Quòd effectus sit evidens sub sensu, aliàs de eo non possent testes legitime deponere, nec reddere causam scientiae.

V. Ut fiat ab corroboracionem fidei, hominum salutem, & Dei gloriam. Nam herba hominum ministerio transit in vitrum, nec per hoc fides roboratur, ut ex Hostien. notavit Peyrin. *de privil. ad Const. 17. Leonis X.*

VI. Quòd ipse effectus in his, quae naturaliter fieri possunt (ut sunt, v.g. sanationes) fiat in instanti ad invocationem Servi Dei, vel applicationem Reliquiae. Ita Scriptura, dum de istis loquitur, utitur clausulis. *Illico, statim, subito, confestim.* Patet in sanatione Socrus Simonis à febre. *Marci 1.* De sanatione Mulieris à sanguinis profluvio. *Mar. 5.* De salute reddita Paralytico. *Luca 5.* De rectitudine data Claudio. *Actor. 3.* & mille aliis.

VII. Ut effectus sit absque dolore; sed hoc exemplis rejicitur à Laurea t. 4. *diff. 20. art. 21. num. 896.* modò concurrant cetera requisita ad miraculum.

VIII. Ut conclusentissime probetur utrumque extremum; causa exempli, in illis primi generis, ver. gr. *defectus frumenti, & ejusdem multiplicatio;* in aliis secundi generi: *mors, & subsequens vita; cecitas, & subsequens visus;* & in eis tertii gene-

generis: *Morbi gravitas, insanabilitas, & inutilis remedium applicatio, ac instantanea sanatio.*

IX. Quod effectus sit undequaque perfectus, non mancus, ita nimirum, ut mortuus resuscitatus, non statim iterum moriatur; nec cæcus, visu recepto, illico visione privetur; neque à feбри maligna sanatus, in quartanam decidat. Quia sanari non dicitur morbus, qui alterum morbum facit, per Galen. *lib. 6. de aphor. 26.* Ratio est, quia cum miraculum sit à Deo, ut causa supernaturali, & perfectissima, perfectum omnino esse debet.

X. Quod in sanationibus miraculosis antiqua valetudo cum totali virium restauratione reddatur: ex debilitate enim, quæ remaneret, præsumptio esset, quod sanitas fuisset à natura, facta aliqua crisi à circumstantibus non observata; ita Scriptura in focru Simonis liberatione à feбри annectit totalium virium recuperationem, Lucæ 4. illis verbis: *Et continuo surgens ministrabat illis*; quasi non fuisset infirma.

16 Debent miracula probari per testes juratos, tactis sacris Euangeliiis (exceptis Episcopis, & Cardinalibus; ad quorum juramentum sufficit, ut fiat tacto pedore, ut in litteris remissorialibus, Matta p. 5. c. 2. n. 59.) aliàs non probant, c. *Nuper, de testib. & cap. Qualiter, & quando, il 1. §. Formam vero, de accusat.* Quia in juramento consistit substantia depositionis, ut ex Thufco, Rosa *de execut. lit. Apostolic. pro canonizat. cap. unic. num. 96.* Adeòt non sufficiat Crucem tangere, esset enim contra formam, ibidem.

Nec est necesse, quod jurent ante, sed sufficit jurare in actu examinis, antequam testes deponat, ibid. Rosa *num. 267.* Præstationem autem juramenti debent judices remissoriales subscribere, & de ea Notarius debet facere publicum rogitum.

17 Sunt testes examinandi seorsim, & sigillatim, ad text. in *cap. Venerabili, de testib.* ubi Gloss. *verb. Examinare*, reddit rationem, quia alioquin unus alium instrueret, & sequeretur dictum alterius; & ita non posset falsitas eorum facile deprehendi. Adeòt processus sit nullus, si contrarium practicetur; de quo hodie non est dubitandum, cum ponatur de forma in litteris remissorialibus, quod sigillatim, & separatim examinentur,

ut ibidem Rosa notavit *num. 113.*

18 Et debent examinari testes de visu; quibus dumtaxat miracula probantur. Ubi majus est periculum, ubi cautius est agendum, per Gloss. in *cap. Venerabili, ver. Diligentia.* In miraculis enim tria probari debent: ægrotudo, vel mors: invocatio, & sanitas subito obtenta, vel vita; quæ aliter probari non possunt, quàm per visum; & tunc testes possunt reddere causam scientiæ.

Et sufficiunt duo testes contestes, quia in ore duorum, vel trium stat omne verbum, *cap. In omni, de testib.*

19 Ut autem sint contestes, debent concordare in omnibus pertinentibus ad substantiam facti, & essentiam miraculi; licet varient in aliquo accidentali; ut si unus dixerit sanationem evenisse de manè, & alter de vespere, modò de infirmitate invalidi, de invocatione, & instantanea perfecta sanatione deponant. Nam quid facilius, quàm temporis differentiam è memoria hominum excidere, Laur. *art. 25. §. 2. n. 1084. & 1099.*

Et adverte, quòd dictum unius testis nihil probat, quamvis sit cujusvis excellentis personæ, ad text. in *cap. Veniens, de testib.* & in casu procedit vulgatum axioma: *Dictum unius, dictum nullius.*

20 Nec etiam in hac materia probant testes singulares, quia eorum dicta ex factorum diversitate separationem recipiunt, & ad probandum non conjunguntur, ut in *cap. Licet causam, de probat.* & ibi Gloss. *verb. Singularis.* Ratio est, quia cum sint soli, unius dictum non coadjuvat dictum alterius, & ideò remanet dubium, & potest esse, & non esse, quapropter non potest iudex formare certum judicium, quod ad sententiam requiritur: qua parte verò sunt contestes, dictum unius ab altero confirmatur, excluditurque dubietas, ut iudex possit ad sententiam venire. Et procedit non modò, quando singularitas est obstativa, in qua testes repugnantia, & contraria deponunt; sed etiam in singularitate diversificativa, in qua diversa deponunt. Nec sufficit singularitas adminiculativa, quia hæc solùm semiplenam probationem aliquando inducit. Quinam verò testes dicantur singulares, refert Gonzalez in *2. tit. 20. ad d. cap. Veniens, de testib. num. 5. Sousa aphorif. lib. 2. c. 15.*

21 Neque probationem de miraculis faciunt testes de auditu alieno; quia in auditu alieno non potest haberi ratio scientiæ, quam reddere debet testis, ut dictum suum plenè probet; & ita non haberetur veritas, sed solum quædam relatio veritatis, quæ probationem non facit; solum possunt deservire pro adminiculis. In testibus enim de auditu alieno illud potest procedere: *Fama crescit eundo, sed per mendacia.*

Sed queritur. An medici possint iudicare opus miraculosum, cum ab aliis de morbo, & sanatione relationem accipiunt, non tamen ipsi observarunt, & ita de auditu alieno discunt?

22 Distinguitur. Vel sumus in morbis intrinsicis, quorum causa, & origo nota non sit videntibus ægrotum, vel in morbis extrinsicis, in quibus de origine, causa, & radice morbi extrinsecus, & intuitivè per sensus clarè, & patenter constat: in primo casu negatur, tamen si sanationes contingant in instanti, & videantur miraculosæ, quia intellectus non potest esse certus, quod sint miracula: in secundò verò potest affirmari, quia testes possunt deponere, quod infirmus laborabat tali infirmitate cum talibus symptomatibus; quod medicamenta fuerunt inutilia, & postea, invocato aliquo servo Dei, vel applicata Reliquia, est absque medicamento humano, vel crysi naturæ, statim perfectè sanatus, nulla etiam debilitate remanente. Per quæ videtur posse medicum arbitrari de miraculo. Nam sicut in absentia huius conditionis morbos posset ad informationem testium remediis curare; ita potest de miraculo concludere. Etenim natura in instanti operari non potest, sed per alterationes procedit, quæ fiunt in tempore. Verum cautum iudicium esse debet propter periculum erroris ob imperitiam deponentium. Videatur *Matta d. par. 4. cap. 12. num. 26. Rosa cit. num. 236.*

23 Sed inquiritur. An ministerium, & instrumentum naturæ excludat essentiam miraculi?

Resp. Negativè, si instrumentum non sit potens, sed potiùs improporcionata causa ad effectum miraculosum producendum; quidquid dixerit *Matta d. par. cap. 9. num. 2.* Id enim videtur expressum in Bulla Canonizationis Sancti Francisci de Paula, ut in *Const. Excelsus, la 28. Leonis X.*

Bullar. tom. 1. in qua ut miraculosæ fuerunt iudicatæ quædam sanationes, licet fuerint simplicia instrumenta adhibita, ut ibi §. 17. 20. & 23. *Laur. art. 21. n. 893.*

Nec minùs rationi miraculi videtur officere effectus, qui ad sanationem sequitur. ut si ægrotus in actu sanationis sudet, spitet, &c. quia hæc verissimè censerì debent effectus potiùs miraculi, & non remedium, maximè si in miraculis tertii generis, juxta dicta, nulla remaneat in patiente lassitudo, & membrorum debilitas.

24 Sed quid, si testes deponerent, in actu sanationis fuisse plures Sanctos invocatos, cui miraculum tribuendum?

Resp. Sunt in casu attendenda, finis operis, complementum, & devotio patientis, vel parentum ejusdem. Est indubitatum, accessum ad capellam, vel sepulchrum, aut applicationem Reliquiæ unius servi Dei præ alio specificare intentionem, eamque ad unum potiùs, quàm ad alium dirigere; atque ita operantur, quod miraculum à Deo factum sit ad intercessionem illius, erga quem major est fervor devotionis, ut dixit *Laur. cit. art. 25. §. 1. n. 1063.*

25 Queritur. De quibus constare debet, cum agitur de canonizandis viris in Martyrio mortuis?

Resp. Debet plenè per testes de visu constare de Martyrio, etiamsi Martyrium fuerit notorium, ut probat *Matta par. 4. c. 21. n. 6. & Rosa cit. n. 260.*

26 Item, omninò constare debet de causa Martyrii, nimirum quod mors ab extrinseco violèter illata fuerit, & cum alacritate ob fidem Catholicam, & veritatem Christianam patienter suscepta. Martyr enim, per Augustinum ad cap. 39. in Job, dicitur, *Intrepidus, & alacer testis fidei; & Martyrium est opus externum, per quod patiens est testis fidei. & Christiana veritatis.* Quod quidem Martyrium ex parte mortem inferentis est delictum peccaminosum, & punibile; ex parte verò patientis est actus perfectissimæ charitatis, juxta illud Joan. 15. *Majorem hac charitatem nemo habet, ut animam suam ponat quis pro amicis suis.* Quare in Martyrio commendatur charitas, quia ejus motivum est dilectio, cum propter amorem Dei super omnia, etiam supra nostram vitam, mors eligatur. Finis verò est fides, quia propter fidei veritatem mors suscipitur. Spes etiam

in eo elucet, quia propter retributionem æternam, etiam propria vita negligitur; est opus fortitudinis, quia propter bonum virtutis voluntariè mors sustinetur: *Martyres enim non repugnando, sed moriendo vicerunt*, August. lib. 22. de Civit. Dei cap. 9.

27 Duplex autem est causa martyrii, una extrinseca, & finalis, & hæc est confessio fidei Catholicæ: & alia intrinseca, & meritoria, & hæc est charitas perfectissima, à qua imperatur. Constito autem de utraque causa, non est opus probare virtutes, quia jam constat de perfectissima charitate, quæ est cæterarum virtutum forma, & perfectio; indeque aliæ virtutes videntur probatæ, ut ex Rosa n. 261. & Matta par. 2. cap. 14. num. 22. dixit, virtutes omnes in Sanctis fuisse, licet quoad actum in omnibus non resplenderint; aliquosque laudari præ aliis propter excellentem promptitudinem ad actum potius unius virtutis, quam alterius; ita Martyres specialiter propter martyrium laudantur. Sic Virgines, quas Ecclesias colit, omnibus, & singulis virtutibus dixit fuisse præditas, aliàs non colerentur; cum castitas sine bonis operibus magna non sit, ut loquitur Div. Gregorius hom. 13. in Evangel. Luc.

28 Est tanta prærogativa martyrii, ut ex opere operato omnia peccata, etiam originale, remittat, & pœnam eis debitam deleat, cap. Baptismi vicem, c. Cathecumenam, de consecr. dist. 4. & dixit Augustin. de anim. & ejus orig. lib. 1. cap. 9. & lib. 2. cap. 12. Verum in adultis requiritur voluntas, & intentio patiendi, ne passio remaneat indeterminata, sed ad finem supernaturalem ordinetur; formalisque de peccatis personalibus dolor, si ad ea advertatur.

Cum verò causa, & non pœna veros Martires faciat, ex eodem serm. 285. de Sanctis in Natal. Cast. & Emil. & Deus non nostris cruciatibus, sed nostra justitia delectetur, ut ibid. Sanctus Doctor; sequitur iis non prodesse, qui non ex motivo charitatis illud eligunt, quia à charitate martyrium robur accipit, ut in Psalm. 47. ipse loquitur: *Et si charitas deest, nil passio prodest*, lib. 4. de baptis. contra Donatistas cap. 17. Et facit illud Pauli I. ad Corinth. 13. *Si tradidero corpus meum, ut ardeam, charitatem autem non habuero, nihil mihi prodest.*

Nec iis prodest, qui sunt extra Ecclesiam Catholicam, ut idem S. Doctor, serm. ad Casareensis Ecclesie plebem; extra quam non est salus, ad text. in cap. Unam sanctam, de majorit. & obedient. inter com.

29 Dices. Hæretici sæpè martyrium subeunt propter fidem Christi.

Resp. Hæreticos non pro fide Christi mortem subire, sed ex abundantia sui sensus, & pertinacia ad suos errores, ad text. August. serm. 328. in Natal. Martyr. ibi: *Omnes hæretici etiam pro falsitate patiuntur, non pro veritate, quia mentiuntur contra ipsum Christum*. Nec ipsi credunt fide supernaturali, cum ad ita credendum necesse sit credere propter revelationem Dei ab Ecclesia infallibiliter propositam; propositionem autem Ecclesiæ heretici non recipiunt, aliàs adequatè susciperent, & crederent omnia, quæ Ecclesia proponit esse à Deo revelata; quod non agunt; ideo solum fide naturali credunt, & mentiuntur Christo, quia non credunt quicquid ipse revelavit, & credendum ab Ecclesia proponitur. Consequenter nec charitate in Deum ad patiendum moventur, quia charitas supernaturalis fidem supernaturalem præquirat, qua obiectum proponatur: *Fides enim est radix, & fundamentum justificationis* Triden. sess. 6. cap. 8. de justific. Augustinus epist. 194. ad Sixtum cap. 2. dixit, *a fide omnem justitiam initium sumere*.

30 An etiam, probato plenè martyrio, debeat omnino constare de miraculis?

Affirmatur. Non quòd miracula sint necessaria ad essentiam martirii, sed vel ut per ea signa sensibilia Deus Ecclesiam certificet, quòd opus martyrii fuit excellentissimæ charitatis, non ob alium finem, quam charitatis supernaturalis assumptum; vel etiam ut eisdem Ecclesia cognoscat Deum velle, quòd Martyres ab Ecclesia publico cultu honorentur. Vide Matta par. 4. cap. 7. num. 12. Petra tom. 2. ad constit. Alexander III. num. 15.

31 Non quævis incorruptibilitas corporis defuncti præbet judicium sanctitatis, ut pluribus probat Matta par. 3. cap. 14. Quia etiam naturaliter corporum integritas, & incorruptibilitas contingere potest. Sed tunc solum, cum probata excellentia vitæ, corpus incorruptum invenitur; maxime si sit molle, flexibile, & incorruptum

non modò secundùm solidiores, & sicciiores partes, verùm etiam quoad molliores, & humidiores, easque, quæ sunt ad putrefactionem magis aptæ.

32 Pariter non quævis fragrantia, & odoris suavitas, quæ percipitur in aperitione arcæ, urnæ, vel sepulchri, in quo sit corpus servi Dei, est sanctitatis argumentum; de quo *Matta dict. par. cap. 15. num. 7.* sed tunc solum supernaturalis est iudicanda (repræsentas effectum gratiæ qua sicut bono odore plenus fuit) cum jam fuit plenè probata morum integritas, & sanctitas vitæ; nec miraculo adscribitur, nisi priùs probetur negativa, hoc est, quòd non potuerit provenire ex aliqua causa naturali in arca, vel capella secretò reposita; super quo adhibenda est diligentia etiam exacta; tunc certè odor miraculosus, & supernaturalis censendus erit; præsertim si ex peritorum, & percipientium testimonio talis conditionis fuerit, ut excesserit quemcumque odorem naturalem, & nullis sit similis; fueritque non modò naribus suavis, sed etiam manus, vel vestes ita affecerit, ut per plures horas, vel dies permanerit; & concludentiùs, si eo percepto, aliquis fuerit illico sanitati restitutus.

33 De numero miraculorum sufficienti ad beatificationem, & canonizationem, scripsit *Matta par. 4. cap. 7. num. 9. & seqq.* & ibi testatur de praxi, quòd duo ad beatificationem sint satis, & alia duo de necessitate requirantur ad docendum continuationem miraculorum post indultam Beato venerationem. De quibus plenissimè constare debet, esse supra vires naturæ, saltem quoad modum.

34 Tandem cum Decretis generalibus Urbani VIII. §. *Preterea*, apud *Mattam cit.* hæc sint: *Illud etiam diligentissimè indagandum est, an ille, vel illa, pro cuius canonizatione istatur, scripserit aliquos libros, tractatus, opuscula, meditationes vel quid simile; nam si scripserit constiterit, non priùs est ad aliquem actum inquisitionis deveniendum, quàm tales libri diligenter in Sacra Congregatione examinentur, utrum contineant errores contra fidem, vel bonos mores, vel doctrinam aliquam novam, & peregrinam, atque à communi sensu Ecclesiæ, & consuetudine alienam; oritur difficultas,*

quando sit verificabile illud; si scripserit constiterit?

Resp. Quando habetur concludens, & plena probatio, non autem præsumptiva. Non enim potest dici verè constare de eo, quòd solum ex conjecturis, & præsumptionibus constat, ad text. in c. *Lucius*, ff. de *condit. & demonstr.* apud *Sperellum decis. 101. num. 25.* Apud quem *Farinac. conf. 76.* firmavit probationem per præsumptionem, & conjecturas non esse veram probationem, prout de clausula, *constitit*; requirere veras, & concludentes probationes, affirmat *Rosa par. 2. cap. 4. num. 6. cit. Barbosa, & Rota.*

Sed adhuc est dubium, quando dici debeat plenè, & concludenter constare?

Resp. Cum talia producuntur, ut prudens dubium tollatur, animusque iudicis moveri possit ad prudenter pronunciandum *scripserit*; quòd pluribus potest præstari.

I. Si manuscripta fuerint conservata in archivio habent requisita necessaria ad conciliandam fidem scripturis in eo assertis, ex dictis *cap. 28. num. 30.*

II. Si in Codice habeatur subscriptio Notarii, & redditus testimonium, vel quòd Auctor propria manu scripserit, aut amanuensi dictaverit.

III. Si per collationem à peritis factam ad alias litteras, à servo Dei ad aliquem missas, & adhuc existentes, identitas characteris dubia non sit, vel stylus dictaturæ concordet.

35 IV. Si scriptores contemporanei cum servo Dei referant opuscula ab eodem esse edita. Etenim cum sumus in antiquis, plurimum ad probationem conducunt veterum historiæ, & rerum gestarum Chroniæ, & hæc documenta fidem humanam facere, dixit *Gonzalez in 2. tit. 19. cap. 13. num. 4. de probat.* Ad quæ recurrimus pro habenda rerum veterum notitia, eisque adjuvamus, ex sententia *Augustini lib. 2. c. 28. de doctrin. Christ.* ibi: *Quidquid de ordine temporum transactorum indicat ea, quæ appellantur historia, plurimum nos adjuvat ad sanctos libros intelligendos.* Et infra: *Historia facta narrat fideliter, atque utiliter.*

36 Quid autem opus sit ad iudicandum, quòd aliquis historicus non sit fide dignus? habetur ex *Juvenin. tom. 1. instit. theolog. dissert. 4. quest. 8.* Et primò videntum.

dum, an sit coetaneus rei, quam enarrat: non enim fidem meretur, si multis post annis eam evulgat. Quot etiam titulo rejici debet narratio de Joanna Papissa, quam Marianus Scotus ducentis, & amplius annis, postquam contigisse fabulatur, evulgavit apud Spondan. *Epit. ad ann. 853. num. 5.*

Secundò. An ejus fides sit suspecta, ex quo sæpè in factorum relatione deceptus reperiatur, vel falsa narrasse.

Tertiò. An ipsius inter sit facta sic extitisse, quemadmodum ab eo referuntur. Propter quod fides Eusebii Cæsariensis in rebus, quæ ad Arianos spectant, dubia est: dum Arianismo, & ipso tactus creditur. Spondanus ad an. 340. *num. 12.*

Quartò. Si in narratione facti graves, & probati Historici contradicant. Lege etiam Augustinum relatum in *cap. Ego solus 9. dist.* Et memoriæ retineas regulam: *Multa juncta juvant, quæ singula non possunt.*

37 Constituto autem opuscula, & codices fuisse à servo Dei elucubratos, procedendum est ad examen doctrinæ. At ubi dubium aliquod occurrit, benigna interpretatio de viris aliàs doctissimis, & in unitate Ecclesiæ, ac fama sanctitatis defunctis, est facienda, secundum monitum D. Thomæ 2.2. *quest. 60. art. 4. in corp.* ibi: *Ubi non apparent manifesta indicia de malitia alicujus, debemus eum ut bonum habere, in meliorem partem interpretando, quod dubium est.* Id enim solitum est prudentiæ, & pietatis Catholicæ, ut dixit Juvenin ubi supra *quest. 7. cap. 2.*

38 Verùm, auctor à quavis suspitione erroris in fide, censura, & macula præservatur à protestatione libro adjecta, qua se ipsum, & scripta Sanctæ Romanæ Ecclesiæ judicio, & auctoritati submittit.

Qua probatur, ejus intentionis non fuisse (quando etiam fortè aliquid per errorem scripserit) pertinacia defendere, ad text. in *cap. Damnamus de Summa Trinitate cap. Hec est fides 24. quest. 1. cap. Dixit Apostolus dicto cap. 93. & docuit Augustinus Epistola 43. ad Glorium, & Elenium cap. 1. ibi. Sed qui sententiam suam, quamvis falsam, atque periculosam, nulla pertinaci animositate defendunt; & præsertim, quam non audacia præsumptiones sue pepererunt: sed à seductis, atque in errorem lapsis*

Official. Cur. Eccl.

parentibus acceperunt; querunt autem tanta sollicitudine veritatem, corrigi parati, cum invenerint: nequaquam sunt inter hæreticos reputandi.

Cæterum protestatio excusat solum in obscuris, & adhuc non definitis per Ecclesiam; non verò in manifestis, & quæ jam definita reperiuntur: præsertim, si liber, & protestatio opus sit viri docti, cum de eo præsumptio sit, quòd definitionem Ecclesiæ non ignoret. Soufa *Aphorism. lib. 1. c. 14. num. 5.* Tunc enim protestatio esset contraria facto.

C A P U T XLVIII.

Officialis quoad Sepulturas.

S U M M A R I U M.

- 1 *Regulares habent jus sepulture in propriis Ecclesiis.*
- 2 *An Regulares possint dicto jure renunciare. Distinguas de Conventu construendo, vel constructo.*
- 3 *Transactio non semper obligat successores.*
- 4 *In Ecclesiis Monialium nequent sepeliri corpora defunctorum; ubi de licentia S. Congr. quantum ad Ecclesias exteriores.*
- 5 *Sepultura non possunt supra Altare, nec sub Altaris pradella esse.*
- 6 *Corpora defunctorum ponenda sunt subtus terram.*
- 7 *Est prerogativa solius Romani Pontificis, quod in locis supra terram sepeliatur.*
- 8 *Parochi non possunt plus petere ob sepulturas electas apud Regulares, quam exigent, si corpora defunctorum sepelirentur in Parochiali.*
- 9 *De loco, quo sunt sepeliendi Eminentiissimi Cardinales.*
- 10 *Cardinales sunt successores Apostolorum.*
- 11 *Agiatur de loco sepulture Episcopi, & beneficiatorum.*
- 12 *Et de sepultura peregrinorum, & exterorum.*
- 13 *Et de illa habentis domum in Civitate, & in rure.*
- 14 *Hospites decedentes in Monasteriis Regularium, quo sepeliantur?*

Aa

15 Obla.

- 15 Oblati, habentes requisita, sepeliuntur in Ecclesiis Regularium.
- 16 Regularis decedens extra Conventum non semper sepelitur in Monasterio.
- 17 An Dominicanus hospes ad Minores, apud istos sepeliri debeat?
- 18 Expensa in funere faciende sunt à Conventu Religiosi defuncti.
- 19 Religiosus expulsus sepelitur in Parochia, si alibi sepulturam non elegerit.
- 20 Confratres Confraternitatum existentium in Ecclesiis Regularium sepeliuntur in Parochia, si inelecta sepultura decedant.
- 21 Etiam si in illis adesset sepultura pro Confratribus.
- 22 Filii impuberes non possunt sepulturam eligere; & de eorum sepultura.
- 23 Quodnam dicatur sepulchrum majorem.
- 24 Pater eligere potest filiis impuberibus sepulturam.
- 25 Et etiam mater, ubi est consuetudo.
- 26 Uxor sepelitur in sepulchro mariti; vide limitationes.
- 27 An valeat electio sepultura facta à commissario.
- 28 Poena contra Clericos, & Regulares inducentes voto &c. ad eligendam sepulturam in propriis Ecclesiis.
- 29 Incurritur excommunicatio Papæ reservata.
- 30 Pluribus probatur electio sepultura.
- 31 Responsa S. C. C. ad dubia excitata super electione sepultura.
- 32 Agitur de sepultura Cordigerorum Sancti Francisci.

Quamvis olim non possent Regulares in suis Ecclesiis Sæculares sepelire, nisi de licentia Parochi, ut ex D. Greg. notavit Gonzalez in 3. *Decretal. tit. 28. cap. 3. num. 4. de sepult.* tamen postea à Sede Apostolica obtinuerunt privilegia, quibus eis fuit absolutè concessum jus sepulturæ, vel privilegium sepeliendi in suis Ecclesiis corpora eorum, qui in eis sepulturam elegerint. Textus expressus in *Clement. Dudum §. Verum ne Parochiales de sepult.* quoad Ecclesias Frat. de Ord. Prædicat. & Minor. & generaliter pro omnibus Regularibus præsupponitur à Leone X. *Const. Dum intra 22. Bull. tom. 2. in qua §. 10. conceditur non degentibus in claustris*

posse sepeliri cum ipsorum habitu in eorundem Ecclesiis. Si tamen aliqua Ecclesia jus sepeliendi non habeat, ut sunt Ecclesiæ Monialium, & Capuccinorum, & in ea quis eligat sepulturam, corpus est sepeliendum in Parochia, quæ de jure habet jus sepeliendi, ut tradit Monacell. *form. part. 2. tit. 13. form. 1. num. 90.*

2 At petitur: an possint Regulares dicto juri sepeliendi renunciare?

Resp. Distinguendum est: vel agitur de Ecclesia Regulari Conventus jam erecti: & est certum, quod nec Generalis possit, sed est necessarium Beneplacitum Apostolicum, & solemnitas copulativè requisita in alienatione, etiam jurium Ecclesiæ. Quoniam textus in *c. Ambitiosa de reb. Eccles. non alienan. inter com.* procedit verbis amplissimis, & comprehendentibus etiam jura. Nam utitur verbo rerum, quo vocabulo intelliguntur etiam jura, & actiones, *l. rei appellat. 23. ff. de verb. signif.* Maximè, stante dictione universalis omnium, quæ est universalissima, per Barbos. *dict. 241. & nihil excludit.*

Et cum dicitur ex *cap. Antigonus de pact.* quod pacto potest privilegium derogari: verum est, si concurrat causa, & solemnitas ab jure requisita; & maximè hæc sunt necessaria, ubi agitur de jure quæsito, prout in casu, in quo in fundatione Ecclesiæ acquisivit jus sepulturæ, & populus liberam facultatem ibi sepulturam eligendi.

Vel dubium procedit de Ecclesia, & Conventu fundando; & tunc, si in limine foundationis præcesserit concordia cum Parocho de non recipiendis ad sepulturam illius Parochianos, vel nisi de ejus expressa licentia, est omnino servanda, ad text. in *d. cap. Antigonus, & ibi glos. in verb. pacta*, ubi dixit, pacta legitima, quæ neque dolo, neque adversus leges, neque aliqua fraude facta sunt, esse custodienda. Maximè, quia hic agitur de jure quærendo, & proinde non habet locum text. in *d. cap. Ambitiosa*, cum dici non possit, quod alienetur jus Ecclesiæ; & sicut Parochus debet audiri, & propter præjudicium sibi inferendum potest erectione novi Conventus impedire; ita potest concordia, & pacto hujusmodi præjudicio ante erectionem providere, ut sæpius tenuit Rota apud Petram *tom. 2. Comment. ad Constitut. Apost. Const. 3. Cælestini III. sect. 5. num. 23. Et fini-*

similia pacta videntur transire sub approbatione Sedis Apostolicæ, quæ facultatem non facit erigendi Conventus de novo, nisi auditio Ordinario, & constet de partium consensu.

Major difficultas est. *An orta lite post constructionem Conventus inter Regulares, & Parochum super jure sepeliendi, & funeralibus, sustineatur concordia facta per viam transactionis, vel compensationis?*

Videtur sustineri: maximè, si facta sit ad vitanda scandala, & tollendas dissentiones; at necesse est decretum Episcopi, causa cognita, *Petra cit. tom. 1. Constit. 1. Paschalis II. sect. 2.*

Sed hic videtur ponderandum, quòd d. Paulina *Ambitiosa*, annullat omne pactum alienationis: transactio autem species alienationis dicitur, per Fagnan. *in 1. ad cap. contingit de arbit. num. 32.* de cuius substantia est, ut aliquid utrinque detur, aut remittatur; nec tenet, nisi fiat super re dubia, & lite incerta, apud eundem *ibid. ad cap. Veniens de transactionib. num. 13. & 16.* Idèd ad validitatem videtur necessarium Beneplacitum Apostolicum; præsertim, ut obliget successores, ad text. *in d. cap. Veniens*, sine quo præsumitur transigentes voluisse personali transigere, & alios non ligare. Et sicut Parocho successori est liberum adversus transactionem absque Beneplacito Apostolico celebratam insurgere, & contradicere; ita possunt Regulares, ut æqualitas hinc inde servetur, vid. *allegat. Petram.*

4 Petitur etiam. An Moniales possent uti privilegio tumulandi corpora defunctorum in propriis Ecclesiis, posita electione sepulturæ?

Videtur ex eo affirmandum, quòd privilegia concessa Religiosis dicantur concessa Monialibus eiusdem Ordinis, adeout illis gaudeant. Et præsertim procedit de Monialibus Ordinum Mendicantium, quorum privilegia Monialibus communicavit Leo X. *const. Dudum per nos la 32. Ballar. tom. 1.* Hocque iustum tumulandi in Ecclesiis Monialium Ordinis S. Francisci præsupponit Paulus V. *Constit. Expositum 47. Bull. 10. 1. modò Ecclesia sit exterior.* Unde concludit Samuelius *de sepult. tract. 1. disp. 6. contr. v. 11. conclus. 7.* cum Murga, non posse eligi sepulturam in Ecclesia interiori Monialium; benè verò in exteriori.

Cæterum, contrarium est tenendum; nam tumulatio defunctorum in Ecclesiis Monialium, etiam exterioribus, repugnat statui, & quieti ipsarum; quod legitur expressè resolutum à S. C. Episc. *in Maceraten. 8. Novembr. 1652. in specie*, quòd corpora Laicorum, sive virorum, sive mulierum nequeant sepeliri in Ecclesia exteriori Monialium, licet solvere vellent penam Synodalem. Ad quem effectum est necessaria licentia S. C. & consensus Monialium, ut in *Feretrana 21. Novemb. 1603.* etiam pro ibi fabricando sepulchro, in *Ferarian. 12. Julii 1604. Nicol. solsc. ver. Sepultura num. 5. Pignat. tom. 4. consult. 177.* Vide quæ dixi *cap. 32. n. 8. & 9.*

Adducta in oppositum concludunt, dumtaxat Moniales per communicationem participare de privilegiis Religiosorum sui Ordinis, si non repugnent proprio statui, nec propterea turbanda sit eorum quies religiosa; prout necessariò sequitur ex officio in funeralibus faciendo. Sed quidquid sit in puncto juris, juxta quod procedit Paulina, in facto vidimus ob stare resolutiones Sac. Congr.

Posito autem, quòd alicui cum debita licentia sit danda sepultura in Ecclesia exteriori Monialium Regularibus subiectarum: oritur difficultas, à quo sit officium peragendum, à Parocho, an à Regularibus?

Resp. A Confessario: quia Ecclesiæ Monialium exemptarum non sunt de territorio Parochorum. Proinde in casu ipsi debent officium facere usque ad portam Ecclesiæ, ut censuit S. C. 5. Julii 1615. apud Nicol. num. 5. Nec habent jus interveniendi sepulturæ Monialium. Sac. Congreg. 7. Januarii 1603. apud eundem v. Parochus num. 15.

Quo verò loco sepeliri debeat, qui, electa sepultura in Ecclesia Monialium, in ea sepeliri non potest?

Resp. In Parochiali, quæ videtur solum conditionaliter exclusa, in casu nimirum, quòd sepeliretur in Ecclesia electa; sed cessante dispositione hominis, remanet dispositio juris, quod assistit Parocho, qui habet intentionem fundatam sepeliendi in sua Ecclesia omnes, qui decedunt intra limites suæ Parochiæ. Maximè quia in defectum Ecclesiæ prædictæ præsumitur ex Sacramentorum administratione dilecta Ecclesia Parochialis, ut post Passerin. *de stat. hom.*

tom. 2. *quest.* 187. *art.* 4. *num.* 260. dixit Petrus loco cit. t. 2. in fin.

5 Quæritur. Quo loco sepulturæ ædificari possint, & debeant?

Resp. Vel in cœmeteriis, vel in porticu, aut intra Ecclesias. Numquam tamen debent suprà, vel juxta Altare, c. *Percipiendum*, c. *non oportet de consecrat. dist.* 2. Sed debent ita esse ab Altaribus remotæ, ut Sacerdos dum Missam celebrat, non cogatur pedibus insistere supra defunctorum corpora, ut per Gonzalez cit. *num.* 5. & trium cubitorum intercapedo inter Altaris prædellam, & sepulchri ostium mediare debet, per Pignatell. *tom.* 4. *consult.* 32. Quare S. C. Episc. in Interamnen. 13. Septembr. 1593. declaravit, *Altaria, sub quorum Prædellis cadavera sunt sepulta, licet propterea consecrationem non amittant, tamen debent interdici, donec dicta cadavera, vel Altaria ipsam alium deferantur locum.* Et sub 8. Februarii 1599. rescripsit Episcopo: *Che non permettesse, che sotto gli Altari, e per quanto circonda la pradella, siano cadaveri, nè sepolture, etiam sotterranee, & essendo così ordine della Riforma, e disposizione de' Sacri Canon.* Et in Messanen. 2. Maii 1601. All' Arcivescovo: *Quanto à gli Altari, sotto i quali, o nel mezzo sono sepeliti Prelati, o Laici, non pare, che in modo alcuno si habbiada tolerare, che vi si celebri per l'avvenire, onde voi ci provvedete, nisi ossibus amotis sepulchrum terra repeleatur, Petra cit. num.* 12. quod etiam in Ecclesiis Regularium est observandum.

6 Quare sepulturæ sunt construendæ infra terram, & ita, ut remaneant planæ, & solo æquatæ cadaverumque conditoria collocari debent in tumulis profundis, quorum operimenta æqualia sint cum plano Ecclesiæ, ex constit. B. Pii V. incip. *Cum primum* la 5. Bullar. *tom.* 2.

7 Est enim prærogativa Romanorum Pontificum dumtaxat, quod eorum corpora sepeliantur in conditoriis elevatis supra terram, & in parietibus affixis. Verum permittuntur constructiones sepulchrorum cum inscriptionibus modestis, & accommodatis loco Ecclesiæ.

8 An autem Parochus possit plus exigere ab heredibus defunctorum, qui sepeliuntur in Ecclesiis Regularium, quam acciperet, si in Parochiali sepelirentur? De hac re dixi

cap. 20. ubi videas. Et hinc observa, quod Clem. VIII. Constit. *Expositum* la 96. Bullar. *tom.* 3. id sub pena excommunicationis Pontifici reservata prohibuit Parochis Indiarum Occidentalium. Quod subinde resolvit Paulus V. Constit. *Expositum* la 32. *ibid.* cum extensione, & inhibitione ad Parochos Indiarum Orientalium, quibus injungitur observantia Trid. *sess.* 25. *cap.* 13. *de reform.* juxta expositionem factam à B. Pio V. Constit. *Et si mendicantium* la 41. §. *Quartam partem* *tom.* 2. & infra idem Paulus Constit. 47. Quod generaliter postea Urbanus VIII. Constit. *Cum licet* la 244. Bullar. *tom.* 5. omnibus Parochis inhibuit ibi: *Ordinarii locorum committimus, ut provideant omnino, ne diutius huiusmodi abusus tollerentur; & decernunt, ne Parochi plus percipere possint in sepulturis, quam sunt in Ecclesiis Regularium, quam in eis, quæ sunt in propriis, seu aliorum Clericorum.* Hac enim prætentione impeditur libertas electionis sepulturæ in Ecclesiis Regularium, cum avertantur fideles à sepulturæ electione propter duplicatas, vel majores expensas.

9 Quæritur. Quo loco sunt sepeliendæ EE. DD. Cardinales?

Resp. in Ecclesia, in qua eligant sepulturam, vel in qua habent sepulchrum majorem. Quod si nec illam eligant, nec habeant aliam, & moriantur extra Urbem, sepeliri debent in Ecclesia majori loci, per quem transeunt, quia hæc ratione dignitatis supponitur eorum Parochia, & attenta dignitate præsumitur de ipsorum voluntate. Et procedit, nisi in vita specialiter recognoverint aliquam Parochiam, prout dixit D. Petrus d. *tom.* 2. *Constit.* 2. *Honorii III.* *nu.* 34. & tunc debetur quarta funeralis Parochiali ratione administrationis Sacramentorum; prout debetur, si quis decedat sine electione sepulturæ, & sepeliatur in sepulchro majorem, vel in Cathedrali, *ibid.* *num.* 35. & Antonell. *de Reg. Eccles. lib.* 1. *cap.* 12. §. 1. *n.* 30. & dixit *cap.* 42.

Si verò decedant in Urbe, nec elegerint sepulturam, nec alicubi sit sepulchrum majorem, tunc sepeliri debent non in Parochia, sed in Ecclesiis proprii tituli, ut, articulo examinato firmavit Rota in Romana juris tumulandi 20. Februar. 1702. & 5. Martii 1703. coram Priolo in causa sepulturæ corporis bon. mem. Obiitii Card. Pallavicini.

vicini, quæ in urbe ab intestato decessit anno 1700. in Parochia S. Andreæ de Fractis: & cum tunc impedita esset Ecclesia Parochialis, functiones exequiarum peractæ fuerunt in titulari S. Martini ad Montes, & in hac corpus sepultum; pro quo postea institerit Parochia, contra quem titulus prævaluit, & DD. dixerunt, corpora Cardinalium in urbe decedentium, quando alibi non habent, vel non eligunt sepulturam, deferenda, & sepelienda esse in Ecclesiis titularibus.

Sub quo tempore de anno 1702. in Parochia S. Marcelli evenit mors Cardinalis Radolovich, titularis S. Bartholomæi in Insula, qui suum corpus reliquit esse tradendum sepulturæ in Ecclesia, prout de jure. Propter quod, me Guardiano, Parochia, & titulus, certant: interim fuit depositum in Parochia, à qua postea sub anno 1703. editis dictis decisionibus, & me instante, redditum fuit Ecclesiæ titulari, & in ejus solo tumulatum.

In quo favore tituli fuit ponderatum, Cardinales in propriis titulis habere mansionem, & locum proprium, ad text. in *Constit. Religiosa* la 55. *Sixti V. Bullar. tom. 2.* qui titulos Cardinalium divisit. In quibus exercent jurisdictionem quasi Episcopalem, debentque Ecclesias regere, & gubernare, & circa Cultum Divinum visitare. Unde quoad jurisdictionalia habentur loco Episcoporum, per Fagnan. in 1. *ad c. His quæ num. 26. de majorat. & obed. Pignatell. tom. 10. consult. 117. num. 19.* Et utuntur Episcoporum insigniis; elewant Baldachinum, incedunt rocchetto discooperto, admittunt Clerum ad manus osculum, solemniter populo benedicunt, ut tenuit Rotæ, ubi supra *decis. 2. §. An autem.* Quare sicut Episcopi, Canonici, Parochi, & beneficiati, licet decedant extra limites suæ Ecclesiæ, sunt ad eam deferendi, quia sunt in ea intitulari, & respectivè conjuncti; ita corpora Cardinalium in eo casu sunt ad Ecclesias tituli deferenda, quia in eis habent titulum, qui per ejus obitum vacat, per Fagnan. *ad d. cap. num. 27.* & sunt magis conjuncti cum sua Ecclesia, quàm Canonici, & beneficiati; cum Cardinalibus sint Ecclesiæ commissæ tam in spiritualibus, quàm temporalibus, ut ex text. *d. Constit. Sixti.* Et, ut in eis residere dicantur, sufficit, quòd sint Romæ, ubi degit Papa, cujus

Offical. Cur. Eccl.

Consiliarii, & Collaterales sunt, eorumque consilii ipse juvatur in regimine Ecclesiæ, ut in d. *Sixtina*, & dixit Annato *apparatus ad Theol. posit. lib. 3. art. 2.* Et inde patet, quòd Cardinalis ratione sui tituli eximitur à jure sepulturæ, quod habet Parochia; & quatenus titulum non haberet, & non electa sepultura decederet, deberet sepeliri in Ecclesia S. Joannis Lateranensis, quæ succedit in defectum tituli ad exclusionem Parochiæ: siquidem Cardinales ratione dignitatis eximuntur à vinculo legis universalis, quæ assistit Parochiæ. Vide Petram, & apud eum plures n. 31. Et Pitonium *tom. 2. Eccles. discept. post discept. 51.*

Est enim tanta præ eminentia, & dignitas DD. Cardinalium, ut alios quoscunque antecellant Ecclesiæ Prælatos. Eos Eugenius VI. Constit. *Non mediocri la 15. Bullar. tom. 1.* appellat partes corporis Pontificum. A Sixto V. Constit. *Postquam la 50. Bullar. tom. 2.* dicuntur veri Cardines, & clarissimalumina Ecclesiæ: Consiliarii, & Coadjutores, assistentes Papæ, quasi oculi, & aures, ac nobilissima Sacri Capitis partes &c. representantes personas SS. Apostolorum, dum Christo humana salutis mysterium operanti ministrarent.

II Episcopi, Archiepiscopi, & Patriarchæ in eorum Ecclesiis Cathedralibus sepeliuntur propter spirituale conjugium cum ipsis; nisi in alia sepulturam elegerint, vel habeant illam majorum. Et quatenus extra Diocesim decedant, si possunt commodè, deferri debent ad proprias Cathedralis, quæ sunt ipsorum sponsæ; si verò non possint, debent tumulari in Cathedrali loci, vel Ecclesia majori, quia de ea ratione dignitatis eorum præsumitur voluntas, Petra *cit. nu. 36.* Antonell. ubi supra. 28. & Sperellus *decis. 87. n. 12.*

Canonici, non electa sepultura, sepeliri debent in Cathedrali, quando adsit pro illis sepulchrum, S. C. Concilii apud Pignatell. *tom. 5. conf. 5. n. 6.* Quod fuit renovatum in *Narnien. 26. Septembr. 1699.* Monacell. *form. p. 1. form. 4. n. 17. tit. 2.* Quod privilegium competit omnibus aliis Clericis, non attento sepulchro majorum, S. C. Episc. in *Foro sempronien. 1. Sept. 1690. apud eund.*

Verùm si Clerici beneficia non habent, vel sint Capellani tantùm amovibiles, in Parochiis sepeliuntur, arg. *ex c. Cum quis de sepult. in 6.* Idem dicitur, si dignitatis, vel

beneficio resignaverint , Pignatell. cit. num. 32.

12 Quæritur . Quo loco sepeliantur advenæ, peregrini, & exteri?

Distinguendum est inter externos in loco habentes habitationem, & peregrinos pertranseuntes, ut primi debeant sepeliri in Parochiali, in qua inhabitant, nisi sepulturam elegerint alibi; quia in dignoscenda Parochia, quantum ad jus sepulturæ, non attenditur domicilium, sed locus præsentis habitationis ad tempus considerabile, ut scripsit Sperellus cit. n. 11. ubi firmat, quod Parochus infantis à matre, vel tutore ad aliam Parochiam translati, is sit, in cujus Parochia moratur. Secundi verò in Cathedrali, quæ est generalis Parochia totius Civitatis, & Diœcesis. Quod Sperell. ibid. n. 14. comprobatur resolutione Sac. Congr. Episc. Quæ 5. Julii 1592. rescripsit Episcopo Fulginaten. Etiam circumscripta consuetudine, advenas, & pertranseuntes in Cathedralibus, & reliquos in Parochia, intra cujus fines obierint, si per aliquod tempus habitaverunt, esse sepeliendos. Verùm, si pertranseuntes Sacramenta à Parocho recepissent, in Parochia sepeliri deberent, quia jus sepulturæ plurimum dependet ab administratione Sacramentorum, ut communiter apud Sperellum n. 8. Quam limitationem recipiunt Doctores; juxta quam procedit enunciata S. C. Declaratio. Cæterùm si adesset consuetudo, tam favore Cathedralis, quàm Parochi, servari deberet, ut ipsi concordant DD. apud cit. Sperell. n. 14.

13 Sed quid de eo, qui habet domum hyemalem in Civitate, & æstivam in rure, & sic aequali tempore modo in una, modo in altera moratur?

Resp. Tunc, cum efficiatur utriusque Parochiæ Parochianus, in ea sepeliendus est, in qua decidit. Parificatur enim cum eo, qui in duobus locis æquè principale domicilium habet. Casus est prorsus diversus ab eo, de quo text. in c. Is, qui de sepult. in 6. quia ibi est sermo de eo, qui habitat ruri non animo permanendi, sed recreationis causa, vel ut ruralia exerseat, ad urbem postea reversurus; & propositus est de eo, qui æquè principaliter in rure, & in Civitate habitat.

14 Quæritur. Quonam loco sepeliri debeant advenæ, aliique casu decedentes in Regularium Conventibus?

Resp. Inspecto jure communi, & particularibus resolutionibus Sac. Congr. dicitur debere sepeliri in Parochiali. Ita S. Congr. Conc. in Ravennaten. 20. Januarii 1674. censuit: *Spektare ad Parochos sepelire, & ad proprias Parochias deferre cadavera eorum, qui in Monasterio recepti, sepultura non electa decesserint. Et in Ripana 3. Novembr. 1652. Non licere Regularibus, commoranti per aliquos dies in eorum Conventu, ibique defuncto, omnia Sacramenta ministrare, & in eorum Ecclesia dare sepulturam sine licentia Parochi, cui 4. funeralis debetur. Et iterùm die 3. Febr. 1694. in sequenti casu declaravit: Expugnato à Gallis presidio de Rosas, Didacus de Fonseca vulnus læthale accepit, propter quod hospitii causa coactus fuit se conferre ad Conventum S. Dominici Gerundæ, ubi Ecclesiasticis Sacramentis, Parocho irrequisito, resectus decessit: quæ de re proposito dubio: An dicto militi Fonseca potuerint Religiosi, irrequisito Parocho, Sacramenta ministrare, & corpus deponere? Respondit, detur decretum in nullius 19. Septembr. 1637. tenoris sequentis: Quidam miles occasiones infirmitatis divertit in monasterium Regularium, ibique ab eisdem Sacramentum Eucharistiæ pro Viatico, & Extremam Unctionem recepit, & ex inde obiit, Parocho, intra cujus finem Monasterium existit, reluctante. Quæritur: An administratio hujusmodi Regularibus esset permissa? S. Congr. Concilii respondit, non esse permissam. Unde dixit Antonellus ubi supra num. 22. infer. 3. eos etiam, qui hospitii causa recipiuntur in Conventu Regularium, ibique infirmantur, & moriuntur, in Parochiali Ecclesia sepeliendos esse. Quod ex eo excripsit Petra cit. num. 47. & 49.*

Propterea, viatores, & Peregrini in Monasteriis decedentes, ut laici, æquè habentur, ac si in illis non adessent, nec illa accidentaliter habitatio jus aliquod tribuit Monasterio, ut discurrit Passerinus de stat. hom. tom. 2. qu. 185. art. 4. num. 229. & 230. sicut nec tribueret alteri Parochiæ. Nam mutatio habitationis non solvit subjectionem à propria Parochia, quantum ad sepulturam, nisi vel corpus ad primam non possit commodè transportari, vel habitatio fuerit talis, ut inducat jus in nova Parochia; ut si in ista translatus sit domicilium, vel habitatio fuerit considerabilis. Eo vel maxime,

zimé, quòd Regularibus semper fuit prohibitum se ingerere in juribus Parochialibus: inter quæ annumeratur sepultura, ad quam in suis Ecclesiis nequeunt laicos admittere, nisi in eis sepulturam eligant, vel habeant illam majorum.

15 Sepeliri debent in Ecclesia Regulari obliti, quatenus habeant requisita veræ oblationis, vitæ scilicet in claustris sub obedientia Superioris cum mutatione habitus, & se ipsos, ac bona omnia Monasterio obtulerint. Nec ad hoc requiritur votum, sed sat est tradere personas, & sua bona, ac habitum mutare. Tunc enim intelliguntur se donasse vivos, & mortuos. De quo Antonellus ubi supra n. 24. & Petra n. 43. & ad Const. 3. Gregor. IX. n. 33.

Idem dicitur de iis, qui Monasterio inserviunt, & degunt intra claustra, & sunt continui commensales, juxta ea, quæ dixi cap. 6. n. 10.

16 Quæritur, quo loco sepeliri debeat Regularis decedens extra Conventum?

Resp. Casus videtur expressus in cap. Religiosi de sepult. in 6. ibi: Religiosi, nisi à propriis Monasteriis adeo forsitan sint remoti, quòd ad ea, cum moriuntur, commode portari non possint, nequeunt (cum vellet, vel nolle non habeant) sibi eligere sepulturam, sed sunt apud sua Monasteria tumulandi. Ex quo DD. concludunt, quòd, si Religiosus moriatur extra Conventum, in loco tamen, ubi est Conventus, sepeliri debet in Ecclesia Conventus, qui ratione subiectionis Religiosorum Parochia dicitur. Et quidem sine licentia Parochi, qui nullam superioritatem habet in Religioso. Quod in terminis fuit resolutum à Sac. Congr. Concilii 2. Julii 1620. in responsione ad. 10. ut dixi cap. 7. n. 24. ad 10. Ita tamen ut asportatio fiat de nocte sine Cruce, & processione, ac modo privato; prout in casu fuit hic Romæ observatum cum Religioso de isto Conventu Araceliانو, defuncto in Hospitali invalidorum, dicto de Pazzarelli.

Nec obstat, quòd Rituale Romanum in rubr. de exequiis prohibeat, ne corpora defunctorum sine solitis ritibus deferantur, & S. Congr. Episcop. in Cajetana 28. Januarii 1650. dixerit, non esse permittendum abusum sepeliendi defunctos privatim sine lumine, Cruce, & Parocho; nec debere tolerari, quod mortui in curru clauso ad Ecclesiam deferan-

tur, ut in Mutinen. 15. Febr. 1658. prout refert Pignatelli. tom. 4. consult. 199. num. 10. Nam hæc procedunt regulariter, non verò in casu extraordinario, in quo usus obtinuit, etiam in urbe, ut in certis casibus corpora privatim deferantur ad Ecclesiam, in qua facienda sunt funeralia. Quæ circumstantia concurret etiam in casu ad removendam admirationem à populo.

Cæterum, si cum pompa, & processionaliter corpus ad Conventum asportaretur, esset necessaria assistentia Parochi, si vellet interesse, quia consuetudo est, ut extra Monasterium processionaliter causa exequiarum Regulares sine Parocho non procedant, ut apud cit. Petram n. 11. Servetur tamen consuetudo.

Neque item obstat, quòd ad Parochum spectet ministrare Religioso infirmo extra Monasterium Viaticum, & Extremam Unionem; atque ita debeat corpus sepelire. Nam discrimen est manifestum ex eo, quòd administratio Sacramentorum respicit jurisdictionem localem in tali loco, in quo Regularis eam non habet, sed Parochus; sepultura verò respicit Superioritatem respectu personæ, quæ exempta est à Parocho, & subiecta Superiori Regulari, etiam extra Monasterium.

Dum tamen, stante incommoditate, non posset ad proprium Conventum transferri, textus ibidem permittit Regulari electionem sepulturæ; vel est sepeliendus in Parochia, prout ibidem Glos. notavit.

Sed petitur, quando locus dicatur esse à Monasterio remotus, vel possit Regularis sibi sepulturam eligere, vel sit in Parochia tumulandus?

Resp. Hoc relinquitur judicio prudentis viri, super quo deberet Ordinarius judicare. Nisi dicas cum Bordon. tom. 2. resolut. 51. num. 161. apud Petram, n. 31. quòd in casu locus remotus ille dicitur, qui ita distat à Conventu, ut per unicum diem corpus deferri non possit.

17 Sed quid dicendum. Si Dominicanus v. g. per transitum infirmetur in Monasterio Frat. Min. in quo decedit, & in loco, nec vicino, reperiatur Dominicanorum Conventus?

Resp. Est sepeliendus in Parochia, quando sibi non elegerit sepulturam in Ecclesia Minorum, apud quos est hospes, & non ejusdem Religionis, sicut sunt Fratres Reformati

mati D. Francisci, qui eidem Ministro Generali subduntur.

18 At petitur, cuius expensis debeant exequiæ fieri, quando Religiosus extra claustra defunctus, vel sepelitur in Parochia; vel eligit sepulturam alibi?

Resp. Expensis Monasterii, cuius est filius, vel in quo erat de familia: nam eidem acquirit in vita: ergo ipsum in morte debet onus sentire. Tum quia tenetur ad ministranda Fratribus necessaria, inter quæ est traditio sepulturæ.

19 Sed quid dicendum de Religioso expulso, & ejecto à Religione?

Resp. Iste, tamquam à Religione derelictus, est sepeliendus in Parochia, si sepulturam sibi non elegerit; ad quod habet facultatem. Nam statim ac eum Religio expellit, videtur nolle ejus corpus cum illis Religiosorum sociari, adeoque facultatem relaxare eligendi sepulturam in alio loco, ne sepultura careat.

Expensæ verò in funere faciendæ essent de ejus peculio; & quatenus eo careret, ex bonis parentum: & in casu paupertatis, gratis Parochus debere tumulare, sicut corpora cuiusvis pauperis; de quo Sac. Congregat. Episcop. in una Cassanena. 5. Maii 1617. Nicol. Flosc. verb. Sepult. numer. 21.

20 Quæritur, quo loco sepeliri debeant Confratres Confraternitatum existentium in Ecclesiis Regularium?

Resp. In Parochia, nisi alibi elegerint sepulturam. Ipsi enim non gaudent privilegiis Regularium. Quod in terminis declaravit Sac. Congregat. Conc. prout in const. Innocentii X. incip. Ex injuncto la 9. Bullar. tom. 4. §. 6. ibi, *An liceat Regularibus sepelire in suis Ecclesiis Confratres Laicos, qui sepulturam non elegerunt.* Respondit, *Confratres Laicos, si non precedat eorum electio sepulture, sepeliendos esse in eorum propria Parochiali Ecclesia.*

21 Sed quid, si adesset sepultura pro Confratribus?

Resp. Nec tunc posset apud Regulares sepeliri, nisi sepulturam elegerint, juxta resoluta à Sac. Congr. Conc. in responsione ad 7. infra n. 31. ad 7.

Cæterum quantum ad sepulturam Cordigerorum utriusque sexus, Sac. Congregat. Episcop. in una Senogallien. 22. Novembri. 1580. sic observari mandavit, *Quod ubi*

adest sepultura communis pro Cordigeris in Ecclesia Fratrum Minorum, ubi est erecta Confraternitas, sepeliantur in ea; ubi verò non est talis sepultura, moderentur, sicut ceteri seculares, & sepeliantur in Parochiali Ecclesia, si non sibi elegerint aliunde sepulturam. Lantusc. Theat. Regul. v. Confraternitas n. 12.

22 Quæritur. An pater possit eligere sepulturam filio impuberi, qui scilicet non compleverit ætatis annum 14. necessarium in viris, ut puberes esse dicantur; sicut in fœminis exigitur annus 12. per Glos. ad cap. Licet de sepultur. in 6. verb. Pubertatis.

Tamquam certum habetur, filios impuberes propter consilii imbecillitatem, & quia habent sensus sopitos, non posse sibi eligere sepulturam, ut scribentes concordant, Sperellus dec. 89. num. 2. Ventriglia praxis tom. 1. annot. 5. 2. §. Cui num. 11. Petra cit. ad const. 2. Honor. III. sect. unic. nu. 3. Proinde, si decedant, sepeliendi sunt in Parochia, vel in alia Ecclesia, in qua sit sepulchrum Maiorum, quoad quidem præfertur Parochiæ, juxta doctrinam Sperelli dec. 88. n. 4. A quo in fine decisionis refertur Sac. Congr. Episcop. in una Asculana 21. Octobr. 1616. resolvisse, *Cadaver. cuiusdam puella restituumdum esse Fratribus Conventualibus Sancti Francisci, in quorum Ecclesia Majorum sepulchrum existerat Et S. R. Congregat. in una Ariminen. 26. Novembr. 1629. puerum in majorum sepulchro esse sepeliendum.*

23 dicitur sepulchrum maiorem, hoc est, in quo pater, & avus sepulti sunt, quod si in diversis sepulti sint, attendendum est sepulchrum patris; modò pater non casu, vel ex accidenti ibi fuerit positus, ut ibidem Ventriglia num. 24. & Sperell. num. 9. nec fuerit sepultus in sepulchro extraneo, quia tunc sepeliri debent in illo avi.

Sicut, si in eadem Ecclesia sit sepulchrum gentilitium, seu familiare, & hæreditarium, attendendum est primum, & postea secundum: cum & istud dicatur aliquo modo maiorum, ex observatis à Petra num. 25.

Prædicta autem regula, quod decedens sine electione sepulture sepeliendus sit in sepulchro maiorum, non procedit è converso, adeòt si moriatur pater, vel avus, debeat sepeliri in sepulchro filii, vel nepotis, quia

quila ascendentes non sequuntur sepulchrum descendendum, nec transversales sepulchrum transversalium, nisi sint hæredes & sepultura hæreditaria, nec sit ibi facta electio, per *cit. Ventrigl.*

Quod sepultura maiorum sit familiaris, vel hæreditaria probatur inscriptionibus, quæ in illa juxta praxim communiter receptam apponi solent.

In casu verò, quo non esset sepulchrum majorum de ascendentibus paternis, videtur illud de maternis dari in subsidium, per *Petram num. 25.*

24 Modò ad quæsitum, videtur affirmandum (considerando tamen, quòd si filius impubes non decedat tempore impubertatis, sed ex infirmitate convalescens fiat pubes, non potest amplius sepeliri in sepultura à patre ipsi electa, nisi ipse factus pubes ratur id habeat,) juxta Decretum Sac. Congregat. Regular. sub 20. *Januar. 1640. apud Peyrin. de privileg. Regul. in fin. tit. Decret. novis. Sac. Congregat. Et 5. Julii 1675. in una Vercellen. decrevit licere parentibus in quacunque Ecclesia voluerint, etiam Regularium eorum, filiis minoribus, qui ad annos pubertatis nondum pervenerint eligere sepulturam; nec à Parochis locorum impediri posse, aut debere præsertim verò, si in distis Ecclesiis sepeliri consueverint, vel in eis habeant sepulchrum maiorum.*

25 Verùm id non est adeò absolutè resolvendum, ut dixit *Sperellus d. decis. 89. n. 3.*, & post eum *Petra à num. 9.* Sed cùm limitatione, hoc est, patrem id posse, si consuetudo loci id habeat, ut in terminis loquitur text. in *c. Licet.* Et ad consuetudinem recipiens S. Congreg. Concil. in *Placentina 27. Novembr. 1649.* ad primum respondit: *Patrem, si consuetudo loci id non habeat, eligere non posse. Et aliàs, prout in d. const. Innoc. X. ad dubium, An mater pro filius impuberis possit eligere sepulturam?* Respondit, *non licere matribus eligere sepulturam pro filiis impuberibus, cessante legitima consuetudine.* Quare ubi hæc non reperitur, nec patri, nec matri ea facultas conceditur. Proinde tale jus competit patri ratione consuetudinis, non verò ratione Patriæ potestatis, quæ cùm sit de jure civili introducta, non extenditur ad electionem sepulcræ, quæ est quid spirituale, per *cap. Quæst. 13. quæstion. 2.*

Et cùm dicta consuetudo patri permittatur ab jure, *d. cap. Licet, & cap. de Uxor. §. de sepult.* dicitur rationabilis (ut notavit *Sperell. decis. 69. num. 8.* Verùm debet esse legitime præscripta; & quoniam patri assistit jus ad eligendam sepulturam filio impuberi, sufficit consuetudo spatio decem annorum præscripta. In matre verò, cui jus non assistit, requiritur tempus quadraginta annorum ad præscribendum, per *Sperellum num. 20.*

An autem possit Pater etiam post mortem filii? *Petra* negat, quia tunc non est amplius sub patria potestate: sed tu attende consuetudinem.

Nec obstant Doctores, & resolutiones in contrarium, quia, ut notavit *Nicol. ubi supra verb. Pater à n. 5. §. Hodie circumferuntur*, dictæ resolutiones nihil diversum habent textui in *c. Licet.* in quo consuetudo consideratur. Quare dicto illa præsertim accipitur pro conditionali si, adeò ut sensus sit: tunc pater potest eligere sepulturam, si sit consuetudo. Et refert id fuisse declaratum à Sac. Congr. Episcop. 19. Junii 1648. Quatenus autem in Ecclesia Regularium sit sepulchrum maiorem, etiam præcisa consuetudine, licet pater non elegerit debent ibi impuberes sepeliri, ex resolutis à Sac. Congr. Concil. in *Novarien. funerum 15. Martii 1704.* Ad primum respondit affirmativè quoad secundam partem. Nam tunc non pater, sed jus elegit sepulturam, mandans, ut tam pubes, quàm impubes sepeliantur in sepulchro majorum, si, in electa sepultura, decedant, *Glos. in cit. cap. Licet verb. in Parochiali. Vide cap. 33. num. 15.*

26 Nota, quòd uxor sepelitur cùm viro: & quæ habuit plures maritos, sepelitur in sepulchro ultimi, per *cap. Is, qui §. Mulier de sepult. in 6.*

Limitatur I. Nisi uxor elegerit sibi sepulturam diversam. Quod & sine viri licentia potest facere, quia, etsi in aliis sit viro subordinata, in hoc est sui juris, nec tenetur in morte virum sequi, sicut tenetur in vita *Sperellus d. dec. 88. n. 18.*

Limitatur II. In casu, quo uxor non fuerit à viro cognita, nec traducta, quia tunc non acquisivit domicilium, nec viri cognomen.

Limitatur III. In casu, quo divortium ob ipsius uxoris adulterium fuit celebratum.

tum. Nam tunc viri domicilium amisit, apud alleg. Sperell. n. 17.

Item observa, quòd, si mulier moriatur prægna, fœtus in ventre mortuus, & non extractus tamquam pars ventris sepelitur unà cum matre in cœmeterio, vel Ecclesia. Si verò extractus sit, ipse, utpote non baptizatus, extra locum sacrum, & Mater in Ecclesia, vel cœmeterio sepeliri debet.

27 An autem electio sepulturæ possit committi voluntati alterius? Dubitant DD. Sed tenendum cùm Ventrigl. num. 39. non valere commissionem, seu mandatum de eligenda sepultura, quia agitur de præjudicio Parochialis Ecclesiæ: nisi commissarius eligat, vivente, & sciente principali. Cum quo transiit Petra cit. num. 43. putans opiniones posse conciliari dicendo, commissionem posse dari ad eligendum unum locum sepulturæ præ alio in Ecclesia; quod potest fieri, etiam post mortem, cum jam supponatur in vita facta electio sepulturæ in tali Ecclesia.

De sepultura mulierum tertii Ordinis; vid. cap. 52.

28 In subsidium libertatis electionis sepulturæ est Clericis, & Religiosis in virtute Sanctæ Obedientiæ, & sub interminatione maledictionis æternæ prohibitum, ne aliquas medio voto, vel juramento, aut pacto, seu promissione inducant, ut apud eorum Ecclesias sepulturam eligant, vel jam electam ulterius non immutent. c. Animarum de Sepult. in 6. sub pœna nullitatis electionis, aliisque, prout in text.

Neque est dubium sic inducentes mortaliter peccare peccato inobedienciæ, quod est gravissimum; cùm omnes teneantur obedire Summo Pontifici. Obligationemque sub mortali firmat adjecta pœna maledictionis æternæ, per quam non excommunicatio, sed pœna æterna comminatur pro peccato mortali transgressionis huius præcepti: ex observatis à Ventrigl. cit. n. 36.

29 Propter quod etiam incurritur ipso facto excommunicatio Papæ reservata, ut expresse text. in Clement. Cupientes §. Sa. ne de pœnis. Quæ excommunicatio incurritur, licet effectus sepulturæ non sit subsequutus, modò sequatur effectus immediatus inductionis, hoc est electio per juramentum, votum, vel pactum; ideò non sufficit promissio de eligendo, ut dicatur

inductio facta, per Sylvestrum sum. verb. excommunicatio n. 49. contra Bonac. tom. 3. de excomm. in par. disp. 2. quæst. 5. punct. 4. num. 2. vers. Secundò ex alleg. Ventriglia num. 37.

Advertendum tamen, prædictas pœnas non procedere contra inducentes ad eligendam sepulturam in aliena Ecclesia; sed de necessitate exigitur, ut quis inducat ad sepulturam in Ecclesia ad se pertinentem, quod probat evidenter textus in d. cap. & Clement. ibi: Ut apud eorum Ecclesiam sepulturam eligant.

Nec locum habent contra ignorantes prohibitionem, dummodò ignorantia non sit affectata; sed inducto debet esse facta scienter, & cum temeritate, quæ scientiam legis supponit. Nam Clement. habet ibi: Sanè temerarios violatores.

30 Cum electio sepulturæ sit quid facti, probari debet, & non præsumitur. Probat autem, vel testamento, & codicillo, vel signis, aut per Confessarii dictum, Genuen. prax. c. 76. num. 8. Et sufficiunt probationes per duos testes singulares: modò non sint singulares singularitate obstativa alleg. Petra num. 21. Nec dicitur electio probata, si probetur propositum: ut si testes deponant infirmum dixisse: Desidero sepeliri in tali Ecclesia: quia desiderium, seu propositum eligendi, non est eligere, sicut propositum vovendi, non est vovere, ut pluribus citatis scripsit Ventriglia ubi supra nu. 45. Et in materia electionis sepulturæ notes responsa Sac. Congr. Conc. ad infra-scripta dubia.

I. An sit valida electio sepulturæ, quam quis, sive sanus, sive infirmus, coram Parocho elogerit?

II. An ad validitatem electionis sepulture requiratur testamentum in ultima infirmitate, vel sufficiat, quòd eligatur antea per alium actum publicum, qui testamentum non sit?

III. An sit nulla electio sepulturæ, quando ipsa eligitur per testamentum factum in vita, & non in morte?

IV. An, qui habet Cappellam suæ familiæ cum propria sepultura, aut Capellam exerceat cum sepultura propria, moriens absque sepultura electione sepeliendus sit in Cathedrali?

V. An valide eligatur sepultura coram duobus testibus?

VI. An

VI. An electio sepultura per nutus, & signa in casu, quo quis loqui non possit, sit valida?

VII. An Confratres sodalitatum, non electa sepultura, possint sepeliri in sepulchro sue Ecclesie?

VIII. An electiones sepultura, que jure presumuntur, sicut uxoris respectu mariti; filii respectu patris, eorumque majorum, ac servorum respectu dominorum, sint valide?

IX. An, qui post mortem mandat suum corpus indui habitu tertiariorum, sit sepeliendus in Ecclesia Regulari?

Ad quæ sub die 13. Februarii 1666. respondens, declaravit, censuit, & decrevit, ut sequitur.

Ad primum. Censuit esse validam; dummodo Parochus non testetur ad proprium commodum.

Ad secundum. Censuit non requiri necessarium testamentum.

Ad tertium. Censuit non esse nullam.

Ad quartum. Non esse sepeliendum in Cathedrali.

Ad quintum. Esse validam.

Ad sextum. Esse validam; dummodo sufficienter constet de voluntate eligentis.

Ad septimum Negative.

Ad octavum. Censuit, quatenus electa non fuerit sepultura, uxorem in sepulchro ultimi viri sepeliendam, filios vero in sepulchro majorum, servos autem in Parochia.

Ad nonum. Censuit negativè. Pignatell. tom. 1. consult. 17.

Sed necesse est, ut in ea sepulturam eligat, ut sub die 23. Novembris 1582. Sac. Congr. Episc. & Regul. rescripsit Episcopo Novariensi, Pignatell. tom. 1. consult. n. 20. & non esse de necessitate in eorumdem Ecclesiis sepeliendum, habetur §. 8. Const. Dum intra Leonis X. 22. Bull. tom. 1.

31 De sepultura tertiariorum lege Decret. alleg. cap. 52. & ex §. 2. & 5. inferas. Quoad illam Cordigerorum vide sup. 2. 21.

CAPUT XLIX.

Officialis quoad Simoniam in Beneficiis.

SUMMARIUM.

- 1 Inordinatio, & deformitas simonia, ex triplici oritur capite.
- 2 Simonia describitur.
- 3 Alia est Simonia jure divino prohibita, & alia Constitutione Ecclesiastica inducitur.
- 4 Non potest pro assequendis beneficiis aliquid pretio æstimabili dari, promitti, vel recipi.
- 5 Beneficiorum Ecclesiasticorum membra; usque ad n. 6.
- 7 Beneficii Ecclesiastici descriptio, & ejus à pensione distinctio.
- 8 Parochia, etiam pleno jure Monasteriis unita, habent curatos amovibiles.
- 9 Finis institutionis beneficiorum Ecclesiasticorum.
- 10 Beneficia Ecclesiastica dantur propter officium.
- 11 Tria considerantur in beneficio Ecclesiastico.
- 12 An fructus beneficii vendi possint?
- 13 Beneficium debet Ecclesiastica auctoritate institui.
- 14 Beneficium Ecclesiasticum prærequirit Clericatum, vel primam tonsuram in providendo.
- 15 Et debet à persona Ecclesiastica conferri.
- 16 Permutare propria auctoritate beneficia est simoniacum.
- 17 Forma resignandi beneficia.
- 18 Præfinita à B. Pio V. circa resignationes beneficiorum.
- 19 Excessus in pinguiori beneficio non potest pecunia compensari, usque ad num. 24.
- 25 Committitur Simonia dando pro beneficio temporale, quamvis detur, non ut pretium, sed ut motivum, vel etiam ut graminata compensatio.
- 26 Beneficium obtentum interventu pecunie, etiam ignorantibus collatore, & proviso, est simoniacè adeptum.
- 27 Examinatores ad beneficia simoniacè recipiunt, qua occasione examinis accipiunt.

- 28 *Prave consuetudines recipiendi aliquid pro beneficiis damnantur à Trid.*
- 29 *Episcopi ab ordinatis non possunt recipere nisi cereum.*
- 30 *Fundans beneficium hoc pacto, ut sibi conferatur, simoniace accipit, dum ei confertur.*
- 31 *Conditiones in iure expressæ in beneficiis Simoniam non inducunt.*
- 32 *An Confessarius committat Simoniam, si neget absolutionem pœnitenti, qui renuit sibi rem injustè ablatam restituere?*
- 33 *Quando preces non inducant Simoniam?*
- 34 *Episcopatum non licet appetere: & distinguere.*
- 35 *Confidentia beneficalis prohibetur. Et quot modis possit evenire?*
- 36 *Pecunia in dispensationibus matrimonialibus non recipitur ut dispensationis pretium.*
- 37 *Annate à Camera Apostolica licitè recipiuntur; & quid sit annata? & ibi plura videantur.*
- 38 *Pœne Simoniacis statuta in materia beneficiorum, usque ad 43.*
- 44 *Pecunia per Simoniam recepta, est restituenda, etiam ante sententiam Iudicis.*
- 45 *Restituendi sunt fructus beneficii Simoniacè scienter acquisiti.*
- 46 *In Simonia crimine non datur parvitas materie.*
- 47 *Beneficiatus intendens primariò redditus temporales committit simoniam mentalem.*
- 48 *Decreta S. Congr. Conc. super axactionibus prohibitis Episcopis, eorumque Officialibus.*

I **A**uctor Simonie in novo Testamento fuit Simon Magus, qui, cum Actor. 8. vellet emere Spiritus Sancti gratiam; à Petro audivit: *Pecunia tua tecum sit in perditionem, quia donum Dei existimasti pecunia possideri.* Est species sacrilegii, & execrabile vitium: cuius malitia consistit in irreligiosa, & indigna tractatione rei sacre, vel spiritualis, dum ita vilis putatur, ut venire possit in commutationem rerum temporalium; vel quòd dona spiritualia existimantur esse in potestate, & commercio hominum. In quo inordinatio, & deformi-

tas habetur ex triplici titulo. Primò, per ordinem ad Deum, cui atrox injuria inferitur, ut in *c. Eos* l. q. 1. Secundò, ex parte rei, quæ venditur, quæ, cum longè sit excellentior omni pretio temporali, *c. Illud*, *c. Solite* §. *praterèa de majorit. & obedien.* iniquè emitur, & venditur, ac in pactum deducitur. Tertiò, ex parte ejus, qui vendit, & paciscitur, qui, cum non sit dominus rei spiritualis, *c. Fraternitatem de donationib.* non potest etiam licitè vendere, & de ea pacisci. Et potest conjungi cum hæresi: ut, si quis putet dona Dei, & res spirituales posse pretio comparari, & in pactum humanum venire. Et idè Simonia hæresis vocatur, *c. Quoties de simon.* quatenus origine sua in Simone fuit hæresis, & hodie esse potest, si ille error interveniat.

2 Simonia est studiosa voluntas, sive actus deliberatus cum advertentia ad malum, emendi, aut vendendi spiritualia, aut spiritualibus annexa. Emptio, & venditio includunt omnem contractum, in quo res temporalis pro spirituali datur. Item conventiones, & pacta, sive nominata, ut sunt *permutatio, transactio, locatio &c.* sive innominata, ut *do, ut des; facio, ut facias; facio, ut des.* Atque ita ad Simoniam tria concurrunt. I. Res spiritualis, seu spirituali annexa. II. Pretium temporale. III. Pactum implicitum, aut explicitum.

Appellatione spiritualis hic venit quodcumque supernaturale, seu, quod procedit à Deo, ut est author gratiæ, & ad finem supernaturalem conducit. Id enim dicitur spirituale, sive sit in se spirituale, ut sunt fides, spes, charitas, dona Spiritus Sancti &c. sive sit spirituale ut causa, ut Sacramenta, quæ causant gratiam sanctificantem; & Ordo confert etiam potestatem ad consecrandum & absolvendum: sive ut effectus, qui à spirituali potestate procedunt, ut est administratio Sacramentorum, consecrationes Virginum, vaforum, locorum, concionari, dispensare in votis, vel in impedimentis matrimonii, super irregularitate, functiones Ordinum exercere, & similia.

3 Duplex est genus Simonie: aliud divino jure prohibitæ, & aliud Ecclesiastica Constitutione inductæ. Hinc sequitur, ut quædam sint prohibita, quia Simoniacæ, & quædam Simoniacæ, quia prohibita. Prohibita, quia Simoniacæ, sunt vendere gratiam, Sacramenta, impositionem manuum, con-

consecrationes, actus Ordinum, absolutionem &c. Quod prohibentur utriusque testamenti auctoritatibus; nam sicut gratis sunt accepta ita gratis debent dari, ut dicitur *Matthæi c. 10.* & patet ex adducto *Actor. 8.* Inter simoniaca verò, quia prohibita, annumerantur, vendere officium œconomi Ecclesiæ, *c. Salvator 1. q. 1. item*, permutare beneficia, vel ea resignare cum pacto, ut pensiones solvantur, *c. Quæsitum cum sua glos. de rer. permut. c. Sicut unire de excessib. Pralat. c. Prohibemus de censibus*: de qua re vide Fagnan. in *1. ad c. Cum pridem de pactis* & hinc nota nonnullorum dubiorum resolutiones.

4 Quæritur. An possit absque simonia recipi, dari, vel promitti pecunia, vel aliquid pretio æstimabile pro collatione, præsentatione nominatione, institutione, confirmatione, possessione, vel receptione beneficii Ecclesiastici?

Resp. Negativè. *cap. Pactiones de Pactis cap. Super eo de transactionibus, cap. Ut nostrum, ut Ecclesiast. benefic. sine diminut. &c. c. Tua de simon. & Trid. sess. 24. cap. 14. de reform.* Ratio est, quia licet redditus beneficii sint temporales; titulus tamen beneficii, seu jus illud, ex quo percipiuntur redditus, est res spiritualis, vel spirituali annexa consequenter, aut dependenter. Et ita, dum illud jus venditur, aut pro eo aliquid recipitur, censetur propter connexionem vendi id, cui adnectitur, & pro ea recipitur.

5 I. nonnulla hic sunt prænotanda, ad beneficiorum Ecclesiasticorum notitiam conferentia. Beneficia alia sunt *curata*, alia *simplicia*. *Curata*, quædam sunt propriè curata: quæ nimirum curam animarum pro foro interno, & Sacramentali habent, ut Episcopatus, & Parochiæ; & quædam minus propriè curata nominantur, quibus jurisdictio spiritualis quoad forum externum adnectitur: propter quod beneficiatus potest causas Ecclesiasticas tractare, inquire, corrigere, censuras ferre, absolvere &c. *Simplicia* sunt, quæ curam animarum annexam non habent: ut sunt Capellanæ, & similia beneficia habentia obligationem dumtaxat recitandi divinum Officium; legendi Missas &c.

6 Dubitari posset de Canonicatibus, an sint beneficia simplicia? Ad quod videtur ex titulo, quod curam animarum non habent

affirmandum esse. Cæterum, quia personalem residentiam requirunt, à beneficiis simplicibus censentur esse diversa, arg. ex *cap. Quamvis il 1. de præbend. in 6.*

II. Beneficia quædam sunt *manualia*; ut, quæ conferuntur revocabiliter ad nutum Superioris. Quædam *non manualia*, quæ conferuntur in perpetuum huiusmodi sunt verè, & propriè beneficia.

III. Quædam sunt *collativa*; & sunt, quæ auctoritate Episcopi eriguntur, & Ecclesiasticis conferuntur. Quædam *non collativa* (& propriùs dicuntur Capellanæ,) & sunt ea in cuius erectione nulla intervenit auctoritas Episcopi; sed consistunt in assignatione determinata salarii pro celebratione, & servitio præstando; & ita non sunt beneficium, nec obligant ad divinum Officium, nec dant titulum ad Ordines; neque pactum, si intercedit, facit simoniam, quia non sunt beneficia Ecclesiastica, sed solum pia legata.

IV. Quædam sunt *Patronatus*, quæ ad præsentationem patroni à Prælato Ecclesiastico conferuntur. Et quædam *Electiva*, ad quæ quis per viam electionis assumitur.

V. Alia sunt beneficia *Sæcularia*, alia *Regularia*. Sæcularia dicuntur, quæ ex fundatione, vel succedente præscriptione Clericis sæcularibus tantum conferri debent; Regularia verò, quæ, vel ex fundatione, præscriptione, aut Summi Pontificis privilegio, Regularibus tantum sunt conferenda, *c. Cum de beneficio d. tit. in 6. cap. Inter quatuor de Religios. domib.*

7 Beneficium itaque Ecclesiasticum describitur: *Est jus ad percipiendos redditus Ecclesiasticos ratione spiritualis Officii, vel ministerii; Ecclesiastica institutione perpetuum, & persona Ecclesiastica ab Ecclesiastica persona collatum. Dicitur jus perpetuum: per quod differt à pensione Ecclesiastica, quæ solum est jus percipiendi certam portionem ex aliqua mensa, vel beneficio, ex causa ad tempus, non in perpetuum, ab auctoritatem habente separatam, quæ ad mortem pensionarii extinguitur, & non vacat; beneficii verò non exst inguitur, sed ad mortem beneficiati vacat, quia auctoritate Ecclesiastica institutum est, ut sit perpetuum.*

8 Dices. Parochiæ pleno jure unitæ, & incorporate Monasteriis, sunt vera beneficia, & tamen nulli conferuntur in perpetuum,

tuum, sed solum Vicariis, qui ad nutum Superioris removeri possunt, per dicta *cap. 36. num. 16.*

Resp. Illa incorporatio succedit loco collationis perpetuæ cum titulus beneficii sit penes Monasterium, & superior Monasterii est principalis rector, ac beneficiatus talis Parochiæ. Qui verò Episcopo præsentantur, ut actu curam animarum exerceant, sunt tantum Vicarii temporales, & habent beneficia manualia. Et propterea dicuntur pleno jure Monasteriis unitæ, quia præter jus percipiendi temporales redditus, etiam administratio spiritualium scilicet cura animarum, translata est in Monasterium. Cæterum ubi aliquis Vicarius perpetuus, seu, ut loquuntur DD. investitus, per text. in *cap. Sanctorum 70. dist.* constituerentur, talis verum beneficium habere censeretur, quia Vicaria perpetua venit appellatione beneficii, *cap. Potulasti de rescript.*

9 Dicitur *ad percipiendos redditus Ecclesiasticos.* Quia beneficia ad Divinum Cultum, & Ecclesiastica munia obeunda sunt instituta, ex Trid. *c. 3. de ref. sess. 21.* Adeoque & ad sustentationem Ministrorum, per quos Divina Officia debent peragi, ut non obscure ibid. textus significat. Ad quem effectum beneficiorum fundatores sua bona Ecclesiis, locisve piis pro Ecclesiasticis functionibus peragendis tradiderunt.

10 Dicitur, *Ratione spiritualis officii.* Quia beneficium datur propter officium vel ministerium spirituale, *c. Quia per ambitionem de rescript. in 6. & a Glos. in ver. datur ibid.* dicitur sequela officii: & proinde privatus officio, privatus beneficio intelligitur, d. Glos. *ibid. & cap. Pastoralis de appell.* Diciturque annexum rei spirituali consequenter, & à spiritualibus dependens. Quinimo jus stipendii in Clericis divinis officiis deputatis spirituale esse videtur; siquidem statim, ac illis mancipantur, ex jure divino jus habent, ut ab Ecclesia sustententur, *c. Clerici t. q. 2. Dignus est enim operarius mercede sua, 1. ad Thimot. 5. & qui ad onus eligitur, repelli non debet à mercede, c. Cum secundum de præbend. & ut dicitur 1. ad Corinth. 9. qui Altari deserviunt, cum Altari participant.*

Et quoniam beneficium datur propter officium, ideo beneficiatus tenetur legere Breviarium, etiam ex Const. Leonis X. *Super*

perna 7. Bullar. tom. 1. ubi §. 38. statuitur, quod obtinens beneficium cum cura, vel sine, teneatur post sex menses ad recitandas horas Canonicas; quatenus verò, legitimo impedimento cessante, eas non legit, fructus beneficii pro rata omissionis recitationis suos non facit, & tenetur eos, tamquam injuste perceptos, erogare, vel in fabricam Ecclesiæ dd. beneficiorum, vel in pauperum eleemosynas. Quod subinde innovavit B. Pius V. Constit. Ex proximo 135. Bul. tom. 2. addita taxa restitutionis faciendæ ad ratam omissionis recitationis.

Nec est expectanda sententia Judicis, ut pessimè dixit Author 20. *propositionis* inter alias proscriptæ ab Alex. VII. 24. *Septemb. 1665.* sed obligatione conscientie ante eam tenetur beneficiatus restituere. Onus restitutiones hic oritur ex justitia comutativa læsa; quoniam inter Ecclesiam, & beneficiatum celebratur contractus, utrinque obligatorius; Ecclesia se obligat ad præbendam sustentationem, & mercedem laboris beneficiato; hic verò se obstringit Ecclesiæ ad exhibendum servitium & obsequium in Officio, & Ministeriis Sacris; cui obligationi non respondet, cum horas Canonicas omittit recitare: & ideo ex non observato contractu restituere tenetur.

11 Hinc in beneficiis Ecclesiasticis tria considerantur. Primò, officium spirituale, seu deputatio ad Divinum Cultum, in recitatione horarum, Missæ, administratione Sacramentorum &c. Secundò, jus percipiendi redditus. Tertiò, ipsi redditus in mercedem laboris, & sustentationem beneficiati.

Primum est spirituale, importans rerum spiritualium exercitium, & executionem: estque principale in beneficio, & propterea omnino invendibile, ipsumque vendere est prohibitum, quia in se simoniacum.

Secundum pariter est invendibile propter connexionem, & necessariam dependentiam à re spirituali, seu sequelam ad officium, & ministerium spirituale, in quo fundatur, & sine quo non provenit, consequenter ipsum vendens, & officium vendere censetur, per *cap. Si quis objecerit t. q. 3. ibi: Quis horum alterum vendi, sine quo nec alterum provenit, neutrum invenditum derelinquit.*

12 Tertium, hoc est fructus, est certum

tum ab ipso collatore, vel nominante ad beneficium non posse beneficiato vendi: tum ex quo ii non possint vendi à non domino, *l. 1. C. de usucap. pro empt. collator autem non est dominus fructuum percipiendum; proinde vendendo committit iniustitiam, quia vendit, quod suum non est: tum quia conferre alicui Clerico beneficium, & vendere illi fructus percipiendos, aliud non est, quàm vendere illi executionem proprii, & spiritualis juris; proinde venditio est simoniaca.*

An autem possint vendi ab ipso beneficiato? Videndus Fagnan. in *1. ad cap. Cum pridem de pact. num. 110.* Id autem videtur repugnare obligationi, quæ est in beneficiatis ad eroganda superflua ad honestam sustentationem in pios usus, ut dixi *cap. 44. n. 5.* ac esse contra *c. Ambitiosa de reb. Eccles. non alienan. inter comm.*

13 Dicitur, *Ecclesiastica institutione perpetuum*: institutum nimirum; ut sit perpetuum. Per quod constat, quòd ubi relinqueretur redditus, etiam in perpetuum, ad effectum, ut in tali Capella legerentur Missæ, nisi accederet autoritas, & approbatio Episcopi, vel Sedis Apostolicæ, non diceretur beneficium Ecclesiasticum fundari, sed solum pium legatum institui: quoniam *ex cap. Nemo dist. 1. de consecrat.* beneficium Ecclesiasticum exigit erectionem canonicam.

14 Dicitur, *persona Ecclesiastica.* Quia Laicus non est capax Ecclesiastici beneficii: quod requirit Clericatum in eo, cui est conferendum, vel saltem Clericali tonsura esse initiatum, *c. ex Litteris de transact. & facit const. Sixti V. Cum Sacrosanctum 92. Bull. tom. 2. ubi §. 2. & 3. Statuitur, ut Clerici obtinentes pensiones debeant tonsuram, & habitum Clericalem deferre, alioquin illis ipso facto privantur; & in futurum, non nisi actu Clericis in habitu Clericali, & tonsura incidentibus, pensiones Ecclesiasticæ reserventur.* Et inde dictum eos habere pensiones, ut Clericos. Qua propter prius est esse Clericum, quàm beneficiatum.

15 Tandem dicitur: *Ab Ecclesiastica persona collatum*: nimirum à Summo Pontifice, vel Episcopo juxta conditionem beneficii: nunquam tamen à Laico conferri debet, aut potest, *cap. Ex frequentibus de institut.*

Præmissis nonnulli casus subnectuntur,

in quibus secundum Canonica jura, Apostolicaque rescripta, simonia in beneficiis committitur, remisso lectori ad Autores quoad ceteros.

16 Committitur itaque simonia in permutatione, & resignatione beneficii, in quibus pecunia, vel aliud temporale intervenit *c. Super hoc de renunciat. c. Exhibita de rerum permutat. & c. Querelam de Simon. ibi: Sicut emi non potest, ita nec redimi.*

17 Et procedit etiam, ubi agitur de permutatione beneficii cum alio beneficio, ut expresse textus in *cap. Cum universorum de rer. permutat.* & ibi Glos. verb. *definitur* dixit: nulli possunt de iure sua auctoritate ad invicem permutare. In permutatione purgatur vitium simoniæ à Superiore, Papa nimirum, vel Episcopo (quoad beneficia de sua collatione.) Tunc enim permutantes non obtinent beneficia vi particularis pactionis, sed vigore novæ collationis. Nam ea resignante in manu superioris, qui propter causas sibi bene visas, eis de novo beneficia commutando confert: ut per Gonzal. in *1. tit. 35. c. 8. n. 4.*

18 Quæcumque resignatio beneficii facta sub conditione, ut detur tertiæ personæ, est invalida, & simoniaca, si fiat coram Ordinariis, & quibuscumque aliis Prælatis, inferioribus Romano Pontifice. Unde Ordinarii similes resignationes acceptare non possunt, per *const. Beati Pii V. Quanta 58. Bular. tom. 2.*

In qua tamen §. 3. eis conceditur, ut valeant beneficiorum permutationes admitttere, quæ Canonicis Sanctionibus, & Apostolicis Constitutionibus permittuntur. Pluresque casus enumerantur, in quibus possunt resignationes beneficiorum recipere; sed nunquam debent, nisi resignantes ostendant se aliundè habere, quo possint commodè sustentari. Quibus interdicitur, ne cum resignantibus de successore in beneficio conveniant, vel paciscantur, prout §. 4. & seq. §. prohibentur beneficia resignanda suis, vel resignantium consanguineis, affinibus, vel familiaribus conferre. Deinde pœnas apponit, ibi videndas.

Negotium admissionis, resignationis, & provisionis intra mensem debent absolvere juxta *const. Greg. VIII. Humano 85. ibid.* in qua præfinitur forma publicandi resignationes beneficiorum.

Cæterum, licet regulariter ad permutationem

tationem requiratur semper consensus partium, tamen aliquando Episcopus potest Clericum cogere, ut suum beneficium cum altero permutat, si minus idoneus sit ad administrandum, vel causerit scandalum, aut similis causa necessitatis, vel utilitatis Ecclesie subit, *c. Quæsitum de rer. permutat. & ad formam Decreti Concil. Trident. cap. 6. sess. 21. de reform.*

19 Item committitur simonia, dum, posito etiam, quod legitima autoritate permutantur, tamen habens beneficium pinguius, & cum majoribus redditibus, vult, ut ab altero excessus, pecunia, vel alia re temporali compensetur. Nam, cum in casu fiat permutatio quoad titulum beneficii, & fiat percipiendi fructus, pecunia intelligitur data non pro fundis, & agris, quorum beneficium non sunt domini, sed pro titulo spirituali, vel saltem spirituali annexo, aut jure percipiendi ampliores redditus: aliàs absolute beneficia vendi possent, si venditor diceret se titulum beneficii alteri donare, & tantum annuos redditus vendere; quod quidem absurdum est, & reprobatur in *d. c. Si quis objecerit, & cap. Ut nostrum §. omnibus, in Eccles. Benef. &c.* ibi: *Ecclesiastica beneficia sine diminutione debent conferri.*

Textus autem in *cap. Ad quæstiones de rer. permutat.* in quo videtur concessum, quod pro beneficio minus valente pretium suppleatur, procedit dumtaxat, ubi agitur, si duo Monasteria velint Parochias, aut beneficia sibi unita inter se permutare (subintellecta semper autoritate Superioris) est tunc licitum, excessum reddituum pecunia compensare; quia pecunia datur pro ipsis agris, & fundis, qui temporales sunt, & per unionem reputantur inter alia temporalia Monasteriorum bona. Quod non potest verificari in casu permutationis beneficiorum, quia in eo permutatio non cadit super fundis, & agris, qui non sunt de dominio beneficiati, sed principaliter super titulo, & jure percipiendi redditus; & hinc pecunia non potest intelligi data pro ipsis fundis, sed pro titulo, ex dictis supra. Quinimmo in primo casu Pontifex respondet duos contractus esse celebrandos: unus contractus debet esse de Ecclesiis Parochialibus per se: & alius contractus per se de possessionibus, ut etiam *Glos. in notabil. ponderavit.*

20 Item committitur, dum quis legitima autoritate resignat suum beneficium in favorem alterius, si ab eo recipiat expensas factas in illo obtinendo, *cap. Cum pridem de pactis.* Pecunia enim, quæ datur, recipitur pro re spirituali, quæ resignatur, per *Glos. ibidem verb. non duximus.* Unde sit generalis regula, quod in spiritualibus nulla pactio illicita est facienda, nec aliquid dandum, etiam pro expensis.

21 Committitur per transactionem in lite beneficiaria: ut, dum per compositionem adversario traditur pecunia, ut specialiter desistat: textus apertus in *cap. Constitutus de transact.* ibi: *huiusmodi transactiones speciem continent simoniae.*

Dices. Concordant DD. licitum esse conferre pecunias ad redimendam litem vexationem, seu molestiam ab alio injuste illatam.

Maxima DD. juxta doctrinam D. Thoma 2. 2. q. 100. art. 2. ad 5. procedit de eo, qui in beneficio habet jus acquisitum, completum, & indubitatum per electionem, & collationem, ipsum pleno jure possidendo. Nam in casu, non datur pecunia ad acquirendum ius spirituale, quod iam supponitur completè acquisitum, sed solum ad tollendum injustum impedimentum, quo quis in possessione beneficii vexatur. Sicut daretur prædioni, ut quis de suis manibus liberaretur.

22 Quæ non sunt aptabilia ad casum, in quo quis habet solum jus ad beneficium, acquisitum per concursum, electionem, vel præsentationem; sed adhuc eger confirmatione, & collatione. In casu, quando vexatio apponitur ab his, qui aliquo modo possunt concurrere ad conferendum beneficium, non licet ab eis pecunia vexationem, & molestiam redimere, per *c. Mattheus, c. Sicut tua de simonia.* Nam hoc esset sibi pretio viam ad rem spirituales parare: collatio enim pecuniæ, vel esset ipsa juris spiritualis acquisitio, vel ex ea hæc sequeretur infallibiliter ab habentibus influxum in collationem beneficii.

Item committitur, dum apud Principem, vel Judicem interponuntur preces, laudes, vel commendationes pro causa, vel negotio illius, qui beneficium confert, vel pro mediatore, ut beneficium conferatur. Nam in casu datur munus à lingua pro pre-

pretio beneficii, quod apud prudentes est pretio æstimabile.

23 Item committitur, dum Episcopo, vel Prælo exhibentur servitia, & obsequia ad effectum, ut beneficium exhibenti, vel alteri conferant. Quoniam hic habetur munus ab *obsequio*; quod nullus negabit esse pretio æstimabile. Hinc si Clericus suum famulatum præstet Prælo eo fine, ut ipsum moveat, & alliciat ad beneficium sibi, vel alteri conferendum, est simoniacus per munus ab *obsequio*; quamvis ut finem minus principalem intenderet beneficium, & principaliter gratiam Prælati. Nam illa exhibitio servitii est æquivalenter emptio.

Pariter, si Prælatus famulatum Clerici, quem debet compensare mercede, velit compensare beneficio, erit simoniacus; quia hic habetur virtualis commutatio beneficii pro obsequio; adeoque aliquid pretio æstimabile pro re spirituali.

24 Est advertendum, quod ut plurimum hac in re intervenit pactum implicitum, quod satis est ad simoniam inducendam; & præsumitur, ubi Prælatus patitur aliquem famulum, vel gratis, vel pro medio prætio sibi inservire, sub spe recompenfandi excessum obsequii per collationem beneficii, vel famulus obsequium sine stipendio exhibet, spe obtinendi beneficium, vel movendi Prælatum ad collationem. Propter quod sequitur, ut beneficia non juxta merita personarum, sed secundum privatas obligationes, & affectus distribuantur. In quo Prælati debent esse cauti, & audire Apostolum ad Thessalon. 5. dicentem: *Non tantum abstinendum à malo, sed etiam à specie mali.* De illo triplici pretio, seu munere simoniaco, videas in *cap. Salvator*, §. *Quamvis* 1. q. 3.

25 Item committitur, dando temporale pro spirituali, etiamsi temporale non detur tamquam pretium, sed dumtaxat tamquam motivum conferendi, vel efficiendi spirituale; vel etiam, quando temporale sit solum gratuita compensatio pro spirituali, aut è contra; juxta Decretum Innocentii XI. à quo sub die 2. Martii 1679. damnata fuerunt 65. propositiones, quarum 45. oppositum in expressis terminis continet. Tunc enim illa compensatio habet rationem commutationis, & est æquivalenter solutio pro beneficio.

Official. Cur. Eccl.

Unde consultus super sequenti dubio: Cajus promittit familiari Episcopi triginta aureos, si ejus opera beneficium ab Episcopo obtineat. Familiaris negat se posse ea in re auxilium præstare, cum similes conventiones, & promissiones sint simoniacæ; sed interim apud Episcopum operatur, & beneficium in favorem Caii assequitur. Quod referens Cajo, is statim vult triginta aureos numerare; at familiaris respondet, se non posse eos recipere, aliàs collatio foret simoniaca. Quo audito, Cajo eos familiari præbet his verbis: *Celebres semel pro me*; & sub hoc onere à familiari recipiuntur. Dixi, beneficium esse simoniacè obtentum: considerans.

I. Quod ex parte Caii datur pactum, & promissio expressa rei temporalis pro ascensione beneficii, cui familiaris tacite consentit, & spe recipiendi dd. aureos beneficium in favorem Caii apud Episcopum assequitur; ejusdem autem responsa sunt ad palliandam simoniam, & verba simulata facto contraria; ejusdemq; diligentiae præsumuntur correlativæ, & in consequentiam ad promissionem.

II. Quod Cajo conservavit semper intentionem de stando promissis, prout ex subita numeratione fit evidens.

III. Quod dict. aureorum summa est stipendium iliberaliter datum pro sacrificio celebrando. Et cum sit nimis excessivum, reputatur conferri, vel pro pretio beneficii, vel pro gratuita compensatione rei spiritualis; quod Innocentius prohibet. Tum quia provisorum pecunia sibi viam paravit ad beneficium, & diligentiae aulici ordinata fuerunt ad collationem.

26 Committitur, dum etiam Episcopo, & provisorio ignorantibus, pecunia pro beneficio assequendo confertur, ut expressè in *cap. de Regularibus*, *cap. Ex insinuatione*, *cap. Nobis*, de *simonia*. Ignorantia solum probat Episcopum, & provisorum non pecasse, nec teneri pœnis in simoniacos præfinitis; sed non legitimat actum aliàs invalidum, ut per allegata jura. Et habita notitia, tenetur provisor, vel nullo interposito tempore recurrere ad S. Pœnitentiarum, exponendo casum, ut juxta suas facultates provideat, vel beneficium dimittere; aliàs dd. pœnis ligabitur. Et ulterius debet etiam ante sententiam judicis restituere fructus perceptos,

Bb

ceptos,

ceptos, cum in eos ab initio nil juris habuerit. Et in casu, quod non extent, id, in quo factus est ditior, juxta debitum, & privilegium, quod respectivè habent ii, qui fuerunt bonæ fidei possessores.

27 Committitur, si examinatores ad beneficia Ecclesiastica aliquid ante, vel post occasione examinis accipiant, ut *Trid. sess. 24. cap. 18. de reform.*

28 Item committitur, si ex prava consuetudine, aut constitutionibus Ecclesiarum, pro præsentatione, nominatione, institutione, collatione; vel alia provisione, sive admissione ad possessionem alicujus beneficii, deducantur ex fructibus solutiones, promissiones, & compensationes illicitæ, ut expressè *Trident. dict. sess. cap. 14.* & *Beatus Pius V. const. Durum nimis, la 64. Bullar. rom. 2.* Deductiones illicitæ dicuntur, quæ cedunt in Canonicorum, vel exigentium utilitatem; secus si in utilitatem Ecclesiæ, vel alios pios usus convertantur; modò non pro ingressu ipso, & admissione, sed ad alium pium usum recipiantur, ut de communi testatur *Barbos. ad d. loc. Trid. num. 6.*

Sed est ponderandum, *Trid.* non tantum reprobare solutiones, & deductiones fructuum, quæ sunt in actu provisionis beneficii, seu tempore ingressus, seu receptionis, quæ verè sunt simoniacæ; verum etiam, quæ simoniæ, & avaritiæ suspicionem inducunt. Quam suspicionem propter circumstantiam temporis semper præferunt ea, quæ tunc dantur, quamvis liberaliter, & sine ulla conditione, & pacto conferantur. Nam præsumptio simoniæ non evanescit, dum aliquid tempore prohibitio, licet sub aliquo prætexu datur, *cap. Si quis in avaritudine 57. dist. 8. cap. Talia 8. quest. 3.* & notat. *Gloss. in cap. Quam pio, in verb. Subsidiu 1. quest. 2.*

29 Quapropter idem *Trident. sess. 21. cap. 1. de reform.* ad removendam omnem avaritiæ, & simoniæ suspicionem prohibuit Episcopis, eorumque Ministris, aliquid etiam spontè oblatum accipere pro collatione Ordinum, aut pro litteris dimissoriis, aut testimonialibus, aut pro sigillo, vel alia quacumque de causa. Sed tantum cereum posse ab Ordinatore recipi, refert decisum à Sacra Congreg. Conc. Piascus *prax. Episcop. par. 1. c. 1. artic. 9. num. 9.* Et eadem *Sacr. Congreg.*

apud *Fagnan. in 5. ad cap. In ordinando num. 12. de simon.* censuit, consuetudinem etiam immemorabilem percipiendi ab ordinatis ad primam tonsuram, forfices, pectines, & mappas, præter fasculas, pariterque mappas à Præbyteris, intelligi perinde ac corruptelam revocatam, nullamque in ea functione oblationem percipi posse, præter eam, quam quis, dum Sacris Ordinibus initiatur, Pontifice Romano permittente, consuevit offerre.

Quo decreto corrigitur, tum sententia *DD.* dicentium posse accipi id, quod non principaliter, & pro ipsa re spirituali, sed ex charitate spontè datur; tum text. in *cap. Et si questiones, & in cap. Dilectus, il secundo de simon.* ibi: *Illud tamen gratanter recipi poterit, quod fuerit sine taxatione gratis oblatum.* Nam Sancta Synodus ad omnem suspicionem tollendam sustulit etiam spontè oblatum. Quod dum reciperetur, non propterea simoniam induceret, si omnis abesset pactio etiam implicita; sed dantes, & recipientes inciderent in poenas eodem decreto inflictas, ut scripsit *Fagnan. ibid. num. 11.*

30 Item committitur, si beneficium à fundatore fundetur, vel dotetur eo pacto, ut sibi conferatur, aut in erectione beneficii ab eodem conditio addijciatur præsentandi se ipsum, ut expressè text. in *c. Tua de simon.* quia in adipiscendis spiritualibus nulla conditio, vel pactum debet intervenire, ut ibi *Gloss. in notabilib.* Aliàs simonia inducitur, *dict. cap. Cum pridem, & c. Paetiones, de pactis, & sæpè alibi.*

Dices. Valet collatio beneficii sub conditione, *Si resederis, cap. Ex parte, il 2. de Clerico non residente;* & facta eo pacto, ut, provifus solvat pensionem antiquam, vel impositam, ut patet per Doctores; atque ita pactum in spiritualibus simoniam non inducit.

31 Communior responsio, est; apud *Fagnan. in 1. ad cap. Audientiam, il 2. de rescript. num. 13.* quod ea, quæ præcipiuntur ab jure, vel de jure infunt, ut est obligatio residendi, possunt in pactum deduci. Quod repetit in *5. ad c. Tua nos n. 18. de simon.* ubi dat concordantes, apud quos nulla conditio à jure approbata reddit actum simoniacum ex *d. cap. Ex parte,* & notavit *Gloss. in d. cap. Ad audientiam, verb.*

verb. *Renunciatus*, in cap. *Significasti*, in verb. *Conditione*, de elect. & in cap. *Olim*, il primo in verb. *Conditione*, de restitutione spoliator. Habetur ex cap. *Eleutherius* 18. quest. 2. & facit Trident. sess. 25. cap. 5. de reform.

32 Communiterque recipitur, quod si poenitens in Confessione confiteatur se aliquod furto subtraxisse ipsi Confessario, nulla sit simonia, si Sacerdos Penitenti, potenti restituere, dicat: *Nolo te absolvere, nisi restituas*. Quia illa restitutio præcipitur ab jure; cum non remittatur peccatum, nisi restitutum ablatum, cap. *Sires aliena* 14. q. 6. cap. *Quamquam*, de usur. in 6. & reg. 4. juris in 6. *Peccatum*, & ibi Gloss. *Vel etiam potest intelligi*. Et ratio naturalis dicat Sancta esse sanctè tractanda, ac rectè Sacramenta administranda, & indispositos non esse absolvendos; potens autem restituere, & resistens, est indispositus ad accipiendum absolutionis Sacramentalis beneficium. Tum quia bona illa sunt Confessario debita, tum civiliter, & per sententiam judicis, quia furto fuerunt ablata; tum naturaliter, quia res semper pro domino clamat. Ideo Confessarius in casu simoniam non committit. Nam restitutio est sub juris præcepto, & tacitè inest, ut dixit Fagnan. in 1. ad d. cap. *Audientiam* n. 19. repetens, simoniam esse dare aliquod spirituale suo debitori, si res creditorum non sit debita omnibus modis, & ita naturaliter, & civiliter.

33 Cæterum, si fundator humilliter rogaret, ut sibi beneficium conferretur, simonia non induceretur, modò dignus esset, prout in dict. cap. *Tua*, ibi: *Si vero pure, & sine pacto, vel conditione qualibet offerat rogans humiliter, ut in Canonisum admittatur, & bona sua retinere sibi liceat pro prebenda, & Clerici ejusdem Ecclesie pure consentiant, hujusmodi receptio fieri poterit absque scrupulo simoniæ pravitatis*. Concordat cap. *Proponit*, de Cleric. excom. ministr. & cap. *Tuam*, de etat. & qualir. & notanda est doctrina Gloss. ibid. in verb. *Nullum*, ibi: *Si preces quis pro se porrigat, ut in Prælatum eligatur, ambiciose sunt, & illicitæ, cap. Nullus itaque* 1. quest. 1. *Si vero precibus alienis promoveatur; aut preces sunt spirituales, aut carnales. Si sunt carnales, & sunt pro indigno, simonia committitur, cap. In ordinatio-*

nibus 1. q. 1. *Si vero sunt spirituales (ut si commendetur dignus, & qui judicatur utilis servitio Ecclesiastico) admitti possunt, nec inducunt simoniam, cap. Lectorem* 1. q. 1. *sed omne pactum, & conventio debet abesse, & respiciendum est ad merita, & qualitatem commendati, & non ad preces*.

34 Dicta distinctio non procedit in Episcopatu, quia Episcopatum non licet appetere, nec pro eo adipiscendo preces porrigere; unde dixit Augustinus lib. 19. de Civit. Dei cap. 19. ibi: *Locus superior, sine quo populus regi non potest, et si administratur, ut decet, tamen indecenter appetitur. Opus quidem desiderare bonum, bonum est, primum autem honoris concupiscere, vanitas est*. Ut egregiè probat Div. Thom. 2. 2. quest. 185. art. 3.

35 Item committitur, dum quis beneficium cum cura, vel sine cura alicui procurat, dat, aut cedit in confidentiam, pacto expresso, aut tacito, ut post aliquod tempus illud resignet sibi, vel alteri, v.g. suo nepoti, amico, &c. vel cum onere, ut pensionem aliquam, seu fructus in totum, vel in partem solvat ipsi danti, cedenti, procuranti, aut alteri ad suum libitum. Huiusmodi confidentialis simonia reprobatur à Pio IV. const. *Romanum* 85. Bullar. tom. 2. & B. Pio V. const. *Intolerabilis* 85. ibid. In ista ponuntur regulæ, & præsumptiones ad discernendum pro foro interno huiusmodi delictum.

Hæc confidentia contingere potest per accessum, ingressum, regressum, concessionem fructuum, & solutionem pensionis.

Per *Accessum* evenit, dum quis alteri beneficium procurat, vel confert cum conditione, vel lege tacita, vel expressa, quod postea per resignationem faciendam à proviso, ad idem beneficium ipse conferens, vel procurans, aut alius ab eo designatus accedet.

Per *Ingressum* contingit, ubi quis post collationem beneficii illud ante possessionem alteri renunciat cum spe, & pacto, ut hic postea eidem, vel alteri ab eo designando, ad idem beneficium ingressum aperiat dimittendo illud.

Per *Regressum* contingit, ubi quis adeptus beneficio, alteri resignat cum conditione, quod deinde per resignationem ab accipiente factam, ad idem beneficium ipse, vel alius à se designatus redibit.

Per concessionem fructuum, vel solutionem pensionis contingit, cum quis alteri confert, vel resignat beneficium cum pacto, ut accipiens sibi, vel alteri à se designando concedat omnes, vel partem fructuum beneficii, vel solvat pensionem, ut expresse text. in d. const. B. Pii V. Layman. *theol. moral. lib. 4. tract. 10. c. ult.*

An autem in venditione pensionum Clericalium simonia committatur? habes cap. 39. n. 15.

Contra dicta in superioribus duo oponuntur. Primò, quòd ex stylo Romanæ Curiae dispensationes matrimoniales sine pecunia non conceduntur, & tamen concernunt aliquid spirituale, nec propterea simonia committitur.

Secundò, quòd absque simonia licitè in Romana Curia annatæ exiguntur ab eis, quibus conferuntur beneficia; ergo in collatione beneficii Ecclesiastici licet aliquid recipere.

36 Resp. Ad primum. Pecunia in dispensationibus non solvitur, nec recipitur, ut pretium ipsarum, sed vel in sustentationem Officialium, & Ministrorum, arg. ex c. Statutum §. Assessorem, de rescript. in 6. ubi iudex potest à partibus salarium pro assessore petere, quamvis ipse teneatur gratis iustitiam administrare; vel ad deterrendos homines ad illas petendas, vel in subsidium pauperum. Et sæpè solutio pecuniæ imponitur in pœnam delicti, quando istud concurrit, ut dixit Engel. *Coll. jur. Canon. lib. 5. tit. 3. §. 4. n. 20.*

37 Ad secundum; idèò annatæ licitè per Pontifices exiguntur à provisis, quia exactio nullo modo fit pro ipsa collatione, seu beneficiorum provisione, nec pro aliquo spirituali, aut spiritualibus annexo, sed pro fructibus merè temporalibus, ad eos legitimè pertinentibus. Nam annata aliud non importat, quàm fructus primi anni beneficiorum Pontificibus dando. Ne fas enim esset negare. Pontifices pro plenissima sua in beneficiis potestate non posse pro suis, & Romanæ Ecclesiæ necessitatibus de fructibus beneficiorum tempore collationis sibi aliquam partem reservare, vel aliquid à provisis pro primis fructibus petere. Et ita iniquè asseritur, solutionem annatarum, quas exigit Camera Apostolica, simoniam continere, notamque turpis lucri præferre. Quid im-

pius, quàm Sedem Apostolicam ipsas exigentem injustitiæ, & impietatis insimulare? Hoc hæreticorum est proprium, quòd invidentes Romanæ Sedis Dignitati, & Primatui, de ipsa pro viribus obloquantur; & hinc mirum non est, quòd contra annatas insaniant. De quarum iustitia, & licito usui integer articulus doctissimè examinatur à Fagnan. in 5. ad cap. Præterea, ne Prælati vices suas; ubi in contrarium objecta resolvit, illudque quod ex Basileensi Concilio sess. 22. in tit. de annatis, adversus istas opponitur, retundit; ac in oppositum adducta ex Pragmatica Sanctione refellit; nam dict. Pragmatica tamquam Schismatica reprobatur, & abrogatur in Conc. Lateranen. à Leone X. Constit. Pastor æternus, la 20. §. 5. Bullar. tom. 1. Affirmatque institutionem annatarum adeò antiquam esse, ut de illius initio non extet memoria.

Circa annatarum solutiones, quamplures pro diversis temporibus à Romanis Pontificibus Constitutiones emanarunt. Extant Constitutiones Pauli II. Decet 6. Bullar. tom. 1. Innoc. VIII. Apostolica 3. Julii II. Romani 4. Clement. VII. Cum sicut 33. Julii III. Cupientes 20. ibid. Pauli IV. Incumbentia 11. & alia Decens 171. Beati Pii V. Apostolica 38. Bullar. tom. 2. Sixti V. Camera 33. ibid. De quibus etiam mentio fit in Conc. Viennen. in Constantien. sess. 40. ac in Extravag. Joannis XXII. Cum nonnulla Ecclesiastica, de præbend. la 1. & 2. inter cæm.

Præfatus Fagnan. ibid. num. 10. observat, quòd ante tempora Bonifacii IX. pro annata solvebantur per triennium ex integro fructus primi anni beneficiorum, tertia pars pro quolibet anno; sed ipse Bonif. reduxit solutionem annatæ ad medietatem valoris annui fructus primi anni, cum onere tamen, ut pro visus anticipatè de propriis pecuniis in relaxatione, & expeditione suarum litterarum eam solveret. Et hinc patet, non idèò talem dictam esse annatam, quòd complectatur omnes primi anni fructus, sed quia solvitur ratione medietatis fructuum primi anni, ut d. Const. Decet Pauli II. §. 4.

38 Quæritur. Quænam sint pœnæ simoniæ taxatæ in materia beneficiorum?

Nota est distinctio simoniæ in mentalem, conventionalem, & realem. Mentalis

lis est, quæ sola mente committitur, & in actum exteriorē non prodit. *Conventionalis*, quæ in pactum externē à partibus deducta est, adhuc non tradita re spiritali, & pretio, *Realis* verò, ubi ultra pactum, etiam traditio rei spiritalis, & pretii accedit; ideò ad istam tria requiruntur: Primò, pactio; Secundò, receptio rei sacræ; Tertiò, solutio pretii, saltem secundum partem. Modò, simonia mentalis per DD. pœnas non infert, quantum ad forum externum Ecclesiæ; quia quæ in terminis præcisè internæ voluntatis continentur, ultioni Ecclesiæ non subijciuntur; (ideò concordant, hæresim merè internam excommunicationem non inducere) sed necesse est, ut aliquod externē superaddatur, pactum nimirum expressum, vel tacitum. Quoniam Ecclesia non iudicat de occultis, & merè internis, *cap. Sicut, §. Illos, de simon.*

Dicitur, quantum ad externum forum Ecclesiæ; quia quantum ad Deum, & forum conscientiæ, per solum voluntatis propositum, & deliberationem, etiam exterioriùs non manifestatam simonia peccaminosa mortaliter committitur.

39 Advertas, cùm dicimus juxtà allegata jura Ecclesiam non iudicare de merè internis, & occultis, nostrum non esse cum eis concordare, qui dixerant, Ecclesiam non posse actus merè internos præcipere. Nam eos reprobavimus *lib. 2. c. c. Confess. cap. 31. num. 22.* Et iterum constanter fatemur, Ecclesiam actus internos præcipere posse. Nam Papæ à Christo fuit illimitatè communicata potestas supra omnes, & non restricta ad actus externos. Tum quia ad ipsum spectat dirigere in viam salutis æternæ, & curare de mediis ad eam conducentibus, qualia non sunt solum actus externi, sed etiam interni. Quapropter Alex. VII. & Innoc. XI. plures propositiones damnarunt, easque prohibent ad praxim deduci, inter quas plures spectant ad solos actus merè internos, ut sunt prima propositio ab Alex. dam. de actu fidei, spei, & charitatis. V. VI. & VII. ab Innoc. de actu dilectionis Dei. Et X. & XI. de actu amoris proximi, &c. Trid. sess. 13. in Decr. de Venerab. Euchar. Sacr. interdicit: *Ne de Sanctissima Eucharistia aliter credatur, quàm ut est in Decreto definitum, & explicatum;* credere autem est actus

Official. Cur. Eccl.

intellectus, purè internus. Et hinc patet esse in Ecclesia potestatem legislativam directam in actus merè internos.

40 At petitur, an beneficium collatum, & pretium receptum simoniacè simonia purè mentali, illud sit dimittendum, & aliud restituendum.

Resp. DD. ex *cap. Mandato, de simon.* negant. Sed eos, & text. intelligo ratione legis Ecclesiasticæ, non verò ratione juris naturalis, quod dicat dimittendum esse, quod iniuste possidetur, & esse restituendum, quod iniuste accipitur; constat autem pretium fuisse iniuste acceptum, quia pro re invendibili; & venditum esse beneficium, quod vendi non potest, ut dixi *d. lib. 2. caut. cap. 26. num. 45.*

41 Ex quibus colligas, simoniam mentalem committi, dum verè traditur res temporalis pro spiritali, aut è contra, sine pacto, & conventionione tacita, vel expressa inter partes, sed sola intentione emendi, vel vendendi spirituale. At non negamus, quin etiam desiderans rem spirituales emere, vel vendere, quamvis nil det, vel recipiat, mortaliter peccet, peccato habente malitiam simoniæ.

42 De simonia conventionali Doctores conveniunt non habere pœnam, quæ ipso iure incurratur (licet partes peccent) quia Canones taxantes pœnas simoniacis, non de sola conventionione, sed de actuali traditione, & receptione loquuntur, ut manifestum est ex Decreto Sac. Congreg. Episcop. 26. Novembris 1602. in quo Summo Pontifici reservatur: *Simonia realis scienter contracta, & confidentia beneficiæ.* Posset tamen simonia purè conventionalis ab Iudice Ecclesiastico arbitrariè puniri.

43 Simonia realis excommunicationem Papæ reservatam ipso iure inducit, ex *cap. Cùm detestabile, de simon. inter com.* ibi: *Qui quomodolibet dando, vel recipiendo simoniam commiserint, aut quod illa fiat, mediatores extiterint, seu procuraverint.*

Simonia confidentialis pariter plures pœnas infert.

I. Annulantur collationes, & resignationes.

II. Provisio beneficiorum reservatur Sedis Apostolicæ.

III. Provisi fructus, nec pensiones suas faciunt.

IV. Cardinalibus, & Episcopis interdictur ingressus Ecclesiæ.

V. Inferiores excommunicatione Papæ reservata ligantur.

VI. Qui beneficium, & pensiones hoc confidentiæ vitio recepit, aliis etiam beneficiis, & pensionibus prius obtentis, privatur, & ad alia redditur inhabilis, ex dd. Constit. Pii IV. & V.

44 An autem restituenda sit pecunia recepta occasione conferendi, præstandi, vel procurandi beneficium? Est extra dubium, sed non debet restitui ei, qui dedit, quia contra iustitiam dedit; nec qui recepit, potest eam retinere, quia contra iustitiam recepit, D. Thom. 2.2. *quest. 32. art. 8.* Restituenda itaque est Ecclesiæ, cui fuit iniuria irrogata, vel pauperibus, *cap. De hoc, de simon.*

Estque restituenda ante sententiam iudicis. Quoniam titulus hic restitutionis nascitur ex nullitate contractus emptionis, & venditionis; atque ita restitutio non solum est pœna culpæ, sed etiam effectus iniustæ acquisitionis, cum fuerit recepta pro re invendibili, & contra voluntatem Domini, qui ordinavit, ut spiritualia gratis dentur. Matth. 10.

45 Quid etiam observandum sit ab eo, qui beneficium sciens, & volens per simoniam obtinuit?

Resp. Fructus omnes restituere tenetur, non solum extantes, sed etiam consumptos, deductis expensis factis causa fructuum, iisque exceptis expensis in utilitatem Ecclesiæ beneficii, D. Thom. *cir. quest. 110. artic. 6. ad 3.*

46 Pondera, in simonia non dari parvitatem materiæ; quod est idem, ac asserere, simoniam ex parvitate materiæ non posse esse peccatum veniale, quia sive unum Ave sive totum Psalterium, quis conetur vendere, semper rei spirituali, & Deo gravis iniuria irrogatur. Et procedit, etiam si pro re spirituali detur unus obolus, sive centum aurei. Quinimò in primo casu videtur maior irreverentia; quia quò minori pretio res venditur, eò minoris videtur æstimari, ut dixi *dist. lib. 2. cap. 26. num. 37.* A mortali itaque in hac materia potest solum excusare inconsideratio, & ignorantia inculpabilis.

47 Quæritur. Provisus legitime de beneficio, primario, & principaliter non in-

tendit cultum Divinum, & laudes Deo persolvere, sed redditus temporales, quod est secundarium in beneficio; petitur, an committat simoniam?

Responsio patet ex doctrina Divi Thomæ, *quodlib. 8. quest. 6. art. 1.* Apud Natal. Alex. *theolog. moral. tom. 2. art. 5. reg. 40. de simon.* ibi: Celebrare divinum officium in Ecclesia est actus spiritualis ex parte principii; competit enim alicui ex hoc, quod est Clericus. Et ideo simoniam committit; qui huiusmodi actum vendere intendit; in qualibet enim venditione pretium accipitur, quasi finis. Si enim huiusmodi distributiones recipit, quasi finem sui operis principaliter intentum, simoniam committit; & ita mortaliter peccat. Si autem habet principalem finem Deum in tali actu, ad huiusmodi autem distributiones respicit secundario, non quasi finem, sed sicut in id, quod est necessarium ad suam sustentationem, constat, quod non vendit actum spiritualem; & ita simoniam non committit, nec peccat. Sic enim acceptio distributionum non erit causa, quare ad Ecclesiam vadat, sed propriè huiusmodi determinationis, quare nunc vadat, & non alia vice. Hæc Sanctus Doctor. Quæ aptari possunt accipientibus stipendia pro Missis, Concionibus, &c. Quapropter si primario, & principaliter intendantur, de simonia mentali non dubitatur, videatur Fagnan. in 5. ad 5. cap. Olim, de verb. signific. num. 43.

48 Huc tandem refero, ex Fagnan. *ibid. ad cap. In ordinando, de simon. num. 32.* Decreta Sac. Congr. Conc. edita 7. Februarii 1602. in quibus plura ad materiam beneficalem pertinentia, resoluta dantur, ut infra.

Capitulum Vicense obtulit Sac. Congregationi Concilii supplicem libellum, quo conquerebatur, tam Episcopum Vicensem, quam ejus Notarios, & scribas pro diversis scripturis negotiorum ad ejus jurisdictionem pertinentium, non modicam pecuniarum quantitatem exigere, petebatque mandari Episcopo, ut ab ejusmodi exactionibus abstineret, atque Notarios, & scribas coecerneret, ne plus debita mercede reciperent.

Scriptura autem negotiorum, atque actuum prædictorum à Capitulo singillatim expressa, hæ fuerunt.

Collationum, institutionum, seu provisionum per obitum, vel resignationem, etiam ex causa permutationis, vel alias.

Dimissorium, seu testimonialium, quae conceduntur Presbyteris seu Clericis ad alias dioceses transiuris.

Licentiarum recipiendi Ordines ab aliis Episcopis.

Licentiarum bis in die celebrandi.

Licentiarum dicendi Missam.

Licentiarum dicendi Missas matutino tempore, quas matutinales vocant, diebus Dominicis, & festivis.

Licentiarum audiendi Confessiones.

Licentiarum administrandi Sacramenta.

Licentiarum deservendi beneficiis curatis.

Licentiarum deservendi beneficiis simplicibus.

Licentiarum ordinandi se ad titulum patrimonii, seu approbationum hujusmodi titulorum.

Licentiarum absentandi se ab Ecclesiis, vel beneficiis.

Licentiarum quaesnandi.

Licentiarum sepeliendi cadavera intus Ecclesiam.

Mandatorum de publicando in Ecclesia initiandos sacris, vel Minoribus Ordinibus, vel tonsura Clericali.

Dispensationum ad duo beneficia, etiam familia, sub eodem tecto.

Approbationum concurrentium ad vacantes Parochiales in mensibus reservatis, quae ad Curiam Romanam transmittuntur.

Approbationum juris patronatus ex fundatione, vel dotatione.

Creationum Notariorum in Parochialibus, & commissionum regiminis scribebarum earundem vacan.

Deputationum aconomorum, dum beneficia vacant.

Executionum litterarum Apostolicarum gratiam seu iustitiam concernentium.

Die septima Februarii 1602. proposito in Sacra Congregatione Cardinalium Concilii Tridentini Interpretum hoc supplici libello. Patres primum mirati sunt aliqua ex suppositis Capitulis aliquo modo etiam absque ulla mercede concedi; nempe licentiam tum bis in die, tum etiam matutino tempore Missas celebrandi, & proinde mandarunt Episcopo significari, num hac ipse concedat, quemadmodum proponitur?

Deinde quod ad pecuniam, seu mercedis exactionem, ac solutionem pertinet, responderunt: Episcopo quidem in nullo ex supradictorum capitum licere quidquam accipere, vel percipere directe, vel indirecte. Notario, vel Cancellario nihil etiam licere accipere in plurimis ex iisdem capitibus, nempe propter approbationem ad audiendas confessiones; propter licentiam administrandi Sacramenta; ob licentiam deservendi beneficiis; ob licentiam sepeliendi defunctorum corpora in Ecclesia; ob licentiam celebrandi Missas; ob licentiam colligendi eleemosynas; ob mandata publicandi in Ecclesia eos, qui primam tonsuram, vel Minores, Sacrosue Ordines suscipere voluerint; adeo ut in nullo supradictorum casuum, neque ratione scripturae, nec sigilli, nec laboris, nec alio titulo aliquid a quopiam percipere queat, sed gratis haec omnia, his quorum interest, debeant praestari. Verum quoad alia capita, ita demum Notarium, vel Cancellarium posse aliquid percipere, si nullum sibi salarium, vel stipendium sit constitutum, eumque congruam tantum sui laboris mercedem, quae quoad litteras collationis, vel institutionis curatarum Ecclesiarum, vel deputationis Vicariorum in illis, unum aurum, & quoad litteras dimissorias, aut testimoniales, decimam unius auri partem nunquam excedat. Videri etiam potest taxa edita sub 1. Octobris 1678. & 8. ejusdem men. & ann. de mandato Innoc. XI. à Sac. Congr. Conc. ad omnes locorum Ordinarios pro observantia transmissa.

C A P V T L.

Officialis quoad simoniam in Electionibus.

S U M M A R I U M.

- 1 Simonia committi potest in electionibus ad Pralaturas, & officia Ecclesiastica Regularia.
- 2 Simonia committi potest etiam in assecutione definitoriae, & custodiantur.
- 3 Est simoniaca electio, in qua tribuitur aliquid electoribus pro suffragio, usque ad 7.
- 4 Et electio, pro qua, etiam electo igno-

rante, datur, vel promittitur premium.

- 9 Quinam sint defectus intrinseci electionis, usque ad 12.
- 13 Ignorantia simonia excusat electum à culpa, & pœna, sed non legitimat actum.
- 14 Provisus simoniacè per ignorantiam beneficium, vel Prælaturam tenetur dimittere.
- 15 Quid dicendum, ubi pecunia fuerit promissa, vel data in fraudem electionis.
- 16 Fraus unde probetur.
- 17 Non potest dari pecunia, ut reconcilietur animi ad favorem persona determinata.
- 18 Simoniam simonia non licet emendare.
- 19 Importuna preces, aliaque insolita artes à Præsidente adhibita simoniam inferunt.
- 20 Est simonia, pro suffragio condonare culpam, & pœnam remittere.
- 21 An commutatio unius rei spiritualis cum spirituali sit simonia?
- 22 Non potest absque simonia pacisci de electionis commodo.
- 23 Non possunt duo Guardiani propria auctoritate inter se Guardianatus commutare.
- 24 Agitur de redemptione vocationis, usque ad 26.
- 27 Quid dicendum, dum electores sunt determinati ad eligendum indignum.
- 28 Absque simonia non potest pecunia offerri, & dari pro electione Abbatisse.
- 29 Est in Abbatisse potestas, & jurisdictio spiritualis in ordine ad subditas; non quæ dependeat ab Ordine, & spectet ad claves.
- 30 Etiam in postulatione potest simonia committi.
- 31 Unde simonia, & qua ratione in electionibus probetur?

DE electione egimus cap. 18. Hic itaque agendum est de simonia, quæ ea in re committi potest.

I Quæritur. An simonia committi possit in electionibus ad Prælaturas Regulares, v. gr. dando pecuniam pro Generalatu, Provincialatu, Guardianatu, &c. Affirmativè cum Diana coord. esolut. 10. Peyrin. de subd. quest. 1.

cap. 31. dico 21. Pignatello tom. 10. consult. 44. Consideratur enim, quòd cum in dd. electionibus detur pecunia, vel aliud pretio æstimabile, verificatur emptio, & venditio rei spiritualis, aut alius, quod sit spirituali adnexum. Præfacti enim Prælati habent curam animarum, cap. Cum in cunctis, de elect. & Gloss. ad cap. Cum ab Ecclesiarum, verb. Ecclesiastici, de Offic. ordin. Cura autem animarum importat exercitium actuum dependentium à potestate spirituali, quibus ipsorum subditi diriguntur ad salutem, & finem supernaturalem.

Adnotatur etiam ex Fagn. in 1. ad c. Cum pridem, de pactis num. 88. quòd unusquisque ex electoribus in sua voce causat electionem, & concurrat ad collationem iuris spiritualis, quod per electionem acquiritur electo; qui electione posita ius habet ad Prælaturam etiam ante confirmationem, per cap. Cum inter Canonicos, de elect. Per confirmationem enim nihil novi iuris electo acquiritur, sed solum exercitium iurisdictionis, cap. Pastoralis, de rescript. Ideò qui aliquid confert electoribus pro electione, illud tradit pro iurisdictione, quæ electo acquiritur per electionem; quæ cum sit spiritualis, vel ad spiritualia ordinetur, pro re spirituali pretium dat.

2 Dubitatur. An etiam simonia committi possit in electionibus definitorum, & custodum?

Resp. Affirmativè. Nam definitores habent iurisdictionem ordinatam ad munera spiritualia, & ius habent ad eligendos Prælatos. Ita in Ordine Minorum recipiunt Novitios ad Religionem, eligunt Provinciales, & Guardianos, concurrunt ad deputandos Confessarios Monialium, instituendos Concionatores, & similia.

Nec obstat, quòd prænuntiata ex non adiuncta utilitate reddituum dici propriè non possint beneficia Ecclesiastica; nam per Cabasut. prax. jur. Canon. lib. 1. cap. 8. non impropiè inter ea beneficia computantur. Et sunt quasi beneficia propter iurisdictionem spirituales, ut notavit Lezana summ. tom. 1. cap. 15. num. 8. & Hasbensis summ. verb. Electio num. 85. Quinimò inter Mendicantes, ex Peyrino cit. nomine beneficii intelliguntur officia Generalatus, Guardianatus, &c. Quæ licet non sint beneficia, sunt tamen officia Ec-

Ecclesiastica, quæ beneficiis æquiparari videntur. Unde Urbanus IV. *cap. Cum deestabile de simon. inter. com.* nullius roboris declarat electiones per simoniam factas, electosque simoniace nullum jus in Ecclesiis, & Monasteriis habere ad dignitates, personatus, officia Ecclesiastica, & quavis beneficia. Ubi ponderandum, quod illud officia, tamquam quid diversum à beneficiis ponitur.

Quibus suppositis, nonnulli casus particulares referuntur, quibus in materia electionis potest simonia committi, delegando Lectorem ad DD. ut de reliquis instruat.

3 Itaque I. Simonia committitur, & electio secundum Canonica jura est simoniaca, si ab eligendo, vel de ejus voluntate ab aliis tribuatur pecunia suffragantibus in electione, ut pro se vel suo amico suffragium ferant, ex *cap. Matthæus, de simonia*. Nam hic pecunia aliquod spirituale acquiritur.

Et procedit non tantum, nisi simonia fuerit realis ab utraque parte completa, sed etiam si fuerit conventionalis, adeo ut pecunia sit electoribus promissa, sed non soluta; per text. in *cap. Nobis, de simonia*, ibi *Promiserunt se pecuniam soluturos*. Concordat. *cap. Veniens ibid.* & tenet Diana *coord. tom. 5. tract. 7. resolut. 27*. Pari enim passu currunt promissio, & solutio; nam utraque respicit electionem, per quam datur jus ad spiritualia. Et ita reprobat opinio eorum, qui dixerunt, electionem simoniace factam esse nullam solum, si simonia sit realis ab utraque parte completa; secus si sit conventionalis; nam in contrarium est aperte *d. cap. Nobis* Licet eam ibid. Diana vocaverint probabilem, & in praxi tutam.

4 Procedit etiam, si uni tantum ex electoribus data, vel promissa sit pecunia; nam quoad vitium electionis nihil interest, an simonia commissa fuerit cum omnibus eligentibus, vel cum uno tantum; ut est textus apertus in *dict. cap. Nobis*, ibi: *Uni, vel omnibus eligentium promiserunt se pecuniam soluturos*.

5 Item procedit etiam, si ille, cui data, vel promissa est pecunia, existeret extra numerum majoris partis, ejusque votum non esset necessarium ad integrandam electionem, sed superabundaret, eo quod ele-

ctus, etiam voto illo non computato, habuisse majorem suffragiorum partem nam ad nullitatem electionis fatis est, ut simonia sit commissa cum uno ex electoribus. Alias possent electiones simoniace celebrari; quippe is, cui esset data, vel promissa pecunia, posset allegare suum votum non fuisse ad electionem necessarium: & hic utile per inutile vitatur.

6 Procedit pariter, etiam si ille, cui esset solutum, vel promissum pretium, affirmaret se non fuisse pecunia motum ad eligendum, quia alias electurus erat; ut tenet *Glos. ad d. c. Nobis verb. Interveniens*; nam constat solutionem, vel promissionem intervenisse ante electionem, à qua omnis pactio, & promissio abesse debet, qualiscumque fuerit intentio eligentis, arg. ex *d. cap. Veniens, & cap. Novit 100. dist.*

7 Nec est credendum eligenti in facto suo de sua intentione deponenti. Alioquin facile esset cuique per pecuniam eligenti asserere, se fuisse alias electurum.

8 II. Simonia committitur, & electio simoniaca dicitur, cum alicui ex electoribus, etiam electo ignorante, per alium solvitur, vel promittitur pecunia; text. expressus in *d. c. Nobis, §. Quia*. Et est ipso jure nulla, ut significant verba illa textus, *est penitus reprobanda*: ponderando dictionem *penitus*, quæ importat nullitatem ipso jure, ut Scribentes firmant. Et ad hanc partem ducuntur jura, quæ statuunt promotos per simoniam, ipsis ignorantibus commissam, teneri Ecclesias ipso facto, habita notitia, dimittere, juxta text. in *c. Litteras, de concess. preb. & cap. de Regularibus, c. Ex insinuatione, & c. Sicut tuis, de simon.*

9 Consideratur, quosdam defectus esse intrinsecos electioni, qui ab intrinseco directe, & per se inficiunt naturalia electionis principia. Cujus generis sunt, defectus potestatis, eo quod electio facta sit à non vocalibus: vel à minori numero, quam requisito. Item defectus rei, vel materiæ: ut si fuerit celebrata ad Ecclesiam, vel Prælatu-ram non vacantem. Item defectus personæ electæ: ut quia est Hæreticus, Judæus, Paganus, & Censuratus; tamen si iste postremus dicatur extrinsecus proveniens ex constitutione Ecclesiastica. Item defectus formæ electionis: ut quia non intervenit consensus eligentium, juxta *cap. In his, de verbor. signif.* Item defectus libertatis in consensu.

ntc. *In nomine Domini, §. Quod si pravorum, & §. Quod si quis 23. dist. &c. Si quis pecunia 79. dist.* Propter quos, vel aliquem ex dd. defectibus, electio redditur ipso jure nulla; quia defectus principiorum naturalium, super quibus fundatur essentia rei ipsam tollit, *capit. Veniens de Presbyter. non bapt.*

10 Modò, simonia realis, vel conventionalis in electione Canonica interveniens, videtur esse defectus intrinsecus, animum eligentium ab intra vulnerans, & inficiens: quoniam, qui pro aliquo eligendo pecuniam, vel promissionem recipit, libertatem consensus ligat; & ita inficitur forma electionis: quia ut dicitur *c. Ubi periculum, §. Caterum, de elect. in 6. cum arbitrium, vel inordinatus captivat affectus, vel ad certum aliquem obligationis cuiusque necessitas adigit, cessat electio, dum libertas admittitur eligendi*; & propterea Innoc. in *c. Quod sicut de elect. n. 8.* dixit, electionem esse nullam de iure naturali, quando quis est intrusus, aut Simoniacè electus.

11 Posito autem, quòd defectus simonie sit intrinsecus ex naturalibus principiis, inde resultat, ut electio sit nulla, etiamsi electus ignoraverit simoniam à pluribus, vel uno ex eligentibus fuisse commissam; à simili de electione facta per metum, vel sine consensu majoris partis vocalium, quæ non sustinetur propter ignorantiam electi: ambo enim æquè sunt defectus intrinseci.

12 Potest etiam ponderari, quòd hic intenditur venditio rei invendibilis; nam electio est res spiritualis, vel spirituali annexa; adeòque titulo emptionis acquiri non potest, sed gratis debet dari, juxta illud Math. 10. *Gratis accepistis, gratis date*: & cum res non sit vendibilis, parum refert, an emptor emerit scienter, vel ignoranter, an bona, vel mala fide, per D. Thom. 2. 2. q. 100. *art. 9. in corp.*

13 Ignorantia solum excludit delictum, & excusat electum à pœna, & culpa, sed non legitimat actum aliàs invalidum; nam licet promotus non sit simoniacus, est tamen simoniacè electus.

14 Et statim, habita notitia simoniæ, tenetur electus Prælaturam, vel officium dimittere, quia est in ipsis intrusus, & nullum jus habet, per *cap. Regularibus, capit. Ex insinuatione, & cap. Sicut tuis, de si*

mon. In odium enim simoniæ aliquando punitur quis sine culpa, per *Glos. ad d. c. Ex insinuatione, verb. resignasti*. Aliàs, nisi jus taliter puniret, nimis frequentatum esset hoc crimen.

Nec potest ad Prælaturam dimissam iterum eligi, quinimò nec ad alias: quia est ipso jure inhabilis ad quascumque, *ex Const. Cum primum B. Pii V. la 5. Bullar. tom. 2. ibi §. 8.*

15 Excipitur casus, quo pecunia data fuisset malitiosè in odium eligendi, & fraudem electionis, ut est text. in *d. c. Nobis, & cap. Sicut tuis, §. Quamvis*, ibi: *Et sic de fraude sua commodum reportaret*: malitiis namque hominum non est indulgendum, *cap. Significante, qui matrimon. accus. poss.* nec quisquam prægravari potest alterius odio: ut jura sunt clara.

16 De qua fraude constare posset ex conjecturis: ut si ab inimicis data esset pecunia eis, ad quos pertinet de electione. Fraus enim per conjecturas probatur. *c. Site præbendam, de renunc. in 6.*

Dices. Interventus unius excommunicati ad electionem ignoranter admissi, non vitiat electionem, prout notatur *cap. Illa, de elect.* Adeòque nec electio celebrata in plena concordia inficitur propter simoniæ vitium à pluribus, vel uno ex eligentibus commissum, electo ignorante.

Negata consequentia, datur discrimen, ex Fagnan. in 5. *ad cap. Nobis, de simon. num. 4.* quòd suffragium excommunicati non est nullum propter delictum circa electionem perpetratum; & proinde in eam non influit, nec ignorantibus nocet: votum autem simoniaci est infectum propter vitium, quod intrinsecè inest electioni, cujus est pars. Et hinc mirum non est, si suffragium, etiam unius pecunia venditum, & corruptum, totam massam electionis corrumpat, arg. ex *c. Per inquisitionem, de elect.*

Dices. Potest pecunia dari, non ut electores eligant, sed ut eorum animi concilientur ad favorem determinatæ personæ. Quòd autem postea eligant, vel non, remanet in ipsorum libertate. Procurare autem reconciliationem naturalem non est materia simoniæ, sed est objectum moraliter bonum. Et si inde sequatur electio, per accidens est. Nam sit pactum non ut Titius eligatur, sed ut electores deponant malum animum erga illum.

17 Nec in casu negari potest, quod conferens pecuniam id non faciat intuitu electionis consequendæ; hic est finis ultimus talis reconciliationis, alias benevolentia non procuraretur. Adeoque primario emittitur electio, quia emittitur id, sine quo electio hujus personæ non sequeretur. Et proinde electio non est per accidens, sed primò, & per se intenditur. Siquidem primum est illud, ad quod media diriguntur, & sine cujus motione media quiescunt, & non assumuntur. Attendendum est, simoniam non consistere in solo munere, sed in eo dato cum intentione ordinata immediatè, vel mediatè ad electionem, vel beneficium. Ergo si emittitur benevolentia, ut postea hæc inclinet electorem ad eligendum, est simonia.

18 III. Committitur simonia, si detur pecunia electori, quem novi corruptum à meo competitore. Nam hoc est clavum clavo trudere, & nundinari in materia simoniæ. Certum enim est, quod finis dandi pecuniam sit remove impedimentum ab adversario positum, ut in me, vel meos amicos cadat electio. Nec alius finis assignari potest. Et ita emendabitur simoniaca emptio per aliam simoniam, quod fieri nullo modo potest: quemadmodum nec maleficio potest maleficio tolli, quia hoc est intrinsecè malum.

19 IV. Est simonia, si Præses Capituli volens Titium, & non Cajum eligi, videns electores inclinare in Cajum, ut Cajum excludat, agit cum isto, ut quamvis aliàs dignus, à concursu desistat, & adhibet minas, aliisque artibus utitur, quæ possunt animum Caji à concursu retrahere, idque obtinet, Nam hic preces adhibentur, & metus incutitur ad effectum, ut eligatur Titius; consequenter est æquivalenter pretium electionis, ad quam desistentia Caji dirigitur, Sanctior. de penis c. 15. q. 8.

Quod procedit etiam, dum Superiores volentes, ut unus præ alio eligatur, ad hunc effectum importunas præces cum electoribus adhibent, vel negant se dispensationes cum aliquibus dare, nisi ille eligatur, & promittunt conferre, ubi de ipsius electione concluditur. Nam dd. preces, minæ, & promissiones electionem intendunt, adeoque in emptionem rei spiritualis diriguntur.

20. V. Est simoniacus Provincialis remittens alicui ex vocalibus poenam priva-

tionis vocis, quam propter delictum meretur, dicens: *Possum te privare suffragio in Capitulo, sed parco, si promittas in eo ad meam intentionem suffragari*: & ita in facti contingentia privandus exequitur, ut expressè c. *Nemo Præsbyterorum*, de *simon.* Ratio est, quia timorem gravem in illum incutit, per quem ad suffragandum movetur. Et hac gravi comminatione, & remissione poenæ conatur emere suffragium illius, actumque jurisdictionis spiritualis, quem exercere debet, pro suffragio vendere.

VI. Simoniacæ est illa electio, ubi Electores conveniunt: *Si dederis mihi tuum votum in hac electione, ego dabo tibi meum in illa*, vel si ad effectum electionis promittatur Guardianatus, Definitoratus &c. Nam quodlibet pactum in Beneficiis, & Officiis Ecclesiasticis prohibetur, & simoniam inducit, cap. *Cum pridem*, cap. *Pactiones*, de *pact.* & expressè cap. *De hoc autem*, de *simon.* Quia in dd. conventionibus promittitur jus spirituale cum onere, ut fiat aliquid, quasi pro pretio rei spiritualis, vel ut causa mediata eam habendi. Vide Dian. ubi sup. tom. 5. tract. 7. resol. 11. & Peyrin. dict. loc. §. 9. dico 2.

Dices. In casu commutatur res spiritualis pro spirituali, quarum commutatio non videtur simoniaca: ita una Reliquia potest absque simonia cum alia commutari. Propter quod plures apud Dian. citat. resol. 12. dixerunt, commutationem Prælaturarum, & Officiorum Regularium non esse simoniacam.

Resp. Gonzalez in 3. tit. 19. cap. ult. num. 3. Mayol. summ. 1. part. 3. præcept. de *simon.* art. 3. §. 3. Duhamel. Theol. moral. tom. 2. in Decalog. differ. 2. cap. 7. num. 9. ex cap. *Exhibita*, in illis verbis: *Cum permutatio de spiritualibus ad temporalia improbetur*, tradunt, posse res pure spirituales inter se permutari. Nam cum non commutetur spirituale pro temporali, nulla est suspicio simoniæ; quam Sacri Canones considerant in Beneficiis, & Officiis Ecclesiasticis, & ideo circa ipsa permutationes privata auctoritate prohibuerunt, c. *Quasitum d. tit.* c. *Super eo de transact.*

De commutatione unius Reliquiæ cum alia agit Layman Theol. moral. lib. 4. tract. 10. cap. ultim. §. 5. num. 57. Campion. instr. par. 2. cap. 37. num. 23. ubi dicit, non esse illi-

illicitum permutare unam reliquam cum alia. Sed vide quæ dixi c. 45. n. 14. Et attende, quod circa spiritualia, propter reverentiam eis debitam, etiam nundinationes sunt vitandæ. Legas Dian. cit. & resol. 10. nu. 3. & Portel. dub. regul. ver. Simon. num. 4. ubi priores illas conventiones ut simoniacas damnant.

Observandum, quod dum duo Sacerdotes conveniunt: *Celebra hic pro me, & ego illic pro te celebrabo*: conventio non cadit super spirituale, sed solum super laborem præstandum, & servitium extrinsecum celebrationis, celebrando in hoc loco in favorem alterius; pro quo servitio, tanquam stipendium, confertur ab alio Sacerdote aliud servitium præstandum celebratione in alio loco.

VI. Committitur simonia, dum ad Prælaturam, vel Officium Ecclesiasticum quis promovetur hac conditione: *Dabo tibi meum suffragium; sed nollem te esse mihi ingratum*. Nam reperitur contractus do, ut des: & palliatur simonia: semper enim intenditur lucrum titulo gratitudinis dandum, vel recipiendum pro spirituali. Pro qua si detur temporale, etiam ut motivum, & gratuita compensatio, simonia committitur; quia compensatio est virtualis commutatio, & in re intenditur ponere æqualitatem, & solvere, Natal. Alex. Theol. moral. tom. 2. tract. 2. de simon. c. 7. art. 5. reg. 23.

22 Hinc observa, cautè esse legendos, qui dixerunt, posse absque simonia pacisci non de substantia, sed de commodo electionis; ut si unus elector commodum ex una electione percipiat, & alter ex alia; ut esset gratificare amicum; vel constituere aliquem in officio, qui rationes electoris promovebit, eique favebit; nam temporale intenditur, & tale commodum conjungitur cum electione, tanquam effectus cum sua causa, qui haberi non potest, nisi per positionem causæ, electionis nimirum; ideò paciscens de tali commodo implicitè paciscitur de electione. Propterea tale pactum est illicitum, quia venit in contractum ipsa electio, quæ ea parte, qua ex pacto præcedenti fieret, & qua pro commodo temporali venderetur, jure simoniaca diceretur, per Donat. prax. tom. 2. tract. 1. q. 22. num. 10. Pignatelli ibid. num. 32. Sanctoro de pæn. cap. 15. quest. 8. ver. Respondeo, cum Villal. ponderante hu-

jusmodi metaphysicis abstractionibus Sacros Canones eludi. Nam posset quis dicere: *Emo, vel vendo in Beneficio non jus spirituale, sed commodum reddituum: vel moveor à commodo, non à spiritualitate ad emendum, vel vendendum Beneficium*; & ita aditus simoniæ aperiretur: quod omnino est cavendum.

Quare ad Prælaturam eligens, vel eam recipiens cum conditione obsequii præstandi, etiam si videatur pium (ad quod tamen de jure, & electione præcisa, electus non tenetur) simoniam committit, quia intervenit munus ab obsequio.

23 Advertendum, non posse sine labe simoniæ duos Superiores locales propria auctoritate, Conventus, quibus per electionem præsumt, ad invicem permutare, & unus alteri suum cedere, se mutuo ad alium transferentes; sed opus est, ut concurrente justa necessitate publicæ utilitatis: fiat resignatio in manu Superioris, etiam extra Capitulum, & Congregationes, juxta text. in d. cap. Quasitum, §. si autem, à quo per novas patentes debent Conventibus deputari.

Appellatione Superioris veniunt Generalis, & Provinciales, qui habent auctoritatem quasi Episcopalem; sed translatio per Provinciale non est facienda in Ord. Min. de Observ. nisi definitorum judicio ad præscriptum Statutorum Cap. Gen. Vallislet. 1593. tit. Guardiani quales sint & c. §. Si quis autem.

24 VII. Simonia committitur, dum quis alteri pecuniam, aut munus à lingua, vel ab obsequio confert, ne denunciatur, tamquam *spurius, excommunicatus &c.* ut hac via tollatur impedimentum propriæ electionis, per text. in cap. Nemo, de simon. cum sua Gloss. ver. celest. Nam simonia committitur etiam, dum pro aliquo temporali peccatum, vel defectus celatur ab eo, qui ex officio denunciare tenetur. Consideratur enim, quod tunc pretio parat sibi viam ad jus spirituale obtinendum.

Dices. Est communis DD. opinio, posse absque simonia vexationem redimi: & nil plus ille operaretur, quam vexationem redimere.

25 Quantum ad hæc, videnda sunt dicta superiori capitulo numer. 21. & hic servata proportionem aptentur. Consideretur distinctio de jure plenè, & completè acquisito, ac

acquirendo . An molestia sit iusta , & procedat ab eo , qui de jure potest se electioni opponere , & confirmationem impugnare ; vel sit ab alio , ad quem id non pertinet , atque ita injuste , & illegitime vexet . Quando jus ad Prælaturam non est completum , nec ipsa pleno jure possidetur , non potest vexatio redimi ab eo , ad quem de electione pertinet , per *cap. Matthæus, de simon.* Consequenter electus à maiori parte Capituli , sed uno contradicente , non potest huic dare pecuniam , ut à contra dictione cesset , ut ibi textus . Per electionem enim non habetur ius plenum ad Prælaturas (in illis , in quibus est necessaria confirmatio distincta) per ea , quæ notantur in *cap. Avaritia, de elect. in 6.* Ubi verò Prælatura fuit plenè acquisita , vexatio redimi potest . Siquidem tunc pecunia confertur solum ad redimendam moram executionis officii iniuste impeditæ , Provinciæ noxiæ , Peyrin. *cit. dico 8. & 9.*

26 Quæritur . An sit simonia offerre , & dare pecuniam electoribus , ne eligant indignum , ad quem eligendum sunt determinati ?

Resp. Negativè . Nam hoc est redimere vexationem Ecclesiæ , quæ ius habet , ut non eligantur indigni ; ergo redimi potest iniusta eius vexatio , quod honestum utique est , cum honestum sit impedire malum , quoad fieri potest , omnibus mediis , quæ in sua natura non sunt mala ; neque hic aliquid spirituale compensatur pecunia , sed datur , ne aliquod malum fiat , Peyrin. *cit. dico 5.*

27 Verùm cum electores determinati sunt ad eligendum indignum , aut minùs dignum , non licet offerre pecuniam , ut eligant aliquem dignum determinatè . Quinimò cum plures digni sunt , non licet id facere in favorem dignissimi , quia directè tribueretur pecunia pro ipsa electione , & ita spirituale compensaretur pretio . Ulterius consideratur , quòd non potest licitè intendi , quòd onus determinatè ex pluribus eligatur , nisi intendatur electio ipsius determinatè , & ita pecunia offertur pro ipsa electione determinatè ; nam offertur pro eo , quod intenditur , ut cum alleg. Peyrin. & Pignatell. *num. 37. DD. concordant.*

28 Quæritur , An electio Abbatissæ , vel Priorissæ facta interventu pecuniæ , sit simonica ?

Plures negant , & deducunt , ex quo Abbatissæ non competat potestas spiritualis in subditas , quia cum sit femina , est incapax potestatis , & iurisdictionis spiritualis ; consequenter non potest præcipere *in virtute sanctæ obedientiæ , in virtute Spiritus sancti* , nec præcepta *spiritualia Monialibus imponere* , hoc est , ordinata ad finem spiritualem , seu supernaturalem , aut quatenùs profectum spiritualem subditarum concernunt , quia hoc importat usum iurisdictionis spiritualis , quæ femina caret . Solum ei competit potestas civilis , politica , æconomica , & domestica , ut Matrifamilias : & maior , quàm matres habeant respectu filiorum ; siquidem ei convenit vigore Regulæ , & subiectionis à Sede Apostolica approbatæ . Et ita potest imponere præcepta spectantia ad domesticam gubernationem , obligantia ad culpam gravem , aut levem , ne pax , disciplina , observantia , & conservatio familiæ depereat , Pelizarius *de Monial. cap. 4. sect. 3.* Diana *coord. tom. 7. tractat. 1. resol. 332.*

Respond. tamen affirmativè contra Dianam , & Pelizarium locis allegatis . Nam Abbatissatus est Officium Ecclesiasticum tribuens ius etiam spirituale . Quod supponitur in *cap. Indemnitatibus , de elect. in 6. in princip. ibi : Indemnitatibus Monasteriorum Monialium* , quæ frequenter propter electiones in discordia celebratas , in ipsis grandia in spiritualibus , & temporalibus dispendia patiuntur . Nec potest convenire , nisi professis , per text. ibidem , & ex Tridentin. *sess. 25. cap. 7. de regul. & per electionem Canonica* , seu reservata forma Canonis , in *cap. Quia propter , de elect. & Tridentin. cap. 6. cit.* Adeoque est saltem spiritualibus annexus , seu in sequelam ad rem spiritualem , professionem nimirum , per quam quis Deo consecratur . Quod satis est , ut simonica sit electio , si pretio comparetur .

29 Abbatissæ enim convenit iurisdictionis , & potestas spiritualis , non quæcumque , sed solum præceptiva , & correctiva , quæ non spectat ad Claves , nec dependet ab Ordine . Nam iurisdictionis spiritualis , sive pro foro interno , sive externo , cuius usus est usus Clavium , & Ordinem supponit , est incapax , cum capax non sit recipiendi Ordinem Clericalè . Et ita non potest absolvere à peccatis , vel censuris , nec excom-

excommunicare, consecrationes & benedictiones Ecclesiasticas conficere, vel similia operari, quæ ab Ordine pendent, ut expressè *c. Nova, de pœnit. & remiss.* Qua ratione intelligendi sunt negantes Abbatisis jurisdictionem spiritualementem.

Habet itaque solum jurisdictionem spiritualementem in sibi subditas, quæ dicitur præceptiva, & correctiva, non utcumque, sed in ordine ad finem supernaturalem, nec à clavis dependet, sed solum ex electione Canonica superioritati connexa. Quod constat ex eo, quod Abbatisa sit non solum Mater-familias, sed etiam Superiorissa Monialium: qua Mater-familias habet in subditas potestatem temporalem, qua potest præcipere, & prohibere, quæ ad rectam, & domesticam gubernationem Monasterii spectant: qua verò Superiorissa potestatem, & jurisdictionem spiritualementem præceptivam, & correctivam retinet, qua potest plura præcipere, & aliqua operari ob finem etiam spiritualementem Monialium, & ad spiritualementem profectum ipsarum. Nam subditæ spiritualiter, & moraliter in re gravi obligantur sub gravi culpa Abbatissæ obedire: etenim in eius manibus professionem emittunt, per quam spiritualiter, & moraliter adstringuntur ad Regulæ observantiam: atque ita debet, esse qui talis professionis observantiam exigit, & zelat; ed nullus alius cum maiori proprietate, quam Abbatisa, quæ est Superiorissa immediata, & localis Monialium, adeoque Abbatisa potest spiritualiter, & moraliter Moniales cogere ad observantiam, & obedientiam regularem, in ordine ad profectum spiritualementem ipsarum. Nam hic est finis magis principalis, qui in emissionem professionis, & in institutionem Religionum utriusque sexus intenditur.

Quapropter ipsa in spiritualementem profectum Monialium potest per sanctam obedientiam præcipere auditionem Missæ, iubere frequentiam confessionis prohibere accessum ad collocatoria, & ut proprietarias corrigere, & punire, quæ contra votum paupertatis delinquant; & similia agere, quæ ordinantur ad vitam spiritualementem Monialium, & votorum observantiam. Videantur Sanctorum *comment. c. 11. stat. 7. verb. dicto decimo primo*, & *Felix 10. 1. examen confess. p. 1. c. 2. quæres 5. n. 208.*

30 Quæritur. An sit simonia conferre, vel promittere pecuniam, ut quis postule-

tur pro Beneficio, vel Ecclesiastica Prælatura?

Resp. Affirmativè. Nam postulatio ordinatur ad ius spirituale, consideratur enim, quod sicut per electionem acquiritur ius petendi confirmationem, *c. Postquam, cap. Nihil, de elect.* ita ut, publicato scrutinio, non liceat electoribus variare, *c. Publicato, eod. tit.* ita postulato acquiritur ius ex postulatione, postquam hæc fuerit Superiori præsentata, adeo ut non liceat postulantibus ab ea recedere, ut expressè text. in *c. Bona memoria il 2. de postul.* ne videlicet *Sedi Apostolica illudatur, & ejus iudicium ex aliorum pendeat arbitrio*, ut ibi text. Quod patet item ex *d. c. Cum detestabile*, ubi etiam postulatione simoniacè factæ, nullius roboris declarantur. Postulatio autem describitur: est *quadam gratia* petitio Superiori facta de promovendo aliquem ad Prælaturam, ad quam de iure communi propter impedimentum aliquod, vel defectum, eligi, seu promoveri non poterat. Itaque qui postulatur, est ineligibilis, non propter vitium, sed vel quia est extraneus, laicus, & illegitimus: criminosus enim est impostulabilis, per iura, & Fagnan. *cit. n. 74.* De convenientia, & differentia electionis à postulatione, agit Fagnan. ad *d. c. Bona memoria il 1. d. tit. nu. 40. & 53.*

De pœnis simoniaci taxatis dictum est supra *c. priori n. 38.* viderique possunt etiam in *d. Extravag. Cum detestabile.*

31 Quæritur. Quibus probetur, & legitime constet, simoniam fuisse commissam?

Resp. Crimen simoniæ non dicitur plene, & concludenter probatum: nisi pactio, & conventio probetur, quæ utrinque inducant obligationem, & præcedant electionem, quæ simoniaca prætenditur, desumitur ex *c. Cum pridem, de pact. & c. Quæsumus §. generaliter de rer. permut.* Pactum enim, & conventio est forma, qua constituitur simonia; ideo secluso pacto, excluditur constitutum simoniæ: nam eo præciso, non esset emptio, vel venditio.

32 Et ita non sufficit solus tractatus, nisi pactum, vel conclusio pacti probetur, ut dixit Rota *dec. 534 p. 4. tom. 3.* Quod est adeo certum, ut nec probetur ex actibus subsequendis post perfectam electionem nisi etiam probetur, quod in vim pacti, & præcedentis conventionis subsequantur, ut observavit Gl. ad *c. Tunc de simon. verb. purè consentiant.*

33 Minusque simonia concludenter probatur per testes, qui deponant, vel ex auditu, vel de credulitate, nam nec plenè, nec semiplenè probant, per text. in c. *Tam litteris de testib.* ubi dicitur, testes de auditu, & fama sufficienter non probare, sed redduntur suspecti, maxime si à quo audierint, non deponant: vel si deponant, nec ille vivit, nec fuit judicialiter examinatus; vel sint singulares: non sola fama iudicium præbet, sed solum aliàs legitimas probationes coadjuvat, cum testes de illa deponentes idonei sunt, & omni exceptione maiores, per Farin. qu. 47. num. 210. & tunc dicitur esse in probationis subsidium.

34 Quamobrem plena, & concludentissima probatio simoniæ confurgit per vehementes, & indubitatas præsumptiones, ac depositiones testium, qui deponant de scientia, & non de credulitate: sintque idonei, & contestes, & non singulares; ac iurati; quia testis non iuratus non probat, c. *Nuper de testib.* & necesse est, ut deponant.

35 I. Vel quòd pecunia sit soluta, aut promissa, vel tamquam prætium, vel ut motivum electionis. Videas c. *super. n. 25.*

II. Vel quòd præcesserit pactum, vel conventio expressa, aut tacita.

36 III. Vel quòd temporale sit datum, vel promissum, ut gratuita compensatio pro spirituali. Nam compensatio in re tollit titulum gratitudinis, & est virtualis commutatio, cum ponat æqualitatem, quæ est actus iustitiæ; & ita dum per actum gratitudinis intenditur compensare, in re intenditur ponere æqualitatem: & en pretium, & iustitia. Videas prop. 43. & 46. ab Innocentio XI. proscriptas.

IV. Vel quòd gratitudo sit deducta in pactum; ut eligite in *Provincialem*, si fueris mihi gratus; aut, si ex gratitudine dederis mihi centum in recognitionem; quia pactum imponit obligationem iustitiæ, & consequenter inducens debitum dandi tollit titulum gratitudinis, & liberalitatis, adeoque simoniam infert; sicut est usura in mutuo exigere ultra fortem aliquid tamquam ex gratitudine, & benevolentia debitum; ut do tibi mutuum cum pacto, ut postea sis mihi gratus ad remutuandum, vel ex benevolentia aliquid des in recognitionem Beneficii. Nam pactum imponit debitum ex iustitia, eoque mutuarius gravatur onere, & obligatione, ad quam ex vi mutui non tenetur. Legatur

prop. 42. ab eod. Innoc. damnat. & quòd dixi lib. 2. caut. Confess. c. 24.

37 V. Vel quòd pactum fuerit de commutando spirituale pro spirituali: quia simonia non solum dicit, quòd spirituale commutetur pro temporali, sed etiam quòd spirituale deducatur in pactum, & ita vile reputetur, ut subjiciatur contractui humano. juxta c. *Quæsitum de rer. permut.* Et proinde in c. *Pactiones, de pact.* damnatur, ut illicitum, omne pactum, & omnis conventio circa spirituale, ex sæpè dictis.

38 VI. Ad probandam simoniam sufficiens est, quòd in cella electoris reperiantur litteræ promissionis, & conventionis. Nam tunc legitime præsumitur fuisse ab eo receptas, ex regula leg. si filius familias patre absente, ff. *Macedonian.* Et hæc præsumptio debet esse validum argumentum Superiori ad non confirmandam electionem; & electo, forsan ignoranti, motivum, ne d. electionem acceptet, juxta cap. *Matthæus de simon.*

39 VII. Probatur etiam concludenter, & indubitata præsumptio, vehemensque conjectura reputatur, si apud electorem reperiatür syngrapha bancharia, qua electus, vel de ejus voluntate alii electoribus ad certam pecuniæ summam, confecta electione, solvendam se adstringunt. Cætera his similia videantur apud Autores.

40 Et interea notetur. Primò. Quòd ubi crimen simoniæ esset notorium, deberet Judex ex officio procedere, nemine accusante, c. *Evidentia de accusat.*

41 Secundò. Quòd licet pro foro exteriori allegari sæpè non possit, ad justificandum crimen simoniæ fuisse commissum, aliqua vehemens præsumptio, & plena probatio (adeoque in eo nequeat contra electum, vel electorem criminaliter procedi) tamen pro foro interiori (in quo secundum conscientiam res judicatur) nec electus Prælaturam, vel officium Ecclesiasticum, nec elector prætium receptum retinere possunt, sed ille Prælaturam tenetur dimittere, etiam ante sententiam Judicis: quia nunquam in eam legitimum jus habuit, & alter pretium, suum nunquam fecit, ex defectu contractus nulliter celebrari, ex d. c. *Cum detestabile*, & ex cit. c. n. 44.

CAPVT LI.

Officialis quoad Syndicos
Apostolicos.

SUMMARIUM.

- 1 *Syndici Apostolici nominantur a Generali, & Provincialibus.*
- 2 *Gaudent privilegio fori.*
- 3 *Varia Decreta S.S. CC. super exemptione Syndicorum, ab Innoc. XI. confirmata.*
- 4 *Syndici Conveniuntur coram Iudice Conservatore.*
- 5 *Sunt exempti à represaliis.*
- 6 *An gaudeant exemptione ab oneribus communitativis.*
- 7 *Unus tantum pro unoquoque Conventu gaudet privilegiis.*
- 8 *An possint Conventus præter Syndicum habere Substitutum?*
- 9 *An Ecclesiastici assumpti in Syndicos exempti sint ab iurisdictione Ordinarii, & sint solum de illa Conservatoris privilegiorum.*

SYNDICUS Apostolicus pro toto Ordine Minor. à Generali, & Provincialibus pro Provinciis, & Conventibus nominatur, juxta dispositionem Pauli IV. Constitut. ex Clement. I. la I. Bullar. tom. I. vel etiam à Guardianis de præfatorum licentia, ut expressè textus; ad effectum, ut ipse nomine Romanæ Ecclesiæ, elemosynas Fratribus Minoribus à fidelibus elargitas recipiat, & administret, eorum providendo necessitatibus, per d. c. 17. num. 24. & seq.

Etiam Procurator, & Commissarius Generalis Romanæ Curia possunt Syndicos pro ipsorum respectivè officio constituere, ut probat Sanctior. *Comment. c. 8. stat. 37. in fin.* Quia sine Syndicorum usu non possunt, absque transgressione Regulæ proprium officium exercere, cum debeant aliquas contributiones à Provinciis pro expensis recipere, super quo cap. 4. stat. 4. in princ. refert concessionem Eugen. IV. 4. Kal. Maji 1432. ibi: *Quod possint etiam facere Provinciales in Provinciis, & Procuratores Ordinis in Romana Curia.*

Hujusmodi Procurator, & Commissarium Capitulo Generali de sexennio in se-

xennium eliguntur per vota secreta à vocalibus respectivè Familiæ Cismontana, & Ultramontana, Constit. *Sacro sancti Innocentii XII. 42. Bull. Firmani*: ita pariter Procurator Generalis Reformatorum à Reformatis eligitur, Constit. *Cum nos ibid. la 41.* Et electio non fit per schedulas, sed per ballottationes, juxta praxim à principio hujus provisionis introductam.

2 Syndicos intuitu laborum, quos continuo in Fratrum beneficium sustinent, S. Sedes spiritualibus favoribus decoravit: ipsis Clemens VII. concessit privilegium fori in causis civilibus, criminalibus, & mixtis, motis, & movendis, Constit. *Dum 19. Bull. tom. I. ut infra*

Dum desideramus assiduos labores, & vigiliis, quos dilecti Filii Syndici, & Procuratores Domorum, & Monasteriorum Fratrum Minorum S. Francisci Regularis Observantia, & Monialium Sanctæ Clara, Conceptionis, & Annunciationis Ordinum, & Sororum Tertiæ Regulæ S. Francisci, sustinere non cessant, meritò nos obligant, ut animarum suarum saluti consulamus, ipsosque à quibusvis molestiis, & injuriis, sibi pro tempore illatis, quantum cum Deo possumus, relevemus.

Idcirco uni Syndico, & Procuratori hujusmodi, cum illius Uxores, & liberis, presenti, & futuro, singule Domui, & Monasterio prædictis pro tempore servientibus, quod de cætero perpetuis futuris temporibus, ipsi & eorum quilibet omnibus, & singulis indulgentiis, & peccatorum remissionibus, favoribus, & gratiis, quibus Fratres Ordinis Observantia prædictorum utuntur, potiuntur, & gaudent, seu uti, potiri, & gaudere poterunt quomodolibet in futurum, uti potiri, & gaudere possint, & valeant.

Et insuper in quibusvis causis, & rebus ipsos Syndicum, & Procuratorem concernentibus, civilibus, criminalibus, & mixtis, non nisi coram Iudicibus Conservatoribus Domorum illarum, quarum ipse Syndicus, & Procurator fuerit, de justitia respondere teneatur, auctoritate Apostolica concedimus, & indulgemus.

Inhibendo sub excommunicationis lata sententia pœna universis, & singulis Iudicibus, Commissariis Ecclesiasticis, & Secularibus, quacumque auctoritate fulgentibus, ne de causis contra dictos Syndicos, & Procuratores, & motis, & movendis, directe, vel indire-

directè, quovis quæsito colore, seu prætextu, se intromittere quomodolibet de cætero audeant vel præsumant. Decernentes quoscumque processus contra dicto Syndicos, & Procuratores, per alios, quam dictos Conservatores, in causis dumtaxat contra eos motis, & movendis, habendos, & sententias ferendas, nullos, & invalidos, nulliusque roboris, vel momentifuisse, & esse, ac irritum, & inane, si secus super his à quoquam quavis auctoritate, scienter, vel ignoranter contigerit attentari, non obstantibus &c. Romæ 16. Aprilis 1526.

Ab Innocentio XI. confirmantur in forma specifica Decreta variarum SS. Congr. emanata super exemptione, & privilegiis præfatorum Syndicorum.

Alias pro parte dilecti filii Francisci Marie Tagliaferri, Procuratoris Generalis Ordinis Fratrum Minorum Sancti Francisci, de Observantia nuncupatorum, Congregationi Venerabilium Fratrum nostrorum S. R. E. Cardinalium negotiis, & consultationibus Episcop. & Regular. præpositæ, exposito, quod dudum nonnulli Romani Pontifices, & præsertim fel. record. Nicolaus III. & Nicolaus IV. Martinus V. & Eugenius IV. Prædecessores Nostri, ut vera observantia, Regulæque puritas in Ordine prædicto vigeret, & magis augetur, Fratresque ipsius Ordinis ab omni dominio, & proprietate alieni conservarentur, statuerant, & ordinaverant, ut unicuique Conventui dicti Ordinis assignaretur unus Procurator, sive Syndicus Apostolicus, qui omnes elemosynas tam pecuniarias, quam aliarum rerum colligere, illasque solus in necessitates Fratrum præfatorum applicare deberet.

§. I. Et subinde recol. mem. Clemens Papa VII. etiam Prædecessor Noster, intuitu laborum, quos ejusmodi Syndici in beneficio dictorum Fratrum, quocumque tempore, & quavis occasione assidue sustinebant, eosdem Syndicos a foro seculari exemerat, volens, ut in causis, tam civilibus, quam criminalibus, & mixtis, nonnisi coram Iudicibus Conservatoribus eorundem Fratrum Minorum de Observantia de justitia respondere tenerentur, & alias prout in ipsius Clementis Prædecessoris Litteris, de super in simili forma Brevis die 16. Aprilis 1526. expeditis, plenius dictis contineri.

§. II. Ac in eadem expositione subjuncto, quod nonnulli dicerent, privilegium hujusmodi Official. Cur. Eccl.

di in aliqua sui parte amplius in usu non esse; alii verò prætenderent, illud Syndicis prædictis, ratione eorum officii tantum, non autem utilitibus personis, competere; unde fiebat, ut Fratres prædicti non sine Paupertatis, & Regulæ, quam proficentur, suarumque conscientiarum detrimento, neminem amplius reperire possent, qui eorum Syndici, sive Procuratoris munus in se suscipere, eumque laborem assumere vellent.

§. III. Idcirco pro parte præfati Francisci Marie Procuratoris Generalis dictæ Congregationis Cardinalium supplicato, ut non solum auctoritate Apostolica confirmaretur dictum privilegium, sed etiam illud Syndicis, sive Procuratoribus hujusmodi, uti talibus personis competere declararetur.

§. IV. Emanavit ab eadem Congregat. Cardinalium Decretum tenoris sequentis, videlicet: Sacra Congregatio E. E. S. R. E. Cardinalium negotiis, & consultationibus Episcoporum, & Regularium præposita, attentata remissione libelli per SS. D. Nostrium facta, referente Eminentissimo Norfolch, censuit danda esse Oratori Decreta alias edita: nempe super præmissis servandam esse præfatam Constitutionem sa. mem. Clementis VII. prout præsentis Decreti tenore omnino servari mandat, & præcipit. Romæ 28. Martii 1686.

§. V. Porro cum dictus Franciscus Maria Procurator Generalis prænarrata pariter exposuisset Congregationi etiam Venerabilium Fratrum Nostrorum ejusdem S. R. E. Cardinalium, super Immunitate Ecclesiastica, & controversiis jurisdictionalibus deputatorum: hac Congregatio censuit, danda esse Decreta anteriora tenoris, qui sequitur, videlicet: Sacra Congregatio super Immunitate Ecclesiastica, & controversiis jurisdictionalibus, habita sub hac die Martii 1686. circa exposita in præsentis supplici libello. dixit, danda esse Decreta, ut infra, die 31. Maji 1639. Fanen. Provincialis Fratrum Minorum Observant. S. Francisci, Sacra &c. censuit, respondendum Episcopo, ut quoad exemptionem Syndici Fratrum Min. de Obser. loci de Cartoceto faciat Bullam Clem. VII. observari, si in eo concurrant requisita ejusdem Bullæ.

§. VI. Die 17. Novembris 1642. Perusina, Fratres Sancti Francisci Minor. Observ. Sacra &c. censuit servandam esse

Cc

Bul-

Bullam Clem. VII. circa privilegium fori, & exemptionis Syndicorum, & Procuratorum Ordinis Fratrum Minor. S. Francisci de Observantia.

§. VII. Die 4. Augusti 1654. Fanen. Episcopus: *An Syndicus Fratrum Minorum de Observantia Sancti Francisci gaudere debeat privilegio fori? Sacra &c. censuit; huiusmodi Syndicum gaudere privilegio fori, juxta Constitutionem Clem. VII.*

§. VIII. Die 23. Maji 1645. Romana. Pater Commissarius Generalis Curie querit: *An Syndici, & Procuratores Apostolici Conventuum sua Religionis gaudeant privilegio fori, etiam in causis, tam civilibus, quam criminalibus, & mixtis, motis ante institutionem officiorum, virtute Bullae Clem. fel. record. Papa VII. Sacra Congr. respondit, Syndicos Conventuum Ordinis Fratrum Minorum de Observant. S. Francisci ex Bulla fel. recor. Clem. VII. gaudere privilegio fori, tam in causis civilibus, quam criminalibus, & mixtis, etiam motis ante eorum deputationem, seu institutionem in officium Syndicatus.*

§. IX. Die 23. Maji 1645. Recinaten. *An Syndicus Monialium Sanctae Clarae gaudeat privilegio fori, prout gaudent Syndici Fratrum Minorum de Observantia? Sacra &c. censuit, huiusmodi Syndicum gaudere debere privilegio fori, in quorum fidem &c. Datum Romae sub hac die 20. Aprilis 1686.*

§. X. Cum autem &c. Nos &c. Decreta praeferta à memoratis Congregationibus Cardinalium respectivè emanata, auctoritate Apostolica tenore praesentium approbamus, & confirmamus, illisque inviolabilis Apostolica firmitatis robur adjicimus, salva tamen semper in praemissis auctoritate earundem respectivè Congregationum Cardinalium. Decernentes &c. sicque in praemissis &c. irritum, & inane &c. non obstantibus &c. Romae 19. Junii 1686.

Syndici huiusmodi non possunt compelli ad exercenda munia publica Communitatis, nec conveniri, nisi coram Iudice Conservatore.

4. Itareperitur in libro Decretorum Sac. Congregationis super Immunitate Ecclesiarum & controversiis jurisdictionalibus, sub die 10. Maji 1669. videlicet: *Sacra Con-*

gregat. inherendo Declarationibus alias factis censuit, Procuratorem, & Syndicum Fratrum Minorum de Observantia ex Bull. fel. record. Clem. VII. gaudere privilegio fori, tam in causis civilibus, quam in criminalibus, & mixtis; & insuper non posse compelli ad exercenda munia publica Communitatis, neque à quoquam posse molestari, nisi coram legitimo Conservatore. Romae hac die 7. Januarii 1699.

Et sub die 9. Augusti 1701. Sacra Consulta in favorem Syndici Conventus Terrae Fabriani, extracti ad effectum, ut exerceret munus Communitatis, rescripsit: *extrahi alium; & iterum proposita causa, & instante loci gubernatore, sub die 19. eiusdem mensis, & anni respondit: in decessis.*

Syndici gaudentes privilegio fori, sunt exempti à Repraesaliis.

S P O L E T A N A.

5. Instantibus Monialibus Monasteriorum Sanctissime Trinitatis, S. Pontiani, & Sanctae Catharinae, pro declaratione, Agentes dictorum Monasteriorum esse exemptos à Repraesaliis: *Sacr. Congr. super Immunitate Ecclesiastica, & controversiis jurisdictionalibus habita sub die 14. Januarii 1698. censuit, Syndicos tantum gaudentes privilegio fori esse exemptos à Repraesaliis. Romae hac die 7. Januarii 1699.*

6. Sac. Congregat. Immunit. in una Fe-retrana 19. Maji 1703. respondit, Syndicum non teneri ad solvendas collectas pro oneribus Communitatis. Et revera in facti contingentia consuevit S. C. Boni Regiminis committere locorum Gubernatoribus, ut privilegium exemptionis à talibus oneribus, Syndicis Conventuum Fratrum praeservarent; ut fuit communiter practicum, ut ex Regestis eiusdem S. C. Verum in praesenti d. privilegium fuit ad instantiam quarundam Communitatum ab eadem S. C. revocatum: quæ partibus auditis, sub 19. Julii 1704. censuit, *Syndicos Apostolicos teneri ad onera communitativa.*

7. Sicut autem non potest legitime constitui pro quovis Conventu nisi unus Syndicus, ita non nisi unus canonicè institutus fruitur privilegiis, quibus à Sancta Sede fuerunt Syndici Fratrum Minor. decorati. pro-

prout pluries rescripsit Sacr. Congregat. Boni Regiminis, & in Pisaurien. 24. Januarii 1699. & patet ex allegata Constitut. Clementis.

8 Quæritur. *An possint Conventus præter Syndicum habere substitutum?*

Respond. Affirmativè, juxta Constitutionem Innocent. XI. *Militantis*, editam 22. Novembris 1669. & disposita post constitutionem Urbani VIII. *Sacrofanctum la 50. Bullar. tom. 4. ac in statutis Ordinis capit. 4. §. 1.* Substitutus autem nominandus, & deputandus est ab ipsomet Syndico, ubi viderit se non posse in totum per se ipsum munus implere; cum enim Syndicus sit Oeconomus, vel Procurator Sedis Apostolicæ, potest alium subdelegare, juxta regulam Canonicam, prout in *cap. Si pro debilitate, & cap. Præterea, de offic. delegat.* ubi disponitur, quod Delegatus à Papa, vel Principe, potest subdelegare. Unde Fratribus est interdictum substitutos nominare; non enim Generales, & Provinciales privilegiati sunt ad nominandos substitutos, sed syndicos dumtaxat, prout id *dict. Constit. Pauli IV. Ex clementi.* Nec substituti dicuntur substituti Fratrum, sed Syndici. Fratres solum possunt Syndicum mone- re de assumenda persona apta, & idonea, eamque eidem proponere, ut eam assumat, si sibi placeat.

Debet autem substitutus pecunias nomine syndici recipere, easque ejus autoritate in Fratrum necessitates expendere, & ei rationem reddere, non verò Fratribus.

9 Quæritur. *An Ecclesiastici assumpti in syndicos exempti sint ab jurisdictione Ordinarii, & sint solum de illa Conservatoris privilegiorum?*

Respond. Negativè, in vim allegatæ Constitutionis Clementis VII. In ea enim dispositio videtur restricta ad solos Laicos, cum loquatur: *Det uni syndico, & Procuratori cum illius uxore, & liberis.*

C A P U T LII.

Officialis quoad Tertiarios.

S U M M A R I U M.

- 1 *Assignantur genera Tertiariorum.*
- 2 *Votum solemne Religionis non includitur in voto simplicis Castitatis.*
- 3 *Sacra Congreg. multa præscribit quoad Tertiarias.*
- 4 *Mulieres de Tertio Ordine habentes qualitates gaudent privilegio fori.*
- 5 *Protegentur etiam à privilegio Canonis.*
- 6 *Dubitatur de illis, qui in Congregatione vivunt, propter Const. B. Pii V. Circa Pastoralis.*
- 7 *Agitur de professione, quæ à viris de Tertio Ordine emittitur, usque ad num. 10.*
- 11 *Et de iis, qui eisdem habitum concedere possunt.*

1 **V**arii sunt Tertiariorum, seu eorum, qui de Tertio Ordine nuncupantur, status, quorum (omissis iis, utpotè verè Claustralibus, & Religiosis, quibus Leo X. *Const. Inter cetera 13. Bullar. to. 1.* aptavit Regulam, à S. Francisco pro Secularibus institutam, & Nicolao IV. *Const. Supramontem 2. ibid.* approbatam, & auctam idem Leo *Const. Dum intra 22. edita in Conc. Lateranensi*, eod. tom. meminit, & plura circa eos disponit, prout sequitur: *Fratres autem, & Sorores Tertii Ordinis; nec non Mantellati, Corrigeati, Pizochare, Cordellati, & alii quocumque nomine nuncupati, in propriis domibus habitantes, sepulturam, ubi voluerint, eligere valeant. Sed die Paschatis tantum Eucharistiam, nec non Extremam Unionem, ceteraque Ecclesiastica Sacramenta (Pœnitentia Sacramento dumtaxat excepto) à proprio Sacerdote recipere, & onera, quæ Laicis incumbunt, perferenda teneantur, ac in foro Secularicorum Judicibus Secularibus conveniri possint. Collegialiter autem viventes, seu cum Claustralibus habitantes, ac mulieres virginalem, seu cœlibem, aut castam vidualem, expresso voto, & sub dicto habitu vitam ducentes, privilegiis, quibus Fratres Ordinis, cujus Tertia Regula habitum gestant, gaudere debeant.*

2 Et Const. Nuper, etiam in Sacro Lateranensi Consilio sub eadem, & infra, Nos ad tollendum omne dubium, motu proprio, & ex certa scientia, & de Apostolica potestatis plenitudine, harum serie decernimus, & declaramus, quod in pramissis de voto solemnī Religionis minimē intelligi debeat; ita ut Mulieres virginales, seu cœlibem vitam simpliciter voventes, etiam in consanguineorum, & affinium suorum, aut propriis domibus, vel seorsim habitantes, & privilegiis, & immunitatibus predictis in omnibus, & per omnia frui, & gaudere debeant.

3 Quibus sub die 20. Decembris 1616. accessit decretum Sacre Congregationis Episcoporum, & Regularium, apud Lantusc. verb. Tertiaria, & Peyrin. ad Constit. 3. Sixti IV. §. 7. num. 39. Nicol. Frosc. verb. Tertiaria num. 2. infrascripti tenoris: Ad tollendas omnes contentiones inter Episcopos, & Superiores Regulares super immunitate, & exemptione Tertiariarum, qua in domibus privatis degunt, vulgò Bizzocche, seu alio quovis nomine nuncupatarum: inprimis, & ante omnia in memoriam revocat ea, qua S. Congreg. Conc. in eadem sententia respondit, videlicet.

§. I. Sacr. Congregat. Concilii sapius respondit, minimē posse Sacerdotes Regulares Mulierum Tertii Ordinis, quas de pœnitentia, vel Bizzochas vocant, Confessiones Sacramentales audire, nisi fuerint ab Ordinario approbati ad Confessiones personarum secularium audiendas: quemadmodum nec posse illis Sacrosanctam Eucharistia Sacramentum administrare in die Paschatis Resurrectionis S. D. N. Jesu Christi.

§. II. Verum quoad sepulturam, atque alia Privilegia, Fratres Tertiarios; Mantellatos, Corrigeatos, aliosque similes, ita demum Ordinis, cujus Tertio Regule habitum assumpserunt, privilegiis potiri, & ab Ordinarii jurisdictione exemptos esse, si viri collegialiter vivant, aut cum Claustralibus habitent, Mulieres virginales, seu cœlibem, aut castam virginalē expresso voto, & sub habitu, vitam traduxerint, quemadmodum cauetur Constit. Conc. Lateranen. sub Leone X. qua habetur sess. 21. in fin.

§. III. Hoc autem noto Mulierum alia duo, scilicet, Paupertatis, & Obedientia, nequaquam includi: quinimo hujusmodi Mulieres, si virginalē, aut cœlibem simpliciter, & expresse noverint, etiam in consanguini-

neorum, & affinium suorum, aut propriis domibus, vel seorsim habitantes, supradictis privilegiis Ordinis, cujus Tertie Regule habitum deferunt, exemptioneque ab Ordinarii jurisdictione frui debere, ut idem Leo postea declaravit Constitut. edita die 1. Martii 1518.

§. IV. An autem predicta qualitates in hujusmodi Tertiariis concurrant? Ordinarii loci esse judicium.

§. V. Præterea si contingat aliquas ea predictis Tertiariis sine sepultura electione decedere, eas sic decedentes, ita demum in Ecclesiis Ordinis, cujus habitum assumpserunt, si in ipsis earum communis sepultura reperiatur; si minus, in Ecclesiis Parochialibus sepeliendas esse decernit.

Superioribus autem Regularibus sufficienti facultate ad id à Sancta Sede Apostolica suffultis (Capuccinis exceptis) liberè Mulieres ad hujusmodi habitum recipere, atque ad ipsos vestiendi eas officium pertinere; non autem ad habitum admittendas, & recipiendas esse, nisi probata vita, ac bonis moribus præditas, ac in ætate, saltem quadraginta annorum, constitutas, qua de proprio habeant, unde sufficienter vivere possint: & non cum aliis viris, quàm cum consanguineis, vel affinibus in primo tantum gradu sibi conjunctis cohabitent, & ab Ordinario loci licentia prius impetrata, qui non aliter eam concedat, nisi de predictis, prævio examine diligenti, sibi constiterit.

§. VI. Verum in hujusmodi habitu concedendo, & respectivo deferendo, omnino à velo supra caput, quod superjectum vocant, & à pectorali, quod vulgò dicitur Sottogola, & à patientia, abstinendum esse; quinimo eas, quæ supradicta iria, vel aliquod ipsorum deferre comprehense fuerint, illa dimittere, etiam per censuras Ecclesiasticas, ab Ordinariis locorum compellendas esse decernit.

§. VII. Supradictis verò Decretis Mulieres Tertii Ordinis, quæ collegialiter vivunt, non comprehendi; quinimo eas dispositioni Constitutionis Pii V. editæ Romæ anni 1596. 4. Kalen. Julii, quæ incipit, Circa Pastoralis &c. penitus subjacere, expresse declarat, non obstantibus &c.

Unde priusquam Episcopus concedat mulieribus licentiam assumendi habitum, debet sibi, vel eius Vicario constare legitimè de singulis requisitis expressis in dicto Decreto.

Tertiariæ autem prædictis requisitis munite gaudent privilegio fori, & exemptione à Laica jurisdictione, & gabellis, ut sapius censuit Sac. Congregat. Immunitatis in Interamnen. 10. Novembris 1638. apud Monacell. form. par. 1. form. 14. titul. 6. num. 1.

4 Per quæ patet dd. Tertiarias ad tenorem Decreti. I. Gaudere privilegio fori, & exemptas esse à Laica jurisdictione, ex modo dictis. Quo tamen non gaudent viri tertiarii in propriis domibus, sicut cæteri Sæculares, habitantes, ex eadem Sac. Congregat. Immunit. in Tricaricen. 7. Septembr. 1638. ac ex Sac. Congreg. Concilii apud Fagnan. in 2. ad c. Nullus, de for. compet. num. 71.

II. Exemptas esse ab jurisdictione Ordinarii, ut §. 3. decreti. Unde conveniri debent coram Judice Conservatore illius Religionis, cujus habitum deferunt.

5 III. Proteguntur à privilegio Canonis, si quis suadente. Annumerantur enim quoad hoc personis Ecclesiasticis; ut per Fagnan. cit. n. 65. Nam se Deo dedicarunt, & consecrarunt per expressum simplex castitatis votum, & propositum observandi Regulam de Tertio Ordine à S. Sede approbatam, in habitu, prævio examine Episcopi, à legitimo Superiore suscepto.

6 Controversia est de Mulieribus Tertiariis, quæ in Congregatione extra Claustrum vivunt. Sed resolvitur eas allegatis privilegiis non potiri. Nam in decreto relinquuntur sub dispositione Constitut. Circa Pastoralis 8. Beati Pii V. Bullar. tom. 2. Quarum professiones, & receptiones B. Pontifex irritat, ac annullat. Et tales hoc tempore posse prohiberi, ne in communitate maneant, nisi professionem ad formam dictæ Piæ emittant, rescripsit Sac. Congregat. Episcopo Lucen. 22. Januarii 1596. apud Piafec. prax. par. 2. cap. 3. artic. 7. num. 13. quare sunt de jurisdictione Ordinarii.

7 Ipsi Viri de Tertio Ordine habitantes in propriis domibus, sicut alii Laici privilegio nedum fori, & exemptione ab jurisdictione Laica, sed à gabellis non gaudent, ut rescripsit Sac. Congregat. Immunitatis in allegat. Tricaricen. ex Sac. Congregat. Concilii apud Fagnan. in 2. ubi supra de for. compet.

8 Post annum à receptione habitus pro Official. Cur. Eccl.

professionem emittunt, ut ex Constitutione Adfructus Pauli III. Directorium trium Ordin. part. 1. artic. 2. num. 13. continente statuta specificè edita pro Tertiariis proprias domus inhabitantibus, ubi cap. 2. *Frares, & Sorores, postquam per unum integrum annum, habitum probationis detulerint, si conversatio laudabilis fuerit, per habentem facultatem Ministri Generalis, recipiendi ad hunc tertium statum, solummodo, & non per alios, ad Professionem recipiantur.* Et novissimè observavit P. Petrus de Almandrelio Escudo Seraphico articul. 7. pag. mihi 515.

Formula Professionis à Consodalibus in manibus Prælati, seu Visitatoris facienda.

9 Io Fra N. prometto à Dio Onnipotente, & alla B. Maria semper Vergine, & al B. S. Francesco, & à tutti i Santi del Cielo, e à voi Padre, d'osservare tutto il tempo di mia vita la Regola de' Frati di Penitenza, instituita dal P. San Francesco, e per Papa Nicolao IV. confermata: & i Comandamenti di Dio, e di sodisfare, come conviene, per le trasgressioni, che cometerò contro questo modo di vivere, ogni volta, che sarò dimandato dal mio Visitatore.

Quæ formula est ad tenorem dispositionis Capituli secundi ejusdem Regulæ approbatæ à Nicolao IV. dict. Constitut. *Supra montem.*

10 Sed dubitatur. An per eam promissionem inducatur nova obligatio ad observanda Præcepta Divina; adeo ut si aliquod ex eis Professus transgredietur, committat duplex peccatum, alterum causa præcepti transgressi, & alterum ratione voti violati; & de hac promissionis circumstantia teneatur se accusare, ubi sua approbato Confessori manifestaverit peccata?

Videtur affirmativè resolvendum. Quippe cum sit promissio Deo facta, voti obligationem inducit; consequenter contra eam peccatum mortale committitur qualificatum circumstantia sacrilegii, utpotè contra Religionem; aperienda ideo in Confessione, ex quo novam speciem malitiæ contineat.

Negativa tamen est verior, & communior, per Lez. summ. p. 2. cap. 14. Peyrin. de privileg. ad Constit. 18. Julii 11. §. 2. Donat. Prax. Reg. tom. 2. par. 2. tractat. 16. quest. 8.

Cc 3

Et

Bened. XIII. Const. *Satana* an. 1725 supponit etiam Tertiarias posse collegialiter vivere extra claustra.

Et ad tenorem *cap. 20. Regule à Nicolao IV.*
in dicta Constitutione confirmatæ, ubi ip-
se Pontifex firmat: „ Cæterum in præmis-
„ sis omnibus, ad quæ Fratres vestri Ordini-
„ nis, non ex Divinis Præceptis, vel Statu-
„ tis tenentur Ecclesiæ, nullum ipsorum ad
„ mortalem culpam volumus obligare; sed
„ impositam sibi pœnitentiam pro trans-
„ gressionis excessu, prompta humilitate
„ recipiat, & efficaciter studeat implere
Et sub iisdem terminis repetit *Paulus III. cit.*
cap. 10.

Idèoad rationem in contrarium, & allegatis dicitur, illud *Promitto*, quo profitentes utuntur, votum non significare, sed purum propositum, per quod solum, ex observatis à Thoma Tambur. *explicatione Decalog. lib. 3. cap. 11.* votum non constituitur, etiam si millies firmissimè repetatur, ex Gobat. *tom. 3. Oper. Moral. 1. part. cap. 1. num. 7.*

Unde monet Almandrelius, quod priusquam professionem emittant, debent à Prelatis instrui, ut sciant, præfatos Pontifices noluisse eos ex vi Professionis, & Regulæ obligare ad culpam mortalem, vel venialem, ne propter ignorantiam, & errorem existiment, se ad promissa in vim promissionis sub culpa obligari.

Nec obstat, quod Nicolaus culpam venialem taceat; quia in d. Conft. Leonis 13. hæc funt: *Omnia, & fingula in præfenti Regula contenta funt confilia ad facilius falvandas animas Viatorum: & nulla funt obligatoria ad peccatum mortale, vel veniale, nifi humano, vel Divino jure aliquis aliàs effet obligatus.* Obligantur tamen Fratres, & Sorores facere penitencias fibi à Superioribus impofitas, quando fuper hoc requiruntur; ad tria effentialia; & tenentur ad claufuram illa, quæ ipfam exprefse fervare voverint, prout ibi clarè.

10 Capuccinis est absolute à Sede Apostolica hujusmodi habitus interdicta collatio, ut sub die 20. Decembris 1616. rescriptis S. C. C. Et quamquam sub die 31. Januarii 1620. obtinuerint favorabile Decretum, id tamen non aliter, quam cum clausula . *Dummodo Mulieres ad Tertiariarum Capuccinarum habitum admittende, ad formalem, materialemque ejusdem Religionis habitum, servato in reliquis omnibus Decreto, admittantur.* Quia tamen nunquam ad Sacre Congregationis notitiam adduxe-

runt privilegia, quæ offendi, & restringi priori Decreto afferebant, revocata iterum lite ad examen, sub die 29. Novembr. 1653 eadem S. C. decrevit: *Non licere eisdem Capuccinis Mulieres ad habitum Tertiariarum recipere; sed id competere Fratribus Tertii Ordinis* (cum quibus lis erat.) Et appellatione per Capuccinos interposita, contra eos decretum huius tenoris emanavit; *In causa Gallia inter Frates Tertii Ordinis S. Francisci ex una, & Capuccinos ex altera, die 15. Maji 1655. S. Cong. Conc. omnibus maturè perpensis, censuit servandum esse Decretum S. Congr. editum die 20. Decembris 1616.*

Et cùm iterum conquererentur Capucini prædictum Decretum adversari posteriori edito 1620. Die 5. Junii 1665. S. C. censuit standum esse in Decreto sub die 15. Maii præteriti. Quod sub die 30. Junii 1655. confirmavit Alex. VII. *Const. Emanavit nuper*. Et sub die 9. Julii 1656. S. C. Episc. & Regul. præfatis Capuccinis præcepit esse fervenda, & Breve Alexandri, & S. C. Conc. Decreta.

Tandem, cùm tot Apostolicis Decretis patere renuerent, sub die 20. Martii 1672. iterùm eis strictè percipitur, ut à munere admittendi ad Tertii Ordinis habitum, præsertim mulieres, easque spiritualiter dirigendi, imposterùm omninò abstinerent: quibus sub die 10. Octobris 1672. accessit confirmatio Clem. X. Constit. *Exponi Nobis*, qui in terminis disponit, ut infra: *Præfatis Fratribus Minoribus Capuccinis nunciatis, ne imposterùm in admittendis Mulieribus ad habitum Tertii Ordinis Sancti Francisci, sive in ipsis dirigendis, se ingerant, auctoritate Apostolica tenore præsentium interdiciamus, ac prædictis Fratribus Capuccinis perpetuum super præmissis silentium imponimus.* Orb. Seraph. tom. 2. lib. 12. cap. 5. num. 107.

12 Ceterum, Tertiarii Claustrales impedire nec prætendere possunt, ut Fratres Minor. de Observantia habitum Tertii Ordinis Sæcularibus non præstent. Ad quos Minores potiùs ipsum conferre spectat, ut dixit Rota in Ulysiponen. Juris conferendi habitum 27. Junii 1636. coram Merlino, apud Tamburin. *de jur. Abbatissar. dec. 9.* & expressè habetur in Constit. Sixti IV. *Romani Pontificis apud Consecr. part. 1. de privileg. Mendic.* in qua pleno iure Fratres de Ter-

Si haec etiam de vicis affirmantur, certi hodie falsa sunt; immo
nec nunc tenent hic dicta de mulieribus, ne fallor, quia haec
scripta sunt ante Bened. XIII. De cetero, Pius IX Capucinis
facultatem confirmavit. Quidam etiam de controversia antiqua, anno
1726, 24 maii, Ratio Apostolicae ministerii, Bened. XIII confirmavit, pro Congue
re, quod iam desieraverat. Annon. XI an. 1704, p. 10

Tertio Ordine exclusis etiam locorum Ordinariis subijciuntur Generali, & Provincialibus Ordin. Minor. de Observ. vel Conventualium, cum facultate per se, vel per alios suos Fratres visitandi, & corrigendi, etiam per ablationem habitus, & illum exhibendi volentibus Ordini aggregari, ac constituendi Visitatorem Religiosum moribus, & etate idoneum.

Nec Conventuales prætere possunt, ut Minor. de Observant. conferant habitum, & cingulum materiale, & formalem propriam Religionis, ut contra eosdem Conventuales resolvit Sac. Congregat. Episcop. in una Reatina 12. Augusti 1689. ut in regeft. 27. cur. Cismont. Araceli. & pronunciatum est coram Petra A. G. in Sarnen. 27. Martii 1700. ut in Actis Belli Notar.

Legenda est Const. Exponi nobis, Alexan. VII. 28. Julii 1657. in qua d. Litteræ Sixti confirmantur, & observantia jungitur: quæ emanavit ad reprimendam audaciam cujusdam Laici, vulgò Ministri (sed proprius Administratoris) Congregationis Tertii Ordinis Sæcularis erectæ in Ecclesia Conventus Fratr. Min. de Obser. Urbis Mexicanæ: qui usurpata sibi potestatis plenitudine, & auctoritatis independentia, admittebat ad habitum, & professionem, habituque privabat eos, qui tanquam verum spirituales Superiorem recognovissent Religiosum à Superiore Generali, & Provinciali, Visitatorem deputatum.

C A P U T LIII.

Officialis quoad Testamenta.

S U M M A R I U M.

- 1 Testamentum unde dictum; Quid sit, & ejus efficacia.
- 2 Requisita de jure civili ad testamenta.
- 3 Natura Testamenti clausi, & nuncupativi.
- 4 Diferimen Testamenti à Fideicom-misso.
- 5 Testamentum aliud est ad pias causas, & aliud profanum.
- 6 De jure Canonico valet testamentum ad causas non pias, factum coram Parocho, & duobus testibus.

- 7 Intestamento ad pias causas sufficiunt duo testes.
- 8 Præsentia Parochi, & testium, sunt de solemnitate probatoria.
- 9 Cum de mente Testatoris etiam puris verbis constat, est implenda dispositio.
- 10 Testamentum conditum absque solemnitatibus juris valet etiam quoad Legata profana.
- 11 Infirmitate testamento ad causas profanas, adhuc Legata pia sunt implenda.
- 12 Legata ad pias causas impleri debent, licet testamentum non sit perfectum, usque ad n. 14.
- 13 Quid sit Falcidia.
- 14 Falcidia à Legatis piis non detrahitur, ad num. 19.
- 20 Est liberum heredi acceptare hereditatem, vel non.
- 21 Ecclesia hæres instituta, non conficiens inventarium, non tenetur supra vires hereditatis, ad n. 24.
- 25 Legatum relictum pro monachandis, non potest dari puellis ingredientibus Collegium Tertiariarum, usque ad num. 27.
- 28 Quibus Legata in genere relicta sint distribuenda? usque ad numer. 30.
- 31 Quid sit Trebellianica?
- 32 Quid & quomplex sit fideicommissum? ubi de substitutione, usque ad num. 37.
- 38 Filii naturales non excludunt substitutum; & an possint esse heredes bonorum Patris?
- 39 An per Professionem heredis in Religione capaci bonorum in communi excludatur substitutus fideicommissarius, usque ad n. 40.
- 41 Pacta, ut Ecclesia non possit retinere bona sibi à Testatoribus relicta, non tenent, usque ad n. 42.
- 43 Legata Missarum à Testatoribus relicta, & acceptata absque licentia Superiorum, sunt adimplenda.
- 44 Episcopi compellunt executores ultimarum voluntatum ad exequendas Testatorum dispositiones, usque ad numer. 45.
- 46 Regulares tenentur reddere rationem Episcopo de commissione extra con-

- feffionem à Testatore recepta, usque ad num. 49.
- 50 *Judex Ecclesiasticus pronunciat in liti-
bus emergentibus circa testamenta
ad pias causas; & in subsidium sape
se ingerit circa profana, usque ad
num. 52.*
- 53 *Fratres Minor. non possunt esse execu-
tores testamentorum, nec hæredes
institui.*
- 54 *Religiosi non possunt condere testamen-
ta, usque ad n. 55.*
- 56 *Nec Equites vulgo dicti di Malta.*
- 57 *Quid autem dicendum sit de Clericis
videas.*
- 58 *Tempus non est de necessitate testamen-
ti ad pias causas.*
- 59 *Productis duobus testamentis, judicatur
illud esse posterius, quod continet Le-
gata ad piam causam.*
- 60 *Secundum testamentum rumpit pri-
mum.*
- 61 *An testamentum varietur per mutatio-
nem syllaba, vel rasura, usque ad
num. 62.*

§. Unicus.

C O D I C I L L U S.

- 1 *Codicillus describitur.*
- 2 *Codicilli possunt etiam viva voce
fieri.*
- 3 *Et tam à testato, quam intestato dece-
dente.*
- 4 *Plures possunt fieri, qui subsistant, nisi
contrariantur.*
- 5 *Sensus clausule Codicillaris: si hæc
mea dispositio non valeat vi Co-
dicilli.*
- 6 *Quid importet hæc alia; valeat omni
meliori modo?*

Testamentum, quasi testis mentis,
per Glos. ad cap. *Quamquam*,
verb. abiter de usur. in 6. Est ultima volunta-
tis dispositio, seu ordinatio, directaque hære-
dis institutio. Appellatione ultima volunta-
tis, venit volitio habitualiter usque ad mor-
tem perseverans, post eam executioni man-
danda, ut per Polmanum *Breviar. Theolog.*
p. 2. num. 516. Ea enim, quæ in testamento
disponuntur, eo animo relinquuntur, ut
post mortem habeant effectum, Gonzalez

in 3. tit. 26. cap. 1. num. 3. Morte enim testa-
mentum confirmatur, nec ante testantis
mortem datur hæreditas. Unde est illud
Pauli ad Hebræos: *Ubi enim Testamentum
est, mors necesse est intercedat Testatoris.*
Illud, directaque hæredis institutio, significat
Testatorem directè, & immediatè sua di-
spositione hæredem nominare per verbum
lasco, voglio, e dichiaro, che sia erede N. in
quem, morte sequuta, transfert jus ad hæ-
reditatem sine alterius ministerio. Hæredis
enim institutio est caput, & fundamentum
totius Testamenti, ut notavit Fagnanus in
3. ad c. *Cum esses*, num. 2. de testament. & in
cap. *Relatum*, ibid. nu. 6. dixit; testamentum
est, in quo hæres instituitur, adeò ut sit nul-
lum, si hæres non instituatur, Sperellus dec.
145. num. 6.

2 Ad solemnitatem quinimò, & validi-
tatem Testamenti, jure civili inspecto, re-
quiritur septem testes, leg. cum tabula, ff.
de bonor. possess. & leg. Hac consultissima, de
testament. vel saltem quinque, si rusticus tes-
tetur, ad text. in leg. final. in Cod. hoc rit.
De qua re agunt Fagnan. citat. numer. 6. &
Gonzalez ubi supra, numer. 5. & in 1. titul.
4. capit. 2. numer. 4. ubi tradit usum, &
potestatem testandi jure gentium esse intro-
ductum, quia apud omnes gentes hic usus
invaluit; quantum verò ad solemnita-
tem, esse iuris civilis, Sperellus dec. 150.
num. 15.

3 Testamentum solemnne aliud dicitur
in scriptis, & clausum, & aliud nuncupati-
vum.

Illud in scriptis est, quod Testator sua ma-
nu conscriptum, septem testibus, masculis,
puberibus, liberis, & ad id rogatis, omnibus
simul præsentibus, ipsumque Testatorem
videntibus, offert, asserendo esse suum Te-
stamentum. Deinde omnes testes subscri-
bunt, & sigillum apponunt. Praxis quibus-
dam in locis est, ut consignetur Notario. Si
testator sua manu Testamentum, vel Codi-
cillum confecit, non est opus propria sub-
scriptione. Si verò alter ipsum scripserit, &
Testator sit ad scribendum ineptus, alter
pro eo octavus testis, sive subscriptor adhi-
bendus est, Layman *Theol. Moral. lib. 3.*
rr. 5. c. 1. de ult. volunt.

Nuncupativum verò dicitur, quando
Testator viva voce coram septem testibus
nominat, & voluntatem suam declarat, d. l.
Hac consultissima. Hujus generis testamen-
tum

tum tunc ut plurimum contigit, ut fiat, cum instans periculum mortis non permittit, ut solemnī scriptura voluntas declaratur. Regulariter enim testatores non sunt adeo faciles ad aperiendam suam voluntatem hæredibus, & legatariis, ne cupiditate acquirendorum bonorum mortem ipsorum optent, aut eam periti homines procurent.

4 Differt testamentum à fideicommissō, quia in hoc testator disponit, & fidei sui hæredis committit, ut alteri tradat hæreditatem, vel partem, aut quid aliud, ibid. Polman. num. 521.

5 Item testamentum, aut conditum est ad pias causas, aut profanum, & ad causam non piam. Ad pias causas conditum dicitur, cum hæres instituitur causa pia, Ecclesia nimirum, Monasterium, vel alius locus pius; aut ad ipsa via substitutionis hæreditas devenit, Diana coord. tom. 6. tract. 8. resolut. 1. Monacell. form. par. 1. tit. 10. form. 19. num. 38. Profanum verò, & ad causam non piam illud est, cum non causa pia, sed persona laica, filius, aut alius testatoris consanguineus, aut amicus, hæres instituitur; licet contineat quædam pia legata relicta favore animæ, & intuitu pietatis, tradenda vel pauperibus, aut pro constructione, & ornamento Ecclesiæ, pro celebratione Missarum, pro dotandis puellis, aut in sustentationem Religiosorum. Nisi legata pia majorem partem hæreditatis absorberent, quia tunc ex Monacello ibid. diceretur conditum ad pias causas.

Utrumque testamentum ut validum sustinetur, licet in eis non servantur solemnitates juris civilis de numero septem testium, dummodò concurrant requisita de Jure Canonico.

6 Ita testamentum ad causas non pias valet, si sit factum coram Parocho, & duobus, aut tribus testibus, textus expressus in cap. Cum esses, de testament. & ibi: Fagnan. concordant DD. Petra tom. 2. comment. ad Const. 10. Innoc. III. sect. 3. numer. 20. Monacell. cit. num. 39. Natal. Alex. theolog. moral. tom. 1. lib. 2. cap. 6. reg. 13. de Extrema unct. quia secundum Divinum Oraculum, In ore duorum, vel trium stat. omne verbum. Atque ita testamentum impugnari non potest ex defectu septem testium. Nam secundum dict. Decretalem

sufficiunt duo testes, & Parochus; ubi enim jus civile contradicit Juri Canonico, istud prævalet, per Gloss. in dict. cap. Cum esses in notabilib. Imò valet, si loco Parochi adhibeatur Confessarius ordinarius testatoris, vel Parochus alienæ Parochiæ, aut substitus Parochialis, quia præsentia Sacerdotis excludit omnem præsumptionem falsitatis, ut pluribus cumulatis tradit Monacellus num. 31.

7 In testamento verò ad pias causas sufficiunt duo testes, ut expressè cap. Relatum, il 1. hoc tit. in quo admittitur etiam testimonium mulieris, per Fagnan. ad d. c. Cum esses num. 35. & in d. cap. Relatum num. 74. Monacell. numer. 40. Ventriglia prax. tom. 2. annot. 28. §. 2. num. 30. & 31. Ubi enim mulier deponit ad favorem causæ piæ, est testis integer, ut probat Sperellus decis. 81. num. 42. Nam in dispositione favore piæ causæ facta non attenditur ulla solemnitas juris positivi civilis, sed solum jus naturale, à quo jure mulieres non prohibentur testificari, quæ proinde admitti etiam debent ad probandum contractum Ecclesiæ ibid. num. 43.

8 At dubitari solet, an in testamento ad pias causas præsentia duorum testium, & in illius ad causas non pias, etiam illa Parochi sit de substantia testamenti, vel tantum de probatione?

Sunt solum de solemnitate non substantiali, sed probatoria pro foro externo, & hoc intendunt allegatæ Decretales, Fagnan. d. c. Relatum num. 8. Petra numer. 18. Engel. Colleg. jur. Canon. lib. 3. tit. 26. num. 14. & 18. Quod potest per equipollens suppleri, per Petram num. 17. & Fagnan. nu. 9. Propterea dum constat de substantia, & voluntate dispositiva testatoris legitime probata, non est curandum, an testes intervenerint, necne. Neque enim est opus probatione, quando de veritate constat. Ideo in foro conscientiæ est dispositio testatoris executioni mandanda, sive id appareat per scripturam, manu propria testatoris nota, & indubitata exaratam, sive per testes, etiam non rogatos; quia hæc formalitas est de jure civili; sive per confessionem adversarii, aut ex relatione Confessarii, de cuius vero similitudine propter adminicula sæpè non dubitatur. Ex quo patet, quòd præsentia Parochi, & testium non sit de forma substantiali, sed tantum

tum de probatione necessaria pro foro externo.

9 Unde D. Antoninus 3. par. tit. 10. cap. 3. §. 14. apud alleg. Natal. Alex. dixit: *Quod cum quis sanus, vel infirmus, qui est sane mentis, ultimo disponit de bonis suis, de quibus potest disponere per simplicem scripturam, vel verba solum, non violentatus, vel circumventus, sed liberè sine Notario, & testibus deditis, standum est ejus tali dispositioni in foro conscientie, & hæredes, quibus hoc constat certitudinaliter, tenentur ad observandum illud.* In quo concordat Sylvester in summ. verb. Legatum 4. §. 10. Et Lessius, Clavis regia, Salas, & Molfetius apud Cabasut. prax. jur. Canon. lib. 6. c. 3. n. 4. docent, hæredem ab intestato, qui certus sit, vel esse debeat de testatoris voluntate in testamento, aut codicillis expressa, solemnitatibus juris nudatis, teneri sub mortali ex juris naturalis obligatione restituere hæreditatem, & solvere legata secundum mentem testatoris. Ad quod facit text. in cap. Ultima 13. quas. 2. ibi: *Ultima voluntas defuncti modis omnibus conservari debet, & cap. Indicante hoc tit.* ubi disponitur deberi legatum, quamvis nudis verbis relictum.

10 Petitur. An testamentum principaliter ad pias causas absque solemnitate conditum valeat etiam quoad legata non pia?

Resp. Affirmative cum Laym. theol. moral. tit. c. 2. nu. 10. Engel. n. 19. Est enim juris axioma, quod principale trahit ad se accessorium. Atque adeo, subsistente principali quoad hæredis institutionem, aut majorem partem bonorum, convenit, ut subsistat etiam minus principale.

11 Sed quid, si testamentum conditum principaliter ad causam profanam, ex non servatis solemnitatibus ex jure necessariis infirmetur, aut quia hæres certus non fuit institutus, vel institutus hæreditatem non adeat; an saltem sint debita legata pia in eodem relictæ?

Resp. Affirmative. Nam in relictis ad pias causas nulla solemnitas juris positivi est necessaria; sed dispositio regulatur secundum ius naturale, & gentium, adeo ut sit exequenda, cum plenè, & liquidis probationibus constet de consensu libero testatoris, per Laym. num. 2. Nec obstat regula, quod corruente principali, corruat accessorium. Quoniam id solum regulariter

procedit, nisi adsit specialis ratio, ob quam accessorium sustineatur. Quæ in casu supponitur, Engel. num. 20.

Pia enim causa est adeo privilegiata, ut in testamento, in quo pro ea disponitur, nulla omnino iuris civilis solemnitas, aut conditio requiratur; sed relinquitur dispositioni iuris naturalis, divini, & gentium. Unde quod attinet ad causas pias, tam in testamento, quam in legatis, etiam nutibus fieri possunt, aut ad interrogationem alterius, per Gloss. in cap. Cum tibi, verb. Dispositionem, de testam. Petra num. 40. Et valere testamentum ad pias causas per signa à muto conditum, dum sufficienter suam voluntatem potest manifestare, tradit Laym. num. 3. Et validitas alterius conditi à cæco, plenissime probatur à Fagnan. in dict. cap. Cum eses à num. 77. ad 156. Quibus dispositionibus sufficit, ut habeant formulam naturalis probationis per duos, aut tres testes.

12 Queritur. An legata ad pias causas sint exequenda, si testator testamentum, vel codicillum non perficit; sed instituto hærede, & adiecta dispositione unius legati circa celebrationem Missarum, infirmitate gravatus Notarium alloquitur: *Notaro per oggi basta questo, mi favorisca tornar domani, che con l'ajuto de Dio lo finiremo, perche per ora non posso più, & in questo mentre penserò meglio, se mi occorrerà altro;* quibus peractis, post tres horas infirmus decessit?

Affirmatur in præsentis facti specie. Nam hic voluntas testatoris quoad hæredis institutionem, & dispositionem dicti legati est perfecta, licet non sit completa quoad alia, quæ voluit cogitare, vel addere; quæ ab eo addita non fuerunt, quia morte præventus, Laym. num. 6. Petra n. 491. Nec obstat, quod potuerit voluntatem suam mutare; nam de mutatione non constat.

13 Ita si testator confecisset testamentum scriptum, & subscriptum, sed non publicatum, neque stipulatum, & Notario dixisset: *O aggiustate le cose mie;* altera verò die redeunti Notario pro stipulatione, prout ipse rogaverat, repeteret: *Non ne voglio far altro, sino che non ne parli con il Signore;* voluntas testatoris reputaretur perfecta, ut tenuit Rota in dec. 108. par. 7. recent. per tot. Etenim verba illa, *Non ne voglio far altro, &c.* referuntur ad stipula-

tionem Notarii. Per quæ animus delibetatum testatoris probari, dixit de Luca *obseru. ad Ventrigl. cit. num. 15.* Apud quem hæc formula, *Voglio, chela Chiesa N. sia al mio erede.* importat voluntatem perfectam. Secus si diceret, *Voglio istituire la Chiesa N. mio erede, quando ritornerò.* Hæc enim importat voluntatem imperfectam, connotantem potentiam, & velleitatem, ac dispositionem non factam, quam destinaverat facere ut optimè idem de Luca *cit. Rubeo de testam. cap. 6. num. 196.*

14 Cæterum, quia hæc verba, *Voglio lasciare il mio a N.* possunt importare actum de futuro, ut advertit Card. de Luca *de testam. disc. 13.* in facto attendendæ sunt circumstantiæ, & ex illis discurrendum, an testator tantum propositum habuerit, an verò consummatam voluntatem, & dispositionem de præsentī, per Engel. *cit. a num. 20.*

An autem ex legatis ad pias causa detrahi possit falcidia in casu, quo legata pia à testatore relicta totam hæreditatem absorbent, ita ut hæredi quarta pars hereditatis non remaneat, prout ei jure debetur?

15 Supponitur, quòd falcidia est quarta pars hæreditatis, quam hæres potest detrahere à legatis à testatore relictis beneficio legis Falcidiæ, *sic. ff. & C. ad legem Falcidiam.*

16 Quo supposito. Resolvitur negativè. Quoniam privilegium hæredis, ad text. *d. legis*, ad detrahendam partem quartam ex bonis hæreditatis non procedit, quando agitur de implendis relictis ad pias causas, ex quibus falcidia non deducitur, per Fagnan. *ad d. cap. Tua nobis hoc sit. n. 7.* Detractio enim falcidiæ provenit ex jure civili, quod ex defectu potestatis Ecclesias, & pia loca non ligat, neque eis præjudicium aliquod valet asserre, prout DD. Petra *n. 77. Laym. cap. 2. in fin. Joan. de la Cruz direct. cons. præcept. part. 1. art. 3 §. Circa testam. num. 8. conc. 3.* Atque adeò falcidia ex remanentibus bonis testatoris deducitur, solutis ex integro non solum causis piis, verum & debitis, ac expensis funeris, testamenti, codicilli, & inventarii, ut ex Laym. & de la Cruz; quæ omnia comparativè ad legata ari alieno æquiparantur.

37 Falcidia non deducitur, si testator specialiter præceperit, ut non deducatur; vel si institutione hæredis dixerit, *Salvis*

superius expressis, Per hæc enim regulariter prohibetur; ne per hæredem deducatur falcidia, cum legata salva esse non possint, si diminuaturs hæreditas, ex qua debeant impleri, ut per Bartol. aliosque alleg. à Petra *num. 83.*

18 Cæterum filiùs (qui est hæres necessarius) etiam ex legatis ad pias causas potest legitimam deducere, quando alià ex hæreditate sibi quarta pars non remaneret, per Sperellum *decis. 32. num. 7.* Nam liberis ex præmortui patris bonis debetur legitima, Fatinell. *resp. jur. resp. 27. num. 12.* Quæ est debitum necessarium, & parificatur cum ære alieno, ut post alios dixit idem Sperellus *num. 8.* Etiam si patri ab intestato succederet, ad text. *in cap. Raynurtius hoc sit.* Quæ minuenda non est ex voluntaria institutione etiam Ecclesiæ, ut ibidem Sperellus.

19 An autem portio legitima filiorum sit de jure naturali, aut lege positiva introducta? Videatur Gonzalez *in 3. cit. cap. 16. num. 15.* & Sperellus *num. 3.* retinentes distinctionem, quòd inspecta secundum substantiam, sit iuris naturalis; quantum verò ad quotam, & taxam, iuris positivi.

20 Est in hæredis potestate hæreditatem acceptare, vel non. Quatenus verò non acceptat, nullam obligationem contrahit, per Laym. *num. 6.* At ubi hæres, sive ab intestato, aut ex testamento succedens, hæreditatem accepit, succedit in commoda, & iura defuncti, atque ita & in onera realia, teneturque solvere omnia ipsius debita; hæres enim, & defunctus reputantur in jure una, eademque persona; per Leg. Hæres, *ff. de usucapion. & notatur à Cabasut. cap. 20. num. 3.* Interim tamen habet privilegium, quòd si intra triginta dies, postquam hæreditatem ad se delatam cognovit, inventarium per Notarium coram testibus conficere cœperit omnium facultatum hæreditatis, & intra alios 79. dies compleverit, ut apud D. de la Cruz, indemnitati suæ consulat, adeòt creditoribus defuncti obligatus non sit solvere supra vires hæreditatis. Quatenus verò id omiserit, compellendus est in foro externo ad integram satisfactionem de bonis propriis ultra vires hæreditatis, *leg. fin. Cod. de jur. delib.* apud Cabasut. *cit.* Nec potest uti beneficio legis Falcidiæ, per text. *in cap. Raynaldus cum sua Gloss. verb. Inventarium hoc*

hoc tit. sibi que imputet, si medium legale omisit, aut à Pontifice non petiit restitutionem in integrum adversus lapsum temporis ab jure præfixi ad conficiendum inventarium.

Dicitur, *in foro externo*, quia pro foro conscientie, etiam non factò inventario, non tenetur supra vires hæreditatis, dummodò fraus absit, in cujus præsumptione fundatur jus civile, Laym. *cit.* & Petra *sect. 4. num. 11.* Præsumptio enim cedit veritati.

21 Sed quid, si Ecclesia instituat hæres, & inventarium non conficiat?

Resp. Non tenetur supra vires hæreditatis, ut allegat. Laym. & Petra *sect. 4. num. 2.* Ecclesia enim quantum ad hoc non debet esse minùs privilegia, quàm fiscus, qui ultrà vires hæreditatis non adstringitur, Peregrinus *de jure fisci lib. 4. tit. 1. num. 3.* Sperellus *decis. 135. num. 19.*

22 Consideratur in casu, quòd aut obligatio hæredis non conficientis inventarium est pœna à lege civili inducta, vel præsumptio legis, quòd bona fuerint occultata. Neutrum autem in Ecclesia potest verificari. Non primum, quia lex civilis ex defectu potestatis Ecclesias non obstringit, ut dixit *cap. 8. num. 16. & cap. 22. & 23.* Nec secundum ex defectu verosimilis fundamenti. Siquidem est inverosimile Ministros velle absque propria utilitate defraudare; quinimò quævis cessat occultationis conjectura propter diligentias legitimas, quæ circa administrationem adhibentur. Præterquam quòd absque Beneplacito Apostolico, iuxtà text. in Extravag. *Ambitiosæ*, & dixi *cap. 45.* non possunt bona propria Ecclesie alicui obligari, vel distrahi.

23 An autem præfinita quoad Ecclesias procedant in Clericis, & aliis Ecclesiasticis hæredibus? Distinguitur, vel Clericus recipit hæreditatem nomine Ecclesie; & tunc utitur privilegio Ecclesie, cuius est hæreditas, quam ipse administrat. Vel ex propria persona est hæres institutus; & tunc cum in hoc non reperiatur specialiter privilegiatus, tenetur ultrà vires hæreditatis, si inventarium non conficiat iuxtà dispositionem iuris civilis. Quod in hoc casu de inventario non reprobat ab iure Canonico, ut ex *d. cap. Raynaldus*, & facit Gloss. in *cap. Quorundam, verb. Patiaris.*

24 Quare cum in Clerico non proce-

dant motiva verificabilia in Ecclesia de non præsumpta occultatione, & præjudicio non recipiendo per Ministros, ac impotentia obligandi bona propria absque beneplacito Apostolico, cessat privilegium, aded ut, si adeat hæreditatem absque beneficio inventarii, teneatur de propriis supra hæreditatis facultates, ut per Sperell. *cit. num. 21. & Petra num. 10.*

25 Quæritur. An legatum relictum pro dote puellarum: Quando si monacheranno, aut solvendum: Quando faranno Professione, distribui possit puellis ingredientibus Collegium Tertiariarum, in quo sub observantia Regulæ cum voto simplici constitutis, & in communi vivitur, sed absque obligatione clausuræ?

Resp. Negativè. Nam in Tertiariis prædictis non concurrunt requisita à testatore. Hujusmodi enim Tertiariæ non sunt Moniales, & ita voluntas testatoris non impleretur, prout respondit Sacra Congreg. Episcop. in Aëfina 8. Junii 1696. apud Monacellum *cit. num. 7.*

26 An autem legatum relictum pro monachandis, dari, & distribui possit puellis maritandis?

Resp. Negativè, ut censuit Sac. Congreg. Concilii in Romana subsidiorum 30. Maii 1699. & Sac. Congregatio Visitationis Apostolicæ quinque Cardinalium deputata ab Innocentio XII. super reformatione distributionum subsidiorum dotialium Sanctissimæ Annunciationis de Urbe, 16. Januarii 1696. apud alleg. *num. 9.*

27 Legatum verò relictum pro dote nubendarum posse distribui puellis, quæ statum Religionis assumunt, tenent plures ab eodem *cit.* cum sit res favorabilis matrimonio spirituali.

28 Quæritur. Testator instituit heredem Ecclesiam indeterminatè, vel legata pauperibus in genere reliquit; petitur, cui nam Ecclesie sit hæreditas adjudicanda, aut quibus pauperibus sint legata distribuenda; an illis de patria testatoris, vel aliis alterius loci.

Quamvis de iure civili hæredis incerti institutio vitiet testamentum, & certa persona, vel locus nominandus, & specificandus sit, ut valeat; tamen aliter res se habet in testamento ad pias causas; ut ponderavit Petra *dist. sect. 3. num. 42. & Engel. num. 22.* hac speciali ratione, quòd in testa-

stamento ad pias causas ipse Deus principaliter hæres institui censetur, atque ita hæres nunquam incertus est.

29 Quare in casu, quo Ecclesia in genere instituta sit, videndum, an in loco sit aliqua, quam ipse vivens prædilexerit, & erga quam maiori devotione affectus fuerit; & tunc illam instituissè præsumitur: vel resolvendum est pro Parochia, in qua suscepit Sacramenta; quatenus verò in diversis Ecclesiis ea suscepisset, tunc verisimile est eum illam aliis prætulisse, in qua sepulturam elegit; quòd si nullibi eam specialiter elegerit; arbitrio Episcopi relinquitur, qui consideratis circumstantiis, coniecturis, & necessitatibus, relicta defuncti applicet Ecclesiæ, cui magis congruere iudicaverit, ut post Panormitanum, & Covaruviam scripsit Engel. *ibid.*

30 Legata verò pauperibus relicta, distribuenda sunt pauperibus loci proprii domicilii testatoris, per Gloss. in cap. *Si pater*, verb. *Pauperes hoc tit. in 6.* Quibus iuxta Ordinem charitatis præferendi sunt consanguinei testatoris, si pauperes fuerint, quia in dubio præsumitur potiùs de istis cogitasse, quàm de cæteris; illis verò deficientibus, pauperes loci, in quo vixit, debent anteponi aliis pauperibus eiusdem, & isti præferri exteris, Monacell. *cit. num. 15.* & Engel. *ubi sup.*

31 Quæritur. Testator, instituto Caio hærede eum aggravavit, ut si sine liberis decederet, hæreditatem piæ causæ restitueret: petitur, an Caius possit ex hæreditate detrudere Trebellianicam?

Resolutioni præmittitur, quòd Trebellianica est hæreditatis quarta pars, quam à fideicommissis potest detrudere hæres, cui est facta substitutio fideicommissaria, Polman. *cit. n. 535.* Quæ pars Trebellianica dicitur à S. C. Trebelliano, & locum habet in substitutionibus fideicommissariis.

32 Consideratur. Quòd fideicommissum activè acceptum, est dispositio ultima voluntatis, qua testator hæredis fidei committit aliquid, quod alteri sit traditurus, v. gr. hæreditatem, vel illius partem absolutè, vel aliqua sub conditione. Passivè verò sumptum est id, quod à testatore hæredis fidei committitur, substituto tradendum, Polman. *cit. num. 522.*

33 Item notetur, quòd substituere est in locum unius hæredis alterum statuere; per

Laym. *cit. cap. 9. num. 1.* Aut, ut placet Polmano *num. 537.* substitutio est secundi hæredis nominatio in defectum primi.

Quatuor species substitutionis referunt DD. quæ apud Gloss. in *cit. cap. Raynuntius*, verb. *Si absque liberis*, legi possunt. Nobis tangenda sunt nonnulla, quæ substitutionem fideicommissariam respiciunt, ut inde quæsitio fiat satis.

34 Itaque substitutio esse potest directa, vel indirecta. Directa est, in qua sine ministerio instituti hæreditas sub conditione defertur substituto; ut si testator dixerit: *Instituto Petrum hæredem: si is hæres non fuerit, vel quia noluerit acceptare, aut quia morte præventus non potuerit, sit hæres Paulus.* Indirecta verò, quæ fideicommissaria dicitur, ea est, in qua hæreditas substituto defertur ministerio hæredis, quia à testatore gravatus est, ut partem, vel totam hæreditatem alteri restituat; quæ per Gloss. *ibidem*, fit hac, vel simili forma: *Instituto te hæredem, & rogo te, ut hæreditatem restituas Titio tali die, vel sub tali conditione, hoc est, si decesseris absque filiis;* atque ita substitutio potest fieri per volo, mando, vel rogo: ut *ibidem* Gloss. post quam Gonzalez in 2. tit. 19. cap. 8. a num. 2. scripsit fideicommissa non solum reliqui verbis precativis, verùm & præceptivis, seu imperativis, ut, *mando, iubeo, præcipio.* Quo casu res ita vinculata dicitur, ut à possessore alienari non possit, sed tradenda est fideicommissario substituto, per Layman *num. 4.*

35 Frequentissima sunt huiusmodi fideicommissa per ultimam voluntatem ita vinculata, & instituta, ut ad conservandum splendorem, & bona gentilitia in familia, semper ad primogenitum spectent, & eo absque hærede masculino decedente, ad agnatum proximum natu maiorem pertineant, etiam cum exclusione fisci, ut per Gonzalez *cit. l. c. 8. num. 9.*

36 Hæres fideicommissis gravatus post aditam hæreditatem sibi retinere potest trebellianicam, iuxta alleg. cap. Raynuntius, & Raynaldus; in quam computantur fructus post litis contestationem percepti, ut in d. cap. Raynuntius & Gloss. in ver. *A tempore litis contestata.*

37 Cæterum Trebellianica non deducitur, si testator deductionem à fideicom-

commisso prohibuerit, juxta *Authen. sed non testator. Cod. ad leg. Falcid.* & dixit post alios Gonzalez in d. 3. cap. 16. num. 11. Item cessat detractio, cum causa pia substituitur, ut tradit Engel. num. 21. Petra *sect. 4. num. 2.* Sperellus *decis. 34. num. 23.* & Tiraquell. de *privileg. pia causa privileg. 27.* Nam lex civilis non potest causis præjudicare. Ex quo patet ad quæsitum.

38 Sed quid, an in fideicommissio sub hac conditione, *Si hæres rogatus sine liberis decessat.* excludatur fideicommissarius per filios naturales? Quæsitum examinat Gonzalez ubi *sup. in 2. num. 10.* resolvens negativè ex eo, quod verba conditionis sint accipienda in sensu proprio, & verò; atque ita mens testatoris accipienda est de filiis legitimis, non verò ex concubinato susceptis. Quemadmodum defectum conditionis non inducunt filii adoptivi, quia creditur testator sensisse de veris filiis, *leg. fideicommissum 76. ff. de condit. & demonstr.* apud d. Gonzalez num. 11. Nisi testator expressius loquatur.

Quinimò Natal. Alex. ubi *sup. reg. 7.* advertit legibus esse constitutum, ut ab hæreditate excludantur filii ex illegitimo coitu progeniti. Cæterum æquitas, juxta naturale postulat, ut parentes ipsis subministrant necessaria ad victum, & vestitum, juxta *cap. Cum haberet, de eo, qui duxit in matrim. quam polluit per adulter.* Verum, ubi aliquid ultra necessaria eis relinqueretur, deberent restituere legitimis hæredibus, cum ipsi in detestationem criminis in bonis patris non succedant, *c. Cum inhibito, §. Si quis verò, de clandest. desponsat.*

39 At quid: *Si hæres rogatus, ut si sine filiis decesserit,* hæreditatem restituat N. substituto, professionem emittat in Religione approbata capaci bonorum in communi, an cesset substitutio, & substitutus excludatur, succedatque Monasterium?

Resp. Articulus non transit absque difficultate, quem examinat Gonzal. in d. 2. n. 13. 14. & 15. & resolvit ex tacita testatoris voluntate præferri Monasterium, & conditioni *si sine filiis decesserit,* tradit inesse favore Religionis aliam conditionem, *nisi hæres gravatus professionem emittat;* propterea Monasterium tacitè venit, & subintelligitur, vocatumque censetur.

Sperellus verò *decis. 153. num. 28.* recen-

set, opinionem, quæ substituto favet ad exclusionem Monasterii, esse ex frequentiori iudicio usu receptam, eamque ex æquitate esse alteri præferendam. Concordat Fagnan. in 2. ad *cap. In presentia num. 30. de probat.* Considerari enim potest, quod ubi testator loquitur expressè, non est locus conjecturis; cujus verba accipienda sunt vere, & in sensu proprio; & non fictè; adeoque intelligenda sunt de vera filiatione, quæ non potest verificari de Monasterio, quod solum per fictionem, & juris interpretatione favore vitæ contemplativæ habetur loco filii, ut ibid. Sperell. num. 30. Videantur allegati, cæterique in d. *cap. Raynaldus.*

40 Certè absque nulla difficultate procederet quæsitum, si testator dispositionem istis, aut æquivalentibus verbis concepisset: *Voglio, e istituisco miei eredi i due miei figliuoli, amando alcuno de' detti miei figliuoli senza figli maschi legittimi, succeda l'altro all'uno, e l'uno all'altro: e voglio, che si conservi la linea masculina; nel caso poi, che questa venisse à mancare, succeda la femminina.* Nam tunc fideicommissum factum fuit, habita expressa ratione conservandi bona in sua linea, & familia; & quatenus linea masculina deficiat, succedat femina, & alii de sua agnatione etiam collaterales. Quod non obtineretur, si uno filio decedente, alius ingrederetur Religionem, & Monasterium succederet, ut optimè Laym. ibid. Propter quod ex tacita conjectura testatoris censetur prohibita eorumdem bonorum alienatio; nam aliàs bona ipsius in familia, & agnatione perpetuò non conservarentur, sed distraherentur ad extraneos, contra præsumptam testatoris mentem, ad tradita per Sperell. *decis. 152. num. 104.* Lege Fatinell. *cit. resp. 70. per totum.*

41 Petitur. An valida sint pacta inita inter laicos, & Ministros Ecclesiarum secularium, vel Regularium, ut Ecclesia non possit retinere bona stabilia, quæ ad eam ex testatorum dispositione, vel alio modo pervenerint, sed debeat ea vendere?

Resp. Negativè. Nec difficultas esse potest quoad pacta respicientia Ecclesias, vel Conventus jam fundatos, inita absque solemnitatibus, *cap. Ambitiosa de reb. Eccl. non alienan. inter com.* Etenim non est in potestate dd. Ministrorum Ecclesiis præju-

ficare, & disponere, ac renunciare juri-
bus eisdem quæsitis. Quinimò absque be-
neplacito Apostolico non possunt repudia-
re legatum, donationem, aut hæreditatem
locis piis factam; quia ministerio legis abs-
que acceptatione, vel additione dicitur in eis
dominium translatum, Monacell. *p. 1. form.*
15. num. 21. tit. 5.

42 Pariter quantum ad Ecclesias, &
Conventus erigendos, similia pacta in hac
materia apposita in limine foundationis non
sustinentur, improbanturque ab jure Ca-
nonico, *cap. Adversus, cap. Non minus, de immunit. Eccles.* tamquam restrictiva li-
bertatis Ecclesiasticæ, quæ legibus laico-
rum, consentientibus etiam Ecclesiasticis,
nullatenus arctari potest. Ideò ut similia
pacta valeant, est necessaria potestas Sedis
Apostolicæ, quæ provideat juxta qualita-
tem facti, & circumstantiam negotii. Un-
de Sac. Congr. Conc. in una Salutarium 18.
Septembris 1690. negavit reaperitionem
Collegii per PP. Jesuitas faciendam cum
pactis, & conditionibus, ut Collegium non
posset habere bona stabilia; & quæ acqui-
reret, deberet laicis vendere, Petra *cit. in*
comment. num. 47.

42 Necessitas beneplaciti Apostolici est
pariter necessaria, quando ad solvenda
debita testatoris vendi debent bona ali-
qua ex hæreditate, ab eodem Ecclesiæ re-
lictæ, quoties hæreditas fuerit Ecclesiæ,
vel loco pio incorporata, ut respondit S.
Congr. Conc. in Salutarium 20. Septembris
1692. Monacell. *cit. par. 2. form. 4. num.*
12. tit. 14.

43 Quæritur. Cajus in sua ultima dis-
positione reliquit onus perpetuum Missarum
celebrandarum in Ecclesia N. Hujus
Ministri, & Rectores, irrequisita licen-
tia ab Episcopo, vel Generali, aut Provin-
ciali (si Ecclesia sit Regularium) illud ac-
ceptant; petitur, an acceptatio sit valida,
& obliget ad implementum?

Resp. Affirmativè. Nam Constitutio
Innoc. XII. *de celebrat. Missar.* exigens d.
licentiam §. 8. prout *sup. cap. 10. num. ...* non
continet clausulam irritantem. Et ita esse
declaratum à Sac. Congr. Conc. sub 16. Janu-
arii 1644. refert ex Pignatell. *tom. 4. con-*
sul. 222. Monacellus form. par. 1. form. 8. n. 4.
tit. 6. Sed acceptantes incurrunt pœnas d.
S. *Inflitas*, Concordat Passerinus *tom. 2.*
de stat. homin. q. 187. art. 4. num. 229. ubi di-

xit, quòd exigi licentiam in scriptis non sit
de substantia actus, sed ad illius probatio-
nem. Verùm n. 1233. nimis laxè loquitur,
scribens, quod Regulares acceptantes abs-
que licentia Superiorum onera perpetua
Missarum; non incurrunt pœnas ibidem
præfinitas.

44 Cum hæredes, & executores tes-
tamentorum pias defunctorum dispositio-
nes tempore ab jure præscripto non exe-
quantur, Episcopus ipsos cogere potest
ad earum executionem, *cap. Nos qui-*
dem, cap. Si hæredes, cap. Joannes hoc tit.
Et in Trident. *sess. 22. cap. 8. de refor.* ibi:
Episcopi etiam tamquam Sedis Apostolicæ
delegati in casibus ab jure concessis omnium
piarum dispositionum, tam in ultima vo-
luntate, quam inter vivos, sint executores.
illud enim *tanquam*, &c. significat Episco-
pum his in negotiis utramque potestatem
habere, tam ordinariam, quàm delegatam.
In casu itaque negligentia administrazio-
rum, & executorum, Episcopus procedit
eos compellendo, ut commissæ impleant.
Et Capitulum, Sede vacante, quoad hæc
succedit in jurisdictione Episcopi, Fagnan.
cit. in cap. Joannes num. 8. Et quatenus aliis
mediis non proficiunt, possunt in subli-
dium uti censuris.

45 Atque ita inutile non foret, ut Epif-
scopi etiam sub censuris imperarent om-
nibus Notariis testamenta recipientibus,
ut legata pia in eis disposita sibi, vel suo
Vicario infra mensem post mortem testa-
toris significarent, ut omnibus in registis
Cancellariæ adnotatis, nulla circa ea fraus
committi posset.

46 Sed quid, an cum in testamento sit
hæc clausula; *Juxta mentem, & voluntatem*
testatoris confessorio extra Confessionem
communicatam, &c. teneatur Confessarius
Regularis Episcopo aperire summam, &
circa quæ sit distribuenda, ac rationem ad-
ministrationis reddere?

Resp. Affirmativè, prout expressè Cle-
ment. *Religiosi, de testament.* ibi: *Religio-*
sis etiam exemptis ad executionem ejusdem
ultimæ voluntatis circa ipsius executio-
nis officium (quod utique non possunt, nisi
à Superiore suo petita super hac licentia, &
obtentâ suscipere, etiam si Prælationis fun-
gantur officio) locorum Ordinariis debitum
reddere; ipsique Ordinarii ab eisdem absque
dolo, fraude, seu negligentia, de suscepta
exc.

*executionis officio tenentur exigere rationem; illos quos circa id deliquisse repere-
rint, in aliorum exemplum poena debita (quo-
cumque non obstante privilegio) punire.* Quod
in simili Sac. Congreg. Conc. rescriptis
 Archiepiscopo Mediolanen. apud Nicol.
Flosc. num. 11. *ver. Testamentum*, Fagnan.
cit. ad cap. *Tua nobis* num. 61. Regularis
itaque requisitus ab Episcopo, vel Supe-
riore, tenetur mentem testatoris, & sum-
mam distribuendam aperire; eique est fi-
des adhibenda; dummodò juratus depo-
nat, & concurrant probabiles conjecturæ
de verisimili voluntate testatoris. Qua-
tenus verò resistat revelare, potest ab Epi-
scopo puniri; estque ei interdicens officium
executoris. Redditusque erogandi sunt in
pios usus arbitrio Episcopi, præsumptæ
intentioni testatoris proximiores, *ibid.*

47 Quinimò possunt Superiores Ordinis
Religioso d. officium interdicere, licet vol-
untatem defuncti sincerè manifestaverit, ut
ibid. Nicol. super quo tunc esset monendus
Episcopus, ut posset providere.

48 Nec obstat, quòd commissionem ac-
ceperit secretò; quia licet secretum acceptū
in Confessione Sacramentali nunquam li-
ceat aperire propter arctam obligationem
non frangendi sigillum Confessionis, hoc
tamen non procedit in his, quæ secretò ali-
cui extra Confessionem committuntur; quippè
tenetur quis ea revelare, ac testimonium
ferre quo ad ea, quæ secundum ordinem
juris ab eo ejusdem Superior exigat, D.
Thom. 2. 2. q. 70. art. 1. in corp. D. Bonaven-
tura in 4. decis. 21. art. 2. quæst. 3.

49 At quid dicendum, si verba testato-
ris sonarent in potestatem facultativam; ut
si dixerit, *Possit, & valeat*? Et tunc tenetur
voluntatem exequi. Nam in ultimis volun-
tibus hujusmodi verba obligationem, &
necessitatem inducunt, ut tenuit Rota in
Romana quartæ 4. Junii 1668. coram Bour-
lemont; & idem dicitur de verbo precario,
Rogo, placeat, &c. Quoniam hoc pariter re-
tinet vim præcepti, & mandati, ad instar fi-
deicommissi, eadem Rota decis. 78. apud
Monacell. append. 1. par. ad form. ad Const.
Gregorius XV. *Inscrutabili* num. 4.

50 Quatenus in testamentis ad pias cau-
sas opus sit iudice, res agenda est coram ju-
dicio Episcopali, etiam si hæres sit laicus, qui
in hac re forum Ecclesiasticum non po-

test declinare, Engel. num. 24. Ipse verò
Episcopus pia legata non exequitur, nisi fi-
data hæredum & executorum mora, Fa-
rinell. cit. resp. 66. num. 11. ubi num. 2. di-
xit, quòd declaratio, & executio volun-
tatis testatoris spectat ad hæredem fidu-
ciarium.

51 Quinimò Episcopus circa testamen-
ta, & legata merè profana suam auctori-
tatem potest in subsidium interponere, dum
Magistratus sæcularis justitiam administra-
re negligit, Fagnan. cit. ad cap. *Joannes* n. 6.
Committitur enim grave injustitiæ pec-
catum, quando iusta voluntas defuncti non
impletur; ratione verò peccati esse in Epi-
scopis iurisdictionem etiam in laicos, di-
citur cap. *Novit, de judiciis*.

52 Possunt Episcopi iusta Trident. sess.
25. cap. 8. *de reform.* iusta, & rationabili
causa relicta ad pias causas piis usibus ap-
plicare, quando præfixis à testatore non
potest; sed ubi agitur de legatis pro cele-
bratione Missarum, recurrendum est ad Se-
dem Apostolicam per d. cap. 10.

53 An autem Fratres Min. de Obsery.
possint esse executores testamentorum?
Dixi cap. 17. n. 20. & cap. 30. num. 29. nota-
vi, nec ipsos, neque ipsorum Ecclesias pos-
se hæredes institui; de qua re legi potest
Fagnan. in 5. ad cap. *Nimis prava* num. 41.
Distinctio verò, an modo licito fuerit lega-
tum relictum? militat solum in legatis par-
ticularibus, non in successioneibus, ibid.
Fagnan.

Quatenus verò instituantur hæredes, ad-
iecta clausula, quòd si forsan aliquo modo
sint incapaces d. hæreditatis, bona cedant
Monasterio pro augmento fabricæ, & ali-
mentis Fratrum; etiam sunt incapaces, ex
resolutis à Sac. Congreg. Concilii apud cit.
Fagnan. num. 45. Quæ super eo consulta,
censuit simpliciter respondendum Fratres
esse incapaces: quid autem faciendum
sit de hæreditate, non esse Congregationis
definire, sed adeundos iudices Ordinarios.

54 Religiosi expressè, vel tacitè va-
lidè professi prohibentur condere testa-
menta, cap. *Quia ingredientibus* hoc tit.
Ingressus enim Religionem est sæculo mor-
tuus, & nihil habet, unde testamentum
facere valeat. Monachus namque est vo-
luntatis expers, nec sui iuris est, de quo,
quoad hoc verificatur, quòd non habeat, nec
velle, aut nolle, propter votum obedientiæ,
per

per quod omne arbitrium proprium submittit Superiori, *cap. Non dicatis* 12. *quæst. 1. cap. Abbates* 18. *quæst. 2. Gonzalez in d. 3. cap. 2. num. 17.*

55 Ideò ubi Religiosus Apostata testatur testamentum ab eo conditum est nullum, omniaque ejus bona, sive per illicitam negotiationem, aut per aliud exercitium acquisita, vel alio jure ei delata, pertinet ad spoliū favore Cameræ Apostolicæ, vigore constit. Gregorii XIII. *Officii la* 43. *Bullar. tom. 2. dummodò extra clausuram etiam intestatus decedat. Dum autem ad Religionem revertitur, cum sit verè Religiosus, bona per eum acquisita Religioni incorporari debent, ut per Monacell. form. par. 2. form. 16. num. 1. 2. tit. 1. 5. Et si foret ex Ordin. Minor. de Observantia, vel Capucinor. deferenda essent ad Syndicum Apostolicum Conventus.*

56 Testamentum nequeunt condere equites S. Joannis Hierosolymitani absque licentia Magni Magistrī, etiam de bonis per eos acquisitis, Sperellus *decis. 21. num. 41. & 66.*

57 An autem Clerici possint de bonis testari?

Resp. Negative de bonis, & redditibus acquisitis intuitu Ecclesiæ, ut dixi *c. 44. n. 7.* Id enim eis prohibetur, *cap. Ad hac hoc tit. Videatur Piafecus prax. part. 2. cap. 5. art. ult. num. 51. ubi num. 53. tradit eos testari posse de bonis, quæ proprio labore, seu industria, vel personali opera lucrantur, etiam si quæsitæ sint per actus Ordini suo proprios: ut, si lucrentur aliquid ex celebratione Missarum, exercitio Capellaniæ, ex administratione Sacramentorum, vel concionando; hæc enim æquiparantur bonis patrimonialibus, ut per *cap. quia nos cum sua Glos. eodem tit.* Idem dicendum de quæsitis ex distributionibus quotidianis; quoniam hæ non computantur in fructibus beneficii, quia quærentur pro labore personali, ut idem Piafec. ibidem, & *c. Consuetud. de cleric. non resid. in 6.**

Ubi verè aliquis Clericus absque testamento, & absque hærede decederet, non fiscus laicalis esset hæres sed Episcopus, etiam quoad patrimonialia, ad effectum disponendi juxta regulas Canonicas, ut respondit Sac. Congreg. Immunitatis in *Burgi S. Domnini* 26. *Augusti* 1669. *Monacel. 2. part. tit. 14. form. 17. num. 11. qui 1. part.*

Official. Cur. Eccl.

form. 19. tit. 10. num. 61. citatis Amostaz. de caus. piis, lib. 1. cap. 11. num. 4. & 5. & Rota coram Bourlemont. in Casaraugustana Testamenti, 14. Febr. 1678. §. Etiam si, asserit legata pia deberi ex testamento etiam nullo, tamen si hæres hæreditatem non adjerit, aut hæredis institutio habeatur pro non facta, aut pro non scripta. Supponitur enim testatorem prædilexisse tale onus in suffragium suæ animæ: & ita legata pia semper sunt magis privilegiata. Nam semper est facienda interpretatio benigna de voluntate testatoris, quòd voluerit suffragiis animæ suæ omni meliori modo consulere.

58 Unde quamvis temporis inscriptio sit de necessitate testamenti scripti, ut ex *Auth. quod sine, Cod. de Testament.* notavit Nicol. *cir. num. 8.* hoc tamen non currit, cùm testamentum sit ad pias causas, ibidem.

59 Cùm apparent duo testamenta, & ignoratur, quodnam eorum sit prius, vel posterius, illud est credendum posterius, quod exhibet piam causam institutam, vel pia legata, hoc est, ad Dei, vel Sanctorum honorem, aut salutem animæ relicta, ibidem ex Tiraquell. *privileg. 35.* Quòd si in neutro causa, vel legatum pium reperiatur, utrumque propter incertitudinem casabitur, ex observatis à Layman. *cap. 4. numer. 2. & hæredes ab intestato succedunt.*

60 Testamentum secundum rumpit prius conditum, §. *Posteriore instituit. quibus medis testament. infirm.* Layman. *cap. 4. num. 2.* etiam si in primo fuerint adhibitæ solemnitates juris civilis, Layman. *ibidem*, & petra *dicta sectione 3. num. 87. ubi num. 80.* advertit, quòd secundum solemne prophanum revocat primum pium, si concurrant indicia, & conjecturæ revocationis; nec requiritur expressa derogatio, sed sufficit simplex voluntas contraria, prout ibidem, *nonnullis etiam Rota decisionib. cum mulatis.* Nam per primum testamentum testator non transfert absolute dominium, sed cum implicita subordinatione ad hoc, ut non aliter postea disponat, ut per Poncium *Theol. disput. 54. quæst. 4. conc. 3. numer. 16.*

16 An autem testamentum vitietur propter immutationem unius syllabæ, aut rasuram? Dicas negative cum Gonzalez

Dd in

in d. 2. tit. 22. c. 11. n. 11. leg. error. C. de testam. leg. in Legatis C. de legat. dummodò mens testatoris, & substantia non immutetur; quando enim nullus ex syllabæ immutatione oritur defectus immutatio non nocet, & testamentum sortitur effectum. In dubio autem, an mens testatoris per additionem, subtractionem unius syllabæ, aut rasuram fuerit alterata, est iudicis competentis officium discernere, adeò ut in illis adpias causas Episcopus cognoscat, & in mere prophanis potest etiam iudex sæcularis pronunciare.

§. UNICUS,

C O D I C I L L U S.

1 **C**odicillus idem, ac parvus codex, seu scriptura accessoria ad testamentum, est *ultima voluntatis testificatio sine hæredis institutione, & solemnitate testamentaria*, Polman. num. 520. Dicitur *sine hæredis institutione*, quia codicillus non fit ad instituendum hæredem, sed potius fundatur super hæredis institutione facta in testamento aut successione venientis ab intestato, propter quòd ei in codicillo aliquod alteri dandum, vel exequendum commendatur, leg. *hæreditatem C. de Codicillis*. Quarè codicilli præcipuè inserviunt ad legata relinquenda, ad substitutionem fideicommissariam faciendam; item ad explicandum testamentum, addendo, vel minuendo, ut per Layman. cap. 8. n. 1.

2 Codicilli ad similitudinem testamentorum possunt fieri, scriptis, & viva voce per nuncupationem: in quibus declaretur ultima voluntas probanda, servatis servandis juxta superius dicta.

3 An autem codicillus fieri possit tam ab eo, qui testatus, quàm ab alio, qui intestatus decedit?

Resp. Affirmati vè, cum Layman. ibidem num. 3. Et fieri potest non modò testamento jam condito, verùm & ante testamentum; per cuius factionem postea confirmatur, nisi expressè in eo revocetur: & ubi nullum testamentum postea sit factum, tunc codicillus videtur esse loco testamenti, quoad legata, tum pia, tum prophana exequenda per hæredem venientem ab intestato, l. *ab intestato, ff. de Codicillis*.

4 Item potest quis non unicum tantùm,

sed plures etiam codicillos facere, & omnes substituunt, dummodò unus alteri non contrarietur. Nam in casu, quòd opponantur posterior priorem censetur revocare, leg. *Cum proponatis, C. eod.*

5 Petitur. Quidnam operetur clausula codicillaris, quæ inferi solet in testamentis ut, *si hæc mea dispositio non valet, ut testamentum, volo, ut valeat vi codicilli*.

Resp. Operatur, ut tendat ad conferendam voluntatem testatoris, Sperell. decis. 146. num. 68. Item facit, ut, cum testamentum non valet in vim testamenti, sustineatur ut codicillus, juxta text. in cap. *Illud §. fin. Cod. de jure codicill.* Item effectus illius clausulæ est, ut hæredes necessarij venientes ab intestato, censeantur gravati, ut extraneo in testamento minùs solemnij hæredi instituto restituant, detracta portione legitima reliquam hæreditatem, ibidem Layman. à numer. 4. & Sperell. num. 67.

6 Hæc clausula: *valeat omni meliori modo*, adiecta in fine testamenti, habet vim codicillaris, per Bart. aliosve allegat. à Sperello dec. 144. n. 9. Sed aliquid plus non operatur, quàm in ipso testamento fuerit dispositum. Non enim ampliatur omissum, cum validitatem omissionis non respiciat, ibidem n. 45. Vid. etiam Monacell. d. 1. p. num. 29. ac alios DD. etiam maiora de testamentis, & codicillis desideres.

CAPUT LIV.

Officialis quoad Tribunal Regulare.

S U M M A R I U M.

- 1 *Judex Ordinarius quis.*
- 2 *Et quis delegatus?*
- 3 *Et quis arbitrarius?*
- 4 *Jurisdictio delegati quando expiret, usque ad 6.*
- 7 *Visitatores Ordinis Minorum de Observantia habent jurisdictionem ad tres menses, & ibi alia.*
- 8 *Expirat jurisdictio iudicis, quando sententiam pronunciaverit, usque ad 9.*
- 10 *Delegatus tenetur de sua jurisdictione docere, usque ad 15.*

- 16 *Delegatus potest procedere adversus impediētes propriam iurisdictionem, usque ad 19.*
- 20 *Delegatus Principis potest alteri causam subdelegare, usque ad 21.*
- 22 *Delegatus ad universitatem causarum potest aliquam ex illis subdelegare.*
- 23 *Judex debet esse persona idonea, & gravis.*
- 24 *Delegatus precedit Superiores in Provincia, vel Conventu respectivè.*
- 25 *Judex potest cognoscere de annexis, & connexis cum causa, usque ad 26.*
- 27 *De appellatione à subdelegato, usque ad 29.*
- 30 *Judex etiam Regularis debet servare, qua jure divino, & naturali sunt necessaria, usque ad 32.*
- 33 *Servanda ab iudice procedente per viam inquisitionis, usque ad 39.*
- 40 *Et procedente per viam denunciationis, usque ad 45.*
- 46 *Et procedente per viam accusationis.*
- 47 *Constare debet de corpore delicti, usque ad 48.*
- 49 *Observanda ab iudice in examine testium, usque ad 60.*
- 61 *Agitur de examineret, usque ad 69.*
- 70 *Agitur de tortura rei.*
- 71 *In Ordine Minorum non proceditur ad torturam sine consilio, & assensu PP. Definitorii: & ibi practica.*
- 72 *Responsa advocati fiscalis communicanda sunt advocatori ei.*
- 73 *In causa per accusationem, vel exceptionem, est citandus accusator, vel exceptor, usque ad 76.*
- 77 *Formula sententiae absolutoria.*
- 78 *Contra absolutum ex capite innocentia non potest amplius quoad idem delictum procedi.*
- 79 *Accusator non probans punitur.*
- 80 *In sententia potest describi delictum.*
- 81 *Ex quo loco ab Iudice Regulari poena infigenda desumantur.*
- 82 *Non est de substantia, ut reus sententiam acceptet.*
- 83 *Formula appellationis.*
- 84 *An sit puniendus iudex: male judicans?*
- 85 *Agitur de nullitate sententiae.*

vel Ordinarius, qui propter officium, aut dignitatem iure, vel consuetudine iurisdictionem habet, Gonzalez in 1. tit. 29. cap. 11. num. 8. & 14. Vel, ut loquitur Ameno pract. part. 1. tit. 1. num. 15. qui à lege datus est.

2 Vel est delegatus, qui nimirum non ab iure, sed iurisdictionem habet ex commissione Ordinarii, qui apud Gonzalez num. 5. describitur: *Est persona, cui causae cognitio, vel executio committitur, nihil proprium habens, sed delegantis personam representans.* Verba illa, *causae cognitio, vel executio*, adhibentur, ut cognoscatur delegari posse, non solum Principium, & medium, verum & finem causae, cap. Super questionem de offic. deleg. principium delegatur, cum committitur solum citatio, vel. litis contestatio, d. cap. §. *Intentionis.* Medium, cum demandatur examen testium, totius causae, seu cognitio negotii usque ad sententiam, d. cap. *Super nos*, Finis, cum definitiva sententia, causa iam examinata, delegatur, ibid. §. *Verum.* Illud delegantis personam representans, ponitur, ut cognoscatur iudices delegatos repraesentare delegantes, quorum iurisdictione, & potestate utuntur. Et hinc patet, delegatos, ut delegantes honorandos esse, ut docet Donellus cap. 8. lit. L. apud Gozalez num. 7.

4 Vel arbitrarius, qui scilicet, neque à lege, neque à Principe, sed à partium assensu habet potestatem, Ameno ibid. num. 5.

4 Quæritur. Quando iurdictio delegati expiret?

Resp. I. Expirat morte delegantis, secuta prius, quam delegatus receperit litteras suae delegationis: vel, re integrâ, seu antequam delegatus incœperit iudicium, per Gonzalez cit. c. 20. num. 5. Piafecus prax. part. 2. cap. 4. art. 1. num. 28. Dicitur autem iudicium incœptum, vel per solam citationem interpositam, in qua tenor delegationis inferitur; alioquin esset nulla, per d. Piafec. vel per litis contestationem, ut per Gonzalez ibidem; sive creationem actuarii, qui inservire debet pro notario in fabricando processu. Hæc creatio est effectus iurisdictionis receptæ à Prælato delegante, qui regulariter in litteris commissionis dat facultatem sumendi personam sibi benevisam in notarium, seu scribam, dando

I **J**udex ab eo dicitur, ex quo ad formam iuris procedat ad condemnationem rei, vel absolutionem innocentis; estque

illi iuramentum de fidelitate. Quinimmo, licet id in litteris non exprimeretur, adhuc censeretur delegato data facultas creandi notarium; nam concessio officio, conceditur, quidquid est necessarium ad officium exequendum, per tradita ab Ameno *cit. q. 16. n. 139.* Cæterum, si in Religione reperiretur notarius creatus, juxta *d. c. 38. n. 34.* per deputationem hujus à delegato non censeretur incæpta ejus jurisdictio, ut ibi probat *n. 137.*

5 II. Expirat jurisdictio in delegato, si re, vel causa adhuc integra, delegans deponatur ab officio, vel ipsum compleverit. Nam, cum adhuc non acquisiverit jurisditionem, eam conservare non potest, ut scribit Gonzalez *n. 5.* & habetur: *ex c. Quamvis de offic. deleg. in 6.* per hæc verba: *Jurisdictio, ex quo ipsa usus non existit, non censeatur in eum efficaciter transuisse.* Et ideo ante illius usum in sui duratione pendet à jurisditione delegantis, quæ ejus morte, depositione, aut terminatione officii desinit. Quod procedit, si quis delegatus sit ad universitatem causarum, vel ad aliquod negotium particulare, quia semper verificatur, quod non sit usus jurisditione, ut ibid. Gonzalez.

6 Quinimmo, ubi plures causæ commissæ sint judici delegato in uno rescripto, & una ab alia non pendet, etiam recepta in una non perpetuatur jurisdictio in alia, si delegans moriatur, & officium absolvat, vel ab eo deponatur. Si verò una causa ab alia dependeat, & sint connexæ, per contestationem unius, vel incæptum iudicium in una perpetuatur jurisdictio in alia: quia sub unica specifica delegatione continentur, *Gl. in c. Licet verb. re integra cit. tit.* ubi Panormitanus, & Gonzalez *n. 6.*

7 Ad hæc optimè sequitur, quod cum Visitatores Ordin. Min. de Observ. non habeant jurisditionem, nisi per tres menses per statuta Generalia, *c. 8. §. 56. num. 11.* (intra quos debent celebrare Capitulum) & per viginti dies, incipiendos ab ipsius celebratione, *ibid. num. fin. ver. Demum;* si prorogationem jurisditionis non petierint, & sequatur in illo trimestri mors Generalis (vel commissarii Generalis respectivè) non possint amplius Capitulum celebrare, & actum aliquem jurisditionis exercere, ut *d. num. 11.* nisi à Papa, vel Sacra Congregatione, aut à Generali (si Visita-

tor fuerit deputatus à commissario Generali) fuerit illis jurisdictio prorogata. Ameno *cit. num. 32.*

8 III. Expirat iurisdictio delegati (ac iudicis ordinarii) quando functus est officio suo, si bene, si male, & sententiam pronunciavit, *c. In litteris d. tit.* quam mutare non potest: licet ei permittatur, ut eam intra 24. horas explicet, & declaret, *l. Paulus, ff. de re judic.* si aliquid non bene expresserit. Ubi verò à sententia provocatum non fuit, licet transeat in rem iudicatam, *cap. Cum inter de re judic.* adhuc tamen tunc potest continuare suam iurisdictionem in exequenda sua sententia, *cap. Significasti cit. tit.* & ad executionem habet annum, *cap. Quarenti d. tit.* Et Gonzalez *cit. cap. 9. num. 1.*

9 Ita, pronunciata sententia, eius iurisdictionis finitur, ut nec possit de nullitate sententiæ cognoscere, *cap. Ex litteris, cap. Quarenti de sent. & re judic.* ubi Engel. *jur. Canon. lib. 2. tit. 28. §. 1. nu. 4.* Et tunc sententia rescindenda est ab iudice superiori: qui melius causam cognoscat, & examinet, ac secundum allegata, & probata procedat *ibid.* Engel.

IV. Expirat, si commissio à delegante revocetur; nam iudicium solvitur vetante eo, qui iussit iudicare, *l. Iudicium, ff. de judic.* Fagnan. *in 1. ad cap. Cæterum de rescript. n. 71.*

V. Finitur etiam delegati iurisdictionis, si transeat tempus præfixum: nisi de communi consensu partium iurisdictionis prorogetur, hoc est, ad aliud maius tempus extendatur, *c. De causis de offic. delegat.*

10 Quæritur. An delegatus teneatur de recepta commissione docere?

Resp. Affirmativè, *cap. Cum in iure cit. tit.* ibi Gonzalez *cap. 31.* ubi dat repetentes, Fagnan. *cit. ad cap. Cum iure cod. tit.* est textus in *Extravag. in iuncte de elect. inter com.* ibi: *Asserenti namque cum mandatis Principis se venisse, credendum non est nisi hoc scripto probaverit.* Quare omnes, iudices delegati, si ve Ecclesiastici, si ve Sæculares, antequam iurisdictionem, seu officium exercent, tenentur litteras suæ commissionis ostendere. Nam, cum in quovis territorio præsumptio sit pro iudice ordinario, *cap. Sicut de re judic.* nullus alius creditur iudex in ea ditione, nisi probetur. Jurisdictio enim delegata, seu eius

commissio est quid facti, ideò non præsumitur, nisi probetur, l. *Si emancipati*, C. *de probat.* tum quia iurisdicctio, & qualitas iudicaturæ est accidentalis, nec provenit à natura, & potest competere uni, & alteri; proinde non præsumitur, sed est probanda, ut discurret Fagnan. in l. *ad c. Cum in iure de offic. deleg. n. 6.*

11 Modus principalior, & præcipuus probandi iurisdicctionem delegatam, est id per litteras delegationis docere, ut, aliis allegatis, ponderavit Gonzalez n. 3. Fagnanus *ibid.* n. 9. recenset alios modos, quibus possit iurisdicctio probari. Vel per mandatum originale, ut in l. *sancimus*, C. *de diversis script.* Vel per exemplum ab originali solemniter sumptum, (solemnitas videatur, cap. *Cum. P. & cap. Instrumenta de fid. instrument.*) Vel si originale fuerit exemplatum in actis, ut est in usu apud nos. Huiusmodi exemplatio probat originale, adeo ut non sit opus illud amplius producere, ut *ibid.* Fagnan. num. 11. allegans Innocentium, & Rotam.

13 Ameno loco ubi suprà *quest. 13. num. 113.* pro practica delegati ad aliquam causam (vel etiam ad visitandam Provinciam aut Conventum) ad effectum fundandi propriam iurisdicctionem super visitandos vel examinandos, tradit, quòd debet ostendere litteras patentes suæ delegationis, & operari, ut publicè legantur, vel in Capitulo Fratrum ad hoc specialiter congregato, vel in publica refectione, ad quam saltem maior pars communitatis conveniat. Deinde iuxta monitum Passerini *Tribun. regul. quest. 2. num. 28.* commissarii, & delegati faciant à superiore Conventus fideliter registrari patentes suæ delegationis in libro Conventus, in quo debent suam iurisdicctionem exercere, ad hoc, ut si originale ipsarum iam colligatum cum processu, aliquo casu pereat, sit locus, ex quo authenticum transumptum compulsari, & transcribi possit.

14 Sed quid, si testis examinandus, est ex alio Conventu vocandus, an in citatione debeat inseri tota copia delegationis?

Resp. Nonnulli id censuerunt apud Fagnan. *c. cit. n. 16.* sed hoc non esse opus ipse tradit ex Bartolo, Speculatore, & Butrio. Sufficit, quòd in citatione exponatur causa iurisdicctionis, & dicat se esse delegatum. Verùm testi comparenti tenetur litteras de-

Official. Cur. Eccl.

legationis ostendere. Formula citationis hæc esse poterit: *Citetur P. F. N. ad comparandum pro die & c. currentis anni 1709. in Conventu N. coram A. R. P. N. commissario delegato ad informandam Curiam, alias & c.* Fr. N. Actuarius.

15 Quatenus autem comparere renuat, scribatur in actis recusatio; & moneatur, assignato termino peremptorio ad obediendum, comminando censuram; quo elapso fiat decretum, eodem citato ad audiendam sententiam censuræ, vel dicendum contra, *quare, & c.*

16 Sed quid agendum delegato, si impediatur in executione suæ iurisdicctio-

nis? Resp. Potest procedere adversus impediētes, quia habet iurisdicctionem cognoscendi, & procedendi in omnibus iis, in quibus impeditur sua iurisdicctio pro expedienda causa sibi delegata: ut habet Glos. in *notabilib. ad cap. Quia de offic. deleg. ibi: Iurisdicctio Iudicis extenditur ad omnes illis, qui iurisdicctionem illius impediunt*: licet de illis in litteris non fiat mentio; mandata enim iurisdicctione, ea omnia commissæ censentur, quæ necessaria sunt ad illius exercitium, ut rectè possit talis iurisdicctio exerceri, cap. *Præterea de offic. deleg.*

18 Quare contra impediētes potest de iure canonico, ut dixit Abbas, procedere per censuras, etiam si sint personæ extraneæ, vel sit Guardianus, aut Provincialis, ut per DD. allegatos ab Ameno *c. it. a num. 117.*

19 Ubi num. 118. advertit, quòd non debet primo impetu æqualiter procedere contra Sacerdotes, sicut contra Laicos Conversos, aut simplices Clericos; nec æquali methodo adversus Guardianum, & Provinciale, sicut contra ceteros Religiosos; sed exhibendo reverentiam dignitati Sacerdotali, vel officio Prælaturæ, iuxta tex. in *cap. Quia Pontificali de offic. deleg. in 6.* debet cum istis impediētibz suam iurisdicctionem à levioribus censuris incipere, hoc est, ab *interdicto*, vel *suspensione à Divinis*, antequam ad excommunicationem (quæ est remedium extremum) deveniat. Moneantur prius de obedientia sub pœna censurarum, & assignetur terminus peremptorius: quo elapso, citentur ad audiendum, & dicendum contra, quare non de-

Dd 3

beat

beat procedi ad excommunicationem adversus ipsos comminatum &c. & ubi non comparent, feratur sententia excommunicationis, eis intimetur, & inferatur in actis.

20 Quæritur: An delegatus possit causam sibi commissam subdelegare?

Resp. Affirmativè, si sit delegatus Papæ & Principis, & infirmitate, vel aliqua alia causa impeditus; ut expressè *cap. Si pro debilitate, c. Præterea de offic. deleg. Fagnan. ad c. Quoniam de rescript. num. 1. Gonzalez cit. cap. 3. Piafec. n. 27.*

21 Limitatur, nisi sit electa industria personæ: quando autem hæc censetur electa, diximus *cap. 30. num. 25.* Et hic addimus electam etiam reputari, cum delegatur potestas cum expressione nominis delegati, licet adiciatur etiam nomen officii, aut dignitatis, adeo ut tunc non possit eam alteri subdelegare, ut scripsit Cabasut. *prax. lib. 4. c. 1. num. 12.* & simplex ministerium reputatur commissum.

22 Pariter delegatus ad universitatem causarum alicuius Conventus, vel Provinciæ, potest causam particularem subdelegare, ut per *Glof. in cap. Super questionem, §. Si vero in verb. Delegare de offic. deleg. Fagn. in 2. ad cap. Cum causam de appellat. num. 3.* Nam, ut cum eodem notavit Ameno *cit. §. 3. num. 29.* delegatus ad universitatem causarum parificatur Ordinario. *Glof. fa in cap. Statutum §. insuper verb. Moderatas de rescript. in 6.*

23 Advertendum tamen, quod ille, cui causa delegantur, vel subdelegantur, debet esse persona, tunc idonea, & discreta, ad text. *in d. cap. si pro debilitate*, hoc est, ætate matura cum experientia rerum, nè sit in iudicando violentus (etas enim provecta & rerum experientia causat maturitatem in agendo): tum gravis, nè nimia familiaritas contemptum pariat: tum eruditione conspicua, nè in substantialibus iudicii turpiter erret.

Hinc Ameno *tit. 2. §. 1. num. 2.* monet commissarios visitatores de Ordine Minorum de Obser. ut in Secretarios visitationis eligant Religiosos maturos, qui habeant requisita à legibus, ut in casu, quo ipsi aliquem Conventuum visitare non possint, eisdem illius visitationem subdelegare valeant, qualitates enim requisitæ in delegato, exiguntur in subdelegato, *Glof. ad*

cap. Hac constitutione in notabil. de offic. deleg. in 6.

14 Notandum etiam, quod delegato ad universitatem causarum, sive unius Conventus, vel Provinciæ, debetur præcedentia supra omnes, qui suæ delegationi subsunt: ex quo enim sit delegatus ad causarum universitatem, æquiparatur iudici ordinario, & ut Superior respectu omnium, in quos, tum in capite, tum in membris habet jurisdictionem directivam, & coercitivam. Quapropter, & in omnibus, & per omnia præcedit respectivè Provincialem, & guardianum suæ delegationis. Quæ tamen non procedunt in delegatis à Provinciali ad causas particulares, ut per tradita ab Ameno *cit. q. 18. num. 142. & 143.* qui licet sint aliorum iudices, subsunt tamen in foro paterno correctioni Guardiani: nec Superiore localem præcedere possunt, nisi adversus eum debeant procedere.

25 Quæritur. Delegatus ad causam particularem, hoc est, ad cognoscendum de fornicatione, dum format processum, cognoscit emergere aliud delictum, furtum, v. g. pecuniarum, quibus mediantibus fornicatio fuit commissæ: petitur, an possit de furto cognoscere?

Sciendum, quod connexa, vel incidentia in causa duplicis generis sunt: alia tangunt jurisdictionem iudicis, de quibus diximus *num. 16.* & alia sunt dependentia à causa, cum ea connexa: quod dupliciter contingere potest.

I. Ut ab ipsa dependeant, tamquam à qualitate ipsius inseparabili, quæ sine delicto cognosci non possunt.

II. Quod sint separabilia à causa, & sine ea cognosci valeant.

Circa connexa, & incidentia primi generis, observandum est, an qualitas annexa inseparabiliter cum delicto transferat cognitionem de foro ad forum, vel non: si non transferat, ad plenè probandum delictum debet iudex inquirere, etiam supra qualitatem; accessorium enim sequitur naturam principalis: atque ita cum delegatus habeat facultatem inquirendi super delicto, quod est principale, censetur etiam eam habere super dicta qualitate, quæ est delicto accessoria. Ita, si in fabrica processus contra accusatum, vel denunciatum de furto reperiatur, quod furtum fuit de re sacra, cum hæc qualitas (licet mutet speciem

ciem delicti) non fit cognoscibilis separatim à furto, super ea quoque potest inquiri. Si verò qualitas transferat cognitionem delicti de foro ad forum, iudex non potest amplius procedere. Ita, si in inquisitione super fornicatione reperiatur, quòd habita fuerit ex sollicitatione in Confessione Sacramentali, vel abusu Sacramentorum, aut Sacramentalium, tunc iudex tam Ordinarius, quàm delegatus, & subdelegatus ad unam, vel universales causas, non potest amplius inquirere, sed tenetur levare manum à processu, & denunciare Inquisitoribus: ad hæc advertant Iudices, etiam Regulares, nè ex inadvertentia, & culpabili negligentia se immisceant in causis spectantibus ad Sanctum Officium, aliàs pœnis, ac censuris innodantur inflitis in Constitutionibus Apostolicis, & præsertim in Const. Pauli V. *Romanus la 26. Bullar. tom. 3.* ut notavit etiam de Bict. *Epitom. crimin. quæst. 5. pralud. 5. num. 5. & 6.*

26 Quantum ad annexa secundæ speciei delegatus non potest se ingerere in inquisitione illorum, aliàs excederet limites suæ commissionis, & conformam mandati, quod ei prohibetur, ut communiter DD. Quare in casu debet certiorare ordinarium delegantem, quòd emerferint indicia circa alia delicta ab eo, super quo fuit delegatus; & delegans, vel ipsorum cognitionem sibi reservet, vel novam facultatem tribuat delegato ad inquirendum de novo delicto, super quo apparuerint indicia. Ubi verò delegatus novam receperit delegationem super tali delicto, aptius operabitur, si ad evitandam confusionem processum ab alio separatim inceperit. Ameno *cit. quæst. 14. num. 123.*

Dubium fuit excitatum de delegato ad causam particularem; quia delegatus ad causarum universitatem potest super annexis, & connexis cognoscere, servata tamen limitatione, prout suprà.

27 Quæritur. An à subdelegato ad delegatum, an verò ad primum delegantem appellatur?

Resp. Vel delegatus totam jurisdictionem transfudit in subdelegatum, vel aliquid sibi de jurisdictione reservavit: ut, si subdeleget, donec commissionem revocet, aut sibi reservet sententiam, vel executionem ipsius.

In primo casu appellatur ad eum, qui dedit delegatum; nam tunc censetur se tota jurisdictione spoliasse. In secundo verò ad eum, qui subdelegavit, appellatur, quia virtute dictæ reservationis sibi aliquid de jurisdictione retinuit: & potestas tam revocandi, quàm ferendi, & exequendi sententiam, ad jurisdictionem pertinet; ideo ad eum est appellandum, *cap. Super quæstionem cit. tit. & cap. Si delegatus d. tit. in 6. cum sua Glos. & Gonzalez alleg. c. 17. num. 9.*

28 Limitatur I. Nisi à subdelegato appellatur, ex eo quòd non admittit exceptiones concludentes defectum jurisdictionis in delegato subdelegante: nam tunc non ad ipsum delegatum, qui negatur habere jurisdictionem, sed ad primum delegantem appellatur: nè aliàs appellans appellando ad eundem, quem jurisdictione fungi negat, contraria in iudicio deducere videatur, contra text. in c. *Sollicitudinem.*

29 II. Si delegatus sit excommunicatus, aut aliter impeditus: tunc enim à subdelegato non ad ipsum, sed ad primum delegantem est appellandum, *cap. Si is cui de appellat. in 6.*

30. Quæritur. Quænam ab iudice Regulari procedendo in iudicio debeant servari?

Resp. Omnia, quæ necessaria sunt de jure divino, vel naturali: de jure divino sunt, accusatio, denunciatio delicti, rei citatio, æqualitas iudicis erga partes, testium pluralitas, & partis auditio. De jure verò naturali sunt hæc: iudicis inimici recusatio, appellatio, defensiones legitimæ, juramentum de veritate dicenda, quod datur testibus; testium secreta interrogatio; quòd de delicto facti constet; quòd inimici repellantur ab accusando, & testificando, ita Peyrin. *inform. lit. D. cap. 16. num. 2.* ubi dat repetentes: nam jus divinum, & naturale, etiam Religiosos fovet, & providet, ne per ejus inobservantiam ipsorum fama deperdatur.

31 Nec obstat *cap. Qualiter il 2. de accusat. in fine*, ubi Pontifex decidit, quòd circa Regulares personas non est ordo juris omnino servandus. Non obstat inquam, quia ibi solum permittitur, ut in Regularium iudiciis non procedatur exactè, hoc est servatis apicibus, subtilitatibus, & solemnitatibus juris, ut declaravit Bonifacius IX.

Constit. *Ad augmentum la 4. Bullar. tom. 1.* indulgens, ut rimulis, & apicibus ipsis postpositis, liberè procedere valeant secundum consuetudines approbatas, & generalia facta, & etiam facienda ipsius Ordinis instituta.

32 Cæterum licet possint in eo omitti, quæ sunt puræ solemnitates juris, nequeunt tamen præteriti, quæ adjuvant substantiam iudicii: ut in Clement. *Sapè de verb. signif.* ibi: *Non sic tamen iudex litem abbreviet, quin probationes necessariae, & defensiones legitime admittantur; citationem vero, ac præstationem juramenti de calumnia, vel malitia, sive de veritate dicenda, nè veritas occultetur per commissionem* (hoc est factam cum clausula, ut procedatur de plano sine strepitu, & figura iudicii) *intelligimus non excludi.* Vide quæ dixi cap. 17. num. 16.

Judex super crimine tribus modis procedere potest, per viam inquisitionis, denunciationis, & accusationis.

33 Quaritur. Ad procedendum per viam inquisitionis quæ sint necessaria?

Resp. Necessaria est clamorosa insinuatio, seu diffamatio; vel, quod clamores aliquid præcesserint, c. *Inquisitionis*, §. *Tertia de accusat.* c. *Diffamatio loco accusatoris succedit, ut per Fagnan. cit. ad c. Qualiter & quando num. 64. de accusat.* Gonzalez in 5. tit. 1. c. 21. n. 10. Et tunc iudex procedit ex officio proprio virtute diffamationis, non ad instantiam alterius inquisitionem promoventis: ubi enim infamia non clamat contra aliquem, non potest iudex contra ipsum inquirere, ut tradit Peyrin. cit. in form. lit. P. c. 9. n. 16.

34 Verum, cum dicitur ad inquisitionem de aliquo delicto debere præcedere infamiam, id est intelligendum, non de inquisitione generali, quam Prælati singulis annis in visitatione paternali facere tenentur; quoniam ad istam nulla infamia prærequiritur, sed illam Prælati facit ex merito suo officio: sed de inquisitione speciali, ut ibid. Peyrin. cap. 15. num. 1. Et tanta necessitate præcedens infamia est necessaria, ut loco ipsius indicia non sufficiant, ut ex Sanchez ibid.

35 Ubi advertit alia indicia dici levia, alia gravia, & alia violenta; & plena. Prima communiter nihil probant. Secunda semiplenè probant, quia vehementia movent

animum ad aliquid credendum. Tertia ita movent animum ad assentiendum rei, ut iudex eam veram putet, adeo ut amplius investigare non curet.

36 An autem indicia violenta ita probent, ut illa sola sufficiant ad movendum iudicem, ut possit ferre sententiam in criminalibus? Respondet negativè, quia potest semper subesse aliquod dubium: in criminalibus enim probationes debent esse luce meridiana clariores, ut scripsit Fagnan. in 1. ad c. *Ne innitatis n. 357. de const.* neque ad intelligendam pœnam ordinariam sufficit, indicia esse vehementia, c. *Litteras de præsumpt.* sed probationes profisco, vel accusatore debent esse plenæ, & concludentes, iuxta l. *Sciant cuncti C. de probat. & c. Sciant cuncti 2. q. 8.*

37 Diffamatio autem illius, qui de aliquo delicto est diffamatus. probanda est per testes, qui interrogati, apud quos sit diffamatus, tenentur respondere, apud tales; & nisi eos nominent, non consentur redde bonam causam sui dicti: ratio est, quia aliter sciri non potest, an illi sint viles, & malevoli, an verò fide digni; de quo ante omnia iudici constare debet, ut bene Fagnan. ad d. c. *Qualiter*, & quando num. 85. & Sanctoro in sua practica tit. inquisitionis dixit infamiam debere in initio processus esse probatam, saltem per duos testes legitimos, ne acta sint nulla. Cæterum, si testis interrogatus responderet, apud duos esse suspectum, ex hoc non esset probata diffamatio, quia per dicta paucorum non debet quis apud iudicem infamatus reputari: est textus in d. cap. *Inquisitionis*, §. *Quævis tibi, Qui propter dicta paucorum eum infamatum repulare non debet.* Ideò, ut testis probet, debet addere in suo testimonio, quod de hoc ipso, quod audit ab illis duobus, clamat maior pars vicinæ, iuxta annotata à Glossa ad d. c. *verbo dicta paucorum.*

38 Notetur; quod Judex, ex quo sibi fuerint contra Titium scriptæ nonnullæ epistolæ anonimæ, & sine auctore, non potest procedere ad inquisitionem super contentis in dictis Epistolis, ut expressè text. in d. cap. *Inquisitionis*, §. *Tertia.* Nullam enim fidem merentur adversus eum, ut per Peyrin. cit. c. 16. nn. 12. ubi monet, litteras laceandas, & comburendas esse, nec eis credendum. Quarum auctor est inquirendus, & ubi

& ubi apparuerit, poena arbitraria puniendus est, per Gloſ. *ibidem verb. in oculto, & c. Qui in alterum* 5. q. 1. ut hac forma malignantium malitia, bonorum Religioſorum fama non gravetur.

39. Si verò nomine certi auctoris fuerint epistoſe ſubſcriptæ, tunc verificandum eſt, an ille talis litteras ſcripſerit (ſuppoſito quòd ejus character non ſit notus, & ubi invenitur ſcripſiſſe, procedendum eſt, prout de jure. Quo caſu hujusmodi litteræ ſe habeant loco denunciationis, ut tenet Peyrin. *cit. num. 20.*

40. Quæritur. Quid neceſſe ſit ad legitime procedendum per viam denunciationis?

Plura ſervanda ſunt: ex parte denunciantis requiritur. I. Quòd denunciatio detur in ſcriptis. II. Quòd adnotetur dies denunciationis, ut conſtare poſſit de fundamento proceſſus, & quòd acta non ſunt abſque legitimo teſtimonio. Dies conducere poteſt ad valorem, aut nullitatem denunciationis: ut, ſi data fuiſſet tempore, quo judex erat ſuſpenſus ab officio, vel in quo denunciatus erat inimicus denunciati, cum quo poſtea rediit in amicitiam: quoniam tunc nec dari, nec recipi poteſt.

III. Quòd exprimatur nomen judicis, aut ipſius officii, ut, Miniſtri Provincialis, commiſſarii, Vicarii &c. ut hac forma ſciatur, an judex ſit competens, vel non.

IV. Quòd exprimantur locus, tempus, qualitates, & circumſtantiæ delicti, & teſtes adducantur: omnia enim hæc ſunt ita neceſſaria, ut, ſi non exprimantur, denunciatio ſit ipſo jure nulla, & nullus proceſſus ſubſecutus: ut probat Clarus *qu. 12. verſ. dixi num. 9.* Etenim, illis ommiſſis, denunciatio redditur incerta, & vaga: nec poteſt reus probando negativam coarctatam ſe tueri, aut teſtes de falſitate convincere.

V. Quòd exprimatur nomen delinquentis, & illius, contra quem commiſſum eſt delictum: quòd ſi ignoretur, debet deſcribi, vel ab officio, ut Sacriſtæ, vel Janitoris, coqui &c. vel à ſtatura, ætate, lineamentis, capillis: quod pariter eſt ſubſtantiale, nè unus pro alio condemnetur.

VI. De conſuetudine ſervatur, quòd denunciator ſe ſubſcribit, & neſciens ſcribere ſignum + apponit. Hæc omnia recenſet Ameno *cit. tit. q. 95.*

41. Ex parte judicis neceſſe eſt.

I. Quòd perpenſa qualitate denunciantis, denunciati, & delicti, recognoscat, ſi ſint de ſuo foro, vel non, & juxta notitiam admittat, vel repellat denunciante; & quatenus ad ſe pertinere videat, procedat ad decretum de admiſſione denunciationis, & de proſequendo proceſſu, prout de jure.

II. Quòd denunciatio apponatur in actis.

III. Ut juramentum recipiat à denunciante de veritate dicenda. Quod implicitè includit juramentum de calumnia, & illi æquivalet, ut notavit Paſſerin. *Tribun. regul. quaſt. 12. art. 3. num. 7.* Siquidem nec calumniatur, nec præſumitur habere animum calumniandi, qui jurat ſeverum deponere. Licet enim denunciator non poſſit eſſe teſtis in cauſa, in qua denunciat, ut probat Ameno *§. 4. num. 22.* optimum tamen eſt, ut per eum exhibita, & ab judice recepta denunciatio examinetur: tum ut plenius judex informetur de circumſtantiis facti, ex quibus poteſt veritatem indagare; tum ut cognoscat, an denunciaverit ad instantiam alterius, qui eſt teſtis de viſu: quia tunc teſtimonium inſtigantis debilitatur, nec poteſt cum alio teſte, licet integro, reum convincere, quia teſtis ille eſt verus, & voluntarius denunciator, licet denunciaverit per alium; nec in ordine ad probandum alia ratio habenda eſt de illius teſtimonio, quàm de denunciatione facta ab eo, quem ipſe inſtruxit; & ſicut hæc non probat, ſed inſtruit, ita nec illud, ut per Ameno *tit. ult. qu. 1. num. 70.* quare in praxi, ut judex cognoscat, an qui denunciationem exhibet, zelo charitatis moveatur, vel ab alio ſit corruptus, inſtet, ut denunciator dicat, à quo ſciat denunciatum deliquiſſe: qua occasione dixerit, & quo ſine &c.

42. Advertendum, quod quando denunciatori eſt notum, tam delinquens, quàm delictum, & utrumque denunciat, & inſtat, ut ſerventur regularia inſtituta, & judex corrigat: judex procedit ad instantiam partis; cum denunciator ſolum delictum, ignorans delinquentem, tunc judex, ignorans contra quem debeat iudicium dirigere, tenetur procedere ex officio per inquisitionem, quæ dicitur mixta, hoc eſt, ſpecialis quoad delictum, & generalis quoad delin-

quen-

quentem , ut Ameno *in formul. sect. 2. num. 8.*

43 At petitur . An , si denunciator non probet , sit aliqua pœna puniendus per Judicem , apud quem denunciavit ?

Resp. Vel denunciator judicialiter solum denunciationem ponit , & testes assignat intendens aperire viam ad iudicium , & ut iudex ex officio possit faciliter crimen investigare ; non tamen curat , quod iudex procedat , vel non : vel ulterius , denunciatione exhibitâ , & acceptatâ , instat apud iudicem , ut puniat denunciatum . In primo casu , si deficit in probatione , tunc propter infamiam irrogatam denunciato (denunciatio enim semper infamiam infert , ut in mox citando textu) debet pœna saltem extraordinaria emendari , nisi suam innocentiam canonicè purgaverit , scilicet , quod non calumniandi animo ad huiusmodi crimina proponenda processit , ut est text. in cap. Cum dilectus de calumniator. cum sua Glosa , in verb. calumniandi : ut hac forma cæteri simili pœna perteriti similia non attentent .

44 Pro secundo casu advertas , quod denunciator , etiam ad vindictam , & non solum emendationem , non potest obligari ad se subscribendum ad pœnam talionis , quia talis subscriptio recessit ab aula , nec in praxi servatur sed ubi dolosus , sive calumniosus denunciator , vel accusator defecerit in probationibus , in pœnam extraordinariam condemnatur , ut tradunt Guazzin. *ad defenf. reor. def. 3. c. 3. n. 13. ver. Sed circa illud & c. 11. n. 2.* Zuff. *de legitim. process. qu. 27. n. 8.* & concordat Perringh. *in jus Canon. lib. 5. tit. 2. num. 2.* cum Engel. *in jus Canon. lib. 5. tit. 2. num. 2.* quidquid dixerit Ameno *tit. 9. §. 3. num. 12.*

45 At , quâ ratione in processu constabit , quod denunciator intesterit apud iudicem , ut puniat denunciatum , si in libello denunciationis nullam de eo instantiam fecerit , sed solum dixerit se denunciare , quamvis postea oretenus stimula veritatem iudicem ad punitionem ?

Resp. Iudex providus in decreto admissionis denunciationis debet apponere , & addere instantiam oretenus à denunciatore factam .

46 Quæritur . Quid observandum ab Iudice sit , ut legitime procedat per viam accusationis ?

Resp. Priusquam iudex procedat , debet accusationem acceptare ; de quo debet in actis constare . Accusator autem debet in libello accusationis nomen accusati exprimere , individuando crimen , & tempus , quo fuit commissum , ac testes adducendo , per quos possit legitime probari . Aliàs accusatio recipienda non est . Debet pariter accusato jurare se non malo animo ad accusandum moveri , ut probat Ameno *cit. tit. 8. §. 3. num. 16.*

Cum accusatio præsentatur contra aliquem Prælatum , vel insignem personam , & iudex non habet notitiam de vita , & conditione accusatoris , debet accusationem acceptare cum clausula , *si , & in quantum , & prout de jure & c.* & proinde priusquam inquisitionem contra accusatum incipiat , debet examinare duos , vel plures testes super fama ejusdem accusatoris : & ubi reperit accusatorem esse integræ vitæ , causam prosequatur , & informationes summat super criminibus , de quibus in libello & c. Ubi verò accusator vir levis , tumultuosus , & diminutæ famæ appareat , accusationem repellat , & contra accusatum nullo modo debet procedere , nisi de delictis sit fama inter fratres ; sed tunc non ad instantiam partis , sed per viam inquisitionis procedere potest , ut ibid. Ameno §. 6. num. 38.

47 Advertendum tamen est , ut notavit Peyrin. *cit. lit. P. c. 13. num. 2.* & Ameno *tit. 10. §. 1. num. 2.* quod , ut iudex ordinariè procedat , sive per viam inquisitionis , denunciationis , vel accusationis , debet prius ipsi constare de corpore delicti , seu delictum fuisse commissum ; delicta autem alia sunt facti permanentis , quæ post se relinquunt vestigia , ut est *vulnus homicidium , incendium , desolatio & c.* Quo ad ista ante incæptionem processus debet Iudici constare per oculorum inspectionem , videndo vulnus , effectum incendii & c. Et quatenus opus sit adhibere peritos Sæculares , debet iudex licentiam petere à Superiore sæculari Ecclesiastico , vel Laico , cujus sint subditi , eos vocandi , & examinandi , quorum iudicium est inferendum in actis , & interrogari debent , eis prius delato iuramento de veritate dicenda .

Est autem coram testibus describendum corpus delicti cum omnibus suis qualitatibus , & circumstantiis : quo genere primo-

morum fit, vel videatur factum. Quibus omnibus positis, ubi agitur de vulnere subscritbit vulneratus, deinde actuarius cum testibus.

Alia verò sunt *facti transeuntis*, hoc est, de numero eorum, quæ post se vestigia non relinquunt ut *adulterium*, *furtum*, *falsitas* &c. in istis debet per testes probari delictum fuisse commissum.

Constituto autem de corpore delicti, aut per testes probato; quod fuerit commissum, procedere potest contra delinquentem, & habitis indiciis sufficientibus, ipsum ad causam citare, & incarcerare, si sit de fuga suspectus, ut ibidem Peyrinus: tanta autem est necessitas, ut cognoscatur delictum, & de eo constet, priusquam de delinquente in specie inquiratur, ut, ea cognitione omissa, non fervetur, quod est de substantia iudicii, ut dixit Passerin. *cit. q. 9. n. 2.* Et subinde Amenio *n. 2.* ubi dat concordantes, scripsit, quodd *Processus, in quo prius de corpore delicti, præcipue facti permanentis, non constat, omnino sit nullus: & si super ipso constitutus esset reus, etiam si confessus fuisset, nihil nocere possit confessio.*

48 Advertit ubi supra Engel. *tit. 1. §. 1. num. 21.* quod iudicium non fit incipiendum à captura, & incarceratione accusati, nisi præmissa causæ cognitione, & præcedente saltem aliquali instructione, ac probatione delicti: & iudex indebitè incarcerationis potest per incarcerationem coram illius Superiore de injuria conveniri, ut ibidem Engel. Et probatur ex *leg. nec Magistratibus, ff. de injuriis*. Ubi autem incarceration fit non pro pœna, sed pendente accusatione, pro custodia, non debet tunc reus nimis duro, aut tertio carcere constringi: eum iniquum fit, sit ut prius affligatur reus, & executio in ipsum fiat, quàm delictum probatum sit *l. 1. C. de custodia reorum*. Nisi hoc aliquando fiat post semiplenam delicti probationem, ad confessionem rei eruendam, *ibid. n. 22.*

Item observandum, quod fiscalis, seu agens partes fisci, non ipse debet fabricare processum contra accusatos, vel denunciatos, sed debent per alium instrui. Eius partes sunt jura fisci producere, probationes favore denunciati, vel accusati adversus fiscum exhibitas evacuare, infringere, & alia opponere, ac instare, ut testes examinentur, & repetantur. Licet repetitio apud

Regulares videatur non necessaria, nisi de ea instet advocatus rei dando interrogatoria, ut *infr. n. 66.*

Procuratorem enim fiscalis succedit loco accusatoris, ut advertit Sperellus *decis. 92. nu. 2.* ideoque non potest, nec debet esse iudex, & pars: pugnet pro fisco, sed caveat ne legem charitatis offendat.

49 Quæritur. Quid iudex circa examen testium, observare debeat?

Resp. I. (Cum testes, juramento de dicenda veritate non præstito, non probent, nec fidem faciant, *cap. Nuper de testib. & attestat.* quia in juramento consistit substantia depositionis, per Fagn. *in 3. ad c. Audivimus de relig. & venerat. n. 59.* & cum juramentum sit res facti non supponitur) ideo debent jurare, de quo debet constare in actis. Sacerdotes jurant tacto pectore, & cæteri tactis sacris litteris.

50 II. Quod testes sigillatim, non turmatim interrogandi sunt, *cap. Inquisitionem §. 1. de accusat. cap. Venerabili de testib. & attest.* Ita Daniel interrogavit impudicos senes. Si enim testes simul exammentur, alter alterum instruit, & eundem sermonem omnes proferunt, Gonzalez *in 2. tit. 20. cap. 52. num. 4. allegat. Farinac. de testib. q. 8. Fagnan. in 2. ad cap. Venerabili num. 5. de testib.*

51 III. Quod testis unicus, quamvis legitimus, in iudicio non probat, Fagnan. *cit. ad cap. Licet num. 15.* quia, ut ait sacer textus: *in ore duorum; vel trium stat omne verbum.* Unde, cum agitur de præiudicio alterius, commune est illud: *dictum unius, dictum nullius*, Sousa *Aphorif. quest. unic. de testibus singul. sect. 1. num. 5.* Præsumptionem tamen facit, per Glos. *ad d. cap. verb. unius.*

52 IV. Quod ad hoc, ut duo testes plenè probent, debent esse non solum fide digni, sed etiam contestes; itaut jurati deponent ex certa scientia de visu, de eodem facto, loco, tempore, personis, circumstantiis ad substantiam facti spectantibus, & necessariis, ut latè Peyrin. *cit. lit. T. cap. 3. num. 10. allegans Spathar. de mod. corrig. Reg. tr. 7. cap. 2.*

53 Unde est communiter receptum inter DD. Peyrin. *cit. num. 6.* Gonzalez *ibid. cap. 10. num. 5.* quod testes singulares non probant. Testes autem singulares sunt, qui deponunt supra diversis factis, itaut eorum

eorum depositiones in unum coniungi non possint: ut, si unus deponat Petrum furtum commisisse, alius Joannem percussisse; vel, unus dicat tale delictum fuisse commissum domi, alius in platea; vel, unus dicat fuisse patratum de mane, & alius de sero; vel unus mensis Maii, & alius in augusto. Cæterum si deponerent super eodem delicto iterabili, ut de adulterio &c. licet non concordarent in tempore, aut loco; tamen plusquam semiplenam probationem inducerent ut ibid. Peyrin.

54 Observandum tamen est ex Soufa *sect. 2. nu. 2.* quod tria sunt testium singularium genera: ut alii sint singulares singularitate obstativa; alii singulariter adminiculativa, & alii singularitate diversificativa. Singularitas obstativa ea est, quæ facit repugnantiam, & contradictionem in testium depositionibus; hæc fuit in testibus deponentibus contra Susannam, *Daniel. 13.* ubi agebatur de unico actu adulterii, & unus dicebat se vidisse eam *sub schino*, alius verò *sub pino*: & sic deponentes de aliquo particulari actu sibi invicem repugnabant, assignantes diversum locum delicti commissi & nihil probarunt.

55 Singularitas adminiculativa, seu cumulativa invenitur in dictis testium, in quibus non est repugnantia, vel contrarietas per diversa tamen media in eundem finem tendunt, & unus alterum coadjuvat) ut, si unus testis deponat Cajum esse fornicatum cum Lucia; & alius cum Francisca; licet enim non sit plenè probata fornicatio cum una ex his duabus, tamen est benè probata fornicatio in specie. Ita pariter accusatur Frater de proprietate, unus testis deponit se eum vidisse die Lunæ cum crumena plena nummis aureis, alius testatur se eum vidisse die Martis cum moneta argentea, & tertius dicit se vidisse eum die Mercurii in Caupona expendisse pecunias: isti cumulantur, & plenè probant proprietatem in se, licet actus proprietatis in individuo non sit plenè probatus: est utique tempus diversum, & species monetæ diversa, tamen sunt accidentalialia proprietati, & æquè benè unus est proprietarius in auro, sicut in argento, & hoc die, quam alio, ut Ameno *cit. tit. 15. §. 6. num. 44.* Pariter accusatur Clericus non Sacerdos celebrasse Missam, & unus deponit se eum vidisse Missam incipientem, & alius ipsam

terminantem: hæc celebratio plenè probatur, quia, cum simus in successivis, & in actibus continuatis, non est necesse, quod, qui debent esse contestes, eodem tempore ipsum viderint; sed sat est, ut in diversis temporibus continuatis actum videant Ameno *cit. nu. 49.*

Et observat, quod, si unus testis de visu deponat de delicto, & alius testetur se illud delictum audivisse de ore rei, tunc coniunguntur, & comulantur isti duos testes, & confurgit plusquam semiplena probatio; quia ex quo unus testis de visu semiplenè probet, alius de auditu aliquid addit, per Ameno *num. 47.* cum concordantibus. Testes autem de auditu alieno regulariter nihil probant, nisi famam, si de ea examinentur nec faciunt ad iudicium. Ameno *tit. 15. qu. 4. n. 111.*

56 Singularitas diversificativa datur, quando testes deponunt de diversis delictis ut si unus deponat de furto, alius de adulterio, & alius de blasphemia, hi etiam nihil omnino probant, quia in hoc magis consideratur, quod sint singulares, hæc enim non sunt delicta, quorum unum inferat aliud. Gonzalez *cit.*

57 Item pondera, quod si testes sint ex officio ab iudice, sive ad instantiam partis assumpti, in eorum examine debet notari cum nomine, & cognomine illorum, gradus, etas, Sæculi, & Religionis, & in fine depositionis (ea eis prius lecta) debent se subscribere, & si nesciant scribere, apponant ✕ signum.

58 Item considera, quod ut testes in iudicio legitime probent, necesse est eos vocare, vel citare. Nam si testis voluntariè se offerat non vocatus redditur suspectus, & non probat, *leg. Præbyter, C. de Episc. & Cleric.* Et nihil refert, an vocetur ex munere iudicis, an verò quia fuerit à parte productus: modò in processu notetur qua via fuerit ad iudicium inductus ad iudicis instructionem.

59 At quæritur. An testes examinati in inquisitione speciali, aut denunciatione, vel accusatione contra aliquem, adversus eum probent ante litis contestationem, hoc est, priusquam reus citetur & respondeat accusationi sibi datæ?

Negat Glos. in *cap. Olim delit. contestat. ver. Responsonem*, & Glossa in *notabil. ad cap. In nomine de testib. & attestat.* Gonzalez.

zalez in cit. cap. 2. num. 3. Fagnan. ad d. cap. In nomine num. 34. Carena de offic. Inquisit. part. 3. tit. 8. §. 5. num. 33. Peyrin. d. cap. 3. num. 11. ubi testatur de communi, & Portell. respons. moral. cas. 20. in fine, consuluit praxim, quod, citato reo, iterum testes examinati repetantur, quia jam examinati non possunt nocere reo, quantum ad causam principalem, seu ad eum condemnandum, sed solum quoad ipsum interrogandum, & etiam ad carcerationem, si timeatur de fuga. Unde in horum sententia testium repetitio est unum de substantialibus iudicii.

60 Affirmant plures alii, quos cumulat Amenotit. 7. quæst. 1. num. 14. sustinentes repetitionem testium esse tantum solemnitatem juris, adeo ut acta sine partis citatione sint valida. Communis enim stylus, quem totus mundus servat, est, ut priusquam citetur reus, examinentur testes contra ipsum. Quæ consuetudo probatur à Trid. sess. 25. c. 6. de ref. 2. verb. In criminalibus. Cæterum reus eos debet habere pro ritè examinatis, ex dicendis, n. 66.

60 Quod si testis, qui deposuit in informatione summaria, in secundo examine eam retractet, vel deponat contrarium, standum est primæ depositioni, & non secundæ, per Glof. in c. Per tuas, verb. Informare de probat. & advertit Amenotit. & Monacellus for. p. 2. form. 16. nu. 6. tit. 15. quia præsumitur, quod secunda depositio facta sit per subordinationem procuratam à reo, vel ejus patrono. Tum quia, per primam depositionem est aliquid reo, vel fisco quæsitum, cui testis non potest præjudicare, ut ibi Monacellus.

Limitatur, nisi illicò se retractaret, aut oppositum deponeret, ut per Farinac. q. 66. n. 127. vel, nisi posterius dictum sit talibus conjecturis adminiculatum, ut excludatur præsumptio subornationis.

61 Advertendum est, quod, si reus examinandus sit carceribus mancipatus, debet excarcerari, ut liberiùs possit veritatem fateri. Confessio enim à carcerato recepta metu tormentorum extorta dicitur, per Peyrin. cit. litt. R. c. 9. n. 14. Et si sit excommunicatus, debet absolvi ad effectum trahendi ipsum ad iudicium, sed cum reincidentia: & ubi censura erit reservata, petenda est facultas Superiore, cui reservatur absolutio.

62 Examinatis itaque testibus sive à parte productis, sive ex officio assumptis, si ex eorum depositionibus certò constet, vel saltem per indicia sufficientia faciant semiplenam probationem delicti (quæ supponit probationem corporis ipsius delicti) debet iudex procedere ad examen rei, & poterit hoc decretum, vel simile præmittere: Quibus habitis, advertens P. Commissarius, quod per præmissas depositiones apparet N. de N. homicidium commississe, decrevit eum in riguroso examine constituere, serv. servand. de jure. Acta sunt hæc &c. Fr. N. Actuarius.

63 Deinde ad constituendum reum potest iudex in primo constituto per infra scriptum, vel alium similem modum procedere, videlicet.

Die &c. Anno &c. Constitutus personaliter coram P. Commissario N. de N. hac die &c. cui delato juramento corporali, tactis &c., vul. alio pectore (si sit Sacerdos) de veritate dicenda, super quibus interrogabitur: fuit interrogatus, ut infra: & primò solet interrogari de scientia suæ vocationis, carcerationis, de Conventu suæ collocationis, amicis, Fratribus &c. & postea de circumstantiis, & qualitatibus delicti, ex quibus iudex potest devenire ad delicti cognitionem.

Ubi reus delictum negaverit, poterit iudex contra ipsum sequentibus interrogatoriis procedere. Interrogatus, & monitus, ut velit omninò veritatem fateri super præmissis, maxime cum Curie constet per legitimos testes ipsum commississe homicidium, de qualitate, ac modo, loco, & tempore: & poterunt arma ostendi, cum aliis admixta, ut ea recognoscat.

Ubi respondeat per verbum nescio, non recorder, urgendum est, ut respondeat per verba præcisa affirmative, vel negative; illud enim idem est, ac absolute non respondere. Persistente verò in negativa poterit interrogari.

Interrogatus, quid dicet, si liquidò apparebit ex dictis, & depositionibus testium fide dignorum, ipsum commississe tale delictum &c.?

Tunc ad convincendum reum de mendaciis, & ad disponendum ipsum ad veritatem dicendam, P. Commissarius mandavit per me actuarium eidem legi acta, & intelligibili voce depositionem N. Testis habita-

ram sub tali die, pagina &c. & præsertim in illa responsione incipiente, &c. & finire. &c. Et totum notetur in actis. Qua depositione eidem lecta, & per ipsum bene audita, & intellecta, prout asseruit, fuit per P. Commissarium interrogatus: quid dicat, vel respondeat? & successivè, persistente in negativa, interrogetur.

Interrogatus, & monitus, ut velit se disponere ad veritatem fatendam super præmissis, præsertim cum videat se testibus convictum, qui verisimiliter prædicta contra ipsum non dixissent, si vera non fuissent, & essent: si reus adhuc persistat in negativa, poterit legi alia alterius testis depositio. Quod si adhuc sit pertinax, poterit interrogari, qualiter velit prædictos testes juratos, qui nullum ex depositione conmodum sentiunt, ea deposuisse, si vera non essent? Quod si adhuc in pertinacia sit obduratus, moneat, ut recogitet, quod mendacis, & perjuriis Deum offendit, & quod se disponat ad veritatem spontè fatendam, alias in tortura debet illam rapere. Et cum hora esset tarda, & non potuerit examen expediri; P. Commissarius &c. acceptatis &c. examen dimisit; voluntate illud continuandi &c. & interim lecta sibi depositione, ipsi subscripsit, & iterum ad carceres fuit ductus, acta sunt &c. Io N. ò deposito. Fr. N. Commissarius. Ego N. actarius.

64 Pro secundo constituto, die &c. loco &c. prout supra &c. Quod si in negativa semper persistat, moneatur omnino de veritate dicenda ad vitandam, & Dei offensam, & poenam afflictivam torturæ. Quod si sit pertinax, absolvatur examen prout sup. &c. Alia verò die procedatur ad tertium constitutum, servando eundem tenorem. Et ubi reperiat obfirmatus in negativa, procedatur ad decretum de tortura, assignando ei terminum trium, aut quatuor dierum arbitrio iudicis ad se defendendum, vel indicia purganda, ex dieendis n. 70.

65 Ubi verò reus, vel est convictus, vel sponte confessus, vel extra torturam ratificavit confessionem in tortura factam, in secundo, & tertio constituto interrogetur si velit prædictis confessatis, & dictis aliquid addere, vel minuere, vel potius ea tanquam vera ratificare, & approbare, & modò ratificet, & approbet: & respondens affirmativè, procedendum est infra scripto decreto.

66 Tunc P. Commissarius acceptatis &c. dimisit examen, & mandavit, ut intra terminum sex dierum produceret ad sui defensionem quidquid habet adversus depositiones testium ad sui indemnitate, vel provideat sibi de patrono, habitis tamen testibus pro ritè, & rectè examinatis, copias tradi &c. & absque prejudicio ulterioris processus, & examinis, quod ipse acceptavit, reservatis sibi exceptionibus, & repetitione quatenus &c. & tam decreto, quam ejus depositioni, qua fuit eidem de mandato &c. lecta, se subscripsit.

Io N. ò deposito, & accepto, come sopra N. Delegatus, N. Actuarius.

Tunc debet constare in actis de electione patroni, & quod hic munus patrocinii suscepit. Die &c. Cum N. reus significaverit se in patronum elegisse N. de N. P. Commissarius mandavit id in actis registrari. Apparere etiam debet de acceptance patroni, cujus officium est omnia agere ad tutelam sui principalis, opponendo contra legitimitatem testium, processus &c. instando, ut repetantur testes, dando interrogatoria, si opus sit: & testes adducti examinandi sunt super articulis productis.

66 Nonnullis placet, ad legitimandos testes contra reum examinatos, esse repetendos. Sed, ut etiam notavit Ameno, hæc est solemnitas, ad quam Regulares non tenentur. SuffICIENTES testes legitimari dicuntur, & processus de informativo curiæ transit in offensivum rei per ipsius declarationem, & acceptionem, quod habet eos pro legitime, & ritè examinatis, prout ex praxi in d. Decreto: vel potest citari ad similem declarationem faciendam, prius vel postquam ejus patronus defensiones elaboratas præsentaverit iudici, & hic cognoverit non esse relevantes contra depositiones testium.

De substantia iudicii solùm est, ut repetantur testes, si reus contra eos, vel eorum dicta excipiat, & inflet pro repetitione: quæ sit. Die &c. N. testis alias examinatus in causa &c. iterum vocatus est, cui &c. juravit &c. & interrogatus, an, que alias in præsentis causa in alio examine facta die &c. verasuerint, ac sint: & examine ei lecto, & per eum bene audito, dixit vera esse &c. Si verò examinetur testis ad instantiam rei, hoc exprimitur, & super articulis ab eo productis interrogetur.

67 Abstineat iudex ab interrogationibus suggestivis, quibus tam reo, quam testibus suggeruntur responsiones, quia vitiant, & annullant processum, de quare *Ameno tit. 15. §. 9. num. 75.*

68 Cæterum, cum iudex procedit in notoriis, non debet interrogare reum dubitative, *anfecerit hoc*, sed assertive, *notum est hoc fecisse*, ut probat Peyrin. *formular. lit. P. cap. 18. num. 6.* prius tamen per duos testes debet probare notorietatem, & in processu declarare se procedere per viam notorii. Ideo testes deponere debent de visu proprio, hoc est, quod erant præsentis, & viderunt id, de quo testificantur: & quod ibi erat major pars communis, quæ videre potuit, quæ ipsi viderunt.

69 Ad notorium autem tria debent concurrere. Primum, quod fiat in loco publico, in quo soleat convenire communitas: secundum, quod, quando committitur delictum, adsit major pars communis: tertium, quod delictum fiat de die, non de nocte. Quoniam, si de nocte committitur, homines non possunt bene videre. Quæ sunt iuxta naturam notorii, quod dicitur facti: cum illud sit, quod *se exhibet omnium oculis, vel conspectui maioris partis personarum alicujus loci, vel communis, ut nulla possit tergiversatione celari.*

70 Ponderabis I. Quod nunquam reus est torquendus, nisi præcedant indicia sufficientia, vel diffamatio, quæ semiplenam probationem delicti faciant.

II. Quod non est torquendus convictus, & confessus; quia iam habetur veritas, & certitudo sufficiens ad condemnationem, ut notavit *Ameno tit. 16. §. 6.*

III. Quod pro delicto, pro quo non venit imponenda pœna corporis afflictiva, non est inferenda tortura, quia censetur hæc pœna gravior, quàm pœna delicto debita, & ita, ubi delicta punienda sunt tantum privatione vocis activæ, vel passivæ, officiorum, suffragiorum &c. tortura infligi non debet.

IV. Quod torquendo concedendæ sunt defensiones cum competente terminum, vel etiam quatuor dilationum, cum spatium trium, vel etiam quatuor dierum pro qualibet ad arbitrium iudicis. Propterea est à reo sibi eligendus patronus, & iudex non potest ei denegare, quem elegerit; qui intra tempus præfixum debet elidere, evacua-

re, & purgare, quidquid productum fuit adversus reum, ut inde ad torturam, vel aliam condemnationem non possit deveniri. Propterea debet ei concedi copia actorum, & quidquid conducere potest ad tuendum suum principalem.

Abolutis autem defensionibus, & præsentatis, debet de eis in actis constare. Die &c. *presentata fuerunt ab N. patrono rei N. &c. defensiones elaboratæ favore eiusdem, incipien. &c. & finien. &c. & ad mandatum P. C. fuerunt in actis registrata &c. N. actuaris.*

71 V. in Ordine Min. de Observ. non potest iudex ad torquendum moveri, nisi de consilio, & assensu definitorum, & iuxta ipsorum votum debet procedere: ideo, ut PP. Definitorii instrui possint de meritis causæ, tam favore fisci, quàm rei, debent eisdem consignari processus offensivi contra reum fabricatus, ac defensiones ad eius favorem; quæ omnia debent ab uno quoque defensore diligenter ponderari, considerando, an defensiones prævaleant contra fiscum, & destruant indicia, & probationes adversus reum productas, adeo ut non sit locus torturæ. Quinimmo, ut definitorium cautiùs procedat, debent PP. prius consulere advocatum sæcularem, ad quem transmittenda sunt omnia, tam pro, quàm contra reum; qui, omnibus inspectis, debet suum sensum in scriptis redigere, & votum suum cum actis receptis consignare definitorio: illisque ab unoquoque de definitorio diligenter ponderatis, PP. simul conferant super meritis causæ; & subinde per calculos secretos albos, & nigros suam sententiam dicant. I. An reus, sit torquendus? II. An torquendus graviter, vel leviter? Ubi calculi erunt pares adeo ut nec albi pro negativa, nec nigri pro tortura vincant, non est reus torquendus, quia tenetur iudex inclinare ad favorem rei; & hic etiam currit regula illa, quod, *Actore non probante, reus absolvitur*, apud Fagnan. *ad dict. cap. Ne innotaris num. 359.* Si verò concludatur pro tortura, tunc à definitorio formandum est decretum, quod *visis omnibus videndis in causa &c. tam pro, quàm contra reum, & inherendo voto D. N. Consultoris, sumus in voto, quod N. reus, & semiplene de delicto convictus sit graviter, vel leviter torquendus: servat. tamen de jure ser-*

servand. Quod est consignandum judici, à quo aliud decretum est faciendum: ut infra: & tunc *Pater Provincialis*, vel *commissarius inhaerendo voto*, & *Decreto Definitorii decrevit P. N. rerum esse leviter torquendum*. Et *N. Actuarius*. Consultor non debet esse patronus rei, quia est suspectus.

Advertendum .I. Quòd, si Provincialis instruat processum contra rerum, dum petit à definitorio consilium, non potest ipse eo casu suum calculum consultivum ferre, quia nullus consilium sibi dat.

72 II. Quòd si advocatus fiscalis respondeat probationibus ad defensam à patrono exhibitis, sunt huic ejusdem advocati responsa communicanda.

73 III. Quòd, si causa fiat per accusationem, vel exceptionem, præsentatis à reo defensionibus, debet citari accusator, vel exceptor ad effectum, ut per proprium advocatum respondeat contra defensiones rei, & ipsas impugnet, & alias producat, quæ sibi super sunt contra reum. Quòd, si accusator, vel exceptor novos testes, aut nova instrumenta produxerit contra reum, debet copia illorum tradi reo, vel hujus patrono, ut possit illis opponere exceptiones suas, & se defendere: adeout ultimo semper loco est ab judice audiendus reus vel ejus patronus.

74 Quæ omnia, servata proportionem, servari debent in defensionibus concedendis ante sententiam; ad quam semper reus, vel ejus patronus citandus est; aliàs, omissionem citationis sententia esset nulla, quia est de substantia, ad text. in *Clement. Sapè de verb. signif. & const. Clement. VIII. litium la 18. Bullar. tom. 3.* & notavit Peyrinus lit. S. 6. 3. num. 2. & citatio facienda est pro ter die, & certa hora.

75 Et hic advertendum, quòd in delictis, in quibus imponitur pœna corporis afflictiva, non potest reus etiam confessus suis defensionibus renunciare, ut dixit *Glos. in leg. non tantum verb. acquiescit, ff. de appellat. Riccius prax. for. Ecclesiast. resolut. 6. num. 4.* quos cumulat, & sequitur *Ameno tit. 20. §. 1. num. 9.* Et quatenus reus firmus sit in facienda renunciatione defensionum, non debet statim pronunciari sententia, sed tenetur judex assignare tempus, & terminum peremptorium ad defensiones faciendas: quòd si reus, sibi

facta intimatione decreti, judicialiter dicat se renunciare defensionibus, poterit renunciationem acceptare; sed numquam est procedendum ad sententiam, donec tempus assignatum pro defensionibus expiret, ut per *Ameno ibid.* Tutius tamen est, ut judex ex officio alicui idoneo committat defensiones faciendas. Judex enim ex officio potest reo advocatum assignare, ut probat *Gonzalez cit. in 1. tit. 32. cap. 1. numer. 18.* Videatur *Ameno ibidem*: ex cujus formulario, & practica, ac ex alia *P. Sanctorii* fuerunt præmissa huc summatim reportata.

76 Advertit ex claro *Fagnan. cit. in d. cap. ne innitaris num. 363.* quòd ubi nihil ulterius superest agendum, tam ex parte accusatoris, quàm accusati, judex debet diligenter considerare processum tam offensivum, quàm defensivum, & rectè ponderare, quid ex ipsis processibus resultet: & quatenus contra reum extent indicia, & probationes, quæ elixæ, & conquassatæ non fuerint; si reus est plenè convictus, vel confessus, condemnandus est; sed semper considerandum illud *Ambrosii relati in cap. Indicat. 3. quæst. 7. ibi: Bonus judex nihil arbitrio suo facit, sed juxta leges, & jura pronunciat, statutis juris obtemperat, examinat causa merita, non mutat, &c.* Ita tamen jus servare deberi, ut cum mansuetudine rigor, cum misericordia judicium, cum lenitate severitas adhibeatur, ut statuit *Trident. sess. 13. cap. 1. de reform.* Sed non potest esse clementior lege, ut dixit *Fatinell. citat. respons. jur. respons. 31. n. 11.*

77 Ubi verò recognoverit probationes ad defensam illas accusatoris, vel pro fisco adductas elidere, & plenè infirmare, est reus absolvendus tamquam non reperiens culpabilis, vel de jure punibilis, aut definitive, ex capite innocentie, si intra terminum assignatum accusator aliud relevans non producat, quidquid in processu alias præcesserit: ut tradunt *Covarruv. lib. 1. variar. cap. 1. num. 8.* Clarus in *pract. crimin. quæst. 62. num. 2.* *Spatharius cit. tract. 10. cap. 19. num. 2.* & tunc judex poterit uti hac forma: *Visto per nos fabricato processu contra Fratrem N. super furto, de quo fuit apud nos accusatus, & gravatus, omnibusque contra ipsum deductis probationibus per pensis, & discussis, consideratis etiam* ipsum

ipſus in contrarium probationibus; de voto etiam D. N. Conſultoris, per hanc noſtram definitivam ſententiam, dicimus, ipſum pro hac cauſa coram nobis legitimè aſſitata non eſſe punibilem, nec culpabilem repertum, & ita dicimus, decernimus, & definitive ſententiamus, eumque innocentem declaramus atque à præſata imputatione abſolvimus, & abſolutum eſſe pronunciamus. In quorum fidem, &c.

Cum autem contra reum ſunt tot, & talia indicia, quæ ipſe non potuit plenè evacuare, niſi per torturam, tunc abſolvi debet, ſed non definitive, neque ex capite innocentia, ſed appoſita clauſula: *Stantibus rebus, prout ſtant*: ſeu, *Ex hætenus deductis*, ut per allegatos; & tunc iudex, mutatis mutandis, poteſt ea formula uti.

78 Adverſus abſolutum ex capite innocentia, ſive iudex proceſſerit ex officio, vel ad inſtantiam partis, non poteſt ampliùs procedi pro illo delicto, *Quibuſcumque etiam ſupervenientibus indiiciis*, quia illa abſolutio tranſit in rem iudicatam, & de re iudicata ampliùs iudicari non poteſt, ut pluribus cumulatis tradit Peyrinus *cit. lit. S. cap. 1. num. 2.*

Sed contra abſolutum cum clauſula, *Rebus ſic ſtantibus*, vel, *Ex hætenus*, &c. poteſt iterùm novis ſupervenientibus indiiciis procedi. Caterùm huiuſmodi praxis non probatur à Claro *cit. queſt. 62. num. 2.* ubi de eo, qui purgavit indicia per torturam, dixit eſſe definitive abſolvendum. Et Spatarius *cit. cap. 13. num. 6.* cenſet, quòd inter Regulares ſemel abſolutus cum clauſula, *Rebus ſic*, &c. non debet iterùm accuſari, etiam ſupervenientibus magnis indiiciis; cui adæret Peyrin. *num. 3.* conclu- dens, quòd ad truncandas diſſidiorum, & malignitatum occaſiones, ſit omninò definitive abſolvendus.

79 Norandum, quòd ſi reus in ſuis deſenſionibus ita perfectè evacuaverit indicia, quòd crimen nec ſemiplenè remaneat probatum, & conſet de innocentia ipſius; accuſator debet tamquam calumniator condemnari, quia non probavit, & de hoc in eadem ſententia; per quam reus abſolvitur, conſtare debet; ſed quia non debet condemnari ante citationem ad ſententiam, citari etiam debet accuſator, & ei assignari terminus, ut producat vel contra reum alia vel dicat, quare puniri
Official. Cur. Eccl.

non debeat pœnis contra calumniatores præfixis, ut poſt Bartolum dixit Ameno *tit. ult. §. 2. num. 8.* Et ubi iudex cognoverit reproducta nihil relevare; procedat ad ſententiam abſolutoriam rei prætenſi, & condemnationem accuſatoris; qui ſemper citandus eſt ad audiendam ſententiam ferendam pro, vel contra reum, cum habeat intereſſe in cauſa.

80 Ameno *tit. ult. §. 6. num. 53.* monet in ſententia eſſe recensendum delictum, etiam ſecundùm circumſtantias, quæ conducunt ad ejus levitatem, vel gravitatem, & ad augendam, vel minuendam pœnam; tum ut appareat de rationabilitate ſententia, & quòd pœna fuerit proportionata culpa; tum ut in Ord. Fratr. Minor. de Obſerv. (in quo Proceſſus non poſſunt ultra ſemestre ab ultimatione cauſæ conſervari, per ſtat. General. Ord. *cap. 12. §. 23. num. 25.*) habeatur notitia criminis, & delinquentis. Propterea ſtatuta *cit.* in- jungunt, ut ſententia originaleſ conſerventur in libro ad hoc deputato, ut poſſint inſervire in cauſis expulſionis ab Ordine, aut exceptionis, repellendo condemnatum, aut à teſtimonio ferendo, aut ab adipiſcenda dignitate.

81 Pœna Regularibus ab Iudice Regulari inſligendæ, deſumendæ ſunt ex ſtatutis ipſius Religionis, non verò ex jure communi, aut aliundè; eſt textus expreſſus in Clement. *Religioſi, §. Quibus, de privileg. & d. Conſt. Bonifacii IX. ut ſup. num. 31.* & in Decreto Clementis VIII. *de Apoſtatis*, ut in *Conſtit. Urbani VIII. la 10. Bullar. tom. 4.* in quo conveniunt DD. apud dict. Peyrin. *cap. 3. num. 5.* Ubi verò Regularia ſtatuta non provident, recurrendum eſt ad Sacros Canones, & in horum defectum ad ius civile, vel legitimas conſuetudines, aut legem municipale, ut per Roderic. *reſol. 47. n. 3.* apud d. Peyrin.

82 Non eſt de neceſſitate, ut ſententia à reo acceptetur. Verùm ſi adepta illius notitia, intra decem dies non appellet; cenſetur appellatio deſerta & ſententia in rem iudicatam tranſit. Propterea ei ſemper eſt notificanda, & intimanda, ut poſſit appellare, vel non, ſi ſe gravatum ſentiat; & hæc eſſe poteſt formula.

83 Patronus N. de N. comparet coram N. &c. & ſentiens à dicta ſententia ſuum principale enormiter læſum, &
Ec „ gra-

„ gravatum, à prædicta ad Sanctam Sedem
 „ vel Generalem, &c. salvo, & semper refer-
 „ vato jure dicen. de nullitate, his scriptis
 „ provocat, & reclamatur, & appellatur, pe-
 „ tens primò, secundò, & tertio, instan-
 „ ter, instantius, & instantissime, sæpè,
 „ sæpius, & sæpissime de Apostolis res-
 „ ponderi; non solum modo, & forma
 „ prædictis, sed & omni meliori modo, &c.
 „ salvo jure, &c. protestatur; &c. die,
 „ &c. præsentibus, &c. N.N. de N.

„ Tunc P. C. visis, &c. dictam appella-
 „ tionem admisit, Apostolos concessit &c.
 „ & in quantum omni meliori modo, &c.
 „ præsentibus, &c. Ad cujus mandatum fuit
 „ appellatio eadem die inter acta responsa.
 „ N. Actuarius. Vide *di. cap. 87. num. 27.*

Advertendum, quòd sententia suspen-
 sa per appellationem nullum interim ope-
 ratur effectum, ac si lata non fuisset,
 Fatinell. *cit. resp. 52. num. 7.* Sed adeas
di. cap.

84 At quæritur. An puniendus sit ju-
 dex, qui fert sententiam nullam, & injus-
 tam?

Resp. Non est dubium peccare mortali-
 ter, nisi fortè ex ignorantia inculpabili
 id fecerit. Si sententiam ferat per sordes,
 hoc est, ad sic judicandum moveatur per
pecuniam, gratiam, vel preces alterius, vel
favore, vel odio, ut explicat Gloss. in
notab. ad cap. Cum aeterni, de sent. & re ju-
dicat. in 6. suspenditur per annum ab offi-
 cio; quòd si pendente illo anno, se immi-
 sceat Divinis, incurrit irregularitatem, à
 qua absolvi non potest, nisi per Papam. Ro-
 deric. *tom. 2. qq. regul. q. 40. art. 2.* censet Ju-
 dicem Regularem malè judicantem ex ne-
 gligentia culpabili cum dolo, vel sine dolo,
 & ex imperitia, esse pœna arbitraria punien-
 dum. Præsumitur autem cum dolo pro-
 cedere, qui formam Sacrorum Canonum,
 juris civilis, vel Constitutionum Religio-
 nis aperte transgreditur. Ille verò repu-
 tatur procedere ex lata culpa, qui omi-
 sit facere, quod alii prudentes, & docti
 judices in simili casu facere solent. Quan-
 do ergo Judex Regularis malè judicat ex
 dolo, vel lata culpa (quia nec ipse vo-
 luit studere, ut sciret, quid de jure in cau-
 sa est necessarium, nec voluit aliorum con-
 siliium petere) deponendus est; imperitia
 enim annumeratur culpæ, Gloss. *in c. Si*
homicidium, verb. Imprudenti 23. q. 1. Se-

cus si ex simplicitate id fecit, ut per eun-
 dem Roderic. allegat. à Peyrin. *lit. P. c.*
16. num. 16. de qua re, videri potest etiam
 Amenotit. *ult. §. 3. numer. 24.* Monacellus
form. par. 2. form. 1. numer. 27. tit. 1. tradit
 hodie de consuetudinem judices non sindi-
 cari de sententiis per imperitiam malè la-
 tis, sed solum si per sordes, & corrupti
 pronunciarunt, & allegat Merlin. *decis.*
Lucen. 1. num. 2.

85 De nullitate sententiæ agit ubi
 supra Engel. *§. 1. num. 14. tit. 28.* Ut nulla
 sit. I. Si lata sit ab judice incompetente. II.
 Si post lapsum instantiæ. III. Si post
 recusationem judicis suspecti. IV. Si con-
 tra rerum indefensum. V. Si lata post ter-
 minum delegationi præfixum VI. Si contra
 priorem sententiam, quæ transivit in rem
 judicatam. VII. Si sit contra *jus Legis*;
 ut si judex aliter judicet, quàm lege de-
 finitum, aut moribus receptum sit: aut
 contra *jus Legislatoris*; ut si judex con-
 tra allegata, & per eum probata judicet.
 Et *tit. 27. §. 1. num. 15.* tradit, quòd sen-
 tentia contra *jus legis* lata, est ipso jure nul-
 la, ut possit usque ad 30. annos, etiam si-
 ne appellatione impugnari; sententia ve-
 rò contra *jus litigatoris* dicatur tantum
 iniqua, & ipso jure sustineatur, ita ut,
 nisi condemnatus intra decem dies appel-
 let, transitura sit in rem judicatam, l. 1.
§. 2. ff. quæ sententiæ sine appellatione rescin-
dantur.

86 Observat Fatinell. *cit. resp. 28. numer.*
 20. quòd sententia absolutoria ab observa-
 tione judicii negotium principale non
 tangit, quia non absolvit à causa sed ab
 instantia, quam actor de novo inchoare
 potest; & quòd ubi in sententia reservatur
 jus melius agendi, lis salva, & integra
 manet; nulla autem in judicatum non tran-
 sit, licet aliàs non fuerit appellatum, idem
resp. 8. num. 20.

Quæ sint satis ad summariam instru-
 ctionem, quam intendimus pro Tyroni-
 bus Regularium, ad quorum manus for-
 te pervenire non poterunt citati Passeri-
 nus, Peyrin. Spatharius, Roderico, Ame-
 no, & Sanctoro, qui de judiciis Regula-
 rium expresse tractarunt. Et videri potest
 Petrus Amicus *de modo examinandi in caus.*
criminal. apud Piascècum prax. Episcop. in
sine.

CAPVT LV.

Officialis quoad Visitationem
per Prælatos.

SUMMARIU M.

- 1 Episcopi, & alii majores Prælati tenentur visitare proprias dioceses.
- 2 Prælati Regulares etiam debent suos Conventus, & Monasteria visitare.
- 3 Visitator non potest recusari, declara.
- 4 Episcopus potest visitare Ecclesias sacculares exemptas, usque ad n. 14.
- 15 Patronus potest in fundatione Hospitalis apponere clausulam, quod Episcopus non possit visitare, & ibi plura.
- 16 Authores, qui egerunt de Visitatione.
- 17 Visitatio per edictum, vel litteras circulares intimatur.

§. I.

Visitatio Ecclesiæ Parochialis.

- 1 Qualiter Episcopus recipiendus in visitatione Ecclesiæ Parochialis.
- 2 In visitatione fit absolutio defunctorum.
- 3 Visitatio incipitur à Tabernaculo SS. Sacramenti Eucharistia, & quæ sint ab Episcopo inspicienda.
- 4 Visitatur Oleum Sanctum.
- 5 Et Fons baptismalis.
- 6 Sacra Reliquiæ.
- 7 Altaria.
- 8 Chorus, usque ad n. 9.
- 10 Sedes confessionales.
- 11 Corpus Ecclesiæ.
- 12 Sacristia, usque ad n. 13.
- 14 Campanile.
- 15 Domus Canonialis.
- 16 Parochus, usque ad n. 19.
- 20 Libri Parochiales quando censeantur authentici, & probationem facere?
- 21 Visitantur etiam nonnulli ex cura, & de quibus interrogandi?
- 22 Absoluta visitatione, Prælati ante discessum recitat in Ecclesia: De profundi.
- 23 Libri visitationis authenticè probant.

§. II.

Visitatio Regularium.

- 1 Prælati visitaturi debet Fratres monere de futura visitatione.
- 2 Et subinde in Conventu visitando personaliter Fratribus collegialiter unitis debet visitationem intimare, usque ad n. 3.
- 4 In Ecclesiis Regularium regulariter Tabernaculum SS. Sacramenti retineri debet in Altari majori.
- 5 Acta visitationis causè custodienda.
- 6 Interrogationes faciendæ Religiosis, usque ad 9.
- 10 Aliæ superaddendæ Fratribus Min. S. Francisci.
- 11 Visitantur cella, & officina.
- 12 Præstanda à Visitatore completa visitatione, usque ad n. 14.
- 15 Visitatores non debent subditos expensis gravare, usque ad n. 17.

§. III.

Visitatio Monialium.

- 1 Visitatio personalis Monialium fit ad crates.
- 2 Interrogationes Monialibus faciendæ, usque ad n. 3.
- 4 Visitatio localis clausuræ.

Quod attinet ad visitationem per Prælatos, sive sæculares, sive Regulares, Trid. sess. 24. cap. 3. de reformatione statuit: Ut Patriarchæ, Primates, Metropolitani, & Episcopi propriam diocesim per se ipsos, aut si legitime impediti fuerint per suum Vicarium Generalem, aut Visitatorem, &c. visitare non prætermittant. Et ubi propter latitudinem non poterit tota diocesis eodem anno visitari, biennio tamen visitatio est complenda, ut ibid. Concilium. Nec semel tantum in anno, sed etiam pluries poterunt visitare; si necessitas, postulaverit, Fagnan. in 1. ad cap. Conquerente, de offic. ordin. n. 34.

2 Quod verò ad visitationem à Prælati Regularibus faciendam in Conventibus, & Monasteriis de proprio regimine, idem Trident. sess. 25. de regular. cap. 20.

iniungit Ordinum Superioribus, quod Monasteria, & Prioratus sibi subditos ex officio visitent.

3 Nec Visitator potest recusari. Nam orta dubitatione: *An Episcopus visitans possit tamquam suspectus recusari?* S. Congreg. Conc. censuit: *Non posse, nec cum generalem visitationem aggreditur, nec cum ad specialem descendit; si modo sine strepitu, & figura iudicii procedens penas non imponat delictorum ordinarias, sed eas tantum, quæ morum correctionem respiciunt, & modum corrigendi non excedat, apud dict. Fagnan. num. 37.* Concordant DD. non posse Visitatorem recusari, nisi judicialiter procedat in corrigendo; & interminis de Visitatore Regulari ibid. Trid. hæc habet: *Teneantur quicumque prædictorum Ordinum Monasteriis præsent, prædictos Visitatores recipere, & illorum ordinationes exequi.*

4 Episcopus tanquam Sedis Apostolicæ Delegatus potest visitare omnes Ecclesias sæculares exemptas, non obstantibus privilegiis, & consuetudinibus, prout disponitur *sess. 7. cap. 8. de reform.*

5 Item visitare potest quascunque Ecclesias sæculares intra fines suæ diocesis existentes; etiam si ad Regulares pertineant, & ab eis dependant, dum tamen per sæculares eis deserviat; & hoc vigore *d. cap. 8. sess. 7. & tradit Ventriglia prax. par. 2. annot. 24. §. 1. num. 7.*

6 Item, visitare potest omnes Ecclesias Curatas, Monasteriis Regularium unitas. *ex cit. sess. cap. 7.*

7 Item, tanquam Sedis Apostolicæ Delegatus visitare potest omnia Monasteria commendata, Abbantias, & Præposituras, in quibus non viget Regularis observantia, Trid. *sess. 21. cap. 8. de reform.*

8 Item, tanquam Sedis Apostolicæ Delegatus visitare potest Ecclesias omnes sæculares nullius diocesis quantumcumque exemptas, & Sedi Apostolicæ immediate subiectas, etiam si in eis Prælatus inferior habeat quasi Episcopalem jurisdictionem. Hæc visitatio facienda est per Episcopum, cuius Ecclesia Cathedralis est proximior Ecclesiæ exemptæ; si id constet; aliàs ab eo, qui semel in Concilio Provinciali à Prælato illius loci electus fuerit, prout deciditur *sess. 24. c. 9. de reform.*

9 Item, potest visitare Ecclesias Regulares Virorum, & mulierum, quibus imminet cura animarum personarum sæcularium, in eis, quæ ad curam animarum pertinent; & non solum loca, sed etiam personas d. curam exercentes, etiam si Regulares sint, circa res ad curam spectantes, Trid. *sess. 25. de regul. cap. 11. & dicendum cap. sequenti.*

10 Item, potest visitare Ecclesias Parochiales, & Curatas subiectas Militibus S. Joannis Ierosolimitani, Ventrigl. *num. 12.*

11 Item, per seipsum etiam auctoritate Apostolica visitare potest Capitulum Cathedralis, & aliarum maiorum Ecclesiarum, illorumque personas, Trident. *sess. 6. cap. 4. de reform.*

12 Item, potest visitare Hospitalia, & Confraternitates laicorum, dummodo non sint sub immediata regum protectione; nam tunc visitari non possunt sine regum licentia, Trid. *sess. 22. cap. 8. de reform.*

13 Item, visitare potest Confraternitates laicorum existentes in Ecclesiis Regularium, per *d. cap. 14.*

14 Item, visitare potest Moniales etiam de Regimine Regularium quoad clausuram; ceteras autem quoad reliqua, Trid. *sess. 25. cap. 4. de regul. & dixi cap. 11.*

15 At petitur. Si in fundatione Hospitalis, vel beneficii fuisset appositum, quod Ordinarius non possit se intromittere in ipsorum visitatione, an Episcopus visitare possit?

Resp. Negative, est textus expressus in *cap. 9. Trid. sess. 22. de reform.* ibi: *Nisi scias forte in institutione, & ordinatione talis Ecclesiæ, seu fabricæ, expresse cautum esset.* Unde si in lege foundationis cautum sit, ut hospitale, vel locus pius non subfit Episcopo, Episcopus non potest se ingerere, ut per Fagnan. in 3. ad *cap. Ad hac, de religiof. domib. num. 44.* contra Ventrigl. *num. 18.* Cæterum, ubi administratores hospitalis, vel alterius loci pii sunt negligentes in exequenda pia voluntate fundatoris, aut ut videat, an fideliter administrent, potest Episcopus rationes exigere, eosque compellere ad exequendam fundatoris voluntatem, etiam si fundator hoc prohibuisset, Fagnan. *cit. num. 59.* quamvis hospitale absque auctoritate Episcopi fuisset erectum; quia licet tunc hospitale non sit locus Religiosus, & Ecclesiasticus, est tamen locus pius, cum ibi

degentes sint personæ miserabiles, quæ censentur esse sub protectione Ecclesiæ, ut per eundem *num. 56.* idè in casu negligentia administratorum potest Episcopus se immiscere, ut censuit Sac. Congreg. apud *cit. ad cap. Tua, de testament. num. 16.* Proindè habet auctoritatem exigendi redditionem rationis ab illius administratoribus, unà tamen cum deputatis, quibus ratio reddenda est, Fagnan. *d. cap. Ad hæc num. 57. & legatur ibid. c. de Xenodochiis n. 18.*

16 De visitatione egerunt copiosissime Ventriglia *loc. cit.* Piafec. *prax. par. 2. cap. 3. ad art. 1. ad 8.* Fagnan. *cit. Monacell. form. par. 1. in append. ad epistolam eniclicam S. Congr. Episcop. num. 36. & par. 2. form. 9. tit. 16.* Gavant. *in manual. Episc. prax. compendiofa visitat. Episcopalis;* ad quos, & Pontificale Romanum Clementis VIII. *par. 3. tit. Ordo ad visitandas Parochias,* Lectores remitto; quoniam institutum nostrum non patitur hic omnia, & singula referre; solum aliqua ad visitationem Ecclesiæ Parochialis, Regularium, & Monialium spectantia, adnotata dabimus.

§. I.

Visitatio Ecclesiæ Parochialis.

NOtabis itaque, quod priusquam inchoetur visitatio per Episcopum, solet publicari edictum, in quo significatur tempus visitationis, ne visitandi imparati reperiantur, nisi iusta causa contrarium suadeat, ut ex Fusco alleg. Ventrigl. *n. 28.* Curatus autem, vel alius Rector Ecclesiæ visitandæ debet diem adventus Episcopi visitatoris populo denunciare, ad effectum, ut se præparet ad illum recipiendum.

Advenienti Episcopo cum Rocchetto, & Mozzetta, pulsantibus campanis, in porta Ecclesiæ (ubi paratum esse debet stratum cum pulvino) dignior ex Clero, vel Rector indutus Cotta cum Stola, & Pluviali albi coloris offert Crucem, quam Episcopus super tapetem genuflexus deosculatur; deindè stans capite cooperto ab eodem digniore incensatur. Subindè accedit ad Altare in quo est Sanctissimum Sacramentum, & super genuflexorium strato, & pulvinaribus ornatum orat aliquantulum. Postea ascendit ad Altare, ipsum deosculatur, & benedicit populo solemniiter; & tandem

Official. Cur. Eccl.

(vel in medio Missæ) versus ad populum sedens proponit populo causam sui adventus, ut Rubr. *d. Pontificalis.* Hortaturque omnes ad manifestanda cum charitate, nulla tamen adjecta pœna, ut de Luca observat ad *loc. cit.* Ventrigl. *num. 2.*

2 Tandem Episcopus induitur amictu supra Rocchetum, Stola, & Pluviali coloris nigri, & Mitra simplicis, & stans iuxta Altare, dicit: *Si iniquitates,* & cum suis prosequitur Psalmum: *Deprofundis.* Et facit absolutionem defunctorum ad castrum doloris (procedendo etiam ad cimiterium) cum Cruce, candelabris, aqua benedicta, & incenso; aliis cantantibus Psalmos, & Responsoria, ut in *d. Pontific.* & apud Gavant. *§. 8. num. 9.*

3 Assumpta deindè Stola, & Pluviali albo, accensisque intorticiis, incipit visitationem à Sacrosancto Eucharistiæ Sacramento, quod prius, & postea incensat, ut *d. Pontifical.*

Unde I. Est visitandum Tabernaculum, in quo Sanctissimum Sacramentum asservatur. Quod in Altari Majori (exceptis Cathedralibus) regulariter tanquam digniori, vel in alio conspicuo, & nobili collocari debet, decenter pro facultatibus loci ornato. Visitator advertere debet, an in eo sint duæ Pixides cum cuppa argentea intus aurata, in quarum una conservetur SS. Sacramentum, & alia inserviat ad deferendum infirmis Viaticum: An res alia, vel Olea Sancta in Tabernaculo reponantur; nihil enim aliud in eo retineri potest: An Sanctissimum Sacramentum renoveatur saltem singulis octo diebus: An in Tabernaculo sit Corporale, super quo collocetur Pixis cum Sanctissimo: An Conopæum album supra Pixidem: An Tabernaculum, tam interiùs, quàm exteriùs, sit veste serica ornatum: An claudatur clave aurata sericis cordulis appensa, & conserveatur apud Capellanum, vel Parochum. An lampas continuò ante ipsum luceat: An sit baldachinum, deferendum supra Sanctissimum in Processionibus: An velum album gestandum supra Pluviale?

In visitatione SS. Sacramenti Visitator inquirere etiam debet, quomodo illud ad infirmos deferatur; & provideat illud deferri cum decenti numero luminum, sub umbella, & cum intorticiis, & campanula fonante, & mandet provideri de

laternis, ubi id necesse est, ad hoc ut hyberno, vel ventoso tempore lumina ventis non extinguuntur, Piaſec. *cit. num. 27.*

Ubi Rector, vel alius, cui competit, negligens fit in custodia Eucharistiæ, potest per Episcopum visitatorem puniri pœna suspensionis ab officio per tres menses, *cap. Statuimus, de custod. Eucharist. cap. Sanne, de celebr. Missar.* Sed pœna potest per Visitatorem minui, vel augeri ad ratam negligentia, & culpæ Rectoris, Ventrigl. *cit. num. 34.*

4 II. Visitatur Oleum Sanctum, & inquiritur, an decenter, & loco tuto custodiatur; si conſervetur in fenestella à latere dextro Altaris, seu Evangelii, & prope illud, ut participet de eodem lumine lampadis; si sub firma clave, & clavis à Parocho conſervetur. Vas debet esse argenteum, si facultates Ecclesiæ ferant, vel ſtamneum, non æneum propter eruginem, neque vitreum propter periculum fracturæ. Si addit goſſippium; si singulis annis renovetur, & hoc per notulam Cathedralis constet; si addit ſacculus ſericus ad ipsum deferendum.

5 III. Visitatur Fons baptifmalis (si in Ecclesia sit) ipſeque describitur, ex qua materia sit; ejus ornatus: an clauſus, an aqua clara, & illius quantitas; an sit vaſculum ad fundendam aquam super caput baptizandi; linteum ad abſtergendum: ſal ubi aſſervetur, & quando benedicatur: lumen dum miniſtratur Sacramentum: parva menſa ad uſum parandi neceſſaria pro miniſtrando baptiſmo. Interroget, an aqua tempore debito renovetur, & prior ponatur in ſacrario. Inquirat de libro baptizatorum, & de forma ſcribendi batizatos.

6 IV. Luminibus accenſis, adjuncta incenſatione, viſitantur Sac. Reliquiæ. Inſpicitur armarium, in quo aſſervantur: an decens ſit ipſarum incluſio in vaſibus aureis, argenteis, vel vitreis mundis, & ſigillo munitis. An ſint certæ, & authenticæ, ab Episcopis approbatæ (cùm recipi non poſſint, priùs quàm ab Episcopo recognitæ ſint, ex *Conſt. Sixti V. incip. Dominus, la 88. Bullar. tom. 2.*) Si ſint Sanctorum ab Ecclesia approbatorum; aliàs Viſitator debet prohibere, ne in Altari collocentur, & publicæ venerationi exponantur. Index ipſarum, qui confrontetur cum Codice an-

tiquo; earum numerus, & qualitas à Viſitato re deſcribenda.

Quòd ſi Reliquiæ adeò fuerint antiquæ, ut non inveniatur authentica, debet Viſitator permittere, ut habeantur in eadem veneratione, in qua hætenus fuerunt, Ventrigl. *num. 38.*

Poteſt Magiſtratui ab Episcopo ex rationabili cauſa concedi una clavis Reliquiarum Sanctorum Patronorum Civitatis, S. Rit. Congr. 8. Maii 1604. apud eundem *num. 41. & Monacell. form. par. 1. tom. 1. form. 2. num. 47. tit. 5.*

7 V. Viſitantur Altaria. Perquiratur de altitudine, longitudine, & ornatu; ſi ſit parva ara, ſeu lapis conſecratus bene accommodatus; Crux, candelabra, tabella ſecretorum, cum In principio, & Lavabo; Icones cum Sacris Imaginibus ab Episcopo benediçtæ; tres mappæ, quarum prima uſque ad terram ab utroque latere pertingat, campanula, & tela ſtragula ad ipſa coperienda, completa celebratione; pallia omnium colorum; pulvinar ſaltem unum. Si Ecclesia eſt cooperta nudo teſto, injungatur, ut ſupra Altaribus aptetur umbella ex ligneis tabulis, vel tela.

Inquirat de oneribus ad Altaria, ſi compleantur; ſi habeant patronos, qui de neceſſariis provideant, ornent, & reſtaurent; quòd ſi aſſignato termino non implent, poteſt Viſitator alteri patrono volenti ornare, & reparare, concedere, Sac. Congr. Episcoporum, in Modenis. 16. Januarii 1604. *ibid. num. 44.* Si patronus ſe ingerat Sacramentorum adminiſtrationi, viſitationi ornamentorum, aut fabricarum proventibus, niſi quatenus id ei ex inſtitutione, & fundatione competit, per Trident. *ſeſſ. 24. cap. 3. de reſor. & in fundatione id ſibi reſervaret.*

8 VI. Si Ecclesia habeat Chorum, inſpiciantur ſedilia, ſi egeant reaptatione, ſi ſit Breviarium, Antiphonarium, Graduale, Pſalterium, & Martyrologium, & in recitatione Officii ſerventur Rubricæ Bræviarii. Interroget de numero Canonicorum, & beneficiatorum; ſi deſerant inſignia, quò indulto, & à quanto tempore; de redditibus, ſi horis debitis Divina celebrentur, ſi Chorus frequentetur. Inquiratur, an Canonici habeant diſtributiones, & an illæ, quibus privantur abſentes, accreſcant intereſſentibus juxta conſuetudinem, Piaſec. *loco cit. art. 2.*

art. 2. num. 14. vide supra *cap. 44. num. 24.*
An discedat à residentia absque licentia Episcopi, diebus Dominicis, & Festis solem-
nibus, Tempore Adventus, Quadragesi-
mæ, & in diebus Octavarum Nativitatis, &
Resurrectionis Domini Nostri Jesu Christi
Pentecostes, Corporis Christi. Si hoc com-
periat contingere, debet prohibere, ne in
futurum eveniat, Monacell. *tit. 13. par. 2.*
form. 2. num. 65. Inquirat, an omnis Ca-
nonicatus habeat annexum Sacrum Ordinem,
an interveniant per substitutum, Quod Ventrigl. *n. 53.* tradit fieri non posse.

9. Verùm Fagnan. in 1. *ad c. Cum omnes*
n. 28. de const. refert decisum à S. Congreg.
quòd non censetur absens, qui extra mœnia
per medium milliari, vel circa in suburbiis
pernoctat, & in loco præcipue, à quo pos-
sit ad servitium opportunè accedere. No-
tatque sublatam esse quamcumque consue-
tudinem interveniendi per substitutum; re-
censetque à Sac. Congreg. resolutum, posse
Episcopum concedere facultatem Capitu-
laribus se se invicem substituendi in servi-
tium Ecclesiæ, tum Chori, dummodò
non substituantur ii, qui eodem tempo-
re servitio Ecclesiæ adstricti sunt, nec pro
iis, qui absentes sunt. Legas Monacell. *d.*
tit. 13. n. 64.

10 VII. Visitantur Sedes Confessiona-
les, si sint sufficientes: in loco publico, &
aperto: si clausæ, ne seculares in eis sedere
possint: si laminis ferreis, spissis, & angu-
stis foraminibus terebratæ, & benè unde-
quaque hærentes cum asserculo versatili à
lateribus, ejus repagulo facies Sacerdotis
populo occultetur; si sit affixum transum-
ptum Bullæ in Cœna Domini, & tabella ca-
sum Episcopo reservatorum, & ex parte
pœnitentium aliqua pia, & devota Imago.

11 VIII. Visitur corpus Ecclesiæ. Si
pavimentum, parietes, tectum, & ostium
egeant reaptatione; si inveniantur defun-
ctorum corpora in tumulis supra terram,
mandet Visitator ea amoveri, & in pro-
fundis tumbis sub terram recondi, Tusc.
de visit. lib. 1. cap. 10. num. 5. & diximus
sup. cap. 48. num. 6. Si sit vas expositum
pro aqua lustrali; & hæc renovetur quo-
libet octavo die. Si supra faciem exterior-
em Ecclesiæ sit Crux, si sedilia pro cele-
brantibus.

12 IX. Visitur Sacristia, & in ea re-
cognoscitur, si sint paramenta omnium co-

lorum, & vasa sacra necessaria secundum
qualitatem Ecclesiæ, & populi. Si Calices
habeant cuppas argenteas intus auratas; si
Patenæ sint exauratæ, suspendantur. Si
sint Missalia juxta reformationem B. Pii V.
& Rituale. Si sit locus cum genuflexorio,
& tabella cum orationibus ad Missæ prepa-
rationem, ut Sacerdotes possint se præpara-
re. Si sit Lavatorium cum manutergio pro
Sacerdotibus volentibus celebrare, si sit Sa-
crarium.

13 Inquiratur, si tabella onerum Missarum
retineatur appensa in loco patenti; si
retineantur duo libri (non folia, quæ ven-
to rapiuntur) in quorum uno notentur
onera perpetua Missarum, & ipsorum ad-
implementa, cum anno, mense, & die
respectivè; & in alio elemosynæ Mis-
sarum manualium cum expressione anni,
mensis, & diei, ipsarumque satisfactiones,
non per alium scribendæ, quàm per Sacer-
dotem eodem die, in quo celebrat. Si sit
capsula, in qua elemosynæ Missarum re-
ponantur, in fine cujuslibet mensis ape-
rienda, juxta const. Innocentii XII. ut di-
ximus *c. 10. n. 9.*

Quæritur, An Indulgentiæ sint veræ,
vel expiratæ, aut revocatæ.

14 Visitur Campanile; inquiritur, an
campanæ sint benedictæ; & injungitur, ut
campana pulsetur mane, meridie, & serò
ad salutationem Anglicam.

Visitur cœmeterium, an in eo sit Crux
erecta, & benè clausum, ne usibus pro-
phanis inferviat.

15 XI Visitur domus Parochialis,
in qua solet inhabitare Parochus, seu Re-
ctor, & ubi egeat reparatione, reaptatio
injungatur.

16 XII. Visitur Parochus; & I. In-
quiritur, an diebus Dominicis, & festis
inter Missarum solemniam explicet populo,
quæ necessaria sunt ad salutem, quidve se-
quendum, & quid faciendum est ad obti-
nendam vitam æternam. Si annuntiet dies
festos, & jejunia, si diebus Dominicis pue-
ros instruat in doctrina Christiana; si Sa-
cramenta ovibus requisitus ministret; si
infirmis diligenter assistat, si habeat Brevia-
rium, & Sacra Biblia, Coctam cum Stola,
& Bireto.

17 Item ab eo petitur, an diebus fe-
stis sacrificium applicet pro ovibus, & si
redditus sint pingues, an singulis diebus pro

populo sacrificet, iuxta dicta *alleg. cap. 10. num. 60.*

18 Item, si admittat ad celebrandum sine licentia Episcopi Sacerdotes externos, & vagos, qui cogniti non sunt.

19 Item, si habeat Archivium, in quo custodiantur scripturæ, & documenta pro negotiis Parochiæ. Si habeat quinque libros (qui Parochiales nuncupantur) in quorum primo describat statum, & numerum animarum Parochiæ, & triennio saltem renovetur. In secundo notet nomina baptizatorum, diem, annum, parentes, & paternos. In tertio referat nomina confirmatorum, quo tempore, cum nomine Episcopi, qui eos confirmavit. In quarto reponat matrimonia contrahentium, cum expressione diei, mensis, & anni, actestium præsentium. In quinto adnotet mortuos, & qua morte, & de sepultura ipsorum, in sua, vel alia Ecclesia.

20 Advertit Pax Iordan. *lucubrat. tom. 3. lib. 14. tit. 20. num. 48.* & post eum Monacell. *form. par. 1. tit. 10. de Parocho n. 2. in præfat.* quod præacti libri sunt authentici, & plenè probant, quantum ad ea, quæ spectant ad officium Parochi, per Piafec. *prax. par. 2. cap. 4. art. 4. num. 27.* Si tamen legaliter retineantur, sub qua ratione dicuntur retineri, si benè compacti, & cartulati, alium titulum non habent, neque aliquid aliud extraneum in eis annotatum reperitur.

Item interrogatur de redditibus, & bonis stabilibus Ecclesiæ Parochialis.

21 XIII. Visitantur plures incolæ opidi, vel curæ, de vita, & moribus Rectoris: an diligenter officium suum exequatur, & Sacramenta administret; an resideat apud Ecclesiam in domo Canonicali; an in ea admittat viros facinorosos; an à Parochia frequenter discedat; an ludis, & venationibus occupetur; si quid dignum correctione reperitur, corrigatur.

Si in Ecclesia sit erecta Confraternitas, visitatur; & inquiritur de documentis erectionis; de operibus pietatis, ad quæ ex instituto, aut consuetudine Confratres adstringuntur; de decentia, & honestate sacrorum; de oneribus Missarum, & Officiorum; de redditibus, & bonis, tam mobilibus, quàm immobilibus, de quibus inventarium est faciendum: si habeat Capellanos, pro quibus, & quoties ce-

lebrent. Exiguntur rationes, & computus ab administratoribus. Inquiritur, an Oratorium, Cappellam, vel Altare de necessariis provideant. An sint lites inter se se, vel cum Parocho; & præcipitur, ne Congregationes celebrent, & negotia tractent tempore, quo celebratur Missa solemnis, prædicatur Verbum Dei, & in Choro Divinum Officium recitatur.

22 Perracta visitatione, & omnibus expeditis, Visitator cum discedere voluerit, in suo habitu communi accedit ad Ecclesiam, & stans ante Altare in cornu epistolæ, dicit Psalmum: *Deprofundis* cum oratione, ut in *d. Pontifical.*

Hujusmodi, & similia arbitrio prudentis Visitatoris sunt in visitatione inquirenda. Cæterum attendenda est locorum, & Ecclesiarum qualitas. Plenior instructio est apud allegatos.

23 Singula verò, quæ à Visitatore ordinantur, & statuuntur, integrè, & fideliter per Secretarium, vel Notarium Visitatoris adnotanda sunt in libro, qui ad hujusmodi effectum plenè probat, per Romaguer. *ad Synod. Gerund. lib. 1. tit. 1. cap. 6. num. 6.* ubi dat concordantes.

§. II.

Visitatio Regularium.

1 **P**ost hæc descendendo ad Visitacionem per Prælatum Regularem faciendam in Conventibus, & Ecclesiis propriæ jurisdictionis, est advertendum, quòd Prælatus per litteras encyclicas Superioribus, & Fratribus Conventuum directas, debet eos monere de imminenti Visitacione paternali, tum personali, tum locali.

2 Accedens autem ad Conventum visitandum recipi debet à Fratribus intus Ecclesiam ad januam; & ante Altare Sanctissimi aliquantisper orare. Deindè ad cellam sibi paratam accedat; & subindè in loco Capituli, vel in Rectorio sermonem ad Fratres collegialiter unitos habens, Visitacionem intimet, admonens omnes cum Sanctæ Obedientiæ merito, ut sibi non odio, sed zelo Regularis Observantiæ, & charitatis amore aperiant, quæ ad disciplinam Regularem conservandam, & promovendam conferunt. Quinimò juxta doctrinam

Peyrini in formulario litt. P. cap. 9. num. 7. debet eis præcipere, ut manifestent manifestanda.

3 Quibus peractis, debet accedere ad Ecclesiam, & completa absolutione Defunctorum juxta Pontificale loco alleg. (quod Lantusca in suo theatro Regular. ver. Commisarius, num. 5. sub silentio relinquit) depositis Pluviali, & Stola nigri coloris, & assumptis illis coloris albi, incipiat visitationem (quod potest facere etiam extra Missam) à Sanctissimæ Eucharistiæ Sacramento; in cuius, & Olei Sancti, Reliquiarum Altarium, Ecclesiæ, Sacristiæ, & Chori Visitatione, ea ad praxim, mutatis mutandis, deducat, quæ dedimus supra ad n. 3. usque ad num. 14.

4 Hic advertas, quod in Ecclesiis Regularium (quinimò & in Parochialibus) Tabernaculum SS. Sacramenti regulariter debet esse in Altari majori, tamquam digniori, ut sæpius decusum à Sac. Congregat. refert Nicol. Flosc. ver. Eucharistia, num. 20. semel in una Lucana 10. Februarii 1579. & iterum in una Caserten. 28. Novembris 1594.

Postea se conferat ad cellam sibi paratam & vocatis singulatim Religiosis, incipiendo ab inferioribus, requisitisque de annis ætatis, & Religionis, de infra ponendis eos interroget? eorumque responsa in scriptis per se ipsum, vel per Secretarium, in Notarium creatum (juxta praxim Religionum) reducat: quibus ipsi subscribant.

Pro Visitatoribus Ordinis Fratr. Minor. de Observant. formulam tradit, ubi supra Lantusca, & aliam exscripsit Peyrin. citat. cap. 9.

5 Videant Visitatores, ne deposita à Religiosis publicent, vel Superiori manifestent, quæ eidem adversus ipsum fideliter in bonum Religionis aperuerint, aut subditis, quæ Superior contra eos in eundem effectum produxerit. Sciant se extrajudicialiter, & in secreto recepisse, & se reos facere ante Tribunal Christi propter malorum semina, quæ relinquunt, & motiva discordiarum.

Proinde licet possint remedia necessaria apponere, & dignos emendari paternaliter, & charitative disciplinæ Regularis augmentum corripere; nunquam tamen debent nomina relatorum palam facere; atque ita deposita custodiant, ut cæterorum

oculos fugiant, ut hac forma incommodis, & malis ex revelatione imminentibus occurrant.

6 Primò itaque inquirent. An divina officia horis statutis, tam de die, quàm de nocte, devotè, & cum observantia Sacrorum Rituum celebrentur.

Secundò. An singulis diebus fiat in communitate Oratio mentalis, & disciplina?

III. An cantetur Missa solemnis saltem diebus Festis, si propter penuriam Sacerdotum non possit qualibet die?

IV. An in Missis serventur cæremoniæ Ecclesiasticæ? Et an aliquis Religiosus defectuosus sit in celebratione Missæ?

V. An in Ecclesia Conventus quolibet die plures Missæ celebrandæ remaneant, & celebretur Conventualis?

VI. An recipiantur Missæ supra vires? Et an quolibet Mense fiat computas elemosynarum pro Missis, & de harum satisfactionibus.

VII. An aliquis Religiosus sit negligens circa assistentiam Divinis officiis, & interessentiam exercitiis spiritualibus, Orationi mentali, & disciplinæ?

VIII. An omnes convenient in Refectorio? Et an Superior eodem pane, eodem vino, & eadem pitantia sit contentus, ad præscriptum Decretor. Clem. VIII. de ref. Regul.

IX. An serventur jejunia Ecclesiæ, & Regulæ?

X. An Superiores impleant suum officium: cum infirmis charitative se gerant; & an sanis necessaria tribuant, ac Hospites benignè suscipiant, & charitative eos, & Fratres tractent?

XI. An bona, redditus, & elemosynæ Conventus in ejusdem utilitatem, & Fratrum commoda expendantur? Et an Superiores sibi aliquid approprient?

XII. An sit aliquis Frater proprietarius.

XIII. An in Conventu recipiantur homines facinorosi? Et an conserventur arma? Et introducantur forminæ?

XIV. An aliquis Religiosus aleis ludat?

XV. An Sacerdotes non impediti qualibet die celebrent, & Confessarii assistant in Ecclesia?

XVI. An Clerici, & Fratres Laici frequentent Sacramenta?

XVII. An

XVII. An statutis temporibus legantur in publica Mensa Fratrum Decreta, & constitutiones Apostolicæ? Circa quæ considera infra scripta.

7. „ Decretum S. Congr. Regularium, quo prorogatur Fratribus Minoribus tempus legendi Decreta de celebrat. Missæ ad dies decem.

„ Sac. Congregat. &c. benè annuit concedendam esse delationem pro dictis Fratribus legendi memorata Decreta infra Octavam à die præscripto in huiusmodi Constitutionibus, prout huius vigore concessit, intra quem non incurret aliquam pœnam; eaque finita, & non adimpletis ordinationibus in prædictis Decretis contentis, in easdem pœnas incurrisse declaravit. Romæ diæ 20. Novembris 1637. ex Regest. Cur. S. Franc. Translyb.

Fr. Antonius. Card. S. Honuphrii.

Cæsar Fachinetus Secretarius.

Item tempus legendi Decreta ad Sanctum Officium spectantia prorogatur, ut infra: Die 22. Augusti 1638. *Sanctissimus tempus in Constitutione (Sanctiss. D. N. sedulo) circa publicationem faciendam Constitutionum, & Decretorum ad Sanctum Officium spectantium determinatum pro Festo 6. post Festum Assumptionis Beate Virginis extendit per totum Mensem Augusti. Quam gratiam omnibus Regularibus suffragari voluit.* Lant. Theat. Regul. ver. Congr. S. Officii n. 4.

8 Et 7. Novembris 1668. *Sanctitas Sua prorogavit lectionem Decreti San. Mem. Alexandri Papæ VII. incip. Licet. alias, faciendam Kalen. Martii ad totum prædictum mensem.* Lant. supplement. ver. Super regul. nu. 7.

XVIII. An Novitii (si adsint) vivant, & educantur ad formam Decretorum Clementis VIII. *Cum ad Regularem, editorum super educatione Novitiorum, ut sub Constit. 28. Urban. VIII. Bull. tom. 4. & an sit liber, in quo professiones ipsorum adnotentur?*

XIX. An Lectores (si adsint) suum officium impleant, cum studentium profectu. Et an Superiores studia foveant, Lectoribusque, & Studentibus faveant. Et an

Concionatores eleemosynas Concionum sibi appropriant?

XX. An in aromataria sint necessaria pro infirmis? Et an in infirmaria iisdem cum charitate ministraretur?

XXI. An sciant aliquem Religiosum commisisse crimina, propter quæ sit Officio S. Inquisitionis denunciandus?

9 Circa quod observet Superior, quid sit in hac materia dispositum à Sede Apostolica in Constitut. Pauli V. Romanus la 26. Bullar. tom. 3. §. 3. Hæc sunt: *Volentes, & expresse mandantes, ut ipsi Religiosi possint, & debeant omnes etiam Oratum huiusmodi Professores de heresi suspectos Inquisitoribus, vel Ordinariis locorum vicinioribus libere denunciare, absque eo quod Superiores prædicti personas denunciandas, & causas perquirere, vel quoquomodo id impedire, vel causas retardare audeant, seu presumant.*

§. 5. *Præterea ipsius Generalibus, Superioribus, & Prelatis, pari auctoritate precipimus, & mandamus, ut &c. necnon Professores, Fratres, & Religiosos supradictos, quos heresis labe infectos, vel suspectos etiam in visitatione esse noverint, absque alia consultatione cum propriis Superioribus faciendam, eisdem Inquisitoribus, vel Ordinariis locorum vicinioribus respectivè denuncient.*

§. 6. *Quod si Generales, alique prædicti presentibus Luteris non paruerint, eos omnes privationis quarumcumque Dignitatum, seu Prelaturarum, vel Officiorum suorum Ordinum, vocis activæ, & passivæ, perpetuæque inhabilitatis ad easdem: necnon contra fautores hereticorum, & impeditores officii statutas, & inflictas pœnas, aliasque censuras Ecclesiasticas, etiam excommunicationis majoris lata sententiæ, à qua non nisi à nobis, vel Romano Pontifice pro tempore existente, præterquam in mortis articulo, absolutionis beneficium valeant obtinere; eo ipso incurrisse. Concordant cum iis, quæ habentur in Const. Ne commissa Alexand. IV. 22. Bullar. tom. 1.*

10 Circa Fratres Minores Visitator debet etiam inquirere.

I. An retineant Legata perpetua Missarum, vel alia assignamenta, & alias præstationes certas, quæ habere, & quas retinere non possunt?

II. An Fratres contrectent pecunias; & an

an fiant quæstus pecuniarum in Ecclesia, vel extra; & an elemosynæ pecuniariæ, etiam Concionatorum, recta ad Syndicum Apostolicum dirigantur; & an expensæ necessariæ pro Fratrum, & Conventus necessitatibus, per Syndicum fiat, vel Guardiani per se ipsos pecunias expendant?

III. An in Ecclesiis retineant cippos ad pecuniarum oblationem contra dispositionem Clementinæ *Ex vi*, §. Porro, de verb. sign. & an in Sacristia habeant capsulas pro Missis eisdem prohibitas à Sac. Congregat. Fratrum Minor. de Observ. præposita sub *Const. Injuncti post. la 51. Urbani VIII. Bullar. tom. 4.* & à Sac. Congreg. Conc. prout supra *cap. 10. num. 9.* Examinentur etiam libri administrationis, an sint benè compacti, & cartulati. Et interrogetur Syndicus Apostolicus de elemosynis, & expensis.

II Completa visitatione personali, visitantur Cellæ Religiosorum, auferendo superflua, & curiosa, & mandando, ut necessaria conferantur. Recognoscuntur officinæ & maxime si ad sit locus pro custodia vestimentorum pro Religiosis, juxta monitum S. Augustini in *Regula ad Servos Dei*, ibi: *Vestes vestras in unum habeatis sub uno custode, vel duobus, vel quot sufficere potuerint ad eas excutiendas, ne à tinea ledantur. Et sicut pascimur ex uno cellario, sic induimini ex uno vestiario.*

12 His verò completis, Visitator ponderet deposita, & recognita: abusus, congregatis Fratribus, reprehendat; & si opus est provisione aliqua, decretis, & ordinationibus in scriptis provideat, mandando Superiori locali punctualem executionem cum onere, ut de adimplemento tempore congruo doceat. Si Religiosus aliquis publicè deliquerit, publicè corripitur: si verò privatim, & in secreto, paternaliter moneatur. Omnes ad charitatem, & concordiam extimulet, super disciplina Regulari admoneat, & onus ædificandi populum bono exemplo proponat. Verba Augustini loco cit. in adhortatione adhibeat, ibi: *Orationibus instate, horis, & temporibus constitutis. Psalmis, & Hymnis cum oratis Deum, hoc versetur in corde, quod profertur in voce. . . . Carnem vestram domate jejuniis, & abstinentia esca, & potus, quantum valetudo permittat. . . . Non sit notabilis habitus vester, nec affectatis vestibus placere,*

sed moribus. . . . Quando proceditis, simul ambulate: cum veneritis, quò itis, simul state; in incessu, statu, habitu, in omnibus vestris nihil fiat, quod cuiusquam offendant aspectum, sed quod vestram deceat sanctitatem. . . . Lites, aut nullas habeatis, aut quàm celerrimè finiat, ne ira crescat in odium, & iracundia faciat de festuca, & animam faciat homicidam. Et similia.

13 Deinde omnibus flexis genibus, recitato *Confiteor*, Visitator dicens *Misereatur &c. Indulgentiam &c.* concedat generalem absolutionem à censuris, & dispenfet super irregularitatibus juxta formulam, quam tradit Lantusc. cit. Aliam breviorē habet Hasbenfis *Summ. quest. verb. Visitator. Regularis num. 462.* & ex Sylvestro *verb. Confess. 4. q. 4.* observat, quòd hæc absolutio, & dispensatio prodest, saltem pro censuris, & irregularitatibus dubiis, & oblitis, seu ignoranter incurfis; & ad omnem inhabilitatem occultam, in foro conscientie tantum, extendit Sigismundus à Bonon. de *elect. dub. 95. num. 3. apud allegat.*

Peyrinus ad *Const. 14. Leonis X. §. 2. num. 12.* advertit, quòd Visitatores Regularium, visitatione absoluta, possunt Religiosis illius Conventus concedere Indulgentiam plenariam ex Indulto Leone X. dato Fratribus Ord. Minor. Sancti Francisci. Quod loco cit. repetit Hasbenfis. Sed istud nunc non videtur regere, nisi quis indultum speciale obtinuerit successivè ad tempora Pauli V. qui omnes Indulgentias Regularibus à suis Prædecessoribus concessas revocavit, & alias dedit, ut in eius *Const. Romanus la 21. Bullar. tom. 3.* In qua §. 17. in specie pro tempore Visitationis Generalis indulget Indulgentiam plenariam Religiosis interessentibus orationi 40. horarum, si Visitator eam pro bono visitationis progressu collocare voluerit. Videatur Constitutio supra c. 25. n. 1. Et hinc non est attendendum quid præfati speculativè scripserint pro non revocatione illius Indulgentiæ à Leone concessæ, ut asseritur, cum revocatio clarè ex d. Constitutione appareat.

14 Quibus absolutis, & similibus expeditis, priusquam Visitator à Conventu discedat, accedat ad Ecclesiam, & in suo habitu communi stans ante Altare in cornu Epistolæ versus ad illud dicat Psalmum *De profundis &c.* & Antiphonam, *Si iniquitates &c. Pater noster,*

ster, cum solitis versiculis, cum Oratione.

Deus, cujus miseratione anima fidelium requiescunt, famulis, & famulabus tuis hic, & ubique in Christo quiescentibus, da propitius veniam peccatorum, ut à cunctis reatibus absoluti, tecum sine fine latentur. Per Christum Dominum nostrum. Amen. Ut expressè in allegat. Pontifical. loco cit. in fine.

Nec opponatur, quòd disposita in d. Pontific. intelligenda sint de visitatione, quæ fit ab Episcopis, vel aliis Visitatoribus Apostolicis.

Nam dicitur, proportionaliter applicanda esse etiam visitationi Regularium, & ab illorum Visitatoribus observanda: etenim Clemens VIII. *Const. Ex quo*, fronti ejusdem Pontificali præfixa, mandat, ut Pontificale etiam Regulares recipiant, & eo utantur.

15 Visitatores debent, quamcitiùs possunt, se expedire, ne subditos gravent, juxta text. Trid. *sess. 24. c. 3. de reform.* ibi: *Studeant quàm celerrimè, debita tamen cum diligentia, visitationem ipsam absolvere. Interim caveant, ne inutilibus sumptibus cuiquam graves, onerosive sint.* Ideò non debent se aliis negotiis occupare, quæ ad visitationem non pertineat, ut advertit Zerola in *praxi p. 1. verb. Visitatio q. 5. vers. Præterea*. Nec possunt munera recipere, ut Trid. *loc. citat.* ibi: *Nec pecuniam, nec munus quodcumque sit, etiam qualitercumque offeratur, accipiant: non obstante quacumque consuetudine, etiam immemorabili: exceptis tamen victualibus, quæ sibi, ac suis frugaliter, moderatèque, temporis tantum necessitate, & non ultra erunt ministranda.*

16 Quæ proportione servata, observanda sunt etiam à Visitatoribus Regularibus: nam & ipsi gravamen non debent dare Monasterio, *cap. Cum Apostolus, de censib.* & tenentur Canones observare, *cap. Ea quæ, de stat. Monachor. §. Porro*: ubi Abbas *num. 1.* advertit, quòd Canones simpliciter loquentes extenduntur etiam ad Religiosos, *Glos. in c. Moniales, de purgat. canon.* & habetur expressè in Trident. *sess. 25. c. 8. de Regular.* ibi: *Teneantur Visitatores suæ Congregationis Monasteria frequenter visitare, & illorum reformationi incumbere, & ea observare, quæ in sacris Canonibus, & in hoc Sacro Concilio sunt decreta.* Nec satis est,

si Visitator frugaliter vixerit, si permittat, & velit, quòd sui opiparè, & lautè tractentur.

17 Cæterum non est improbanda praxis, ubi hæc sit, quòd in primo accessu parentur Visitatori cibaria nonnulla super ordinaria, modò sint religiosa, & juxta vires; & subinde tempore permanentiæ una pittance plus aliis in Refectorio donetur, ut ita exitinere, & propter assiduos labores fatigatus vires resumat, & conserveat, *Peyrin. dist. cap. 9. form. num. 9.* Legatur etiam *cap. De Eulogiis* (quæ sunt munera, quæ deferunt subditi suis Prælati) cum sua *Glos. 18. distinct.*

§. III.

Visitatio Monialium.

I Circa Visitationem Monialium. In visitatione Ecclesiæ, Sanctissimi &c. servanda pariter sunt respectivè dicta *§. 1. num. 3. ad 14.*

Cæterum visitatio personalis Monialium debet fieri ad Crates (non in fenestella pro Communione, aut loco, in quo excipiuntur Confessiones ipsarum) existente Visitatore extra clausuram, ad formam Constit. *Felicitis Alexandr. VII.* quam dedi *cap. 11. num. 2.*

2 Interrogentur Moniales. I. An omnes non impediat assistant Choro tempore recitationis Divinorum Officiorum? Et Orationi mentali, & disciplinæ?

II. An singulis diebus audiant Missam?

III. An saltem semel in mense confiteantur, & sumant Eucharistiam?

IV. An omnes convenient ad Refectorium? Et an tempore refectionis legatur aliquis liber spiritualis, & servetur silentium?

V. An serventur jejunia Ecclesiæ, & Regulæ?

VI. An Parlatoria frequententur? Et an ad loquendum cum exteris utantur loco pro audiendis Confessionibus designato?

VII. An Confessarius diligenter suum munus exequatur?

VIII. An ingrediatur Clausuram extra casus permisos? Et an intra Clausuram sumat refectionem, & ingredia-

diatur cum Socio, Cotta, & Stola?

IX. An intra Clausuram admittantur catuli, pueri, & puellæ cujuscunque ætatis?

X. An retineantur educandæ ultra tempus concessum à S. Cong.

XI. An in Monasterio pro Novitiis, & educandis sint loca separata?

XII. An habitus Monialium sit uniformis, & ad præscriptum Regulæ, juxta decretum Sac. Congreg. Episc. in Casanaten. 26. Septembris 1692. apud Monacell. loc. cit.

XIII. An sit capsula communis, in qua deponantur pecuniæ provenientes à Monialibus particularibus?

XIV. An sint deputatæ Ascultatrices, Janitrices, & Rotariæ, Moniales seniores, & prudentes?

XV. An Abbatissa necessaria ad victum & vestitum Monialibus conferat juxta praxim Monasterii?

XVI. An Abbatissa retineat librum administrationis cum adnotatione datorum, & acceptorum: & librum, in quo descripti sint redditus, & bona Monasterii: & sint optimè compositi, & cartulati?

XVII. An Moniales exteris cibos parent & munera mittant, recipiantvè absque licentia Abbatissæ?

XVIII. An Moniales frequentent parlatoria? Et an hæc claudantur tempore Quadragesimæ, & Adventus?

3 Videat etiam Visitator, an Mansiones ad usum Confessarii sint per parietes, & tectum separatæ à Monasterio juxta expressa in d. Constitutione Alexandri: & an Crates Parlatorii, & aliæ sint fixæ cum foraminibus spissis.

4 Intra Clausuram observet, an muri Clausuræ habent prospectum activum, vel passivum in domibus, vel è domibus Sæcularium: an sint sufficienter elevati, & sine fractura: & an ostium Clausuræ benè custodiatur, & feris ferreis sit munitum, & claves retineantur à Moniali deputata.

5 Et an in Cellis sint superflua statui Religioso? An retineant libros profanos, & amatoria tractantes, sive comedias, aut conspiciilla, & picturas non sacras.

6 Quod tam Episcopus in propriis Monasteriis, quam Visitator Regularis in illis

de suo regimine possunt inspicere. Cætera sint arbitrio prudentis inspectoris, qui ubi nonnulla inveniat; quæ egeant provisione, de remedio sit sollicitus, mandans illud adhiberi, & ad observantiam Regulæ Moniales hortetur, & ante discesum recitet in Ecclesia Psalmum *Deprofundis &c.* juxta dicta supra §. 2. n. 13.

CAPUT VLTIMVM.

Officialis: quoad Visitationem Ordinarii respectu Regularium.

S U M M A R I U M.

- 1 Jus visitandi est de pertinentibus ad jurisdictionem.
- 2 Episcopus procedens etiam ut delegatus Papa, non potest contra exemptos procedere, nisi id in litteris exprimitur.
- 3 Episcopi in Synodis Provincialibus, vel Diœcesanis non possunt aliquid statuere contra Regularium privilegia.
- 4 Conventus nunquam suppressi, in quibus de familia plures, quam sex Religiosi, commorantur, non comprehenduntur in Constit. Innoc. X. Ut in parvis la 32. Bull. tom. 4.
- 5 Dubia excitata super subjectione nonnullorum Conventuum jurisdictioni Ordinariorum.
- 6 Sac. Congregat. responsa ad dicta dubia.
- 7 Alia dubia quantum ad Conventus post recuperatam exemptionem.
- 8 Responsa ejusdem S. Cong.
- 9 Conventus suppressi, deinde restituti, an censeantur restituti etiam quoad præcedentiam? Distinguas.
- 10 Ecclesiæ exemptæ, alia Sæculares, alia Regulares.
- 11 Episcopi visitant Ecclesias Regularium, quibus cura animarum imminet.
- 12 Episcopus non potest visitare Ecclesias Regulares nullius Diœcesis.
- 13 Nec personas Monasteriorum nullius Diœcesis.
- 14 Quas nec visitant inferiores Prælati.
- 15 Episcopus visitat Parochias Monasteriis unitas.

- 16 *Episcopi nequeunt visitare Altaria de jure patronatus Laicorum existentia in Ecclesiis Regularium.*
- 17 *Et in quibus confraternitates Secularium, eorumque Capellas.*
- 18 *An Episcopus in Ecclesiis Regularium, quibus cura animarum imminet, visitet loca solium, quæ Ecclesiam ut curam respiciunt?*
- 19 *Edictum Episcopale circa administrationem Sacrament. Pœnitentie per Regulares à Sacr. Congregat. moderatum. Et ibi, Episcopos non posse visitare Confessionaria, in quibus Regulares Confessiones excipiunt: & alia plura.*
- 20 *Regularis degens extra Clausura potest ab Episcopo visitari, & puniri; limita.*
- 21 *Regularis existens intra Clausura, sed extra cum scandalo populi delinquens, castigatur à proprio Superiore, Episcopo instante.*
- 22 *Regularis delinquens intra clausura cum scandalo populi, reputatur extra deliquisse.*
- 23 *Caput Volentes, de privil. Regularium exemptionem non ledit.*
- 24 *Ordinarii nequeunt sententiam excommunicationis in Regulares pronunciare; nisi eis sit concessum.*
- 25 *Declaratio Sac. Congr. quod Regulares conveniri debent coram suis Superioribus, vel Conservatoribus.*
- 26 *Mare magnum suffragatur in his casibus, in quibus adhuc durat exemptio.*
- 27 *Quando Episcopis indulgetur, ut contra Regulares procedant tamquam Sedis Apostolicæ delegati, exemptio non potest opponi: ubi plura alia.*
- 28 *Regularis sine obediencialibus repertus potest ab Ordinario puniri.*
- 29 *Conventus de novo erecti, quando subsint visitationi Ordinarii?*
- 30 *Episcopi non possunt visitare Monasteria, quibus cura animarum non imminet.*
- 31 *Episcopus in visitatione Clausura Monasterii Monialium non potest secum ducere Laicos.*
- 32 *Numerus personarum, quos Superiores visitantes d. Clausuram secum ducere valent.*
- 33 *Ordinarii locorum nequeunt visitare Monasteria Regularia eo pretextu quod Superiores sint in eo negligentes.*
- 34 *Abbates Commendatarii non possunt se ingerere in visitatione Religiosorum.*
- 35 *Idem de Eminentiſſimis Cardinalibus, quoad Religiosos Ecclesiarum Regularium, quas habent in titulum.*

I Us visitandi est de pertinentibus ad jurisdictionem, ex Piaſec. prax. par. 2. cap. 3. ars. 1. nu. 1. & est textus in

c. Conquerente, de offic. ord. Et quamquam olim Regulares subessent plenissime jurisdictioni Ordinariorum, ut apud eum jura allata concludunt; hodie tamen, ut cum eodem advertit Panimolla dec. 84. adnotat. 1. num. 2. & transeunt Scribentes, sunt ab eorumdem jurisdictione exempti, & subsunt Papæ, qui est eorum Dicoecanus, & Judex Ordinarius; & proinde, ut notat Gloss. ad cap. Nulla, 93. dist. in verb. Acephalos, Acephali non dicuntur: ideo Episcopi in eos, vel nihil, vel tantum possunt, quantum eis à Sede Apostolica permittitur, & conceditur.

2 Sed queritur. An dum Episcopus proccedit ut delegatus à Papa, possit procedere contra exemptos, si de exemptione nulla fit mentio in Litteris?

Respond. Negat Hostiensis in cap. Grave de offic. ordin. num. 2. in verb. occasione litterarum, cum quo tranſ. Andr. num. 3. in verb. transmissimus, quod requiritur, & allegat Fagnan. in 1. ad q. cap. Grave, de offic. ordin. numer. 5. Quia in generali mandato non includuntur exempti ex defectu intentionis Papæ. Qui dum intendit esse procedendum contra Regulares exemptos, id exprimit. Et fuit praxis Trid. sess. 6. cap. 3. de reform. & sess. 25. cap. 4. & alibi sæpè. Et ita recedendum est à sententia Abbatis scribentis contrarium. Nisi iurisdictionem delegati aliquo modo impedirent, c. r. de offic. deleg. Piringh. lib. 1. tit. 29. num. 75. & 76. & dixi c. 19. n. 30.

Hinc sequitur, quod sententia, quam profert Ordinarius in exemptos, esse potest ipso iure nulla ex defectu iurisdictionis ordinariæ, vel delegatæ, per tex. in cap. Grave, ibi: Nullam habens jurisdictionem ordinariam, aut etiam delegatam.

Quod

Quod procedit, etiam si exempti citati non venerint, allegaturi suam exemptionem. Maximè si eorum exemptio fit notoria, sicut est exemptio Regularium, ut scripsit Fagnan. d. loc. num. 7. Sed lege d. cap. num. 28.

3 Sed petitur etiam, an Episcopi in Synodo Provinciali, vel Diœcesana possint aliquid statuere adversus Regularium privilegia.

Respond. Negativè. Et cùm id tentant, lædunt jura Sedis Apostolicæ, cui Regulares immediatè subiiciuntur. Propter quod & ipsi nec tacitè, nec expressè possunt privilegio exemptionis renunciare, ut est textus in c. *Cùm tempore, de arbitr.* Nam non possunt præiudicare iuri d. Sedis. Quemadmodum dicitur de Clerico, qui absque sui Episcopi licentia non potest se subicere alieno, & eius iurisdictionem prorogare, ut in cap. *Significasti, de for. compet.* Siquidem tunc obesset iuri proprii Episcopi, ut post Abbat. dixit Fagnan. in 1. ad cap. *Quod super his, de majorit. & obed. num. 18.* Et inde nec propter negligentiam in sua exemptione tuenda, Regulares exemptionem perdunt.

Neque valet, si allegetur, quòd consuetudo sit, ut Regulares subsint Episcopis, Quoniam Regularium privilegia habent clausulas derogatorias amplissimas, & decreta irritantia, quæ insciunt titulum, & possessionem, ut concordant DD. in clausula decreti irritantis; consequenter tollunt omnem consuetudinem contra Regularium privilegia, ut ibi Fagnan. nu. 19. & num. 27.

Et facit maximè, quòd Synodus Provincialis, vel Diœcesana nullam habet auctoritatem adversus privilegia exemptionum. Siquidem privilegia Pontificum per quamcumque inferiorem potestatem infringi, & mutari non possunt, cap. *Cùm inferior, de majorit. & obedien.* Unde dixit Innocent. III. in Concilio Lateranen. ut in cap. *Ut privilegia, de privil.* ibi: *Privilegia, quæ quibusdam Religiosis Romana concessit Ecclesia, permaneant inconcussa.* Et Innoc. IV. in Conc. Lugdun. prout in cap. *Volentes, eodem tit. in 6.* decernit: *Libertatem, quam nonnullis Apostolica Sedes privilegio exemptionis indulsit sic integram observari, ut & illam alii non infringant, & ipsi ejus limites non excedant.*

Deinde accedit, quòd Synodus vulnèrans privilegia Regularium adversatur Concilio Trident. in sess. 25. cap. 20. de regul. Constat autem Synodum Provinciale, vel Diœcesanam nullam potestatem habere statuendi contra Concilium generale, ut in cap. *Sancta Romana, de religiof. domibus inter Extravag. Joann. XXII.* ibi: *Quos nec eis (hoc est Episcopis) concedere licuit contra formam Concilii generalis, & ibi Glos. in verb. Concilii.* Quare cùm Provincialia Concilia, priusquam publicentur, ex Constit. Sixti V. incip. *Immensa* la 74. Bullar. tom. 2. recognosci, ac emendari debeant à S. Congr. Conc. mos ejusdem Sac. Congreg. fuit ex hujusmodi Synodis delere decreta omnia, quibus Regularium exemptiones, indulta, ac privilegia aliquo modo violantur: ut ibidem num. 25. refert Fagnan. videndus.

Et tandem consideratur, multum dedecere; ut ab Episcopis violentur privilegia non revocata Regularium, qui eisdem subserviunt, & coadjutores existunt in prædicatione Verbi Dei, & Sacramentorum administratione, & in cæteris, quæ ad salutem pertinent animarum, secundum ea, quæ habentur in cap. *Ex autoritate* 16. qu. 1. Hinc Hostienfis exaggerat, valde dolendum, quòd Episcopi non agnoscant Regulares esse coadjutores suos. Et Clemens V. Clement. *Frequens de excessib. Pralat.* Episcopis præcipit: *ut Religiosos charitative tractent, & foveant, & sua jura, & privilegia inviolabiliter eis servent.* Vide Fagnan. num. 29.

4 Quibus præmissis. Quæritur, an Conventus nunquam suppressi, in quibus actu degunt de familia plures, quàm sex Religiosi, comprehendantur in Decreto Innoc. X. *Ut in parvis?*

Resp. Negativè, prout S. Congr. in hæc verba.

Sacra Congregatio super statu Regularium censuit, Conventus nunquam suppressos, in quibus actu degunt de familia plures, quàm sex Religiosi, minime comprehendi in Decreto sanctæ memor. Innocentis X. quod incipit, Ut in parvis; ac proinde locorum Ordinarios nequaquam posse in vim dicti Decreti in hujusmodi Conventibus, aut illorum personis, nullam sibi iurisdictionem vindicare. Datum Roma die 29. Novembris 1657. in regesto ejusdem Congregat. fol. 325. Animolla

dec. 84. adnot. 2. num. 62. Et quia occasione alleg. Decreti, *Ut in parvis*, plures controversiæ oriebantur, ad eas fedandas fuerunt S. Congreg. infrascripta dubia proposita, ut sequitur.

Posito Decreto fel. rec. Innocentii Pape X. super subiectione nonnullorum Conventuum correctioni, visitationi, & omnimode jurisdictioni Ordinarii loci, tanquam Sedis Apostolica delegati: contigit dubitari de infrascriptis.

1 *An Episcopus in Conventibus sue jurisdictioni subiectis possit Abbates, Priores, Guardianos, & alios Superiores locales deputare, & familiam constituere.*

2 *An possit Episcopus à prædictis Conventibus Religiosos amovere?*

3 *An Regulares eorumdem Conventuum compelli possint ab Episcopo ad exhibendos liberos introitus, & exitus, & reddendas rationes administrationis.*

4 *An Episcopus in eisdem Conventibus se ingerere possit in his, quæ Regularem disciplinam concernunt?*

5 *An Ecclesia dictorum Conventuum, & Capella Grangiarum, in quibus degunt conversi pro agrorum cultura, ab Episcopo visitari possint?*

6 *An ipsa Grangia, & Conversi in eis degentes subsint visitationi Episcopi?*

7 *Quod in Ecclesiis, seu Capellis Grangiarum, in quibus nullus degit conversus, an similiter subsint Episcopi visitationi?*

8 *An liceat Episcopo visitare Conventus, tam suppressos, & postea restitutos, quam non suppressos, ad effectum cognoscendi, an in illis re ipsa alantur sex Religiosi.*

9 *An Episcopus visitans huiusmodi Conventus sue jurisdictioni suppositos, aut personas in eis degentes, possit à visitatis procuratorem exigere in vicualibus, vel in penuria?*

10 *An jurisdictio Ordinariis locorum, tanquam Sedis Apostolica delegatis, attributa in supradicto Decreto, competat Vicariis Generalibus Episcoporum, necnon Abbatibus, & aliis inferioribus Prælati proprium Territoriorum, ac jurisdictionem quasi Episcopalem habentibus?*

11 *An Provinciales, & alii Superiores Regulares possint ejusmodi Conventus, jurisdictioni Ordinarii subiectos, & Religiosos in illis degentes visitare, corrigere, & punire, omnemque jurisdictionem in eos exer-*

cere, sicut poterant ante dictum Decretum.

12 *Si Superior Regularis in causa prævenit contra subditum degentem in aliquo ex eisdem Conventibus, Ordinario subiectis, fabricando processum, vel eum carceri mancipando, an Episcopus possit huiusmodi causam reassumere, ac Superiori inhibere?*

13 *Si è converso Episcopus prævenit in causa contra Religiosum in tali Conventu commorantem, an Superiori Regulari ea casuliceat illum amovere, & in alio Conventu collocare; & si de facto collocaverit, an nihilominus Episcopus possit causam prosequi, ac Religiosum sic amotum renocare ad primum Conventum.*

14 *Si Provincialis, vel Superior localis voluerit aliquem ex Fratribus à tali Conventu removere, an Episcopus prohibere possit.*

15 *Si à Conventu primam suppresso, ac deinde Religioni restituto, absint ex aliqua rationabili causa, & ad breve tempus, unus, vel plures, ex numero sex Religiosorum ibi degentium, an gratia restitutionis sit nulla, & Conventus remaneat suppressus, ut prius.*

16 *Quid si à Conventu non suppresso similiter ex causa rationabili, & ad modicum tempus absit aliquis è sex Religiosis ibi existentibus, an durante tali absentia, Conventus subiaceat jurisdictioni Ordinarii.*

17 *An Religioso illo redeunte, vel aliàs impleto numero sex Religiosorum, Conventus recuperet pristinam exemptionem.*

18 *Si gratia restitutionis Conventus suppressi reddatur nulla ex eo, quod in illo ad formam Decreti cum effectu non alantur sex Religiosi, & postea contigat, ut ejusmodi numerus impleatur, an gratia restitutionis Conventus reinvalescat.*

19 *Ad hoc, ut gratia restitutionis sit nulla, & Conventus denuò remaneat suppressus, propterea quod in eo non sustententur sex Religiosi, an debeat præcedere declaratoria Episcopi super facto, prævia causæ cognitione.*

20 *An ab huiusmodi declaratoria liceat Regularibus ad Sedem Apostolicam appellare ad effectum, tam devolutivum, quam suspensivum.*

21 *Cum ex Decreti præscripto quatuor Sacerdotes in his Conventibus degentes debeant*

beant esse mature et atis, quenam dicatur ad hunc effectum etas matura?

Sacr. Congregat. super statu Regularium ad singula dubia superius proposita, hunc in modum respondit, videlicet.

Ad 1. Non posse.

Ad 2. Posse ex rationabili causa: communito tamen prius Superiore Regulari, ad quem pertinet, ut eosdem Religiosos assignet in aliis Conventibus.

Ad 3. Posse compelli.

Ad 4. Posse.

Ad 5. Posse.

Ad 6. Subesse.

Ad 7. Item subesse.

Ad 8. Minimè licere, antequam aliunde constet de fundamento intentionis Episcopi in deficientia numeri constituti.

Ad 9. Expedire, ut Sanctissimus Dominus Noster decernat, & declaret non licere Episcopo tales Conventus visitanti quidquam accipere procurationis nomine.

Ad 10. Competere.

Ad 11. Posse, sicut prius, non tamen privativè ad Episcopum.

Ad 12. Non posse, nisi ex justa causa, veluti cum videt Superiorem Regularem ex odio, vel amore, cupiditate, vel metu, aut ex nimia severitate, vel indulgentia quid durius, aut remissius constituere, quàm causa deposcit, in quo ipsius Episcopi conscientia oneratur.

Ad 13. non licere Superiori Regulari Religiosum ab Episcopo inquisitum à loco amovere, & si amotus fuerit, posse Episcopum causam prosequi, & illum quibuscumque remediis revocare, etiam invocato auxilio Ordinarii, & brachio seculari, si opus fuerit, cujuscumque loci, in quo Religiosus ille reperiatur.

Ad 14. Non posse.

Ad 15. Gratiam ob id non esse nullam, cessante omni fraude, nec Conventum remanere suppressum.

Ad 16. Subjacere, durante absentia.

Ad 17. Recuperare.

Ad 18. Non reviviscere.

Ad 19. Debere ita procedere, nec ante declarationem licere Episcopo Conventus possessionem apprehendere, aut Religiosos inde expellere.

Official. Cur. Eccl.

Ad 20. Licere, ad effectum devolutivum tantum, non autem suspensivum.

Ad 21. Etatem maturam dici ad hunc effectum, completo anno quadragesimo.

Declarationes suprascriptas S. S. D. N. ad se relatas approbavit, & ab omnibus, ad quos pertinet, observari præcepit, contrariis quibuscumque non obstantibus. Datum Romæ die 27. Julii 1655.

5 Quibus deinde accesserunt alia dubia, & declarationes, circa iurisdictionem Ordinarii in Grangiis Monasteriorum, illarumque Ecclesiis, & publicis Oratoriis, prout infra.

Posita Constit. fel. rec. Innoc. X. que incipit. Instaurandæ, nec non illius Decreto incipien. Ut in parvis, contigit dubitari de infra scriptis.

I. An Grangia ex d. Constit. Innoc. suppressæ, & ad statum secularem reducta, illarumque Ecclesiæ, & publica Oratoria possint ab Ordinario visitari?

II. Et quatenus possint, an hoc jus Ordinario competat privativè quoad Superiores Regulares, an verò cumulativè cum ipsis?

III. Et quid, si prædictis Ecclesiis Cura animarum incumbat?

IV. An Superiores Regulares possint in dictis Ecclesiis Curam animam habentibus nominare Vicarias ad Curam animarum exercendam, eosque ad nutum amovere?

V. An Grangia, seu membra alicujus Monasterii numquam suppressa, in quibus non degunt saltem sex Religiosi, subsint iurisdictioni, ac visitationi Ordinarii loci privativè, an cumulativè cum Superioribus Regularibus.

6 Die 11. Septembris 1670. S. Congreg. super statu Regularium ad singula dubia superius proposita, in hunc modum respondit, videlicet.

Ad primum. Grangias, ut præfertur, suppressas, & ad statum secularem reductas, illarumque Ecclesiæ, & publica Oratoria posse ab Ordinario visitari, dummodò in iis Grangiis, quarum proprietas fuit reservata, vel restituta principalibus Monasteriis, idem Ordinarius nullo modo se ingerat in temporalibus.

Ad secundum. Quoad Ecclesiæ, & Oratoria publica jus visitandi competere Ordinario privativè; quoad conversos autem in eis degentes cumulativè: Ordinario scilicet,

licet, jure delegato, ad formam Sac. Concilii Trident. Regularibus verò, jure ordinario.

*Ad tertium. Idem quoad Ecclesias di-
ctarum Grangiarum Curam animarum ha-
bentes, jus visitandi Ordinario competere
privative: sed quoad Conversos in eis de-
gentes hoc jus competere cumulative, nempe
Ordinario, tamquam Sedis Apostolica De-
legato, Regularibus verò auctoritate Ordina-
ria.*

*Ad quartum. Superiores Regulares posse
huiusmodi Vicarios nominare, & illos ad nu-
tum amovere, si Ordinarius loci ab initio illos
deputaverit amovibiles.*

*Ad quintum. Grancias, seu Membra
alicujus Monasterii, numquam supressa,
in quibus non degunt saltem sex Religiosi,
subesse jurisdictionis, ac visitationi Ordina-
rii loci, ac Superiorum Regularium cumu-
lative, videlicet, Ordinario, tamquam Se-
dis Apostolica Delegato, ex prædicto Decre-
to, Ut in parvis, Regularibus autem jure or-
dinario.*

7 Et tandem circa jurisdictionem Epi-
scopi in parvis Conventibus sequentes at-
tendantur dispositiones.

„ Episcopus visitavit Conventum suæ
„ jurisdictioni subiectum in vim Decreti
„ fel. rec. Innoc. X. incipien. *Ut in parvis*,
„ propterea quòd tunc temporis ibi non
„ erant de familia, nec re ipsa alebantur sex
„ Religiosi; sed post absolutam visitatio-
„ nem, sine ulla fraude à Superioribus Re-
„ gularibus in eodem Conventu adaucta
„ est familia, & impletus numerus sex Re-
„ ligiosorum, sicque Conventus exemptionem
„ recuperavit, iuxta declarationes S.
„ Congreg. super statu Regularium, nem-
„ pe decimam sextam, & decimam septi-
„ mam inter impressas.

„ Hoc posito, consulitur S. Congreg. de
„ infrascriptis.

„ Primò. An post exemptionem, ut
„ præfertur, recuperatam Episcopus pos-
„ sit huiusmodi Conventum visitare ad
„ effectum, ut videat, an ordinatio-
„ nes, & Decreta ab ipso edita in vi-
„ sitatione præcedenti, fuerint adimpleta,
„ nec ne?

II. „ Anbè possit Decreta non adimple-
„ ta exequi, & pro illorum executione pœ-
„ nas adicere, & aggravare?

III. Et quatenus possit: an hæc facultas,

„ quæ ex dicto Decreto, *Ut in parvis*, com-
„ petit Episcopo, tamquam Sedis Aposto-
„ licæ Delegato, expiret, lapso inte-
„ gro anno à die publicationis Decre-
„ torum?

IV. „ An Episcopus post exemptionem
„ à Conventu recuperatam possit condem-
„ nare, & punire, etiam pœna corporis af-
„ flictiva Religiosum, qui pro delicto
„ in Curia Episcopali fuerat inquisitus, &
„ carceri mancipatus eo tempore, quo
„ Conventus erat iurisdictioni Episcopi
„ subiectus?

8 „ Die 19. Novembris 1671. S. Congr.
„ super statu Regularium, ad singula dubia
„ superius proposita respondit, ut sequitur
„ videlicet.

„ Ad primum. Postea quàm Conventus
„ exemptionem recuperavit, Episcopum
„ nequaquam posse illum visitare, etiam ad
„ effectum, ut videat, an Decreta edita in
„ præcedenti visitatione fuerint executio-
„ ni mandata.

„ Ad secundum. Idem non posse post
„ huiusmodi exemptionem Decreta non
„ adimpleta exequi, minusque pœnas ad-
„ iicere, & aggravare pro illorum execu-
„ tione.

„ Ad tertium. Jurisdictionem ex dicto
„ Decreto, *Ut in parvis*, Episcopo at-
„ tributam in Conventu non habente
„ Religiosorum numerum ibi præseri-
„ ptum, expirare eo ipso, quòd Con-
„ ventus ob familiam sine fraude adauc-
„ ctam, & impletum numerum Reli-
„ giosorum præfixum, exemptionem re-
„ cuperavit.

„ Ad quartum. Cum contra dictum Re-
„ ligiosum non solum causa, sed etiam per-
„ sona sit præventa, eo tempore, quo Con-
„ ventus erat subiectus iurisdictioni Epi-
„ scopi, & exemptio superveniens non in-
„ venerit eum liberum, utique Episcopum,
„ tamquam Sedis Apostolicæ Delegatum,
„ posse huiusmodi causam tempore habili
„ inchoatam prosequi etiam post exem-
„ ptionem, & eundem Religiosum con-
„ demnare, & punire etiam pœna corporis
„ afflictiva.

9 Quæritur: An Conventus Regulari-
um suppressus, & postea restitutus ad pri-
mærum statum Regularem, censeatur re-
stitutus quoad præcedentiam?

Distinguendum est. Vel Conventus fuit
iniu-

iniuste, ut Hæreticorum conatu, vel hostili furore suppressus, & postea restitutus; vel fuit motu Papæ suppressus, & postea ex mera gratia à Sancta Sede restitutus. In primo sensu restitutus intelligitur quoad omnia, & recuperat locum, & omnia primæva iura; quoniam tamquam iniuste suppressus, numquam fuit privatus sua possessione præcedendi, licet per aliquod tempus caruerit exercitio. Et propterea redintegratio verissimè dicitur continuatio eiusdem status primævi. Et sub istis terminis dubium resolvitur à Sac. Rit. Congregat. 6. Novembris 1645. in Augustana præcedentiæ inter Minor. Conventuales (quorum Conventus fuerat ab Hæreticis Augustæ suppressus) & Fratr. Minor. de Observantia, quia post Conventualium expulsionem Conventum in dicta Civitate obtinuerunt: & fuit dictum, præcedentiam, tam in processionibus publicis, quàm in eis, quæ fiunt in tumultandis cadaveribus defunctorum, sessionibus, similibusve aliis, deberi Conventualibus, postea restitutis. Et hic redintegratio retrahitur ad tempus primæ erectionis. Rota coram Merlino dec. 303. Currit in hoc natura postliminii: quod est *jus amissa rei recuperanda ab extraneo, & in statum pristinum restauranda*, Gloss. in cap. Prima actione ver. Postliminio, 16. quaest. 3.

In secundo verò sensu, Regulares restituti non recuperant primæva iura, sed præcedentia in processionibus, & aliis actibus debetur præexistentibus; quia talis restitutio habetur pro nova fundatione. Sac. Rit. Congregat. in Senogallien. 21. Januarii, & 1. Septembris 1696. Monacell. form. 19. par. 1. numer. 14. titul. 6. Nisi restitutio fiat plenariè quoad omnia, de quo text. in cap. Quamvis, de script. in 6. aliàs nequaquam, ut ibi in littera: *Cum talis restitutio, ubi aliud non exprimitur, intelligatur fieri sine juris præjudicio alieni*. Ideò licet Regulares sint primi ratione Conventus, ad quem restituti fuerunt; sunt tamen secundi respectu ad restitutionem, & novam gratiam. Quapropter, nisi Pontifex in litteris exprefferit, eos etiam restituere quoad præcedentiam, non possunt præcedentiam prætere, prout ponderavit Gloss. ad d. cap. Quamvis, ibi: *Nisi Papa aliud diceret in restitutione: videlicet, quod mè restituit ad datam, & prioritatem temporis, &*

vult gratiam meam valere, perinde ac si vocatus non fuisset, etiam quoad prioritatem temporis.

10 Quæritur. An stante Decreto Conc. Tridentin. cap. 8. sess. 7. de reformat. ibi: „Locorum Ordinarii Ecclesias quas-
„que quomodolibet exemptas, auctorita-
„te Apostolica singulis annis visitare te-
„neantur, & opportunis juris remediis
„providere appellationibus, privile-
„giis, consuetudinibus, etiam immemora-
„bili tempore præscriptis, Judicium depu-
„tationibus, & illorum inhibitionibus pe-
„nitens exclusis: possint Episcopi visitare
Ecclesias Regularium?

Respond. Negative. Sed hic ponderandum est, quòd Ecclesiæ exemptæ, vel sunt Sæculares, vel Regulares. Si Sæculares sunt, Episcopus potest eas visitare, tamquam Sedis Apostolicæ Delegatus. Quod procedit, etiam si Ecclesiæ Sæculares sint commendatæ; & si illis Cura animarum immineat, si non, ut patet ex cap. 8. sess. 21. de reformat. verb. *Nec non beneficia*. Si verò Ecclesiæ exemptæ sunt Regulares, ab Episcopis visitari nequeunt, juxta mentem Sac. Congregat. Concilii, quæ apud Fagn. in 3. ad cap. Nullus, de Parochis nu. 34. censuit, Decretum in cap. 8. sess. 7. quod tribuit facultatem Ordinariis visitandi Ecclesias quomodolibet exemptas, vindicare sibi locum in Ecclesiis Sæcularibus dumtaxat, non autem Regularibus; & Regulares censeri, etiam Monasterio unitas, si eis à Regularibus deserviantur.

11 Sed limita, nisi eis Cura animarum personarum sæcularium immineat; quoniam tunc visitari possunt ab Episcopo, in cuius Diœcesi sunt sitæ: sed in his tantum, quæ ad dictam Curam, & Sacramentorum administrationem pertinent, ex c. 11. sess. 25. de Regul. & Const. Inscrutabili Greg. XV. la 18. Bull. tom. 4.

Limita 2. Nisi Ecclesiæ Regulares exemptæ sint commendatæ, & in eis Regularis observantia non vigeat. Quia Tridentinum dicto cap. 8. sess. 21. Episcopis, etiam tamquam Apostolicæ Sedis Delegatis, facultatem tribuit visitandi commendata Monasteria in quibus non viget Regularis Observantia; nec non Beneficia, tam curata, quàm non curata, Sæcularia, & Regularia, qualitercumque commendata, etiam exempta. Non sic, si in eis vigeat Re-
Ff 2 gula-

gularis Observantia, & curata non sint, *ver. Et si in eis vigeret*, ibi: quinimò etiam, dum curata non sunt, licet commendata, & Regularis Observantia non vigeat, modò Capitibus suorum Ordinum subsint, juxta *cap. 20. sess. 25. de Regul.* ubi: *Quæ cum Ordinum suorum capitibus subsint, declarat S. Synodus, in iis, quæ aliàs de visitatione Monasteriorum commendatorum definita sunt, non esse comprehensa.*

12 Sed quid, si Ecclesiæ Regulares sint in nullius Diœcesis Territorio?

Priùs noto. Quòd Ecclesiæ nullius Diœcesis sunt duplicis speciei; una species est illarum, quæ sunt in Diœcesi alicujus Episcopi, licet habeant Prælaturam inferiorem: alia verò species est illarum, quæ sunt in Territorio separato, & Prælatus inferior exercet plenariè jurisdictionem quasi Episcopalem.

Modò Episcopus non potest visitare Ecclesias Regularium, quæ sunt nullius Diœcesis in secundo sensu: quoniam *Trid. cap. 9. sess. 24. de reform.* se restringit ad Ecclesias Sæculares.

Quod procedit, etiam si dd. Regularium Ecclesiis immineret Cura animarum, quia *sess. 25. c. 11. de Regul.* dispositio *Trid.* afficit Ecclesias sitas in Episcopi Diœcesi, ut expressè textus.

Quod item currit, siue sint Commendatæ, siue non: quia *cap. 8. sess. 21.* tribuens facultatem visitandi Monasteria commendata, loquitur de Monasteriis, & Beneficiis Regularibus exemptis, non verò nullius Diœcesis, ut ostendit text. ibi: *Etiam exempta.* Nomina autem *Exemptio*, & *Nullius Diœcesis*, sunt diversa: & à diversis non fit illatio. Et patet ex extensione, quæ de *dict. cap. 8.* postea facta fuit ad Ecclesias Sæculares nullius Diœcesis, ut in *dicto cap. 9. sess. 24.* ibi: *Etiam inus Ecclesiis Sæcularibus.* Quare Sac. Congregat. Concilii olim respondit: Archiepiscopum Urbinaten si sit proximior, posse quidem visitare Ecclesias Sæculares, & personas, sed Abbatiam ipsam Castrî Durantis, quæ Regularis est, licet illi Cura animarum incumbat, non posse visitare, utcumque personis Sæcularibus commendari consueverit. Fagnan. *in d. cap. Nullus num. 39.*

23 Sed quid pariter de personis Regularibus, an visitari ab Episcopis possint,

si existant in Monasteriis nullius Diœcesis?

Resp. Visitationi Episcopi non subjiciuntur, quia *d. c. 9. sess. 24.* restringit se ad Ecclesias Sæculares.

Quod verificatur quoque, etiam si Regulares nullius Diœcesis in Monasteriis; seu domibus Regularibus, aut aliàs Curam animarum personarum Sæcularium exercent, quia Decreta Concilii, quæ Regulares submittunt jurisdictioni, & correctioni Episcoporum in his, quæ dictam Curam, & Sacramentorum administrationem respiciunt, restringuntur ad loca, quæ in Diœcesi Episcopi posita sunt, ut patet ex *cap. 2. sess. 5.* ibi: *Modo in Diœcesi sita sint*, & generaliter in *cap. 11. sess. 25. de Regul.* ibi: *In cujus Diœcesi sunt sita.* In quibus terminis loquitur etiam dict. Constitut. Gregor. *Inscrutabili*, ut declaravit Sac. Congregat. Concilii, respondendo dubiis excitatis super dict. Constitut. ad calcem ejusdem Bullæ. Quæ tertio loco interrogata: *An facultas Episcopis per Constitutionem attributa in exemptos, tam Sæculares, quam Regulares, intelligatur etiam tributa in personas nullius diœcesis.*

Ad tertium, sensuit ejusdem facultatem non intelligi tributam Episcopis in personas nullius Diœcesis. Qua propter sicut Episcopus nequit Regulares nullius Diœcesis visitare, ita nec ullam in eos exercere jurisdictionem. Propterea *Monachos SS. Trinitatis Caven.* Sac. Congregat. censuit non posse cogi ab Episcopo accedere ad publicas processiones, in *vim cap. 13. sess. 25. de regul.* Tum quia non possunt dici exempti, cum nunquam subjecti extiterint.

14 Sed an possint visitari, & corrigi per inferiores Prælatos?

Respond. Negative, prout eadem Sac. Congregat. censuit in responsione ad dicta dubia. Nam quarto loco consulta: *An eadem facultas competat inferioribus Prælati proprium Territorium, ac jurisdictionem quasi Episcopalem habentibus?* Ad quartum censuit, non competere. Proinde in casu, quòd Regulares nullius Diœcesis delinquant in pertinentibus ad animarum Curam, & Sacramentorum administrationem, recurrendum est ad Sedem Apostolicam.

15 Quæritur, an Episcopus possit visitare Eccle-

Ecclesias Parochiales Monasteriis unitas , vel annexas?

Respon. Affirmativè, ex *cap. 7. sess. 7. de reform.* at nequit visitare Domos ipsarum Parochialium, in quibus non viget Regularis observantia, sed in eis habitant soli Parochi Regulares ab eodem approbati, ut aliàs respondit Sacr. Congregat. apud Fagnanum in *1. ad cap. Grave, numer. 16. de Offic. Ord.*

Hic nota, quòd aliquando Cura animarum incumbit principaliter ipsi Monasterio, de quo *dict. cap. 11. sess. 25.* Et aliquando Ecclesiis Parochialibus Monasterio unitis, de quo *cap. 2. sess. 5.* In quibus ex sententia Sacr. Congregat. non aliter sunt deputandi Regulares ad animarum Curam, quàm de consensu Episcopi, & prævio examine per eum, aut ejus Vicarium faciendo, & ad suorum Superiorum nutum amovibiles.

16 Quæritur, an Episcopus possit visitare Capellas, & Altaria, quæ sunt de jure patronatus Universitatis, vel Laicali, existentia in Regularium Ecclesiis?

Respond. Negativè, juxta declarationem Sacr. Congregat. Concilii apud Fagnan. *dict. cap. Grave, num. 48.* & expressè Pignatelli. *tom. 10. consultat. 39. num. 9.* Quæ censuit Episcopum visitare non posse Altaria, & Capellas Laicorum in Ecclesiis Regularium erecta; quibus curam animarum non incumbit.

Et procedit, etiam si prædicta providerentur de omnibus necessariis ex redditibus, quia cum id fiat ex oblationibus, & elemosynis solitis, nullatenus ad eam pertinent, sed ad eosdem Regulares; qui Ecclesiis inserviunt; ex text. in *cap. Theodosius, de statu Monachorum*, ac ex declaratione Sacr. Congregat. 31. Januarii 1642. apud Lezan. *summ. tom. 2. verb. oblatio capit. 15. num. 27.* Propterea nullum jus visitationis possunt prætere Episcopi, etiam uti delegati Sedis Apost. vigore Const. *Inscrutabili*, Pignatelli. *num. 11.*

17 Quantum autem ad Confraternitates Sæcularium, ipsarumque Capellas, & Altaria in Regularium Ecclesiis sita, an possint ab Episcopo visitari? Dictum est *capit. 14. num. 6.*

19 Oritur dubium, an stante Sacr. Congregat. Concilii Decreto in Calce ad dict. Const. *Inscrutabili*; quo fuit responsum du-

bio: *An liceat Episcopis visitare Altaria Regularium Ecclesiarum, quibus Cura animarum personarum Sæcularium non incumbit; aut loca, ubi in eisdem Ecclesiis asservatur Sanctissima Eucharistia Sacramentum, vel ubi audiuntur Confessiones Personarum Sæcularium?* Ad primum respondit; *Episcopis non licere in vim ejusdem Constitutionis visitare Altaria Ecclesiarum Regularium, quibus non incumbit animarum Cura personarum Regularium, nec loca, ubi in eisdem Ecclesiis asservatur S. S. Eucharistia Sacramentum, vel ubi Confessiones personarum Sæcularium audiuntur*: possit Episcopus visitare omnia Altaria Ecclesiæ Regularis, cui Cura animarum incumbit?

Respond. Affirmativè, prout declaravit Sac. Congregat. Concilii in Cesenaten. 23. Septembris 1690. contra PP. Cassinenses: tenet Cardinal. de Luca *de jurisdict. discurs. 17. num. 3.*

19 Quæritur. An edictum Episcopale super casibus reservatis, in quo inter cætera injungitur, quod Confessarii Regulares Confessiones audiant in habitu, quo utuntur in Choro, eisdemque prohibet pœnitentes auscultare extra Confessionarium, & extra cratem ligneam, idque januis apertis dumtaxat, & in Confessionariis à suis Visitatoribus intra præfatum terminum approbandis: neve in propriis ædibus accedant ad infirmos pro Sacramento Pœnitentiæ ministrando absque licentia Episcopi, vel Curati, minùsque certas personas utriusque sexus ante ortum, & post occasum Solis auscultent: & si fenestella, vel lastra fuerit devastata, sive ejus foramina dilatata. Confessarii suspensi remaneant, cum impositione pœnæ suspensionis, & pecuniariæ cui libet Confessario, si talia edicta non recipiat, & illa inviolabiliter per singula capita non servaverit: deroget privilegiis Regularium, ideòque sit corrigendum, expurgandumque?

Resp. Hac de re S. C. S. R. E. Cardinalium, negotiis, & consultationibus Episcoporum, & Regularium præposita, censuit, præfatum edictum moderandum, & corrigendum esse, prout præsentis Decreti vigore moderatur, ac corrigit, prout infra. Quoad habitum, quo uti debent Regulares in administratione Sacramenti Pœnitentiæ, declaravit sufficere, si audiant cum habitu eorum ordinario, & Stola, juxta decretum aliàs emanatum.

sub die 20. Junii 1625. à Sac. Congreg. Vifitationis Apostolicæ. Quoad locum mandavit auscultari in Ecclesia, & intra crates; quando tamen necessitas, vel rationabilis causa aliter non suadeat; ac etiam in Sacrario, vel alio decenti loco poterunt audiri; super quo & declaravit, non licere Episcopis neque per se, neque per suos deputatos visitare Confessionaria, sive loca Regularium, ubi Confessiones audiuntur, nec etiam ad effectum videndi, an sint juxta ipsorum Decreta; sed hoc relinquendum est omnino visitationibus suorum Superiorum. Similiter inhaerendo aliis Decretis ab eadem Sac. Congregat. emanatis, & præcipue 13. Septembris 1641. noluit teneri Regulares petere licentiam ab Episcopo, vel Curato accedendi ad infirmos pro Sacramento Pœnitentiæ ministrando, sed sufficere, si postea fidem habita Confessionis in Domo eorumdem infirmorum relinquant. Insuper mandavit, tolli omnino ab eodem edito verba illa, quibus de certo genere personarum fit mentio. Voluit siquidem, ut loquatur absolutè, ac simpliciter de omnibus, nulla facta speciali mentione, ita scilicet, quòd nemini administretur tale Sacramentum ante ortum, nec post occasum Solis, nisi tamen necessitas, vel rationabilis causa aliter suaserit: in quo casu voluit, & licere, & cum omnibus. Ulterius præcepit pœnas omnes, tam suspensionis, quam pecuniarias, ab eodem edito tollendas, cassandas, & espungendas esse. Et ita, utraque parte informante, hac die & c. apud Pignatell. tom. 10. consul. 71. num. 6.

Decretum Congregationis S. Visitationis Apostolicæ.

DE Mandato Sanctissimi Dom. N. Urbani Papæ VIII. vivæ vocis oraculo ei facto, iustis de causis præcipit omnibus, & singulis Confessariis, tam sæcularibus, quàm cujusvis Ordinis, Congregationis, Instituti, & Societatis etiam de necessitate exprimendæ Regularibus, quocumque nomine nuncupatis, cujusvis gradus, & dignitatis in suo Ordine, ne imposterum tam Virorum, quàm Mulierum, cuiuslibet qualitatis, vel conditionis existant, præterquam si gravi infirmitate detenti, vel detentæ sint, Sacramentales Confessiones in illorum, seu illarum, vel etiam alienis ædibus audiant, nisi de licentia Illustrissimi

Cardinalis Urbis Vicarii, seu Reverendiss. Dom. eius Vicegerentis, in scriptis concedenda (exceptis tamen Illustrissimorum & Reverendissimorum DD. Cardinalium, & Principum virorum sæcularium, videlicet Oratorum Regum, & magnorum Principum, necnon & Ducum, ac Rom. Pontif. qui fuerunt, vel pro tempore erunt Nepotum) hoc etiam addito, ut iidem Confessarii in mulierum hujusmodi sacramentalibus Confessionibus audiendis, cubiculi januam apertam, ac velum levatum, semper habeant, ita ut conspici, non autem audiri possint; sacramentumque Confessionis hujusmodi Confessarii sæculares cum superpelliceo & stola; Regulares verò cum stola ministrent in Ecclesia, nisi ex rationabili causa audire aliquos in Sacrario, seu alio decente loco, quandoque occurrat. Contrafacientes non solum suspensionis à Confessionibus audiendis, verum etiam alias pœnas arbitrio ejusdem S. Congregationis eo ipso incurrant. Insuper Confessariis hujusmodi sub eisdem pœnis injungitur, ut si eos vigore facultatum eis concessarum, Confessiones infirmorum hujusmodi in privatis domibus audire contigerit, Parochum dictorum infirmorum, ante, vel saltem eadem die, qua Confessionem audierint, absolutionemque infirmis impartiti fuerint, certiore reddere debeant. In quorum &c. Dat. Rom. in loco solitæ Congregationis die decima Julii 1625.

20. Quæritur. An Episcopi possint visitare, corrigere, & animadvertere in Regulares delinquentes extra Curam animarum, & Sacramentorum administrationem?

Respond. Ex sequentibus resolvas, & nota: si loquamur de Regulari degente extra claustra, & ibi delincente, decrevit Trid. sess. 6. cap. 3. de refor. ibi: *Ecclesiarum Prælati, ut infra, Nemo Regularis extra claustra degens, etiam sui Ordinis privilegii prætextu, tutus censeatur: quominus si deliquerit, ab Ordinario loci, tamquam super hoc à Sede Apostolica delegato, secundum Canonicas sanctiones visitari, puniri, & corrigi valeat.*

Quod procedit etiam in Regulari existente extra claustra ad erectionem Monasterii de sui Superioris licentia: cum licentia operetur solum, ex Sperello decif. 38. numer. 19.

mer. 19. ne committatur apostasia, non verò, quin ab Ordinario pro excessibus puniri possit. Hoc idem, roud eu idem firman alii, & resolutum traditur à Genuen.prax. cap. 59. numer. 2. ac Barbosa in Trident. ad d. cap. cum limitatione à Sacr. Congregat. Concilii, ut infra: Regularis manens extra claustrum de licentia Superioris, etiam in Domo destinata ad erectionem Monasterii, nisi in dicta Domo sit Regularis Observantia, ut saltem vivat sub superiore conventualiter, potest puniri ab Ordinario, Sperell. num. 21.

Sed non verificatur in Regulari, qui degit in Domo Parochiali Monasterio unita, in qua Curam animarum exercet, & Sacramenta administrat, qui ab Ordinario loci puniri non potest, nisi delictum commissum concernat dictam Curam, & Sacramentorum administrationem, prout olim respondit Sacr. Congregat. Concilii apud cit. Barbosa ibidem num. 4. & Fagnan. ad d. cap. Grave, num. 35. quia censetur degere intra Claustra.

Benè verò de Regulari, qui de sui Superioris licentia manet in aliquo membro, vel grangia sui Monasterii pro Religionis servitio; qui si delinquit, ab Ordinario etiam puniri potest, juxta resp. S. Congr. ad sextum supra sub num. 6. Neque enim cum Superioris licentia eximit ab jurisdictione Episcopi sed hæc est cumulativè in Ordinario, & in Superiore Regulari; quidquid dixerit Barbosa cit. num. 2. allegans Riccium, & Ciarlinum.

21 Si verò sermo sit de Regulari degente intra claustra, sed extra ita notoriè delinquente, ut populo scandalum præbeat, idem Tridentin. sess. citat. de Regul. capit. 14. disponit: Regularis non subditus Episcopo, qui intra claustra Monasterii degit, & extra ea notoriè ita deliquerit, ut populo scandalo sit, Episcopo instante, à suo Superiore intratempus ab Episcopo præfigendum severè puniatur, ac de punitione Episcopum certiorè faciat: sin minus, à suo Superiore officio privetur, & delinquens ab Episcopo puniri possit.

Ad cujus observantiam Clemen. VIII. edidit Const. incipient. Suscepti muneris la 39. Bullar. rom. 3. in qua propè medium habetur: Motu &c. omnibus, & singulis cujuscumque Ordinis, & Instituti Regularium, etiam Mendicantium Superioribus, in vir-

tute Sancta Obedientia, & sub indignationis nostræ, ac privationis dignitatum, & officiorum per eos obtentorum eo ipso incurrendis pœnis præcipimus, & mandamus, ut juxta prædictum Decretum quilibet ipsorum Regularium &c. ubi tenorem Decreti allegat, & infra: Caterum si Superior in Regularem delinquentem non animadvertit, quinimò, si illum impunitum ad alia suorum Ordinum loca extra Diocesim, ut præfertur, transmiserit, volumus, & simili motu, atque auctoritate decernimus, ut Superior, instante Episcopo, intra terminum ab Episcopo præfigendum, & sub eisdem indignationis nostræ, ac privationis dignitatum, & officiorum obtentorum, necnon & sub inhabilitatis ad illa, & alia in posterum obtinenda, ac ulterius privationis activæ, & passivæ vocis, ad quas à nemine, præterquam à Nobis, & Romano Pontifice pro tempore existente restitui possit, ipso facto similiter incurrendis pœnis, ipsum Regularem delinquentem à loco, ad quem transmissus fuit, revocare, & in quo deliquit constituere, seu sistere teneatur.

Quòd si hoc etiam facere prætermiserit, per præsentés similiter statuimus, ut Ordinarius loci, ad quem Regularis delinquens transmissus fuerit, super præmissis ab ipso Ordinario loci, in quo deliquit, similiter requisitus, vel alias de illius delicto informatus, ut præfertur, tanquam Sedis Apostolica Delegatus, prædictum Concilii Decretum omnino exequi, & in Regularem delinquentem severè animadvertere possit, & debeat &c. non obstantibus &c.

22 Nota, quòd Regularis delinquens in Ecclesia, seu Monasterio, cum populi scandalo, censetur extra Monasterium delinquere; super quo Sperellus d. dec. 38. nu. 15. refert Sac. Congregat. Concilii Decretum: quæ ad dubium: An regularis delinquens notoriè in Ecclesia, seu Monasterio sui Ordinis, in quo degit, ita ut populo scandalo sit, dicatur delinquere extra claustra, ut locus sit dispositioni Conc. cap. 14. sess. 25. de Regular. Censuit delinquere extra Claustra, si in Ecclesia Monasterii delinquit; nisi clausis portis Ecclesie, & solis Regularibus in ea existentibus, fuerit commissum delictum: si vero intra claustra Monasterii, vel Ecclesie interioris delictum sit commissum, ex verbis Concilii non videtur procedere d. cap. 14. quòd expressè dicit, extra claustra; tamen si scandalum

fit notorium populo, ex identitate rationis idem videtur.

Nota etiam, quòd Episcopus potest procedere ad summariam informationem de delicto à d. Regulari extra claustra commissio, ex dispositione S. C. apud Donat. *prax. tom. 1. p. 2. tract. 13. qu. 54. num. 11.* Quæ ad dubium: *An Episcopus, statim habita notitia delictorum, possit capere informationem, & illam ad Superiorem delinquentis remittere, ut nequeat de illo delicto ignorantiam presumere?* Respondit, *posse.* Informatio est statim, hoc est, absque mora sumenda, & delinquens quamprimum cum copia actuum remitti debet ad suos Superiores; ex provisione S. C. apud d. Donatum *num. 7.* ad dubium sibi propositum, ut infra. Quando Regularis extra Claustra notoriè delinquit: *An detinendus sit in carceribus ab Episcopo, donec processus in Curia Episcopali conficiatur, eoque compilato, instante Superiore, remittendus sit ad Superiorem unà cum his probationibus, quæ habentur?* Sac. Congreg. respondit, *statim remittendum esse, etiam posito, quòd Superior nullam instantiam faceret.* Cæterum illud statim non physicè, sed moraliter accipiendum est. Piafecus *prax. part. 2. cap. 3. art. 6. sub num. 23.* tempus remissionis restringit ad viginti horas. Sperellus verò: ubi supra, & post eum Panimol. *dec. 84. ad not. 3. num. 6.* cum communi DD. ad duos dies limitant; & diutius per Piafecum, & alios apud Antonellum *de reg. Eccles. lib. 7. cap. 18. numer. 4.* detinere non suspectum de fuga, vel in casu ab jure non permisso, infert excommunicationem Canonis, juxta Gloss. in Clemen. *Frequens de excess. Prælat. ver. Capiunt.* Ex quo colligas, quòd Regularis deprehensus in delicto, ubi timetur de fuga, potest juxta Trident. *sess. 25. de refor.* ab Episcopo capi per suos Ministros, & recta duci ad suum Superiorem, cum instantia, ut intra certum tempus eum puniat.

23 At urgent Regularem existentem intra claustra, & extra ipsa delinquentem, esse ab Episcopo puniendum, videtur concludi ex cap. *Volentes, de privileg. in 6.* innovato à Trident. *sess. 7. cap. 14. de reformat.* occasione cujus sequens dubium excitatur. An Regulares ratione *delicti commissi*, seu *contractus initi*, aut *rei existentis extra locum exemptum*, subiciantur Ordinariorum jurisdictioni; & an ligentur excommuni-

catione Episcopi edita proposita?

Quantum ad primum exemptio in similibus fuit Regularibus à nonnullis Episcopis controversa. Qui considerarunt: vel privilegia exemptionum fuerunt dd. Regularibus data ante dict. cap. *Volentes*, vel post; si ante, fuerunt postea eadem privilegia restricta per dict. cap. ut locum non habeant in tribus casibus ibi exceptis, hoc est, cum exempti delinquant, seu contrahunt, aut res litigiosa est in loco non exempto; quod procedit, quantumcumque exemptiones sint amplæ, prout significat textus in illis verbis: *Quantumcumque sic exempti gaudeant libertate.*

Si verò privilegia fuerunt concessa post d. Caput: cum illud editum fuerit in Concilio Lugdunensi, non valent privilegia exemptionum, nisi in eis Concilio generali fuerit expressè, & specialiter derogatum, cap. *Ex parte, de Capell. Monachor. §. Cum autem.*

Quinimò, quamvis fuisset in illis dicto Concilio specialiter derogatum, adhuc non subsisterent, quia per Trident. fuerunt sublata; nam d. cap. 14. mandat in causis exemptorum servandum esse alleg. cap. *Volentes.* Tridentino postea successit Constit. Pii IV. incip. *In Principis la 94. Bullar. tom. 2.* in qua amplissimis clausulis derogatur privilegiis, exemptionibus, & indultis in favorem quorumcumque Ordinum etiam Mendicantium, locorum, ac personarum Regularium, in his, quæ Decretis Tridentini Concilii adversantur. Et post Concilium confirmationes privilegiorum non solent concedi, nisi cum clausula: *Dummodo Decretis Concilii Trid. non sit contraria.* Et ita videtur, Regulares non posse se privilegiis tueri adversus ordinariam jurisdictionem, nisi cum delinquant, seu contrahunt, aut res, de qua contra ipso agitur, sita est in loco exempto.

24 Sed his non obstantibus, dicendum est, tam prædictam Decretalem, quam Decretum Triden. Regularium exemptionem non efficere. Non obstat Decretalis, quia Regulares sunt exempti cum specifica expressione *delicti commissi*, seu *contractus initi*, aut *rei litigiosa*, etiam in loco non exempto, & expressè derogatione d. Decretalis, ut in Const. Sixti IV. *la 6. in Bull. so. 1.* incip. *Regimini*, Mare magnum appellata (seu collectio privilegiorum) edita pro Ord.

Min.

Min. ubi §. 9. hæc sunt: *Et ne prætextu Constit. Innoc. Pape IV. que incip. Volentes, locorum dioecesan, & alii Ordinarii, &c. districtius inhibemus, ne quisquam absque dictæ Sedis speciali commissione, & auctoritate, in personas, domos, & loca dict. Ordinis Fratrum Minorum, utpotè prorsus exempta, aliquas excommunicationis, suspensionis, & interdicti sententias specialiter, vel generaliter, quomodolibet promulgare, aut in personas, & loca hujusmodi aliquam præminentiam, superioritatem, &c. & jurisdictionem quomodolibet exercere præsumant, etiam ratione contractus, vel delicti, seu rei, de qua ageretur, ubicumque ineatur contractus, committatur delictum, & res ipsa consistat.* Idem exemptionis privilegium cum prædicta clausula habetur pariter in Constit. Regimini, ejusdem Sixti, la. 7. ibi Mare magnum item nuncupata Frat. Prædicator. Alique Regulares habent simile privilegium, ut notavit Fagnan. in 5. ad cap. Tuarum, de privileg. num. 19. Ibiq. ponderandum est illud, *Ubicumque*, quod omnem locum tam exemptum, quam non exemptum comprehendit.

Quapropter cum Regulares generaliter sint specialiter privilegiati, etiam ratione delicti perpetrati, contractus initi, ac rei sitæ in loco non exempto, sequitur non includi sub dispositione dict. cap. *Volentes*; nec in Decreto Concilii Trident. sess. 7. cap. 14. quod illud innovat, & servari tantum jubet in ordine ad eos, qui exempti non sunt, cum specifica expressione illorum trium casuum.

Nec obstant verba in calce capitis apposita: *Privilegiis, exemptionibus, conservatorum deputationibus, & eorum inhibitionibus adversus præmissa nequaquam valituris.* Quoniam hæc referuntur ad duos casus, ibi proximè enunciatos; nec tollunt privilegia, sed solum declarant illa non prodesse in casibus mercedum, nimirum, & miserabilium personarum. Quinimò etiam in illis est observandum, Decretum restringi ad Regulares existentes extra claustra, ibi: *Extra Monasterium degentes.*

Nec super eo est ampliùs dubitandi locus, si textus Trid. ponderentur; & maxime cap. 5. sess. 14. de reform. ubi decernitur. Primò, ut litteræ conservatoriæ ne-

mini suffragentur, quin in causis criminalibus, & mixtis possit coram Episcopo suo accusari, & conveniri, & contra eum inquiri; & procedi. Secundò, præscribitur certa forma in causis civilibus observanda. Tertiò, in causis mercedum, aut miserabilium personarum jubet observari dict. decretum sess. 7. cap. 14. Quartò tandem, præservantur privilegia Regularium his verbis: *Regularia loca, eorumque persone in presenti canone minimè comprehensæ, sed exemptæ omninò sint, & intelligantur.* Ex quo contextu apertissimè colligitur, Regulares degentes intra claustra, nec ratione delicti in causis criminalibus, nec ratione contractus, aut rei sitæ, in causis civilibus posse coram Episcopo accusari, aut conveniri; sed eorum exemptiones salvas permanere. Estque clarus textus in cap. 14. sess. 25. de regul. & aperta mens Sac. Congreg. Conc. Quæ aliàs conquerenti Episcopo Mantuano, quòd Regulares pro contractibus, vel debitis non finirent se in prima instantia coram locorum Ordinariis conveniri, censuit, *Si hi Regulares extra claustra Monasterii degant, servandum esse, quod dicitur sess. 7. cap. 14. Si intra Monasteria maneat, conveniendos esse coram Superioribus, vel Conservatoribus eorum, non autem coram Ordinariis; ut alibi.*

25 Subsecuta est deindè alia ejusdem Congreg. declaratio, ut infrà: *Expositum fuit a Procuratore Ord. Carmelit. quod in Hispaniarum Regnis, quidam Ordinarii locorum contenderent Religiosos intra claustra degentes, coram ipsis Ordinariis conveniri debere in causis civilibus, cap. Volentes, de privileg. in 6. comprehensis, propter illos innovationem à Concil. Trident. factam sess. 7. cap. 14. eosque in prima instantia coram ipsis Ordinariis conveniri debere, ex Decreto ejusdem Trid. sess. 24. cap. 20. de reform. Ipsa censuit, neque in Constitutione generali in Concil. Lugdunensi edita, qua incip. Volentes, neque Decreto Conc. Trid. cap. 14. sess. 7. comprehendit Regulares; ideoque eos juxta eorum privilegia coram suis Superioribus, vel Conservatoribus esse conveniendos; nec non Decretum ejusdem Concilii loco dict. c. 20. sess. 24. ad Regulares non pertinere, nec eorum conservatorias imminnere, nec quoad primam illorum instantiam aliquid novi inducere.*

Quàm

Quam declarationem postea observari mandavit Paulus V. Constit. incip. *Religiosorum*, la 34. in *Bullar. rom.* 3. discernens irritum, & inane, quidquid fecus super his à quoquam quavis auctoritate scienter, vel ignoranter contigerit attentari.

Ex quibus patet ad rationem in oppositum. Præsertim quia quoad hoc privilegia Regularium non adversari Trident. jam satis constat. Et proinde Const. Pii IV. hic non applicatur, ex Fagnano ibid. in fine. Videatur Barbosa in *Trid. ad d. cap. 14. sess. 7.*

26 Quantum ad secundum in dubio prædictum. Jam vidimus supra num. 24. in privilegiis Regularium expressè inhiberi Ordinariis, ne absque speciali commissione Sedis Apostolicæ præsumant in personas Regularium promulgare aliquam sententiam excommunicationis, suspensionis, vel interdicti specialiter, vel generaliter. Et quatenus promulgent non ligant, prout in d. Mari magno expressius habetur. Quod nunc etiam suffragatur in his casibus, in quibus adhuc durat eorum exemptio. Et in dubio, vel obscuritate privilegii recurrendum est ad Sedem Apostolicam pro declaratione, juxta Constit. Clem. X. *Superna* 7. *Bullar. rom.* 5.

27 Propterea cum Litteræ Apostolicæ, & Tridentinum committunt Ordinariis, ut procedant per censuras, vel pœnas, tamquam Sedis Apostolicæ delegati, frustra Regulares opponunt privilegia exemptionis; nam Papa nunquam aliquem ita eximit, quin possit per se, vel suos delegatos procedere. Inde est commune apud DD. quod dum Pontifex constituit aliquem delegatum contra exemptos, non est opus, ut derogetur privilegio exemptionis; nam Papa nullum à sua jurisdictione eximit.

Considerari hic etiam potest, quod in casibus particularibus debent ponderari circumstantiæ; an sit casus, in quo Episcopus vigore Tridentini, aut Constitutionum Apostolicarum habeat iurisdictionem in Regulares; & tunc poterit etiam eorum Ecclesias interdicto locali supponere. Cum verò effemus in casum, in quo eitalis iurisdictione non daretur, ut si ageretur de delicto Religiosi intra claustra, non respiciente casus exceptos, ut curæ anima-

rum, administrationis Sacramentorum, immunitatis Ecclesiasticæ, &c. tunc interdictum apponere non posset. Cæterum si occurreret casus; in quo concurreret delictum à populo in eorum Ecclesia commissum, & ea abutente, tunc ratione scandali, & punitionis populi sibi subiecti posset dictam Ecclesiam interdicto subijcere; non obstantibus privilegiis, quod non possint censuris affici, nisi à Papa; quia mens concedentis privilegium fuit quidem privilegiare exemptos, non verò, ne populus Episcopo commissus puniri non valeat ea pœna, quam Episcopus iudicat congruam, illi interdicens Ecclesiam, qua abusus est, ut optime Card. de Luca apud Petra *comment. ad Const. 2. Anastasii IV. sess. 3. num. 14.*

Advertendum, quod Prælatus Regularis non potest interdicto supponere Ecclesiam sibi subiectam, licet valeat suos subditos Regulares censuris coercere, ex eo, quod ipsa censura interdicti localis respicit potius punitionem populi, qui Ordinatio loci, non autem Superiori Regulari subditus est, ut apud eundem plures; & in terminis emanavit à Sac. Congregat. Episcop. decretum in Neapolitana in causa inter Abbatem Canonicorum Regularium Sancti Petri ad Aram, & Cardinalem Archiepiscopum, dum ille processit ad interdictum Ecclesiæ Monialium, nuncupatæ; *Regina Cæli*, eidem subiectæ; & Sac. Congregat. dubio disputato, resolvit, *Pro nullitate, & adus temeritate*, Cardin. de Luca, *disc. 99. de iurisd.*

Caveant etiam Regulares: dum censuris contra Religiosos sibi subditos procedunt, ne monitoria, aut cedulones affigant foribus Ecclesiæ, aut muris ea parte, qua respiciunt extra clausuram, quia huiusmodi loca censentur esse extra territorium ipsorum, & de territorio Ordinarii, in quo ipsi iurisdictionem non habent.

Quæritur. An Episcopus procedere possit adversus Regulares bis in die celebrantes?

Resp. Affirmativè, & quidem etiam censuris, juxta Tridentin. in *Decret. de obfer. & evit. in celebr. Miss. sess. 22.* Res enim est certa; nam nulli Sacerdoti, etiam sæculari, licet (excepto die Nativitatis Domini, juxta text. in *cap. Consulisti, de*

celebrat. Missar.) bis in die celebrare, ut habetur ex cap. *Te referente eod. tit. ibi: Cuiuslibet Sacerdoti, quacumque dignitate præfulgeat, unam in die celebrare Missam sufficiat; nam & valde est felix, qui celebrat dignè unam*. Quod sanè importat præceptum, non consilium, contra Ameno de pœn. tit. 8. §. 3. num. 29. ubi nimis laxè, & contra praxim Ecclesiæ, ac Sacros Canones. scripsit quemlibet Sacerdotem ex causa necessitatis posse licitè bis in die celebrare; propter quod etiam fortè fuit à Sac. Congreg. indicts proscriptus. Lege Gonzalez in 3. tit. 8. cap. 3. num. 2. ubi exponit illud, *Nisi causa necessitatis, ut in d. cap. Consulisti, & Fagnan. in 5. ad c. In ordinando, de simon. num. 33. ubi refert à Sac. Congreg. Conc. 28. Februarii 1602. mandatum fuisse Episcopo Vicen. ne licentiam ullam bis in die celebrandi ullo modo concederet*.

28 Quæritur. Regularis sine sui Superioris facultate, & in scriptis recepta, à suo Conventu recedens, ad aliquem locum se confert: petitur, an possit ab Episcopo puniri?

Resp. Affirmativè, per expressa à Trid. in cap. 4. sess. 25. de Regul. ibi: *Nec liceat Regularibus à suis Conventibus recedere, etiam prætextu ad Superiores suos accedendi, nisi ab iisdem missi, aut vocati fuerint. Qui verò sine prædicto mandato in scriptis obtento repertus fuerit, ab Ordinariis locorum tamquam desertor sui instituti puniatur*. Vide, quæ dico supra c. 5. num. 12. & 13. de eo, qui irreparabili gravamine vexatus ad Superiorem recurrit.

29 Quæritur. Erigitur de novo Conventus, in quo ex consuetis elemosynis, vel redditibus non possunt competenter sustentari saltem duodecim Religiosi: petitur, an sub sit jurisdictioni, & visitationi Ordinarium?

Resp. Affirmativè, prout expressè in Const. Nuper, de celebrat. Missarum, §. 16. deinceps. Quam refero supra cap. 10. num. 9.

30 Quæritur. Episcopis in dict. Const. Inscrutabili Gregor. XV. & Trident. sess. 25. de Regul. cap. 11. subiiciuntur Regulares curam animarum exercentes, adeò ut possint eos visitare, & corrigere, si delinquant in pertinentibus ad dict. curam: petitur, an possit etiam visitare Monaste-

ria, in quibus ipsi Regulares degunt?

Resp. Negativè, Super quo Pignatellus tom. 7. consult. 8. num. 26. refert Sac. Congr. Conc. declarationem, ut infra: *Regulares curam animarum exercentes in Monasteriis possunt ab Ordinario visitari, non autem ipsa Monasteria, præter caloca, & res, quæ pertinent ad curam animarum*.

31 Quæritur. An Episcopus in visitatione claustræ Monasterii Monialium possit secum ducere laicos?

Resp. Negativè, juxta declarationem Sac. Congreg. Episcoporum, & Regularium, quæ prohibuit laicos ullo modo intervenire posse visitationi Monasteriorum Monialium, ut in Tarvisina 20. Novembris 1601. etiam si essent Officiales Monasterii, ut in Januen. 16. Januarii 1607. & in Lucana 22. Januarii 1616. in regesto fol. 2. & 3. apud Fagnan. in 1. ad cap. *Ut juxta, de offic. ordin. num. 23. Idemque constat ex declaratoria Gregorii XIII. Dubiis sub la 28. tom. 2. ubi: Nos &c. declaramus omnes tam seculares, quàm Regulares, quibus cura, & regimen Monasteriorum Monialium quovis modo incumbit, facultate sibi ex officio attributa ingrediendi Monasteria prædicta, ita demum uti posse, si id faciant in casibus necessariis, & paucis, iisque senioribus, ac Religiosis personis comitati. Ubi ponderandum per illud, Religiosis personis comitati, excludi laicos*.

Sed quoniam in dicta declaratoria Gregorii non determinatur numerus personarum, quas Prælati possunt secum ducere intra septa Monasterii Monialium, oritur dubium, quot Visitatores possint assumere?

32 Super quo respondetur, ubi sermo sit de Visitatoribus Regularibus, numerus præfiniatur in Const. Felicis Alex. VII. quam refero cap. 11. num. 2. ubi §. 5. statuitur: *Si visitet Generalis, possit secum habere duos socios: si alius à Generali, unum tantum, exclusis omnibus aliis, etiam ratione officii*. Si verò Episcopus visitet, nullus numerus est in Gregoriana, aut Alexandrina determinatus. Verùm debet attendi ad illa verba, *Et paucis comitati*. Et cum significatio illius verbi, *Pauci*, in iure sit varia, relinquatur arbitrio iudicis, ut notavit Gloss. in cap. Statutum, §. *Insuper, in verb. Paucis, de rescriptis*

ptis in 6. & in cap. Cupientes, §. Ad quæ, in verb. Contradicentium, de elect. eodem lib. ibi: Sed quot dicemus paucos? hoc relinquam arbitrio judicantis. Quinimò observat Fagnan. ad dict. cap. Ut juxta num. 30. Gregorianam recipere interpretationem positivam à Clemen. Attendentes, §. Ipsos autem, de statu Monachor. In qua numerus personarum, quas Episcopus potest secum ducere, ad octo taxatur. Quapropter si plures introduceret, certè pœnas Constitutionis non evaderet. Sed quia posset dubitari, an dicta Constitutio Gregor. restringat numerum personarum concessarum in d. Clementina, idè Episcopi, ut securius procedant, debent paucioribus esse contenti.

33 Quæritur. An Episcopus possit visitare Monasteria Regularium eo prætextu, quòd eorum Superiores sint negligentes?

Responsio patet, ut infra: Sac. Congreg. Card. Conc. Trident. interpretum censuit, non licere Ordinariis locorum Monasteria Regularium eo prætextu visitare, & corrigere, quòd illorum Superiores admoniti intra sex menses, illa non visitaverint, vel correxerint, nisi eadem Monasteria, vel sub Commenda existant, ex Decreto cap. 8. sess. 21. vel suorum Ordinum capitibus non subsint, ac se se in Congregationes redigere neglexerint, juxta cap. 8. sess. 25. de Regul. Die 20. Februarii 1616. ex Piafec. cit. art. 6. num. 32.

34 Quæritur. An Abbates Commendatarii possint in Monasteriis Regularium commendatis se ingerere in iis, quæ concernunt Regularia instituta, & disciplinam Regularem?

Videtur affirmandum propter clausulam adjectam litteris Apostolicis; quæ expediuntur super Monasteriorum Commendis: In quibus hujusmodi Monasteriorum cura, regimen, & administratio tam in spiritualibus, quàm temporalibus, eis plenarie committitur.

Verùm hoc non obstante, negativa est certa, ad textum Decreti Concilii Trid. sess. 25. cap. 20. de regul. & expressè legitur dispositum ab Innoc. X. Const. Pastoralis, la 62. Bullar. tom. 5. quoad Commendatarios Monasteriorum Ord. Cisterciën. Quæ fuit innovata ab Alex. VII. Const. Exponit, la 6. ibid. ubi statutum, ac declaratum est,

quòd obtinentes Monasteria in Commendam, etiam si fuerint S. R. E. Cardinales nullam in Monasteriis sibi commendatis quoad eorum Monachos jurisdictionem exercere possunt.

Nec obstat ratio in contrarium. Nam resistit dispositiva Constitutionis ejusdem Alexandri, ibi §. 2. Tenore præsentium declaramus, decernimus, ac statuimus, non licere Commendatariis Priores, Sub-Priores, aut Officiales Clausuales instituere, ac destituere, visitare Monachos, eosdemque corrigere, nec facultates eisdem in litteris Apostolicis concessas, & expressas, prout supra, ad ea, quæ institutum Regulare concernunt, ac tenore predictorum privilegiorum, & Sacri Concilii dispositione, Monasterio regimini relinquuntur, trahi posse, ac debere. Similia habentur in Const. Sacrosancti, la 32. ejusdem Alex. edita favore Monasteriorum Camaldulensium. Idè clausula illa, in quibus, intelligenda est quoad cætera, quæ regularem disciplinam, & institutum regulare non respiciunt.

35 Juxta quæ dicendum pariter, Eminentissimos DD. Cardinales habentes hic Romæ in titulum Ecclesias Regularium non posse se immiscere in iis, quæ concernunt Regularia instituta, ut dixit Nicol. Flosc. ver. Cardinalis sub num. 13. De iurisdictione Cardinalium in suis titulis agit Fagnan. in 1. ad cap. His quæ, de majorit. & obedient. num. 19. & seqq. Et in 5. ad cap. Ne pro dilatione, de pœnit. & remis. num. 42. refert ipsos in suis titulis habere iurisdictionem quasi Episcopalem, sed uti non posse facultatibus, quæ à Concilio sess. 24. cap. 6. Episcopis sunt tributæ, ut declaravit Sanctissimus; quia licet habeant in suis titulis iurisdictionem quasi Episcopalem, ibi tamen non sunt verè, & propriè Episcopi.

36 Quare in Ecclesiis Regularium proprii tituli possunt de spectantibus ad celebrationem Missarum inquirere, de redditibus Ecclesiæ rationem exigere, sacras suppellectiles, & alia, quæ respiciunt servitium Ecclesiæ titularis, & circa cultum Divinum, visitare, ac inspicere, juxta Const. Leonis X. Suprema, la 7. Bullar. tom. 1. & Const. Sixti V. Religiosa, la 55. Bullar. tom. 2. Ipsos verò Regulares in pertinentibus ad Regularem disciplinam, & Regularia instituta, utpotè exemptos, visitare, vel corrigere

nequeunt; nam ad hunc effectum habent proprios Superiores, per quos secundum Ordinis statuta diriguntur, & in observantia continentur. De qua re agit etiam Pignatell. *rom. 10. consult. 117. num. 93.*

37 An autem Episcopi possint se ingerere circa bona Regularium, extra claustra vagantium? Videri potest Constitutio Gregorii XIII. *Officii Nostri 43. Bull. to. 1. in qua declaratur*, bona Regularium extra claustra Ecclesiarum, Monasteriorum, Domorum, & Regularium locorum degentium, quocumque jure, & actione ad eos pervenerint, spectare ad Cameram Apostolicam.

Quaritur. *An Vicarius Capitularis possit visitare clausuram Monasteriorum Monialium de regimine Regularium?*

Resp. Affirmativè cum Gavanto *man. verb. cap. Sede vacante. in addit. num. 19.* Antonello *de regim. Eccles. lib. 4. cap. ult. §. 2. num. 20.* Monacello *tom 3. formular. tit. 1. form. 41. num. 30.* Ventriglia *prax. tom. 2. annot. 15. §. 1. num. 19.* Pelizzario *de Monialib. cap. 10. sect. 1. sub sect. 1. num. 6.* contra Nicol. Flosc. *verb. Vicar. cap. num. 73.* & Diana *coord. tom. 3. tract. 5. resol. 37. num. 4.* Doctores allegati cum Piafeco *prax. in proœm. num. 22.* considerarunt, quòd jurisdictio, quæ à jure, vel Concilio est in perpetuum commissæ muneris, & dignitati Episcopali non in bonum Episcopi, sed subditorum, in quos ipsa exerceri debeat, sit in perpetuum tradita, & potius habet vim ordinariæ, quàm delegatæ, quæ ipsis concordantibus transit ad Capitulum, Sede vacante, & ab eo transmittitur in Vicarium, quem eligit. Jurisdictio autem commissæ Episcopo circa clausuram Monialium, ab jure, & consilio procedit, ab jure quidem, ut in *cap. Periculoso, de stat. regul. in 6.* à consilio etiam, ut in Tridentino *cap. 5. sess. 25. de regul. & monialib.* & inde perpetua est, & ad Capitulum transit; atque ita Vicarius capitularis poterit visitare clausuram dictorum Monasteriorum, & ea alia præstare, quæ posset Episcopus, tamquam Sedis Apostolicæ delegatus, vel *Sedis Apostolicæ auctoritate*; quidquid dixerit Bruno Cassa *ingr. de priv. & Bannius theol. moral. p. 1. tr. 11. quæst. 24.*

Nec obstat, quòd Rota in una Burgen. visitationis coram Orano 1. Junii 1588. di-

xerit, Capitulum Sede vacante posse visitare etiam Monasteria Monialium non exempta, non autem exempta; quia Rota procedit quoad Monasteria exempta immediate Sedi Apostolicæ subiecta, de quibus disponit Tridentinum *dist. sess. c. 9.* non verò de illis, quæ à Regularibus gubernantur. Imò allegatus Ventrigl. tradit, quòd verior sententia sit, posse Capitulum, Sede vacante, etiam dicta Monasteria Monialium immediate subiecta Sedi Apostolicæ per suum Vicarium visitare; nec aliter præsumendum est de mente Concilii, ne Moniales ipsæ tempore Sedis vacantis careant Gubernatore, & Superiore, & allegat Garzia *de benef. 5. p. cap. 7. sub num. 47.* Tambur. *de jur. Abbatiss. disp. 23. q. 4. num. 4.*

Quæ autem alia possit, vel non, Vicarius Capitularis, referunt allegati, eos videas, cum meum non sit hic illa recensere.

38 Hic nota, quòd Fratres Ordin. Minor. qui ad Episcopatum, vel alias superiores Dignitates promoventur, tenentur libros, & alia, quæ habent tempore promotionis, Ordini medio Generali, vel Provincialibus respectivè resignare, *Const. Ex parte, la 5. Alexan. IV. Bull. tom. 1.*

39 Concludendum, quòd licet Regulares quantum ad plura sit exempti ab jurisdictionem Episcopi, in nullo tamen eximuntur ab jure reverentia, cum ipsis debeant reverentiam exhibere, juxta text. in *Const. Dum intra 22. Leonis X. Bull. tom. 1.* in qua Pontifex eos §. 23. sic alloquitur: *Eisdem insuper Fratres in virtute Sanctæ Obedientiæ monemus* (hoc est, præcipimus) *ut eisdem Episcopos loco Sanctorum Apostolorum subrogatos, pro debita, & nostra, ac Apostolicæ Sedis reverentia congruo honore, & convenienti observantia venerantur.* Reverendissimos verò Episcopos monet, ut infra: *Ipsosque Episcopos hortamur, ac per viscera misericordiæ Dei Nostri requiramus, ut Fratres ipsos affectu benévolo prosequentes charitativè tractent, ac benignè foveant, seque illis minime difficiles, aut duros, vel morosos, sed potius faciles, mites, propitios, piaque munificentia liberales exhibeant, ac in omnibus praeiudiciis (de quibus Constitutio) tamquam in agro Dominico cooperatores, eorumque laborum participes, prompta be-*
ni-

nignitate recipiant , eorumque jura omnium cum charitate custodiant , atque defendant . Ut tam Episcopi , quam Fratres præfati (quorum opera veluti Lucerna ardentes supra montem posita omnibus Christi fidelibus lumen præbere debent (ad Dei laudem , Fidei Catholicæ exaltationem , populorumque salutem de virtute in virtutem proficiant .

40 Regulares itaque limites exemptionis excedere non possunt , ut ex alleg. cap. Volentes . Episcopi verò eis privilegia à Sancta Sede concessa , adhuc subsistentia , & non revocata , eis servare debent ; ex d.

Clement. Frequens , & Const. Leonis . Dixi adhuc subsistentia , & non revocata ; quia revocata iam recesserunt ab esse , & tanquam non fuisse censentur .

41 Quæ omnia , & singula humillimo obsequio submitto infallibili iudicio , & lituræ Apostolicæ Sedis . Quatenus verò sit opus , quidquid Catholicæ doctrinæ consonum non sit , sincera corde promptè retracto . Ut quicumque ista lecturi sunt , non me imitentur errantem , sed in melius proficientem ; ut loquar phrasi Augustini in prolog. ad lib. retract.

L A U S D E O.

I N D E X

RERUM MAXIME NOTABILIMUM.

Primus numerus marginalem, secundus paginam præmonstrat.

A

A *Ebas.* Commendatarius non potest se ingerere in visitatione Religiosorum, 34. p. 460.

Abbatissa. Eligitur per vota secreta, 1. p. 1.

Electa per vota ex ignorantia non secreta non sustinetur, 3. p. 2.

Triennium officii non excedit, & post triennium vacat, 6. ibi.

Electa pro secundo triennio, ex gratia Sac. Congreg. pro tertio eget alia dispensatione, 6. p. 3.

Superiores non habent suffragium in electione, 7. ibi.

Episcopus potest assistere cum Superiore electioni Abbatissæ Monasterii exempti 8. ibi.

Cum Episcopo non assistit Vicarius, Notarius, vel Cancellarius, nisi sit consuetudo, ibi.

Vota accipiuntur, & adnotantur à Superiore Regulari, 9. p. 3.

Abbatissa exempta à Regulari confirmatur, 11. pag. 4.

Confirmationi annuali cum Regulari non assistit Episcopus, ibi.

Tertia Soror est ineligibilis, 12. ibi.

Quæ in Monasteriis de regimine Frat. Min. careant voce in electione, 14. p. 5.

Electio Abbatissæ facta interventu pecuniæ est simoniaca, 28. p. 397.

Abbatissa non competit iurisdictio spectans ad claves, & dependens ab Ordine, 29. ibi.

Abortus. Procurans abortum factus animati est irregularis, 28. p. 285.

Absolutio. Absolutus in mortis articulo à censura reservata, cessante impedimento, se præsentat reservatori, 10. p. 7.

Quæ electionibus præmittitur, dirigitur ad præfatos, 18. p. 309.

Prælati Regulares non absolvunt suos subditos admittentes Mulieres intra Claustra Conventuum, 28. p. 312.

Nec ingredientibus Claustrum Monialium, 29. ibi.

Neque Moniales sibi subditas violantes Claustrum, ibi. p. 313.

Absolutiones quæ fiunt tempore visitationis, cadunt super censuris dubiis, vel oblitis, 30. p. 313.

Accessus. Ad Monasteria Monialium sine licentia est Clericis, & laicis interdictus, p. 9.

Vide verb. Allocutio.

Accusatio. In libello accusationis exprimitur delictum, & delinquens, 46. p. 426.

Accusator. Debet respondere defensionibus à reo productis, 73. p. 432.

Actor. Eo non probante, reus absolvitur, 71. pag. 431.

Actus. Frequentia plures actus importat, 151. pag. 109.

Super numero actuum inducentium consuetudinem iudex pronunciat, ibi. & seq.

Actus Ordini deputatus dicitur, cujus potestas datur in collatione ipsius, 21. p. 284.

Actus ex sua natura aptus ad homicidium concludit irregularitatem, 39. p. 286. & seqq.

Ætas. Ordinatus ante ætatem legitimam est suspensus, 10. p. 275.

Computatur ab hora nativitatis, 12. ibi.

Matura 40. annum petit, 6. ad 21. p. 449.

Alchimia. Clericis prohibita, 30. p. 264.

Alienatio. Parochi non possunt alienare bona Ecclesiæ Parochialis, 20. p. 297.

In alienatione est necessarius assensus Apostolicus, 1. & 4. p. 349. & seqq.

Sine quo res Ecclesiarum non oppignorantur, 15. p. 353.

Alienantes sine eo incurrunt censuram reservatam, 19. p. 354.

Requiritur etiam in alienatione Capellæ, & sepulture, 22. p. 355.

De licentia Episcopi possunt alienari terræ, & vineolæ, 13. p. 352.

Allocutio. Cum Monialibus absque licentia est Regularibus interdicta, 3. p. 9.

Etiā per quodcumque modicum temporis spatium, 4. ibi.

Licentia obtineri debet ab Episcopo, etiam si eam Superior Regularis juxta consuetudinem concesserit, 5. p. 10.

Ad alloquendum cum Abbatissa est necessaria licentia Ordinarii, 17. p. 12. & 6. p. 86. & seqq.

Regularis eget licentia etiam sui Superioris, 18. pag. 13.

Concionatores extra actum concionum nequeunt Moniales alloqui, 4. p. 10. & 6. p. 86. & seq.

Altare. Nisi lapideum consecratur, 21. p. 35.

Quando censetur execratum, ibi.

Tribus mappis tegitur, 7. p. 438.

Semel violatum, iterum est cōsecrandū, 12. p. 332.

Privilegium celebrandi in Altari portatili est sublatum à Tridentino, 79. p. 74. & 87. p. 76.

Episcopus non visitat Altaria de jure patronatus laicorum, existentia in Ecclesiis Regularium, 62. p. 205.

Nec Altaria Ecclesiarum Regularium non curantur, 16. p. 453.

Altare privilegiatum. Indulgentia Altaris privilegiati cum certo numero Missarum tempore

Ad-

Index

Adventus, & Quadragesimæ suspenditur, si non celebrentur, 1. ad 1. p. 13.
Excipitur casus infirmitatis, ad 2. ibi.
Suspenditur etiam ob absentiam Canonicorum, ad 3. ibi.
Missæ de festo duplici celebratæ in Altari in perpetuū, vel ad tēpus privilegiato, suffragantur, ac si Missæ defunctorū celebratæ fuissent, 3. p. 14.
Indulgentiæ pro Altaribus privilegiatis non suspenduntur anno Jubilæi, 5. p. 15.
Annate. Solutio annatarum non est simoniaca, 37. p. 388.
Annus. Probationis debet esse completus omnino, 4. p. 265.
Et continuus, 16. p. 267.
Naturalis, non civilis, 3. p. 265.
In bissextili expectatur dies, quæ additur, 15. p. 266. & seq.
Anno Sancto non suspenduntur Indulgentiæ pro defunctis, 5. p. 15.
Apostata. Distinguitur à vago, & fugitivo, 1. p. 16.
Licentia præsumpta excusat ab apostasia, 5. p. 17.
Ad apostasiam requiritur, ut elongatio à Conventu sine licentia sit mortifera, 6. ibi.
Appellatio. In appellationibus interponendis recurritur gradatim, 19. p. 19. & seq.
Suspendit jurisdictionē judicis inferioris, 2. p. 21.
In ea exprimitur gravamen in scriptis, 3. ibi.
Nisi appelleretur à definitiva, 4. ibi.
In interlocutoria causa specificanda est, 5. p. 21. & seq.
Tempus ad prosequendam appellationem est annus, & ex causa biennium, 10. p. 23.
Appellatio non suspendit censuram latā, 11. ibi.
In causis visitationis, & correctionis morum admittitur appellatio quoad effectum devolutivum, 18. p. 24.
Censura contra appellantem lata non potest per judicem appellationis relaxari, nisi causa cognita, 21. p. 24.
A Romano Pontifice ad Concilium Generale appellatio non datur 7. p. 214.
Servanda in appellatione in materia electionis, 19. p. 309.
Approbatio. Ad confessiones est declaratio habilitatis ad eas audiendas, 1. p. 5.
Vide in verbo Confessarius, Episcopus, Examen, Regulares & Sacerdos.
Aqua. Daiconus benedicens aquam est irregularis, 20. p. 35.
Archivium. Autoritate legitima debet esse deputatum, 30. p. 109.
Jus archivi quibus competat, ibi.
Aristocratia. Supremam regendi potestatem ponit in Nobilibus, 10. p. 223.
Arma. Lictores Curie secularis non possunt armis spoliare Clericos, 21. p. 157.
Aromataria. Regulares nisi pro usu proprio retinent aromatarias, 31. p. 264.
Clerici Regulares, & sæculares non possunt sine

licentia Papæ exercere officiū aromatarie, ibi.
Auxilium. Extraordinarium est necessarium ad vitanda omnia venialia collectivè, 11. p. 363.
Attestatio. Exhibenda super adimplemento onerum Missarum, 39. p. 59.

B

Baculus. Pastoralis Episcoporum jurisdictio: nem limitatam significat, 1. p. 360.
Baldachinum. Episcopo visitaturo Clausuram Monialium non erigitur, 11. ad 4. p. 80.
Regulares debent Episcopo Baldachinum erigere, & quando, 34. p. 134.
Personæ sæculares non possunt extollere Baldachinum in Ecclesiis, 4. p. 194.
Baptismus. An baptizati ab hæreticis sint irregulares, 21. p. 284.
Bellum. Justum requirit legitimam potestatem, & titulum, 31. p. 285.
Sacrum est, quod fit contra Infideles auctoritate Papæ, ibi.
In bello occidens, vel mutilans est irregularis, 31. p. 285.
Benedictio. Ecclesiastica solemnitas fit juxta formulas Ritualis, Missalis, aut Pontificalis, 1. p. 30.
Simplex Sacerdos non potest facere benedictiones rerum constitutivas, 4. ibi.
Ecclesiæ iterum consecrantur, si ex toto, vel simul parietes decrustentur, 7. p. 31.
Non deperditur consecratio ex dealbatione Ecclesiæ, ibi.
Consecratio, & reconciliatio Ecclesiæ consecratæ pollutæ est actus Ordinis Episcopalis, ibi.
Simplex Sacerdos ex delegatione Episcopi potest reconciliare Ecclesiam pollutam, quæ fuit benedicta, non consecrata, ibi.
Ecclesia polluitur violenta sanguinis effusione, 9. p. 32.
Et seminis, 10. ibi.
Et an per copulam conjugalem, ibi.
Polluitur sepultura excommunicati publicè denunciati, 11. p. 33.
Polluta Ecclesia, censetur pollutum cœmeterium ab Ecclesia non remotum, 12. ibi.
Regulares possunt benedicere ova, 25. p. 37.
Beneplacitum Apostolicum. Est principalior solemnitas requisita in alienatione rerum Ecclesiarum, 4. p. 350.
Non requiritur in bonis, quæ servando servari non possunt, 8. p. 351.
Nec in locatione ad triennium, 9. ibi.
Est necessarium in alienanda summa considerabili pecuniæ, 10. ibi.
Non verò in alienatione, quæ fit ex necessitate juris, & regulæ, 12. p. 352.
Beneficium. Beneficiati. Permutare sua auctoritate unū beneficium cum alio est simonia, 17. p. 283.
Resignare beneficium coram Ordinario sub condi-

Rerum maxime notabilium.

ditione, ut detur tertiæ personæ, est simonia, 18. ibi.

Beneficia collativa auctoritate Episcopi exiguntur, 6. p. 381.

Beneficia curata, & simplicia, 5. ibi.

Beneficiatus debet pro celebratione Missæ tribuere alteri elemosynam congruam secundum morem Civitatis, 8. p. 57.

Laici non possunt conferre beneficia Ecclesiastica, 5. 6. & 7. p. 207. & seqq. & 15. p. 383.

Beneficium Clerico debet esse sufficiens pro congrua sustentatione, 24. p. 278.

Beneficia Ecclesiastica non sunt instituta ad sustinendas dignitates seculares, 14. p. 345. & seq.

Beneficiati debent de necessariis suppellectibus providere Ecclesiis beneficiorum, 14. ibi.

Beneficium est jus perpetuum percipiendi redditus Ecclesiasticos, 7. p. 381.

Beneficia possessor malæ fidei tenetur distributiones restituere, 33. p. 348. & seq.

Beneficium datur propter officium, 10. p. 382.

Requirit canonicam institutionem, 13. p. 383.

Bibliotheca. Est locus à Superiore deputatus cum libris, & armariis, 21. p. 111.

Surripientes furto libros ex Bibliothecis Fratrum Min. ligantur excommunicatione reservata Papæ, ibi. p. 112.

Bigamia. Requirit consummationem matrimonii, 13. p. 283.

Bigami sunt irregulares, 12. ibi.

Cum eis Episcopus non dispensat, 15. ibi.

Nec Regulares cum suis subditis, 16. ibi.

Bona. Transeunt ad Ecclesiasticos cum oneribus certis, & invariabilibus, 1. p. 38.

Et cum onere decimarum, si à laicis solvebantur, 2. ibi.

In catasto descripta, dum perveniunt ad Ecclesiasticos, ab onere collectarum eximuntur, 13. p. 41.

Bona privata Clericorum non possunt oneribus laicalibus onerari, 10. p. 40.

Quæ inter immobilia numerentur, 14. p. 352. & seq.

Bona empta ex redditibus Ecclesiæ spectant ad Ecclesiam, 17. p. 345.

Brachium /aculares. Potest invocari à conservatoribus ad exequendas suas sententias, 16. p. 96.

Bulla Cæna. Episcopi non possunt absolvere suos subditos à casibus Bullæ Cæne, 26. p. 312.

Nec Prælati Regulares suos, 24. p. 311.

Parochus debet abere transumptum ipsius, 24. p. 297.

Derogat omnia privilegia sibi contraria, 24. p. 311. & 26. p. 312.

C

Calix. Alienans Calices sine consensu Apostolico, excommunicatur, 19. p. 354.

Notabiliter examinatus perdit consecrationem, 22. pag. 35.

Campana. Regulares possunt Campanas pulsare, Official. Cur. Eccl.

priusquam pulsantur majoris Ecclesiæ, 2. p. 49.

Lei Sabbati Sancti prius pulsare debent campanæ Ecclesiæ majoris, ibi.

Campane non possunt pulsari in Oratoriis privatis, 73. p. 72.

Tempore interdicti pulsantur campanæ ad excitandum populum ad salutandā B.M.V. 10. p. 190.

Et in solemnitate Natalis Domini, & Corporis Christi, 11. ibid.

Et ad vocandos interdictos ad concionem audientiam, 10. ibi.

Canonici. Cathedralis possunt eligi Conservatores Regularium, 2. p. 93.

Non verò Collegiata, 6. p. 94.

Sepeliuntur in Cathedrali, 11. p. 373.

Non possunt substitui, qui servitio Ecclesiæ sunt eodem tempore obstricti, 9. p. 439.

Canonizatio, & Beatificatio. Est de reservatis Romano Pontifici 1. p. 360.

Probandæ sunt virtutes in gradu heroico, & miracula 4. p. 361.

Incorruptibilitas, & fragrantia an præbeat indicium sanctitatis, 31. & 32. p. 367. & seq.

Duo miracula sufficiunt ad beatificationem &c. 33. p. 368.

Capella, & Capellani. Capellæ ad ornatum Ecclesiæ sine dote erigi possunt, 1. p. 46.

Patronus Capellæ tenetur providere de paramentis, 2. ibi.

Arma demonstrant foundationem Capellæ, 5. p. 46. & seqq. & 35. p. 22.

Concessionem Capellarum quoad usum facti fieri debent de consensu capituli, 10. p. 48.

Capellani, & **Beneficiati** debent celebrare in loco electo, 46. p. 62.

Capellaniam collativa, quæ, 6. p. 381.

Capellaniam aliquando exigit, ut Capellanus sit actu; aliquando verò, ut sit aptitudine Sacerdos, 62. p. 69.

Capellani, & **Beneficiati** tenentur applicare Missam pro Fundatoribus, nisi applicatio sit expressè relicta eorum liberati, 69.

Capellani Monialium possunt celebrare Missam de Sancto, de quo Officium à Monialibus recitatur, 64. p. 70.

Capellaniam amovibilis non dat titulum ad Ordines, 2. p. 193.

Capitulum Regulare. Exeunt à loco capituli inter Electores non computantur, 3. p. 305.

Præses capituli non possunt functiones capitulares suspendere, 4. ibi.

Capitula præsumuntur inchoata, dum vocales sunt in Conventu ad electiones deputato, 5. ibi.

Præses non potest privare vocales voce activa, vel passiva, ipsis non citatis 49. p. 127.

Sententiæ per mensem ante capitulum debent pronunciari, 50. ibi.

Apud Observantes Sancti Franc. electio Provincialis debet fieri die sequenti ad Congregat.

- gnationem vocalium, p. 305.
- In eo Ordine possunt Prælati Generales prorogare Capitula ad sex menses ultra triennium, ib. pag. 306.
- Præses, qui præses, non habet votum in electionibus, § 1. p. 128.
- Nec est de substantia electionis, § 4. ib.
- Capla*. In ea reponuntur eleemosynæ Missarum, 34. p. 58.
- Fratribus. Min. de novo prohibita, 45. p. 61.
- Carcer*. Ab indebita carceratione appellatur, 19. p. 24.
- Ad custodiã nimis durus esse non debet, 48. p. 427.
- Cardinales*. Audientes Missam in Oratoriis DD. Cardinaliũ implent præceptũ Ecclesiæ, 75. p. 73.
- Cardinales non possunt extra domum propriæ habitationis in domibus laicis erigere Altare ad celebrandum, 86. p. 76.
- Possunt à Regularibus eligi Conservatores, 4. p. 93. & seq.
- Decedentes Romæ quando sepeliuntur in Ecclesia titulari, 9. p. 372.
- Repræsentant personas SS. Apostolorum, ibid. p. 373.
- Non se ingerunt in visitatione Religiosorum illorum Conventuum, quorum Ecclesias habent in titulum, 35. p. 460.
- Castratus*. Qui sibi virilia amputavit, vel amputari permisit, est irregularis, 19. p. 284.
- Casitas*. Non ferro, sed Religione quæritur, 19. p. 284.
- Casu reservati*. Atrociora crimina reservantur, 15. p. 7.
- Reservatione inferioris Sacerdotis jurisdictione restringitur, 1. p. 5.
- Ab eis Regularis sine licentia non absolvitur, 3. ibi.
- Indiculus sex casuum reservatorum Sedi Apostolicæ, 7. p. 6.
- In articulo mortis nulla est reservatio, 8. ibi.
- Absolventes à casibus reservatis sine facultate excommunicantur, & aliis pœnis reservatis ligantur 13. p. 7.
- Prælati Regulares possunt certos casus sibi reservare, 39. p. 314.
- Facultas ordinaria absolvendi ab illis non est in Superiore locati, 40. p. 315.
- Nonnulli Confessarii deputantur à Prælati in Conventibus pro absolutione à reservatis, ibi.
- Causa*. In qua Episcopus personam Regularis prævenit, eam persequitur, & ad 4. p. 450.
- Causidici*. Criminales sunt irregulares, 7. p. 282.
- Cæcus*. Est ad Prælaturas ineligibilis, 8. p. 306.
- Censura*. Trahit secum executionem, 15. p. 18. & seq.
- Cessatio à divinis non est censura, 16. p. 193.
- Ignorantia excusat à censura, nisi sit crassa, vel affectata, 10. & 11. p. 320.
- Ligatus censura exercens actum Ordinis Sacri est irregularis, 21. p. 284.
- Census*. Vitalitius non computatur inter bona immobilia, 11. p. 352.
- Chirurgia*. Exercentem Chirurgiæ est irregularis, 40. p. 287.
- Chrisma*. In benedictione Pixidis non adhibetur, 18. p. 35. & seq.
- Chronica*. Probandi jussu patronus, 36. p. 201.
- Faciunt fidem, 37. p. 369.
- Cippi Fratribus Minoribus prohibitis, 22. p. 112. & 10. p. 442.
- Citatio*. Potest fieri ad domum, 23. p. 169.
- Citatio testis absentis, 14. p. 421.
- Clausura*. Regularis extra claustrum degens, & delinquens, puniuntur à Ordinario, 20. p. 454.
- Intra claustrum degens, sed extra cum scandalo populi delinquens, corrigitur à suo Superiore, Episcopo instanti, 21. p. 455.
- Clausula*. Decreti irritantis annullat actum factum contra ejus tenorem, 2. p. 2.
- Dummodò in Ecclesiâ septem Missæ celebrentur, & de ejus effectu, 1. p. 13.
- Ad septennium, importat tempus ordinationum concessionalis, 2. ibi.
- Vsq. ad beneplacitum, operatur, ut gratia mortem concedentis expiret, 13. p. 28.
- Intra breve tempus moraliter, quantum temporis importet, 47. p. 62.
- Ad Episcopum, qui nomine Sac. Congreg. Missas reducat, operatur, ut Vicarius Generalis non possit eas moderari, 50. p. 65.
- Sensus clausulæ, *In tua vel familia p. a sentia*, 74. pag. 73.
- Clausula, *Capta informatione extrajudiciali, &c.* non operatur, ut sint omittenda necessaria ad iudicium 11. p. 95. & 16. p. 110.
- Clausula*. Quibus eligitur industria personæ, 25. p. 248.
- Clausula, *Arbitrio tuo*, intelligitur de arbitrio ratione regulato, 18. ibi. & 15. p. 276.
- Clausula, *Dummodò Sacris Canonibus &c.* quid importet, 30. p. 249.
- Sensus clausulæ, *Magistro in Theologia*, 34. p. 250.
- Clausula, *Reservato assensu Sedis Apostolicæ, nec aliter, nec alio modo*, nō liberat à pœnis, 17. p. 353.
- De licentia tamen Superiorum*, intelligitur de licentia Generalis & Provincialis, 30. p. 279.
- Si hares gravatus sine filiis decesserit*, non excluditur substitutus fideicommissarius à filiis naturalibus, 38. p. 414.
- Clausura*. Episcopus ad custodiendam clausuram Monialium potest uti censuris, 6. p. 11.
- Visitat clausuram exemptarum, etiam sine assensu Superiorum Regularium, 9. ibi. & 1. p. 77. & 7. p. 79.
- Generalis, vel Provincialis semel tantum in anno ingrediuntur clausuram, causa visitationis localis, 2. p. 77.
- Urgente necessitate ingrediendi pluries in anno, est necessaria licentia Ordinarii, §. 2. ibi.

Rerum maxime notabilium.

Superior Regularis debet per se ipsum interio-
rem clausuram visitare §. 3. ib.
Visitatio est absolvenda ante occasum Solis, ib.
Non potest visitator in Monasterio sumere re-
fectionem, §. 4. p. 78.
Generalis potest secum duos socios assumere, 3.
§. 5. ib.
Visitatio personalis Monialium fit extra clausu-
ram §. 8. ib.
Episcopus imponere potest excommunicationem
circa aperitionem ostii clausuræ, 8. p. 79.
Episcopus in visitatione clausuræ non licet quos-
cumque indeterminatè secum ducere, 12. ad 5.
ib. & 31. p. 459.
Moniales non tenentur excipere Episcopum cum
Cruce, & Cantico Benedictus, 12. ad 6. & 7. p. 80.
Habentes licentias ingrediendi clausuram, eis uti
non possunt, nisi in casibus necessariis, 14. ib.
Monialis ascendens supra tectum Monasterii
violat clausuram, 17. p. 81.
Licentiæ ad ingrediendū clausuram Monialium
non exequuntur absque ipsarum causa, 18. ib.
Nomine clausuræ veniunt dormitoria, claustra,
& officinæ, 20. ib.
Introducentes pueros, & puellas in Monaste-
riorum clausuram, sunt excommunicati, 22. p.
256. & seqq.
Monialis ponens se toto corpore extra clausu-
ram eam violat, 20. p. 81.
Ingrediens clausuram absque licentiâ, pro abso-
lutione recurrit ad S. Penitentiam, 15. p. 81.
Clericus. Probat litteris, & testibus, 14. p. 154.
Clericus. Non potest se obligare ad collectas, 16.
p. 42.
Bonæ famæ potest pernoctare ultra triduum in
Conventibus Minor de Obser. 21. p. 105.
Conveniendus est coram proprio Episcopo, 3. p. 152.
Beneficiatus convenitur pro beneficio coram
Episcopo loci beneficii, 4. p. 152.
Primæ tonsuræ habitum, & tonsuram non de-
ferens privatur eo ipso beneficio Ecclesiastico,
9. p. 153.
Repertus cum armis est exemptus à potestate
laica, 15. p. 155.
In causa propria potest esse accusator, cum prote-
statione, quod non intendit sanguinè, 9. p. 283.
Potest in bellis Sacramenta ministrare, 36. p. 286.
Quando perdat privilegium Clericale, 7. p. 318.
Prius est esse Clericum, quam beneficiatum, 14.
p. 383.
Concilium. Intervit ad explicandum testamen-
tum, 1. p. 418.
Fieri potest viva voce, 2. ib.
Etiā à decedente intestato, 3. ib.
Clautula codicillaris, Si hac mea dispositio non
valet, &c. 5. ib.
Illæ, Valeat omni meliori modo, in fine testamen-
ti habet omni Codicillaris, 6. ib.
Collecta. Non descendunt ad Ecclesiasticos cum

bonis de novo acquisitis, 6. pag. 39. & 11. p.
40.
Non solvuntur pro fructibus, 19. p. 43.
Collecta est onus principaliter impositum per-
sonis cum respectu ad res, 12. p. 41.
Clerici non possunt se obligare ad solvendas col-
lectas, 16. p. 42.
Coloni. Ecclesiasticorum sunt exempti ab oneri-
bus laicalibus, 18. p. 43.
Nisi habeant bona propria, 20. p. 44.
Coloni agrorum mense Episcopalis gaudent pri-
vi legio fori, 21. ib.
Color. Paramenterum non potest ad libitum va-
riari, 9. p. 151.
Commissarius. Delegatus ad universitatem cau-
sarum ceteros præcedit, 24. p. 422.
Commissio. Facta dignitati transit ad successores,
20. p. 246.
Commodum. Pacifici de commodo electionis est
simonia, 22. p. 396.
Communicatio privilegiorum. Non extenditur ad
officia Sanctorum, 13. p. 149.
Ex sola privilegiorum communicatione non ad-
ditur Litanis, & Confiteor nomen Fundato-
ris, 14. ad 3. p. 150.
Non suffragatur quoad privilegia revocata, 14.
p. 191. 8. p. 275.
Concilium. Decreta Concilii Generalis non sunt
infallibilia, antequam à Papa confirmentur, 3.
& 4. p. 213.
Judicium Episcoporum in Conciliis non est ul-
timò decisivum, 4. ib.
Patres in Conciliis petunt confirmationem à
Romano Pontifice, 6. p. 214.
Decreta Conciliorum, posita confirmatione, di-
cuntur acta Papæ, 5. p. 214.
Concilium Pisanum, 12. p. 216.
Concilium Constantiense, 13. ib.
Concilium Basileense, 16. p. 217.
Tridentinum revocat privilegia sibi contraria,
6. & 8. p. 274.
In Conciliis præservatur autoritas Romani
Pontificis, 3. p. 219. & 7. p. 274.
Concionator. Regulares possunt prædicare in suis
Ecclesiis etiam tempore, quo prædicatur in
Parochiali, sub 14. ad 7. p. 36.
Nequeunt in eis prædicare sine benedictione
Episcopi, & non pro suis egent etiam licentiâ,
1. 2. 5. & 9. p. 82. & 83.
Episcopus potest examinare Concionatores Re-
gulares, 9. ib.
Superiores tenentur in conscientia suos subdi-
tos istituendos Prædicatores examinare, 10.
p. 84.
Concionatores Regulares non acquirunt sibi sti-
pendia Concionum, 12. ib.
A Monialibus urbis accipiunt pro stipendio
duos Julios, si sint capaces, 16. p. 85.
Munus concionandi committitur constitutis

Index

saltem in ordine Diaconatus, 17. ib.
Concubina. Iudex laicus non potest procedere contra concubinam Clerici pro delictis cum eo patrat, 20. p. 157.
Conferentia. Regulares non Parochos nequit Episcopus compellere, ut intersint conferentiæ casuum conscientiar, 21. p. 133.
Confessarius. Electus à privilegiato non potest eum absolvere à reservatis, 9. p. 6.
 Regulares egent approbatione ab Ordinario loci pro confessionibus secularium, 1. p. 25. & 49. ad 9. p. 137.
 Experimentum in examine totius scientiæ moralis probat idoneitatem generaliter, 8. p. 26.
 Electus vigore Bullæ Cruciatæ eget approbatione Ordinarii, 11. p. 27.
 Item electus vigore Jubilæi, 12. p. 28.
 Confessus Regularis approbato satisfacit præcepto de annua confessione, 2. p. 357.
 Regulares tempore Paschali possunt confessiones audire, 10. p. 359.
 Non est simoniacus denegans absolutionem nolenti sibi restituere, 32. p. 387.
 Confessarius Regularis debet Episcopo reddere rationem dispositionis sibi factæ à testatore, 46. p. 415.
 Confessarius sollicitas est denunciandus, 19. p. 133.
Confessarius Monialium. Non ingreditur Clausuram Monasterii, nisi ad ministranda infirmis Sacramentum Pœnitentiæ, Extremam unctionem, & commendandam animam, 4. §. 9. p. 78.
 Non pernoctat propè Monasteria Monialiū, 5. ib.
 Episcopus recognoscit distantiā necessariā inter mansiones Confessoriorū, & Monasteria, 6. p. 78.
 Approbatur ab Ordinario loci, 2. p. 86.
 Approbatus pro uno Monasterio, non censetur approbatus pro omnibus aliis, 4. ib.
 Extraordinarius debet toties ab Episcopo approbati, quoties deputatur, 5. ib.
 Ingreditur Clausuram cum Cotta, Stola, & focio, 19. p. 81.
 Ordinarius est approbandus pro toto tempore deputatōis, 7. p. 87.
 Per triennium solum audit Confessiones in eodem Monasterio, 8. ib.
 Tam ordinarius, quam extraordinarius debet esse ætatis 40. annorum, ib.
 Extraordinarius bis, aut ter in anno est Monialibus offerendus, & de accessu Ordinarii ad Monasterium pro eo tempore, 9. ib.
 Loca deputata ad audiendas confessiones, & ministrandam sacram Communionem, aliis negotiis non debent inservire, ib.
 Confessarius non potest ingredi Clausuram ad peragendum officium funeris, ib.
 Moniales vigore Jubilæi non eligunt Confessorem Sacerdotem non approbatum, 10. p. 88.
 Possunt Episcopi pro suis Monasteriis deputare Confessores Regulares, 12. ib.

Non eligitur à Monialibus Confessarius independenter à suis Superioribus, 11. ib.
Confessionarium. Non visitatur ab Episcopo in Ecclesiis non curatis Regularium, 18. p. 453.
Confraternitas. Forma erigendi Confraternitates, 1. p. 89.
 Confraternitas SS. Sacramenti institui potest in quacunque Ecclesia Parochiali, 3. ib.
 Circa quæ Episcopus possit visitare Confraternitates erectas in Ecclesiis Regularium, 6. p. 90.
 Tenetur providere Altaria de necessariis, 6. ib.
 Cordigerorum Confraternitas erigitur à Conventualibus in suis Ecclesiis, 7. ib.
 Vbi ipsi non sunt, eam erigunt PP. Min. de Observ. 8. p. 91.
Consilium. Sibi nullus dat, 71. p. 431.
Consensus. Regularium præstandus est capitulariter, 10. p. 101.
 Differentia inter requirere consilium, & consensum, 17. p. 111.
Conservatores. Qualitates eligendorum in conservatores, 2. p. 93.
 Possunt conservatores eligi non iudices, & quando, 7. p. 94.
 Conservatores tenentur documentum exhibere electionis in Curia Episcopali, 8. ib. & 46. ad 6. p. 136. & 53. ad 3. p. 138.
 Per quinquennium durant, 9. p. 94.
 Possunt procedere, etiam quando Regulares sunt actores, 10. ib.
 Cognoscunt de manifestis, 11. p. 95.
 Non procedunt criminaliter, sed civiliter, 15. p. 96.
 Possunt uti censuris, 16. ib.
 Sed non contra Episcopos, 17. ib.
 Debent uti Notario Curie Episcopalis, 18. ib.
 In quibus non sint exempti ab iurisdictione Ordinarii, 19. ib. & seq. p. 97.
 Procedunt etiam quoad bona existentia extra diocesim, 20. p. 97.
 Et contra arrestates animalia Regularium, 21. ib.
 Guardiani non possunt eligere Conservatores, 23. ib.
 Conservatores impediti possunt alium subdelegare, 24. p. 98.
 Excedentes limites sui officii per annum suspenduntur, 22. p. 97.
Constitutio. Contra Constitutiones Papales non allegatur non usus, 9. p. 153.
Consuetudo. Ecclesiæ præjudicialis est corruptela, 5. p. 351.
 Per quam libertas eligendi tollitur, non valet, 23. p. 311.
Contractus. Alienationis bonorum Ecclesiæ absque Beneplacito Apostolico est nullus, 1. pag. 349. & 13. p. 352.
 Etiam si sit conditionalis, Si Papa consenserit, 17. p. 353.
 Contractus simoniaci nulliter celebrantur, 44. p. 390. 40. & 41. p. 399.

Rerum maximè notabilium.

Conventus. Recuperans exemptionem non visitatur ab ordinario, 8. ad 1. p. 450.
De novo recipiuntur, si in eis duodecim Religiosi sustentari possint, 24. p. 53. & 2. p. 99.
An Conventus suppressus, & postea restitutus redeat ad primæva jura, 9. p. 450.
Nunquam suppressus, in quo sunt plures, quàm sex Religiosi, non est de jurisdictione Ordinarii, 4. p. 447.
Conventus fundantur sine præjudicio aliorum Regularium, & jurium Parochialium, 2. p. 99. & 6. p. 100.
Regulares non possunt se opponere translationi Conventus, 9. p. 101.
In receptione Conventus Religionis suppressæ audiendi sunt Regulares præexistētes, 23. p. 105.
Loca, in quibus unus, vel duo Religiosi commorantur, non gaudent privilegio Conventuum, 55. ad 15. p. 137.
In Conventibus de sua jurisdictione Episcopus non potest Superiores deputare, 4. ad 1. p. 448.
Correctio. Moderata gignit amorem, 42. p. 315.
An in causis correctionis morum detur appellatio, 18. p. 24. & 3. p. 436.
Percussio titulo correctionis facta non inducit censuram Canonis, 9. p. 318.
Crux. In associatione cadaverum una sola Crux defertur, 9. p. 143.
Capitulum Cathedralis potest ingredi Ecclesias Regularium, & Cruce erecta, 11. p. 144.
Reformati, & Discalceati S. Francisci incedunt sub Cruce Min. de Obser. 5. p. 300.
Cultus. Publicus non adhibendus absque auctoritate Pontificis, 1. p. 360.
Beneficiati, Sacerdotes, & Concionatores debent primario intendere cultum Divinum, non stipendia, 47. p. 390.
Curia. Stylus Curie facit jus, 32. p. 280.
Custodia. Negligens in custodia Eucharistiæ suspenditur ab officio, 3. p. 437.

D

Decima. Regulares solvunt decimas Parochis pro bonis illis gravatis, 2. p. 38.
Moniales tenentur ad decimas, 3. p. 39.
Non verò Mendicantes non possidentes, 4. ib.
Declarationes. Sac. Congr. Conc. habent vim legis generalis, 9. p. 341.
Defensiones. Legitimæ sæpe sunt salvæ, 49. p. 127.
Reo ante torturam conceduntur, 70. p. 431.
Et ante sententiam, 74. p. 432.
Definitor. Habet jurisdictionem ordinatam ad munera spiritualia, 2. p. 392.
Delictum. Occulto publico facto, Ecclesia habetur pro polluta, 7. p. 31.
Unum nocens delinquenti, & aliud communitati, 15. p. 172.
Facti permanentis relinquit post se vestigium, *Official. Cur. Eccl.*

47. p. 426.
Democratia. In Democratia suprema potestas regendi est penes Nobiles, & plebejos, 11. p. 223.
Denunciator. Jurat de veritate dicenda, 41. p. 425.
Non probans punitur poena extraordinaria, 43. & 44. p. 426.
Denunciatio. Datur judici in scriptis cum expressione loci, delicti, delinquentis, 40. p. 425.
Dioecesis. A Pontifice assignantur dioeceses Episcopis, 8. p. 215.
Episcopi visitare debent proprias dioeceses, 1. p. 435.
Non habent facultatem in personas nullius dioecesis, 13. p. 452.
Dies festi. A Regularibus in suis Ecclesiis cum jejuniis annunciantur, 24. ad 1. p. 36.
Regulares debent servare festa ab Ordinariis præcepta, 1. p. 146.
Diebus festis de licentia Episcopi nonnulla sunt ob necessitatem, 4. p. 147.
Ecclesia noviter erecta eadem die non celebrat festum, quod celebrat antiquior in loco, 6. ib.
In festo S. Joseph, occurrente feria v. in Cœna Domini, celebrantur plures Missæ, 10. p. 148.
Sacerdotes seculares in festis Regularium se conformant parametis, & ritui, quibus utuntur Fratres, 15. ad 1. p. 150.
Idem de Regularibus celebrantibus in Ecclesiis secularibus, ad 2. 3. & 4. ib.
Dignitas. Ecclesiastica est præminetia in gradu cum jurisdictione, 3. p. 93.
Personatus est præminetia sine jurisdictione, ib.
Archidiaconus, & Archipresbyter sunt constituti in dignitate Ecclesiastica, ib.
Illa Romani Pontificis est suprema in Orbe, 8. p. 215.
Dignitas non moritur, 20. p. 246.
Dimissoria. A Regularibus conceduntur subditis ad Episcopum dioecesanum, 2. p. 273.
Ordinatus absque illis est suspensus, 10. p. 275 & 17. p. 277.
An debeant concedi à Ministro originis, vel domicilii, 22. ib.
Dispensatio. Ordinati ante ætatem, & abq; indulto extra tempora, egent dispensatione, 32. p. 280.
Episcopus dispensat cum ordinato sine dimissoriis, ib.
Et cum promotore per saltum, si non ministraverit, ib.
Non dispensat cum bigamis, 15. p. 283.
Nec Regularis cum suis subditis, ib.
Papa dispensat super irregularitate proveniente ex defectu membrorum, 20. p. 284.
Episcopus dispensat in irregularitate proveniente ex delicto occulto, nisi proveniat ex homicidio voluntario, & delictum sit deductum ad forum contentiosum, 42. p. 287.
Non dispensat, nec abolvit in casibus post Concilium Sedi Apostolicæ reservatis, ib.

Index

Dispensat super irregularitate proveniente ex mutilatione, 45. ib.

Distributiones. Dantur pro rata servitii, 20. p. 346.

Absentes cum causa ab jure canonizata eas lucrantur, 24. & seqq. p. 347.

Domicilium. Natura domicilii ad effectum suscipiendi Ordines, 26. p. 278.

Dominium. Rerum Fratibus Minorum relictarum est apud Sedem Apostolicam, 31. & 34. p. 113. & 114.

Etiā illud pecuniarum, quæ sunt apud Syndicum, 32. ib.

Beneficiati sunt domini reddituum beneficiorum, 2. p. 342.

Donatio. Facta à Patre Monasterio, in quo eius filius est Novitius, non valet, 28. p. 270.

Vt valida sit, facta à Novitio, debet esse infra duos menses ante professionem de licentia Episcopi, 23. p. 269.

Dotes. Dotans competenter Ecclesiam jam fundatam acquirit jus patronatus, 8. p. 196.

Non verò ex parvo augmento dotis, 11. ib.

Ecclesiæ sine dote non debent consecrari, 1. p. 46. & 7. p. 196.

E

Ecclesia. Non ædificatur, nisi Episcopus locum assignet, & primum lapidem ponat, 5. pag. 3.

Debent haberi necessaria pro luminibus, & stipendiis Ministrorum, 5. ib. & 1. p. 46.

Consecratur ab Episcopo loci, aut ab alio de illius licentia, 7. p. 31.

Ædificatio Ecclesiæ pro sola celebratione Missæ impediri non debet, 5. ib.

Sæpè onus reparandi Ecclesiam transit ad Rectorem, 4. p. 46.

Ecclesiastici. Sæpè tenentur observare, quæ leges civiles præscribunt, sed non ex vi legum civilium, 28. p. 159.

Non tenentur contribuere pro taxa imposita à laicis, 31. ib.

Inter Ecclesiasticos, & laicos onera Reipublicæ compensantur, 32. ib.

Non ligantur ad poenam taxatam à Principe pro damnis illatis ab animalibus, 32. ib.

Possunt vendere res ex suis fundis collectas, etiam ad minutum, 11. p. 259.

Nec de indirecto possunt gravari oneribus laicorum, 22. p. 261.

Electi in Syndicos non eximuntur à jurisdictione Ordinarii, 9. p. 403.

Edictum. Episcopi prohibens allocutionem, & ingressum in clausuram, quando extendatur ad Monasteria exempta, 10. p. 11.

Laicorum nec indirectè debent præjudicare immunitati Ecclesiasticæ, 22. p. 261.

Electio. Non valet appellatio, ut non fiat electio, sed ut non fiat, nisi Canonica, 4. p. 21.

Superiores non possunt electionem ad aliquos coactare, 2. p. 117.

Alternativæ non valent, nisi sint à Sede Apostolica approbata, ib.

Electio indigni est ipso jure nulla, 3. p. 118. & 2. p. 304.

Manifestare suum votum infraudem electionis, eam non irritat, 13. p. 120.

Contempti possunt instare, ut electio irritetur, 15. ib.

Exeuntes à loco Capituli non computantur in numero electorum, 17. p. 121. & 3. p. 305.

Vota debent esse determinata, 18. p. 121.

Schedula alba in urna non invalidat electionem, ibi.

Suffragaturi in electionibus debent esse in sacris constituti, 20. ib.

Electio canonica debet esse à majori parte capituli, 21. p. 122.

Ante electiones præmittuntur tractatus consultorii super qualitatibus eligendorum, 43. p. 125.

Electus ante confirmationem non potest administrare, 55. p. 129.

Electio confirmatur ab immediato Superiore, ib.

Facta post lapsum terminum præfixum est nulla, 56. ib.

Absolutio, quæ electionibus præmittitur, est cum reincidentia, 59. p. 130.

Electores, qui suffragati sunt in capitulo non eorum culpa nullo, suffragantur in nova electione, 61. ib.

In dubio, an Electori competat votum, admittitur cum protestatione, ib.

Promittere, vel recipere pro electione aliquod pretio æstimabile, est simonia, 1. p. 392.

Electio est annexa rei spirituali, 12. p. 394.

Elemosyna. Ex integro alteri tradenda est, cui celebratio ab alio Sacerdote committitur, 14. p. 52. 29. ad 10. p. 57.

Nova potest recipi, quādo oneribus susceptis potest intra modicum tēpus satisfieri, 29. ad 11. ib.

Non potest recipi ab obligatis ad celebrandum ratione beneficii, &c. ad 4. p. 56.

Ecclesiæ habentes redditus, nihil ex elemosynis Missarum sibi retinere possunt ratione expensarum, ad 7. ib.

Episcopus. Concedit licentiam alloquendi Moniales, 5. p. 10.

Potest excommunicationem imponere contra accedentes ad Monasteria Monialium, 6. p. 11.

Ex causa iterum examinat Regulares simpliciter approbatos in examine riguroso, 9. p. 27.

Successor potest examinare approbatos à Prædecessore, 9. p. 27.

Potest Ecclesias dirutas in prophanos usus, non tamen sordidos, convertere, 21. p. 35.

Missas reducit, præservat ei facultate in erectione beneficii, 29. ad 1. p. 56.

Numerum Missarum celebrandarum præscribit, cum.

Rerum maximè notabilium.

cum id tribuēs elemosynam non fecit, ib. ad 2
Non compellit Regulares ad ostendendos libros, in quibus adnotantur celebrationes Missarum, 49. p. 64.
Potest visitare Oratorià privata, 73. p. 72. 77. p. 73.
Extra domum propriæ habitationis non erigit Altare ad celebrandum, 86. p. 76.
Non potest absolvere Moniales delinquentes etiam secretò circa clausuram, 21. p. 81. & seq.
In visitatione clausuræ secum non assumit laicos, 31. p. 459.
Potest à Regularibus eligi conservator, 4. p. 93. & seqq.
In Ecclesiis Regularium non curatis non exercet functiones Pontificales habentes annexam jurisdictionem, 30. p. 134.
Potest censuris procedere adversus Regulares in casibus, in quibus ei per Trident. & Constitutiones Apostolicas conceditur, 37. p. 135. & 62. p. 138.
Aliàs non, 24. p. 456.
Potest denunciare Regularem aliàs excommunicatum, 38. p. 135.
Sumit summariam informationē de delicto commisso à Regulari extra claustra, 22. p. 455. & seqq.
Cogit heredes ad implendam voluntatem testatoris, 44. p. 415.
In testamentis prophanis potest in subsidium se interponere, 51. p. 416.
In materia immunitatis non potest allegari suspectus, 19. p. 56.
Non visitat Confessionaria in Ecclesiis non curatis Regularium, 18. p. 43. & 19. p. 453.
Potest coadjuvare proclamata Principū, 30. p. 159.
Judicat, an quis commiserit crimen, propter quod ei immunitas non suffragatur, 3. p. 164.
Non concedit facultatem recognoscendi corpus delicti in Ecclesiis, 21. p. 168.
Visitat Ecclesias exemptas sæculares, 10. p. 451.
Non verò Regulares, nisi eis imminet cura animarum, ibi.
Nec si sunt nullius diocesis, 12. ibi.
Purificat legata modo illicito facta, 21. p. 235.
Procedit aliquando ut Ordinarius, sæpè ut Delegatus, 20. p. 246.
Episcopi sunt protectores pauperum, & Monasteriorum, 8. p. 340.
Et subrogati loco S. Apostolorum, 37. p. 461.
Non possunt recipere resignationes beneficiorum sub conditione, ut dentur tertiæ personæ, 18. p. 383.
Nec aliquid accipere in permutatione beneficiorum, concessione licentiarum audiendi Confessiones, quæstionandi, sepeliendi cadavera, &c. 48. p. 390.
Non concedit licentiam celebrandi bis in die, 27. p. 458.
Episcopa. Anonimæ non creditur, 38. p. 424.
Enciclica favore Mendicantium non possidentium. 23. p. 45.

Eques. Etiam Sancti Lazari, Stephani, & Calatravæ, gaudent privilegio fori, 35. p. 160.
Error. Communis non sufficit, ut gesta ab aliquo valeant, 13. p. 245.
Eucharistia. Non potest fidelibus ministrari in Missa in nocte Nativitatis Domini, 65. p. 70.
Nec in Missis de Requiem, 68. ibi.
Tempore expositionis SS. Sacramenti non celebrantur Missæ de Requiem, 67. ibid.
Fidelibus non præbentur plures particulæ, 68. ibi.
SS. Sacramentum publicè non exponitur à Regularibus absque licentia Episcopi, 28. p. 134.
Tempus præfixum ad implendum præceptum Communionis Paschalis, 1. p. 357.
In die Paschæ nequeunt Regulares ministrare in suis Ecclesiis, sæcularibus Eucharistiam, 11. p. 359.
Apud Regulares asservatur in Altari majori, 3. p. 441.
Quolibet octavo die renovatur, 3. p. 437.
Episcopus non visitat locum, in quo in Ecclesiis Regularium non curatis asservatur SS. Sacramentum, 18. p. 453.
Excommunicatio. A reservata non absoluit, nisi excommunicator aut alius de ejus licentia, 4. p. 5.
Sacerdos excommunicatus denunciatus, nec in articulo mortis potest absolvere, 19. p. 8.
Vinculum excommunicationis est à potestate clavium tollendum, 11. p. 23.
Regulares contrafacientes Constitut. Felici, Alex. VII. incurrunt excommunicationem ipso facto, 6. S. 12. p. 78.
Excommunicatio Bullæ Cœnæ adversus Ecclesiasticos admittentes laicos ad eligendū, 32. p. 123.
Excommunicatio major annullat electionem faciendam, 11. & 12. p. 307. & seqq.
Et imposita sub pœna absque addito non incurritur ipso facto, 25. p. 270.
Major privat majoribus bonis, quàm minor, 17. pag. 192.
In integram communitatem non fertur, ibi.
Examen. Qualitas examinis rigorosi pro approbatione ad Confessiones, 8. p. 26.
Examen per concursum requiritur in collatione Parochialis, 6. p. 290.
Quoad Regulares sufficit solum examen, 7. p. 291.
Presentati. A laicis examinantur, 22. p. 199.
Exempti. Nonnulli casus, in quibus Regulares sunt de jurisdictione Episcopi, 2. ad 34. p. 131.
In mandato generali non comprehenduntur exempti, 2. p. 446.
Regulares exemptionis limites non debent excedere, 40. p. 462.
Ipsi Episcopi privilegia non revocata servant, 39. p. 461.
Circa Episcopos jure reverentiali Regulares tenentur, ibi.
Regulares sunt specialiter exprimendi, 49. p. 64.
Exempti non possunt renunciare privilegio exemptionis, 3. p. 447.

Exequia. Quoad tempus humationis cadaverum est servanda Synodus, 1. ad 1. p. 140.
 Cadavera sepelienda apud Regulares non prius deferuntur ad Parochiam, ad 3. ibi.
 Regulares non congruntur ad associanda cadavera sepelienda in suis Ecclesiis, ad 4. ibi.
 Parochus tenetur associare cadavera sepelienda apud Regulares, ad 5. ibi.
 Eo recusante intervenire, possunt Regulares ea deferre ad suas Ecclesias, 6. ibi. & num. 13.
 Non potest Parochus unius diocesis propter transitum per suam Parochiam occasione deferendi ab alia diocesi cadaver sepeliendum apud Regulares aliquid prætere 2. ibi.
 Parochus proprius defuncti transeundo per Parochiam alterius diversæ etiam diocesis transit cum Stola, & Cruce elevata, ibi.
 Ad associanda cadavera sepelienda apud Regulares nō sunt vocandi omnes de Capitulo, 3. ad 1. p. 141.
 Non facit officium in Ecclesiis Regularibus, 5. ibi.
 Non exigit majorem eleemosynam ab exteris tumultuandis apud eisdem, quā à civibus, ibi. ad 3. p. 141. 8. p. 372.
 Non compellit heredes defunctorum ut tot Clericos seculares vocent, quot Regulares, 4. ibi. & num. 13. ad 9. 145.
 Differentia candelarum distribuendarum associantibus cadaver pendet ab arbitrio heredum, 4. p. 141. & 13. ad 3. p. 144.
 Parochi majorem eleemosynam non exigunt ab heredibus defunctorum sepeliendorum apud Regulares, 6. p. 142.
 Regulares non possunt sine consensu Parochi deferre per Parochiam Religiosum in Conventu defunctum, 7. p. 143.
 Defuncti extra Conventum possunt de nocte ad ipsum deferri, etiam inconsulto Parocho, ibi.
 Ad Parochum spectat declarare viam, per quam deferatur cadaver 8. ibi.
 Capitulum non potest intervenire funeribus, invitis heredibus, nec ad suum arbitrium taxas facere 10. ibi.
 Capitulum Cathedralis potest ingredi Ecclesias Regularium cum Cruce elevata, & assistere usque ad humationem cadaveris cum Cappa, & Rocchetto, erecta tamen sola Cruce Ecclesiæ tumultantis, 11. p. 144.
 Confraternitates in associatione cadaverum non deferunt propriam Crucem, 12. ad 1. & 2. ibi.
 Parochus non cogit heredes, ut imponant singulis Sacerdotibus secularibus associantibus cadaver, quod Missas celebrent, ibi. ad 9. p. 145.
 Neque exigit, ut in Ecclesia Parochiali faciant omnes functiones, quæ sunt apud Regulares occasione funerum, ad 7. ibi.
 Neque impedit, ne tempore debito cadavera deferantur ad sepeliendum apud Regulares, ad 5. pag. 144.
 Vide *V. Crux*, *Quarta*, *Sepultura* & *Stola*.

F

F Alcidia. Non deducitur, nisi solutis debitis, legatis piis, & expensis fueris, 16. p. 411.
Factiones. Irritant electiones, 42. p. 125.
Familia. Religiosorum in Conventibus ponenda ad ratam elemosynarum, & reddituum, 21. p. 53.
 Poenæ ipsam augmentum, 23. ibi.
 In Conventibus de novo fundandis debet esse numerus 12. Religiosorum, 24. ibi.
 In suppressis, vel non suppressis sex, 4. pag. 447. & 7. p. 450.
 Impleto numero sex Religiosorum recuperatur exemptio, ibi. ad 17. & ibi. ad 3.
Familiares. Cardinalium, Episcoporum, &c. gaudent privilegio fori, 34. p. 160.
 An Episcopus possit suos familiares ordinare, 27. p. 279.
Fautores. Ad eos recurrere est Regularibus prohibitum, 20. p. 309. & 310.
 Ac recipere etiam sponte oblatos, ibi.
Fideicommissum. Relinquitur non modò verbis imperativis, sed etiam precativis, 34. p. 413.
Filius. Illegitimus excluditur ab hæreditate, 38. p. 414.
 Ei debentur necessaria ad vitam, ibi.
Fiscus. Non est hæres bonorum Clerici morientis intestati, & sine hærede, 57. p. 417.
 Patres Advocati Fiscalis, 48. p. 427.
Fons baptismalis. Potest ab Episcopo erigi in Ecclesiis sub Plebania, 3. p. 288. & seqq.
Formula. Appellandi à definitiva, 4. p. 21. 83. p. 433. & seqq.
 Attestationis exhibendæ circa implementum onerum Missarum 70. p. 71.
 Juramenti præstandi ante electionem, 48. p. 126.
 Citandi violatores immunitatis Ecclesiasticæ, 23. p. 169.
 Protestationis præmittendæ à Fratr. Minor. de Obser. occasione legatorum cum, vel sine onere, 37. p. 241.
 Creandi Notarios per Regulares, 35. p. 314.
 Citandi testem absentem, 15. p. 421.
Forum. Advenæ, peregrini, & scholares fortuantur forum poenitentiale in loco in quo sunt, 16. pag. 28.
 Modi, quibus quis forum fortitur, 4. p. 152.
 Bona patrimonialia Clericorum mutant forum, 10. p. 40.
Frates Capuccini. Habent in suis Ecclesiis Indulgentiam Portiunculæ die 2. Augusti, 14. p. 183.
 Non conferunt habitum Mulieribus de tertio Oreine, 10. p. 406.
Frates Conventuales. Habent Indulgentiam Portiunculæ in suis Ecclesiis, 14. p. 183.
 Conferunt habitum iis de tertio Ordine, 12. p. 406.

Rerum maximè notabilium.

Fratres Minores. Non possunt ad Tribunalia Sæcularia appellare, 20. p. 20.
Superiores ipsorum non consecrant suas Ecclesias nec eas benedicunt, 13. p. 33.
Etiam simplices Sacerdotes deputati à Capitulo Generali benedicunt ornamenta Ecclesiastica pro suo usu, 14. p. 34.
Sunt exempti à gabella molituræ, carnis, vini, fœni, & paleæ, 22. p. 44.
Litteræ Congreg. Oeconomicæ super exemptione ipsorum ab oneribus, & gabellis, 23. p. 45.
Bona stabilia, nec redditus habent, 24. p. 45.
Sunt incapaces legatorum cum onere Missarum, nisi præstationes sint ab hæredibus faciendæ, 9. p. 47. & seq.
Nequeunt retinere capsulas pro aservandis elemosynis Missarum, 45. p. 61. & 22. p. 112.
Non possunt recipere stipendia concionum, 13. pag. 48.
Concionatores instituuntur etiam in Capitulis Provincialibus, 10. p. 84.
Ipsorum vestitus, 2. p. 106. & 5. §. 2. p. 107.
Nequeunt politicè pecunias contrectare, 7. §. 4. pag. 108.
Sunt ineligibiles non observantes vitam communem, 11. §. 8. p. 108.
Electio aliàs facta est irritanda à Generali, 12. §. 9. & 14. ibi.
Non possunt habere agros, & domos, 18. p. 111.
Benè verò horros moderatos, ibi.
Non vineas, ibi.
Promoti ad Episcopatum bona Religionis secum non deferunt, 38. p. 461.
Visitatorum jurisdictio tribus mensibus durat, 7. p. 420.
Non possunt esse executores testamentorum, 20. pag. 111.
Nec administratores bonorum, 13. p. 108.
Possunt habere bibliothecas, 21. p. 111.
Nequeunt facere quæstus pecuniarum, 22. p. 112.
Possunt aservare victualia, 22. p. 112.
Ubi de Syndico Apostolico, 23. ibi.
Non possunt vendere, & emere in sensu proprio, 46. p. 115.
Nec in fundatione Conventus exigere, vel pacisci de annua præstatione, 47. p. 116.
Præsidentes, & Provincialis aliquando habent decisivum, 51. p. 128.
Nonnullæ electiones apud eos fiunt per ballottationem, & aliæ per schedulas, 52. ibi.
Provincialis eligi debet die sequenti ad congregationem vocalium, 56. p. 129. & 6. p. 306.
Idem de Congregationibus intermediis ibi.
Non possunt expellere sæculares confugientes ad eorum Conventus ad effectum gaudendi immunitate, 27. p. 170.
Habent privilegium celebrandi solemni ritu suas festivitates tempore interdicti, 13. p. 190. & seq.
In Indiis Occidentalibus possunt extra tempora

promoveri, 4. p. 274.
Reformati, & Discalceati S. Francisci sunt ejusdem Ordinis cum Observantibus, 7. p. 301.
Generalis potest prorogare Capitulum Provinciale ad sex menses ultra triennium, 7. p. 306.
Reges fidei relictas possunt alienare sine assensu Apostolico, 12. p. 352.
Non commodant sacra suppellectilia, nisi de consensu Capituli, 29. p. 356.
Abusus Fratrum circa sacra suppellectilia, 28. pag. 238.
Non possunt alienare ornamenta Ecclesiastica, ibi.
Nec hæredes institui, 29. ibi.
Nec sunt capaces legati universalis, 31. p. 239.
Non possunt habere stabilia, 35. p. 240.
Vicarii Provinciales possunt ad Professionem admittere, 4. p. 328.
Habent in suis Ecclesiis Indulgentiam Portiunculæ applicabilem etiam per modum suffragii, 7. p. 181.
Secretarii à Visitatoribus assumendi graves, 23. p. 422.
Procurator, & Commissarius Curie eliguntur per ballotationes de sexennio in sexennium, 1. p. 400.
Conferunt habitum iis de tertio Ordine, 12. p. 406.
Practica definitorii pro voto torturæ, 71. p. 431.
Sententiæ originales conservantur in libro deputato, 80. p. 433.
Processus ultra semestrem non aservant, ibi.
Fratres Predicatores. Confraternitates Rosarii erigit Magister Generalis ipsorum per se, vel per alios, 10. p. 91.
Fratres de tertio Ordine. Habent in suis Ecclesiis Indulgentiam Portiunculæ, 14. p. 138.
Conferunt habitum de tertio Ordine, 10. p. 406.
Frans. Super fraudibus ab Ecclesiasticis commissis cognoscit Judex Ecclesiasticus, 18. p. 260.
Per conjecturas probatur, 16. p. 394.
Fructus. Ecclesiæ vacantis reservantur Prælati successoribus, 3. p. 207.
Usurpantes fructus, & bona Ecclesiæ excommunicantur, 4. ibi.
Fructus rei alienatæ absque solemnitate restituantur, 21. p. 354.
Beneficiorum a Collatore vendi non possunt, 12. p. 382. & seq.
Post litem contestationem computantur in Trebellianicam, 36. p. 413.
Functiones. Parochiales ab iuribus merè Parochialibus distinguuntur, 17. p. 294.
Ex illis nonnullæ admittunt cumulativam etiam cum Regularibus, 18. ibi.
Capitulares quales 6. p. 305.
Furnus. Eum habere possunt Ecclesiastici, 16. pag. 260.

G

- G** *Abella*. Ecclesiastici non tenentur ad gabel-
las ex fructibus de suis fundis collectis, p. 40.
Imponentes gabellas personis Ecclesiasticis li-
gantur excommunicatione Bullæ Cœnæ .
16. p. 42.
Requisita à Sacris Canonibus, ut Ecclesiastici te-
neantur gabellæ pro publica Annona contri-
buere, 21. p. 261.
Imposita emptori, indirectè gravat vendentem,
23. p. 262.
Galeota. Religiosi transmissi ad triremes ad tem-
pus, eo elapso, redeunt ad Religionem, 35. p. 177.
Ob infamiam facti sunt irregulares, ibi.
Magister triremium excedens in percussione Cle-
rici ligatur censura Canonis, 9. p. 319.
Galidus. In potestate Ecclesiæ est gladius spiritua-
lis, & materialis, 2. p. 211.
Gladius excommunicationis cum circumspectio-
ne exercendus, 16. p. 96.
Glossa. Sæpe alterat sententiam verborum, 1. p. 106.
Grangia. Duæ Grangiarum species, 82. p. 75.
Episcopus visitare potest Ecclesias Grangiarum,
ad 5. 448. & ad 2. p. 449.
Conversi existentes in Grangiis subsunt visita-
tioni Episcopi, ad 6. p. 448.
Episcopus nequit se ingerere in temporalibus
Grangiarum, ad 1. p. 449.
Gravamen. Irreparabile est actus irretractabilis,
habens annexum factum, quod infectum esse
non potest, 15. p. 18.
Tortura, carcer, & censura sunt gravamina irre-
parabilia, ibi.
Gratia. Morte concedentis non deperditur, 13.
pag. 28.
Nisi sit ad beneplacitum, ibi.
Guardianus. Non potest eligere in Confessarium
Religiosum non approbatum à Generali, vel
Provinciali, 32. p. 313.
Nec absque facultate absolvere suos subditos à re-
servatis in Provincia, 40. p. 315.
Aut à censura Canonis, 21. p. 323.

H

- H** *Abilitas*. Corporis necessaria in eligendo ad
Prælatum Regularem, 8. p. 306.
Habitus. In proprio audire possunt Regulares con-
fessiones, 19. p. 453.
Pronunciare, an habitus sit Clericalis, spectat ad
Judicem Ecclesiasticum, 8. p. 153.
Nullus extra Ordinem potest deferre habitum
Fratrum Minor. & Prædicator. 1. & 3. p. 160. &
seq.
Pueri, expleto sexto ætatis anno, nequeunt habi-
tum Religiosum ex devotione deferre, 4. p. 161.

- Prælati Ord. Prædic. & Minor. concedunt illum
sux Religionis volentibus sepelliri cum eodem,
5. ibi.
Est prohibitum examen de vera forma habitus S.
Francisci, 7. & 9. ibi.
Tertiariis, & oblati intra Claustra existentibus
non est dandum habitus, nisi expleverint annum
20. ætatis, 12. p. 162.
Hæres. Est fundamentum Testamenti, 1. p. 408.
Potest acceptare, vel repudiare hæreditatem, 20.
pag. 411.
An gravatus restituere hæreditatem detrahat
Trebellaniam, 36. & 37. p. 413.
Hæresis. Non purè interna vigore Jubilæi non abi-
solvitur à simplici Confessario, 18. p. 8.
Episcopus non potest absolvere lapsos in hære-
sim, 26. p. 312.
Hæretici. Non subeunt mortem propter fidem
Christi, 29. p. 367.
Nec pariter habent fidem supernaturalem, ibi.
Historia. Facit fidem humanam, 35. p. 368.
Signa probantia Historicum non esse fide di-
gnum, 36. ibi.
Heros. Quis judicandus, 7. p. 362.
Heroicitatis indicia qualia, 8. ibi.
Homicidium. Proditorium, quando committa-
tur? 12. p. 166.
Occidens injustum aggressorem est irregularis,
29. p. 285.
An casuale inferat irregularitatem in non prævi-
dente, 38. p. 286.
Hora Canonica. Beneficiati eas non recitantes non
faciunt suos fructus Beneficii, 10. p. 382.
Hospitale. Sub Regum protectione sine eorum li-
centia non visitatur, 12. p. 437.
Nec si fundator prohibuerit, 15. ibi.
Hospitium. Conditiones necessariae pro Hospitiis,
7. p. 100.
Hypotheca. Generali obligantur omnia bona de-
bitoris, 16. p. 353.

I

- I** *Jesuita*. In locis missionum gaudent indulto
Altaris portatilis, 79. p. 74.
De quo per communicationem privilegiorum
non participatur, 80. ibi.
Habent privilegium, ut extra tempora promo-
veantur ad Ordines Sacros, 4. p. 274.
Illegitimi. Sunt irregulares, 17. p. 283.
Possunt habere in Religione officia oneris sine
dispensatione, 22. p. 310.
Per Professionem legitimantur quoad Ordines,
non quoad Prælaturas, 17. p. 283.
An Regulares illegitimi possint in Capitulis le-
gitimari? &c. 39. p. 314.
Imago. S. Augustini depicta sub habitu Discalcea-
torum suspenditur, 10. p. 162.
Illa B. V. M. in Processionibus sub Baldachino
de-

Rerum maximè notabilium.

deferri potest, 13. p. 326.
Immemorabilis. Centenaria habetur pro immemorabili, 32. p. 200.
 Probatur per testes, ib.
Immunitas Ecclesiastica. Non tribuit facultatem aliena furripiendi, 21. p. 97.
 Crimina excepta, in quibus ipsa non suffragatur, 2. p. 164.
 Judicium, an crimen sit ex exceptuatis, est Episcopi, 3. ib.
 An gaudeant debilitantes membrum, 6. ib.
 Mutilans, vel occidens in Sacristia, quando gaudet immunitate, 7. p. 165.
 Mutilans, & occidens in Monasterio, gaudet immunitate in Ecclesia, 8. ib.
 Cum agitur de prejudicio immunitatis, extensio non permittitur, 8. ib.
 Mandans homicidium gaudet immunitate, 9. ib.
 Existens extra Ecclesiam occidens in Ecclesia immunitate non privatur, 10. ib.
 Occidens, vel mutilans in Ecclesia ex pura rixa gaudet immunitate, ib.
 Occidenti spe immunitatis assistit immunitas, 11. p. 166.
 Occidens proditoriè proximum suum perdit beneficium immunitatis, 12. ib.
 Assassini non sunt sub protectione immunitatis, 13. ib.
 Hæretici propter crimen hæresis, immunitate non gaudent, 14. p. 167.
 Immunitas protegit etiam Judæos, & Gentiles, 15. ib.
 Censuratis immunitas suffragatur, ib.
 Reis criminis læsæ Majestatis immunitas non assistit, 16. ib.
 Extractus de manibus lictorum gaudet immunitate, ibi.
 Gregoriana ligat etiam manus Judicis Ecclesiastici, 17. ibi.
 Punire ad correctionem in loco immuni non est prohibitum, 18. ibi.
 Religiosus delinquens in Monasterio, & fugiens ad Ecclesiam, potest ad correctionem extrahi, 19. p. 168.
 Extractus à loco immuni, eidem est restituendus, 20. ibi.
 Porticus Ecclesiæ gaudet Immunitate, 25. p. 169.
 Idem de scalis, & atrio, Hospitali, Ecclesia non benedicta, 16. p. 157.
 Non gaudet platea Ecclesiæ, 25. p. 169.
 Nec Grangia Regularium, 26. ib.
 Nec apothecæ Laicis locatæ, 25. ib.
 Benè verò Palatium Episcopi, 16. p. 167.
Incorrigibilis. Expellitur à Generali, & Provinciali, servatis de jure servandis, 3. p. 171. & 12. ib.
 Expellendi sunt probandi in carceribus per tres menses in jejuniis, & pœnitentia, 2. p. 170.
 Ad incorrigibilitatem trina exigitur monitio, & trina delictorum punitio, 16. p. 173.

Carceratio debet esse continua, & completa, 27. p. 174.
 Potestas expellendi nec à Generali potest alteri delegari, 23. ib.
 Patres eligendi pro negotio expulsionis debent esse graves, & docti, 24. ib.
 In casu paritatis votorum Provincialis non habet decisivum, 26. p. 175.
 Expellendo est assignandus advocatus, 28. ib.
 Ordinarius non potest examinare sententiam expulsionis, 32. p. 176.
 Superiores debent singulis annis ejectos requirere, & emendatos ad Religionem recipere, 33. p. 177.
 Ejecti tenentur ad observantiam substantialem votorum, 34. ib.
 Redeuntes ad Religionem non restituntur statim ad eisdem gradus, & præcedentias, 35. ib.
Indicia. Gravia semiplenè probant, 35. p. 424.
 Vehementia non sufficiunt ad pœnam ordinariam, 36. ib.
Indulgentia. Sensus clausulæ Brevibus Indulgentiarum adjectæ: *volumus autem, ut si alias Christi fidelibus &c.* 4. p. 15.
 Indulgentiæ à Paulo V. concessæ Regularibus utriusque sexus, 1. p. 178.
 Revocatæ per confirmationes privilegiorum non sunt revalidatæ, 2. p. 179.
 Non sunt revocatæ concessæ visitantibus Ecclesias Regularium, 3. p. 180.
 S. Franciscus obtinet à Christo Domino Indulgentiam Portiunculæ, 5. ib.
 Hæc non revocatur anno Jubilæi, 6. p. 181.
 Indulgentia perpetua quotidiana visitantibus Ecclesiam S. Mariæ Angelorum, 8. p. 182.
 Et Ecclesiam S. Francisci Assisi, 9. ib.
 Ad lucranda Indulgentiam Portiunculæ est visitanda S. Capella, 10. ib.
 In materia Indulgentiarum non attenduntur opiniones Scribentium, 11. ib.
 Indulgentia Portiunculæ non potest per viam communicationis obtineri, 14. p. 183.
 Indulgentia, Templo diruto, cessat, 22. p. 184.
 Concessa Coronis, & Medaliis non acquiritur, nisi res sit apud volentem eam lucrati, 23. ib.
 Non transfertur cum festo, 25. p. 184. & 185.
 Concessa Ecclesiis Fratr. & Monial. obtineri potest à visitantibus Ecclesias Monialium derogimine Episcoporum, 26. p. 185.
 Apocripharum Indulgentiarum Indiculus, 27. ib.
 Indulgentia plenaria semel tantum in die lucrari potest, 29. p. 187.
 De Indulgentiis pro coronis S. Birgittæ, & crucibus S. Turibii, 30. ib.
Indultum. Ascendendi à statu Laicali ad Clericatum de licentia Superiorum, 30. p. 279.
Infamia. Probanda est per testes, 37. p. 424.
 Ipsa prævia proceditur per viam Inquisitionis, 33. ib.

Index

Infirmus. Monendus est, ut tertia die infirmitatis confiteatur, 23. p. 297.
 Relinquenda in ejus domo fides audite confessionis, 19. p. 453.
Injuria. Inferens censuram Canonis debet esse realis personalis, 3. p. 317.
 Judicium, an sit levis, vel gravis, est Episcopi, 12. p. 321.
Inquisitio. Non proceditur ad inquisitionem, nisi præcedat infamia, 34. p. 425.
 Dicta paucorum non probant diffamationem, 37. ibi.
Inventarium. Hæres non conficiens inventarium tenetur supra vires hereditatis, 20. p. 411.
 Nisi hæres sit Ecclesia, vel causa pia, 21. ibi.
Investitura. Est immissio in possessionem feudorum, 11. p. 209.
 Ritus, quo fiebat, 12. ibi.
 Investituræ sunt Ecclesiasticis prohibitæ, 13. ibi.
Irregularitas. Sacerdos celebrans in Ecclesia polluta non efficitur irregularis, 8. p. 32.
 Sacerdos non privilegiatus benedicens ornamenta sacra est irregularis, 19. p. 35.
 Irregularis non est eligibilis ad Prælaturas, 17. p. 308.
 Non debet initiari prima tonsura, 1. p. 281.
 Irregulares ex defectu rationis sunt energumeni, amentes, & epileptici, 2. 3. & 4. p. 281. & 282.
 Irregularitas inducitur etiam ex delicto occulte, 41. p. 278.
 Neophiti, & illiterati sunt irregulares, 5. p. 282.
 Ex defectu famæ sunt irregulares istriones, de usuris, & simonia convicti, & infames, 6. ibi.
 Ex defectu lenitatis, qui in criminalibus se immiscuerunt, 7. ibi.
 Ex defectu libertatis sunt servi, 11. ibi.
 Habens manus tremulas est irregularis, 19. pag. 284.
 Hæretici, Schismatici, & Apostata à fide sunt irregulares, 21. ibi.
 Item ab Hæreticis baptizati, ibi.
 In bello adhortantes ad strenuè pugnaudum quando sint irregulares, 35. p. 286.
Interdictum. Interdicto populo non intelligitur interdictus Clerus, 4. p. 188.
 Tempore interdicti quæ Sacramenta possint ministrari, 5. p. 187.
 Non suspenditur contractus Matrimonialis, bene verò solemniter benedictio danda Sponsis, 8. ibi.
 Interdicti licitè ingrediuntur Ecclesiam causa Orationis, 10. p. 190.
 Regulares tenentur servare interdicta, 12. ibi.
 Privilegia ante Trid. conc. ssa Regularibus quoad suspensionem interdicti in suis festivitibus sunt revocata, 12. ibi. 14. p. 191.

Differt à cessatione à Divinis, & aliis censuris, 17. p. 192.
 Interdicti non possunt eligi ad Prælaturas, 16. p. 308.
Interstitia. Episcopus etiam cum Regularibus dispensat super eis, 16. p. 277.
Iter. Religiosi simul debent in itinere procedere, 12. p. 443.
Jubilæum. Vigore istius non potest poenitens absolvi ab hæresi non purè interna, nisi expressè facultas concedatur, 18. p. 8.
 Nec ab excommunicatione incurfa ob violatam immunitatem Ecclesiasticam, ibi.
 In Confessario est etiam pro eo tempore necessaria approbatio, 12. p. 28.
Index. Delegatus non habet jurisdictionem ab jure, 2. p. 419.
 Docet de sua jurisdictione, 10. p. 420.
 In territorio præsumptio est pro judice ordinario, ibi.
 Ut procedat, debet prius constare de corpore delicti, 47. p. 426.
 Per sententiam definitivam functus est officio suo, 1. p. 21. 8. p. 420.
 Quam non mutat, ibi.
 Sed eam potest declarare, ibi.
 Judex Laicus detinens Clericum in carcere incidit in sententiam Canonis, 16. p. 155.
 Delegatus Principis, & ad universitatem causarum, potest subdelegare, 20. & 22. p. 422.
 Delegato debetur præcedentia juxta qualitatem delegationis, 24. ibi.
 Cognoscit de annexis, & connexis inseparabilibus à delicto, 25. ibi.
 Judex Regularis debet servare omnia substantialia ad Judicium, 11. p. 95. 30. 31. & 32. p. 423.
 Ferens sententiam per sordes suspenditur ab officio, 84. p. 434.
 Male judicans ex dolo, & lata culpa, deponitur, ibi.
Judicium. Non incipit à captura, nisi præmissa causæ cognitione, 48. p. 427.
Juramentum. Est electionibus præmittendum, 43. p. 125.
 Non est de substantia electionis, 44. pag. 125. & seq.
 Non est jurandum cum restrictione mentali, 45. p. 221.
 In eo consistit substantia depositionis, 49. p. 427.
Juraparchialia. In ædificatione Ecclesiarum semper sunt præservanda, 5. p. 30.
 Differunt à functionibus Parochialibus, 17. p. 294.
Jurisdicchio. Delegata quando expiret, 4. pagin. 491.
 Non præsumitur, sed probatur, 10. pagin. 420.

Vfur-

Vsurpans sibi jurisdictionem Ecclesiasticam excommunicatur in Bulla Cœnæ, 2. p. 152.
De jurisdictione Episcopi in Conventibus parvis, 4. p. 447.
Juspatronatus. Est spiritualibus annexum, 47. p. 203.
De ejusdem acquisitione, 6. p. 195.
Tres possunt esse patroni ejusdem Ecclesiæ, ib.
Non acquiritur sine consensu Episcopi, 8. p. 196.
An ex augmento dotis acquiratur, 11. ib.
Laicus habet quatuor menses ad præsentandum: Ecclesiasticus sex, 12. p. 197.
Tempus ad præsentandum currit à die scientiæ vacationis, 15. ib.
Lite non absoluta intra tempus statutum, Episcopus confert beneficium sine præsentatione, 16. ib.
Cum quæstio est inter Episcopum, & Patronum, Episcopus tempore litis ponit Oeconomum, 17. p. 198.
In qua Parochiali de jure patronatus requiritur forma examinis per concursum, 20. 21. 22. 23. & 25. p. 198. & seq.
Agitur de probatione juris patronatus faciendâ à personis potentibus, 38. & seq. p. 201.
Et de illa faciendâ à personis privatis, 27. & seq. p. 199.
Jurapatronatus cum quasi possessione irritantur à Trid. 37. p. 201.
In mixto non requiruntur probationes necessariæ in personis potentibus, 43. p. 202.
Vendi non potest, 47. p. 203.
Nec donari Laico sine assensu Episcopi, 48. ib.
In creditorem non transit, 49. ib.
In hæreditario hærede præsentant per stirpes, 51. ib.
In gentilitio præsentatio fit per capita, 53. ib.
Usufructuarius habet jus præsentandi, 54. ib.
Gentilitium transit ad hæredes extraneos, 58. p. 204.
Præsentatus à majori parte, est præferendus, 60. p. 205.
Juspatronatus activum, & passivum, 61. ib.
Patronis præfigitur tempus ad reaptanda Altaria, & Capellas, 66. ibi.
Jus Regaliæ. Est jus custodiæ, & depositi, 2. p. 206.
Non tribuit jus conferendi beneficia Ecclesiastica, 7. p. 208.
Regalia est in sequelam ad investituras, 9. ib.
Jure regaliæ non gaudent, qui carant privilegio Apostolico, 15. p. 209.
Extensio regaliæ prohibita, 16. p. 210.
Privilegium juris regaliæ non operatur, ut quis possit fructus Ecclesiæ vacantis consumere, 15. p. 209.
Infus. Sentit motus concupiscentiæ, 10. p. 363.

Laicus. Protegens electiones non assistit in aula Capitulari, 29. p. 123.
Admittentes laicos ad interessendum electionibus Ecclesiasticis, privantur officiis, & jure suffragandi, 31. ib.
Tollens libertatem ab electoribus Ecclesiasticis ligatur excommunicatione Bullæ Cœnæ, 31. ib.
Non potest sedere in Presbyterio, dum celebrantur Divina Officia, 3. p. 194.
Pax in Missa est danda laicis post omnes de Choro, 3. ib.
Lampas. Semper accensa debet teneri ante Altare, in quo est SS. Sacramentum, 68. p. 139.
Lectores. Et Magistri in Theologia egent approbatione ab Ordinario, ut audiant confessiones secularium, 3. p. 25.
Lectores verò jubilati Minor. de Observant. possunt exequi Litteras Sacræ Pœnitentiariæ, 34. p. 250.
Legatum. Est implendum per totum tempus præfixum, p. 226.
In legatis ad pia causas facit extensio, ib.
Prius debetur, etiam non servatis in testamento juris civilis solemnitatibus, 11. p. 410.
Relictum pro monachandis puellis non potest aliis dari, 26. p. 412.
Compositio in materia Legati prohibita, 11. p. 229. & 14. p. 232.
Legatum Frat. Ord. Min. Fratres Minores sunt capaces legatorum bonorum mobilium, quæ unica præstatione adimplentur, 7. ad 1. p. 227.
Syndicus potest pro eis officium Iudicis implorare, ad 2. ib.
Valet legatum factum Sacristiæ, vel fabricæ Ecclesiæ, vel Conventus, 8. ad 1. p. 228.
Legatorum præstationes sunt expendendæ in usus à testatoribus præfissos, ad 3. ib.
Syndicus potest eas in iudicio exigere, ad 2. ib.
An Fratres sint capaces annorum legatorum cum onere celebrationis Missarum, 9. ad 1. pag. 228. & 18. p. 234.
An possint præstationes recipere ab hæredibus testatorum, 11. p. 229. 12. & 13. p. 231. & 15. p. 232. & 36. p. 240.
Non possunt extinguere legata, 9. p. 228.
Nec ea in iudicio per se, vel alium exigere, 11. p. 229.
Sunt capaces legatorum pro Divino Cultu, 16. p. 233. & 27. p. 237.
Et per modum elemosinæ ad emendam pitantiam, 16. p. 233.
Fratrum cautela tenenda circa legata eis relicta, 24. p. 236.
Quando legatum censetur modo licito factum, 38. p. 241.

Doctrina D. Bonaventuræ in hac materia , 19.
 p. 235.
Legitima . Debetur filiis legitimis ex bonis Patris defuncti , 18. p. 411.
Lex . Pœnalis ad vitanda peccata admittit extensionem , 2. p. 9.
 Ecclesiastici nec quoad vim directivam tenentur ad observantiam legum Laicalium , 23. p. 158.
 Ut obliget , lat est promulgatio in Curia Principis , 9. p. 358.
Lex Laicorum , etiam consentientibus Ecclesiasticis , non potest præjudicare libertati Ecclesiasticæ , 42. p. 415.
Decreta S. Congr. Conc. habent vim legis generalis , 9. & 10. p. 341.
Leges à Pontifice editæ habent vim obligandi independentem à populi acceptatione , 7. p. 222. & seq.
Libertas . Est de substantia electionis , 1. p. 117.
Libri . Tractantes controversiam de non interruptione successionis filiorum S. Francisci prohibentur , 3. p. 162.
 Quando dicendum constare aliquem scripsisse , 34. & 35. p. 368.
 Parochus debet habere quinque libros , 21. p. 297.
 Qui probant quoad spectantia ad suum officium , 20. p. 440.
 Sicut illi visitatorum , 23. ib.
 Libri retinendi in Sacristia pro annotatione onerum celebrationis Missarum , 33. p. 58.
Apochyphi ab Ecclesia non recipiuntur , 2. p. 220.
Licentia . Data usque ad beneplacitum , morte concedentis expirat , 13. p. 28.
 Alloquendi Moniales uni Regulari data non extenditur ad focium , 11. p. 11.
Confessarii Monialium pro tempore deputationis , & ipsorum Superiores Regulares non egent licentia Ordinarii alloquendi Moniales , 13. & 14. p. 12.
 Non petitur à Regularibus pro audienda confessione infirmi , 19. p. 453.
 Audiendi Confessiones non expirat morte concedentis , 9. p. 27. & 13. p. 28.
Litteræ . Litteris Episcopi creditur , 30. p. 199.
 Litteræ patentes docent delegationem , 11. p. 421.
Litteræ Apostolicæ . A Papa eduntur , 1. p. 242.
 Variis modis falsari possunt , 2. ib.
 Quando rasura inducat falsitatem , 4. p. 243.
 Pœnæ falsantium , 4. ib.
 Vtentes Litteris ab aliis falsatis , pœnis , subiacent 6. p. 244.
 Impetrantes Litteras per subreptionem , vel obreptionem , non subiacent pœnis falsariorum , 8. ib.
 Etiam Episcopi falsantes Litteras Apostolicas sunt excommunicati , 10. p. 245.
 Litteræ falsæ jurisdictionem non conferunt , 12. ibi.
Litteræ S. Pœnitentiariæ . Falsantes eas Litteras

incurrunt pœnas falsariorum , 4. p. 243.
 Directæ Magistro in Theologia &c. debet esse Magister in aliqua universitate , 24. p. 250.

M

*M*anus . Habens manus tremulas non potest celebrare , 19. p. 284.
Martyrium . Martyr dicitur testis fidei , 26. p. 366.
 Martyrii duplex causa , 27. p. 367.
 Delet etiam originale , 28. ib.
 Causa non pœna facit Martyrem , ib.
 Probato Martyrio , debet etiam constare de miraculis , 30. ib.
Matrimonium . Regulares non possunt in suis Ecclesiis publicare matrimonia , 24. ad 6. p. 36.
 In matrimonio requiritur plena libertas , 15. p. 332.
 Celebratum coram Parocho intruso est nullum , 14. p. 246.
 Subsequens matrimonium legitimat filios antea natos , 17. p. 283.
 Cautela à Parochis adhibenda circa interestentiam matrimonii vagorum , 13. p. 293.
 Pecunia in dispensationibus non solvitur ut pretium ipsarum , 36. p. 388.
Medicina . Nequit ab Ecclesiasticis exerceri , 28. p. 263.
Medicus . Infirmi Christiani non possunt uti Medico Jdæo , 22. p. 297.
 Proferit iudicium , an sanatio sit miraculosa , 22. p. 3. 6.
Mendicantes . Sunt exempti à gabellis , & oneribus laicalibus , 17. p. 42.
 Non potest prohiberi , quin eis elemosynæ exogentur , 1. p. 339.
Mercēs . Conferitur concionatoribus pro labore concioni extrinseco , 14. p. 85.
Meritum . Beneficia conferenda juxta merita personarum , 24. p. 385.
 Merito non habitu Regulares placere debent , 12. p. 443.
Miraculum . Ostendit sanctitatem , 13. p. 363.
 Iriplex genus miraculorum , 14. p. 364.
 Signa veri miraculi , 15. ib.
 De probatione ipsius , 16. 17. 18. 19. 20. 21. 23. & 24. p. 366.
 Probandum utrumque extremum , 15. p. 364.
 Effectus sequens ad sanationem non officit rationi miraculi , 23. p. 366.
 Miraculum tribuitur Sancto , erga quem major est fervor devotionis , 24. ib.
 An instrumentum naturæ præjudicet miraculo , 23. p. 366.
Metus . Cadens in virum constantem dicitur iustus , 10. p. 330.
 Invalidat professionem , 13. & 15. p. 331.
 Nisi proveniat ab intrinseco , 9. p. 330.
 Quid de metu reverentia , 14. p. 331.
 Item coactio , ib.

Rerum maximè notabilium.

Durante causa metus, durat metus, 15. p. 332.
Missa. Licet non celebratur, nisi in Altari consecrato, 21. p. 35.
 Regulares possunt in suis Ecclesiis celebrare ante Parochum, 24. ad 5. p. 36.
 Non possunt admittere vagos ad celebrandum in suis Ecclesiis, 6. p. 50.
 A quo electio Capellani in Ecclesiis Regularium fit facienda, 8. p. 47.
 Anticipatè non celebratur pro eo, qui primò dederit stipendium, 4. p. 50.
 Pro reductione Missarum recurritur ad Sedem Apostolicam, 11. p. 51.
 Bona mobilia relicta pro celebratione Missarum in bonis immobilibus investiantur, 15. p. 52.
 An obligatus ad celebrandum pro sola officatura possit ab alio stipendium accipere, 62. p. 69.
 In nocte Nativitatis Domini post primam Missam non celebrantur immediate alie duæ, 65. pag. 70.
 Die Sabbati Sancti non possunt celebrari Missæ privatae, 66. ibi.
 An in duplicibus celebrentur Missæ de Requiem, 67. ibi.
 Instructio pro praxi attestationis faciendæ circa implementum onerum Missarum, 70. ibi.
 Visitatores, & Provinciales per authentica documenta tenentur docere de vigilantia super observantia decretorum, 40. p. 49.
 Missæ sunt celebrandæ in Ecclesia electa à benefactore, 45. p. 61.
 Quando de licentia Episcopi possunt alibi celebrari, ibi.
 Defraudans aliquem una Missa pe. cat mortaliter, 47. p. 62.
 Missæ celebrantur de Sanctis in Martyrologio descriptis, 8. p. 147.
 Tempore interdicti possunt celebrari Missæ januis clausis, & campanis non pulsatis, 11. p. 190.
Modus men. Inculpatæ tutelæ quid, 9. p. 319.
 Excusat à censura Canonis, ibi.
 Non ab irregularitate, 20. p. 285.
Molendinum. Accessus ad illud Episcopis à Laicis non inhibendus, 19. p. 261.
Monarchia. Supremam imperandi potestatem in uno nobilissimo ponit, 14. p. 22.
Monasterium. Non succedit in fideicommissio ad exclusionem substituti, 39. p. 414.
 Episcopi sunt Monasteriorum protectores, 8. p. 340.
 An visitent Monasteria sub pretextu, quod Superiores sint negligentes, 33. p. 460.
 Cura animarum sæpè principaliter incumbit Monasterio, & aliquando Parochiali Monasterio unite, 15. p. 452. & seq.
Monialis. Non potest intra septa exorcizari, 16. pag. 81.
 Debet saltem semel in mense confiteri, & Eucharistiam sumere, 1. p. 86.
 Puellæ habitum Monialium non accipiunt, nisi

completo 15. ætatis anno, 1. pag. 251.
 Ad professionem non admittuntur, nisi anno probationis, & 16. ætatis completo, 2. ibi.
 Tertia Soror in eodem Monasterio privatur voce activa, & passiva, 3. ibi.
 Puellæ monachandæ debent secum dotem asserere, 13. p. 253.
 Dotes novitiarum decedentium in anno probationis non acquiritur Monasterio, 14. p. 254.
 Novitia emittens professionem propter infirmitatem, non completo anno probationis, si convalescat, iterum debet, eo absoluto, profiteri, 15. ibi.
 Moniales non possunt dotes recipere ante professionem novitiarum, 17. ibi.
 Episcopus non potest de uno ad aliud Monasterium transferre Monialem, 20. p. 255.
 Supranumeraria semper est talis, 25. p. 257.
 Moniales non possunt in morte de propriis cellis disponere, 26. ibi.
 Numerus Monialium, etiam in Monasteriis Regularibus subiectis, taxatur ab Episcopo, 24. pag. 256.
 A quo in Ecclesiis exemptorum non visitatur SS. Sacramentum, & Confessionalia, 11. ad 2. p. 80.
Monitio. Præmittitur declaratoriæ excommunicationis, 24. p. 163.
Monitorium. Non affigitur à Prælato Regulari contra suos subditos ex parte exteriori claustræ, 27. p. 458.
Mulieres. Possunt à Regularibus in suis Ecclesiis admitti ad purificationem, 24. ad 9. pag. 36. 18. pag. 294.
 Non possunt ingredi claustra Regulariû, 11. p. 102.
 Et quando Sacrificas? 14. p. 102.
 Possunt claustra ingredi tempore processionum, 17. p. 103.
 Admittuntur ad testificandum in testamentis, 7. p. 409.
Munus. Ab obsequio etiam, & à lingua inducunt simoniam, 2. 23. & 24. p. 396.
 Munera non recipienda in visitatione, 15. p. 444.
 Largitio munerum Regularibus prohibita, 27. pag. 257.

N

Negatio. Antecedens privat potentia, 45. pagin. 126.
Negotiatio. Mercatura est Ecclesiasticis interdicta, 2. p. 258.
 Eis non prohibetur non lucrativa, 3. ibi.
 Requisita à Sacris Canonibus, ut Ecclesiastici teneantur ad onera communitatis, 10. p. 359.
 Capturantes ementes ab Ecclesiasticis offendant libertatem Ecclesiasticam, 26. p. 262.
Vide ver. Ecclesiastici, Molendinum.

Index

Notarius. Non potest conficere contractum conditionalem in alienatione rerum Ecclesiasticarum, 18. p. 353.

Praxis ipsius in conficiendis instrumentis circa confessionem Capellarum, & Sepulchrorum, 24. p. 355.

Prælati Regulares possunt deputare in Notarios Religiosos sibi subditos, 34. p. 314.

Notarii nihil possunt recipere propter licentiam administrandi Sacramenta, colligendi elemosynas &c. 84. p. 391.

Notarium. Tria requirit, 69. p. 431.

Novitius. Ut Clericus recipitur anno 15. ut conversus, completo ætatis anno vigesimo, 11. p. 162.

Tempus in anno probationis computatur de momento ad momentum, 9. p. 166.

Existens de licentia Superioris extra Conventum novitiatus valide non proficitur, 17. p. 267.

Infirmus curandus in Conventu novitiatus, 18. ib.

Novitius debet professionem emittere in Conventu designato, 20. p. 268.

An Provincialis de Ord. Min. de Observ. suffragetur super idoneitate novitii, 33. p. 271.

Cum vota sunt paria, novitius intelligitur exclusus, 34. ibi.

Confessarii novitiorum ex scientia confessionis non possunt novitiis suffragium denegare, 35. ib.

Recipiendi in novitiis non debent ab Ordinariis examinari, 24. p. 335.

Excedens 30. ætatis annum recipi potest, 8. p. 330.

Novitiatus ex iusta causa fieri potest partim in uno & partim in alio Conventu designato, 21. p. 269.

Renuntiationes novitiorum sunt intra duos menses ante professionem, 23. ibi.

Non sortiuntur effectum, nisi secuta professione, 24. ibi.

An à novitiis quidquam recipi possit, 25. p. 270.

Novitio ab eunti, à Religione restituitur valor habitus, 29. ibi.

Observantes, & Capuccini nequeunt pro alimentis novitiorum quidquam à novitio recipere, 30. p. 271.

Beneficium Clerici novitii non confertur, nisi post professionem, 31. ibi.

Denegantes suffragium novitio habili, peccant mortaliter, 32. ibi.

O

Osequium. Conferre, vel expectare beneficium propter obsequium, est simonia, 23. p. 385.

Occultum. Non est, quod per duos testes probari potest, 32. p. 280.

Ex delicto occulto incurrit irregularitas, 42. p. 287.

Oculus. Carens oculo sinistro prohibetur celebrare, 19. p. 284.

Odiū. In odiū simoniæ quis punitur sine culpa, 14. p. 39.

Oeconomus. Vacantes Sede Episcopali, constituitur Oeconomus, qui fructus percipiat, 3. p. 207.

Provisio Oeconomi, Sede vacante, spectat ad Capitulum, 5. ibi.

Debet esse persona Ecclesiastica, ibi.

Officium Oeconomi est fructus Ecclesiæ vacantis conservare, 10. p. 208.

Officium Divinum. Communicatio privilegiorum non extenditur ad officia Sanctorum, 13. p. 149.

Recitandum semel in mense, non recitatur in Adventu, Quadragesima &c. 14. ibi.

In festivitate Natalis Domini, Corporis Christi &c. tempore interdicti possunt alta voce, & januis apertis divina officia celebrari, 11. p. 190.

Oleum Sanctum Conservatur apud Altare majus à parte Evangelii, 4. p. 438.

Quolibet anno renovatur, ibi.

Onus. Differentia inter onera realia, personalia, & mixta, 1. p. 37.

Coloni Ecclesiasticorum sunt exempti ab oneribus laicalibus, 18. p. 43.

Bona privata Ecclesiasticorum non possunt à laicis oneribus gravari, 10. p. 40.

Onera Missarum sunt perpetua, 69. p. 70.

Relicta in Ecclesiis Monialium alio transferuntur, 23. p. 256.

Non possunt recipi absque licentia Superiorum, 17. & 19. p. 52.

Recepta absque licentia sunt implenda, 43. p. 415.

Oratio. Dicenda in fine visitationis, 14. p. 443.

Opinio. Eligens opinionem minus probabilem de sua jurisdictione invalide absolvit, 19. p. 246.

Oratorium. Privatum non habet jus Sacri Altaris, 73. p. 72.

Nec in festo possunt celebrari Missæ absque indulto Sedis Apostolicæ, 71. & 73. p. 72.

Publici, & privati discrimen, 72. & 73. ibi.

Audientes Missas in Oratoriis satisfaciunt præcepto, si in indulto comprehenduntur, 75. p. 73.

Indultum Oratorii privati suffragatur etiam intrando habitationem, 76. ibi.

Non expirat morte Papæ, 78. p. 74.

An Regulares in Claustris possint habere Oratoria, 79. ib. n. 81. p. 74.

In Oratoriis privatis non potest celebrari in diebus Resurrectionis, Pentecostes &c. 84. p. 75. & n. 86. p. 76.

In eis ultra Missam concessam in indulto non potest alia celebrari, nec illa post meridiem, ibi.

Ordo. Episcopus conferens Ordine tempore interdicti efficitur irregularis, 9. p. 189.

Examinat etiam Regulares promovendos, 1. pag. 272. & seq.

Pænæ contra Superiores non servantur in hac re decretum Clem. VIII. 2. p. 273.

Ordinati contra præscriptum in decreto sunt suspensi, 3. ibi.

Privilegium ascendendi ad Ordines extra temporam non suffragatur per communicationem, 5. p. 274.

Ordinatus absq; indulto Apostolico extra tempora est suspensus ab ordine male suscepto, 9. & 10. p. 277.

Epi.

Rerum maximè notabilium.

Episcopus cum aliquo temporis intervallo ordinatus ex indulto extra tempora in tribus diebus festivis, 15. p. 276.
Reclamans contra validitatem professionis, pro tunc ad Ordines non promovetur, 31. p. 280.
Ordinator furtivè, qui contra Canonum statuta Ordines suscipit, 33. ib.
Titulus patrimonii non extinguitur per acquisitionem beneficii, 35. p. 281.
Ordinatus cum titulo fiduciario non potest patrimonium reddere Benefactori, 35. ib.
In collatione Ordinum Episcopus cereum licitè recipit, 29. p. 386.
Novitii ad Ordines sacros nequeunt promoveri, 31. p. 280.
Vide v. Dimissoria, & Patrimonium.
Ornamenta Ecclesiastica. Non possunt à Regulariis benedici, nisi habeant privilegium à Sede Apostolica, 13. p. 33.
Habentes privilegium, non possunt eo uti in iis, in quorum benedictione adhibetur Sacra Vinctio, 15. p. 34.
Paramenta Ecclesiastica perdunt benedictionem cum inepta sunt servitio sacro, 21. p. 35.
Vetustate consumpta in cinerem rediguntur, & reponuntur in sacario, ib.
Secundum majorem partem resecta egent nova benedictione, 22. ib.
Ligna Ecclesiæ in profana ædificia non convertuntur, 22. p. 35.
Nec vasa, & vestes sacræ ad usus profanos commo-
 dantur, 23. p. 36.

P

P *Altum.* In beneficialibus prohibitum, 4. p. 381.
 25. p. 385.
Non valet in vendendis ab Ecclesia bonis relictis à testatoribus, 41. p. 414.
Tacitè pacto consentire in allocatione beneficii est simonia, 25. p. 385.
Parochia. Distincto populo, & certis finibus constituitur, 2. p. 288.
Parochialis providetur de idoneo reperto in examine per concursum, 6. p. 289.
Occurrente vacatione Parochialis, Episcopus vocat per edictum ad concursum, 8. p. 290.
In Parochiis, quæ conferuntur Regularibus, sufficit examen sine concursu, 7. ib.
Quid si Parochia esset pleno jure Monasterio unita, 8. p. 381.
Parochus. Remittens beneficium non potest absq; approbatione Confessiones excipere, 15. p. 28.
In aliena Diocesi Confessionem sui Parochiani non excipit, 16. ib.
Tenetur celebrare pro suis ovibus, 60. p. 63.
Non est amovibilis, 1. p. 288.
Debet esse constitutus in anno 25. ætatis, 4. p. 289
Et habere scientiam sufficientem, 5. ib.
Onera Parochi, ib.

Official. Cur. Eccl.

Tenetur personaliter residere in Parochia, 9. p. 291
Ad acquiendum jus Parochiale attenditur habitatio de præsentì, 12. p. 293.
Successor in Parochia tenetur solvere pensiones tempore Prædecessoris decursas, 14. ib.
Privatus titulo, aut fructibus, prius citatur, 9. p. 291
Vide v. Residentia.
Parvitas materia. Non admittitur in simonia 46. p. 390.
Nec in anno novitiatus, & ætate ad Professionem, 9. p. 266.
Patrimonium. Bona assignata Clerico in titulum Patrimonii gaudent privilegio bonorum Ecclesiasticorum, 9. p. 39.
Non possunt alienari sine licentia Episcopi, ibi & 10. p. 40.
Patrimonium ad cuius titulum quis ordinatur, debet esse sufficiens ad congruam sustentationem, 34. p. 281.
Vide v. Ordo.
Patronus. Potest in fundatione juris patronatus si-
 bi nonnulla reservare, 2. p. 193.
Non habet locum in Presbytero, 3. p. 194.
Ponit in Capella insignia, 5. p. 195.
Nequit tenere clavem suæ Capellæ, 64. p. 205.
Præfigitur ei tempus ad reaptanda Altaria, 66. ib.
Inter propria jura non habet jus sepulturæ, 67. ib.
Non se ingerit in perceptione fructuum, beneficii, 4. p. 207.
Nec in visitatione ornamentorum, 7. p. 438.
Discrimen inter Patronum Laicum, & Ecclesiasticum, 12. p. 197.
Pauperes. De loco testatoris aliis præferuntur, 30. p. 413.
Pignus. Pignoratatio est species alienationis, 15. p. 353.
Bona Ecclesiæ oppignorari non possunt sine assensu Apostolico, ib.
Peccatum. Excommunicatio major non incurritur nisi propter peccatum mortale, 12. p. 32.
Absque speciali privilegio non possunt vitari omnia peccata venialia collectivè, 11. p. 363.
Venialia alia ex genere suo, alia ex levitate materiae, & alia ex subreptione, ib.
Pecunia. Ea sibi viam parare ad beneficium est simonia, 25. p. 385.
Pensio. In reservatione pensionis potest committi simonia, 15. p. 293.
Ad mortem Pensionarii extinguitur, 7. p. 381.
Pensionarius tenetur recitare officium B. M. V. 15. p. 293.
Clericalis quæ, 14. p. 393.
Peremptio. Levis, gravis, & enormis, 12. p. 320.
Pia causa. Quæ sit, 15. p. 345.
Est privilegiata, 11. p. 410.
Pluviale. Vtus ipsius non est signum jurisdictionis, 11. p. 326.
Pæna. A Regularibus desumitur à statutis, 81. p. 433.
Talionis recessit ab aula, 44. p. 426.

H h Imj

Imposita absque ulla declaratione pro foro interno statim incurritur, sed pro foro externo est necessaria declaratio delicti, 20. p. 310.
Est reordinativa culpæ, 21. ib.
Pœnæ simoniæ confidentialis, 43. p. 389.
Pœnitens. In foro pœnitentiæ est accusator, testis, & reus, 15. p. 294.
Podagrosi. Sūt ineligibiles ad Prælaturas, 10. p. 307.
Pontifex Romanus. Potest præcipere, actus merè internos, 39. p. 389.
Ad quem spectat approbare Regulas Religiosorum, 24. p. 113.
Ipsi forum nulli declinare fas est, 5. p. 153.
Habet potestatem indirectam in temporalia Principum, 1. & seq. p. 211.
In sua ditione est Rex, & supremus Dominus temporalis, 6. p. 212.
Aliquando Reges, & Imperatores deposuit, ib.
Infallibilitas Decretorum Conciliorum est immediate ab ipso, 5. ib.
Est caput visibile Ecclesiæ, 8. p. 214. & 215.
Ipsè congregat, & confirmat Concilia, 6. p. 215.
Est supra Concilium Generale, 1. & seq. p. 212.
Est Ordinarius Regularium, 1. p. 446.
Est supra jus positivum Ecclesiasticum, 1. p. 218. & 219.
Est infallibilis in decidendis dubiis fidei, & morum, etiam extra Concilium, 1. p. 220.
Et in decidendis factis connexis cum jure, & questionibus facti dogmatici, 5. p. 222.
Ut Decreta, & Leges Pontificum ligent, non egent populi acceptione, 7. ib.
Inluit jurisdictionem in alios, 14. p. 224.
Est Monarcha Ecclesiæ, 14. ib.
Est infallibilis etiam in beatificatione, 3. p. 360.
Sepelitur in conditoriis supra terram elevatis, 7. p. 372.
Vide v. Concilium.
Postulatio. Ordinatur ad jas spirituale, 30. p. 398.
Postliminium. Rem in pristinum statum reponit, 9. p. 450.
Præcedentia. Est jus occupandi digniorem locum, 1. p. 297.
Inter Regulares in processionibus ex quibus attendatur, ib. & 8. p. 29.
Est danda Ordini habenti prius Conventum in loco, 5. p. 300. & 7. p. 301.
Confraternitates præcedunt juxta usum antiquiorem sacerdotum, 2. p. 298.
Inter Moniales attenditur à die professionis, 13. p. 303.
Regularis transiens ad statum Clericalem præcedit à die transitus, 12. ib.
Incorporato debetur à die incorporationis, 9. p. 302.
Novitii Clerici in anno probationis non præcedunt Laicos, 11. ib.
Præceptum. Capitale Regule Fr. Min. 6. p. 108.
Sumentes Eucharistiam in Ecclesiis Regularium

nō satisfaciunt præcepto Ecclesiastico, 11. p. 359.
Qui Regularibus continentur, præceptum Confessionis implent, 2. p. 357.
Audientes Missam in eorum Ecclesiis satisfaciunt alteri de Missa audienda, 3. p. 49.
Preces. Ambitiose quales, 33. p. 397.
Pro indigno simoniam inducunt, ib.
Non porriguntur pro adipiscendo Episcopatu, 34. ib.
Interpositæ, ut beneficium conferatur, sunt simoniæ, 22. p. 384.
Prælatura. Est gradus honorificus, cum jurisdictione, 22. p. 310.
Ad Prælaturas digniores eligendi, 1. p. 304.
Excommunicati, suspensi, interdicti, & irregulares sunt ad Prælaturas ineligibiles, 11. p. 307. 15. 16. 17. p. 308.
Prælatus Regularis. Liberatus à captivitate præcedit juxta conditionem officii, 8. p. 302.
Valent gesta à Prælato canonicè electo, licet propter delictum occultum sit Prælatura priuata, 21. p. 310.
Pereum est restituenda disciplina Regularis, 42. p. 315.
Est in Generali, & Provinciali facultas ordinaria absolvendi à reservatis in Religione, 40. ib.
Quam nonnullis in Conventibus debent communicare, ib.
Circa subditos humanus esse debet, 2. ib.
Absolvit proprios subditos se se percutientes, 20. p. 323.
Excipitur Superior localis, 21. ib.
Vide v. Bulla Cœna, Absolutio.
Pretium. Simoniacum à manu, lingua, & obsequio, 16. p. 383. 22. & 24. p. 385.
Dare temporale pro spiritali non tanquam pretiū, sed ut motivū confetendi, est simonia, 15. ib.
Pretium aliud legale, & naturale aliud, 14. p. 259.
Non augendum propter jus patronatus, 47. p. 203.
Prima tonsura. Ad eam non confirmatus promotus eget dispensatione, 14. p. 276.
Ipsa fit transitus ad statum Clericalem, 1. p. 281.
Princeps. A Pontifice potest deponi, 2. & seq. p. 211.
Nequit beneficia Ecclesiastica contetere, 7. p. 208.
Nec fructus vacantis Ecclesiæ in suos usus convertere, 5. p. 207. & 15. p. 209.
Privilegium. Personale, cum persona extinguitur, 15. p. 12.
Communicatio privilegiorum non suffragatur in iis, quæ specialem mentionem requirunt, 80. p. 74. & 14. p. 191.
Nec quoad revocata à Sede Apostolica, 14. p. 191.
In obscurate privilegii recurritur ad Sedem Apostolicam, 44. p. 136.
Duplici phrasi à Trid. revocatus, 33. p. 249. & 8. p. 274. & seq.
Privilegiati habentes locū in Conciliis possunt à Laico cogi ad officia cōmunitatis, 22. in 3. p. 158.
Privilegia non revocata debent Episcopi Regulari-

Rerum maximè notabilium.

gularibus servare, 3. p. 447. & 40. pag. 462.
Privilegium Canonis. Violantia est triplex, 3. p. 317.
 Quinam à Canone protegantur, 4. ib.
 Propinatio veneni Clerico, vel Monacho infert censuram, 3. p. 318.
 Mandans percussorem Clerici, vel ipsam ratam habens, ligatur censura, 6. ib.
 Et Clericus consentiens percussioni, 7. ib.
 Et privata autoritate percussiens Clericum traditur potestati Sæculari, ibi.
 A censura excusat moderatè percutere ad correctionem, sed non per Laicam personam est faciendum, 9. ib.
 Excusatur percussiens Clericum in ipso actu turpi repertum uxore, matre &c. ib. p. 319.
 Episcopus in nonnullis casibus potest absolvere à censura Canonis, 13. p. 321.
 Et Capitulum, Sede Vacante, 14. p. 322.
 Prælati Regularis non absolvit suum subditum, qui percussit Clericum Sæcularem, 15. ibi.
 A quo absolvatur Regularis percussiens Regularem alterius Ordinis, 18. p. 323.
 Moniales exemptæ absolvuntur ab Episcopo, vel Prælato Regulari, cui subsunt, 19. ibi.
 Superior localis non potest absolvere Religiosum sibi subditum, 21. ib.
 Qui per jocum Clericum percutit, non ligatur censura, 9. p. 319.
 Pueri habentes vsu rationis, censure innodantur, ib.
 Factum debet esse externum consummatum, ut censura liget, 2. p. 316.
 Sufficit vestes animo injurandi tangere, ib.
 Regulares à Generali, vel Provinciali absolvuntur, 20. p. 323.
Privilegium fori. Clerici etiam Primæ Tonsuræ eo gaudent, 6. p. 153.
 Et in Sacris constituti, quamvis habitum, & tonsuram non deferant, 8. ibi.
 Clericus pensionarius non deferens habitum, & tonsuram, eo privatur, 10. ibi.
 Repertus sine habitu, solitus tamen ipsum deferre, ab eo protegitur, 12. p. 154.
 Clericus privatus privilegio fori, non est privatus illo Canonis, 17. p. 155.
 Clerici conjugati gaudent privilegio fori, 18. ib.
 Factus Clericus post patratum delictum, etiam pro eo gaudet, 19. p. 156.
 Judicium, an Clericus habitum in fraudem reassumpserit, spectat ad Episcopum, 19. ad 2. p. 156.
 Personæ gaudentes privilegio fori, 34. p. 160.
Probatio. Clericatus probatur etiam per testes, vel litteras, 14. p. 154.
 Concludens probatio simoniæ confurgit per indubitatas præsumptiones, 34. p. 399.
 In criminibus debet esse luce meridiana clarius, 36. p. 424.
Processio. Regulares tenentur accedere ad processiones solemnes, 2. 4. & 5. p. 324.
 Extra ambitum suarum Ecclesiarum faciunt pro-

cessionem de licentia Episcopi, 3. ibi. & 6. p. 25.
 Distantes ultra medium milliær à Civitate accedunt ad processiones, ubi est consuetudo, 8. ib.
 Etiam Regulares facere possunt extra claustra processionem infra octavam Corporis Christi, sed horis distinctis, 9. ib.
 Processiones Regularium non debent transire per Ecclesias Monialium, 12. p. 326.
Processus. Facti permanentis non incipiendus, nisi constet de corpore delicti, 47. p. 426.
 Annullatur propter interrogationes suggestivas, 67. p. 431.
 Apud Min processus non conservantur ultra semestrem, 80. p. 433.
 In Curia Episcopali compilatur processus super delicto à Religioso, extra claustra commissio, 22. p. 455. & seq.
Professio. Legitimat pro Ordinibus, non pro Prælaturis, 17. p. 283.
 Est contractus ultro, citroque obligatorius, 1. p. 327.
 Ad validam requiritur libertas, ibi.
 Peccant recipientes ad professionem ante 16. annum ætatis completum, 2. ib.
 Debet emitti in manibus potentis Ordini incorporare, 3. p. 328.
 Tacita non est à Tridentino sublata, 6. ib.
 Professus nulliter, quando tacitè professionem ratificare dicatur, 7. ibi. & seq.
 Laici validè emittunt professionem ante annum vigesimum ætatis, 8. p. 329. & 330.
 Emissa metu mortis est valida, 9. p. 330.
 Non reclamans intra quinquennium non censetur ratificare professionem, etiam si suscipiat Sacros Ordines, 16. p. 332.
 Causæ nullitatis professionis produci debent coram Ordinario, & Superioribus Conventus Novitatus, 17. p. 333.
 Professio ab initio nulla ratificatur absque novo consensu Religionis, ib.
 Ad professionem requiritur consensus majoris partis Capituli, 19 & 20. p. 334.
 Receptus pro Laico in Novitatu potest ad statum Clericalem transire, 21. p. 335.
 Laicus professus pro transitu ad Clericatum est examinandus super Litteratura, 22. & 23. ibid.
Vide v. Metus.
Proposio. Reprobatae propositiones adversus primatum Romani Pontificis, 17. p. 210.
 Et Quietistæ, 6. p. 222.
 ac Jansenii, 5. ib.
 Et illa tribuës D. Paulo primatui Ecclesiæ, 15. p. 225.
 Et quòd Papa non habeat potestatem indirectam in temporalia Principum, 4. p. 212.
Protestatio. Adiecta libro præservat Authorem ab errore, 38. p. 369.
 Illa Authoris operi adiecta, 14. p. 462.
Puella. Non recipitur in Monasterio educanda nisi de licentia S. Congr. 4. & 7. 251. & seq.
 Cum Superiore recipiente vota non afficit Vicarius

riu Generalis, 7. ibi.
In receptione Superior non habet votū, 6. p. 252.
Moriens in Monasterio, in eo non sepelitur, 8. ib.
Vide v. Monialis.

Q *Quarta funeralis.* Solvitur juxta consuetudinem, 1. & 2. p. 336.
Non solvitur de candelis, quæ dantur ad manus Fratrum, 5. & 6. p. 337.
Ad eam tenentur Conventus erecti 40. annis ante Trident. 7. p. 338.
Parocho incumbit probare Regulares teneri ad solvendam quartam, 9. ib.
An Conventus fundati post publicationem Concilii teneantur ad quartam, 10. p. 339.
Debetur Parocho ob funus translatum, 12. ib.
Solvitur Parocho, qui defuncto solitus fuit Sacramenta ministrare, 13. ibi.
Quæstio. Non sit extra districtū Conventus, 2. p. 339.
Licentia quæstuandi præsumitur data in erectione Conventus, 4. p. 340.
Extra diocesim est opus cōsensu Ordinarii 6. ibi.
Episcopus potest impedire superfluas quæstuationes, 7. & 8. ib.

R *Recurfus.* Ad Superiorem in casu injusti gravaminis, 12. p. 18.
Cautela pro Religiosis recurrentibus, 18. p. 19.
Gravatus à Superiore locali non potest recurrere ad Judicem conservatorem, 19. ib.
Apostoli non conceduntur ad legitimandos recurfus Religiosorum, 9. p. 22.
Reditus. Clerici sunt domini reddituum Ecclesiasticorum, 3. p. 342.
Ex bonis Ecclesiasticis possunt pro se necessaria sumere, 5. p. 343.
Tenentur superfluum ex redditibus in pias causas erogare, ibi.
Possidentes patrimonium possunt de redditibus beneficiorum vivere, 9. ib.
Congrua sustentatio non est restricta ad arctam vivendi formam, 12. p. 344.
Empta ex redditibus beneficii spectant ad Ecclesiam, 17. p. 345.
An consanguinei possint aliquid dare, 13. p. 344.
Religiosus assumptus ad Episcopatum est administrator fructuum beneficii, 18. p. 346.
Redditus annui computantur inter immobilia, 17. p. 233.
Regimen. Ecclesiæ non est Aristocraticum, 10. p. 223.
Nec Democraticum, 11. ib.
Bonè verò Monarchium, 14. p. 224.
Monarchium est pacis amicum, ib.
Dignior pro regimine nō est sanctior, vel doctior sed magis idoneus ad regendum, 47. p. 126.

Regula S. Francisci. S. Franciscus interdixit glossas in sua Regula, 1. p. 106.
Instructio super præceptis Regulæ danda emissuris professionem, 10. §. 7. p. 108.
Persona inteposita nomine Fratrum expendit pecunias 28. p. 114. & seq.
Modi congruentes ipsi Regulæ quinam sint, 26. pag. 355.
Indulta contraria Regulæ revocantur, 2. p. 106.
Vestimentum Fratrum in Regula præscribitur, 5. §. 2. p. 107.
Regulares. Reverentiam Episcopis exhibent, 39. p. 461.
Existentis intra Claustra non convenitur coram Ordinario, 24. p. 456.
Non possunt renunciare privilegio exemptionis, 3. p. 447.
Sunt coadjutores Episcoporum, ibi.
Non opponunt exemptionem adversus delegatum Papæ, 27. p. 458.
Bona degentium extra claustra pertinent ad Cameram Apostolicam, 55. p. 417. 37. p. 461.
Ab Episcopis charitativè tractandi, 39. ib.
Degentes in claustris capturati à Curia Episcopali ad suos Superiores remittuntur, 22. p. 455. & seq.
Delinquentes in Monasterio cum scandalo populi censentur peccare extra, ibi.
Eorum exemptio est notoria, 2. p. 446.
In Italia non absolviunt à casibus Sedi Apostolicæ reservatis, 7. p. 6.
Pro reservatis Episcopo egent hujus licentia, 5. ib.
Approbati in Diocesi B. egent alia in Diocesi A. 5. p. 26.
Sine approbatione Episcopi possunt audire confessiones eorum, qui sunt sibi commensales, 10. pag. 27.
Non approbantur ab Episcopis, nisi à Superioribus eis presententur, 18. p. 29.
An excipiens confessionē Regularis alterius Ordinis debeat esse approbatus ab Episcopo, 19. ibi.
Subditi tenentur celebrare secundum intentionem Prælati, 57. p. 67.
In claustris Oratoria debent in locis decentibus erigere, 81. p. 74.
Absque obedientialibus non recedunt à Conventibus, 13. p. 18.
Absque illis reperti possunt ab Episcopis puniri, 28. p. 459.
Non possunt alienare res sine licentia S. Congr. 3. p. 350.
Decedentes extra claustra de ea deferuntur, 29. ad 10. p. 36.
Quæ sacramenta in suis domibus secularibus non ministrent, 57. ad 17. p. 138.
Cum causa possunt suspendi ab audiendis confessionibus, 60. ad 2. ibi.
Possunt à suis Prælati celsuris coerceri, 27. p. 458.
Regularis promotus ad Episcopatum non desinit esse Religiosus 17. p. 345.

Rerum maximè notabilium.

Minor. de Observ. & Capuccini constituunt speciem eorum nihil proprii habentium, 22. p. 45.
Vide v. Clausurum, Episcopus, Examen.
Reliquia. Ab Episcopo recognoscenda, 6. p. 438.
 Sine Beneficito Apolico non alienantur, 14. pag. 353.
Reus. Ante sententiam auditur, 50. p. 127.
 Excommunicatus ante examen absolvitur cum reincidentia, 59. p. 130.
 Examinatur extra carceres, 61. p. 429.
 Ei conceditur patronus, 66. p. 430. & 70. p. 431.
 Torquendo conceduntur defensiones, ib.
 Judex potest ei patronum assignare 75. p. 432.
 De rei absolutione, 77. & 78. p. 432. & seq.
Residentia. An in Parochia suppleatur per substitutum, 9. p. 291.
 Parochus noctempore noctis potest abesse à Parochia, ad 2. p. 292.
 Cause excusantes à continuitate residendi, 10. ibi.
 Pro absentia ad duos menses est necessaria licentia Episcopi, 11. ibi.
 Beneficiati debent personaliter residere, ut fructus percipiant, 20. 21. 23. p. 346. & 38. 39. pag. 348.
Restitutio. Recipiens distributiones extra casus permisos tenetur restituere, 33. pag. 347. & sequent.
 Idem de possessorem malæ fidei, 34. p. 348.
 Emens res Ecclesiæ absque solemnitate eas restituit, etiam ante sententiâ judicis, 20. & 21. p. 354.
 Accipientes à beneficiatis non tenentur restituere 16. p. 345.
 Simoniacè recipiens beneficium, debet etiam fructus restituere, 45. p. 390.
 Beneficiatus non recitans Horas Canonicas restituit fructus beneficii ad ratam omissionis ante sententiam judicis, 10. p. 382.
 Pretium receptum simoniacè simonia mentali restituitur, 40. p. 389.
 Sed non ei qui dedit, 44. p. 390.
 Retinens partem elemosynæ receptæ pro celebratione, tenetur restituere, 48. p. 63. & seq.
Ritus. Quo exponitur privatim SS. Sacramentum, 28. p. 134.
 Decreta S.R.C. sunt regula Sac. Rituum, 16. p. 150.
Roma. Communis Patria, 4. p. 152.
Rota. Ejus votum in materia Legatorum Fratrum Minor 27. p. 237.
Rubrica. Sunt regula proxima Rituum, 17. p. 151.
 Præceptivæ obligant sub mortali, 18. ibi.

S

Sacerdos. Extra articulum mortis non potest absolvere à reservatis Episcopi, & Sedi Apostolicæ, absque speciali commissione, 8. p. 6.
 Non approbatus non absolvit à venialibus, 10. p. 27.

Neque a Mortalibus aliàs confessis, 17. p. 29.
 In mortis articulo, præsentè approbato, non approbatus non potest confessiones excipere, 13. pag. 28.
 Regulares debent benignè in suis Ecclesiis recipere Sacerdotes seculares, 5. p. 50.
 Exteri, & peregrini non admittuntur ad celebrandum, nisi visis testimonialibus, 6. ibi.
 Sacerdos secularis ex debito celebraturus certis diebus in Ecclesiis Regularium providet de necessariis 7. ibi.
 Bis in die non potest celebrare, 48. pag. 390. & sequent.
 Excommunicatus denunciatus non potest in articulo mortis absolvere, 19. p. 3.
Sacra Congregatio Rev. Fabrica. Potest sibi vendicare proprietatem legatorum directè relictorum Fratrum Minor. 9. p. 228.
 Elapso biennio, & hæredibus non solventibus potest exigere præstationes non solutas, 11. p. 229.
Sacramentum Eucharistia. In Parochialibus, & à Regularibus asservatur in Altari majore, 4. p. 441.
 Religiosis ægrotis extra Conventus, vel hospitia, à Parocho administratur Extrema unctio, & Viaticum, 8. p. 358.
Vide v. Eucharistia.
Sacrificium. Est in eo triplex valor, generalissimus, specialis, specialissimus, 52. p. 65.
 Valor ipsius quoad applicationem, & effectum non est infinitus 56. p. 66.
 Valor specialis est debitus danti stipendium, 53. pag. 65.
Sacristia. Habens Altare ad celebrandum dicitur Capella Ecclesiæ, 12. p. 33.
 Mutilis in Sacristia, in qua est Altare ad celebrandum, non gaudet immunitate, 7. p. 165.
Sanctum Officium. Index faciens processum, si emergat casus ad S. Officium spectans, desinit, & denunciat Inquisitoribus, 25. p. 422.
 Reprobavit folia cum titulo, *Lotto spirituale Orc.* 31. p. 187.
 Prælati Regulares non possunt impedire suos subditos, ne S. Officio denuncient denundianos, 9. p. 442.
 Et ipsi eos denunciare tenentur, ibi.
Sanctus. Ut quis in Ecclesia militanti habeatur pro Sancto, requiruntur, merita, & miracula, 4. p. 361.
Sanitas. Miraculosa reddenda statim, & cum totali virium restauratione, 13. p. 364.
Scandalum. Propter scandalum, & delictum potest Episcopus Ecclesias Regularium interdicare 27. p. 458.
Scriptura. Authentica, quæ sit, 18. & 30. p. 196.
Secretum. In confessione Sacramentali acceptum non licet aperire, 48. p. 416.
Sedilia. Ad ponenda nova sedilia in Ecclesia seculari est necessaria licentia Episcopi, 18. p. 85.
 Se-

Sedes laicorum debent esse extra presbyterium, 3. p. 194.
Senes. Vegeti sæpè sunt aptiores pro regimine, 8. p. 306.
Sensus. Naturalis, & obvius est, quem verba expriment, 2. p. 220. & 5. p. 222.
Sententia. Definitiva ponit finem causæ, 14. p. 18.
 Nulla rescinditur à Superiore Judice, 9. p. 420.
 A sententia privationis Parochiæ ob non residentiam non datur appellatio quoad suspensivum, 9. p. 291.
 Nulla non transit in rem judicatam, 85. p. 434.
 Absolvens ab observatione iudicii non absolvit à causâ, ib.
 Lata contra jus legis est nulla, ib.
 Definitoria fertur de voto consultoris, 77. p. 432.
 Hic ille esse non debet, qui elaboraverit defensiones favore rei, 71. p. 431.
Sepultura. Ecclesiæ Regularium habent jus sepulture, 8. p. 370.
 An illi possint renunciare, 2. ib.
 Debet esse remota ab Altaribus, 5. p. 372.
 Episcopi, inelecta sepultura, sepeliuntur in Cathedrali, 12. p. 374.
 Vbi sepeliendus habitans æquè principaliter ruri, & in Civitate, 13. ibi.
 Sæculares decedentes in Monasteriis Regularium non sepeliuntur in Ecclesiâ Conventus, 14. ib.
 Religiosus expulsus potest sibi eligere sepulturam, 19. p. 376.
 Contrates sepeliuntur in Parochiali, nisi sepulturam alibi sibi eligant, 20. ibi. & 30. ad 7. pag. 379.
 Pater eligere potest sepulturam filio impuberi, & quid de matre, 22. p. 376. 24. p. 377.
 Decedens sine electione sepultura sepelitur in sepulchro majorum, 23. p. 376. 30. ad 8. p. 379.
 Electio sepulture alterius voluntati non committitur, 27. p. 378.
 Clericis, & Religiosis est prohibitum inducere ad eligendam sepulturam in suis Ecclesiis, 28. ib.
 Electio sepulture non præsumitur, 30. ib.
 Valet electio facta coram Parocho cum duobus testibus, ib. ad 1. & 5.
 Volentes cum habitu Religioso sepeliri, ex hoc præcisè non sepeliuntur apud Regulares, ib. ad 9. p. 379.
 Cadavera fidelium in sepultura non relinquenda ob mortuaria non soluta, 13. p. 144.
 Patroni non habent jus sepulture, nisi in foundatione illud sibi reservent, 67. p. 205.
 In Ecclesiis exterioribus Monialium non sepeliuntur corpora virorum, vel mulierum, 9. p. 252.
 Agitur de sepultura tẽpore interdicti, 6. & 7. p. 189.
Vide v. Cardinales.
Sigillum. Personarum in dignitate Ecclesiastica est authenticum, 28. p. 199.
 Corruptum, & incognitum non probat, 29. ib.
 Contusionis nunquam frangendum, 48. p. 416.
 Notitia indignitatis habita ex confessione Sacra

mentali non præjudicat eligendo, 4. p. 118.
Silentium. Obsequioso non satisfat Constitutionibus Apostolicis, 4. p. 221.
Simonia. Tria ad simoniam necessaria, 2. p. 380.
 Non est accipere stipendium pro celebratione Missæ, 61. p. 68.
 Nec pro concionibus, 14. p. 85.
 Nec dotes à monachandis, 13. p. 253.
 In venditione juris patronatus committitur simonia, 47. p. 203.
 Jus percipiendi fructus beneficii est invendibile, 11. p. 382.
 Est simonia conferre aliquod pretio æstimabile pro resignatione, & permutatione beneficii, 10. ib.
 Et recipere expensas factas in allocatione beneficii, 20. p. 384.
 Et redimere vexationem à potente concurrere ad collationem juris spiritualis, 22. ib. 25. pag. 396. & seq.
 Simonia non est exigere, quæ de jure debentur, 31. p. 386.
 Committi potest in resignatione pensionis, 15. p. 293.
 Fundare beneficium, ut sibi conferatur, est simonia, 30. p. 386.
 Item resignare beneficia in confidentiâ, 35. p. 387.
 Hæc committitur per accessum, & ingressum, &c. ib.
 Simonia realis inducit excommunicationem Patris reservatam, 43. p. 389.
 Non verò mentalis, 38. p. 388.
 Bene verò confidentialis, & aliæ poenæ, 43. p. 389.
 Provifus simoniace etiam ignoranter, tenetur beneficium dimittere, 8. & 14. p. 393. & seq. 41. p. 399.
 Simonia tolli simonia non potest, 18. p. 365.
Singularitas. Testium triplex, 54. p. 428.
Spirituale. Jus patronatus unde dicatur spirituale, 1. p. 193. & 47. p. 203.
 Et qua ratione electio, 1. p. 392.
 Quid veniat per spirituale positum in definitione simoniæ, 2. p. 380.
Statutum. Laicale non ligat Ecclesiasticos, 16. p. 42. & 25. p. 262.
 Eos gravans per indirectum, revocandum, vel declarandum, ib.
 Temporis varietate variatur, 5. p. 220.
Stipendium. Plura pro eodem sacrificio non recipiuntur, 12. p. 51.
 Non recipiendum pro labore intrinseco conexo cum celebratione, 61. p. 68.
 Exhibens servitium, ut loco stipendii recipiat beneficium, est simoniacus, 23. & 24. p. 385.
Stola. Cum ea Parochus non ingreditur Ecclesias Regularium, 3. ad 2. p. 141.
 Et audiuntur confessiones, etiam per Regulares, 19. p. 453.
Subornatio. Invalidat electionem, 33. p. 123.
 Prohibetur etiam, ut eligatur dignus, ib.
Subreptio. Quid importet, 9. p. 291.

Rerum maximè notabilium.

Substitutio. Est secundi hæredis nominatio, 33 p. 413.

In fideicommissaria hæreditas de fertur substituto ministerio hæredis, 34. ibi.

Substitutus. Substituto non præjudicant filii naturales, 38. p. 424.

Nec Monasterium, in quo hæres professionem emittit, 39. ibi.

Suffragium. Etiam unitis pecunia venditum totam electionem corrumpit, 16. p. 394.

Illud excommunicati ignorantibus nõ nocet, ibi.

Suffragia absentium non suppleuntur per procuratorem, 19. p. 19. & seq.

Surdus. Est ineligibilis ad Prælaturas, 10. p. 307.

Suspensio. Privat exercitio officii Ecclesiastici, 17. p. 192.

Suspensus ab ordine Sacerdotali potest exercere officium Diaconatus, 22. p. 284.

Ab ordine inferiori suspensus, & a superiore suspensus intelligitur, 23. p. 285.

A divinis incurrit irregularitatem, si exerceat actum Ordini sacro proprium, 25. ibi.

Non potest eligi ad Prælaturas, 15. p. 308.

Nec potest eligere, ibi.

Suspensus ab Ordine indefinitè privat quovis Ordinum usu, ibi.

Sustentatio. Congrua, quæ sit, 12. p. 344.

Syndicus Apostolicus. Potest pernoctare in Conventibus Frat. Min. 22. p. 105.

Vfus Syndici non est dispensatio in Reg. la Frat. Min. 9. §. 6. p. 108. & 25. p. 113.

Nomine Romanæ Ecclesiæ recipit elemosynas pecuniarias, & ejusdem autoritate eas expendit, 28. p. 113. & 34. p. 114.

Non permittendum, ut plus apud eum deponatur, quam necessitas Fratrum ferat, 30. p. 113.

Syndicus est Oeconomus Sedis Apostolicæ, 28. ibi.

Generalis, & Provincialis nominant Syndicos, 36. p. 114.

Et Procurator, & Commissarius Curie pro suis officiis, 1. p. 400.

Instructiones dādæ Syndicis à Fratribus, 40. p. 115.

Fratres non possunt à Syndicis computas juridicè exigere, 44. p. 115.

Gaudet privilegio fori, 2. p. 400.

Convenitur corā judice conservatore, ibi & §. 1.

Est exemptus à repræfaliis, 5. p. 403.

Necquit cogi ad munia communitatis, 4. p. 402.

Non potest alienare Capellas, & sepulturas Fratrum, 27. p. 355.

Nec bona stabilia pro Fratribus retinere, 35. p. 240.

Nec pro illis hæres institui, 33. ibi.

Nec cum hæredibus se componere, 34. ibi.

Conventus, præter Syndicum, possunt habere substitutum, 8. p. 403.

Si Syndicus sit persona Ecclesiastica, non eximitur à jurisdictione Ordinarii, 9. p. 403.

Synodus. Diocesana caret autoritate adversus

privilegia Regularium, 3. pag. 447.

Regulares non Parochi non possunt ab Episcopo compelli, ut accedant ad synodum, 20. p. 133.

Diocesana vulnerans ipsorum privilegia adversatur Tridentino, 3. p. 447.

T

T Abella. Onerum Missarum retinenda in Sacristia, 32. p. 58.

Tempus. Ad appellandum præfixum, 7. p. 22.

Prorogatum pro Lectura Decretor. de celebrat. Missar. 7. p. 442.

Et pro Lectura eorum ad S. Officium spectantur. ibi. & 8.

Quinquennium præfixum ad reclamandum contra validitatem professionis, 16. p. 332.

In testamentis ad pias causas non est de necessitate, 58. p. 417.

Quantum temporis importet illud, intra breve tempus, 47. p. 62.

Tertiaria. Habentes qualitates requisitas gaudent privilegio fori, 3. p. 404. 4. p. 405.

Sepeliuntur in proprio sepulchro, 3. §. 5. p. 404.

Protegentur à privilegio Canonis, 5. p. 405.

Tertiarii Degentes in propriis domibus possunt tempore interdicti admitti à Regularibus in suis Ecclesiis, dū divina officia celebrantur, 15. p. 192.

Non gaudent privilegio fori, 1. p. 403.

Forum professionis formula, 9. p. 405.

Subjiciuntur Conventualibus, & Observantibus, 12. p. 406.

Testamentum. In quo Fratres Min. de Obser. instituuntur hæredes, est nullum, 32. p. 239.

Morte confirmatur, 1. p. 408.

Nuncupativum fit viva voce, 3. ibi.

In condito ad pias causas hæres est causa pia, 5. p. 409.

Impugnari non potest ex defectu septem testium, 6. ibi.

Testes sunt solum de probatione, 8. ibi.

Religiosi nõ possunt condere testamenta, 54. p. 416.

Nec Clerici de bonis Ecclesiasticis, 57. p. 417.

Secundum testamentum rumpit prius factum, 60. ibi.

Rasura non vitiat testamentum, si substantia non varietur. 61. ibi.

Testis. Secularis non examinatur à Regulari, nisi de licentia Superiorum illius, 47. p. 426.

Repetitio testium ex parte fisci est solemnitas, ex parte rei est de substantia, 66. p. 430.

Quando legitimari censeantur, ibi.

Unicus non probat, 51. p. 427.

Item non juratus, 16. p. 305. & 49. p. 427.

Testes seorsum examinantur, 17. p. 355. 9. p. 427.

Ut sint testes, debent concordare in substantiis, 19. p. 365.

Titulus. Gesta cum titulo colorato, quando sint valida, 13. p. 245. & 21. p. 310.

Index Reru in maximè notabilium.

Ordinatus cum titulo fiduciario quis dicatur , 36. p. 281.
Vide v. Cardinales .
Tolerantia . Non infert consensum Sedis Apostolicæ , 27. p. 262. & seq.
 Nec inducit approbationem , ib.
Tortura . Prærequirit semiplenam probationem , 70. p. 431.
 Torquendo dantur defensiones , ib.
 A decreto de tortura datur appellatio , 16. p. 19.
Transactio . Est species alienationis , 3. p. 350.
Transitus . Ad aliam Religionem fit de licentia Sedis Apostolicæ , 25. p. 335.
 Item ad Ordinem Militarem , 26. p. 336.
Translatio . Annunciatio B. M. V. occurrens feria 6. Parasceves , & Sabbato-Sancto , transfertur ad fer. 2. post Dominicam in Albis , 9. p. 148.
 An translatio Conventus impugnari possit , 9. p. 101.
Trebellianica . Est quarta pars hereditatis , quæ deducitur à fideicommissis , 31. p. 413.
 Hæres gravatus fideicommissio sibi retinet Trebellianicam , 36. ib.
 Non deducitur , si causa pia substituitur , 37. ib.
Tunica . Sanctus Franciscus in secundo capitulo suæ Regulæ permittit , iis qui voluerint habere duas tunicas , unam cum caputio , & aliam sine caputio , 48. p. 116.

V

Verbum, Possit, & Valeat. In ultima voluntate inducit obligationem , 49. p. 416.
Vexatio . Quando licitè redimatur , 21. p. 384. & 25. p. 396. & seq.
Vicarius Capitularis . Potest ex causa licentias audiendi confessiones revocare , & approbatos iterùm examinare , 14. p. 28.
 Non potest se ingerere circa ea , quæ competunt Episcopo jure delegationis , 24. p. 247.
 Potest visitare clausuram Monasteriorum Monialium de regimine Regularium , 37. p. 461.
Vicarius Generalis . Habens speciale mandatum potest ingredi Monasteria Monialium de regimine Regularium pro visitatione clausuræ , 9. p. 79.
 Potest à Regularibus eligi Conservator , 4. p. 93. & seq.
 In quo habeat idem Tribunal cum Episcopo , 22. p. 247.
 Circa plura eget speciali mandato , 23. ib.
 In causis delegatis Episcopo non procedit , nisi illi subdelegantur , 24. ib.
 Eget speciali deputatione , ut absolvat ab iis , ad quæ à Trid. cap. 16. sess. 24. Episcopis datur facultas , 42. p. 287.

Habet jurisdictionem in Conventibus suppressis , ad 10. p. 449.
 An delegatio facta Vicario transeat ad successorum , 29. p. 248. & seq.
Vigilia . S. Matthiæ occurrens feria 3. Baccanaliū non anticipatur , 11. p. 149.
 Occurrens vigilia S. Joannis Baptiste in die Corporis Christi anticipatur feria 14. 12. ib.
Vir . Constans quis dicatur , 10. p. 330.
 Viri nequeunt ultra triduum pernoctare in Conventibus Frat. Min. de Obser. 20. p. 104. & seq.
Vis . Absoluta , & coactio . omnem consensum excludit , 12. p. 331.
Visitatio . Episcopus non potest in Ecclesiis Monialium exemptarum visitare Oleum Sanctum , SS. Sacramentum , Confessionalia , & sepulturas , 11. ad 2. p. 80.
 Visitationi præmittitur absolutio defunctorum , 2. p. 437. & 3. p. 441.
Visitor . Non potest recusari , nisi judicialiter procedat , vel modum excedat in corrigendo , 3. & seq. p. 436.
 Non gravat subditos , 15. & 16. p. 444.
 Diligentè per visitationem Ecclesiæ Parochialis , 3. & seq. p. 437.
 Interrogationes faciendæ Regularibus , 6. p. 441. Et Monialibus , 2. p. 444.
 Visitatori cibaria quomodo paranda , 17. p. 444.
Virtutes Theologicæ . Deus illis colitur , p. 361.
 Fides præsupponitur dilectioni charitatis , 6. p. 362.
 Quid sit Deum gratis amare ? ib.
 Fides , & Spes Charitate formata , 5. p. 361.
 Fides est fundamentum justificationis , 29. p. 367.
 Imperium virtuale charitatis quid importet , 7. p. 362.
Voluntas . Testatrix in uno potest esse perfecta , licet quoad alia non sit , 12. & 13. p. 410.
 Est omnino implenda , cum de ea constet , 8. & 9. p. 409. & seq.
 Bis exploratur in monachanda , 10. 11. & 12. p. 253.
Votum . Regulares non possunt commutare vota Summo Pontifici reservata , 11. p. 7.
 Nec vota promissoria jurata , & perseverantia , ib.
 Entitens votum simplex castitatis , debitum petere non potest , 10. p. 33.
 Solemnizatur per professionem Religiosam , & susceptionem Ordinis Sacri , 1. p. 327.
 Solum propositum non constituit votum , 10. p. 405.
 Votum simplex castitatis non includit alia duobus paupertatis , & obedientiæ , 3. S. 3. p. 404.
 Valet emissum metu mortis , 9. p. 330.
 Jesuitæ post emissà vota simplicia sunt vere Religiosi , 31. p. 280.
Vxor . Sepelitur cum viro , 26. p. 377.
 Potest hui eligere sepulturam , ib.

F I N I S.



Matthæus
Officialis
Cur. Eccle.